





*significam le prime
tre carte
15199*

Ex Bibliotheca
majori Coll. Rom.
Societ. Jesu

14-13.E.29

73.3.18

*45 44
112 52*

Coll. Thom. Soc. L. m. 1711.

APOPHTHEGMA


TVM EX OPTIMIS

VTRIVSQUE LINGVAE

ex legatis SCRIPTORIBVS, *Card. h. s. f. d. h.*

~~De scriptoribus et locis~~
quorum collectorum, Loci
Communes,

Ad ordinem alphabeticum redacti.



LVGDVNI,
Apud Ioannem Frellonium,

1556.

APOTHECARY

TAMMEXORTIMIS

ATRIASOVE LINGVA

SECRETORIBUS

~~XXXXXXXXXXXXXXXXXXXX~~

XXXXXX collection, 1001

Continues

Adm. ordinis apothecariorum vobis



LADY M.

Apud locum in Throno


1777

CANDIDO LECTORI.

En habes in hoc uolumine, amice lector, clarissimorum Philosophorum, Oratorum, Imperatorum, Regum, Principum, Ducum, sanctorum Patrum, Pontificum, priuatorumque hominum, selectissima, non tantum ex utriusque linguae scriptoribus ueteribus, sed neotericis etiam cxxx numero autoribus, Apophthegmata, siue insignia de rebus diuersis, quae in communi hominum uita agitantur, Responsa: tam apte atque concinne in Locorum communium ordines (additis ubique autorum testimonijs) disposita, ut siue publice, siue priuatim dicturus, instructissimum Promptuarium habeas, ex quo exornandae atque amplificandae orationis materiam, atque ipsos quasi nervos depromas. Opus sane non tantum in Ecclesia concionatoribus, atq; declamatoribus in scholis, sed omnibus etiam bonarum atq; honestissimarum artium amatoribus, propter civilis etiam uitae usum, non minus utile quam necessarium, iam primum in lucem editum.

* *

2



THOMAS NAOGEOR-
gus Lectoribus.

Dicta olim ueterum mixtim collegit ERASMVVS,

Vnde ingens studijs prodiit utilitas.

Olim ea CONRADVS nidis communibus aptè

Disposuit, curis auxit & illa suis:

Vnde lucrum maius facies studiosa inuentus,

Quòd certo inuenies condita quæque loco.

Scilicet ut prodest aptè digesta supellex,

Quum citius quicquid flagitat usus adest:

Sic habet in studijs, quum facta argutæque dicta

In classes retines quæque redacta suas.

Ergo LYCOSTHENE dignas persoluito grates,

Cuius ita assidua ritè inuuaris ope.

TITVLORVM, SIVE LOCORVM COM-

munium Index.

A



DE Abſtinentia	1	no	46
de Abusu rerum		de Amicitia regum & principi	
pernicioso	4	pum	51
de Accuſatione	6	de Amicitia neglecta, aut vio-	
de Admonitione		lata	52
ibidem.		de Amicitia falſa, quæ in rebus	
de Adulatione & Aſſentatio-		aduerſis declaratur	53
ne	7	de Amicorum electione	56
de Adulatoribus non admit-		de Amico caſtigatore	57
tendis	15	de Amicorum rebus commu-	
de Adulantium libertate	16	nibus	58
de Adulterio	17	de Animalium brutorum ſo-	
de Adulterio cum deformoſiſ-		lertia	ibid.
ſima commiſſo	19	de Amore inhoneſto atq; im-	
de Adulterii remedio	ibid.	pudico	59
de Aegrotatione	20	de Amoris parum honeſtis re-	
de Aemulatione	21	mediis	61
de Aenigmatibus	22	de Amantium ira & odio ibi.	
de Aequalitate	23	de Amore coniugali	176
de Aerario & fiſco	25	de Amore honeſto	62
de Affabilitate	25	de Amore ſui, quem Græci φι-	
de Affabilitate neglecta	26	λοφίαρ vocant	63
de Affectatione verborum ibi.		de eo quod à ſubditis Amari	
de Affectibus humanis	28	melius ſit, quàm metui	64
de Affectibus priuatis	29	de Animæ immortalitate	65
de Affectibus noſtris, qui in a-		de Animi bonis accultu	67
liis probantur	29	de Animose dictis	72
de Affectibus frenandis	30	de Aqua luſtrali, quam Græci	
de Agricultura	31	κατακλινασθαι vocant	77
de Alea	34	de Arcanis non temerè effu-	
de Ambiguè dictis	35	tiendis	ibid.
de Ambitione	41	de Argutè dictis	78
de Ambitione ex ſordibus	44	de Artibus ſuperuacaneis &	
de Amicitia, atque amico bo-		inutilibus	88
			de Ar

BIBLIOTECA NAZ.
ROMA
VITTORIO EMANUELE

I N D E X

de Artium contemptu	69	de Candidè dictis	138
Artem, quam quisque nouit, exerceat	90	de Castigatione, correctione & reprehensione	138
de Aspectu incauto	91	de Castigatione modesta	140
de Aspectu, & oculis	1087	de Castigatione libera	141
de affluetudine	92	de Castigatione dura	142
de Astrologia & Astronomia	93	de Castigatione iniquo animo lata	143
de Astutia	94	de Castitate	ibidem
de Asylis & impunitatibus	94	de Celeritate atque velocitate agendi	145
de Auaritia	96	de Charitate	146
de Audacia	105	de Ciuilitate	ibidem
de Auditu & auditoribus	109	de Claudicatione	149
de Auguriis	110	de Clementia	150
de Aulica vita	111	de Cognitione sui	163
de Autoritate	113	de Collega inutili	165
B		de Coitu & Venere	ibidem
D E Baluè	114	de Comitatu	166
de Barba	115	de Commendatione	167
de Barbarie	116	de Comœdiæ libertate	168
de Beatitudine	117	de Compatientia	169
Ante mortem Beatus nemo iu dicandus	118	de Concordia	ibidem
de Belli studio	119	de Confessione	173
de Belli pernicie	121	de Coniugio & matrimonio	174
de Bellicis sumptibus	122	de Coniugali amore	176
de Beneficentia	123	de Coniugii molestiis	177
de Beneficio in dignos collato	127	de Coniugio iterato	178
de Beneficio indignis collato	128	de Conscientia bona	179
de Beneuolentia	ibidem	de Conscientia mala	181
de Bibendi ratione	296	de Consilio bono	182
de Bono viro	129	de Consilio secreto	183
de Breuiloquentia	131	de Consilio præcipitato	184
C		de Consilio senili	185
D E Cæcitate	134	de Consilio bono, sed contem- pto	186
de Callidè dictis	135	de Consilio bono, sed parum honesto	ibidem
de Calumnia	136	de Consilio in melius muta-	to
de Canicie	137		

INDEX

to	187	de Defensione	231
de Confilio malo, ac consultori pessimo	188	de Deditione	ibidem
de Consiliariis regum ac prin- cipum	189	de Dediscendi difficultate	ibi.
de Consolatione	191	de Degeneratione	232
de Constantia	ibidem	de Delatione	234
de Constantia in re turpi	195	de Democratia	235
de Constantia piorum in cruce	849	de Deposito	235
de Consuetudine	195	de Desperatione	ibidem
de Consuetudine loquendi	196	de Deo	236
de Contemptu & irrisione	196.	de Deo aeterno	237
527		de Dei providentia	916
de Continentia	197	de Deo immutabili	238
de Contumacia	199	de Deo & omnipotente & viden te omnia	ibidem
de contumelia	ibidem	de Deo semper colendo	240
de Conuictu & conuersatione	200	de Deo, dona sua inæqualiter distribuyente	ibidem
de eo quòd Conuictus malorū non semper obsit	201	de Deorum simulachris, statuis atque imaginibus	1023
de Conuiuuiis	ibidem	de Desidia	874
de Conuiciis	203	de Detrectatione	661
de Conuiciis in ipsum authore retortis	204	de Dialectica	241
de Corporis forma & pulchri- tudine	370	de Diffidentia	244
de Correctione	216	de Diligentia	ibidem
de Crepitu ventris	217	de Diligentia nimia	ibidem
de Crudelitate	218	de Discendi cupiditate	246
de Cunctatione in rebus agen- dis	222	de Discipulo docili	249
de Curiositate	224	de Discipulo indocili	ibidem
D		de Discipulorum erga præce- ptores pietate	250
DE damno accepto	226	de Discipulorum erga præce- ptores parsimonia	251
de Deambulatione	ibide	de Discipulorum frequentia & numero	ibidem
de Debitoribus soluendis	227	de Discordia	252
de Decoro vbique ac in omni- bus obseruando	228	de Disputationibus, aut qua- stionibus friuolis atque inu- tilibus	252
		de Dissimulatione	1006
		de Diuinatione	255
		de Diui	

INDEX

de Diuitiis ac opibus	258	302	
de Diuitiarum vfu	264	de Ebrietatis remediis	303
de Diuitiarum abufu	265	de Educatione & institutione fi-	
de Diuite, fed indocto	266	liorum	304
de Diuitiarum atque opū con-		de Educatione filiorum negle-	
temptu	ibidem	cta	313
de Docilitate	270	de Eleemofyna	314
de Doctrina & eruditione	271	de Electione	315
de Doctrina & eruditione, quę		de Eloquentia	317
vt ſemper incolumis eſt, ita		de Epiftolis	318
etiam vbique habetur in		de Errore & lapſu	320
precio	272	de Eruditione	279
de Doctrina factis diſſentanea		de Exactionibus & tributis	321
	281	de Excufatione	322
de Dolo & fraude	284	de Exercitatione ingenii	323
de Domini præſentia	ibidem	de Exercitatione corporis	ibi-
de Dono & muneribus	285	de Exilio	325
de Dote	ibidem	de Exilio fortiter ferendo	326
de Bono belli duce	286	de Experientia rerum	328
de Duce externo	289	de Exprobratione	ibidem
de Duce ſene	ibidem		F
de Ducis prudentia & vigilan-		D E facete & iocoſe dictis	
tia	ibidem	329	
de Ducis præſentia, quę multū		de Fama bona	347
confert ad victoriam	290	de Fama & rumore falſo	348
de Duce ſtrenuo atque infra-		de Fame & ſiti	349
cto	291	de Familiaritate	351
de Duce, qui vitę ſuę non de-		de Faſtu	ibidem
bet eſſe prodigus	293	de Famulis	353
de Ducis pietate erga milites		de Fato	352
	294	de Fauore	353
de Duce bono non facile mu-		de Fauore arte & largitionibus	
tando	295	captato	ibidem
de Duce malo & ignauo	ibidē	de Feriis & diebus feſtis	354
	E	de Fide ſeruanda	ibidem
D E Ebrietate, vinolentia, &		de Fiducia ſui	356
bibendi ratione	296	de Fiducia artis	357
de Ebrietati condonato errore		de Fiducia poteſtatis	360
	301	de Fiducia meritorum	ibid.
de Ebrietatis variis affectibus		de Filiis, ſiue liberis	362
		de Fi	

I N D E X

de Filiorum pietate in parentes	363	de Gratitudine in Deum	436
de Filiorum impietate in parentes	365	de Grauitate dictis	437
de Filiorum abdicatione	366	de Gubernatione	444
de Fine vbiq̃ spectando	367	de Gula	445
de Felicitate	368	H	
de Formæ similitudine	1006	D E Hæreticis fugiēdis	445
de Formæ & pulchritudine corporis	370	de Hilaritate	446
de Fortitudine domestica	374	de Historia	ibidem
de Fortitudine heroica & militari	380	de Histrionica	447
de Fortuna	397	de Hypocrisi	448
de Fortunæ inconstantia & mutatione	398	de Homine	449
de Fortuna aduersa æquo animo ferenda	402	de Hominibus suum officium non facientibus	ibidem
de Fratribus	403	de Hominis miseria & fragilitate	451
de Frugalitate	404	de Homuncionibus	456
de Fūco	416	de Honestate	ibidem
de Fuga	417	de Honore virtutis præmio	457
de Fuga excusata	421	de Honore artibus, & eruditio ni exhibito	459
de Furto	422	de Honore negato	ibidem
G		de Honore ex necessitate oblato	460
D E Garrulitate & loquacitate	425	de Honore momentaneo ibid.	
de Generis obscuritate	426	de Honoris priuatione	461
de Generosè dictis	427	de Honore absq̃ vtilitate ibid.	
de Gesticulatione	428	de Honore contemptu ibid.	
de Geometria	430	de Hospitalitate	465
de Gladio, gladiatoribus, atq̃ armis	430	de Hostibus & inimicis	ibid.
de Gloria & eius artis amore	ibidem	de Hostibus fraude, astu, ac do lo vincendis	466
de Gloriæ contemptu	433	de Hostibus non contemnendis	467
de Græcis	434	de Hostibus non crudeliter tractandis	468
de Grammaticis	ibidem	de Humanitate	471
de Gratitudine	ibidem	de Humanitate nimia	472
		de Humilitate	472
		De iact	

INDEX

I		tatis & virtutis comes est	
D E Iactantia	473	ibidem	
de Ignauia	474	de locosè dictis	515
de Ignobilitate & obscuritate generis	476	de iracundia	522
de Ignoscentia	477	de Iracundia cohibenda	523
de Imaginibus Deorum	1023	de Irrisione	527
de Imitatione	477	de iudice bono & incorrupto	529
de Imperio administrando	478	de Iudice malo & corrupto	532
de Imperio difficulter administrando	486	de Iudice incauto	533
de Impietate	487	de Iudice nimis exacto ibidem	
de Impudentia	488	de Iudicio iusto non temere mutando	534
de Impudicitia	489	de Iudicio in re ignota non ferendo	534
de Impunitate	ibid. & 493	de Iuramento vel iureiurando	537
de Incessu	490	de Iurisprudencia	539
de Inconstantia & leuitate	490	de Iustitia	540
de Inconstantia & libidine foeda	491 & 617	L	
de Indole excelsa	492	D E Labore	548
de Indulgentia & impunitate	493	de Larginone	908
de Industria	ibidem	de Lasciuia	552
de Infamia	494	de Latrocinio	556
de Inferno	495	de Laude, virtutis stimulo	553
de infœlicitate	ibidem	de Laudis cupiditate	554
de Ingenio	496	de Laudis contemptu	556
de Ingratitudine	ibidem	de laude à bonis viris profecta	557
de Ignauia	874	de Laude à malis hominibus profecta	558
de Initiatione sacerdotali	501	de Laude ab inimico & hoste profecta	559
de Iniuria	502	de laude à seipso profecta	560
de Innocentia	ibidem	de Laude propter vtilitatem	ibidem
de Inscitia	506	de Lauticiis	561
de Institutione filiorum	304	de Lectionis delectu	ibidem
de Integritate vitæ	506	de Legatione	568
de Intemperantia	508	de Legibus	570
de Interpretibus	509		de Leg
de Interrogatione absurda & inepta	ibidem		
Inuidia, quæ plerunque fœlici			

INDEX.

de Legum authoritate & ob- seruatione	571	de Magnificentia	661
de Legum neglectu	579	de Maledicentia, detractatio- ne, ac mordacitate	ibidem
de Legum renouatione & ab- rogatione	579	de Malicia	669
de Lepidè dictis	ibidem	de Mancipiis	675
de Leuitate & inconstancia	490	de Mansuetudine	676
de Liberalitate	582	de Mathefi	677
de Liberè dictis, & parrhesia loquendi	588	de Matrimonio & coniugio	174
de Libertate tuenda	613	de Medicina	788
de Libertate nimia	617	de Medicina contempta	780
de Libidine fœda	617.491	de Mediocritate	682.715
de Librorum fiducia & multi- tudine	619	de Memoria	683
de Licentia	ibidem	de Mendacio	684
de Lingua, garrulitate & lo- quacitate nimia	620	de Mendacio vrbane excusato	686
de Lite & contentione	630	de Mendicitate & mendican- tibus	687
Litigare, contendere, aut lu- dere cum potèrioribus, pe- riculosum	ibidem	de Mentè	689
de Locatione in honorum di- stributione	632	de Mercedis cupiditate	ibidè
de Loquacitate	425	de Meretricum natura & mo- ribus	692
de Lucro	634	de Metu & timore, vel timidi- tate	695
de Luctu	636	de Militia & militibus	697
de Lusibus	636	de Militum in rebus agendis	699
de Luxuria, luxu & voluptate	637	de ignauia	702
		de Militari disciplina	709
		de Minis	707
		de Moderatione animi	713
		de Modestia	ibidem
		de Modestè dictis	ibidem
		de Modo & mediocritate	815

M

D E Magistratu & guber- natione Reipub.	652	de Mollicie	716
de Magistratuum electione	657	de Monarchia	719
de Magistratuum curis	658	de Morbis animi	ibidem
de Magistratu breui	660	de Morbis corporis	720
		de Moribus	ibidem
		de Morum diuersitate	722

INDEX.

de Moribus in melius mutan-
dis ibidem
de Moribus mutatis in peius

723

de Morionibus ac stultis 724

de Morte ibidem

de Morte contemnenda 730

de Morientium monitis & do-

ctrinis 743

de Mortis & somni cognatio-
ne ibidem

de Morte generosa 744

de Morte generosa non deflen-
da 745

de Morte suorum equo animo
ferenda 749

de Mortuis non lædendis 750

de Mulierum natura & mori-
bus 751

de Munere exiguo non conte-
mnendo 753

de Munerum corruptela 755

de Munerum contemptu 757

de Mundo 765

de Musica laudata ibidem

de Musica contempta & irrita
767

de Musica exquisita & nimis
artificiosa 772

de Mutationibus in Republi.
& Ecclesia perniciosis 775

de Mutuo 774

N

DE Naribus 775

de Natandi peritia 776

de Natiuitate omnibus homi-
nibus communi 776

de Natura ibidem

de Nauigationis periculo 773

de Necessitate 780

de Negotiorum multitudine,
qua in diuersa distrahitur

homo 781

de Nobilitate generis ibidem

de Nobilitate vera 782

de Nominum varia interpre-
tatione & mutatione 786

de Nominis immortalitate
788

de Nocte ibidem

de Nouitatis delectatione 789

de Nunciis 790

de Nuptiis secundis ibidem

O

DE Obedientia 790

de Obefis, vel pinguedi-
ne 792

de Obiurgatione 793

de Obluione ibidem

de Occasione non negligenda
794

de Ocio honesto 795

de Oculis & visu 1087

de Ocio inhonesto fugiendo 796

de Odio 800

de Oeconomia ibidem

de Officio bene collocando
802

de Ominibus 803

de Opinione quæ in virum sa-
pientem non cadit ibidem

de Oraculis 804

de Orationis vehementia ibidem

de Oratione, siue precatione
hominis ad Deum 890

de Oratione nimis elaborata
805

de Oratione incompressa 807

de Oratione, quæ parum ad
rem 808

de Ora

INDEX.

de Oratione aliena	809	piorum in cruce	849
de Oratione extēporali	809	de Persuasione	852
de Orationis habitu, prō re & tempore variando	810	de Pertinacia	853
de Oratoribus	811	de petitione honesta	ibidem
de Ordine	812	de Petitionibus parum hone- stis	854
de Osculo	813	de Philosophiæ usu & utilitate	860
de Ostentatione	813	de Philosophis	869
de Ostentis	814	de Physiognomia	870
P		de Pictura & pictoribus	872
DE Pace	814	de Pigritia, ignauia, atque de- sidia	874
de Pallore	816	de Podagra	ibidem
de Parentū amore in filios	816	de Poena malis infligenda	876
de Parentum seueritate in fi- lios	817	de Poena mitigata	878
Par pari relatum	819	de Poenitentia	879
de Parricidio	821	de Poēsi	ibidem
de Parsimonia	822	de Poetica fīctione	881
de Partis probè custodiendis	824	de Potestate & potentia	882
de Patientia doloris	ibidem	de Potestate breui	883
de Patientia iniurię	828	de Præceptore bono ac fideli	884
de Patriæ obscuritate	830	de Præceptoribus malis & in- doctis	886
de Patria quæ forti viro est v- bique	831	de Præconibus laudum	887
de Patriæ amore	ibidem	de Præda militari	ibidem
de Patria fortiter propugnā- da	833	de Præmio virtutis	888
de Patriæ neglectu	848	de Præsagiis	890
de impietate in Patriam	ibidē	de Precatione, siue oratione ho- minis ad Deum	ibidem
de Patrię impietate in suos	839	de Principe bono, ac eius in re- gni administratione offi- cio	892
de Patronis	840	de Principe malo	905
de Paupertate	ibidem	de Principum satellitio	975
de Peculatu	844	de Principio rerum agēdarum duro	906
de Pecunia	845	de Probitate	907
de Peregrinationibus	846	de Probitate damnata	ibidem
de Perfectione	848		
de Periculo vitando	ibidem		
de Perseuerantia	ibidem		
de perseuerantia & constantia			

INDEX.

de Prodigalitate, profusione & largitione	908	de Religione neglecta	948
de Proditione	911	de Reprehensione	138
de Promissionibus	913	de Repulsa	948
de Pronunciatione	914	de Responfo duro & absurdo	949
de Prouidentia Dei	916	de Responfo repentino	950
de Prouidentia hominum in rebus agendis	ibid.	de Reuerentia	ibid.
de Prudentia	918	de Rhetorica	ibid.
de Prudenter dictis	919	de Rifu	951
de Publicis negotiis priuatis anteponendis	921	de Robore corporis	952
de Pudicitia	922	de Rubore	ibid.
de Pudicitia coniugali	ibid.	S	
de Pudore & verecundia	925	DE Sacrificiis	953
de Pudore præpostero	ibid.	de Sacrilegio	ibid.
de Pudore mutili	926	de Sagittandi peritia	955
de Pueritia insigni	927	de Salsè dictis	ibid.
de Pulchritudine corporis	370	de Saltatione	963
Q		de Sanitate & valetudine bonæ	965
DE Quiete	928	de Sapientia	966
de Quæstionibus friuolis	252	de Sapienter dictis	968
de Quæstionibus & tormentis	1041	de Satellitio principum	975
R		de Scortatione	976
DE Rapacitate	928	de Scortis	692
de Ratione	929	de Securitate	979
de Ratione reddenda	ibid.	de Seditione	ibid.
de Reconciliatione	ibid.	de Senectute	980
de Recreatione, vel Relaxatione	930	de Senectute viuida & animosa	982
de Regno & Regibus	931	de Senectute imbecilla	984
de Regnandi libidine	935	de Senectute honoranda	985
de regno virtute parando	940	de Senectutis fiducia	986
de Regno virtute stabiliendo	944	de Sepultura	987
de Responfo ab inexpectato	941	de Serijs negotiis in vinolentis conuiuio non tractandis	990
de Religione seruata	946	de Sermone, animi speculo, ac indice	991
		de Seruis ac famulis	993
		de Seruo fideli	994
		de Ser	

INDEX.

de Senorum multitudine & turba	996
de Senis non abutendis	997
de Seueritate	998
de Seuerè dictis	999
de Sexu	ibid.
de Silètio & taciturnitate	1000
de Similitudine formæ	1006
de Simulatione & dissimulatione	ibid.
de Simultate Reipub. pernicio	1007
de Sobrietate	1010
de Solœcismo	1012
de Solerter dictis	ibid.
de Solitudine, & vita solitaria	1014
de Somni & mortis cognatione	643
de Somno	1015
de Somno & eius interpretatione	ibid.
de Sophistica	1017
de Sorte	1020
de Speculo	ibid.
de Spectaculis	ibid.
de Spe	1021
de Statuis, simulachris atque imaginibus Deorum	1023
de Statuarum vanitate & contemptu	1024
de Stulticia, qua mortales delictantur, relictis & contemptis rebus seriis	1026
de Sumptibus supernacaneis	1026
de Superbia	1028
de Superbia ex sordibus	1032
de Superstitione	ibid.
de Suspicionem vitanda	1035

T

DE Taciturnitate & silentio	1000
de Temeritate	1036
de Temperantia	1037
de Templorum ornatu	1038
de Tempore & eius iactura	1039
de Testimonio & testibus	1040
de Timore vel Timiditate	695
de Tormentis & questionibus	1041
de Tragœdia	ibid.
de Tranquillitate animi	1042
de Tributis & exactionibus	321
de Triumphis	1043
de Trophæis	1044
de Tyrannide	ibid.

V

DE Vafre dictis	1051
de Valetudine bona	965
de Velocitate agendi	145
de Venere illicita	165
de Venia delicti	1052
de Ventris studio	1053
de Verberibus	ibid.
de Verborum obscuritate	1054
de Verecundia & pudore.	925. 1055
de Veritate	1055
de eo quod Veritatis simplex sit oratio	1056
de eo quod Veritas odium pariat	1057
de Vestitu	1058
de Vetulis	1063
de Vicariis	1064
de Vicinis	ibid.
de Victoria	1065
de Victoria non astu aut infi-	

INDEX

diis, sed virtute paranda		genda	1095
1067		de Vnguentis	1107
de Victoria incruenta	1070	de Voce atque clamore	1109
de Victoria non ex multitu-		de Voluptate	637
dine militum metienda	1071	de Voracitate	1110
de Victoriæ moderatione		de Votis	1111
1074		de Vrbanitate	1112
de Victoriæ insolentia	1078	de Vrbium munitionibus ibi.	
de Vigilantia	ibid.	de Vſura & ſcœnore	1113
de Vino	1079	de Vtilitate	1115
de Vinolentia	296	de Vulgi natura, moribus & iu-	
de Virtute	1080	dicio	1116
de Virtutis præmiis	457	de Vulnere & cicatrice	1119
de eo quòd Virtus in actione		de Vxoribus	1120
conſiſtit	1085	de Vxore eligenda	1121
de Vi vel Violentia	1086	de Vxore ducenda	1123
de Viſu, aſpectu & oculis	1087	de Vxore non ducenda	ibid.
de Vita humana	1089	de Vxore moroſa, imperioſa,	
de Vita ſolitaria	1014	ac moleſta	1126
de Vitæ cupiditate	1090		
de Vitiis	1091		
de Vltione & vindicta	ibid.		
de Vltione & Vindicta negli-			

Z

DE Zelotypia 1130

ERRATA

fol. 2. linea 3. Them iſtoclis 3. l. 30. Plinius. f. 4. l. 4. miniſteriis. fo.
9. l. penult. Socratis. 149. 4. familiarem Peripateticis, Peripateti
co. fol. 325. linea vltima lege Quoniam. fol. 546. l. 2. inuita.

CANDIDO LECTORI PHI-

LIPPVS BECHIVS.

PArs hominum præceps cæco iactatur amore,
 In res ambigua quæ leuitate scatent.
 Est qui despiciat Musas, puerilia tractans:
 Est qui virtutis dogmata sancta neget.
 Sunt quibus in vetitis mens est, quibus alea cordi,
 Rara fides quorum tangere corda potest.
 Somniat hic gazas, lucta furit alter, & armis:
 Alter equis gaudens, ocia vana terit.
 Ast alii Veneris sectantur castra potentis:
 Iuncta quæ; nectareis vina iocosa cibis.
 Clara quæ nonnulli iactant sua stemmata auorum,
 Nomine qui solo progenie quæ tument.
 Extollunt alii Pario de marmore tecta,
 Et mira artificis signa peracta manu.
 Sed quosdam fucus nimium titillat honoris,
 — Ambitio multis exitiosa fuit.
 Sic alium vexat lucri dementia turpis:
 — Spes generat votis spem sine fine suis.
 Exultant alii blandas agitare choreas,
 Quæ tamen offendunt corda modesta nimis.
 Alter amat solidis vires celebrare lacertis,
 Alter amat læti prædia culta soli.
 — Plurima torquentur mortalia corpora morbis,
 A lauto solum multiplici quæ cibo.
 Multæ hominum facies, sic & diuersa videntur
 Corda, nec est expers qui quoque labis agat.
 Non virtus, pietas, mores curantur, & artes:
 Multorum fallax pectora sensus habet.
 Ergo si vitam cupis emendare priorem,
 Ac studiis rectè consuluisse tuis:
 Pessima quo sequeris studio, nunc dirige mentem
 Sedulus ad veterum grandia dicta *σοφῶν*.
 Sic fies (nisi fallar ego: sed non ego fallor)
 Gloria Pegasei, fama quæ certa chori.
 Vix autem meliora potes pernoscere scripta,
 Quam tibi **CONRADI** lingua diserta dedit.
 Quæ ipse quondam celebris conscripsit **ERASMVS**:

♦♦♦

Hæc te miranda nunc breuitate docet.
 Ac tibi distincto profert apophthegmata sensu,
 Magnorum quæ sunt dicta probata virum.
 Quæ magna pariter cura digessit & auxit,
 Vt ferret studiis commoda magna tuis.
 E quibus haurimus doctrinæ semina veræ:
 Hinc menti nostræ certa medela venst.
 Quid diuina velit, quid sentiat ethica virtus,
 Cernes, in certos ritè redacta locos.
 Ergo boni velut agricolæ mala germina tollunt,
 Plus ferat vt culmo liberiore seges:
 Sic leuibus spretis, studiose hæc scripta reuolue,
 Quæ sint formandis moribus apta malis.
 Nec tibi sufficiat semel euoluisse libellum,
 Quo ferre inde tibi commoda plura queas.
 Ac veluti scintillam inflando adiuueris ore,
 Continuò magnas elicis inde faces:
 Infusa sic animis virtutum semina cum quis
 Excitat, vbertim luxuriare facit.
 Dum potes hæc omni studio cole: sæpè morantem
 Agricolam glebas rumpere, fallit ager.
 Rumpe moras longas, quæcunque negocia fiunt
 Serius, inuita mente videntur agi.
 — Virtuti inuigila semper, moribusque probatis.
 ~ Athea displiceant, nec malè gesta probes,
 Cætera nam pereunt, & sunt obnoxia fato:
 — Sola manet virtus, ingenioque decus.
 Quod superest, magni fac dona LYCOSTHENIS ampla,
 Quæ sophiæ cultus ac monumenta docent.
 Atque illum, vitæ dum spiritus ossa fouebit,
 Integra semper religione coles.
 Et meritò, cum sit tam magno munere felix,
 Laudabis meritum pectore & ore simul.
 Qui tibi (si Deus annuerit, qui cuncta gubernat)
 Et maiora dabit, pluraque fortè dabit.

APOPHTHEGMA- TVM LOCI COM-

MVNES,

~~De abstinentia~~

De abstinentia.

Socratis dictum.



SOCRATES eum qui virtutem, tanquam patriam, intueri desiderabat, admonebat, vt abstinentissimam vitam agens, voluptates omnes, veluti Sirenes, fugeret. Stobæus serm. 3.

Eiusdem.

Socrates consulebat iis qui conuiuantes cupiditates frenare non poterant, vt abstinerent ab illis quæ persuaderent, vt non famescendo comederent, neq; sitiendo biberent. Hæc enim esse aiebat, quæ ventribus, caputibus atque animis noceant. Xenophon, de dictis & factis Socratis, Stobæus sermone 15.

Biantis.

Bias Prieneus beatum quidem eum esse dicebat, qui & diues esset, & cupitis potiretur. Sed eum qui nihil concupisceret, longè beatorem fore. Maximus sermo de 3. de Castitate.

Aristidis.

Aristides Milesius philosophus, quum Græcis tributa indixisset, tanto pauperior rediit, quantum absumpserat in peregrinatione. Atqui in tali genere functionis solent alii messem optimam metere. Eo magis ille cauit, ne quid suspicionis eiusmodi conflaret sibi. proinde suis impendiis rem gessit. Plut. in Græc. apoph.

Eiusdem.

Quum Themistocles irrideret Aristidis cōsiliū, hoc agentis vt census esset in tuto, dicens eam laudem non esse viri, sed scrinii tuto seruantis aurum: deinde summam boni ducis laudem definiret, scire ac præscire hostium consilia: Et istuc, in-

quit, & Themistocles faciendum est: sed in primis oportet habere manus abstinentes, atque hæc egregii ducis præcipua laus est. Hoc sermone taxauit Themistochis rapacitatem, & ostendit, a publico bono abstinendum esse omnibus. Plutarch. in vita Aristidis.

Anacharsis.

Anacharsis philosophi statuis atque imaginibus inscribebatur, γλῶσσι, γαστρί, αἰδοίῳ κρατὶ, id est, lingua, ventri, pudendis temperandum. Quod maximorum malorum causa sit lingua effrenis, & luxu nihil turpius, libido pecudem ex homine reddat. Laert. lib. 1. ca. 9.

Zenonis.

Zeno Cirtienfis ne per morbum quidem cibo magis delicioso fruendum opinatus est. Igitur medico columbinum pulum consulente, ipse consilii impatiens, non secus quam Manem, si ægrotaret, curari se iussit. Nimirum volebat, non se mollius tractandum, quam ægrum aliquem seruum. Si enim absque preciosis alimentis recuperare sanitatem serui possunt, quid idem nobis futurum prohiberet? Sanè indignum est, virum bonum vlllo se seruo molliorem præstare. Musonius, in libro de Alimentis. Stobæus sermone 15.

Democriti.

Democritus dicere solebat: Fortis est, non tantum hostium, sed & voluptatum victor. Stobæus sermone 15.

Eiusdem.

Democritus dicebat: Quemadmodum vnctio non quæ suauius est, aut longa, bona est, sed quæ sanat: sic cibus, non qui suauius, aut multus, bonus est, sed qui valetudinem tuetur. Maximus monachus sermone 27.

Eiusdem.

Idem dicebat, in capiendo cibo omnem celeritatem abesse oportere: hoc enim caninum est, bestiamque magis quam hominem decet. Maximus sermone 27.

Epicuri.

Epicurus, cum quæreretur, qua quis arte ditesceret: Non si præsentibus adiecerit, respondit, sed vsum ac necessitatem sibi persuasam circunciderit. Stobæus sermone 15.

Demosthenis.

Demosthenes dicebat, hoc esse perpetuum sapientis institutum, ut rationem cupiditatum dominam constituat. Stobæus ser. 15.

Cyri

Cyri regis.

Cyrus Persarum rex dicere solebat : Hi qui repentinis ab-
 stinent voluptatibus, non id agunt vt latentur nunquā, sed vt
 per hanc incontinentiam multo maiore in posterum tempus
 lætitia afficiantur. Brufonius libro primo, capite nono.

Alexandri Maced.

Alexander Macedo ob aquarum defectum in itinere siti la-
 borabat: ei igitur cum fortē oblata esset gālea aqua plena, vbi
 galeam in manus accepit, circumspectiē quos circa se habebat
 equites, demisso capite & fixis in potum oculis, ingustatam
 reddidit aquam. probatisque viris dixit: Si solus bibero, hos
 mīcor instigabit. Bruso. libro 1. cap. 9.

Catonis.

Cato senior quanuis complures vrbes cœpisset, nihilomi-
 nus tamen dicebat, hisce diebus quos in castris fuisset, nihilo
 plus accepisse, quā quæ ex hostiū agris comedisset ac bibis-
 set. Plutarchus.

Eiusdem.

Cato senior: Neque, inquit, mihi ædificatio, neq; vas, neque
 vestimentum vllum in manu preciosum, neque preciosus ser-
 nus, neque ancilla. Si quid est quo vtar, vtar: si non est, ego sum,
 quo cuique per me vtī atque frui licet. Brufonius libro primo,
 capite nono.

Pauli Aemylj.

Paulus Aemylus, insignis Ro. ex pecuniarum infinita vi, re-
 perta in castris hostium, ipse quidem nihil sibi sumpsit: Tube-
 roni tamen genero phialam pondere quinq; drachmarum, for-
 ti ter gestæ rei præmium dedit. Atque hoc primum, aiunt ar-
 genteum vasculum in Aeliorum domum fuisse ingressum. Mem-
 init huius Prinius libro 33. capite 11. Quanquam ait fuisse
 duo pocula: nec Tiberonem nominat, sed Caium Aelium. Vi-
 de Plutar. in Ro. apoph.

Iuliani Imperat.

Iulianus Imperator eunuchos. coquos, tonsores, ciecit è pa-
 latio. Rogatus quam ob causam: negauit sibi esse opus eunu-
 chis, cum vxor decelsisset: nec opus esse coquis, quod simplici-
 simis cibis vesceretur. De tonsoribus dixit, vnum multis suffi-
 cere. Eras. libro 8. apoph.

Alexandri imperat.

Alexander Seuerus imp. cursore nunquam vtebatur, nisi ser-

uo suo, dicens: Ingenuum currere nisi in sacro certamine non debere. Cocos item, piscatores, fullones, & balneatores non habuit nisi seruos suos: nolens quenquam ingenuum sordidis ministeriis dehonestare. Aelius Lampridius.

Rodolphi imperat.

Rodolphus imp. cum in eo bello, quod contra Ottacarum Bohemiarum regem gessit, potu laboraret cum toto exercitu, ferunt rustico (qui messoribus potum ferret) ablatam hydriam sicera plenam, atque imperatori oblatam. Quam cum ille vidisset: Reddite, inquit, homini vasculum suum. nam ego exercitui, non mihi sitiebam. Sicque sua abstinentia partim exercitum eo potu refocillauit, partim ad sitis patientiam inuitauit suo exemplo. Aeneas Syluius libro 3. commentariorum in res gestas Alphonſi.

Alphonſi regis.

Alphonſus Aragonum rex, cum fugato iam Iacobi Caudolæ exercitu, sine tentoriis ac commeatu (siquidem ex insperato aduenerat) pernoctare sub dio cogeretur, & Ioannes Esernitanus Alphonſi studiosus raphanum vnum, in tam magna militum inopia, & panem vnum cum dimidio caseoli Balearici, regi misisset, recusauit: Non decere, inquiens, imperatorem ieiunio exercitu mandere. Panormita li. 3. de rebus gestis Alphonſi.

Vasconis.

Pyrrhiniculus Vasco peregrè iter faciens, cum ad meritariam tabernam venisset, & apposita esset coena omni ex parte olitoria, cum vino dilutissimo, omniaque administrarentur quam parcissime, finita coena iussit ad se vocari medicum, ad mercedem capiendam. Igitur caupo cum respondisset: Ecquid malum, in viculo maximè agresti medicum requiris? Ibi ille: Num ò bone, te ipsum ignoras? quo sit igitur merces operæ suæ par, medici precium accipe, non cauponis. Sensit autem, frugalitatem sobrietatèque optimam hominis esse medicinam. Adrianus Barlandus.

Huc refer titulos Castitatis, Continentiæ, Frugalitatis, & Temperantiæ.

De abusu rerum pernicioso.

Aristippi.

AR istippus philosophus doctus, delectatus aliquando inſigni vnguento: Male sit, inquit, malis cinædis; qui rem tam bellam

bellam infamarunt: sentiens, multa per se bona, reiici culpa-
ventium malè. Laer. libro 2.

Theodori Athen.

Theodorus Atheniensis cognomento *ἀέτιος*, obiiicientibus q̃
doctrina ipsius multi redderentur deteriores: respōdit, id alio-
rum vitio accidere, qui doctrinam ipsius sinistra exciperent,
quum ipse dextra porrigeret. Hoc hominum genere hisce tem-
poribus plenus est mundus, quibus nihil tam circumspectè dici
potest, quod non deprauent ad calumniam. Refert Plutarchus,
in libello de Animi tranquillitate.

Diogeni.

Diogenes aliquando Platoni occurrit, caricas edens, eique
offerens dixit: Licet participem esse. quum acceptas edisseret.
Participem esse dixi, inquit, non deuorare, *μτασχεῖν ἐσθον οὐ
καταφαγῆν*. Hic iocus ad rem seriam potest accommodari, vi-
delicet in eos, qui principis, præceptoris, aut parentum permis-
sus abutuntur ad inconcessa. Veluti si quis admonitus, non esse
inutile degustare dialecticam, totam vitam ei impendat stu-
dio. Dictum ita refertur à Laertio, vt dubites vter alteri obtu-
lerit caricas. Laer. libro 6.

Epicteti.

Epictetus Stoicus philosophus, conspiciens quendam impu-
ris moribus audacem, confidenti lingua, improbo tamen stu-
dio philosophiæ disciplinas cōtrectare, inclamabat deum atq;
hominum fidem, his verbis increpans hominem: O homo, vide
quò mittas, num purgatum sit vas. Nam si ad arrogantiam ista
immiseris, interierint: si computruerint, in vrinam aut in ace-
tum vertentur, aut si quid his deterius. Sensit, eruditionem esse
perniciosa, si in animum inciderit prauis affectibus corru-
ptum: & quò quæquæ disciplina sanctior, hoc sit perniciosior,
si contigerit improbo. Velut bono theologo nihil melius, ma-
lo nihil pestilentius. Eras. libro septimo apoph. ex Gellii libro
17. capite 19.

Promethei.

Prometheus, vir prudentiss. quum ignem è cœlis in terras
deportasset, eumque primum visum Satyrus complecti vellet,
& exosculari: Heus, inquit, ni caues hirce, profecto dolebit tibi
mentum. Admonens, etiam quæ natura pulcherrima sunt, ma-
ximèque necessaria, tamen fieri perniciofa, nisi rectè vtaris.
Eramus 8. apoph.

De accusatione.

Demoſthenis.

Demoſthenes iuſſus ab Athenienſibus, vt quendam accuſaret, recuſauit: ſed facta in eum populi reclamatiōe, ſurrexit, ac dixit: Vos me, viri Athenienſes, conſultorem habebitis etiam inuiti: calumniatorem verò, ne ſi velitis quidem. Bruſonius libro 1. cap. 16.

Ciceronis.

M. T. Cicero, parens ille eloquentiæ, in Cælium melius diſferentem ac accuſantem, quàm defendentem crimina, vrbaniſſimè bonam dextram, malam verò Cælium ſiniſtram habere dicebat. Bruſonius libro 1. capite 16.

Cræſſi.

M. Cræſſus cum leui de cauſa nunc accuſator, nunc patronus in vna eadèmq; cauſa eſſet, Sicinius homo mordaciſſimus interrogatus, cur Cræſſum non ob id reprehenderet? Non facio, inquit, quandoquidem fœnum in cornu habet. Bruſonius libro primo capite 16.

De admonitione.

Thaleſis.

Thales Mileſius olim rogatus, quid eſſet facilè? Alterum, ait, admonere. Omnes, cum valemus, recta conſilia agrotis damus. Interpres perperam vertit, ab alio moneri, quum ſit, *ἀλλὰ ὁποτιὶν ἴσθαι*, hoc eſt, alteri dare conſilium. quis enim eſt tam ſtupidus, qui non admoneat alium? ſed ſibi pauci conſultunt. Eraſt. lib. 7. apoph. ex Lært. 1.

Zenonis.

Zeno Cittieus philoſophus, quodam in conuiuiο immoderatus vorante obſonia, neque quicquam aliis reliquum faciente, piſcem ingentem, qui apponebatur, è patina ſuſtulit, quali ſolus illum deuoraturus. Quum alter intuens Zenonem, ſignificaret ſe mirari impudentiam: Quid, inquit, putas conuiſtoribus tuis accidere quotidie, ſi meam opſophagiam ferre non potes? Lært. lib. 7. cap. 1.

Euſidem.

Quidam in conuiuiο accumbens Zenoni, cum qui ſub ipſo ſedebat, pulſabat pede. Zeno autem viciffim pulſabat illius genua, & ad ipſum conuerſus: Quid (inquid) putas hunc pati, qui

qui infra te accumbit? Ita multi offenduntur quamuis leui incommodo, quum alios ipsi maioribus afficiant, nec sentiant. Laër. lib. 7. cap. 1.

Anonymi.

Lacon quidam, cum à quodam audiuiſſet, Athenarum urbem Græciæ fulcimentum eſſe: Mox, ait, totam Græciam ruituram, ſi tali ſultura niteretur. Admonuit ſic, ut ab omni luxu abſtinerent, & tales eſſent, quales dicerentur. Plut. in apoph.

Diogenis.

Quidam in publico geſtans longam trabem, per imprudentiam percufferat Diogenem, mórque ex more dixit, Caue. At Diogenes: Num, inquit, me vis iterum percutere? Alii ſic narrant: Dicenti caue, baculum impegit in caput: & poſt ictû adiecit, Caue: par pari referens, nam ante laſionem dicendum erat, Caue. Laër. lib. 6.

Leonis.

Quum Philippus adornaret bellum aduerſus Byzantios, Leo adiit illum, percontans hunc in modum: Quid, inquit, accidit tibi Philippe, ut bellum iſtituas? Ut, inquit, tua patria, ciuitatum pulcherrima, huc adducatur, ut intelligat ſe à me diligi, eóque ad fores amaſiorum meorum venio. Ad hæc Leo: At qui redamari cupiunt, haudquaquam cum gladiis venire ſolent ad fores amaſiorum. Amantes enim non egent bellicis instrumentis, ſed ciuilibus. Hoc dicto in diuerſum flexo regis animo, patriam ſuam liberauit. Ita Philoſtrat.

Neronis.

Nero Romanorum Cæſar notatus eſt & à Dato Atellanarû hiſtrione, qui recitans canticum quoddam, *ὕψιον πάρις, ὕψιον πάρις*, ita demonſtrauit, ut bibentē natantēmq; faceret, exitiū C. Claudii & Agrippinæ ſignificans. Nam Nero C. Claudium veneno ſuſtulit, Agrippinam naufragio. Et in clauſula cantici recitans, Orcus vobis ducit pedes, geſtu ſenatum notauit hiſtro: ſubindicans, à Nerone imminere perniciem. Sueton.

Huc refer ea quæ ſunt ſub Tit. de Caſtigatiōe.

De adulatione & aſſentatione.

Pythagoræ.

Pythagoras potius gaudendum redarguentibus, quàm aſſentantibus dicebat: quos etiam hoſtibus deteriores iudicabat. Stob. ſerm. 12.

Aristidis.

Aristides dicere solebat: Ita est ingenium hominum, ut facile admittant eos, qui sciunt obsequi ac inferuire studiis cuiusque. Hi enim soli iam benigni, ac verè viri aestimantur. At contrà videre est, quàm rigidi putentur, qui ab omni assentandi studio alieni, modestiam inducere moluntur. Stobæus.

Aristippi.

Aristippus cum malè audisset a Diogene, quòd Dionysium coheret: Si Diogenes, inquit, sciret uti regibus, non vesceretur crudis in dies oleribus. Idem.

Antisthenis.

Antisthenes satius esse dicebat, incidere in coruos, quàm in parasitos. Hi enim viventis animum corrumpunt: illi solum mortui corpus. Stob. ser. 12. Laert. lib. 6. cap. 1. Brus. lib. 1. cap. 7. Hoc alii Diogeni adscribunt.

Eiusdem.

Idem aiebat, ut meretrices bona omnia præter mentem & prudentiam suis amatoribus imprecantur, eodem modo adulatores iis quibus cum agunt. Stob. serm. 12.

Democriti.

Democritus dicere solebat, rectè quidem facta laudare, honestum esse: mala verò laudibus vehere, adulterini esse animi, & impostoris. Stob. ser. 12.

Crateris.

Crates Thebanus parasitos *συναλκνωσιφάγος* appellabat (quasi quis Latine connuepulones dixerit) quòd omnium dictis facile inter epulas annuant. Stob. ser. 12.

Eiusdem.

Idem ad opulentum adolescentem, quem parasitorum comitabatur turba: A dollescēs, ait, miseret me tuæ solitudinis. Stob. serm. 12.

Eiusdem.

Idem, eos qui cum adulatoribus viuerent, aiebat esse desertos, non aliter, quàm vituli sunt inter lupos. Neque enim illos adesse quos oportet: neque cum iis qui adsunt habere societatem, quum sint insidiatores. Laert. lib. 6. cap. 5.

Bianti.

Colax Bianti stupido sic adulatus est: Plus bibisti quàm rex Alexander. Quod in Alexandro turpissimum erat, illi laudi tribuit. Neque enim statim laude dignum est, quod fit a principibus.

cipibus.Eraf.lib.8.Apoph.

Bionis.

Bion eos qui auscultarent adulatoribus, dicebat esse similes amphoris, quæ auribus circumaguntur.Eraf.8.Apoph.

Eiusdem.

Bion interrogatus,quod esset animal omnium maximè noxium? Si de feris,inquit,percunctaris, tyrannus: si de mitibus, adulator.Laer.lib.1.cap.6.

Diogenis.

Diogenes Cynicus,Oratores qui in summo precio apud Athenienses habebantur,vocabat turbæ ministros:quòd ad gratiam loqui cogerentur,ac seruiliter adulari stolidè multitudi-
ni.Laer.lib.6.

Eiusdem.

Idem,Orationem blandam, non ex animo proficiscentem, sed ad gratiam compositam,vocare solebat melleū laqueum, quòd blandè amplectens hominem iugulet.Laer.lib.6.

Eiusdem.

Idem aiebat,in assentatione,veluti sepulchro aut statua quam, nomen solum amicitiae inscriptum esse.Stob.ser.12.

Eiusdem.

Interrogatus Diogenes,quænam bestia morsum haberet omnium nocentissimum,respondit, si de feris interrogas, est obtrektor: si de mansuetis, est adulator. Nam obtrektor quidè præ se fert odium, adulator autem sub amici persona multo lædit grauius.Laer.lib.6.Stob.& Brus.lib.1.

Eiusdem.

Græci, si cui precantur exitium, iubent adire ad coruos, *ἰκέρωνας*. At Diogenes dicere solebat, multo periculosius esse incidere in assentatores, quàm in coruos. Dicti iucunditas perit nobis, quæ est in Græcarum vocum affinitate. Nam illi *ἰκέρωνας* appellant coruos, & vnica literula mutata *κέρωνας* adulatores. Hoc dictum tribuitur & Antistheni.Laer.Eraf.

Eiusdem.

Interrogatus, ob quæ facta canis nomen vulgo sortitus esset: Quoniam dantibus blardior, inquit, non dantibus oblatro, malos etiam mordeo.Laer.lib.6.

Eiusdem.

Diogenes Aristippum philosophum & Socratis discipulum vocabat regium canem, quòd Dionysio Siciliae tyranno adula-

retur. Est enim canis animal ad adulationem & assentationem promptissimum Laer. lib. 2. cap. 8.

Epicteti.

Epictetus audiens quendam adulatoribus facile suas aures præbentem: Corui, ait mortuorum cadaueribus oculos euehlunt, neque id iniuria, nullus enim vita functo luminis vsus est. At adultores viuentium animos corrumpentes, omnem illis visum adimunt. Stob. Antonius in Melissa part. 1. ser. 52. Maximus ser. 52.

Themistii.

Themistius philosophus cum videret Iouiani Romanorum imperatoris auiam assentatoribus planè refertam esse, perfacetè atque luculenter illos irridens, ex moribus deprehendi ait, purpuram ipsos magis quam Deum colere. Nicephorus Callistus lib. 10. cap. 42. hist. Eccles.

Platonis.

Plato, cum Diogenem offendisset, olera lauante, dixit illi ad aurem: Si Dionysio morem gessisses, profectò non lauares olera. Diogenes vicissim Platoni in aurem ait: Si tu lauares olera, Dionysio non inferuisses. Laer. lib. 6.

Demosthenis.

Demosthenes adulatorem in hoc differre dicebat à coruo, quòd hic mortuos, ille viuos deuoraret. Apud Græcos autem lepida paronomasia est inter *κόραξ* & *κύδαξ*. Simile est ei quod de Epicteto iam retulimus. Antonius in Melissa, part. 1. ser. 52. Maximus serm. 11.

Isocratis.

Isocrates adultores, vt impostores, odio esse habendos suadebat. Creditores enim vtrique in re quauis sibi credita fallunt. Stob. serm. 12. Maximus ser. 11.

Philonis.

Philon dicere solebat, fraudulentos adulatorum sermones auersandos esse, qui cum animæ rationem haberent, veritatem in rebus perspicere non sinant. Aut enim laudant vituperanda, aut vituperant sæpe quæ omnem laudem excellunt. Anto. in Melis. sermone 52. Max. sermone 11.

Apollonij.

Apollonius rogatus à rege Babyloniæ, qua ratione quietè imperio frui posset: respondit: Si paucis credideris. Voluit autem nihil aliud hoc indicare dicto, quàm nihil in administrando reg

do regno deterius esse, quàm si delatoribus & assentatoribus aures faciliè præbeantur. Brufon. lib. 3. cap. 13.

Pasfieni.

Crispus Passienus dicebat, adulationi non esse claudendum ostium, sed aperiendum, verum ut solet amicæ: quæ si impulsit, grata est: gravior, si effregit. Sensit, non probandos eos, qui prorsus non ferunt ullam adulationem: quam ut affectare turpe est, ita ingerentem se non oportet omnino repellere. Prodest enim in hoc, ut homo perspiciat qualis esse debeat. Eras. lib. 8. Apoph.

Photionis.

Photion Atheniensis, Antipatro petenti ut in gratiam suam faceret quiddam, quod cum iustitia non conveniret: Non potes, inquit, ô Antipater, Photone simul amico & adulatore uti. amicus enim non ad quidvis obsequitur, adulator autem in omnibus obsecundat. Plut. in Græcorum apoph. Anto. in Meliss. Max. serm. 11.

Aristonymi.

Aristonymus sæpenumero dicere solebat: Ligna, dum augent ignem, consumuntur ab ipso: Opes, dum alunt adulatores, ab eis ipsis perire. Stob. ser. 12.

Demarathi.

Demarathus, postquam cum ipso colloquium Orontes habuisset asperius, euidam dicenti, Asperius tecum egit Orontes, ô Demarathe: Nihil, inquit, in me peccaui. Siquidem qui ad gratiam colloquuntur, hi lædunt: non qui durius, cumque malevolentia verba faciunt. Intellexit vir prudens, nihil esse nocentius blandiloquio: quod ut non fallat, reddit hominem insolentem. atqui ex odio durius loquitur, adeò non lædit, ut interdum profit etiam, ei præsertim qui novit ex inimico decerpere fructum aliquem. Plut. in Laconicis.

Artaxerxis matris.

Parysatis, Cyri & Artaxerxis mater, præcipere solebat, ut rex palam ac liberè loquuturus, verbis byssinis uteretur: hoc est, magnificis ac mollibus. talis enim decet regem oratio, qualis est amictus. Eras. lib. 5. Apoph. ex Plutarchi regum & imperatorum apophthegmatibus.

Chirofophi.

Chirofophus Dionysii adulator, quum videret regem cum aliquot familiaribus ridentem, ipse quanquam longo abesset in

set interuallo, nec audiret, pariter risit. Rogauit Dionysius, nū audiret quæ dicerentur? negauit. Quur igitur, inquit, rides? Quoniam persuasum habeo, quicquid istuc est quod inter nos agitis, esse aliquid ridiculum. Ridicula Græcis dicuntur interdum, non deridenda, sed festiua. Eras. 6. apoph.

Clitophi.

Clitophus Philippo iacienti in ipsum scommata, & admodum hilari: Ergo posthac, inquit, te non alam. Lepidè inuertēs rem; nam reges in hoc alunt parasitos, vt illorum dictis exhilarentur. Quod si ipsi reges inter se norint ludere, & in alios ridicula dicere, nihil opus sit parasitis, quum ipsi norint parasitos agere, alioqui parasiti magis alunt reges, quàm reges parasitos. Quanquam Plutarchus in Sympotiacis ita refert. *ὁ δὲ ἐπὶ οὗ τοῦ πρῶτου*, id est, non ego te alo: notans regem, quòd verſa rerum vice pro rege ageret morionem: Tu me alis, vt ridiculis dictis te exhilarem, non ego te. Eras. 6. apoph.

Eudæmonici.

Alexander habebat Eudæmonicum philosophum, sed quous parasito adulantiore. Hic quum aliquando tonaret vehementer, adè vt omnes expauescerent, dixit Alexandro, Quin tu tale quippiam facis Alexander, fili Iouis? At ille non ferens tam abiecti philosophi vocem, ridens ait: Nolo enim formidabilis esse, quemadmodum tu me doces, qui satraparum ac regum capita me iubes super cœnam apponere. Sic Athenæus, Plutarchus in vita eius, secus aliquanto: Quid mihi succenses, quòd pisces apponam in conuiuio, ac non potius satraparum capita? Eras. lib. 6. apoph.

Alexandri Maced.

Alexander magnus cum in Hammonis templum venisset, sacerdos grandæuus illum salutauit: Salue fili, & hanc salutationem a Deo habeas. Tum Alexander: Lubens ò pater excipiam eam salutationem, & posthac lubens tuus ero filius, si mihi totius orbis imperium concesseris. Sacerdos autem cum se intro recepisset, quasi deum consuleret, respondit: Iouem id promittere quod petiisset. Iterum ab eodem scire cupiebat Alexâder, num eorum aliqui superessent, qui patrem Philippum interfecissent: ad quæ sacerdos ait: Interfectores iamduum dignas derunt pœnas, qui Philippum occiderunt, sed patri tuo nemo mortalium potest tendere infidias. Tales sunt hodie adulatotes qui sub prætextu pietatis, blandiloquio principes terrarum seducunt

ducunt, dum eos quasi deos extollunt, & mira adulatione ad quiduis tentandum extimulant, nullam aliam ob causam, quã vt ita principibus placeant: vt tamen nihil de dignitare, potestate, & autoritate illis decedat. Hanc historiam fulius leges apud Plut. in vita Alex.

Demetrii.

Libertinus quidam prædiues, facilem sibi fuisse viam aiebat ad diuitias, posteaquam pœnituerat ipsum bonæ mentis. Sed hanc illiberalem vocem Demetrius grauius castigauit, apud Senecam, per ironiam: ostendens commodissimam ad parandas opes viam, si quàm impudentissimè aduletur. Eras. libro 8. apoph.

Clitonis.

Quum Alexandrum se ob Cliti necem disruciantem videret Clito, inquit, Contigit iustitia quæ diis assidet: persuadere cupiens, quicquid à rege fieret, ius fasque esse. Nam & Alexander pro deo se haberi sustinebat. Laër. lib. nono, capite decimo.

Nicesiæ.

Nicesias Alexandro abigenti muscas, quòd ab illis diceret se morderi: Magis, inquit, ab aliis, quæ plus tui habent, gustato sanguine. Adulatores notauit, vt omnibus muscis plus fugentes. Eras. lib. 6. apoph.

Melanthi.

Melanthus Alexandri Pheræi parasitus, interrogatus quomodo fuisset interfectus Alexander, Per coxam, inquit, in meum ventrem: Sentiens, idem vulnus etiam suo inflictum ventri, cui iam erat esuriendum, mortuo qui consueuerat alere. Brufon. lib. 5. cap. 9.

Planci.

Plancus aiebat, non esse occultò aut dissimulanter blandiendum, quòd periret procatia si lateat. Sed fortasse pro procatia, quòd erat scriptum, legendum est procatio, vt sit sensus: Adulator vt procus capiat gratiam: procus autem si tam rectè ambiat, vt puella non sentiat, perdit operam. Eras. Rot. lib. 8. apoph.

Ciceronis.

Quum Crassus dixisset, Neminem Crassorum Romæ vixisse diutius annis sexaginta, deinde pœnitens eius sermonis diceret: Quid mihi accidit vt hoc dicerem? M. Tullius, Sciebas, inquit, Romanos hoc libenter audituros, & ista via venisti ad rempublicam gubernandam: duo significans; & Crassorum nomen inuisum esse

esse Romanis, & illum non virtute, sed blandiendo prouectum ad honores. Eras. 4. apoph.

Constantini imp.

Constantinus Romanorum imp. spadonum atque assentatum in principum aulis tantus erat hostis, vt eos tineas atque sorices palatij appellare crebro sit solitus. Nicephori interpretes & scholiastes, libro octauo, cap. 54. Ecclesiasti. hist.

Sigismundi imp.

Sigismundus imperator, assentatores se veluti pestes odisse cum diceret, Brunonius Neronensis respondit: Tamen nullum genus hominum magis amas, quàm adulatores. Tum Sigismundus: Vincis sanè, inquit. Ita enim natura comparatum est, vt cū vitādos esse adulatores dicimus, tum maximè illis hæreamus. Nam nec tu mecum tam diu fuisses, nisi meis moribus blandiri assueuisses. Aeneas Syluius de dictis Sigismundi & Friderici imp.

Eiusdem.

Idem, cum adulatores odio haberet, supra modum eum laudanti, & Diis similem esse dicenti, alapas dedit: dicentiq̃ue illi, Cur me cædis Imperator? Cur me, inquit Sigismundus, mordes adulator? Aeneas Syl. lib. 2. Commen. de reb. gest. Alphonfi.

Alphonfi regis.

Alphonfus Aragonum & Siciliae rex, adulatores lupis haud absimiles esse dicebat. Nam quemadmodum lupi titillando & scalpēdo asinos vorare soliti essent: ita adulatores ad perniciem principum blanditiis simul ac mendaciis intendere. Ant. Panormita. de reb. gest. Alphonfi lib. 3. & Aen. Syl. de eius dictis.

Eiusdem.

Idem ex Sicilia nauigans, cum vidisset garrias aues triremē circumuolantes, attentasq̃ue si quis bolus ē triremi decidēret, certatim illum arripere: quæq̃ue arripuisset, celeriter illam aufergere: conuersus ad suos, dixisse fertur: Per similes sunt his garrijs purpurati & curiales aliquot mei. Simulac enim aliquod munus aut beneficium dimicantes inuicem à me acceperint, profugiunt. Notauit autem elegantissimè assentatorū mores, qui vbique præstō sunt, dum quod accipiant, habemus in promptu: quo ablato, refugiunt, nunquam nisi vrgente necessitate redituri. Panormit. lib. 1. de rebus gestis Alphonfi.

Cossa.

Balthasar Cossa, qui pontificatum adeptus maximum,
Ioan

Ioannes tertius & vicesimus dictus est, sæpenumero supra modum laudatus, inquit: Quamuis ficta de me dici sentiam, tamen ijs quæ præclare de me prædicantur, plurimum oblector. Vnde sunt qui putant, non probandos esse, qui prorsus non ferunt vilam adulationem, quod in hoc profit, vt intelligat laudatus, qualis esse debeat. Aeneas Syl. libro 1. de dictis & factis. Alphonſi.

De adulatoribus non admittendis.

Timonis.

Timon Nicaeus, insignis philosophus, cum vidisset Arceſilaum inter assentatores euntem: Quid tu, inquit, venisti huc, vbi sumus nos, qui liberi sumus? Sensit vir prudentissimus, libertati nil magis obſtare, quam assentatores. Refert Laer. lib. 9. cap. 12.

Antigoni.

● Hermodotus, Antigonum in carmine scripserat Iouis filiū. Is hoc legens: Istius, inquit, rei nequaquam mihi conscius fuit Laſanophorus ille. perquam faceret ridens poeticam adulationem, pariq; modestia sui generis humilitatem agnoscens. Laſanum autem matula fictilis est. Quod si Iouis erat filius, ea res hactenus seſellerat & seruum matulam in cubiculo ferre solitum, & Antigonum filium. Plutarch. in Apoph.

Alexandri.

Aristobulus historicus librum conscripserat de rebus ab Alexandro Macedone gestis, in quo multa supra veri fidē adulantissimē affinxerat, cum quum illi in nauigatione recitasset, Alexander arreptum ē manibus librum, in fluuium Hydaspem demersit. & ad Aristobulum cōuersus: Tu, inquit, dignior eras, vt eodem præcipitareris, qui solus me sic pugnātem facis, ac vel vno iaculo interficis elephantem. Eras. lib. 8. Apoph.

Eiusdem.

Idem rupe capta, quum amici dicerent, illum egregijs gestis Herculem superasse: At ego, inquit, meas res gestas in imperio ne verbo quidem cū his quæ gessit Hercules arbitror cōferendas. Adulabantur illi, sed huius animo nulla satisfaciebat adulatio. Plutarch. in Apoph. regum & imperat.

Ciceronis.

Marcus Tullius Cicero, cuidam nuncianti, Caesaris amicos esse tristes: Hoc dicis, inquit, illos Caesari malē cognare. Irrisit adulan

adulantem nuncium, quasi Cæsariani rebus suis diffiderent, me tuerentque Pompeium. Plutar. in Romanor. apoph.

Augusti.

Augustus Romanorum imp. Tarraconensibus pro læto ostento ei nuntiantibus, quod in eius ara palma esset enata. Apparet, inquit, quam frequenter accendatis. Quod illi dijs tribui volebant, ille tribuit illorum negligentia, qui nunquam in ara Cæsaris adolerent incensum. Eras. 4. apoph. ex Suetonio.

Sfortia.

Quum quidam apud Sfortiam, ut eius sibi gratiam compararet, Tartaliam accusaret, quod in conuiuio quodam eius famam criminose lacerasset: Sfortia animaduertens adulatoris improbitatem, Non opus est, inquit, ut hac in re multum persuadendo me labores, quum Tartalia omnibus maledicat. Peracutè delatorem auertēs simul, & sua vitia Tartalia obiectās. Paulus Iouius de reb. gest. Sfortia. cap. 85.

Furnij.

Furnius Antonii partes sequutus fuerat. At posteaquam victoria celsit Augusto; metuens sibi, subornauit filium, qui à victore veniam peteret. Petiit, & impetrauit. Tum Furnius his verbis gratias Cæsari egit: Hæc vna ò Cæsar abs re mihi facta est iniuria, effecisti ut mihi & viuendum & moriendum sit ingrato, significans, tantam esse eius beneficii magnitudinem, ut nulla ex parte par esset referendæ gratiæ. Reprehensionis colore blanditus est principi. Eras. 8. Apoph.

De adulantium libertate.

Arcadionis.

ARcadion adulator, odio Philippi Macedonis spontè deseruit patriam. Euenit autem, ut Philippo Delphis agente, & ipse adesset. Eum ergo rex accersitum rogauit, Quousque fugies Arcadion? Donec, inquit, peruenero, ubi nemo norit Philippum. Quis non miretur eam libertatem in adulatore? Sed hac libertate delectatus rex, vocauit illum ad cœnā, itaque cum eo in gratiam rediit. Quanquam libertati suberat adulatio, subindicans Philippum nusquam non esse celebrem. Eras. lib. 6. Apoph.

Agidis.

Agis Argius adulator, videns Alexandrum ingentia munera dedisse cuidam rediculo, exclamauit: O rem vehementer absurdum

absurdam. Quum Alexander hac voce excitatus, dixisset, Quid tu ais? Fateor, inquit Agis, me pati non posse, quum videam vos è Ioue prognatos omnes pariter assentatoribus delectari. Siquidem & Iupiter Vulcanum habet pro morione: & Hercules Cercopibus, & Bacchus Silenis delectari consuevit. Tales videmus & apud te magni fieri. Pestilentissimum adulationis genus, sub libertatis imagine blandiri. Eras. 6. Apoph.

Anonymi.

Tiberio senatum ingrediente, surgens adulator quidam, exclamavit, esse liberè loquendum, nec reticenda quæ ad Rempublicam attinerent. Erectis ad hæc vocem omnibus, ipso etiã Tiberio attento: Audi, inquit, Cæsar, in quo te reprehendimus omnes, licet nullus audeat palàm fateri. Impendis te ipsum nobis, corpus tuum diurnis nocturnisque laboribus & curis pro Repub. conficiens. Huiusmodi multa quum diceret, sub libertatis prætextu turpiter adulans, C. Seuerus subiiecisse fertur: Ista tanta libertas hunc hominem dabit exitio. Eras. libro 6. Apoph. Brus. lib. 3. cap. 16.

De adulterio

Thaletis.

THales Milesius adultero sciscitanti, an abiuraturus esset adulterium? Non est, inquit, periurium adulterio peius. Significans, illum stultè dubitare de peierando, qui facinus periurio, par non dubitasset committere. Eoque in atrocibus sceleribus nihil ponderis habet iusiurandum. Quisquis enim audet dare venenum, audebit & cum periurio inficiari. Laert. lib. 1. Brus. lib. 1. cap. 4.

Adulteros, pete ex titulo de Libidine & Scottatione.

Diogenis.

Quum quidam Diogeni referrent, Didymonem mœchum comprehensum: Dignus est, inquit, ex ipso nomine suspendi. Porro didymi Græcis testiculi dicuntur: ab his igitur, unde nomen habebat, & quibus peccauerat, vult eum suspendi. Laert. li. 6.

Demoſthenis.

Demosthenes Demadi oratori dicenti, Sus Mineruam, per scomma adulterium Demadi exprobrans: At ista Minerva (inquit) nuper in adulterio deprehensa est. Brusonius libro primo, capite 4.

Gerada.

Lycurgi temporibus tanta erat apud omnes vxorum pudicitia, tantúmque aberant ab ea facilitate quæ pòst inuasit, vt prius esset incredibile, adulterii crimen apud Spartanos inueniri, fertúrque dictum cuiusdam vetustissimi Spartani Geradæ, qui rogatus ab hospite quodam, quid pœnarú darent apud Spartanos adulteri? neque enim videre se quicquam super hac re sancitum à Lycurgo: Nullus, inquit, ô amice apud nos adulter est. Quum ille subiecisset, Quid igitur, si existat? Dabit, inquit, bouem tantum, vt porrecto vltra Taygetum môtem collo, bibat ex Eurota. Cúmque ille ridens dixisset, Fieri non potest vt tantus bos inueniatur: Et quo pacto, inquit Geradas, Spartæ existat adulter, in qua diuitiæ, delitiæ, & corporis asciticius cultus probro habentur: contra verecundia, modestia, ac obediendiæ magistratibus debita obseruatio, decori laudique dantur? Prudenter intellexit Geradas, ibi non posse nasci vitia, vbi non admittuntur vitiorum seminaria: eaque vbique iacere, quibus pro honore tribuitur ignominia. Atque hæc est clementissima ratio medendi prauis moribus, excitandiq; virtutis studium. Plut. in Laconicis apoph. Brus. lib. i. cap. 4.

Dionysy.

Dionysius senior quum intellexisset filium, cui principatum relicturus erat, ingenui viri coniugem adulterasse, iratus interrogauit, an vnquam tale quicquam in patre comperisset? Hic adolescens: Tu enim, inquit, non habebas patrem regem. Nec tu, inquit Dionysius, filium regem habiturus es, ni talia perpetrare desinas. Tyrannus in filio dignum exhæredatione crimen iudicabat adulterium, qui hodie magnatum ludus est. Plutarc. in regum & imperatorum apoph.

Alexandri.

Quum puella multa nocte ad Alexádrum esset deducta, cum eo dormitura, rogauit rex, vbi fuisset tam diuilla respondente, se expectasse donec maritus isset cubitum: ministros accitos acriter obiurgauit, ac, Reducite, inquit, hanc: parum enim abfuit, quin vestra culpa fuerim factus adulter, Egregium castitatis exemplum, tum in iuvene, tum in rege. Nam apud illos simplex stuprum pro nullo crimine habebatur. Apparet autem tum fuisse morem, qui adhuc durat in Italia, vt vxores secubarent à viris, nisi si quando vocarentur, Plutarch. in regum & impera. apoph.

Pontidj.

Pontidius interrogatus à quodam, qualem existimaret, eum qui in adulterio deprehenderetur: Festiuè, Tardum respondit. Brusonius lib. 1. cap. 4.

Sylla.

Syllæ libertus, cui Fausti nomen erat, cum intellexisset sororem eodem tempore duos mœchos habere, Fulvium Fullo-nem videlicet, & Pomponium cognomento Maculam, notans perridiculum eius adulterium: Miror, inquit, sororem meam habere maculam, cum fullonem habeat. Brusonius Contursi-nus lib. 1. cap. 4.

De adulterio cum deformosissi- ma commisso.

Anonymi.

Quidam quum adulterum apud deformem vxorem depre-hendisset, Miser, inquit, quæ tibi fuit necessitas? Primum hic editum est nobis moderationis exemplum. Quis sibi rem-peret in adulterum deprehensum? Hic potius videtur misertus hominis, qui graui quapiam necessitate videretur huc compul-sus, ut cum deformi rem haberet. Neque enim verisimile erat, adulterum voluptatis gratia sese in hoc discrimen coniecisse. Plutarch. in Laconicis.

Byzanti.

Byzantius quidam, quum mœchum in vxore deformi de-prehendisset: Miser, inquit, quid opus erat Sapragoræ dote? Si-gnificans, scæminæ tam deformi non futurum fuisse qui con-cumberet, nisi dote conductum. Nunc, quum illa nacta esset gratis adulterum, quid opus erat Sapragoræ marito dare do-tem, quum esset qui gratis hoc faceret? Eras. 6. apoph.

De adulterij remedio.

Cratetis.

CRates Thebanus philosophus, filium Pasiclem, simul ut excefferat ex ephebis, perduxit ad ancillæ domicilium, dicens: Hoc tibi est patrium coniugium. Nam mœchi tragici præmia referunt exilia, ac cædes: comici scortatores, ex luxu ac remulencia lucrifaciunt insaniam. Sensit, quasi tragicam esse rem adulterium, quòd huius ferè atrox sit exitus: uti scortis, rem esse comicam, id enim non punitur supplicio capitis. Sed

tamen qui depereunt in meretricem, in comœdiis inducuntur infans similes: at cum ancilla tua rem habere, nihil est periculi. Hoc accipiat velut ab ethnico dictum. Laert. libro 6. capite 5. & Eras.

Antisthenis.

Antisthenes philosophus, conspicatus aliquando mœchum fugientem, insequentibus qui illum comprehenderent: Infelix, inquit, quantum periculum vnico obolo vitare poteras. Sentiens, scorti cōgressu libidinem sedari potuisse, quum nunc de vita periclitaretur. Laert. lib. 6. cap. 1.

De ægrotatione.

Antigoni.

Antigonus rex Macedonum, à graui morbo posteaquam conualuerat: Nihilo peius est, inquit. siquidem hic morbus submonuit nos, ne animo effera mur, quum simus mortales. Quis docuerat Ethnicum regem, philosophiam Christiano dignam animo? Deplorabant amici ceu magnum malum, quod tam grauitè ægrotasset: ille interpretatus est, ex morbo plus accessisse boni quàm mali. Corpus extenuarat, sed animū reddidit modestiorem: corporis robori nonnihil detraxerat, sed animo detraxit insolētiam, morbum longè periculosissimum. Proinde non pessimè res habet, quum leuior morbus arcet pellitve maiorem. Recitat Plut. in Apoph. regum, & Eras. Verum hoc idem dictum alii etiam Alexandro adscribunt.

Ionis.

Ion Sophista dicere solebat, rem morosam esse ægrotationem. Nam ægrotis & vxor molesta est, & medicum incusant, & lectulum molestè ferunt. Ex amicis etiam si quis accedit, grauis est: & qui discedit, molestus. Philostratus, & Brusonius libro 4. cap. 20.

Itami.

Itamus miles apud Antigonum militabat, qui corporis aduersa valetudine cum laboraret, rogatus à rege palloris causam, ægritudinem incognitam causatus est. Rex verò animi magnificentia ductus, iubet remedia adhiberi ad eum sanandum. Restitutus igitur sanitati miles, postea omnia contra mortem pericula vitabat. Rogatus verò à rege mutationis causam, ait: o rex, tu me minus audacem fecisti, quòd iis malis
me

me vindicasti, quibus vita à me mea contempnui habetur. Sen-
sit miles, ægritudinem hominibus in eo prodesse, vt omnia
fortunæ bona, & ipsam etiam vitam miseram & ærumnosam
contemnant, qua, cum sani sumus, in nostram perniciem abu-
timur. *Brusl. lib. 4. cap. 15.*

Anaxarchi.

Anaxarchus cognomento Eudæmonicus, ridebat Alexan-
drum, quòd seipsum Deum faceret. Cum autem aliquando in
morbum incidisset Alexander, & ei medicus sorbitionem im-
peraret fieri, ridens Anaxarchus, inquit: At nostro deo spes
omnis in sorbillatione patellæ posita est. Irridet Philosophus
Alexandrum regem, qui ob fortunam propitiam, & res tam
fœliciter gestas, Deum se esse putabat. At ostendunt humanæ
vitæ miseriæ, & incommoda quæ indies nos circunueniunt, nos
homines esse fragiles: quo fit, vt admoneamur subinde, ne ex
hominibus nos deos esse fingamus, nullis malis obnoxios. *Ac-
lianus lib. 9. de Var. hist.*

Theodorici episcopi.

Theodoricus Colonienfis ecclesiæ pontifex, prudètia & au-
thoritate inter electores imperii facile princeps, querenti Si-
gilmundo Casari, quònam pacto fœlicitatem consequi pos-
set? Inter mortales, ait, frustra requiris. Petenti rursus, ad cœ-
lestem illam quo itinere pergeret? Recta, inquit. Instanti ter-
tiò, quid agens recta vaderet? Si vitam tuam ita institueris,
duxerisque, inquit, vt facturum te promisiisti, dum calculus,
aut podagra, siue alia valetudo aduersa acrius te oppressit.
Docuit autem, morbum monere nos ad capeffendam melio-
rem vitam. *Aeneas Syluius libro 2. commentariorum de rebus
gest. Alphonfi.*

Plura inuenies titu. de Morbis, Sanitate, &
Valetudine bona.

De æmulatione.

Æthoclis.

Ethocles Lacedæmonius dicebat, duos Lysandros Spar-
tam ferre non posse. Et Archestratus Atheniensis dicebat,
duos Alcibiades in ciuitate Atheniensium tolerari non posse.
Ad eò, tametsi diuersi & contrarii, tamen erant intolerabiles.
Acilianus libro 11. de Varia historia.

Aristotelis.

Aristoteles Stagiritēs, quum Xenocratis æmulatione cœpisset habere scholam, hoc carmen vsurpauit:

Διοχρὴς σὺν πατρὶ, Ξενοκράτῳ δὲ τὰν λέγει.

id est. Silere turpe, ac Xenocratem pati loqui. Alii pro Xenocrate, ponunt Isocratem. Laert. lib. 5. cap. 1.

Alexandri.

Alexandro Magno cum datum esset scriniolum, quo nihil inter opes Darii preciosius pulchriusve repertum est, & quaeretur in quænam usum destinandum esset: aliis aliud suadentibus dixit, Huic optimè seruandus dabitur Homerus, sentiens, nullum esse thesaurum illo preciosiorem. Ita visum est iuueni, qui se totum ad exemplar Achillis componebat. Plutar. in Alexand.

Vide infra titulum de Imitatione.

De Aenigmatibus.

Hortensij.

Hortensius orator defensionis mercedem à Verre acceperat Sphingem argenteam. is quum M. Tullio obliquius quiddam & inuolutius loquuto dixisset, Non didici solvere ænigmata: Atqui, inquit Cicero, Sphingem habes domi. Nota est fabula de monstro Sphinge, quæ præmiis propositis edebat ænigmata: non soluentibus autem, mors erat præmium. Plutar. in Romanor. apoph.

Ciceronis.

M. T. Cicero, ænigmate ludit in matrem Pletorii, qui Fonteiū accusabat, dicens eam, dum viueret, ludum, mortuam magistros habuisse: notans, quòd dum viueret, infames ad eam scæminæ commeare solebant: post mortem verò bona eius veniebant. Sermo videtur & absurdus, & præposterus. Nam qui ludos habent, ipsi magistri sunt, & discipulos habent. Magistri autem dicuntur non solùm qui docent, verum etiam qui regunt. Eras. lib. 4. apoph.

Vide infra, Argutias Dialecticas, & Sophismata.

De æqu

De æqualitate.

Themistoclis.

Themistocles Atheniensis, facilitate morum multos ciuiū sibi conciliarat, atque hinc popularem potentiam est adeptus. Itaque cuidam ipsum admonenti, Bene principatum gereres Athenis, si cunctis æqualis & communis esse voles: respondit, Nunquam ei sellæ infederim, vnde nihilo plus à me ferrent amici quam alieni. Plutarch.

Diogenis.

Diogenes Cynicus, cum egeret pecuniis, eas ab amicis accipiebat. At cum à quibusdam ob id suggillatus esset, quod præter philosophi dignitatem, mendicorum more peteret: Imò, inquit, non peto, sed repeto. Repetimus autem mutuum, aut depositam. Amicus autem egenti amico dans, non donat, sed reddit potius id quod amico debet: quoniam amicorum omnia debent esse communia. Diogenis dictum extat apud Laert. lib. 6.

Epicuri.

Epicurus Atheniensis, mirum in modum Pythagoræ institutum improbat: qui cum doceret, amicorum omnia esse communia, iubebat vt discipuli, quod quisque habebat, deponerent in commune, dicens id esse diffidentium verius quam amicorum. Nam si quis verus est amicus, nihilominus habeo pro meis, quæ ille possidet, quàm si deposuisset. Qui diffidit autem, aut non est verus amicus, aut dubitat de animo alterius, Eras. lib. 8. apoph.

Platonis.

Plato foelicem & beatam esse eam ciuitatem inquit, in qua istæ voces, Meum & Non meum, proferri non audiantur: Eo quod communibus, quoad fieri potest, rebus, quæ quidem alicuius æstimationis sunt, vt ciues debeant. Sed multò magis huiusmodi vox è connubio eximenda est. Plutar. in nuptialibus præceptis, & Stob. serm. 72.

Leonis.

Leon Eurycratidis filius interrogatus, in qua tandem vrbe aliquis possit tutò vitam agere: In ea, inquit, quam qui incolunt, neque plus possident, neque minus: & vbi iustitia viget, iniustitia imbecillis est. Grauius admonuit, æqualitatem esse pacis & tranquillitatis altricem, inæqualitatem seditionis esse

feminarium: nec ibi locum esse iustitiae, ubi ut quisque potentior est, ita licentius opprimit imbecilliores. Plutarch. in Laconicis apoph.

Lycurgi.

Lycurgus Lacedaemonius cum interrogaretur, quomodo liceret hostium insultum effugere: Si, inquit, nec alius alio plus requirat. Quo dicto docuit, tutiores esse eos ab hostium incursum, inter quos est aequalitas, & ex aequalitate concordia. Plutarch. in Laconicis apoph.

Eiusdem.

Idem, quoniam intelligebat aequalitatem & ad frugalitatem, & ad concordiam in primis conducere, fecerat nouam agrorum partitionem, & in singulos ciues aequam portionem distribuerat. Fertur itaque, cum dein ex peregrinatione rediens, iter faceret per agrum recens demessum, conspiceretque manipulorum acervos ordine positos & aequales, delectatus eo spectaculo, cum risu dixisse comitibus: Ut tota Lacedaemon videretur multorum esse fratrum, qui nuper inter se diuiserint hereditatem. Bono principi nihil iucundius est ciuium concordia, rursus tyranno nihil formidabilius. Plut.

Eiusdem.

Idem, quum statuisset inuadere delicias, luxumque, & in his quoque tollere diuitiarum admirationem, instituit syssitia, hoc est conuiuia publica. Percontanti vero cur ea constituisset sic, ut in singulis conuiujs pauci cum armis discumberent: Ut, inquit, expediti sint ad parendum imperatis: & si quid tumultus inciderit, penes paucos sit delictum, sitque inter omnes potus ac cibi aequa portio. Denique non solum in esculentis & poculentis, verum ne in strato quidem, aut vasis, aut alia re quacunque plus haberet diues quam pauper. Plutarch. in Laconicis.

Curii.

Curius deuictis Sabinis, cum ex senatusconsulto ei ampliaretur agri modus, quem consummati milites accipere solent, recusauit, & gregalium portione contentus fuit, dicens: esse malum ciuem, cui non esset satis, id quod ceteris esset satis. Plinius Iunior cap. 33. de viris illust.

Plura pete ex titulo, Amicorum omnia esse communia.

De ara

De ærario & fisco.

Traiani.

TRaianus imperator fiscum lienem vocare solebat, quòd eo crescente, reliqui artus omnes tabescerent. Langus in Nicephori annotationibus.

Constantii.

Constans Roma impe. dicere solebat, opes publicas melius à priuatis pluribus haberi, quàm intra vnũ principis claustrum referuari. Eutrop.

De affabilitate.

Demonaxii.

Demonax interrogatus à quodam, quomodo delegatam sibi prouinciam administrare commodè posset, respondit: Si minimum loquens, plurima audieris. Prouerbio enim princeps iubetur, & æqua & iniqua audire. Eras. lib. 8. Apoph.

Artaxerxi.

Artaxerxes Cyri frater, cognomento Memor, non solum se ipsum affabilem præbuit adire volentibus: verum vxorẽ quoque legitimam iussit, sublati currus aulæis vehi, vt iis qui eam conuentam vellent, etiam in itinere patèrèt aditus. Laudo quidem affabilitatis exemplum, sed quid hæc ad apophthegmata? Plut. in Regum apoph.

Hortensij.

Hortensius orator ob cultum mundiorem, ac gesticulationes in dicendo molliores crebrò malè audiebat, in ipsis etiam iudiciis. Sed quum L. Torquatus, homo subagrestibus & infestis moribus, dum apud concilium de causa Syllæ quæreretur, non iam histrionem illum diceret. sed gesticulatricem, Dionysiamque, notissimæ saltatriculæ nomine compellaret: tum voce molli demissâque Hortensius, Dionysia (inquit) Dionysia malime quidem esse, quàm quod tu Torquate, *ἡμῶν*, *ἀγροδία*, *ἡγεσία*, id est, inelegans, agrestis, aditu difficilis. Periculose maledicit alteri, cui vel idem, vel simile, vel diuersum, sed deterius vitium potest obiici. Eras. lib. 6. apoph.

Vespasiani.

Vespasianus filius quum admoneretur ab amicis, quòd plura polliceretur interpellantibus quàm præstare posset: respondit, Non oportet quenquam à Cæsaris colloquio tristem discedere.

Sueton. in eius vita.

Hadriani imp.

Hadrianus Rom. imperator, in colloquiis etiam humillimorum mirè ciuilis erat: eosque detestari solebat, qui hanc humanitatis voluptatem ipsi inuiderent, hoc prætextu, quòd dicerent, principis maiestatem ubiq; seruandam. Recitat Dion in eius vita.

De affabilitate neglecta.

Aristippi.

Aristippus quum aliquando Dionysium interpellaret pro amico, nec ille preces admitteret, prostratus cepit amplecti pedes regis, & impetrauit. Id factum quum quidam velut abiectius, quàm vt philosophum deceret, reprehenderent: Non ego, inquit, sum in culpa, sed Dionysius, qui aures habet in pedibus. Ingenium iuxta promptum, & ad faciendum, & ad excusandum quidlibet. Laer. lib. 2. cap. 8.

Legatorium Laced.

Venerunt aliquando Lacedæmonii ad Lygdamin tyrānum, legatione fungentes: sed quū ille variis causationibus frequenter distulisset colloquendi copiam, tandem post omnes excusationes dictum est, illum parum firma esse valetudine, sed languere non nihil. Legati responderunt: Per Iouem, non venimus huc cum illo luctaturi, sed colloquuturi. Bellè taxarant barbari regis fastum ac delicias, qui quauis friuola de causa res ferias omitteret. Plut. in Laconicis.

Vetula cuiusdam.

Anui cuidam paupercula Philippum appellanti, vt causam ipsius cognosceret, cum hac flagitatione frequenter obstreperet illi, respondit, sibi non esse ocium. cūque anus inclamasset, Proinde ne rex quidem esse velis: Philippus admiratus aniculae liberam vocem, nō illi solū præbuit aures, verum etiam alios audiuit. Hoc idem Latini tribuunt Adriano imperatori: sed Philippo Macedoniæ regi tribuit Plutar. in apoph. regum & imperator.

De affectatione verborum.

Anicula.

Anicula Theophrasto licitanti quiddam, idque admodum Atticè: Hospes, inquit, non vendo tanti. Notans illum, quasi

quasi non esset Atticus natura, qui supra modum affectaret Atticissimum. Id enim solent hospites, dum in aliena lingua volunt videri disertis. Eras. 6. apoph.

Fauorini.

Fauorinus philosophus, in adolescentem priscarum & iam obsoletarum vocum affectatorem: Curius, inquit, & Fabricius dilucidè cum suis fabulati sunt: neque Aruncorum, Sicanorū, aut Pelasgorum, qui primi Italiam incoluisse leguntur, sed attis suæ verbis locuti sunt: tu verò perinde quasi cum matre Euandri nunc loquaris, verbis iam olim defunctis vteris. Quod si intelligi non vis quæ loqueris, non hoc abunde consequeris tacens? Eras. Rot. lib. 6. apoph.

Melanthi.

Melanthus interrogatus quid sentiret de tragœdia Diogenis: Non vidi, inquit. Notaunt affectationem Diogenis in scribendo, quæ sæpenumero non minima obscuritatis causa est. Plutarch. in libro *ωπειτ' ἀνδρῶν*.

Osci.

Oscus Rhetor quidam clarissimus, cum adeò loquendo simul & scribendo affectaret, vt nil absque schemate proferret, Pacatus obuiam ei veniens, dixit: Poteram dicere, Aue osci. Irrisit hominem affectatorem, salutatione affectata. Vtus est enim occupatione affectata, præter omnem necessitatem. Eras. lib. 8. apoph.

Poli.

Polus sophista cum daret operam vt nimis affectatè loqueretur, atque hinc immodicè gloriaretur, Plato hominem sic taxauit: O Pole, vt te tuo, alloquar modo. Polus autem Græcè sonat pullum equinum. Voluit autem taxare hominis affectatè loquentis arrogantiam. Laer. lib. 3.

Demonactis.

Demonax, quum interrogasset quendam, atque is verbis nequaquam vulgaribus respondisset: Ego, inquit, amice te nunc interrogo: at tu perinde respondes, quasi viueret adhuc Agamemnon. Eras. lib. 8. apoph.

Eiusdem.

Idem quendam Rhetorem audiens ita loquentem, Horatium inquit iaculatrix adueniens regionem herbis defectam reddidit: Non defines, ait, mecum vt cum turba agere? Notaunt autem his verbis, sermonem hominis plus satis affectatum.

tum. Plutarch. in Romanor. apophtheg.

Eiusdem.

Idem Phauorini dictionem ut nimium compositam solebat arguere, ridiculè. quod cum ægrè tulisset, ait: Ut philosophum vestis neglectior, ita oratio decet in affectata. Eras. lib. 8. apoph.

Mecœnatis.

Mecœnas cum verbis affectatis scribere soleret, ab Augusto hac valedictione derisus est: Vale mel gentium, metuelle, ebur ex Hetruria, laser Aretinum, adamas Supernas, Tiberinū margaritum. Sueton.

Lepidi

M. Lepidus, cum Romæ in senatu dixisset, Patribus conscriptis, ne dicam circumscriptis, Ego, ait Cicero, nō tanti fecissem *ἐπιτομήν* [τοῦ λόγου]. Affectauit autem Lepidus schema vocum similiter desinentium. At satius erat schema perdere, quā Senatum offendere. Eras. lib. 4. Apophtheg.

De Affectibus humanis.

Thaletis.

Thales Milesius interrogatus, quis nam fœlix dicendus esset? Qui corpore, inquit, sanus est: animo vero castus. Sensit vir sapiētissimus, affectus esse animi morbos. Laert. lib. 1.

Antonij.

Quum M. Antonius fletet educatorem suum mortuum, & adolescens ab aulicis ministris reuocaretur à declaratione pietatis erga nutricium: Permite, inquit, Antonius, prius illi ut homo sit. neque enim vel philosophia, vel imperium tollit affectus. Eras. lib. 6. Apoph.

Antonini Veri.

M. Antonius Verus Romanorum imperator, iam iam mortuus, cum suos ad grabbatum stare, dolere, atque angi videret: Humanum est, inquit, humanis casibus ingemiscere: multoq; magis, misericordiam prouocare, quæ oculis vsurpantur. Sensit autem, hominem non lignum aut lapidem esse, qui nullis rebus afficiatur, sed animal, quod affectibus misericordiæ tangatur, & compatiatur etiam. Herodianus lib. 1.

De affectibus priuatis.

Themistoclis.

Themistocles Atheniensis, filium suum, quem mater ad-
mabat, atque in deliciis habebat, plurimum omnium

Græ

Græcorum posse, colligebat hunc in modum: Athenienses, inquit, dominantur Græcis, ego Atheniësis, mihi mater, matri filius. Plut. in Græc. Apoph,

Pyrrhonis.

Quum Pyrrhoni Eliensi philosopho obiurganti sororem Philistam, quidam obliiceret, quod oblitus esset suæ professionis (docebat enim, omnia esse indifferentia) sic elusit: Non enim inquit, in muliercula declarabitur indifferentia. Laert. lib. 9. capit. II.

Cleonis.

Cleon, quum reipub. administrationem capeßere destinasset, restatus est, se iam omnium amicitiarum vincula velle soluere, quod amici plerunque obstarent, ne liceret ubiq; rectum tenere clauum. Eras. lib. 6. Apoph.

De Affectibus nostris qui in aliis probantur.

Alexandri.

Alexandro Macedonum regi pirata quidam captus, & ad ipsum adductus, rogatusque, qua fretus re, auderet infestare maria, compendiose respondit: Ego quoniam vnica nauicula facio, pirata nominor: tu cū idem facias magna classe, rex appellaris. Quo dicto Alexander motus, ipsum statim dimisit, animamque & vitam donauit. Plut. in vita Alexandri.

Eiusdem.

Idem Alexander, quum peritum quendam ex Indis sagittarium cepisset in fuga, qui per annulum sagittam mittere diceretur, voluit vt artis suæ specimen ederet. Recusantem autem iratus occidi iussit. Verum cum iā duceretur ad mortē, dixit sagittarius, se multis iam annis non exercuisse artem suam, eoq; timuisse ne erraret. Id vbi delatum est ad regem, quod ignominiae metu recusasset, admiratus ingenium ambitiosum, dimisit illum donatum: eo quod mortem appetere maluisset, quam fama sua videri indignus. Apparet autem ex hac historia, nos affectus nostros etiam amare in aliis. Alexander enim cum semper ambitiosus, & gloriæ appetens fuerit, similem affectum in sagittario probabat. Vide Plutar. in regum & imper. apoph.

De

De affectibus frenandis.

Socratis.

Socrates cum post sudorem è palæstra collectum, videret alios ad potum confugere, vt sitim experient, ipse bibere solus noluit. Verùm cum interrogaretur, cur bibere nollet? Ne consuescam, inquit, obsequi affectibus. Recitat Laer. in eius vita.

Diogenis.

Diogenes Cynicus philosophi iactanti se cuidam, ac dicenti, Viros supero in Pythiis: Equidem, inquit, viros, tu verò mancipia. Lusit rursus affinitate vocum, quæ est inter *αἰσπας* & *αἰσπιδας*. Mancipia autem appellabat, quicunque seruirent cupiditatibus: has philosophia vincere pulchrius est, quam in Pythiis ludis vincere viros. Laert. lib. 6. Eras. lib. 3. Apoph.

Demosthenis.

Demosthenes sapientis esse dicebat, nunquam animo connivere, neque affectibus quoquo modo licentius indulgere, ne effrenati rationis imperium deserant. Stobæus.

Agésilai.

Agésilæus Lacedæmoniorum rex illud sibi cum primis gloriæ ducere solebat, quòd rex cum esset, cæterisq; consilio prospiceret, nihilo secius in laboribus obeundis nemini cederet: quodq; sibi imperaret, sui que (vt ita loquar) rex esset, id pulchrius esse iudicabat, quam quòd regnum obtineret in alios. Plut. in Apoph. Laconicis.

Demonactis.

Demonax cum quendam vidisset seruum suum virgis tractantem: Desine, inquit, te seruo tuo similem ostendere. Seruus enim est, qui suis affectibus & cupiditatibus imperare non potest. Eras. lib. 8. Apoph.

Megabatis.

Megabates Spithridatis filius, eximia forma adolescens, cum Agésilæum adisset aliquando salutandi gratia, ac iuxta Persarum morem osculum offerret, Agésilæus auertit vultum, ac refugiens osculum, ait, Præstantius duco, vt quis sibi seruet suam libertatem, quam vt aliis libertatem adimat. Intellexit nimirum vir continentissimus, neminem esse liberum, qui cupiditatibus seruiret: nullum imperium esse tam speciosum, quam si quis animo suo posset imperare. Plutarch. in apoph. Laco. Eras.

Erat. libro primo apoph.

Catonis.

Cato senior dicebat, eum optimum & laude dignum esse imperatorem, qui propriis suis affectibus imperare possit. Plutarch. in Roma. apoph.

Alphonfi.

Alphonfius Aragonum rex aiebat, si sibi cōtigisset nasci temporibus quibus Romana Respublica florebat, se constructurum fuisse contra curiam templū Ioui Positorio, in quo priusquam venirent in senatum patres conscripti, odium, amorem ac priuatos affectus omnes deponerent. Allusit ad priscorum morem, qui Iouem multis cognominibus insigniebant, nunc Statorem, nunc Gamelion, nunc Genethlion, nunc Philū, nunc Xenion appellantes. At si tam multa possit Iupiter, illud in primis præstandum erat, vt in Synodis, in iudiciis, in senatibus, in quibus de Rep. consultatur, nihil haberent momenti affectus priuati. nam hi sunt qui frequenter & ciuitates & regna bellis committunt, ac pessundant denique. Panormi lib. 3. de dictis & factis Alphonfi.

Eiusdem.

Idem nil in conuenientius esse dicebat, quàm si quis aliis imperaret, qui suis affectibus propriis imperare prius non posset. Sentiens, nil perniciosius esse Reipubli. quàm si is qui prauos aliorum affectus coercere debet pœna adhibita, a propriis ipse affectionibus vincatur. Panormi, lib. 2. de rebus gest. Alphonfi.

De agricultura.

Aristippi.

Aristippus, cum ei quidam obiiceret, Tua culpa interiit aget: Atqui melius est, inquit, agrum propter me, quàm me propter agrum perire. Stob. serm. 55.

Zenonis.

Zeno Stoicus philosophus, cum videret familiarem quendam ex agri laboribus incuruatū & circumflexum: Nisi tu agrum perdideris, inquit, ipse te perdet. Stob. serm. 55.

Lycurgi.

Lycurgus Lacedæmonius cum sciret quantum vtilitatis humanæ vitæ agricultura suppeditaret studium, agros omnes ciuibus suis diuisit colendos: vt cōcordes inter se omnem similitatem

tatem ac prauos affectus deponerent, & simili labore omnes victum quærerent. Plut. in regum apoph.

Lyfandri.

Lyfander Lacedæmonius cum ad Cyrum minorem Persarum regem venisset: in hortum ductus, admiratus & proceritates arborum, & directos in quincuncem ordines, & humum subactam, Cyrum interrogauit, à quo essent arbores plantatae, & cuius solertia tam aptè dimensæ? Cui respondens Cyrus, ait: Atqui ego ipse sum ista dimensus, mei sunt ordines, mea descriptio, mea enim manu sunt satæ. Tum Lyfander purpuram ornatumq; Persicum multo auro intuens, dixisse fertur: Rectè Cyre te beatum ferunt homines, quoniam virtuti tuæ fortuna coniuncta est. Cicero in Catone.

Cyri.

Cyrus minor Lyfandro laudanti cōsitas arbores in ordinem: Atqui, inquit, multæ ex iis mea manu sunt satæ. Brusonius lib. primo cap. 8.

Artaxerxis.

Mises Artaxerxi Persarum regi malum punicum cum in vanno obtulisset, Rex magnitudinem eius admiratus, interrogauit, è quonam orto depromptum hoc donum afferret? Illo verò respondente, domo suæ, & ex suis agris, gauisus rex supra modum, misis regiis muneribus virum ornauit. & Per solem, inquit (ita enim Persæ iurare solebant) iste homo tali curatione & agriculturæ diligentia, poterit etiam ciuitatem, meo quidem iudicio, ex parua ampliorem reddere. Videtur autem innuere, non tantum agros, sed omnes res, cura & sufficienti opera, & indefesso labore, contra naturam etiam meliores & præstantiores effici posse. Aelianus lib. 1. de Varia historia.

Gelonis

Gelo Syracusanus, frequenter suos ad agriculturæ studium adhortabatur, partim, vt agri ad vsum hominum meliores redderentur, partim, ne otio torpescerent. Plut. in regum & imperatorum apoph.

Oetei.

Oeteus, quum Mysonem Cheneum se sapientiorum conueniret, eum reperit æstate stiuam aratro aptantem. Dicente autem eo, non esse tempus arandi: Satis, ait Myson, tempestiuum est, ad parandum nobis victum. Brusonius lib. 1. cap. 8. Faceciarum & exemplorum.

Faraotii.

Faraotes Indorum rex, Apollonio de eius victu sciscitanti: Ego, ait, palmarum fructibus aut oleribus pascor, aut quæ præbent mihi arbores, quas ego his manibus colo. Brusi. lib. 1. ca. 8.

Reguli.

Attilius Regulus, qui fuit primo bello Punico bis consul, aiebat: Neque fecundissimis locis agrum insalubrem parandum, neque effœtis saluberrimum. Frustra salubris est locus, ubi peritur fame; & frustra fertilis est, ubi non licet vivere. Eras. lib. 6. apoph.

Scipionii.

Scipio Nasica candidatus in ædilitatis petitione cum adolescentulo competitore descenderat: cuius quum manum rustico opere duratam tetigisset, interrogauit, Num manibus ambulare consueffet? Id ut populo cognitum est, repulsam petitionis passus est, eo quod hominem agricolam spreuisse videtur. Brusi. lib. 1. cap. 8.

Catonii.

Cato senior dicebat, fortissimos viros, ac strenuissimos milites, ex agricolis gigni, minimèque malè cogitantes. Plutarc. & Eras. libro 5. Apoph.

Eiusdem.

Idem dicere solebat ad rusticos: In re rustica operæ parandum, in agro autem emendo minimè. quod enim malè emptum est, semper pœnitet. Eras. lib. 5. apoph.

Eiusdem.

Idem dicere solebat, pecuniam pedibus compēsari: sentiens nimirum, satis sumptuosum esse, ad villam procul dissitam crebro proficisci: sed hoc impendii pedibus compensari, si dominus impiger pedes inuisat fundum suum. Refert Cicero in oratione pro Flacco.

Eiusdem.

Idem Cato interrogatus, quis esset certissimus agricola? quæstus? respondit: Si bene pascat, quis proximus? si mediocriter pascat, quid tertium? si bene vestiat, quid quartum? respondit, Arare, & terram bene vertere. Eras. lib. 5. apoph.

Curij Dentati.

Marcus Curius, qui Dentatus cognominatus est, nonnullis arguētibus, quod ex agris bello partis, partem exiguam vniciuique militum distribuisset, magnam verò Reipub. optauit &

Diis, ne quando existeret quisquam Romanus, cui ager exiguus videretur, qui posset alere dominum. Sentiens, hominem planè ignauum esse, qui ex hac agri portione non tantum laboribus se exerceret, ut inde viuere posset. Plinius cap. 33. de viris illustribus,

Domitiani.

Domitianus imperator iussit excidi vineas: quòd studio colendi vineta, negligerentur arua. Sueton,

Diocletiani.

Diocletianus Romanorum imperator, iam senex, cum se imperio abdicasset, atque priuatam vitam in villa sua instituisset, ab Herculio atque Galerio ad recipiendum imperium rogatus, tanquam pestem aliquam detestatus, respondit: Vtinam Salonæ possetis visere olera nostris manibus instituta, profectò istuc tentandum nunquam iudicaretis. Fuit autem Diocletiani villa haud procul à Salonis, ubi præclaro ocio priuatus consenuit. Eutropius, & Cuspinianus in Consulibus, fol. 486,

De alea.

Platonis.

Plato Atheniensis adolescentem, quòd lusisset aleam, grauius increpuit. qui quum dixisset, Sic obiurgas ob rem paruum? At paruum non est, inquit, assuescere. Sensit vir prudentissimus, aleam esse rem perniciosam, & ocii sustentaculum. Laert. lib. 3.

Alexandri.

Alexander Magnus quosdam ex amicis mulctauit, quòd in ludo alex sensisset eos non ludere. Siquidem multi sunt, qui in hoc ludo velut in re maximè seria versantur. non enim ludunt, qui fortunas suas omnes, interdum & liberos, alex permittunt arbitrio. Plut. in regum & imperatorum apoph.

Mannij.

Mannium Curium accusator eius ad concitandam inuidiam in sipario (id est velaminis genus) pinxerat omnibus locis, aut in neruo nudum, aut ab amicis redemptum ex alea: hoc agens, ut omnibus persuaderet, quàm is esset perditè deditus alex. Hoc crimen ridiculè inficiatus est Mannius: Ergo, inquit, nunquam vici. Alter intelligi volebat, Curium assidue lusisse aleam. Curius eo torfit, quasi infelicitas esse opprobata. Non est

est verisimile, qui frequenter ludit tesseriis, nunquam vincere. Refert Fabius.

Ciceronis.

Memmio cuidam vituperanti Catonem Vticensem, dicentique quod totas noctes ebrius esset: At illud, inquit Cicero, non addis, eum totos dies aleam ludere: ciuilitate excusans Catonem, qui totum diem reipublicæ negociis dabat, nocturnas aliquot horas sumebat laxando animo. Eras. 4. apoph.

Huc refer titulos de Ludo & Recreatione.

De ambiguo dictis.

Diogenis.

Diogenes Cynicus seruum quendam fugitiuum videns ad puteum sedentem, Vide, inquit, adolescens, ne excidas: ambiguo verbo ludens. Nam excidit, qui in puteum decidit: & *ἐκπίπτει*, id est, excidit, qui de loco pellitur. Laert. lib. 6. cap. 2.

Eiusdem.

Idem olim interrogatus, quamobrem athletæ nihil sentirent: Quoniam, inquit, suillis ac bubulis carnibus educati sunt. Nam at hletæ crassioribus cibis enutriuntur, qui corpori quidem robur conferunt, sed mentis acumen hebetant. Vocis autem ambiguitas dedit ioco locum. Nam ut Græcis *αἰδιότατον*, ita Latinis sentire, tam ad animum quam ad corpus pertinet. At percontator ille querebat, quid esset causæ, cur athletæ, veluti sensu carentes, non offenderentur plagis: Diogenes animorum stuporem notare maluit. Laert. lib. 6.

Eiusdem.

Quum mentio fieret de puero stuprato, Diogenes interrogatus cuias esset, ludit ex ambiguo, dicens, Tegeates: nam Tegea ciuitas est Arcadiæ, Tegos autem interdum idem est quod lupanar. Ibidem.

Ischomachi.

Ischomachus minus, quum mendica quædam ventris tormenta pateretur, ac medicus percontaretur, num haberet in ventre? Qui potest, inquit, quum triduo nihil comederit. Et huius dicti festiuitas iucundior est Græcis quibus in ventre habere dicitur, quæ fert vterum. Nam id medicus percontabatur, an esset grauida, Eras. lib. 6. apoph.

Stratonici.

Stratonicus Musicus quendam qui malè cecinerat, rogauit,

cuius esset cantio? quum ille respondisset, Carcini: Multo magis, inquit, quam hominis, Carcinus enim Græcè cancerum sonat. Est autem eadem vox cantoris cuiusdam nomē, quem notant Græcorum proueria, Eras. lib. 6. apoph.

Eiusdem.

Idem quum trabes delapsa quendam è conuiuiis occidisset, dixit, *αὐτὸς δὸν δὲ εἰς τοὺς αἰῶνες*, Id Latine reddi non potest: iocus est ex amphibologia *δὸν* sonat trabi, si subscribas iota: & sine hac, sonat opinor: Viri opinor dii sunt, quòd si non sunt, trabi sunt. Nisi fortè *δὸν* legendum, acuto accentu, vt intelligas trabes sunt. Eras. 6. apoph.

Eiusdem.

Idem quum Satyrum accepisset apud Ilium peregrinari, festiuiter in illum torfit illud prouerbio iactatum, In Ilio semper mala: ludēs ex ambiguo vocis. Aliter enim mala dicuntur, quæ misera tristiaque sunt, aliter homines mali. Eras. 6. apoph.

Eiusdem.

Idem Polvidæ glorianti, quòd discipulus ipsius Philopås canendo vicisset Timotheum: Miror, inquit, si ignoras, quòd discipulus tuus condit decreta, Timotheus autem leges. locum captans ex ambiguo vocis. Nomos enim Græcis & legem sonat, & modulos cantionis. Itaque periculosum est regem vincere, Eras. ex Athenæo.

Philoxeni.

Philoxenus, cui cognomen Pternocopis, patria Corinthius, orto sermone quòd turdi magno venderentur, quum fortè adesset Coridus, qui malè audiebat, quòd corpus suum ad quæstum prostituisset: Atqui ego, inquit, memini fuisse tēpus, quo Coridus obolo parabatur: ludens ex ambiguo. nam corydus etiam auiculæ nomen est. Eras. 6. apoph.

Demonactis.

Demonax in Herminum Peripateticum, qui semper in ore habebat decem Aristotelis Categorias, ita ludit: Equidem arbitror Hermine, te non indignum decem Categorius. locus est ex ambiguo vocis. Categoriae Græcis vel prædicamenta dicuntur, vel accusationes. Eras. lib. 8. apoph.

Eiusdem.

Quum Athenis quidam Romanus senator filium ad Demonactem adduxisset, eleganti forma, vestitu delicato, ac deliciis effeminatum, diceretq; Saluta te ô Demonax filius meus: Pulch

Pulcher est, inquit, & te dignus, & matri non absimilis. Vtrunque autem poterat dici in laudem. Nunc autem patrem notavit ex filii effœminatis moribus, & matri similem dixit mollem, & deliciis euiratum. ibidem.

Laidus.

Lais Corinthia cuidam amatori, qui misso sigillo iubebat illam venire: Non possum, inquit, lutum est: Olim terræ genere signabant. at illa lutum esse dixit, quasi ob lutum viarum non posset accedere. Luteum sigillum nihil morabatur, argenteum quærebat. Eras. 6. apoph.

Philippi regis.

Philippus Macedonum in acie vulneratus clavicula, cum decumberet lecto, & medicus à quo curabatur, subinde premium efflagitaret: Sume, inquit rex, ipsemet. habes enim clauem in tua potestate: ludens ancipiti voce. *κλει* enim Græcè & clauem sonat, qua aperitur cista, vel domus ianua: & commissuram quoque humeri cum pectore. Plutar. in apoph. regum & imp.

Eiusdem.

Idem causam agens, quum pusillus testis prodisset, Licetne, inquit, rogare? Quum quæstor properans dixisset, Licet, modò breuiter: hic Phillippus, Non accusabis, perpusillum rogabo. Primùm in testem trusus obortus est, sed mox in iudicem Lucium aurificem conuersus, qui sedebat ipso teste breuior. Eras. 6. apoph.

Clitophi.

Clitophus à Phillippo donatus equo saucio, vendidit: & ab eo post interrogatus, ubi nam esset equus: Ex vulnere, inquit, illo confectus est. ludens ex ambiguo. nam *κλιν* *κλιν* sonat venditus est, & confectus est. Eras. 6. apoph.

Afri oratoris.

Afer orator in quendam patronum imperitum, sed splendido vestitu se venditantem litigatoribus, lepidè dixit: Homo in agendis causis bene vestitus. Ludit ab inexpectato. nam auditor pro vestitus expectabat, instructus, aut exercitatus. Eras. 6. apoph.

Philippi oratoris.

Philippus orator in maleolentem, Video, inquit, me à te circumueniri. sentiens, se malo odore vndique oppleri: quum circumuenire dicatur, qui dolo fallit. Eras. 6. apoph.

Curtij Romani.

Curtius eques Romanus deliciis diffluens, quum apud Cæsarem cœnaret, macrum turdum sustulit è patina: cùmque tenens interrogauit Cæsare, liceretne mittere: cùmque is respondisset, Quid ni liceat: ille protinus auem misit per fenestram, iocum arripiens ex ambiguitate verbi. Nam cibus è conuiuio dono mittitur amicis, quod apud Romanos erat solene: & mittitur, quod abiicitur, Eras. lib. 4. apoph.

Ciceronis.

Quum Cicero in Pompeii castra venisset, dicentibus, Serò venisti: Minimè, inquit, serò. nam nihil hic adhuc parati video. Alludit ad eos, qui serò veniunt ad conuiuium. Locus est ex ambiguo. Serò venit: qui tardè venit: & serò, qui post tempus. Plutar. in Roma. apoph.

Eiusdem.

Idem, quum Fausti Syllæ filius ob aris alieni magnitudinem suppellectilem suam proscripisset: Hanc, inquit, proscriptionem magis approbo, quam paternam. Ludit ambiguo verbi. Proscribuntur res, quæ in auctione venum exponuntur: & proscribuntur homines, à quouis iugulandi: quo crudelissimo genere Sylla quamplurimos ciues proscripserat. Plut. in Romanorum apoph.

Eiusdem.

Idem in Isauricum ita ludit: Miror quid sit, quod pater tuus homo constantissimus, te nobis variu[m] reliquerit. Locus ex ambiguo vocis. Nam varius dicitur, parum animo constans: varius item, qui vestigiis plagarum notatus est. Vulgatum autem erat, hunc Isauricum aliquando à patre casum loris. Inde illud M. Celi prætoris non dictum, sed factum: cuius quum sellam curulem consul Isauricus fregisset, alteram posuit loris intentam: tacite minitans illi, atque exprobrans, quod à patre loris casus esset. Eras. 4. apoph.

Eiusdem.

C. Cæsari in senatuenixè defendenti causam filix Nicomedis, beneficiâque regis in se commemoranti: Remoue, inquit Cicero, isthæc oro: quoniam notum est quid ille tibi, quid tu illi dederis. Locus est ex ambiguo verbi. Nam dat, qui confert beneficium: & dat mulier, quæ sui facit copiam. Vnde illud Martialis:

Vis dare, nec dare vis.

Male

Malè audiebat Cæsar, quòd in Bithynia Nicomedi regi fuisset obsequentior, quàm pudicitia leges postulant. Eras. 4. apoph.

Eiusdem.

Quum mater M. Bruti Seruilia preciosum are paruo fundum abstulisset à Cæsare, qui bona ciuium subiiciebat hastæ, ita iocatus est Cicero: Et quidem, inquit, quo melius emptum sciaeis, cinit hunc fundum Seruilia, tertia deducta. Seruiliae autem filia dicebatur Iunia Tertia, eadèmq; C. Confidii vxori: lasciuiente Dictatore tam in matrem, quàm in filium. Ex ambiguo iocatus est Cicero: potuit enim intelligi, tertia pars precii detracta. Deducitur autem vxor, aut scortum. Eras. lib. 4. apophthegma.

Eiusdem.

Vatinius inimicum, & alioqui sceleratum, M. Tullius audierat obuisse diem. pòst, quum rursus audisset illum viuere: Malè pereat, inquit, qui malè mentitus est: significans, Vatinius indignum qui diutius uiueret. Omne quidem mendacium malum: sed hoc mendacium bis erat malum, quia bonos viros in falsum gaudium coniecerat. Dictum tamen erat ambiguum, quod dici poterat & de illo quem mori nolles. Plutar. in Rom. apoph.

Crassi.

Quum Brutus iunior fundos adèsq; paternas luxu prodessigisset, & in his etiam balneas, & in sermone quodam diceret, se frustra sudare: Non mirum, inquit Crassus, nuper enim existi è balneis. Ludit ex ambiguo. Exit è balneo, qui lauit: & exit, qui vendidit, alteri que cedit. Eras. lib. 6. apoph.

Galba.

L. Galba scurra, cuidam pilam negligenter petenti: Petis, inquit, tanquam Cæsaris candidatus. Huius competitores negligentius ambiebant, vel quia metuebant Cæsarem repulsam impatientem, vel quia desperabant se assequuturos tali competitore, vel quia sic illi blandiebantur. locus est ex ambiguo. petitur pila, quæ repercutitur: & petitur magistratus. Eras. 6. apoph.

Cincij.

M. Cincius, quo die legem de donis ac muneribus tulit, C. Centoni prodeunti, ac satis contumeliosè interroganti, Quid fers Cinciole? Vt emas, inquit, si uti velis. notans illum, quod donatis & commendatis rebus uti gauderet. Allusit autem

ad illud decantatum in primis, Emere malo quàm rogare. Ad hæc, amphibologia est in verbo, Ferre, fert enim, qui promulgat legem: & fert, qui portat aliquid venale. Eras. 6. apoph.

Planci.

Plancus in iudicio fortè amici, cum molestū testem destrue-
re vellet, interrogauit sutorem quendam, quo se artificio tue-
retur: ille vrbane respondit, Gallam subigo. Habetur autem
hoc sutorium instrumentum, quod non infacete in adulterii
exprobrationem ambiguitate conuertit. Nam Plancus in Me-
uia Galla nupta malè audiebat. Macrobius lib. 2. cap. 2. Satur.

Vespa Terentiū.

Titius quidam studiosè pila ludere solebat, sed idem no-
ctu signa sacra frangere putabatur. Hunc quum gregales in
campo desiderarent, Vespa Terentius hoc colore excusauit, vt
diceret illum fregisse brachium. Nam diuorum imagines bra-
chijs gestabant donaria. Huc allusit Vespa. Erasmus libro sexto
apoph.

Proculiū.

Procleius querebatur de filio, quod expectaret mortem pa-
tris: quumque filius respondisset: Ego verò non expecto: Imò,
inquit, rogo vt expectes. Detorsit verbum in contrarium sen-
sum. Expectat mortem patris, qui inhiat: & expectat, qui non
accelerat mortem patris. Refert Fabius lib. 9.

Augusti Cæs.

Olim erat magna sepulchrorum religio, eaque pars agri quæ
sepulchro erat dicata, non proscindebatur aratro. Vectius ita-
que quum nihil hac religione deterritus, patris monumentum
exarasset: Augustus facete iocatus est, Hoc inquit, est verè pa-
tris monumentum recolere. Rursus lusit ancipiti verbo. Coli-
mus ea quæ veneramur, & colitur ager aut aliud simile. Gemi-
na fuisset amphibologia, si pro monumento dixisset memò-
riam, quod ab illo dictum arbitror. Siquidem eorum memo-
ria nobis sacrosancta dicitur, quos vita defunctos veneramur:
& memorias ad Græcorum imitationem vocamus, defuncto-
rum monumenta. Erasmus libro 4. apophtheg. ex Suetonio
Tranquillo.

Eiusdem.

Quum plerique rei quos Seuerus Cæsius accusabat, absol-
uerentur, & is cui Cæsar forum extruendum locarat, diu trahe-
ret illum operis expectatione: Vellem, inquit Cæsar Augustus,
vt Cæs

vt Calsius & forum meum accusasset. Iocatus est ambiguo verbo. nam absoluitur, quod perficitur: & absoluitur, qui a causa liberatur: absoluit opus architectus, & reum iudex absoluit. Eras. lib. 4. Apophthegmatum.

Romanorum.

Quum ex oratione Neronis, qua in Vindicem perorabat, recitaretur in senatu, daturus pœnas sceleratos, ac breui dignum exitium facturos: exclamatum est ab vniuersis, Tu facies Auguste. Quæ vox bifariam potest accipi: Tu facies vt dent pœnas, aut tu dabis pœnas. Sueton. in Nerone.

De ambitione.

Platonis.

PLato dicitur ter nauigasse in Siciliam, nec sine periculo, nec sine caullis obrectantium. Molon itaque, qui gerebat hostilem in Platonem animum, negabat esse mirum si Dionysius esset Corinthi, sed si Plato in Sicilia. Nam tyrannum expulerat necessitas, Platonem inuitabat ambitio, vt vulgus quidem interpretabatur. Et tamen Dionysium esse Corinthi adeo mirabantur omnes, vt iam abierit in prouerbium, de re inexpectata & incredibili. Laer. lib. 3.

Phauorini.

Phauorinus homines partim esse ridiculos, partim odiosos, partim miserabiles dixit. Ridiculos quidem, qui ambitiosè ad maiora aspirant. Odiosos, qui ea consequuntur. Miserabiles autem, qui spe falluntur. Stob. serm. 2. de Prudentia.

Themistoclis.

Themistocles cum aliquando theatrum peteret, interroganti cuidam, cuius vocem esset libentissimè auditurus? Eius, inquit, a quo artes meæ quàm optimè canerentur. Ingenue falsus est, se magno gloriæ studio teperi. Solent enim olim Musici, in publico virorum illustrium laudes canere. Plutarch. in eius vita.

Timonis.

Timon, qui cognomine Misanthropos dictus est, elementa malorum vocabat Auaritiam & Ambitionem: eo quod ex horum vitiorum fonte, cætera vitia omnia prouenire ac manare viderentur. Timonis dictum recitat Stobæus sermo. 8. de Iniustitia.

Epanimonda.

Epaminondas cum fortiter Lacedæmonios bello vicisset, ac multo sanguine fuso iam fugasset, cum audiret, Lacedæmonios eius belli calamitatem extenuare, vt palam fieret omnibus quanta strages edita esset, non quibuscumque permisit cadauera interfectorum tollere, sed vt quæque ciuitas sua auferret. & ita factum est, vt appareret, plusquam millenòs Lacedæmonios interiisse. Et sic Epaminondas ob oculos posuit, quanto honore & præmio dignus esset. Vide Plutarch. in Græcorum regum apoph.

Hipponici.

Hipponicus Calliæ filius statuum ponere, sacrosanctum patriæ donarium, in animo habebat. Cum autem quidam ei consuleret, vt à Polycleto fingendam imaginem curaret: Non, inquit, se eiusmodi donarium positurum, cuius gloria non ad consecratorem, sed ad factorem sit reditura. Etenim liquere, spectatores in ea statua magis artem & industriam Polycleti, quam suam liberalitatem & munificentiam admiraturos esse. Aelianus lib. 14. de Varia hist.

Damidi.

Damis, cum Alexander Magnus per literas petisset, vt Lacedæmoniorum decreto decernerentur ipsi diuini honores, & in deorum numero referretur: Age, inquit, concedamus Alexandro, si velit appellari Deus. Vt despectam risit stultam principis ambitionem, qui putarit ab iis posse creari deos, qui ipsi nihil aliud essent quam homines: aut si hoc non putauit, insigni stultitia falsi nominis vmbra gloriaretur. Plut.

Theopompi.

Cum Pylî decretum edidissent, quo Theopompo tribuebantur summi honores, rescripsit: Mediocres honores ipsum tempus auget, immodicos abolet. Hoc animo quid excellentius? quod alii sibi aut vindicant arroganter, aut ambiunt ineptè, hoc vltro delatum reiecit, simul & suam declarans modestiam, & amicos admonens, in omni re modum esse optimum. Quin & illud acutè perspexit, quæ subito crescunt in altum, non esse diuturna, quod genus sunt betæ, & cucurbitæ: ceterum quæ paulatim auferunt, ea ferre ætatem, veluti quercum & buxum. Plutar. in Laconicis.

Agrippæ.

Agrippa familiaribus suis dicere solebat, hunc esse morem
prim

principum, ut nolint habere quenquam se potiorum. Nam ea quidem, quæ facilem & exploratam victoriam esse videntur habitura, ipsi gerere statuunt: pessima verò quæque & difficilima aliis committunt. Quod si eveniat ut opportuna negocia aliis mandare cogantur, graviter ferunt, propter laudem & gloriam eorum qui ea gesserunt, sed sibi ipsi rerum bene gestarum gloriam libenter ascribunt. Xiphilinus in Augusto..

Scauri.

Rutilius & Scaurus cum competitorum essent in consulatu, Rutilius tandem Scauro cessit. Sed Scaurus ambitus Rutilium accusabat, quoniam in tabulis Rutilianis scriptum esset, A. F. P. R. atque interpretaretur Scaurus, Actum fide Publii Rutilii: quasi suffragia Rutilius corrupisset, nec potuisset fieri consul Scaurus, nisi ex renunciatione Rutilii: Rutilius rursus interpretabatur: Antè factum, postea relatum: Tum C. Caninius eques Romanus, quum Russo adesset, exclamavit, neutrum illis literis declarari. Id enim significare: Aemilius fecit, plectitur Rutilius: id est, Aemilius Scaurus corripit populum, Rutilius passus est repulsam. Brufonius lib. I. cap. 15.

Cotta.

Caius Cotta in ambitione artifex, dicere solebat, se operam suam, quod non contra officium rogaretur, polliceri solere omnibus, impartire autem iis apud quos optimè poni arbitraretur. Brufon. lib. I. cap. 15.

Horatii.

Horatius rediens ad suos, trium Curiatorum fratrum quos occiderat spolia gestabat, quorum vni desponsa fuerat Horatii soror virgo. Illa agnoscens sponsi paludamentum, quod ipsa manibus suis consecerat, solvit crines, ac fletu sponsum mortuum inclamat. Horatius sororem gladio transfigit, dicens: Abi hinc cum tuo præpropere amore, oblita fratrum mortuorum, vivique, oblita patriæ. Tantum valuit amor laudis, & patriæ gloria. Livius, & Plin. de vir. ill.

Afri.

Afer Didio Gallo, qui provinciam ambitiosissimè petierat, deinde impetrata ea, tanquam coactus, querebatur, urbanè atque ironicòs: Age, inquit, Didi, aliquid & reipub. causa labora. Brufon. lib. I. cap. 15.

Ciceronis.

Coci cuiusdam filius ambitiosissimus, cū candidatus in cam
pum

pum descendisset, ac à Cicerone petisset suffragium, Tullius coquum agnoscens, ait: Ego quoque tibi fauebo. Respexit autè Cicero ad officium hominis, cui ideo fauere cuperet, ne sale perderet offam. Brufon. libro 1. cap. 15.

Catonis.

Quum M. Octavius duas habens legiones haud procul ab Utica, à Catone postularèt, ut inter ipsos de imperio statueretur. Cato legatis nihil respondit, verum ad amicos conuersus: Quis iam mireretur, inquit, rem malè gestam esse, quum in ipsa morte in nostris videatis dominandi cupiditatem? Significans, ambitione ducum bellum infelicitè cessisse. Plutarch.

Alphonfi regis.

Alphonfus Aragonum rex: dehortantibus amicis, ne ob imminèntia pericula bellum cum Ioanna Neapolitanorum regina, contra Martinum pontificem, qui regno eam spoliarèt, susciperet: Non abhorreo, inquit, periculum, cum sine labore & periculo nemo vnquam gloriam consecutus sit. Panormita. de rebus gestis Alphonfi. lib. 1. cap. 2.

Plura pete ex titulis, de Gloriæ & Laudis cupiditate, atque Regnandi libidine.

De ambitione ex sordibus.

Socratis.

Socrates animaduertens Antisthenem ambitiosius ostentare vestem laceram & detritam, facètè hominem increpauit, οὐ πάσις, inquit, ἀναλωπίζεμεν ἡμῶν: id est, non desines te nobis comere? Significans, eiusdem esse ambitionis vilitatem amictus ostentare, & delicato cultu sese venditare. Eras. lib. 8. apoph.

Eiusdem.

Alcibiades cum Socrati magnifica misisset munera, & Socrates respuere videretur: Xantippe auida dissuasit, & donum magnificum ac indignum ut non acciperetur esse dixit. Tum Socrates: Alcibiades, inquit, hæc mittit ambitiosè, & nobis nostra est ambitio. Alii namque videri & laudari cupiunt, dum alios ornant muneribus: alii verò ex eo laudem sibi parare student, quod propter communem consuetudinem omnia contemnunt: & sic omnibus sua innata est ambitio. Recitat Eras. li. 8. apoph.

Eiusdem.

Quum Antisthenes Cynicus pallium haberet pertusum,
idq;

idque obuertens fissuram omnibus daret inspiciendam: Per fissuram, inquit Socrates, pallii tui, video tuam inanitatem. eleganter notans, turpiorem esse ambitionem ex vilitate cultus, quam ex amictu splendido. Atque utinam inter Christianos non sint multi Antisthenes, qui sub veste fusca, vili, sordidaque, plus celebant gloriæ, quam alii diuites habent in holosericis ab bysiniis. Eras. lib. 3. apoph.

Diogenes.

Diogenes quum aliquando perfusus esset aqua, staretque toto distillans corpore, circumstantes aliquot, ut sit, commiserabantur hominem indigna passum. Quibus Plato (nam & is forte tum aderat) Si vultis, inquit, commiserari Diogenem, abite: notans in philosopho gloriæ cupiditatem. Hoc igitur spectaculo quoniam delectabatur, felix erat potius quam miserandus: at si nullo teste perfusus fuisset, tum verè fuisset miserabilis, Laert. lib. 6.

Eiusdem.

Diogenes quum Rhodios quosdam adolescentes elegantiore cultu conspexisset: dixit, *τίς ἐστίν*, id est, hic fastus est. Rursum, quum vidisset Lacedæmonios substricta tunica parcè sordideque cultos, *τίς ἐστίν*, inquit, *ὁ δὲ*, id est, hic alius fastus est. Significans, non minus peccare eos qui ad ostentationem sordide vestiuntur, quam qui splendido vestitu sese iactant. Vnde scitum est illud diui Hieronymi, Pullas æquè ut candidas deuita. Eras. lib. 8. apoph.

Eiusdem.

Plato frugalis quidè erat, sed tamen amans mundicie: contra Diogenes, sordidus. Itaque calcans Platonis culcitram, presentibus aliquot Dionysii amicis, quos Plato inuitarat ad conuiuium, dixit: Calco Platonis ambitionem. Mox Plato: At quanta superbia tumes ipse Diogenes, dum alienam superbiam te calcare putas. Hoc ipsum ab aliis narratur lepidius. Diogeni dicenti, Calco fastum Platonis: Calcas, inquit Plato, sed alio fastu. Nam hoc ipsum fastus erat, quod iactabat mundicie contemptum: & qui sordibus gloriantur, non minus ambitiosi sunt quam qui splendide vestiuntur, sed aliter. Turpior est autem ambitio, ex fuco virtutis laudem captans. Socion tamen hoc non ascribit Diogeni, sed Platoni Cynico. Laertius lib. 6.

Eiusdem.

Diogenes Sinopenfis de se ipso dicere solitus est, se implere & ferro

ferre trágicas execrationes. Nam erronem se esse, domo & patria carere. mendicum agere, tenui vestitu uti, & in diem viuere. Nihilominus tamen in his non sibi minus placebat, quam Alexander in terrarum orbis imperio, cum subactis Indis Babylonem reuerteretur. Aelianus lib. 3. de Varia hist.

De amicitia, atque amico bono.

Thaletis.

Thales Milesius philosophus dicebat, amicorum absentium æquè ac præsentium oportere meminisse. Amicitia enim est animorum coniunctio, quos non dirimit locus. Multi non amant, nisi tantisper dum vident. Diogenes Laert. libro 1. capit. 1.

Chilonis.

Chilon Lacedæmonius cum quendam audiuiſſet prædicantem, se nullos habere inimicos: interrogauit, num vllum haberet amicum? Sentiens, amicitias & inimicitias inuicem sese cõsequi: nec fieri posse, quin qui multos haberet amicos, complures habeat & inimicos. Gell. lib. 1. cap. 3. Plut. de Anima.

Socratis.

Socrates omnium Græcorum sapiētiss. dicere solitus est, nullam esse possessionem preciosiorem vero bonoque amico, nec aliunde plus fructus aut voluptatis capi. Itaque præposterè facere multos, qui pecuniæ dispendium grauius ferūt quàm amici iacturam: quique se beneficium perdidisse clamant gratis collocatum, quum eo sibi conciliarint amicum quouis lucro potiore. Eras. lib. 3. apoph.

Eiusdem.

Idem Cræso interrogato, quid esset maximum & preciosissimum ex regno consecutus? Cum ille respondisset, vt hostes vincisceretur, & amicos beneficio afficeret: Multo, inquit, melius feciſſes, si & illos tibi amicos ascuiſſes. Maximus serm. 6.

Zenonis.

Zeno Cittieus à quodam interrogatus, quis reuera esset amicus? respondit, Alter ego. Laertius lib. 7. cap. 1.

Diogenis.

Diogenes admonitus à quodam, ab amicis illi tendi insidias, vt caueret. Quid facias, inquit, si similiter & cum amicis & cum inimicis habebimus consuetudinem? Ab inimicis nobis caueamus, amicis fidimus. Quod si pariter ab vtrisque nobis cauebimus,

mus, non est suauē viuere. Laert. lib. 6.

Pericli.

Pericles Atheniensis amico roganti, vt pro se falsum diceret testimonium: se quidem amicum esse dixit, sed ad aras vsque. Sensit vir prudentissimus, eatenus bene faciendum esse amicis, quatenus iustitia, æquitas, & in Deum pietas permittit. Plutarchus in Græcorum regum & imperatorum apoph. Gell. libr. 1. cap. 3. Brusoni. lib. 1. cap. 3.

Xenocrati.

Quum Platoni Dionysius diceret, Aliquis auferet tibi caput: Xenocrates, qui tum præceptor aderat: Non prius, inquit, quàm hoc suum ostendens caput. Laert. lib. 4. cap. 2.

Aristotelis.

Aristoteles Stagiritæ rogatus olim, quo pacto amici tractandi essent? Non aliter, inquit, quàm nos ab illis tractari cupere. Laert. lib. 5. cap. 1. Brusoni. lib. 1. cap. 3.

Dionis.

Dion Syracusanus admonitus vt cauere sibi ab Heraclide & Calippo, quorum fidei plurimum credebatur: respondit, se in illa vita excedere, quàm in metu violentæ mortis amicos inimicosque iuxta ponere. Brusoni. lib. 1. cap. 3.

Dionis.

Dion, qui Dionysium regno expulit, quum accepisset Callipum, cui & inter hospites & amicos suos fidebat maximè, sibi moliri insidias, non potuit inducere animum vt illum conuinceret, dicens: Mori satius esse quàm viuere, si non ab hostibus tantum, verum etiam ab amicis cauendum esset. Dignus erat optimis amicis, qui mori prius habuerit, quàm amico diffidere. Plut. in regum & imperatorum apophthegma. Brusoni. lib. 1. cap. 3.

Phocionis.

Nicocli petenti, vt sibi ante Phocionem venenum haurire liceret: Tametsi durum hoc, inquit Phocion, tamen concedendū est ei, cui nihil vnquam in vita negaui. Phocion Nicoclem inter amicos fidissimum vnice adamarat, eoque molestum erat videre illum morientem. Eam molestiam vt vitaret Nicocles, petebat vt ipse prior biberet. Et hac in re commodauit amico. Plut. in Græcor. apoph.

Epaminonda.

Epaminondas dicere solebat, non prius interdiu discedendū
 è for

è foro esse, quàm nouum aliquem amicum ad veteres adieceris. Aelianus lib. 14. de Var. hist.

Anyti.

Anytus amicorum Alcibiadis vnus, cum ad cœnam rogaret, ille recusauit: sed domi bene potus, cum famulis comestibundus irrupit. stansque ad ostium cœnaculi, iussit famulos vasa diripere, & ad suas ædes deferre: qui ferè dimidium asportarunt, alius conuiuius Alcibiadis violentam superbiam criminantibus, Anytus dixit, illum humaniter egisse, cui quum totum auferre licuerit, dimidium ipsi reliquisset. Eras. 6. apoph.

Antalcida.

Antalcidas cum interrogaretur, quo pacto quis amicos sibi facere posset? respondit: Si loquatur illis iucundissima, præstet autem vtilissima. Quo dicto innuit, in parandis amicis adhibendam esse primò sermonis comitatem, in officiis autem præstandis vtilitatem. Plut. in Laconicis. apoph. Bruson. lib. 1. ca. 3.

Anonymi.

Quidam ambientes amicitiaæ fœdus inire cum Lacone, volebant se quocunque vellet vinculo astringere, quo certius esset amicitiam fore sinceram. Quibus ille: Vna est, inquit, de amicitia certitudo, si etiam volentes lædere non possint, nam reliquæ omnes prorsus infirmæ sunt. Conuenit cum illo Chilonis: Sic habendum amicum, vt cogites illum posse fieri inimicū. Eras. libr. 8. apoph.

Darij.

Darius rex quum aperuisset prægrande malum punicum, & quidam ab eo sciscitaretur, cuius rei tantum numerum habere optaret, quantus illic inesset granorum? respondit, Zopyrorū, is erat vir bonus, ac Dario fidus amicus. Significans, regi nihil prius aut charius esse debere probis ac fidis amicis. Tameñ. Herodotus lib. quarto refert, hoc fuisse dictum de Megabyze. Plutar. in Regum apoph. Dario adscribit.

Alexandri.

Alexander Mag. quodam tēpore Darii mulieres inuisit, vnā cum Hephæstione. Hunc ergo, quum esset eodem ornatu quo rex, corpore etiam maior, Syngambris Darii mater pro rege adorauit. Eadem quum ex nutibus adstantium intellexit esse errorem, perturbata denuò salutauit Alexandrum. Tum Alexander: Nihil est: ò mater, quòd turberis. nam & hic Alexander est. Sentiens, amicum esse alterum ipsum. Plut. in Alexan.

Eiusdem

Eiusdem.

Idem, inter amicos quos habebat præcipuos ac potentissimos, omnium maximè videbatur honorare Craterum, sed omnium maximè diligere Hephæstionem, Craterus enim, inquit, amat regem, Hephæstion amat Alexandrum. Id Græcè iucundius dicitur, φιλοβασιλεύς & φιλαλέξανδρος. Sètiens, Craterum in his quæ ad regiâ dignitatem attinebant, præstare fidum amicum: Hephæstionem, priuato quodam affectu diligere Alexandrum. Pariter itaque, licet dissimiliter amantibus, diuersa ratione persoluit præmium. Craterum ornauit dignitate: Hephæstionem ad intimam admisit familiaritatem, Plutar. in apoph. regum.

Eiusdem.

Alexander Macedo Ilium profectus, Achillis statuam coronans, O te foelicem, inquit, Achilles, cui viuo talis amicus contigit. loquebatur autem de Patroclo, qui fidissimus Achilli fuit amicus, Plut. in vita Alexandri, Bruso. lib. 1. cap. 3.

Demetrii.

In somnis Antigonus aliquando viderat Mithridatem, auream metentem messem: eoque struebat illi insidias, vt tolleretur è medio. Idque quum indicasset Demetrio filio, iureiurando adegit vt sileret. Is verò iuncto sibi Mithridate, deambulabat in littore maris, & infima hastæ parte inscripsit harenæ, Fuge Mithridates. Is intellecta re, profugit in Pontum, atque illic perpetuò regnauit. Plut. in apoph. Regum.

Fabii.

Quoniam Fabius contando eludebat hostem, quum Marcellus viribus vrgeret Hannibalem, ille dictus est clypeus Romanorum, hic ensis: quòd illi præcipuum studium fuit, ne quid cladis acciperent Romani: alteri, vt hostem perimerent, Plut.

Scipionis.

Scipio minor negabat vllam vocem inimicitiorum amicitia potuisse reperiri, quàm eius qui dixisset, Ita amare oportere, vt aliquando esses osurus. nec verò se adduci posse, vt hoc (quemadmodum putaretur) Biantis esse dictum crederet, qui sapiens habitus esset, vnus è septem: sed impuri cuiusdam, & ambitionis, aut omnia ad suam potentiam reuocantis, esse sententiam. Quoniam enim modo quisquam amicus ei esse poterit, cuius se putabit inimicum esse posse? Cicero in Lelio.

Eiusdem.

Idem dicere solebat, nihil difficilius esse, quàm amicitiam usque ad extremum diem permanere. Mutantur enim mores saepe, aliàs aduersis rebus, aliàs ingrauescente aetate: aut dirimuntur contentione vel luxuriæ conditione, vel commodi alicuius, quod idem adipisci vterque possit. Ibidem,

Eiusdem.

Idem frequenter dicebat, in omnibus rebus diligentiores esse homines: ut capras & oves quot quisque haberet, dicere posset: amicos quot haberet, non posset. in illis quidem parandis curam adhibent, in amicis eligendis sunt negligentes. Ibidem.

Pompeij.

Cato cum prædiceret, Pompeii potentiam crescentem nulli bono fore populari ciuitatis gubernationi, sed multo magis ad tyrannidem tendere: Pompeius ita respondit, Tua (inquit) Cato magis accedunt ad diuinationem, mea autem accommoda sunt amicitiae. Quo dicto indicat, Catonem de rebus loqui planè incertis: se verò ea præcipuè secutum esse, quæ tum temporis amicitia, quæ sibi cum Cæsare intercedebat, postulabat. De amico autem multò humanius est bene sperare, quàm quasi per somnium diuinare peiora. Plut. in Ro. apoph.

Rutilij.

P. Rutilius cum amico iniusta petenti pernegasset suum officium, & is indignabundus diceret: Quid ergo opus est mihi tua amicitia, si quæ abs te peto, non accipio? Imò, ait Rutilius, Quid tua mihi opus est amicitia, si quid inhonestæ rei propter te facturus sum? Recitat Brusonius Contursi. lib. 1. cap. 3. Val. Max. lib. 6. cap. 4. & Eras.

Volumnij.

M. Lucullum, quod Bruti & Cæsii partes sequutus fuerat, M. Antonius occidit. Huius mortem quum Volumnius, qui viuum familiariter coluerat sine fine deploraret, ad Antonium pertractus ait: Iube me protinus ad Luculli corpus ductum occidi. Neque enim illi extincto superesse debeo, quum ei infelicitis militiæ autor extiterim. Eras. lib. 6. 1. poph.

Antonij.

Lucilius Bruti familiaris, quum Barbaros in Brutum obnoxiosos cerneret, Brutum se esse assimulauit: captusque, & ductus nimis auidè ad Antonium, quum in Antonii esset aspectu, ait: M. Brutum o Antoni nemo cepit, absitque ut ipsum quisq

quisquam capiat hostis. Sed exterritus his qui adduxerāt: Credo, ait Antonius, vos commilitones hunc errorem grauiter ferre: sed scitote vos meliorem prædam adeptos. dum enim hostem quæritis, amicū mihi adducitis. Viuo quidem Bruto ignoro per deos quā in re vterer: His amicis vtiā magis quā hostibus potiar. Plut. in Bruto, & Bruto. lib. I. cap. 3.

Octauiani Cæs.

Cæsar Octauianus Augustus, cum Alexandriam vi cæpisset, ciuibus omnibus & ciuitati se parcere dixit propter Arrium ciuem Alexandrinum, & olim sibi summa fanularitate cōiunctum. Raræ profectò clementiæ fuit Cæsar, qui propter vnicū amicū eam ciuitatem diripere noluit, quæ tam diu pertinacissimè rebellarat. Dictum Cæsaris recitat Plutarch. in Roma. apoph.

Alphonfi regis.

Neapolitani, cum in honorem & æternam Aphonsi regis clarissimi memoriæ arcum triumphalem ædificare vellent, & quo satis spaciū haberent, Nicolai Mariæ Buzuti magnanimi & strenui equitis domum diruere conarentur: rex stultum ciuiū facinus inculcauit, dicens, non tanti se facere ædificia ventis & tempestatibus exposita, vt ob id veteris amici (cuius operam strenuam non semel in bello expertus esset) domum destruere cupiat. Pluris autem fecit vir prudentissimus amicum, quā nominis sui perpetuum monumentum. Panormita lib. I. de gest. Alphonfi.

De amicitia regum & principum.

Solonis.

Solon argutissimè dixit, tyrannorum amicos calculis supputatoriis esse simillimos: qui vt arbitrio supputantis ponuntur, interdum valent multa millia, interdum minimum, interdum nihil. Laert. libro I. cap. 3.

Philippi.

Philippus Arato venenum dandum curarat, quod non repente occideret, sed lenta tæbe consumeret. Id vbi sensit Aratus, nec inueniretur remedium, dissimulauit: & ingressus cubiculum, vni tantum ex familiaribus dixit: O Cephale, hæc sunt præmia regiæ amicitiae. Non semper tutum, regibus optima dare consilia. Eras. lib. 6. apoph.

Antipatri.

Antipater quum didicisset Parmenionem ab Alexandro imperfectum, dixit: Si Parmenio struxit insidias Alexandro, cui fidendum est? Si non struxit, quid agendum? Erat Parmenio velut alter Alexander, in rebus militaribus. Si tantus amicus fessit, non est tutum cuiquam amico fidere: si Alexander nihil commertum sustulit, præstat à regum negociis abstinere. Plutarch. in apoph. regum & imp.

Omuli.

Omulus senator Romanus, Traiano imperatori dicere solebat, Maiori vtilitatis ratione malum principem optari posse, qui permultos bonos haberet amicos, quam bonum, qui maiorum multorum amicitiis vteretur. Siquidem facilius fore, à multis bonis vnum malum ad bonitatem deduci, quam ab vno bono malos multos à malitia auerti. Fulgosit lib. 7. capite 2.

De amicitia neglecta, aut violata.

Bionis.

BIon Borysthenites dicebat, amicos, quales quales essent, retinendos esse: ne videamur aut malos recepisse in familiaritatem, aut bonos reiecisse. Laert. lib. 4. cap. 7. & Bruso. Conturbatus lib. 1. cap. 3.

Socratis.

Socrates dicebat, cuius esse promptum, si quid rerum insignium haberet, proloqui: quum difficillimum esset nominare quos possideret amicos, quum hac possessione nulla sit charior. Hoc dicto taxabat præposterum vulgi de rebus iudicium, qui hoc negligentissime haberet, quod omnium plurimi faciendum erat. Ditiore sibi videtur cui pecuniæ non nihil obtigit, & damnum deplorat cui perijt: at qui sibi parauit bonum amicum, non videtur sibi factus beatior, nec iacturam desset qui perdidit. Eras. lib. 3. apoph.

Eiusdem.

Idem, eos qui amicitiam violarent, etiam si iniuria affectorum supplicia effugerent, Dei ultionem tamen nequaquam euasuros dicebat. Sensit autem vir sapientissimus, eos diuina ultione merito puniri, qui amicitiam, humanæ societatis vinculum, disrumperent. Maximus sermone 6.

Simonidis.

Simonides interrogatus, quam ob rem, quum esset extrema

in senectutis, tamen attentus esset ad rem: Quoniam, inquit, malim moriens inimicis relinquere, quam carere amicis. taxans instabiles hominum amicitias, qui consequuti quod volunt, negligunt amicum: eidem, dum sperant, obseruiunt. Eras. libro 6. apoph.

Diogenis.

Diogenes Cynicus rogatus, quemadmodum amicis vteretur Dionysius? Vt vasculis, ait: dum plena sunt, euacuat, & vacua abiicit. Bruso. lib. 1. cap. 3.

Anaxagora.

Anaxagoras philosophus Periclis præceptor fuisse legitur, cui in administranda republica magno fuit usus. Verum cum Pericles negociis intentus desuisset agere curam Anaxagoræ, iam ad decrepitam prouecti senectutem, constituit inedia finire vitam. Id simul ut renunciatum est Pericli, anxius accurrit, & argumentis, precibus & lachrymis conatus est hominem à spontaneæ mortis proposito reuocare: idque magis sua ipsius causa, quam philosophi. Cui Anaxagoras, resecta facie iam moribundus, nihil aliud respondit quam hæc: O Pericles, & quibus lucerna est opus, infundunt oleum, exprobrans illi neglectum amici, unde tantam capere poterat utilitatem. Lucerna curatur ob usum vulgarem, & talis consiliarius neglectus perit. Laert. lib. 2. cap. 3.

Pisistrati.

Pisistratus Atheniensium tyrannus, quem aliquot amici, qui ab ipso defecerant, Phylon occupassent, venit ad illos stragulas in sarcinam colligatas ipse portans. Caterum illis quid sibi vellet percontantibus: Vt, inquit, si persuasero, reducam vos: si non persuasero, maneam vobiscum. ob hoc enim veni cum sarcinis. Egregius animus, qui nollet sine amicis nec regnare, nec viuere. Plut. in Græcor. imperatorum apoph.

Catonis.

Cato Censorius audiens grauissimam de colenda amicitia disputationem, ait: Amicitia quæ non placent, dissuendæ magis quam disciendæ sunt. Cicero in Catone Maiore.

De amicitia falsa, quæ in rebus aduersis declaratur.

Chilonis.

Chilon dicere solebat, Promptius ad amicorum aduersam fortunam, quam ad res secundas accurrendum. Rebus

prosperis aduolant quilibet, etiam minus amici: qui adsunt
reflante fortuna, hi verè sunt amici. Laert. lib. 1. cap. 4.

Socratis.

Socrates importunè amare, nihil aliud esse quàm odio prosequi, dicebat. Is enim qui se amicum esse simulat, quid aliud agit, quàm vt porrigens vna manu panem, se amicum dicat, post tergum altera manu lapidem proiciat? Maximus serm. 6.

Demetrij.

Demetrius Phalereus aiebat, veros amicos in rebus lætis adesse vocatos, in aduersis inuocatos & vltro. At vulgò fit secus. Laertius lib. 5. cap. 5. Bruso. libro 1. cap. 3.

Anonymi.

Lacon quidam pridie ab hospite declinatus, postridie lectis stratisque conductis liberaliter exceptus, strata ipsa conscendit, ac conculcare cœpit, dicens: Propter hæcheri ne in platea quidem dormiui. Plut. in Laconicis, Bruso. lib. 1. cap. 3.

Namertis.

Namertes cum legatione fungens, à quodam eius gentis ad quam erat missus, beatus prædicaretur, eo quòd multos haberet amicos: interrogauit, quomodo qui multos haberet amicos, periculum faceret an amicum haberet sincerum ac probum? Id quum alter fassus se nescire cuperet discere: Per aduersam, inquit, fortunam. Plut. in Lacon. Bruso. lib. 1. cap. 3.

Psammeniti.

Psammenitus Aegyptiorum rex à Cambyse regno pulsus est. Eius filiam ancillari veste indutam, cum aliquot nobilium virginibus, Cambyses mitti iusserat ad hauriendam aquam, vt hoc spectaculo parentum captiuorum animos discrutaret. Cateris indignè ferentibus, solius Psammenitus demisit oculos. Mox iussit duci filium illius, cum aliis plurimis eiusdem ætatis, vinctis ceruicibus, & ore frenato. Atque hoc etiani spectaculo solus Psammenitus ad lachrymas commotus non est. Idem quum vidisset familiarem quendam exutum opibus, mendicantem obambulare, hoc spectando adeò commotus est, vt ingenti fletu hominem amicum compellans, caput suum barbarico more caderet. Ea re cognita, quum Cambyses per nuncium causam sciscitaretur, cur in liberorum calamitate raptus, vnius seniculi calamitatem tam impotenter ferret? respondit: Fili Cyri, domestica mala grauiora sunt, quàm vt lachrymas recipiant: at amicus deplorandus erat, qui à multis opibus

opibus ad summam inopiam reductus est, idque in extremo senectutis limine. Eras. 6. apoph.

Xenocrati.

Lycurgus Rhetor cum fortè Xenocrati obuiam factus esset, qui à Telone obtorto collo pertrahebatur in metœcium, quo in loco carcer erat Athenis; sustem impegit in caput Telonæ, ac Xenocratem liberauit. Telonem verò tanquam indigna patrantem in carcerem coniecit. Id Lycurgi factum cum ab omnibus probaretur, post aliquot dies Xenocrates obuiam factus Lycurgi filius: Cito, ait, retuli gratiam patri tuo, qui vulgò laudatur, quòd mihi amico, in re tam periculosa & difficili tulerit auxilium. Eras. lib. 8. apoph.

Dionysij.

Dionysius senior admiratus egregiam fidem Damionis & Pythiæ, Rogo, inquit, vt me quoque in vestram amicitiam recipiatis. Alteri tyrannus destinarat diem necis, quumq; is pauculos dies petisset rerum domesticarum ordinandarum gratia, hac lege impetrauit, vt alter vas amici fieret, ea conditione, vt si ille non redisset ad diem præscriptum, hic plecteretur. Rediit autem ad diem, mori malens, quam amicum fallere. Ita seruatus est vterque, ac regis amicitia decoratus. Tantum valet egregia virtus apud tyrannos etiam. Erasmus quinto apophthegmatum.

Tarquini.

Tarquinius superbus iam exul factus, dixisse fertur: Se tum denique cognouisse quos habuisset amicos fidos, quos infidos; cum neutris gratiam referre posset. Qui commodi gratia sunt amici, sublata commodi spe deserunt amicitiam. Sed amicos secundæ res parant, aduersæ probant. Erasmus sexto apophtheg.

Alphonfi.

Alphonfus Aragonum rex, ex Sicilia nauigans, videns aues marinas circumuolantes triremem, & expectantes cibum a nauigantibus, escam in mare proiecit. Verum cum videret, à volatilibus certatim rapi, quæ deinde cum præda auolabant, ad suos conuersus ait: Per similes sunt his gaudij purpurati & curiales aliquot mei. Simulac enim aliquod officium aut beneficium hiantes & dimicantes inuicem a me acceperunt, aufugiunt, nec reuertuntur, donec necessitate premantur, plura pe-

rentes. Antonius Panormita, de rebus gestis Alphōsi, & Aeneas Syluius de eius dictis.

De amicorum electione.

Antisthenis.

Antisthenes illud cum primis damnabat in hominum moribus, quod in auctionibus vasa diligenter inspicerent, priusquam emerent: vitam eorum non inspicerent, quos sibi in amicitiam adiungerent. At maior utilitas est à fidis amicis, quam à vasis: & plus damni est, nisi deligas. Laert. libro secundo, capite 8.

Soloni.

Solon Salaminus summopere suos admonere solebat, ne citò quoslibet amicos sibi pararent: quos autem semel parauissent, ne facile reiicerent. Refertur ex Apollodoro apud Laertium, & Erasum in proverbio, Ne cuius dextram inieceris.

Aristotelis.

Aristoteles Stagiritas illud frequenter habebat in ore, ὅ φίλος ἀδὲς φίλος. Sentiens, multos esse amicos nomine, paucissimos aut nullos re. Laert. lib. 5. cap. 1.

Anacharsis.

Anacharsis Scythas frequenter dicere solebat, præstare vnicum habere amicum multi precii, quam multos nullius. Græca sonant iucundius, ἓν φίλον ἔχειν πολλὰ ἀξίον, ὃ πολλὰς μὲν οὐκ ἔχεις. Laert. lib. 1.

Darij regis.

Zopyrus sibi nares & aures præcidit: itaque dissimulās quis esset, ad Babylonios transfugit, fingens se a Dario crudelissimè tractatum. Babylonii persuasi, commiserunt illi præfecturam. Ille nactus occasionem, Dario ciuitatem tradidit. Postea Darius sæpenumero dicere solebat, se malle vnum Zopyrum integrum, quam centum Babylonas capere. Erat opulentissima ciuitas Babylon, tamen vnum amicum centum Babylonibus anteposuit. Ab hoc animo quantum absunt principes quidam, qui fannionem, aut equum, aut canem pluris faciunt, quam probum, fidelem ac doctum amicum? Huius factum damnans rex dicebat, quod turpissimo facto pulcherrimum nomen imposuisset. Videbatur enim mira fides in regem, quum illū summa afficeret tum iactura, tum molestia. Plut. in regum & imperatorum apoph.

Scipio

Scipionis.

Scipio Minor Polybii sequens præcepta, dabat operam ne quando è foro rediret domum, priusquam sibi quocunq; modo quenpiam eorum in quos incidisset, familiarem, & amicū reddidisset: sentiens, nullam esse homini possessionem meliorem. Plutar. in Romanorum apoph.

Alphonfi regis.

Alphonfus Aragonum rex cum in agro Matriciensi dubitaret, vtrum Franciscum Sforciam, an Nicolaum Picininum in amicitiam & societatem admissurus esset: (erat autem alterum duntaxat, propter illorum inter se similitudines, admissurus) Matriciensibus legatis regem adeuntibus, & interrogantibus vtrum Sforcia an Picinino gratulari deberent: Vtrosque tanquam amicos habendos esse, item ab vtrisque tanquam inimicis cauendum esse respondit. Antonius Papormita. de rebus gestis. Alphonfi, & Aeneas Syluius de eius dictis.

De amico castigatore.

Diogenis.

Diogenes Cynicus ad salutem opus esse dicebat aut fidis amicis, aut acerbis inimicis: eo quod illi monent, hi redarguunt, & reprehendunt. Laert. lib. 6.

Phocionis.

Phocion Antipatro petenti, vt in gratiam suam faceret quiddam pugnans cum iniustitia: Non potes, inquit, ô Antipater, Phocione simul & amico & adulate vti. Amicus obsecundat quousque patitur æquum & honestum. Nec enim amicus ab amico quod iniustum est petere debet. Adulator autē, ad quiduis obsequitur. Plut. in Græcor. apoph.

Philippi regis.

Quum multi bello capti venderentur, Philippus Macedonum rex in auctione sedens, parum decenter vestitus erat. Quidam igitur eorum, qui vendebantur, exclamauit: Parce mihi Philippe, paternus enim sum tibi amicus. Philippus interrogauit, Vnde nam hæc amicitia conflatæ esset? Tum ille: Volo, inquit, propius accedens dicere. qui quum admissus esset, quasi arcani quippiam dicturus: Deimittes, inquit, chlamydem aliquantulum: nam ad istum modum indecenter sedes. Mox Philippus: Hunc, inquit, dimittite liberum: nesciebam enim prius, illum mihi verum amicum esse, donec melioribus institutus

sum ab ipso. Sensit vir prudentissimus, eos præcipuos amicos esse, qui probè nos instituunt. Recitatur à Plutarcho in regem & imperatorum apophthegmatis, & Brusonio lib. 1. cap. 3.

Catonis.

Cato intelligens quendam animum ab amico reprehensore alienasse: Noli, inquit, indignari amico: opem enim propter aculeum non odisti, sed foues & tueris propter fructum. Cur igitur amici obiurgationem fers adeò iniquè, quam propter beneuolentiam plurimum amare debes? Maximus serm. 6.

De amicorum rebus communibus.

Epicuri.

EPicurus improbat institutum Pythagoræ, qui quum doceret amicorum communia esse omnia, iubebat ut discipuli, quod quisque habebat, deponerent in commune: dicens, id esse diffidentium verius quàm amicorum. Etenim si quis mihi verè sit amicus, nihilominus habeo pro meis quæ ille possidet, quàm si deposuisset. Porro qui diffidit, aut non est ipse verus amicus, aut de alterius animo dubitat. Erasmus lib. 8. apoph.

Anyti.

Anytus amicorum Alcibiadis vnus, cum ad cœnam rogatus, ille recusauit: sed domi bene potus, cum famulis comedebundus irrupit, & stans ad hostium cœnaculi, iussit famulos vasa diripere, & ad suas ædes deferre, qui ferè dimidium asportarunt. Aliis autem conuiuiis, Alcibiadis violentiam accusantibus: Anytus respondit, illum bene egisse, cui cum totum auferre licuerit, dimidiam tamen adhuc partem ipsi reliquisset. Sensit vir prudentissimus, amicorum meritò omnia communia esse debere. Eras. lib. 6. apoph.

Plura vide supra de Aequalitate.

De animalium brutorum folertia.

Alphonfi regis.

QUum essent apud Alphonsum Aragonum regem, qui causam bestiarum contra homines defenderent, & modò turturis castitatem, modò cornicis (quæ mortuo compare, nouem hominum ætates vidua perduraret) modò fornicarum prouidentiam, modò canum sagacitatem, modò ciconiarum

pietatem

pietatem, modò apum in regem obseruantiam, & id genus multa pro brutis animalibus afferrent in medium: Alphonfus. Siue (inquit) id brutis inclinatione naturæ, siue Dei dono datum sit, certè non alia causa hoc cõcessum esse existimo, quam vt homines turpiter nequitèrque viuentes, erubescant a brutis & à rationis expertibus superari. Et sic sacræ literæ non semel ignauix humanæ obicere animalium promptitudinem & sedulitatem solent. Panormita libro tertio de rebus gestis Alphonfi.

De amore inhonesto atque impudico.

Diogenis.

Diogenes amorem dixit ocioforum negocium, quòd hic affectus potissimùm occupet ocio deditos. Ita fit, vt dum ocio vacant, in rem negociosissimam incidant, nec interim tamen quicquam bonæ rei agant. Laert. lib. 6.

Platonis.

Plato philosophus dicebat, omnes qui perditè amarent, in alieno viuere corpore, in suo verò ac proprio planè mortuos esse. Fulgosus lib. 7. cap. 2.

Eiusdem.

Plato conditiones amatoris cum ostendere vellet: Animus est, dicebat, in suo quidem corpore moriens, in alieno vero viuens. Brusonius lib. 1. cap. 2.

Aristotelis.

Aristoteles Cyrenæus philosophus ab amico quodam percontatus, an amor coitus gratia fieret? Neque eius gratia, neq; sine eo, respondit. Stob. serm. 61.

Panæti.

Panætius adolescentulo quarenti, an sapiens amaturus esset? De sapiente, inquit, videbimus: Mihi & tibi, qui à sapiente longè absumus, non est committendum, vt incidamus in rem commotam, impotentem, alteri emancipatam, vilem tibi. Brusonius Contursinus lib. 1. cap. 2.

Theophrasti.

Theophrastus interrogatus, quid esset amor? respondit, animæ ociosa affectus. Stobæus serm. 52.

Prodic.

Prodicus aiebat, cupiditatem geminatam, amorem esse: amorem verò geminatum, insaniam fieri. Stob. ser. 62.

Alexan

Alexandri regis.

Alexander Mac. quum è Macedonum numero ad mare remitteret & valetudinarios, & mutilos debilesque, productus est quidam qui se inter ægrotos ascripserat, quum non ægrota- ret. Is quum ad Alexandri conspectum adductus esset, & exami- natus fateretur se morbum prætexuisse ob amorem Tele- sippæ, quæ ad mare fuerat profecta: percontatus est Alexander, cui negotium retrahendæ ad exercitum Telesippæ delegare- tur. Caterum vt cognouit eam esse liberam: Persuadeamus igitur, inquit, ô Antigenes Telesippæ, vt nobiscum maneat, nam vim admouere liberæ, non est nostrum. Sic indulsit amoris stre- nui militis, quem in exercitu retinere cupiebat, vt ingenuam mulierem redire nolle nisi persuasam. Plutarch.

Eunuchi cuiusdam.

Eunuchus quidam quum deprehensus esset cum pellice re- gis Babylonix, præsentem Apollonium rex interrogat, quid de eunuchis faciendum iudicet: at ille: Quid, nisi vt viuat? Ad- miranti autem regi, ait: Omne supplicium, si viuet, ob amoris patietur. Brufon. lib. 1. cap. 2.

Polyis regis.

Polyis Thraciæ rex Troiani belli tēpore, cum Troiani pari- ter & Græci legationem ad ipsum misissent, auditis vtriusque pronunciauit, vt Alexander redderet Helenā, & à se pro vna duas formosas abduceret vxores. Sapiisset Paris, si hoc fecis- set. Nam vna satis fructus, habuisset duas nouas, & patriæ con- suluisset. Quis autem non miretur Græcorum humanitatem, quibus sat erat futurum, si tantum redderetur, quæ cum adul- tero tam diu dormierat? Plut. in regum apoph.

Catonis.

Cato Censorius amantis animum dicebat in alieno corpore viuere: quod hodie quoque celebratur, Animā illic potius esse ubi amat, quam ubi animat. Plut. in eius vita.

Eiusdem.

Cato senior affirmabat, insanos prudentibus longè vtiliores esse, quàm insanis sapientes. Quippe qui sapientes, cum stulto- rum errata inspicerent, ob id in melius vitam mutare solerent. At amantes, quum discendi capaces non sint, ex sapientium be- nefactis fructum percipere nullum possunt. Fulgosus lib. 7. capit. 2.

Populæ.

Populia Marci filia, miranti cuidam quid esset, quapropter aliæ bestię nunquam marem desiderarent, nisi cum prægnantes vellent fieri: respondit, Quia bestię sunt. Macrobi. lib. 2. capi. 5. Satur. Bruson. lib. 4. cap. 1.

Iulia Augusti.

Iulia Cæsaris Augusti filia, cum conscii flagitiorum admirarentur, quomodo similes Agrippæ filios procrearet, quæ tam frequenter vulgò potestatem corporis sui faceret? respondit: Quia nunquam nisi naui plena vectorem tollo. Macrobi. lib. 2. cap. 5. Satur.

Anonymæ.

Mulier quædam dixerat se deperire amore Vespasiani, ei. per ductæ quum pro concubitu sestertia quadraginta donasset, roganti dispensatori, quo titulo vellet eam summam rationibus inferri, dixit, Vespasiano adamato. Sueton.

Huc refer titulos de Coitu, Incontinentia, Libidine fœda, & coitu immoderato.

De amoris parum honesti remediis.

Cratetis.

CRates Thebanus amore laborantibus ostendit remedia: Amoti, inquit, medetur fames: sin aliter, tempus: quod si nec his uti possis, laqueus. luxus ferè alit amorem: tempus omnia aut tollit, aut certè mitigat. Hæc remedia si nihil profunt, superest laqueus, ut morbus finiatur suspendio. Græca sonant iucundius, *λιμός, χρεὼς, βρόχος*. Laer. lib. 6. cap. 5.

De amantium ira & odio.

Agathonis.

AGathonem poetam amabat Pausanias figulus, qui cū aliquando venissent ad Archelaum, qui non minus amoris quàm literarum erat studiosus, & contentiones orirentur inter amatorem & amatum: interrogavit Agathonem Archelaus, quid sibi vellet, quod frequenter similitates exercebat cum eo à quo summo perè amaretur? At ille: Huius rei (inquit) ð rex ego rationem tibi reddam. Neque enim ei sum infestus, neque rustica quadam morositate id facio. Quod, si quid ego quoque de moribus intelligo, cum ex aliis, tum ex arte poetica, iucundissimum amantibus esse reperio, si ex contentione & litibus cum amatis in gratiam redeant. Et sanè mihi videretur nihil illis delecta

lectabilius accidere. Huius ego voluptatis perſepe cum partici-
pem facio, frequenter litigando. Gaudium enim capit, ſi conti-
nuam cum eo contentionem diſſoluam, & reconciliem. Si verò
æqualiter & conſueto more cum eo ſemper agam, non experi-
retur diſſidium. Hæc Aelianus, lib. 2. de Varia hiſtoria.

De amore honeſto.

Antiſthenis.

Antiſthenes Athenienſis hoc frequenter in ore habuiſſe di-
citur, *Ἀξίεστος ὁ ἀγαθὸς*: id eſt, Dignus amari quiſquis bo-
nus eſt. Non enim verus & ſincerus amor eſt, niſi quem conci-
liat virtus. Laert. lib. 6. cap. 1.

Socratis.

Socrates docuit animorum formam magis amandam, quàm
corporum: eam quæ voluptatem quam in nobis gignit conſpe-
cta formoſa facies, ad longè pulchriorem, ſed latentem animi
ſpeciem eſſe transferendam. Verùm vt hanc videamus, philoſo-
phicis oculis opus eſſe. Notabat, *φιλοσοφία* Græcam vocem anci-
pitẽ eſſe, ad oſculandum, & amandum: quorum prius eſt cor-
pus amantium, alterum mentem. Eraſ. lib. 3. apoph.

Eiuſdem.

Idem eos qui corpus tantum amarent, ſimiles eſſe aiebat me
dicis, qui ſemper egerent, ſemper inſtarent aliquid flagitantes:
rurſus qui amici eſſent potius quàm amatores, ſimiles eſſe his
qui proprium fundum poſſiderent, quem ſemper ſtudent red-
dere meliorem. Amator ſuam quærit explere voluptatem: ami-
cus haudquaquam ad ſe ſpectans, hoc ſe putat ditiorẽ, quo me-
liorem reddiderit amicum. Eraſ. lib. 3. apoph.

Zenonis.

Zeno Citieus philoſophus formoſo dicenti, ſibi non videri
futurum vt ſapiens amaret: Nihil, inquit, eſſet vobis formoſis
infelicius. Quiſquis enim docet, admonet, inſtituit quæ ad vir-
tutem adoleſcentes, vtique amat. Atque is demum verus eſt
amor. Nam qui vulgò dicuntur amare, ſuum veniantur commo-
dum, cum incommodo adamat. Laert. lib. 7. cap. 1.

Pontani.

Thomas Pontanus, vir prudentia ac ſapientia clariffimus,
aſſiduè dicere ſolebat, Amorem nunquam feciſſe ſtipendium.

Ea

Ea quippe est amoris vis, ut ubiuis terrarum facilè locum inueniat, etiam sine pecunia. Iac. Spieg. in lib. 2. Aeneæ Sylui de dictis ac factis Alphonsi, capite 43.

Eiusdem.

Idem sapenumero dixisse fertur, Amorem inermen quidem incedere, dormire tamen loricatum. Notat autem, amorè subditorum erga suos principes tanti fieri, ut princeps, cui beneuolentia suorum satis perspecta est, non sibi timeat, etsi solus interdiu ambulet. Noctu tamen semper adhiberi corporis custodes. Ibidem.

De amore sui, quem Græci φιλαυλίαν vocant.

Socrati.

Socrates dicebat, Neminem in seipso sua cernere vitia, alterius autem apertissimè. Antonius in Melissa, par. 1. serm. 75.

Eiusdem.

Idem dicebat, Si quis in theatro coriarios surgere iuberet, eos solum surrecturos: similiter si fabros ararios, textores, aut alios generatim. Si verò prudentes aut iustos, hic omnes exurrecturos fore. Est enim hoc in primis in vita damnosum quòd cū hominum pars maxima stulta sit, sapere tamen sibi videatur. Stobæus serm. 21. Phauorinus 26.

Diogeni.

Diogenes item interrogatus, quidnam in tota rerum natura existeret difficillimum: Nosse seipsum, inquit. Multa enim propter amorè sui, sibi quenque sumere solitum. Antonius in Melissa, par. 2. serm. 75,

Eiusdem.

Idem dixit, hominum aliquos opportuna loquentes non intelligere seipso, sicuti lyrae ægregiè resonantes non sentiunt. Stobæus ser. 21. Antonius serm. 75. part. 2. Melissa, & Maximus serm. 71.

Platonis.

Plato consulebat, ut cum aliquos irriferimus, conuertamus ad nosmetipsos, & videamus, ne ipsi eisdem vitiis laboremus. Stobæus serm. 21. Anto. in Melissa. Amor enim sui multa celat, & circumoperit in illo qui magis irridere solet alios, Stobæus serm. 21. Ant. in Melissa serm. 75.

Aesop.

Aesopi.

Aesopus vnumquemque nostrum duas ferre aiebat peras, alteram ante nos, alteram à tergo. Et in anteriorem quidem alienos errores condere, in posticam verò nostros: ideoque non videri à nobis. Stob. serm. 21. Phauorinus 26.

Demosthenis.

Demosthenes omnium facillimum esse dicebat, seipsum decipere, quod enim vnusquisque cupit, id etiam animum inducit, & sibi persuadet. Res autem ipse frequenter non ita se habent.

Apollonij.

Apollonius dicere solebat, quàm plurimos esse, qui semetipso prater yllum decorum amantes, propria peccata defenderent, accusarent autem aliena. Stobæus serm. 21.

De eo, quod à subditis amari melius sit
quàm metui.

Chilonis.

Chilon Lacedæmonius optimum regem esse dixit, qui non operam dat, vt metuatur. Stobæus serm. 46.

Pittaci.

Pittacus Mytilenæus eum laude dignum imperatorem dicebat, qui ita se erga suos gerat, vt non eum, sed ei ciues timerent. Phauorinus ex Stobæi serm. 46.

Pythagoræ.

Pythagoras dicebat: Potius elige qui versentur tecum, te vererentur & ament, quàm timeant. Amorem enim reuerentia & obseruantia, timorem odium sequitur. Phauorinus.

Polydori.

Polydorus Alcamenis filius, percontanti quid esset in causa, quod Spartani in bello fortiter sese periculis obicerent: Quoniam, inquit, duces reuereri didicerunt, potius quàm timere. Reuerentia cum amore coniuncta est: metumimus autem illos maxime, quos odimus. Rectius autem suo fungitur officio, qui ex animo facit, quàm qui metu mali. Plut. in Laconi eis apophthegma.

Constantij.

Constantius Chlorus, amicis admonentibus, quod in augendo fisco videretur indigentior, respondit: Publicas opes rectius à priuatis haberi, quàm intra vnum claustrum referuari.

BONUS

Bonus princeps, qui magis à suis diligitur, quàm timetur, habet quicquid ciues possident. Recitat Eras. lib. 8. apoph.

Sigismundi impera.

Sigismundus Romanorum imperator audiens à quibusdam disputari, num melius esset amari, an timeri à subditis: respondit: Quemadmodum superi amari & timeri volunt, ita & reges: Neque enim bene ames, nisi etiam timeas. Timor enim reuerentiam arguit, quæ regibus maximè debetur. Certè qui non timet, contemnere videtur. At in regibus quoque situm est, vt & amentur, & timeantur: si ita moderentur vitam, vt nec inferioribus sint terrori, nec superioribus despectui. Aeneas Syluius lib. 4. commentariorum in res gestas Alphonfi.

Alphonfi regis.

Alphonfus Aragonum rex, cum interrogaretur, quos è popularibus suis percharos haberet: Illos, inquit, qui non magis eum, quàm pro eo metuant. Sensit autem, illos esse ex animo amicos, qui principem magis amant, quàm metuant. Panor. libro quarto.

Plura vide infra de Beneuolencia, Clementia, Humanitate, atque Imperio vel regno bene administrando.

De animæ immortalitate.

Socratis.

Socrates ille Platonicius hominem ipsum animum esse dicebat, corpus autem nihil aliud quàm animi organum, vel domicilium, aut vt verius dicam sepulchrum, ac carcerem: vnde cum emergeret, tum demum sui iuris esse, multoque quàm antea foelicius viuere. Eras. in Declamat. de Morte.

Eiusdem.

Idem, quum iam tempus vrgeret moriendi, rogatus à Critone, quo modo sepeliri vellet: Multam, inquit, & amici, operam frustra consumpsi. Critoni enim nostro nõdum persuasi: me hinc auolaturum, neque quicquam mei relicturum. Veruntamen ò Crito, si me assequi poteris, aut sicubi nactus eris, vt eunque tibi videtur sepelito. Sed mihi crede, nemo me vestrum, quum hinc excessero, consequetur. Sensit Socrates, animum esse hominem: corpus nihil aliud esse quàm animi vel organum, vel domicilium. Eoque stultè facere illos, qui soli-

citi sunt quomodo sepeliantur. Brusonius libro quarto, capite decimo.

Eiusdem.

Socrates ad mortem iam damnatus, iudicibus dicebat: Anytus quidem & Melitus (accusatores enim eius fuerant) interficere me possunt, sed incommodo aut detrimento minimè afficere. Christiana hominis ethnici sententia est, qui putabat, tyrannos pro suo quidem arbitrio in corpora hominum sæuere posse: aut in animam, quæ immortalis est, nullam omnino potestatem habere. Brusonius libro 4. cap. 10.

Anaxarchi.

Anaxarchus philosophus à Nicocreonte Cypri tyranno captus, & malleis ferreis in saxo excavato contusus: Tunde, inquit, tunde probè Anaxarchi carnes & ossa, siue (vt alii) sollem. verùm Anaxarchum nequaquam lædes. Sensit autem philosophus clarissimus, tyrannum quidem potestatem habere vt pro arbitrio crudelitatem suam exerceat in corpora hominum, animam tamen immortalem semper fore, extra omne tyrannorum imperium. Philo Iudæus in libro: Quod omnis probus liber, & Brusonius lib. 2. cap. 1.

Cercide.

Cercidas ciuis Megalopolita. ex Arcadia, cum in morbum periculosissimum incidisset, interrogatus num libenter mori veller? Quid nix ait. Videbo enim post mortem viros in omni scientiarum genere doctissimos, ex philosophis Pythagoram, ex historicis Hecataum, ex poetis Homerū, ex musicis Olympum, qui suis literarum monumentis nomen sibi immortale pepererunt. Aelianus libro 13. de Varia historia.

Aegyptij cuiusdam.

Aegyptius quidam monachus, quum nuncius venisset, qui patris mortem adnunciaret, respondisse fertur: Desine blasphemare, & impiè loqui: pater enim meus immortalis est. Nicephorus Callistratus libro vndecimo capite 45. Eccles. histo. ex Euagrio.

Cyri regis.

Cyrus moriens filiis suis ait, Nullo modo fili hoc vnquam mihi persuasi, vt animus viuat, donec fuerit in corpore mortali: quum verò ab hoc solutus fuerit, moriatur. Xenophon, & Brusonius libro 7. cap. 14. Cicero in Cato. Maiore ex Xenoph.

Neron

Neronis.

Nero Romanorū imperator, cū non tantū in alios, sed in matrem etiam, quam occidi fraude curauerat, crudelissimè fauaret: P. Thraseas Petus, Romanorum fortissimus, dicere solebat: Nero quidem me occidere potest, perdere autem nequaquam. innuens quidem, Neronem tyrannum cruentissimum, potestatem habere grassandi in corpora suorū, animarū autem (quæ immortalis est) nequaquam lædi à quouis homine posse. Xiphilinus in Nerone.

Alphonfi regi.

Alphonfus Aragonum rex, maximum argumentum immortalitatis sibi videri dicebat, quòd corpus in hac vita decre-scere, ac per omnia membra suos quasi fines & terminos habere videret: animos verò, quanto ad annos accederent, tanto magis intelligentia, virtute & sapientia crescere. Panormita. lib. 4. de Alphonfi reb. gest.

Friderici impera.

In Austria cum obiisset vnus ex primoribus annos natus tres & nonaginta, qui vitam inter voluptates illecebrāsque nulla vnquam valetudine offensam duxisset, ignotāq; illi omnis calamitas, omnis mœstitia fuisset, idq; Friderico Cæsari narraretur: Et hinc, inquit ille, immortales animas censere licet. Namque si Deus est, qui hunc mundum gubernat (vt philosophi & Theologi docent) eūque iustum esse nemo negat: profectò alia loca sunt, ad quæ post mortem animæ migrant, ibique pro factis aut mercedem aut pœnam accipiunt. Nam hic nec bonis sua præmia, neq; malis sua supplicia reddi videmus. Acneas Syluius.

De animi bonis ac cultu.

Bionis.

BIon Boristhenites dicere solebat, formā & venustatem bonum esse alienum. Sentiens nimirum, animi bona reuera esse nostra, cætera verò omnia fluxa, & paruo duratura tempore. Laetius libro 4. cap. 7.

Blantis.

Bias Prienensis, cum patriam eius Prienen hæstes inuasissent, omnibus, quos modò læuitia belli incolumes abire passā fuerat, preciosarum rerum pondere onustis, fugientibus: interrogatus, Quid ita nihil ex bonis suis secum ferret? Ego verò, in-

quit, omnia mea bona mecum porto. Pectore enim ille gestabat, non humeris: non oculis visenda, sed estimanda animo: quæ domicilio mentis inclusa, nec mortalium nec deorum manibus labefactari queunt: & ut manentibus præstò sunt, ita fugientes non deferunt. Cicero in Paradoxis: Val. Maxi. libro 7. capite 2. Verùm Seneca libro 2. capi. 5. de Tranquillitate & epist. 9. Stilponi hoc ascribit.

Thaletis.

Thales Milesius dicebat, non esse fucandam faciem, sed animum honestis studiis exornandum. Quòd hæc forma veros conciliet, ac perpetuos amicos. Dioge. Laertius libro primo, capite primo.

Antisthenis.

Antisthenes Atheniensis admonebat ea esse paranda viatica, quæ simul cum naufrago enatarent. Sentiens, bonas artes ubique esse in precio, nec posse à fortuna eripi. Idem ascribitur Aristippo. Laertius libro 6. capite 1.

• *Eiusdem.*

Quidam adolescens curarat sese ex ære sculpendum, & ad eam imaginem sese conformabat. Huic Antisthenes: Si æs posset vocem edere, qua de re potissimum gloriaretur? De pulchritudine, inquit adolescens, Non igitur, inquit, erubescis, qui cum in animo gloriaris? significans, magis gloriandum de bonis animi, quam de forma, quam haberet cum statua communem. Laertius libro 6. cap. 1.

Aristippi

Aristippus philosophus, cum nauigās cum ciuibus suis, naufragio quodam eiectus esset venit Rhodum, ubi summa cum humanitate & reuerentia exceptus & tractatus est, etiam ab ignotis illi hominibus. Tandem verò, quum hi qui cum Aristippo naufragium passi erant, pararent reditum in patriam, rogarentque illum, Ecquid vellet ciuibus suis renunciari? Nil aliud, inquit, quam ut studeant sibi huiusmodi parare opes, quæ naufragio non pereant, sed simul cum possidente enatent. Sensit vir sapientissimus, hominem non fortunæ, sed animi bonis muniendum, ut ubiuis terrarum victum sibi comparet, & apud homines magno sit in precio. Vitruuius lib. 6. de Architectura, Fulgos. libro 7. cap. 2.

Democriti.

Democritus dicebat, potius animæ quam corporis curam esse

esse habendam. Siquidem anima perfectissima, corporis vitia leuat: robur autem corporis absque ratione, nihilo meliorem reddit animam. Stobæus sermone 1. de Prudentia.

Diogenis.

Diogenes conspicatus adolescentem philosophiæ dantem operam: Euge, inquit, corporeæ formæ auditores ad animi pulchritudinem auocas. Sentiens, illum hoc agentem, ut animum virtutibus & honestis disciplinis exornaret, hoc consequuturū, ut longè meliores amicos esset habiturus. Laertius libro sexto capite secundo.

Eiusdem.

Diogenes dicebat, homines summa cura quæ faciunt ad viuendum, perquirere: sed quæ ad bene viuendum conducant, nihili pendere, & negligere. Stobæus sermone secundo, Phauorinus 17.

Pythagoræ.

Pythagoras magis animi vires, quam corporis, optandas esse asserbat. Animi enim bona veræ sunt possessiones, cætera omnia instabilia & incerta. Diuitiæ enim, aliæque eius generis bona, fortunæ temeritati subiacent: virtus autem stabilis, perpetuâ quæ habetur. Stobæus sermo. 1. Phauorinus 16.

Aristippi.

Quum Socrates taxaret vnguents delibutos, & Charondas, sue (ut aliis placet) Phædon, percontaretur, quis esset ille vnguents delibutus? Ego, inquit Aristippus, infelix, & me infelicior Persarum rex. At vide, inquit, ut quemadmodum hac parte nullo cæterorum animalium est superior, ita nec hominum villo præstantior. Sensit, externis bonis hominem nihilo fieri meliorem: cum & equus sansucino oblitus, idem oleret quod rex: & mendicus vnguento simili delibutus, non minus bene olet, quàm summus pontifex. ex Laert. libro 2.

Isocratis.

Isocrates Rhetor videns ex discipulis quendam agri sui colendi studiosum, cæterum in exornandis moribus desidens: Vide, inquit, ne agrum mitiorem cultioremque faciens, tu incultus animo atque agrestis propius euadas. Stobæus.

Platonis.

Plato dicere solebat, eos qui corpora exerceant, & animum negligant, nihil aliud facere, quam imperantem & imperatum curare. Stobæus sermone 2. Phauorinus 17.

Aristotelis.

Aristoteles Stagiritis illud amicis ac discipulis inter dissendum frequenter solebat ingerere: Visum accipere lumen à circumfuso aere, animum autem à disciplinis liberalibus. Sentiens, ingenium adolescentum disciplinis acui, & ad reliqua philosophiæ mysteria reddi perspicax. Laert. libro quinto, capite primo.

Socratis.

Xenophontem in angiportu quodam Socrates habuit obuium: quumque videret adolescentem rara indole, porrecto baculo vetuit ne præteriret. vbi constiterat, rogauit, vbi fierent venderenturque variæ merces, quibus vulgò vtuntur homines? ad id quum promptè respondisset Xenophon, percontatus est, vbi homines fierent boni? cum adolescens respondisset, se id nescire: Me igitur sequere, inquit, vt hoc discas. Ex eo Xenophon cœpit esse Socratis auditor. Absurdum est, scire vbi parare queas honestam vestem, aut poculum: & ignorare, vnde tibi comparare possis animi cultum. Eras. lib. 3. apoph.

Stilponis.

Stilpon interrogatus, Quid esset statua fortius? respondit, Homo stupidus, & animi cultum negligens. Stobæus sermo. 2. Phauorinus 17.

Iamblichi.

Iamblichus dicere solebat, cum anima viuamus, eiusdem quoque virtute nos viuere dicendum esse. Vt cum oculis cernamus ipsorum quoque virtute bene cernimus. Stobæus sermone primo.

Dionysij.

Dionysius Milesius, sophista insignis, in Heliodorum, quem Adrianus Cæsar vnicè amabat, torlit hoc dictum: Cæsar potest honorem ac pecunias largiri, rhetorem facere non potest. Cæsar enim Heliodorum, studio verius quàm iudicio, fecerat magistrum epistolarum. Dion in Hadriano.

Pausaniæ.

Pausanias quibusdam in spoliis barbarorum demirantibus preciosas vestes: Præstiterat, inquit, ipsos esse multi precii, quàm possidere preciosa. Correxerunt suorum admiratione, eosque ad verorum bonorum admirationem reuocauit. Plut. in Laco.

Leontychidæ.

Leontychidas rogatus à quodam, Quo pacto quis bona que adsumt

adsunt tueri valeret? Si non omnia, inquit, fortunæ crediderit. In animi bona nullum ius habet fortuna. Tum externa bona reddemus nobis stabiliora, si quædam seposuerimus, nec fortunæ volubili commiserimus. At sunt principes, qui profectæ ditionis studio semet in periculum coniciunt, ne hoc ipsum quod habent imperium amittant: multi item diuites, augendæ rei studio, quicquid habent, totum committunt navibus. Plutar.

Demonastri.

Demonax vehementer eos coarguit, qui corpora summo studio curarent, atque sese omnino negligerent. Haud dissimiles eos ratus, iis quorum omnis sollicitudo in extruendis ædificiis versaretur: & hominum, qui ædes habitarent, nullam penitus haberent rationem. Stobæus.

Stilponis.

Demetrius Antigoni filius cum Megaram occupasset, Stilponem philosophum accersitum rogauit, num quis militum aliquid rerum abstulisset? Nullus, inquit: neminem enim vidi, qui scientiam & eruditionem raperet. Sentiens, animi bona non esse bellorum violentiæ obnoxia. Plut. in Demetrio. ●

Agésilæ.

Quum Græci, qui Asiam incolebant, Persarum regem ex more Magnum appellarent: Qua, inquit rex Agésilæus, re ille me maior est, nisi sit iustior ac temperantior? Contempsit vir egregius externa bona, quæ vulgus præcipuè suspicit, totamque hominis felicitatem animi bonis metiebatur. Ea sententia philosophis esse consuevit in ore, sed hanc bellator expressit affectu. Plut.

Dionysij.

Dionysius senior, cum intra regiam sacrum ex more perageretur, præcòque, sicuti assueuerat, precaretur, ut per multa tempora inconcussum duraret imperium: Non tu desines, inquit rex, abominanda nobis imprecari? Sentiens, potius optandam bonam mentem, quam ea quæ nihil conferunt ad hominis felicitatem: quandoquidem animi bona fortunæ bonis semper præferenda sint. Eras. lib. 5. apoph.

Milonis.

Milo Crotoniates athleta, iam senex, quum vidisset athletas alios in curriculo sese exercentes, fertur inspexisse lacertos suos, lachrymansque dixisse: At hi iam mortui sunt. Merito fle-

uit, qui felicitatem corporis viribus metiebatur. Animi vigor serius senescit, si tamen senescit vnquam. Eras. 6. apoph.

Huc pertinent tituli, de Doctrina, Eruditione, & Virtutibus.

De animosè dictis.

Anaxagora.

A Naxagoras Clazoménius cum ab Atheniensibus esset damnatus exilio, cuidam dicenti, Priuatus es Atheniensibus: Imò illi (inquit) me. Sentiens, Atheniensibus magis opus esse Anaxagora, quam contrà. Laer. lib. 2. cap. 3.

Xenocratis.

Xenocrates Chalcedonensis à Dione dictis lacesitus: Non sum, inquit, tibi responsurus: neque enim tragicædia à comædia taxata, dignatur eam responsio: Laer. lib. 4. cap. 2.

Periclis.

Pericles Atheniensis subito oborto solis defectu, cum videret alios multos, sed præcipuè classis gubernatorem, vehementer perturbatos, chlamyde sua texit gubernatoris faciem, inter rogauitque, nunquid hoc horrendum ostentum existimaret? illo negante: Quid interest, inquit, nisi quòd chlamyde maius est id quod nunc tenebras inducit. Plutar. in Græc. apoph.

Agidis.

Agis primus, qui fuit Archidami filius, quum Ephori quondam dicerent, Proficiscere, iuuentutem tecum ducens, ad huius patriam: nam is ipse te perducet in arcem: Et quî conuenit, inquit, tot iuuenes ei credere, qui patriam prodidit? Plut. in apoph.

Eiusdem.

Idem Agis dixisse fertur. Lacedæmonios non oportere percontari quot sint hostes. sed vbi sint? significans, nò à multorum numero pendere victoriam, sed à rei gerendæ celeritate. Eras. lib. 1. apoph. ex Plutar. apoph.

Eiusdem.

Idem apud Mantinæam, quibusdam dissuadentibus, ne cum hostibus, quòd numero phures essent, confliceret: Cum multis, inquit, pugnet oportet, qui multis imperare velit. Plut. in apophtheg. Græcorum,

Cleomenis.

Cleomenes cum ab augure admoneretur, ne exercitum educeret ad urbem Argiuorum, alioqui reditum illinc fore turpem: postquam admouisset ciuitati copias, ac portas videret clau

clausas, & mulieres in mœnibus: Hic, inquit, reditus tibi turpis videtur, in quo viris mortuis vxores occludere portas? Fortis animus, si cum æquo bonoque fuisset coniunctus. Plutarch. in Lacon. apoph.

Callicratida.

Callicratides classis præfectus, cum venisset ad Cyrum regem, petiturus pecunias rei nauali necessarias, vidit regem largius bibentem. Expectauit igitur, donec bibisset. Vidit enim non dari copiam, vt regem conuenire posset. Postero verò die cum iterum audiuiisset illum bibere, nec se admitti ad colloquium, dixit: Ita curam habendam esse pecuniarum, vt ne quid tamen committeretur Sparta indignum. & mox inde recessit Ephelum, multa imprecans mala iis, qui primi à barbaris fuissent ludibrio. habiti, eoque sua patientia docuissent illos fiducia diuitiarum aliis illudere. Plut. in apoph. Laconicis.

Leonida.

Cum ad Leonidam Anaxandridæ filium quidam militum dixisset, Hostes sunt prope nos: Et nos, inquit, prope illos. Significans, ob id nō minus imminere discriminis hosti, quam ipsis. Plut. in apoph. Laconicis.

Agésilai.

Agésilais, magnus ille Lacedæmoniorum rex, quum in Lydia Tissaphernem fugasset, ac multis interfectis, in agros regios incursionem fecisset: Rex Persarum per legatos magnifica illi munera obtulit, vt à bello desisteret. Agésilais autem respondit: Pacis quidem tempore Reipub. vigere autoritatem, vt ius habeat decernendi, quod ad tuendam ciuitatis tranquillitatem censuerit conducere: belli autem tempore non item. Vox excellentis animi, qui non aliud virtutis præmium ambiret quam gloriam, nec pacem hosti venderet fraudato milite. Plutar. in apoph. Lacon.

Eiusdem.

Idem cum transmissis Hellesponto iter faceret per Thraciam, nulli barbarorum supplex fuit vt transitus daretur: sed missis ad singulos nunciis, rogabat, Vtrum per hostium, an amicorum regionem iret? Plutarch.

Eiusdem.

Quum Græci qui Asiam incolebant, Persarum regem pro more Magnum appellarent: Quare, inquit Agésilais, ille me maior est, nisi sit iustior, aut temperatior. Idem.

Lacena.

Lacena quædam cum audiuiſſet filium incolumen, ſed fugiſſe ex clade, ſcripſit filio hunc in modū: Malus rumor de te ſparſus eſt: aut hunc dilue, aut ne ſis. Præſtabilius putabat filiū mori, quàm cum magna infamia viuere. Plutar. in apophtheg. Lacænarum.

Eiuſdem.

Alia quædam Lacæna, cum audiret à filio, quàm generoſe frater in prælio occubiſſet: An non turpe eſt, inquit, te nō fuiſſe in re tam honeſta & laudabili comitem? Ibidem.

Pelopide.

Quum ex militibus quiſpiam, qui viderat Lacedæmonios per anguſtias montium aduentare, dixiſſet Pelopidæ, Incidimus in hoſtes: Quin potius nos in illos, inquit, quàm in nos illi? Plutar. in Reg. & imp. apoph.

Laconum.

Quum quidam fortè obuiâ facti Laconibus dixiſſent: Fortu nati eſtis ô Lacones, nā modò hinc abiucere latrones: Non nos, inquiunt, per Euyalium: (ſic enim illi Martem vocant) ſed illi potius fortunati ſunt, qui in nos non inciderunt. Plut. in Lacon.

Pirata.

Pirata quidam cum ad Alexandrum Magnū deductus eſſet, rogatus, qua re fretus auderet infeſtare maria? compendio reſpondit: Ego, inquit, quoniam id vnica nauicula facio, pirata nominor: cum tu Alexander, idem facias magna claſſe, rex appellaris. Alexander igitur hominis animum tam intrepidum admiratus, donauit illi vitam. Plut. in Alexandro.

Leonida.

Xerxes cum ſcripſiſſet ad Leonidam, Mitte arma: reſcripſit Leonidas, Veni & cape. Maluit armis mori, quàm traditis armis turpiter de vita cum hoſte pacifci. Ibidem.

Cyri.

Cyro iuniore cōſticturo cum hoſte, loco qui dicitur Cunax, Clearchus ſuaſit, vt ſe poſt Macedones contineret, nec ſe in belli diſcrimen coniceret. Quid ais, inquit, Clearche? Iubéſne, vt quum regnum appetam, regno me indignum oſtendam? Plutarch. in Regum & imp. apoph.

Alexandri regis.

Darius rex Perſarum, quum numeroſiſſimum exercitum inſtruxiſſet aduerſus Alexandrum, admonitus Alexander vt conſider

sideratè contra tantum hostiū impetum omnia ageret: Alexander nil aliud respondit quàm, Magna animi molestia me Darius liberauit, qui vires suas omnes in vnum contraxit, vt liceat vno die de summa rerum decernere. Plutarch. in reg. & imperato. 2. apoph.

Cyperiarum mulierum.

Cyperii cum aduersus Astyagem Medorum regem infœliciter pugnassent, mulieres obuiani ierunt, & nudatis ventribus: Quò, inquiunt, ignauissimi ruitis? an nescitis vos huc iterum intrare non posse, vnde semel naturæ lege egressi fuistis? Eras. lib. 6. apoph.

Demetrii.

Demetrius Phalereus quum audiuisset, Athenienses destruxisse statuas suas, quas illi posuerant: At virtutem, inquit, non euerterunt, cuius gratia illas posuerunt prius. Laer. lib. 5. cap. 5.

Zenobia.

Zenobia regina quum ab Aureliano capta, in conspectū illius ducta fuisset, itque dixisset, Quid ò Zenobia ausa es nobis insultare, Romanis imperatoribus? Imperatorem, inquit, te agnosco qui viceris: Galienum, Aureolum, reliquosque principes non putauit. Trebell. Pollio.

Luculli.

Archelao, qui iterum à Mithridate defecerat, asseueranti, si in Ponto Lucullus conspiceretur, fore vt omnia subderentur imperio Romano, respondit Lucullus: Non cedo Archelae venatoribus audacia, vt relictiis feris, ad vacua illorum iustra progrediar. iam enim Mithridates Pontum reliquerat. Plutarchus.

Fabii.

Quintus Fabius cum à Romanis missus esset legatus ad Carthaginenses, vt exploraret cur Saguntus contra fœdus à Pœnis oppugnata esset: sinu ex toga facto, En (inquit) vobis bellum & pacem apportamus, verum igitur placet sumite. Cum Pœni ferocius clamarent, daret vtrum vellet: Fabius effuso sinu, Bellum (inquit) damus. Eras. lib. 6. apoph.

Anonymi.

Quum navis, qua Granius, prætorius quæstor, vehebatur, in Scipionis Metelli potestatem venisset: Scipioque cæteris direptis, quæstori salutem polliceretur, quæstor respondit: Cæsaris milites salutem dare, non accipere solent. Eras. lib. 6. apoph.

Sylla.

Sylla.

Sylla cognomento Fœlix, apud Orchomenum, cum milites longius euagarentur, ex equo defiliens, arrepto vexillo in hostē conuolat, ita vociferans: Mihi quidem ô Romani milites, hic pulchrum est mori. Vos interrogati, quo loco ducem vestrum amiseritis? meminere dicere, apud Orchomenum. Plutarch. in Sylla.

Popilij.

Popilius Lenas missus erat ad Antiochum regem, ferens epistolam à senatu, qua iubebatur, ut exercitum ex Aegypto abduceret, nec Ptolemæi filios orphanos regno spoliaret. Quum verò rex illum per medium exercitum ad se accedentem, procul humaniter salutasset, non resalutato rege, literas reddidit: quibus lectis quum Antiochus diceret, se consultaturum, daturumq; responsum: Popilius Lenas, virga, quam tenebat, ducta linea, cinxit regem, dicens: Hic igitur stans consulta, & responde. Omnibus viri spiritum admirantibus, posteaquam Antiochus spopondisset se facturum, quæ Romanis viderentur: ita demum salutauit illum, & amplexus est Popilius. Plut. in Ro. apoph.

Catonis.

Rebus deploratis cum amici hortarentur Catonem, ut ad Cæsaris clementiam confugeret, respondit: Victorum esse, & eorum qui deliquissent, supplicare: Catonem nec victum, nec captum esse, quæ se per omnem vitam inuictum præstitisset. Plutarch. in vita Catonis.

Pompeij.

Gneus Pompeius audiens quosdam esse, qui inuiderent concessum sibi triumphum: Se citius omissurum triumphum, ait, quam militibus blanditurum, simulque laureatos fascès abiecit, ut illinc inciperent direptionem. Plutarchus in Romanorum apoph.

Iulij Cæsaris.

C. Cæsar post attritos Tigurinos, ad urbem quandam sociorum proficiscens, quum audiisset Heluetios in itinere occurrere, in locum quandam munitum se recepit: ibique copiis congregatis, & equo, cui insidere solebat, adducto: Hoc, inquit, post victoriam utar in persequendis hostibus. Et pedes aggressus est Heluetios. Eras. lib. 4. apoph. ex Plutarchi Roma. apoph.

Alphonse

Ariston.

Aristo dicere solebat, eos ventos esse nobis molestissimos, qui abstrahunt pallia, nam his contra ventos munimur. Ita grauiſſimè lædunt amici, qui expiſcatur arcana. Eras. lib. 6. apoph.

Euripidis.

Euripides cum malè audiret ab hominibus ob oris graueo-
lentiam: Multa, inquit, in illo occulta computruerunt. Innuere
voluit vir grauiſſimus, se poſſe retinere arcana: contra aliorum
conſuetudinem, qui omnia temerè effutiunt. Solent autem res
in occulto congeſtæ computreſcere. Eras. Roterod. lib. 8. apop.

Philippiadis.

Philippiades porta comicus, Lyſimacho cum primis charus
fuit, & familiaris: cui cum Lyſimachus offerret liberalitatem
ſuam, ac frequenter diceret: Quid vis tibi impartiam rerum
mearum? Quodcunque voles, inquit, modò ne arcani quippià.
Significans, eſſe periculolum noſſe magnatum arcana: quorum
ſi quid effutias, actum eſt de capite. Bruſon. lib. 6. cap. 10.

Vide infra plura ſub tit. Taciturnitatis & Silentii.

De argutè dictis.

Thaletis.

THales Mileſius cum diceret, mortem æquè ſalutarem eſſe
ac vitam: audiuit à quodam, Cur igitur non moreris? Ar-
gutè reſpondit, ob hoc ipſum, quia nihil refert. Potius enim ha-
betur, quod accerſitur. Laertius lib. 1. cap. 1.

Socratis.

Socrates cum admoneretur ab amico, quòd excepturus ho-
ſpites, admodum tenuem feciſſet apparatus: Si boni ſunt, in-
quit, ſatis erit: ſin minus, plus ſatis. Laertius in eius vita.

Ariſtippi.

Ariſtippus Platoni obiurganti, quòd multos piſces emiſſet,
reſpondit, Se illos emiſſe obolo, quumq; Plato dixiſſet, Tanti
& ipſe empturus eram: Vides, inquit, igitur ô Plato, me nò eſſe
obloniorum auidum, ſed te pecuniæ amantem. Ibidem.

Eiuſdem.

Ariſtippus cum aliquando perdicem quinquaginta drach-
mis iuſſiſſet emi, cuidam deteſtanti luxum in philoſopho: Et
tu, inquit Ariſtippus, ſi obolo venalis eſſet, non emerēs? Quum
is reſpondiſſet, ſe empturum: Et mihi, inquit, tanti ſunt quin-
quaginta drachmæ. Quod ille luxus nomine damna-
torſit

torfit in contemptu pecuniae laudem. Laertius libro secundo, capite octauo.

Eiusdem.

Quum quidam illi probo daret, quod lautè nimisque splendide viueret: Id. inquit, si vitium esset, in deorum celebritatibus non fieret. In his enim magnifice vestiri, & lautissime epulari solent. Ibidem.

Antisthenis.

Antisthenes, quum fassamenta per forum gestaret, quibusdā admirantibus, quod philosophus officio tam sordido fungeretur, idque in publico, ac non potius seruo id delegasset: Quid, inquit, admiramini? hæc mihi porto, non aliis. Sentiens nullū esse sordidum obsequium, quod sibi quis impenderet. Deinde non esse indecorum, eum portare fassamenta, qui fassamentis vesceretur. Laert. libro sexto, capite primo.

Diogeni.

Narrant, Alexandrum Magnum astantem Diogeni Cynico, quæsisse ab eo, Num ipsum metueret? Tum ille, Quid es? bonū, an malum? Alexander respondit, Bonum. Quis igitur, inquit Diogenes, timet bonum? Conuicit, regem non esse metuendum nisi se malum esse profiteretur. Laert. lib. 6. cap. 2.

Aristippi.

Polyenus sophista ingressus in ædes Aristippi, cœpit magnifice iam paratum conuiuium reprehendere. Verum Aristippus dissimulata obiurgatione, cum paulo post hominem ad conuiuium inuitaret, nec renueret: Cur quæso, ait, meā incusamensam, cuius iam inuitatus particeps esse cupis? Videris mihi non lautiozem mensam, sed impendium tantum reprehendere. Ibidem.

Secundi sophista.

Quum tale declamationis argumentum esset propositum: Qui seditionem mouerit, moriatur: qui sedauerit, præmium ferat. Quidam & mouerat & sedauerat, petitque præmiū. Hanc quæstionē paucis absoluit Secundus sophista. Quod est prius? mouisse: quod posterius? sedasse. Itaque prius da poenas motæ seditionis, ac deinde (si potes) accipe præmium rectè factorum. Philostratus in sophistis.

Proculi.

Proculus Neucratices filium habebat intemperantem, gallis gallinacis, coturnicibus, catellis & equis alendis indulgentē: querē

quem pater adeò non increpabat, vt vnà cum illo potius iuvenaretur. Quo nomine cum ab amicis obiurgaretur: Citius, inquit, desinet, cum senibus colludens, quàm cum æqualibus Philost.

Sphæri.

Sphærus Bosphoranus Cleantis discipulus, quum diceret opinionem non cadere in virum sapientem, rex Ptolemæus cupiens hoc paradoxum ipsa re confutare, curauit mala Punica, veris simillima, sed ex cæra confecta, apponi in conuiuio. Ad quæ cum Sphærus deceptus porrigeret manus, rex exclamauit, illum falsi speciei fuisse assensum. Ad id dextrè Sphærus: Non sic, inquit, assensus sum, vt crederem esse mala Punica: sed probabile putaram, esse mala punica. Laert. lib. 7. cap. 2.

Philoxeni.

Philoxenus poeta interrogatus, quam ob causam in tragicæ diis induceret mulieres malas, cum Sophocles eas induceret bonas, argutissimè respondit, Quoniam ille (inquit) tales inducit, quales esse deberent: ego verò, quales sunt. Eras. lib. 6. apop.

Stilphons.

Stilphon Megarensis habebat filiam parum secundæ famæ. Cuidam igitur dicenti, dedecorat te filia: Nihilo magis, inquit, quàm ego illam decoro. Sentiens, neminem alienis factis dehonestari, sed suis quenque moribus æstimandum esse. Plut. lib. de Tranquillitate, & Laert. lib. 2. cap. 12.

Theopompi.

Theopompus hospiti cuidam iactanti, quòd apud Theopompi ciues Philolacon, hoc est Laconum amans diceretur: Præstaret, inquit, si *φίλακον*, id est ciuium amans dicereris potius, quàm Laconum. Notauit autem hominem, qui alienæ ciuitatis studiosus haberi mallet, quàm suæ. Porro quisquis alienam Rempub. vehementer adamat, suam quodammodo vituperare videtur. Recitatur apud Plut. in Lacon.

Anonymi.

Huic simile est illud. Quum legatus ab Helide missus, diceret sibi ob id à ciuibz legationem commissam, quòd vnus Laconicam vitam admiraretur: rogauit hominem, vtrum meliorem duceret vitam aliorum ciuium, an suam ipsius? Quum is respondisset, suam ipsius: Qui igitur potest, inquit, ista ciuitas feruari, in qua quum multi sint, vnus tantum bonus est? Argutè iaxauit oratoris impudentiam, qui Lacedæmonios ac sese laudarit,

darit, cum suorum ciuium vituperio non vulgari. Probabat quippe Lacedæmoniorum mores, sed solus Helidenſium reſtabat igitur, vt apud Helidenſes non eſſet niſi vnus vir bonus: Plutarch. in Lacon.

Leonida:

Leonidas Alexandridæ filius, frater Cleomenis, Ephoris dicentibus, quòd ad Thermopylas proficiſcens, paucos ſecum educeret: Nimirum ad hoc, inquit, negotium, ad quod proficiſcimus, ſatis eſt. Indicans, ſatis multos educi, ad moriendum in bello. Satiſ enim eſſe perire paucos, quàm multos. Plutarch. in apoph. Lacon.

Cleomenis.

Cleomenes cum diutino morbo vexatus, expiatoribus ac diuinis auſcultaret, antè non ſolitus idem facere, quodam id admirante: Quid miraris, inquit? Non enim idem ſum nunc, qui tunc eram. Cum autem nunc non ſim idem, non probo eadem. Plut. in Laconicis.

Ageſilai.

Ageſilaus Magnus Lacedæmoniorum rex, cum à medico pharmacum accepiſſet, vt ſimul & ſemel hauriret: per Geminos, inquit, ſumam quæ præſcribis: ſi mihi proſus eſt in ſatis vt moriar, quanuis non omnia ſumpſero. Plut. in apoph. Lacon.

Eiuſdem.

Quum quidam apud Ageſilaum regem admiraretur regis Perſarum ſcèlicitatem, quòd admodum iuuenis eſſet: Ne Priamus quidem, inquit, quum hoc eſſet ætatis, erat inſcèlix. Senſit vir clariſſimus, veram ſcèlicitatem non ex annis & iuuentute metiendam eſſe. Ibidem.

Ageſipoli.

Ageſipolis Cleombroti filius, quum è Sparta iuſſiſſet mitti catulos, ac reſpondiſſet aliquis, nò exportari apud Lacedæmonios catulos: Ne viros quidem, inquit, antea: atqui nunc fieri cœpit. Feſtiuiter autem indicare voluit, in bene inſtituta re publica omnia proficere in melius. Plut. in apoph. Lacon.

Eudamida.

Eudamidas Archidami filius, & Agidis frater, cum ab Argino quodam audiuiſſet, Lacedæmonios peregrinationibus redi deteriores, quòd interim degenerèt à maiorum ſuorum decretis & legibus: At vos, inquit, quum Spartam venitis, non deteriores, ſed meliores euaditis. Plut. in Lacon. apoph.

Eiusdem.

Idem cum audiisset Xenocratem iam senem in Academia cum amicis disputantem, percontatus est; Quis nam esset senex ille. Vbi verò responderat aliquis, illum esse virum sapientem, & ex eorum numero qui virtutem quærerent: Et quando, inquit, ea vsurus est, si adhuc quærit? Plutarch. in apoph. Lacon.

Eiusdem.

Idem cum quidam, commemorando laudem ac trophæa quæ Lacedæmonii ex rebus cum Persis præclare gestis retulissent, hortaretur ad bellum cum Macedonibus suscipiendum: Ignorare mihi videris, inquit, istuc idem esse, ac si quis deuictis mille ouibus pugnaret cum quinquaginta lupis. Significans, Persas, vt deliciis effœminatos, & ob id imbelles, non fuisse difficile vincere: sed aliud esse cum Macedonibus bellacissimis rem habere. Ibidem.

• *Anaxandridæ.*

Anaxandridas Leontis filius, percontanti cuidam, cur Lacedæmonii Helotibus (sic autem apud illos dicebantur, quorum conditio media erat inter seruos & ingenuos) committerent colendos agros, ac non ipsi potius eos colerent: Quoniam, inquit, non ipsoꝝ causa, sed nostra, Helotas nobis comparamus. Taxauit autem hoc dicto eorum stultitiam, qui potius ad ostentationem, quàm laborem & vsum, mancipia habent, Meminit Plut. in apoph. Lacon.

Agidis.

Agis Archidami filius, cuidam sciscitanti, quot essent Lacedæmonii? Quot satis sunt, inquit, ad propulsandos malos. Ostendens pluris referre quàm bonos & fortes viros habeat ciuitas, non quàm multos. Eras. in Lacon. apoph.

Eiusdem.

Cuidam consulenti, vt hostibus fugientibus daret transitum? Et quomodo, inquit, pugnabimus cum his, qui ob fortitudinem manent, si nõ pugnemus cum fugientibus? Existimabat vir clarissimus, aduersus hostem nullam prætercundam esse occasionem. Ibidem.

Pausania.

Paulanias Cleombroti filius, quum Delii de insula cum Atheniensibus haberent controuersiam, atque inter cætera dicerent, quod ex more regionis, neque mulieres in insula parerent, neque mortui sepelirentur: Quomodo, inquit, hæc insula
crit

APOPTHHEGMATA.

83

erit vobis patria, in qua neque fuit quisquam vestrum, nec futurus est? Notauit autem argutè ineptam Deliorum consuetudinem, qui suos in patria neque nasci sinerent viuos, nec sepeliri mortuos. Plut. in Lacon. apoph.

Eiusdem.

Idem percontanti cur Tyrtaeum poetam Sparta: ciuem fecissent? Ne quis, inquit, externus nobis dux esse videatur. Ibidem.

Lycurgi.

Quum Thebani consulerent Lycurgum de luctu & sacrificio, quem illi Leucothea solent facere: Si, inquit, Deam esse creditis, ne lugeatis: sin hominem, ne vt Deæ rem diuinam faciatis. Taxauit autem Thebanorum consuetudinem. Non enim conuenit simul lugere & sacrificare: hoc est ab ea petere opem, quæ ipsa sit in calamitate, ac lugenda. Plutarchus in Laconicis apophthegmat.

Eiusdem.

Cuidam, postulanti vt in ciuitate pro Aristocratia, id est, pro optimatum gubernatione, constitueret democratiam, hoc est popularem gubernationem: Tu fac, inquit, prius domi tuæ Democratiam instituas. Docuit autem argutè, eam Reipu. speciem non esse vtilem ciuitati, quam nemo vellet esse in sua familia. Ciuitas autè nihil aliud est quàm magna domus. Plut. in apoph. Lacon.

Metapontini cuiusdam.

Metapontinus quidam Laconi obiicienti ignauiam: Atqui, inquit, non parum alienæ regionis possidemus. Ergo, inquit Lacon, non solùm ignaui estis, verùm etiam iniusti. Significans, non posse fieri, vt quis meticolosus & imbellis multum teneat alienæ ditionis, nisi fraude partum. Plut. in Lacon.

Anonymi.

Alius quidam, quum videret Diogenem cognomento Canem, in vehementi frigore statuam aream amplectentem, rogauit, num algeret: illo negate, Quid igitur, inquit Lacon, magni facis? Philosophus hoc ipsum existimabat magnificum, quod sic haberet corpus ad omnes iniurias duratum: id Laconi ridiculum videbatur, cum magno eius incommodo fieret, nec vtilitas inde promineret ad alios. Plut. in Lacon.

Spartani cuiusdam.

Argiuo quodam dicente, multa Spartanorū sepulchra apud nos sunt: Lacon excipiens, Atqui Argiuorum, ait apud nos nul-

lum est sepulchrum. Innuens, quòd Spartani semper inuasissent Argos, Argiui autem Spartanos nunquam. Et sic quàm acutissimè, quod ille dixerat in gentis suæ laudem, retorfit in ignominiam. Plut. in Laconicis.

Laconum.

Atheniensibus, quum tradita ciuitate postularèt, vt Samum tantum ipsis relinquerent, ita responderunt Lacones: Hoc tempore, quo vestri non estis, alios habere postulatis. Vnde natum est prouerb. Qui semetipsum non habet, Samum petit. Eras.

Anonymi.

Cuidam Lampem Aeginetam efferenti, ac foelicem prædicanti, quòd prædiues videbatur, multorum nauigiorum dominus: Lacon. Nihil (inquit) möror foelicitatem de funibus pendentem. Sensit autem, non in manu nostra esse, quæ in fortunæ sunt imperio, & ea præsertim quæ nauibus committuntur. Plutarch. in Laconicis.

Anonymi.

Mendicus quidam petiit aliquid à Lacone. at ille: Si quid, inquit, dederò tibi, magis es fututus mendicus. Verùm istius probrosæ vitæ fuit author, qui tibi primus dedit, téque fecit inerte. Ibidem.

Anonymi.

In luctandi genere, quod illi Chirapsiam vocant, quum is qui collum alterius vrgebat frustra, præterque legem palæstræ pulsaret vndique, & in terram detraheret, posteaquam corporis viribus destitueretur, qui inhærenti cedere cogebatur, brachium vrgentis momordit. Cúmque alter diceret, Mordes ò Lacon foeminarum more: Non, inquit, sed more leonum. Et sic obiectam ignauiam detorsit in laudem fortitudinis. iure autem se morfu liberauit, qui præter ius certaminis vrgebatur à victo. Plut. in Laconicis.

Sabida.

Seebidas, cum essent Lacedæmonii in pugna Leuctrica, Martis aleam experturi, cuidam dicenti, Hic dies declarabit virum bonum: Præclarus, inquit, dies, qui possit declarare virum bonum incolumem. Prælagiens, in eo prælio plurimos egregios viros fortiter occubituros, quos ipse patriæ maluisset esse incolumes. Plut. in Lacon.

Anonymi.

Quidam Laconi in Olympico certamine superato dixit: Aduersarius tuus ò Lacon te fuit potentior. Imò, inquit, ad deiciendum accommodatior, quoniam certamen magis erat artis quàm virtutis. Ibidem.

Anon

Anonymi.

Quidam cum laudibus immodicis commendasset bellatores optimos: Lacon, Bene, inquit, sed apud Troiam. Significans, tales olim fuisse, sed hoc genus hominum iam olim defuisse inueniri. Plutarch. in Lacon.

Anonymi.

Quidam Lacon' seruo, qui dum puniretur dicebat, Non volens erraui: Non volens igitur, inquit, pœnas dato. Plutarch. in Lacon. napoph.

Spartani.

Spartanus interrogatus, num tutum esset ad Spartanos iter? Refert, inquit, qualis eò decedas. nam leones illuc cuntes plorant, lepores autem in vmbraculis venantur. Significauit autem, nec ferocibus ac violentis esse tutum proficisci Spartam, nec mollibus & effœminatis. delicatos enim homines non in tenebris lasciuire sinunt. Plut. in Laonicis.

Aristonis.

Cum Atheniensis quidam recitaret funebrem orationem, conscriptam in laudem eorum qui fuerant à Lacedæmonis in bello cæsi: Quales, inquit Aristo, nostros esse putas, qui istos vicerunt? Ostendit, recitatore magis illustrare virtutem Lacedæmoniorum, quàm Atheniensium. Plutar. in Laonicis.

Anonymi.

Quidam cum ad Laconem dixisset; Mentiris: ille contra, Nimirum (ait) liberi sumus, alii verò nisi vera dixerint vapulant. Taxauit autem reprehendentem, quòd Lacedæmonio peior esset. Ibidem.

Lampidis.

Lampis negotiator interrogatus, quomodo sibi parasset diuitias? Magnas, inquit, haud difficulter: exiguas vero, cum labore ac tardè. Sentiens, initio paulatim magna que vigilantia corradì pecuniam: ceterum parata iam ingenti sorte, facile esse amplius lucris ditescere. Plutarch. in libello, An seni sit capessenda Respub.

Antiochi.

Antiochus Ephorus quoniam audiuiisset, quòd Philippus Messeniis agros dedisset: percontabatur, num viros quoque dedisset, per quos aduersus pugnantes pro agris tueri possent, quod datum erat? Plutarch.

Metelli.

Cecilius Metellus, cum loco munito cogitaret admo-
f 3

exercitum, ac centurio dixisset ipsi, Si decem tantum hominum iacturam facere velis, capies locum: interrogauit eum, num ipse de numero decem vnus esse vellet? Plutar. in Romanorum apophtheg.

Catonis.

Cato senior belligerans cum his qui Bœtim fluuium accolunt, quum in discrimen adductus esset, propter hostium multitudinem, & Celtiberi offerrent suppetias, si darentur talenta ducenta, Romani verò non sinerent illum mercede pacisci cum barbaris: dixit, Errare Romanos, eo quòd si vicissent, reddituri fuerint non de suo, sed de bonis hostium: sin victi fuissent, iam non fore, nec à quibus peterentur nec qui peterent. Plutar. in Romaho. apoph.

Ciceronis.

Cicero cum quendam audiret, dicere se à Cæsare ad Pompeium transfugisse, relicto ex festinatione equo, ait: Melius igitur de equo quam de teipso statuisti. Sentiens, longè rectius facturum fuisse, si vnà cum equo apud Cæsarem mansisset. Plut. in Romano. apoph.

Messala.

Messala vir exactissimi iudicii, ac Romanæ linguæ exactissimus censor, quum audisset. M. Portium latronem declamantem, dixit, Sua lingua disertus est. Desiderans in eo Latini sermonis maiorem elegantiam, quum ingenium contigisset tam scilicet. Eras. Rot. lib. 8. apoph.

Proculeij.

Proculeius querebatur de filio quòd expectaret mortem patris. quumque filius respondisset, Ego verò non expecto: Imò rogo, inquit ille, vt expectes. Detorsit verbum in sensum contrarium. Expectat quippe mortem patris, qui ex animo desiderat eius bona post mortem: & expectat, qui diu viuit. Quintilianus lib. 9.

Glauci.

Glaucus in iudicio amici, quum molestum testem vellet destruere, interrogauit, (quia iutorem sciebat) quo artificio se mueretur? ille verò false respondit, gallam lubigo. Sutorium hoc habetur instrumentum, quod non infacetè in adulterii exprobrationem ambiguitate conuertit. Nam Plancus in Meuiæ Galla nupta malè audiebat. Brufonius lib. 2. cap. 19.

Dear

De arrogantia.

Bionis.

BIon Boristhenites, arrogantiam dicebat esse profectus obstaculum. Indocilis enim est, qui mauult doctus videri, quam esse. Laert. lib. 4. cap. 7.

Agésilai.

Agésilai, ut ipse singulari molestia præditus erat ita non tulit in aliis arrogantiam. Menecrates enim quidam medicus, quum desperata quædam curationes ipsi foeliciter celsissent, populari adulatione dictus est Iupiter. Hoc cognomenro vir arrogantis ingenii delectatus, insolentius vsus est eo titulo. Tandem quum & Agésilao scriberet, nec veritus esset hac uti salutatione, Menecrates Iupiter Agésilao regi salutem: rex co-
offensus procemio, præterea nihil dignatus est legere, sed rescripsit in huc modum, Rex Agésilai Menecrati sanitatem. *χαιρῶν* Græci dicunt: quibus bene precantur: *ὡ: αἰνῶν* ambiguum verbum ferè in malum sonat, quum significamus abesse sanitatem mentis. Eo verbo quidam Cæsari exprobrauit insaniam.

Archidami.

Archidamus Agésilai filium, post conflictum apud Charoneam habitum, cum a Philippo rege Macedonum literas accepisset, acerbius scriptas, hunc in modum rescripsit: Si metiaris umbram tuam, haud quaquam reperiēs illam factam maiorem quam erat ante victoriam. Grauitè admonens, non esse prudentis ob fortunæ successum intumescere, quum ipse sit nihilo maior. Aequum autem est, ut homo se suis & propriis bonis metiatur potius quam externis, quæ fortuna cum libet dat, cū visum est eripit. Recitat Plutarch. in Laonicis. Vide titulos de Fastu & Superbia.

Demonactis.

Demonax ad Agathoclem Peripateticū arroganter iactantem, sese & solum & primum esse dialecticorum: Si solus, inquit, es, quī primus esse potes? si primus, quī solus? Eras. libr. 8. apoph.

Eiusdem

Idem Cynico cuidam arroganter iactanti, pallium peram & baculum, ac subinde vociferanti, se Antisthenis, Cratetis ac Diogenis sectatorem esse. Impudenter, inquit mentiris, quū sis Hyperidæ discipulus. Alludit ad vocem *ὑπερίδης*, quod est per arro-

gantium despiciere. Est autem & rhetoris nomen Hyperides. Eras.lib.8.apoph.

Drusi.

M.Drusus tribunus plebis, non contentus L.Philippum consulem præcipitasse in carcerem, quod se loquentem ausus esset interpellare, quum senatus ad eum misisset ut veniret in curiam: Quir non potius, inquit, senatus ad me venit in Hostiliam rostris propinquam? Quid consequutum? Tribunus senatus auctoritatem despexit, senatus tribuni, verbis paruit. Eras.Roter. lib.6.apoph.

Anonymi.

Quintilianus vehementer probat dictum cuiusdam oratoris, qui apud Cæsarem, ut opinor, accusabat Cossutianum Capitonem, hominem arrogantem, etiam vultu præ se ferentem confidentiam. Erubescit, inquit, Cæsarem timere. Cæsar erat ea potentia, ut merito fuerit à quouis metuendus. At illi reo tantum aderat arrogantia, ut sibi turpe duceret, si videretur timere Cæsarem. Hoc dictum Fabius adolescens audiuit, ut ipse refert lib.6.cap.de Conclusionem.

De artium atque disciplinarum
utilitate.

Neronis.

Sextus Nero à Mathematicis audierat fore ut aliquando deiiceretur imperio, eoque Græcum Iambicum dimetrum identidem usurpabat,

Τὸ τῆς γῆς οὐρανὸς ἅμα γῆ:

id est,

Terra quavis artem alit.

Putans, se tantum profecisse bonis literis, ut etiam si ab imperio detruderetur, in quavis regione, ob insignem scienciam, posset haberi in precio. Recitat Suetonius in eius vita.

Plura pete ex titulis, de Doctrina, Eruditione, Philosophia, item de Animi bonis, &c.

De artibus superuacaneis & inutilibus.

Diogenis.

Diogenes Cyn. cuidam adolescenti, lusum quendam amatorum eleganter in balneis exhibenti, quod Græci vocant *κωτῶν*, inquit, Quo melius, inquit, hoc deterius. damnans improbi

probitatem artis, qualis est & alea: cuius quo quisque est artifex melior, hoc vir est deterior. Laet. lib. 6.

Eiusdem.

Idem Euclidis scholam, quod arguta quidem, sed ad rectè viuendum inutilia docere videretur, *χολύς*, id est, bilem, ac molestiam appellabat, quum schola Græcis sonet ocium: & Platonis *δυσκολία*, id est exercitationem, *κατατριβή*, id est contritio nem, voce deprauata vocabat, quod a communi vita semotus, disputationibus insensceret, quum Diogenes in publico viuens, mallet philosophicè viuere, quàm disputare. Laet. lib. 6. capite 2.

Platonis.

Anniceris quidam Cyrenæus, aurigandi peritia fuit insignis: & vt egregius artifex, ita gloriosus artis ostentator: venit in Academiam Platonis. atque illic rationes omnes procurrendi, sectendi currum, & per easdem interdū orbitas redeundi ostentabat. Admirantibus igitur aliis, solus Plato negabat sibi videri probabile, eum virum, qui totum animum inuolu studio dedisset, ad vllam rem grauem ac frugiferam esse idoneum. Aelianus lib. 3. de Var. hist.

Anonymi.

Hospes quidam apud Lacedæmonios, quum ipsi stanti interim altero pede, crepida in alterū indueretur, dixit cuidam: Non arbitror te Lacon tantum temporis vni pedi posse insistere, quantum ego possum. Lacedæmonius excipiens, Fateor, inquit: attamen nullus est anserum qui istud non possit. Iure derisit hominem, qui longo vsu didicisset artem, quæ nihil utilitatis adfert reipub. Huiusmodi sunt artes præstigiatorum, funambulorum, & similibus. Plut. in Lacon.

Huc refer Disputationes inutiles & contentiosas, item quaestiones infrugiferas, Sophismata, &c.

De artium contemptu.

Lacedæmoniorum.

Lacedæmonii quoniam seueriores erant, ac moribus incorruptioribus, bellique gloriam potissimum spectabant, contemnebant omneis arteis quæ ciuium animos videbantur emasculare, & a vera virtute ad ociosam ostentationem traducere. Nam & Roma cum adhuc spiraret Germanam illam austeritatem, Græculos professores vrbe exegit. Hoc genus stu-

diis nulla Græciæ pars corruptior erat, quàm Attica, vbi Gorgias, Lyfias, Ifocrates, Prodicus, aliique innumeri ſophiſtæ magno cum applauſu populi, nec mediocri mercede garriebant. Plut. Eraſt. lib. i. apoph.

Anonymi.

Lacedæmonius quidam percõtanti, quid ipſi videretur Tyrteus poeta? Bonus, inquit, ad deprauandos iuuenum animos. Plut. in Laconicis apoph.

Philippi regi.

Philippus Macedonia rex cum audiſſet filium ſuum quodã in loco ſcitè ceciniffe, obiurgauit, dicens: Non te tui pudet, qui noris tam bene canere? Plutarch. in reg. & imp. apoph.

Pyrri regi.

Pyrhus Epirotarum rex interrogatus, vter melior tibicen videretur, Pythõne an Charifius? Polyſperches, inquit. Is erat egregius dux exercitus. Contempſit omnes artes, quæ cum re militari nil haberent commune.

Similia dicta leges infrà tit. de Muſicæ contemptu.

Artem, quam quiſque no-
uit exerceat.

Iouis.

IVpiter apud Homerum in Iliade, Veneri à Diomede percuffa: Non eſt, inquit, ò mea filia muneris tui, tractare res bellicas: fortis Mars atque ſtrenua Minerua meditabuntur. tu igitur tracta interim res vxorias, amatoriãſque: cole amores, amplexus, oſcula, &c. Homerus lib. 5. Iliad.

Archidami.

Archidamus Zeuzidami filius, cum videret Periandrum, qui arte medica excellentiſſimus fuerat, tam infelicia carmina ſcribentem: Quid (ait) tibi accidit mi Periander, vt pro inſigni medico, malus poeta vocari concupiſcas? Notauit hominis ſtultitiam, vt qui ſe in ea re exercere cuperet, in qua nil omnino valebat nec natura, nec ingenio. Plut. in Laconicis.

Alcibiadi.

Zopyrus Phyſiognomon cum profiteretur ſe hominum mores naturãſque ex corpore, oculis, vultuque cognoscere: Conſpectum Socratem, ſtupidum bardumque eſſe dixit. Quod cum audiſſet Alcibiades, irridens hominem, ait, Scilicet rem acutigiſti. Bruſo. lib. i. cap. 10.

Pyrri

Pyrrhi regis.

Pyrrhus rex audiens quendam promittentem, se traditurum ei aciei instruendæ artificium, qui tamen in acie nunquam fuerat: dixit, non opus esse sibi imperatore, vel belli duce, cuius aures tubæ sonus nunquam circumierit. Stobæus ser. 51.

Hannibalis.

Hannibal quum ad Antiochum exul Ephesum venisset, ab hospiribus inuitatus est ad audiendum Phormionem Peripateticum: qui cum copiosius aliquot horas de imperatoris officio loquutus esset, atque de re etiam militari multa differuisset, delectati vehementer qui audierant, ab Hannibale quaesierunt, Quidnam de Phormione iudicâret? ibi respondisse fertur, Multos se deliros senes sæpe vidisse: sed qui magis quàm Phormio deliraret, se vidisse neminem. Brulonius lib. 4. cap. 10.

Galli.

Gallus iurisperitus, si quis negotium ad ipsum detulisset, in quo de facto quærebatur, dicere solebat: Nihil hoc ad ius, ad Ciceronem ito. Sensit Gallus, aliud esse officium iureconsulti, aliud oratoris. Nec esse necesse, de his quæ ad alienam professionem pertinent, respondere. Refert Mar. Tul. in Topicis ad Trebel.

Apollodori.

Apollodorus insignis architectus, cum Romæ præclara aliquot ædificia erigeret, reprehensus ab Hadriano imperatore, quasi nescio qua in re peccasset, respondit: Abi potius, & cucurbitas pinge, nam tu quidem ædificandi artem planè ignoras. Dion Nicaeus, & Xiphilius in vita Hadriani.

Vide, Iudicium de re aliena atque ignota.

De aspectu incauto..

Alexandri regis.

Alexander Magnus cum Darii filias haberet captiuas demissis oculis eas salutabat, idque raro: sibi metuens ab illarum insigni forma. Apud familiares autem dicere solebat: Dolores oculorum sunt Persicæ puellæ. Plut. in eius vita.

Vide plura de Visu, infra.

De assuetudine.

Antisthenis.

Antisthenes rogatus, Quæ disciplina cum primis esset necessaria, inquit: Dediscere mala. Id enim non modò primum est, vt mala assuetudine nobis infixæ abiciamus penitus, verùm est longè etiam difficillimum. Laert. lib. 6. cap. 1.

Eiusdem.

Idem rogatus, quid sibi faciendum suaderet, vt vir probus & honestus euaderet? Si mala, inquit, quæ per assuetudinem inhærent, dediceris, posthac fugienda. Ibidem.

Anonymi.

Puer quidam apud Platonem educatus, quum ad patrem ex interuallo redisset, cumque vidisset effusus ridentem, admiratus dixit: Se tale nihil vnquam apud Platonem vidisse. Tanta res est, inde à teneris virtuti assuescere. Eras. lib. 6. apoph.

Polemonis.

Polemon sophista quum laboraret morbo articulari, Pergami in templo obdormiit, cui apparuit Aesculapius, iubens vt à frigido potu abstineret, ad quem Polemon: O præclare, inquit, quid autem si bouem curares? subindicans, iam diu assuetum duris, frustra vocari ad delicias. Philostrat. in Sophistis.

Platonis.

Plato Atheniensis philosophus adolescentem, quòd lusisset aleam, grauiter increpuit, qui quum dixisset, Sic obiurgas ob rem paruam? At paruum non est, inquit, assuescere. Tale quidam subindicat Demea Terentianus in Adelphis: Mitto rem, consuetudinem ipsorum, Laert. lib. 3.

Lacedæmoniorum.

Lacedæmonii posteaquam moderatè biberunt in conuiujs publicis, discedunt absque tædâ: non enim fas est illis ad lumen incedere, nec hac via, nec illa, quo consuescant in tenebris noctuque confidenter & intrepidè ire. Id enim interdum in bellis vsu venit, vt necesse sit. Plut. in Laconicis.

Herodis sophistæ.

Herodes sophista cum subinde a Proteo Cynico conuicijs aspergeretur: Consenuimus inquit, tu maledicèdo, ego verò male audiendo. Quo dicto ostendere voluit, immedicabile malum esse, cui ille tam diu assueuerat. Refertur à Philostrato in Sophistis.

Socratis.

Socrates Alcibiadi demiranti, quòd Xantippen supra modum rixosam domi perpeteretur: Ego, inquit, etiam pridè his sic affueui, vt non magis offender, quam si rotæ, quæ aquam educit, stridorem audiam. Nam is stridor molestissimus est in-
fuetis: eundem qui quotidie audit, adcò molestè non fert, vt se audire nesciat. Laert. in vita Socratis.

De Astrologia & Astronomia.

Bionis.

B Ion aiebat, maximè ridiculos esse Astronomos, vt quum non videant pisces iuxta se nantes in littore, illos qui in cœlo sunt se videre dicant. Stobæus serm. 78. De Diis.

Diogenis.

Astrologus quidam in foro stellas in tabella quadam depictas cum demonstraret, atque diceret, En tibi hic stellas errantes. audiens hoc Diogenes: Ne mentiaris, inquit, bone vir. stellæ enim non errant, sed illi: ostensis qui assidebant. Stobæus serm. 78.

Anonymæ.

Thalerem, dum cœlum contemplatur, in fossam illapsum, ancilla eius, iure id eum pati dixit, qui cum iuxta pedes posita ignoraret, cœlestia intueretur. Stob. serm. 78.

Aristonis.

Ariston dicebat, eorum quæ philosophi scrutantur, alia ad nos pertinere, alia nihil, quædam supra nos esse. Sensit autem, disciplinam morum spectare ad nos, Sophisticam nihil ad nos pertinere: eo quòd ad vitæ emendationem non tantum non profuit, sed rixas et contentiones progeneret. Astronomiam autem, Astrologiam, &c. supra nos esse omnino. Stob. serm. 78.

Pindari.

Pindarus naturæ speculationibus vacantes, imperfectum sapientiæ fructum capere dicebat. Stobæus serm. 78.

Anaxagoræ.

Anaxagoras cum cœlum intueretur, astrorumque mirabile cursum admiraretur, cuidam sciscitanti, cur ita libenter ferret subdiuina peruigilia? respondit, vt cœli aspectu fruatur, cursum & recursus siderum in orbem redeuntes subindicans. Philo Iud. in lib.

lib. Quòd mundus sit incorruptibilis.

Anonymi.

Cum inter nonnullos quæsitum esset, quum in omne hominum genus Alphonsus liberalem ac munificum sese ostenderit, quur solos astrologos præteriret? (neque enim huius scientiæ præceptores, sicut aliarum disciplinarum magistros, in eius curia obuersari visum est.) Tunc vnus, qui magis scire videbatur: Sidera, inquit, stultos regunt, impelluntque: sapientes astris imperant. Sultos ergo principes honorare astrologos, consequens est, non sapientes: inter quos nomen suum Alphonsus obtinet. Aeneas Syluius libro 4. commentariorum de rebus gestis Alphonsi Aragonum regis.

De astutia.

Lysandri.

Lysandro cum probro daretur, quòd pleraque astutia, dolo simul ac fraude gereret, non palam virtute conficeret, hac parte Hercule generis autore indignus: ridens dixit, Vbi quod vellet non assequeretur leonis exuium, ibi vulpinum applicandum esse, sentiens, quod honestis rationibus non posset effici, id fraude dolisque perficiendum. Plut. in Lacon. Brus. lib. 2. ca. 19.

Cleomenis.

Cleomanes Anaxandridæ filius, quum septem dierum inducias cum hoste pactus esset, captata opportunitate, tertia nocte dormientes inuadit, multos interficit, alios in seruitutem redigit. Obiurgatus verò, quod fœderis fidem non seruasset: Ad iusiurandum, ait, noctes non additas fuisse. Sed is tandem furiosus factus, à talis se vsque ad vitalia membra lanxauit, ridensque & lætabundus animum exhalauit. Brus. lib. 3. cap. 20.

Ciceronis.

Cicero in Accium, hominem callidum & versutum, quum is in causa quadam suspectus esset, senarium ex vetusto quopiâ poeta torfit: nisi qua Vlysses rate euasit. Laertius. Vlysses vaser, naui & Charybdim & Scyllam euasit: sic Accius astutia sua è iudicii periculo elapsus erat. Eras. 4. apoph.

His addendus est titulus de Astute & Callide dictis.

De asyis atque impunitatibus.

Agessilai.

Cum Agessilaum Lacedæmoniorum regem, aræ Palladis instantem, vt bouem immolaret, momordisset pediculus, non

non auersus est, sed arreptū palam omnibus occidit: Per Deos, inquit, equidem insidiatorem vel in ipsa ara confodiendum puto. Quo significauit, insidias molientibus nullam aram aut asylum tutum esse oportere. Plut. in Lacon. Eras. lib. 1. apoph.

De attentione.

Cleanthis.

Cleanthes Afsius differens adolefcenti cuidam, quem videbat parum attentum, rogauit, Sentirene? Illo affirmante, se sentire: Quir igitur ego, inquit, non sentio te sentire? Solent enim qui intelligunt, oculis ac gestu, interdum & verbis significare, se quæ dicuntur intelligere. Laer. lib. 7. cap. 2.

Zenonis.

Zeno Citricus, iis quæ rectè dicerentur, negabat esse relinquendum locum, velut præclaris artificibus, ad spectandum. Contrà, auditores dicebat ad eò debere esse attentos ad ea quæ differuntur, vt non vacet dare signū approbationis. Dum enim applauditur & acclamatur, perit aliquis audiendi fructus. Laer. lib. 7. cap. 1.

Aristotelis.

Aristoteles cum quendam vana loquacitate præter modum garrientem aliquandiu audiuiſſet, demum aliud cogitans, eodem mansit loco. Verum finita oratione, cum is qui peroraret, cum interrogasset, num hæc placuiſſent quæ dixiſſet? Hercule, inquit, tibi animum non intendi. Brufonius lib. 3. cap. 25.

Alexandri sophista.

Alexander sophista legatione fungens pro Seleucia apud Antonium primum, vidensque illum minus attentum, clariore voce dixit: Ausculta me Cæsar. Cæsar autem acerbitate, confidentiaque vocis exasperatus: Ausculto, inquit, intelligoque te. Tu enim es ille qui colis comam, qui dentes candidas, qui poliusvngues, qui semper oles vnguentum. Philost.

Ciceronis.

Quum orante M. Tullio, quidam creditus Afer genere, diceret, Non audio: hoc sermone negās se probare, quod dicebatur: Atqui, inquit Cicero, aurem habes perforatam. Solebat enim ea gens habere perforatas aures, vt inde suspenderet annulos ac gemmas, quæ nūc collo digitisque gestamus. Ea foramina quomodo fiant, docet Celsus. Plut. in Rom. apoph.

De

De auaritia.

Biontis.

Bion sophista auaritiam dicebat omnis improbitatis esse metropolim. Stobæus serm. 8. De iniustitia.

Eiusdem.

Bion Borysthenites diuites sordidos dicebat ita facultatum suarum curam habere, quasi essent propriæ: rursus, ex iisdem nihil capere utilitatis, quasi essent alienæ. Laert. lib. 4. cap. 7.

Eiusdem.

Idem in diuitem quendam sordidum ita loquutus est: Hic facultates suas non possidet, sed ipsum possident facultates. Laert. lib. 4. cap. 7.

Eiusdem.

Bion eos deridendos putabat, qui eius generis diuitiis præter modum student, quas fortuna largitur, illiberalitas seruat, benignitas aufert. Maximus, serm. 12.

Chilonis.

Chilon philosophus sapientissimus, dicere solebat, hominū bonitatem ita auro probari, quemadmodum aurum Lydio lapide. Ostēdens, permultos, qui aliis vitis diu restiterint, opum auiditate persæpe à virtute deduci. Et qui aduersus opes constans fuerit, cum de cæteris vitis facilius victoriam reportaturum. Fulgosit lib. 7. cap. 2.

Aristidis.

Aristides cognomento Iustus, cum auarus quidam & prædices paupertatem ei exprobraret: Mihi, inquit, paupertas nihil mali videndum præbebit, tibi autem diuitiæ per fas nefasque paratæ turbas non paucas. Maximus serm. 12.

Anacharsidis.

Anacharsis cum rogasset quendam, quanta esset spissitudo navium? respondit, Quatuor digirorum. Tantillum, ait Anacharsis, à morte sunt, qui auaritia & lucri cupiditate irritati, pernaugant maria, incerti de reditu. Laert. libr. 1. cap. 9.

Aristippi.

Quum Aristippus à Dionysio pecunia donatus esset, Plato libris: atque ob id à quodam carperetur, quasi ad rem attētor esset quam Plato: Quid refert, inquit, mihi pecuniis erat opus, Platoni libris, sentiens, neutrum accusandum. Laert. lib. 2.

Eiusdem.

Eiusdem.

Aristippus Platoni obiurganti, quòd multos pisces emisset, respondit, se illos emisse obolo. quumque Plato dixisset: Tanti & ipse empturus eram: Vides inquit, igitur ó Plato, me non esse obsoniorum avidum, sed te pecuniæ amantem. Laertius libro 2. capite 8.

Simonidis.

Simonides interrogatus, cur in extrema senectute avarus esset? Quoniam, respondit, malim defunctus opes inimicis relinquere, quàm viuis amicis egere. Et his verbis plurimorum etiam amicitiae inconstantiam damnavit. Stobæus sermone 8, De iniustitia, Phauorinus 15.

Democriti.

Democritus dicebat, diuitum multos esse procuratores, non autem pecuniarum dominos. Avarus enim non suas possidet diuitias, sed possidetur à diuitiis: quarum non tantum seruus, sed mancipium meritò dici potest. Maximus sermone 12. Alii autem hoc, dictum Theocrito ascribunt.

Eiusdem.

Democritus, Vna (dicebat) cupiditas mortalium extimulat animos, ut opes assequantur. Atqui videmus, iisdem congestis, discutiari nihilominus cogitationes. Tum illis amissis, relinqui tristitiam, luctumque perpetuum, Stobæus.

Eiusdem.

Democritus pecuniarum cupiditatem, nisi terminetur aliqua facierate, multo miseriorem iudicabat extrema paupertate. Maiores enim cupiditates, indigentias quoque maiores faciunt. Stobæus sermone 8, de Iniustitia.

Diogenis.

Diogenes Cynicus avaros homines obiurgabat, quòd pecuniam verbis vituperarent, quum eam animo plurimi facerent. Est autem hoc avaris peculiare, quòd nulli magis detestantur auaritiam, quàm ipsi. Laertius, eius dictum recitat libro 6.

Eiusdem.

Idem interrogatus quid esset in vita optimum: Libertas, inquit. At verè liber non est qui seruit vitis: nec liber esse potest, qui multis eget: plurimis autem eget avarus, ambitiosus, ac deliciis deditus. Laertius libro 6.

Eiusdem.

Idem dicere solebat, cupiditatem esse malorum omnium

arcem ac *μὴ γένοιτο*: non procul abludens à sententia Solomonis, qui dixit, cupiditatem radicem malorum omnium. Ibidē.

Eiusdem.

Diogenes interrogatus, quæ nam essent ferae pessimæ? Respondit, In montibus vrsi & leones, in ciuitatibus autem publicani & sycophantæ. Antonius in Melissa, par. 1. sermone 34. Maximus sermone 22.

Eiusdem.

Diogenes poscebat aliquid ab homine auaro: quem vbi videret contantem, ac negaturo similem, ô homo, inquit, ad cibum te postulo, non ad cyppum: vt, quâ licet, Græcarum vocum affinitatem reddam. Græcis enim & *ῥεφὸς* cibus est, & *ταφὴ* sepultura. Laertius libro 6.

Eiusdem.

Diogenes Anaximenis seruos conspicatus multa vasa ferentes, cuius ea essent interrogauit. Cum autem illi, Anaximenis esse, respondissent: An non pudet eum, inquit, tam multa habere, cum seipsum non habeat? Voluit autem indicare, hominem auarum esse extra seipsum. Maximus sermone 12.

Eiusdem.

Diogenes Cynicus, quum ab auaro quodam poposcisset aliquid, tardaretque ille: Ad cibum homo, inquit, te postulo, non ad sepulchrum. Brusonius libro 1. cap. 1.

Eiusdem.

Diogenes cum insatiabilem multorum auaritiam, in multorum ciuium perniciem excreffcentem vidisset: Auari, inquit, vita sua tanquam gladio vtuntur, omnia facientes secundum anam. Stobæus ser. 8. de Iniustitia.

Eiusdem.

Idem, Magna & multa simul accipientes, Insignimendicos appellabat. Stobæus, eodem loco.

Eiusdem.

Idem cum vidisset quendam opulentas anus amare simultantem: Hac ratione, inquit, non oculum, sed dentem amisit. Stobæus, eodem sermone.

Eiusdem.

Diogenes auaros hydropicis comparabat. Illos enim argento plenos, hos autem repletos aqua, amplius desiderare, idque virosque in magnam sui perniciem, dicebat. Affectiones enim

enim ipsis eo magis intenduntur, quo largius desiderata consequuntur. Stobæus sermone 8. de Iniustitia.

Aristonis.

Aristonem philosophum maximè admiratum ferunt, quòd homines potius superuacuis fortunæ bonis, quàm necessariis commodisque beati essent. Brufonius libro 1. cap. 1.

Timothei.

Timotheus musicus cum ab Archelao minus quàm sperarat accepisset, canens subtaxabat Archelai auaritiam: At tu argentum terram gentium laudas. Succinuit illi vanissimè Archelaus: Tu verò, inquit, postulas. Bruso. libro 1. cap. 1.

Socrati.

Socrates interrogatus, quàm essent auari? Respondit, qui turpia lucra venantur, & necessarios amicorum negligunt. Stobæus sermone 8. de Iniustitia. Maxi. ser. 12.

Eiusdem.

Socrates auaros homines auibis similes esse dicebat, quarum alia deglutit quicquid inuenerit, & quandoque suffocatur: aliæ verò sequuntur, vt quod habent, ei extorqueant: & ipsæ quoque alię post alias suffocantur. Antonius in Melissa, parte 1 sermone 35.

Eiusdem.

Socrati tribuitur illud, Neq; à mortuo petendū colloquium, nec ab avaro beneficium. Nam mortui aut non respondent, aut lædunt: ita avarus, aut non dat quod rogatur, aut infelicitè cedit accipienti, quod datur animo inimico. Eras. Roterod. libro 8. apoph.

Platonis.

Plato ad quempiam accumulandæ pecuniæ semper incumbentem, ô Improbe dixit, ne possessioni augendæ studeas, sed minuendæ cupiditati. Stobæus sermone 8. de Iniustitia. Phavorinus 15.

Eiusdem.

Plato dicere solebat, eos qui corpus curarent, non rem quidem suam, sed seiplos curare: qui autem pecunias, neq; seiplos, neq; sua, sed quàm longissimè à suis abesse. Maxi. sermone 12.

Aristotelis.

Aristoteles Stagirita dicere solebat, quosdam homines tam tenaces esse, quasi nunquàm essent morituri: & alios etiam esse, qui ita sua profunderent bona, ac si cras morituri essent. Lactius libro quinto, capite primo.

Demosthenis.

Demosthenes cum animaduertisset, avarum quendam ad sepulchrum efferri: Iste, inquit, cum vitam non vitalem vixerit, aliis vitam reliquit. Bios autem Græcis & vitam & victum significat, Maximus sermone 12. Stobæus.

Eiusdem.

Quibusdam arbitrantibus Demadem iam desuisse malum esse: Iam enim, inquit, Demosthenes, saturum videtis, veluti leones. Erat pecuniarum avidus Demades, leones autem mitiores sunt saturi. Eras. libro 4. apoph. in fine.

Timonis.

Timon ille cognomento Misanthropos, id est, hominum exosor, elementa malorum esse dixit Avaritiam & Ambitionem. quemadmodum enim ex primis illis & secundis principis generantur naturaliter omnia, sic ex avaritia & ambitione omnia vitia progenerantur alia. Timonis dictum extat apud Stobæum, ser. 8. de Iniustitia, & Eras. libro 6. apoph.

Hadriani Sophistæ.

Hadriano sophistæ miserat quidam pisces in disco argenteo, picturato auro: at ille delectatus vasculo, non remisit, tantum ei qui miserat, respondit: Bene facis, quod etiam pisces: quasi discus esset dono missus, pisces tantum novitatis gratia additi. Quidam autem dicunt ioco factum, ut castigaret discipuli vitium, qui sordidior esse dicebatur: nam eo admonito, discum reddidit, quum essem apud coloniam Agrippinam, senatus honoris gratia misit vinum in cantharis testaceis, neq; eos repeti mos est. Id admiratus, rogaui causam. Responsum est, olim vinum solere mitti cantharis argenteis: hoc honoris quum esset habitum cuidam ex eorum numero, qui magnam nobilitatis partem existimant rapto vivere, postridie manè profectus est cum argenteis cantharis. Re comperta, misit ad illum senatus, qui cantharos reposceret. At ille: Vltro, inquit, dono dedistis, & ego gratias egi. Hoc casu admoniti, mutarunt consuetudinem, Verba sunt Eras. in apoph.

Cleomenis.

Cleomenes Anaxandridæ filius, dicente quodam illi, delicatus es: At melius est, inquit, quam iniustum esse. Tu verò pecuniam sortitus multam, nondum contentus es: sed subinde cogitas, qua ratione cumulo adicias. Brusonius libro primo capite primo. *

Lycurgi.

Lycurgus, quicquid erat rerum superuacanearum, è ciuitate exiiciendum curauit: adeò vt nec negotiator, nec sophista, nec vates, nec circulator, nec lauticiarum artifex, Spartam ingrederetur. Neque enim passus est illic esse pecuniam talibus utilem: tantum ferream monetam cudit, quæ pondere Aegineticam æquabat minam, valore æreos quatuor. His remediis expugnauit auaritiam. Plut. in Lacon.

Demonastis.

Demonax quosdam esse dicebat, qui non in hac præsentī vita uiuerent, sed magno studio se præpararent, quasi alteram vitam sint acturi, non hanc præsentem. Notauit autem insatiabilem eorum hominum auaritiam, quibus nihil sufficit: quasi post mortem etiam vsui sint nobis per fraudem comparatæ diuitiæ. Maximus sermone 12.

Lacedæmoniorum.

Cum pecuniæ essent in Lacedæmoniorum regionem conuectæ, qui eas importarēt, morte damnati sunt. Siquidem Alcameni ac Theopompo regibus hoc oraculum erat redditum: Pecuniarum amor Spartam perdet. Nihilo secius tamen Lysander, deuictis Atheniensibus, magnam auri argenti que vim inuexit: nec solum pecunias receperunt, verum etiam ipsi viro honos est habitus. Proinde Sparta, donec Lycurgi legibus vteretur, nec à iureiurando recederet, sexcētis annis in Græcia primas tenuit & legum æquitate, & gloria. Cæterum quum ab his paulatim defluerent, inundaretq; obiter diuitiarum amor, & auaritiæ malum: non solum ob hæc decreuit illorum potentia, verum etiam quibus antea sociis & amicis in bello fuerant vsi, eos inimicos habere cœperunt. Porro quum ita se gererent, tamen post Philippi Macedonis in Chersonæa victoriam, quam Græci cæteri omnes illum imperatorem terra pariter ac mari declarassent, ac post hunc Alexandrum filium euerfis Thebanis, soli Lacedæmonii, tamen si ciuitatem haberent nullis cinctam muris, essentque non modò perpauci propter assidua bella, sed multo quam antea imbecilliores, captu faciles essent facti, quoniam adhuc seruabāt admodum exiguas quasdam Lycurgicarum legum scintillas, non se præbuerunt belli socios, neque cæteris Græcis, neque post Macedonicis regibus, neque in commune cum illis concilium venerunt, neque tributum pendere coacti sunt: donec per omnia contemptis Ly-

curgi legibus, à propriis ciuibus tyrannide oppressi sunt, ita vt nihil iam reliquum esset patriæ institutionis: sed reliquorum similes effecti, & gloria, & libertate, quam prius obtinuerant, exuti sunt, & in seruitutem traducti: ac nunc, quemadmodum cæteri, sub Romanorum viuunt imperio. Graue documentum vniuersis, imperia virtute parari: auaritia, luxu, deliciisque vel perire, vel uerti in tyrannidem. Plut. in Laconicis.

Vxoris Pythij.

Pythius natione Lydus, in vrbe Phrygiæ Cælenis (nam ibi regnabat, homo prædiues, sed auri studio præter modum deditus) totam ferè ciuitatem in fodiendis metallis occupatam tenebat, vt iam vix quicquam aliud agi vacaret. Huius morbo vxor solerti remedio medicata est. Absente enim marito curat & mensam & omnem mensæ supellectilem adfabrè ex auro confici, denique & cibarium effigies, quibus nouerat maritum præcipuè delectari. Reuerso, cum conuiuui tempus esset, apponitur mensa aurea, cum reliquo vasorum apparatus. Atque hoc sanè spectaculo diues aliquandiu pauit oculos. tandem quum interpellaret stomachus, iubet apponi cibos. Apponuntur illa aurea ciborum simulachra spectanda, non edenda. Hic cum incandesceret ira Pythius, flagitans apponi quod edi posset, iam dudum spectaculorum esse satis: Tum vxor, An non sentis (inquit) Pythi, dum nihil aliud quærīs quàm aurum, agriculationem deseris, & ciues tuos ad famē vocari, breui perituros si qua cœpisti pergas? Hoc ciuili commento cordata, mulier maritum ab immodico auri studio reuocauit. Erasmus libro 8. apoph.

Hieronis.

Hiero cum vituperaretur, quod cum multis Rhetoricari docuisset, ipse egeret. Atqui, inquit non docui eos ditescere, neque studere pecuniæ. Maximis termone. 12.

Aspasie.

Aspasie Xenophontis vxor, quum esset (vt muliebri ingenium est) rerum alienarum appetens, atque inuida, interrogata, si vicina tibi melius quam tu agram habeat, vtrum ne illius an tuum malis? illius, inquit. Quid si vides, cæterumque ornatum muliebrem precii maioris habeat, quam tu, tuumne an illius malis? respondit, illius. Age sis, si maiorem quam tu habeat virum, vtrumne tuum malis, an illius? Erubuit mulier. Brusonius Contursinus libro 1. capite 1.

Semiramidis.

Semiramis Carum regina, quæ Babylonem condidisse dicitur, monumento quod sibi pararat inscripsit: Quisquis rex pecuniis eguerit, aperto monumento quantum voluerit, capiat. Darius potitus ea ciuitate, titulo credens, saxum ingens quo claudebatur monumentum vix amolitus, nihil quidem inuenit pecuniarum, sed ex altero saxi latere hoc inscriptum reperit: Ni vir malus esses, & pecunia inexplibilis, haudquaquam mortuorum loculos moueres. Quanquam hoc aptius inter strategemata, siue inter *γνώμης* commemorandum erat. Plut. in Regum & imper. apoph. Stob. ser. 8.

Alexandri Maced.

Alexander Macedo cum audisset, Anaxarchum de mundorū infinitate differentem, illachrymatus est: rogatusque ab amicis, quam ob causam ad lachrymas moueretur? An non, inquit, dignum est flere, quum infiniti sint mundi, ego verò dominus vnus vix factus sum? Bruso. lib. 1. cap. 1. in fine.

Antigoni.

Antigonus in extorquendis pecuniis acer erat, ac rigidus. Cuidam itaque dicenti, At non talis fuit Alexander: Merito, inquit. nam ille metebat Asiam, ego culmos lego. Sentiens, opulentissimam Asiam prius ab illo spoliatam, sibi a spoliatis corradendum quod posset. Plut. in apoph. Regum.

Fabricij.

C. Fabricius P. Cornelium, hominem (vt putabatur) auarum & furacem, sed egregiè fortem ac bonum imperatorem, suo suffragio fecerat cōsulem. Huic quum Cornelius ex more gratias ageret, quòd immemor simultatis, ipsum fecisset cōsulem, bello præsertim magno & graui: Nihil est, inquit, quod mihi gratias agas, si malui compilari quàm venire. Compilamur furto, veneunt bello capti. Proinde inimico fauit, cuius dexteritate sperabat fore, ne Romani venirent in manus hostium. Eras. lib. 6. apoph.

Scæuola.

Scæuola Septimelio Anagnino (quem tamen Plutarchus & Plinius Septimuleium vocant) cui pro C. Gracchi capite erat aurum repensum, roganti, vt se in Asiam præfectum duceret: Quid tibi vis, inquit, insane? tanta malorum est multitudo ciuium, vt tibi hoc confirme, si Roma manseris, te paucis annis ad maximas pecunias esse venturum. Cicero lib. 2. de Oratore.

Craſſi.

M. Craſſus ad Parthicam expeditionem proficiſcens, quum ex itinere Deiotarum Galatarum regem extremo iam ſenio conſectum, nouam urbem ædificantem offendiſſet: O rex, inquit, quidnam negotii hoc eſt? Quid, quum iam duodecima diei hora tibi adſit, nouam urbem condere incipis? Ad hæc ſubridens Deiotarus, Craſſique auaritiã ſubcarpens: Tu verò, inquit, imperator, quum ſis, haudquaquam (vt videre videor) matutinus (erat enim ſexagenarius) in Parthos cum exercitu feſtinas, prædam ampliſſimam rapturus. Bruſo. lib. i. cap. i.

Ciceroniſ.

M. Cicero cum apud Damasippum cœnaret, & ille mediocri vino appoſito diceret, Bibe Falernum hoc annorum quadraginta: ſubtaxans Cicero hominis auaritiã: Bene ætatem fert, mi Damasippe, ait. Veniamque dedit vino, vnde gloriam Damasippus aucupabatur. Bruſo. lib. i. cap. i.

Eiuſdem.

Craſſo dicente, Stoicorum eſſe dogma, virum bonum eſſe diuitem: Vide, inquit Cicero, ne magis hoc ſentiant, ſapientis eſſe omnia. Tectè notans Craſſi auaritiã, cui nihil eſſet ſatis. Eraſ. 4. apoph.

Iugurtha.

Iugurtha cum pecunia Romanos exagitaſſet, iuſſusque tandem eſſet à ſenatu paucis diebus Italia decedere: poſtquã Roma egreſſus eſt, fertur ſæpe tacitus reſpexiſſe, & poſtremò dixiſſe: O urbem venalem, & mox perituram, ſi emptorẽ inuenerit. Quod paulo poſt euenit. Romani quippe, antea cum inuicti eſſent, ſola auaritiã victi ſunt, & antiquum nominis decus planè amiſerunt. Bruſo. lib. i. cap. i.

Veſpaſiani.

Veſpaſianus inſtituerat vectigal è lotio. Super hoc à filio monitus, diſſimulauit, donec prima penſio eſſet ſoluta. Eam pecuniam admouit ad filii nares, ſciſcitans num odore offenderetur? Negante illo: Atqui hæc, inquit, è lotio eſt. Sueto. & Bruſonius lib. i. cap. i.

Eiuſdem.

Idem legatis nunciantibus, decretam illi publicè non mediocris ſummæ ſtatuam, iuſſit vt eam continuo ponerent: & cauam oſtendens manum, Ecce (inquit) parata baſis. Significans, vt eam pecuniam, quam in ſtatuam decreuiſſent impendere

dere mortuo, viuo darent in manum. Sueton. in Vespasia.

Vespasiani senioris.

In itinere quodam mulio desiliit, quasi calceaturus mulas: sed reuera, vt adeundi litigatori spacium morámq; præberet. At Cæsar dolum suspicatus, interrogauit mulionem, quãti calceasset: pactusque est lucri partem. Hoc si fecit vt suos corrigeret, ciuilitas fuit: sin vt eo emolumento fieret ditior, sordidum erat. Sueton. in Vespas. seniore.

Eiusdem.

Quidã è charis Vespasiani ministris, apud ipsum pro quodam, quem fratrem suum esse simulabat, intercedebat. vt illi procuratio committeretur. Id sentiens Cæsar, candidatum solum ad se vocauit, exegitque pecuniam quam ille suffragatori suo pepigerat: ea accepta, mox ordinauit. Huius rei ignarus minister, rursus interpellauit pro fratre. cui Vespasianus: Alium, inquit, tibi fratrem quære. hic quem tuum putas meus est. Sueton. in Vespas. seniore.

Eiusdem.

Rusticus quidam, quoniam gratuitam libertatem suppliciter petens à Cæsare Vespasiano, repulsus est, non est veritus clare dicere: Vulpes pilos mutat, non mores. exprobrans illi naturæ rapacitatem: quasi mercede data concessurus fuisset, quod gratuito negabat. Sueton. & Brufon. lib. 1. cap. 1.

Caligula.

In auctione Aptonius quidam, vir prætorius, dormitans capitis motu nutabat. Id animaduertens Caligula, præconem admonuit, ne illum sibi nutantem præteriret: nec hoc monere desuit, donec ignoranti tredecim gladiatores sestertiũ nonagies addicerentur. Eras. lib. 6. apoph.

Bassi.

Iunius Bassus, querente Domitia Passiani, quòd taxans eius fordes, calceos eam veteres diceret vendere cõsueuiffe: Non me hercules, inquit, hoc vnquam dixi, sed dixi emere te solere. Brufon. lib. 1. cap. 1.

Alexandri Seueri.

Alexander Seuerus Vetronium Thurinum familiarẽ, quòd his qui petebant aliquid à Cæsare, vendidisset suum patrociniũ, mentiens interim multa, conuincendum curauit, & conuictum damnatumque in stipite allegari iussit, supposito igni

ex humida materia, præcone clamante: Fumo punitur, qui fumos vendidit. Aelius Lampridius.

D. Hieronymi.

Hieronymus Stridonensis & dicere & scribere solebat, avaro tam illa quæ habeat, quam quæ non habeat, deesse. Ostendens, hominem avarum semper esse egenum, etiam si amplissimas divitias possideat. Fulgo. lib. 7. cap. 2.

Alphonfi.

Alphonfus ille potentissimus Aragonum & Sicilia rex, dicere solebat, ab Diis olim, Ioue, Neptuno, Plutone, omnia trifarum partita fuisse, & sua quæmque sorte partemque contentum agere. At hominibus hodie, neque quod satis, neque quod minus esset, satis esse. Notat, avaritiæ & habendi desiderium omnibus innatum. quàm pauci enim sunt, qui sua sorte contenti vivere cupiant? Pan. lib. 4. de Alph. reb. gest.

Eiusdem.

Idem cum audiret, Harpyias rapacissimas aves (quas Vergilius in Aeneide eleganter describit) nescio quas inhabitare insulas: ad suos conuersus, ait: Ex his insulis in curiam Romanam commigrasse Harpyias compertum est, ibique iam domiciliū constituisse. Notavit autem tacite Romanæ curiæ ingluviem; avaritiam, & detestandam rapacitatem. Verum hoc si a nostris hodie principibus diceretur, statim Luteranissimi insimularentur. Alphonfi dictum recitat Panormita lib. 1. de rebus gestis Alphonfi, cap. 8.

De audacia.

Chilonis.

CHilon dicere solebat, Non esse tentanda quæ fieri non possunt. Quædam honesta sunt, ac magnifica: sed magno rei-publi. malo tentantur, si nequeas perficere. Atque hæc est præcipua pars boni consultoris, dispicere non solum quid per se optimum sit, sed quid pro temporum ratione possit obtineri. Laertius.

Isocratis.

Isocrates inter amicos dicere solitus est, se quidem docere decem minis: ceterum qui ipsum docuisset audaciam, mercedis loco daturum decem milia. Nam animi timiditas reddebat Isocratem ad dicendum inutilem. Erasmus Rotero. libro octavo apophtheg.

Epami.

Epaminonda.

Epaminondas Thebanus, imminente aduersus Lacedæmonios pugna, quum sella in qua sedebat, succubuiſſet, videretque milites hoc prodigio exturbatos: Imò, inquit, ſedere prohibemur. militumque animos reſtituit. Plutarchus.

Leonida.

Leonidas obiurgatus à quodam, quòd paucis militibus ſtipatus, cum multis pugnare tentaret: audacter reſpondit, ſi ex multis conſtat victoria, non tota ſufficeret Græcia: ſi in audacia, horum numerus ſufficit. Plut. in Laco.

Archidami.

Archidamus conſpiciens filium ſuum cum Athenienſibus iuueniliter ac temerè congregientem: Aut viribus, inquit, adde, aut animis adime. docens, periculolaſſe audaciam, ſi vires non ſuppetant ſpiritibus. Plutarch. in Laconicis. Stob. ſer. 51. Bruſon. lib. 2. cap. 43.

Agidi.

Agis Archidami filius, audiens quosdam abhorrere ab hoſtium multitudine: ait, non percontandū eſſe quot ſint hoſtes, ſed vbi ſint, vt audacter aggrediantur. Plut. in Laconicis.

Eiuſdem.

Idem cum apud Mantineam pugnare cum hoſtibus numero longè ſuperioribus prohiberetur: Fortiter pugnandum eſt, inquit. cum multis enim pugnare neceſſe eſt, qui multorum dominus eſſe cupit. Bruſo. lib. 7. cap. 2.

Eiuſdem.

Idem interrogatus quot haberet milites: Quot ſufficiunt, inquit, ad fugandos hoſtes. Plut. in Lacon.

Ageſilai.

Ad Macedonum regem nuncios miſit Ageſilaus rex, rogans, vtrum per hoſtium ſolum irent, an amicorum? Quum ille reſpondiſſet, ſe conſultaturum: Fiat, inquit, igitur conſultatio: nos tamen interim iter faciemus. Rex admiratus hominis audaciam, ſibi que metuens, latius eſſe cenſuit, illum vt amicum ſuſcipere. Plut. in Laconicis apoph.

Eiuſdem.

Ageſilaus admonitus à ſuis, ne cum Thebanis, qui numero præſtabant, manus confereret: reſpondit, Qui multis vult imperare, non debet multorum timere congreſſum. Plutarch.

Padareti.

Padaretus cum à quopiam audiret, magnum hostium esse exercitum, audacissimè respondit: Eo maior erit, & gloriosior nostra victoria. Plut. in Laconicis.

Cleomenis.

Pirata quidam populabundus discurrerebat per agros Lacedæmoniorum. Is ut captus est, rogatus cur id ausus esset? Quoniā, inquit, deerat mihi commeatus, quem militibus præberem, ad eos veni, qui & habebant, nec sponte dabant, vi erepturus. Ad id Cleomones: Compendiosa, inquit; malitia. Detestatus prædonis nefarium scelus, probavit tamen orationis expeditā breuitatem. Plut. in Laconicis apoph.

Epaminonda.

Alexander Pheræus hostis Thebanorum, Atheniensibus à quibus in amicitiam societatemque ascitus fuerat, polliceri se quum dixisset eis carnes, quæ mina prius vendebantur, semio-bolo præbiturum, audiente Epaminonda: At nos, inquit, Thebani liberaliores erimus, quippe qui ligna ad has carnes coquendas gratis exhibebimus, eorum enim agrum excindemus. Brunsionius lib. 1. cap. 6.

Xenocrati.

Lycurgus Rhetor cum fortè fortuna obuiam factus esset Xenocrati, qui à Telone obtorto collo in carcerem ducebatur, occurrens fustem impegit in caput Telonæ, Xenocratemque liberavit, & Telonem in carcerem coniecit. Quod Lycurgi factum cum ab omnibus probaretur, Xenocrates cum post aliquot dies obuiam factus esset Lycurgi filio: Retuli, inquit, gratiam patri tuo, qui ob tam audax facinus meritò ab omnibus laudatur. Eras. lib. 8. apoph.

Arati.

Aratus Sicyonius, laudante quopiam virum desperatum & audacem, ac idcirco in bellis eximium: Differre dixit, magni facere virtutem, & vitam nihili facere. Stobæus sermone 51.

Alexandri Magni.

Alexander Magnus audiens Darium, inuictissimum Persarum regem, multas parare militum myriadas: respondit, Vnus lupus non multas timet oues. Antonius in Melissa ser. 37. par. 1. & Maximus sermo. 71.

Diphili.

Diphilus tragœdiarum actor, cum in ludis Apollinaribus
ad

ad eum versiculum venisset, Miseria nostra magnus est. directis in Pompeium Magnum manibus, pronunciauit, Actio in tantum placuit populo, ut aliquoties fuerit reuocatus: nec histrio veritus est iterare simili gestu. Dubites, utrū potius mirari conueniat: actoris audaciam, an populi. Simili audacia vsus est in eadem fabula, quum ventum esset ad eum versiculum: Virtutē istam veniet tempus quo grauius gemas. Tamen si mihi videtur carmen esse mutilum. Suspicio addendum, Serua virtutem istam, aut aliud simile verbum, ut sit versus Trochaicus. Eras. Rot. lib. 8. apoph.

Iulij Caesaris.

Iulius Cæs. facinora, quæ & periculo obnoxia sunt, & magna, gerenda esse dicebat: at de his non consultandum, quod ad hæc perficienda plurimum habeat momenti celeritas: expansio verò periculi, reuocat hominem ab audacia. Plutarch.

Huc refer ea quæ sunt infra sub titulo Temeritatis. Videtur enim temeritas non minimam cum audacia habere affinitatē & cognationem.

De auditu & auditoribus.

Thaletis.

Thales Milesius, philosophus clarissimus, cum ab amico quodam rogatus esset, quantum veritas distaret à mendacio? Quantum, inquit, oculi distant ab auribus. Sensit vir sapientissimus, non ea certa esse illico, quæ auribus percipimus ab aliis, qui mendaciter de rebus nugantur: sed ea demum, quæ coram oculis cernimus. Maximus ser. 35.

Xenocratis.

Xenocrates Chalcedonius dicebat, pueris potius aures esse muniendas follibus quàm athletis: quòd plus sit periculi, ne puerorum aures occupentur prauis sermonibus, quàm, ne athletarum aures pateant ad ictus. Maxima, inquit Satyricus, debetur puero reuerentia. Laert. lib. 4. cap. 2.

Stratocles.

Stratocles Atheniensis quum audiuisset partem esse de hostibus victoriam, rem protinus populo patefecit, & ut publica supplicatio in laudem deorum institueretur persuasit. Verum quū paulo post ex alio nuncio intellexisset, suos non victores, sed fugatos fuisse: vana spe lusus, Equis (inquit) vestrum quicquam damni accepit, quod totum hoc triduum mea opera hilares læti quæ

tiq̃ue fuistis: Eras. lib. 6. apoph.

Pindari.

Pindarus poeta apud Thebanos, in cōtentione imperitis auditoribus vltus, superatus est à Corinna quinq̃ies. Redarguens verò ruditatem ipsorum Pindarus, vocauit Carinnam. Aelianus lib. 13. de Varia historia.

Stratonis.

Cum Stratoni physico quidam obiecisset, quòd Menedemus plures haberet auditores: Quid mirum, inquit, si plures rep̃riuntur qui lauare cupiunt, quam vngi? Nil autem aliud his verbis indicare voluit, quam Menedemi philosophiam esse dilutam: & quàm plurimos inueniri, qui audiant quidem de rebus disputantes, sed per paucos qui virtutem exercerent. Eras. Rot. lib. 7. apoph.

De auditoribus attentis, vide titulum de Attentione suprà.

De auguriis.

Misoniani.

Misonianus Hebræus, eques insignis, cum moratam equitum turmam inspiceret, in qua ipse cum Romanis militibus erat: & moræ causam intelligeret esse, quòd augur prius inspicere vellet quid augurii capiendum esset ab aue, quam forte in via offenderat: Misonianus aliud à se agi fingens, arcum tendit, primaq̃ue sagitta cōfossam auem in terrâ deiecit, atque ridens ad comites conuersus dixit: Parum consilii atque opis ab irrationalibus animatis posse quenquam sperare, postea quā pateat, ea nescire, quæ ad se ipsa pertineant. Et re & verbo auguria vana esse, stulte q̃ue eis credi, ostendens. Fulgosus lib. 7. ca. 2.

Augusti Cæs.

Augustus, quum sublimis ex Actiaca victoria reuerteretur, occurrit inter gratulantes quidam coruū tenens, doctum hæc verba sonare: Aue Cæsar victor. Hac salutatione delectatus Augustus, auem sex milibus numūm emit. Socius opificis, ad quē nihil ex ea liberalitate peruenerat, indicauit Cæsari, eundem & alium habere coruum, quem vt auferre cogeretur, rogauit. allatus, verba quæ didicerat expressit: Aue victor imperator Antoni. Augustus nihil exasperatus, tantum iussit, vt munus cum de latore partiretur. Bruson. libr. 2. cap. 30. Macrobi. libro 2. cap. 4.

Satur.

Eiusdem,

Eiusdem.

Salutatus similiter à psittaco, & hunc emi iussit. Idem miratus in pica, & hanc mercatus est. Hoc exemplum tenuem quandam suturem sollicitauit, vt coruum institueret ad huiusmodi salutationem. Qui quum impendio exhauriretur, subinde ad auem non respondentē dicere solebat, Opera & impensa periiit. Tandem peruenit assiduitate, vt coruus soniret dictatam salutationem. Ea quum Augustum prætereuntem salutasset, Cæsar: Satis, inquit, istiusmodi salutatorum habeo domi. Tum coruus, memor & illorum verborum quæ toties audierat, subtexuit: Opera & impensa periiit. Ad hoc arridens Augustus, iussit auem emi, quanti nullam adhuc emerat. Macrobi. libr. 2. cap. 4. Satur.

De aulica vita.

Diogenis.

CAllisthenem quum quispiam audiente Diogene Cynico beatum dixisset, quod Alexandri aulicus esset: At, inquit Diogenes, infelix est, qui tum prandet ac cœnat, quum Alexandro videtur. Brusonius lib. 1. cap. 5.

Dionysij.

Quum Polyxenus dialecticus Dionysio diceret, Ego te conuincō: Nimirum verbis, inquit: at ego tereipla conuincō, qui tuis relictis, me meaque colas. Significans, illum à schola ad aulam, à philosophis ad tyrannum transisse: non facturū, nisi hanc vitam illa iudicasset beatiorē. Plut. in Reg. apoph.

Omuli.

Omilius Romanus senator, iudicabat ad regni administrationem potius admittendum eum qui per se malus, bonos haberet aulicos amicos: quàm bonum principem, malos aulicos habentem. Putans facilius, vnum malum à multis bonis, quàm malos innumeros ab vnico bono, à malicia ac erroribus perniciosius auerti posse. Fulgosi lib. 7. cap. 2.

Agrippæ.

Agrippa rerum gestarum gloria sub Octauiano Augusto in primis clarus, sæpe cohortabatur eos qui salui & incolumes esse vellent, darent operam, vt principes liberarentur omnium rerum difficultate & molestia: sed tamen eis rerum gestarū gloriam referuarent, nequaquam sibi. Xiphilinus, Dionis abbreviator, in Augusto.

Constan

Constantini imper.

Constantinus Romanorum imperator cum principum aulæ ubique spadonum atque aulicorum improbitate refertas videret, eorum non tantum vehemens domitor fuit, sed tineas etiam atque forices Palatii appellare solitus est. Nicephori in terpres & scholiastes lib. 8. cap. 14. Eccl. histor.

Alexandri Seueri.

Alexander Seuerus negabat se passurum, ut ipsius dispositiones ab aulicis suis venderentur: id quod fieri solet ab aliorum principum libertis & eunuchis. Eoque nunquam illum fecellit quod proposuerat. Aelius Lampridius.

Eiusdem.

Idem, & urbem, & prouincias, & aulam suam purgauit hominibus non necessariis, dicens: Malum pupillum esse imperatorem, qui ex visceribus prouincialium homines non necessarios, nec Reipublici. utiles aleret. Idem.

Anonymi.

Aulicus quidam iniuriarum Palatarum patientissimus, cum à quodam rogaretur, quomodo rarissimam rem in aula consequutus esset? Iniurias, inquit, accipiendo, & gratias agendo. Seneca lib. 2. de ira. Brufonius lib. 1. cap. 5.

Sigismundi Caf.

Sigismundus Imperator reges ac principes in terris beatos esse aiebat, si exclusis superbis, mansuetudinis humanitatisque cultores in curiam asciscerent. Aeneas Syluius lib. 2. commentariorum de reb. gestis Alphonfi.

Syluestri episcopi.

Syluester Chiemensis episcopus aulicos qui otii gratia curiam sequerentur, semper in negotio futuros aiebat, nisi se tandem vel cum periculo capitis inde amouerent. Innuit autem, quam difficulter ab aula diuelli possint, qui nil aliud quam otium & luxum sectantur. Idem Aeneas Syluius lib. eodem.

Alphonfi.

Alphonfus. Arragonum rex, cum ex Sicilia nauigasset, vidit garras aues triremen circumuolantes, & bolos à nauigantibus proiectos statim abripietes ac auolantes. Has cum amicis secum nauigantibus digito ostendisset: Persimiles sunt his garris, inquit, anlici aliquot mei, qui simulac concertantes beneficiū à me accipiūt, statim aufugiūt. Notauit aut aulicorum ferè omnium

omnium mores, qui fidos se seruos principibus præstant, dum prædam, luxum, munera &c. hiantes expectant: & voti compotes facti à principum conspectu ad priuatos fugiunt. Panormita. libro 1. de rebus ab Alphonso gestis.

Papontificis.

Aeneas Syluius, eos sibi aulicos plurimum sapere videri dicere solebat, qui accepto aliquo beneficio vel mediocri, curiæ valedicerent. Ostendunt enim animû suum expletû esse, & periculo se subtrahunt, quod in curiales frequenter accidit: qui veluti sues, vbi saginati sunt, in cœnam domini mactantur. Cæterum qui opes adepti magnas, apud reges perseuerant: non quidem id agunt vt gratias referât, sed vt multo ditiores principum liberalitate ac munificentia reddantur. Aeneas Syluius libro 1. commen. de rebus gestis Alphonfi.

De autoritate.

Pericli.

Pericles quum à populo frequenter vocaretur, ἀκούσαντες αὐτοῦ, inquit, sentiens, se non esse congruendum in ordinem, nec pro quolibet è media plebe habendum. Plutarch. in Græcorum apoph.

Scauri.

M. Scaurus quum pro rostris accusaretur, quod à rege Mithridate ad prodendam Rempublic. pecuniam accepisset, ita causam suam egit: Iniquum, est Quirites, quum inter alios vixerim, apud alios me rationem vitæ reddere. Sed tamen audebo vos interrogare: Varius Sucionensis, ait, M. Aemylum Scaurum mercede corruptum, populum prodidisse: M. Aemilius Scaurus huic culpæ se affinem esse negat: vtri creditis? Nominato tantum actore & reo, populus accusationem repellit. Eras. libro 6. apoph. ex Plin. cap. 72. de viris illustribus.

Catonis.

Cato Vticensis in forum veniens cum Thermo, ac conspicatus, Castoris templum armatis occupatum, omnesque fori aditus à gladiatoribus obsideri, ipsumque Metellum vnâ cum Casare: Otimidum, inquit, hominem, qui aduersus vauum, tantam armauit multitudinem. Plut. in eius vita.

Augusti.

Augustus indignè ferebat, aliquid de se componi nisi seriò, & à præstantissimis: admonebátq; prætores, ne paterentur nomen suum commissiõibus mimorum aut histrionum obsole-

fieri: hac quidem in parte Alexandrum Magnum referens: Decet enim, vbique principis authoritatem factam rectam præstare. Eras.lib. 4. apoph. ex Suetonio.

Eiusdem.

Idem, quum iuuenes nobiles ac dignitate claros inter se tumultuantes vellet compescere, nec auscularent illi, sed tumultuari pergerent: Audite, inquit, iuuenes senem, quem iuuenem senes audierunt. Augustus enim adolescens ad Rempub. admotus est, summaque fuit autoritate: hac sola voce illos cohercuit, nec aliud supplicium ob concitatum tumultum exegit. Plutarc. in Roma. apoph. *Seueri impera.*

Quum mulites Balsianum Seueri filium (qui post Antoninus Caracalla dictus est) Augustum cõsalutassent, eo quod pater pedibus æger bellum moraretur: iussit se deferri ad tribunal, simulque adesse omnes tribunos, centuriones, duces & cohortes, quibus autoribus hoc acciderat. fisti deinde & filium, qui Augusti nomen non recusarat. Hic quum in omnes eius facti autores iussisset animaduerti, excepto filio, omnesque ante tribunal prostrati rogarent veniam: Seuerus manu caput contingens, Tandem (inquit) sentitis caput imperare, non pedes. Aelius Spartianus.

B.

DE BALNEO.

DIOGENIS.



Diogenes Cynicus, philosophus, ingressus aliquando sordidum balneum, dicebat. Qui hic lauant, vbi lauantur? Significabat, illic homines puros sordidari, & ibi lotis opus esse alio balneo, quo mundentur. Laertius libro 6.

Stratonici.

Stratonicus cum videret sacellum malo sordidoque balneo vicinum, anathematibus pulchrè exornatum, posteaquam è balneo exiit malè lotus, Non miror, inquit, hic multas pendere tabulas. Quisquis enim hic lauit, illic suspendit tabulam, veluti seruatus. Indicans, magnum esse, si quis è tali balneo exisset incolumis. Athenæus.

Eiusdem.

Idem, quum in Arcadia malam terram ac falsam aquam balnearior exhiberet. iocatus est se terra marique obideri.

Apparet

Apparet in balneis terræ fuisse vsum, qui nunc est fullonibus. Erasmus libro 6. apophthegmatum.

De barba.

Aristippi.

Dionvsii quæstor, nomine Simus, natione Phryx, ostendit Aristippo suas ædes vndiquaque splendidas, etiam pavimento preciosis tessellis constrato. Itaque omnibus circumspectis, Aristippus sputum oris reiecit in barbam Simi. & ob id indignanti, hoc colore se excusauit, quod in tota domo nihil videret ad excipiendum oris recrementum opportunius. Innuens, in tota domo nihil esse fœdus, aut immundius, barbati facie: quum eam hominis partem oportuerit esse mundissimam. Quanquam hoc dictum magis quadrat in Cynicum aliquem, quàm in Aristippum, vtcunque illi ascribatur. Laetius libro 2. capite 8.

Laconis.

Lacon quidam senex interrogatus, cur barbam gestaret syluosam ac promissam: Vt, inquit, intus canos pilos, nihil committam illis indignum. Vir bonus vndecunque venatur stimulos ad virtutem. Plutarch. in Laconicis.

Lycurgi.

Spartani studio est alere comam, & super ea quoque re narrant Lycurgum reddidisse rationem: Quoniam, inquit, coma formosis addit decorem, deformes verò reddit hostibus terribiliores. Vt enim decet coma speciosos, ita minus felici specie præditis horrorem ac ferinum quiddam conciliat. Capillitium naturalis est ornatus, minimoque constans. hoc genus non damnavit Lycurgus: vt quod nec operosis artibus constaret, nec pro frugalitate luxum induceret. Adscititium cultum, magnoque paranda lenocinia, non probauit. Quo magis detestanda est quorundam præpostera cura, qui corporis eas partes velunt raduntque, quibus natura pilos dedit, non tantum ad decorem aut verecundiam, verum etiam ad tuendam valetudinem: contra illic eliciunt syluam artificio, vbi natura voluit esse glabriciem. Plut. in Laconicis.

Nicandri.

Nicander Lacedæmonius, percontanti, quare Lacedæmonii barbam alerent: Quoniam, ait, hic ornatus quum sit homini omnium pulcherrimus ac proprius, nullo omnino constat impendio. Plut. in apoph. Laconicis.

Demonactis.

Demonax percontanti, quàm philosophiæ sectam potissimum amplecteretur? Quis, inquit, tibi indicauit me esse philosophum? Moxque vehementer secum ridens, abiit. Interrogatus quid rideret? An non magnopere ridiculum, inquit, si tu me ex barba iudicas philosophum, ipse barbam non habens? Eras. libro 8. apoph.

Dionysij.

Dionysius Tyrannus, Epidauri, Aesculapio auream detraxit barbam: quod negaret decorum, patrem Apollinem imberbem, ipsum verò tam horrida barba vestitum conspici. Aesculapius fingitur Apollinis filius: Apollinem autem semper imberbem finxit Theologia poetica, Aesculapium barbatus. significans, multarum rerum vsum & experientiam in medico considerari. Meminit Valerius Maxi. libro 1. cap. 1.

Alexandri Maced.

Alexan. Mag. quodam tempore quum omnibus ad praelium apparatus interrogaretur, Nunquid aliud præter hæc fieri vellet? Nihil, inquit nisi vt Macedonum barbæ radantur. Hoc dictum quid sibi vellet, admirante Parmenione: An nescis, inquit in prælio nullam ansam meliorem esse, quàm barbæ? Significabat, cominus esse pugnandum: in quo genere certaminis barbæ efficiunt, quod his milites facillimè possunt apprehendi. Plutarch.

Hieronymi Rheti.

Hieronymus Rhetus, Gymnasij Basiliensis ante paucos annos professor interrogatus, cur tam promissam aleret barbam? respondit, vt intuens hos capillos, me non mulierem, sed virum esse intelligam. Barba enim ornat virum: & admonet, vt virilia quoque facinora fortius agrediamur.

*De barbarie.**Anacharsidis.*

Anacharsis Scyta cuidam obiicienti, quod esset barbarus, Anacharsis (inquit) barbarus est apud Athenienses, sed vicissim Athenienses barbari sunt apud Scythas. Græci, sed imprimis Attici (quoniam apud ipsos florebant disciplinæ liberales, ac leges politice) reliquas nationes contumeliæ causa nominabant barbaras: quum barbarum dicatur, quicquid est peregrinum atque inusitatum. Nunc, quum Græcia nihil sic barb

barbarius, hæc philautia denigrauit ad quosdam Italos, quibus omnes aliz nationes barbaræ sunt. Laërtius libro 1. cap. 9.

Stratonici.

Stratonicus musicus interrogatus, vtri essent barbariores: Bæoti, an Thessali? nominauit Elæos. significans, hos vtrisque barbariores, quum illi haberentur barbarissimi. Hoc erat lepidius, si ab Elæo fuisset propositum; vt fortè fuit. Eras. 6. apoph.

De beatitudine vera.

Chilonis.

CHilon interrogatus, qua re docti præcellerent indoctos? Bona, inquit, spe. Doctos autem appellabat, honestis legibus ac moribus institutos, & iuxta rectam institutionem vitam agentes. Hi cæteris rebus pares, hoc vno superant improbos, quòd post hanc vitam sperant rectè factorum præmia. Nam Lacones existimabant, egregios viros post obitum in vitam beatam translatos, fieri ditos. Diogenes Laërtius.

Socratis.

Socrates Philosophorum sapientissimus, interrogatus de Archelao Perdicæ filio, qui tum fortissimus habebatur, num eum beatum iudicaret? Nescio, inquit: nunquam enim cum eo collocutus sum. Subiicienti, Eadem opera de rege Persarum dubitare potes, an sit beatus: Quid ni, inquit, quum nesciam quàm sit doctus, aut quàm vir bonus. Socrates hominis beatitudinem veris animi bonis metiebatur. Refertur à Cicerone, libro Tusculanarum quæstionem quinto, ex Gorgia Platonis.

Diogenis.

Athenienses hortabantur Diogenem, vt mysteriis initiaretur: addentes, quòd initiati apud inferos principatum tenerent. Ad quæ Diogenes: Perquàm ridiculum est, inquit, si Agésilas & Epaminondas in cœno degunt: & Patetion fur ac vilissimi quique homines, quòd initiati sint, in Beatorum insulis erūt. Grauitè taxauit sacerdotum mores, qui quæritus gratia blandiebantur hominum imperitorum superstitioni, persuadentes, initiationem conferre felicitatem post hanc vitam: quum ea parata sit his, qui piis & egregiis factis eam promeruerint, siue sint initiati, siue non sint. Erasmus libro 3. apoph. recitat ex Diogenis Laërtii libro 6.

Antisthenis.

Antisthenes cum Orphicis mysteriis initiaretur, ac sacerdos diceret, illum bonis plurimis fruiturum apud inferos, post hanc vitam: Quur, inquit, ergo tu non abrumpis vitam? Significans, non initiatis paratam esse beatam vitam à rogo, sed his qui piè sanctèque vixerint. Eras. Rot. lib. 7. apoph. ex Laertii lib. 6. cap. 1.

Platonis.

Diuinus ille Plato, eum demum beatum in vita pronunciarri dicit, cui in senectute contigit, vt sapientiam veràsque opinionones assequi possit. Recitatur apud Cicero lib. de Finibus 5.

Anaxagora.

Anaxagoras philosophus interroganti cuidam, quisnam esset beatus? Nemo, inquit, ex iis quos tu fœlices existimas: sed eum in eo numero reperies, qui à te ex miseriis constare creditur. Non erit ille diuitiis & honoribus abundans, sed aut exigui furis, aut non ambitiosæ doctrinæ, fidelis ac pertinax cultor, in secessu quàm fronte beator. Valer. Maxi. lib. 7. cap. 2. Bruson. lib. 2. cap. 36.

Vide titulum de Fœlicitate.

Ante mortem nemo beatus iudicandus.

Solonis.

Solon à Cræso interrogatus, an quem vidisset ipso beatiorrem? Telum nominauit Atheniensem, priuatum hominem: sed qui relictis liberis ac nepotibus bene institutis, feliciter obiisset diem. Interrogatus dein, cui post illum tribueret felicitatis elogium: Cleobin & Bitum argiuos fratres nominauit, qui cum summa pietatis laude defuncti fuerant. Indignatus rex, Nullo igitur loco me ponis? Ego, inquit Solon, facile confiteor te regem opibus & imperio florentem: beatum non appellarim, priusquam feliciter hanc vitam absolueris. Refert Herodotus in 1. & Laert. lib. 1. cap. 1. & Eras. lib. 7. apoph. Valer. Maxi. lib. 7. cap. 2.

Agésilai.

Quum quidam apud Agésilauum admiraretur regis Persarū fœlicitatem, quòd admodum iuuenis esset: Ne Priamus quidè, inquit, quum hoc esset ætatis, erat infelix. indicans, neminem appellandum beatum, nisi ad supremum vitæ diem peruenisset, quod nec Priamo, nec Cræso contigit. Plut.

Epami

Epaminonda.

Epaminondas Thebanus cum percontaretur, quisnam inter omnes duces omnium esset fortissimus: ipse, an Chabrias, an Iphicrates? Respondit, hoc iudicare satis arduum est, dum viuimus. Indicare autem voluit, Solonis sententiam esse verissimam, qui neminem ante mortem beatum iudicabat. Quandiu enim uiuit homo, variis fortunæ casibus, ita inuoluitur, ut nunc eleuetur, nunc deprimatur, Sola igitur mors ostendet, qualis fuerit unusquisque dum vixerit. Plutar. in Græcorum apoph.

De belli studio.

Themistoclis.

Themistocles Atheniensis in Eretrienſes ita cauillari solebat, ut diceret eos similes piscium, qui gladioli vocantur: quippe qui gladium quidem haberent, cor autem non haberent. Notans illorum ignauiam, quod armatis non esset animus. Plutar.

Epaminonda.

Epaminonda cum quidam dixisset, Athenienses habere novum instructum exercitum: Quid inquit? num igitur gemit Antigenidas, si Tellis nouas habet tibias? Tellis autem erat tibicen pessimus, Antigenidas autem optimus. Significabat, Athenienses frustra esse nouis armis instructos, quum his nescirent uti. Plut. in Græcor. & regum apoph.

Ephorum.

Quum Lacedæmoniorum rex polliceretur se funditus eversurum alteram quandam ciuitatem, quæ sæpenumero Lacedæmoniis exhibuerat negocium: non permiserunt Ephori, dicentes: Nequaquam abolebis, neque subuerſes iuuenum cotem. Urbem infestam appellabant cotem iuuentutis, quod per eam iuuentus acueretur ad bellandi peritiam. Plut. in Lacon. Bruſ. lib. 3. cap. 15.

Eudamida.

Cum cuidam commemorando laudem ac trophæa quæ Lacedæmonii ex rebus cum Persis præclare gestis retulissent, hortaretur ad bellum cum Macedonibus suscipiendum: Ignorare mihi videris, inquit Eudamidas, istuc idem esse, ac si quis deuictis mille ouibus, pugnaret cum qui quaginta lupis: significans, Persas, ut delicias effeminatos, & ob id imbelles, non

fuisse difficile vincere: sed aliud esse cum Macedonibus, bellacissima gente, rem habere. Proinde qui ob victorias a Persis reportatas censeret cum Macedonibus bellum item suscipiendum, nihilo probabilius diceret, quàm si quis ei qui vicisset mille oues diceret, Aude cum quinquaginta lupis congregi, qui tot oues, deuiceris. Plut. in Lacon. apoph.

Eiusdem.

Eudamidas cuidam percontanti, quur ciuibus bellum aduersus Macedones suscipere volentibus, ipse autor esset quiescendi? Quoniam, inquit, nolo illos mendacii arguere. Rectè significans, Spartanos gloriose magis quàm seriò bellum poscere. Eos prodidisset Eudamidas, si ipse quoque bellum approbasset. Tum enim fore putabat, vt ciues bellum detrectarent. Nunc effecit, vt per ipsum stetit videretur, quo minus bellum susceptum esset, ac ciuibus fortitudinis gloriam reliquit integram, quasi promptos haberent ad bellandum animos. Plutar. in Lacon.

Eiusdem.

Percontanti cuidam, quamobrem omnium deorum statuae apud Lacedæmonios ponerentur armatae? Ne, inquit, probra quæ ob ignauiam iaciuntur in homines, ad deos referamus, ne ve iuuenes, nisi armati, deos comprecantur. Eo commento ciuium animis hanc opinionem infigere studebant, diis gratam esse fortitudinem, inuisam ignauiam: simulque iuuentutem armis ferendis debere assuescere, quo simul & minus indulgerent delictis, & vtiliores bello euaderent, si ne religionis quidem causa fas esset arma ponere, cuius obtentu ferè solet ocium & luxus in ciuitates irrepere. Plutar. in Laconicis.

Archidami.

Archidamus Leuxidami filius, cum in bello vidisset iaculum catapultæ mittendum eo tempore primùm ex Sicilia aduentum, exclamasse dicitur: Hercules perit viri virtus. Quo dicto innuere voluit, fortem virum vix ab ignauo in strage posse dinosci, si tormentis bellicis, non manu res geritur. Plut. in Lacon. apoph. Stobæus serm. 48.

Laconum.

Lacones Venerem, quam vocant *μωρη*, armatam colunt. quin omnes etiam deos deasque hac figura fingunt, vt lanceam teneant: hac imagine significantes, omnes esse bellica virtute præditos. Quoniam nihil ducebant turpius ignauia, nihil bellica

lica virtute pulchrius: tali specie proponebant deos suos, quales cupiebant esse ciues. At ceterorum Græcorum theologia faciebat deos ociosos & quietos, eoque fingeant illos gestu recumbentium. Porro quum archetypus omnis honesti petendus sit à numine, periculosum est Reipub. tales facere deos, quales si quis imitetur, inutilis aut perniciosus sit Reipub. futurus. Plut. in Lacon.

Teretis.

Teres Sitalci pater, dicere consuevit: Quoties esset in ocio, nec militia exerceretur, se nihilo meliorem esse equisonibus. Plut. in regum & imperatorum apoph.

Alphonsi.

Alphonfus Aragonum rex, cum aliquot ei ciuitates ab Eugenio pontifice oblatae essent dono, eo quòd Picenum armis suis sedi Romanæ recuperatum esset: Alphonfus cum has repudiasset, respondit, se nequaquam quæstus aut prædæ, sed ecclesiæ gratia hanc expeditionem suscepisse. Innuit autem, non aliam ob causam quàm pro aris & focis, hoc est, pro salute patriæ & vera religione conseruanda, bellandum esse. Panormi. lib. 3. de rebus gestis Alphonsi.

Vide titulum de Militia.

De belli perniciæ.

Antisthenis.

Antisthenes Socraticus, cum quidam dixisset, pauperes interire in bello: Imò plures tum fiunt, respondit. Stobæus serm. 48.

Diogenis.

Philippo cum Græcis pugnaturus, Diogenes in eius castra peruenit. perductus igitur ad Philippum, ac rogatus num speculator esset? Stultitiæ, inquit Diogenes, vanitatisque tuæ sum verus speculator, qui cogente nullo, de vita & de regno ceu ad casum aleæ periclitaturus venis. Vtinam hodie audirent Diogenem ita loquentem, terrarum principes: qui sæpenumero nulla urgente necessitate, propriis stimulati affectibus, bella crudelissima & plusquam ciuilia suscipiunt, in magnam suorum perniciem. Bruto. lib. 3. cap. 15.

Antigoni.

Antigonus senior sophistæ cuidam librum de iustitia conscriptum porrigenti: Desipis, inquit, qui cum me videas alie-

nas vrbes armis vexantem, tamen apud me de iustitia differis. Sensit, eos qui ditionis ampliandæ, gloriæve causa bellum inferunt alienis ciuitatibus, non posse tueri iustitiæ leges. Erasmus lib. 4. apoph.

Marij.

C. Marius mille Camerinos, qui se in bello aduersus Cimbros, strenuos viros præstitissent, honore Romanis æquauit, idque præter omne ius. Ad eos verò qui factum hoc reprehendebant, respondit, se ob armorum strepitum, legum vocem nō potuisse exaudire. Nihil aliud nimirum innuit, quàm leges semper silere inter arma. Recitat Plut. in Ro. apoph.

Cæsaris.

C. Cæsar Metello obfistenti, ne pecunias ab ærario tolleret, ac leges id fieri vetantes proferenti: Non idem, inquit, armorum & legum tempus est. Quod si hæc pati non potes, nunc quidem hinc abscede: ac posteaquam peractis fœderibus arma deposuerimus, tunc si videbitur, & plebis patronum age. Plutar. in Rom. apoph.

Vide titulum de Militia.

De bellicis sumptibus.

Archidami.

Archidamum in bello Peloponnesiaco sociis rogantibus, quanta pecunia futura esset satis? ac postulantibus, vt tributorum certum modum præscriberet: Bellum, inquit, non quarit definita. significans, eos qui bellum susceperunt, oportere per omnia seruire belli necessitatibus, quarum nullus est certus modus, quòd varia sint bellorum præter expectationem occasiones. Plut.

Pausania.

Pausanias post victoriam à Medis apud Plateas reportatam, præcepit suis, vt apponerent cœnam Persicam, quam sibi barbari prius apparauerant. Ea cum esset opipera ac sumptuosa: Lurco, inquit, eras & Persa, qui quum tantas haberes delicias, ad nostram veneris mazam. id erat panis genus contemptum ac vulgare. Admonuit, stultissimum esse, locupletes pugnare cum his, quibus non multum est quod eripiatur. Etenim si feliciter cadat Martis alea, exile lucrum est: sin secus, ingens est damnum Eras. lib. 4. apoph.

Flami

Flaminii.

In Philopœmenem Achæorum ducem, qui multos haberet equites & armatos, sed pecuniarum indigus, T. Flaminius ita ludebat: Philopœmen, inquit, manus habet & crura, ventrem non habet. Ac tali quidem specie corporis erat Philopœmen. Quintius autem, equites ac pedites armatos, manus & crura ducis appellabat: sed quoniam non habebat quo aleret militem, negabat illum habere ventrem. Plutarch. in Roma. apoph.

De beneficentia.

Chilonis.

CHilon Lacedæmonius dicere solebat, Dati beneficii decere obliuisci, accepti autem meminisse. Quo vituperant eorum hominum infamiam, qui beneficia in amicos collata non solum exprobrant priuatim, sed publice etiam coram omnibus. Dictum philosophi recitat Laertius libro primo cap. 4.

Democriti.

Democritus dicere solebat, homo ad largiendum, quàm promittendum, promptior esse debet. Donum enim licet exiguum, prodest egenti: verba autem, ac magnifica promissa, nulli sunt utilia. Stobæus.

Eiusdem.

Idem dicebat, si bene mereri de aliquo voles, citissimè aliquid in illum beneficii conferas. Mora enim ingratum redditur, & parum amabile, quicquid dederis. Stobæus.

Pythagoræ.

Pythagoras, clarissimus ille philosophus, interrogatus, quæ ratione homines Diis similes haberi possent? Respondit: Si veritatem amplecterentur, & cunctis benefacerent. Aelianus lib. 12. de Varia hist.

Aristotelis.

Aristoteles Cyrenensis dicebat, non oportere beneficium oblatum à quoquam recipere. Aut enim ut rependere possit, molestias habiturum: aut si non referat, in ingratitudinis reprehensionem incursum. Aelianus lib. 10. de Varia histo.

Theophrasti.

Theophrastus interrogatus, quidnam vitam conferuaret humanam? respondit: Beneficentia. Stobæus serm. 41.

Lacedæmoniorum.

Lacedæmonii, cum Smyrnæis egentibus commeatum misissent, atque illi beneficium verbis attollerent: Lacedæmonii sermonem interruptentes, Nil magni est, inquit. Hæc enim collegimus, vnus diei prandio nobis & iumentis detracto. Gratius est beneficium, quod extenuatur ab eo qui confert. Nam qui quod largiuntur, exaggerant (qui plerisque mos est) bonæ gratiæ partem amittunt. Plut. in Lacon.

Epaminonda.

Epaminondas cuidam egeno mandauit, vt à quodā ex amicis ipsius talentum peteret. petiit, & accepit. Amico percontanti, quid id iussisset? Quoniam, inquit, ille quum vir sit probus, inopia premitur: tu verò diues es, multa de publico depeculatus. Epaminondas ipse pauper, hac ratione subuenit egenti. Bonorum enim probum est, virum probum egere necessariis. Eras. lib. 5. apoph.

Agésilai.

Agésilas rex iis qui clanculum aduersarentur, palàm quidem non exhibebat negocium, sed efficiebat vt ipsum in militiam sequerentur, atque ex his nonnullos duces exercitus ac magistratus factos euehebat: qui cum se in magistratu improbè & auarè gessissent, eo què in ius vocati periclitarentur: rursus Agésilas illis patrocinebatur, & ab ipsis stabat, atque hac arte reddebat eos ex clanculariis hostibus amicos, & ad se reuocabat. Quibus rebus factum est, vt iam neminem haberet aduersariū. Quid hac prudentia ciuilius, qua mederi maleuolis maluit, quam vlcisci? Plut. in Laco.

Anaxilaus.

Anaxilaus rex interrogatus, quid esset in regno beatissimū? respondit, nunquam vinci beneficiis. Phauorinus Camers.

Artaxerxis.

Artaxerxes rex, quum sibi malum punicum insignis magnitudinis à paupere datum esset: Per solem, inquit, ciuitatem ex parua magnam quam celerrimè facere posset, si eius fidei credatur. Laudaui autem hominis beneficentiam qui pro fortunæ conditione obtulit regi quod habebat, & gratum putabat. Brusonius libro 3. cap. 13.

Philippi Maced.

Philippus Maced. rex cum Thebis obses esset, Philonis Thebani hospitio vsus est, multisque insuper ab eo beneficiis affectus

ctus. Is quum vicissim à Philippo nihil muneris vellet accipere: Ne me, inquit Philippus, beneficentia superatum hac laude spoliés, quòd hactenus à nemine beneficiis victus fuerim. O animum imperio dignum. Pulchrius existimauit, bene faciendo, quàm potentia vincere. Plut. in apoph. regum & imp.

Alexandri Magni.

Taxiles, vnus è numero regum India, occurrens Alexandro, sic illum affatus est, Prouoco te, inquit, non ad pugnam, neque ad bellum, sed ad aliud certaminis genus. Si inferior es, à nobis accipe beneficium: sin superior, nobis benefacito. Cui Alexander: Atqui, inquit, ob hoc ipsum inter nos certandum est, vter benefaciendo superet alterum. Et humanissimè complexus illum, non solum non spolauit ditione, sed auxit etiam. Plut. in regum & imp. apoph.

Fabricij.

Fabricius cum iam bellaret contra Pyrrhum regem, medicus Pyrrhi scripsit ad Fabricium, se regem veneno necaturum, id autem ne fieret, admonuit Pyrrhum vt sibi caueret. Pyrrhus ne frustra hoc beneficium accepisse videretur, Fabricij captiuos gratis remisit. Fabricius gratis recipere noluit, sed parem captiuorum numerum etiam dedit, ne mercedem proditi veneni accipere diceretur. Plut. in Ro. apoph.

Pescenij.

Pescenius Ruffus, quem alij Crispum etiam cognominant, Neronis vitricus, dicere solebat: nunc se quorundam hominum iudicium malle quàm beneficium, nunc libentius admittere beneficium quàm iudiciũ, quæ dicto Seneca asseruit, nihil se subtilius atque insignius, in distinguendis maximè & curandis vitiis cognouisse. Quis enim bonorum virorum iudicio & consilio stare malit, quàm malorum cadere beneficiis? E regione quis malorum hominum bono iudicio fidere malit, quàm bonorũ beneficiis, ex quibus periculum tibi imminere possit? Dictum extat apud Senecam, de Beneficiis.

Vespasiani.

Flavius Vespasianus cum admoneretur ab amicis, vt caueret à Metio Pomposiano, quòd de hoc rumor increbuerat, fore vt aliquando regnaret: non solum sibi non metuit ab illo, sed & consulem fecit. Id admirantibus amicis: Erit, inquit, olim memor tanti beneficii. Eras. lib. 8. apoph.

Eiusdem

Eiusdem.

Vespasianus imperator licet avarissimus, dicebat tamen, nō licere quenquam à vultu imperatoris tristem discedere. *Brus. lib. 3. cap. 13.*

T. Vespasiani.

Vespasianus iunior super cœnam aliquādo recordatus, quòd eo die nemini quicquam prætstitisset, memorandam illam vocem edidit: Amici diem perdidisti. Laudanda sanè principis beneficentia tam peculiaris, qui omne tempus se perdidisse putabat quo amicis benemeritis suum non prætstitisset officium. *Suetonius in vita Titi Vespasiani.*

Alexandri Severi.

Alexander Severus descriptum habebat, quid cui prætstitisset, qui nihil aut minimum petissent, eos appellabat, dicens: Quid est quorū nihil petis? an me tibi vis fieri debitorem? pete, ne priuatus de me queraris. Agnoscebat, principem debere rectè suo fungentibus officio: nec æquum iudicabat, ut probè suo defunctus officio, priuatus egeret. *Aelius Lampridius.*

Eiusdem.

Idem Alexander rogatus, quis esset rex optimus? Qui, inquit, amicos muneribus retinet, & inimicos beneficiis ambit, & reconciliat. *Max. serm. 9. de Magistratu.*

Alphonfi.

Alphonfus rex audiens ab amicis, frustra in Aluarum, hominem parum gratum, tam infinita beneficia collata esse: dixisse fertur, Ingenti beneficio non nisi ingenti ingratitudine satisfieri, & propterea plures quidem esse qui darent: sed qui dare scirent, esse per paucos. At non ob id pigrius dandum, aut beneficiendum esse. *Panor. lib. 2. de rebus gestis Alphonfi.*

Eiusdem.

Alphonfus Aragonum rex, audiens quosdam esse qui acceptis beneficiis planè ingrati essent, inquit: ingratos nequaquā effecturos, quo minus ipse & humanus & beneficus perstaret. Innuit autem, nequaquam prudentis esse, ita moueri malorum ingratitudine, ut in bonos nil beneficiorum porro conferat. *Pa normita. lib. 1. de Alphon. rebus gestis.*

Eiusdem.

Idem suppliciter à Ioannæ Neapolitanorum reginæ, omni ope destitutæ, oratoribus ut contra Martinum V. pontificem (qui eam indignam, quæ regnum ecclesiæ Romanæ feudatarium

rium teneret, iudicaret, & Ludovicum Andegauensem Siciliae regem declarauerat) auxilium ferret rogatus, dissuadentibus consiliariis, ut qui durum & perquam anceps fore bellum dictitarent: respondit, Herculem etiam non rogatum laborantibus subuenire consuevisse, dignum igitur esse, ut ipse quoque foeminae affluctae, & tantopere roganti, opem ferat. Panormi. lib. 1. de rebus gestis Alphonsi.

Vide titulum de Liberalitate & Magnificentia.

De beneficio in dignos collato.

Socratis.

Socrates quodam tempore reuersus è foro, inter amicos dixit: Emissem pallium, si nummos habuissem, Nihil postulauit, tantum verecundè admonuit egestatis. Mox inter amicos ambitus erat, à quo Socrates acciperet. Et tamen post eam vocem quisquis properauit, ut ait Seneca, serò dedit.

Diogenis.

Quibusdam praedicantibus eius benignitatem, qui Diogeni quiddam donarat: Quin & me, inquit Diogenes, laudatis, qui accipere merui? Plus enim est meruisse beneficium, quam dedisse, iuxta illud Publii Mimi:

Beneficium dando accepit, qui digno dedit. Laert. lib. 6.

Archelai.

Ab Archelao in conuiuio quodam, familiaris quidam, sed parum humanus, petiit sibi dari poculum. Archelaus autem illico mandauit puero, ut hoc poculum daret Euripidi. Id factum admiranti postulatori: Tu quidem, inquit, dignus eras qui peteres, nec acciperes: at hic dignus erat qui acciperet, vel non petens. Significans, alteri hoc tribuisse regiam familiaritatem, ut auderet quiduis petere: at Euripidis boni viri pudorem hoc mereri, ut ultro donaretur aliquid. Plut. in regum apoph.

Antigoni.

Antigonus Macedoniae rex Thrasillo Cynico drachmam petenti: Non est, inquit, munus regium. Cynico subiciente, Talentum igitur da: At non est, inquit idem Antigonus, Cynicum, si tale munus accipias. Quo dicto, utroque cornu postulatoris improbitatem repulit: & docuit interim, dignis tantum beneficiuni esse praestandum. Plut. in regum & imperatorum apoph.

Catonis.

Præclaras actiones aiebat Cato senior, præclaris verbis occupand

pandas, ne à gloria defluant. Argutius est quod vertit Philelphus, aliud, vt opinor, exemplar sequutus: Honestas actiones honestis actionibus occupandas, hoc est, benefacta benefactis addenda, ne si desinamus benefacere, obsolecat priorum benefactorum memoria. Plut. in Rom. apoph.

De beneficio indignis collato.

Democriti.

Democritus cum animaduertisset, quendam quibuslibet promptè largientem, & temerè suppeditatem: Malè, inquit, pereas, quia Gratias virgines meretrices effecisti. Maximus ser. 8.

Alexandri Magni.

Alexander Macedonum rex, regium esse affirmabat, à quibus malè audias. in eos & saepe & multum conferre. Quo innue re voluit, liberalitatem aliquando etiam erga indignos exercendam esse. Pontan. cap. 30. de Liberalitate.

Friderici Cas.

Fridericus imperator saepenumero dicere solebat, se ex iis quos extulisset, quàm paucissimos gratos vidisse: idque ex meritis suis datum esse, vt ex fidelibus infideles fierent. Aeneas Syluius lib. 2. commentariorum de rebus gestis Alphonfi.

Alphonfi.

Alphonfus Aragonum rex, oblatrantibus canibus, & rebellantibus, offulam obiiiciendam, dictitabat. Intelligens, maleuolos homines beneficiis vincendos esse. Pontan. cap. 30. de liberalitate.

De beneuolentia.

Antigoni.

Antigonus Macedoniae rex, amicis suadentibus, vt si Athenas caperet, validis illam praesidiis communiret, ne quando deficeret: respondit, se semper in ea fuisse opinione, vt crederet nullum esse regni praesidium firmitus, quàm ciuium beneuolentiam. Eras. lib. 4. apoph.

Alexandri Maced.

Alexander Magnus cum beneuolentiam ciuium sibi conciliare cuperet, largitionibus eos corrumpit. Verùm cum hoc audi-

ret

ret pater Philippus: Quae te malum, inquit, ratio in istam spem induxit fili, ut eos putes tibi fore fideles, quos tibi coemis pecunia? Plutarchus in regum & imperat. apoph.

Alphonſi.

Alphonſus Aragonum rex, cum argueretur, quod pro more nullis stipatus armatis, solus obamularet, regiae maiestatis immemor, respondit, Non opus esse ut is sibi timeat, qui civium suorum benevolentiam satis perspectam habeat. Panor. lib. 2. de Alphonſi rebus gestis.

Vide Titu. de Clementia, Humanitate, & Regno benevolentia stabiliendo.

De bono viro.

Pitaci.

PItacus Mitylenæus dicere solebat: Perdifficile est bonum esse. Dicente autem Phocatio, quæredum esse studiosum ac frugi virum: Etiam, inquit, si valde quæſieris, non inuenies. Brufonius lib. 1. cap. 18.

Socrati.

Socrates dicebat, ad gloriam compendiaria via peruenire posse eos, qui tales essent, quales videri vellent. Brufonius libri primi capite 18.

Antiſtheni.

Antiſthenes Athenienſis philoſophus, dicebat ſatius eſſe cum paucis bonis pugnare aduerſus omnes malos, quàm cum multis malis aduerſus paucos bonos. Præſtat enim de numero bonorum eſſe, quorum vbique raritas eſt: quàm de grege malorum, quorum vbique plena ſunt omnia. Laert. lib. 6. cap. 1.

Eiuſdem.

Antiſthenes philoſophus dicere ſolebat, Bonum virum moleſtam eſſe ſarcinam. Nam ſicut inſipientia bene fertur, & leuiter: ſic prudentia grauiter incumbens, premit vehementer ſuo pte pondere, nec facile poteſt excuti. Philo Iudæus libro: Quod omnis probus liber.

Diogeni.

Diogenes bonos viros dicebat eſſe deorum ſimulachra. Deorum, quum ſint optimi natura, proprium eſt bene facere omnibus, nocere nemini. Hæc imago melius relucet in ſapientibus ac bonis viris, quàm in ſtatuſ, quum dii ſint incorporei. Laertius ſexto.

Eiusdem.

Idem percontanti in qua parte Græciæ vidisset bonos viros? Viros, ait, nusquam, sed Lacedæmone viri pueros. Notans totius Græciæ corruptissimos mores, adeo ut apud Lacedæmonios, gentem incorruptissimam, tantum in pueris resideret prisca integritas. Simul illud innuit, in reliqua Græcia ne pueros quidem esse bonos. tum & illud, viros esse pueris deteriores, quum ab his oporteat pueros ad probitatem institui. Diogenes Laertius libro 6. Brusonius lib. 1. cap. 18.

Eiusdem.

Diogenes Cynicus peregrinum quendam conspiciens, sese studiosè ad festum diem componentem: Quid facis, inquit? An non quilibet dies viro bono festus est? Sensit vir prudentissimus, hunc mundum esse phanum Deo dignum, in quo vir bonus constitutus, semper bene, honestè & piè, quasi in conspectu numinis, viuut. Laertius libro 6.

Aristippi.

Aristippus interrogatus, quid esset admirandum in vita? Vir probus (respondit) & moderatus: quoniam etsi inter multos imbrobos agat, non tamen peruertitur. Stob. sermone 35.

Themistocles.

Themistocles prædium vendens, præconem diuulgare iussit, quod vicinum quoque bonum habeat. Non parum enim refert, quàm bonum virum tibi vicinum habeas. Stob. ser. 35.

Phocionis.

Phocioni cum centum talenta Alexander dono misisset, adferentes interrogauit. Quam ob rem ex tanto Atheniensium numero sibi soli ea mitteret? Illi responderunt: Quoniam solum ipsum rex existimaret bonum esse virum. Quin igitur, dixit, me posthac quoque bonum esse permittat. & pecuniam remisit. Sensit autem, non boni viri esse, subire famæ periculum ob accepta munera. Stobæus ser. 35.

Lycurgi.

Lycurgus legislator dicebat, dignitatem quidem istam, qua mouemur ad facilius mutuò dandum aliquid, in opibus hominum sitam esse. Illam verò, quæ nos ad facilius fidem habendam inducit, in moribus. Vir enim bonus vbique nouit quid deceat, quidque expediat: quid vtile, quid sit honestum. Stobæus sermone 35.

Anon

Anonymi.

Scurra quidem cum vidisset principum indigna & nefanda facinora, dixit: In vno anulo bonos principes omnes sculpi posse. Sentiens, esse quidem magnum imperatorum numerum, sed in his perpaucos esse bonos. Recitat Vopiscus in Aurelio.

Pædareti.

Pædaretus Laconicus, vir bonus, quum in numerum trecentorum non esset electus, abiit fronte serena, Diis agens gratias hunc in modum: Gratias habeo vobis dii, quòd tot homines meliores me huic ciuitati dedistis. Brusonius lib. 1. cap. 18.

Iamblichi.

Iamblichus eum demum hominem bonum existimandum putabat, qui perfectissimam actionem iuxta mentem separabilem conseruat, & participationem intelligibilis pulchritudinis suscipit, ac essentia potentiaque Dei particeps est. Sto- bæus sermone 35.

Apolloni.

Apollonius Tyanæus, philosophus Pythagoricus, quum in iudicium ad Domitianum adduceretur, apud quem accusatus fuerat, nec esset facilis à viro crudeli elapsus, tantum vir bonus virtuti confidebat, vt quum ductori dixisset, Quò duceret? ac dicente illo, Ad iudicium: Contra quem (subiecit) dicturus sum? Brusonius lib. 1. cap. 18.

De breuiloquentia.

Zenonis.

Zeno Cittiensis ad quendam dicentem, breues esse philosophorum sententias: Vera prædicas, inquit, oportet enim & syllabas illorum, si fieri possit, esse breues. Veritas multis verbis nõ eget: & rectius meminimus, quæ paucis verbis comprehensa sunt. Lactius lib. 7. cap. 1.

Epicteti.

Philosophia summam Epictetus duobus verbis comprehendere solitus est, *αὐτὸς καὶ ἀπὸ τῶν*: id est, sustine & abstine. quorum prius admonet, vt mala quæ incurrunt, æquo animo toleremus: posterius, vt à voluptatibus temperemus. Ita enim fiet, vt nec aduersis deiciamur, nec prosperis corrumpamur. Refert Gellius lib. 17. cap. 19.

Platonis.

Antisthenem, qui differendo fuerat prolixior, sic admonuit

Plato Atheniensis : Ignoras , quòd orationis modus sit , non is qui dicit ; sed qui audit. Laertius libro 3.

Isai.

Pythonis proditoris accusationem Isæus sophista tribus diebus absoluit : Coarguam Pythoem , inquit , proditiōis : oraculo à deo reddito , populo qui vinxit , Philippo qui dimisit. Græca sunt lepidiora , *ἡνέχθη πύθωνα προδοῦντα τῷ χεῖραυτι θῷ, τῷ δὲ σαυτὶ δῆμον, τῷ ἀνὰ σέβαντι φιλιππῶ.* Neq; enim deus pronunciaisset oraculo , nisi talis esset : nec populus vinxisset , nisi talis fuisset : neque rex abiisset , nisi cum cuius gratia venerat non reperisset , aut rex è castris illum non dimisisset. Recitatur à Philostrato in sophistis.

Phocionis.

Phocion Atheniensis cum in concione sederet seorsim , accessit quidam qui diceret , Videre cogitabundus ò Phocion. Rectè quidem coniectas , respondit : Cogito enim , si quid quæ detrudere his quæ dicturus sum apud Athenienses. Alii solliciti sunt , ut quàm plurima dicant , quo videantur eloquentes esse , atque disertī. Illi diuersa erat cura , nimirum ut quæ ad rem faciebant , verbis quàm paucissimis complecteretur. Plutarch. in apoph. Græcorum.

Demosthenis.

De Phocione , quoties in concione dicturus assurgeret , ad amicos proximos dicere solebat Demosthenes , rationum ipsius securim surgere. Nam Phocion erat in dicendo brevis , sed acutus. Solebat autem ferè à Demosthene dissentire. Plutarch. in Demosthe.

Apollodori.

Apollodorus dicebat , optimos homines in dicendo breuissimos esse : Linguaces autem , si tantum molestiæ caperent , quanta reliquos afficiunt , haud sanè longos sermones habituros esse. Stobæus sermone 34.

Epaminonda.

Epaminondas in Spartanos , qui multa magnaque crimina Thebanis obiiciebant : Hi nimirum fecerunt , inquit , ut breuiloquentia uti destiteritis. Solebant Lacedæmonii de breuiloquentia gloriari : sed à Thebanis , multis affecti calamitatibus , multa dicere coacti sunt , de illis conquerentes. Plutarch. in Græc. apoph.

Archidami.

Cum irrupisset Archidamus in Arcadiam , audito quòd hostibus

stibus Elei ferrent auxilium, scripsit illis in hunc modum: Archidamus Eleis, Quies bona. Non potuit breuius & suadere, quod erat illis commodum: & minari malum, si quid perperam aggrederentur. Decet hæc breuiloquentia & ducem, & Laconem. Plutarch.

Cleomenis,

Pirata quidam cum prædam per Lacedæmoniorum regionem fecisset, captus, & interrogatus cur id fecisset? Quoniam, ait, deerat mihi vnde viuerem, & aliis quoque darem, ad eos venire coactus sum, qui haberent: quæ nec spontè dabant, vi erepturus. Cui Cleomenes ait: Compendiosa tibi inest malitia. Eoque dicto detestabatur hominis improbitatem, & laudabat expeditam orationis breuitatem. Plut. in Laconicis.

Leonis.

Leon Eurycratidis filius, cuidam de rebus haudquaquam inutilibus intempestiuè loquenti: O hospes, inquit, re opportuna non opportunè vteris. Nihil oratione melius, si parce promas linguæ thesaurum. Plut. in Lacon.

Lycurgi.

Lycurgus interroganti, quemobrem Lacedæmonii breuiloquium vsurparent? Quoniam silentio finitimum, respondit. Stobæus ser. 33. Ant. in Melissa, par. 1. ser. 73. Maximus serm. 20.

Lacedæmoniorum.

Philippo regi Macedonum quædam per literas imperanti, rescripserunt Lacedæmonii: De quibus nobis scripsisti, non. Ad prolixam regis epistolam vnica syllaba responderunt, vñ: quam grandibus literis pinxerant, vt expleret iustum epistolæ spacium: simul & gentilis breuiloquentiæ memores, & solitæ fortitudinis. Plut. in Lacon.

Cæsaris.

Iulius Cæsar cum in bello ciuili Pharnacem primo congressu vicisset, Laconica breuitate ad suos scripsit: Veni, vidi, vici. Plut. in Roma. apoph.

Augusti Cæs.

Cæsar Augustus in Sicilia pro Theodoro Arium præfectum instituit. sed quum Cæsari quidam libellum porrexisset, in quo scriptum erat, Caluus Theodorus Tarsensis fur erat, quid tibi videtur? lecto eo, nihil aliud subscripsit, quàm Videtur. Plut. in Roma. apoph.

CONRADI LYCOSTHENIS
DE CÆCITATE.

Timonis.



Timon Nicæus, in quendam omnia mirantem, ita lufit: Quin & illud miraris, quòd quum tres fimus, quatuor habemus oculos? Timon enim lufcus erat, vnde & Cyclops dictus est: & difcipulum habebat lufcum, Diofcoridem. Meminit huius & Socrates alicubi apud Platonem. Laert. lib. 9. cap. 12.

Afclepiadis.

Afclepiades non ignobilis, nec inexercitatus philofophus, cuidam interroganti, Quid incommodi cæcitas ipfi attuliffet? Vt vno, inquit, puero ambulem comitator. Significans, fibi minime moleftam cæcitate corporis, quum animo cerneret. Eraſ. lib. 8. apoph.

Ariſtotelis.

Ariſtoteles Stagirita percontanti, qui fieret, vt cum formofis diutius ac lubentius confabularemur? reſpondit, eam percontationem eſſe cæci. Cæcus enim non ſentit formæ illecebram, nihilo magis quàm colorum gratiam. Laert. lib. 5. cap. 5.

Antipatri.

Antipater Cyrenaicus mulierculis quibuſdam cæcitate ipſius deplorantibus: Quid agitis, inquit? an vobis nulla videtur voluptas nocturna? Nocte omnes cæci ſumus, nec tamen lamentamur. Habet animus quo ſe delectet, etiam oclufis ſenſibus. Reſponſum Antipatri conueniebat fœminis, omnia voluptate merientibus. Eraſ. lib. 8. apoph.

Inarij.

Inarius Chalcedonenſis epiſcopus, ſenio iam conſectus, cum iam viſu planè careret, Conſtantinopoli habitans, impiè a Iuliano imperatore & apoſtata deriſus eſt: qui ſubinde monebat, vt Galilæum ſuum (ita enim vir impius Chriſtum Saluatorem nominare ſolitus erat) oraret, vt viſum ſibi reſtitueret. Cui epiſcopus reſpondit: Gratias ago Deo, qui viſum mihi ademitt, ne te hominem tam impium videre cogerer. Fulgoſus libri ſexti capite ſecundo.

Antonij.

Antonius audiens Didymum grauiter ferre oculorum cæcitate: Nil, inquit, te offendat, mi Didyme, quòd carnalibus tibi

tibi oculis videris orbatus. Desunt enim tibi oculi, quos mures & muscæ & lacertæ habent. Sed latere, quia habes oculos quos angeli habent, quibus Deus videtur, per quos tibi magnum scientiæ lumen accenditur. Petrus de natalibus, episcopus Equilinus, in Martyrologio.

De calidè dictis.

Simonidu.

Simonides interrogatus, quam ob rem, cum esset iam homo senex, & morti proximus: tamē adeò esset attentus ad rem? Quoniam, inquit, malim moriens inimicis relinquere, quàm viuus carere amicis. Callidè autem taxauit hominum mores; qui dum sperant bona se olim consequuturos, obseruiunt: consecuti, negligunt. Eras. Rot. lib. 6.

Phryne.

Phryne, insignis meretrix, Praxitelem, à quo deamabatur, rogauit, vt ex operibus quod haberet pulcherrimum, sibi donaret. Promisit quidem amans: sed illa intellexit artificem dissimulare, quòd esset domi suæ optimum. Clām igitur subornauit seruum, qui Praxiteli in foro sua vendenti diceret, domum suam maximo flagrare incendio, & pleraque iam incēdio consumpta esse. Praxiteles igitur statim interrogat; an Satyrus & Cupido superesset? Quod cum meretrix audiuisset, ait, salua esse omnia, & Cupidinem sibi dari iussit. Eras. lib. 6. apoph.

Demosthenis.

Ancilla quædam depositi nomine pecuniam acceperat à duobus hospitiibus, ea tamen conditione, vt eam vtrisque simul redderet. Horum alter post tempus aliquod lugubri veste & squalidus, socii mortem simulans, decepta muliere pecuniam abstulit. Post menses aliquot venit demum alter, depositum efflagitans. Verùm cum ferè iam desperaret delusa muliercula, Demosthenes ei patronus adfuit, qui cum in aduocationem venisset, sic negotium absoluit: Parata est mulier, vt fidem depositi soluat: non tamen fieri id poterit, nisi socius quoque adductus fuerit: quoniam ab ipso modò audiuius, hanc legem dictam esse, Ne deposita pecunia alteri sine altero numeretur. Et hac calliditate seruauit mulierculam, & elusit nebulonum depositum improbè efflagitantium conspirationem. Plutar. in Demosthene.

Vide suprà titulum, de Astutè dictis.

De calumnia.

Hippia.

Hippias grauisſimam rem calumniam eſſe dicebat, eo quòd nulla pœna lege ſancita ſit calumniatoribus, vt furibus, quamuis amicitiam (quæ optima eſt poſſeſſio) furentur. Quamobrem contumelia licet malefica ſit, iuſtior tamen eſt quàm calumnia: quæ quia later, nocentior eſt. Stobæus ſermo. 40. ex Plutarcho.

Cleanthis.

Cleanthes nihil ferè tam malignum eſſe dicebat, quàm calumniam. Hæc enim vbi clam aliquem à ſe perſuaſum decipit, odium excitat aduerſus eum qui nihil eſt commeritus. Stob. ſerm. 40.

Socratis.

Socrates calumniatorem nequaquam admittendum eſſe ſuadebat. non enim ex beneuolentia tecum, ſed maleuolentia loquitur. Et quemadmodum aliorum arcana tibi detexit, ſimiliter etiam quæ tu dixeris exponet aliis. Antonius in Meliſſa, par. 1. ſerm. 53. Maximus ſerm. 10.

Aristotelis.

Aristoteles cum iudiciorum metu Athenis profugiſſet, interroganti cuidam, qualis eſſet ciuitas Athenienſium? reſpondit, Pulcherrima: ſed in ea pyrus ſuper pyrum, & ficus ſuper ficum conſeſcit. Quo dicterio notaui Athenienſium ſycophantas & calumniatores, pernicioſiſſimos bonis viris. Aelianus lib. 3. de Varia hiſto.

Eiusdem.

Idem in ius vocatus, quòd Hermiam mulierem, quam amabat, hymno quaſi deam celebraſſet, calumniæ moleſtiam Homérico verſu teſtatus eſt, in ipſo ſtatim deſenſionis initio:

ὄχνην ἰπ' ὄχνην γὰρ ἔκον, σὺ κεν δ' ἐπὶ σὺ κεν. Laer. lib. 5. cap. 1.

Thearida.

Thearidas quum gladium cote acueret, rogatus à quopiam, num eſſet acutus? Acutior, inquit, calumnia: grauiter innuens, rem omnium rerum nocentiſſimam eſſe calumniam. Plutar. in Laconicis.

Demoſthenis.

Demoſthenes calumniam aliquantisper quidem audientium opinionem cõfirmare, progreſſu verò temporis nihil ipſa imbecil

imbecillius esse dicebat. Stob. sermo. 40.

Alexandri Maced.

Legebat Alexander epistolam à matre missam, quæ arcana quædam & calumnias aduersus Antipatrum continebat: simulque, vt solet, cum rege legebat Hephæstion: nec eum rex vetuit legere: sed perlecta epistola, annulum signatorium è digito detractum ori illius appressit: hoc gestu admonens, vt arcana contineret. Exemplum insignis de amico fiduciæ, tum etiam humanitatis egregiæ, qui calumnias latius spargi noluerit, licet inuisum haberet Antipatrum. Plutarchus in regum & imperator. apophtheg.

Medij.

Medius ex Alexandri parasitis vnus, solebat alios adhortari, ne metuerent quoduis crimen in quemuis intendere. Adiecit scelerato præcepto causam appositam: Vt maximè, inquit, sanet vulnus qui delatus est, manet tamen cicatrix. Non arbitrator (inquit Eras.) quenquam esse diabolum tam impium, qui rem magis nefariam possit suggerere. Et quo scædius est crimen, hoc tenacius hæret apud multos criminis suspicio, vel in innocentissimum. Audiui ducem quendam his verbis adhortantem suos milites nauticos, ad quiduis prædandi temeritatem: Rapite quicquid potestis, siue merces sint amicorum, siue hostium: nam vt qui spoliati sunt, sic agant apud principem, vt compellamur restituere, semper tamen aliqua prædæ portio remanet apud nos. Eras. lib. 8. apoph.

Photij.

Photius patriarcha dicere solebat, eos qui faciliè alienas calumnias admitterent, ne ipsos quidem similibus factis abstinere. Ipsa enim calumniantium admissio, innocentem quoque qui admittit in societatem trahere solet. Anto. in Melissa, par. 1. serm. 53.

De canicie.

Laconis.

LAcon quidam senex, percontatus cur barbam gestaret tam prolixam? Vt, inquit, intuens, virum me esse sciam: & canos intuens capillos: nihil committam illis indignum. recitat Plutar. in Laconicis.

Iulia.

Iulia Augusti Cæsaris filia, maturè canos habere cœperat.

Subitus autem Cæsaris interuentus oppressit complices, filiarum canos sublegentes, deprehensus super vestes earum pilis, quos euulserant. Id dissimulauit Augustus, & aliis sermonibus extructo tempore, tandem induxit ætatis mentionem. Hac occasione rogauit filiam, utrum post aliquot annos cana esse mallet, an calua? Quumque illa respondisset, Ego, pater, cana esse malletem. Cur ergo, inquit, istæ te caluam ante tempus student facere? Eras. lib. 4. apoph. ex Macrobi. lib. 12. cap. 5. Satur.

Hieronymi. Rheti.

Hieronymus Rhetus, Academiarum Basiliensis olim professor, interrogatus cur tam canam aleret barbam, tamque promissam: respondit, Promissam alo, ut memor sum me virum esse, non feminam: canam autem, ut intelligam me senem esse, & iuueniles mores abiiciam.

De candidè dictis.

Aristippi.

Aristippus Aeginæ in Neptunalibus consuetudinē habuit cum Phryne, quumque quispiam illi obiecisset, quod tantum pecuniæ daret meretrici, quæ Diogenem Cynicum, sordidissimum philosophum, gratis admitteret: Ego, inquit, illi multa suppedito, ut ipse ea fruar: non, ne quis alius. Laert. lib. 2. ca. 8.

Pædareti.

Pædaretus quum in trecentorum virorum ordinem non esset ascriptus, qui honos apud Spartanos primam dignitatem obtinebat, repulsus hilaris discessit, ac rides. Reuocantibus autem ephoris, quidque rideret percõtantibus: Gratulor, inquit, huic Reipub. quæ trecentos habeat ciues, multo me meliores. Plut. in Laconicis apoph.

Alexandri Maced.

Alexander cum sensisset sororem suam, cum eleganti forma iuvene habere consuetudinem, non ægrè hoc tulit, sed dixit: Concedendum esse, ut illa quoque aliqua ex parte regno frueretur. Plut. in regum & imperat. apoph.

Huc refer quædam ex tit. de Sapienter dictis.

De castigatione, correctione, & reprehensione.

Diogenis.

Diogenes Cynicus dicere solebat, non tantum fidis amicis, sed acribus etiam inimicis opus esse: eo quod illi nos admo

admoneant, hi verò nostros errores, vitæque nostræ flagitia reprehendant atque castigent. Laert. lib. 6.

Zenonis.

Zeno Cittieus celebratissimam Hesiodi sententiam invertere solebat. Ille quippe cum primas tribuit ei qui per se sapiat, secundas qui rectè admonenti obtemperet: Zeno è contrario pronunciabat.

Optimus ille quidem, qui paret recta monenti. Laert. lib. 7. capit. 1.

Eiusdem.

Quendam dicentem, sibi in multis displicere Antisthenem, abusus Sophoclis dicto Zeno Cittieus, rogavit, num qua haberet Antisthenes quæ placerent: ille respondit, se nescire. Hic Zeno: Et non te pudet, inquit, si quid ab Antisthene perperam dictum est, excerpere ac meminisse: si quid rectè dictū, id ne animadvertere quidem, nec tenere? Idem morbus nunc habet plurimos, qui in libris aliorum tantum ea venantur quæ carpant, bene dictorum nulla neque gratia neque memoria. Laert. libr. 7. capit. 1.

Hieronis.

Hieron, qui Geloni successit, Xenophani colophonio de paupertate sua querenti, quòd agrè duos aleret famulos: At Homerus, inquit, quem tu carpis, etiam mortuus alit plusquam decē hominum milia. Et tu qui vis illo videri doctior, vnas non alis duos? Erant illis quoque temporibus, qui carpendis illustrium virorum opèribus gloriam aucuparentur. Plutarc. in Regum apophthegma.

Lacedæmoniorum.

Apud Lacedæmonios, si puer à præceptore vel alio castigatus ob commissum delictum, querelam ad patrem detulisset: turpe erat patri si hoc audito, non iterum filium emendasset. Si quidem ex institutione maiorum habebant hanc de se mutuò fiduciam, ut crederent, neminem esse, qui cuiusquam liberis, quos quisquam pro suis habebat, quicquam imperaret inhonestum. Plutarchus in apoph. Laconicis.

Demonactis.

Demonax frequenter dicere solitus est, non temerè irascendum esse hominibus, si delinquerent: sed corrigenda esse vicia medicorum exemplo, qui non indignantur agrotis, sed medentur morbo. Eras. lib. 8. apoph.

ANON

Anonymi.

Quum multi bello capti venderentur, Philippus Macedo in auctione sedebat, sublata veste parum decorè. Quidam igitur eorum qui vendebantur, exclamauit: Parce mihi Philippe, paternus enim tibi sum amicus. Philippo verò interrogâte, Quo pacto, & vnde, ô homo, conflata hæc est amicitia? Tum ille: Volo, inquit, propius accedens dicere. Quum admissus esset, quasi arcani quippiam dicturus: Demitte, inquit, chlamydem aliquantulum: nam ad istum modum indecenter sedes. Mox Philippus: Hunc, inquit, finite abire liberum, nesciebam enim, illū mihi verè beneuolum & amicum esse. Non offensus est rex tantus, nec simulatione, nec admonitione ignoti hominis: sed simul & simulatione mutua simulationem texit, & tantillum officium magno libertatis præmio pensauit. Plutarch.

Pausani.

Pauson pictor receperat à quodam equum pingendum specie volutantis sese, & pinxit currentem. Indignante eo qui conduxerat, Pauson ridens: Inuerte, inquit, tabulam, eo facto, iam non currere, sed volutari videbatur. Ita quædam errata, quæ videntur maxima, minimo negotio corriguntur, si quis commodè interpretetur. Refert Plutarchus in libello, Cur Pythia vates desisset carmine reddere oracula.

De castigatione modesta.

Zenonis.

Zeno Cittiensis cum regem Antigonom, cui familiarissimus erat, nimia ebrietati deditum vidisset, hoc amici vitium amica admonitione castigare conatus est. Antigonus igitur vino iam repletus, cum Zenonem osculatus esset, orauit vt dictis suis iam obediret. Cui cum Antigonus respondisset, libenter se hoc facturum, iuramento sententiam affirmans: Abi, inquit Zeno, & vinum immodicè sumptum euome. Graui & sapienti reprehensione simul temulentiam eius taxans: simulq; cauens, ne nimia potatio ei nocumentum adferret. Aelianus libro nono de Var. historia.

Socratis.

Socrates in conuiuio videns adolescentem auidius vrescentē obsonio, ac subinde panem in ius immergentem, ô Conuiua, inquit, quis vestrum panis vtitur pro obsonio, obsonio pro pane? Hinc orta inter conuiuas disputatione, sensit iuuenis, & erubuit,

buit, cœpitque moderatius obsonio vesci. Erasmus libro tertio apoph.

Geminij.

Antonius triumuir cum in Asia degeret, atque vnâ esset Cleopatra Aegypti regina, cuius nutu Antonius eius amoribus nimium victus regebatur, per id tempus graues inter ipsum atque Octauium controuersia exarserant. Amici igitur ab vrbe Roma ad Antonium in Asiam Geminium miserunt, vt omnia tentarentur, per quæ cum Octauio redintegrari communis amicitia posset, atque in mutuam concordiam rediretur. Cum autem Geminium Antonius conuiuio excepisset, præsente Cleopatra, monuit vt mandata quæ habebat exponeret. Ad quem Geminus: Quæ tibi dicere missus sum Antoni, cū sobrio, & alio loco quàm vbi nunc sumus, tractanda sunt. Sed vtcunque, rem tuam vel ebrius dicere mihi posse videtur: scilicet, res tuas bene successuras, si Cleopatram in Aegyptum dimiseris. Et sic quàm paucissimis verbis Antonii ebrietatem, & eius in Cleopatram immodicum amorem sapienter carpsit. Plut. in vita Antonii.

De castigatione libera.

Diogenis.

Diogenes cū in Stoicorum Gymnasio retrorsum incederet, ridentibus nonnullis, Non vos, inquit, pudet viuendi iter facere retrogradum, mihi verò deambulando tantum id facienti vitio dare? Stobæus serm. 2. de Imprudentia.

Demadi.

Demades orator facundissimus, quum vidisset Philippum regem largius potum cum amicis saltasse per mediam captiuorum turbam, eisque petulanter exprobrasse suam calamitatem, liberè dixit: Quum ò rex fortuna tibi Agamemnonis personam imposuerit, non pudet te factis agere Therfiten? Ea vox totum regem in diuersum vitæ genus immutauit. Eras. lib. 6. apo.

Philippi Maced.

Philippus Macedo cum dissidium haberet cum Olympiade vxore, cumque Alexandro filio, Demaratum Corinthium ad se venientem percontatus est, quomodo inter Græcos inuicem conueniret? Hic Demaratus, scilicet, inquit, magnopere tibi curæ est Græcorum concordia, cum qui tibi sunt coniunctissimi, huiusmodi in te sint animo. Quid hic expectas, nisi vt rex offensus Demarati libertate, iubeat illū ab oculis suis abduci? Imò quoniam

quoniam Demarati sermo ab ira ad saniora consilia vocabat, rex sese ad eius obiurgationem composuit, positaque ira rediit cum suis in gratiam. Plut. in apoph. Regum.

Subrii.

Quum de coniuratis agerentur quaestiones, Subrius Flavius tribunus interrogatus à Nerone, quibus causis adductus ad obliuionē sacramenti processisset? Oderam te, inquit, nec quicquam tibi fidelior militum fuit dum amari meruisti: odisse cœpi, postquam parricida matris & vxoris, auriga & histrio & incendiarius extitisti. Negant in ea coniuratione quicquam accidisse Neroni grauius, qui vt ad patranda facinora pròptus erat, ita audiendi quæ patraret insolens. Sueton. in vita Neronis.

Huc referri potest titulus de Correctione, & liberè dictis.

De castigatione dura,

Socratis.

Quendam acrius castigantem seruum, quamobrem ita sciret roganti: quoniam, inquit, quum sit obsoniorum voracissimus, tamen ignauissimus est: quumque sit auidissimus, tamen desidiosissimus est. Tum Socrates, Nunquàmne, inquit, considerasti, vter veltum pluribus egeat verberibus, tunc an famulus? Vtinam sibi quisque dicat, quod illi Socrates, quoties hoc in aliis reprehendit, punitque idem quod sibi ignoscit: aut si non idem, crebrò deterius. Eras. lib. 3. apoph.

Lacedæmoniorum.

Apud Lacedæmonios si quis in peccato deprehensus fuisset, is cogebatur aram quandam, quæ erat in vrbe, circumire, ac vituperationem interim in ipsum compositam canere: quod nihil aliud erat, quàm seipsum sua voce obiurgare. Ingenui, pudore & laudis amore melius ducuntur ad honesta: virgis aut flagris cædi seruile est. Plutar. in Laconicis.

Isidori.

Isidorus Cynicus Neronem imp. transeuntem in publico clara voce corripuit, quod Naupli mala bene cantaret, sua bona malè disponderet. Nauplius erat Palamedis pater, qui filii præter meritum damnati hecem magno Græcorum exitio est ultus. Solebat autem Nero tragœdias cantare, Suetonius.

De

De castigatione iniquo animo lata.

Diogenis.

Diogenes improbum quendam cum castigasset, interrogatus a quodam, quid faceret? Aethiopem, inquit, abstergo, vt, difficulter candidum reddam. Antonius in Melissa, part. 2. ser. 32.

Theodori Athen.

Theodorus Athenienlis, cognomento *ἄσπας*, dicere solitus est, se doctrinam auditoribus dextra porrigere, sed illos sinistra accipere. Sentiens, illos bene dicta in malam accommodare partem. Eras. 6. apoph.

Pantaleonis.

Pantaleon in Arfinoen Lyfimachi vxorem vomere solitam, torfit hunc versiculum,

καὶ οὐκ ἀνὰ τὰς χειρὶς τὴν διμῶσαν τὸ σῶμα. Id est,

Dominare prauis, qui hanc vomentem induxeris. Quod vbi rescivit Lyfimachus, in mustelæ cauea inclusit hominem, & circumferri fecit monstri loco, quoad moreretur. Eras. Rot. lib. 6. apoph.

Praxaspi.

Praxaspes Cambysem regem admonuit, vt parcius vino indulgeret. Turpem enim esse in rege ebrietatem, in quem vnum omnium essent coniecti oculi. cui rex: Vt scias, inquit, quàm mihi nunquam excidam, approbabo, etiam post vinum & oculos & manus in officio esse. Bibit peinde solito largius: iamque vinolentus, iubet obiurgatoris filium produci, alleuataque supra caput sinistra manu stare: tunc in cor adolescentis figit sagittam, nam id dixerat se petiturum: recisoque pectore, iaculû cordi infixum ostendit patri, rogans num satis certam haberet manum. At ille negauit Apollinem potuisse certius mittere. Herod. lib. 3.

De castitate.

Isocratis.

Isocrates vbi conspexit Sophoclem tragicædiarum scriptorem sequi puerum quendam, forma illius captum: Oportet, inquit, ô Sophocles hominem non manus tantum apud se continere, verum & oculos. Vox homine Christiano non indigna. Eras. 8. apoph.

Alexa

Alexandri Maced.

Quum Philoxenus classis præfectus Alexandro scripssisset, Tarentinum quendam Theodorum esse apud se, pueros habentem insigni forma venales, si vellet emere: indignè tulit, apud æquales subinde clamitans: Quid in me Philoxenus tam obscœnum animaduertit, vt mihi tantum probri conciliaret? Plut. in Alexandro.

Cyri.

Cyrus abstinebat à cōspectu Pantheæ: & Araspo dicenti: mulierem esse insigni forma, dignā regis oculis: Ob isthuc ipsum, inquit, magis est ab illa abstinendum. Etenim si nunc tuo obtēperans consilio illam adiero, quum vacat, fortassis illa mihi persuasura est vt ad ipsam frequenter commeem, etiam quum non vacabit, ei quæ assideam, neglectis seriis negotiis. Scitè retorfit argumentum, regiæ functionis memor. Eras. lib. 5. apoph.

Alexandri Magni.

Alexander Macedonum rex, cum puella excubia iam nocte venisset, cum eo dormitura, rogauit rex, cur tam serò venisset? Illa cum respondisset, se expectasse donec maritus cubitū isset: Alexander ministros accitos acriter obinrgauit, quod aditum dedissent, Reducite, inquiens, hanc, ne adulterii ansam mihi præbeatis. Egregium sanè castitatis exemplum, tum in iuvene, tum in rege. Plut. in apoph. regum & imp.

Antigoni.

Antigonus rex quum adolescens institisset, vt hospitium nācisceretur apud viduam treis habentem forma decente filias, accito hospitibus designandis præfecto: Non expelles, inquit, filiū meum ex loci angustia? Non prodidit adolescentis affectum, qui sciebat illum captare quod amaret: sed excusauit ædium angustiam, in quibus vidua cum tribus filiabus egeret. Plutarc. in regum & imperatorum apotheg.

Antiochi.

Antiochus tertius quū Dianæ sacerdotem vidisset supra modum eleganti forma, cōtinuò soluit Epheso: veritus, ne vis amoris aliquid ipsum facere compelleret, quod phas non esset. Immane quantum absunt ab huius ethnici principis religione Chraistiani milites, qui Deo dicatas virgines constuprare pro ludo ducunt. Plut. in regum & imp. apoph.

Linæ.

Liuiæ.

Liuiæ Augusti Cæsaris vxor, cum nudos homines, qui sibi facti erant obuiam, qui eam ob turpitudinem damnabantur, vidisset. dixit, eos, matronis quidem honestis & continentibus, nihil à statu suo differre. Cor enim hominis pudicum, rerum impudicarum aspectu nequaquam malis cogitationibus tangitur. Dion historicus in Tiberio,

Scipionis.

Scipio posteaquam Carthaginem nouam, quæ erat Hispanorum, armis cœperat, milites quidam virginem eleganti forma captam adduxerunt, eique tradiderunt. Hic ille, Libenter acciperem, inquit, si priuatus essem, non imperator. Iuuenis insigni puellæ forma corrumpi non potuit, quo minus meminisset quid deceret imperatorem. At multi sunt hodie, qui ob hoc ipsum sibi credunt tum licere, tum decora esse omnia, quæ sunt imperatores. Plut. in Ro. apoph. Huc spectant titu. de Aspectu incauto, Continentia & pudicitia.

De celeritate atque velocitate agendi.

Socratis.

SOcrates, qui res præcoces magno emerent, eos aiebat desperare, quòd ad tempus maturitatis essent peruentura. Alioqui stultum est, & pluris & deterius emere, quàm paulo post liceat & minoris, & meliores. Ita nusquam non reuocabat hominum cupiditates rationis expertes, ad sobrium iudicium. Erasmus libro 3. apoph.

Apellis.

Apelles pictor parum perito de celeritate gloriati, & ostensa tabula dicenti, Hanc modò pinxi: Etiam si tacuisses, inquit Apelles, res ipsa loquitur, quòd eam ex tempore subito pinxeris. Eras. libro 6. apoph.

Agatharchi.

Agatharchus pictor sese iactabat de pingendi celeritate, quum Zeuxis diutius immoraretur operi. At Zeuxis respondit, Ea quæ citò fiunt, citò perire: contra, quæ paulatim exacta cura absoluerentur, ætatem ferre. Iuxta Valerium ita respondit: Diu pingo, quia pingo æternitati. Citò nata, citò pereunt: diu elaborata, ferunt ætatem, Beta citò nascitur, buxus paulatim. Eras. libro 6. apoph.

Augusti.

Augustus Cæsar dicere solebat, nihil minus in perfectum ducem conuenire, quàm festinationem ac temeritatem. crebroque illud iactabat, *συνὸς βροτός, ἀσφαλὴς γὰρ ὄσσην μὴν οὐ ὑπάρσους γιγασκῆναι*. Suetonius. Vide præterea prouerbum apud Erasmus, Festina lentè.

Iulij Cæsaris.

Iulius Cæsar ea facinora quæ periculo obnoxia sunt, & magna, gerenda esse dicebat: at de his non consultandum, eo quòd ad hæc perficienda plurimum habeat momenti celeritas. Plutarch. in apoph. Romanorum.

Eiusdem.

Idem Cæsar quum Pharnacem primo congressu viciisset, amicis scripsit, Veni vidi, vici. summam rei bene gestæ celeritè indicans. Plut. in Roma. apoph.

De charitate.

Anonymi

Senior quidam apud Aegyptios interrogatus, cur neque pecuniam, neque earum rerum, quæ ad vitæ humanæ vsum spectarent, quicquam suis in ædibus haberet? Respondit, Charitatem ciborum, & pecuniarum depositum, se nescire seruare. Apud charitatem non rectè quicquam deposueris. Nicephorus libro 11. cap. 43. Eccles. hist. ex Euagrio.

De ciuilitate.

Periclis.

Pericles Ariphroni volenti publico præconio quæri Alcibiadem, qui adolescens clam domo egressus, ad amicum Democratem se contulerat, obstitit, dicens: Si fortè nobis incitis periit, præconio nil aliud agetur, quàm vt vno tantum die citius manifestum fiat, illum interisse: Sin saluus, ne per omnem quidem vitam saluus esse poterit. Ciuilitè exclusit Pericles adolescentis infamiam, quam nunquam potuisset eluere. Plut. in Græc. apoph.

Aeschinis.

Aeschines cum Rhodi recitasset orationem suam contra Demosthenem, Rhodii demirati sunt, quòd tali oratione defendi non potuisset: At desineretis admirari, inquit Aeschines, si audissetis quæ ad hæc respondit Demosthenes. Mira ciuilitate

se exemit à crimine, & iudices excusauit, damnationis iniustæ causam reiiciens in orationem Demosthenicam. Erasmus Rot. libro 8. apoph.

Aristotelis.

Aristoteles cum iam natus annos 62. adeò laboraret, vt nulla planè spes vitæ superesset, conuenerunt ad eum discipuli, rogantes vt ex ipsis successorem eligeret. Erant autem duo inter auditores præcipui, Theophrastus Lesbius, & Menedemus Rhodius. Iussit igitur Aristo. vinum exoticum sibi, Rhodium scilicet & Lesbium adferri, vt extremum biberet Vale. & gustato vino primum Rhodio, dixit, Firmum herclè vinum, & iucundum. Mox gustato Lesbio, Vtrumque, inquit, egregiè bonum, sed Lesbium suauius est. Id vbi dixit, nulli dubium fuit, quin ciuilitè Theophrastum Lesbium successorem sibi fecerit. Laertius libr. 5. cap. 1.

Alexandri.

Alexander cum in hūeme duceret exercitum, assidens igni, recognoscere prætereuntes copias cœpit. Quumque videret senem quendam horrentem frigore, & ad ignem stantem, considerare loco iussit, dicens: Si in Perside natus esses, in regia sella sedere tibi capitale foret, in Macedonia nato conceditur. Ibidem.

Archelai.

Quum Euripides in conuiuiu Agathonem deoscularetur, Archelaus amicis dixit: Ne miremini. nam pulchrorum etiam autumnus pulcher est. Ciuilitè excusauit amicum apud amicos. Eras. Rot. libro 5. apoph.

Eudamida.

Die quodam, quum Xenocrates argumentum, quod tractabat, differendo absoluisset, iamque finem dicendi fecisset, superuenit Eudamidas. cui quum comitum quispiam dixisset, Posteaquam nos adsumus, tum ille desit dicere: Rectè, inquit, siquidem ea dixit quæ voluit, rursus quum alter diceret, Bonum erat audire: putans fore vt sua causa iuberet Xenocratem eadem de integro differere: Quid, inquit Eudamidas, si venissemus ad iam cœnatū, num postularem vt cœnaret iterum, Ciuilitas erat, quòd philosophum ad iterandam disputationem percellere noluit, quòd ea res non caruisset tædio dicentis. Laconicæ virtutis erat, q̃ magis admirabatur præclara facinora designantes, quàm de virtute differentes. Plut. in Laco.

Callicratida.

Callicratidas classis præfectus, cum mitteretur ad Cyrum

iuniorem, ut peteret pecunias rei naualis necessarias, iamque Cyro colloqui vellet, audiuit eum iam bibere: Expectabo igitur, inquit, donec biberit: ac abiit, quoniam intellexit, eo die non posse dari conueniendi regis copiam, ne parum ciuilis haberetur. Plut. in Lacon. apoph.

Pisistrati.

Pisistratus Atheniensium tyrannus, cum mater apud ipsum delata esset, quod adolescentem quendam adamaret, furtimque cum eo congrediretur, & quidem frequenter prae metu Pisistrati, negante sui copiam, adolescentem vocauit ad coenam. peracta coena, rogauit quomodo habitus esset? quum ille respondisset, suauiter. Hæc, inquit, tibi contingent quotidie, si matri meæ placueris. Admodum ciuiliter & maternis indulgit affectibus, & adolescentem omni terrore liberauit. Erasmus libro quinto apoph.

Alexandri Maced.

Alexander Magnus, cum è Macedonum numero ad mare remitteret valetudinarios mutilos & debiles, productus est quidam, qui se agrotare finxerat. Is quum ad regem duceretur, ut ostenderet, cuius rei gratia morbum simulasset: falsus est, hoc factum esse ob amorem Telesippæ, quæ ad mare fuerat profecta. Verum Alexander cum sciret eam virginem esse liberam, ait: Persuadeamus Telesippæ, ut ad nos veniat sua sponte. nam manus liberæ virgini ad mouere nequaquam decet. Et sic ciuiliter indulgit amori strenui militis, quem in exercitu retinere cupiebat: & ingenuam tamen virginem non vi adegit ut adesset sponso futuro. Plut. in regum & impera. apoph.

Catonis.

Multis Publii Scipionis ingratitudinem incusantibus, quod Catoni de se optime merito opposuisset competitorem: Cato sic excusauit, dicens minimè mirandum, si quod quis maximum bonum duceret, id alteri nollet concedere. Plut. in Cato.

Augusti Cæs.

Augustus Cæsar cum nulli ferè ad conuiuium inuitati suum denegaret officium, exceptus à quodam coena perparca, ac penè quotidiana, cum à conuiuatore dimitteretur, hoc illi tantum insusurravit: Non putabam me tibi tam familiarem esse. Alius tam ieiunum apparatus contumeliam fuisset interpretatus, ille ciuiliter etiam pudori consuluit: inuitatoris familiaritati tribuens, idque in aurem, ne cæteri putarent exprobratam parsimoniam. Plut. in Romanorum apoph.

De claudicatione.

Demonastis.

Demonax in Ruffinum quendam claudum, multo tempore familiarem Peripatericis, dixit, nihil esse turpius Peripaterico claudo. Alludit huc, quod Peripaterici dicuntur ab inambulatione, quæ non convenit claudo. Eras. Rot. lib. 8. apop.

Androclida.

Androclidas quidam Lacon claudicans, cum se in ordinem bellantium coniecisset, malè audiuit à quibusdam, quod pede claudicans in aciem proruisset, pugnaturus contra sanos ac agiles. quibus respondit: Non fugientem, sed manentem cum hostibus, pugnare oportet. Et sic hoc quod vicio dabatur, ad animi fortitudinem retorfit. Plut. in Laconicis.

Laconis.

Alius quidam Lacon claudus ad bellum proficiscens, quum ab aliis militibus derideretur: Non opus est, inquit, fugientibus, sed qui subsistant, & ictus hostium fortiter propellant. Plutarch. in Laconicis.

Lacæna.

Lacæna quædam filium claudum in aciem proficiscentem: Fili, inquit, fac ut singulo quoque gradu virtutis memineris. Aliis claudicationis vitium solet formidinem incurtere. At hæc monuit, ut ex ipso vitio sumeret animos ad rem fortiter gerendam: ita cogitans, nihil esse in fuga præsidii claudis: aut vincendum, aut moriendum est. Recitatur apud Plutar. in apoph. Lacænarum.

Antianira.

Antianira Amazonum regina, demirantibus, quod nupisset viro claudis, satis Cynicè respondit, *ἄριστα χαλὸς οἶσεν*: id est, Claudus optimè virum agit. Sensit, maritum adhibendum non ob oculorum oblectamenta, sed ad usum coniugii. Feruntur autem claudi salaciores esse cæteris; & ob id ad gignendam prolem magis accommodi. Eras. Rot. lib. 8. apoph.

Alexandri Magni.

Philippus à Triballis in prælio vulneratus est, femore lancea trajecto, iamque opera chirurgi liberatus periculo moris, dolebat claudicationis deformitatem contractam manere. Cui Alexander: Ne verearis, inquit, in publicum prodire: sed grā

dum mouens, virtutis tuæ potius memineris. Hoc & aliis ascribitur. Plut. in vita Alexandri.

Anonymi.

De Caluino Glaucia claudicante dixit quidam, Non claudicat, sed clodicat. Veteres Clodium dixere pro Claudio. Hinc iocus in eum qui Clodio fauebat. Eras. lib. 6. apoph.

Caruili matris.

Spurio Caruilio grauiter claudicanti, ex vulnere ob rempublici. accepto, & ob claudicationis vitium in publicum prodire verecundanti, mater dixit: Quin prodismi Spuri, & quotiescunque gradum facis, toties tibi tuarum virtutum venit in mentem? Eras. Rot. lib. 6. apoph.

Seueri impera.

Seuerus Romanorum imperator cum ob claudicationem podagra laborans, ad imperium inutilis iudicaretur, contemptores suos in ius vocauit, atque capite damnavit. qui cum veniam delicti à Cesare petissent: Non feci vobis iniuriam, inquit, lata sententia. Nunc enim sentietis, non pedes, sed caput imperare in homines sceleratos. Dion Nicæus, & Xiphulinus, in vita Seueri.

Kebonii.

Kebo abbas Laurissamus, cum ad Burcardum comitem à Linczgouiu, &c. abbatem sancti Galli in Heluetiis venisset, ut eius monasterii regulam, fratrumque mores intueretur: vidit Burcardum antistitem & Decanum claudicantes. Ad suos igitur conuersus: Proh dolor, inquit, quam claudis fulcitur monachis tam præclarum monasterium? Veruntamen, multo melius est claudicare reges, quam ipsa regna. Annales monasterii Sangallensis, & Stumphius in Chronicis.

De clementia.

Pittaci Mityle.

TYrrheum Pittaci filium, Cumis in constricta sedentem, faber quidam ararius impacta securi occidit. Cumani homicidam vinctum miserunt ad Pittacum, ut de eo supplicium sumeret. At ille cognita causa, dimisit hominem dicens, Ignoscentiam esse potiore penitentia. Sentiens, vtilius esse condonare quam meminisse iniuriæ, & vlcisci. Sunt qui referant,

ferant, homicidam ab Alcæo fuisse dimissum cum hoc elogio,
Melius est ignoscere, quàm punire. Laert. lib. 1.

Socratis.

Socrates percontanti quur Xantippen morosissimam vxorem domi aleret, dicebat, sic cum eius notæ vxoribus habendam consuetudinem, quemadmodum qui se ad stadium equestre exercent, parant equos ingenii ferocioris: quos si subegerint, cæteris vtuntur commodius. Laert. in eius vita.

Diogenis.

Quum Plato laudasset quendam qui erga omnes lenissimus & mansuetissimus esset, Diogenes respondit, nil quicquam huic homini tribuendum esse, qui homines dolore, si res postularet, non afficeret. Senex vir prudentissimus, lenitatem & mansuetudinem nimiam plurimum in repub. obesse. Laert. lib. 6.

Quirini.

Quirinus sophista, cum ab Asianis castigaretur, quòd in accusando mitior ac lenior esset, quàm ipsi docerent: Multo, ait, melius est, vt vos meam sentiatís lenitatem, quàm ego vestram crudelitatem. Refert Philostratus in Sophistis.

Ephorum.

Sciraphidam mulctarunt Ephori, quòd à multis erat iniuria affectus. Interpretabantur enim illius ignauiam esse in causa, quòd complures auderent eundem lædere. Nam qui veterem impunè fert iniuriam, inuitat nouam. Si qui primus læserat, delatus dedisset pœnas legibus, cæteri temper assent ab iniuria. Plutarch. in Laconicis apoph.

Dionis Syracus.

Dion Syracusanus extimulatus assiduís à militibus vociferationibus, vt Heraclidem factionum autorem, & in Syracusanos conspirantem, è medio tolleret: respondit, Si ob inuidiam Heraclides perfidus nefariúsque est, haud propterea opus est vt Dion neglecta virtute, iræ obtemperet, vitamque corrumpat. Brufonius lib. 3. cap. 4.

Demarati.

Perfa quidam à rege defecerat. is suasu Demarati mutatus, quum reuertisset ad suos, tentaretque eum rex interficere: Turpe, inquit, fuerit ò tex, si cum hostis fuerit, non potueris ab eo defectionis pœnas sumere, nunc amicum factum velis occidere. Hoc prudentissimo dicto & regis indignationem tempera-

uit, & eius cui reditum persuaſerat incolumitati cōſuluit. Verique conſultor vtilis, alteri ne quid indignum regia manſuetudine committeret, alteri ne pœniteret ab errore ꝑeuocanti ꝑaſuiſſe. Plut. in Laco. apoph.

Ageſipolus.

Ageſipolis Cleombroti filius, quum quiſpiam apud ipſum ceu rem magnificam prædicaret, quòd Philippus Macedonum rex intra pauculos dies ſubuertiſſet Olynthū: Atqui per Deos, inquit, talem ciuitatem longè maiore temporis ſpacio non extructurus eſt. Significans, multo melius eſſe ſingulari clementia ſeruare ciuitates, quàm conditas demoliri. Plutar. in Laconicis.

Cleomenis.

Cleomenes cum ex quodam audiuiſſet, bonum magiſtrum omnino erga omnes mitem & placidum eſſe oportere: reſpondit, Bene quidem, ita tamen ne ſit conſemptui. Significans, clementiam nimiam pernicioſam eſſe ciuitati. Plutar. in Laconicis apoph. Braſon. lib. 3. cap. 13.

Demonax.

Demonax dicebat, nequaquam hominibus irāſcendum eſſe ſi delinquerent, ſed corrigenda vicia: nimirum exemplo medicorum, qui non indignantur ægrotis, ſed morbo medentur. Nam hominis eſt peccare: Dei verò, aut hominis Deo proximi, emendare peccata. Eraſ. lib. 8. apoph.

Piſiſtratus.

Comeſſatores quidam in Piſiſtrati vxorem inciderant, multaque laſciuē in illam tum fecerant, tum dixerant. Poſtero verò die iam decocta temulencia, Piſiſtratum adierunt cum lachrimis, orantes veniam. Tum Piſiſtratus: Vos quidem in poſterum date operam vt ſitis ſobrii: vxor verò mea heri nequaquam vſquam prodiit ex aedibus. Humanitatis erat, quòd ignouit adoleſcentibus: pietatis, quòd vxoris honori conſuluit, negans tale quicquam in illam factum eſſe. Plutar. in Græcorum apoph.

Dari.

Darius rex Xerxis pater quum tributum in dixiſſet ſubditis, accerſitos prouinciarum præfectos percontatus eſt, cum aliis de rebus, tum etiā an grauiæ eſſent populo tributa. Quum illi reſponſiſſent, eſſe mediocria: iuſſit, vt ſinguli dimidiam tantum partem exigent. quā beneuolentia & clementia admod

admodum conciliauit sibi subditorum animos, vt merito, ab omnibus diligeretur. Plut. in Regum & imperato. apoph.

Artaxerxis.

Artaxerxes rex ducibus suis qui deliquissent, pro eo quòd solent flagris cædi corpora, iussit vt pro corporibus vestes illis detractæ caderentur: vtque pro eo quòd solet illis velli caput, tiara deposita velleretur. Nam hoc quidem ad apophthegmatum sodaliratem pertinet. Plut. in Regum apoph.

Agésilai.

Feliciter pugnatum erat ab Agésilao rege apud Corinthum: in eo prælio quanquam accepisset, Spartanorum admodum paucos desideratos, cæterum e Corinthiis & Atheniensibus aliisque sociis ingentem numerum interiisse, adeò non gauisus est, nec elatus ea victoria, vt grauiter ingemiscens deploraret Græciæ vicem: Heu, inquit, Græciam, quæ tot viros intestino bello perdidit, quot vniuersis barbaris debellandis satis esse poterant. Viro magnanimo victoria erat oprabilis, sed charior erat sociorum incolumitas. Quo animo tulisset ille, si plurimorum ciuium interitu fuisset empta victoria? Non parum laudis præmeretur hic affectus in duce Lacedæmonio, tum natura bellici, tum Ethnico: at Christiano principi nulla nõ debet esse lugubris victoria, quæ plurimorum etiam hostium exitio contigit. Plutar. in Laconicis apoph.

Antigoni.

Antigonus rex Macedonum amicis suadentibus, vt si Athenas caperet, validis illam præsiidiis communiret, ne quando deficerent: respondit, se semper in ea fuisse sententia, vt crederet, clementiam plus posse, quàm violentiam. Plutarch. in regum & imperator. apoph.

Eiusdem.

Antigonus Macedoniæ rex cum ab initio regni durior esset, senex iam factus, clementer & placidè regnum administrauit. Verùm cum morum mutationem mirarentur subditi: respondit: Prius opus erat regno, nunc gloria & beneuolentia, qua regnum recuperatum seruatur. Plutarch. in apophtheg. regum & imperatorum.

Anonymi.

Ptolemæus Lagi filius, quum Grammaticum notasset in scitiæ, quærens ab eo quis esset Pelei pater, vicissimque audisset, Dic tu prius quis sit Lagi pater? amicis inuitantibus ad tantæ

improbitalis vindictam: Si regium est, inquit, non pati ut quosquam dicto attingatur: nec illud regium est, quenquam dicto laceſſere. Iniquè petit vindictam, qui prior laceſſiuit, cuiuſcūque dignitatis fuerit. Nec ſuæ dignitatis meminiffe debet, qui referitur, quum eius prerogatiuam laceſſendo depoſuerit. Eraſmus Rot. lib. 5, apoph.

Philippi Maced.

Athenienſes legationem ad Philippum miſerant. Ea benè audita, ut humaniter dimitteret, iuſſit illos dicere, qua in re gratum facere poſſet Athenienſibus. hic Demochares excipiens, Si teipſum, inquit, ſuſpendas (is Demochares vnus fuit & legatorum numero, ob linguæ procaciam dictus Parrheſiſtes) Ob tam inhumanum reſponſum indignantibus regis amicis, Philippus compoſcuit eos, iuſſitque ut Therſiten illum incolumen dimitterent. Tum ad ceteros legatos conuerſus, Renunciate, inquit, Athenienſibus multò ſuperbiores eſſe qui iſta dicunt, quàm qui impunè dicta audiunt. Tales demum animi regno digni ſunt. Plut. in apoph. regum.

Eiuſdem.

Indignantibus Philippi amicis, quòd Pelopomneſij in Olympiacis ipſum ſibilis deriderent, præſertim beneficiis à rege affecti, hoc ſermone Philippum extimulantibus ad vindictam: Quid igitur, inquiunt, futurum eſt ſi quid illis faciamus mali? Urbanè amicorum argumentū vertit in diuerſum: Si tam prauo ingenio ſunt, ut eos irrideant, qui de ipſis bene meriti ſunt: grauius nocebunt, ſi quis illos malefactis prouocet: Hoc non ſolū moderationis & clementiæ, verum etiam eximæ cuiuſdam magnanimitatis documentum fuit ingratorum, ſibi los regem negligere. Plut. in regum apoph.

Eiuſdem.

Quibuſdam Philippo Maced. conſulentibus ut cum Athenienſibus aſperius ageret: reſpondit, illos abſurde facere, qui homini cuncta ad gloriam tum agenti, tum patienti ſuaderent, ut gloriæ ſuæ theatrū abiiceret: ſignificans, ſeſe hoc agere, non ut Athenas euerteret, ſed ut ciuitati celeberrimæ doctiſſimorum virorū copia florēt ſuas virtutes probaret. Plut. in reg. apoph.

Alexandri Magni

Alexander cum Poro Indorū regi victo obtuliſſet, ſe daturū quicquid peteret: Porus cum ut regaliter tractaretur petiſſet, ſubridens Alexander, Faciam hoc, ait, non tua, ſed mea cauſa.

Non

Non ignorauit autem rex bellicosissimus, nil adeò decere ac ornare principem, quàm si clementia vtatur erga eos etià, quos nouit hostes fuisse atrocissimos. Bruso. lib. 3. cap. 13.

Dary.

Idem Alexander tantæ fuit clementiæ, vt Darius inuidens precaretur à Diis, vt aut superare posset clementia Alexandrū: aut si is regno spoliaretur, solus Alexander in Persarum regno imperaret. Bruso. lib. 3. cap. 13.

Porfense.

Porfena demiratus egregium animum Mutii Scæuolæ, qui iratus dextræ suæ quòd in stringendo ferro errasset, foculo impositam eam exuri passus est, dixit illi: Reuertere ad tuos Muti, eisq; refer, te, quum vitam meam petieris, à me vita donatum. Liuius.

M. Liuij.

M. Liuius fuso Hasdrubale, nonnullis suadentibus vt hostes ad internecionem insequeretur: Aliqui, inquit, & supersint, qui de victoria nostra nuncium hostibus perferat. Eras. 6. apoph.

Scipionis.

Scipio Maior dicere solebat, hosti non solum dandam viam fugiendi, verum etiam muniendam. Docens nequaquam sœniendum esse in eos, qui contra ferre arma destitissent. Eras. Rot. lib. 5. apoph. ex Plutarch.

Bibuli.

M. Bibulus cum in Syria duos egregiæ indolis filios amisisset, à Gabinianis militibus occisos, & horum interfectores Cleopatram ad illum victos misisset: vt in filiorum interfectores pro arbitrato suo animaduerneret: ille protinus intactos remisit ad Cleopatram. Eras. lib. 6. apoph.

Bruti.

M. Brutus, quum inter coniuratos deliberaretur, an vnà cum Cæsare occidendus esset Antonius: Brutus dissuasit dicens, Hoc negotium quod pro legibus ac iure susciperetur, oportere omni carere iniuria. Noluit vir optimus eadem in plureis proferri. At hæc dementia malè celsit illis. Plut. in Bruto.

Catonis.

Cato senior admonebat eos qui potentes essent, vt parcè vtentur sua potestate, quò semper vti possent. sentiens, potetiam clementia & comitate fieri diuturnam, ferocia breuem. Plut. in Roma. apoph.

Cicero

Ciceronis.

Quum Cæsar rerum potitus Pompeii statuas deiectas honorifice reposuisset: Cæsar, inquit Cicero, dum Pompeii statuas reponit, suas stabilit. sentiens, illum hoc non in Pompeii gratiâ facere, sed ut sibi clementiæ simulatione fauorem apud ciues conciliaret, atq; hoc pacto suum regnum constabiliret. Plut. in Roma. apoph.

Iulij Cæs.

Iulius Cæsar tanta clementia erga hostes & rebelles fuit, ut Marius non semel dixerit: Cæsar, qui apud te audent dicere, magnitudinem tuam ignorant: qui non audent, humanitatem & clementiam. Bruso. lib. 3. cap. 13.

Augusti Cæs.

Timagenes historiarum scriptor, multo petulanter in Cæsarem, multa in uxorem, multa in totam illius domum dixerat. Cæsar illum admonuit, ut moderatius lingua uteretur. Cum perseveraret malè loqui, nihil aliud quàm domo sua illi interdixit. Timagenes autem libros quos scripserat, acta Cæsaris continentes, recitauit, & combussit in odium Cæsaris, quasi rerum ab illo gestarum memoriam abolere cupiens. Hunc tamen palam & pertinaciter inimicitias exercentem cum Cæsare, nemo ciuium Romanorum ab ædibus suis exclusit: nam in domo Pollionis Asinii consenuit. Nunquam tamen Augustus cum hospite inimici expostulauit, nisi quòd quodam tempore illi dixit, *ὄχιον ποφῆς*: id est, alis bestiam siue viperam. Mox Pollionem parantem excusare se, interpellauit, dicens: Fruere mi Pollio, frue re. At cum Pollio nondum securus diceret: Si iubes Cæsar, proptinus illi interdiciam domo mea. An istud, inquit, Augustus, me facturum putas, qui vos redegerim in gratiam? Fuerat antea Timageni iratus Pollio, nec aliam habebat definendi causam, nisi quòd illi Cæsar irasci cœperat. Vtriusque maleuolentiam boni consuluit principis clementia. Eras. lib. 4. apoph. ex Sueton.

Eiusdem.

Lex erat, ut qui patrem occidisset, culeo insueretur: nec hæc poena sumebatur, nisi de confesso. Ab huius poenæ atrocitate Cæsar ut liberaret manifesti parricidii reum, sic interrogauit, Certè patrem tuum non occidisti: an fam porrigens inficiandi. Tanta erat principis in iudicando lenitas. Eras. 4. apoph. reg. ex Suetonio.

Eiusdem.

Iulij Caf.

Quidam è turba statuae Caſaris coronam lauream impoſuerat, candida faſcia præligatam: at quum tribuni detracta faſcia hominem in vincula duci iuſſiſſent, Caſar grauiter increpatos, eos poteſtate priuauit: idque ne regnum affectare videretur cauſatus eſt, per illos ſibi reſcandandi gloriam fuiſſe ademptam. Eraſ. lib. 4. apoph.

Auguſti.

Auguſtus Caſar clementiſſimus, quum populus Athenienſium videretur deliquiſſe quiddam, ſcripſit ex vrbe Aegina: Non arbitror vos latere, quod vobis irarcor, neque enim Aeginæ ſum hybernaturus. Nec aliud illis neque dixit, neque fecit: ſatis habens, illis comminatum eſſe, ni deſiſterent. Plut. in Roma. apoph,

Eiuſdem.

Quum quiſpiam ex Euclidir accuſatoribus affatim & ad ſatientem vſque dicendi libertate vtens, eò tandem proſectus eſſet, vt tale quiddam diceret, Hæc ſi tibi non videntur magna, iube vt mihi reddat ſeptimum Thucydidis librum. His offeſſus Caſar, iuſſit illum duci, cæterum vt audiuit illum ex Braſidæ poſteris reliquum eſſe, ad ſe venire iuſſit, ac moderatè correptum dimiſit. Idem eodem loco.

Eiuſdem.

Idem quum Alexandriam urbem munitiſſimam vi capiſſet, ſuggeſtum aſcendit, & adiuncto ſibi Ario Alexandrino, ad ciues deſperantes dixit, ſe ciuitati parcere, primū propter ipſius magnitudinem, deinde propter Alexandrum magnum conditorem eius vrſis, deinde propter Arium amicum optimum, cuius hæc patria eſſet. Raræ proſectò clementiæ fuit, non diripere ciuitatem, quæ tam pertinaciter rebellarat. Eraſ. in apop.

Eiuſdem.

Idem in villa quadam inquietas noctes agebat, interrompente ſomnos ipſius noctuæ cantu. Miles aucupii peritus curauit apprehendendam noctuam, ſpeque ingentis præmii ad Auguſtum pertulit, laudato Imperator mille nummum dari iuſſit. Ille auſus eſt dicere, Malo viuat: auemque dimiſit. Quis non miratur hanc contumaciam impunè ceſſiſſe militi? Eraſ. libr. 4. apoph. ex Suetonio.

Linia Auguſti.

Auguſtus quum iam quadrageſimum exceſſiſſet annū, ageretque

retque in Gallia, delatum est ad illum, L. Cinnam adolefcētem nobilem, ac Pompeii nepotem, insidias illi struere: dictum est vbi, quando, & quomodo aggredi vellent. Decreuerant enim sacrificantem interficere. Dictabatur proscriptionis sententia, sed Augusto interim varias edente voces, ingressa Liuia vxor: Fac, inquit, quod medici solent, qui vbi vsitata remedia non procedunt, tantant contraria: seueritate nihil adhuc profecisti, ignosce. Cinna deprehensus vitæ tuæ nocere non potest, famæ tuæ prodesse potest. Protinus iussit accersi solum ad colloquium: venienti alteram cathedram poni iussit. Hoc, inquit, Cinna primum abs te peto, ne me loquentem interpelles: dabitur tibi loquendi tempus. Hic commemoratis pluribus in Cinnam beneficiis, quod seruasset repertum in castris hostium, quod patrimonium omne concessisset, quod insuper ornasset sacerdotio: rogauit, quare putarit ipsum occidendum? perturbato Cinna, sic finiit obiurgationem: Vitam tibi Cinna iterum do, prius hosti, nunc insidiatori ac parricidæ. Ex hodierno die inter nos incipiat amicitia: contendamus, vtrum ego melior fide vitam tibi dederim, an tu mihi debeas. Et consulatum obtulit. Vis exitum? Cinnam habuit parperuò amicissimum, solus illi fuit hæres, nullis amplius insidiis ab illo petitus est. Suetonius in eius vita.

Augusti.

Aemilius Aelianus cum accusatus esset apud Augustum, quod malè loqueretur de Cæsare: Augustus respōdit nil aliud, quàm, Si malè loquitur, sciat me quoque linguam habere, plura enim loquar de eo vicissim. Mira Cæsaris clementia, qui maledicum pro suo iure immaniter tractare potuisset. Eras. lib. 4. apoph. ex Suetonio.

Eiusdem.

Tiberius cum ad Augustum scripsisset, quàm malè à quibusdam hominibus lingua insectaretur, respondit: Satis est, si hoc habemus, modò ne malefaciant nobis. Eras. ibidem, ex Suetonio.

Claudij imp.

Claudius Cæsar corruptelis adulteris que famosum nihil aliud quàm monuit, vt aut parcius ætarulæ indulgeret, aut certe cautius, addiditque: Quare enim ego scio, quam habeas amicam? ò cenforem grauem. Eras. lib. 6. apoph.

Neronis.

Quum ex amore cuiusdam capite damnati causæ subscrip-
rus

rus esset Sextus Nero: Vtinam, inquit, literas nescirem. Vox par simoniam humani sanguinis promittens, si ex animo prodisset. Seneca lib. de Clementia 2. refert, fuisse Burrum cohortium præfectum, qui quum esset animaduersurus in duos, petiit vt Nero subscriberet: qui cum contaretur & recrastinaret, Burrus instans protulit chartam, tum Nero: Vellem, inquit, nescire literas. At hæc indoles clementiam pollicens, in prodigiosam crudelitatem euasit. Eras. lib. 6. apoph.

Traiani.

Traianus imperator, qui Nerue successit, cum sua clementia & humanitate antecessores suos omnes superaret, amicis aliquando culpantibus, quod nimis clemens erga suos esset: respondit, Talem se imperatorem esse priuatis, quales esse sibi imperator priuatos optasset. Brus. lib. 3. cap. 4.

Vespasiani.

Titus Vespasianus Romanor. imperator, fratrem Domitianum insidias molientem, non est ultus, sed his verbis admonuit: Quid opus te parricidio petere, quod me volente obuenturum est, imò quod iam habes, imperii particeps? Haud temerè in Christiano reperias tantum mansuetudinis. Eras. lib. 8. apoph.

Antonini Pij.

Antoninus Pius Calsium senatorium virum occidi passus est, non iussit occidi, post etiam extinctum doluit, dicens: Voluisse se sine senatorio sanguine imperium transigere. Mira clementia in affectatorem imperii. Iulius Capit.

Hadriani.

Hadrianus imperator creatus adeò contempsit inimicos, vt vni quem habuerat capitalem, fortè obuio dixerit, Euasisti. Principibus in priuatis offensis debet esse satis, potuisse vlci-
sci. Dion.

Theodosij iunioris.

Theodosius iunior rogatus, cur neminem eorum à quibus lædebatur, supplicio capitis afficeret? respondit. Vtinam mihi liceret & mortuos ad vitam reuocare. Spieg. in lib. 2. cap. 47. P. normitæ de rebus gestis Alphonfi.

Eiusdem.

Theodosius iunior tam admirabili fuit ingenii lenitate, vt cum ab amicis rogaretur, quamobrem neminem eorum à quibus lædebatur, supplicio capitis afficeret? Vtinam, inquit, mihi liceret & mortuos ad vitam reuocare. Ad priuatas iniurias oportet principem esse facilem ad ignoscendum, in eos qui lædunt
Remp.

Remp. decet esse seuerum. Eras. lib. 8. apoph.

Eiusdem.

Idem cum in Amphitheatro Constantinopoleos sederet spectator, & populus damnatum efflagitans clamaret, Crudeli bestie artifex obiectus pugnet: compescuit immitem turbæ vocem, dicens: Nescitis, inquit, quod nos consueuimus clementer spectare inueniens, vbicunque adest princeps, illic oportere omnia mitius geri. Eras. lib. 8. apoph.

Aureliani Cæs.

Aurelianus imperator cum Tyanam venisset, eamque oculisam reperisset, iratus dixit, Canem in hoc oppido non relinqui. Hac voce milites erecti sunt in spem prædæ. Vrbe autem capta, militibusque ex Cæsaris promisso direptionem oppidi flagitantibus, respondit: Agite, canem me negaui relicturum, canes omnes occidite. Et sic suæ promissioni satisfecit, & clementer hostes suos tractauit. Recitat Flavius Vopiscus.

Galieni.

Quidam vxori Galieni iunioris gemmas vitreas pro veris vendiderat: re comperta mulier flagitauit vindictam. Cæsar iussit hominem corripi, quasi leoni obiecturus. Dein in caueam, dum impostor & populus expectat terribilem leonem, profluit capus. Cunctis rem tam ridiculam mirantibus, per curiosum dici iussit: Imposturam fecit, & passus est. Eadem opera se fellit impostorem, & irrisit vxorem. Trebellius Pollio.

Alexandri Seueri.

Alexander Seuerus Romanorū imp. quū eius improbātes humanitatē & clementiā, Mammea mater, vxorq; Mēmia, sepe dicerēt, Molliorē tibi potestātē & contemptibiliorē imperii fecisti: respondit, Sed securiorem & diuturniorē, Brus. lib. 3. cap. 13.

Eiusdem.

Quinius Camillus antiquæ familiæ senator, cum rebellionē moliretur, & tyrannidem affectaret, Alexander Seuerus Romanorum imperator hominis fraudes intellexit, Ad seque vocari iussit, & egit gratias, quod Reipub. curam sua sponte suscipere tentaret. Mox ad senatum processit, ac tanti sceleris conscientia trepidum, consortem imperii appellauit, in palatium recepit, ornamentis imperialibus & melioribus quā utebatur ipse; decorauit, profectionisque comitem adhibuit, Quinque imperator ipse pedibus iter faceret, inuitauit Quinium, & equo sedere iussit: denique mori paratū dimisit. Aelius Lampridius.

Rodol

Rodolphi impera.

Rodolphus imperator, cum post morum mutationem clementior suis fuisset, quam ab initio imperii, obiurgatus ob id: Seuerum, inquit, & immitem fuisse me aliquando pœnituit, lenem & placibilem nunquam. Aeneas Syluius lib. 2. commentationum de rebus gestis. Alphonfi.

Sigismundi Cas.

Sigismundus imperator eos reges demum in terris beatos esse, dicere solebat, qui eiectis ex aula sua hominibus superbis, viros mansuetudinis & misericordiæ cultores in curia assessores haberent. Vidit autem imperator, prudentis. principes natura interdum mansuetissimos, à suis assessoribus eò incitari, vt neglecta omni clementia, crudelitatem & tyrannidem suis ostendant, & animos suorum à natura promptos, in odium conuertant perniciosissimum: quo fit, vt principes, licet multis auxiliis & satellibus stipati, nunquam tamen metu & timore vacui existant. Aeneas Syluius de dictis Sigismundi impera.

Alphonfi regu.

Alphonfus Aragonum rex, cum argueretur aliquando, quòd nimis mitis ac lenis esset erga suos, vt qui nonnunquam etiam iis qui vel grauiter in ipsum deliquissent, ignosceret: Malo, inquit, multos mea clementia & mansuetudine seruare, quam paucos mea seueritate perdere. Panormi, libro 2. de Alphonfi rebus gestis.

Eiusdem.

Alphonfi regi cum quidam diceret, Caue ne tua hæc clementia ac lenitudo in perniciem cedat: Imo verò, inquit rex, multa mihi perferenda sunt, ne in inuidiam cadam. Panor. libro 2. de rebus gestis Alphonfi regis.

Eiusdem.

Idem Alphonfus dicere solebat, Qui nimis lenem & mansuetum principem quererentur, expectandum iis esse, vt vrsi, ac leones quandoque regnarent. Hominis sanè clementiam esse: beluarum autem, feritatem. Panormi, libro 2. de rebus gestis Alphonfi.

Eiusdem.

Cum ab amico admoneretur, ne malis & facinorosis hominibus adeò mitis esset: Malos beneuolentia & clementia interdum citius quam seueritate in viam virtutis reuocari posse, respondit. Cogitandum tamen, ad priuatas iniurias principem

facilem ad ignoscendum, in iis autem quæ lædunt rempub. seuerum esse oportere: ita tamen, vt non hominem, sed crimen ipsum infectari ac punire videatur, Panormi. de rebus gestis Alphonfi.

Eiusdem.

Interrogatus verò, cur erga omnes etiam malè meritos tam humanus ac mansuetus esset: respondit, se quidem iustitia bonis gratum esse, malis autem clementia, Panormi. lib. 2. de rebus gestis Alphonfi.

Eiusdem.

Frequenter etiam dicebat, nihil magis aduersariorum animos flectere, quàm placibilitatis & mansuetudinis nomen, Panormi. lib. 3. de rebus gestis Alphonfi.

Eiusdem.

Infrà de Hostibus non crudeliter tractandis.

Eiusdem.

Quum in obsidione Caietæ, susceptis impuberibus, senibus, omni que sexu bellis haudquaquam vtili, quos Caietani ob annonæ penuriam ciuitate expulerant: quidam Alphonso regi dixisset, Si tu hos non admisisses, Caietani paucis post diebus sese dedidissent. At ego, respondit rex, pluris facio eorum vitas, quàm Caietas centum. Facinus profecto regium & memorabile, ac diis immortalibus in primis gratum, acceptumque. Quam enim urbem per id tempus quadraginta fermè millium conatu capere nequisset, postea soluta ac diu desita iam obsidione, sine vi, sine armis, ea gratitudine in ditione redegit. Panor. lib. 1. de rebus gestis Alphonfi.

Eiusdem.

Cum verò contra Venetos ac Florentinos, potētissimos Italiæ populos, haud equidem iniuria bellum suscepisset, & iam Neapolî aduersus eos magna animi fiducia contendisset: Florentini primùm, mox Veneti oratores, in agro Pelignensium obuiam facti sunt, pacem ab armato perhumiliter postulantes. cuius conditiones cum audire cuperent, Alphonfus dixisse fertur: Se nullum aliud pacis datæ præcium existimasse, quàm hostes genibus aduolutos ad se, pacem dedisse. O clementiam omnibus principibus imitandam, & nostro hoc seculo inter potentes rarissimam. Panor. lib. 1. de rebus gestis Alphonfi.

His cognata pete ex titulis de Humanitate, Mansuetudine, atque Patientia iniuriæ.

De cognitione sui.

Thaletis.

Thales Milesius, percontanti quid esset difficile: Seipsum, inquit, nosse. Atqui hoc vulgus putat esse facillimum. Aliena rectius perspicimus quam nostra, & sibi quisque adulator est. Laertius lib. 1.

Chilonis.

Chilonis dictum est, Caue tibi ipsi. Fortasse legendum, Caue te ipsum, siue a te ipso, siue observa te ipsum. Nam Græce est, φυλάττω σε: ut admoneat, sibi quenque debere suspectum esse. Omnes sibi cauent, ab aliis: at frequenter nemo magis hostis est homini, quam homo sibi, dum libidinem, dum iram, dum ambitionem aliisque cupiditates adhibet in consilium. Demiror autem, quem autorem sequutus Ausonius, hæc illi ascribat. Laer. lib. 1. cap. 4. Stobæus ser. 19. Maxi. ser. 56.

Eiusdem.

Chilonis sapientissimi philosophi dictum erat, Nosse seipsum quenque debere: atque idcirco Apollini aureis literis sacratum fuit. Nam qui se rectè nosset, animam atque corpus ut æquum est diligeret: neque quod vni est impartendum, alteri præberet. Quod cum plerique perperam faciant, id nullius alterius culpæ est ascribendum, nisi quod nos ipsos, id est, humanam compactionem agnoscere nolumus. Fulgostus lib. 7. cap. 2.

Biantis.

Bias, ut homines ad sui cognitionem duceret, iubebat ut in speculo unusquisque suas actiones contempleretur, ut honestas magis ornaret, turpes verò emendaret. Stobæus ser. 19.

Heracliti.

Heraclitus iuuenis adhuc omnium sapientissimus esse indo iudicabatur, quòd rogatus quid sciret, respondisset, Sat scio quod nihil scio. Ex Aristonis scriptis recitat Stobæus sermo. 19. Antonius in Melissa, par. 1. ser. 59. Maximus ser. 56.

Diogenis.

Diogenes interrogatus quonam modo quis suimet præceptor fieri posset? respondit, si seipsum eis, quibus alios increpat, increpauerit. Stobæus ser. 1. Favor. 16.

Simonidis.

Simonides cum conuiuio quodam exciperetur, in quo Pausanias etiam erat, iussus aliquid de sapientia præceptis depro-

mere, statim dixisse ad Pausaniam fertur : Memento te hominem esse. Id autem Pausanias tunc temporis non magnopere curauit, captus iam superbia, eo quòd ad Medorum partes sese applicuisset : & elatus ob hospitii ius, quod ei cum rege intercedebat : forsitan etiam vino depulsus à sede rectæ rationis. Cum verò iam esset in Chalceæco, & cum fame luctaretur, iamque calamitosissimam omnium mortem ob oculos cernebat : tunc in mentem ei venit Simonidis, & magna voce exclamauit : O Cee hospes, magnum quiddā in tuo sermone inerat. Ego verò inani persuasione sum adductus, vt cum nullius momenti putarem. Alianus lib. 9. de Varia historia.

Theocriti.

Theocritus quærenti quare libros non scriberet, respondit : Quoniam vt libet non possum : vt verò possum, non libet. Stobæus ser. 19. ex Aristone.

Socrati.

Socrates dicebat, Sese nihil scire præter hoc vnicum, quòd nihil sciret : reliquos verò ne hoc quidem scire. Antonius in Melissa, parte 1. ser. 59.

Eiusdem.

Socrates roganti cur nihil scriptum ederet, respondit : Quia video chartam multo preciosiorem, quàm ea quæ scribenda forent. Ex Aristone recitat Stobæus, ser. 19.

Philemonis.

Philemon dicere solebat, homo cum sis, id fac semper intelligas. Stobæus, ser. 19.

Philippi Maced.

Philippus Macedonia rex cum in Chæronea Athenienses vicisset, animum elatum ratione compescuit : & ne quid post hac per contumeliam & fastum committeret, hoc instituit, vt quotidie in aurora excitaretur è somno, his verbis : Surge rex, & hominem te esse cogita. Ex Aeliano recitat Stobæus, sermone decimonono.

Alexandri Magni.

Alexander posteaquam ex diuturno morbo conualuit, nihilo se deterius affectum dixit. Admonuit enim nos (inquit) ægritudo, ne altum saperemus, vtpote mortales. Stob. ser. 19.

Placille.

Placilla Theodosii imperatoris vxor pientissima, subinde maritum admonere solebat, iam in Cæsarem euectum, vt se
olim

olim priuatum hominem fuisse cogitaret. Quem putabat præ cæteris ad Romanæ reipub: gubernacula assumptum, non vt ferocius superbiret, atque iam Deum se factum existimaret, vt alii: sed vt hominem se esse cogitans, variis cum subditis fragilitatibus obnoxium, ritè gubernaret imperium, tanquam Dei seruus. Nicephorus Callistus lib: 12. cap. 42.

De collega inutili.

Scipionis.

SCipio Aemylianus creatus censor, addito collega Mumio, viro magnæ quidem nobilitatis, sed vitæ dissolutionis, pro rostris dixit, se ex maiestate Reipublicæ omnia gesturum, siue ciues sibi dedissent collegam, siue non dedissent: innuens, satius fuisse non habere collegam censuræ, quam talem collegam. Val. Máximus lib. 6. cap. 4. Plin. de Viris illis. 58. & Brufonius lib. 4. cap. 4.

De coitu & venere.

Pythagora.

PYthagoras, insignis philosophus, ragatus si quodam, quando esset congregiendum cum fœmina? Cum voles, inquit, reipso fieri debilior. Multa Venus enervat hominem. Laetius lib. 8. cap. 1.

Eiusdem.

Idem dicere solebat, Ne sæpe homo ab homine. Hoc ænigmate, frequente venereorum vsu interdicens. Stobæus, ser. 15:

Aristotelis Cyren.

Aristoteles Cyrenæus philosophus interrogatus, an amor coitus gratia fieret? Neque eius gratia, dixit, neque sine eo. Stobæus sermone 61.

Lycurgi.

Lycurgus Lacedæmoniorum legislator, quodam admirante, quamobrem vetuisset sponsum cum sponsa simul dormire: sed statuisset, vt vterque cum suis æqualibus maximam diei partem versaretur, cumque his totas noctes quiesceret, cum sponsa verò furtim ac verecundè congrederetur: Primum, inquit, qd vt corporibus essent validi, si non vterentur congressu ad satietatem: dein, vt illis amor mutuus semper maneret

recens ac vicens: denique, vt fœtus ederent robustiores. Plutar.
in Lacon.

Alexandri Maced.

Alexander Mag: duabus potissimum rebus, quum Deus à multis prædicaretur, se quod mortalis esset, deprehendere dicebat, somno & coitu: quod hæc præcipue proderent, humani corporis imbecillitatem, ad cætera inuictus erat. Somnus enim mortis imago est, & coitus species est morbi comitialis. Plut. in Alexandro.

His cognata sunt, quæ in tit. de Amore inhonesto, Incontinentia, Libidine, &c. reperies.

De comitate.

Diogenis.

Diogenes Cynicus dicere solebat, manus non esse porrigendas amicis, complicatis digitis. Innuens, non satis esse, si comēs nōs præbeamus amicis: sed comitati comitem adiungendam benevolentiam, & benignitatem. Laert. lib. 6. & Eras. lib. 3. apoph.

Socratis.

Aeschines cum cuperet esse ex numero discipulorum Socratis, suamque apud præceptorem excusaret paupertatem, molestè ferens, quum alii Socratis amici multa subinde largirètur, se solum nihil posse: An non intelligis, inquit Socrates, quam magnum munus mihi dederis, nisi fortè te ipsum parui æstimas? Comiter suscepit discipulum egenum, & nihil mercedis postulat ab eo, quem pauperem esse nouerat. Laert.

Antalcide.

Antalcidas olim rogatus à quodam, quo pacto quis maxime placere possit hominibus? Si, inquit, loquatur illis iucundissime, præstet autem utilissima. Admonuit, in colloquiis adhibendam sermonis comitatem, in officiis præstandis spectandam utilitatem. Reprehendendi sunt, qui cum re sint fideles, tamen officium orationis asperitate corrumpunt. his peiores sunt, qui sermone benigni, re lædunt: pessimi verò, qui quum verbis molesti sunt, tum factis noxii. Plut. in apoph. Lacon.

Telecri.

Telecrus, fratri suo querenti, quod ciues erga se non perinde afficerentur, atque erga illum: sed inhumanius tractarèt, quod nondum ab illis esset creatus. Ephorus: Tu (inquit) extra omnē
comi

comitatem positus, iniuriam ferre nescis, ego autem scio: Sensit, comitatem plurimum posse ad conciliandum civium fauorem. Plutar. in Laconicis.

Artaxerxes.

Artaxerxes tam comis fuisse erga suos dicitur, ut ex his qui secum venabantur, qui possent & vellent, ante regem iaculum emitterent. Plut. in regum apoph.

Anonymi.

Quidam causam detulit ad oratorem: is negavit, ac detulit ad alterum qui recepit. At is qui detulerat, dicere solebat; sibi gratiorem fuisse orationem eius qui negarat, quam eius qui recepit: quod ille comiter recusasset, hic gravitate & inamœno vultu recepisset. Eras. lib. 3. apoph.

Cotta.

C. Cotta dicebat se operam suam, in eo quod non contra officium peteretur, solere polliceri omnibus: sed impartire illis tantum, apud quos optime poni arbitraretur. Meminit Cicero ad Quintum fratrem, de petitione consulatus.

Traiani imp.

Traianus Romanorum imperator, amicis incusantibus; quod parum memor imperatoris maiestatis, nimium esset omnibus expositus, respondit: Talem prestabo me imperatorem privatis, qualem optarem ipse privatus. Eras. Rot. lib. 8. apoph. Brusi lib. 3. cap. 4.

De commendatione.

Agésilai.

Quidam petiit ab Agésilao, ut se scriptis ad hospites & amicos suos Asiaticos literis commendaret, quo apud illos ius suum consequeretur, respondit: Nihil esse opus literis commendatitiis. Nam mei, inquit, hospites sua sponte quæ iusta sunt faciunt, etiam si illis non scripsero. Apud bonos in bona causa superuacua est commendatio, quum ipsa res impetret quod precibus exoraretur. Plut. in Laconicis apoph.

Augusti Cæs.

Augustus filios suos nunquam populo commendavit, nisi cum hac exceptione: Si merebuntur. Honorem non auctoritati; sed meritis tribui volens. Eras. lib. 4. apoph. ex Sueton:

Antonini Pij.

Antoninus Pius rogatus cui filium commendaret, Vobis, in-

quit, si promeretur, & diis immortalibus. Fauorem noluit suæ autoritati tribui, sed filii meritis. Iulius Capitolinus.

De comœdiæ libertate.

Cratetis.

CRates Thebanus cum filium Pasiclem in meretricis domum perduxisset, dixit: Hoc tibi est patrium coniugium. Nam mœchi Tragici præmia referunt exilia ac cædes: Comici autem scortatores ex luxu & temulētia lucrifaciunt infaniam. Sensit homo ethnicus, quasi tragicam esse rem adulteriū: propterea quod plerunque crudelis sit eius exitus. Scortari autem esse comicum. scortatio enim non mortis damnatur supplicio: nihilominus tamen, qui depereunt in meretricem, in comœdiis inducuntur insanis similes. Factum hoc extat apud Laert. lib. 6. cap. 5.

Socratis.

Socrates quum in Aristophanis comœdia, cui titulus Nubulæ, multis & acerbis conuiciis proscinderetur, & adstantium quidam diceret, Non hæc iniquo fers animo Socrates? Non per Iouē, inquit, agrè fero, si in theatro, perinde vt in magno conuiuio, salibus mordeor. Mos hic etiamnum durat apud quosdā Germanos, vt in celebribus cōuiujs adhibeatur dicax aliquis, qui in conuiuas iaciat scommata: quibus commoueri, vehementer inciuile habetur. Eras. lib. 3. apoph.

Xenocratis.

Xenocrates Chalcedonius à Bione dictis lacepsitus, Nō sum, inquit, tibi responurus. neque enim tragœdia, quum à comœdia taxatur, dignatur eam responso. Nota est veteris comœdiæ licentia, in qua multa scommata iaciuntur & in ipsos poetas, & fabularum personas: at tragœdia non dignatur vicissim humiles personas attingere. Laer. lib. 4. cap. 2.

Laconum.

Lacones comœdias & tragœdias non audiebant, vt nec serio nec ioco quicquam audirent repugnans legibus. Leges enim prohibent stupra, incestum & adulteria: prohibent dolos, iniurias, furta, cæteraque flagitia: at in fabulis talia poetæ diis asserunt. Nec placuit illis quorundam excusatio, fabulas ad voluptatem fingi, non ad fidem veri. Voluptas ea corrumpit imbecillum animos. Hanc ob causam Archilochum poetam cum venisset in Lacedæmonem, eadem hora expulerunt, quod intel-

rellexerant ab illo scriptum, satius esse abiicere arma quam mori. Carmen sic habet:

Sento aliquis gaudet Saiorum, quod bene pulchrum

Deferui nolens inter opaca rubi.

Ille quidem clypeus valeat, quoniam mihi posthac

Illo haud deterior forsitan obuoniet. Plutar. in Laco.

De compatiencia.

Antonini Veri.

M.Antoninus Verus, Romanorum imperator, dicere solebat, inhumanum planè esse, humanis casibus & calamitatibus non ingemiscere. Innuens, eos ab hominum natura alienissimos esse, qui aliorum miseriis non afficiuntur, ac instar lapidum in aduersis amici rebus stant immoti. Capitolinus.

Anonymi.

Quidam deciderat in puteum profundum. eum quum vidisset quispiam, commiserans hominem, dixit: Miser, quomodo in puteum decidisti? Tum ille, Quid refert, quomodo inciderim? hoc potius age, vt hinc possim educi. Refertur à diuo Aurelio Augusto.

De concordia.

Antisthenis.

Fratrum inter se concordiam dixit Antisthenes quouis muro firmitus munimentum. Id dictum & ad ciuium concordiam accommodari potest. Laer. lib. 6. cap. 1.

Melanthi.

Quum Gorgias sophista recitaret in Olympiacis ludis apud Græcos orationem de concordia, Melanthus quidam, Hic, inquit, de concordia totius Græciæ differit, qui sibi, vxori, & ancilla, tribus duntaxat, vt concorditer viuant nondum persuasit. Eras. 6. apoph.

Pythonis Byzanti.

Pytho rhetor Byzantius, quum esset supra modum obeso corpore, prodissetque in concionem suafurus concordiam Byzantiis, seditione ciuili tumultuantibus, statim populi risus obortus est ex ipsu corporis habitu. At ille risum vertit in rem seriam: Ridetis, inquit, ciues? Quum tale corpus habeam, vxorem habeo multo me obefiorem, & tamen concordēs quoduis grabbatulum capit ambos, discordes ne tota quidem domus.

Hoc proœmio vñus, ingressus est orationem. Erasmus lib. 6. apophtheg.

Leonis Byzanti.

Leo Byzantius sophista venit Athenas populo dissidiis tumultuanti concordiam suasurus: vbi prodisset in suggestum, corpore admodum pusillo, omnium risus obortus est. Ille fortuitam occasionem vertens in proœmium: Quid, inquit, ô viri Athenienses, si conspiceretis vxorem meam? quæ tam pusilla est vt vix pertingat ad genua mea. Ad hanc vocem quum maior etiam populi risus sublatus esset, subiecit, At nos tam pusillos, si quando dissidemus, vix ciuitas Byzantium capere potest. Ita fermè Plutarchus in præceptis politicis. Sed eandem fabulam multo aliter narrat Philostratus in Sophistis. Nempe quum prodisset ad populum, dicturus de concordia, ipsa statim specierisum mouit populo, quòd obesus esset, ac ventre prægrandi. At ille nihil turbatus risu multitudinis, Quid, inquit, ridetis viri Athenienses: Vxor mihi est me multo obesior, & tamen cõcordes vnus capit lectulus, discordes ne tora quidem domus. Quod refert Philostratus, & probabilius est & festiuus.

Isai sophista.

Lacedæmonii cum periclitarentur, ac de ciuitate mœnibus cingenda consultarent, Homericum carmen recitauit Isæus sophista:

Scutum hastæ scuto, galea galea, atque viro vir.

Et adiecit, Sic mihi state Lacedæmonii, & muris cincti sumus. Recitatur à Philostrato in Sophistis.

Archidami.

Archidamus à duobus inter se dissidentibus delectus arbiter, ambos duxit in lucum Mineræ, cognomento Chalcicæ sacrum: ibi exegit ab illis iniurandum, vt starent arbitri iudicio. id vbi iurassent: Pronuncio, inquit, ne prius hunc locum exeat, quàm quod inter vos est dissidii deponatur; & inuicem reconciliemini. Reperit vir ingeniosus, quo pacto fieret, vt nec ambos offenderet recusato arbitrio: nec alterum è duobus alienaret, si pro altero contra alterum tulisset sententiam. Apud Lacedæmonios autem nefas erat fallere, quicquid in Mineræ templo promissum esset. Plutar. in Laco.

Agefilai.

Agefilaus Lacedæmoniorum rex, cum à quodam percontaretur, quam ob causam Sparta non mœnibus cingeretur: ostendit ei

die ciues armatos & vnanimis: Hi, inquit, sunt Spartæ ciuitatis mœnia. significans, Respubli. nullo munimento tutiores esse, quàm virtute ciuium consentientium. Plutar. in apoph. Lacon. Eras. lib. i. apoph.

Eiusdem

Similiter cum alius quidam interrogasset hoc ipsum: Ciuitatem non saxi lignisve, sed pro vallis ac mœnibus, incolentiū virtute muniri oportere, ait: quos si iungit concordia, nullus potest esse murus inēxpugnabilior. Plut. in Lacon. apoph.

Callicratida.

Callicratidas classis præfectus, cum ad Cyrum regem mitteretur, vt pecunias belli exigeret, & ter à rege bibulo non admitteretur: discessit, iurauitque, apud cōmites, vt primum Spartam rediisset, nihil non facturum, vt Græcos inter se conciliaret, quo barbaris fierent magis formidabiles, desinerentque illius regis viribus inter se pugnantēs egere. Singularis profectō fuit prudentiæ vir, quod perspexit, Græcos non alia magis ratione posse reddi barbaris formidabiles, quàm si depositis intestinis simultatibus, mutuam inter se concordiam sancirent. Plut. in Lacon. apoph.

Agésilus,

Agésilus Pausaniæ filius, cum Athenienses querimōiarum, quas cum ipso mutuas habebant, arbitram delegissent Megarensium ciuitatem, quæ controuersiam inter eos componeret: Turpe, inquit, si Megarenses melius norunt quid iustum sit, quàm hi qui se Græcorum duces ac rectores præstitissent. Megarenses apud Græcos malè audiebant, de quibus iactatum est, quod neque primi essent, neque secundi, neque tertii, neque quarti, neque vilo in numero: quum Athenienses pleræque Græciæ imperarent. Ab ipsis igitur quibus cum litem habebat, rex volebat finire dissidium: simul declarans, & quam suæ fideret causæ, & quam aduersariis non diffideret: malens clarissimæ ciuitatis iudicio vinci, quàm Megarensium arbitrio vincere. Plut. in Lacon. apoph.

Lycurgi.

Lycurgus Lacedæmoniorum legislator, cum agros inter ciues diuisisset, & post longum tempus ex peregrinatione venies, in agris Lacedæmoniorum fortè manipulorum aceruos in messe conspexisset ordine positos, ridens ad eos qui aderant, dixisse

dixisse fertur: Vt tota Lacedæmon videtur multorum esse fratrum, qui nuper inter se diuiserunt hæreditatem. Bono principi nil iucundius erat, quàm suorum ciuium concordia. Plut. in Lacon. apoph.

Eiusdem.

Idem Lacedæmoniorum rex, ad ciues suos qui scripserant, quo pacto hostium impetum repellere possent: Si pauperes, ait, manseritis, & contentiones mutuas deponetis. Complexus est autem vnico quasi verbo, vir sapientissimus, quid ciuitatibus exitium potissimum pariat: immodicæ videlicet diuitiæ, ac omnis concordia neglectus. Brusonius lib. 2. cap. 4.

Demetrii.

Demetrius, quum aliquando à venatione rediret, ad patrem legationē iam audientē, succinctus vt erat tolis, accessit, eumq; osculatus confedit: Hæc, inquit, concordia regni nostri tutissimum erit præsidium. Discedentibus itaque legatis, Renuncia te, inquit Antigonus, o viri talem amorem, animique pietatē, qualem vidistis. Bruson. lib. 2. cap. 4.

Sciluri.

Scilurus octoginta liberos masculos habens, quum esset moriturus, fasciculum iaculorum singulis porrexit, iussitq; rumperere. Id quum singuli recusassent, eo quod videretur impossibile, ipse singula iacula exemit, atque ita faciliè confregit omnia, filios admonens his verbis: Si concordēs eritis, validi inuictiq; manebitis: contrā, si dissidiis & seditione distrahemini, imbecillēs eritis, & expugnati faciles. Non potuit Scythia magis Scythicè rem ob oculos ponere. Plutarchus in regum & imperatorum apoph. Stob. ser. 82.

Themistoclis.

Quum Xerxes expugnatis Thermopylis crudeliter trasset Astum, & hac fama perterriti clasiarii cogitarent de repetenda domo, idque plerique suaderent: solus Themistocles obstitit, dicens eos vniuersos hostibus fore pares, dispersos verò perituros. Ita Probus Aemilius.

Anonymi.

Chii aliquando cum grauiſſimo seditionis morbo laborantes, tumultum inter se excitarent: quidam inter illos homo natura ciuilis & pacis amans, ad eos qui omnes amicorum suorum aduersarios ex vrbe volebant eicere: Nequaquam, inquit, sed cum victoriam obtinuerimus, relinquamus aliquos, ne procedente

dente tempore non habentes aduersarios, nobis ipsis bellum in feramus. Atque hoc dicto persuasit, vnitatem & cōcordiam in Repub. retinendam esse. Aelianus lib. 14. de Varia historia.

Tyresij.

Scipio Africanus quum Numantinos sæpe victores iam fregisset, obsessosque tandem expugnasset: Tyresium principem Celticum rogauit, qua de causa Numantia aut prius inuicta, aut post euersa fuisset? respondit Tyresius, Concordia victoriā, discordia exitium præbuit. Brufon. lib. 2. cap. 4.

Mycipsæ.

Mycipsa apud Salustium, iam iam moriturus, filios suos paterno monet affectu, vt concordēs sint, aureis semper literis scribendam sententiam addens: Concordia enim parua res crescunt, discordia autem maximæ dilabuntur. Salust.

Seueri imp.

Seuerus Romanorum imperator, in grauissimum morbum incidens, posteaquam vitæ suæ finem instare animaduertit, ad se vocauit Marcum Antoninum & Getam filios, à quibus quid vellet percontatus: Facite, inquit, vt conueniat inter vos, locupletate milites, cæteros omnes contemnite. Sciebat enim, filios regni cupidissimos post mortem de successione disceptaturos: & nisi militum animos pecunia flecterent, penitus interituros esse. Dion Nicæus, & Xiphilinus in vita Seueri.

Iouani imp.

Iouianus Romanorum imperator, cum sollicitaretur vt responsum daret Macedonianis supplicantibus, Odi, respondit, omne contentionis genus: concordiam autem vnice amplector & amo. Nicephorus Callistus lib. 10. cap. 40. Eccles. hist.

De confessione.

Lyfandri.

LYfander in Samothracia oraculum petens, iussus est à sacerdote dicere, quid deterrimum in vita egisset. Ipse quoque sacerdotem rogauit, vtrum iussu suo, an deorum, facere oporteret? At illo dicente, deorum. Tu igitur, inquit, mihi concede, vt illis, si percontentur, dicam. Brufonius lib. 2. cap. 13. ex Plutarch. in Laconicis.

Antalcida.

Antalcidas interrogatus à sacrorum ministro, quibus rebus per omnem ætatem operam dedisset? Non opus est, inquit, vt tibi

tibi hoc dicam: sed si quid malè egi, Diis nequaquam incognitum est. Plut. in Lacon.

Laconis.

Sacerdos quidam Laconem initiaturus, rogabat in quibus ab ineunte ætate potissimū peccasset? At ille. Hoc, inquit, Deos nequaquam later. Verū cum magis vrgeret responsum, Lacon rogauit etiam, Num hoc sacerdoti vel diis ipsis dicendum esset? Quom respondisset, Diis: Tu igitur secede parum, inquit, ne audias, Diis dicturus eram. Plut. in Lacon.

De coniugio & matrimonio.

Cratetis.

Hipparchia Metroclis soror adamauit Cratetem, apud parentes minitans se sibi conscituram necem, ni philosopho nuberet. Ab hoc affectu quum nec parentum verbis, nec Cratetis adamati suasu reuocari posset: Crates surgens, detracto pallio nudauit tergum gibbo deformatum: Ne quis circumueniatur, inquit, hic est sponsus: & proiecto baculo & pera, Hæc, inquit, dos est. Super his delibera, neque enim mihi coniunx esse poterit, nisi cui placeat idem institutū. Quum accepisset conditionem puella, mox substrato pallio cum illa congressus est, parentibus adstantibus. Itaque consummatum est Cynicū matrimonium. Laert. lib. 6. cap. 7.

Antisthenis.

Quidam censebat sapienti non esse ducendam vxorem, sed Antisthenes contrā, censebat ducendam esse: at non voluptatis, sed liberorum gratia. Debetur hoc naturæ, & patriæ. Sed cum optima indole præditis congregietur, vt ex bonis nascentur boni. Quin & amabit maritus vxorem, non vulgari more, sed iudicio, is enim verè & constanter amat, qui iudicio amat. At sapiens optimè diiudicabit, quæ sint amore dignæ: aduersus eos qui vxores se iactant habere pro matulis. Recitat Eras, Rot. li. 7. apoph. ex Laert. lib. 6. cap. 1.

Charilai.

Charilaus percontanti quamobrem Lacedæmonii virgines nudas producerent in publicum, vxores verò tectas: Quoniam, inquit, virginibus mariti sunt inueniendi, vxores verò seruandæ iis qui eas nacti sunt. Huc spectabat ea consuetudo, vt nec puellis deessent mariti, nec contaminarentur matrimonia præter aliarum gentium consuetudinem, vbi virgines videri nefas est,

est, vxores oculis hominum exponuntur. Plut.

Anonymi.

Ciues qui à nuptiis abhorrent, cœlibesque viuere mallēt, à spectaculis quibus nudi pueri incedebant, arcebat Lycurgus, aliasque addebat ignominias: hac arte prouidens diligenter, vt ciues creandis liberis operam darent. Quum enim mos esset apud La cedamonios, vt iuniores senioribus multum honorem cultumque præstarent, hoc honoris ademit iis, qui coniugibus ductis nollent augere ciuium numerum. Vnde nec illud in Dercyllidam dictum reprehendit quisquam, quum tamē belli dux esset probatissimus. Cum enim aduenienti iuuenis quidam nō assurgeret, atque ille diceret, Non mihi assurgens celsisti? Nec tu, inquit, mihi cessurum genuisti. Tam procax iuuenis dictum in seniore, eumque bellica laude celebrem, nunquam tulisset populus Spartanus, nisi pro pessimis ciuibz habuisset eos, qui sponte steriles esse statuissent, nec agnoscerent quid patriæ deberent. Nam rem propius intuentibus, non ita magnum discrimen est inter eum qui ciuem occidit, & qui ciuem Reipublicæ dare quum possit recusat. Plut. in Laconicis.

Lycurgi.

Lycurgus quum certum tempus præscripsisset quo puellæ nubere, iuuenes ducere deberent. interrogatus quur id statuendum putarit, Vt, inquit, soboles ex adultis perfectæque ætatis parentibus nata, valida sit & vegeza. Ex coitu præpropereo non solum læduntur corpora gignentium, verum etiam proles nascitur imbecilla. Tum qui ante tempus dant operam liberis, carent apud illos autoritate, quam ætas conciliat: rursus qui ver gente iam etate, nec fruuntur liberis suis, nec eos possunt ad perfectam institutionem perducere, morte senioque præuenti. Plut. in Laconicis.

Leonida.

Leonidas Anaxandridæ filius, & Cleomenis frater, cum ad bellum contra Persas proficisceretur, Gorgoni vxori suæ interroganti quidnam mandare velleret? Nihil aliud quam vt nubas, inquit, & bonos liberos parias. Quo dictorio primum ostendit, in eo prælio se periturum: deinde suadet vxori ne vidua maneat, sed nubat, filios pariat. Plutarchus in Laconicis apoph.

Antianira.

Antianira Amazonum regina, demirantibus quodd nupsisset claudio, satis Cynicè respondit, ἀπὶ τὰ χυλὴς οἶσθ, id est, claudus optime

optimè virum agit, Sensit, maritum adhibendum non ad oculo-
rum oblectamenta, sed ad vsum coniugii. Feruntur autem clau-
di salaciores esse cæteris, & ob id ad gignendam prolem magis
accommodi. Eras. lib. 9. apoph.

Huc refer titulos de vxore ducenda, & non ducenda, &c.

De coniugali amore.

Thesca.

Thesca Dionysii soror, nupta Polyxeno, posteaquam mari-
tus metu tyranni pro fugerat, & rex sororem accusaret,
quodd conscia fugæ mariti non indicasset: Adeone, inquit, Diô-
nyssi, me vilem abiectique animi fœminam iudicas, vt si sensis-
sem illum moliri fugam, non me illi nauigationis & omnium
fortunarum comitem additura fuerim? Eras. 5. apoph.

Pauli Aemylj.

Paulo Aemyljo vxor erat Papyria. Mafonis viri consularis
filia, quam cum longo tempore domi habuisset, ex quæ ea pul-
cherrimam sobolem sustulisset, inclytum illum ac maximum
Scipionem Aemilianum, repudiauit: & amicis diuortium ve-
hementer dissuadentibus, porrexit calceum, dicēs: Hic calceus
nōne nouus est, nōne pulcher est: at nemo vestrū nouit quā
pedem meum torqueat. Repudiauit certas quasdam ob causas
vxorem suam, quam tamen adeo amauit, vt diuortii causam di-
cere noluerit. Plutarchus in eius vita.

Catonis.

Hortensius à Catone petiit, vt Portiam filiam suam, Bibulo
nuptam, sibi traderet in matrimonium, pollicēs se marito red-
diturum, simulatque ex ea prolem suscepisset. Id cum multis ra-
tionibus illi persuasisset, Cato respondit: se, quod ad ipsum at-
tineret, libenter gratificaturum amico, verū hoc non audere
à Bibulo petere. Tum Hortensius nudans animum suum, petiit
Martiam, ipsius Catonis vxorem. Iam tēnim sibi Cato ademerat
mariti prætextum. Assensus est Cato, vt id fieret volente patre
coniugis. Ipsoque Catone præsentē facta sūt sponsalia. Eras.
lib. 5. apoph.

Portia.

Bruti vxor Portia, Catonis filia, posteaquam sensit conspi-
ratum de Cæsare interficiendo, ea nocte quæ præcessit diem in
quo Cæsar occisus est, egresso cubiculum Bruto, cultellum ton-
sorium

forium velut vnguium refecandorum gratia poposcit, eoque quasi fortè de manibus elapso, seipsam grauitè vulnerauit. Mox Brutus clamore ancillarum in cubiculum reuocatus, obiurgare eam cœpit, quod tonsoris præripuisset officium. Hic illa clam marito: Non hoc, inquit, temerè feci: nam experiri volui, si quod cõstitutum est, parum celsèrit ex sententia, quam æquo animo me ferro sum peremptura, Plut.

Iulij Cæsari.

Iulius Cæsar Pompeiam vxorem, quod sinistra fama laboraret, quasi cum Clodio rem habuisset, repudiavit quidem. Cæterum cum Clodius hoc nomine reus perageretur, Cæsar citatus testis, nihil mali de vxore dixit. At cum accusator diceret, Cur igitur cum illa fecisti diuortium? Quoniam oportet, inquit, Cæsaris vxorem etiam à calumnia puram esse. Præter argutiam responsi, laudari potest & ciuilitas, quæ repudiata coniugis famæ pepercit. Plut. in Ro. apoph.

De coniugali pudicitia, consule titulum de Pudicitia.

De coniugii molestiis.

Pitaci.

Pitaci dictum est illud *πολυβόλωντος*, Aequalem ducito: quum ipse domi haberet opulentiorè, ac proinde morosam & imperiosam. id latius explicat in Chiliadibus Eras.

Antisthenis.

Antisthenes adolescenti consulenti, cuiusmodi vxorem ducere expediret: Si formosam duxeris, inquit, habebis communem: si deformem, habebis poenam. Suasit, ducendam esse vxorem, quæ nec fastidium viro moueret, ob deformitatem: nec ob insignem formam peteretur ab adulteris. Tribuit autem Gellius hoc dictum Bianti, sed Laert. lib. 6. cap. 1. Antistheni.

Demonactis.

Demonax Epicteto cynico suadenti, vt vxore ducta, daret operam liberis: neque enim id indignum esse philosopho: Da mihi, inquit, igitur vnam è filiabus tuis. Notans illum ineptè suadere alteri, quod ipse non faceret. Eras. lib. 8. apoph.

Catonis.

Narratur illud Catonis dictum, Si sine vxoribus mundus esse possit, vita nostra non esset absque diis. Sensit, felicissimam hominum vitam fore, si datum esset à coniugio liberos viuere. Sed vt idem ait apud A. Gellium, cum illis incommodè viuimus.

tur, sed sine illis omnino non uiuitur, ut meritò dici possit
vxoꝛ necessarium malum. Eras. lib. 8. apoph.

Alphonsi.

Alphonsus Aragonum rex dicere solebat, ita demum matrimo-
nium tranquille, citraque querimonias exigi posse, si ma-
ritus surdus fiat, vxor cæca. innuens, opinor, scemineum genus
obnoxium esse zelotypiæ, atque hinc oriri rixas & querimo-
nias: rursus maritis permolestam esse vxorum garrulitatem:
qua molestia cariturus sit, si fiat surdus: nec illa vexabitur adul-
terii suspitione, si careat oculis. Eras. lib. 8. apoph.

Vide titulum de vxore non ducenda.

De coniugio iterato.

Syri.

P Syrus cum improbè Neptunum accusare dicebat, qui se-
mel ex naufragio liberatus, iterum mari se credit. Trans-
fertur autem ad eum, qui secundam ducit vxorem. Brusonius
lib. 4. cap. 25.

Ciuilia.

Matri suæ præter ætatem nubere cupienti, Ciuilia inquit,
O mater, iura violari possunt, naturæ ius nequaquam. Signifi-
cans, contra naturam esse, si vetula, quæ iam parere non potest,
nubat. At hodie nubunt septuagenariæ. Plut. in Regum apoph.
& Brusonius lib. 4. cap. 1.

Annia.

Annia cum ab amicis adhortaretur, ut post defunctum prio-
rem maritum, alteri nuberet, cum ætas sit & integra, & forma
præstantissima adhuc: quorum alterum præberet spem prolis,
alterum promitteret amorem murum: nullo, inquit, pacto
hoc factura sum. si enim bono viro nupsero, nolo posthac ti-
mere ne amittam: sin verò malo, quæ me caperet dementia, ut
post optimum tantum admitterem? Recitat Eras. lib. 8. apoph.

Valeria.

Valeria Messalarum soror, cum à quodam rogaretur quam
ob rem defuncto Seruio marito, nulli posthac nubere veller?
Ideo, inquit, hoc facio, quia Seruius meus, licet aliis defunctus
sit, apud me uiuit, uiuêque semper. Eras. lib. 8. apoph.

Martia.

Martia Catonis filia minor interrogata, quam ob causam
post mariti mortem, alio se copulare viro renueret? Respondit,

Quia

Quia non virum facile inuenero, qui me magis velit, quàm mea. Noluì probare castissima matrona, hoc cõiugium, quod mutuo careret amore. Quæ dotis enim causa nubit viro, concubinum verius quàm maritum habebit. Eras. 8. apoph.

Portia.

Portia minor, quum laudaretur apud eam mulier quædam vt bene morata, quæ tamen iterarat matrimonium: Felix, inquit, ac pudica matrona non nubit nisi semel. Non passa est. Illam inter bene moratas numerari, quæ citra necessitatem ascisceret alterum virum. Nam multas huc cogit egestas. Porro coitus gratia nubere, est non verè pudicarum. Eoque dixit, Felix, excusans necessitatem. Eras. lib. 8. apoph.

Eiusdem.

Eadem cum diutius lugeret maritum, rogata quem esset habitura diem luctus vltimum: respondit, Quem & vitæ. Sic illa Ethnica, magno sanè cum dedecore plurimarum Christianarum, quæ viro nondum elato iam nupserunt. Idem.

Barbara Imperatricis.

Barbara, quæ Sigismundi Cæsaris vxor, & eo fatis functo vidua superstitit, cum sibi diceret aliquis, imitandum turturis exemplum, quæ mortuo marito, perpetuam castitatem seruaret: Si me, inquit, ratione carentes imitari volucres iubes, cur non columbas potius, passerésque proponis? Aen. Syl. de dictis Sigismundi & Friderici imp. Vide tit. de Secundis nuptiis.

Conscientia bona.

Chilonis.

CHilon iam grandæuus dicebat, se sibi nullius facti conscium esse, cuius poeniteret, vno excepto: quòd cum esset ascitus arbiter, vt inter duos amicos finiret controuersiam, nec quicquam vellet aduersus leges facere, persuasit alteri amico, vt ad alios deferret arbitrium. Hoc pacto & legem seruauit, & amicum. Hic scrupulus nõ nihil mouebat senis animum, quòd perfectæ virtutis fuisset, nullo metu à regula legum deflectere: nec illius amicitiam magnifacere, qui ob sententiam secundum leges, non secundum ipsum datam, desineret amicus esse. Quid illa sanctius anima, qui per omnem vitam, quæ illa longa contigit, hoc tantum criminis admisit: Laertius.

Biantis.

Bias interrogatus, quānam res in vita metu careret? Bona conscientia, respondit; Stobæus ser. 22. Antonius in Melissa, par. 1, ser. 66. Maximus ser. 24.

Periandri.

Periander percontatus, quid in minimo esset maximum? Respondit, Bona mens in corpore humano. Stobæus sermone 1, de Prudentia.

Eiusdem.

Idem interrogatus, quid esset libertas? Recta conscientia, dixit. Stobæus ser. 22.

Socratis.

Socrates rogatus, quānam tranquillè viuerent? Illi, inquit, qui nullius absurditatis sibi conscii sunt. Stobæus ser. 22. Antonius in Melissa, parte 2, ser. 77.

Pericli.

Pericles moriturus hoc nomine sibi gratulabatur, quòd ipsius causa nullus Atheniensium pullam vestem induisset: significans, se nulli causam mortis fuisse, nec ulli diem ab ipso capitis dictum. Pullati sunt, qui mortuum lugent: & olim capitis reum amici pullati pullatum comitabantur. Plutarchus in Græc. apoph.

Isocratis.

Isocrates dicebat, omnino non sperandum esse, si quid turpe feceris, te latiturum. Quauis enim lateas alios, tute tamen tibi malè conscius eris. Stobæus ser. 22.

Eiusdem.

Idem dicebat, nihil celandum esse prorsus illorum, quæ quis possidet, aut facit, aut facturus est. Siquidem circa res latentes necessario multum timoris & metus contingit, Stobæus sermone 22.

Agidis.

Agis, ultimus huius nominis Lacedæmoniorum rex, cum ab Ephoro interrogaretur, num etiam poeniteret eorum quæ gessisset? impauide respondit: Nequaquā poenitet, cum sciam, me prudentem cū honestate semper coniunxisse, nullam enim aliam ob causam nunc ad supplicium mortis ducor. Quo dicitario ostendere voluit suam innocentiam, & benefacti conscientiam, etiam in ipsa morte. Plut. in Lacon. apoph.

Eiusdem.

Idem cum captus & condemnatus ab Ephoris, duceretur ad mortis

mortis supplicium, vidit quendam misericordia motum eius fortunam flere. cui ait : Noli flere propter me, quia præter ius & æquum ad dirum hoc supplicium ducor, meliorque sum iis qui ad mortem me damnarunt. Quo dicto ostendit, eos bene mori, & honestè, qui contra fas, & omne ius suppliciis afficiuntur. Plut. in Lacon. apoph.

Iulij Drusi.

Iulij Drusi ædes Publicolæ pluribus ex partibus patebant vicinorum prospectui. Hoc incommodum faber se quinque talentis correcturum pollicebatur, effecturumque ne pars aliqua esset obnoxia prospectui. Tum Drusus: Decem, inquit, dabo, si talem reddas domum meam, ut vñdiquaque pateat omnium oculis, quò non vicini tantum, sed omnes ciues perspicere possint, quomodo domi meæ viuatur. Eras. lib. 6. apoph.

Pertinacis impera.

Pertinax Romanorum imperator ab amicis admonitus, ut prætorianorum militum insidias effugeret, qui iam conabantur imperatorem de vita tollere: Respondit, se nequaquam male sibi conscium esse: idèòque non opus esse, ut contra imperatoriam maiestatem, atque anteaactam vitam, latebris aut fuga consulat vitæ suæ. Herodianus lib. 2.

Virginij.

Cluius historiographus sic affatus est Virginium, cuius res gestas attigerat: Scis Virgini, quæ fides historiæ debeat. Proinde si quid in historiis meis aliter legis ac velles, rogo ignoscas. Ad hæc Virginij: At ò Clui, tunc ignoras ideo me fecisse quod feci, ut esset liberum vobis scribere quæ libuisset: Vox excelsi animi testis, & rectè factorum conscientia contenti. Erasmus lib. 8. apoph.

De conscientia mala.

Chilonis.

CHilon Lacedæmoniùs sæpenumero in ore habebat, damnum turpi lucro semper præferendum esse. Illud enim semel dolere, hoc semper. Res amissa exiguo tempore dolet, sceleris autem conscientia semper cruciat animum. Laertius lib. 1. cap. 4.

Bionis.

Bion Borysthenites frequentet dicere solebat, Impietatem malam esse contubernalem fiduciæ, & adiecit versiculum Eupitidis.

Seruum facit, quamuis feroculum virum.

Sensit vir sapientissimus, ibi libertatem non habere locum, ubi mala & inquieta sit conscientia: nec eum hominem frui animi tranquillitate, qui scit sibi iratum & infensum esse numen diuinum. Laer. lib. 4. cap. 7.

Diogenis.

Diogenes Cynicus neminem à timiditate liberum & reuera animosum esse dicebat, quam illum, qui nullius mali sibi conscius esset. Stob. sermo. 22.

Pythagoræ.

Pythagoras neminem tam audacem esse dicebat, quem mala conscientia non faciat timidissimum. Non quiescit enim animus malè conscius, sed ab omni etiam vento abhorret. Stobæus serm. 22.

Eiusdem.

Idem dicere solebat, virum iniquum plus mali pati, afflictū conscientia, quam eum qui corpore castigatur & cæditur: multo quippe grauiores sunt animi malefani, quam corporis morbi. Stob. sermo. 22.

Anonymi.

Pythagoricus quidam philosophus coëmens sibi à sutore calceos, non promptam habens pecuniam, orat vt in crastinum expectet diem: quò cum venisset, satissaturus, audit sutorem iam iam defunctum esse. Non faciens igitur mentionem pecuniæ, numos non inuita manu domum, gratulabundus de facto iam lucro, retulit. Verùm cum sceleris conscientia subinde torqueretur, arrepta pecunia ad sutoris tabernam regreditur, & pecuniam in sutoris domum proiiciens, ait: Tibi viuit, aliis qui defunctus est. ac sic animum à conscientia facti liberauit. Recitat Eras. lib. 6. apoph.

De consilio bono.

Laconum.

LAcones si quando stratagemate, hoc est, callido consilio superassent hostem, Marti bouem immolabant: sin aperto prælio, gallum. hoc pacto consuefacientes belli duces, vt non solum fortes essent ad prælium, verùm etiam callidis consiliis aduersus hostem instructi. Præclarior enim existimabant, hostem ingenio citra sanguinem deicere, quam pugna plerūque vtrinque cruenta. Plut. in Lacon.

Antigoni.

Antigonus Zenone defuncto, quem vnum ex philosophis maxime suspiciebat, dicere solebat, gestorum suorum theatrum esse sublatum, quod ad illius viri iudicium potissimum componeret suas actiones, quem vnum pro multis hominum milibus habebat. Plur. in regum apoph.

Scipionis.

Qui Scipionis gloria inuidebant, dicere solebant, illum esse egregiorum facinorum histrionem, Lelium verò collegam illius gestorem. Alludentes huc, quod alius est actor fabulae, alius autor. Sentiebant, Scipionem praeclaras res gerere, sed Lelii consiliis. Eras. lib. 6. apoph.

Passieni.

Passienus Crispus, Neronis Romanorum imperatoris vitricus, dicere solebat, se quorundam hominum iudicium malle, quam beneficium: & aliorum beneficium libentius admittere, quam iudicium. Voluit autem demonstrare, se bonorum virorum iudicio stare malle, quam malorum beneficio. Seneca, & Cuspinianus in Consulibus.

Antonini p̃i.

Antoninus Pius solitus est agere nec in bellicis negociis, nec in ciuilibus, de quo non prius conferret cum grauib. viris: dicens, Aequius est, vt ego tot taliumque amicorum consilium sequar, quam vt tot talesque amici meam vnus sequantur voluntatem. Multum abhorrens à quorundam ingenio, qui consulto pileo suo, dicunt: Vos sedulo cōsultitis, sed aliud m̃hi suadet pileum meum. Iulius Capitol.

Euripidis.

Euripidis dictum memorabile celebratur: Vnicum cōsiliū rectum magnam militum manum vincere. Quo prudenter admonuit, non perinde referre, quam numerosum educas exercitum, sed quantum belli rectores polleant consilio. In bello siquidem plus habet momenti prudens consilium, & solertia, quam vires consilii expertes. Eras. lib. 3. apoph.

De consilio secreto.

Antigoni regis.

ANtigonus Macedoniae rex filio Philippo multis praesentibus percontanti, ac dicenti, Quando castra mouebimus? Quid, inquit? num metuis, ne solus tubam non audias? Notans

adulescentis imperitiam, qui hoc patrem multis presentibus interrogaret, quum in bello celanda sint principum consilia: sed quoties castra mouenda sunt, omnibus tuba dat signum. Plutar. in apoph. regum & Imp. Car. Rhod. lib. 13. cap. 5.

Metelli Macedonici.

Simile ferè dictum legimus Metelli Macedonici, qui cum omnia proprio & subito consilio ageret, amico cuidam roganti, quidnam acturus esset? Tunicam, inquit, meam exuerem, si eam consilium meum scire existimarem. Plin. cap. 61. de Viris illust.

Vide titulos, de Silentio, Secretis non effutiendis, & Taciturnitate.

De consilio præcipitato.

Chilonis.

Fertur hoc Chilonis nomine, In via non properandum. Ex incesu colligitur animus: præceps arguit præcipitem, nimium lentus ignauum. Decet autem in publico compositis esse moribus. Fortasse deterruit à præcipiti consilio. Laer.

Phocionis.

Athenienses cum aduersus Alexandrum feliciter pugnassent, ac diu iam gratias agerent, rogatus Phocion, an hæc ita gesta noller? Hæc quidem, inquit, gesta vellem, sed illa decreta. Sentiens, etiam inconsulta consilia nonnumquam feliciter cedere. id quoties accidit, gratulandum quidem esse reipubl. non tamen ideo non semper vtendum optimis consiliis. Fortassis & illud sensit Phocion, non esse protinus fidendum primis successibus, sed totius negotii euentum declaraturum, quale fuisset ipsius consilium. Plut. in Græcor. apoph.

Eiusdem.

Rumor incerto autore obortus erat de morte Alexandri, moxque rhetores profuerunt, hortantes, ne contarentur, sed ilico bellum susciperent. Phocion expectare iussit, donec certius aliquid cognosceretur. Nam si, inquit, hodie mortuus est, & cras & perendie mortuus erit. Grauius oratorum præcipitè temeritatem coercuit. Ibidem.

Artabani.

Artabanus Xerxi expeditionem in Græciam paranti, ait: Iterum atque iterum, dum tibi videbitur, re apud teipsum probe considerata, edicito quod optimum arbitraberis. Bene enim
& præ

& præmeditatè consultare, comperio maximum esse lucrum. Nam etsi quid è contrario euenturum est, nihilo tamen minus bene consultum est: superauitque fortuna consilium. Brufon. lib. 2. cap. 15.

Democriti Aetoli.

Democritus Aetolorum prætor apud Liuium, nullam rem esse tam inimicam consiliis dicebat, quàm celeritatem. Præcipitata enim consilia si in transuersum agantur, nulla reuocari pœnitentia possunt in melius. Bruf. lib. 2. cap. 15.

Iulij Caesaris.

Iulius Caesar ea facinora plurimū probare solitus erat, quæ sine longo consilio & consultatione prolixa gererentur, Plutar: in Romanorum apoph.

Augusti Caf.

Octavius Caesar Augustus dicebat, se Romanis cum imperii successorem relicturum, qui nunquam eadem de rebus consultasset, de Tiberio loquens, quem consiliis plurimum valuisse præsentibus ferunt. Dictum Caesaris leges apud Plutarch. in Rom. apoph.

De consilio senili.

Agésilai.

CVM vita defunctus esset Lysander, Agésilas numerosam sodalitatem aggregatam comperit, quam ille ex Asia domum reuersus, statim aduersus Agésilam instituerat. id indigne ferens Agésilas, destinabat omnibus palàm facere, cuiusmodi ciuis fuisset Lysander dum viueret, ac perlecta quadam oratione, quam Lysander in libro descriptam reliquerat, compositam quidem à Creonte Halicarnasséo, sed in hoc vt hanc Lysander edisceret, atque apud popularem multitudinem recitaret (tractabat autem oratio de nouandis rebus, deque mutando reipub. statu) hanc, quoniam arguebat Lysandrum fuisse ciuem perniciosum, ac seditionis auidum, Agésilas voluit euulgare. Cæterum vbi senex quidam Ephorus orationem perlegisset, metuens dictionis grauitatem ac vehementiam, ne lecta alios quoque multos ad rerum nouarum studium exciteret: consuluit Agésilao, ne Lysandrum sepultum refoderet, sed orationem premeret. Senis consilio paruit, & à cæptis conqueuit Agésilas: doctus non solum obtemperare publicis legibus ac magistratui, verum etiam priuato senioris consilio. Vir ex-

celsi animi, plus apud se valere voluit publicam vtilitatem, quam priuatum odium, simulque perspexit, indecorum esse, similitatem exercere cum sepulto. Hac moderatione vsus est aduersus manifestum inimicum. Plut.

Pauli Aemylj.

Paulus Aemvlius saepenumero dicebat, imperatorem, si minus aetate, certè moribus senem esse oportere: sentiens, non esse praecipitanda consilia, quod solent iuuenes, sed moribus vtendum senilibus. Eras.

Sertori.

Sertorius, cum Pompeii milites variè dispulso superasset multis occisis, audissetque aduentare Metellum cum aliis copiis, diremit praelium, reuocatisque suis dixit: Ego puerum hunc, nisi superuenisset anus illa, verberibus castigatum, domum remissem. Pompeium pueri nomine signans, Metellum verulum anus. Plutarch. in Sertorio.

De consilio bono, sed contempto.

Phocionis.

AThenienses, cum inuito Phocione bellum cum Antipatro suscepissent, eumque Athenas irruentem audissent, Phocioni detulerunt vt pacem cum Antipatro exposculet. At Phocion: Tunc, ait, quum ociosis vobis consulebam, si mihi creditum esset, haud nunc profecto tumultuantes consulere-tis, cui potissimum vos vestraque credere debeatis. Bruson. lib. 2. cap. 33.

Scipionis Africani.

Scipio Africanus turpe esse aiebat, in re militari dicere, Non putabam. Videlicet quia explorato & excusso consilio, quae ferro aguntur, administrari oportere arbitrabatur summa ratione. Valer. Max. lib. 7. cap. 2.

De consilio bono, sed parum honesto.

Demoſthenis.

Demoſthenes summus orator, Atheniensibus flagitantibus vt consuleret, obstitit, dicens: οὐ σωφρανται: id est, Non sum coactus in ordinem. Significans, se non seruire populi affectibus, sed suo arbitratu facere quod faciendum iudicaret. Eras. 4. apoph.

Eiusdem

Eiusdem.

Populus Atheniensium à Demosthene flagitabat, vt quendā accusaret: id cum recusaret, cœpit populus in illum, vt solet, vociferari. Tum surgens: Vos me, viri Athenienses, consultorem habetis vel inuiti: calumniatorem autem non habebitis, etiam si velitis. Plut.

Themistoclis.

Themistocles in concione dixit, se reperisse consilium, quod summopere pertineret ad dignitatem Atheniensem: sed id eius esse generis, vt proferri non expediret, populus censuit, vt vni Aristidi indicaret: si is probaret, probaturos omnes. Quum igitur Themistocles indicasset Aristidi, se de incendenda Græcarū nauali statione cogitare (sic enim fore, vt Athenienses toti Græciæ dominarentur) Aristides ad populum prodiens, dixit: Themistoclis consilio nihil esse vtilius, sed eodem nihil inhonestius. Hac audita voce, populus vetuit, ne super ea re in posterū verba faceret Themistocles. Hic certē populus quiddam philosophicum præstitit, repudiāns vtilitatem cum turpitudine coniunctam: simulque declarauit, quanta sit spectatæ virtutis auctoritas, qui non dubitarit Reipub. fortunam vnius iudicio committere. Plut. in Aristide.

Liuij Salinatoris.

C. Liuius Salinator, insignis bellator, in concilio primus rogatus sententiam, neminem fidelius dare posse consilium dixit, quam eum qui id alteri suaderet, quod ipse, si in eodem loco esset, facturus fuerit. Liuius lib. 7. Dec. 4.

De consilio in melius mutato.

Diogenis.

Diogenes probabat eos qui vxores ducturi, non ducerent: qui nauigaturi, non nauigarent: qui pueros alturi, non afferrent: qui ad remp. accessuri, non accederent: qui se ad conuiuendum præpotentibus componerent, nec tamen accederent. significans, ab his omnibus abstinendum: eoque prudentes videri, qui ad ea sollicitati, tempestiuè vertissent sententiam: quod semel aggressis, non sit integrum mutare consilium: etiam si poeniteat instituti. Qui duxit vxorem, iam sui iuris non est: qui se mari commisit, ventorum arbitrio feratur oportet: qui semel accessit ad remp. scenæ seruiat oportet: & vt cupiat, tutum non est ad priuatam redire vitam. Laer. lib. 6.

Agidis.

Agidis.

Suprà de Conscientia bona.

Anonymi.

Cum improbus quidam sententiam apud Spartanos dixisset optimam, ipsam quidem sententiam approbarunt: sed eo qui dixerat amoto, alteri cuidam inculpatis moribus eandem sententiam tribuerunt. Adeo in repub. nihil honoris habendū putarunt his, qui flagitiose viuerent: autorem mutarunt, ne esset dedecori reipublice: consilium non reiecerunt, ne ob priuam ignominiam, publicam vtilitatem neglexisse viderentur. Meminit huius & A. Gellius.

De consilio malo, ac consultori pessimo.

Lycurgi.

Rogatus aliquando Lycurgus, quam ob rem vernisset frequenter aduersus eosdem expeditiones agere: Ne, inquit, dum crebro sese defendunt, bellandi peritiam vsu colligant. Vnde & Agesilaus grauiter accusatus est, quod crebris in Bœotiam expeditionibus ac bellis, Thebanos Lacedæmoniorū hostes ad repugnandum induxisset. Nam cum Antalcidas vidisset illum faucium, exprobrauit quod Thebanos præliandi artem docuisset, quum ante nec scirent bellare, nec vellent. Præclarā, inquit, doctrinæ tuæ mercedem habes, qui Thebanos nec animatos ad bellandum, nec exercitados, vel inuitos consuefeceris, docuerisque bellum gerere. Hoc stratagema latius etiam patet, videlicet ne sæpius cum iisdem litigemus aut cōtemdamus, ne tandem assueti vel contemnunt nos, vel superent. Plutarch. in Lacon.

Antalcida.

Agesilaus, cum assidue belligeraretur aduersus Thebanos, ac in prælio quodam vulnus accepisset, Antalcidas, vt fertur, ait: Præclara doctrinæ tuæ præmia recipis à Thebanis Agesilae: quos quum nec vellent bellare, nec scirent, bellare docueris. Nam aiunt, reuera Thebanos crebris Lacedæmoniorum aduersus ipsos expeditionibus multo bellicosiores esse factos, quam antea fuerant. Eoque Lycurgus ille priscus legum conditor, in legibus quæ vocantur Rhetæ, veluti dicas oracula a diis profecta, vetuit, sapius eosdem bello lacesi, ne hostes vsu bellare discerent. Plutar. in apoph. & Brulson. lib. 2. cap. 23. qui pro Antalcida Androchidam legit.

De

De consiliariis regum ac principum.

Homulj.

Homulius, senator Romanus, optare solebat potius malū principem, qui bonos haberet consiliarios ac amicos: quā bonum, qui malos haberet, quibus rerum administrationem cōmitteret. Putabat enim facilius fore, ut à multis bonis vnus malus ad saniora duceretur, quā ab vno bono multi a malitia auerterentur. Fulgosus lib. 7. cap. 2.

Eiusdem.

Idem cum à Traiano Romanorum imperatore audiisset, Domitianum pessimum fuisse imperatorem, amicos tamen optimos habuisse: atque illum magis odio fuisse, qui Rempublicam peioris vitæ hominibus commendasset: dixisse fertur, Melius erat vnum malum pati, quā multos. Multi enim mali nō possunt ab vno, quamvis bono, vlla ratione superari. Aelius Lamprid, in Alexandro.

Marij Maximi.

Marius Maximus meliorem esse rempub. & propè tutiorem referebat, in qua princeps malus esset, quā in qua amici principis prauī existerent. Quandoquidem vnus malus possit à pluribus bonis corrigi, multi autem ab vno nequaquam. Cuspinianus in Consulibus.

Friderici Caesaris.

Fridericus Romanorum imperator, quum consiliarios suos in curiam vocasset: Vtinam, inquit, consiliarii mei in palatii vestibulo duas res deponerent. Sic enim & ipsi rectè consulerent, & mihi etiam inter consilia diiudicare facillimum esset. Interrogatus autem, quæ nam res illæ essent? Simulatio, & dissimulatio, respondit. Docuit autem, principes commodis publicis rectè consulere posse, propter consiliariorum priuatos affectus. Aeneas Syluius libro 3. commentariorum de rebus gestis Alphonsi regis.

Eiusdem.

Ladislaum Hungariæ ac Bohemiæ regem adhuc puerum, cum Fridericus Romanorum imperator constantissimus educaret, sanguine sibi coniunctum, non defuerunt ex consiliariis, qui puerum clām perdendum Cæsari persuaderent, cuius mors opes maximas, plurimaque regna allatura esset. At Imperator: **Qui sit** (inquit) quod mediocrem potius quā piū erga meos esse

esse cupitis? Ego sanè diuitias non ita amo, vt impiis consiliis persuasus, propter eas indignum facinus perpetrare velim. Quo dicto docere voluit, consilium pessimum, cumque crudelitate coniunctum, à principibus reiiciendum esse: nihilque consiliariorum persuasione faciundum, quod principis maiestatem laedere, eiusque nomen bonamque famam obscurare apud subditos possit. Aeneas Syl. lib. 3. comment. de rebus gestis Alphonfi.

Sigismundi imp.

Suprà tit. de Clementia.

Alphonfi.

Alphonfus Aragonum rex, cum senex quidam & naturà & aetate audacior, & ex patrum numero, eum argueret, quòd contra patrum ferè omnes sententias bellum capesseret: respondit, Regum consiliarios vt reges esse, aut regum animos habere oportere. Plurima enim interdum consiliariis & priuatis conuenire, quæ regem non decerent. Sic pecuniam cupere Parmenio mihi licuit, Alexandro verò non licuit. Anton. Panor. libr. 1. de rebus Alphon. & Aen. Syluius de eius dictis.

Eiusdem.

Idem interrogatus, quibus consiliariis maximè delectaretur? Libris, respondit: à quibus sine metu, sine gratia, quæ nosse cuperet, fideliter audiret. Panorm. libro 3. de rebus gestis Alphonfi.

Eiusdem.

Præterea perabsurdum sibi videri dicebat, reges ab aliis regi, & duces ab aliis duci. Notauit autem principes & magnates, qui quum imperiū & principatus titulos sibi vendicent, alieno tamen consilio regantur, etiam nolentes, quo fit, vt sapenumero cum magnotei pub. incommodo alienis oculis videant, alienis auribus audiant, alienis linguis loquantur. Et sic nihil minus sunt quàm imperatores, qui à consiliariorum arbitrio ita pendent, vt planè horum sint mancipia. Panorm. lib. 2. de rebus gestis Alphonfi.

Eiusdem.

Cathalanis optimum factu fore censentibus, si Alphonso Aragonum regi adhuc adolescentulo septem viri ad gubernandas respublicas adiungerentur, qui Deum timerent, iustitiam colerent, cupiditates tenerent sub freno, neque donis, neque muneribus tangerentur: Alphonsum laudasse consilium, atque ita respondisse ferunt: Si horum non dico septem, sed vnum tantum dederi

dederitis, continuò illi & regimen & regnum ipse facile concessero. Pulchrè autem innuit, paucos bonos regum esse consiliarios. Ibidem.

De consolatione.

Diogenis.

Diogenes cum Antisthenem morbo decumbentem inuideret, dixit: Nunquid amico est opus? Significans, in rebus afflictis potissimum fidei amicis vtendum, qui vel re opitulentur, vel consolando molestiam mitigent, Laert. lib. 6.

Eiusdem.

Idem dicere solitus est, sapius in vita parandum λόγῳ ἢ ἄλγῳ, id est, sermonem quam laqueum. Qui desponderunt animum, ad laqueum confugiunt: cum ad consolatorium sermonem potius sit confugiendum, nam animo ægrotanti medicus est oratio, nec absurdus fuerit sensus, si λόγῳ accipias pro ratione. Laert. lib. 6.

Demetrii Phalerei.

Demetrius Phalereus quum apud Thebanos exul inglorius & humilis viueret, & intellexisset, Cratem philosophum se visendi gratia aduentasse, ad se vocauit. quem vt de fortiter & moderatè ferendo exilio disputantem audiuiſſet: Malè sit, inquit, omnibus negotiis & occupationibus, per quas hætenus talem virum non licuit cognoscere. Ostendit hoc dicto, multum ægritudinis ex philosophi disputatione ablatum esse. Laert. ib. 5. cap. 5.

De constantia.

Zenonis.

Zeno philosophus dicere solebat, facilius esse vtrem inflatum mergere, quam quemuis probum virum inuitum ad aliquid agendum cogere. Nam inuictus animus rationis rectæ placitis confirmatus, cedit nemini. Philo Iudæus lib. Quod omnis probus liber.

Anaxarchi.

Anaxarchus philosophus cum à Nicocreonte Cypri tyranno in saxo concauo tunderetur, philosophus animo infractus: Tunde tunde Anaxarchi vasculum (ait) Anaxarchi constantiam non teris. Brusson. lib. 2. cap. 2.

Xantip

Xantippe Socratica.

Xantippe de Socrate marito prædicare solebat, quòd semper vidisset illum eodem vultu reuertentem domum, quo exierat. Argumentum verè constantis animi: cum alii domo egressi, si quid accidit triste, redeant turbidi: si quid læti, gesticientes. Eras. lib. 8. apoph.

Philoxeni.

Philoxenus poeta cum iunioris Dionysii tytanni poemata, vtpote indocta, stomacharetur, in lapidicinas detrusus est: sed inde amicorum precibus reuocatus, vbi demum Dionysium sua carmina recitantem audiuit, surrexit. & rogatus à Dionysio, quid ita fecisset? constantissimè respondit: Satiùs suauiusq; esse in lapidicinis vitâ agere, quàm eius audire poemata. Brul. lib. 2. cap. 1. Aristophanes in commentario Pluti.

Theodori philosophi.

Theodorus Macedo philosophus nobilissimus, Lyfimacho Macedoni mortem crudelissimam minitanti, respondisse fertur: Minitare hæc purpuratis tuis: Theodori quidem nihil interest, humine, an sublimè in cruce putrescat. Cicero lib. 1. Tuscul. quæstion. Brufonius lib. 2. cap. 1.

Aristidis.

Aristides cum se vnam è filiabus Dionysio superiori matrimonio copulasse indoleret, dixissetq; se potius mortem filię imprecari, quàm à tyranno eam detineri: re intellecta Dionysius, illum morti destinat. Sed interrogatus ab illo, num de filię collocaione, quemadmodum prius, ita nunc sentiat? Respondit, rerum se gestarum moestitia affici quidem, dictorum autè nulla pœnitentia detineri. Brul. lib. 2. cap. 1.

Pelopidae.

Pelopidas ab Alexandro Phæreo captus, regi nunciavit, absurdum esse, miseros ciues (Phæreos autem intelligebat) insones occidi quotidie, sibi autem soli parci: quem ethi seruet, cognoscat vlturum. Admirans igitur Alexander constantiam capti, Quid, inquit, mortem accelerat Pelopidas? Tu autem diis inuisus, inquit ille, perquam celeriter optes. Brufon. lib. 2. cap. 1.

Agessilai.

Agis rex Lacedæmoniorum, quum in carcere rogaretur ab Ephoro, num pœniteret eorum quæ gessisset, impavidè respondit: Se nulla tangi pœnitentia consilii, cum prudentia honestoque

neſtôque coniuncti: tamenſi non ignoraret, ſe mortem præmii loco relaturum: ſciens ipſam virtutem abundè magnum eſſe ſui præmium, quicumque ſequatur euentus. Plut. & Bruſon. 2. 1.

Eiuſdem.

Ageſilaus, hortante quodam ac dicente, vt ſibi propter incertam fortunam parceret: At ego, inquit, meipſum ſic aſſuefacio, vt in nulla mutatione quæram mutationem. Eſt autem conſtantiffimi & infracti animi, non ſecus in aduerſa quàm proſpera fortuna moueri. Bruſo. lib. 2. cap. 1.

Eiuſdem.

Eundem quum quidam admoneret, vt aliquid de vitæ rigore remitteret, cum tempus interdum exigeret aliam viuendi rationem. At ego, inquit, me conſuefacio, vt quæcunque inciderit fortunæ mutatio, ne quæram ipſe mutationem. Mira animi conſtantia, qui nec in aſteriori vita delicias requireret, nec inter delicias agens ab illis corrumpi poſſet. Plut. in apo. Laco. & Eraſ. lib. 1. apoph.

Eteoclis.

Antipater quum à Lacedæmoniis obſides quinquaginta peteret, Eteocles Ephorus, vir omnium conſtantiffimus, reſpondit, ſe pueros quidem non daturum, ne paterna priuati educatione, malis moribus imbuerentur, qua carentes, ne ciues quidem eſſent: ſed ſenes mulierèſque, duplo, ſi velit, plures daturum. Ille verò cum multo grauius, niſi obſides acciperet, minitaretur, reſpondit Eteocles: Non curamus minas. nam ſi grauiora morte nobis imperites, facilius moriemur. Bruſonius libri 2. cap. 1.

Manlij.

Manlius cum oblatum à Quiritibus conſulatum aduerſæ oculorum valetudinis excuſatione denegaret, inſtantibus cunctis, immobili animo ac vultu: Alium (inquit) Quirites quærite, ad quem hunc transferatis honorem: nam nec ego veſtros mores ferre poſſum, nec vos meum imperium perpetui poteritis. Liu. lib. 6. Dec. 1. Valer. Maxi. lib. 6. cap. 4. Bruſo. lib. 2. cap. 1. Plinius Iunior de Viris illuſtribus cap. 28.

Cyauenſium.

Decius Brutus, Marci Bruti patruelis, quum contra Antonium in Hispaniam exercitum duxiſſet, totamque Luſitaniam ſubegiſſet, excepta Cyania vrbe, quæ magna conſtantia arma retinebat, redemptionem tentauit. Sed ciues vrbs omnes

vno ore Bruti legatis constantissimè responderunt, se à parentibus ferrum bellicáque instrumenta accepisse, quibus urbem tuerentur: non aurum, vel quicquam aliud, quo libertatem ab aliis emerent. Bruson. lib. 2. cap. 1.

Catonis.

Quum deploratis rebus amici hortarentur Catonem, vt ad Cæsaris clementiam confugeret: respondit, Victorum esse, & eorum qui deliquissent, supplicare: Catonem nec victum nec captum esse, qui se per omnem vitam inuictum præstitisset, ac Cæsarem honestate iustitiáque longè superasset. Cæsarem potius victum captumque esse, qui bellum, quod diu negasset se moliri aduersus patriam, nunc id egisse conuictus esset. Proinde pro se Cæsarem orarent qui vellent, pro Catone neminem orare debere. Plut. in Catone.

Catonis iunioris.

Cato iunior, quum in domo Drusi auunculi, tribuni tunc plebis, educaretur, ad eumque Drusum Latini de ciuitate impetranda conuenissent: à Q. Popedio Latinorum principe rogatus, vt socios apud auunculum adiuuaret: constanti vultu, Non facturum se, respondit. Iterum deinde sapiusque interpellatus, in proposito, vultu eodem, perstitit. Tunc Popedius, in excelsum adium partem eleuatum, abiecturum se eum inde, ni precibus obtemperaret, minatus est. Nec hac re Cato puer ab incepto moueri potuit. Expressa est igitur illa vox hominum: Gratulemur Latini nobis hunc esse tam paruum, quo senatore, ne sperare quidem ciuitatem licuisset. Plut. in Catone: vbi Pompeium Syllonem, non Popedium (vitio fortassis typographi) vocat. Bruson. lib. 2. cap. 1.

Mæii.

C. Mæius Augusti centurio captus, & ad Antonium perductus, quum interrogaretur, Quid de se statui iuberet? Iugulari me, inquit, iube: quia non salutis beneficio, nec mortis supplicio adduci possum, vt aut Cæsaris miles esse desinam, aut tuus esse incipiam. Bruso. lib. 2. cap. 1.

T. Vespasiani.

T. Vespasianus cum deprehendisset eos qui in ipsum conspirauerant, deduxit illos in spectaculum, atque inter illos medius confedit: ac petitis de industria mirmillonum gladiis, velut exploraturus aciem, vnum vni, & alterum alteri commisit. tanquam prouocans ad id quod moliebantur. Verum his percussis:

culis: Videtisne(inquit) principatum fato dari, frustra que tentari facinus potiundi spe? Eras.lib.8.apoph.

Alexandri Severi.

Supra titu.de Aulica vita.

Ludouici Bavar.

Ludouicum seniore Bauarię ducem, Stephani ducis filium, quum captiū haberet Albertus Marchio Brandenburgensis, non pauca ab eo petiit, quę cum ille negasset, tradere eum in manus duri & inimicissimi sibi principis minabatur. Tum Ludouicus: Quę poteris ex me, inquit, libero impetrare, eadem modò ex capto petito: Si quid amplius voles, corpus meum in tua potestate, animum mihi, non tibi obnoxium inuenies. Aeneas Syluius lib.3.commentariorum in res gestas Alphonſi.

Huc refert titulum de perseuerantia.

De constantia in re turpi.

Agésilai.

Agesilaus Lacedæmoniorum rex, cum audisset maleficum quendam hominem, ac scelerosum, summa constantia se omnibus tormentis opposuisse, ac forti animo dolorem omne pertulisse: Quam miser, inquit, homo est, qui constantiam in res tam flagitiosas ac turpes collocat? Dolebat egregio duci, tantum animi robur ac naturę vim in re turpi consumptam esse: quam si ad res honestas tulisset, magno vſui poterat esse Reipubli. Plut.in Lacon.Eras.lib.1.

De consuetudine.

Antisthenis.

Antisthenes dicere solebat, Omnia mala habenda pro peregrinis. Vulgus hominum ea tantum probat, quibus assuevit: ab exoticis abhorret, non quia per se mala sint, sed quia peregrina. At sapienti nihil peregrinum esse debet, nisi quod cum vitio coniunctum. neque enim ideo temulentia detestanda, quòd alicubi non sit in vſu, sed quòd per se turpis. Nunc ex vſu regionum de rebus iudicat populus. Laetius libri sexti capite primo.

Vide titulum de Assuetudine.

De consuetudine loquendi.

Pomponij Marcelli.

M. Pomponius Marcellus, quum ex oratione Tiberii Cæsaris quiddam reprehendisset, contra affirmante Atteio Capitone id esse Latinum: & si non esset, futurum certè: iam inde, inquit, mentitur Capito. Tu enim Cæsar ciuitatem dare potes hominibus, verbis non potes. Editio Aldina corruptè legit, Verba non potes. Hominibus datur ciuitas, qui recipiuntur in ius ciuium. verbis datur ciuitas, quæ recipiuntur in consuetudinem sermonis Romani. Quemadmodum multæ voces non Græcæ tantum, sed & Britannicæ, & Gallicæ, & Persicæ ciuitate Romana donatæ sunt. Id publicus vsus potest, Cæsar non potest. Eras. 8. apoph.

De contemptu & irrisione.

Diogenis.

Quidam gloriosum titulum inscripserat ædibus suis Iouis filius Callinicus Hercules hic habitat, ne quid introeat mali. Diogenes ex inscriptione stultitiam hominis deprehendens, adiecit, *μετὰ πόλεμον ἢ συμμαχία*: id est, Post bellum auxilium. indicans, seram esse malorum omnium deprecationem, posteaquam talis immigrasset. Colebatur enim Hercules *ἀντίμακρος*, malorum depulsor. Eum oportuit in ædes immigrare, priusquam immigrasset dominus ædium, qui ipse erat magnum malum. Laert. lib. 6.

Hannibalis.

Hannibal, cum adesset dies quo primam pensionem exigebant à Pœnis Romani, totus populus ad tributum mentionem ingemuit: at Annibal interim effuse risit. Ea de re increpatus ab Hasdrubale Hedo, negauit eum risum fuisse gaudentis, sed aliorum seras & inanes lachrymas deridentis, quæ nunc in leuiore malo manarent: quum antea potius manare debuerint, quo tempore Romani classes, arma & amplissimarum victoriarum spolia Pœnis detraherent, ac leges victis imposerent. Plutarchus.

Neronis.

Nero Romanorum imperator cum desperatis rebus iam mortem sibi ipsi inferret, destitutus omni auxilio: ingressus ad eum Centurio, semianimem reperit. itaque penula ad vulnus apposita, simulans se venisse in auxilium, nihil aliud respondit quam

quàm, Sero: & Hæc est fides. Sermo ambiguus est, potest enim intelligi, Serò venisse, qui iam ad morientem venerat: & serò venit, qui in hoc venit ut viuum attraheret. Item, Hæc est fides, potest esse ex postulantis de fide amicorum. At Nero sensit, se nihil illius verbis credere, eiusque rei argumentum esse vulnus in iugulo lethale.

De continentia.

Periclu.

Pericles præter collegam sortitus est Sophoclem poetam: quúmque simul nauigarent, ac Sophocles conspecto formoso puero dixisset, En quàm speciosus puer? Ecce, inquit ille, ó Sophocles prætorem non modò manus, sed & linguam habere continentem. Plut. in Græc. apoph.

Zenon.

Zeno simul & Cleanthes absidebant Chæremonda: quúmque sentiret affectum amoris, surrexit. Hoc admirante Cleanthe: Etiam a bonis, inquit, medicis audio, aduersus inflatones optimum esse remedium quietem. Subdixit se vir integerimus, imminenti periculo. Laert. lib. 6. cap. 1.

Anacharsid.

Anacharsis Scythia statuis atque imaginibus suis inscribi iussit, linguæ, ventri, & pudendis temperandum. Quòd maximorum malorum causâ sit lingua effrenis, & luxu nil turpius, libido pecudem ex homine reddat. Diog. Laert. lib. 1. cap. 9.

Isæi sophistæ.

Isæus sophista Alsyrus cum a quodam, qui formosissimâ ostendebat mulierem, interrogatur esset, Num formosa videretur? *ὡραυµα*, inquit, *ὁφθαλµῶν*: id est, desu laborare ab oculis. Recitat Philost. in sophist.

Archidami.

Archidamo cum quis promississet suauissimum vini genus: Quorsum, inquit, opus est? quandoquidem quo melius est, eo plus absumeretur: & quæ fortes decent viros, ea reddent inuoliora. O verè masculum animum, & omnium deliciarum contemptorem. Plut. in Lacon.

Agefilai.

Infra de Victoria.

Einsidem.

Agefilaum Lacedæmoniorum regem cum quidam admo-

neret, vt aliquid de vitæ rigore remitteret, causam addens, & (quæ vitæ est volubilitas) euenire posset, vt tempus ipsum exigeret aliam viuendi rationem: At ego, inquit, me consuefacio, vt quæcunque inciderit fortunæ mutatio, ne quæram ipse mutationem. Mira animi continentia, qui nec in austeriore vita delicias requireret: nec inter delicias agens, ab illis corrumpi posset. Plut. in apoph. Laco. & Eras. lib. 1. apoph.

Eiusdem.

Idem quodam die quum castra tumultuosius essent mouenda, adolefcentem, cuius amore tenebatur, relinquebat ægrotum: quumque is & blandis precibus & lachrymis illum remorari conaretur, versus ad suos, Quam difficile est (inquit) simul & misereri & sapere: malens sequi quod id temporis expediebat, quam quod dictabat in amicum affectus. His animi dotibus cæteris præcellebat Agefilaus. Plut. in Lacon.

Alcmenii.

Quum quidem Alcmenii Telecri filio obiecisset, quur tam sordide viueret, cum tamen amplas possideret opes? Decet, inquit, eum qui multa possidet pro ratione, non pro libidine viuere. Significans, perniciosas esse opes, nisi adsit animus ipsis superior. Plut. in Lacon.

Alexandri Maced.

Alexander Magnus quum inuitaretur, vt Darii filias, quas habebat captiuas, inuiceret (prædicabantur enim puellæ admirabili esse forma) noluit ire, dicens: Sibi non committendum, vt quum viros vicisset, à mulieribus vinceretur. Eras. lib. 8. apophtheg. Maxi. ser. 3.

Eiusdem.

Idem quum apud Antipatridem cœnaret, isque ad cœnam formosam psaltriam induxisset, Alexander aspectu motus in illam exarsit. Mox rogauit Antipatridem, nunquid ipse mulieris amore teneretur? Illo consentiente: O scelestè, inquit, non tu protinus abduces è conuiuio mulierem? Quantum ille animus aberat à constupranda aliena vxore, qui tantopere sibi metuit ab amica hospitis? Plut. in apoph. reg.

Eiusdem.

Rursum, quum Cassander Pythonem Euii tibicinis amicum per vim osculari veller, idque Euium ægrè ferentem sensisset Alexander, iratus exiit in Cassandrum, clamans: Irâne per nos, ne amare quidem quicquam licebit? Non satis erat regi, si seipsum

seipsum prætaret continentem. nisi & præfectos haberet sui similes. Quando autem passus fuisset à suis per vim constuprari filiam aut uxorem honesti ciuis, qui tibi sui amoris etiam ab osculo voluit esse inuolatos? Denique quòd duces peccarent, arbitratus est ad se pertinere. Plut. in apoph.

Eiusdem.

Alexander cum in Illyrios peruenisset, ac in Iouis ara animaduertisset mulierem forma præstantem, pulchritudinem admiratus, diu spectauit. cùmque Hephæstion diceret, Acquum esse ut ipse amatam caperet: An non, inquit, hoc indignissimum esset, ut qui in aliorum incontinentiam animaduertere velimus, ipsi incontinentiæ seruire ab exteris deprehendatur? Max. serm. 3.

Menedemi.

Menedemus, cum adolescens quidam dixisset, magnum esse si quis quæ concupiscat assequeretur: Multò, inquit, maius est, nihil eorum quæ non decet concupiscere. Max. serm. 3. de Castitate & temperantia.

De contumacia.

Platonis.

PLato Atheniensis philosophus Dionem, ob formam & rerum gestarum magnitudinem quem plerum fieret ab omnibus, admonuit, cauere metueretque contumaciam, cui comes esset solitudo. Insolenter enim utentem rebus prosperis, amici destituunt. Lact. 3.

De contumelia.

Spartanorum.

CHii quondam Sparte peregrinantes, à cœna vomuerant in Ephorum curiæque etiam in sedes, in quibus sedere solebant Ephori, ventris onus deiecerant. Ac primum quidem acris inquisitio facta est, quinam hoc designassent, ne fortè ciues essent. Ut verò compertum est fuisse Chios, edixerunt, se Chios permittere, ut agant intemperantius. Excellentium virorum est negligere contumeliam, quæ a palam improbis proficiscitur, à quibus etiam laudari turpe est. Plut. in Laco.

Scipionis Aemilianus.

Scipio Aemilianus apud Numantiam iratus C. Metello, dixit: si quintum pareret, mater eius, animum fuisse parituram, Tax-

ditatem mentis, ac deformitatem corporis illi fratribusq; eius
exprobrans. Eras. lib. 6. apoph.

De conuictu & conuersatione.

Diogenis.

Diogenes Cynicus adolescenti formoso ad conuiuium eun-
ti: Deterior, inquit, redibis. Reuersus verò à conuiuio ado-
lescens, cum Diogeni dixisset: lui, nec redii deterior: inquit,
Deterior igitur, indicans, fieri non posse, vt adolescens ex con-
uictu improborum non fiat deterior. Laer. lib. 6.

Epicleti.

Epicletus hominem, cum quo conuersamur, tribus modis
considerandum esse suadebat: nempe vt prastantiorē nobis,
aut inferiore, aut æqualem. Prastanti, ori quidem auscultare
& obtemperare conuenit, minorem modestè persuadere, æqua-
li autem consentire. Et hoc sanè modo in conuersatione homi-
num nunquam in contentionem vincides. Stob. serm. 3. de Tem-
perantia.

Agasilai.

Argiuo cuidam dicenti, Lacedæmonios peregrinationibus
reddi deteriores, quòd interim degenerent à maiorum legibus
& institutis: At vos, inquit, cum Spartam venitis, non deterio-
res, sed meliores euaditis. Dictū retorfit in Argium. Nam hoc
dicens, magis suam gentem vituperauit, quam Lacedæmonio-
rum: simul indicauit, quanto opere referat inter quos viuas. Plu-
tar. in Lacon. apoph.

Hippocratidū.

Hippocratidi quum aliquando fuisset obuius adolescens,
quem amator sequebatur, erubescenti adolescentulo: Cum his,
inquit, oportet ambulare, cum quibus conspectus non mutet
colorem. Docuit, ex improbis conuictoribus nihil capi fructus,
nisi probum & ignominiam. Plutar. in Lacon. apoph.

Iulia Augusti.

In spectaculo gladiatorum conuerterant in se populi oculos
Liuiā & Iuliam, comitatus dissimilitudine. Liuiam cingebant vi-
ri graues, Iuliam iuuenes luxuriosi comitabantur. Pater itaque
Augustus Iuliam admonuit scripto, videret quātum inter duas
principes scēminas interesset: Illa rescripsit: Et hi mecum senes
sient. Hoc commodè, interpretanti, lepidè: incommodè proca-
citer dictum videri potest. Eras. lib. 4. apoph. ex Sueton.

Ioannis Apostoli.

Ioannes apostolus & discipulus Iesu Christi, lauandi gratia balneum ingressus, cum vidisset ibi Cerinthum, continuo exiliens, non lotus discessit, dicens: Fugiamus hinc, ne & ipsæ balnea corruant, in quibus Cerinthus lauatur. Quo dicto, & ipso etiam facto ostendit, malorum consortium ubique esse fugiendum, erat enim Cerinthus, vir non solum simpliciter malus, sed apertus veritatis atque omnium piorum hostis. Eusebius lib. 4. Ecclesiast. hist. cap. 4.

De eo quod conuictus malorum non
semper oblit.

Antisthenis.

Antisthenes philosophus opprobriati, quod interdum cum improbis haberet consuetudinem: Et medici, inquit, cum ægrotis versantur, nec tamen ægrotant ipsi. Sentiens, philosophum ideo versari cum improbis, ut eos reddat meliores. Laert. lib. 6. cap. 1.

Romuli.

Romulus cum ei crimini verteretur, quod cum improbis versaretur: Et medici, inquit, cum ægrotis, non tamen morbo inficiuntur. Maximus term. 6.

Demoſthenis.

Demoſthenes quum sibi probro daretur, quod improborum verteretur contubernio: Optimus, inquit, is est medicus, qui sanos relinquit, & bene habentes: ægrotos & penitus deploratos suscipit curandos. Stobæus, & Maximus term. 6.

De conuiuio.

Diogenis.

Diogenes adolescenti formoso ad conuiuium eunti: Deterior, inquit, redibis. Reuersus à conuiuio adolescens, quum Diogeni dixisset, tui, nec redii deterior: inquit, *χάγαν χερών*, id est, deterior igitur. indicans, fieri non posse, quin adolescens è luxurioso temulentoque conuiuio redeat deterior. Laertius libro sexto.

Eiusdem.

Idem Demoſthenem adolescentem aliquando in publico diuerſorio prandentem deprehendit. quumque ille conspecto Diogene se se subduceret introitum: Tanto magis, inquit, in

diuersorio futurus es. Significans, hoc illum magis fore conuiuarum fabulam, quod non solum ibi versaretur, sed etiam tanquam in renefaria deprehensus sese subduxisset. Hoc enim memorabilis, quam quod illic potaret. Alii narrant, hoc cuidam adolefcenti dictum, is potuit & Demosthenes esse. simplicior autem sensus est, ut accipiamus, adolefcentulum admonitum, ne intro fugeret, sed foras. Nam quo interius sese abdebat in popinam, hoc magis erat in popina. Laert. lib. 6.

Eiusdem.

Diogenes Cynicus rogatus, quanam hora prandere oportet: si diues, inquit, est, quando vult: si pauper, quum potest. Laert. in eius vita. Brufon. lib. 2. cap. 14.

Eiusdem.

Idem inuitatus apud Platonem, oleas ex omni apparatu tantum gustantem: Quid, inquit, sapiens vir in Siciliam huiusmodi mensarum gratia profectus, appositis modò non frueris? Ibidem.

Athenodori.

Athenodorus philosophus dicebat, ne ad cœnam quidem se iurum ad eum, qui sibi per hoc debiturus sit. Brufonius. lib. 2. cap. 14.

Zenoni.

Zeno philosophus rogatus, cur in conuiuio tam hilares esset, qui alioqui se uenior videbatur: urbanissime respondit, Lupini (inquit) quum sint amari, persusi tamen aqua dulcescunt. Bruso. lib. 2. cap. 2.

Aristarchi.

Aristarchus vocatus ad cœnam, non prius venturum se pollicitus est, quum nomenclaturam eorum, qui simul vocati erant, didicisset. Dicebat enim: Cui nauigandum est, aut in expeditione militandum, contubernium utcumque ferat commemorantium necesse est: ceterum citra delectum sese potatorum turba immiscere, hominis est impudens, & parum cordati. Stobatus.

Aristidis.

Aristides cognomento iustus, semper suo vnus praesidio fretus Rempub. administrabat, à sodalitatibus abhorrebat, velut ab amicorum potentia, quæ ad iniuriam aliis inferendam adderet animum. Quantum ille vir abhorruit ab omni factione, qui non ob aliud vitabat amicitias, quam ne per illas adigeretur ad

ut ad aliquid faciendum, quod iustum non esset, aut cogere-
tur abstinere ab eo quod iudicasset Reipub. conducere. Nunc
mundus vndique plenus est sodalitatibus, sed titulis plausibili-
bus, ut religionis lenocinio commendatis. Nec his fortasse de-
disse nomen expedit viris insigni virtute præditis, eo quod ma-
ior pars, quæ ferè deterior est, sæpe cogit facere quod nollent,
aut abstinere ab eo quod erat factu optimum. Eras.

Pauli Aemylii.

Paulus Aemylius quum deuicto Perseo epulum exhiberet
victoriale, admirantibus Græcis, quod in magno splendidoque
apparatu curiosus esset, dicere solebat: Eiusdem esse animi, &
aciem & conuiuium bene struere: Illam quidem, ut formido-
losus hostibus: hoc, ut amicis gratus esset. Plut. in Rom. apoph.
& Bruton. lib. 2. cap. 2.

Sertorii.

Sertorius admonere solebat suos, ne quid in conuiuiis præter
decorum vel fieret, vel diceretur, præsertim à iurgiis & obscœ-
nitate temperare. Nec ipse quæquam tale sustinebat vel audi-
re, vel videre. Plutar.

De conuiciis.

Demosthenis.

Demosthenes quum à quodam conuiciis incessetur.
Committor, inquit, in certamen, in quo qui superior eua-
ferit, inferior est: & qui vicerit, victus est. Eras. Ro. lib. 4. apoph-
theg. in fine.

Scopeliani.

Scopelianus eos qui conuiciis agerent, existimantes sese hoc
pacto declarare animi magnitudinem, aniculas appellari sole-
bat, non tantum ebrias, sed & rabidas. Philostratus.

Eiusdem.

Idem psetæ cuidam molestius obstrepenti, *ῥῆμα ἔστιν ἀνθρώπου*
dixit, pro *ῥῆμα ἔστιν ἀνθρώπου*, abi ad coruos: ludens vnus literæ
mutatione. Atheneus apud Eras. lib. 6. apoph.

Demadii.

Demades tibiis similes esse dicebat Athenienses, quod ad-
empta lingua nihil residuæ rationis haberent. Stob. sermo. 2. de
Imprudencia.

Anonymæ.

Philippus Macedonum rex, cum iudicaret vino madidus, &
perera n

perperam sententiam contra mulierem tulisset illa intelligens errorem esse vini, non regis: Prouocarem, inquit, ad Philippū, sed sobrium. Recitat Eras. libro 8. apophtheg.

Philippi Maced.

Philippus Athenienses comparabat statuis quibusdam, quæ nihil aliud quam os haberent, & magna pudenda. Stob. ser. 2. de Imprudentia.

Ciceronis.

Quum Pompeius, Gallum quendam, qui ad se à Cæsare transfugerat, ciuitate Romana donasset: O hominem (inquit Cicerō) bellum, qui Gallis ciuitatem promittit alienam, quum nobis nobis non possit reddere Plut.

Eiusdem.

Adolescens quidam accusatus, quod patrem placenta venenata sustulisset, quum stomachabundus minaretur se probris laceraturum Ciceronem: Hoc, inquit ille, malim quam placenta. ancipiti dicto parricidium illi obiciens. Eras. 4. apoph.

Memmius.

C. Memmius quum accuseret Bestiam reum, cui patronus erat Scaurus, ac fortè funus quoddam duceretur: Vide (inquit) Scaure, mortuus rapitur, si potes esse possessor. notans Scaurū, qui malè audiebat, quod Phrygionis Pompeii bona sine testamento possideret. Eras. 6. apoph.

Huc refer titulos de Detractione, Liberè dictis, Maledicentia, &c.

De conuiciis in ipsum autorem retortis.

Anacharsidis.

A Nacharsis philosophus exprobranti cuidam Attico, quod natus esset in Scythia: Mihi, inquit, probro est patria, tu patriæ. Laert. lib. 1. cap. 6.

Diogenis.

Aristippus philosophus, & Socratis discipulus, quum vidisset Diogenem olera iauantem, accessit: Si Diogenes, inquiens, sciret uti regilus, non velceretur crudis oleribus. Contra Diogenes: Si Aristippus didicisset esse contentus oleribus, non esset canis regius: hoc est, nō adularetur Dionysio regi, ut cibum ex aula eius caperet. Laert. lib. 2. cap. 8.

Eiusdem.

Diogenem quidam amentem vocabat, cui ille: Amens quidam

dem non sum, non tamen eandem quam vos mentem habeo.
Stob. serm. 1. de Prudentia.

Eiusdem.

Diogenes cuidam probri gratia obiicienti egestatem, quum ipse esset homo scelerosissimus: Ob rerum egestatem, inquit, neminem vidi torqueri, ob maliciam autem quam plurimos. Eras. lib. 3. apoph. in fine.

Eiusdem.

Platone de quibusdam differente, Diogenes praesens, non attente animaduvertebat. Quamobrem indignatione commotus Plato: Quin, inquit, diligenter sermones meos auscultas canis? Qui nihil perturbatus: At ego, inquit, nunquam eo sum reuerfus, unde venii, quod canes solent. Obscure taxans ipse in Siciliam profectiorem. Aelianus lib. 14. de Varia historia.

Eiusdem.

Quidam cum obiiceret Diogeni Cynico, quod olim falso monetam signasset: Fateor, inquit Diogenes, fuisse tempus quotalis eram, qualis tu nunc es: qualis autem ego nunc sum, tu profectò futurus es nunquam. Laer. lib. 6.

Eiusdem.

Philosophi vulgò hoc nomine malè audiebant, quòd deos aut non crederent esse, aut contemnerent. Hoc innuens Lysius, interrogabat Diogenem, crederetne esse deos? Cui Diogenes: Qui conuenit, inquit, ut non credam, quum persuasum habeam, te diuinum esse? Hoc dictum quidam attribuunt Theodoro. Non respondit ad quaestionem, sed in contumeliosè interrogantem, retorfit sermonem. Laer. lib. 6.

Socrati.

Socrati acius obiurganti familiarem quempiam in conuiuium, Plato dixit: Nonne satius erat hæc illi dixisse seorsum? Cui Socrates: Et an non tu quoque rectius fecisses, si hæc mihi seorsum dixisses? Salsissimè taxauit, hoc ipsum reprehendendo committentem, quod reprehendebat. Eras. lib. 3. apoph.

Demostheni.

Pytheas Demostheni obiecit, quòd ipsius enthymemata lucernam olerent: significans illum non nisi de scripto, & ad lucernam elucubrata dicere. Quod dictum ita retorfit Demosthenes, ut diceret, Non eodem precio sibi & illi constare lucernam, notans, quòd ille nocturnis conuiuiis indulgeret, plus impendens luxui, quam ipse studio. Plut. in Demosth.

Eiusdem.

Eiusdem.

Aduersus Demadem clamantem, Demosthenes me corrige-
re vult, sus Mineruam: At ista (inquit Demosthenes) Minerua
anno superiore in adulterio deprehensa fuit. Adulterium obie-
cit Demadi, quum Mineruam poetæ faciant virginem. Eras. 4.
apoph. & Bruso. 1. 4. & in Prouerb. Sus Mineruam.

Eiusdem.

Demosthenes aduersus quendam Phæreum nomine, de stu-
pro suspectum, quum Phæreus Demostheni vigilias lucubra-
tionesque obieceret: Scio, inquit, tibi molestum fuisse, quod lu-
cernam per noctem habuerim. Bruso. lib. 1. ca. 4.

Anonymi.

Celebre est Pythæ dictum, orationes Demosthenis olere lu-
cernam, quodd noctu scriberet, meditareturque, quæ dicturus
esset. In id quum alius quispiam, qui ob furti suspicionem vul-
go malè audiebat, petulantius inuheretur: Scio, inquit Demo-
sthenes, nos tibi molestos esse, qui noctu lucernam accēdimus.
Fures enim amant tenebras. Eras. lib. 4. apoph.

Antagora.

Antagoram poetam in tentorio congrum coquentem, atque
ipsum patellam versantē deprehendit Antigonus à tergo stans,
eique dixit: Putasne ô Antagora, Homerum, quum Agamem-
nonis res gestas scriberet, coxisse congrum? Contrà hæc Anta-
goras: Et tu rex, putasne Agamemnonem, quum illas res gere-
ret, fuisse curiosum, si quis in exercitu cōgrum coqueret? æquo
animo rex tulit ioci talionem, quasi inter pares res ageretur.
Plu. in reg. apoph.

Archelai.

Timotheus citharædus quum ingens præmium ab Arche-
lao sperasset, ac minus speratis accepfisset, palam illum incusa-
bat, proinde aliquando canens hanc particulam, Tu verò terrę
filium argentum laudas? nutu regem denotauit, at Archelaus
succinuit: Tu verò petis? In Græcis verbis plus est gratiæ, ob vo-
cum affinitatem, *τίνας, τίτεις*, id est, laudas, peris. Turpiter pe-
tit, qui non probat quod petit. Plutarchus, & Erasmus.

Leonis Byzanti.

Leo Byzantius, Pasiadi obiciienti hippitudinem oculorum:
Corporis, inquit, viciū exprobras, haud videns filium tuum
Nemefim humeris baudantem. Erat enim Pasiadi filius contra
etis

etis humeris. Nemesium autem dixit redargutionem insolentis, quam veteres fingebant esse deam. Imprudenter aliquis in alterum torquet conuicium, si in promptu sit quod ipsi vicissim obiciatur. Philostratus.

Quirini sophista.

Quirinus sophista quum ab Asiatis reprehenderetur, quod in accusando mitior ac lenior esset quam ipsi docerent: Multo, inquit, satius est, ut vos meam accipiat lenitatem, quam ego vestram crudelitatem. Tumebant Asiani rhetores, & immodicis delectabantur. Philost. in sophistis.

Nicetes.

Nicetes Smyrnæus sophista telonæ cuidam in iudicio vehementius incandescenti, dicenti quæ, Desine latrare in me: admoudum falsè respondit, Si tu desinas mordere, nam utrunque canum est. Philost. in sophistis.

Polemonis.

Timocrati philosopho apud Polemonem dicenti, Fauorinum esse loquacem: Et omnis, inquit ille, anus. Notans in Fauorino corporis habitum, quod esset eunuchus. Visus est excusare vitium, sed re vera conduplicauit. Philostratus.

Anonymi.

Libanius sophista, summus Iuliani Apostatæ fautor, cum interrogasset Antiochiæ ludi magistrum quendam virum bonum atque pium, Quid nunc fabri filius (Christum per contumeliam intelligens) ageret? respondit. Non ociatur ô sophista, quem fabri filium appellas: parat enim Iuliano loculum. Intellexit autem vir optimus, Iulianum ob insignem impietatem & crudelitatem non diu superstitem fore, & diuinam ultionem præ foribus esse, paucos enim post dies Iulianus est interfectus. Tripart. histo. lib. 6. cap. 44.

Epaminonda.

Quum Argiui Thebanorum essent loci, Atheniensium oratores in Arcadiam missi, vituperarunt utranque gentem: & Callistratus rhetor Orestem & Oedipodem ciuitatibus exprobrabat, nam Orestes Argiuius fuit, Oedipus Thebanus. Interim surgens Epaminondas: Fatemur, inquit, apud nos fuisse qui patrem occiderit, apud Argiuos qui matrem necarit: sed eos qui hæc patrarunt, nos expulimus, Athenienses receperunt. Tanto compendio

pendio conuicium retorfit in autores. Plut. in Græcorum apophthegmatib.

Eiusdem.

Epaminondas Pelopidæ increpanti, quod nullos tolleret liberos, malè in hoc consulens patriæ: Vide, inquit, ne tu peius consulas, qui talem patriæ filium relicturus sis. Habebat enim Pelopidas filium improbum, & infamè. Mihi, inquit, Leuëtrica pugna pro liberis erit, nunquam interitura. In hoc enim suscipiuntur liberi, ne pereat nostri memoria. At hoc melius præstât egregia facinora, nam liberi frequenter offuscant parentû gloriâ. Eras. lib. 5. apoph.

Stilponis.

Quum olim omnium hominum oculi in solum Stilponem coniecti essent, quidam ad Stilponem, Isti (inquit) omnes te admirantur vt beluam: Nequaquam, ait, sed vt verum hominem admirantur me bestia. Laertius libro 2. cap. 12.

Gnathæna.

Gnathæna meretrix reprehensa à Stilpone philosopho, quod adolecentes corrumperet: Tu, inquit, ego que Stilpon in eodem hæremus crimine, qui adolecentes tecum versantes inutilia quadam & amatoria sophisinata doces, vt nihil referat cum philosopho versentur, an cum meretrice. Eras. 6. apoph.

Phocionis.

Athenienses Demadem præponentes Phocioni, belli ducem constituerunt. Qui cum ambitu superasset Phocionem, summe animum extulit, & accedens Phocionem: Accommoda, inquit, mihi sordentem istam chlamydem, quam gestare solitus es in tuo belli principatu. Cui respondens Phocion: Nunquam, inquit, quicquam tibi sordens deerit, dum talis fueris. Aelianus lib. 14. de Varia historia.

Eiusdem.

Demoſtheni rhetori dicenti, Occident te Phocion Athenienses, si quando ceperint insanire: hunc in modum respondit: Me quidem, si insanire ceperint: at te, si ad sanam mentem redierint. Demosthenes enim pleraque ad gratiam apud populum loquebatur, & blanda potius quam salubria consulebat. Plutarchus in Græcorum apophtheg.

Themistoclis.

Seriphio cuidam obuianti, quod non ex sese, sed ob urbis nobili

nobilitatem celebris esset: Vera, inquit Themistocles, prædicas. Neque enim ego si Seriphius essem, clarus essem, neque tu si Atheniensis. Non inficiatus est urbis celebritatem nonnihil facere ad illustre nomen: sed illum esse tam ignauum, ut etiam si fuisset natus Athenis, nihilo minus fuisset obscurus futurus. Plutarchus in Græcor. apoph.

Eiusdem.

Adimantus abhorrès à pugna navali, ad Themistoclem, qui Græcos huc hortaretur incitaretque, ita loquutus est: O Themistocles, qui in certaminibus ante alios posiliunt, mos est flagris cadere. Cui Themistocles: Sic est Adimante, ut dicis: sed nec eos qui se subducunt, coronat quisquam, Adimantus notavit in Themistocle præcipitem audaciam, ille vicissim illum insinulavit formidolositatis, qui cum opportunitas inuitaret, detrectaret pugnam. Plut. in Themisto.

Cleomenis.

Cleomenem quidam per conuiuium dixerat deliciis deditum. At hoc, inquit, satius est, quàm iniustum esse. At tu pecuniarum amore teneris, quum quod satis est possideas. Argutè significauit, neminem esse posse iustitia tenacem, qui supra quàm satis est, congerendi studio tenetur: ad hæc stultum esse, qui alteri leuius exprobrat vitium, quum in ipsum ilico grauius crimen possit retorqueri. Plut. in Laconicis.

Pausaniæ.

Pausanias Plistonastris filius, è patria profugus, quum Tegeæ laudaret Lacedæmonios, cuidam dicent: Quin igitur mansisti Sparta, sed fugere maluisti? Quoniam, inquit, nec medici apud sanos, sed apud ægrotos verari solent. Salsissimè conuiuium exilii retorfit in Tegeaten, quod eius gentis corrupti mores egerent Spartana disciplina. Plut. in Lacon.

Spartani.

Quum Thebani deuictis apud Leuctra Lacedæmoniis, ad ipsum venissent Eurotam, & quidam gloriabundus dixisset Vbi nunc Lacones? Spartanus quidam ab illis captus: Non adsum, inquit, alioqui vos huc non venissetis. Ne victus quidem & captiuus potuit obliuisci indolis Laconicæ, nec tulit victoris iactantiam. Plut. in Lacon.

Laconis.

Arguo quodam dicente, multa Spartanorū sepulchra apud nos sunt: Lacon excipiens, Atqui Argiuorū apud nos nullū est

sepulchrum, innuens, quòd Spartani semper inuasissent Argos, Argiui verò Spartanos nunquam. Solerter Lacon, quod ille dixerat in gentis suæ laudem, retorfit in ignominiam. Plutarchus in Laconicis,

Anonymi.

Quidam cum Laconi dixisset, Mentiris: ille contrà, Nimirum (inquit) liberi sumus, alii verò, nisi vera dixerint, vapulant. Quo dicto se liberum esse demonstrat, à seruo notatum: qui si fallat mendacio, loris punitur. Plut. in Lacon,

Plistonæti.

Plistonax Pausaniæ filius, cum rhetor quidam Atticus Lacedæmonios dixisset indoctos: Nos enim, inquit, Græcorum soli nihil à vobis didicimus mali. Lacedæmonii malum existimabant, quicquid non faceret ad efficiendam ciuitatem meliorem. Plut. in Lacon,

Demetrii.

Lyfimacho Demetrium impetente conuiciis, dicentēque, Lamiam sibi visam meretricem de scena tragica prodeuntem: hæc erat amica Demetrii magnificè culta. Demetrius respondit, meretricem Lamiam esse modestiorem, meliusque moratam, quàm ipsius Penelopen, coniugem illius notans. Plutarc.

Eiusdem.

Demetrius, quum alteram vxorem ducere statuisset, liberis ipsum percontantibus, nunquid in ipsis haberet de quo quereretur? Nequaquam, inquit, imò ob id potius alteram duco, & collaudem vos, cupiamque mihi & alios istiusmodi liberos nasci. Eras. lib. 5. apoph.

Antagoræ.

Antigonus rex cum castra perambulare, & ad Antagoræ poetæ tabernaculum venisset, videns hominem congrum de-coquere, reprehendit dicens: Putasne Antagora, Homerum, cum suam Iliadem scriberet, congris delectatum? Cui Antagoras respondit: Nunquid & tu rex Antigone, arbitraris Agamemnonem, cum ea gereret quæ ab Homero scripta sunt, castra Græca deambulantem quasiuisset, quid quisque sibi in cibum pararet? Acuto responso conuicium in regem retorquens, cuius nimiam curam, nimiamque loquacitatem reprehendebat. Fulgosi lib. 6. cap. 2.

Philopæmenis.

Philopæmenem Achæorum ducem cum Titus Flaminius Roman

Romanorum imperator reprehenderet ob corporis deformitatem, diceretq; Quid hoc? cum pulchras manus, crura etiam quam pulchra habeas, quod ventrem ipse non habeas? Philopœmen respondit: Quid hoc ô Romanorum eximie, cum egregios pedites & strenuos maximè equites habeas, & pecuniam minimè habeas? Nam & Flaminius per sæpe summa rei pecuniariæ inopia laborabat, quemadmodum Philopœmenes tenuitate ventris, ac medii corporis gracilitate. Pontanus.

Marij.

C. Marius in bello civili quum fossa cinctus obsideretur, continuit sese, opportunum expectans tempus rei gerendæ. Popædio autem Siloni dicenti, Si magnus es imperator ô Mari, descende in conflictum: Imò tu, inquit, si magnus es imperator, coge me nolentem ad certamen venire. Plutarch. in Ro. apoph.

Galba.

Libo quum Seruilio Galba dixisset, quando tandem Galba exhibis de triclinio tuo? mox audiit? Quum tu de cubiculo alieno. Libo notauit Galbam, quod L. Scribonio tribunus plebis iudices ferret familiares suos, & conuiuiis corruptos. Galba vicissim illum notauit adulterii. Eras. lib. 6. apoph.

Helij Mancie.

Helius mancina Formianus, libertini filius, vltima senectutis, L. Libonem apud Pompeium accusabat: in quo certamine Pompeius Liboni fauens, Helio & generis humilitatem & senium exprobrans, dixit, illum ab inferis remissum, vt claros viros accusaret. Hoc conuiuium incontanter retorfit hoc modo: Non mentiris, inquit, Pompeie: planè ab inferis reuersus sum. Sed dum illic moror, vidi Cn. Domitium Aenobarbum deplorantem, quod summo genere natus, vitæ inculpatisimæ, patriæ amantissimus, in ipso iuuentutis flore tuo iussu esset occisus. Vidi pari claritate conspicuum Brutum, ferro lacertum, querentem id sibi prius perfidia, deinde etiam crudelitate tua accidisse. Vidi Cn. Carbonem, acerrimum pueritiæ tuæ, bonorūque patris tui defensorem, quum tertium consul esset, catenis, quas tu illi iniici iusseras, vinctum, obrestantem se aduersus omne fas & nefas, quum in summo esset imperio, a te equite Romano trucidatum. Vidi eodem habitu & quiritatu, prætorium virum Perpennum, seuitiam tuam execrantem: atque hos omnes eadem voce indignantes, quod indemnati sub te adolescentulo carnifice cecidissent. Has Mancie voces,

fortassis aliquis temeritatem appeller citius quàm libertatem. Scitum est, quod subnectit Valerius: Eo tempore & fortissimum erat Pompeio maledicere, & tutissimum. Fortissimum, ob summam potentiam; tutissimum, ob reuocatam veterum facinorum inuidiam. Eras, lib. 8. apoph.

Aegily.

Q. Opimius consularis, quum esset adolescentulus, male audiuit. Is Aegilio homini festiuo, qui videbatur mollior, nec erat, sic exprobrauit molliciem: Quid tu Aegilia mea, quando ad me venies cum tua lana & colu? Lepidè retorsit Aegilius: Non Pol, inquit, audeo: nam me ad famosas vetuit mater accedere. Alter simulabat orationem velut ad foeminam, alter accepta persona simulationem vertit in irrisiōnem. Eras, libro 6. apophtheg.

Philippi oratoris.

Catulus Philippo oratori dicenti, Quid latras? respondit, Furem video, conuicium larrandi in ipsum retorquens, notauit hominis rapacitatem. Bruso, lib. 2. cap. 40.

Catuli

Catulus cum vidisset quendam ex iudicibus quos pecunia Claudius corruerat, notans hominis victi muneribus auaritiā: Quid vos à nobis praesidium postulabatis? inquit: an, ne nummi vobis eriperentur timebatis? Cicero ad Atticum libro primo.

M. Crassi.

Cn. Domitius L. Crasso collega exprobrauit, quod censor tanti habitaret, eo quod in porticu domus haberet columnas Hymetias, pro domo eius milia nummum identidem promittens. Crassus erat praesenti ac festiuo ingenio, rogauitque collegam, Quanti ipse domum suam aestimaret. Is respondit, Sexagies tertium. Rursum Crassus: Quanto igitur, inquit, eam minoris aestimas, si decem arbusculas succidero? Ea fuerunt loti, patula ramorum opacitate laesurae. quum Domitius respondisset, tricies tertium: Vter, inquit Crassus, nostrum luxuriosior: ego ne, qui decem columnas centum milibus nummum emi: an tu, qui decem arbuscularum umbram tricies tertium aestimas? Ita est ingenium hominum, ad aliena vitia perspicax, ad sua caecum. Eras, lib. 6. apoph.

Deiotarum regis.

M. Crassus in Parthos proficiscens, quum Deiotarum extrema iam senectutis, noquam vibem condere videret: Quid est, inquit,

inquit, ô rex hoc rei, quod cum hora diei iam adfuit duodecima, nouam urbem extruere institueris? Ad hæc arridens Deiotarus: Imò quid tibi in mentem venit, Imperator, vt quum haudquaquam sis (vt videtur) matutinus, tamen in Parthos cum exercitu properes? Nam id tēporis Crassus sexagesimum agebat annum. Hora quę nobis duodecima est in meridie, olim erat extrema diei. Plut. in M. Crasso.

Domitij.

L. Crassus censor Cn. Domitio collegæ exprobrati, quòd ob murenam in viuario mortuam lachrymasset: At tu, inquit, quum vxores tres extuleris, nullam emisisti lachrymam. Scitè retorfit conuicium. Notauit illū, quasi curassèt vxorum mortem. Et alioqui turpius est in vxoris funere non flere, quam ob murenam emittere lachrymas. Eras. 6. apoph.

Domitij Afri.

Longus Sulpitius insigniter ipse fœdus, eum contra quem in iudicio liberali aderat, dixit ne faciem quidem habere liberi hominis. Cui respondens Domitius Afer: Næ tu ex animi mei sententia Longe. Qui malā faciem habet, liber non est. Si ideo liber non erat cuius agebatur causa, q̃ deformis esset: nec ipse Sulpitius habendus erat pro libero, quum esset fœdissimus. Eras. lib. 6. apoph.

Catonii.

Quum quidam Catoni dixisset, Eamus deambulatum: & adolescens quidam interpellasset dicens, Quid opus erat de? Imò, inquit Cato, quid opus erat te? Vna literula mutata, significauit ipsum potius esse supernuacaneum in vita, quam de in verbo. Eras. lib. 5. apoph.

Lælij.

C. Lælius, cum ei quidam obscuro genere natus dixisset, Indignus es tuis maioribus, respondit: At tu hercule tuus satis dignus es. Cicero lib. 2. de Oratore, & in Lælio.

Ciceronis.

Cicero quum ad Pompeium venisset, ac venisse pœniteret, rogatus vbi Pisonem generum reliquisset? Apud tuum, inquit, socerum: Cæsarem deliquans. Perinde quasi notatus esset Cicero, q̃ à genero suo diiunctus esset; relaxauit illum, quòd ipse cum suo socero bellum generet. Plut. in Ro. apoph.

Eiusdem.

Metello percontanti Ciceronem, quis ipsius esset pater, nimirum ignobilitatem exprobrans: Ad istam, inquit, percontantem.

tionem vt respondere sit difficilior, mater effecit tua. nam Metelli mater audiebat parum pudica. Quin & ipse Metellus matrem referens, leuior erat, & inconstans, & affectibus feruiens. Cicero conuicium a patre ad matrem transtulit. Tum enim incertus est pater, quum mater non cum vno consuetudinem habet. Plutar. in Rom. apoph.

Eiusdem.

Quum Verres, qui filium habebat parum pudicè flore atatis vntem, Ciceronem vt parum virum ac cinædum incesceret conuiciis: Ignoras, inquit, quod liberis intra fores conuiciandum sit: Significans hoc conuicium non in ipsum competere, sed in conuiciatoris filium. Parentum autem est obiurgare liberos, sed intra domesticos parietes, nec ea conuicia sunt eliminanda. Eliminat autè, qui aliis impingit, quod ipse domi committunt liberi. Plut. in Rom. apoph.

Anonymi.

Plancus cum in causa quadam adesset amico, vellètque testem molestum perturbare, interrogauit, quo se artificio tueretur? Sciebat enim illum esse futorem? At ille lepidè retorquens in Plancum: Gallam, inquit, subigo. Id quidem sutorium habetur instrumentum: sed rectè exprobrabat illi adulterium cum Mæuia Galla, quo nomine Plancus malè audiebat. Eras. Rot. 6. apoph.

Antigenide.

Antigenidam tibicinem, cum quidam eiusdem artis amulus ira commotus contumelia affecisset, dicerètq;: Abi, emam te pro mancipio. respondit: Bene facies, tum enim ego te docebo tibiis canere. Philo Iudæus lib. Quod omnis probus liber.

Cassij.

Iulio Cæsare iam per insidias interfecto, sedatoque tumultu populi, cum Brutus ad Lepidum propinquum suum, Crassus verò ad Antonium proficisceretur, inter cœnandum cum sermonem (vt sit) de multis rebus haberent: tum verò Cassium Antonius interrogauit. An nunc etiam (inquit) pugionem sub axilla geris reconditum? Certè, inquit, longè maximum: siquidem tu quoque regnum affectabis. Xiphil. Dionis abbreviator, in Iulio.

Anonymi.

Cæsar Augustus cum vidisset adolescentem oris similitudine sibi similem, interrogauit, num aliquando mater eius Romæ fuisset.

fuiſſet. Negauit ille: ſed ſentiens conuicium, ſtatim retorſit in autorem, adiiciens, Sed pater meus ſæpe Romæ fuit. Auguſtus lūdēſ, ſuſpicionem intendebat in matrem adoleſcentis, velut ab ipſo ſtupratam: & adoleſcēſ protinus eam ſuſpicionem retorſit in matrem Cæſaris, aut in ſororem. Nam oris ſimilitudo non magis arguebat illum eſſe Cæſaris filium, quàm fratrem aut nepotem. Eraſt. lib. 4. apoph. ex Suet.

Iulia Auguſti.

Argento coxi Calidonii vxor, Iulia Auguſta, quæ ipſam mordebat, initis fœderibus, quòd ipſa pro more gentis impudenter cum maribus verſaretur, dixiſſe fertur: Nos multo melius explemus ea, quæ naturæ poſtulat neceſſitas, quàm vos Romanæ. Nam apertè cum optimis viris habemus conſuetudinem: vos autem occultè peſſimi homines conſtuprant. Obſeruabis autem hoc à muliere Britānica dictum eſſe. Dion Nicæus, & Xiphilius in vita Seueri.

Sfortia.

Sfortia Cotignola dux clariffimus, quum à Sergiano magno Senefcalcho, ad exprobrandam generis nouitatem, ligonis fabula obiectaretur. In hoc, inquit, vti video, ſtirpis origine patres ſumus, quum Adamus mortalium primus, terram & ipſe foderit. Sed ego certè, quod iure diffiteri non potes, illo meo ligone multo nobilior euafi, quàm tu tuo pene & penna. Quo ſcommate lepidè admodum hominem tranſfixit, quum in eo tanta cum inuidia dignitatem ſtupro quaſitatis, & patrem eius ad prætoris tribunal, ignobilem ſcribam, adulteratòque teſtamento falſi damnatum, ſcitiffimè notafſet. Paulus Iouius in vita Iacobi Mutli, cap. 84.

Queraldi.

Queraldus Petri Aragoniæ regis ſenator, miſſus aliquando legatus ad regem Africæ, fuit ab illo in cœnâ adhibitus, quam rex ipſe apparari iuſſerat editioribus in ſcannis. Afri enim in ſolo ſuper tapetis diſcumbunt. Cœnitauerūt plures ſimul. Rex autem ipſe clam iubet oſſa colligi, eaque ad pedes Queraldi illo neſciente conici. Finita igitur cœna, cum ault magiſtri iuſſu menſæ eſſent ſublata, appareretque oſium cumulus: tum quiſpiam à rege ſubmiſſus, Quid hic (inquit) oſium video, lupus proſectò hic cœnitauit, non homo. Tum Queraldus ad regem conuerſus: Mihi, inquit, ô rex cum lupis fuit negocium, cum luporum ſit & carnem & oſſa ſimul arroderet, quod co-

messatores isti tui fecere. Ego verò vt homo ac conuiuia comis, carnes absumpsi, ossa in humum abieci, in canum pastum atq; oblectamentum. Pontanus.

Ignatij episcopi.

Ignatius Chalcedonenſis epiſcopus, cum iam Conſtantino- poli habitans, ob ſenectutis incommoda viſu orbatus eſſet, at- que à Iuliano apoſtata ob id vexaretur. Galilaũ (ita enim Chri- ſtum per contemptum vir impius nominare ſolebat) viſum nò reſtituturum ei dicens: reſpondit, Lubens quidem oculis carere volo, ne tam impium tyrannum te Iulianum videre cogar. Ful- goſus lib. 6. cap. 2.

Biraci.

Patriarcha Hieroſolymitanus, qui totam cancellariam apo- ſtolicam regebat, conuocatis aliquando certam ob cauſam diſ- ſeuſiendam aduocatis nonnullis, neſcio quem verbis acriter caſtigauit. Huic cum vnus præ cæteris Thomas Biracus libe- rius reſpondiſſet, verſus in eum patriarcha, inquit: Malum ca- put habes. At ille, vt erat homo promptus: Rectè, inquit, ac ve- rè loqueris. Nam ſi bonum caput haberem, ſatis meliori loco- res noſtræ eſſent, neque opus eſſet hac noſtra controuerſia. Te igitur ipſum culpas, ait Patriarcha. Tum ille: Non me, inquit, ſed caput reprehendo. ita ipſum, qui aduocatis omnibus præ- erat, Patriarcham accuſans, qui duro paulum capite erat. Pog- gius Florentinus.

Anonymi.

Alter Vrbanum ſextum olim ſummum Pontificem, leuiter perſtrinxit. Nam cum ille neſcio quid acrius à Pontifice con- tenderet: Malo capite es, inquit Vrbanus. Tum ille: Idè, inquit, de te vulgò dicunt homines pater ſancte. Poggius.

De correptione.

Dionyſij.

Zeno Citticus Dionyſio cuidam dicenti, Quir me vnum omnium non corrigis? Non enim, inquit, tibi credo. Sub- indicans, ſibi non eſſe ſpem, illum, ſi corripereſſetur, fore melio- rem. Laert. lib. 7. cap. 1.

Galli.

Quum Gallus, qui teſtimonium ferebat contra Piſonem, dixiſſet, innumerabilem pecuniam Magi præfecto datã, idq; Scaurus tenuitate Magi redargueret: Erras, inquit, Scaure. Ego enim

enim Magnum non conseruasse dico, sed tanquam nudus nudes legeret, in ventrem abstulisse. Correxuit sermonem suum Gallus, sed ita, vt crimini corruptelæ crimen adderet Iulus, Eras.lib.6.apoph.

Cæsarii.

Galba corpus habens gibbo deforme, de quo vulgò iactatum est, Ingenium Galbæ malè habitare: quum apud Cæsarem causam agens subinde diceret, Corrige me Cæsar, si quid in me reprehendendum videris: Ego, inquit, Galba monere te possum, corrigere non possum. Corrigitur, quod reprehenditur: corrigitur, quod ex distorto fit rectum. Eras.lib.4.apoph.

Bassii.

Iunius Bassus, querente Domitia Palsiani, quod taxans eius sordes, calceos eam veteres diceret vendere consueuisse: Non mehercules, inquit, hoc vnquam dixi: sed dixi, emere te solere. Bruson Contursinus lib.1.cap.1.

Vide Titu. de Castigatione & Reprehensione.

De crepitu ventris.

Silponis philosophi.

Crates Cynicus ad propositum questionem non respondebat, sed pro responso ventris crepitum emitit. Hic Silpon: Sciebam, inquit, te quamuis vocem emissurum potius, quam eam quam oportuit. Laert.lib.2.cap.13.

Cratetis.

Metrocles hoc vitio laborabat, vt inter differendum subinde crepitum ventris emitteret. Eam ob causam domi morens sese continebat. Huic mederi studens Crates, de industria multum lupinorum deuorabat. ac Metroclis ædes adiit, persuasitque nihil esse mali quod accidisset: imò potius fore prodigiosum, nisi homo humano more flatum ventris emitteret: atque interim ipse inter colloquendum crebrò crepitum ventris edidit. Hoc pacto & seruauit pusillanimitatem, & discipulum sibi parauit. Laert.lib.6.cap.5.

Stoicorum.

Stoici crepitus ventris æquè liberos, ac ructus esse oportere, vulgò dicere solebant. Cuius rei testis est Cicero in Epistolis familiaribus lib.9.

Claudij.

Claudius imperator edictum edidit, quo venia daretur crepitus ventris emittenti: quum periclitatum quendam præ pudore ex continentia, reperisset. Bruso. Contursinus lib. exemplorum primo.

*De crudelitate.**Timonis.*

Timon Atheniensis, cum Alcibiadem adhuc puerum obuiam habuisset, & deosculatus ei plurimum blandiretur, rogantibus quibusdam, quæ infuetae blanditiarum causa esset: Respondit, amare se eum puerum, quod præuideret ipsum quandoque Atheniensibus magnorum malorum causam fore, qua spe sola fruebatur. Ei enim propter immanem naturam quid placebat, quod alii iure omnes abominabantur. Fulgosi lib. 9. cap. 11.

Militum Maximini.

Julius Maximinus prodicione militum interfectus est, una cum filio Diadumeno etiamnum puero: quo tempore conclamatum est à militibus, Ex pessimo genere ne catulum quidem esse relinquendum. Allusisse videntur ad Græcam paræmiā: *ὅς τ' ἂν γὰρ τὴν αἰὶν ἀνδρῶν καὶ τῶν γυναικῶν*. Eras. 8. apoph.

Alexandri tyranni.

Alexander Phereusius tyrannus, maximè truculentus seuusque esse videbatur. Theodoro verò tragico poeta, cum acri animorum affectu & commiseratione Aeropem agente, lacrymas profudit, surgensque de theatro recessit. Verum purgans & excusans se apud Theodorum, affirmavit se non idcirco abiisse, quod illum aut aspernari, aut contumelia afficere voluisset: sed quod puduisset ipsum histrionis incommodis & affectionibus misericordem videri, suis verò ciuibz & subditis non item. Aelianus lib. 14. de Varia historia.

Vxoris Hannibalis.

Hannibalis Poeni scelerata atque atrox nimis vxor, inspecta humani sanguinis fossa, pulchrâ in ea esse spectaculum dixit. Fulgo. lib. 9. cap. 11.

Fimbriae.

C. Fimbria procurat, vt Scæuola in funere C. Marii iuglaretur, quem vt cognouit ex vulnere recreatum, apud populum deferre instituit. Rogantibus, quid optimo innocentissimoque

modoque viro esset obiecturus: Obiiciam, inquit, quoddam parcius corpore telum recipit, quasi hoc ipsum crimen esset, non perisset, Eras. lib. 6. apoph. Brufon. lib. 2. cap. 9.

Q. Catuli.

Quum Syllana crudelitas magna licentia sciret in capita civium (nam occisi feruntur supra nouem millia) percussoribus liberè per urbem vagantibus, ac cæteris metu attonitis, Q. Catulus palam ausus est dicere Syllæ: Cum quibus tandem victuri sumus, si in bello armatos, in pacè inerimes occidimus? Eutropius.

Syllæ.

Sylla septem millia Romanorum occidi iussit. ac quum in vicino ad ædem Bellonæ sedens, exaudisset exclamationem tot milium sub gladio gementium, exterrito senatu: Hoc agamus, inquit, P. C. seditioni pauculi meo iussu occiduntur. Brufonius lib. 2. cap. 9.

Telefina.

Pontius Telestinus cum in eo bello, quod Sylla contra patriam gessit, magno Reipub. Romanæ detrimento, ad portam Collinam parum prosperè pugnasset, ac vociferaretur eruendam delendamque urbem: adiecit, Etiam nunquam defuturos Italicæ libertatis lupos, nisi sylua, in quam refugere solerent, penitus esset excisa. Velleius Paterculus, & Cuspinianus in Consulibus.

Catonis.

Cato Vicensis dixit, C. Cæsarem sobrium accessisse ad evertendam rempub. Id Quintilianus ita refert, ut putet nihil dici posse significantius. Sensit enim, illum hoc iam olim animo agitalle, quod postea fecit, Eras. lib. 8. apoph.

Catiline.

L. Catilina obiicienti Ciceroni, incendium à se excitatum: Sentio quidem (ait) verum si aqua illud non potero, ruina extinguiam. Brufonius lib. 2. cap. 9.

Augusti.

Augustus Cæsar audiens inter pueros, quos in Syria Herodes crudelissimus Iudæorum rex interfici mandauerat, filium quoque eius interfectum, dixisse fertur: Se malle suum, quam filium Herodis esse. Iudæus enim cum esset, à suilla carne prohibita abstinebat, iuxta legem. Refertur apud Macrob. lib. 2. cap. 4. Sat.

Eiusdem.

Eiusdem.

Cœnabat Augustus apud Ateidum, siue Vedium Pollionem, ibi fregerat quidam è seruulis vas crystallinum: qui ilico iussus est ab Ateidio rapi, & murenis obiiici. Puer ad Cæsaris pedes confugit, nihil aliud petiturus, quàm vt aliter periret. Cæsar motus nouitate crudelitatis, & puerum dimitti, & crystallina omnia ante se frangi iussit, & his pro puero compleri piscinam. Amicum autem grauitè increpauit: E conuiuio, inquit, rapi homines imperas, & noui generis pœna lacerari? Si calix tuus fractus est, viscera hominis distrahètur? Tantùmne tibi placebis, vt tibi aliquem duci iubeas, vbi Cæsar est? Eras. lib. 4. apoph. ex Suetonio.

Theodori Gadarei.

Theodorus Gadareus, Tiberii Cæsaris in Rhetoricis præceptor, animaduertens in puero sanguinarium ingenium, sub specie lenitatis & clementiæ latitans, subinde inter obiurgandum appellauit illum, lutum sanguine maceratum. Ab initio quippe sui imperii miram lenitatem præ se tulit, sed in progressu ad immanem crudelitatem prolapsus est, vt Suetonius testis est in eius vita.

Tiberij.

Tiberius, quum custodias recognoscentem quidam rogaret vt supplicium maturaret: respondit, Nondum redii tecum in gratiam, Humanitatis officium esse putauit, si damnatum citò occidisset. Idem.

Eiusdem.

Tiberius Cæsar C. Caligulæ ideo imperium reliquisse dicitur, quo memoriam scelerum suorum maioribus Cæii sceleribus obrueret: vtque maxima atque nobilissima pars senatus post mortem suam necaretur. Sæpe enim dictum illud vetus fertur vsurpassè: Me mortuo, terra cum igni misceatur. Dion Nicæus in eius vita.

Neronis.

Nero Romanorum imperator, cum post multa nefanda facinorosa urbem atque imperium viuis funditus perdere optaret: Prium mirum in modum beaurum fuisse dicebat, quòd patriam simul cum regno perditā vidisset. Xiphilius in Nerone.

Eiusdem.

Idem quum amitam ex duritie alui cubantem visiteret, & illa tractans lanuginam eius (vt assolet iam grandis natus) per
blan

blanditias fortè dixisset, Simul hanc excepero, mori volo: con-
uerſus ad proximos, confestim se positurum (velut irridens) ait,
præcepitque medicis: vt largius purgarent agram, quo citius
efflaret animam. Brufon. lib. 2. cap. 9.

Eiusdem.

Nero quodam in colloquio proferente Græcum versiculum,
ἡ μὴ θάψωμαι γὰρ ἡ γῆ μου, id est,

Me mortuo terra mifceatur incendio.

Subiecit, ἡ μὴ καὶ ζῶμαι, id est, me etiā uiuo. Quibus por-
tentis aliquando committitur Respublica? Eras. 6. apoph.

Eiusdem.

Columnis statuarum eiusdem illud adscriptum erat, Galli
te cantando excitauit. Indignissimè tulerat Galliarum defe-
ctionem: proinde decreuerat, Gallos omnes Romæ agentes con-
trucidare, prouinciamque exercitui diripiendā tradere. Sueton.

Centurionis, de Nerone.

Agrippina quum iussu Neronis occideretur, ac Centurio fer-
rum in mortē destringeret, ventrem ostendens clamabat: Hunc
percutite, hic est ferro fodiendus, qui portentum illud genuit.
Sueton.

Neronis.

Vestinus consul, quum eodem die omnia munia consularia
obiisset, è conuiuio repentē ad mortem raptus est. Conuiuii ni-
hil aliud quàm exitium expectabant. Horum pauorem irridēs
Nero, dixit illos satis supplicii luisse pro epulis consularibus.
Dicas hoc à clemente dictum, si cætera Neronis facinora spe-
ctes. Sueton. in Nerone.

Caligula.

Caligula imperator, vt alia omni in re, ita verbis quoque sce-
leratus fuit: persæpe repetens, Oderiat dum metuunt. Optabat
etiā populum Romanum vnā habere tantum ceruicem, vt
vno ictu omnes interficere simul posset. Fulgofus lib. 9. cap. 11.

Eiusdem.

Vir quidam prætorius valetudinis causa secesserat in Anticy-
ram, petito à Caligula Cæsare comœatu. Is quum sæpius pe-
teret prorogari comœatum, mandauit interfici. & adiecit, ne-
cessariam sanguinis esse missionem, cui tam diu non profuisset
helleborum. Solent enim medici, in morbis validioribus vena-
rum incisione vti. Et in Anticyram nauigabant, quibus opus
erat purgatione. Erasmus libro 6. apophtheg.

Eiusdem.

Eiusdem.

C. Caligula frequenter exclamare solebat, Vtinam vniuersus populus Romanus vnica ceruicem haberet. Talia portenta tulit olim mundus, pro monarchis. Eutropius refert, & Brufon. lib. 1. cap. 9.

Eiusdem.

Idem quum destinasset interficere fratrem suum, eumque su spicaretur sese medicamentis præmunire, ita locutus est: Antidotum aduersus Cæsarem? Timebat ille venenum, quasi Cæsar nõ posset alio quouis modo trucidare, quem vellet extinctum. Eras. lib. 6. apoph.

Vitellij.

Vitellius postquam occisum Othonem in campo Bebriaci cognouit, eoque venisset, abhorrentibus quibusdam cadauerum tabem, detestabili voce confirmare ausus est: Optimè olere occisum hostem, & melius ciuem. Sed hic tandem religatis post tergum manibus, iniecto ceruicibus laqueo, veste discissa, semi nudus in forum tractus est inter ludibria, per totum viæ Sacræ spaciū, reducta coma, ceu noxii solent, quibusdam etiam cœno stercoreque incessentibus. Tandem apud Geomenias minutissimis ictibus excarnificatus, confectusque est, indeque vincto in Tyberim tractus. Brufon. libri 2. capite 9. & Fulgosus libri 2. capite vndecimo.

Antonini Caracalla.

Antoninus Caracalla Romanorum imp. cum direptis ciuium bonis, atque omnibus exhaustis aerariis, sua crudelitate ingentem corrasisset pecuniam, eamque indifferenter nefariis hominibus distribueret: Obiurgatus à Iulia matre, vt pecuniis aliqua ex parte parceret, atque prædæ optimæ partem in alium vsum sibi reseruaret, strictum gladium ostentans matri, respondit, Læto sis animo, quandiu hunc habebimus, nulla nobis decerit pecunia. Ostendens, nullam pecuniam apud subditos adeò reconditam esse, quam sua crudelitate extorquere non possit. Dion Nicæus, & Xiphilinus in vita Antonini.

Vide Tyrannos.

De cunctatione in rebus agendis.

Diogenis.

Diogenes Cynicus poscebat aliquid ab homine avaro: quæ cum videret contantem, ac negaturo similem, ô homo, inquit,

inquit, ad cibum te postulo, non ad cypum: vt qui licet, Græcarum vocū affinitatem reddam. Græcis enim τροφή cibis est, τροφή sepultura. Erasmus libro 3. apophtheg. ex vita Diogenis apud Laert.

Socratis.

Socrates hoc dictum plurimum in ore habuisse dicitur: Di midium operis peractum ei, qui iam esset aggressus. Sunt enim qui cunctando ac deliberando vitam omnem absumant. Est autem hemistichium Hesiodium, Ἀρχὴ ἡμῶν παῖδες, Laert. in vita Socratis.

Fabij.

Fabius Maximus, quoniam cum Hannibale pugnare detestabatur, mora copias illius & pecuniarum & commeatus egen-tes attenuabat. Ob quod cum malè audiret, nihil tamen com-motus, peragebat suum institutum, & Hannibalem cunctatione fregit, quem alii magno militum exercitu vincere nunquam potuerunt. Plut. in eius vita.

Iulij Caesaris.

Quum Pompeius instructam aciem apud Pharsalum inibi consistere, & hostem operiri iussisset, Cæsar dixit illum errasse, qui vim, impetum, ac diuinum afflatum animorum ad incur-sionem paratorum, mora relaxasset. Ad eod Cæsari non modo certamen erat cum Pompeio de fortuna belli, verum etiam de bellandi pericia, Plut. in Rom. apoph.

Augusti.

Augustus Cæsar illud semper citò factum posse dici aiebat, quod cum factum esset, bene haberet, Tarditatem enim, quæ tuta esset, celeritati anteponebat, cui periculum esset coniun-ctum. Fulgosit lib. 7. cap. 2.

Iuliani.

Iulianus imperator, ni fallor, quum in frequenti turba qui-dam ipsum his verbis appellaret aduersus aduersarium suum: Thalassius inimicus pietatis tuæ nostrā per vim eripuit: Agno-sco, inquit, ab illo me fuisse læsum, proinde dic illi, vt mihi po-riori inimico prius satisfaciāt, mandauitque præfecto, ne prius cognosceretur illorum negotium, quā ipse cum Thalassio re-diret in gratiam. Quod alter adduxerat ad maturandam vindic-tam, Cæsar torst in cunctationem. Erasmus octauo apoph-thegmatum,

Decur

De curiositate.

Anonyma. de Thalete.

Thaletem in cœlum suspicientem, & lapsum in barathrū, ancilla conspicata, meritò id illi accidisse dicebat: qui cum quæ ante pedes essent ignoraret, cœlum contempleretur, vt cognosceret. Antonius in Melissa, par. 2. ser. 77. & Maximus ser. 21. Brus. lib. 2. cap. 26.

Aristippi.

Quum quidam obiiceret Aristippo, ac diceret, Propter te ager perit: An, inquit, melius est, me propter agrum, quæ propter me agrum perire? Antonius ser. 77. par. 2. Melissa.

Xenocratis.

Xenocrates Chalcedonius nihil referre dicebat, vtrum pedes an oculos inferas in ædes alienas, videlicet deterrens ab omni curiositate rerum ad nos nihil attinentium. Laert. lib. 4. cap. 2.

Cratetis.

Crates Thebanus, vulgò dictus est *θυρανοστής*, id est, ostiorum apertor: quòd in omnes domos irruperet, & si quid displicuisset, reprehenderet Cynica libertate. Id cognominis hodie rectius conuenit in quosdam *πυροπόρους*. Laert. lib. 6. ca. 5.

Zenonis.

Zeno Cittiens adolescentem curiosius quiddam quàm proptate sciscitantem, adduxit ad speculum, vti quæ se contempleretur admonuit. Mox rogitaui, an videretur tali vultui conuenire, quæstiones eiusmodi proponere? Laert. lib. 7. cap. 1.

Socratis.

Socrates interrogatus à quodam, quid ageretur apud inferos? Deridens hominis curiositatem, respondit: Nec ego, inquit, vnquam iui, nec cum quoquam illinc reuerso sum collocutus. Maximus serm. 36.

Eiusdem.

Idem illud Homeri semper in ore habere solitus erat, *ἵνα τι τοῖς ἀνθρώποις μάταιον ἴδωσιν*, id est, Aedibus in nostris, quæ praua aut recta gerantur.

Eo non solum reuocauit auditorem à curiositate rerum alienarum, verum etiam à disciplinis nō necessariis: velut ab exacta cogni

cognitione Astrologiæ, aut Geometriæ, aut causarum naturalium, aut rerum vitramundandarum, ad cognitionem Ethices: cuius scientia præstat, vt nobis ipsi noti simus, vtque rem domesticam aut publicam vtiliter administremus.

Eiusdem.

Eodém spectat & illud, quod illi ascribitur, & in primis celebratur: Quæ supra nos, nihil ad nos. Sic enim respondere solebat admirantibus, quòd de moribus semper, de astris, de quæ meteorologis nunquam disputaret. Gellius & Laertius.

Aristotelis.

Aristoteles eos qui res euidentés demonstrare conarentur, similiter facere dicebat, vt si qui solem per lucernam ostendere conetur. Max. ser. 21.

Demosthenis.

Demostenes, quum quidam diceret, eum agrum negligere, ipsum autem se curare: Ea enim (inquit) curo, propter quæ agrum comparau. Antonius in Melissa, parte 2. ser. 77. & Max. ser. 21.

Euclidis.

Euclides olim rogatus à quodam, quales essent dii, quaque re potissimum gauderent? Cætera quidem ignoro, inquit, at curiosos illis odio esse certò scio. Maxi. ser. 21.

Demonaxii.

Cum quidém exquireret, an mundus esset animatus? & rursus, an globosus? Vos, inquit Demonax, de mundo solliciti estis, & vestram ipsorum immundiciem non curatis. Antonius in Melissa, par. 2. ser. 77. & Maxi. ser. 21.

Aegyptij cuiusdam.

Aegyptius baiulus gestans quiddam velis opertum, cuidam sciscitanti quid portaret? Ideo, inquit, obuclatum est, ne scires: tu verò cur curiosè vestigas, quod occultatum est? Solent vetigalium redemptores explorare sarcinas. Aegyptii autem dicti sunt *ἄχρηστοί*. Eras. lib. 6. apoph.

Vespasiani.

Vespasianus Roma. impera, à consulari viro Menstruo Floro monitus, plaustra potius quàm plostra dicenda, postridie illum pro Floro Flaurum salutauit: ciuilitèr alludens ad illius curiosam admonitionem. Veteres in quibusdā pro diphthongo sonabant o, vt Clodius pro Claudius. Suet.

Anonymi.

Cuidam vxor sua per literas exprobrarat, quòd lauacris & voluptatibus detentus, ad se redire nolet. Id per frumentarios rescuerat imperator. Itaque com meatum petenti, exprobrauit & lauacra & voluptates. Tum ille: Num & tibi ò Cēsār scripsit vxor mea, quod mihi? Notans curiositatem principe indignam. Dion in vita Hadriani.

Huc spectat titulus, de Disputationibus rerum friuolarum.

DE DAMNO

accepto.

CHILONIS.



Hilon Lacedæmonius, septem Græciæ sapiens tum haudquaquam postremus, damnum dicebat turpi lucro semper præferendum esse: illud enim semel dolere, hoc autem semper. Laertius lib. 1. cap. 4. Stobæus ser. 1.

Anaxagoræ.

Anaxagoras Clazomenius, post diutinam peregrinationem domum reuersus, cum reperiret patriam possessionesque suas desertas: Nisi, inquit, ista periscent, ego saluus non essem. quòd calamitas illum adegisset ad philosophiam: rebus autem integris, mansisset intra penates suos. Ita sæpenumero prospera sunt homini, quæ videntur aduersa: & quod damnum putatur ingens, lucrum est maximum. Laertius lib. 2. cap. 3.

De deambulatione.

Socratis.

Socrates cum ad vesperam vsque deambulasset strenuè, interrogatus cur id faceret? respondit: Quo melius coenem. Ostendit vir sapientissimus, vsum deambulationis, qua agitantur homines vt eo melius cibum capiant, & deinde ambulatione consumant. Refertur hoc eius dictum à Cicerone, libro quinto Tuscul. quæstio.

De debitoribus soluendis.

Philosophi cuiusdam.

Philosophus quidam Pythagoricus cum à caleiatore sibi commisset pheralsia (est autem calciamenti id genus) non habuit

buit pecuniam qua solueret in promptu. Verum cum paulo post rediret ad tabernam ut solueret futorē, audit eundem iam iam defunctum esse. Gratulabundus igitur philosophus de lucro, pecuniam domum retulit. Postea cum se colligeret, videt se malè fecisse. arrepta igitur pecunia, ait: Tibi vinit calceator, aliis mortuus. & accedens eius tabernas, nummos in eam proiecit, ne videretur homini etiam defuncto denegare id quod æquo debebat iure. Recitatur apud Erasimum lib. 6. apoph.

Phocionis.

Quum Athenienses olim sacrificia instituissent, peterent-que à ciuibus, ut vnusquisque aliquid de suo ad complenda sacrificia adderet: Phocion Atheniensis efflagitatori respondisse dicitur: Puderet, si vobis adderem: ac huic, cui debeo iure, nihil redderem. Sunt qui putent se Deo facere rem gratam, si ad cultum idolorum multos conferant nummos. At Phocion vir sapientissimus, sensit Deo multo gratius esse, si satisfacias iis quibus debes. Eius autem dictum leges apud Plutarch. in Græcorum apoph.

Lycurgi.

Lycurgus legislator, assiduū esse, dignūque cui debitum credas, in opibus: at fide dignum, in moribus situm esse dicebat. Maxi. ser. 1. de Virtute.

Persarum.

Persæ dicebant, duo esse peccata inter homines turpia: quorum primum est, debitorem esse: alterum, mentiri. Coniunxerunt autem hæc duo, ideo nimirum, quod vnum rarò sit sine altero. qui enim ære alieno obstricti sunt, pollicentur indies se satisfacturos, nec tamen præstant quod promissum est semel atque iterum. Recitatur ab Herodoto.

Augusti.

Equite Romano quodam defuncto, compertum est illum tantum habuisse æris alieni, ut summam ducentes nummum excederet: idque, dum viueret, celauerat. Quum igitur res illius auctioni subiicerentur, ut ex pecunia creditoribus satisfaceret, Augustus iussit sibi emi culcitram illius cubicularem: ac mirantibus hoc præceptum, Habenda est (inquit) ad somnum mihi conciliandum illa culcitra, in qua ille tanto ære alieno obstrictus, somnum capere potuit. Nam Augustus ob ingentes curas sæpe maximam noctis partem ducebat insomnem. Macrobius lib. 2. cap. 4. Sat.

De decoro vbique ac in omnibus obseruando.

Diogenis.

QUum vidisset Diogenes Cynicus fœminam diis procumbentem, ita curuato corpore, vt à tergo quædam apparerent quæ nudari non decet oculis hominum, adit illā dicens: Non vereris mulier, ne stante post tergum tuum Deo (nam illius plena sunt omnia) parum decenter te geras? Idem Aesculapio percussorem consecrassè dicitur, qui accurrens procidentes in faciem contèteret, hoc figmento deterrens homines à superstitione, qui credunt deos non audituros, nisi ipsis indecoro corporis gestu supplicent. Laert. lib. 6.

Socratis.

Cum Socrati Lyfias orationem, quam in eius defensionem composuerat, recitasset, Præclara, inquit, & elegans oratio est, sed non conuenit Socrati. Erat enim forensi instituto aptior, quàm philosopho, ac tali philosopho. Rursus Lyfias percontanti, quid si bonam iudicaret orationem, putaret sibi non conuenire? Nōne, inquit, fieri potest, vt amictus aut calceus elegans sit, ac pulcher, qui tamen alicui non conueniat? Hoc ipsum Val. Maximus narrat odiosius, minùsque Socraticè. sic enim Lyfias respondisse memorat: Aufer quæso istā, nam ego si adduci possem, vt eam in vltima Scythiæ solitudine perorarem, tum me ipsum morte mulctandum concederem. Eras. lib. 3. apoph.

Platonis.

Si quando fortè incidisset Plato in eos qui præter decorum quippiam agerent, digressus consuevit dicere, Nuncubi ego talis? Nemo suam turpitudinem perspicit, sed sibi quisque assentator est. Ex aliis igitur discendum, quàm indecora sint quæ præter honestatem geruntur. Laert. lib. 3.

Isocratis.

Isocrates in conuiuio Nicocreontis Samiorū tyranni, quum à conuiuiis iuberetur dicere: His, inquit, in quibus ego valeo, nunc non est tempus: in his verò, quæ hoc tempus requirit, ego non valeo. Recusauit inter pocula dicere, qui apud sobrios de rebus seriis disserere consueuerat. Eras. lib. 8. apoph.

Pyladis.

Pylades, quum saltans Herculem furem, nonnullis incessum

sum histrioni conuenientem minus seruare videretur, deposita persona ridentes increpuit, dicens, *μωποι, μαιέντων ἐγγοναί*: id est, Stulti, furem salto. Significans, hoc ipsum quod videbatur indecorum, maximè decorum esse. Eras. 6. apoph.

Stratonici.

Stratonicus musicus, Ptolemao rege de musica cum ipso contentiosius differente: Aliud est, inquit, ò rex sceptrū, aliud plectrum. Significans, non esse regium, de musica cum musico disputare. Eras. 6. apoph.

Callicratida.

Callicratidas praefectus classis, cum à Lylandri amicis sollicitaretur, vt permitteret ipsis accepta pecunia quendam ex hostibus occidere: haud concessit. Cui cum Cleander dixisset, Accepissem profectò pecuniam, si ego Callicratidas fuisssem: Et ego, inquit, si fuisssem Cleander. Quo dicto monuit, in omni actione spectandum esse personæ decorum. Plut. in Lacon.

Leontychida.

Leontychidas huius nominis primus, cuidam obliuienti quòd facile mutaretur: Mutor, inquit, sed pro temporum ratione, non, vt vos, proprio morbo. Prudentis est, pro re nata notare consilia: ac sine causa subinde aliud fieri, inconstantiæ vitium est. Plut. in Lacon.

Archidami.

Archidamus cuidam qui vitio vertebat Hecateo rhetori omnium clarissimo, quòd adhibitus ad ipsorum conuiuium nihil dixisset: Videris, inquit, mihi nescire, quòd is qui dicendi nouit artem, etiam dicendi norit opportunitatem. In senatu, in foro, in concionibus, in legationibus, aliisque reipub. negotiis lotus est oratori: in conuiuiis temulentis maiore cum laude silet eruditus, quàm loquitur. Sic periti bellatoris est, non minus scire fugiendi artem, quàm pugnandi. Plutarchus in Laconicis.

Eiusdem.

Idem ad Græcos, qui pacta rescindere nolebant, dicere solitus erat: Ovis semper eandem edit vocem, cæterum homo multas ac varias emittit. Quo admonuit, pro tempore, proque re nata variandum esse sermonis habitum. Est enim vbi loquendum sit seuerius, est vbi blandius, vbi magnificentius, vbi submissius. id si sit contra perfidiam, magna est prudentia.

Porro ouiles mores dicuntur habere, qui sese nesciunt rebus ac personis accommodare. Refert Plutar. in Lacon.

Leonida.

Leonidas cum malè audiuiſſet à quodam, quòd facile mutaretur. Mutor quidem, inquit, ſed pro temporum ratione: non vt vos, proprio morbo. Senſit, pro re & tempore varianda eſſe conſilia, vt negotiis diuerſis, in vſum aliorum nos accommodemus. Recitat Plutarch. in Lacon.

Pedareti.

Pedaretus conſpecto quodam qui natura mollis, tamen ob humanitatem laudabatur à ciuibus, dixit: Nec viros, qui mulierum ſimiles ſint, oportere laudare, nec mulieres, quæ virorum ſint ſimiles, niſi ſi qua mulierem vrgeat neceſſitas. Senſit, aliud decere bonum virum, aliud bonam mulierem, ac pro muliere in virum tranſfigurata accipit neceſſitatis excuſationem in viro degenerante in mulierem, nullam recipit excuſationem. Ita non eadem laus decora principi eſt, quæ plebio non eadè magiſtratui, quæ priuato. Plut. in Lacon.

Publicij.

C. Publicius ſolitus eſt dicere, P. Mummius, cuius temporis hominem eſſe, Sentiens, illum dexteritate facilitatèque ad omnem vitæ ſtatum eſſe accommodum. Eodem ſenſu Pollionem Aſinium omnium horarum fuiſſe hominem legimus: Et Tiberius Cæſar duos familiarius ab ipſo dilectos, omnium horarū amicos vocare ſolebat. Eraſ. lib. 6. apoph.

Bibuli.

Quum in ſenatu variantibus ſententiis, Cato cenſeret perpetuam dictaturam, vt tyrannicam potentiam, è Repub. tollendam: Bibulus, quum eſſet Pompeio inimicus, primus in ſenatu rogationem tulit, vt vnicus conſul Pompeius decerneretur. Aut enim, inquit, Reſp. ab imminente procella per illum liberabitur, aut optimo parendum erit. Egregius animus, qui priuatam ſimilitudinem poſthabuit Reipub. commodis. Eam ſententiam Cato dixit, ſe ab alio dictam comprobare, licet ab ipſo non debuerit proficiſci. Eraſ. 6. apoph.

Metelli.

Caius Iulius Cæſar, Metello obſiſtenti, ne pecunias ab arario tolleret, ne peccaret in leges: Non idem, inquit, armorum ac legum tempus eſt. Abſcede igitur, ac poſteaquam facta pace,
arma

arma deposuerimus, tunc, si videbitur, plebis patronum age.
Eras. lib. 4. apoph.

De defensione.

Antisthenis.

Antisthenes Atheniensis aiebat, homines virtute præditos, eos sibi parare propugnatores, qui & fortes sint, & iusti. Nolunt enim defendi, si quid iniusti admittat. Improbi contra fortes defensores quærunt, iustos nolunt. Diogen. Laertius lib. 6. cap. 1.

Ciceronis.

Cicero M. Cælium melius obiiicientem crimina quam defendentem, bonam dextram, malam sinistram habere dixit: huc alludens, quod in pugna dextra gladium tenemus, sinistra clypeum: gladio ferimus, clypeo defendimus. Eras. Roter. lib. 4. apophtheg.

De deditioe.

Demosthenis.

Quam Alexander pacem hac lege deferret Atheniensibus, si ciues octo sibi dederent, inter quos erat Demosthenes: Demosthenes apologum retulit de lupo, qui hac lege pacem obtulit ouibus, si canes dederent. Lupi nomine significans Alexandrum: canum, eos qui tum populi rem curabant: ouium, plebem Atheniensium. Addidit & illud: Vt mercatores, inquit, exiguum frumenti in paropside specimen deferunt, per hoc ingentes acervos vendere cupientes: ita vos, si traditis ciues octo qui deposcuntur, populum vniuersum traditis. Plut.

De dediscendi difficultate.

Socratis.

Socrates interrogatus, quænam optima esset disciplina? Dediscere mala, respondit. Maximus serm. 17.

Antisthenis.

Antisthenes Atheniensis rogatus, quæ disciplina cum primis esset necessaria? Mala, inquit, dediscere. Id enim non modò primum est, verum etiam difficillimum. Laert. lib. 6. cap. 1. Bruso. lib. 2. cap. 23.

Eiusdem.

Idem rogatus à quodam, quid sibi faciendum suaderet, ut

bonus vir & honestus euaderet? Si mala, inquit, quæ tibi ad-
sunt, ab his qui nouerunt, didiceris esse fugienda. Sensit, virtu-
tis caput esse, caruisse vitiiis. Id non à quolibet discendum, sed
ab his duntaxat, qui norunt quæ sint vera mala, quæ vera bo-
na. Ibidem.

Timothei musici.

Timotheus tibicen aduentantem discipulum interrogauit,
an sub alio etiam præceptore Musicæ operam dedisset, qui cū
sub alio militasse etiam affirmasset: Duplicē igitur dabis mer-
cedem, ait, quoniam duplex mihi labor subeundus est: dedocen-
di videlicet vetera, & docendi noua. Bruso. lib. 2. cap. 23.

Vide titulum de Assuetudine.

De degeneratione.

Aristippi.

Aristippus philosophus cū degeneres filios ad eō neglig-
eret, quasi ex ipso nati non essent: accusatus à quodam,
qui seueritatem eius improbabat: An non, inquit, & pituitam
& pediculos è nobis natos, velut inutiles, procul à nobis abiici-
mus? Sensit philosophus, eos nequaquam habendos pro filiis,
qui à parentum & maiorum suorum laude dignis virtutibus
turpiter degenerarent. Recitat Laert. lib. 2.

Diogenis.

Diogenes Cynicus cum vidisset adolescentem cultu gestūq;
parum virili: Non te pudet, inquit, qui peius tibi velis quàm
ipsa natura voluit? Si quidem illa te virum fecit, tu te ipsum re-
lingis in fœminam. Laert. lib. 6.

Stilphonis.

Stilphon Megarensis habebat filiam parum secundæ famæ.
cui dam itaque dicēti, Dedecorat te filia: Nihilo magis, inquit,
quàm ego illam decoro. Sentiens, neminem alienis factis deho-
nestari, sed suis quēque moribus æstimandum esse. Neq; enim
illa fuisset honestior ob patris celebritatem, nisi paternas vir-
tutes fuisset imitata. Plutarch. in lib. de Tranquillitate, pluri-
bus verbis hoc idem enarrat. Nam Metrocli obiicienti, quod
filiam haberet impudicam: Vtrum, inquit, hoc meum pecca-
tum est, an filia? Quum Metrocles respondisset, illius peccatū,
sed tuum infortunium: hunc in modum excepit Stilpho, Quid
ais? an non quæ peccata sunt, eadem sunt laplus? Annuuit Metro-
cles. At laplus, inquit Stilpho, quorum sunt, eorundem sunt &
frustra

frustrationes. Et hoc confesso Metrocle: Porro quorum sunt frustrationes, horum sunt & infortunia. Ita placido prudentiq; sermone demonstrauit, filia duntaxat esse infortunium; cuius esset peccatum: ac Cynici conuicium nihil aliud esse quam latratum. Laert. lib. 2. cap. 12.

Menedemi.

Menedemus Eretrienſis dicebat, plurimos nauigare Athenas ſtudiorum gratia, qui primum eſſent ſapientes: deinde fierent philoſophi, hoc eſt, ſapientiaſ amantes, dein rhetores: denique progreſſu temporis euadere idiotas. Meminit Plutar. Multum profecit, qui didicit ſe nihil ſcire. Et infeliciter proficit, qui ſemper vergit in deterius. Eraſ.

Archidami.

Archidamus Periandro, qui cum eſſet arte medendi celebris, & in primis laudatus, carmina ſcriberet infelicia: Quid, inquit, tibi accidit Periander, vt pro eleganti medico malus poeta vocari concupiſcas? Notauit hominum mores, qui res honeſtas aggreſſi, degenerant ad ſordidiora: cum conſultum ſit, vnumquenque in ea ſe arte exercere, in qua valet plurimum. Plutarchus.

Damatris.

Damatris cum intelligeret filium in bello planè inutilem eſſe, domum redeuntem propria manu interfecit. inhoneſtiſſimum enim eſſe putabat, ex tam præclaris parentibus natum filium, adeò degenerem aſpicere. Plur. in apoph. Lacænarum.

Teleutis.

Teleutia Lacæna cum intellexiſſet filium à paternis moribus degenerantem, & neſcio quibus rebus parum honeſtis operam dantem, filium admonuit, vt aut melius viueret, aut apud externos maneret. Imò mortem ipſam minata eſt filio Pædareto, ni mores in melius corrigeret. Cuius rei teſtis eſt Plutarch. in Lacon.

Lacæna cuiuſdam.

Alia quædam Lacæna, cum audiuiſſet filium à parentum moribus turpiter degenerantem, ex acie contra legem militarem ceſſiſſe, vt ignauum ac penitus inutilem, occidi fecit. Ibid.

Nicoſtrati.

Nicoſtratus Argiuus, quum ab Archidamo ſolicitaretur, tum ingenti promiſſa pecunia, tum cuiuſcunque vellet Lacænz coniugio, vt Cromnium traderet, reſpondit: Archidamum

non ducere genus ab Hercule, quòd Hercules obiens orbem, soleat improbos afficere supplicio, ipse contrà ex probis faceret improbos. Lacedæmonii verò hoc nomine potissimum gloriantur, quòd originem ducunt ab Hercule. Plutar. in Græcor. Imp. apoph.

Catonis.

Cato senior in inimicum quendam probrosæ vitæ: Huius, inquit, mater quum deos orat vt sibi filius sit superstes, non precatur, sed imprecatur. sentiens, illam & sibi & reipub. precari magnum malum. Eras. lib. 5. apoph.

Eiusdem.

Idem hortabatur iuuenes, vt qui virtute & æquitate ad dignitatem peruenissent, ne turpiter ad deteriora degenerarent: sin ambitu ac violentia, ad meliorem frugem se referrent: ita futurum, vt & illi gloriam augerent, & hi benefactis maculam abolerent. Eras. lib. 5. apoph.

Lælii.

C. Lælius cuidam malo genere nato, obiicienti sibi, quòd indignus esset suis maioribus: At herclè, inquit, tu tuis dignus es. Id si dicas bono viro ex bonis proguato, laus est: sin malo ex malis prognato, graue conuicium est. Eras. lib. 6. apoph.

Iulia Augusti.

Iulia Augusti Cæsaris filia, cum ob vestitus nimiam licentiam ab amico quodam admoneretur, ac adhortaretur, vt se ad paternæ frugalitatis exemplar componeret, respondit: Pater meus obliuiscitur se Cæsarem Romanum esse, at ego memini me Cæsaris esse filiam. Macrobi. lib. 2. cap. 5. Saturn.

Traiani.

Traianus Cæsar solitus est dicere, Principes omnes multum abesse à Neronis quinquennio. Nam Domitius Nero primis annis quinque, summa cum laude gessit imperium, priusquam ad Caligula: auunculi sui crudelitatem appelleret animum. Eras. 8. apoph.

De delatione.

Caligula.

Caligula commentarios ad matris fratrumque suorum calumnias pertinentes, ne cui postmodum delatori testive maneret vllus metus, conuectos in forum, & antè clarè testatus deos, neque legisse se, neque attigisse quicquam, concremauit.

mauit. Quin & libellum de sua salute oblatum nō recepit: con-
tendens sibi nihil admissum, cur cuiquam inuisus esset. Nega-
uit se delatoribus aures habere. Hæc boni principis videri po-
terant, nisi fingerentur. Era. lib. 6. apoph.

His adiunge titulos, de Detractione, Maledicentia, &c.

De democratia.

Solonis.

Solon ille Salaminus dicere solebat, eum principem sibi ma-
ximè gloriosum videri, qui Democratiam ex Monarchia ci-
uibus faceret. Varinus Phaurinus, & Stobæus sermone 46.

Lycurgi.

Lycurgus cuidam postulanti, vt in ciuitate pro Aristocratia,
hoc est, optimatum gubernatione, constitueret Democratiam,
hoc est, popularem gubernationem: Tu fac, inquit, prius domi-
tue Democratiam instituas. Compendiò docuit, eam Republi-
cæ speciem non esse vtilem ciuitati, quam nemo vellet esse in
sua familia. Ciuitas autè nihil aliud est, quàm magna domus.
Phutarchus in Laconicis, & Stobæus serm. 83.

De deposito.

Demosthenis.

Ancilla quædam depositi nomine pecuniam acceperat à
duobus hospitibus, hac conditione, vt eam vtrisque simul
redderet. Horum alter post tempus aliquod lugubri veste &
squalidus socii mortem simulans, decepta muliere nummos
abstulit. Eo factò superuenit alter, & depositum repetere cœpit.
Cum mulier anxia de laqueo cogitaret, Demosthenes ei patro-
nius adfuit, qui vt in aduocationem venit, sic aggressus est peti-
torem: Mulier, inquit, parata est depositi fidem soluere, sed nisi
socium adduxeris, id facere non potest: quoniam vt ipse prædi-
cas, hæc dicta lex est, ne pecunia alteri sine altero numeretur.
Hoc ingenio seruauit miseram, elusitque nebulonum conspira-
tionem, qui hoc egerant, vt eandem pecuniam bis acciperent.
Valer. Max. lib. 7. cap. 3.

De desperatione.

Leonide.

Ephoris dicentibus ad Leonidam, quòd ad Thermopylas
proficiscens, paucos secum educeret: Nimirum ad hoc, in-
quit, negotium, ad quod proficiscimur. Indicans, satis multos
educi

educi ad moriendum in bello: satius enim perire paucos, quàm multos. Plut.

Anonymi.

Cuidam, qui laborans ab oculis, exierat in bellum, quum nonnulli dicerent, Quò vadis ad istum affectus modum, aut quid facturus? Vt nihil, inquit, aliud, certè hostis gladium hebebo. Plutar.

Pompeij.

Pompeius, rebus infelicitè geitis aduersus Cæsarem, & ad summam desperationem redactus, in tentorium venit attonito similis, nec aliam vocem emisit quàm hanc, *ὡς ἔστιν ἀπὸ τοῦ οὐρανοῦ*, Ergo in castra, sumpta quæ veste præsentī fortunæ accommoda, clam profugit. Plut.

De Deo.

Thaletis.

Thales Milesius quum percontatus esset, Quid esset Deus? Quod principio & sine caret, respondit. Laert. in eius vita.

Anonymi.

Alius idem interrogatus, respondit: Quod est in triremi gubernator, in curru rector, præcator in choris, dux in vrbe, imperator in exercitu, hoc est in mūdo Deus. Apuleius de Mundo.

Simonidis.

Simonides interrogatus olim ab Hierone tyranno, Quidnā esset Deus? Deliberādi sibi vnum diem postulauit, quum idem ex eo postredie quæreretur, biduum petiit, ac quum ita sæpius duplicaret numerum, admiratusque Hiero tyrannus, qui roga uerat, efflagitaret, cur ita faceret? Quia, inquit, quanto diutius considero, tanto mihi res videtur obscurior. Cicero librò primo de Natura deorum. Brusonius lib. 2. cap. 16.

Socratis.

Socrates dicebat, deos omnium optimos ac felicissimos: ad horum similitudinem quo quisque proprius accederet, hoc & meliorem esse, & beatiorem. Si corrigas vnus vocis numerum, nihil dici potest Christianus. Rot. lioro 3. apoph.

Euclidis.

Euclides à quodam interrogatus, quales essent dii? Cætera quidem

quidem ignoro, respondit: at curiosos illis odio esse, certò scio.
Maximus sermone 21.

Alexandri Magni.

Alexander Macedo in Ammonis templo cum à vate dictus esset Iouis filius: Nihil, inquit, mirum. nam Iupiter omnium quidem natura pater est, sed ex his optimos quosque peculiariter suos facit. Modestissimè interpretatus est oraculum: nam vates per adulationem dixit, illum filium Iouis: quasi sic è Ioue prognatus esset, quemadmodum Hercules creditus est esse Iouis filius. Alexander falsus est, Iouem natura autorem ac parentem esse omnium: sed eos demum peculiariter pro suis filiis agnoscere, qui virtute ac præclarè gestis proximè ad diuinam naturam accederent. Ea est, omnibus benefacere. Plutarch. in apoph.

Euagri.

Euagrius quum longa orationis serie audiuisset de Deo atq; trinitate disputantes, Diuinitatem nequaquam definiendam esse respondit. Omnes enim alias propositiones habere genus quod prædicetur, aut speciem, aut differentiam, aut proprium, aut accidens, aut ex his compositam oratione. Sed nihil in sancta trinitate horum quæ dicta sunt, posse comprehendì. Ideoq; quod ineffabile est, silentii tantum oratione esse adorandum. Socrates lib. 6. Tripartit. hist. cap. 21.

Attali martyris.

Attalus, insignis Christi martyr, à tyranno per contemptum interrogatus, Quod nomen Deus haberet? Qui plures sunt, respondit, nominibus discernuntur. Qui autem vnus est, non indiget nomine. Eusebius libro sexto Ecclesiasti. hist. cap. 3.

De Deo æterno.

Thaletis.

THales Milesius interrogatus olim, quidnam in tota rerù natura esset vetustissimum? respondit, Deus. Quir ita? *ἔρι, ἀγία, ἁγία* hoc est, nunquam esse cœpit. Eras. lib. 7. apophth. ex Laert. 1.

De

De Deo immutabili.

Agésilai.

Agesilaus, Lacedæmoniorum rex, cum mouere iam bellum aduersus Persarum regem vellet, quo Græcos Asiam incolentes libertati restitueret, Iouis Dodonæi consuluit oraculum, is iussit, vt pro suo arbitratu bellum instrueret, verùm cū Ephori ad Delphicum quoque oraculum cōsulendum misissent, hoc pacto proposuit consultationem: Num, Apollo, idem tibi videtur quod patri? Iouis se oraculum omnino probare, respondit. Quo dicto ostendere voluit, deorum omnium cōcordiam: qui si inter se dissentiant, non profectò reuera sunt dii. Plutarch. in Lacon.

De Deo & omnipotente, & vidente omnia.

Thaletis.

Thales Milesius, qui sapientissimus inter septem fuit, dicebat, Homines existimare oportere, deos omnia cernere, deorumq; omnia esse plena, & fore omnes castiores, veluti quo infans esset maximè religiosus. Cicero lib. 2. de Legibus.

Eiusdem.

Idem rogatus, num latèret deos homo iniuste agens? respondit, Ne cogitans quidem. Significans, Deo nihil omnino esse occultum. At vulgus putat, quæ corde voluit, latère Deum. Laer. libro primo. & Brusonius lib. 5. cap. 12.

Eiusdem.

Idem philosophus percunctatus, An facta hominum deos fallerent: Ne cogita, inquit, vt non solum manus, sed etiã mentes puras habere vellemus, cum secretis cogitationibus nostris cœleste numen adesse credidissemus. Laertius in eius vita, & Valerius Maximus lib. 7. capite secundo.

Zenonis.

Cum ex Zenone Stoico quidam quæreret, An Deum latère possit iniuriam faciens? Imò, inquit, ne cogitans quidem. Maximus sermone 15.

Diogenis.

Diogenes Cynicus, cum vidisset mulierem ad aras deorum tam incuruato corpore procumbentem, vt obscœna quædam apparent: Non vereris, inquit, mulier, ne stante post tergum Deo (cuncta enim plena deorum sunt) inhonestè te habeas? Laer. lib. 6.

Acho

Athenodori.

Athenodorus philosophus dicere prudenter solebat: Ita cum hominibus homines viuere debere, ac si Deus retributor bonorum, malorumque vltor, omni loco ac tempore actiones nostras intueretur, conspicereturque humanis nostris oculis. Fulgofus lib. 7. cap. 2.

Demonactis.

Demonax, quum admoneretur ab amico quodam, vt secum in Aesculapii templum iret, Dominumque pro salute filii oraret: Adeone, inquit, surdastrum existimas Deum, vt nos nisi in templo non sit auditurus? Recitat Eras. libro 8. apoph.

Antalcida.

Antalcidas quum in Samothracia initiaretur, rogatus a sacerdote, quid egregium patraffet in vita? Si quid, inquit, mihi tale peractum est, sciunt ipsi dii. Existimans, ineptum commemoratione suorum gestorum, se diis commendare: qui, siue predicaret, siue sileret, nihilominus nouerant. Nam apud sacerdotem poterat etiam falsa narrare. Sit hoc modestiae exemplum, ac de Deo praclare sentientis. Plut. in Lacon.

Laconis cuiusdam.

Quidam sacris initiaturus Laconem, rogauit, quid sibi consciret maxime impie factum per omnem vitam? At ille: Hoc, inquit, dii sciunt. Quum initiator magis vrgeret, diceretque, Omnino proferas necesse est. Lacon vicissim rogauit: Vtrum, inquit, oportet me tibi dicere, an Deo? quum ille respondisset, Deo: Tu ergo, inquit, hinc secede, vt illi dicam. Plutarchus in Laconicis.

Lyсандri.

Lyfandro in Samothrace oraculum consulenti, sacerdos iussit, vt quod in vita maxime sceleratum commisisset, diceret. Ille sacerdotem rogauit, Vtrum hoc tuo an deorum iussu facere oportet? cum sacerdos respondisset, deorum iussu: Tu igitur hinc discede, ac diis dicam, si percontentur: Hic cuiquam liberum est, vtrum malit laudare animum ab omni superstitione liberum: an prudentiam, qui senserit sacrificii fucum, hoc agentis, vt ex conscientia criminis haberet illum obnoxium. Mos erat Lacedaemoniis, nihil aggredi nouae rei, nisi consultis oraculis: at Lyfander quum nulla religione teneretur, nihilo secius hinc quoque solutus est suis vitiis honesti specie petere, tamen parum successit. Plut. in Lacon.

De

De Deo semper colendo.

Xenophontis.

Xenophon dicebat tum maximè colendos esse deos, quum homini res sunt secundæ: vt quum incideret necessitas, confideret illos imploremus, vt pote beneuolos iam, & amicos. Rectè Xenophon. Sed vulgus hominum contrà facit, in felicitate profunda est diuorum obliuio: cum vrget calamitas, tum demum ad illos confugimus. Erasimus libro 7. apoph.

Philonis Iudæi.

Philo cum aliis Iudæis apud C. Caligulam accusatus ab Ap-
pione, quod Cæsari diuinos honores non tribueret, eiec-
tus ex aula, sociis Iudæis respondit, Bono animo nos esse oportet, qui
bus iratus est Caius: quia necesse est adesse diuinum, vbi huma-
num cessat auxilium. Euseb. lib. 2. Eccle. hist. cap. 5.

De Deo, donâ suâ inæqualiter di-
stribuente.*Cratetis.*

Crates Thebanus, & philosophus Cynicus, cum deformi
esset corpore, in certaminibus tamen corpus suum denu-
dare, pro more pugnantium, non erubuit. Verum cū à spectato-
ribus ob id derideretur: De oculis, inquit, ô Crates, & reliquo
corpore bono esto animo, mox enim videbis eos qui corpus
tuum deforme, modò turpiter derident, morbo contrahi, & o-
mnibus viribus destitui, & tum te beatum esse sentient, defor-
mem quidem, sed sanum, robustum, & laboris patientem. Sen-
sit homo ethnicus, quàm variè Deus sua dona hominibus di-
stribuat, vnum ornat forma & sanitate, alium sapientia: hunc
virtutibus, illum corporis robore: ita tamen, vt non vni & soli
omnia conueniant. Dictum eius leges apud Laertium lib. 6.
cap. 5.

Stratonici.

Stratonicus musicus inuitatus aliquando, vt audiret citha-
rædum canentem, posteaquam audierat, recitauit illum versi-
culum Homericum, *ῥῶδ' ἱστρον μὴ ἰδὼν παῖδ' ἱστρον δ' αὖ-
τιδ' ἱστρον*, id est, Huic dedit hoc pater alctonans, verū abnu-
it illud.
Cuidam

Cuidam roganti, Quo pacto exposuit, malè cithara canere dedit, bene canere negavit. Eras.lib.6. apoph.

Dercillida.

Dercillidas orator missus ad Pyrrhum, qui iam exercitum induxerat in terram Spartanorum, vt cognosceret quid sibi vellent: cum Pyrrhus præscriberet vt regem suum Cleonymum reciperent, alioqui futurum vt intelligerent se nihilo ceteris esse fortiores, hunc in modum respondit: Si deus est Cleonymus, non metuimus eum, quippe qui nihil sceleris commissimus: si homo est, nihilo est nobis præstantior. Hoc dilemmate taxauit superbas regum minas. Dii, qui quos velint, possunt ledere, nec a quodam lædi vicissim, non nocent, nisi improbis: homines hominibus ex æquo metuendi sunt. Plut. in Laconic.

Catonis.

Quum Pompeio res infelicitè cederent, & ad Casarem inclinaret victoria, Cato dicebat, in rebus diuinis multum esse caliginis: quòd Pompeio præter ius agentis fuissent omnia prospera, causam reipub. tuenti nihil succederet. Plut. in Catone.

De dialectica.

Antisthenis.

Antisthenes dicere solebat, Contradicientem doceri oportere, non contrà dicendo compescere. Dialectica igitur si docendi ratio est, artis fines transgrediuntur qui tantum rixantur. Nam neque infans, si vicissim insaniat, aliquis medebitur. Stobæus sermone octuagesimo.

Diogenis.

Diogenes Cynicus, quicquid per se turpe non esset, id ne in publico quidem dicebat esse turpe. Hunc igitur in morem rationis cinabatur. Si prandere malum non est, nec in foro prandere malum est: sed prandere nihil mali est, ergo nec in foro prandere malum est. Hactenus tolerari poterat Cynicus syllogistrem, verum quis ferat similiter colligentem, exonerare ventrem, aut reddere lotium, aut habere rem cum vxore, aut exuere vestes, malum non est: ergo in publico malum est? Probis viris vbique placet verecundia. Liert. lib. 6.

Zenonis.

Zeno Dialecticorum artes iustis mensuris comparabat, quæ

non triticum, nec aliud quidpiam alicuius precii, sed pascas & stercora metiuntur. Stobæus ser. 80.

Eiusdem.

Rhetoricam palmæ, Dialecticam autem pugno similem esse dicebat. Eo quod latius loquerentur Rhetores, Dialectici autem compressius. Cicero libro secundo de Finibus & in Oratore ad Brutum. Quintilianus lib. 2. cap. 21.

Eiusdem.

Idem quum iam in artibus non vulgariter profecisset, attamen in Dialecticis plurimum exercere se ipsum præcipue voluit. Verum cum pecunia, ut satisfaceret præceptori Dialectices, deesset, clam per posticum Polemonis professoris eius artis irrepfit, ut legentem audiret. quem dum Polemon fortè vidisset: Sat video, inquit, te furari ea dogmata, ut aliis postea mercede vendas. Laudandum est Zenonis ardens ad Dialecticen studium, in qua adeo profecit, ut multa etiam arti adiecerit. Vide Laertium lib. 7. cap. 1.

Eiusdem.

Quum illi Dialecticus quidam in sermone, quem illi *ὑπὸ πύρρα*, id est, merentem appellant, ostendisset septē species Dialecticas: rogauit, quantum peteret mercedis à discipulis? poscenti centum, dedit ducentos. Tanta erat in homine discendi Dialecticen cupiditas. Laert. lib. 4. cap. 1.

Dictum de Chrysippo.

Chrysippus Solensis tam insignis fuit Dialecticus, ut frequenter dictum sit: Si dii vellent uti Dialectica, non alia usus, quam Chrysippea. Laert. lib. 7. cap. 3.

Chrysippi.

Idem ad Dialecticum quendam, Cleanthi multis ac prolixis sophismatibus obstrepentem: Desine, inquit, senem à magis ad rem pertinentibus auocare, sed nobis iunioribus ista proponito. Docuit vir sapientissimus, Dialecticæ studium magis spectare ad iuvenes exercitatione indigentes, quam senes gramoribus rebus occupatos. Laert. lib. 7. cap. 3.

Arcefilai.

Arcefilaus philosophus Dialecticos aiebat similes esse ludentibus aleæ, qui non sine delectatione decipiuntur. Stobæus sermone octuagesimo.

Carneadi.

Carneades Dialecticam inquebat polypo similem esse. Vti enim

enim polypus cirrhus suos auctos deuorat: ita Dialecticos iam peritiores factos, suas quoque opiniones refutare. Stobæus sermone 80.

Aristotelis.

Aristoteles *luminóρσρρ* etiam, Dialecticorum subtilitates dicebat similes luto viarum, ad nihil vtili, nisi quod ingredientibus impellit ad lapsum. An illi rectè damnarint vniuersum Dialecticam, alii viderint. Illud experimentis compertum habeo, nullos magis aberrare à verò, quam qui superstitiosè in hoc studiorum genere sunt versati. Eras. lib. 8. apoph.

Aristonis.

Ariston Dialecticorum sermones aranearum telis conferebat, vt qui subtiles admodum, sed inutiles essent. Stobæus sermone octuagesimo.

Eiusdem.

Idem Dialecticam aiebat luto viarum similem esse. Nam vt lutum inutile cum sit, transeuntes prostrernit: sic Dialectica parum quum prosit hominibus, imponit etiam. Stobæus sermone 80.

Eiusdem.

Præterea eos qui Dialecticæ studium profundè rimantur, caneros edentibus similes esse dicebat: qui propter exiguum alimentum, circa crustas plurimas occupantur. Stobæus sermone 80.

Cleantes.

Cleantes interrogatus, cur inter veteres, cum non multi philosophati essent, plures tamen quam nunc clari euasisent? Quoniam, respondit, tunc quidem res ipsa exercebatur, nunc autem de verbis est disceptatio. Stob. ser. 80.

Clitomachi.

Clitomachus Dialecticam lunæ comparabat, quæ similiter augeri & decrescere non cessaret. Ibidem.

Theocriti.

Theocritus ad Dialecticum quendam, acriter & contentiosè respondentem ei, iutud Homeri carmen dixit:

Lis vti nam pereat inter hominē ique deosque. Ibidem.

Demonax.

Demonax ad Agathoclem peripatericum, iactantem sese & solum & primum esse Dialecticorum: Si solus, inquit, es, qui primus esse potes: si primus, qui solus? Eras. lib. 8. apoph.

De differentia.

Phocionis

QUum Byzantiis irascerentur Athenienses, quòd Charetem, qui cum exercitu in subsidium suæ ciuitatis missus esset aduersus Philippum, noluisent recipere: ac Phocion dixisset, non esse irascendum sociis diffidentibus, sed ducibus quibus fides non haberetur: ipse dux electus est. atq; ipsi fidentibus Byzantiis effecit, vt Philippus re infecta discederet. Diffidentiam Byzantium in Charetem ducem reiecit, qui talis erat, vt non videretur tutum sese illius fidei committere. Prudentiæ est, infido diffidere: at Phocioni probatæ opinionis viro, non dubitarunt sese credere. Plut. in Græcorum apoph.

Alcibiadis.

Infrà, de Fuga excusata.

Romanorum.

Populus Romanus, Carbone pollicente quippiam, & ad-dente iusiurandum cum execratione, populus vicissim iurauit, se illi non credere. Probis viris & iuratis habenda est fides; leuibus autem, ne iuratis quidem. Eras. lib. 6. apoph.

De diligentia.

Zenonis.

ZENO Citticus dicebat, τὸ εὖ γινώσκειν ἀπὸ μικρὸν, οὐ μὲν μὲν γινώσκειν, id est, vt aliquid fiat bene, nasci quidem paulatim, sed tamen nō esse paulum, Quanquam hoc quidam ascribunt Socrati. Laert. lib. 7. cap. 1.

Antisthenis.

Cum multi philosophorum disputassent de virtutis difficultate, Antisthenes prosiliens, virtutem assiduitate & studio disci posse affirmavit. Non ignorauit sanè vir sapientissimus, nil esse tam arduum, quin studii assiduitate inuestigari possit. Laertius lib. 6. cap. 1.

Vide titulum de Industria & labore.

De diligentia nimia.

Demoſthenis.

DEMOSTHENES Mytilenæus pulsauit ianuam hominis musicæ ac citharæ dediti. quūq; is audito pulsu iussisset illum

illum introire: Faciam, inquit, si prius alligaris citharam. Subnotans, illum nil aliud quam cithara canere. Erasmus libro octauo apoph.

Antalcida.

Perfarum rex coronam ex rosis confectam illiuit vnguento, misitque Antalcidæ, de pace legationem obeunti. At ille: Scipio quidem, inquit, donum, atque animi promptitudinem laudo: sed rosarum odorem naturæque fragrantiam, artis adulteratione perdidisti. Aelianus li. 14. de Varia historia. Idem dici posset de nimia diligentia, qua multoties res magis obscuratur, quam ornatur.

Apellin.

Protogenes pictor toto septennio in pingendo Ialysso consumpto, tandem summam manum imposuit. Eum cum cerne-
ret Apelles, primum substitit mutus, & stupefactus inopinata atque admirabili contemplatione. Deinde respiciens: Labor quidem, inquit, magnus est, & item artifex excellens, verum operi gratia non inest: quam si homo consecutus esset, labor eius cælum attingeret. Laudauit quidem insignem picturam Apelles, sed nimiam diligentiam & industriam vituperat, quæ operi gratiam omnem adimebat. Aelianus lib. 12. de Varia histo. Bruso. lib. 2. cap. 25.

Pollionii.

Pollio dicebat, Commodè agendo factum est, vt saepe agerem: sed saepe agendo factum est, vt minus commodè, quia scilicet absiduitate nimia facilitas magis quam facultas, nec fiducia, sed temeritas paratur. Quod accuratè factum velimus, raro faciendum est. Hac ratione duci videntur Itali quidam eruditi, qui licet pulchrè calleant Latine, tamen vix vnquam adduci possunt, vt in familiari congressu Latine loquantur. At si quando compellit necessitas, dicunt exactè, quatuor de seripto. Eras. lib. 8. apoph.

Scipionii.

Scipio Africanus centurionem, qui in pugna non affuerat, quum increparet, atque ille diceret, se in castris custodiæ gratia remansisse: Non amo, inquit, nimium diligentes. Bruto-
nius libri secundi, capite 25. ex libro secundo de Oratore Ciceronis.

De discendi cupiditate

Soloni.

Solon Atheniensis, cum eius nepos ex fratre inter pocula carmen quoddam Sapphus cecinisset, delectatus est illa cantilena: & iussit adolescentem, ut eam se doceret. Quum autem quidem interrogasset, quam ob causam hoc desideraret? respondit: Ut postquam ipsam didicero, moriar. Voluit autem ostendere, quam audus disciplinæ fuerit: ut qui morti iam proximus, ab aliis doceri non erubuerit. Ex Aeliano.

Eiusdem.

Solon ille Salaminus, qui inter Græciæ sapientes non postremi nominis fuit, gloriari solebat, se aliquid quotidie addiscentem, senem fieri. Tanta enim homini sapientissimo inerat discendi cupiditas, ut senio iam grauatus, non minus philosophiæ incumberet, quam quum adulescens ac iuuenis fuisset. sciebat enim hæc studia magnum senectutis solatium esse. Cic. in Catone Maiore.

Antisthenis.

Antisthenis placita non indigna sunt quæ commemorentur. dicebat, *τὸν ἀπὸ τοῦ ἀνὰ διδασκῶν*, id est, virtutem disci posse. Aduersus eos, qui putant nasci cum homine, aut naturæ affectus studio vinci non posse. Laert. lib. 6.

Zenonis.

Zeno Cittieus dicitur consuluisse oraculum, quo pacto posset vitam optimè instituere. respondit Deus, *εἰ συγγενὴς ποτὶ τοῖς νεκροῖς*. id est, si concolor fieret mortuis. Ille sentiens, se vocari ad lectionem veterum, contulit sese ad philosophiam. Dicitur autem Zeno natura fuisse colore fusco. Studium ac victus parsimonia maciem & pallorem conciliat homini. Laertius libri septimi capite primo.

Polemonis.

Idem Zeno, licet iam profecerat, tamen modestiæ gratia commeabat ad Polemonem, apud quem in dialecticis exercebatur. Vnde Polemon solitus est dicere: Non me clam est Zeno, te per posticum irrepere, furari quæ dogmata, quibus Phœnicum more indutus es. Notans, illum furtim discere gratis, quæ aliis esset venditurus. Laert. lib. 7. cap. 1.

Zenonis.

Quam dialecticus quidam in sermone, quem illi *διδασκῶντα*, id est,

id est, metentem appellant, ostendisset septem species dialecticas, rogauit Zeno, quantum posceret mercedis? ac poscenti centum, dedit ducentos. Tantus erat amor discendi. Ibidem.

Diogenis.

Diogenes Athenas profectus, ad Antisthenem se contulit: à quo sæpe repulsus (nullum enim discipulum recipiebat Antisthenes) non destitit tamen harere: adeò vt quum aliquando baculum intentaret Antisthenes, vltro baculo caput subiecerit, dicens: Cæde, si vis: at nullum inuenies baculum tam durum, quo me abs te abigas, dum aliquid dixeris. Insigne exemplum adamatæ sapientiæ. Laert. lib. 6. cap. 2. Aelia. lib. 10. de Varia historia.

Democriti.

Democritus Milesius, quum arroderet cucumerem, sensit humorem esse mellei saporis, rogauitque famulam, vnde emisset: Illa nominauit hortum. Surrexit Democritus: Et duc me, inquit, eò, ac locum indica. Demirante muliercula quid sibi vellet: Vt, inquit, dulcedinis causam inueniam: inuenturus, si locum inspexero. Hic muliercula ridens: Quiesce, inquit, ò bone. nam ego imprudens cucumerem immiseram in ollam mellitam. At ille offensus: Molestas es, inquit, ego tamen incumbam, quæramque causam: quasi cucumeri peculiaris sit ac genuina dulcedo. Sit hoc exemplum studii indefatigabilis. Laert. lib. 9. cap. 7.

Cleanthis.

Cleanthes Assius, Antigono discipulo roganti, quær sordidam operam præstaret hauriendo aquam è puteo, vnde per iocum pro Cleanthe dictus est *πυαύτης*, ita respondit: Num haurio tantum? an non & fodio, & rigo hortum, denique nihil non facio philosophiæ causa? Alius negasset factum: philosophus auxit quod obieciatur, gloria sibi ducens, quod ille vertebat probro. Laert. lib. 7. cap. 2.

Metroclis.

Metrocles dicebat, res alienas emi pecunia, vt domum, vestem, & alia: disciplinas autem liberales emi tempore. Requirit enim diuturnum studium, & indefessam diligentiam. Laert. lib. 6. cap. 6.

Socratis.

Socrates, qui Delphico oraculo omnium sapientissimus iudicatus est, quum iam grandior natu esset, non tamen erubuit

inter pueros sedens fidibus canere. Verum quum ob id derideretur, negauit absurdum esse, quæ quis nesciret, ea discere vellet. Eras. lib. 3. apoph.

Demoſthenis.

Demoſthenes interrogatus, Quo pacto sibi oratoriam facultatem comparasset? Plus olei, inquit, quam vini mihi consumptum est. Stob. serm. 27.

Eiusdem.

Demoſthenes summus ille orator, tanta diligentia versatus est in oratoria, ut nullam aliam ob causam magis se dolere dixerit, quam si quando opificum antelucana victus esset industria. Cic. lib. 4. Tusc. quat.

Marci Imp.

Lucius, quum Romam venisset, obuiam factus Imperatori Marco, percontatus est illum quò iret, & cuius rei gratia? cui imperator, Honestum est & seni discere: eo ad Sextum philosophum, ut discam quæ nondum scio. Hic Lucius sublatis in cælum manibus, O Iupiter, inquit, iam senex tabellam gestans puerorum more comineat in ludum, quum noster rex Alexander triginta duos annos natus vita defunctus sit. Hic citius probarim Cæsaris & studium & moderationem, quam Lucii libertatem. Philostratus.

Iuliani Cæsaris.

Saluius Iulianus tum eximia iuris cognitione, tum multorum principum amicitia clarus, solitus est dicere: Et si alterum pedem in sepulchro haberem, adhuc addiscere vellem. Refertur Pandect. libro quarto, titu. de Fideicommissis. I. apud Iulianum. Hæc sententia optimo iure placuit laudatissimis viris. Sed hodie paſsim audimus has voces: Iam adultus sum, serum est discere. Imò hoc turpius est, nescire quæ cognitu digna sunt, quòd adultus es.

Alphonſi.

- Alphonſus Aragonum rex, cum aliquando de iactura rerum preciosarum sermo haberetur, perſanctè affirmasse dicitur, Malle se gemmas, vniones, margaritas suas, quæ quidem essent in orbem omnem terrarum diffamatisſimæ, quam libros qualescunque perditum iri. Panormita libro quarto, de rebus gestis Alphonſi.

Plura pete ex titulo de Industria.

De disc

De discipulo docili.

Antisthenis.

Antisthenes, quum adolescens quidam Ponticus genere, se in numerum discipulorum illius recipi cuperet, patri quarenti, quibus rebus esset opus? Libro (inquit) nouo, stylo nouo, nouaque tabella. significans, animum a vitiis vacuum, studium vigil, & memoriam fidelem. Solent autem adolescentes voluptatibus ac deliciis occupatam mentem ad præceptorum adferre, quæ res ferè in causa est vt minus proficiat. At philosophia totum animum sibi postulat. Laert. lib. 6. cap. 1.

Aristotelis.

Aristoteles Stagirita interrogatus, quo pacto fieret, vt discipuli quamplurimum proficerent: Si, inquit, præcedentes gnauiter insequantur, sequentes non morentur. Laert. lib. 5. cap. 1. Bruso. lib. 2. cap. 23.

Vide tit. de Docilitate.

De discipulo indocili.

Bionis.

Bion Borysthenites philosophus, arrogantiam dicebat esse profectus obstaculum. Indocilis enim est, qui mauult doctus videri, quam esse. Laert. lib. 4. cap. 7.

Eiusdem.

Cuidam obiiicienti quod adolescentem quendam ad se non pellexisset: Tenellus, inquit Bion, caseus non attrahitur hamo. Significans, pueros delicatos non esse studiis accommodos. Laert. lib. 4. cap. 7.

Zenonis.

Zeno quum quendam ex discipulis inflatum turgidumque esse nosset, sed desidem ac ignauum, percutiens dicebat: Non si magnus fueris, bonus & eruditus eris: sed si bonus & eruditus, tum demum reuera magnus eris. Bruso. lib. 2. cap. 23.

Diogenis.

Diogenes Cynicus, quum adolescens quidam apud illum vellet philosophari, pernam dedit deferendam, ac sequi iussit. At ille disciplinæ impatiens, abiecta, quam ferebat, perna, abscessit. Sed post aliquantulum temporis occurrens illi Diogenes: Tuam & meam, inquit, amicitiam perna dissoluit. Sensit autè obiter philosophus clarissimus, eum nequaquam bonum fore

discipulum, qui præceptoris moribus se non accommodaret; ac in licitis & honestis suum denegaret præceptoris officium. Bruso. lib. 2. cap. 23.

Theodori Athei.

Theodorus Atheus dicere solebat, Protagoram præceptorum omnium fidissimum, dextera manu porrigere auditoribus suis scientiam, illos verò dextera accipere. Bruf. lib. 5. cap. 2.

Isocratis.

Isocrates Ephorum Cumanum, qui scholam ipsius reliquit nullo profectu, atque ob id à patre Demophilo denuò missus est, ut ab integro data mercede discipulum ageret, *Δίφρον* appellabat. Diphros enim Græcis dicitur currus, quòd duos ferat, pugnantem & aurigam. Isocrates autem ex vocis etymologia taptavit iocum in stupidum discipulum, qui bis attulerit mercedem. *Δίφρον* enim dici videtur, *ἀπὸ τῆς δις φέρων*, id est, à bis ferendo. Eras. lib. 8. apoph.

Eiusdem.

Idem, cum diuersis moribus & ingeniis haberet discipulos; Ephorum scilicet & Theopompum: Se calcaribus in Ephoro, contrà autem in Theopompo frenis uti solere dicebat. Cicero ad Atticū, & de Claris oratoribus. Quintilianus etiam lib. 10. cap. 1. Bruso. lib. 2. cap. 23.

Philosophi cuiusdam.

Philosophus quidam quum duos haberet discipulos: alterū quidem laboriosum, sed hebetis ingenii, alterum ingeniosum, sed ignauum: Ambo, dicebat, pereatis: quoniam tu cum velis, non potes: tu verò cum possis, non vis. Antonius in Melissa, par. 1. sermo. 5. & Maximus serm. 17.

Stratonici.

Stratonicus musicus quum doceret Macedonem quendam, nec ille quicquam proficeret, exasperatus in discipulum: In Macedoniam, inquit, pro eo quod alii dicunt, *στρατονικίαν*, si cui precantur exitium. Obiter notauit & Macedonicæ gentis barbariam.

De discipulorum erga præceptores pietate.

Xenocratis.

Dionysius, cum Platoni diceret, Aliquis auferet tibi caput: Xenocrates, qui tum præceptoris aderat: Non prius, inquit;

inquit, quàm hoc: suum ostendens caput. Laetius libro 4. cap. 2.

Alexandri Magni.

Alexander rex cum interrogaretur. Vtrum magis desideraret patrem Philippum, an Aristotelem præceptorem? Magistrum, inquit. Ille enim ut essem, hic autem ut præclarè institutus essem, autor fuit. Antonius in Melissâ, par. 2. serm. 11. & Maximus serm. 23.

Antonini P^{ri}.

Quum Apollonius rhetor è Chalcide accitus ad Tiberinam domum, in qua tum Antoninus Pius Cæsar habitabat, à Cæsare vocaretur, ut illi M. Antoninum traderet instituendum, dixit: Non magister ad discipulum, sed discipulus ad magistrum venire debet. Iulius Capitolinus, & Bruto. lib. 5. cap. 2.

De discipulorum erga præceptores
parsimonia.

Polemonis.

Zeno Citticus, cum pecuniam non haberet, qua præceptoris suo satisfaceret, clam per posticum Polemonis professoris Dialecticæ irrepsit, ut legentem audiret, quem dum Polemon fortè vidisset: Sat video, inquit, te furari ex dogmata, ut aliis postea mercede vendas. Laert. lib. 7. cap. 1.

Zenonis.

Cum quidam Polemonem reprehenderet, eo quòd alia proponeret, alia loqueretur, Zeno Citticus contracta fronte: Quanta, inquit, mercede erat contentus? Subindicans nimirum, ut indigentius disliceret, discipulorum parsimoniam fuisse in causa. Laert. lib. 7. cap. 1.

De discipulorum frequentia,
& numero.

Stratonici.

Stratonicus musicus, cum in ludo suo haberet pictas Musas nouem, Apollinem vnum, discipulos autem tantum haberet duos, rogatus à quodam, Quot haberet discipulos? Cum diis, inquit, duodecim. Recitat Eras. lib. 6. apoph. ex Athenæo, & Bruto. lib. 5. cap. 2.

Stratonis.

Suprà de Auditu & auditoribus.

De dif

De discordia.

Demarathi.

Demarathus Corinthius, cum à Philippo Macedonum rege hospitio susceptus esset, qui ob nouas Cleopatraz nuptias à se Olympiadem Alexandrumque auocauerat: dicenti Philippo, quo pacto Græci inter se mutuam agerent concordiam, respondit: Tua minimum interest Philippe, Græciæ curâ suscipere, qui tot discordiis ac calamitatibus propriam cum uulsi regiam. *Brusoni. lib. 2. cap. 20.*

Agrippa.

M. Agrippa, vir ingētis animi, dicere solebat, multum se huic sententiæ debere: Concordia paruæ res crescunt, discordia maximæ dilabuntur. *Seneca in epistolis lib. decimoquarto, Brusoni. lib. 2. cap. 12.*

Leontij episcopi.

Leontius Antiochenus episcopus, in grauissima illa apud Antiochenos de fidei negotio dissensione, cum timens seditiōnem, sententiam suam apertè proferre non auderet, aliquando caput suum canis florens manu demulcens, dixisse fertur: Ni uem eam solutam lutum multum subsecuturū esse. Aenigmatē eo obscurius indicans, dissonantiam eam aliquando in seditiōnem euasuram, neque eos qui factionis suæ essent, cum reliqua multitudine consensuros. *Nicephorus lib. 9. cap. 24. Ecclesiastic. hist.*

Alphonfi.

Alphonfus Aragonum rex sæpenumero dicere solitus est, Si Romanis temporibus uixisset, se constructurum fuisse templū Ioui positorio, ut de rebus acturi, in eo prius conuenirent, & contentiōnem omnem deponerent. Innuuit autem, nihil æquè Reipublicæ esse perniciosum, ac si plebis cum patribus crebræ contentiōnes oriantur. *Panormita lib. 3. de rebus gestis Alphonfi.*

Vide tit. Concordiæ.

De disputationibus, aut quæstionibus frivolis, atque inutilibus.

Aristippi.

Aristippus cuidam qui proposuerat ænigma, vehemēter instanti ut solueret: Quid ò stolide, inquit, vis soluam, quod

gavit, num illos antipodes putaret. Irrisit inutilem quaestionem philosophorum, qui interdum de iis rebus disputant, quae non sunt, licet ex certis demonstrationibus hodie probari possit, reuera antipodas esse. Recitat Eras. lib. 8. apoph.

Eiusdem.

At cum conspiceret duos philosophos, utrosque pariter indoctos, inter sese disceptantes, & alterum quidem ridiculas quasdam quaestiones proponentem, alterum item aliena. neque quicquam ad rem facientia respondentem: Quid, inquit, amici, an non horum alter hircum mulgere videtur, alter cribrum supponere? Lucianus in vita Demonaetis. At refertur à Diogeniano his verbis: Vtrum stultior qui mulget hircum, an qui cribrum supponit? Eras. lib. 8. apoph.

Eiusdem.

Idem aliis curiosa indagine disquirentibus, an mundus rationis exors sit, aut anima praeditus, & sphaera nihilominus figuram teneat? Vos, inquit, plus æquo de mundo solliciti, vestra ipsorum immunditiam interea parum prouida consideratione pensiculatis. Stob.

Zeuxidami.

Zeuxidamus cuidam percontanti, quam ob causam Lacedaemonii leges de fortitudine citra scriptum seruarent, ac non potius descriptas traderent iuuenibus legendas? Quoniam, inquit assuefaciendi sunt, ut praclaris gestis potius quam scriptis intendant. Inertia genus est, de fortitudine philosophorum in ore disputare: sed protinus factis exercenda virtus, quae paucis dogmatibus tradi potest. Plut. in Lacon.

Eudamidae.

Eudamidas Archidami filius, Agidis frater, quum audisset Xenocratem iam senem in Academia cum amicis disputantem, percontatus est, quis esset ille senex? ubi responderat aliquis, illum esse virum sapientem, & ex eorum numero qui virtutem quaerent: Et quando, inquit, ea usus est, si adhuc quaerit? Visum est Laconi ineptum, per omnem vitam de virtute disputare, veluti de re controuersa: quum oporteat à prima statim adulescentia habere certissima decreta de honesto, impressa animo, & secundum virtutem exerceri: non quaerere, quemadmodum faciunt philosophi, qui magna contentione inter ipsos de summo bono ac malo digladiantur, ne in hoc quidem satis con-

sen

Sentientes quid sit virtus, aut beatitudo. Plut. in Laconicis.

Pantholida.

Pantholidas legatus cum in Academia philosophos audisset multa de virtute differentes, interrogatus cuiusmodi viderentur eiusmodi sermones? Quid aliud, inquit, quam probi: sed prorsus inutiles vobis, qui illis non utimini. Salse tetigit mores Atheniensium, qui virtutem haberent in labris, non in factis. Plutarchus in Lacon.

Polliionis.

Asinius Pollio dicebat, in causa verecunda nunquam tentari debere improbam quaestionem. Notavit rhetores, qui in declamando mouerent quaestiones nihil ad causam facientes. Eras. lib. 8. apoph.

De diuinatione.

Chilonis.

CHilon Lacedaemonius dicebat, diuinationem non esse de-
testandam: quod hanc deorum munus esse crederet, quae
ratione percipi posset ab homine insigni virtute praedito. Nam
ipse praedixisse fertur, futurum ut ex insula Cythera summum
malum oriretur Lacedaemoniis, cuius situm naturamque cum
didicisset: Utinam, inquit, haec aut nunquam fuisset, aut simul
ut nata fuit, euersa fuisset. Nam Demaratus Lacedaemone pro-
fugus, Xerxi suasisit, ut in ea insula classem haberet: ac plane Gre-
ciam subegisset Xerxes, si Demarati consilium fuisset sequutus.
Post Nicias ea potitus, statuit illic praesidium Atheniensium, &
Lacedaemonios multis cladibus afflixit. Laer. lib. 1. cap. 2.

Diogenis.

Diogenes dicere solebat, Si vlla disciplina id praestare pos-
set, ut praesciremus quae ferendi sunt, atque eandem amoliri a
nobis certa ratione valeremus, egregium sane illud esset, & lon-
ge optimum artificium. Sed si ordine inuolabili ac lege incon-
cussis quippiam tolerandum est, ad quid attinet, tale malum
praenosceret? Stobaeus,

Eiusdem.

Diogenes Cynicus cum videret hominum diuersas actiones,
ac audiret somniorum esse interpretes & coniectores, dicebat,
nullum animal homine esse stultius. Laert. lib. 6.

Socratis.

Socratis.

Quum in somnis quidam Socrati visus esset dicere,

ἡμαρτι ἢ τριτάτῳ φθίω ὅβριθον ἢ νόσο:

Ad Phthiam venias simulac lux tertia surget: Aeschini dixit, Tertio die moriar: versum Homericum pro oraculo interpretans, id euenit. Phthia erat patria Achillis: & amici conati sunt persuadere Socrati, vt in Thessaliam fugeret, quòd illic haberet bonos amicos. Eras. 3. apoph.

Demonactis.

Demonax conspicatus augurem quendam in publico vaticinia sua vendentem: Si potes, inquit, ea quæ Parca statuerunt arte tua depellere, exiguam mercedem postulas: sin quæ fati de creta sunt omnino sunt euentura, quid tua prodest diuination? Bis miser esse cupit, qui mala quæ vitari non possunt, amat præscire. Eras. 8. apoph.

Demetrii.

Quum Philippus locum quendam Ithomatam, non minus munitum, si præsidium imponeretur, quàm erat Acrocorinthus, occupasset, & sacrificio peracto per vatem ad ipsum exta essent delata, accepta Arato ac Demetrio Phario demonstrauit: & ipse animi dubius rogabat eos, quid exta portenderent: vtrum Messeniis locum redderet, an retineret? Hic Demetrius arridens: Si animum, inquit, vatis geris, locum dimittes: sin regis, vtroque cornu bouem retinebis. Peloponesum bouis enigmate signans, quam facile tueretur, si duas arces præsidio tueretur. Aratus aut rogatus à Philippo suam sententiam dicere, post diutinum silentium hunc in modum respondit: Permulti sunt & Philippe Cretensium montes, permulti Boeotiorum ac Phocensium tumuli terra prominentes, item plurimi Acarnaniorum, partim in mediterraneis, partim in oris maritimis siti, qui natura munitissimi sunt: & tamen quum horum nullum cæperis, omnes tamen spontè imperata faciunt. Latrones rupes & saxa incolunt, ac præcipitijs se tuentur: regi autem nihil beneuolentia firmitus aut munitius esse potest. Eras. lib. 6. apoph.

Anaxarchi.

In conuiuio quum Anaxarchus Alexandro propinaret, ostēso calice prædixit fore, vt vulnus acciperet, abutens ad id versu, quem recitat Laer. lib. 9. cap. 1.

Βόλονταί τις τῶν βοτάνων χιτῖ. Id est,

Ferie

Ferietur aliquis mox deum humana manu. Eras.

Calani Indi.

Calanus Indus ad mortem proficiscens, quum conscenderet rogam ardentem, O præclarum, inquit, discessum è vita quum vt Herculi contigit, mortali corpore cremato, animus in lucem excesserit. Hunc quum Alexander admoneret, dicere si quid vellet? Optime, inquit, propediem te video. Idque euenit, nam Alexander paucis post diebus mortuus est. Refert M. T. libro de Diuinatione primo.

Indi cuiusdam.

Apollonius Tyanaus quum ad Indorum sapientes, qui Brahmanes dicuntur, habens Larontis Indiæ regis literas commendaticias, accederet: vt venit ad illos, Iarcas illorum princeps salutauit Apollonium, statimque petiit regis literas. Admirante Apollonio, ac dicente, Vnde sciret? Quo magis (inquit Iarcas) mireris, scito D vnum in ea epistola deesse: atque ita esse, palam omnibus ostendit. Brufonius lib. 7. cap. 20.

Iude Esai.

Iudas Esaius nunquam diuinando mentitus est, is quum prædixisset in Stratonis pyrgo, Antigonum regem eo die occubiturum: viso Antigone, Nunc mihi pulchrum est mori, inquit, quum mendax fuerim (distabat enim Stratonis pyrgus sexcentis stadiis) sollicitaque mente secum hoc reputabat. Sed paulò tamen post interfectus est Antigonus, in loco subterraneo, qui Stratonis pyrgus dicebatur. Bruso. 7. cap. 20.

Catonis.

Cato sentior aiebat se demirari, quòd non rideret aruspex, quoties aspiceret aruspice. senties, totum hoc diuinationum genus imposturam esse, qua populo fiebat fucus. Id quum non fugeret eius artis peritum, mirabatur quòd aruspex aruspice. posset videre absque risu. Solent enim impostores inter se ridere multitudinis stultitiam. Refert M. Tul. libro de Diuinatione secundo.

Pompeij.

Catoni acerbius insectanti Pompeium, quòd quum ipse sepius prædixisset, potentiam Cæsaris indies crescentem nulli bono fore populari ciuitatis gubernationi, sed potius ad tyrannidem tendere: Pompeius ita respondit, Tua (inquit) Cato, magis accedunt ad diuinationem, at mea magis accommoda

sunt amicitia. Sentiens, Catonem incerta loqui, quod nemo possit rerum humanarum exitum liquido praescire: severò ea sequutum, quæ tum temporis amicitia, quæ sibi cum Cæsare intercedebat, postulabat. Certum erat quid debebatur amico: incertum erat, an amicus illi futurus esset inimicus. De amico verò humanius est bene sperare, quam diuinare peiora. Plutar, in Roma. apoph.

Spurina aruspici.

Spurina aruspex admonuit C. Cæsarem, caueret discrimen ingens, quod ultra Calendas Matrias non proferretur. Eo die quum iret in senatum, Spurinae fortè obuiò: Quid ais, inquit, nonne venere Calendæ Martiæ? Venere, inquit, sed nondum præteriere: nam eodem die cæsus est Cæsar. Brusonius libri 7. capite 20.

Scurra cuiusdam.

Seuerus imperator cum è Britannia rediret non solum victor, sed etiam in æternum pace fundata: scurra quidam obuiam factus, futura illi hunc in modum vaticinatus est: Fuiisti Cæsar, totum vicisti, iam Deus esto victor. cuius diuinationo licet iocus esse videbatur, constat nihilominus tamen Cæsarem paulo post periisse. Eras. lib. 6. apoph.

Athanasii.

Athanasius episcopus ab Arianis & Græcis præstigiator dictus, atque ob diuinationis peritiam diu multumque derisus, cum urbem Alexandriam ingrederetur, cornix in aere volitans crocitabat. Græcorum igitur turba hæc audiens, scommate eum veluti impostorem persequens, quidam cornix diceret, interrogauit. Ille autem perquam urbanè & suauiter ridens: Cras, inquit. Portendit namque, crastinum diem vobis non bene cessurum. Mandatum enim ab imperatore veniens, festum diem vestrum inhibebit, & magnificentia vestra iniucunda vobis erit. Porro id Athanasii dictum, exitum suum habuit. ab imperatore enim literæ venere, quibus magistratus iubebatur, de cætero Græcos prohibere, ne ad templa accederent, & more superstitionis suæ dies festos peragerent. Et celebritas ea, quæ iam aderat, & ab illis plurimi fiebat, venerationeque maxima colebatur, tum penitus abrogata est. Nicephorus lib. 9. cap. 35.

De diuitiis ac opibus.

Bionis.

BIon inquit bar, diuitiis operam dantes ridiculos esse, cum eas porrigat fortuna, illiberalitas seruet, benignitas auferat. Stobæus ser. 91.

Eiusdem.

Idem dicere solebat, non minus molestum esse caluis, quam comatis, pilos velli. Ostendere autem hoc dicto voluit, paria pauperum diuitumque tormenta esse. Bruto, lib. 2. cap. 26.

Eiusdem.

Bias Priæus beatum esse dicebat, ex vulgi opinione, qui opes ex animi sententia assequeretur. Verum multo beatior, qui ne desideraret quidem. Stobæus.

Chilonis.

Chilon Lacedæmonius dicere solebat, Quod Lydius lapis est auro, id aurum esse homini. Lapis enim index affricu prodit quale sit aurum, ipsum autem aurum arguit quale hominis ingenium. iuxta illud, Magistratus virum arguit. Laertius in eius vita.

Pythagora.

Pythagoras neque equum sine freno, neque diuitias sine prudentia quenquam gubernare posse, dicere solebat. Stob. ser. 92.

Antisthenis.

Antisthenes neque symposium sine colloquio & societate, neque diuitias sine virtute, voluptatem habere affirmabat. Stobæus ser. 1. Phauorinus 16.

Democriti.

Democritus audiens de diuitiis variè disputantes, omnibus hominibus perpetuam quandam diuitiarum cupiditatem inesse dixit, quæ si non acquisita fuerint, vexant: si erunt acquisite, solitudine & cura torquent. Amissæ verò, dolores etiam adferunt haud mediocres. Maxi. ser. 12.

Eiusdem.

Idem nequaquam diuitem, sed diuitiis bene vtentem, beatum iudicandum dicebat. Maxi. ser. 12.

Eiusdem.

Idem, neminem vnquam ob diuitias & gloriam beatum esse existimandum dicebat. Talia enim omnia incertiora sunt, minori que fide deuincta, quam vt bona censeri debeant. Maxi. ser. 12.

Eiusdem.

Idem interrogatus, quomodo quis diues fieri posset? Si, inquit, cupiditatum pauper erit. Maximus ser. 12.

Eiusdem.

Idem præterea dicere solebat, Quantum ad naturam attineret, omnes homines diuites esse: sed quantum est in nobis, omnes pauperes videri. Maximus ser. 12.

Eiusdem.

Idem eos etiam qui naturalibus diuitiis contenti essent, multo ditiores esse iis dicebat, qui cum multa possideant, plura tamen concupiscunt. illis enim nihil deest, his plura quam possident. Maxi. ser. 12.

Democriti.

Democritus pecuniarum vsum cum prudentia, vtilem quidem esse ad exercendam liberalitatem, & ad iuuandum alios: cum stultitia verò, communem largitionem esse dicebat. Stobæus sermone 92.

Eiusdem.

Idem, diuitias parare non inutile esse: sed iniuste corradere, turpissimum esse dicebat. Stobæus ser. 92.

Eiusdem.

Democritus dicere solebat, si diuitias non expetes, pauca tibi multa videbuntur. parua enim appetentia ex inopia diuites facit. Stobæus.

Eiusdem.

Idem interrogatus, quæ via esset facile ditescendi? respondit: Si quis inopi fuerit desiderio. Stobæus.

Zenonis.

Zeno philosophus quum saepe dixisset, diuitias esse indifferentes: Antigonus falso sibi nunciari fecit, prædia illius ab hostibus esse direpta. & quum tristior effectus esset: Vides, inquit, diuitias non esse indifferentes? Bruso, lib. 2. cap. 26.

Eiusdem.

Idem dicere solebat, non magis prodesse, quam nocere opes ad sanitatem. Bruso, lib. 2. cap. 25.

Anaxagoræ.

Anaxagoras dicere solebat, Magno cum negotio pecunias comportari, sed multo maiori opera conseruari & custodiri. Innuit autem, ita comparatum esse, vt omnes pecunias quarant, ac opes amplissimas, quas cum iam parauerunt, multo curiosi

curiosius ac attentius seruānt, ne statim euanescant. Quemadmodum enim echinum, sic etiam nummos, facilius est capere, quam diu retinere. Aelianus lib. 4. de Varia histor.

Epicuri.

Epicurus ad Pyrocleam; Si vis, inquit, Pyroclea te diuitum facere, non pecuniæ adiiciendum, sed cupiditatibus detrahendum est. Bruto. lib. 2. cap. 26.

Simonidis.

Simonides interrogatus, vtra res esset optabilior, diuitiæ an sapientia? Dubito, inquit, vt qui videam sapientes frequentare diuitum fores. innuens, philosophos verbis quidem continere diuitias, sed re tamen eas captare. Eras. 6. apoph.

Cleanthis.

Cleanthes querenti, quomodo quis diues euadere posset? respondit, si cupiditatum fuerit inops. Stobæus sermo. 92. Idem & ad Democritum referri, paulo antè diximus.

Epicteti.

Epictetus interrogatus, quis esset inter homines diues? Cui, inquit, satis est quod habet. Stobæus.

Eiusdem.

Idem audiens quendam sibi ipsi ob amplas diuitias placentem, ait: Examina te ipsum prius, vtrum discescere malis, an beari. Quod si diuitias velis, rem neq; bonam esse scias, nec omnino in te sitam. Si verò beari, id & bonum est, & penes te. Opes enim fortuna ad tempus commodato dat: Beatitudo autem à nostra voluntate procedit. Stobæus sermone tertio, de Temperantia.

Socratis.

Socrates diuitias ex usu metiri iubeat. Non enim immensas possessiones diuitias vocabat, sed tantum, quantum requiritur ad usum decentem. Stobæus sermone 3. de Temperantia.

Eiusdem.

Idem magnificendas esse diuitias dixit, si lætitiā sibi coniunctam haberent: verum cum hæc desit, non adeo his dandam operam putabat. Stobæus sermone 91.

Eiusdem.

Socrates interroganti, Quisnam videretur sibi ditissimus? respondit, Qui paucissimis contentus est. Antonius in Melissæ parte 1. sermone 37.

Eiusdem.

Idem satius esse dicebat, se in paucis facultatibus continen-
tem hilariter agere, quam in magnis inſolaciter. Ant. in Meliſ-
ſa, par. 1. ſer. 37.

Eiusdem.

Idem cum videret Alcibiadem ob diuitias elatum animum
gerere, & ob agrorum multitudinem ſuperbire, adduxit ad lo-
cum in quo tabula quardam ambitum terræ complectens ſu-
ſpenſa erat, & cum rogauit, vt Atticam ibi requireret. Quam
cum inueniſſet, ſuos fundos eum iuſit oſtendere. & cū reſpon-
deret, Nuſquam ibi pictos eſſe: Horum (inquit Socrates) poſſeſ-
ſione te effers, qui nulla pars ſunt terræ. Illudens hoc diſterio
Alcibiadis ſtultitiam, qui ſuperbiebat in iis rebus quæ fluxæ
ſunt, & cum mundo interire ſolent. Aelia. lib. 3. de var. hiſt.

Platonis.

Plato interrogatus, quantas opes habere conueniret: dixit,
Quantæ poſſidenti neque inſidias pariunt, neque rerum neces-
ſariarum inopiam. Stob. ſerm. 92.

Diogenis.

Diogenes aiebat, neque in ciuitate opulenta, neque in domo
habitandi locum eſſe virtuti. Stob. ſer. 91.

Eiusdem.

Idem Diogenes cum dicere vellet, quidnam eſſent diuitiæ,
Fortunæ vomitum appellauit. Stob. ſer. 91.

Eiusdem.

Idem Anaximenis ſeruos conſpicatus multa vaſa ferentes,
cuius ea eſſent interrogauit. Cum autem illi, Anaximenis eſſe
reſpondiſſent: An non pudet eum, inquit, tam multa habere,
qui ſeipſum non habet? Senſit autem philoſophus, eum non in
ſua ipſius poteſtate eſſe, qui captus diuitiis, ſibi iam mortuus
eſt. Maxi. ſerm. 12.

Eiusdem.

Phyſicus quidam interrogauit Diogenem, quam ob cauſam
aurum palleret? Quotiam, inquit, plurimos habet ſibi inſidian-
tes. Pallent autem, qui metuunt. Laert. lib. 6. & Bruſo. lib. 5. cap.
10. & Maximus ſerm. 12.

Poſidonij.

Poſidonius diuitias cauſas eſſe malorum dicebat, nō quod
ipſe facerent, ſed quod facturos irritarent. Senec. lib. 3. epiſto.
Bruſon. lib. 2. cap. 26.

Laconis

Laconis cuiusdam.

Cuidam Lampen Aeginetam efferenti, ac felicem prædicanti, quod prædies videbatur, multorum navigatorum dominus: Lacon, Nihil (inquit) moror felicitatem de funibus pendente. Quum omnes diuitiæ sunt in manu fortuna, tum ex præcipue quas negotiatores commiserè nauibus. ruptis enim funibus sequitur naufragium, & hinc mercium omnium interitus. Plutar. in Laco. apoph.

Lampidi.

Lampis negotiator, interrogatus quomodo sibi parasset diuitias: Magnas, inquit, haud difficulter, exiguas verò cum labore ac tardè. Sentiens, initio paulatim magnaue vigilantia corrasam pecuniam. Cæterum parata iam ingenti sorte, facile est amplius lucris ditescere. Primum autoritas ac fama tardè, paulatimque, nec sine negotio paratur. At qui iam innotuit, facile magnam assequitur laudem. Meminit Plutarch. in libello, An seni sit capeienda respub.

Pheraulæ.

Pheraulas diues à Saca foelix nuncupatus ob diuitias, quas pauper acquisuerat: Num, ait, ita existimas Saca, me nuac eo iucundius viuere, quo plura possideo? An ignoras, me & esse & bibere, & dormire, nullo modo mihi iucundius, quam tunc quum eram pauper? Certum quippe est, eum qui pecuniis ac diuitiis oblectatur, si sumptum vel dispendium faciat, vehementer contristari. Bruso. lib. 2. cap. 26.

Crassi.

M. Crassus dicebat, neminem diuitem esse dicendum, nisi eum qui redditu annuo regionem tueri posset. Plin. libr. 33. Cicero autem in Officiis lib. 1. paulo aliter recitat, qui ait, Crassum neminem diuitem iudicasse, nisi qui propriis facultatibus exercitum alere posset. Vtrunque recitat Bruson. Contursinus. lib. 2. cap. 26.

Sigismundi Cæs.

Sigismundo Cæsari allata erant ex Hungaria auræorū quadraginta milia. Cum autem aduerserasset, eaque in thalamo regio recondita fuissent, in cubiculum veniens Cæsar, dum cogitat in quænam usum eam pecuniam conuertat, somnus eum destituit. Tum ille excitatis cubiculariis: Ite (inquit) ocyus, con filiarios ducésque omnes militum huc accercite. Vocati procures media nocte trepidi (timebāt enim ne quid aduersi accidit.

set) Imperatorem celeriter adeunt, & quæ causa sit tam repentinae vocationis inquirunt. Imperator confestim aperta arca, inter eos qui aduenerant pecunia distributa: Ite, inquit, secure tranquilleque nobis dormire liceat. Nam quod mihi somnũ ademerat, iam procul aberit à cubiculo. Aeneas Syluius lib. 4. commentariorum in res gestas Alphonſi.

Maximiliani Cæs.

Maximilianus Romanorum imperator iustiſſimus, nullum non pecuniarum aceruum impetiuit: quamuis non raro ad eũ ingens pecuniarum summa afferretur, tamen penes se eam nunquam retinuit, sed ad quæſtores referri iuſſit, dicens, se regendis hominibus præpositum, non auri sibi custodiam demandatam: quo si quis semel capiatur, mox è rege seruum futurum. Iacob. Spieg. in Aeneæ Syluii commentaria de rebus gestis Alphonſi.

Vide titulum de Pecunia.

De diuitiarum vſu.

Bionis.

BIon Boryſthenites diuitias dicebat eſſe neruos actionum, quod ſine his nihil agatur. Laert. lib. 4. cap. 7. Alius dixit, diuitias eſſe belli neruos.

Ariſtippi.

Ariſtippus reprehensus, quod pecunias acciperet ab amicis, ait: ſe non ideo accipere vt vteretur ipſe, ſed vt illi diſcerent, ad quas res vtendum ſit pecuniis. Vulgus enim diuitum aut in equos, aut in operoſas ſtructuræ, aut in luxum perdit pecuniã: quum ea bonis viris, ſi egeant, ſit eroganda. Quin & aliter intelligas licebit. Ariſtippus non niſi ad vitæ neceſſaria pecuniis vtebatur: ideòque à diuitibus accipiebat, vt eis demonſtraret bene vtendi rationem: id non poterat, niſi illi materiam ſubmiſtraſſent. Veluti qui cupit artem ſcribendi diſcere, chartam & calamum porrigit docturo. Laert. lib. 2. cap. 8.

Alcamenis.

Alcamenem Telecri filium cū quidã obiurgaret, quod tam parçè frugalitèrque viueret, cum tamen ampliſſimas poſſideret diuitias: Decet, inquit, eum qui multa poſſidet, pro ratione, non pro libidine viuere. ſignificans, pernicioſas eſſe diuitias, niſi ad ſit animus diuitiis ſuperior, qui poſſit earum vſum non ex copia, ſed ex neceſſitate moderari. Plutar. in Laco.

Dion.

Dionysij senioris.

Dionysius senior quum audisset quendam e ciuibus aurum habere domi defossū, id ad se deferri iussit. Verū postea-
quam is suffuratus auri paululum, in aliam urbem commigra-
set, ibique mercatus esset agrum, reuocato Dionysius totum
aurum reddidit, vt qui iam diuitiis vti cōpisset, desissetque
rem vtilem inutilem reddere. Satis declarauit, se non aurum
alienum appetisse, sed hominis morbum sanare voluisse: sinul
vsum auri legitimum demonstrauit, si in agriculationem im-
pendas potius quā in vsum. Plutar. in reg. & imp. apoph.

De diuitiarum abusu.

Solonis.

Solon dicebat, opulentiam esse matrem saturitatis, saturita-
tem ferociae ac violentiae. Diuitias comitatur luxus, luxus
exit in tyrannidem, dum fœnum migrat in cornua. Laert. lib. 1.
capi. 3.

Diogenis.

Diogenes Cynicus dicebat, diuitias nil aliud esse quā ve-
lamenta malicie. Diuites enim cum aliis nihilo sint meliores,
tamen peccant licentius. Laert. lib. 6.

Demetrii regis.

Aristophanes in comœdia inducit Plutum cæcum. At Deme-
trius Phalereus dicebat, non solum Plutum (id est, diuitias) esse
cæcum, verum etiam fortunam. Laert. lib. 5. cap. 5.

Eucriti.

Eucritus Chius querenti ex eo, vter esse mallet, Cræsus, an
Socrates? Respondit, viuens mallet esse Cræsus, e vita autem
decedens Socrates. Indicauit autem, beatam esse philosopho-
rum post hanc vitam conditionem. Diuites autem licet bonis
omnibus in præsentī vita abundant, post mortem tamē ob ini-
quæ paratas opes, ac malè collocatas, cruciandos dæmonibus
dari. Stobæus.

Lycurgi.

Lycurgus Lacedæmoniorū legislator, cum interrogaretur,
cur hostium interfectorum cadauera spoliare prohibuisset? Ne
milites, inquit, discant, & dum prædæ incumbunt, pugnam
negligant. Metuit vir prudentissimus, ne diuitiis amplis cor-
rumpantur milites, quæ plerunque insolentiores & minus
fortes reddunt homines. Plut. in Lacon.

Eiusdem.

Idem cum inductis nouis tabulis debitores æris alieni liberasset, iam & ea quæ quisque priuatim in ædibus habebat, ex æquo partiri tentauit, quo funditus è ciuitate tolleretur discrimin opum, & inæqualitatem: sed quum cerneret eos agrè laturos manifestam rerum ablationem, idem occultiore via facere aggressus est, monetam auream simul & argenteam abrogauit, instituitque ut ciues ferreo duntaxat nummo vteretur; & quatenus postulabat vsus ad huius permutationem, totius substantiæ modum præscripsit. Hoc factò omnis iniustitia exulabat ab Lacedæmone. Neque enim iam furari, neque largitionibus corrumpere corrumpere, neque fraudare dolo, neque rapere per vim quisquam poterat: quod nec celari valeret, nec parare magnificum esset, nec uti periculo vacaret, nec importare aut exportare tutum foret. Hac arte vir solertis ingenui, quibus diuitiarum contemptum persuadere non potuit, diuitiarum usum subtraxit, ac reponendi studium negociandi que materiam ademit. Plutar.

Anonymi.

Quidam imperatorem inculcauit, quòd illius insidiis, ocio & somno fuisset priuatus: videlicet quòd illius benignitate è paupere factus esset diues. Refertur à Plutar. in Symposiis lib. 2.

De diuite, sed indocto.

Socrati.

SOcrates conspiciens hominem prædiuitem & arrogantem, sed nulla virtute præditum: Hic, inquit, equus est argento circumtectus. Solent enim equi stragulis, phaleris, ac bullis argenteis exornari, quum interim tamen nihil aliud sint quam equi.

Eiusdem.

Idem conspiciens prædiuitem quædam, sed indoctum: Ecce, inquit, aureum mancipium. Indoctus seruus est & cupiditatum, & eorum quæ possidet. Eras. lib. 8. apoph.

De diuitiarum atque opum contemptu.

Diogenis.

DIogenes Cynicus, quum murem fortem conspiceret in Megarico discurrentem, qui neque cauum quæreret, neque turbis

turbis terreretur, neque cibum appeteret: Bellum, inquit, libertatis exemplum. moxque contemptis omnibus; coepit in dolio habitare. Laert. lib. 6.

Eiusdem.

Demirantibus quod nullas haberet arculas ubi cibum capere posset, ostendit Iouis porticum, aitque: Athenienses ipsi magnificam extruxisse aulam, ubi vesceretur. Quod publicum erat, sibi quoque paratum interpretabatur. Neque potuit optare cœnationem splendidiorem. Ibid.

Eiusdem.

Quum Alexander Magnus inuideret Diogenem, reperit eum in crânio sedentem pro dolio, ac laceras schedas glutino committentem. Posteaquam rex multa cum illo collocutus, pararet abire, diceretque: Cogita Diogenes quid à me velis petere. nam quicquid optaris, ferēs: Mox, inquit, de aliis, interim secede paulisper, cum rex secessisset, putans illum velle deliberare, diutius silenti repetiit: Pete quod vis Diogenes. Hoc, inquit, volebam. nam prius arcebas mihi solem, ad id quod ago necessarium. Alii narrant illum dixisse, Ne mihi feceris umbram: quod veller apricari. Laert. lib. 6. Cic. lib. 5. Tusc. quæst.

Eiusdem.

Diogenes Cynicus cum diuitias oblatas recusaret: Indignum se nouerit, inquit, canis nomine, qui ab opibus & deliciis se cohibere non potest. Stob.

Aristippi.

Aristippus quodam tempore nauigans, vt intellexit nauim esse piraticam, deprompsit aurum, ac numerare coepit: moxque abiicit in mare. & grauer ingemuit, fingens sibi imprudenti & inuito excidisse. Hoc ingenio vitæ suæ consuluit, adempta piratis occidendi vincendive materia. Sunt qui narrent, illum & hæc dixisse: Satius est vt hæc per Aristippum, quam propter hæc pereat Aristippus. Laert. lib. 2. cap. 8.

Eiusdem.

Idem quum prædium amcenissimum perdidisset, cuidam deploranti tam miserabilem illius casum: Quid, inquit, an nescis tibi vnicum esse prædiolum, mihi verò tres agros superesse? Quum annuisset alter, Quin igitur tuam potius vicem deploramus? sentiens, insipientem esse, dolere amissis potius, quam gaudere relictis. Laert. lib. 2. cap. 8.

Eiusdem.

Eiusdem.

Cum vidisset famulum quendam in itinere pecuniam ferentem, onere premi: Abiice, inquit, quod nimium est, & fer quantum potes. Auctor est Bion, ex quo recitat Laer. lib. 2. cap. 8. Eras. lib. 3. apoph.

Eiusdem.

Præterea quum aliquando perdicem quinquaginta drachmis iussisset emi, cuidam detestanti luxum in philosopho: Et tu, inquit Aristippus, si obolo venalis esset, non emereres? Quum is respondisset, se emprurum: Et mihi, inquit, tanti sunt quinquaginta drachmæ. Quod ille luxus nomine damnabat, hic detorsit ad laudem contemptæ pecuniæ. Si quidem qui precii magnitudine deterretur ab emendo, is non contemnit cibum, sed pluris facit pecuniam. At philosopho nihilo pluris estimabantur quinquaginta drachmæ, quam illi obolus. Aristippus itaq; obsoni cupiditate par, superior erat despectu nummorum. Laer. lib. 2. cap. 8.

Cleanthis.

Cleanthes Asius pecuniam, quam collegerat aliquando, coram familiaribus abiicit, dicens: Cleanthes alterum Cleatham alere posset, si vellet. Laer. lib. 7. cap. 2.

Philoxeni.

Philoxenus poeta, quum in Sicilia fundum ac domum opulentam nactus esset, & animaduertisset illius gentis luxum ac delicias: Per deos, inquit, hæc bona me non perdent, sed ego potius illa. Moxque cessit aliis hæreditatem, & à Sicilia abnauigauit. Eras. lib. 8. apoph.

Pelopida.

Pelopidas in præfectura rei militaris Epaminondæ erat collega, quumque amici dicerent, illi rei necessaria, videlicet colligendi pecunias, nullam esse curam: Ita per Iouem, inquit, necessaria, sed huic Nicomedi: ostendens hominem claudum ac mancum. Sensit, fortibus viris nihil esse opus pecunia. Plutarch. in Græcor. apoph.

Epaminondæ.

Iason Thessalorum rex venerat Thebas, belli socius futurus. Is quum Epaminondæ vehementer egenti aureorum duo milia misisset, aurum non recepit, sed ipsum Iasonem intuitus: In iustis, inquit, imperas, ipse deterior. Ipse verò quinquaginta drachmis à ciue quodam acceptis mutuo pro viatico exercitus

tus, inuasit Peloponnesum. Sentiebat, iniquas esse diuitias, quæ possessorem reddunt deteriore: at viri fortes, gloria virtutis præmio contenti sunt. Plut. in Cræcor. apoph.

Themistoclis.

Themistocles cum inter deambulandum torquem aureum humi iacentem vidisset, vocans ad se ex pueris quendam, dixisse fertur: *Quin hoc tollis ô puer, inuentum huiusmodi? non enim tu es Themistocles.* Ostendit autem, homines plerunque diuitiarum cupidissimos esse, quarum ipse adeo contemptor esset, ut inuentos fortè humi thesauros non acciperet. Aelianus lib. 13. de Varia histor. Plut. in apophthegmatibus, Brufonius lib. 3. cap. 13. Fulgofus lib. 6. cap. 4.

Telecri.

Telecrus percontenti quantum possideret facultatum? Non plus, inquit, quàm sit est. Diuitias non cupiditate, sed vfu meriebat ur. Plutarch. in Lacon.

Laconis.

Mos erat apud Lacedæmonios, ut rex hostes aggredereetur, præcedente quopiam gestante coronam, qui in certamine victor aliquando tulisset coronam. Quum igitur Lacon quidam in Olympiis magnam pecuniæ vim respuisset, sed multo cum sudore deiecto aduersario coronam tulisset, cuidam dicenti, quid emolumentum tibi adfert victoria ô Lacon? ille ridens & alacer respondit: Ante regem, inquit, coronatus incedens, pugnabo cum hostibus. Generosæ mentis est, laudis honore teneri potius quàm pecuniæ. Plutarch. in Lacon.

Scipionis.

Quum Numantini viderentur inexpugnabiles, ut qui multos Romanorum duces superassent, populus Scipionem iterum consulem fecit ad suscipiendum hoc bellum. Caterum quum multi gestire exirent in militiam, idque senatus fieri vetuisset, quasi Italia futura esset desertar: ac ne pecunias quidem ex ærario sumere passus est, sed vectigales prouectus, quorum tempus nondum excefferat, assignauit: Scipio pecunias quidem sese negauit egere, suas enim & amicorum satis futuras. De militibus negatis quæstus est, bellum enim esse difficile. Quod si priores, inquit, ob hostium fortitudinem toties victi fuerunt, difficile bellum est, quia cum talibus pugnandum erit: sin ob ciuium nostrorum ignauiam, æquè difficile est, quia talium opera in bello sumus vsuri. Plut. in Roma. apoph.

Coriolani.

M. Coriolanus, quum ob bene nauatam operam ante prædæ diuisionem è singulis rebus, equis & captiuis, denos sibi eligere iuberetur, insuper & equo pulcherrimo donatus à consule: Lætor, inquit, à consule laudari, equumq; fortitudinis præmium lubens accipio, cætera non tam decora quàm mercedem non accipiam, fuitque communi reliquorum sorte contentus. Nec aliud extra ordinem petiit, quàm ut Volscus quidam vir probus & æquus, quo hospite & amico fuerat vsus Coriolanus, nō venderetur captiuus, sed suæ libertati relinqueretur. Huic animo contemptori pecuniæ, & hospitis memori, magis applausum est quàm victoriæ. Brus. lib. 1. cap. 9.

Anonymi.

T. Labienus cum equiti strenuo de præda Gallica aurum offerret, omne donum renuens, aurum ad pedes Labieni abiecit. Eras. lib. 6. apoph.

Taddæi.

Taddæus Apostolus, Abgaro regi Edesseno, sibi aurum & munera offerenti pro doctrina & miraculis, eisdem recusatis, respondisse fertur: Si nostra reliquimus, quomodo accipiemus aliena? Eusebius lib. 1. Ecclesiast. histor. cap. 15.

Basilij Magni.

Præfectus Cæsareæ sancto Basilio blandiens suadebat, ut in gratiam imperatoris fidem negaret, promittens ei imperatoriam amicitiam & opes. Cui Basilius: Hæc mihi homini Christiano, inquit, non conueniunt, sed adolescentibus, & illorum similibus qui talia promissâ respiciunt. Tripar. histo. libr. 7. cap. 36.

Anonymi.

Fertur de quodam è Priscis, quodd cum spectasset pompam sumptuosissimâ, ad familiares versus dixit, Videte amici, quàm multis rebus opus non habeo. Philo ludæus in lib. Quod Deus sit immutabilis.

Plura vide infra tit. de Munerum contemptu.

De docilitate.*Xenocratis.*

Xenocrates ad quendam nec geometriæ, nec musices, nec astrologiæ peritū, ad scholā tamen ipsius commeatem: Abi, inquit, anam philosophiæ non habes. hoc est, non es ad philosophiam

sophiam docilis, nullis instructus disciplinis. Alii ferunt illum ita loquutum, *καὶ ἡ μοῖρα ἐν ὀφθαλμοῖς μου*, id est, apud me veilus non maccratur. Lana rudis non statim traditur vestiario, sed foloni. Laert. lib. 4. cap. 2.

Antisthenis.

Adolescens quidam cum se in numerum discipulorum ab Antisthene recipi cuperet, patri quærenti, quibus rebus esset opus? Libro inquit Antisthenes, nouo stylo, noua que tabella. Si gnificans, animum ab omnibus viciis vacuum, studium vigil, & memoriam fidelem esse debere, vt doceri probè posset discipulus. Laert. lib. 6. cap. 1.

De doctrina & eruditione.

Thaletis.

THales Milesius dicere solebat, faciem componere non præclarum esse: sed bonarum artium studiis animum excolere, longè esse præclarior. Laert. lib. 1. cap. 1.

Eiusdem.

Idem interrogatus, Quisnam esset scilicet? Qui corpore, inquit, sanus est, animo verò eruditus. Ibidem.

Soloni.

Soloni cum obiiceretur, quòd cum haberet forense negotiũ, conduxisset oratorem: Atque, dixit, cum habeo conuiuium, coquum conduco. Ant. par. 1. ser. 50. Meliss. Max. ser. 17.

Socratis.

Socrates interroganti, quòdnam esset pulcherrimum animal, dixit: Homo doctrina ornatus. Antonius in Melissa, par. 1. serm. 50.

Eiusdem.

Idem cum ei sermo barbarus exprobraretur, Ego quidem, dixit, barbarus sum verbis, vos autem moribus. Antonius ser. 50. par. 1. Melissæ.

Eiusdem.

Idem scientiam dicebat vnicum esse bonum, contrà vnicum malum ignorantiam: quod quicunque committunt rem iniustam, hoc peccant, quòd ignorant quid cuique sit tribuendum: & qui fortes sunt, non alia re fortes sunt, nisi quòd sciunt ea expectenda, quæ vulgus existimat horrenda: & qui intemperantes sunt, hoc errant, quòd ea putant suauia aut decora, quæ minimè sunt. Summum igitur bonum esse dicebat, scientiam rerũ
expecta

expetendarum ac refugiendarum. Eras. lib. 3. apoph.

Eiusdem.

Socrates cum vidisset hominem prædiuitem, sed planè rudem & indoctum: Hic, ait, equus est argento ornatus. Solent enim stragulis, frenis ac auro argentoque insigniter exornari, cum tamen reuera nil aliud sint quàm equi. Recitat Eras. lib. 8. apoph.

Eiusdem.

Idem Socrates cum vidisset prædiuitem quendam, sed indoctum: Ecce, inquit, aureum mancipium. Indoctus, seruus est & cupiditarum, & eorum quæ possidet. Erasmus lib. 8. apoph.

Eiusdem.

Socrates interrogatus, quid in vita suauissimum esset: respondit: Disciplina & virtus, & rerum incognitarum historia. Antonius in Melissa, par. 1. ser. 50. Max. ser. 17.

Eiusdem.

Idem cum quendam ex discipulis suis animaduertisset, agri quidem esse studiosissimum, sed actionis negligentem: Heus tu vide, inquit, ne dum agrum cicurare vis, animum tuum efferari sinas. Maximus serm. 1.

Eiusdem.

Quum Socrates intellexisset, quendam ex familiaribus suis studiosè eurantem, vt imago ipsius similis fieret: Tu, inquit, vt tibi similis lapis fieret, curasti: at ipse ne lapidi similis fias, non curas. Putabat autem sapiētissimus vir, eos lapidibus haud ab-similes esse, qui literis animum non exornarent. Max. ser. 1.

Eiusdem.

Socrates philosophus interrogatus, cuiatem se esse diceret mundanum se dixit, totius enim mundi incolam & ciuem posse cum arbitrabatur esse, qui omnimodæ eruditionis secum reportaret thesaurum. Cicero libro 5. Tusc. quæst.

Democriti.

Democritus dicere solebat, disciplinam & eruditionem fortunatis quidem ornamentum esse, infortunatis autem refugium. Antonius part. 1. sermon, 50. Melissa. Maximus ser. 17.

Eiusdem.

Idem audiens quendam contumeliosius, quàm par est, de literis loquentem: Ignoras, ait, quid dicas. Literæ enim diuitibus

bus addunt nonnihil honestamenti, inopia laborantibus sunt asylum, & vnicum existunt vitæ præsidium. Stobæus.

Eiusdem.

Idem dicere solebat, eruditionis radices esse quidam satias amaras, fructum autem ferè dulcissimum. Hoc dictum alii ad Socratem referunt, sed Luscinius Democrito ascribit.

Eiusdem.

Idem dicebat, Eruditionem & doctrinam non aliter quàm aurum, vbiuis terrarum in maximo solere esse precio. Stobæus.

Eiusdem.

Idem cum ignotus venisset Athenas, colloquio de philosophia cum Socrate habito, dixit: Hic philosophus similis est pentathlo: quod calleret naturalia, moralia, mathematica, ad hæc disciplinas quas *ἑκέναι* vocant, denique omnium artium peritiam. Laert. lib. 9. cap. 7.

Aristippi.

Aristippus dicebat, satius esse fieri mendicum quàm indoctum: quod ille tantum pecuniis egeat, hic humanitate. Nihilominus homo est, cui deest pecunia: at homo non est, cui deest eruditio. Et tamen cui deest pecunia, petit ab obuiis: cui deest sapientia, nullum sollicitat vt accipiat. Laertius lib. 2. capite 8. Brufonius lib. 3. cap. 9.

Eiusdem.

Idem interrogatus, in quo differrent docti ab indoctis: Quo, inquit, equi domiti ab indomitis. Quemadmodum enim equus indomitus ad omnem vsum incommodus est, ita quoque homo, nisi eruditione & artium studio emolliatur. Laertius libri secundi capite 8.

Eiusdem.

Idem quodam tempore cum ciuibus aliquot suis nauigans, naufragio eiectus est. Quumque in littore vidisset figuras mathematicas in harena depictas: Salua, inquit, res est amici, hominum vestigia conspicio, & ingressus ciuitatem proximam, inuestigauit quinam essent illic disciplinarum studiosi: Cumque his vbi congressus est, summa cum humanitate tractarunt non ipsum modo, verum & comites illius, atque etiam viaticum ad reditum subministrarunt. Tandem quum hi qui cum Aristippo venerant, pararent reditum in patriam, rogarentque illum, ecquid veller suis ciuibus renunciari? Vt, inquit, student sibi huiusmodi parare opes, quæ naufragio non pereunt,

sed simul cum possidente enatent. Refert idem Vitruuius de Architectura lib.6.addens, Aristippum tunc venisse Rhodum. Laertius lib.2.Maxi.ser.17.

Eiusdem.

Percontanti qua re differret sapiens ab indocto: Mitte, inquit, ambos nudos ad homines ignotos, & videbis. Significauit, sapientem secum in pectore circumferre, quo se commendet quibuslibet. Proinde si doctum & indoctum pariter nudos mittas in regionem peregrinam, vbi ambo sint æque ignoti, sapiens proferens opes suas, protinus & rem & amicos inueniet: nudus alter pro infano ridebitur, & fame periclitabitur. Ibidem.

Eiusdem.

Idem cuidam percontanti, qua re esset melior euasurus filius, si eum curaret literis erudiendum: Vt nihil aliud, inquit, certe in theatro non sedebit lapis super lapidem. Amphitheatra gradus habebant marmoreos, in quibus sedens populus spectabat. Lapidem autem vulgo dicebant, hominem indoctum & elinguem. Laert.lib.2.cap.8.Brufonius lib.3.cap.9.

Eiusdem.

Cum Aristippus ab eo qui sibi filium commendarat, quingentas petisset drachmas: ac is dixisset, se tanti mancipium coemere posse: Eme, inquit, & habebis duo. Sensit autem, hominem rudem & literarum ignarum nil esse nisi perpetuum vitiorum & rusticitatis mancipium. Bruso. lib.3.cap.9.

Antisthenis.

Antisthenes interrogatus, quam ob rem diuites non irent ad sapientes & eruditos viros, sed hi ad illos? respondit, quoniam eruditi sciunt quæ ad vitam sint necessaria, illi verò nesciunt. secus enim, sapientiæ potius quam pecuniæ studerent. Antonius in Melissa, parte 1. ser.50.

Eiusdem.

Idem rogatus, quidnam vtilitatis ex philosophiæ haussisset studio? Vt mecum, inquit, loqui, siue viuere possim. Sensit vir prudentissimus, doctum & eruditum hominem nunquam esse solum, qui etiam in solitudine habet quod animo voluat, quod legat, & quasi secum loquatur. Laert.lib.6.cap.1.

Diogenis.

Diogenes rogatus, quod onus terra grauissimum sustineret? Indoctum hominem, respondit, Maximus ser.17.

Platon

Platonis.

Plato interrogatus, quidnam inter peritum & imperitum interesset? Quod inter medicum, ait, atque ægrotum. Brufonius lib. 3. cap. 9.

Aristotelis.

Aristoteles interrogatus, qua re differrent docti ab indoctis? Qua viui, inquit, a mortuis. Sentiens, hominem absque literis statum esse verius quam hominem. Laertius lib. 5. cap. 1. Bruso. lib. 3. cap. 3.

Eiusdem.

Idem illud amicis & discipulis inter differendum frequenter solitus est ingerere: Visum accipere lumen à circumfuso aere, animum autem à disciplinis liberalibus. Laertius libri quinti capite 1.

Eiusdem.

Idem dicere solebat, eruditionis radices esse quidem amaras, sed fructus ferre perdulces. Laert. lib. 5. cap. 1. Verum hoc alii Socrati ascribunt, alii Democrito.

Eiusdem.

Idem rogatus quid ex philosophia lucratus esset, Hoc, inquit, ut iniussus ea faciam, quæ plerique per legum metum operantur. Bruso. lib. 3. cap. 31. ex Cice. lib. 5. Tus. quæst.

Demosthenis.

Demosthenes dicebat, radicem disciplinæ amaram quidem esse, fructus autem dulces. Antonius parte 1. sermo. 50. Melissæ. Maximus sermone 17.

Theophrasti.

Theophrastus dicere solebat, virum eruditione præclarum vbique inuenire patriam, & in alienis locis nunquam peregrinum esse. Eruditio enim cum in omni vitæ genere plurimum emolumenti adferat, non potest non vbique maximo esse in precio. Brufonius lib. 3. cap. 31.

Eiusdem.

Idem moriens accusasse naturam dicitur, quod ceruis & cornicibus vitam diuturnam, quorum id nihil interesset, hominibus verò, quorum maxime interfuisset, exiguam dedisset: quorum ætas si potuisset esse longinquior, futurum fuisse, ut omnibus perfectis artibus, omni doctrina, hominum vita erudiretur. Bruso. lib. 3. cap. 31. ex Cicer. lib. 3. Tuscul. quæst.

Glycon.

Glycon sapientissimus, doctrinam & eruditionem sacrum asyllum, ad quod omnis generis homines concurrerent, esse dixit. Maximus ser. 17.

Metroclis.

Metrocles dicebat, res alienas pecunia comparari, ut domum vestemque: sed disciplinas liberales emi tempore. Requirit enim diuturnum studium, quum pecunia data statim fias possessor fundi. Lart. lib. 6. cap. 6.

Cleanth.

Cleanthes dicebat, homines imperitos sola forma differre à bestiis. Antonius in Melissa, parte prima, sermone 50. & Maximus sermone 17.

Themistocles.

Themistocles expletis centum & septem annis, in ipso mortis agone dixisse fertur, se omnes ætatis dies literarum honestissimo, ac philosophiæ sacratissimo studio consumpsisse, ad hominum usum: verum se dolere, quod tunc egrederetur de vita, quando ex literarum studio sapere cœpisset. Brusonius lib. 3. capite 31.

Demadis.

Demades dicere solebat, doctos ab indoctis tantum differre, quantum deos ab hominibus. Antonius sermone 50. parte 1. Melissa.

Antipatri.

Antipater Cyrenaicus cum ex assiduo literarum studio oculorum aciem amisisset, & suam cæcitatem à mulierculis desleri audiuisset. Quid agitis, inquit, an vobis nulla videtur voluptas nocturna? Bruso. lib. 3. cap. 31.

Hieron.

Hiero tyrannus interrogatus, quid esset à philosophia adiutus? respondit: Ut libenter & iniussus faciam, quæ cæteri legum metu faciunt. Maximus ser. 17.

Alexandri regis.

Alexander rex Aristotelis philosophi discipulus, tanti fecit bonarum & laudatissimarum artium studium, ut apertè pronunciare ausus sit, se malle doctrina antecire alios, quam opibus & dignitate. Bruso. lib. 3. cap. 31.

Cornificia.

Cornificia mulier Romana, quæ regnante Octaviano Cæsare

sare claruit; dicere solita est, solam doctrinam liberam esse, in quam fortuna tela sua figere non posset. Guido Bituricensis, titulo de Memoria.

C. Caesar.

C. Caesar, qui ante Neronem rerum potitus est, Iunium Syllanum pronepotem Augusti, quia segnis ingenioque minime acuto esset, pecudem auream appellauit. Cor. Tacitus lib. 13.

Theodosij impera.

Theodosius Romanorum imperator, cum Arsenio viro doctissimo filios in disciplinam tradidisset, sempiterna memoria dignum & verè imperiale illud verbum proloquutus est: Si tales se præbituri essent, ut mores vitæque suam ad disciplinam & leges Dei componerent, propensum se fore, ut eis imperium in manus tradat, ad ciuium & subditorum commodum & vtilitatem accommodatum: sin minus, conducibilis eis esse, ut sic priuati vitam agerent, quam doctrina nulla cum periculo imperarent. Nicephorus Callistus libri 12. capite 23. Eccles. histor.

Carolus impera.

Carolus quartus Romanorum imperator, in scholam Pragensem aliquando ingressus, cum disputantes liberalem artium magistros in horas quatuor audiisset, idque purpurati molestè ferrent, ac cœnæ tempus adesse dicerent: Mihi, inquit, tempus est minime. nam cœna mea hæc est. Prætulit autem imperator potentissimus, philosophicas disputationes, conuiuia etiam delicatissimis. Aeneas Syluius lib. 4. commenta. in regest. Alphonfi.

Sigismundi impera.

Sigismundus Imperator Roma. cum à principibus, qui literas oderant, reprehenderetur, quod homines obscuro genere natos ob literarum commendationem foueret. Quidni, inquit, amem eos, quos natura cæteris antecellere vovuit. Alii plurimum tribuunt generis nobilitati. At Caesar, vir prudens, intellexit, in eruditis esse quiddam stemmatis præstantius. Illi habent ædium parietes clypeis & imaginibus depictos, hi animi optimis disciplinis exornatum. Porro ut natura animus præstantior est corpore, ita ornamenta ingenii longè pulchriora sunt externis bonis. Jacob. Spieg. in Aeneam Syluium.

Ladislai regis.

Ladislauus, Hungariæ Bohemiæque rex, quanuis adhuc puer,

cum eo tempore quo Fridericus imperialibus infulis à Nicolao quinto Pont. Max. cingeretur, Romæ esset, non videri sibi homines esse dicebat, qui bonas literas ignorarent. Sensit autè, hominem tum demum à brutis animalibus differre, si animum honestis artibus, liberalibusque disciplinis excoluerit. Aeneas Syl. lib. 3. commen. de Alph. reb. gest.

Alphonfi.

Alphonfus Aragonum rex, optimos consiliarios esse mortuos dicebat, liberos videlicet designans, à quibus sine metu, sine gratia, quæ nosse cuperet, fideliter audiret. Panor. lib. 3. de reb. gestis Alphonfi.

Eiusdem.

Idem cum audisset nonnullos Europæ reges ad Basiliensæ concilium destinasse oratores potentes, & progenie illustres, magna cum equorum & comitantium pompa: Haud decere, aiebat, quum de iure humano & diuino disceptandum esset, nobilitatem potentiàmve iactare, sed doctrinam & scientiam. Panorm. lib. 2. de reb. gest. Alphonfi.

Eiusdem.

Idem tantopere amauit bonarum artium studia, vt persanctè affirmaret, se malle perdere quæ possidebat omnia, quam vt tantillum eruditioni decederet suæ. Ant. Panor. lib. 1. de reb. Alphonfi, & Aen. Syl. de eius dictis.

Eiusdem.

Idem aliquando interrogatus, utrùmne armis an libris maiorem gratiam deberet? respondit, ex libris se arma & armorum iura didicisse. Indicans, se libris acceptum referre, quæ sciret, omnia. Panorm. lib. 4. de rebus gestis Alphonfi.

Eiusdem.

Cum idem clarissimus & eruditissimus esset, tanti faciebat bonarum artium studia, vt diuites sine cultu literarum aureum vellus appellare solitus sit. Idem Panor. lib. 3.

Eiusdem.

Cum audiuisset Alphonfus ex suis, quendam Hispaniæ regem dixisse, non decere principes viros scire literas: exclamauit, eam vocem bouis esse, non hominis. Non enim ignorauit vir clarissimus, quantum profit imperantibus, artibus liberalibus & philosophiæ studiis probè esse instructum. Eras. lib. 8. apoph.

Italiani

Iuliani Card.

Iuliano Cardinali, qui Basiliensi concilio interfuit, in bibliotheca lectitanti, cum Ortho quidam dixisset, Quid hic inter mortuos solus latitas? cur non potius exis ad nos, qui suauiter viuimus? Imò, Iulianus inquit, hi fama viuunt: tu verò neque nomine neque re viuus. Sensit autem cum Diogene, vitam sine literis mortem esse. Aen. Syluius lib. 3. comment. de rebus gestis Alphonfi.

Sigismundi Imp.

Georgius Fiscellus cum esset Ll. doctor, à Sigismundo Cæsare equestris militiæ insignia suscepit. Exin, cum Basiliensem synodum adisset, consultante de rebus arduis Sigismundo, dubius erat, legumne doctoribus in vnum locum coniunctis, an equitibus item in alium separatis, sese coniungeret. Cùmque tandem ad equites inclinaret: Stultè agis, inquit Sigismundus, qui literis militiam præfers. Nam ego milites mille vna die fecerim, doctorem vnum mille annis non fecerim. Doctrinam militiæ prætulit imperator, quòd ut ipse linguarum ac literarum peritiam amauit, ita viros eruditione præstantes semper ornare & prouehere studuit. Aeneas Syluius lib. 4. comment. in res gestas Alphonfi.

De doctrina & eruditione, quæ ut semper incolumis est, ita etiam vbique habetur in precio.

Aristippi.

Aristippus philosophus naufragio eiectus ad Rhodiensium littus, in gymnasium venit, deq; philosophia disputauit, & plurimis muneribus donatus est. Dicentibus verò comitibus, qui de reditu in patriam cogitabant, Num quid suis nunciari vellet mandauit dicere, cuiusmodi possessiones & viatica liberis oportere parari, quæ etiã cum naufragio possent vna enatare. Vitruuius lib. 5. sed Laert. ad Aristhenem refert.

Eiusdem.

Idem percontantibus, vtri rei plus debere se fateretur, libris an armis? Ex libris, inquit, & arma & armorum iura didici. Hac voce proficiens, se libris debere omnia. Eras. 8. apoph.

Aristhenis.

Aristhenes Atheniensis philosophus, semper admonebat ea esse paranda, viatica, quæ simul cum naufragio enatarent. Sen-

tiens, bonas artes vbiuis gentium fore in magno precio, nec posse vlla fortunæ tempestate eripi. Laert. lib. 6. cap. 1. Maximus ferm. 17.

Biantis.

Suprà de Animi bonis ac cultu.

Diogenis.

Diogenes eruditionem omnibus hoc sermone commendabat, quod diceret eam iuuenibus adferre sobrietatem, senibus solatium, pauperibus diuitias, diuitibus ornâmentum: propterea quod ætatem, suapte sponte lubricam, coerceat ab intemperantia, senectutis incommoda honesto solatio mitiget, pauperibus sit pro viatico (non enim egent eruditi) diuitum fortunas ornet. Laert. lib. 6. Brus. lib. 3. cap. 31.

Eiusdem.

Idem, cum ei capto latrones malignè cibum præberent, nec præsentī fortuna, nec illorū immanitate deterritus, dixit, iniquissimum esse, cum porcelli agni que venales saginentur diligentius, hominem præstantissimum animal inedia macerari, quasi hoc pacto non redderetur vilior. Itaque accepto quātum sat erat, cum iam esset vendendus inter cæteros, sedit, & prandeat bono animo, impartiens etiam proximis. Cūque vnus ex his valde mœstus, cunctanter sumeret: Desine, inquit, tristarī, & vttere præsentibus:

Nec formosa cibum Niobe non sumpsit, & eius

Pignora sub testu letho bis senu iacebant,

Sex nata, totidēque pubenti corpore nati.

Philo Iudæus lib. Quod omnis probus liber.

Eiusdem.

Captus Diogenes Cynicus à latronibus cum iam esset vendendus, interrogabatur à licitatoribus cuius conditionis homo esset? & quid sciret præ cæteris? respondit, Philosophus sum, & hominibus præesse scio. Qua voce prodebat ingenium generosum, vereque regium animum. Philo Iudæus lib. iam citato.

Aristotelis.

Aristoteles Stagiritæ dicebat, eruditionem in prosperis esse ornamentum, in aduersis refugium. Laert. lib. 5. cap. 1.

Stilponis.

Stilpo Megaricus philosophus, patria eius à Demetrio tyranno capta & direpta, ductus ad regem, interrogatūsq; , An quicquam ipse amississet? De meo, inquit, nihil amisi quicquam, rationem

tionem enim & eruditionem adhuc habeo: cætera cur mea magis sint, quàm obſidentium? Maximus ſerm. 17.

Eiuſdem aliter.

Idem dum à Demetrio direpta vrbe ſic rogaretur, Nunquid tuarum rerum tibi ablatum eſt? Nil, inquit, eruditio cum ſuperſit, vnde neceſſaria mihi parare facile poſſum. Bruſon. lib. 3. cap. 31. ex Plutar. Demetrio.

Idem aliter.

Demetrius Antigoni filius quum Megara capſſet, iuſſit Stilponis domum ſeruari incolumem. Admonitus igitur Stilpo, ut libellum daret rerum omnium quas amiſſiſſet: Ego, inquit, nihil bonorum meorum amiſi: nam eruditio & eloquentia mihi ſunt incolumes, quod hæc verè ſint *domus*, hoc eſt domeſtica propriâque bona. Laert. lib. 2. cap. 12. Seneca ad Lucilium.

Dionyſij iunioris.

Dionyſius iunior pulſus à tyrannide, rogatus quid illi Plato & philoſophiæ ſtudio profuiſſet: Vt tantam, inquit, fortunæ mutationem æquo animo feram. Igitur regno pulſus, factus eſt ludimagiſter. Bruſo. lib. 3. cap. 31.

Hieronis.

Hieron Siculus tyrannus, cum Xenophanes Colophonius poeta Homerum vituperaret, quot ſamulos haberet, interrogauit: cùmque iſ ſe duos habere reſpondiſſet, eoſque vix alere poſſe: tum tyrannus, Non te pudet, inquit, Homerum vituperare, qui deſunctus etiam amplius quam decem milia nutrit? Maximus ſerm. 17.

Neronis imper.

Suprà titu. de Artium atque diſciplinarum vtilitate.

Sigifmundi imper.

Sigifmundus imperator, Alberti focer, cùm aliis multis nominibus, tum illo præcipuè commendabilis fuit, quòd ut ipſe linguarum ac literarum peritiâ amauit, ita viros eruditione præſtantes ſemper ornare ac prouehere ſtudiuit. Quo nomine quum à Germanis principibus, qui Latinas literas oderant, reprehenderetur, quòd homines obſcuro genere natos ob literarum commendationem foueret: Quid ni, inquit, eos amem, quos natura cæteris antecellere voluit? Germani plurimum tribuunt generis nobilitati: at vir prudens intellexit, in eruditio eſſe quiddam ſtemmatis præſtantius. Illi habent ædium parietes clypeis & imaginibus depiſtos, hi animum optimis diſci-

plinis exornatum. Porro vt natura animus præstantior est corpore, ita ornamenta ingenii longè pulchriora sunt externæ nobilitatis insignibus. Qui nihil aliud habet quàm maiorû imagines, opinione nobilis est verius quàm re. At qui virtute præditus est, vnde manat etiam illa vulgaris nobilitas, germanam ac natiuam habet nobilitatem. Eras. lib. 8. apoph.

Alphonſi regis.

Alphonſus Aragonum rex potentiffimus, quum audiſſet quendam ex Hiſpaniæ regibus ſolitum dicere, non decere generoſum & nobilem virum eſſe doctum, ſiue literatum: exclamaſſe fertur, Hanc vocem non regis, ſed bouis eſſe. Anton. Panorm. de rebus Alphonſi lib. 1. & Aeneas Syl. de eius dictis.

Eiuſdem.

Idem cum aliquando tibicines obſtreperent, Ciceroniſ lucubrations accipiens: Abite, inquit, muſici, abite: adeſt enim, qui dulciora nobiſcum loquatur, Cicero Romanæ ſons eloquentiæ. Panorm. & Aeneas Syl.

Vide titulum de Philoſophia.

De doctrina factis diſſentanea.

Diogenis.

Diogenes eos qui de virtute loquerentur, nec rectè viuerēt, citharæ dicebat ſimiles, quæ ſono prodeſſet aliis, ipſa nec ſentiret nec audiret quicquam. Hoc dictum non multum ablu dit à dicto beati Pauli, de cymbalo tinniente. Laert. lib. 6.

Pantholidæ.

Pantholidas legatus, cum in Athenienſium Academia philoſophos multa de virtute diſſerentes audiuiſſet, interrogatus, quales ei viderentur eiufmodi ſermones? Quid aliud, inquit, quàm probi: ſed prorsus inutiles vobis, qui illis non vtimini. Caſtigauit autem mores Athenienſium, qui virtutem quidem ore prædicabant, factis exprimebant contrarium. Plutarch. in Laconicis.

Anonymi.

Quidam Athenienſis indiſertus, ſed factis ſtrenuus, & artis peritior, quum alius oratione ſacunda meditatâq; multa præclare polliceretur. Viri, inquit, Athenienſes, quæ iſte magnificè diſſeruit, ego re faciam. Eras. lib. 6. apoph.

Ageſilai.

Ageſilaus interrogatus, qua ratione quis maximè apud homines

mines probaretur? Si dicat, inquit, optima, & faciat honestissima. Brufonius lib. 7. cap. 2.

Nestoris.

Nestor Sophocleus ab Aiace iurgis laceſſitus: Non inuſo, inquit, quòd rectè agis, ſed quòd perperam loquaris. Sophocl.

Ioan. Capoci.

Diſſidentibus inter ſe Othone 4. & Friderico ſecundo imperatoribus, cum Innocentius tertius pontifex apertè fauiſſet Othoni primo, deinde poſt aliquod tempus ad Fridericū ſtudia ſua conuertiffet (videbatur autem multis pontifex harum diſcordiarum cauſas ſerere.) Itaque cum per Quadrageſimę tempus Innocentius de more conciones haberet, mirantibus omnibus eius in dicendo ſacundiam, Ioannes Capocius ciuis Romanus Othoni deditiſſimus: Verba tua, inquit, pater ſantiſſime, Dei ſunt: ceterum facta, quę verbis longè contraria ſunt, diabolus videntur eſſe. Fulgoſus lib. 6. cap. 2.

Diogenis.

Diogenes Cynicus cum videret cantorem quendam vecordem, ac moribus incompoſitis, aptare pſalterium: Non te tuipudet, inquit, qui ſonos ligno aptare noris, vitam verò ad rectā rationem componere neſcis? Laer. lib. 6.

Cleanthis.

Cleanthes Aſius, Peripateticis dicebat idem accidere quod lyris, quę cum aliis bene ſonent, ſeipſos non audiūt. Sentiens nimirum, illos, licet aliis verbis, idem docere quod Stoicos, & tamen ipſos id non animaduertere. Poſſeſt & ita interpretari, Peripateticos præclare docere, ſed vitam à doctrina diſſidere. Laer. lib. 7. cap. 2.

Eiuſdem.

Quum quidam Arceſilaum reprehendiſſet, quòd officia vitę tolleret: Cleanthes Aſius aſſiſtens, Define (inquit) hominem vituperare. Nam ille licet dictis tollit officia, tamen factis commendat. Notaui hoc dicto philoſophum: & turpiſſimum eſſe philoſopho iudicauit, ſecus docere quam viuere. Si vita proba eſt, cur docet diuerſa? ſi doctrina ſana eſt, quor ſecus viuendo eam reſellit? Laertius lib. 7. cap. 2.

Cleomenis.

Cleomenes audiens quendam de fortitudine diſputantem, interrogatus, Quidnam de diſputante iudicaret? Ineptum eſt, inquit, quenquam de fortitudine magnificis vti verbis, qui ipſe
nihil

nihil fortiter gessit vnquam. Plurarchus in Laconicis.

Anonymi.

Quum apud Athenienses agerentur pana thenea, Attici senem ludibrio habuere, inuitantes tanquam admissuri: ceterum vbi venisset, non admittentes. Verum iam perambulatis fere omnibus, tandem ad Lacedæmonios spectatores quum venisset, omnes è sedilibus assurgentes, locum illi cesserunt. Eo facto delectatus populus, plausu, multaq; gestuum significatione comprobauit. Inter hæc è Spartanis quidam dixit: Per Geminos, non sunt Athenienses quæ sint honesta, at ea non faciunt. Apud Athenienses maxime florebat philosophia, quæ docet, quid turpe, quid honestum. Spartani non recipiebant eiusmodi disciplinas, sed ex institutione maiorum, virtutem factis ac moribus præstabant. Ita factum est, vt apud Athenienses essent verba philosophiæ, apud Lacones ipsa res. Admonet apophthegma, turpissimum esse scire quid deceat, & tamen diueria sequi. Plut. in Lacon.

De dolo & fraude.

Lyfandri.

Lysandro Lacedæmonio quum quidam probo daret, quod pleraque dolo & fraude gereret, ridens dixisse fertur: Vbi quod vellet non assequeretur, leonis exuuio, ibi vulpinum applicandum esse. Sentiens, quod honestis rationibus non possit effici, id fraude efficiendum esse. Plut. in Lacon.

Annibalus.

Quum Fabius simili arte recepisset Tarentum, quali Annibal cæperat: Et Roma (inquit Annibal) suum habet Annibalē. Plut. in Hannibalis vita.

De Domini præsentia.

Antigoni.

Antigonus quum pugnaturus esset aduersus Ptolemæi milites, gubernatorque admoneret, plures esse naues hostium: Pro quot, inquit, nauibus supputas, quod ego hic præsto sum? Sentiens, ad victoriam plurimum habere momenti, si strenuus imperator præsens regat exercitum. Ptolemæus autem tum suis non aderat. Plut. in regum & imperatorum apophtheg.

Anonymi.

Cum quidam corpulentus ac nitidus equum haberet macilentum ac strigosum, rogatus quid esset in causa: respondit, mi-
rum

rum non debere videri, si equo suo esset habitior: quandoquidem ipse se pasceret, equum autem curaret seruus. Gellius, & Eras. in Prouerb. Frons occipitio prior.

Anonymi.

Libys quidam interrogatus, quæ res potissimum saginaret equum? respondit, Oculus domini. Alter rogatus, quod sterculus esset optimum? Domini vestigia, inquit. Vterque autem significauit, domini præsentiam plurimum habere momenti ad rem bene gerendam. Eras. loco iam citato.

Anonymi.

Equiso quidam interrogatus, quid maximè saginaret equum? Oculus, inquit, regis. Sentiens, equum optimè curari, si dominus frequenter adit. Eras. 6. apoph.

Vide titulum, de Ducis præsentia.

De dono & muneribus.

Diogenis.

EI qui pallium à Diogene repetebat, lepidissimè respondit Diogenes: Si donasti, habeo: si commodasti, vtor, significas, sibi non esse in animo reddere, siue dono, siue commodato accepisset. Turpe est reposcere, quod dono dederis: & inhumanum est eripere, quo videnti est opus. Laertius lib. 6.

Vide tit. de Munerum corruptela, &c.

De dote.

Chilonis.

CHilon Lacedæmonius dicere solebat: Vxorem humilem modico apparatu ducendam esse, ne pro coniuge dominā in domum accersas, sat enim dotata venit puella, quæ pudicitiam & honestos mores secum adfert. Propterea hoc erat vnū ex Laconicis institutis, vt virgines sine dote nuptum irent. Laert. lib. 1. cap. 4.

Lycurgi.

Lycurgus Lacedæmoniorum legislator, cum interrogaretur, cur lege cauisset, vt absque vlla dote virgines elocarentur? Vt, inquit, neque propter inopiam vllæ relinquerentur innuptæ, neque ob diuitias expeterentur. Plutarch. in Lacon. apoph.

Ephororum.

Lysander pulchras habebat filias, quarum nuptias quū quidam viuente adhuc Lysandro peterent, eo defuncto, filiarum nuptias

nuptias recusabant, iis Ephori dixere mulctam, eo quòd, quem diuitem esse credentes coluerant, eundem iustum ac probum ex paupertate agnitum contemnerent. Hoc vt apophthegma non est, ita salubre est exemplum seueritatis, quòd admoneat, in conciliandis matrimoniis magis spectandam virtutem, quàm censum: eosque perfidos & inconstantes esse amicos, qui amicitiam commodo metiuntur, cuius spe adempta, protinus recedunt ab amicitia. Quin & illud nos admonet, honestius esse fama quàm pecunia ditescere. Plut. in Lacon.

Lacena.

Lacena quædam virgo paupercula, roganti quam sponso dotem esset allatura? Pudicitiam, inquit, à maioribus traditã. Generosè professa est, eam esse pulchrè dotatam, quæ mores incorruptos adferret ad nuptias. Plut. in apoph. Lacenarum.

Themistoclis.

Themistocles, quum ex procis filia virum probum diuiti prætulisset, quibusdam hoc admirantibus: Malo, inquit, virum absque pecunia, quàm pecuniam absque viro. Vir strenuus facile parabit pecuniam, ignauo pecunia inutilis est, Plutarch. in Græc. apoph.

Hermocratis.

Antipater Hieropolites quum ducturus esset Seueri Cæsaris filiam, forma parum felici: & familiarium quispiam interrogaret, quando laturus esset τὰ ἀνακλυτήρια (sic appellabatur muñera, quæ sponsæ amici deferebant sponso tertio die, quo sponsa debebat exhiberi spectanda) Hermocrates lepidissimè respondit, ἡνακλυτήρια μὲν ὅν τοιαύτην λαβών: id est, Encalypteria potius, quum talem ducat. ἀνακλύτω est retego, ἡνακλύτω tego. Quod deforme est, tegi magis oportet quàm retegi. Philostrat. in Sophistis.

M. Antonini.

M. Antonini vxor Faustina malè audiebat vulgò. Itaq; hor tantibus amicis, vt eam repudiaret, si nollet occidere: Si vxorẽ, inquit, dimittimus, reddamus & dotem, Dotis nomine signans imperium, quod ab socero, volente Adriano, adoptatus acceperat, Iulius Capitolinus.

De bono belli duce,

Polydori.

CUm Argini post illam trecentorum pugnam rursus essent prælio superati, socii Polydorum adhortabantur, ne eam oppor

opportunitatem præteriret, sed aggressus hostium muros, civitatem illorum caperet. Id enim factu fore facillimum, quum interfectis viris, solæ mulieres essent reliquæ. His in hunc respondit modum Polydorus: Mihi pari Martis alea rebellantes devincere honestum est. Cæterum quum pro agris pugnarem, urbem velle capere non arbitror esse iustum. Siquidem huc veni agros recepturus, non urbem occupaturus. Vir excellentis animi, ne cum hostibus quidem putavit agendum secus quam postulabat æquitas: quum hominum vulgus sibi in hostem putet licere omnia, in tantum, ut si de frigido oppidulo fuerit concertatio, victor existimet sibi ius esse, regnum universum victi occupare. Ille etiam turpe sibi iudicabat, bellare cum his, quibus deerant paria ad bellum præsidia. Talis enim victoria, nullam habet virtutis laudem, sed crudelitatis crimen. Plut. In Lacon.

Agésilai.

Agésilai Lacedæmoniorum rex bellicosissimus, percontatus quid ducem belli præcipue exornaret? respondit aduersus hostes audacia, & in oblata opportunitate ratio & consilium. Stobæus sermone 52.

Lyfimachi.

Lyfimachus dicere solebat, Imperatores, vel belli duces, nulla venia dignos esse, qui in bello errarent. Vbi si quid offenditur perperam temeritate vel inscitia, emendari non potest. Alexan. ab Alexandro lib. 2. cap. 13. Genial. dierum.

Iphicratis.

Iphicrates oratori cuidam in concione hunc in modum ipsum interrogari: Quis es, ut tam sublimes geras spiritus? nū eques, aut sagitatrius, aut scutatus, aut pedes? Nihil horum, inquit, sed qui his omnibus imperare didici. Sentiens, pulchrius esse bonum præstare ducem, quam quemvis militem. Plut. in Græc. apo.

Chabriæ.

Chabrias frequenter dicere solebat, eos demum ducis munere quam optimè fungi, qui res hostium quam maximè cognitas & perspectas haberent. Plut. in Græc. reg. & imp. appoh.

Pausaniæ.

Pausanias Plistonactis filius, percontanti quo pacto posset debellari Thraces? Si, inquit, qui vir optimus est eum belli ducem delegerimus. Admonens, plurimum ad victoriam

riam momenti esse in imperatore. Quemadmodum in omni negotio magni refert, quales sint quibus gerendæ rei creditur autoritas. Plutarch.

Alberti ducis.

Albertus Austriæ dux, eius nominis quintus, in bello quod contra Bohemos, prius quam Romanis imperaret, ditissimè gessit, interrogatus, quem copiis præficere statuisset? Si alium, inquit, quam me, ductorem exercitus petitis, frustra me Austriæ ducem appellatis. Dux enim reuera est, qui exercitum ducit, & quem acriter pugnantem exercitus sequitur. Aeneas Syl. lib. 3. commentariorum de rebus Alphonfi.

Vide titu. de Principe & Imperatore bono.

De duce externo.

Pausania.

Percontanti cur Tyrtaum poetam Spartæ ciuem fecissent? Ne quis, inquit Pausanias, externus nobis dux fuisse videatur. Poetæ apud Lacedæmonios non erant in precio, nec hoc nomine Tyrtaus meruit apud illos honorem: se quoniam strenuum ducem in bello præstiterat, putarunt eam laudem patriæ vindicandam. Plut. in Lacon.

De duce sene.

Sertorij.

Sertorius cum Pompeii milites variè dispersos superasset, multis occisis, audissetque aduentare Metellum senem cum aliis copiis, diremit prælium: reuocatisque suis dixit, Ego puerum hunc, nisi superuenisset anus illa, verberibus castigatum, domum remissem. Vnde liquet, quantum duces senes, & experientia rerum edocti, iunioribus & rerum imperitus sint antepponendi. Plut. in Sertorii vita.

De ducis prudentia & vigilantia.

Chabria.

Chabrias illud frequenter dicere solebat, Formidabilior rem esse ceruorum exercitum duce leone, quam leonum duce ceruo. Sentiens, totam belli fortunam pendere à virtute & prudentia ducis. Plutarch. in regum & imp. Græcor. appoph.

Iphicratis.

Iphicrates, quod sutoræ partē natus existimaretur erat con-
temp

temptui. ac tum primum opinionem sibi parauit, posteaquam ipse saucius, hostem vnâ cum armis correptum, viuum in triremem suam deportauit. Is quum in amicorum ac sociorum agris haberet exercitum, ac nihilominus & vallum iaceret, & fossam foderet accuratè, cuidam dicenti, Quid metuumus ait, Pessimam esse ducis vocem, Haudquaquam putaram. Significans, in tranquillissimis rebus interdum existere periculum, quod nullus expectasset. Aduersus inopinatos igitur casus prospexit suis copiis, ne si quid accidisset, dicere cogeretur. Non putaram. Hoc Latine transferunt ad Scipionem. Plutarchus in Græcorum apoph.

Charetis.

Quum oratores Charetem commendarent à mole & proceritate corporis, censentes talem creari debere Athenienium ducem: Non ducem, inquit, sed qui duci suas stragulas portet. Existimabat vir prudentissimus, ducis virtutes non in corporis proceritate, sed potius in animi magnitudine, solertia & prudentia positas esse. Plut. in reg. & impera. apoph.

Philippi regis.

Philippus rex quum in exercitu multo tempore dormisset, expectatus: Tuto, inquit, dormiui, vigilauit enim Antipater. Subindicans, non esse regium indulgere somno, præsertim in bello: sed tamen hoc interdum absque periculo fieri, si rex habeat fidem ac vigilantem præfectum. Ita cum laude amici suam excusauit somnolentiam. Plutarchus in apoph. regum & imperatorum.

Anonymi.

Numantini quum à Scipione in fugam essent versi, à senioribus castigati, quia quos toties fugassent fugerent: quendam è iunioribus dixisse ferunt, pecora quidem etiamnum eadem sunt, sed mutatus est pastor. Plutarchus in Roma. apoph.

Scipionis.

Scipio Africanus dicere solebat, Turpe verbum esse, Non putaram: quod aliis in rebus interdum locus datur, malè instituta posterioribus consiliis melioribus corrigere: ceterum que ferro peraguntur, ea non oportet temerè aggredi, quod hîc error quodam modo incmendabilis est. Summa igitur prouidentia in castris gerenda sunt omnia, ne hoc disterium locum sero inueniat. Plut. in Africano.

C. Fabricij.

C. Fabricius quum audisset Romanos à Pyrrho deuictos, ad Labienum versus: Pyrrhus, inquit, non Epirotæ vicerunt Romanos. Sentiens, vnius ducis ingenio victoriam acceptam ferri oportere, non virtuti militum. Hoc pacto Romani nominis ignominiam eleuauit, qui quum Epirotis essent virtute superiores, hoc solo erant inferiores, quòd non haberent ducem Pyrrho similem. Plut. in Romanorum apoph.

Iulij Cæs.

Iulius Cæsar iturus in Afranium, se ire dixit in exercitum sine duce: in Pompeium verò, Ad ducem sine exercitu. Bruto-
nius lib. 3. cap. 13.

De ducis præsentia, quæ multum
confert ad victoriam.

Demadis.

Demades orator vita defuncto Alexandro dixit, se videre exercitum Macedonum principe orbatum, Cyclopi similem. Sentiens, turbam militum, nisi adsit dux cordatus ac vigilans, nulli esse vsui. Quemadmodum Polyphemus adempto oculo, frustra vastum corpus ac vires habebat immanes. Eras.
lib. 6. apoph.

Epaminonda.

Epaminondas Thebanus conspecto magno exercitu, qui bono & prudente imperatore carebat: Quanta bellua, dixit, absque capite? Stobæus sermone 52.

Eiusdem.

Idem in suprema pugna apud Mantineam sauciatus, delatusque in tentorium, vocauit ad se Daiphantum, postque illum Iollidam. at vbi audiuit, eos viros interfisse, iussit omitti bellum cum hostibus: quâdoquidem iam exercitus duces non habebat, ac verbis ipsa res testimonium præbuit, quòd Epaminondas optimè nossent ciues suos. Plut. in Græcorum apoph.

Antigoni.

Suprà de Domini præsentia.

Anonymi.

Quum seniores Numantini victis suis ignauiam exprobrarent, qui nunc eos fugissent, quos toties in fugam verterant: Numantinus quidam respondisse fertur: Nunc quidem oues eadem sunt, sed alius pastor. Significans, Scipionem ducem esse causam

causam mutatz fortune bellicæ, licet iidem essent milites.
Plutarchus in Romanorum apoph.

Vide ea quæ suprà annotata sunt, in titulo
de Domini præsentia.

De duce strenuo atque infracto.

Agidū.

Vlcerat Argiuos prælio Agis, qui pòst redintegratis viri-
bus rursùm ferociores illi occurrebant. Agis itaque con-
spicatus multos è sociis turbari: Sitis, inquit, bono animo vi-
ri. cum enim nos, qui vicimus, trepidamus, quid facere censeatis
eos qui à nobis victi sunt? Eo dicto, ducis solertia protinus red-
didit animum suis. Plut. in Lacon. apoph.

Lysandri.

Lysander cum ad Corinthiorum qui defecerant muros per-
uenisset, videns Lacedæmonios conantes aggredi, ac fortè acci-
disset, vt lepus conspiceretur excitatus transilire fossam: Non
pudet, inquit, ô Spartani huiusmodi formidare hostes, quo-
rum mœnibus ob ipsorum ignauiam lepores indormiunt? Ca-
sum fortuitum solertia ducis torsit ad animum addendum
militibus, Plutarchus in Lacon.

Brasida.

Brasidas egressus ad bellum, hunc in modum scripsit Epho-
ris: Quicquid erit malorum in bello, aut profligabo, aut mo-
riar. testatus animum fortissimo duce dignum. Nam euentus
homini non est in manu. Eras. in apoph.

Epaminonda.

Epaminondas quum copias admoueret castris hostium, to-
nitrū factū, militibus percontantibus quid putaret portende-
re Deum? Attonitos, inquit, esse hostes, quòd quum tales agros
haberet in propinquo, in talibus castra metarentur. Solertia
ducis non solum terrorem exemit animis militum, verum-
etiam commoda interpretatione addidit alacritatem. Plut. in
Græcorum apoph.

Iphicratis.

Iphicrates exercitum sic oportere constitutum esse dicebat,
ceu vnum corpus, ita vt loco thoracis phalangem habeat, ma-
nuum amicos, pedum equites, capitis autem loco optimum
ducem & imperatorem. Stobæus sermone 52.

Philippi Maced.

Philippus aiebat præstantiorem esse ceruorum exercitum imperante leone, quam leonum ductore ceruo. Sensit autem, prudentiam & fortitudinem ducis multum conferre ad recuperandam victoriam. Stobæus ser. 52.

Alexandri.

Si quando in colloquiis aut conuiuiis incidisset contentio de carminibus Homeri, aliis alia præferentibus, hoc semper prædicauit Alexander, quod scriptum est Iliad. 7.

Dux bonus, atque idem validus pugnator in armis.

Plutarchus in vita Alexandri.

Eiusdem.

Idem hortante Parmenione, vt noctu hostem adoriretur, alio qui summum fore discrimen, si palam cum tanta multitudine Martem experiretur. siquidem ex fragore procul, velut è pelago resonante, coniectabant immensum esse numerum: Non furor, inquit, victoriam. recusans tenebrarum præsidio vincere. Plut. in vita Alexand.

Eiusdem.

Idem Nisam expugnaturus, quum videret milites deterreri fluminis, quod ciuitatem præterlabitur, profunditate, exiliit: O me omnium deterrimum, exclamans, qui natare non didicerim, moxque clypeo pro subere innixus, primus tranauit. Plutarchus in vita Alexand.

Pyrri.

Pyrrius ad quendam, promittentem se traditurum ei aciem instruendi artificium, qui tamen in acie nunquam fuerat, dixit: Non opus esse sibi imperatore, cuius aures tubæ sonus nunquam circumierit. Stobæus sermo. 52.

Eiusdem.

Idem quum quidem inter pocula quaererent, vtrum Antigenidas aut Satyrus melior esset tibicen? Mihi sanè, dixit, præstare videtur dux, qui multos incitat. Stobæus ser. 52.

Hannibalis.

Hannibal cum audisset Stoici cuiusdam argumenta, quibus probabat, solum sapientem imperatorem esse: risit. existimans fieri non posse, vt militaris scientia paretur sine vsu & experientia in rebus ipsis. Stob. ser. 52. *Pompej.*

Romæ mos erat, vt equites qui legitimum tempus militassent, equum in forum deducerent ad duumuiros, quos censores appell

pellant:& commemoratis expeditionibus ac ducibus sub quibus meruissent, pro meritis aut collaudarentur, aut vituperarentur. Itaque Pompeius quum esset consul, ipse equum ad censores Gallium ac Lentulum deduxit. quibus ex more percontantibus, an omnia militaria munia obisset? Omnia, inquit, sub me ipso imperatore. Significans, se sic gessisse ducem, ut nihilo secius omnes militis partes gnauiter præstaret. Idem & imperator bonus, & miles strenuus: qua laude nulla principi potest maior contingere. Plut. in Roma. apoph.

De duce, qui vitæ suæ non debet
esse prodigus.

Theophrasti.

Theophrastus dicere solebat, eum qui imperat, non gregarii militis, aut gladiatoris in arena, sed fortissimi ducis mortem obire oportere. Inuuit autem vir clarissimus, Regem fortem esse oportere, non autem audacem, ferocemve, & quasi vitæ suæ prodigum ac contemptorem. Vbi enim imperatoris periculum ipsi rerum necessitas & Reipub. salus postulat, illic forti animo pugnandum est: sin secus, abstinendum ab armis. Gladiatores enim honestè quidem cadunt, si viritum certantes, fortiter se contra singulos hostes gerant: Imperator verò pro toto exercitu pugnat. Franciscus Patricius Senensis, de institutione regis lib. 2. cap. 1.

Timothel.

Timotheus, quum quidem ostenderet Atheniensibus cicatrices, quas in bello pro patria imperator acceperat, ridens, inquit: Equidem valde erubesco, quod cum Samum obsiderem, iuxta me sagitta fortè cecidit: qua exanimatus, non quasi dux tanti exercitus, sed quasi ignauus tyro profugerim. Franciscus Pat. Senens. lib. 2. cap. 1. de Regis instit.

Scipionis.

Quum quidam ad Scipionem maiorem dixisset, illum parum esse pugnacem: respondit, Bene quidem dicis. Mater enim mea me imperatorem, non autem bellatorem peperit. Quo dicto ostendere voluit, ducis non esse, temerè se obicere periculis. miles enim gregarius si cadit, habet statim qui sibi succedens, contra hostem præterea pugnet. Dux autem si interfectus fuerit, prosternitur totus exercitus. Ibidem.

CONRADI LYCOSTHENIS

De ducis pietate in suos milites.

Phocionis.

PHocion dux Atheniensis, quum adhuc floreret Leosthenes interrogatus ab oratoribus, quid ipse boni fecisset Reipub. Nihil aliud, inquit, nisi quod, donec ego vobis fui dux, nulli dicta est oratio funebris, sed omnes vita defuncti in maiorum monumentis sepulti sunt. Alii iactabant cruentas victorias: Phocion existimabat egregii ducis esse, sic administrare rem militarem, ut nulli, aut quam paucissimi ciues pereant. Mos autem erat Athenis, eos qui in acie cecidissent, apud populum laudare, ac cenotaphia erigere. Plut.

Pelopidae.

Pelopidas uxori quæ ipsum ad bellum proficiscentem rogabat muliebriter, ut seruaret seipsum: Alii, inquit, ut isthuc faciant monendi sunt. Nam princeps ac dux hortandus est potius, ut seruet ciues. Vox imperatore digna: cuius est, ciuium multorum salutem suæ vnus incolumitati antepondere. Plut. in Græcorum apoph. Bruso. lib. 2. cap. 43.

Scipionis.

Scipio, qui ob peculiarem animi fortitudini Africanus cognominatus est, dicere solebat, se malle vnum ex ciuibus suis seruare, quam mille hostes perdere. Bruso. lib. 2. cap. 24.

Minutii.

Q. Fab. Minutius, hortante filio ut locum idoneum paucorum iactura caperet: Visne, inquit, tu ex illis paucis esse? Admonens, non esse boni ducis, vllius militis incolumitatem contemnere. Eras. 6. apoph.

Luculli.

Lucullus imperator ad direptionem incitantibus, dixit, se malle vnum militem Romanum ex hostium manibus eripere, quam vniuersas hostium fortunas sibi vindicare. Plutachus in Lucullo.

Catonis.

Cato senior, quum cuidam militum argenti libram distribuisset, ait: Satiis esse multos habentes argentum, quam paucos habentes aurum, è militia domum redire. Nam duces non alia re quam gloria auctos, è prouinciis redire oportere. Sensit, rem sat feliciter gestam, si tanta militum multitudo redeat incolumis, ut ex distributis manubiis exigua portio ad singulos

gulos redeat: potius quàm si multis desideratis, pauci redeant ex præda locupletiores. Quoniam autem rerum præpostere gestum gloria redit ad duces, hac portione par est illos esse contentos, siue multum sit prædæ, siue parum. Plut. in Rom. apoph.

Julij Cæs.

Julius Cæsar, cessantibus copiis, quas subsequi iusserat, frustra sæpe accessit, noctu clam paruulum nauigium ingressus, ut ad relictum properaret exercitum, gubernator cum à vento rum tempestate abhorreret: Solue, inquit, solue nauem: Cæsarem enim vehis, de salute suorum sollicitum. Brutonius lib. 3. cap. 13.

Alex. Seueri.

Alexander Seuerus militibus diligenter prospexit de commertu, dicens, se magis seruare milites quàm seipsum, quod in his sita publica salus esset. Facilius est enim inuenire nouum imperatorem, quàm nouum & exercitatum militem. Aelius Lampridius.

De duce bono non facile mutando.

Philippi Maced.

Philippus Macedonæ rex potentissimus, dicere solebat, Athenienses sibi magnopere beatos videri, qui quotannis inuenirent decem quos belli duces crearent: quum ipse multis annis vnum duntaxat belli ducem reperisset, Parmenionem. Significans, inutile esse Reipublice subinde mutare duces: sed satius esse, quem idoneum ac fidum nactus sis, eum non mutare. Tum in bello non referre quàm multi fiant duces, sed quàm bello gerendo accommodi. Plutar.

De duce malo & ignauo.

Agessipolis.

Agessipolis Pausaniæ filius, cum quidam dixisset, ipsum, cum rex esset, cum æqualibus suis fuisse oblidem: non liberos, aut vxores eorum. Et quidem non iniuria, inquit. Par enim est, ut & nos nostra errata feramus. Indicans, si quid calamitatis in bello accideret, plerumque ducum insolentia fieri. Parigitur est, ut delicti poenas etiam dent præ cæteris. Plut. in Lacon. apoph.

Antigoni.

Antigonus milites quosdam videns thoracibus & galeis in-

dutos sphæra ludere, delectatus est hoc spectaculo: ac duces illos accersi iubet, vt eos coram illis laudaret. verum vbi nuntiatum esset duces bibere, præfecturas illorum militibus dedit, qui sphæra luserant armati: simul & ducunt ignauiam puniēs, & militum strenuitatem honorans. Plut. in apoph.

DE EBRIETATE, vinolentia, & bibendi ratione.

Pittaci.



Itacus legem tulerat, vt qui per temulentiam sceleris aliquid commisissent, duplo plecterentur. Solet enim vulgus hominum ebrietatis obtentu crimen extenuare. Ideo factum ferunt, quòd insula vino abundaret. Laert. lib. 1. cap. 5.

Pythagore.

Pythagoras ebrietatem dicere solebat insaniam meditationē esse. Stobæus serm. 16. Max. ser. 30.

Eiusdem.

Pythagoras dicere solebat, in vite tres nasci botros, quorum primus esset voluptatis, secundus ebrietatis, tertius iniuriar. Antonius in Melissa, par. 1. serm. 39. & 41. Max. serm. 30. Epicteto attribuit.

Anacharsidis.

Anacharsis Scythæ idem de tribus botris dixisse fertur, nisi quòd tertio attribuit molestiam. Sentiens, parcum vini vsum esse iucundum, quia sedat sitim: largiorem gignere temulentiam, largissimum parere rixas, cædes ac morbos. Laert. lib. 1. cap. 9. Stob. ser. 16. Ant. in Meliss. par. 1. ser. 41. Max. serm. 30.

Eiusdem.

Idem admirabatur illud, quòd Græci initio cōuiuui cyathis pusillis vterentur, saturi maioribus. Sentiens, potum non in aliud adhibendum, nisi ad sedandam sitim. Absurdum igitur esse, cum plus bibere, quum iam sitis esset sedata. Laert. lib. 1.

Platonis.

Plato Atheniensis negabat oportere inebriari præterquam in fest

in festis, in quibus ipse Deus vinum porrigit. Festos dies decet hilaritas, ebrietas semper foeda est. Laert. lib. 3.

Eiusdem.

Idem discipulos suos admonebat, ut se ebrios in speculo contemplarentur. Sic enim fore, ut dum faciem suam furibundam & phrenetico similem intuerentur, in posterum ab ebrietatis vitio abhorrerent. Fulgo. lib. 7. cap. 2.

Diogenis.

Diogenes Cynicus cum videret hominis vino deditissimi ades venales esse, ex ianuae inscriptione: Sciebam, inquit, quia vini crapula obsessa facile domum euomeres. Brusi. lib. 1. cap. 19.

Eiusdem.

Idem vinum plurimum in conuiuio quodam dono acceptum effudit, quod quum quidam indignè ferrent: Si, inquit, vinum omne ebiberem, non tam liquorem quam meipsum quoque perderem. Stob.

Eiusdem.

Idem adolescentem stupidum mero, & prorsus desipientem intuitus: Adolescentule, ait, temulento satus es patre. Stob.

Zenonis.

Zenonem Citticensem summa verecundia colebat, in precioque habebat rex Antigonus. Accidit igitur, ut aliquando vino supra modum impletus, obuiam Zenoni fieret: quem osculatus est, atque amplexus, ut temulentus. petiitque ut sibi quid iuberet. Et interposito temere sacramento, confirmauit se praestitutum quicquid postulasset. Et ille dixit ei: Abi, & euome. Graui sapientique reprehensione simul temulentiam eius taxans, simul verò cauens ne nimia commestatio, potatioque ei nocumentum adferret. Aelian. lib. 9. de Var. hist.

Leontychida.

Leontychidas Spartiata rogatus, quare parum bibant Spartiatae? Ne, inquit, pro nobis alii consultant. Sensit autem vir clarissimus, cum nequaquam salubriter de rebus consultare posset, cui sanum iudicium à vino ablatum sit. Brusi. lib. 1. cap. 19. ex Plutar. in Lacon.

Aristippi.

Aristippus philosophus, & Socratis sapientissimi discipulus, iactanti cuidam, quod multum bibere posset, nec inebriaretur: Quid, inquit, magni narras, quum idem faciat quoque mulus? Laert. lib. 2. cap. 8.

Anonymi.

Quidam Lacon, quum audisset quosdam à cœna cogi ad bibendum: Num, inquit, coguntur etiam ad edendum? Notauit Græcorum morem, in conuiujs compellentium ad certum cyathorum modū, quum id reuera nihilo absurdius sit, quàm hominem qui non esuriat, ad certum escarum modum compellere, nisi quòd alterius absurditatem eleuat consuetudo. Plut. in Lacon.

Agefilai.

Agefilaius ille magnus Lacedæmoniorum rex, cum in com-
potatione quadam sortibus ex more ductis factus esset prin-
ceps conuiuī (huius autem partes erant, præscribere quantum
quisque biberet) rogatus à pincerna quantum cuique vini de-
beret apponere? Si multum, inquit, vini paratum est, dato cui-
que quantum poscit: sin parum, cunctis ex æquo diuidito. Hac
dexteritate mirè prospexit, ne vel parata vini copia deesset,
quibus placeret largior potatio: vel ad bibendum cogerentur,
quibus placeret sobrietas. Rursus in maligniore vini copia, per
æqualitatem: exclusit occasionem murmuris. Etenim cum sin-
gulis æqua vini portio distribueretur, nihil deerat his qui bi-
bebant moderatius: & qui largius fuerant bibituri, quum ha-
berent quod naturæ satis esset, queri non poterant si deerat li-
bidini, eo quòd nemo omnium plus aut minus haberet cate-
ris. Itaque æquis animis se illi quoque ad moderationem com-
ponebant, quibus alioqui placebat luxus. Porro Lacedæmonii
præter cæteros Græcos, victus frugalitatem probabant. Plut.
in Lacon. apoph.

Demosthenis.

Philocrates & Aeschines Atheniensium legati ad Philippum
Macedoniae regem cum alijs m. lsi, cum domum redirent, re-
gémque eo nomine laudarent, quòd strenuè bibisset: respon-
dit Demosthenes, Habet hanc virtutem cum spongia commu-
nem. Sensit vir prudentissimus, regum virtutes non in euacuan-
dis poculis fitas esse. Plut. in Demosthene.

Cyri.

Astyages cum rogasset Cyrium regem, quamobrem vinum
non absorbuisset? Quòd metueram (inquit) medius fidius, ne
in cratere mixta venena forent. Etenim quum tu in natalicijs
amicum adhibuisti: perspicuè didici cum vobis venena infu-
disse. Et quo pacto, inquit ille, ò fili hoc dignouisti? Quòd vi-
debam

debam vos, respondit, neque corporis esse, neque mentis compotes. Bruf. lib. 1. cap. 19. Xenophon in Pædia.

Eiusdem.

Sparamizas Metrodoti quum per ebrietatem Cyri mortem aperuisset: Rectè, inquit, se habet illud, quod crebrò vsurpatur à Græcis, Veritatem in vino esse. Bruf. lib. 1. cap. 19.

Androclides.

Androclides sapientia clarus, ad Alexandrum regem vino plus satis deditum, dixisse fertur: Vinum potaturus rex, memento te bibere terræ sanguinem: cicutæ homini venenum, cicutæ vinum. Bruf. lib. 1. cap. 19.

Dionysij sen.

Dionysius senior quum in aliorum scelere patratores seuerè animaduertet, vestium furibus parcere solebat, vt Syracusij cœnare inter sese & inebriari desinerent. Solent enim lopydæ, id est, vestium fures, in balneis frequentibûsq; conuiujs venari. Quemadmodum autem in balneis vestes deponuntur, ita in conuiujs summæ vestes abici solent, vt toga, palliæque. Plutar. in reg. apoph.

Stratonici.

Stratonicus citharædus natione Atheniensis, non minus fecituis dictis quàm arte musica celebris, ad quietem iturus, assiduè iubeat puerum sibi infundere vinum: Non quòd sitiam, inquit, sed ne sitiam. Athenæus.

T. Quinti.

Dinocrates cum temulentus, finito conuiuio muliebri habitu saltasset, postero die venit ad T. Quintium, petens subsidium contra Messanos, quos ad defectionem ab Achæorû imperio pellicere conabatur. Cui Titus ait: Miror te hominem videntem, meròque enervatum, huiusmodi res moliri, quæ virorum, non mulierum sunt. Bruf. lib. 1. cap. 19.

Ciceronis.

Ciceroni in foro ambulanti cum ad bibendum aqua oblata esset, vidit fortè L. Cottam censorem, hominem vino deditissimum, non procul astantem, cùmque aquam Cicero accepisset iam haukturus, vocatis amicis: Circumtegite me, inquit, ne censor me aquam bibere videat, & pro suo iure rationeque officij senatu amoveat. Notauit autem Cottæ censoris vinolentiam, quam in alijs non reprehendere, verum etiam grauitè punire debebat. Bruf. lib. 1. cap. 19.

Augusti.

Augusti Cæsa.

Augustus videns equitem in spectaculis bibentem, misit qui illi suis verbis diceret: Ego si prandere volo, domum eo. Respondit eques: Tu enim non times, ne perdas locum. Augustus sensit, indecorum esse, illic in publico bibere. Eques per iocum sic interpretatus est, Cæsarem sine damno posse discedere theatro, quod locus ipsi seruetur, equiti non item. Eras. 6. apoph.

Tiberij Imp.

Tiberius. Imp. quoniam tyro in castris audius bibebat vinum, militari ioco, pro Tiberio Claudio Nerone, dictus est Biberius Caldus Mero. Eras. lib. 6. apoph.

Firmi Imp.

Firmus imperator vini patientissimus fuisse legitur, citra tamen ebrietatem. Quondam autem à barbaro vexillario ad bibendum prouocatus, duas vini situlas hausit, & postea toto conuiuiio sobrius fuit. Quum verò barbarus diceret, Quin nō & fecem ebibisti? Stulte, inquit terra nō bibitur. Eras. Rot. lib. 6. apoph. ex Vopisco.

Aureliani.

Bonofus, qui imperator postea factus est cum tantum biberet, quantum hominum nemo: Aurelianus vrbaniſſimè dicebat, Non vt uiuat, sed vt bibat, natus est. Brus. libr. 1. cap. 19. ex Vopisco.

Vib. Crispi.

Vibius Crispus, summus Vitellii iuperatoris amicus, cum ob nocturnas commessationes atque compotationes luxuriosissimas, in grauiſſimum incidisset morbum, & ita quidem vexaretur, vt Vitellianis conuiuiis interesse amplius nequiret: posteaquam paululum conualuisset, ad amicos dixisse fertur: se omnino fuisse periturum, nisi tam grauiſſe laborasset. Xiphilinus in vita Vitellii.

Anonymi.

Bonofus Imperator, vir extremæ gulæ & ebrietatis, cum se suspensio suffocasset, interrogatus quidam, qui eius mores & vinolentiam nouerat, quisnam esset suspensus? respondit, non hominem esse, sed amphoram. Author est Aurelianus.

Eiusdem.

Cum celebrarentur à Ferdinādo rege, Hippolytæ nurus atq; Alphonsi filii nuptiæ, apparatu splendidissimo (erat enim dies
decu r

decurſionis haſtatæ, flagrantq; ſub ſole cuncta: conuenerant autem mortales omnis generis ad ſpectandum)cumq; plurimi ludorum eſſent laudatores, vel pleriq; omnes admiratores potius, in media laudantium frequentia & plauſu exclamauit Germanus quidam: O valeant ludi, quibus nemo bibit. Ponta.

De ebrietati condonato errore.

Piſiſtrati.

Piſiſtratus Athenienſium tyrannus, cum in eius crudelitate ebrius conuiuia multa dixiſſet, ſtimulatus ab aulicis. vt hominem tam impudentem occidi iuberet, dixiſſe fertur: Non magis illi ſe ſuccenſere, quàm ſi quis obligatis oculis in ſe occuſiſſet. Senſit autem vir prudentiſſimus, vinum in cauſa fuiſſe, cuius naturam & libertatem cum intelligeret, errorem non homini, ſed vino hominem obcæcanti aſcripſit. Bruſonius Cōturſi. lib. 1. cap. 16.

Dionyſij ſen.

Quum delatum eſſet ad Dionyſium ſeniorē, duos adoleſcentes inter conuiuandum & pocula, multa conuicia tum in ipſum, tum in eius tyrānidem dixiſſe, ambos vocauit ad cœnā: & quia animaduertit alterum largius potum multa nugari, alterum raro cauteq; bibere: illum dimiſit, vt qui natura vinolētus, per temulentiam maledicus fuiſſet: hunc interfecit, vt qui ſtudio maleuolus & hoſtis eſſet. Plutarch. in Regum & imperatorum apoph. Antonius in Meliſ. par. 1. ſerm. 53. Bruſ. li. 1. ca. 16.

Pyrri.

Pyrrius rex audiēs ſe multis & nefandis conuiciis aſperſum eſſe, vt reos mortis ad ſe duci iuſſit. deductosq; , num quæ dicerentur dixiſſe aduerſus ſe, effutierint, interrogauit. Reſpondente autem quodam ex iis, Ita eſt o rex, & plura etiam dixiſſemus, ſi plus vini adfuiſſet nobis. Eo audito, rex vino errorem dedit, ac homines impunē abire dimiſit. Bruſ. li. 1. ca. 16.

Alphonſi.

Senex quidam multo vino madidus, cum Alphonſo Aragonum regi obuiam factus eſſet, videns notari eius violentiā, ad regem inquit, Lac ſenis vinum eſſe: putans ebrietatis vitium ſe excuſari apud regem poſſe. Cui rex, Paruò igitur, inquit, tuū tibi conſtar alimentum, paruò vt video Bacchi lætitia. Panormit. lib. 1. de re. geſt. Alphonſi regis.

Anonymi.

Accusatus iuuenis quispiam, quod in mensa intemperantius locutus esset aduersus sacerdotem, vocatusq; ob id in ius, atque interrogatus a iudicibus cur hæc dixisset? Si eodem, respondit, pacto rursus in cœna me inuitauerint, duodecim etiam Apostolos, si adessent, fustibus tractarem. Iudices igitur cognito vini vitio, hominem absoluerunt: pœnamq; irrogarunt sacerdoti, vt quatrimum a vino abstineret. Adrianus Barlandus, Centuria prima.

De ebrietatis variis effectibus.

Anacharsidis.

Anacharsis Scythia ab adolescente in conuiuio pulsatus: Adolescens, inquit, si nunc vinum non fers, vbi senueris, aquam feres. Nam qui bibunt intemperantius vinum, ea præsertim ætate cui magis conuenit aqua, ii frequenter senes ob inopiam coguntur aquam bibere, aut *ὅδ' ὁ πόσις*, quum ei ætati necessarius sit vini vsus. Laert. lib. 1. cap. 9.

Eiusdem.

Quidam in conuiuio videns uxorem Anacharsidis: Vxorem, inquit, duxisti satis deformem. Cui Anacharsis: Prorsus ita mihi videtur. sed heus puer, infunde mihi plus, vt reddam eam formosam. Indicare voluit vir sapientissimus, vinum immoderatus potatum adimere homini rectum iudiciũ. Refert Athenæus lib. 9.

Eiusdem.

Idem interrogatus, num in Scythia essent tybiæ? Respondit Ne vites quidem. Significans, saltationes, reliquasq; eius generis voluptates è vinolentia nasci, aliq; . Laert. lib. 1. ca. 9.

Heracliti.

Heraclitus dicere solebat, ruditatem quidem aliis vix celsari posse, in vino autem quàm minimè. Stobæus serm. 16.

Eratosthenis.

Eratosthenes dicebat, vinum igni æquale habere robur, quod cum virum inuaserit, eum veluti boreas vel notus mare Lybicum turbat & confundit: occulta, & quæ profunda mente gerit, aperit & ostendit, virorumque totam mentem excutit. Phauorinus.

Aeschini.

Aeschines dicere solebat, Speculum formæ esse æs, vinum au
tem

tem animi. Voluit autem indicare vir sapientissimus, nihil tam secerum esse animo nostro insculptum, quod ebrietas, si hominem occupat, non effutire audeat. Maximus ser. 30. & Stobæus.

Sophoclis.

Sophocles, audiens Aeschylum poetam multo vino madidum scribere carmina, respondit, Etsi bene scribit, ignorat tamen quid scribat. Stobæus ser. 16. & Maximus ser. 30.

Aeschylæ.

Aeschylus ebrietatem tanquam pestem fugiendam suadebat. qui enim potus mensuram transgreditur, non amplius mentis & linguæ compos est, sed sine pudore turpia & indecentia loquitur, ex viro factus puer. Phauorinus. Verum hoc alii etiam ad Theognidem referunt.

Anonymæ.

Quum Philippus Macedonum rex cognitionem exerceret parum sobrius, ac perperam aduersus mulierem quandam tulisset sententiam: illa sentiens errorem esse viui, non regis, exclamauit: Prouocarem, inquit, ad Philippum, sed sobrium. Excusit regi muliebri conuictum temulentiam, adegitque, ut expergefactus causam eandem animo præsentiore cognosceret. Eras. lib. 8. apoph. Val. Max. lib. cap. 2.

Anonymæ.

Milites aliquot Tarentini inter comandum multa liberius dixerant in Pyrrhum regem. Rex ad eum delata est. acciti sunt iuuenes, ac periclitabantur omnes, quum factum nec negari posset, nec defendi. Tum vnus illorum deterioris ingenii: Imò, inquit, rex, & ista diximus, & longè acerbiora dicturi fueramus, nisi nos lagena defecisset. linguæ petulentiam in tumultum reiciens. Itaque mox ira principis in risum versâ dimissi sunt. Quis neget hoc dictum fuisse bene collocatum? Erasmus 6 apophthegmatum.

Claudij Imp.

Claudius Cæsar nunquam adeo animi sui secreta protulit, atque olim dum multo vino mandidus esset: ubi dixit, Sibi fatale esse, ut coniugium flagitia ferret, deinde puniret. Quæ vox terrorem non mediocrem iniecit Agrippinæ. ex Suetonio.

De ebrietatis remediis.

Pythagoræ.

Pythagoras consultus, quinam vinosus ebrietatem deresceret respondit: Si quæ per temulentiam facit, frequens animo

animo voluat. Stobæus serm. 16. Antonius in Melissa, par. 1. serm. 41. Maximus serm. 30.

Platonis.

Plato Atheniensis temulentia deditis suadebat, ut poti ad speculum sese contemplantur: ita fore, ut ab eo vitio recederent, conspecta foeditate. Laert. lib. 3.

Anacharsidis.

Anacharsis Scythæ olim rogatus, quæ ratione quis effugeret ne fieret vinolentus: Si semper præ oculis habeat ebriorum indecoros mores. Nihil enim similius infano, quam ebrius. At ebrius existimat, se decere omnia. In aliis igitur spectandum, quam foeda res sit temulentia. Laert. libr. 1. cap. 9. Ant. in Melis. par. 1. ser. Brus. lib. 1. cap. 19.

Laconum.

Lacones pueris ostendebant seruos qui vino essent temulenti, quo magis abominarentur ebrietatem, videntes quam deformis spectaculum sit homo immodico mandens vino, quâque dementi similis. Imò cogebant Helotes, quam plurimum bibere, deinde saltationes ineptas saltare, & carmina quædam ridicula canere. Ita quod alii prolixo sermone vix persuadent, sobrietatem esse rem honestissimam, ebrietate nihil esse homini ne indignius: illi compendio ponebant ob oculos, sed in mancipiis, ad quorum mores degenerare ingenuis turpissimum est. Plutarc. in Lacon.

De educatione & institutione filiorum.

Socratis.

Socrates dicebat, optimè natis, ingenuisque potissimum, adhibendam rectam institutionem. Idem enim in his vltu venire quod in equis, in quibusqui feroces sunt ac generose indolis statim à primis annis rectè instituuntur, egregiè & ad omnem vsum accommodi euadunt: sin minus efferati, intractabiles, & ad nihil vtilis. Eoque fit, ut felicissima quæque ingenia corrumpantur inscitia instituentium, qui mox equos vertunt in asinos, quod erectis ac liberis imperare nesciant. Eras. 3. apoph.

Eiusdem.

Idem dicebat, muliebrem sexum virili non minus esse doctilem & ad disciplinas, & ad omnem virtutem, etiâ fortitudinē (quæ

(quæ tanquam viris propria, Græcis à viro dicitur *ἀνδρία*) si diligenter instituat. Id collegit ex puella saltatrix, quæ inducta in conuiuium, mira arte trochos duodecim in altum proiectos excipiebat, ita temperato altitudinis spacio, numerisque pedum, vt nunquam falleret: eadēque inter acutissimos gladios, non sine horrore spectantium, impauida saltaret, Eras. 3. apoph.

Eiusdem.

Interrogatus etiam, quam ob rem ipse non administraret Rempublicam, quum administrandi rationem optime sciret: respondit, Eum vtiliorem esse ciuitati, qui multos efficere idoneos gubernandæ Reipub. quàm qui ipse rectè gubernaret.

Eiusdem.

Adhortabatur iuuenes, vt se subinde ad speculum contuerentur. quod si essent egregia corporis forma, cauere ne quid ea indignum committerent: sin minus, quod corpori deesset, id ingenii cultu morūque honestate pensarent. Adeo vir ille vndecunque rapiebat occasionem ad virtutis studium adhortandi. Eras. lib. 3. apoph. ex Laertio.

Anonymi.

Puer quidam apud Platonem educatus, quum ad patrem ex intervallo redisset, eūque vidisset effusus ridentem, admiratus dixit: Se tale nihil vnquam apud Platonem vidisse. Tanta res est, iam inde à teneris virtuti assuescere. Eras. lib. 6. apoph.

Aristotelis.

Aristoteles Stagiritæ aiebat, parentes qui rectè liberos suos instituisent, multo honorabiliores esse iis qui tantum genuissent: quod ab his contigisset viuere, ab illis bene viuere. Laertius lib. 5. cap. 1.

Isocrati.

Isocrates ad patrem, qui dicebat se cum filio non misisse nisi vnicum mancipium: Abi igitur, inquit, & habebis duo. Id bifariam potest intelligi. Redi tu domum, apud me relicto filio: quem posteaquam ita formaro, vt tibi non minus dicto sit audiens quàm quilibet seruorum tuorum, pro vno macipio habebis duo. Aut, abi domum, ac puta tibi ea pecunia, quam pactus es pro filio instituendo, iam me quoque tuum esse factum, vt non minori curæ mihi futurus sit tuus adolescens, quàm si tuum essem mancipium. Simile quiddam tribuitur & Aristippo. Eras. lib. 8. apoph.

Eiusdem.

Idem percontanti, quid fieri posset, ut quum ipse non esset ad dicendum accommodus, alios redderet idoneos? Quoniam cotes, inquit, ipsa: quidem secare non possunt, ferrum tamen reddunt acutum. Hoc videtur imitatus Horatius:

— *Fungar vice cotis, acutum*

Reddere quæ ferrum valet, exors ipsa secandi.

Eras. 8. apoph.

Aristippi.

Aristippus percontanti, quæ potissimum adolescentibus essent discenda: Quæ viris, inquit, vsui futura sunt. Hoc dictum & aliis adscribitur. Optima statim discenda sunt, nec rudis ætas, quæ maximè docilis est, superuacaneis est occupanda. Laertius lib. 2. cap. 8.

Eiusdem.

Quidam cum Aristippo agebat, ut filium suum susciperet erudiendum. sed quum philosophus pro mercede peteret quingentas drachmas, alter deterritus magnitudine precii: Minoris, inquit, emerem mancipium. At hic, inquit, habebis duo. Sensit, eadem pecunia illum sibi paraturum & philosophum vtilem, & filium obsequentem. Lepidè taxauit vulgi iudicium, qui nusquam parciore est quam in rectè instituendis liberis, plusque sumptus impendit curandis equis quam filiis. Ibidem.

Carneadi.

Carneades dicere solebat, diuitum ac regum filios nihil rectè discere, præterquam equitare. quod his omnes adulentur: solus equus non curans regem gerat an priuatum, tergo excutit, quisquis equitandi fuerit imperitus. Laert. lib. 4. cap. 9.

Diogenis.

Diogenes Cynicus, quum captus venderetur in Creta, præconi roganti quid sciret, & quo titulo eum commendaret emptori? Dic, inquit, te vendere hominem, qui sciat imperare liberis. Quidam Xenias Corinthius admiratus præconi nouitatem, adiit Diogenem, percontans num sciret quod profiteretur: vbi ex sermone hominis comperit esse sapientem ac doctum, mercatu duxit domum, ei que suos liberos erudiendos tradidit. quos ille susceptos liberaliter instituit. primùmque tradidit artes liberales, mox docuit equitare, arcum tendere, fundam rotare, iaculari telum. In palæstra verò non permittebat, ut pædotribi illos grauioribus laboribus in morem athletarum

tarum exerceret: sed hæcenus, quantum ad ruborem, bonamque corporis valetudinem conducere. Curauit etiam, vt ex poetis aliisque scriptoribus optima quæque adiscerent: quod ea modo verè sciamus, quæ memoria tenemus. Breuiter totius doctrinæ summam illis redegit in compendium, quo & citius perciperent, & fidelius memoria complecterentur. Eosdem instituit domi ministrare parentibus, cibo leui vilique & aquæ potu contentos esse: cumque cæteri cæsariem alant ad formæ commendatione, ille iussit illos radere comâ, & si quando prodeundum esset in publicum, incompertos producebat absque tuniceis, in calceatos ac tacitos. Quin & ad venatum illos instituebat, Lacedæmonios imitatus. His rebus factum est, vt à pueris obseruaretur, perque illos parenti commendaretur. Alii narant, præconem Diogenis iussu ita prædicasse, Estne quispiam qui velit emere dominum? Laert. lib. 6.

Laconum.

Apud Lacedæmonios puer abs quoquam castigatus, si quærelam ad patrem detulisset, turpe erat patri, si hoc audito, non iterum filium emendasset. Siquidem ex institutione maiorum habebant hanc de se mutuò fiduciâ, vt crederent neminem esse, qui cuiusquam liberis, quos quisque pro suis habebat, quicquam imperaret inhonestum. Prima ætas quoniam nondum sentit quid turpe, quid honestum, verberibus eget. Solent autem pueri à præceptoribus cæsi, apud parentes queri de crudelitate eorum à quibus castigati sunt. Ea res quoniam minuebat aliorum seniorum autoritatem, hanc fenestram occluserunt liberis suis, vt omnium seniorum eadem esset in pueros autoritas, quæ patribus. Plut. in Lacon.

Eorundem.

Apud eosdem, cum duo fratres inter se dissidium haberent, Lacedæmonii mulctam dixerunt patri, quod filiorum discordiam dissimulasset. Iuuenibus ignoscendum putarunt: sed quicquid illi per calorem ætatis peccassent, parenti imputabant, cuius autoritas prouidere debuerat, ne quid inter filios oriretur simultatis. Plut. in Lacon.

Eorundem.

Apud eosdem mos erat, vt adolescentes quopiam abituri, à senioribus interrogarentur quò irent, & ad quid? Obiurgabatur autem, qui vel non responderet percontanti, aut friuolas causas recitaret. Senior qui non obiurgat adolescentem ipso præ-

sente delinquentem; eidem pœnæ erat obnoxius, quam daturus erat si peccasset ipse. Caterùm qui obiurgationem molestè ferebat, in magno erat probro. Meritò puerorum errata imputantur iis quorum partes erant ea vel arcere, vel corrigere. Simul autem magna necessitas habebat seniores, ne quid testibus adolescentibus præter decorum committerent. Nam qua fronte obiurgarent iuniores, si ipsi senes essent obiurgandi? Plutarch. in Lacon.

Lycurgi.

Lycurgus is qui Lacedæmoniis leges condidit, quum conaretur ciues suos à moribus præsentibus ad temperantiorem viuendi rationem traducere, eosque virtutis & honesti studiosos reddere (nam erant corrupti deliciis) duos educauit catulos, eodem patre eadèque matre progenitos: quorum alterum passus est domi lautioribus vesci cibis, alterumeductum venatibus exercuit. Dein quum ambos produxisset in forum apud multitudinem, posuit illic spinas, simul & escas aliquas delicatiores: mox emisit leporem, quum vterque raperetur ad assuetam, alter ad escas, alter leporem inuaderet: Annòn videtis, inquit, ciues, duos catulos, quum eiusdem sint generis, tamen ob diuersam educationem admodum dissimiles inter sese euasisse, plùsque ad honestatem momenti habere exercitationem quam naturam? Sunt qui dicant, ab illo productos catulos, non quidem ex iisdem parentibus natos: sed quorum alter esset ex ignobili canum genere qui aluntur ad ædium custodiam, alter ex his qui aluntur ad venandum. Deinde eum qui erat ex ignobiliore genere, exercuit ad venatum: alterum, qui erat ex præstantiore genere, tatum deliciis exercuit. Deinde quum vterque ferretur ad ea quibus assueuerat, atque hoc pacto palàm omnibus fecisset Lycurgus, quantum institutio valeret, tum ad meliora, tum ad deteriora, dixit: Proinde ne nobis quidem, ô ciues nobilitas, quam miratur vulgus hominum, ductumque ab Hercule genus profuerit, nisi ea gesserimus, per quæ ille mortaliū omnium clarissimus ac generosissimus extitit, ac per omnem vitam quæ honesta sunt & discamus & exerceamus. Reperit vir ingeniosus viam, qua multitudini philosophicis rationibus non satis idoneæ, virtutis imaginem ob oculos poneret, magis enim mouent, ac penetrant in animos, quæ cernuntur, quam quæ audiuntur. Quod autem ille fecit in ciuitate, hoc cuique patrifamilias in sua domo, cuique moderatori in suo grege faciendum est.

est. Res quidem efficax est natura, sed potentior est institutio, quæ malam naturam corrigit, & vertit in bonam. Quales nascantur liberi, nulli in manu est: at ut recta institutione euadant boni, nostræ potestatis est. Eras. lib. 1. apoph. ex Plut. in Lacon. & Brufo. lib. 2. cap. 38.

Eiusdem.

Idem obicientibus, quod eloquentiæ studio rhetoribus daret mercedem: Si quis, inquit, profiteatur se filios meos mihi redditurum meliores, non mille drachmas, sed omnium facultatum dimidium effunderem. Plurimum ab hominum vulgo discrepans, qui perisse existimant, quod liberis instituendis impenditur. Eras. Rot. lib. 8. apoph.

Laconum.

Post Agin bello superatum Antipatro postulanti obsides pueros quinquaginta, Eteocles, qui tum Ephorum agebat, respondit: Se pueros non daturum, ne si licenter vixissent, fierent indociles patriæ disciplinæ, itaque ne ciues quidem essent: cæterum senes ac mulieres se duplo numero daturum. Verum Antipatro dira minitanti, ni acciperet postulata, populus vna voce respondit: Si imperas acerbiora morte, facilius moriemur. Hunc animum in vno alterove ciuium reperire, fortasse non ita magni miraculi esse videatur: in vniuerso populo tantum esse consensum, prodigiosum est. Hoc exemplo simul admonemur, quanta sollicitudo debeat ætati teneræ ad probitatem educandæ, quando licenter educatos iuuenes illi non putarunt habendos pro ciuibz: perinde quasi mater abdicet filium ex se natum, nisi probitate morum maioribus suis respondeat. Plut. in Laconicis.

Agasili.

Agasili Lacedæmoniorum regi, cum quidam diceret, admirari sese, quod cum esset auidus discendi, non adiungeret sibi Philophanem, sophistam eo tempore clarissimum: respondit prudenter, Eorum se velle discipulum esse, quorum simul esset filius. Significans, non minus interesset quos nactus sis parentes, quam quos asciscas ut bonis moribus formetur. Plutar. Erasmus lib. 1.

Agasilai.

Agasilaium Lacedæmoniorum regem rogabat quidam, in quibus præcipue rebus pueri institui deberent: Iis, inquit, re-

bus quibus vsuri sint, quum ad virile peruenerint ætatē. Rectē cēsuit, non friuolis artibus instituendos liberos. quæ nec grandibus decori futuræ sunt, nec ad seria vocatis vtilis. Plutarch. in Lacon. apoph.

Agēsiolis.

Agēsiolis Cleombroti, cum ē Sparta iussisset mitti catulos, ac respondisset aliquis, non exportari apud Lacedæmonios catulos: viros quidem, inquit, antea, atqui nunc fieri cœpit. Festiuiter indicabat, in Repub. bene instituta omnia proficere in melius. Olim Lacedæmonii agrē sua tuebantur, post ausi sunt reges ac gentes procul semotas bello laceffere. Quemadmodū autem recta institutio viros reddit bello & Reipub. vtilis, ita canes ad venatum habiles reddit educatio. Plutarch.

Pausania.

Pausanias ad quendam imbecilli corpore, tamen hortantem vt cum hostibus terra marique experiretur: Vis, inquit, igitur pōitis vestibus teipsum ostendere qualis sis, qui nobis bellandi es autor? Salsē risit ad id hortantem alios, in quo ipse nihil opis adferre posset. Plut. in Lacon.

Leontychidæ.

Leontychidas interrogatus, quid potissimum oporteret pueros ingenuos discere: Quæ illis, inquit, vbi ad virilem ætatem peruenerint, vñi sunt futura. Plut. in Lacon.

Leonidæ.

Leonidas Anaxandridæ filius, & frater Cleomenis, cum proficisceretur in bellum contra Persas, vxori Gorgoni roganti, si quid ipsi mandaret? Nihil, inquit, aliud tibi mando, quam vt nubas, & bonos filios parias. Quo dicto vir fortissimus, quasi prælagio ostendit, se periturum in prælio: & admonet vxorem, vt alii viro nubat, & omnes neruos intendant vt filii probè instituantur. Plut. recitat in Lacon. apoph.

Hippomachi.

Hippomachus Aliptes, quum aliquando videret adolescentes, quos exercebat, ē foro carnes afferentes, dicebat, se procul agnoscere suos esse discipulos: quod institutio reluceat in omnibus dictis ac factis hominis. Eras. 6. apoph.

Lacæna cuiusdam.

Quum mulier quædam Ionica de texto quodam suo vt pretioso gloriaretur, Lacæna ostensis quatuor illis quos habebat moribus compositissimis: Huiusmodi, inquit, decet esse honestæ pro

stæ proba quæ mulieris operâ, de quæ his tollere animos; & gloriari. Iones operosis texturis vacant, quæ varia picturarum habent argumenta. At Spartana docuit, nullum opus esse præclarus, quam si filios honestis moribus instituat. His enim melius ornari patriam, quam aulæis aut vestibus Ionicis. Plutarch. in apoph. Lacænarum.

Themistocles.

Themistocles, quoniam adolescens feroci mutabilique ingenio videbatur, mirantibus mutatos mores dicere solebat, Asperos & indomitos pullos in optimos equos euadere, si quis illis adhibeat disciplinam, rectamque institutionem. Plutarch. in eius vita.

Eiusdem.

Idem pædagogus dicere solebat, Nihil mediocre futurus es ð puer: nam aut magnum bonum eris reipub. aut magni malum. Generosa indoles, si accedat recta institutio, magno bono est patriæ: sin ad vitia degeneret, ingens adfert malum. Plutarch. in Themistocle.

Demetrii Phalerei.

Demetrius Phalereus adolescentum fastuosorum sublimitatem dicebat in educatione amputandam esse, sed reliquendam sobrietatem. Docuit vir sapientissimus, hæc ingenua non esse desperanda: sed quod redundat, in institutione recidendum esse. Laert. lib. 5. cap. 5.

Philippi Maced.

Alexander etiamnum adolescens, videns patrem Philippum equum præferocem, nec vllum scissorem tergo patientem, velut iouilem abiectum ire: Qualem, inquit, equum isti perdut, dum illo per imperitiam ac molliciem vti nesciunt? Cùmque mira arte sine verberibus tractasset equum, tandem conscensum ad cursum admisisset, tum calcibus vltus est: ac molliter flexis habentis quum equum reduxisset, descendens caput exosculatus pater: Aliud, inquit, ð fili tibi par regnum quære, quando iam te non capit Macedonia. Prælagit vir prudens, tam excelsæ indoli non suffecturam paternam ditionem. Sed equus ille nos admonet, multæ bene nata ingenia perire vitio instituentiû, qui ferè nesciunt imperare, nisi ex equis generosis reddiderint alios. Eras. lib. 4. apoph. ex vita Alexi. apud Plut.

Ismeria.

Ismerias insignis tibicen, discipulis suis non minus ostende-

bat malè canentes, ac scitè canentes, dicens: Ad hunc modum canere oportet, ad hunc nequaquam. Admonuit & Q. Fabius, in scriptis rhetorum non tantum indicari debere bene dicta, sed & mala. Eras. lib. 8. apoph.

Ciceronis.

C. Popilius, qui iuris peritus videri volebat, quum indoctus esset ac stupidus, citatus in controuersia quadam testis, respondit, se nihil scire. Tum Cicero: Putas, inquit, fortassis te de iure interrogari. Plutar. in Rom. apoph.

Cornelia Gracch.

Cornelia Gracchorum mater, quum Campana matrona illius hospitio utens, ornamenta sua, quibus illud seculum nihil habebat pulchrius, ipsi ostenderet: traxit eam sermone, donec liberi redirent è schola, tum, Et hæc (inquit) ornamenta mea sunt. Sentiens, matronæ nihil esse pulchrius, neque preciosius, quam liberos rectè educatos. Eras. 6. a. apoph.

Ciceronis.

Quum Verres haberet filium, qui in adolescentia corpore abutebatur, inque Ciceronem, ut mollem conuicia ingereret, cinædumque vocaret: Ignoras, inquit, liberos intra fores educandos & increpandos esse? Significans hoc conuicium non in ipsum competere, sed in conuiciatoris filium. Est autem parentum, obiurgare liberos, sed intra domesticos parietes. Eras. 4. apoph. theg.

Anonymi.

Quidam accusatus quòd patrem pulsasset, hoc modo defendit impium facinus: Et ille, inquit, patrem suum verberauit, & hic (ostenso filio) me verberabit, posteaquam adoleuerit, adeò nobis hoc gentiliū est. Videmus hoc ferè vulgo euenire, ut qualis quisque fuerit in parentes, talis experiatur in se liberos. Eras. lib. 8. apoph.

Eiusdem.

Quidam quum à filio pertraheretur, ventumque esset ad domus limen, Desine (inquit) fili: nam & ego patrem huc usque. Agnouit se commeruisse, qui sic à filio tractaretur: tantum postulauit, ut esset à qua retaliatio. Eras. libid.

Vide titulum, de Doctrina & Eruditione.

De educatione filiorum neglecta.

Diogenis.

Diogenes reprehendebat homines, quòd lucta, calcitrando, aliisque his similibus semet exercerent, vt periti euadant: nullos autem in hoc incumbere, vt probi & honesti reddantur. Laert. lib. 6.

Eiusdem.

Idem dicebat, plurimos insanire præter digitum. Nam si quis assidue medium digitum intendat vice indicis, vulgò habetur insanus: si quis indicem, sanus videtur. At plurimi sunt homines, qui grauius insaniunt in rebus seriis, quàm si digitum pro digito porrigant, & tamen hi vulgò non habentur insani. Quæ admodum & hodie, parentes in liberis pro graui peccato castigant, si læua pro sinistra vtantur: atqui non itidem castigant eos, cum turpia pro honestis eligunt. Laert. lib. 6.

Eiusdem.

Idem multis verbis in inertiam & incitiam Megarensium inuehebatur: dicebatque, se Megarensis alicuius arietem esse malle, quàm filium. Quo significabat, Megareses pecoris diligentiorum curam gerere, quàm liberorum. *Ælianus lib. 12. de Varia histor.*

Demonastii.

Quum Athenis quidam Romanus senator filium ad Demonastem adduxisset, eleganti forma, vestitu delicato, ac deliciis effœminatum, diceretque, Salutat te, ô Demonax, filius meus. Pulcher est, inquit Demonax, & te dignus, & matri non absimilis. vtrunque poterat dici in laudem. Nunc patrem notauit ex filii moribus, & matri similem dixit mollem & cuiratum deliciis. *Eras. Rot. lib. 8. apoph.*

Periclis.

Pericles Atheniensis dicebat, non oportere in vrbe nutriri leonem: si autem sit alitus, obsequi ei conuenire. Monuit autem, vt præcipue nobilitatis & concitati ingenii iuuenes refrenentur, nimio verè fauore ac profusa indulgentia pasti, quo minus potentiam obtineant, ne impediuntur. Quòd stultum sit, & inutile, eas obrectare vires, quas ipse foueris. Est autem hoc de Alcibiade dictum, vt refert Aristophanes. & Plut. in eius vita, & *Valc. Max. lib. 7. cap. 1.*

Procli.

Proclus Naucratices filium habebat intemperantem, gallis gallinaceis, coturnicibus, catellis, & equis alendis indulgentē: quem pater adeo non increpabat, vt vna cum illo potius inueneretur. Quo nomine quum ab amicis obiurgaretur, Citius, inquit desinet, cum senibus colludens, quàm cum æqualibus. Plut. Philostrat. in Sophist. & Volat. lib. 18. comment.

Pampi.

Pampo quidam pecuniam pauperibus distribuendam dederat. cūque iuberet vt numeraret, respondit Pampus: Quod dedisti, non eget numero, sed bono affectu. Tripart. histor. lib. 8. cap. 1.

De eleemosyna.

Democriti.

Democritus philosophus peregrinis & egentibus alimoniā ministrandam esse dicebat. Equidem quisquis indigenti victum negat, is neque ab alio quicquam accipiet, dum eguerit. Stobæus.

Eiusdem.

Idem dicebat, beneficium pro tempore exile, ingens reddi iis qui illud in extrema necessitate acciperent. Stob.

Eiusdem.

Idem audiens quendam magnificis verbis multa cuidam promittentem, sed mendaciter: Cōneris, inquit, ad exigua largiendum, quàm ad plurima promittendum, esse propensior. Nam penuria laborantibus donum, vel perexiguum, prodest, verba autem & magnificæ pollicitationes nulli sunt vtilēs. Stobæus.

Eiusdem.

Idem dicere solebat, Si bene mereri de aliquo voles, citissimè da. Mora enim ingratum redditur, & parum amabile, quicquid dederis. Stob.

Aristotelis.

Aristoteles cum nefario cuidam homini eleemosynam dedisset, & ob id castigaretur à quodam: Non mores, inquit, sed hominem commiseratus sum. Docuit vir sapientissimus, etiam malis & indignis eleemosynam dandam esse in summa rerum necessitate, ne penuria suadente agant, quod dedecus est coram Deo & hominibus. Dictum extat apud Laert. lib. 5. cap. 1.

Eiusdem

Eiusdem.

Idem reprehensus à quodam, quod eleemosynam dedisset improbo: Non homini, inquit, dedi, sed humanæ sorti. Laert. lib. 5. cap. 1.

Demosthenis.

Demosthenes dicere solebat, æquum esse ut pauperes piè so- ueantur, cum delectu tamen: ita ut dimissis improbis; illorum ratio potissimum habeatur, qui præter culpam egestate pre- muntur. Stob.

Amedæi.

Amedæus dux Sabaudia, rogatus quondam à quibusdam oratoribus qui aderant, an etiam haberet canes venaticos: an- nuït, ut postera die redirent. Cum verò iam adessent, Amedæus è pergula ingentem à latere ædium mendicorum multitudi- nem eis ostendit vna discumbentium. Atque hi sunt, inquit, ca- nes mei, quos alo quotidie, quibûsque cœlestem gloriam me spero venaturum. Recitat Monstereus lib. 2. Cosmographiæ, ubi de Allobrogum vel Sabaudia ducibus.

Placilla.

Placilla Theodosii Romanorum Imp. vxor pietissima, cum reprehenderetur à suis, quòd agrotos visitaret, atque pauperi- bus etiam liberaliter facultates suas elargiretur, respondit: Im- perio conuenire, ut aurum id largiatur: se autem manuum opus pro imperio ipso, ei qui id semel contulit, offerre. Nicephorus Callistus lib. 12. cap. 42.

Vide titulum de Beneficentia, Liberalitate, & Mendicitate.

De electione.

Aristippi.

Aristippus, quum Dionysius tres venustas meretrices ob- tulisset, admonens, ut ex his quam vellet eligeret, omnes apprehendit, dicens: Ne Paridi quidem fuisse tutum, vnam cæ- teris prætulisse, ac puellas deduxit ad aula vestibulum, dimi- sitque: non minus in contemnendo facilis, quam in amplecten- do. Laert. lib. 1. cap. 8. Brul. lib. 2. cap. 31.

Catonis.

Cato Hispaniam sortitus, cum hostium audisset miram co- piam esse ad bellum paratam, ob idque decreuisset Celtiberorû ope uti, petentibus illis duceta talia subsidii gratia, atq; negati- bus alijs cõditione, ac dicentibus: Turpe esse populo Ro. auxilia mercede

mercede cōducere:vrbanè sciteq; Cato, nō esse graue,respondit.nam si vicissent, hostium manubiis se satisfacturum illis: si victi essent,nec eos qui peterent,nec à quibus repeti deberet superstites fore.Brufonius lib.2.cap.31.

Aristotelis.

Aristoteles quum iam natus annos ferè sexaginta duos,adeò laboraret,vt admodum tenuis vitæ spes superesset, conuenerūt ad illum discipuli rogantes vt ex ipsis aliquem deligeret, qui in locum eius succederet. Inter auditores erant duo præcipui, Theophrastus Lesbium, & Menedemus Rhodius. Aristoteles respondit, se quod petebatur facturum, vbi daretur opportunitas. Paulo post, quum rursus ad eum eadem de causa conuenissent, dixit, vinum quod biberet sibi parum esse commodum, ac quæri iussit exoticum, vel Rhodium, vel Lesbium. Id simulatque curatum est, gustato Rhodio dixit: Firmum hercle vinum, & iucundum. Mox gustato Lesbio: Vtrunq;, inquit, egregiè bonum, sed Lesbium suauius est. Id vbi dixit, nulli dubium fuit quin lepide simul & verecundè successorem sibi ea voce, nō vinū delegisset: probauit vtrunque, nec tamen auditoribus eligendi ius ademit. Sed Græcus sermo plusculum habet ciuilitatis, quod *οἰσῶ*, id est, vinum apud Græcos sit generis masculini, vt hæc vox, *οἰσῶς* id est, possit & ad personam accommodari. Laert. lib. v. cap. i.

Lyfandri.

Lyfander Laced. quū aliquando Dionysius ipsi misisset stolas duas; iubens vt vtram elegisset, eam mitteret filia: Ipsa, inquit, rectius eliger. atque accepit ambas, & abiit. In hoc exemplo nihil est, imitandum, nec viro Lacedæmonio dignum: nec aliud ab hoc duce expectandum ferè, præter malitiosam ingenii vafriciem. Plutarch. in Laconicis apoph. Bruf. lib. 2. cap. 31.

Scipionis.

Scipio Aemylianus, cum Seruius Sulpitius Galba & Aurelius consules in senatu contenderent, vter aduersus Viriatum in Hispaniam mitteretur: ac magna inter P. C. dissensio esset, omnibus quonam eius sententia inclinaret expectantibus: Neutrū, inquit, mihi mitti placet. alter enim nihil habet: alteri autē, etiam quod habet, nequaquam satis est. Aequè malā licentis imperii magistræ iudicans paupertatem, atque insatiabilem habendi cupiditatem. Quo dicto obtinuit, vt neuter in provinciam mitteretur. Val. Max. lib. 6. cap. 4.

C. Fabricij.

Cornelius Ruffinus, vir rapax & auarus, cæterum in bello animo ingens, manuq; promptus, cum bellum immineret in consulatu obtinendo. C. Fabricij opera adiutus est, qui ob prauam tamen vitam Ruffino semper infensus fuerat: verum eo tempore ob belli suspensionem, cum ignauos desidesque ipsius competitors videret sententiam mutauerat. Quam ob rem Ruffinus miratus, cum Fabricio impensè gratias egisset, Fabricius dixisse fertur: Noli mirari Ruffine: rapinis enim imminui ma'o, quàm vendi. Quo dicto taxauit Ruffini rapacitatem, & competitorum perniciosam ignauiam. Ostenditq;, satius se duccere, auaro consule, eodemq; gnauo homine, & in rebus agendis idoneo, rapinis vexari: quam iis ad consulatum euectis, qui per ignauiam reipub. prodituri essent, victum ab hoste venundari. ex duobus enim his malis optimum eligendum erat. Fulgofus lib. 6. cap. 2.

Martiani.

Martianus Nouatianus episcopus, cum Sabbatium (quidam Iudæus Christianam religionem cupiebat profiteri) consecrasset, sentiretque hominem nihilominus præsumptæ & anticipatæ Iudæorum opinioni inferuire, dicere solitus est, Melius se facturum fuisse, si spinis potius quàm illi manum imposuisset. Nicephor. Callist. lib. 12. Eccl. histor. cap. 31.

De eloquentia.

Demosthenis.

Demosthenes immodicum eloquentiæ studium obiicientibus, ita respondit: Eloquentiæ studium declarare hominem popularem: contra negligere studium eloquentiæ, esse eorum, qui dominari populo quærerent vt qui hoc agerent, non vt persuaderet dicendo, sed vt vi cogerent. Plutar. in Demosth.

Eiusdem.

Aeschines & Philochrates Atheniensium legati, cum Philippo Macedonis eloquentiam plurimum laudassent & commendassent, Demosthenes ait: Si eloquens est Philippus, habet hoc cum multis sophistis commune. Sensit vir prudentissimus, regis virtutes nequaquã in eloquentia positas esse. Plut. in vita. Dem.

Aeschines.

Aeschines quum Rhodi exul recitaret orationem suam adversus Demosthenem, Rhodii demirati sunt, quod tali oratione

tione fuisset damnatus ab Atheniensibus. At desineretis, inquit Aeschines, admirari, si audissetis quæ ad hæc respondit Demosthenes. damnationis causam reiciens in violentiam eloquentiæ Demosthenicæ. Ita fermè Philostratus, & Brusonius lib. 4. cap. 31.

Isocrati.

Isocrates interrogatus, quid esset Rhetorica? Ex paruis, inquit, facere magna, ex magnis parua. Est enim hæc nonnulla Rhetorices pars, amplificare & extenuare: qua de re diligenter præcepit Fabius. Eras. lib. 8. apoh.

Iphicrati.

Iphicrates in causa obrutus eloquentia patroni, qui Aristophontem defendebat: Aduersariorum, inquit, melior est histrio, sed mea fabula melior. Vt fabula nonnunquam exploditur vitio histrionis, ita sæpè melior causa vincitur à peiore, patroni infamia, stultitiæ. Eras. lib. 5. apoph.

Thucydides.

Thucydides ab Archidamo Lacedæmoniorum rege interrogatus, vter esset in palestra superior, ipse an Pericles? Posteaquam, inquit, ego hominem pugnando deieci, ille se negat cecidisse: itaque vincit, & spectatores à sua sententia deiecit. sentiens, se bonis rationibus esse superiorem, sed Periclem eloquentia vincere, & quocunque vellet agere multitudinem. Nam Thucydides vir præpotens, diu in administranda repub. aduersatus est Pericli. Eam contentionem Archidamus palæstram appellauit. Eras. 6. apo.

Mesala.

Suprà de Argutè dictis.

M. Antonij.

Marcus Antonius, cui vel primas eloquentiæ patrum tribuebat ætas, vir natura præacutus & prudens: Disertos dicebat se vidisse multos, eloquentem omnino neminem. Insidebat videlicet in eius mente species eloquentiæ, quam cernebat animo, sed re tamè ipsa non videbat. Cicero in Oratore ad Brutū,

De epistolis.

Pyrrhi.

PYRRHUS rex dicere solebat, plures vrbes Cyneam oratione subegisse, quàm ipse cepisset armis. Erat autem Cyneas Thessa

Thessalus, vir magni ingenii: qui audito Demosthene, ad illius
emulationem se contulerat, sed vim præcipuè exprimens. Cõ-
firmatum est itaque quod dicit Euripides:

πᾶσι φασι δογῶ,

ἢ καὶ οἱ δογῶ: πᾶσι μὲν δογῶντι ἂν, id est.

Cuncta sermo conficit,

Quæcunque ferrum efficere possit hostium.

Eras. lib. 5. apoph. ex vita Pvrri apud Plutarch.

Canini, & Bedæ.

Scaurus accusabat Rutilium ambitus, quum ipse consul ef-
fer factus, ille repulsam tulisset: & in tabulis eius ostendebat,
litteras A F P R, easque sic interpretabatur, Actum fide P. Ru-
tilii. Contra Rutilius dicebat illis significari, Ante factum,
post relatum. Tum C. Caninius eques, qui Rutilio aderat, ex-
clamabat, Neutrum illis literis declarari. Quum Scaurus di-
xisset, Quid igitur festiuiter in ipsum torfit: Aemilius fecit,
plectitur rutilius. Probabilius enim erat, illum ambitum
commisisse, qui obtinuerat, quàm qui repulsus erat. Simile
quiddam memoratur de Beda, quem Venerabilem dicunt. Huic
Romam profecto, quum ostendissent has literas saxo inscul-
ptas. S P Q R, quibus significari volunt, Senatus populusque Ro-
manus, ac velut hospes rogaretur, quid sibi vellent illæ literæ?
dissimulans dixit, Stultus populus quærit Romam. Erasmus
6. apoph.

Pompeij.

Pompeius Magnus cum Sertorii litteras in Hispaniis in-
tercepisset, in quibus erant inclusæ complurimum ducum epi-
stolæ, Sertorium ad nouandas res statumque ciuitatis immu-
tandum Romam inuitantium: exulsit omnes, deferens silen-
tium hostium literis. quo docuit, quantum sit crimen, alienas
resignare litteras: aut quod tibi per litoras obliuatas creditum
est, sub diu efferre. Plutarch. in Ro. apoph.

Catonis.

Quum in senatu de Catilinæ coniuratione tractaretur, red-
ditæ sunt Cæsari literæ. Id vbi sensit Cato, suspiciens à coniu-
ratis venire, clamare coepit, vt palàm recitarentur. Id ne fieret,
Cæsar Catoni litteras tradidit. Erant autem ab Seruilia Cato-
nis sorore, amatoris, parumque pudicæ. Eas vbi legit Cato, re-
iecit in Cæsarem, dicens, Accipe ebrie. Nec aliud locutus, rediit
ad sermonem intermissum. Eras. 5. apoph.

Cicero

Ciceronis.

Cicero Munatio reo patrocinator fuerat, atque ille absolutus. Post quum Munatius Sabinum Ciceronis amicum reum perageret, iratus Cicero exprobrauit illi beneficium: An tu, inquit, Munati illud iudicium tua opera effugisti, an potius mea, qui multum caliginis tribunalibus offudi? Eras. 4. apoph.

Friderici imp.

Fridericus imperator cum Casparis Schlichii literas ex Norimberga missas accepisset, quæ nonnullis Hungaris inscribuntur, fuerunt quæ eas aperiendas dicerent, quod in iis aliquid prodicionis scriptum esse putarent, quod sciri oporteret. Quibus Fridericus: Casparem ego & probum virum, & mei amantem existimo: si autem fallor, malo per se error pateat, quam mea diligentia inuestigetur. Maluit autem imperator. magnam subire periculum, quam amici aperire literas, ad se non spectantes. Aeneas Syluius lib. 4. in res gestas Alphonsi regis.

De errore & lapsu.

Diogenis.

Diogenes cuidam obiicienti, quod aliquando falso signasset monetam (nam hanc ob rem iussus est exulare) Factor, inquit, fuisse tempus, quo talis eram, qualis tu nunc es: qualis autem ego nunc sum, tu nunquam futurus es. Notabat eos, qui iuuentutis errores in aliis reprehendunt, quum ipsi ne in senectute quidem corrigant suos. Laert. lib. 6.

Eiusdem.

Quodam idem obiiciente Diogeni, & exilium ob facinus illud ei perpeßum exprobrante, respondit Diogenes: Tum temporis celerius etiam iuuenis reddebam lotium nunc non item. Cynica circuitione notauit iuuenilem ætatem, quæ facilius reddit humorē vesicæ, quum senibus molesta sit dysuria. Laert. lib. 6.

Anonymi.

Quidam seruo, qui dum puniretur dicebat, Non volens errati: Non volens, igitur (inquit) poenas dato. Vulgaris quidem, sed frigida excusatio est. Insciens feci. Vigilandum erat, ne quid committeret imprudens. Plut. in Laconicis.

Munatii.

Munatius facti poenitens, quod Fabium insimulasset, à quo

quo postea esset adiutus: Ad comilitones, Boni (ait) sapientisq; viri est, si errauerit, in reliquum tempus doctorem se sibi adscribere. Bruso. lib. 5. cap. 12.

Scipionis A. fr.

Scipio Africanus turpe esse aiebat, in re militari dicere, Non putaram. Videlicet quia explorato & excusso consilio, quæ ferro aguntur, administrari oportere, summa ratione arbitrabatur. Val. Maxi. lib. 7. cap. 2.

Fabij Maxi.

Miles quidam Lucanus delatus erat apud Fabium, & contra legem militarem nocturno tempore clam à castris excederet. Fabius quum audisset illum alioqui in belli rebus præclarum esse virum, hominem ad se vocari iussit, & interrogauit, Quam ob causam castris tam frequenter excederet? Qui cum respondisset, hoc factum esse ob puellam quandam formosam, quam non procul à castris haberet: vocauit & eandem, & dedit sponso, his verbis: Non ignoramus, te præter legem militarem abnoctare à castris. at ne id quidē nos latuerat, te probum esse ac fortem militem. proinde errata antè bene gestis condonamus, ceterum posthac eris nobiscum. nam habeo fideiussorem: & productam mulierculam illi dedit. Plutarchus in Fabio Maximo.

De errore ebrietati & senio condonato, vide
titulum de Ebrietate & senio.

De exactionibus & tributis.

Callieratide.

Callieratidas præfectus classis, cum ad pecunias petendas ad Cyrum iuniorem mitteretur, ad belli usum: his regis aulam accessit, & comotationibus eum indulgentem audiuit. Tertio verò cum adiuisset, & iterum bibere eum, nec se ad colloquium admitti intellexisset, dixisse fertur: Ita curam habendam pecuniarum, ut ne quid tamen committeretur Sparta indignum. Quo dicto docuit, ita ab hominibus exigendam esse pecuniam debitam, ne quid nostræ dignitati & exultationi decedat. Plut. recitat in Lacon.

Dionysij sen.

Dionysius senior exegerat pecunias à Syracusanis: deinde quum videret illos lamentantes, obsecrantes, ac negantes se habere quod darent, indixit alteram exactionem, idque iterum

ac tertio fecit. At posteaquam, vbi maiorem summam imperasset, audiret illos in foro obambulantes ridere, & scommata in regem iacere, iussit praefectos ab exigendo quiescere. Iam enim, inquit, nihil habent, posteaquam contemnunt nos. Plut. in regum apoph. & Bruso. lib. 5. cap. 10.

Tiberij.

Tiberius Caesar cumprehendisset, Aemylum Rectum, quem Aegypto praefecerat, nimium à populo exegisse, super ea re iratus, rescriptit: se tonderi velle suas oues, non deglubí. Solent autem principes deglubere oues, cum grauiore exactio- nes subditis imponunt, quam vlllo pacto ferre possint. Dion Nicæus in Tiberio, & Bruso. lib. 13. cap. 13.

Antonini impera.

Antoninus Romanorum imperator à Iulia matre graui- ter obiurgatus, quod ingentem illam pecuniam, quam per fas & nefas à subditis vi exegerat, profunderet: gladium euaginat- um ostendens, Bono (inquit) animo esto mater: Nobis, quâdiu hunc habebimus, nulla vnquam deerit pecunia. Dion Nicæus, & Xiphilinus in eius vita.

De excusatione.

Euripidus.

QUum Euripides in conuiuio formosum illum Agath- nem amplecteretur, deosculareturq; cui iam barba pro- uenire coeperat, Archelaus amicis dixit: Ne miremini, nā pul- chrorū etiam autumnus pulcher est. Ciuilit- er excusauit ami- cum apud amicos. Plut. in regum apoph.

Scipionis.

Scipio, quum ei M. Flaccus multis probris obiectis P. Mu- tium iudicem tulisset: Eiero, inquit, iniquus est. Huic voc- i quum esset admurmuratum: Ah, inquit, patres conscripti, non ego mihi illum iniquum eiero; sed omnibus. Expectabatur vt purgaret quod dixerat, sed aggrauauit. Licet reuicere iudicem reo inimicum, seu iniquum, hoc est, malè volentem: sed multo magis eum, qui nulli æquus est. Eras. lib. 6. apoph.

M. Lepidi.

Quum M. Lepidus censor M. Antistio Pyrgensi equum ignominie causa ademisset, & amici vociferantes quærent, quid ille patri suo responsurus esset, quur ademptū sibi equum diceret: quum optimus colonus, parcissimus, modestissimus ac frug

ac frugalissimus esset? Dicit, inquit, me nihil horum credere.
In simili argumento ludit Augustus, sed ciuilius, Dic me tibi
displicuisse. Eras. lib. 6. apoph.

Vatinij.

Vatinius reus à Caluo accusatore in inuidiam vocatus, quòd
candido sudario frontem tergeret: Quanquam, inquit, sum
reus, tamen & panem candidum edo: ita crimen diluens, vt du-
plicaret. Solent autem rei prodire squalidi. Eras. 6. apoph.

De exercitatione ingenii.

Diogenis.

Diogenes dicebat, vsum atque exercitationem quemad-
modum in actionibus extrariis, ita & in actionibus vir-
tutis & animi, tum celeritatem quandam, tum facilitatem pa-
rere. Laert. lib. 6.

Aristotelis.

† Aristoteles Stagiritæ frequenter dicere solebat, ad paran-
dam sapientiam tria potissimum necessaria esse: Naturam, do-
ctrinam, & exercitationem. Exercitatio enim nisi naturæ & do-
ctrinæ accedat, nil solidæ eruditionis hauries. Laert. lib. 5. cap. 1.

Demonastii.

Demonax quendam infelicitè declamantem admonuit, vt
se se diligenter exerceret. quumque is respondisset, Nunquam
apud me non declamo: Nihil igitur mirum, inquit, si dicis in-
eptè, qui hæcenus semper stulto auditore solitus sis vti. Eras.
lib. 8. apoph.

Ciceronis.

Cicero cum M. Crassum pro rostris magno populi applau-
su laudasset, & eundem postea ex eodem loco acribus conuictis
incesseret: Quid, ait Crassus, an non me nuper ex hoc ipso loco
laudasti? Laudavi, inquit, sed exercendi gratia argumentum
infame declamans. Solent enim Rhetores tractare materias
adfectus, velut cum laudat Busyridem, aut febrim quartanam,
aut ingratitudinem. Eras. lib. 4. apoph.

De exercitatione corporis.

Socratis.

Socrates dicere solitus est, saltatione mouenti corpus spa-
ciosa domo opus esse ad exercendum sese. at qui cantu aut
oratione sese exercent, huic vel stanti, vel accumbenti quemus

rians à Plutarcho, quòd scribit illum Spartæ in phiditiis cœnauisse, & à cœna negasse sibi nigrum illud ius quod cœnæ caput erat, placuisse, tum qui illud coxerat, respondiſſe, Minimè mirum si dupliciſſet, condimenta enim deſſe. ac Dionysio rogante, quæ tandem illa? Labor (inquit) in venatu, sudor, curius ab Eurota, fames, sitis, his enim rebus Lacedæmoniorum epulas condiri. Plut. in Lacon.

Vide titulum de Labore.

De exilio.

Demarathi.

Demarathus ad eum qui apud regem Persarum parasitum agebat, ac subinde in Demarathi exilium diſſerius ludebat: Non, inquit, amice tecum pugnaturus sum, nam vitæ aciem absumpsi. Ludens ex ambiguitate vocis, *τάξις* enim Græcè tum ordinem sonat, tum aciem. Nullus autem ad pugnam intructus est, cui nulla superest acies: & ordinem vitæ absumpſit, qui ex rege factus est exul. Plut. in Lacon.

Eudamida.

Cum Alexander in Olympiis præconſo ius feciſſet omnibus exulibus, in suam cuique patriam redeundi, præterquam Thebanis: Infortunatum quidem, inquit Eudamides, præconium, sed vobis ò Thebani gloriosum. Solos enim vos metuit Alexander. Ad consolandos Thebanos sic interpretatus est vir animi solertis. Etenim qui permittit exulibus reditu in suam patriam, non metuit ne moliantur vindictam. A Thebanis igitur solis metuebat. Plut. in Lacon. apoph.

Catonis.

Quum impetratum eſſet de reſtituendis Achæorum exulibus, Polybius & hoc ad ſenatum retulit, vt reſtitutis apud ſuos priſtini honores ac magiſtratus redderentur. Hic Cato rogatus ſententiam dixit: Polybius idem facere videtur quod fecit Vlyſſes, qui Cyclopiſ ſpeluncam repetere voluit, quo pileum & cingulum, quæ illic per obliuionem reliquerat, reciperet. Significans, abundè multum eſſe, quòd exulibus datus eſſet in patriam reditus: eiſq; periculum, ne dum priſtinos honores repertunt, etiam à reditu excludantur. Eraſ. Rot. lib. 5. apoph.

Lyſimachi.

Lyſimachus offenſus libertate Theodori, dixit illi: Quo-

istis eras moribus, patria te eiecit. Sanè, inquit, quòd me vt Semele Bacchum ferre non posset. Sentiens, se maiorem esse, quàm vt à malis ferri posset, à quibus tamen non tam suo, quàm ipsorum malo pulsus esset. Semele Bacchum conceperat ex Ioue fulminante: quumque fortum igneum ferre non posset, infans exectus est, & Iouis femori insutus. Plut. in regum & imperat. apoph.

Stratonici.

Stratonicus musicus Seriphi agens, hospitem suum percontatus est, ob quam causam illic homines iuberentur vertere solum? quum ille respondisset, flagitiosos apud Seriphios exilio multari: Quin tu quoque, inquit, aliquid flagitii committis, vt ex his locorum angustiis enigres? Notans regionem esse incommodam, & oppidum frigidum. Eras. lib. 6. apoph.

De exilio fortiter ferendo.

Aristidis.

Aristides ab amico quodam percontatus, quam ob causam exilium ei tam molestum fuisset: respondit, propter ignominiam patriæ, à qua iniuste in exilium missus esset, & ob eam iniustitiam vbique malè & ab omnibus audiret. Stob. ex Serrino, serm. 37.

Anaxagore.

Anaxagoras quum ab Atheniensibus esset damnatus exilio, cuidam dicenti, priuatus es Atheniensibus: Imò illi, inquit, me. Sentiens, Atheniensibus magis opus esse Anaxagora, quàm contrà. Qui præclaros viros eiciunt è ciuitate, rempub. lædūt potius, quàm eos quos expellunt. Laer. lib. 2. cap. 3.

Diogenis.

Diogenes cuiquam per conuicium dicenti, Sinopenfes te exilio damnant: At ego, inquit, illos mansione. significans, se quòd solum vertere iuberetur, nihilo infeliciorem esse his qui in patria manerēt, nec exilium æquo animo pati possent. Tam enim miserum est manere coactum, quàm exulare coactum. Philosophus, cui quæuis terra patria est, si iubeatur ire exulatum, vnius tantum ciuitatis exul est. At qui nusquam potest viuere nisi in patria, plurimarum regionum exul est. Diogenes autem ob adulteratam, vt putant, monetam solum vertere iussus est. erat autem Sinopenfis. Hoc ita refert Plutarchus in libello de Exilio: Te Sinopenfes Ponto exulem esse iusserunt: at ego, inquit,

quit, illos hac damno pœna, ut in Ponto extremisque Euxini littoribus inclusi perpetuò mancant. Diogenes mutarat patriam, sed melius: exulabant potius, qui infelici regioni erant adscripti. Laert. lib. 6. Bruso. lib. 2. cap. 29.

Eiusdem.

Idem cuidam illi probro obiiicienti, quòd exularet à patria: Miser, inquit, istius rei causa philosophatus sum. Siue quòd exilium compulisset Diogenem ad philosophandum: siue quòd ideo didicisset philosophiam, ut exilium similisque casus ex quo animo perpeti posset. Laert. lib. 6. Brusi. lib. 2. cap. 29.

Demetrii Phalerei.

Demetrius Phalereus cum exularet, ac apud Thebanos inglorius humilisque viueret, audissetque Cratetem philosophum, qui ipsum inuiseret, multa placidè prudentèrque de moderatè ferendo exilio disputantem: Malè, inquit, sit negotiis & occupationibus, per quas hactenus talem virum cognoscere non licuit. Laert. lib. 5. Brusoni. lib. 2. cap. 29.

Anaxandride.

Anaxandridas Leontis filius cuidam exilium acerbè ferenti, respondisse dicitur, Ne horrescas exulare ciuitate. A iustitia enim exulare miserum est. Quo respòso sensit, eos nequaquam miseros esse, qui præter meritum, vel peculiare quasdam animi dotes, ab imperitis in exilium mittuntur, quibus innocentia semper consolatrix assistit. Plutarch. in Lacon. Brusoni. lib. 2. cap. 29.

Themistoclis.

Themistocles cum pulsus primùm Athenis, & mox tota Græcia, venisset ad Persarum regem, ditissimus ab eo factus est. Verùm Themistocles cum magnifica dona, quibus à rege honoratus erat, intueretur, dixit: O pueri, perieramus, nisi perissemus. Perire autem videtur, qui cogitur exulare: at Themistocli scilicet cesserat suum exilium. Plutar. in regum & imperatorum apoph.

Teucris.

Teucer rediens ex Troiana expeditione, quum ob Aiædis fratris mortem Telamoni patri esset inuisus, atque ab eo exilio multaretur, ad socios conuersus, ait: Patria est, ubicunque bene est. Cicero in Tusculan. quest.

Rutilij.

Rutilius consolanti cum cuidam, ac dicenti, instare bella ci-

uilia, & ob id breui futurum vt omnes exules reuerterentur: Quid tibi, inquit, malè feci, vt mihi peiorem reditum quam exitum optares? Brus. lib. 2. cap. 29.

De experientia rerum.

Eudamide.

EVdamidas audito philosopho, qui disseruerat, solum sapientem esse bonum belli ducem: Sermo, inquit, mirificus est: at qui cum dicit, fide caret, eo quòd illum nunquam circumsonuit tuba. Probauit sententiam: sed indicauit, neminem cum fide loqui de re, quam nullo modo sit expertus. Plutarch. in Lacon.

Demadis.

Demades rogatus, quo præceptore esset vsus? Tribunali, respondit, Atheniensium. Insinuans, quòd in ipsis negotiis experientia, quauis institutione sophistarum melior sit. Stobæus sermo. 27.

Antigoni.

Antigonus interrogatus, Quem è suæ ætatis ducibus præstantissimum iudicaret? respondit, Pyrrhum, si senesceret. Non pronunciauit optimum: sed optimum fore, si rerum experientiam ætas adiungeret. Plutar. in vita Pyrrhi.

Tassi.

Tassus Hermonæus interrogatus, Quidnam sapientius esset præ cæteris? Experientia, dixit, Stob. serm. 27.

Pauli Aemylj.

Paulus Aemylus, quum per loca prærupta irrupisset in Macedoniam, vidissetque instructam hostium aciem, exhortante Nasica vt protinus inuaderet hostem: Facerem, inquit, si tua esset ætatis: sed multarum rerum experientia prohibet, ne ex itinere statim cum instructa acie congregiar. Plutarch. in Romano. apoph.

De exprobratione.

L. Volumnij.

APpius populo Romano exprobrabat, sibi acceptum ferri debere, quòd ex muto & elingui facundum haberet consulem: de L. Volunio collega sentiens. Ibi L. Volumnius: Quam mallem, inquit, tu à me strenuè facere, quam ego abs te scitè loqui didicissem. Eras. 6. apoph.

Ser.

Ser. Galba.

Seruius Galba C. Iulium consummatis victoriis in foro ius dicentem, huiusmodi dictis ausus est interpellare: C. Iuli Cæsar, pro Cn. Pompeio Magno quondam genero tuo in tertio eius consulatu pecuniam sponendi, quo nomine nunc appellor: quid agam? num dependam? Hæc voce palam illi exprobrans, quod Pompeii bona vendidisset, cui fuerat affinitate iunctus. Aequum autem videbatur, ut qui bona generi vendiderat, ea dependeret, quæ nondum orto inter illos bello fuissent cōtracta. Cæsar hæc inuidia commotus, res alienum Pompeii è fisco resolui iussit. Eras. lib. 8. apoph.

Licini.

Licinius Cæsar's libertus, solebat patrono nouum aliquod opus inchoanti, magnas conferre pecunias. Quem morem sequutus Licinius, nouum opus aggressuro centies promisit per libellum: in quo post expressam pecuniæ summam, quæ virgula superducta signabatur, spacium erat vacuum. Hac occasione Cæsar vsus, priori summæ, quam scripserat libertus, alterum centies adiecit, sua quidem manu spacio quod vacabat diligenter expleto, sed affectata literarum similitudine. Itaque duplum accepit pecuniæ, dissimulante liberto. Cæterum ubi Cæsar rursus nouum opus inchoaret, libertus hoc factum illi leuiter obiecit, dato tali libello: Confero tibi domine ad noui operis impensam, quod videbitur. Non expressit summæ modum, ut illi liberum esset scribere quantum veller, quandoquidem priorem summam duplicasset. Suetonius.

Turon.

Augustus delectatus inter cœnam fuerat symphoniæ Turonii Flacci mangonis, eosque frumento donarat, quum alios auditos soleret largiter donare nummis. Eisdem quum postea Cæsar inter cœnam requireret, Turonius sic excusauit: Ad molas, inquit, sunt. exprobrans illi frumentarium munus. Et hoc impune tulit, quod dixerat non miles, sed mango. Suetonius.

Huc referri possunt etiam quædam liberè dicta.

D E F A C E T E E T

iocosè dictis.

Cratib Thebani.



Rates Thebanus à magistratu obiurgatus, quòd contra leges & consuetudinem Atheniensium sindone vestiretur, ait: Quid si Theophrastum vobis ostendam sindone amictum? Adduxit igitur eos in constrinam, ostenditque Theophrastum, qui tum fortè tondebatur, lintheo amictum, quod Græci à contegendis humeris *ἐμυδαίον* vocant. submonens faceto responso, omnibus ad vsum vti licere. Turpe enim ac inhonestum si esset vti linteis, ne in constrina quidem vsus esset. Laertius lib. 6. cap. 5.

Aristippi.

Aristippo philosopho cum probrosè obijceretur à quodam, quòd haberet Laidem meretricem: Quid tum, ait, si modò non habeor à Laide? Cicero.

Socratis.

Socrates cuidam dicenti, Antisthenem philosophum matre Threicia natum esse, patre autem non tam barbaro, sed Atheniensi: Quid, inquit, an tu putas virum adeò præclarum ex vtroque parente Atheniensi nasci potuisse? Facetè vir sapientissimus notauit corruptos Atheniensium mores, indicans, potius è Thrace, Scythiæ nasci posse virum bonum ac præclarum, quàm ex Atheniensi: & hoc igitur quod habebat virtutis Antisthenes, matri Hybridi potius adscribendum, quàm parenti. Laert. in eius vita. Eras. lib. 3. apoph.

Eiusdem.

Alcibiades Socrati miserat munus præclarum. Id quum Socrates videretur recusare, Xantippe dissuasit, asseuerans donum esse magnificum, & indignum quod respueretur. Tum Socrates: Alcibiades, inquit, hæc mittit ambitiosè, & nobis nostra est ambitio. Sentiens, interdum esse magnificentius magna contemnere, quàm magna largiri. Eras. Rot. lib. 8. apoph.

Anonymi.

Quum Alcibiadi Atheniensi balneator plurimum administraret aquæ, Lacon id videns: Quid hoc rei est, inquit? plus aquæ infundit, quàm non puro, sed vehementer sordido. Hoc scim

scōmate notauit Alcibiadis vitam, multa infamia cōtaminatam. Plutarch. in Lacon.

Periclis.

Subito oborto solis defectu, quum Pericles Atheniensis videret alios multos, sed præcipue clāsis gubernatorem, vehementer perturbatos, chlamyde sua texit gubernatoris faciem, interrogauitque, Nunquid hoc horrendum ostentum existimaret? illo negante: Quid interest, inquit, igitur, nisi quod chlamyde maius est id quod nunc tenebras inducit. Sensit vir prudens, interuentu lunæ nobis abscondi solem, quemadmodum opposita clāmys impediēbat aliorum aspectum: nullum autem esse ostentum, quod natura sit. Eras. lib. 5. apoph. Plutarch. in Græc. appoh.

Pyrrhonii.

Pyrrho Eliensis cum sororem Philistam vehementer obiurgasset, malè audiuit eam ob causam, quod oblitus esset suæ professionis (docebat enim omnia esse indifferentia.) Verùm maledicentium improbitatem sic elusit, cum diceret, In muliercula non declarari indifferentiam. Laer. lib. 9. cap. 11.

Diogenis.

Ad puerum Spurium, ex meretrice natum, lapillos iacientem in populum: Caue, inquit Diogenes, ne patrem ferias. Erat enim è scorto natus, atq; ob id incerto patre. Laer. li. 6. cap. 2.

Eiusdem.

Quum furem purpuræ comprehensum vidisset, carmen. Homericum in eum detorsit ἄλλαβι, inquit, πeggύρου θάνατον κὶ μοῖραν αἰσάται, id est,

Te mors purpurea apprehendit, violentaq; Parca. Idem. Laer.

Eiusdem.

Idem quum aliquando stipem posceret, ita ἱγανάρην, id est, cum qui stipi erogandæ erat præfectus, Homérico carmine compellauit:

Τὸὺς ἄλλους ἱγανάρη, ἀπὸ δ' ἑκτόρος ἱσχιοχάρη: id est, Despolia reliquos, teneas sed ab Hectore dextram.

Dicti autē huius festiuitas in hoc est, quod pro ἱγανάρη dixit ἱσχάρη: quorū prius est, da stipem; alterum, armis spolia. sc. Hectoris nomine signans. Spoliatur autem, qui inunus denegat pauperi & egentī. Et solet hoc hominum genus esse furax. Ibidem.

Eiusd.

Eiusdem.

Cum hominem qui in Olympiacis certaminibus subinde pugnare solitus erat, inuenisset oues pascentem: Quam celementer, inquit, vir fortissime, ab Olympiis ad Nemea te contulisti? Alludit autem quam facetissime ad vocum affinitatem. *Nimium* quippe certamina à loco dicuntur. vt Olympia. *Nimium* vero Græcis pascio sonat, & *vimus* pascua. Laert. 6. cap. 2.

Eiusdem.

Diogenes in Corintho vendendus, interrogante præcone quidnam calleret? respondit, Hominibus imperare. Risit præco, & Magnum (dixit) artificium vendo, si quis sibi dominum velit emere. Stob. ser. 1. de Prudentia.

Eiusdem.

Idem quum vidisset vetulam quandam nimis comptè incedere: Si, inquit, ad viuos properas, falsa es: si ad mortuos, ne cunctare. Anto. par. 2. serm. 18. Melissæ. Max. ser. 41.

Alexandri.

Alexander cum senem quendam capillos inficientem vidisset: Noli, inquit capillos tingere, sed genua hæc incurua potius, vt facilius & promptius eas. Maximus serm. 41.

Agésilæ.

Quidam aspiciens Lacedæmonium quendam claudum ad bellum exeuntem, quum ei equum veluti debili necessarium quæreret: Non intelligis, inquit Agésilæus, in bello opus esse non qui fugiant, sed qui loco maneant? Plutarch. in Lacon.

Eiusdem.

Agésilæus Lacedæmonius iam senex, persæpe sine calceis & tunica prodibat in publicum, cum lacera veste, idque matutino tempore hymis. Cum autem quidam cum obiurgaret, quod puerilius ageret, quam ætatem deceret, respondit, Iuniores ciuium, quasi muli, si vestem virilem induam, omnes oculos in me coniciunt. Aelianus libro 7. de Varia historia.

Eiusdem.

Agésilæus animaduertens ciuium nonnullos, qui in precio habebantur, ac sibi placebant, quod equis alendis intenderent animum, sorori Cyniscæ persuasit, vt consensu curru certaret in Olympiis. Hocque pacto Græcis ostendere cupiebat, eius notæ exercitationes parum commercii habere cum virtute, sed nihil aliud habere quam opum & impendiorum ostentationem superuacaneam. Plutarchus in Laconicis.

Eiusdem.

Eiusdem.

Perfarum numissima quoniam sagittarium habebat insculptum, Agefilus Lacedæmoniotū rex, ex Asia discedens, aiebat se triginta sagittariorum millibus à rege Asia depelli, tot enim Daricorum aureorum millibus Athenas ac Thebas deportatis, ac in plebis moderatores distributis, Timocrates effecerat, ut populus hostilem animum aduersus milites susciperet. Plutarch. in Lacon.

Eiusdem.

Menecrates quidam medicus cum fortè ægrotantes aliquot liberasset à morbis, sibi Iouis nomen inde adscribi passus est. Tandem verò cum epistolam ad Agefilanum regem scriberet, eam sic exorsus est : Menecrates Iupiter Agefilao regi salutem. Verùm rex cum hominis stultitiam esset admiratus, hunc in modum rescripsit : Rex Agefilus Menecrati sanitatem. Facetè admonuit hominem, cui mentis sanitatem planè deesse putabat, qui homo cum esset, Deorum nomen sibi adscriberet. Plu. in Laconicis.

Demonastii.

Demonax rogatus, an philosophus etiam placentis vesceretur? Quid, inquit, num putas apes stultis tantum mellificare? Placentæ melle condiebantur, sacchari vsu nondum reperto. Eras. lib. 8. apoph.

Cleomenis.

Cleomenes Anaxandridæ F. Argiuis profutentibus se prioris confictus fortunam, in qua victi fuerant, iterato prelio succire velle : Demiror, inquit, si duarum syllabarum accessione facti estis meliores, quam erratis prius. Verùm huius dicti argutia latinè reddi non potest. Græcis enim μάχιδαι pugnare est, ἀναμάχιδαι verò redintegrare pugnam. Plut. in Lacon.

Anonymi.

Lacon quidam Gymnasiarcham ligna ἀναπνα exhibentem, facetissimo ioco inculcavit, dicens, quòd per eum ne lachrymas quidem illic effundere daretur. Fumus quippe mouet lachrymas. Acapna autem ligna inde dicta sunt, quòd fumo careant. Eras. Rot. lib. 8. apoph.

Anonymi.

Lacon quidam quotidie conuiuientem quendam, plagiarium ac tyrannum vocauit, per quem ipse tot annis nunquam vidisset mensam suam. Loci autem lepos est in faceta fictione: plagiar

giarium appellauit, quòd liberalitate sua homines sibi redderet obnoxios: tyrannum verò, quòd per illum non liceret cuiquam conuiuarum domi suæ viuere. Eras. Rot. lib. 8. apoph.

Anonymi.

Alius quidam, quum homines defunctos in sellis sedentes videret: Absit, inquit, vt hic sedeam, vnde seniori assurgere fas non est. ostendit autem facetissimo dictorio, mortem horrorem incutere hominibus, vitam autem omnibus esse dulcissimam. Brusonius lib. 4. cap. 10.

Anonymi.

Quidam iratus agasoni, volebat eum percutere. quumque is clamaret, Atheniensis sum: ad asinum versus, At tu (inquit) Atheniensis non es. ei que multas plagas inflixit. Plutarch. de cohibenda iracundia.

Antigoni.

Suprà de beneficio in dignos collato.

Alexandri.

Alexander Macedo cum in vetulum incidisset, capillos tingentem: Senex, inquit, non tibi casaries tingenda est, sed magis genua. Stob.

Philopamenis.

Philopœmenes Achæorum dux præcipuè inter Græcos clarus, diuertere volebat ad hospitium veteris amici. Quo cognito, iussit hospes apparari quæ necessaria essent alia ab vxore, dum interim ipse obsonia appararet. inter hæc Philopœmenes solus (vt res ipsa ferebat) ad hospitium properat. quæ venientē, vt solū, vt deformem, vt qui nihil ornatus haberet eximii, arbitrabatur mulier ex administris esse aliquem, qui herum præueniret. cumque esset de aduentu Philopœmenis mirificè sollicita, etiam blandiendo rogauit eum, se vt adiuuaret ad dominum comiter excipiendum. Tum Philopœmenes, vt erat perhumanus, cognito mulieris errore: confestum securi accepta, & cuneo, cœpit ligna findere, ad coquendam cœnam. hospes interim domum ingressus, cum animaduertetet Philopœmenem findendis lignis maleo incumbere. Prò Iupiter, inquit, quid hoc Philopœmenes? quid agis dux maxime? Ad ea Philopœmenes: Pro deformitate, inquit, oris totiusque corporis pœnas luo. Voluit ipsemet præbere de se hospiti & sibi ipsi risum. Res sanè festiuo ac faceto homine digna, quæq; quo fariot, eo etiam fuerit lepidior. Pontanus.

Strab

Stratonici.

Stratonicus musicus cum in Pontum nauigans, ad regem Berisadem venisset, diu apud eum moratus, voluit illinc in Græciam adornare fugam. Verum cum id rex non videretur passurus: Bene, inquit Stratonicus, cogitas ô rex, qui statueris hic manere. Quo dicto, facere suam indicabat fugam & regis interrim consilium probabat, quasi ille de migrando cogitasset, & ipse, non nisi grauibz causis commotus, pareret abitum. Athenæus.

Eiusdem.

Idem se vehementer demirari aiebat, Satyri sophistæ matrè, quæ illum decem menses tulisset, quem nulla ciuitas decem dies ferre posset. Eras. lib. 6. apoph.

Anonymi.

Canus tibicem dicebat, homines ignorare, quanto plus ipse canens voluptatis caperet quàm alii. alioqui auditores non darent mercedem, sed acciperent. Eras. Rot. lib. 8. apoph.

Hadriani sophistæ.

Suprà, tit. de Auaritia.

Ismenia.

Ismenias tibicem canebat in sacrificio, quumque non litaretur, is qui conductus fuerat arreptis tibiis canebat ridiculè: & hoc canente, litatum est. Incusantibus autem iis qui aderant: Diuinitus, inquit, contigit venustè canere. Hic Ismenias ridens: At me, inquit, canente Dii voluptate capti, me morabantur: te verò festinante illos abigere, arripere hostiam. Recitat Plutarchus lib. 2. Symposiacon.

Philoxeni.

Philoxenus quondam cœnans apud Dionysium, quum animaduerneret regi appositum piscem mullum insigni magnitudine, quum ipsi appositus esset perpusillus, pisculum auribus admouit. Id factum admiranti Dionysio, causamque percontanti: In manibus, inquit, est Galatea, de qua volebam ex hoc quendam percontari: Verum negat se per ætatem quicquam adhuc scire, sed ait proauum suum istuc esse in tuo disco, qui multa posset commemorare: si liceat colloqui. Quo dicto, rex factam admonitionem intelligens, misit illi suum mullum. Eras. Rot. lib. 8. apoph.

Polemonis.

Proconsul quidam torquebat prædonem. quumque dubita-

ret

ret, quod supplicii genus esset de illo sumpturus, Polemon forte superueniens: Iube, inquit, illum edificare veterum scripta. Philostratus.

Anonymi.

Quum legatus nauigaturus in Asiam, nauem conscendisset, & à quodam interrogaretur, Num metueret, ne naufragio ciectus à piscibus deuoraretur? Quid, inquit, metuum à piscibus, qui tot pisces deuorarim? Eras. Rot. lib. 8. apop.

Fabij Max.

Fabius Maximus cum Tarentum Hannibalis præsidio firmatum expugnasset, Scribæ percontanti in direptione vrbis, quid de templorum simulachris statuisset? Relinquamus, inquit, Tarentinis iratos deos. Facetè notabat, Deorum iram vrbem inuersam esse. Plutarch.

P. Licinij Vari.

P. Licinius Varus Africano illi maiori coronam sibi in conuiuio ad caput accommodanti, cum ea sæpius rumpere-tur: Noli mirari, inquit, si non conuenit, caput enim magnum est. Cicero lib. 2. de Oratore.

Ciceronis.

Suprà tit. de Ebrietate, vinolentia & bibendi ratione.

Mallij.

Seruilius Geminus cœnans apud Lucium Mallium, qui Romæ pictor insignis habebatur, quum videret filios illius deformes: Haud similiter, inquit, Malli fingis & pingis. & Mallius: Non mirum, inquit: in tenebris enim fingo luce pingo. Eras. lib. 6. apoph.

M. Voltacilij.

Marcus Voltacilius Pitholaus videns C. Seruilium vno tantum die consulem fuisse, ante Flamines dixisse perhibetur: Olim quidem Flamines, nunc verò Consules diales à Romanis creati, Allusit autem ad Romuli, vel vt alii volunt, ad Numæ Pompilii religionem. qui tres Flamines instituit, quorum summus erat Dialis Flamen, qui solus inter reliquos albo galero insignis erat; quem nisi ex pecudibus albo tergore loui immolatis fieri non decebat, vt eo insigni à reliquis conspicius foret. Voltacilii autem dictum extat apud Macrobium lib. 2. cap. 3. Satur.

Fauſti Syllæ.

Fauſtus Syllæ filius, cum soror eius eodem tēpore duos mœchos

chos haberet, Fulvium Fullonis filium, & Pompeium cognomine maculam: Miror, inquit, sororem meam habere Maculam, cum Fullonem habeat. Macrobius lib. 2. cap. 2. Sat.

Ciceroni.

Caninius Rebulus consul in Fabii Maximi demortui locum à C. Iulio Cesare substitutus, cum per unius diei spacium fuisset consul: Cicero iocundus dixisse fertur, Vigilantem sanè habuimus consulem, qui in consulatu suo somnum nunquam vidit. Macrobius lib. 2. Saturnal. Cuspinianus in commentariis suis in Cassiodorum.

Eiusdem.

Præterea cum hunc consulem congratulandi gratia accederent multi ex amicis, idem dixisse fertur: Maturemus, maturemus inquam, ut ad hominem ante finem sui consulatus perueniamus. Ibidem, & Plutarchus.

Hannibalis.

Quum Minutius Hannibalis insidiis septus, in summo esset periculo, ne cum suis copiis periret: Fabius Maximus eius collega è monte mouens exercitum, venit illi auxilio, multisque trucidatis hostibus ipsum eripuit. Quo facto, Hannibal Pœnorum dux ad suos dixisse fertur facetissimè: Nōne vobis sæpenumero prædixi, futurum ut illa montana nubes nobis aliquando tempestatem immitteret: Plut.

M. Lollii.

M. Lollius cum videret Galbam eloquentissimum oratorem, omni corporis habitu carentem: Pro dolor, inquit, quàm malè habitat Galbæ ingenium. Macrobius lib. 2. cap. 6. Satur.

Galba parasiti.

Galba parasitus cum reprehenderetur, quòd ociose viueret: Nemo, inquit, cogitur ut sui otii reddat rationem, sed laboris tantum transacti. Facetè innuit, nullos tutius ac quietius vivere posse, quam ocio deditos: eo quòd facti ratio ab his nulla exigatur. Eras. lib. 8. apoph. *Luculli.*

Cn. Pompeius non probabat in Tusculano ædificatam à Lucullo villam, quia æstiuæ quidem in habitationi accommodatissima cum esset, hybernæ tamen parum omnino prospectum fuisset. Ad quæ iucundissimè magnæque festiuitate Lucullus: Num tibi, inquit, Pompeii, minus habere cordis videor, quam grues, quàm ciconiæ, qui nesciant pro temporibus habitationem mutare. Pontanus.

Cæselij.

Lapidatus à populo Vatinius, gladiatorum munus editurus, impetrarat ab ædilibus edictum, ne quis quid in harenam mitteret, nisi pomum. Per id tempus fortè Cæselius consultus à quodam, num nux pinea pomum esset: Si in Vatinium, inquit, missurus es, pomum est. nam ea nux & dura & gravis pro lapide esse poterat. Martialis pineam nucem appellat pomum hoc disticho:

*Poma sumus Cybeles, procul hinc discede viator,
Ne cadat in miserum nostra ruina caput.*

Erasmus in apoph.

Vatinij.

Vatinius cum audisset Ciceronem gloriantem, se humeris reipub. de exilio reportatum: Vnde ergo, inquit, tot tibi varices? Macrob. lib. 2. cap. 3. Satur.

Ciceronis.

Infra de Honore momentaneo.

Eiusdem.

Idem querenti dein Vatinio, quod grauatus esset, domum ad se infirmantem venire: respondit, Volui in consulatu tuo venire, sed nox me comprehendit. Idem.

Eiusdem.

Idem cum vidisset Caninium Reuilius (qui vno tantum die consul fuit) rostra ascendentem: Vigilantem sanè habemus consulem Caninium, qui in consulatu suo somnum non vidit, Macrob. lib. 2. cap. 3. Satur.

Eiusdem.

Infra de Homuncionibus.

Eiusdem.

Supra de ambiguis dictis.

Eiusdem.

Idem cum apud Damasippum cœnaret, & ille mediocri vino posito diceret: Bibite falernum hoc, annorum quadraginta est: Bene, inquit Cicero, ætatem fert. iocosè delusoris verba & imposturas taxans. Macrob. lib. 2. cap. 3. Satur.

Eiusdem.

Infra de Iocosè dictis.

Eiusdem.

Idem interrogatus, quidnam sentiret de eo qui in adulterio parum

parum cautus deprehendus esset: Tardum fuisse, respondit.
Idem.

Eiusdem.

Cicero, cum ei testem in iudicio Verris roganti dixisset Hortensius, Non intelligo hæc ænigmata. Atqui debes, inquit, cum Sphingem domi habeas. Acceperat autem ille à Verre Sphingem anciam magnæ pecunie. Quintil.

Mun Planci.

Infra de Mortuis non lædendis.

Anonymi.

Plancus cum in iudicio quodam molestum sibi testem destruere vellet, interrogat suturem quendam qui astabat, quoniam artificio se tueretur? Qui vrbane respondit, Gallam subigo. Est autem galla sutorium instrumentum, quod non in facie in adulterii exprobratione, quanquam obscure, conuertit. Nam Plancus in Marcia Galla nupta male audiebat, Macrob. lib. 2. cap. 2. Satur.

Orbili.

Orbilius Grammaticus insignis, cum produisset in reum testis, interrogatus à Galba monstruoso, quasi eius professionem ignoraret: Quidnam artis exerceret? Respondit facetissime, In sole gibbos fricare soleo. Idem lib. 2. cap. 6.

L. Cæcili.

L. Cæcilius, cum C. Cæsar alius qui secum pila lustrabant, centena sestertia, illi autem vni quinquaginta dari iussisset: Quid ego, inquit, vna tantum manu ludo, & non duabus, ut plus habere possim? Ibidem.

Augusti Cæs.

Augustus Cæsar cum inter Vergilium Maronem, qui ubique suspirabundus obseruatus est, & Flaccum Horatium, qui oculorum lippitudine plurimum laborauit, consedisset, rogatus à quodam amicorum, quidnam ageret? Sedeo, inquit, inter suspiria & lachrymas. Sabellicus.

Eiusdem.

Idem videns multos à Calsio Seuerio accusatos absolui, cum architectus fori Augusti expectationem operis diu traheret: Vellem, inquit, Calsius & meum forum accusasset. Macrob. lib. 2. cap. 4. Satur.

Eiusdem.

Vectius cum monumentum patri exarasset, ait Augustus

Hoc est verè monumentum patris colere. Ibidem.

Eiusdem.

Idem Augustus cum audisset, inter pueros quos in Syria Herodes rex Iudæorum intra bimatum iussit interfici, filium quoque eius occisum, ait: Melius est Herodis porcum esse, quàm filium. Alludebat autem ad legem Iudæorum, quibus suilla caro prohibita erat. Macrobi. eodem loco.

Eiusdem.

Exceptus à quodam cœna satis parca, & quasi quotidiana, cum cœna finita valedicens discederet, hoc insultrauit: Non putabam me tibi tam familiarem. Ibidem.

Eiusdem.

Vatinio in prima sua ætate eleganter etiam insultauit. Conuulsus enim ille podagra, volebat tamen videri discussisse vitium, & mille passus ambulare se gloriabatur. Cui Cæsar: Non miror, inquit, dies enim aliquanto sunt longiores. Macrobius eodem loco. Verùm hoc dictum Fabius Ciceroni tribuit.

Eiusdem.

Relata ad Augustum æris alieni magnitudine, quum quidam eques Romanus, dum vixit, excedentem ducentis H-S celauerat; culcitram emi cubilarem in eius auctione sibi iussit. Præceptum autem admirantibus, respondit: Habenda est ad fomnum culcitra, in qua ille, cum tantum deberet, dormire potuit. Macrobi. lib. 2. cap. 4. Satur.

Julia Augusti F.

Julia Augusti Cæsaris filia, cum in gladiatorum spectaculo iuuenibus quibusdam circundaretur, reprehensa ob id à patre Augusto, iocosè respondit: Et hi mecum senes fient. Macrobius lib. 2. cap. 5. Satur.

Eiusdem.

Item cum grauem amicum audisset Iuliã, suadentem, se melius facturam, si se composuisset ad exemplar paternæ frugalitatis, ait: Ille obliuiscitur Cæsarem se esse, ego verò memini me Cæsaris esse filiam. Macrobi. eodem loco.

Neronis.

Nero Romanorum imperator, cum audiret Claudium imperatorem (qui in deorum numerum ab adulatoribus relatus erat) boletum à medio sublatum esse: dixisse fertur, se hactenus ignorasse, boletum deorum esse cibum. Dion Nicæus, & Xiphilinus in vita Claudii.

Caligula.

C. Caligula profectus in Galliam magno militum exercitu, ubi post multas exactiones alea cum Gallis quibusdam luderet, disceprantibus aliis de pecuniarum vili summa, respondit: Vos de paruo quidem drachmarum numero cōtenditis: at ego collegi sexagies centena millia aureorum. Xiphilinus Dionis abbreviator in C. Caligula.

Vespasiani.

Vespasianus Romanorum imperator senior, cum paulo, ante obitum suum cometam visum audiret, atque animaduertisset, quosdam esse qui mortis præsagium interpretarentur: Non mihi, inquit, sed regi Parthorum mortem portendit. ille enim comatus est, ego caluus sum. Xiphilinus in vita Vespasiani.

Eiusdem.

Idem expugnatus à quodam, quasi amore suo deperiret, cum productæ pro concubitu HS XL. donasset, admonente dispensatore, quemadmodum summā in rationibus suis vellet referri? respondit: Vespasiano adamato. Suetonius in eius vita.

Eiusdem.

Reprehendenti filio Tito, quod etiam vrinæ vestigial commentus esset, pecuniam ex prima pensione admouit ad nares, sciscitans, Num odore offenderetur? & illo negante: Atqui, inquit, è lotio est. Suetonius.

Antonini Pij.

Antoninus Pius Romanorum imperator, cum Apollonium, quem Chalcide acciuerat, ad Tiberinā domum, in qua habitabat, vocasset, vt ei M. Antonium traderet, atque ille dixisset: Non magister ad discipulum debet venire, sed discipulus ad magistrum: risit eum, dicens: Facilius fuit Apollonio philosopho è Chalcide Romā venire, quam è domo sua in Palatium. Capitolinus, & Cuspinianus in Consulibus.

M. Antonini.

M. Antoninus Romanorum imperator, cum iam sentiret sibi venenum a medicis in Commodi gratiam clam propinatum, Tribuno militum signum postulanti, quā facetissimè respondisse fertur: Abi in orientem, ego enim iam ad occasum commeo. Xiphilinus in vita M. Antonini.

Vibu Crispi.

Vibius Chrispus Vitellii luxuriosissimi imperatoris familiaris, cum ob nocturnas comestationes atque comotationes

in tam grauem morbum incidisset, vt ad tempus Vitellianis conuiuiis interesse nequiret, posteaquam parumper conuulisset, ad amicos facere dixisse fertur: se omnino fuisse periturum, si hoc tempore tam grauius non laborasset. Xiphilinus in vita Vitellii.

Hadriani impera.

Hadrianus Romanorum imperator, Ceionium Commodum iam adoptatum, cum prætura honorasset, eundemque bis consulem designasset, videns hominem minus sanum esse, sapissimè dictitasse fertur: Bone Deus, in quam caducum parietem inclinauimus. Spartianus, & Cuspinianus in Consilibus.

Iulij Galli.

Iulius Gallus, Senecæ frater, cum vidisset Agrippinam atque Neronem Claudii Cæsaris mortem (cuius ipsi autores, tamen dolosi, fuerant) simulatè de flere, Claudii que laudes decantare, dixisse fertur: Alios necatos in carcere, trahi à carnificibus in forum magnis quibusdam vncis, & deinde in fluuium proiici: Claudium verò in cælum vsque vincto à suis intersectoribus tractum esse. Xiphilinus in Claudio.

Friderici impera.

Friderico Romano. imperatori Amadeus dux Sabaudiz (quem clerus Basileæ congregatus, Eugenio quarto à summo pontificatu deposito, in illius locum suffecerat, Fœlicemque papam quintum vocauerat) filiam, quam domi habebat viduam, iuuenem & forma præstantem, in matrimonium obtulit, simulq; dotis nomine auri nummum ducenta millia, si Eugenio relicto, Petri successorem appellaret. Cæsar autem ad suos conuersus: Vendere, inquit, alii pontificalia solent: hic libenter emat, si reperiat venditorem. Aeneas Syluius lib. 2. commentariorum de rebus gestis Alphonsi.

Martiani episcopi.

Martianus Nouatianus episcopus, cum Sabbatium Iudæum Christianorum sacris initiallet, hominemque nihilominus Iudaicis deliramentis inhaerere deprehendisset, quam facere dixisse fertur: Semulto melius fecisse si spinis, quam Sabbatio, manum imposuisset. Nicephorus Callistus, libro 12. Eccles. histor. capite 31.

Anonyma.

Argento coxi Chalcedonii vxor à Iulia Augusta obiurgata: quòd ipsa cum cæteris suæ nationis mulierculis impudenter cum maribus in publico versaretur, respondit, Nos multo melius naturæ explemus necessitatem, quam vos Romanæ. Nam apertè cum optimis viris habemus consuetudinem, cum Romanæ à peccatis hominibus occultè constuprentur. Dion Niæus, & Xiphilinus in Seucro.

Leontij episcopi.

Leontius episcopus Antiochenus, cum videret ecclesiam in doctrina dissentire, tangens caput suum iam canum, fertur dixisse: Hac niue soluta, lutum cogetur immesum. Per hoc ostendens, quòd ipso defuncto, illa discordia populo generaret seditionem. Tripart. histor. lib. 4. cap. 35.

Sisiny.

Sisinius Cõstantinopolitanus episcopus, interrogatus à quodam, cur episcopus iam factus, bis in die lauaret: faceret respondit: Quia ter non possum. Niceph. Callist. lib. 12. Eccles. histor. cap. 16.

Eiusdem.

Idem à quodam perconstatus, cur candidam vestem gestaret, quæ episcopum vt aliena minus deceret: respondit: Tibi ostendendum potius est, vbinam scriptum sit, quòd episcopum pulla veste vti oporteat. Idem Niceph. lib. 12. cap. 36. Eccl. hist.

Macarij Monachi.

Macarius monachum Aegyptium, cum quidam tempore æstiuo accessisset, vt sitibundus haustu aquæ in tanto solis ardore recrearetur: Macarius respondit, Vmbra contentus esto. multi enim viatores & nauigantes hac nunc carent. Niceph. Callist. lib. 11. cap. 43. Eccles. histor. ex Euagrio.

Anonyma.

Anus quædam cum vidisset Iouianum imperatorem forma quidem conspicuum, sed proceritate atque crassitudine corporis excellentem, atque aliquantulum mente etiam captum, dixisse fertur: O dii immortales, quam corpulenta est stultitia? Niceph. Callist. lib. 10. cap. ult.

Ephraim Syri.

Ephraim Syrus, quum aliquando dies multos pro consuetudine sua ieiunio transgisset, & minister tempore cibum ei adferret, accidit vt is ollam frangeret. Ephraim verò pudore iuxta

& timore correptum illum videns: Bono, inquit, esto animo. Quandoquidem enim obsonium ad nos venire renuit, nos age ad id accedamus, & ad ollæ fragmenta confedens, comedit. Niceph. Callist. lib. 9. cap. 16. Eccle. histor.

Nicolaï V. Pont. Max.

Nicolaus quintus Romanorum Pontifex Maximus, cum ei renunciatum esset, quosdam esse Romæ, qui bonos versus facerent negauit bonos esse. Cur enim, inquit, ad me non veniunt, qui etiam poetis malis pateo? Molestè tulit homo sapiens in vrbe sua esse, qui literas scirent, & nescirentur. Hermolaus Barbarus in Præfatione castigationum suarum in Plinium.

Alphonſi.

Alphonſus Hispaniæ ceterioris, itémque Neapolitanorum rex, venationi admodum deditus, cum percontaretur Antonium Panormitam, quoniam Neapoli nobiles essent viri venandi studiosi, an item scriptores de natura canum aliquid prodidissent? Quum tu, inquit, Panormite, ad latus habeas rex, rerum harum omnium prudentissimum virum, ne aliunde quarites, quippe qui annos supra quadraginta cum hoc genere animalium sit ita conuersatus, ut noctes quoque ipsas cum canicula cubitauerit: hic tibi & canum naturas describet, & illorum instituentorum artes tradere potest. Erat autem is eques Neapolitanus, quem honoris gratia non nominauerim. Cumque his dictis subrisisset: Antonius indicauit, sub caniculæ nomine vxorem illius significari, mulierem omnium clamorissimam pariter, & rabiosissimam. Pontanus.

Eiusdem.

Idem dicebat, sibi videri eos maximè insanire, qui vxorem fugitiuam perquirent. Significans, magnæ felicitàtis esse, ab improba muliere liberari. Eras. lib. 8. apoph.

Eiusdem.

Idem cum audisset, Senenses, qui à bello Italico medijs exsisterent, in neutram partium inclinantes, postea sedato bello diuisorum militum prædā esse, dixisse fertur: Senensibus euenisse, quod his solet qui mediam domum incolunt, ut ab inferioribus fumo, a supernè habitantibus vrina vexentur. Panormita lib. 4. de reb. geit. Alphonſi.

Eiusdem.

Idem cum à Iacobo Alamano, homine quidem Christiano, sed Iudæis parentibus nato, diuini Ioannis aureum simulachrum vanale

vanale exhiberetur, quingentorum aureorum precio coemendum: Non tu sanè ineptus es, inquit, & maiorum tuorum longè dissimilis, discipuli & seruuli imaginem tanti aestimas, cum illi Ioannis ipsius magistrum & dominum, & regem Iudaorum, triginta non amplius denarii vendiderint? Panormit. lib. i. de rebus gestis Alphonfi.

Eiusdem.

Idem cum improbum effragitorem haberet, qui nullum perent finem faceret: Vereor, inquit, ne vxorem etiam demum meam peturus sit. Ibidem.

Eiusdem.

Iocundus quispiam, vel tentabundus potius, cum dixisset ad Alphonsum Aragonum & Neapolitanorum regem (de somniis autem erat disputatio) nocte præterita somniasse, dono se ab rege accepisse sacculum aureis grauidum. Alphonfus facetè respondit: An ignoras, nullam esse Christiano homini fidè somniis habendam? Pontanus.

Eiusdem.

Idem cum audiret Trisponium iuriconsultum, qui deformissimam habebat vxorem, trecentos aureos furto amisisse, ad amicos dixisse fertur: Trisponio melius esset, si fures vxorem, quam pecuniam abstulissent. Panormit. de reb. gestis Alphonfi lib. i.

Anonymi.

Coloniæ Agrippinæ pictor quidam insignis, sed prodigus ac piger, & amator vini, quàm plures Christi imagines canponibus pignori dedit, easque hoc pacto perdere quam vendere maluit. Interrogatus autem, cur non potius venderet? Ergo, inquit, me Iudæum, quàm Christianum esse mauultis. Aen. Syl. lib. i. comment. de reb. gest. Alphonfi.

Anonymi.

Alexander, qui ex ducibus Marouiæ erat, egregius bibulus, cum mortem obuisset Viennæ, diemque illi (vt vocant) tricesimum in templo diui Stephani, cui præfuerat, canonici multiq; viri nobiles celebrarent, sacerdos quidam, qui sribundns cellam vinariam Præposituræ intrauerat, vidisse se inter dolia deambulantem asseruit: & ad ecclesiã reuerfus, cum orantes adhuc cōpresbyteros inuenisset, Quid hic Alexādros inferas (inquit) agitis? Ille in suo templo lætus agit, bibitq; vos autem hic siti areticitis. Aeneas Syl. lib. i. comment. de reb. gest. Alphonfi.

Anonymi.

Quidam cum in tabernam venisset, ibidemque hospitam cum ancillis plus satis rixantem, in prandio ferre nequireret, hospes conuersus ad hominem: Ec qua, inquit, hæc est tua impatientia? duos ego & triginta nunc annos huius clamores & infamiam dies noctesque pertuli, tu verò ne horam quidem eam ferre potes? Quo dicto & hominis impatientiam leniit, & vxorem ab ira in risum commouit. Adrianus Barlandus.

Barbara Sigism. imp. vx.

Barbara Friderici Ciliæ comitis filia, & Sigismundi imperatoris vxor, defuncto iam marito, cum à quodam adhortaretur, vt vidua manens turturis imitaretur exemplum, quæ mortuo marito perpetuam castitatem seruaret: respondit, Si me ratione carentes imitari volucres iubes, cur non colubas potius passerisque proponis? Sunt autem columbi passerisque ad libidinem plus satis proni. Aeneas Syluestus lib. 3. commentariorum, de reb. gest. Alphonfi.

Fran. Puderici.

Quum Francisco Puderico inuitato ad prandium, apponeretur altilis haud bene assa, conuersus ad eum qui pullum apposuerat: Importunè, inquit, accubuimus. neque enim ad prandium vocati, sed ad cœnam fuimus: cum videamus imparata esse, & non bene cocta omnia. Pontan.

Ottachari.

Ottacharus Bohemiæ rex, cum de pudicitia coniugis, sinistri ad se rumores delati essent: Lex, inquit, naturæ est,

Cornua qui faciunt, ne cornua ferre recusent.

Aeneas Syl. lib. 3. commen. de reb. gest. Alphonfi.

Pyrrhniculi.

Pyrrhniculus Vasco diuerterat ad meritoriam, atque apposta mensa, anaticulum versabat in lancibus perbellè vinctum atque halliatum. Ingreditur repente ad illum viator Hispanus, iniectisque in anaticulum oculis: Potes, inquit, ô amice aduenientem comiter amicū accipere? Ibi tum Pyrrhniculus, quo nomine ipse esset, exquirat. Audenter ille ac iactabundus, Alopancius (inquit) Ausimarchides Hiberoneus Alorchides. Papæ (inquit Pyrrhniculus) quatuor ne aueculæ hæc herotbus & quidem Hispanis? absit iniuria: ea Pyrrhniculo satis est vni: minutos enim decent minuta. Adrianus Barlandus.

Eiusdem

Eiusdem.

Idem hic aliquando peregrè proficiscens, in cubile incidit ab eimicibus simul, plurimòque pulice infessum. Itaque ubi paulum quievisset, excitatus ab illorum moriunculis, euocato caupone, petiit falcem sibi ab eo adferri. Cum ille, quam ad rē opus esset? percontaretur: Qua (inquit) excidam senticetum, quod mihi hac nocte excidendum locasti. Sentēs & spinas ad cimices transtulit, ac pulices: cubile autem ad senticetum. Adr. Barlandus.

Anonymi.

Idem cum in hospitio nimis siugaliter tractatus esset ab hospite, finita cœna, iussit ad se vocari medicum ad mercedem capiendam. Caupo autem cum respondisset, cur in viculo tam agresti medicum requireret? Ibi ille, Num te ipsum ignoras? ait. Quo sit igitur merces, opere suæ par, medici precium accipe, non cauponis, quando ut ægrotum me paupis. Idem.

Fran. Elæ.

Franciscus Elius non in studiis modò summa cum celebritate versatus, verumetiam civilibus in actionibus & negociis, cum vidisset Gallos milites calceamentis uti pedum taurinorum in vestigiorum speciem: Vbi, inquit, horum sunt taurorū cornua? Pontanus.

Eiusdem.

Idem cum videret sacerdotem excomptum admodum, atque expansiore capillo, solēisque incedentem editioribus, tunicis quoque laxioribus, atque in plurimos sinus complicatis, palliòque inundante, conuersus ipse ad eos qui secum constiterāt: An, inquit, ignoratis, quàm exculti essent pensiles Semiramidis reginæ hortuli? Pontanus.

Petri Summontij.

Petrus Summontius, vir præter summam literarum cognitionem, summè etiam iucundus & comis, vocatus ad cœnam à sacerdote, cum vinarius promptor nusquam cōpareret: Quid moramur, inquit, quin cantemus illi mortualia? Pontanus.

De fama bona.

Socratis.

Socrates Atheniensis rogatus, quo pacto quis posset honestam assequi famam? Si talis, inquit, esse studeas, qualis haberi velis. Veluti si quis bonus tibicen haberi cupiat, ea præstet oportet,

oportet, quæ à probatis tibicinibus fieri viderit. Quemadmodum qui medendi est imperitus, nō ideo medicus est, quod pro medico ascitus est, & vulgo medicus appellatur, ita non statim princeps est, aut magistratus, qui populi suffragiis declaratus sit, nisi sciat artem gubernandæ ciuitatis. Eras. libr. 3. apoph.

Epicteti.

Epictetus interrogatus, quo pacto quis honestam famam assequi posset? respondit, Si bene vis audire, discito bene loqui & cum bene loqui didiceris, rectè facere conator, & hoc modo bonam famam acquies. Stob. ser. 3. de Temper.

Timonis Nicæi.

Timon Nicæus gaudebat hortorum secessibus ac solitudine. vnde Hieronymus Peripateticus de illo dixisse fertur, Quæadmodum apud Scythas, & qui fugiunt, & qui insequuntur, torquent sagittas: itidem inter philosophos, alios persequendo discipulos capere, alios fugiendo. Sequitur fama fugientem, & ob id ipsum auidius expetitur qui scholam vitat. Laert. libr. 9. cap. 12.

Agefilæ.

Agefilæus Lacedæmoniorum rex interrogatus, qua ratione potissimum quis assequi posset, vt apud homines honestam haberet famam? Si loquatur, inquit, quæ sunt optima, & faciat quæ sunt honestissimæ. Quid dici poterat breuius? ac rursus quid absolutius? Itidem Socrates, idem percontanti: Si talis, inquit, esse studeas. qualis haberi vis. Siquidem fucus parta gloria, vt non est vera gloria, ita nec diuturna est. Plutarch. in Lac. apophthegmatib.

Olympiæ.

Olympias Alexandri mater quum accepisset adolescentem quendam aulicum duxisse vxorem, elegante quidem forma sed famæ parum secunda: Ille, inquit, non sapit, quia vxorem oculis, non etiam auribus duxerit. Forma enim cernitur oculis, fama autem auribus percipitur. Eras. lib. 6. apoph.

De fama & rumore falso.

Thaletis.

Thales Milesius interrogatus ab amico quodam quantum veritas abesset à mendacio? Quantum, respondit, oculi distant ab auribus. Voluit significare, ea nō semper certa esse, quæ com

communi fama sparguntur in hominum caterua. Fama quippe (vt Maro ait) mobilitate viget, viresq; acquirit eundo. quo fit, vt falsa multo ties veritati adiungantur. Veriora igitur sunt ea quæ præsentibus oculis intuemur, quam quæ ab aliis falsè relata audimus. Eras. lib. 8. apoph.

Stratoclis.

Stracoles Atheniensis quum de parta victoria nuncium accepisset, protinus ad populum retulit. vtque supplicatio diis immortalibus decerneretur persuasit. Aliquanto post, quum certior nuncius adferretur acceptæ cladis, populo indignante quòd delusus esset: Ecquis, inquit: vestrum quicquam damni accepit, quòd totum hoc triduum mea opera hilares lætiq; fuistis? Eras. lib. 6. apoph. Fulgosi lib. 4. cap. 18.

Phocionis.

Rumor cum incerto autore obortus esset de morte Alexandri Magni, moxque Rhetores prosilirent, hortantes Athenienses vt statim bellum susciperent: Phocion Philosophus expectare iussit, donec certius aliquid cognosceretur. Nam si, inquit, hodie mortuus est, cras & perendie etiam mortuus erit. Grauius admonens, ne incertis rumoribus fiderent, & se temerè in summum periculum præcipitarent. Plutarchus in Græcorum apophthematibus.

De fame & siti.

Socratis.

Socrates qui Delphici Apollinis oraculo inter Græciæ sapientes omniū clarissimus iudicatus est dicere solebat: Cibi condimentum esse famem, potionis sitim. Cicero libr. 5. Tus. quæst.

Diogenis.

Diogenes Cynicus in foro manibus operans: Vtinam, inquit, liceret sic perfricato ventre non esurire. Brus. lib. 2. ca. 41.

Anonymi.

Apud Laconas ius quod nigrum vocabant cum maximè celebraretur, fertur Dionysius tyrannus, iuris ipsius gratia Laconicum emisse seruum. Et iussisse id sibi præparari, nulla impensa habita ratione. sed quum gustasset, indignabundus expuisse dicitur, Tum verò coquus, ô rex, inquit, hoc ius tibi sumèdum est, cum te Laconicè exercueris, in Eurotaque lauaris. Bruson. lib. 2. cap. 41. ex Ciceronis lib. 5. Tus. quæst.

Darij.

Darius, in fuga cum aqua turbidam, & cadaueribus inquinatam bibisset, negauit vnquam se bibisse iucundius. Nunquam autem, vel perrarò sitiens biberat. Cic. lib. 5. Tusc. quæst.

Artaxerxis.

Artaxerxes quum in fuga quadam direpto illius comæatu, aridis ficis & hordaceo pane vesceretur: Dii boni, inquit, cuiusmodi voluptatis hactenus inexpertus fui? Plut. in Reg. & imp. apoph. Brus. lib. 2. cap. 41.

Eiusdem.

Artaxerxi iam siti deficienti, Peribarzanes eunuchus, quum aliud non liceret, à rustico quopiam sordidum vtrem detulit, putris aquæ cotilas octo continentem. eam aquam cum rex ebibisset, se nunquam vinum potasse iucundius, nec vllam aquam quamuis purissimam sibi vllam suauiore, confessus est. Eras. lib. 5. apoph.

Lyfimachi.

Lyfimachus superatus à Dromocheta in Thracia, quum se ipsum totumque exercitum propter sitim tradidisset, Posteaquam captiuus bibisset: O dii, inquit, quam parux voluptatis causa me ipsum ex rege seruum effeci. Brusonius lib. 7. cap. 6.

Ptolemai regis.

Ptolemaus Lagi filius, quum peragranti Aegyptum, comitibus non consequentis, cibarius in casa panis datus esset, negauit vllum cibum vnquam sibi visum suauiorē. Aderat enim optimum condimentum fames. Eras. libr. 6. apoph. Brus. 2. 41. Cic. lib. 5. Tusc. quæst.

Stratonici.

Stratonicus cytharædus ad quietem iturus, assidue iubebat puerum sibi infundere vinum: Non quòd sitiam, inquit, sed ne sitiam. ex Athenæo.

C. Marij.

C. Marius, quum castra metatus esset aduersus Teutonas, in loco qui minimum habebat aquæ, militibus dicentibus se sitire, ostendit illis flumen proximè hostium vallum labens, Illinc, inquit, nobis potus sanguine venalis est. At illi iusserunt, vt se quo vellet duceret, donec liquidum haberent sanguinem, nec totus adhuc præ siti diriguisset. Plut. in Rot. apoph.

Catonis.

Cato in pratione quam habuit ad populū tumultuantem in
frum

frumeneo diuidendo, ait, Perdifficile esse, ad carentem auri-
bus ventrem verba facere. Venter quippe cibi audis, præcepta
non audit. Brusi lib. 2. cap. 41.

Iulij Cæs.

Iulius Cæs. dicere solitus est, sibi idem esse consilium aduer-
sus hostem, quod plerisque medicis contra morbos corporum,
fame potius quàm ferro superandi. Nam medici non nisi ten-
tatis omnibus, ad sectionem descendunt. Hic mos & hodie ma-
net apud Italos: aduersus omne morbi genus indicunt in-
diam. Huic simile est, quod dicere solebat Domitius Corbu-
lo hostem dolabra, id est, sensim esse vincendum. Securis statim
incidit, dolabra paulatim idem efficit. Eras. lib. 4. apoph.

Neronis.

Nero Romanorum imperator aquam è lacuna villæ cui-
dam subiecta potaturus, manu hausit: Et hic est, inquit, Ne-
ronis decocta. Nam repererat, vt aqua decocta gratiam habe-
ret crudæ, immissa in poculum niue. Sueton.

Alphonfi.

Alphonfus Argonum rex, videns rusticum quendam humi
prostratum vnas comedentem auidè, ad suos conuersus: Vti-
nam mihi, inquit, istoc ocio comedere Dii dedissent, Panormi.
lib. 2. de reb. gestis. Alphonfi.

De familiaritate.

Lacidii.

LAcides Cyrenæus, accersitus ab Atralo rege, respōdit, ima-
gines eminus esse spectandas. innuens, arctam assiduamq;
familiaritatem sæpè minuere virtutis admirationem. Laert.
libri 4. cap. 8.

Catonis.

Munatio quærenti, quòd in Cypro Catonem adire cupiens
parum ciuilibiter repulsus esset, quum nihil esset negotii, sed in-
ter cum Canidio fabularetur, sic se. purgauit Cato, vt diceret:
Severeri, ne iuxta Theophrasti sententiam, nimia amicitia
causam aliquando daret odio. Eras. lib. 5. apoph.

De fastu.

Antisthenis.

Antisthenes Atheniensis inuiscens Platonem aduersa vale-
tudine laborantem, ac visa pelui in quam vomuerat: Bi-
lem, inquit, Platonis video, fastum non video. Solebat enim,
quema

quemadmodum Diogenes, Platonis arrogantiam notare. Itaque quum in pompa quadam equestri, quidam equus crebro hinnitu ferociaque spiritus excelsos testaretur, eoq; vehementer à Platone lauderetur, versus ad Platonem: Videris, inquit, & tu bonus equus futurus. Laert. lib. 6. cap. 1.

Demetrii Phal.

Demetrius Phalereus hominum fastuosorum sublimitatem dicebat amputandam, & relinquendam sobrietatem. Talia enim ingenia non sunt desperanda, sed. quod redundat, recidendum est. Laert. lib. 5. cap. 5.

Vide tit. de arogantia & superbia.

De fato.

Thaletis.

Thales Milesius interrogatus, quid in tota rerum natura esset robustissimum? respondit, Fatum: cuncta enim superat. Laert. lib. 1. cap. 1.

T. Vespasiani.

Titus Vespasianus, quum à duobus clarissimi ordinis esset in ipsum coniuratum, ac facinus eò processisset, ut iam inficiari non possent, deduxit illos in spectaculum. atq; inter illos medius confedit, ac petitis de industria mirmillonum gladiis, velut exploraturus aciem, vnum vni, & alterum alteri commisit, tanquam prouocans ad id quod moliebantur. illis autem percussis, & animi praesentiam admirantibus, Videtisne, inquit, principatum fato dari, frustra que tentari facinus potiundi spe, vel admittendi metu? Eras. lib. 8. apoph.

Ascletrionis.

Ascletrio mathematicus à Domitiano imperatore interrogatus, quis exitus vitae ipsum exspectaret? affirmavit, fore ut breui laceraretur à canibus. Domitianus igitur euestigio interfici illum imperat, atque accuratissime sepeliri, ad artis derisionem. Sed repentina tempestate deiecto funere, semiustum cadauer canes discerperunt. Brusonius lib. 2. cap. 38.

Cosmae Flor. ducii.

Cosmas Florentinus, Alphonso Aragonum regi male pacatus vir, alioqui magnus & illustris, cum Alphonso dono mitteret Titi Liuii libros utique praclaros, reclamatum est à medicis, qui aderant, ne per immortales deos librum attrectaret, ab hoste missum, veneni suspectum. Rex prima facie visus est
med

medicis assentiri, illis animo illudens. Nam cum Liuius in medio constitutus esset, illum manibus accepit, legit & euoluit. Subinde medicos, qui continuè auersarentur, rogans, vt desinere inepitire. Regum quidem animas non priuatorum libidini subiectas esse, sed sub Dei cura & tutela, sacras latâsq; agere, inquiens. Panor. lib. 1. de rebus gestis Alphonfi.

De fauore.

Orontis.

ORontes Artaxerxis regis gener, quum ab irato rege reiectus, & condemnatus esset: Quemadmodum, inquit, supputatorum digiti nunc infinitum numerum, nunc vnum tantum possunt ponere: sic regum amici nunc quiduis pollent, nunc quàm minimū. Olim digitis subducebatur ratio, quemadmodum nunc calculis. Plut. in apoph. Regum.

Solonis.

Suprà titulo de Amicitia regum & principum.

Iulij Cæs.

Iulius Cæsar posteaquam Publius Minus in scena superasset omnes, & in his Laberium, ita pronunciauit: Fauente tibi Cæsare victus es Laberi a Syro. Publius enim conditione seruus, natione Syrus erat. Longe à tergo relinquitur, qui fauente iudice superatur. Eras. lib. apoph.

De fauore arte, & largitionibus captato.

Dionysij iunioris.

Dionysius iunior dictitabat, se multos quidem alere liberalium artium doctores, non quòd illos admiraretur, sed quia per illos ipse aliis admirationi esse vellet. Sciebat, populum de illis, tanquam de viris ornatissimis, magnificè sentire, & hac persuasione callidè abutebatur ad conciliandum sibi multitudinis fauorem. Simili arte hodie fortassis principes quidem alunt in palatiis suis viros eruditionis & sanctitatis opinione venerabiles, vt populus arbitretur horum consiliis geri pleraque. Eras. libro 5. apoph. ex regum & impera. apoph.

Darij.

Suprà de Clementia. & infra de Regno virtute stabiliendo.

Philippi Maced.

Alexander Magnus cum fauorem suorum ciuium sibi conciliare cuperet, largitionibus eos corrupit. Vetum cum hæc fa-

ma ad Philippum parentem delata esset, filium illico ac cersit, & grauitè his verbis obiurgauit: Quæ te malum ò fili ratio in istam spem induxit, vt eos putes tibi fauere, quos pecunia tibi deuinxisti? Plut. in Regum & impera. apoph.

Glauca & Libonis.

Celebratur Glaucae dictum in Metellum: Villam habes in Tiburte, cortem in palatio. At cors villæ solet esse contigua. Notauit autem illum, quod multos sibi cibo largitionibusque deuinciret. quod idem aliis verbis Libo obiecit Galbæ: In corte aluntur animalia domestica. Eras. lib. 6. apoph.

Anonymi.

Quidam dixit, cum qui primus populo Romano dedit epulum & congiarium, exitii causam illi fuisse. Vnde Cæsar Augustus cogitauit aliquando de tollendis huiusmodi largitionibus. Insincerus fauor est, qui donis emitur: quæ si minuas, ingens murmur: si tollas, seditio grauis oritur. Erasmus libro sexto apoph.

Consule titulos de Benignitate, Beneuolentia, Humanitate, &c.

De feriis & diebus festis.

Diogenis.

Diogenes Lacedæmone peregrinum quendam conspiciens sese studiosè ad festum diem componentem: Quid facis, inquit? An non quilibet dies viro bono festus est? Sensit, hunc mundum esse phanum Deo dignum, in quo constitutus homo semper honestè, velut in conspectu numinis omnia cernentis, versari deberet. Detorsit huc prouerbiū quo dicitur, Pigris semper esse festum. Laert. lib. 6.

Antisthenis.

Antisthenes interrogatus, quid esset dies festus? Gulæ irritamentum, & luxuriæ occasionem, dixit. Stobæus, & Maximus ser. 27. Antonius in Melissa, parte I ser. 39.

De fide seruanda.

Anaxarchi.

Anaxarchus Abderites cum à Nicocreonte grauitè torqueretur, vt conscios proderet, post multa in tyrannum conuicia, linguam sibi ipsi dentibus abscidit, & commanducatam in tyranni faciem expuit, his prius verbis emissis: Non erit hæc

hæc corporis pars tuæ ditionis. Voluit vir constantissimus, potius sibi ipsi amputare linguam, & perire penitus, quam non seruare silentii fidem. Laert. lib. 9. cap. 10.

Zenonis.

Zeno Eleates cum accusatus esset, quod in perniciem Nearchi tyranni cõiurasset, ductus ad tormenta vt coniuratos proderet, indicauit eos qui tyranno omnium amicissimi erant, neglectis consiliis. qui posteaquam pœnas dedissent, interrogatus à tyranno, num quis præterea occidendus superesset? Tu solus, inquit, Reipub. perniciēs superes, quibus dictus dentibus linguam abscidit, & in tyranni faciem expuit. Maluit enim mori, quam indicare eos qui occiso tyranno saluam cuperent esse rempublicam. Laert. lib. 9. cap. 5.

Eurycratidæ.

Eurycratides Anaxandridæ filius, percontanti cur Ephori per singulos dies de conuentis & contractibus ius dicerent? Vt inter hostes etiam, inquit, mutuam fidem inueniamus. Maiore Reipublicæ discrimine pacta violantur in bellis: sed illic quoque violantur ab his, qui domi consueuerint fallere. Plutarc. in Laconicis apoph.

Alexandri.

Quidam cum rupem teneret inexpugnabilem, vt putabatur, semet Alexandro dedit. at Alexander non solum eius ditionis principem esse iussit, verum etiam addidit, dicens: Hic homo mihi videtur sapere, qui se maluit bono viro, quam loco munito credere: Et sic fidem hosti sanctissime seruare voluit. Plut. in regum & impera. apoph.

Hannonis & Ro. Cos.

Amisâ nauium classe prope Siciliam insulam omnium fertilissimam, Carthaginenses de pace cum Romanis ineunda consultabant. Hamilcar cum negaret se iturum esse ad consules Romanos, timens ne idem accideret ipsi à populo Romano, quod Poeni fecerant Cornelio Asiæ consuli Roma. (qui contra ius gentium catenis vinctus est) Hanno fidem Romanorum considerans, profectus est in urbem vt pacem impetraret. qui dum liberius legationis suæ rationes exposuisset, à tribuno audiuit: illi posse accidere, quod accidisset Cornelio consuli. Verum cum vterque consul tribunum compescuisset, responderunt: Isto metu Hanno te fides nostræ cuitatis liberat. Recitatur apud Eras. lib. 6. apoph.

Fabricij.

Fabricius consul pugnaturus contra Pyrrum regem, à medico regis epistolam accepit, qua promittebat se regem veneno necaturum esse, si iuberet. Verum eam epistolam misit Fabricius ad hostem crudelissimum, & admonuit vt sibi caueret ab insidiis potius amicorum quàm hostium. Quis non admiraretur Fabricij erga hostem immanissimum fidem, quem amicè monuit vt tutè periculum euitaret? Secus faciunt hodie duces, qui clam insidias hostibus struunt, contra iustitiam, fidem & omnem æquitatem, vt victores etiam ex coempta victoria domum gloriabundi redeant. Valerius Max.

Ciceronis.

Cicero, dicente illi Metello, plures testimonio peremisti, quàm patrocinio seruasti: Nempe, inquit Cicero, plus est mihi fidei, quam eloquentiæ. Bruso. lib. 2. cap. 35.

Pontijcenturionis.

Pontius Cæsaris centurio captus à Pompeii socero Scipione, quum isto modo ei salus daretur, si se futurum Cn. Pompeii militem affirmasset, ita respondit: Tibi quidem Scipio gratias ago, sed mihi iniusta conditione vitæ non est opus. Maluit autem Pontius mori, quàm fidem, Cæsari datam, frangere. Bruso. lib. 2. cap. 35.

Alphonfi.

Alphonfus Aragonum rex sæpenumero dicere solitus est: Tantum valere ad fidem debere principum verbum simplex, quantum priuatorum hominum iusiurandum. Turpissimum enim est fidem fallere, in regibus verò longè turpius. Panor. lib. 1. de Alphonfi rebus gestis.

De fiducia sui.

Themistocles.

QUum Eurybiades baculum sustulisset in Themistoclem obstrepentem: Percute, inquit, sed tamen audi. Præsens animus, & suo fidens consilio. Plut. in Græco. apoph.

Epaminonda.

Posteaquam Alexandrum Pheræorum tyrannum Thebanis insensum, Athenienses sibi fecissent amicum ac socium, isque polliceretur illis, se perfecturum vt minam carum emerent semiobolo: videlicet significans, se tantum pecuniam ac

ac

se iumentorum adducturum è præda : Epaminondas subiecit, At nos inquit, Atheniensibus ad coquendas istas carnes ligna gratis suppeditabimus. Nam sylvas ipsorum succidemus, si se plus satis admisceant nostris negociis. Plutarchus in Græcorum apoph.

Xerxis.

Quum importarentur ad Xerxem Atticæ caricæ venales, negavit se illas esurum, donec regione potitus esset quæ illas ferret. Tam ingens erat excelsi pectoris fiducia sui. Plutarch. in Regum apoph.

Eiusdem.

Xerxes Græcorum exploratores in exercitu comprehensos nullo affecit malo : quin potius iussos omnem lustrare exercitum illæ sos dimisit. Sit & hoc singularis fiduciæ exemplum, quæ apophthegma dici debeat non video. Plutarchus in regum apoph.

Fabricii.

Pyrri medicus cum ad Fabricium cum Pyrrho belligerantem scripsisset epistolam, qua promittebat se regem Pyrrhum veneno necaturum, Fabricius Pyrrhum capitale hostem admonuit, ut sibi caueret. Verum cum rex compertis insidiis medicum egisset in crucem, Fabricio captivos gratis remisit. sed Fabricius gratis accipere noluit, ne Romani viderentur dolis hostem occidere, ut qui viribus superare non possent. Quis autem non miraretur Fabricii magnitudinem animi, qui fretus fiducia sui & militum, admonuit hostem ut sibi provideat, & captivos gratis datos renuit? Plut. in apoph.

Eiusdem.

Pyrrho hortanti ut Fabricius apud se ageret, imperii socius futurus: Ne tibi quidem isthuc expedierit, inquit. Nam si Epirotæ nostrum utrumque pernorient, mihi regi quam tibi parere mallent. Plut. in Rō. apoph.

Scipionis maioris.

Scipio maior quum obsideret oppidum humili loco situm, prominente illinc Veneris templo, iussit illuc profiteri vadimonia, tanquam tertio post die ius ibi redditurus. Et quod se facturum prædixit, fecit vrbe capta. tanta erat fiducia victoriæ. Plut. in apoph. Romanorum.

Catonis.

Cato maximè existimabat oportere vnunquenque seipsum

reuereri, quòd nullus vnquam à seipso discedat. Ita fieret, vt quicquid aliis testibus non auderemus facere, idem solos facere puderet. Plut. in Rom. apoph.

Sylla.

Sylla quum ad sociale bellum magnis cum copiis missus esset circa Limernam, è vasto terræ hiātu magnus ignis emicuit, cuius flamma ad cælum perueniens constitit. Id vates interpretati sunt, quòd vir bonus, aspectu eximius & admirandus principatum adeptus, præsentibus turbis ciuitatē liberaturus esset. Hoc audito Sylla: Ille, inquit, ego sum. Nam illi erat peculiare, comam habere auream, ignique concolorem: nec se ait suæ virtutis pudere, qui res tam multas, tamque præclaras gessisset. Plut. in Sylla.

Eiusdem.

Quum Athenienses ad Syllam duo trësve misissent de pace tractaturos, atque illi nihil adferrent quod ad incolumitatem ciuitatis faceret, sed Theseum, Eumolpum, & res aduersus Medos gestas verbis inanibus iactarent: Abite, inquit, ò beati, istasque orationes vobiscum referte. non enim discendi cupidus huc missus sum à populo Romano, sed vt rebelles subuertam. Plut. in Sylla.

Craffi, & Parth. legatorum.

Quum Parthi denunciaissent Craffo per legatos, vt suæ ætati consulens, à bello abstineret, iam sexagenarius, insolenter respondit: In Seleucia istis mandatis responsum dabimus. Hic Agis legatorum vnus, sublata manu mediam palmam ostendens: Prius, inquit, in hac manu nascentur setæ, quam tibi Seleuciam conspiciendi sit futura potestas. Plut. in vita Sertorii.

Iulij Cæs.

Iulius Cæsar quum Romæ maximi pontificis dignitatem ambiret, competitor Q. Catulo, primæ apud Romanos dignitatis ac potentie viro, matri ipsum ad fores deducenti: Hodie, inquit, ò mater, aut pontificem maximum habebis filium, aut exulem. Excelsa indoles, omnisque repulsæ impatiens. Plutarch. in Rom. apoph.

Pompeij.

Pompeius Mag. quibusdam se videre negantibus, quomodo posset Cæsaris impetum sustinere, hilari vultu vetuit illos hac de re esse sollicitos. Nam simulac, inquit, solum Italiae pede pulsacro,

lauero, exilient affatim equestres pedestresque copiar. Præsens quidem animus, si fortuna respondisset. Plut.

Anonymi.

Maximinus quum nimium fideret corporis viribus, quidam in theatro ipso præ sente Græcos versus recitauit, quorum hæc est sententia:

Elephas grandis est, & occiditur:

Leo fortis est, & occiditur.

Tigris fortis est, & occiditur:

Cauere multos, si singulos non times.

Qui ab vno non potest occidi, à multis occiditur. Capitulinus.

De fiducia artis.

Antigenida.

Antigenides Thebanus Ilmenia discipulo, cum scitè canens populo minus probaretur: Mihi, inquit, cane & Musis. admoneris, prorsus esse contemnendum imperitæ multitudinis iudicium, quum artis abundè magnum præmium sit ipsa conscientia. Eras. lib. 6. apoph.

Anacharsidæ.

Anacharsis Scythæ, cum ex patria Athenas ideo profectus esset, vt apud Solonem philosophiæ studiis animum excoleret: reuersus in patriam, leges Scytharum iuxta consuetudines Græcorum formare voluit, ob quam causam à fratre in venatione occisus est. Verum cum iam moreretur, in hæc verba prorupit: Ego ob eruditionem meam incolumis è Græcia dimissus sum, & nunc per inuidiam, in propria mea patria trucidor miser. Laert. lib. 1. cap. 9.

Euripidis.

Euripides quum populus Atheniensis tumultuaretur, offensus sententia quadam in illius traggædia, quæ tum agebatur & autorem efflagitaret vt eam mutaret, progressus in scenam dixit, Se vt populum doceret, non vt ab eo disceret, fabulas solere componere. Eruditio sibi conscia, contempsit multitudinis iudicium. Eras. lib. 6. apoph.

Eiusdem.

Idem apud Alcestidem tragædiarum scriptorem aliquando questus est, quod summo tridui labore adnixus, non potuisset nisi tres versus absoluere. Contra Alcestidi glorianti, quod ipse perfacile centum absoluisset vno die: At tui, inquit, ad tri-

duum modò, mei in omne æuum duraturi sunt: Eras. Roterol. lib. 6. apoph.

Collige quædam huc spectantia, de Eruditionis fructu.

De fiducia potestatis.

Dionysij utriusque.

Dionysius senior Syracusanus tyrannus, cum obiurgaret filium, quòd cuiusdam Syracusani vxorem stuprasset, cum hoc tam indignum facinus à parente suo nunquam vel vidisset, vel audiuisset etiam ab aliis: respondit filius, Verum est pater, hoc abs te nunquam audiui: sed id accidit, quòd nunquam patrem regem habuisti. Ad quem pater: Nec tu quidem mi fili, nisi hæc facere desinas, vnquam habebis filium regem. Quod mox contigit. Nam cum Dionysio seniori filius successisset, haud multo post ob indigna facinora Syracusis pulsus est. Fulgosus lib. 7. cap. 2.

Antonini imp.

Antoninus Romanorum imperator, cum pecuniam illam largam, quam partim à plebe, partim etiam à senatoribus minis atque vi extorserat, profudisset, obiurgatus à matre, quæ aliquam pecuniæ partem in alium usum conferre conabatur: Desine, inquit, sollicita esse de pecunia, & ostendens gladium nudatum: Quandiu hunc habebimus, nihil deerit nobis. Fretus enim sua potentia, nihil in toto imperio esse sibi ipsi persuadebat, quòd armata manu rapere non posset. Dion Nicaeus, & Xiphilinus in Antonino.

Eiusdem.

Idem quum propter nefaria quædam facinora se à senatu contemni animaduerneret: Certò, inquit, scio vos rebus à me gestis minimè contentos fore: propterea in armis sum, habeoque apud me milites, ut possim rumores, qui sparguntur de me, contemnere. Dion, & Xiphilinus.

De senectutis fiducia, vide titulum de Senectute.

De fiducia meritorum.

Socratis.

Quam iudices inter se discreparent, qua pœna dignus esset Socrates: Ego, inquit, ob ea quæ feci dignum me censeo, qui ex publico alar in Prytaneo. Nam hoc honoris haberi solet

folet, qui præclarè de Republica fuissent meriti. Cicero. lib. i. de Oratore.

Epaminonda.

Epaminondas quum Lacedæmone reuersus, cum suis com- militomibus capitis postularetur, eo quòd præter legem Bœti- cæ præfecturæ menses quatuor addidisset, iussit vt duces in ipsum reicerent crimē, tanquam vi compulsi. Ipse autem pro se dixit, non habere se sermones factis meliores. Sentiens, ipsas res gestas reo patrocinari debere. Quod si, inquit, omnino ali- quid dicendum est apud iudices, peto vt cum me occiderint, columnæ damnationis titulum ascribant, quo Græci videant, quòd Epaminondas Thebanos nolentes coegerit Laconicam, quæ per quingentos annos capi non poterat, ac Messenam in- coluerat annis 230. igni ferròque populari: tum Arcades inter se conciliare, resque illorum componere: denique Græcos li- bertati restituere. Hæc enim omnia sub ipso gesta erant. His au- ditis, discesserunt iudices, & calculos de illo ferre non potue- runt. Plut. in Græcor. apoph.

Scipionis.

Scipioni Senatus decreuerat, vt pecunias sumeret ex ærario. at quum quæstores ærarii negarent se eo die aperturos, Ipse (inquit Scipio) apèriam, quando mea causa clauditur, qui tan- ta pecuniarum vi repleuerim ærarium. Vacua non clauduntur. cò Scipio per iocum dicebat, sibi hoc laboris suscipiendum, vt aperiret; qui fuisset in causa vt tam diligenter clauderetur, vt quæstores diei spaciū quærerent ad recludendum. Exem- plum ingentis fiducia, meritis quæsitæ. Plutarch. in Romano. apophtheg.

Eiusdem.

Scipio Maior quum à Petilio & Quinto tribuno pleb. mul- tis nominibus accusaretur apud populum Romanum, nihil ad crimina respondit. tantum hoc dixit: Hac die Quirites Hanni- balem & Carthaginem deuici, proinde ascendo in Capitolium Ioui opt. maxi. sacrificaturus. Si quis de me suffragium ferre ve- lit, ferat. Hæc loquutus, ascendebat ad Capitolium, relictis ac- cusatoribus, nondum perorata causa. Tantum valet egregio- rum in rempublicam meritorum fiducia, vt repentè iudicii ri- gor versus sit in orationem, & reus pro supplice egerit trium- phantem. Plutar. in apoph. Roma. & Plin. iunior de Viris illu- stribus.

Fabij Max.

Miles quidam Lucanus delatus erat Fabio, quòd noctu frequenter è castris clam excederet, amore cuiusdam sceminae. Fabius quum audisset illum alioqui in rebus belli præclarum esse virum, iussit clam apprehensam mulierem, quam amabat miles, ad se perducì. quæ simul vt adducta est, iussit accersì virum, ad quem ita loquutus est: Haud clam nobis fuit, te præter legem militarem abnoctare à castris. at ne id quidem prius nos latuerat, te probum esse militem: proinde errata ante bene gestis condonamus. cæterum posthac eris nobiscum: nam habeo fideiussorem, & productam mulierculam illi commendauit. Plutar. in vita Fabii Maximi, & in Romanis quoque apoph. Plin. cap. 43. de Viris illustribus.

De filiis, siue liberis.

Agésilai.

Agésilai Lacedæmoniorum rex, cum miro esset affectu erga liberos suos, dicitur aliquando arundine pro equo conscensa, vna cum pueris lusisse domi. Verum cum id ex amicis illius quidam fortè vidisset, rogauit, ne cui hoc quod viderat diceret, priusquam ipse quoque liberorum parens factus esset. Festiue subindicans, eum lulum nequaquam leuitatis, sed amoris fuisse. Plutar. in Lacon. apoph.

Cræsi.

Quum Cambyfes se cum patre Cyro conferret, amicis illum patre præstantiorem affirmantibus: Cræsus respondit, illum nondum patri æquandum, qui nondum reliquisset filium. Sentiens, & hoc esse nõ infimum erga rempublicam meritum, si non solum ipse te præstiteris egregium virum, sed aliquem tui similem gignas, educésque patriæ. Eras. lib. 6. apoph.

Cæsaris.

Cæsar quum Romæ videret peregrinos quosdam locupletes, canum ac simiarum catulos in gremio circumferentes, eosque habere in deliciis, percontatus est, Num apud illos sceminae parerent liberos. sentiens, nullos catulos esse iucundiores infantibus. Refert Plut. in vita Periclis, tamen si non indicat, cuius Cæsaris hoc dictum sit: suspicor esse Augusti.

Antonini Pij.

Antoninus Pius biduo priusquam moreretur, admissis amicis, aperuit sententiam suam de filio, eandem quam Philippus de Ale

de Alexandro, dicens: Se æquo animo mori, quum filium relinqueret. Capitolinus.

M. Antonij fil.

Marcus Antonius filium habebat ex Fulvia: is puer Philotæ dederat ingentem vasorum vim, quæ quum ille recusaret accipere, metuens, ne pater tantam filii liberalitatem non probaret: Quid times, inquit puer, acciperet? An nescis, cum qui dat, Antonij esse filium? Plut. in Anto.

De filiorum pietate in parentes.

Thaletis.

THales Milesius filios subinde admonebat, ut parentibus bene facerent, his verbis: Quale præmium rependeris parentibus tuis, tale à liberis tuis expectato. Laer. lib. 1. cap. 1.

Pittaci.

Pittacus filium admonens, ne cum patre in iudicio litigaret, his verbis usus est: Si patre iniquiora dixeris, damnaberis: sin æquiora, vel ob istud damnari dignus es. Stob. ser. 177.

Telecri.

Telecrus ipsi nuncianti, patrē de eo malē loqui: Nisi, inquit, illi dicendum esset, haudquaquam diceret. Maluit in se transferre culpam, quā committere ut pater quicquam temerē loqui videretur. Habes & pietatis simul & modestiæ exemplum. Plutar. in Laconicis.

Eiusdem.

Idem percontanti, quare mos esset apud Spartanos, ut iuvenes assurgant senioribus: Ut, inquit, assueti honorem habere nulla propinquitate iunctis, magis honorent parentes. Optima ratio consuefaciendi ad debitum officium, si ultra quā debetur doceamus præstandum. Veluti si quis assuescat cum vxore verecundē castēq; conuiuere, multo minus improbus erit apud alienas. Plut. in Lacon.

Agidis.

Agidem vltimum regem Laconum huius nominis, cum rogassent parentes, ut sibi in re quapiam iniusta adesset, reculauit illis aliquandiu. verū cum instarent, hunc in modum respondit: Donec essem apud vos, nullam omnino tenebam iustitiæ scientiam. Verū ubi me patriæ tradidistis, patriæque legibus, conabor huic magis obtemperare quā vobis. Plutar. in Lacon. apoph.

Cleom

Cleombroti.

Cleombrotus Pausaniae filius, cum hospes quidam controuersiam haberet cum patre de virtute: Tantisper, inquit, pater est te praestantior, quoad tu quoque genueris. Ciuilitate deterruit hominem à contentione, quod pater vel hoc nomine superior esset quod filium dedisset patriae, cum ille nondum pater esset. Plutarch. in Laconicis.

Scytharum.

Dario totius regni viribus subinde impetum faciente, Scythae paulatim cedentes, ad ultimas solitudines peruenerant. Interrogati tandem ab eo, quem fugiendi finem essent facturi? responderunt, se nec agros, nec villas, nec vrbes, pro quibus dimicarent, habere: ceterum quum ad parentum suorum monumenta peruentum esset, tum denique sciturum Dariam, quomodo Scythae soleant praefigiari. Erasmus 6. apoph.

Alexandri.

Alexander rex cum sibi multa de matre scripsisset Antipater: Ignoras, inquit, Antipater matris unicam lachrymam multarum calumniarum epistolas deleturam esse? Max. ser. 14.

Demetrii Phalerei.

Demetrius Phalereus admonebat adolescentes, ut in solitudine seipsos, in via obuios, & domi parentes diligenter reuertentur. Laert. lib. 5. cap. 5.

Epaminondas.

Epaminondas ex omnibus quae praecclare & honeste gessisset in vita illud sibi dicebat esse iucundissimum, quod utroque parente uiuo Leuctrica pugna vicisset Lacedaemonios. Vir pius non tam sibi gratulatus est eam obtigisse gloriam, quam hanc voluptatem ex se contigisse his, quibus vitam suam acceptam ferebat. Plutarch. in Graec. apoph.

Catonis.

Adolescens quidam patris uita defuncti inimicum mox in ius vocauit, ultusque est. quem Cato obuium comiter amplexus: Sic oportet, inquit, non agnis haedisue, sed è malorum lachrymis ac damnationibus parentum exequias celebrare. Eras. lib. 5. apoph.

Coriolani.

Quum Coriolanus merito iratus ingrato populo Romano, exitum urbi moliretur, nec a legatis, nec a sacerdotibus exorari posset: Veturia mater una cum vxore filii ac liberis in castra

stra venit. In cuius complexum quum accederet Coriolanus: Sine, inquit illa, prius sciam, vtrum ad hostem an ad filium venerim, & vtrum captiua an mater in castris tuis sim. Hęc aliaq; quum dixisset, matrem complexus: Expugnasti, inquit, & viciisti iram meam. Patria te, quamuis mihi merito inuisam, huius precibus dono. Liuius.

Anto. Geta.

Quum Antonini Geta: pater Seuerus destinasset omnes diuersarum partium occidere, inter suos dicere solitus est: Hostes vobis eripio. adeò consentiente Bassiano, vt liberos etiam illorum suaderet necari. Geta puer interrogauit, quantus esset occidendorum numerus? eum quum pater edidisset, rogauit, num isti haberent parentes ac propinquos? quū responsum esset, Habere, & quidem multos: Plures ergo, inquit, in ciuitate tristes futuri sunt, quàm læti, quòd vicimus. Valuisset cordatum pueri dictum, nisi quorundam crudelitas obstitisset. Aelius Spartianus.

De filiorum impietate in parentes.

Coloni.

Solon interrogatus, cur nullas leges aduersus eos qui parentes verberassent, constituisset: Quòd nullos, inquit, tales exituros existimabam. Ant. in Melissa, parte 2. serm. 11. Maxim. sermone 23.

Diogenis.

Diogenes Cyn. ad eum qui patrem despiciebat: Non te pudet, inquit, eum contemnere, cui debes hoc ipsum quòd tibi places? Dicti gratia sita est in allusione contrariorum. Pugnant inter sese, despectui esse, & sibi placere. Laer. lib. 6.

Platonis.

Plato cum vidisset quendam erga patrem suum fastuosius agere: Non desines, inquit, adolescens illum contemnere, cuius gratia altum sapere vis? Stob. ser. 77. & Max. ser. 33.

Alexandri.

Alexander rex, cum mater Olympias ei aliquid grauius imperaret: Acerbam, inquit, pro nouem mensium onere mercedem exigis. Antonius par. 2. Melissa, serm. 11. Max. ser. 23.

C. Gracchi.

C. Gracchus ad quendam Cornelie matri obtrectantem: Tu, inquit, Corneliam vituperare audes quæ Tiberium peperit

rit: Et adiecit: Qua fronte te Conelia comparas? an tu peperisti vt illa? Atqui nemo ciuis ignorat, diutius illam sine viro fuisse, quàm te virum. Is in quem hæc dicebantur, malè audiebat de mollitie. Eras. lib. 6. apoph.

Claudij Cæs.

Claudius Cæsar quum censor equites recognosceret, & in his reperisset iuuenem probis coopertum, sed quem pater probissimum affirmabat, sine ignominia dimisit. Id amicis mirantibus: Habet, inquit, censem suam. Authoritatem suam in parentem transtulit. Eras. lib. 6. apoph.

De filiorum abdicatione.

Aristippi.

Aristippus philosophus inculante quodam, quòd filium sic abiceret, negligeretque, quasi ex ipso natus non esset: An non, inquit, & pituitam & pediculos è nobis natos, velut inutiles, procul à nobis abiicimus? Sensit, eos non habēdos pro filiis, qui nihil haberent alioqui, quo se parētum affectui commendent, nisi quòd ab ipsis progeniti sint. Ita senex in comœdia: Tantisper tē volo meum dum id quod te dignum est, facis. Laert. lib. 2.

Lacæna.

Lacæna quædam, filium qui profectus in militiam, in acie loco fugerat, non tantum vt ignauum & inobedientem abdicauit, sed occidit penitus. De qua hoc extat apud Plutarchum in Lacænarum apoph. epigramma:

Germen iners, ab eas ad tartara, teq; perosus

Eurotas, ceruin nec det aquam timidi di.

Ignauus catulus, mala fers, hinc vade sub orcum:

I, Sparta indignus, quem nec ego peperì.

Damatia.

Damatia cum filium haberet, qui se in bello non sternuè gessisset, domum redeuntem non abdicauit tantum, sed occidit etiam: dicens, Nequaquam conuenire, vt ex fortissimis parentibus natus filius, ignauus superstes esset. Plut. in Lacænarum apoph.

Telectia.

Quum Chii exules venissent Spartam, quàm plurimi multis nominibus inculabant Pædaretum. Eos mater Teleutia ad se accersit. ex his vbi cognouisset, quæ filio obiicerent, videnturque filius in culpa esse, scripsit illi in hunc modum: Mater

Pæd

Pædareto , vt aut melius viueret , aut illic maneret : desperans se Spartæ esse incolumem . Virago mortem minata est filio , ni mores corrigeret suos . Plut . in apoph . Lacænarum .

Alexandri .

Alexander cum reprehenderetur ab vxore , quòd filium inutilem abdicasset , diceretque ex eo , esse , cum expuisset in terram : Et hoc , inquit , ex me est , at non vtile . Max . ser . 23 .

Augusti . Cæs .

Augustus Romanorum imp . Iulias filiam ac neptam relegarat : post etiam Agrippam , prius adoptatam , post ob sordidum ac ferox ingenium abdicatam . Ad omnem horum mentionem solebat exclamare versu Homérico :

αἰὲρ ὄφρα τοι ἄγαμέμνων μίναρ , ἄγονός' ἀποκρίσθαι . id est ,

O vtinam cælebs vixissem , orbisq ; perissem .

Nec aliter illos appellabat , quam tres vomicas , seu tria carcinomata sua . Suorum enim mortem leuius ferebat , quam decora . Quin & testamento cauit , ne si quid accidisset Iuliæ filiæ & nepti , sepulchro suo inferrentur . Eras . lib . 4 . apoph . ex Suetonii Tranquil . Augusto .

De fine vbique spectando .

Agésilai .

Agesilaus Lacedæmoniorum rex , audiens quendam Persarum regis adhuc iuuenis admirari foelicitatem , respondit : Nondum vitæ finis adest vir optime . Nam ne Priamus quidem , quum eius esset ætatis , erat infœlix , qui tamen miserè iam senex in Troiano incêdio extremum clausit diem . Plutarch . in apoph .

Epaminonda .

Epaminondas Thebanorum dux interrogatus , quæ arbitraretur ducem præstantissimū : seipsūmne , an Chabriam , an Iphicratē ? Id , inquit , iudicatu perdifficile est , donec viuimus . Alludit ad Solonis dictum , qui finem hominis vbique spectabat . Quam diu enim viuit homo , potest ad meliora proficere , & ad teriora degenerare . Plut . in Græc . apoph . Brufo . lib . 2 . cap . 33 .

Friderici Imp .

Fridericus Romanorum imperator , interrogatus aliquando quid homini optimum possit contingere ? respondit , Bonus in hac vita exitus . Sensit autem , iuxta Solonis elogium , neminem ante finem , beatum prædicandum . Quandiu enim homo

viuit

viuit, potest ad meliora proficere, & ad deteriora degenerare
Aeneas Syluius lib.4. commentariorum in Alphonfi res gestas.
Solon.

Infra ~~tit.~~ proximo de Fœlicitate.

De fœlicitate.

Thaletis.

THales Milesius percontanti quis esset felix? Qui corpore, inquit, sanus est, animo eruditus, siue castigatus. Cupiditates enim animorum morbi sunt. Laertius lib.1.cap.1. Brufon. lib.2.cap.36.

Anaxagora.

Anaxagoras philosophus ab homine quodam malefano interrogatus, quinam fœlices essent? respondit, Nemo sanè ex iis quos tu fœlices existimas, sed is quem tu miserum credis. Brufonius lib.2.cap.36. Valerius Max. lib.7.cap.2.

Diogenis.

Diogenes vnicam fœlicitatem esse existimabat, qua fieret vt reuera lætemur, nec vnquam tristemur, quocunque in loco aut tempore. Stobæus serm.101.

Eiusdem.

Idem, veram fœlicitatem esse dicebat, quæ faceret vt mens & anima in perpetua tranquillitate hilaritateque collocentur. Stobæus serm.101.

Democriti.

Democritus eum fœlicem esse dicebat, qui cum exiguis pecuniis hilaris esset. Infœlicem autem, qui inter magnas opes tristaretur. Stobæus serm.101.

Socratis.

Socrates interrogatus quid esset fœlicitas? Voluptas, dixit, quam pœnitudo nulla sequitur. Stob. serm.101.

Eiusdem.

Idem, interrogatus quinam essent fœlices? respondit: Illi qui mentem bonam & rationem possident. Stob. serm.101.

Platonis.

Plato Atheniensis rogatus à Cyrenensibus vt ipsis leges scriberet, ac Reipublicæ statum componeret, recusauit dicens: Perdifficile esse condere leges tam fœlicibus, indicās, eos nō facile

cile parère salubribus monitis , qui successu rerum elati , sibi
fœlices viderentur. Laert. lib. 3.

Antisthenis.

Antisthenes rogatus quid esset mortalibus beatissimum?
Felicem, inquit, mori. Hæc sententia consentit cum illa Solon-
is: Qui fœliciter absoluit vitam, huic nihil sinistri potest ac-
cidere, quod fœlicitatem aegritudine aliqua contamine-
t. At quibus res sunt secundæ, ii nihil magis optant quàm diutur-
nam vitam. Laert. lib. 6. cap. 1. Bruso. lib. 2. cap. 36.

Solonis.

Crœsus Lydia rex omnium ditissimus, accitum ad se Solo-
nem, in cōgressu rogauit, An quis esset se fœlicior? Cui Solon,
Telum ciuem suum fœlicio-rem, qui filios habuerit probatissi-
mos, & pro patria fortiter occubisset, dixit. Crœsus autem,
putans Solonem omnium vrbauitatum expertem, iterum con-
tendit: Num post Telum, alium beatiorem nosset? Cleoben di-
xit, & Bitonem, Argiuos, qui mirifico inter se amore, tum sum-
ma in matrem obseruantia se fœliciores esse ostenderent. At
Crœsus iratus, interrogauit etiamnum, an in beatorum nume-
rum non meritò reponeretur? Solon respondit: Nondum te fœ-
licem prædicamus, adhuc enim es in fortunæ & affectuum po-
testate. Quam primùm autem mortuus fueris, tum demum
videbimus quàm fœlix fueris. Bruso. lib. 2. cap. 36.

Demetrii.

Demetrius dicere solebat, nihil sibi videri infœlicius eo, cui
nihil in vita accidisset aduersi. Quòd oporteat talē hominem
aut sibi ignotum esse, aut qui nunquam sui periculum fecerit,
aut Diis inuisum: vt quem præterierint, velut ignauum, nec
idoneum ad fortunæ conflictum. Recitatur ab Erasmo libro
8. apoph.

Antigoni.

Antigonus videns militem quendam, alioqui strenuum, &
ad pericula promptum, parum bene affecto corpore, rogauit
quid palleret: illo confessio morbum occultum, iussit medicis;
vt si qui fieri posset, adhiberent remedia. At miles iam morbo
liber, cœpit detrectare pugnam, minùsque promptè semet ob-
iicere periculis. Rex admiratus, interrogauit illum, quoniam
esset mutati animi causa? Tum miles: Tu ipse, inquit, in causa
fuiſti. quum afflicte viuerem, non magnopere metuebam talē
vitæ: nunc quum tua opera mihi vita facta est charior, magis

A

canco ne pereat. Eras. lib. 4. apophtheg.

Sylla.

Sylla cognomento Fœlix, inter fœlicitates suas, duas præcipuas ducebat: alteram, q̃ Pium Metellum haberet amicum: alteram, quòd urbem Athenarum non subuertisset. Plutarchus in Ro. apoph.

Vide titulos, de Beatitudine vera, & Fortuna.

De forma & pulchritudine corporis.

Bionii.

Bion Boristhenites formam dicebat esse bonum alienum. Sentiens, extra hominem esse, quod ipse sibi nec dare potest, nec tueri datum. Animi bona verè nostrà sunt. Laertius libro 4. cap. 7.

Zanonii.

Zeno Citricus formam aiebat esse vocis florem: aut contrà, quemadmodum ab aliis refertur, Vocem esse formæ florem. Nam loquentis orationem commendat forma, & rursus oratio composita gratiam addit formæ. Laert. lib. 7. cap. 1.

Eiusdem.

Zeno philosophus dicenti formoso cuidam, non videri sibi amaturum sapientem: Nihil, ait, vobis formosis est infœlicius. Bruso. lib. 2. cap. 44.

Socratis.

Socrates, qui Delphico oraculo omnium sapientissimus iudicatus est, vocabat formam modici temporis tyrannidem. Bruso. lib. 2. cap. 44.

Platonii.

Plato cum exprimere tentaret, quidnam forma hominis esset: Naturæ privilegium, vocauit. Bruso. lib. 2. cap. 44.

Diogenii.

Diogenes cum vidisset formosum adolescentem formæ causa amari, dixit: Quin operam das adolescens, ut corporis amatores ad animum transferant? Antonius in Melissa, ser. 60. parte 1. Hoc autem Stobæus ad Sopum refert.

Eiusdem.

Idem conspecto adolescente qui se ornat, dixit: Si viris quidem te ornas, infœlix es: sin mulieribus iniustus. Antonius in Melissa, parte 1. ser. 60.

Eiusd.

Eiusdem.

Diogenes speciosa scorta reginas appellabat. multos enim facere, quæ præceperint. Stobæus ser. 63.

Aristotelis.

Aristoteles cum adolescentem se ornare vidisset, dixit: Non erubescis, quod cum natura te virum fecerit, tu teipsum effeminaris? Antonius in Melissa, parte 1. ser. 69.

Eiusdem.

Idem cum iuuenis quidam facie formosus, sed moribus petulans, inter alia conuicia ei diceret: Si tam exosus essem ciuibus, ut tu es, laqueo vitam finire, respondit: Ego verò laqueum mihi inferrem, si ita me ciues amarent ut te. Notauit autem adolescentis petulantiam Aristoteles, cui ostendebat, quam turpiter ob tam insignem corporis formam à ciuibus adamaretur. Antonius in Melissa, parte 1. ser. 60.

Eiusdem.

Idem percontanti quis fieret, ut cum formosis diutius ac lubentius confabulemur? respondit, eam percontationem esse cæci. Cæcus enim non sentit formæ illecebræ, nihilo magis quam colorum gratiam. Laert. lib. 5. cap. 1.

Eiusdem.

Idem pulchritudinē dicebat quauis epistola efficaciorē, ad commendationem. Sunt qui hoc ascribant Diogeni. Aristotelem verò, formam solitum appellare donum, quia gratis contigit à natura. Eandem Socrates appellauit exigui temporis tyrannidem, quod formæ gratia mox deflorescat: Plato naturæ prærogatiuam, quod paucis contingat: Theophrastus silentem fraudem, quod absque verbis persuadeat: Theocritus eburneum detrimentum, quod grata quidem sit aspectui, sed multorum incommodorum causa: Carneades *ἀνευ φίλων βασιλείαν*, id est, regnum absque satellitio, quod formosi impetrent quicquid volunt, nulla adhibita vi. Refert Laert. lib. 5. cap. 1. Stob. ser. 63. Bruso. lib. 2. cap. 44.

Isocratis.

Isocrates eos qui pulchrum habent corpus, animam autem malam, dicebat, optimam habere nauim, gubernatorem autem malum. Antonius in Melissa, parte 1. ser. 60.

Agésilai.

Agésilai, cū interrogasset quidā, cur aleret comam? Quoniam inter ornamenta, respondit, minimo constat. Stob. ser. 63.

Melanthi.

Melanthus in Archippum Atheniensium ducem, contractis & incurvis humeris, iecit scomma, dicens eum ἰ περὶ τὰ ἄνδρα τῆς πόλεως, ἢ ἀλλὰ κινυφύει. locus Latinis verbis reddi non potest. Quanquam legendum arbitror προκινυφύει, id est, non antesteterisse, sed antecubuisse. Stat enim, qui erecto est corpore. προκινύει, qui se ante alium incuruat. Eras. 6. apoph.

Carneadi.

Carnades percontatus, quid forma hominis esset? Regnum solitarium, respondit. Bruso. lib. 2. cap. 44.

Theophrasti.

Theophrastus pulchritudine nihil aliud esse dicebat, quam tacitam deceptionem. Bruso. lib. 2. cap. 44.

Demosthenis.

Aeschines & Philocrates, ex decem illis legatis haud postremi nominis, qui ab Atheniensibus ad Philippum Macedoniæ regem missi sunt, cum formam Philippi regis plurimum laudassent, domum redeunt, ita irrisit Demosthenes: Quod in Philippo admodum formam laudatis, id habet cum aliis mulieribus commune. Sensit vir prudentissimus, regis boni virtutes nequaquam in forma corporis positas esse, sed in animo bene disposito. Plut.

Aesopi.

Aesopus ei qui corporis forma malè utebatur: O quali veste (inquit) es indutus, malè eam exuis. Maxi. ser. 44.

Eiusdem.

Ob deformitatem culpatus, Ne mihi formam, sed mentem probe aspice, dixit. Antonius in Melissa, parte 1. ser. 60. Maximus ser. 44. Stobæus.

Eiusdem.

Idem quum per conuicium, facie deformi esse, ac turpi notaretur, ad eum à quo contemnebatur: Iniquus plinè censor es, inquit, qui de forma mea pronüciaturus, vultum damnas, animi autem speciem non intueris. Stobæus.

Antisthenis.

Quidam adolescens curarat sese ex ære sculpendum, & ad eam imaginem sese conformabat. Huic Antisthenes: Si æs posset vocem edere, qua de re potissimum gloriaretur? De pulchritudine, inquit, adolescens. Nō, inquit, igitur erubescis, qui cum inanimo gloriaris? Voluit autem significare, de forma non gloriandum.

riandum esse, quæ facile casibus diuersis ac morbis omnem gratiam amittit. Laertius lib. 6. cap. 1.

Theocriti.

Theocritus cum diu multumque cogitasset, quo pacto ostendere hominibus posset, quidnam pulchritudo, corporisque venustas esset: Demum eburneum detrimentum esse pronunciauit. Bruso. lib. 2. cap. 44.

Philopœmenis.

Philopœmenes, Achæorum dux omnium potentissimus; cum inuitatus ab amico, hora prandii aduenisset, & ob deformitatem oris, vestitusque vilitatem, seruus à matre familiâs iudicatus interrogaretur, num herus ad prandium ferè iam paratum properaret: arrepta securi, ligna ad prandium citius parandum findere cœpit. Verum inuentus mox ab hospite, cum obiurgaretur; quod rex potentissimus findendis lignis in hospitis ædibus daret operam: respondit, Pro deformitate oris, qua seruus ab hospita iudicatus falso esset, totius corporis se pœnas luere. Pontanus.

Eiusdem.

Eundem in Philopœmenem cum iocaretur Titus Flaminus, deformitati corporis eius illudens, diceretque vultu quàm maximè iocoso & hilari: Quid hoc Philopœmen, cum pulchras manus, crura etiam perquam pulchra habeas, quod ventrem ipse non habeas? Ad ea Philopœmen: Quid ô Romanorum imperator eximie, cum egregios pedites, strenuos maximè equites habeas, quod pecuniam minimè habeas? Nam & Flaminus persæpe inopia rei pecuniariæ laborabat, quemadmodum Philopœmenes tenuitate ventris, ac mediæ corporis gracilitate. Pontanus.

Domitij.

Domitius nec quicquam gratius hominibus esse dicebat, forma & decore: nec quicquam etiam breuius. Bruso. lib. 2. cap. 44.

L. Crassi.

L. Crassus apud Perpennam iudicem defendebat Aculeonem, quem accusabat L. Aelius Lamia, homo deformis. Is quum interpellaret odiosè: Audiamus, inquit Crassus, pulchellum puerum. Huic dicto quum esset arrisum: Ingenium, inquit Aelius, ipse mihi fingere potui, formam non potui.

Tum Crassus: Audiamus igitur, inquit, disertum. Multo arri-
sum est vehementius. Cicero lib. 2. de Oratore.

M. Lelij.

In Galbam oratorem eloquentia clarum, sed gibbo de-
formem, ita ludit M. Lelius, ut diceret, ingenium Galbæ malè habi-
tare. Nam animi domicilium est corpus. Eras. lib. 6. apoph.

Ciceronis.

Cicero quum Voconium fortè obuium haberet cum filia-
bus tribus, insigniter deformibus, tacitè ad amicos dixit versu-
culum Græcum:

φείβομαι ἐν ὄντι & ἰσχυρὸν τέκνα. id est;

Phæbo haud sinente hic seminavit liberos.

Sentiens, illū inuito Apolline liberis operam dedisse: siue quòd
Apollo pulcher à poetis fingitur, siue quòd oriente sole foetus
existiment concipi foeliciores. Plut. in Rom. apoph.

Barth. Caprani.

Bartholomæus Capranus, Mediolanensis ecclesiæ antistes,
iccirco se ministros forma præstantes quasiuissè dicebat: quo-
niam turpes animi, turpia corpora incolerent. Improbiter
autem in egregia forma perrarè compertam esse. Aeneas Syl.
lib. 2. comment. de reb. gest. Alphonsi. Constat tamen, Aspa-
sio Rauennati, magistro epistolarum imperatoris Alexandri
Mammæ F. hoc etiam dièterium adscribi.

De fortitudine domestica.

Zenonis.

Zeno accusatus, quòd coniurasset in perniciem Nearchi ty-
ranni, quum in quæstionibus iuberetur edere nomina con-
iuratorum, nominauit plerosque illi amicissimos. De his quū
tyrannus sumpsisset supplicium, rogarètque, nunquis superes-
set etiam? Tu solus, inquit, Reipub. perniciēs. Tandem & linguā
dentibus amputatam in os tyranni, quod ob iracundiam hia-
bat, expuit. Laert. lib. 9. cap. 5.

Bionis.

Bion Borysthenites frequenter dicere solebat: Senum esse, va-
lere prudentiā: iuuenum verò, fortitudinem. Laert. lib. 4. cap. 7.

Biantis.

Cræsus rex cum contemptim atque minaciter Biantem al-
locutus esset, hominem in aduersis rebus infractum, iussit eum
cepas edere. Aetum ciuilitè indicans, quandoquidem harum
cūs

ēsus ciet lachrymas. Adedō sapientes arbitrabantur nihil esse æquē regium, ac virtutem, cuius instituta per totam vitam fortiter atque infracto animo sequuntur, nec imperatis aliorum terrentur. Philo Iudæus lib. Quod omnis probus liber.

Eiusdem.

Conseruis demisso vultu mœrentibus, eo quod iam à latronibus capti essent, animaduertens quendam ex aspectu plus satis effœminatum esse, accedens inquit: Tu me emito, viro enim opus habere videris. Sic ille pudefactus cauillo, quod non esse vanum erat sibi conscius, in turbam se abdedit: cæteris audacē coniectorem, sed veridicum stupentibus. Philo Iudæus lib. Quod omnis probus liber.

Laconum.

Apud Lacones erat orationis genus simplex & affectatū, nihil habens molle ac delicatum: nec in aliis versabatur argumentis, quā vel in laudibus eorum qui fortiter ac generosē vitam exegissent, quique pro Sparta occubuisse, & ob id ab omnibus vt beati celebrabatur: vel in vituperandis his qui metu periculorum nihil egregii gessissent, & qui ob ignauiam à morte cruciabilem infelicēque vitam viuerent, vel in pollicitatione, per gloriæ studium accendente animos ad virtutem, ad cuiusque ætatem accommodatæ. Itaque tres erant apud illos chori, iuxta triplex ætatum discrimen: quibus in festis simul constitutis, senum chorus incipiens canebat:

Nos fuimus olim strenui iuuentuli.

Secundus, in quo erant viri robustæ ætatis, ita respondebat:

At nos sumus: si vnus factio periculum.

Porro tertius, qui erat puerorum, ita canebat:

Præstantiores nos futuri olim sumus.

Plutar. in Lacon. apoph.

Anonymi.

Lacon quidam noctu præteriens monumentum, quum videret spectrum, accurrit lægea traiecturus, & in hoc nitēs: Quomē fugis, inquit, anima bis moritura? O mentem verē liberam omni formidine, quæ nec laruarum ac lemurum occurſu terri potuerit. Plutar. in Lacon.

Cleomenis.

Cleomenes cum sophistam quendam de fortitudine differentiā non admodum attentis auribus audiret, & ob id à quodam reprehenderetur: Ineptum est, inquit, quenquam de forti-

tudine magnificis ut verbis, qui ipse nil fortiter gessit unquam. Plut. in Lacon.

Pædareti.

Pædaretus cum in trecentorum virorum ordinem non esset ascriptus, qui honos apud Spartanos primam dignitatem obtinebat, hilaris decessit, ac ridens ait: Gratulor huic Reipub. quæ trecentos habet ciues me meliores. Tantum aberat, ut vir prudentissimus ob repulsam maceraretur, ut etiam gratularetur ob publicum ciuitatis bonum. Plut. in Laco.

Agésilai.

Agésilas rex fortitudinis in rebus aduersis insigne dedit specimen. Conon & Pharnabazus per classem regiam mari potiti, obsidebant maritimas Lacedæmoniorum regiones, quum interim Atheniensium ciuitas mœnibus esset cincta. Itaque Lacedæmonii Pharnabazo donante pecuniam, pacem ineunt cum rege: mittuntque ciuem Antalcidam ad Teribazum, Græcos Asiaticos, pro quibus bellum gesserat Agésilas, tradentes regi. unde pessum euevit, ut huius ignominie portio recideret in Agésilam. Antalcidas enim inimicus erat Agésilao. eo pacem quacunque occasione confecit, inuidens illius gloriæ, quem videbat bello crescere, reddique maximum, ac maxime celebré. Nec tamen hæc infelicitas deiecit illius animum. qui etiam cuidam dicenti, quod Lacedæmoni Medifflarent, ita respondit: Imò Medi potius Laconissant. significans, indolem suæ gentis corumpi fortuna non posse. Plutar. in Lacon. apoph.

Eiusdem.

Agésilas quodam tempore rogatus, utra virtus esset præstantior, fortitudo an iustitia: grauitè respondit: Fortitudinis nullum esse vsum, nisi adiit iustitia. Quod si omnes essent iusti, nihil opus foret fortitudine. En animi summo dignum duce, qui nihil præter æquum iudicari facendum: rectèque perspexerit, plurimum interesse inter audaciam & fortitudinē. Plut. in apoph. Lacon.

Zeuxidami.

Suprà tit. de Disputationibus, aut quæstionibus friuolis, atque inutilibus.

Alexandri Mammææ.

Alexander Mammææ filius cum audiuiisset Artaxerxem Persarum regem magno militum exercitu Romanum inuasurum imperium: Fortes, inquit, viros atque moderatos decet optima quidem

quidem optare, sed ferre etiam quæcunque accidant contra animi votum. Fortitudinis quippe est, rebus prosperis non extolli, infaustis nequaquam deici animo. Herodianus lib. 6.

Anaxarchi.

Alexandro mortuo, quum Anaxarchus tempestate esset delatus in Cyprum, Nicocreon memor cōtumeliæ, philosophum arreptum in mortarium coniecit, ac ferreis pistillis contundi iussit. Hic illam vulgò celebratam vocem emisit: *πύπτε τὸν ἀναξάρχην δὴ λανομανάξαν δ' ἐπ' αὐτῷ*. id est, Tunde Anaxarchi manticam, nam Anaxarchum non percutis. Sentiens, corpus non esse partem hominis, sed animi domicilium tantum. Animus autem non potest tundi. Laert. lib. 9. cap. 10.

Demetrii.

Demetrius graui calamitate affectus, dixit, referente Seneca: Hoc vnum di immortales queri possum, quòd non antehac mihi voluntatem vestram notam fecistis. Prior enim ad ista venissem, ad quæ nunc vocatus assum. Maluissem offerre, quàm tradere. Eras.

Pauli Aemylj.

Cn. Cornelius Lentulus in clade Cannensi tribunus militum, quum equum Paulo Aemyljo in saxo sedenti, cruorèque oppleto afferret: Tu quidem, ait Paulus, maeste virtute Corneli esto: sed caue, ne frustra miserando, exiguum tempus è manibus hostium euadendi absumas. Bruf. lib. 2. cap. 2.

Catonis iunioris.

Cato iunior, quum puer in domum Syllæ aliquando venisset, vidissetque multa clarorum virorum capita ad Syllam deferri: Sarpedonem pædagogum rogauit, cur Syllam nemo occideret: Respondente, Quia plus timent Syllam homines, quàm oderint. Quam igitur ob rem, inquit Cato, mihi gladium non dabis, vt patriam sæuo huius dominatu liberarem? Brufonius lib. 2. cap. 1.

Catonis senioris.

Cato senior quibusdam efferentibus hominem inconsultè audacem, & in rebus bellicis strenuum, ait plurimum referre, vtrum quis virtutem magno aestimet, an vitam non magni faciat. Sentiens, non eos statim esse fortes, qui quouis modo vitam contemnunt: sed qui tanti faciunt virtutem, vt huius gratia vitam alioqui charam negligant. Nam semet in vitæ discrimen conicere, aut infeliciū est, & quos vitæ iam tædet: aut

immanium, & belluis similitum. Eras. lib. 5. apoph.

M. Crassi.

Quum Pub. Crassi filius fortissimè in bello & pugnasset, & cecidisset, hostes caput iuuenis hastâ impositum gestâtes, proximè ad Romanos accedebant, insultantes, rogantèsque quò genere iuuenis ille fuisset ortus. neque enim fieri posse, ut ex patre tam ignauo & imbelli, talis filius nasci posset. Hoc tam tristi spectaculo nihil commotus Crassius, per omnes ordines concionatus est, clamâs: Meus hic priuatus dolor est Romani, mea hæc calamitas, meus hic peculiaris luctus: cæterum publica ciuitatis salus & gloria in vestra incolumitate, vestraq; virtute sita est. Plutar. in M. Crasso.

Scipionis.

Scipio Pompeii socer, quum nauem suam teneri ab hostibus vidisset, ferro se transuerberauit. & quærentibus ubi imperator, esset? Imperator, inquit, bene se habet. Bruf. lib. 2. cap. 1.

P. Trajæ.

P. Trajæas Partus cum post multa crudelia Neronis facinora, atque Agrippinæ mortem, in senatu Romano de Neronis rebus ageretur, cui mirum in modum assentabatur, dicere solebat: Si me tantum Nero interfector esset, magnam habere adulatoribus eius gratiam: sed si eos à quibus maximè laudabatur, sustulit, sublaturusque est, cur oportet frustra turpiter & seruiliter mori, cum unus naturæ explere liceat, retenta libertate? De me enim, inquit, aliquis sermo habebitur in posterum: de iis nullus, nisi tantummodo eos interfector fuisse. Xiphilinus in Nerone.

Eiusdem.

Idem dicere solebat, Nero pro innata sua crudelitate occidere me potest, lædere autem non potest. Innuens, corpus quidem hominum crudelitati expositum esse, animum autem æquum. Xiphilinus in Nerone.

Fauisti Quintilli.

Faustus Quintillus, vir consularis, qui Soueri Romani imperatoris temporibus vixit, cum à Iuliano peteretur, ut virgines Vestales cæterique sacerdotes cum sacris imperatorem talutarent, cum exercitu iam vementem, dixisse fertur: Nequaquam opus esse, cum planè indignum sit eum imperare, qui armis aduersario non possit resistere. Aelius Spartianus, & Cuspius, in Consulibus.

Pertinacis

Pertinacis Imp.

Suprà tit. de conscientia bona & infrà tit. de Morte contemnenda,

Philonis.

Philo cum aliis Iudæis ex aula C. Caligulae eiectus, eo quòd Casari diuinos tribuere honores recusasset, ad suos conuersus dixisse fertur: Bono animo estote viri, non deerit nobis auxilium: vbi autem humanum cessat, diuino non destituemur. Euseb. lib. 2. Eccles. histor. cap. 5.

Athanasii.

Athanasius episcopus, cum sibi indiceretur à Iuliano imperatore exilium, mœrentibus cunctis qui discessum eius grauiter ferebant, inque ipsum oculis coniectis: Bono estote animo filioli, inquit, nubecula est, quæ breui euanesceat. Niceph. Call. li. 10. Ecc. hist. cap. 19.

D. Ambrosii.

Ambrosius Mediolanensis episcopus sanctissimus, cum aduersus Arianos & Iustinam Augustam in templo multa disputasset, atque orthodoxam fidem contra aliorum blasphemias fortiter defendisset, posteaquem à Valentiniano iuniore iuberetur templum exire, respondit: Lubens id quidem non fecero, neque enim lupis ouium caulam prodam, neque blasphemias templum diuinum concedam. Quod si necare me vis, in ipsa ecclesia in me ensem aut cuspidem stringe, perlibenter enim eandem eam tulero. Theodor. libr. 5. cap. 13. & Niceph. scholastes lib. 12. cap. 19. Eccles. hist.

Achimenidis.

Achimenides, qui & Hormisdas appellatus est, cum in Persia Christianam religionem in maxima piorum persecutione profiteretur, vocatus à Varane rege, & obiurgatus ob fidei confessionem, quam in homine extinguere minus conabatur: respondit, Impia atque difficilia à me petis rex, qui vniuersitatis Deum nequaquam abiuro, vt tuæ maiestatis siam amicus. Maius enim est crimen, diuinam, quam regiã lædere maiestatem. Nicephorus lib. 14. cap. 20. Ecc. hist.

Eiusdem.

Idem cum vestimentis quibusdam donatus à Varane esset, qui eum beneficiis vincere conabatur, excandescens, tunicã conscissam abiecit, & voce magna exclamauit: Si huius, inquit, gratia me religionem longè optimam mutaturum putas, en munus

nus. tuum vnà cum impietate habe. Rex autem tam forti illū animo esse cernens, nudum regia exegit. Niceph. eodem loco.

Ad domesticam fortitudinem spectant ea quæ sunt sub titulis, de Patientia, Iniuria ferenda, Animi moderatione, Doloris patientia, Mortis contemptu, &c.

De fortitudine heroica & militari.

Antisthenis.

Antisthenes dicere solebat, hostibus à diis omnibus optanda esse bona, excepta fortitudine: quòd i'la omnia aliquando futura sint eorum qui fortitudine præcellerent, non eorum qui possiderent, quòd ob ignauiam ea tueri non possint. Sensit, frustra parari bona, si qui parauit, tueri nesciat. Laer. lib. 6.

Eiusdem.

Idem, si quam vidisset mulierem egregiè cultam, adibat e'des illius, iubebatque virum proferre arma & equum: quæ si placuissent, patiebatur mulierem indulgere deliciis, quòd esset qui defenderet: sin minus, suadebat vt eum ornatum deponeret, ne præda fieret aliis. Laert. lib. 6. cap. 1.

Bionis.

Bion Boristhenites percontanti quis esset maximè anxius? Qui in maximis, inquit, rebus cupit esse fortunatus. Is enim mille curis distorquetur, vt assequatur ardua: & assequutus, æquè torquetur ne amittat. Laertius lib. 4. cap. 7.

Synnidas.

Synnidas Lacon ante pugnam Leuſtricam quibusdam dicentibus, illum ipsum diem ostensurum fortem virum: Multifaciendum, vrbane inquit, diem esse, qui virum fortem saluum monstrare possit. Brusonius lib. 2. secundo, cap. 43.

Anonymi.

Lacon quidam adhuc impubes captus, clamabat, Pugnans quidem captus sum, seruire tamè nolo. Verùm cum paulo post iuberetur seruili fungi ministerio, elisum parieti caput rupit. Seneca epist. 11. Plu. autem, se è tecto præcipitem dedisse ait.

Anonymi.

Lacon ægroto corpore in aciem progrediebatur, cum autem quidam eum, quorsum ita affecto corpore proficisceretur, interrogarent, respondit: Ad moriendum pro Reipublicæ nostræ salute. Maximus ser. 4.

Anonymi.

Anonymi.

Alius claudus ad militiam proficiscens, quum ab aliis rideretur. Non opus est fuga, sed viribus inquit, quibus subsistant, locumq; in acie tueantur. Plut. in Laconicis. Maxi. ser. 4.

Laconum.

Quum quidam fortè obuii Laconibus dixissent, Fortunati estis o Lacones: nam modò hinc abiire latrones: Non nos, inquit, per Envalum (sic enim illi Martem vocant) sed illi potius fortunati sunt, qui in nos non inciderint. Adeò gens ea gerebat animos ad omnia impavidos, quæ vulgus hominum formidat. Plut. in Laconicis.

Anonymi.

Quum ex Atheniensium sociis quidam contumeliæ causa rogasset captivum Laconem, num qui in prælio occubuissent, fuissent strenui viri: Magni profecto, inquit Lacon, faciendum fufum (sagittam intelligens) si strenui ignauique discrimen nosset. Significans, illic ubi res sagittis aut saxis agitur, nullum esse fortis & ignavi discrimen: sed ubi cominus res geritur, ibi demum apparet, qui sint viri, qui non. Eras. 6. apoph.

Alius.

Lacon quidam oculorum morbo laborans, ad bellum proficisebatur, sed quibusdam dicentibus, quò abis sic affectus? aut quid factururus? Quamuis, inquit, nihil egero, hostis saltem gladium hebetabo? Brus. lib. 2. cap. 43.

Aristonis.

Cum Atheniensis quidam apud Aristonem recitaret funebre orationem, conscriptam in laudem eorum qui fuerant à Lacedæmoniis in bello cæsi: Quales igitur, inquit, nostros esse putas, qui istos vicerunt? Mos erat apud Athenienses, ut qui in prælio cecidissent, publicitus oratione laudarentur, quam illi vocant Epitaphium, in hac magno artificio amplificabantur & civitas Atheniensis & populus, postremò peculiariter hi qui fortiter in bello mortem oppetissent. At vir generosi animi, non invidit arte exaggeratis Atheniensium laudibus, sed eas in suæ gentis gloriam retorfit. Itaque recitator ille magis illustrabat virtutem Lacedæmoniorum, quàm Atheniensium: quandoquidem hoc consilio Homerus multis modis attollit virtutem Hectoris, ut Achillis victoriam reddat illustriorem. Plutarchus in Laconicis.

Laconis.

Laconis.

Miles quidam Lacedæmonius, quum prostrato hostis infideret tergo, occisurus, rogauit vt se verteret, & in pectus potius fringeret ensem. rogatus, Quid ita? Ne amasius, inquit, meus erubescat, si viderit auersis confossum vulneribus. Plut. in Laconicis. Brusl. lib. 2. cap. 43.

Androclida.

Androclidas Lacon ad eum qui rogabat, cur breuibus Spartiata pugionibus in bello vterentur? Quia cum hostibus, inquit, cominus dimicamus. Brusl. lib. 2. cap. 43.

Archileonida.

Archileonida Brasidæ mater, cum filium in prælio occubuisse audisset, nil prius interrogauit, quam an filius honestè occubisset? Thracibus illius virtutem collaudantibus, dicentibusq;, Non esse apud Lacedæmonios alium illi parem: Ignoratis, inquit, hospites, quales sint Lacedæmonii? Erat quidem vir bonus Brasidas, cæterum Sparta multos habet illo præstatiores. Vtrū in hac scæmina magis admirari conuenit? animine generositatem, quæ de filii morte quod obtigisset honesta, gloriandum etiam putaret, tantum abest vt muliebriter desseuerit: an modestiam, & in patriam affectum, quæ non passa sit ita filium prædicari, vt reliquorum Spartanorum gloriæ decederet aliquid. Plut. in Lacon. apoph.

Dienecis.

Dieneces nobilis Spartanus, quum in eo bello quod à Leōnida contra Persarum impetum gestum est, à quodam Trachinio audiuisset, hostes præ multitudine sagittarum solem obducere posse: Bene, inquit, habebit, id enim si fiet, sub vmbra egregiè pugnabimus. Brusl. lib. 2. cap. 43.

Pædareti.

Pædaretus cuidam dicenti, magnum esse numerum hostiū: Tanto, inquit, plus gloriæ referemus, quoniam plures interficiemus. Quod alter adferebat ad persuadendam ignauiam, ille vertit in calcar fortius agendi. Eodem telo repelli possunt, quicumque difficultatis caulatione dehortantur ab honesto, Plutarchus in Laconicis.

Lacana.

Lacana filium claudum in aciem proficiscentem deducens: Fili, inquit, singulo quoque gradu fac virtutis memineris. Aliis claudicationis vitium solet fornicinam incutere: at hæc monuit,

auit, vt ex ipſo vitio ſumeret animum ad rem fortiter geren-
dam: ita cogitans, nihil eſt in fuga præſidii claudo: aut vincendū
eſt, aut moriendum. Plut. in apoph. Lacænarum.

Alterius.

Lacæna clypeum imponēs filio, ſic illum adhortata eſt: Fili,
aut hunc, aut ſuper hunc. Laconica breuitate ſentiens, ſic rem ge-
rendam in bello, vt aut victor clypeum referret, aut mortuus
in eo domum reportaretur. Plutar. in apoph. Lacænarum.

Alterius.

Alia rurfus filio ad bellum proficiſcenti, clypeum imponēs,
Hunc, inquit, tibi pater ſemper ſeruauit, proinde tu fac ſerues
eundem, aut ne ſis. Ibidem.

Item.

Alia filio dicēti, quòd breuem haberet gladium: Tu, inquit,
adde gradum, ſignificans, nihil obſuturam gladii breuitatem, ſi
propius ad hoſtem accederet. Ibidem.

Lacæna.

Lacedæmonius quidam ſic in bello vulneratus, vt ingredi
non poſſet, ſed quadrupedum more ambularet, quum ob id de-
riſus erubeſceret, à matre reprehensus eſt his verbis: Quanto
præſtabat fili de fortitudine gaudere, quàm de ſtulto riſu pude-
ſcere? Simile narrat Cicero de matre Sp. Claudii. Plut. in apop.
Lacænarum.

Anonymi.

Lacon quidam in clypeo pro inſigni gerens muſcam, eamq;
non maiore vera: quibuidam irridentibus, dicentibusque quòd
id ſtudio feciſſet quòd latèret: Imò, inquit, vt ſim conſpicuus.
Tam enim propè accedo ad hoſtes, vt ab ipſis inſigne cuiuſino-
di ſit, videri poſſit. Saluſtiſimè conuiſcium ignauia: vertit in argu-
mentum fortitudinis. Plut. in Lacon.

Antiochi.

Suprà de Argutè dictis.

Leonida.

Leonidas contra Perſas pugnaturus, cū perecontaretur, quid
facere ſtatuiſſet: Nil aliud, ait, iacturus ſum, quàm reuera pro
Græcis moriturus pugnando. Plutarch. in Laconicis apoph.

Eiuſdem.

Idem vbi peruenerat Thermopylas, ſic commilitones affa-
tus eſt: Aſunt barbarum in propinquo eſſe, nos autem tempus
perimus. Nunc enim peruenimus ad barbaros, quos aut vinca-
mus

mus oportet, aut victi moriamur. Plut. in Laconicis.

Eiusdem.

Idem, quodam ita dicente, Præ iaculis barbarorum nec solem videre licebit: An non, inquit, lepidum fuerit, si cum illis sub umbra pugnaturi sumus? Quid hoc animo fortius? Ad mortem eunti, etiam iocari libuit: sed ludens interim, metum exemit suorum animis. Hoc apothegma refert M. Tull. Tusculanæ quaest. lib. 1. velut de ignoto: E quibus (inquit) vnus, quum Perseus hostis in colloquio dixisset glorians, Solem præ iaculorum multitudine & sagittarum umbra non videbitis: In umbra igitur, inquit, pugnabimus. Plutarch.

Eiusdem.

Idem, cum alius quidam militum de hostibus dixisset, Sunt prope vos: Et nos, inquit, prope illos, significans, ob id non minus imminere discriminis hosti, quam ipsis. Plut.

Eiusdem.

Idem cuidam dicenti, Si ne cum paucis aduersus multos belli fortunam experturus huc venisti? Leonidas: Si putatis, inquit, me multitudine fretum huc venisse, ne Græcia quidem omnis satis sit: siquidem ea ad barbarorum multitudinem collata, exigua portio est: sin virtute, & hic numerus suffecerit. In bello iudicauit plus habere momenti quales ducas milites, quam multos. Plutarch.

Eiusdem.

Alteri cuidam dicenti, quod cum paucis aduersus multos conflicturus iret: Imò multos, inquit, duco ut morituros. Hoc conuenit cum eo quod ante respondit Ephoris, Plutarch.

Eiusdem.

Rursus quum Xerxes scripsisset, Mitte arma: rescripsit, Veni & cape. Maluit armis mori, quam traditis armis turpiter de victoria cum hoste pacisci. Plut. in Lacon. & Brut. lib. 2. cap. 3.

Agidis.

Agis Archidami filius dixisse fertur, Lacedæmonios nō oportere percontari quot sint hostes, sed ubi sint. significans, non à militum numero pendere victoriam, sed à fortitudine. Plutarch. in Laconicis apoph.

Eiusdem.

Infra de Urbium munitionibus.

Eiusdem.

Idem cuidam sciscitanti, quot essent Lacedæmonii? Quot
latuit

fatis sunt, inquit, ad propulsandos malos. ostendens, magis referre quàm fortes viros habeat ciuitas, quàm quàm multos. Plut.

Eiusdem.

Idem fortiter & illud dixisse fertur, Lacedæmonios non oportere percontari quot sint hostes, sed vbi sint. significans, non à militum numero pendere victoriam, sed à fortitudine, rei que gerendæ celeritate. Statim enim congredi vult, qui quarit vbi sint hostes. Plut. in Lacon.

Eiusdem.

Cæterùm vbi iam adornaret cum hoste configere, belli duces admonuerunt, expectaret reliquos socios: Non adsunt, inquit, qui pugnaturi sunt? An nescitis, eos solos cum hostibus pugnare, qui reges verentur ac metuunt? Non putauit eos expectandos, qui ad præscriptum ab imperatore tempus non adessent: reliquos, etiam si adsint, non pugnare. Ibidem.

Eiusdem.

Milites sic adhortatus est: Ita prandete commilitones mei, tanquam apud inferos cœnaturi. Hæc vox ignauis ademisset animum, at viris fortibus addidit, admonens, ne cibo vinóque graues venirent ad prælium, aut certè pro patria fortiter occumberent. Plut. in Lacon.

Eiusdem.

Agis iunior, Demadi dicenti, quòd enses Laconici ob breuitatem à circulatoribus ac præstigiis imitantibus deuorarentur: Atqui his, inquit, ensibus Lacedæmonii assequuntur hostes longioribus armatos gladiis. declarans, non referre quo quid apparatu fiat, sed quantum efficiatur. Siquidem hoc speciosior victoris gloria, quo minus habet præsidii præter virtutem. Plut. in Lacon, apoph.

Cleomenis.

Percontanti cuidam, quam ob causam Spartiarum non dicarent diis spolia ab hostibus detracta: Quoniam, inquit Cleomenes, à timidis venerunt. Porro quæ parta sunt ab his qui ob timiditatem capti sunt, nec decet intueri iuuenes, nec diis consecrata reponi. Sensit, in bello aut vincendum, aut fortiter occumbendum: adeóque rem ignominiosam iudicabat metum mortis, vt alienæ quoque timiditatis monumenta putaret ab iuuenum oculis submouenda. Plut. in Lacon.

Eiusdem.

Cleomenes, quum quispiam daturum sibi polliceretur gal-

los qui pugnando interirent, vrbanè respondit: Non ego istis, sed is qui dum alios pugnando conficiunt, superstites ipsi mancant. Bruso. lib. 4. cap. 15.

Idem aliter.

Cum quispiam illi donaret gallos gallinaceos pugnaces, ac munus suum ornans verbis diceret, illos ob victoriam pugnando interire: Da igitur, inquit, mihi aliquot ex his qui hos occidunt, nam illi his sunt præstantiores. Vir militaris ad bellum torfit omnia. Quisquis laudat victum, illustrat victoris gloriam. Plut. in Lacon. Bruso. lib. 2. cap. 45.

Eiusdem.

Idem cum augur illum dehortaretur, ne exercitum educeret ad urbem Argiuorum, alioqui reditum illinc fore turpem: posteaquam admoisset ciuitati copias, ac portas videret clausas, & mulieres in mœnibus: Hic, inquit, reditus tibi turpis videtur, in quo viris mortuis vxores occlusere portas? Fortis animus, si cum æquo bonoque fuisset coniunctus, Plut. in Lacon.

Agésilai.

Agésilai rex, quum apud Mantineam pugnaretur fortissimè, admonuit Lacedæmonios, vt cæteris omisis omnibus in vnum Epaminondam intèderent vim prælii, dicens: Solos cogatos esse viros fortes, hosque solos esse autores victoriæ. Itaque si hunc, inquit, cœperimus, facillimè cæteros in potestatem nostram redigemus, vrpote vecordes, nulliusque precii. quod & euenit. Nam inclinante ad Epaminondam victoria, quum nonnullorum fuga fieret, adhortati illi suos, & à fuga reuocanti, Lacedæmonius quispiam letale vulnus infixit. Eo prostrato, qui erant cum Agésilao, à fuga reuersi, iam ancipiti Marte cum hoste depugnarunt: sic tamen, vt multo inferiores Thebani, multo præstantiores Lacedæmonii viderentur. Hac arte prudentia ducis consuluit incolumitati suorum, qui fuerant haud dubiè perituri: simul illud docuit, in bello plus habere momenti vnum verè prudentem & cordatum, quàm turbam imprudentium. Plut. in Laco. Apoph.

Eiusdem.

Cum Pharsali vrgerent, latrociniisque vexarent Agésilai exercitum, sexcentis equitibus vertit illos in fugam, moxq; trophæum statuit sub Narthaciis. Nec alia victoria magis lætatus est, quòd ipse per se constituto equitatu paucorum, nec aliis adhibitis copiis, eos superasset, qui de requestri præcipuè gloriaban

riabantur. Pulchrum est vincere lacescentes, præsertim his præfidiis, quibus hostes potissimum sese iactant. Plut.

Eiusdem.

Idem cum transmissis Hellesponto iter faceret per Thraciam, nulli quidem barbarorum supplex fuit, ut daretur transitus: sed missis ad singulos nunciis, rogabat, utrum per hostium an amicorum regionem iret. ac cæteri quidem illum amicè recipiebant venientem, ac discedentem deducebant. Cæterum qui Troædenses appellantur, à quibus, ut fertur, Xerxes datis muneribus transeundi copiam emerat, transitus mercedem postulabant ab Agefilao, centum argenti talenta, totidemque foeminas. At is irridens eos, rogauit, cur non protinus venissent, accepturi quod postulabant? Admouit exercitum, & congressus cum his qui se obiter collocarant in acie, omnes vertit in fugam, compluribus trucidatis. Itaque sibi ferro viam aperuit. Plut. in Lacon. apoph.

Eiusdem.

Cum hostes Agefilai exercitum fossa cingerent, id quod facile poterant ob multitudinem, ac Nectabius, cui suppetias ferebat, censeret erumpendum, & cum hoste conferendas manus, ne quod instituerant perficerent: ille negabat, impediendos hostes, qui pares hostibus esse studerent, non superiores. Si quidem fossa utriusque adimebat configendi copiam. Porro quum parum abesset quin fossa coiret, per hoc angustum interuallum instruxit quod erat reliquum militum: ac inter partes commissa pugna, vertit illos in fugam, hostiumque ingentem stragem edidit paucis militibus, quos secum habebat, atque ex præda magnam pecuniarum vim misit Spartam. Plutarchus in Laconicis.

Epaminonda.

Epaminondas, quum esset sibi nunciatum, exercitum ab Atheniensibus nouis ornatum armis in se missum: Quid igitur, inquit, Antigenidas genuit, quum Tellen. nouas tibias habeat? Hic enim malus, ille optimus erat tibicen. Bruson. lib. 7. cap. 2.

Eiusdem.

Epaminondas obiciendi, quod Agamennonis gloriam æmularetur. Falleris, inquit, nam ille totius Græciæ præfidiis usus, decem annis vix vnam cepit urbem: ego vnus huius urbis præfidiis, vno die profligatis Lacedæmonius, totam Græciam liberaui. Eras. lib. 5. apoph.

Eiusdem.

Idem quum sentiret vulnus esse letale, non prius ferrum eduxit, quàm audisset Theobanos vicisse: tum, Satis, inquit, vixi: inuictus enim morior. & educto ferro, protinus efflauit animam, Valerius Maxi.

Eiusdem.

Idem Valerius narrat, cum quæsisse, an ipsius clypeus esset saluus: vt audiuit saluum, rogasse, an hostes essent deuicti? Quum audisset, penes Thebanos esse victoriam, ita loquutum militibus: Non finis commilitones vitæ meæ, sed melius & alius initium aduenit. Nunc enim vester Epaminondas nascitur, quia sic moritur. Vale. Maxi.

Eiusdem.

Epaminondæ pugnaturi cum Lacedæmoniis cum sella succubisset, militesque rem malè ominarentur: Imò, inquit ille, federe prohibemur. animósque militum restituit. Brufonius lib. 2. cap. 43.

Androclida.

Androclidas quidam Lacon crure claudicans, coniecit sese in ordinem bellatorum. id prohibitori quum insurrexissent quidam, ob cruris vitium, ille: Imò, inquit, non fugientem, sed manentem oportet bellare cum hostibus. perquàm lepidè hoc ipso vitio, ob quod reiciebatur, se colligens vtiliorem prælio, quàm essent cæteri pedibus integris. Plutar. in Lacon. Brufon. lib. 2. cap. 43.

Antalcida.

Cuidam roganti Antalcidam, quamobrem Lacones in bello breuib. pugionibus vterentur: Quoniam, inquit, cominus cum hoste pugnamus. Lepidè torsit in argumentum fortitudinis, quo ille volebat eos videri minus vtilis bello. Plut. in Laco.

Archidami.

Archidamus vbi vidisset iaculum catapultæ mittendum, id temporis primùm ex Sicilia aduectum, exclamans inquit: Hercules periit viri virtus. Quoties enim instrumentis bellum geritur, quæ misso telo saxoꝝe procul feriunt, minimum interest inter fortem virum & ignauium: verùm vbi cominus res geritur, tum apparet qui viri sint, qui non. Plut. in Laco.

Eiusdem.

Idem percontanti quàm spaciosam regionem obtinerent Spartiatæ: Quantam, inquit, hasta possunt assequi. Allusum est autem

autem ad maiores agrorum, qui decempedis aruorum spacia metiuntur. Plut. in Lacon.

Eiusdem.

In bello quod gerebatur cum Philippo, quibusdam suadentibus ut procul à patria pugnaretur: Haud istud spectandum est, inquit Archidamus, sed bene pugnantes hostibus erimus superiores. significans, non perinde referre ubi configas cum hoste, ut, quam strenuè se gerat dux aut miles in bello. Plutarchus in Lacon.

Pelopida.

Pelopidas domo egrediens, lachrymante vxore, ac dicente ut seipsum saluum redderet: ò mulier, inquit, priuatorum est semper admonere, ducum autem & imperatorum alios saluos facere. Bruso. lib. 2. cap. 43. Ex Plut. Græco. apoph.

Demetrii.

Demetrius in machinis bellicis in tantum ingenio artèque præcelluit, ut meritò de illo iactatum sit: Demetrii machinas magnitudine sua etiam amicis stuporem, pulchritudine verò etiam hostibus adferre voluptatem. Plut. in Demetrio.

Eiusdem.

Idem fœdere cum Rhodiis icto, helepolin, id est, machinam quandam à capiendis vrbibus ita dictam, apud illos reliquit, quæ simul & regis magnificentiam, & illorum fortitudinem testaretur. Nec hoc inter apophthegmata recensendū erat. Cæterum monumentum illud admonebat, Rhodum à Demetrio magnificè oppugnatam, ac Rhodios fortiter patriam defendisse. Plut. in Demetrio.

Brasida.

Brasidas cum bellum aduersus Ephoros susceperet, hostibus prius scripsit huc in modum: Quicquid malorum vsquam erit, profligabo, aut moriar. Verum cum in instituto suo pergeret, & iam Græcos Thraciam incolentes liberaret, fortiter pugnano occubuit. Plut. in Lacon. apoph.

Callicratis.

Callicrates aduersus Mardonium Xerxis ducem pugnaturus, sagitta percussus, ac propemodum exanimatus: Ego, inquit, mortem nihil lugeo: sed quòd domo proficiscens ut pro Græcia morerer, huc venerim, sed angor animo, quòd nec strenuè, nec fortiter dimicans oppeto. Brufonius libri secundii capite 43.

Leptinis.

Subactis à barbaris Lacedæmoniis, Leptines dicebat Græciam esse factam *μωνέφθαρμον*, id est, luscam. Sentiens, Atticam & Laconicam esse cordatissimas Græciæ partes. Meminit Aristoteles in Rhetoricis.

Antigoni.

Antigonus cum circa Andrum nauale institueret prælium, dicente quodam, multo plures esse hostium naues: Me autem, inquit, aduersus quot oppones? Bruso. lib. 2. cap. 43.

Pori.

Porus Indorum rex, inuadente Indiam Alexandro, suadentibusque amicis, vt societatem cum regibus finitimis iniret ad propulsandum Alexandri impetum: Si mihi, inquit, tantę vires non sunt, vt sine sociis saluus esse non possim, melius profectò est omnino non regnare, & fortiter mortem oppetere pro salute meorum. Bruso. lib. 2. cap. 43.

Eiusdem.

Idem Porus suadentibus amicis, vt faceret rem diuinam, nec Alexandro postea transitum per flumen concederet: Non est, inquit, arma tentantium supplicare. Bruso. lib. 2. cap. 43.

Eiusdem.

Idem dicentibus amicis, si supplex Alexandro celsisses, non esses victus: respondit, si Alexandro supplex celsissem, futurum erat vt ipse me ignauum seruum: si armatus restituissem, generosum regem iudicaret. Bruso. lib. 2. cap. 43.

Lycurgi.

Lycurgus roganti, qua de causa vetuisset oppugnari turres: Ne, inquit, à fœmina puerove, aut ab alio quopiam homine puero ac fœminæ non dissimili, viri præstantiores occidantur. Non probauit prælii genus, in quo virtuti locus nò esset. E turribus verò puer aut mulier deiectu saxorū potest virum quantumvis fortem interimere. Quis igitur locus virtuti in bellis nostris, in quibus præcipuas partes agunt bombardæ? Plutare.

Xerxis.

Xerxis quum à trecentis Lacedæmoniis ad Thermopylas vexatus esset, tantam militum ducens multitudinem, hoc se deceptum aiebat, quòd multos quidem homines haberet, milites autem perpaucos. Sentiens, non perinde referre quàm multos educas, sed quàm exercitatos. Eras. 5. apoph.

Dary.

Dary.

Darius rex, cum misisset legatos cum regiis ad Alexandrum literis, pro redimendis captiuis, quibus decem millia talentorum, cunctam Mesopotamiam, filiaque matrimonium, tum amicū se sociūque futurum pollicebatur, iis inter æquales tuos communicatis, Parmenio: Si Alexander (inquit) essem, has ego condiciones acciperem. Cui subridens Alexander: Et ego medius fidius, ait, si essem Parmenio. Bruson. lib. 3. cap. 13.

Laconum.

Philippo, quum peruenisset in agros Lacedæmoniorum, scripsissetque, Vtrum vellent ipsum venire hostem, an amicum? responderunt, Neutrum. Vnico verbo absoluerunt sententiam, quod erat Laconum: ac simpliciter negantes regi transitū, quod erat virorum fortium. Plutar. in Laco.

Alexandri.

Quum Darius numerosissimum exercitum instruxisset, Alexander profundissimo somno correptus est, adeo vt nec interdiu potuerit expergisci. tandem imminenti periculo amici ingressi, regem excitarunt. Qui quum dicerent, se mirari in eorum statu tantam regis securitatem: Magna, inquit Alexander animi molestia me Darius liberauit, qui vires suas omnes in vnum contraxit, vt liceat vno die de summa rerum decernere. Plut. in vita Alexan.

Eiusdem.

Philippus Macedo, quum Alexandro filio dixisset, num vellet regiam adificare domum, ornatam auro, electro, eboreque: Minimè, inquit Alexander, sed potius hostium spoliis. Bruson. lib. 2. cap. 43.

Eiusdem.

Idem Alexander insultantibus in eum Scythis, conuiciisque trans Tanaim fluuium lacescentibus, tranare decreuit. sed dissuadente Aristandro vate, qui dicebat, prodigiis hoc prohiberi: Satius est, inquit, periculo me offerre, quam tota penè Asia subacta, Scythis ludibrio & contemptui esse. Brus. lib. 2. cap. 43.

Eiusdem.

Idem cuidam ciuitati, partem agrorum & dimidium rerum omnium promittenti: Eo, inquit, proposito in Asiam veni, non quidem vt, id acciperem quod dedissetis, sed vt haberetis quod reliquissetem. Brus. lib. 2. cap. 43.

Eiusdem.

Quum Miletī vidisset multas statuas eorum, qui in Olympiis ac Pythiis vicerant, easque prægrandes: Et ubi, inquit, erāt tam magna corpora, cum barbari vestram urbem obsiderent? Salse taxauit illorum stultam ambitionem, qui gloriaretur his qui corporum magnitudine viribusque præstantes, in ludicris certaminibus victoriam reportassent: quum in tantis periculis nulli fuissent, qui aduersus barbaros se tales præberēt. Plut.

Eiusdem.

Alexandro Magno vulnerato in pectore, in expugnatione cuiusdam arcis, quum ab amicis reprehenderetur, quod tam propè accessisset, Seniores quendam Boeotium dixisse ferunt: Virorum est, o Alexāder, magna facinora aggredi: sed qui præclare quicquam facit, necesse est & pati. Bruſo. lib. 2. cap. 43.

Eiusdem.

Eundem cum amici hortarentur, ut noctu hostes aggredere-
tur: Non est, inquit, regium victoriam furari. Maxi. sermo. 4.
Bruſo. lib. 2. cap. 43.

Eiusdem.

Idem cum vidisset quendam, idem cum ipso nomen habentem, sed timidum, Adolescens, inquit, aut nomē aut mores mutato. Sensit autem, cum Alexandri nomine nequaquam dignū esse, nisi qui militari facinore forte se militem & infractum ostenderet. Maxi. sermo. 4.

Eiusdem.

Idem cum eum amicus, ut liberis procreandis daret operam, adhortarentur: Nihil est, inquit, cur solliciti sitis: relinquo enim vobis liberos, certaminum victorias. Maxi. sermo. 4.

Eiusdem.

Idem cum ei ad bellum gerendum proficiscenti diceret Aristoteles, expectandam esse perfectam ætatem, & tum demum bellandum esse: Vereor, inquit, ne dum perfectam ætatem expecto, audacem perdam iuuentutem. Maxi. sermo. 4.

Timothei.

Timotheus Atheniensium dux, prospera fortuna per omnia credebatur uti, dicebaturque. Fortunam rerum bene gestarum causam esse, Timotheum verò nullius. Proinde pictores dormitantem eum in castris taxantes fingeant, atque fortunam supra caput pendentem, ciuitates quasi in rete quoddam conducere. Aeli. lib. 14. de Var. hist.

Cercylli

Cercyllida.

Pyrrius cum in Lacedæmonios exercitum duceret, multaq; minaretur: Cercyllidas, vnus de numero senatorum, in concione surgens: Si, inquit, Deus est, is qui minatur, nihil metuendū, nihil enim iniuriæ facimus: sin homo, sciat se viris minitari. Max. serm. 4.

Pyrri.

Pyrrius in victoria Tarentina Romanorum militum virtutem ac ducum prudentiam admiratus, exclamauit: O quam facile erat orbis imperium occupare, aut mihi Rom. militibus aut me rege Romanis. Ita Florus in Epit. lib. 3.

Coriolani.

Martius Coriolanus in bello aduersus Volscos, quum rogaretur vt labore ac vulneribus eger sese in castra reciperet: Non est, inquit, victoris laborare, moxque hostem fugientem in se: status est. Victoriæ dulcedo excutiebat omnem molestiæ sensum. Eras. lib. 6. apoph.

Scipionis.

Scipio, qui quinquaginta quatuor annorum spacium emensus, neque emit, neque vendidit quicquam, quum quidā ei scutum eleganter apparatus ostenderet, dixisse fertur: Atqui Romanum ciuem par est in dextra spem ponere, non in sinistra. Innuit autem, Romanos semper cæteris fortitudine præstantiores fuisse, qm bellica virtute rerum omnium paucis annis domini facti sunt. Aelia. lib. 11. de Var histor. Brus. lib. 2. cap. 43.

Q. Fabij, & Carthaginiensium.

Sagunto à Pœnis contra fœdus oppugnata, Romani legatos misere Carthaginem, in quibus erat Q. Fabius, exploraturos an id publico consilio factum esset. Ad id quum quidam Carthaginiensium princeps ferocius respondisset, Romanus sinu ex toga facto: En, inquit, vobis bellum & pacem apportamus vtrum placet sumite. quum pœni ferocius reclamarent, daret vtrum vellet: Romanus effuso sinu, Bellum, inquit, damus. Responderunt Pœni, se accipere: eoque animogesturos, quo ille daret. Eras. lib. 6. apoph.

Scipionis iunioris.

Scipio minor posteaquam se intra muros vrbs receperat, Carthaginiensibus ex arce sese defendentibus, ac Polybius suaderet vt in mari, quod interiacebat non valde profundum, murices spargeret ferreos, aut tabulas aculeatas iniiceret, ne transmissio mari hostes pro aggeribus pugnarent: aiebat esse ridicu-

lum, quum mœnia tenerent, & intra urbem essent, dare operam ne cum hostibus confingerent. Plut. in Roma. apoph. Brufonius lib. 2. cap. 43.

Eiusdem.

Idem Numantia capta, quum iterum triumphasset, incidit illi controuersia cum C. Graccho, tum pro senatu, tum pro belli focis. Id moleste ferens populus, tumultuabatur: Scipio verò consensu suggestu: Me, inquit, nec castrosum vociferatio vnquam terruit, nec tumultus hominum terrebit, quibus Italiam scio non matrem esse, sed nouercam. Significans, eos qui publicis patriæ commodis obstreperent, non esse verè Italos, sed alienigenas. Valerius refert illum dixisse: Nunquam eos metuâ solutos, quos huc alligatos adduxi. Denotâs, eos adductos fuisse captiuos, qui in victorem ferocirent. Plut.

P. Licinij.

P. Licinius consul, imperator equestri pugna superatus à Persæ Macedonum rege, bis mille & octingentos milites amisit, partim interfectos, partim captos. Cum verò post pugnam Persæus mitteret oratores, acturos de fœdere ac pace: Licinius, qui victus erat, victori præscripsit, vt si pacem veller, quæ haberet in sua potestate, daret in fidem Romanorû. Ne calamitas quidem fortissimi viri spiritus potuit imminuere. Nec ignorauit Persæus, quibus cum viris ipsi res esset: eò que fecit victor quod victi solent facere. Plutar. in Rom. apoph.

Syllæ.

Apud Orchomenum quum milites longius euagarentur, ordinibusque perturbatis fugam caperent: Sylla ex equo desiliens, arrepto vexillo in hostem conuolat, ita vociferans: Mihi quidem, ô Romani milites, hic pulchrum est mori: vos interrogati quo loco ducem vestrum amiseritis, memineritis dicere, apud Orchomenum. Hac voce suos reuocauit. Plutar. in Syl.

Pomponij.

Pomponius miles Romanus captus à Mithridate sub Lucullo imperatore, multis saucius vulneribus, rogatus à Mithridate, An curatus ei foret amicus: Ero, inquit, perlibenter, si tu prius Romanis amicus fueris: sin inimicus, me quoque inimicum habebis. Bruf. lib. 2. cap. 1.

M. Brutij.

M. Brutus vltimum prælium initurus, dehortantibus quibusdam ne se tanto discrimini committeret: Hodie, inquit, aut rectè

fectè erit, aut nihil curabo. Significans, se aut victorem fore, aut non victurum. Mors autem admittit omnia malorum sensum. Plut. in Bruto. Bruso. lib. 2. cap. 1.

Eiusdem.

Brutus post Cæsaris cædem periculis circumdatus, scripsit ad Atticum, optimo in statu mentem suam locatam esse. Aut enim se victorem Romanam Rempub. liberaturum, aut animam suo de corpore. Bruso. lib. 2. cap. 43.

Cyanienfium.

Quum M. Bruto tota ferè Lusitania sese dedisset, solâq; vrbs Cyania pertinaciter arma retineret, tentatum est per Bruti legatos, vt data pecunia perseuerarent esse sui iuris. Verum his populus Cyanienfis vno ore respondit, sibi ferrum à maioribus relictum, quo urbem tuerentur: non aurum, quo libertatem redimerent. Val. Max. lib. 6. cap. 4.

Pompey.

Pompeius Magnus cum Syllanæ factioni se addixisset, non absque spoliis, nec sine cruenta victoria imperatori se copias exhibiturum esse dicebat. Nec prius venit ad Syllam, quam multis conflictibus hostium duces superasset. Plutar. in Rom. apophtheg.

Anonymi.

Miles quispiam, quum iacentem eum hostis trucidaturus esset, interrogatus ab hoste, Cur potius in pectore quam humeris vulnerari vellet: Ne, inquit, si is qui me amat, terga perfoffa vulnere respexerit, erubescat. Bruso. lib. 2. cap. 43.

C. Cæsaris.

C. Cæsar post attritos Tigurinos, ad urbem quandam sociorum proficiscens, quum audisset Heluetios in itinere occurrere, in locum quendam munitum se recepit. Ibi congregatis copiis, instructaque acie, vbi equus illius cui solebat insidere adductus est: Hoc, inquit, post victoriam vtar in persequendis hostibus & pedes aggressus est Heluetios. Plut. in Cæs.

Eiusdem.

Idem cum aquiliferum videret terga dantem hostibus, faucibus comprehensum hominem, in hostes manu conuertit, atque ait: Quorsum abis ignauissime, an non illic esse vides, quibus cum dimicamus? Bruso. lib. 2. cap. 43.

Eiusdem.

Iulius Cæsar potentiam duabus potissimum rebus parari, pecunia

pecunia scilicet & militibus: atque deinde eam potentiam eiusmodi rebus conseruari & augeri, dicere solebat. Existimauit autem, hæc duo sese mutuo consequi posse, exercitum commeatu retineri, rursum commeatum armis comparari. Xiphilius Dionis abbreviator in Cæsare.

Eiusdem.

Idem Dyrrachii expectabat, ut illuc è Brundusio milites mitterentur, id quum tardius fieret, clam omnibus conscensa scapha exigua, tentauit transmittere pelagus, quumque nauigium vndis obrueretur, gubernatori iam animū despōdenti, quis esset aperuit, dicens: Confide fortunæ, sciasque te Cæsarem vehere. Tanta erat animi præstantia, quasi fortunam ac deos in manu haberet. Ac tum quidem tempestate ingrauescente, veritus est quod instituerat peragere. Milites autem vbi resciuere factum, concursum fecerunt ad Cæsarem, grauiusque ferebant si alias expectaret copias, velut ipsis diffusus. Plutarchus in Romanorū apophtheg.

Anonymi.

Quum Antonius appareret classe cum Cæsare configere, quidam tribunus militum, vir fortis, & armis exercitatus, Antonio prætereunti, corpus suum multis cicatricibus insignitum ostendit, dicens: O imperator quur his vulncribus, aut huic gladio parū fidis, inque lignis fragilibus spem reponis? Sine Phœnices & Aegypti classe pugnent: nobis Romanis terram da, in qua consueuimus vel hostem vincere, vel mortem oppetere. Plutarchus in vita Antonii.

Turbonis.

Turbo Adriani Cæsaris præfectus, admonitus ab eo, ut curā haberet suę valetudinis, sibi que daret vacationem à negotiis, respondit, Non decere Cæsaris præfectos, nisi stantes mori. Ignauū esse sentiens, in lecto decumbentem expirare. Eras. lib. 6. apoph.

Zisca.

Zisca Hussitarum dux & imperator bellicosissimus, cum in pueritia vnum oculum amisisset, inter æquales ludens altero etiam in obsidione cuiusdam castrī priuatus est. Sed neque oculo utroque cassus imperio se abdicauit. Is post multa contra Bohemos & Teutones egregia facta, cum in morbum lethalem incidisset, ac iam propē moriturus interrogaretur, quomodo sepeliri vellet? Pellem, inquit, mortuo demitte: relictoque feris cadauere, ex ea tympanum facite, quo in præliis utamini. Nam ut

hostes

hostes viuentis aspectum non ferebant, ita mortui sonitum nō ferent. Aeneas Syluius lib. 3. commentariorum de rebus gestis Alphonfi. Notandum tamen, hunc non Ziscam, sed Syskam à Ritis lib. 2. reg. Vng. appellari.

Alphonfi.

Alphonfus Aragonum rex cum vidisset naufragos auxilium implorantes, suos adhortatus est, vt illico subuenirent, qui dum partimescerent periculum maris tam horrendum, dicentes, melius esse vnam quam vniuersas triremes perditum iri: Rex ipsemet soluit prætoria nauem, Satius esse inquit, vnā cum sociis viris fortissimis occumbere, quam illos videre ante oculos extrema pati. Panormita lib. 2. de reb. gest. Alphonfi.

Eiusdem.

Suprà, tit. de Ambitione.

De fortuna.

Diogenis.

Solebant olim à periculis seruati, in templis suspendere donaria, velut incolumitatem suam diis acceptā ferentes. Proinde quum Samothracem profecto Diogeni ostenderentur donaria, quæ è bello, morbo, nauigatione, alioue discrimine seruati dicarant: Atqui, inquit Diogenes, multo plura essent, si qui seruati non sunt, ista dedicassent. Sensit opinor, eos qui seruarentur, casu seruari, non deorum beneficio. Quod si diis imputandum est si quis seruatur, iisdem imputandum est quod plures pereunt quam seruantur. Sunt qui hoc tribuant Diagoræ Melio, impio. Samothracæ autem magna in hisce rebus superstitione laborabant. Laert. lib. 6.

Demetrii.

Aristophanes in comœdia Plutum inducit cæcum. At Demetrius dicebat, non solum Plutum, id est, diuitias, esse cæcum, verum etiam Fortunam, Pluti ducem, vt iam sit illud prouerbiū, Cæcus cæco dux. Fortuna sæpe largitur indignis sua munera. Laertius lib. quinti, cap. 5.

Theramenes.

Theramenes, vnus triginta tyrannorum, domo, in qua multi accumbebant, in coenantes illapsa, solus incolumis euaserat. Hanc ob rem quum ab aliis foelix prædicaretur, ille magna exclamans voce: O fortuna, inquit, cui me occasione seruas? Sensit

vir

vir prudens, se non esse seruatum, sed maiori malo referuatum, nam aliquanto post interfectus est. Eras. 6. apoph.

Vide titulum de Fœlicitate.

De fortunæ inconstantia & mutatione.

Thaletis.

THales cum rogaretur, quemadmodum quis calamitatem optimè ferre posset: Si, inquit, hostes videat in maiori versari miseria. Maximus ser. 18.

Chilonis.

Chilonis sententia huic non absimilis est, qui dicebat, infortunatum non irridendum esse: fortuna cum inconstans sit, & nostræ etiam fœlicitati inuideat. Stob. ser. 109.

Eiusdem.

Chilon ab Aesopo interrogatus, quid ageret Iupiter? respondit: Excelsa deprimat, depressa extollit. indicans, arbitrio numinis res hominum sursum deorsum volui, reuoluique. Laertius.

Aesopi.

Aesopus quærenti, quid dii facerent? dixit, eos alia struere, alia diruere. Stob. ser. 103.

Bionis.

Bion Boristhenites quum interrogatus esset, quis esset in vita maximè anxius? Qui in maximis, inquit, rebus cupit esse fortunatus. Is enim mille curis distorquetur, ut assequatur ardua: & assequutus, æquè torquetur ne amittat. Laer. lib. 4. cap. 7.

Eiusdem.

Idem dicere solebat, Fortunam diuitibus pecunias non dono dedisse, sed mutuò. Hæc enim cum suis bonis extra omnem spem nos euehit, suoque pro arbitrio mox deprimat incautos. Stob. ser. 103.

Eiusdem.

Præterea dicere solebat, idem esse in secunda fortuna altum sapere, & in lubrica via cursu certare. Stob. ser. 103.

Biantis.

Bias cum demum infortunatum esse pronunciabat, qui infortunium suum æquo animo ferre non posset. Maximus sermo. 18.

Eiusdem.

Eiusdem.

Idem interrogatus, quid esset difficile? Mutationem, inquit, secundæ fortunæ fortiter ferre. Maximus ser. 18.

Isocrati.

Isocrates suos admonere solitus erat, ne cuiquam suam calamitatem obiceret. Communem enim fortunam esse: nec quid futurum nobis sit, modò spectari posse. Stob. ser. 109.

Democriti.

Democritus dicebat, nullam esse adeò munitam diuitiarum portam, quam fortunæ occasio aperire non possit. Stob.

Zeno.

Zeno cum facto naufragio omnia sua amisisset, nihil molle aut parum generosum locutus est: sed, Euge, inquit, ô fortuna, tu nos ad hoc palliolum redegisti. Max. ser. 18.

Anonymi.

Diagoras cum in Olympicis vidisset filios suos victores coronari, atque ex filia filioque nepotes, eaque re multum lætaretur, Lacedæmonius quidam dixisse fertur: Nunc ô Diagora pulchrum esset moriendi tempus. Ostendens, fieri non posse, ut tantus felicitatis cumulus, alicuius rei infelicitate ante mortem non compensaretur: & tunc moriendum esse, cum viuentem plus vita delectat. Fulg. lib. 7. cap. 2.

Leontychida.

Leontychidas primus roganti, quo modo quis maximè præsentia bona tueretur? Si non omnia, inquit, fortunæ crediderit, Bruſ. lib. 2. cap. 37.

Dionysij senioris.

Dionysius amisso imperio Corinthi agens, si quis ipsi molestus esset, dicebat: Quam beati sunt, qui a puero infelices fuerunt. Stobæus ser. 109. de Insperatis euentibus.

Dionysij iunioris.

Conuenerant aliquando Dionysius secundus, & Philippus Amyntæ F. cumque in diuersos sermones incidissent, Philippus inter alia Dionysium rogabat, Quomodo, cum tentum regnū accepisset à parente, non id defendisset & conseruasset? respondens: Non mirum est, ait: quoniam quum reliqua mihi pater omnia reliquisset, fortunam solam, qua ea parauerat, & tutatus fuerat, mihi nō tradidit. Aelianus lib. 12. de Var. hist. & Bruſon. lib. 2. cap. 37.

Pausan

Pausania.

Simonides ad conuiuium à Pausania vocatus, rogabatur inter conuiuandum, vt quidpiam ex philosophiæ arcanis in medium adferret hospitibus, quod documento esset omnibus. Is itaque respondit Pausaniæ: Memineris te hominem esse. Vidit vir sapientissimus, Pausaniam ex nimia fœlicitate superbientem, quem hoc dicto sui officii admonere voluit. Sed Pausanias contempsit philosophi dictum. At cum iam in Chalceeco & cum fame luctaretur, iamque contumeliosissimam mortem præ oculis cerneret, in memoriam philosophi dictum reuocās: O Cec hospes, ait, magnum quiddam in tuo erat sermone: ego verò nimium fortunæ meæ fidens, eum nullius momenti esse putabam: vnde nunc miserrimè interire cogor. Aelianus libro nouo de Varia historia.

Cræsi.

Cræsus consultus à Cyro de bello suscipiendo contra Tomyrin reginam, à qua tandem occisus est: Si tibi, ait, esse videris immortalis, nihil est opus vt meam tibi sententiam dicam. Si verò te quoque agnoscis hominem, illud in primis discito, talem humanarum rerum circum esse, qui rotatus, eosdem semper fortunatos esse non sinit. Brusonius libri 2. cap. 37.

Demetrij.

Demetrius illum qui sinistram fortunam ferre nequeat, ne dextram quidem posse ferre dicebat, Antonius in Melissa, parte prima, sermone 70.

Eiusdem.

Nemo Demetrio fuit vtraque fortuna exercitatio. Itaque frequenter solebat in fortunam illud Aeschyli dicere: Tu me extulisti, tu ipsa rursus deiicis. Plut. in Demetrio.

Darij.

Darius Xerxis pater, in sui laudem dicere solebat; sese præliis ac rebus asperis reddi prudentiorem. Atqui talis prudentia nimio constat reipub. Præstat principem è philosophiæ præceptis haurire sapientiam, potius quam experimentis miseram, vt vocant, colligere prudentiam. Eras. lib. 5. apoph. ex Plutarchi Regum apoph.

Philippi Maced.

Cum Philippo Maced. nuncium esset allatum, vno die multas res fœliciter ac prosperè gestas esse (nam eodem tempore Tethrippu vicerat in Olympis, & Parmenio Dardanenses prælio

prælio fuderat, & Olympias ipsi masculum foetum erat enixa) porrectis in cælum manibus exclamauit: Et ô fortuna, inquit, pro tot tantisque bonis leui quopiam malo me affice. Vir cordatissimus, non insolenter gestiit ob rerum successum, sed fortuna indulgentiam suspectam habuit, cuius ingenium esse nouerat, vt quibus exitium molitur, his prius noua rerum prosperitate blandiatur. Huc pertinet quod de Polycrate Samiorum tyranno refert Plinius. Plutarchus in apoph. regum. Fulgofus lib. 7. cap. 2.

Apellis.

Apelles pictor interrogatus, cur sedentem fortunam pinxisset? respondit, Quia loco stare & consistere non potest. Stobæus ser. 103. Maxi. ser. 67.

Romuli.

Romulus infœlicitatem hominibus plurimam prodesse dicebat, eo quod in rebus aduersis doceamur de rebus antea nobis ignotis. Multi enim cum ratione futura præuidere non possunt, patiando res intelligunt demum. Antonius in Melissa, par. 1. ser. 70. Maxi. ser. 18.

Eiusdem.

Idem, cum nequaquam beatum prædicandum dixit, qui propter amicos, aut alias fortunæ dotes exultaret. hæc enim sunt fallacia & caduca omnia, quæ fortuna in sua potestate habet. Maxi. ser. 18.

Fabii Maxi.

Fabius Maximus cum audiret Minutium collegam ab omnibus mirum in modum collaudari, quod nonnullos hostes iam deiecisset; Se magis secundam Minutii fortunam, quam aduersam pertimescere, dicebat. Non ignorabat enim quam variæ essent fortunæ vices, &c. hæc enim cum faciem iam nobis ostendit, repente se vertit, & tergum implorantibus præberet. Fabii dictum leges apud. Plut. in Maximi vita.

C. Marii.

C. Marius insignis ille Romanus, non sanæ mentis hominem esse aiebat, qui se fortunæ committeret. Bruto. lib. 2. cap. 37.

Anonymi.

De Mario tyrannorum septimo dictum est, quod vno die factus est imperator, altero visus est imperare, tertio interemptus est à milite: qui percussurus illum dixerit, Hic est gladius

quem ipse fecisti. Fucrat enim opifex ferrarius. Allusit autem interemptor ad illud prouerbium, Tuo te gladio iugulo. Trebellius Pollio.

Seueri impera.

Celebratur Seueri impera. dictum: Omnia fui, sed nihil expedit. Sentiens, sese ex humili loco per literarum ac militiae officia plurimis gradibus fauore fortunæ ad imperii fastigium fuisse perductum: sed nihil foeliciter celsisse, aut nulla in re sibi placuisse. Aelius Spart.

Vide titu. de Infœlicitate.

De fortuna aduersa æquo animo ferenda.

Chilonii.

Chilon, cum quidam propter sua mala doleret, dixit: Si aliorum omnium mala perpenderis, minus ægrè feres tua. Stobæus ser. 18.

Pittaci.

Pittacus prudentum virorum esse dixit, ne quid mali fiat cauere: fortium autem, id quod factum est, moderatè ferre. Stobæus ser. 18.

Diogenis.

Diogenes cum in casus quosdam aduersos incidisset, dicebat: Bene factum ô fortuna, quod tam viriliter mihi præfueris. Stobæus ser. 106.

Zenonis.

Zeno cum naufragium passus, sua omnia amisisset, immobili vultu: Euge, inquit, fortuna quam probe nos ad hoc palliolum redegit. Maxi. ser. 18.

Socrati.

Xantippe dicebat, cum infinitæ mutationes & Rempubli. & ipsos occupassent, omnibus se similem vidisse Socratis vultum, & exeuntis domo, & denuò redeuntis. Ad omnes enim fortunæ vndique ingruentes procellas moderatus & concinns erat. Stobæus ser. 106. ex Dionysio Halicarnas.

Vide titulos de morte suorum non deslenda, de Animi moderatione, Fortitudine, Infœlicitate, Fortuna mala, Patientia iniuriæ, Vltione neglecta, &c.

De

De fratribus.

Antisthenis.

Antisthenes dicebat, fratres qui essent concordēs conuictu,
omni pariete esse fortiores. Bruso. 2. cap. 39.

Vide titulum, de Concordia.

Intaphernis vxoris.

Intaphernis vxor, Dario permittente vt vnum ex suis eligeret, cuius vitam sibi donari vellet, fratrem elegit. demirante rege, causamque sciscitante: Alius, inquit, maritus, alii liberi, si Deus volet, possunt contingere: alium fratrem, parentibus vita defunctis, non est quod sperem. Eras. 6. apoph.

Eumenis.

Eumenes insidiis petitus à Perseo, credebatur extinctus. Is rumor quum Pergamum esset perlatus, Attalus eius frater imposito sibi diademate, ductaque fratris vxore, regnum occupauit. Caterum quum audisset illum viuum, vt solebat profectus est illi obuiam, vnà cum satellitibus, hastam gestans. Eumenes autem amanter illum amplexus, dixit in aurem: Ne festines ducere, priusquam me mortuum videris. nec præterea per omnem vitam, vllam offensi animi significationem vel dicto vel facto dedit: quin etiam moriens, fratri & vxorem & regnum reliquit. Cuius animi memor Attalus, quum multos ex se liberos haberet, nullum tamen regno educauit: sed Eumenis filio, posteaquam adoleuisset, adhuc viuens principatum tradidit. Plut. in regum apoph.

Antiochi.

Antiochus cognomento Accipiter, cum fratre Seleuco pro regno bellum gerebat. At vbi Seleucus à Galatis victus, nusquam appareret, sed interfectus in prælio crederetur, deposita Antiochus purpura, pullam vestem induit. rursus paulo post quum audisset illum esse incolumem, pro lato nuncio diis immolauit, fecitque vt ciuitates ipsi subditæ coronas gestarent. Solent fratrum iræ, si quando inciderint, esse acerrimæ: solet regni cupiditas nihil impium aut nefariū ducere. At hic ea moderatione regnum ambuit, vt fratrem vellet incolumem. Plut. in regum apoph.

Caracallæ.

Bassianus præfectus suadebat Caracallæ, vt ad mitigandam inuidiam parricidii, fratrem Getam appellaret diuum: Sit, in-

quit, diuus, dum non sit uiuus. Et sic fratrem in diuos retulit, Atque ita vbique regnandi cupiditas, nescit iura pietatis. Ex Aelio Spartiano.

De frugalitate.

Crateti Theb.

CRates Thebanus Demetrio Phalære indignatus est, quòd ipsi panes ac vinum misisset, dicens: Utinam fontes etiam panes ferrent. Sentiens, vino philosopho nihil opus esse: atque hoc ipsum est submolestum, quòd panis non æquè parabilis esset, ac potus. Laert. lib. 6. cap. 5.

Eiusdem.

Stilpon Crateti dedit caricam, simulque proposuit quæstiunculam. Quum Cynicus protinus nucem deuorasset: Caricam, inquit Stilpo, perdidisti. hic Crates, Non caricam modò, sed & quæstiunculam, cuius illa fuit arra. Sentiens, se frustra captatum munusculo ad respondendum. Laert. lib. 2. cap. 12.

Eiusdem.

Idem quum in forum incidisset, alios ementes, vendentes alios contemplatus: Illi, inquit, quod rem inter se contrariam agunt, se beatos esse iudicant: at ego me, quòd vtriusque, tum emendi tum vendendi, sim immunis. Stob. ser. 1. de Prudentia.

Socrati.

Socrates philosophus dicebat, eos qui frugaliter viuerent, longè plus habere voluptatis, ac minus cruciatuum, quam si indulgerent genio. Laert. lib. 2. cap. 5.

Eiusdem.

Idem aduocarat diuites aliquot ad cœnam. ob id sollicita Xanthippe, quòd apparatus esset perquam exiguus: Bono animo es, inquit. nam si frugi temperantesque sunt, boni consulent: si minus, nulla nobis horum cura debet esse. Hoc dilemma nobis meritò excuteret operosam & sumptuosam ambitionem, in excipiendis conuiuiis. Laert. lib. 2. cap. 5. Brusonius libr. 2. capite 2.

Eiusdem.

Idem dicere solitus est, eum esse diis simillimum, qui quàm paucissimis egeret, quum dii omnino nullius egeant rei. At vulgus diuites diis proximos existimant, quorum deliciis nihil satis est. De his enim dictum est in comœdia Terentiana, Quàm vos facillimè agitis. Hoc autem Homerus diis tribuit, quos
appel

apellat *παρ' ἀγούρας*, id est, facillimè viuentes. Facillimè autem viuit, qui paucissimis contentus est. Laert. lib. 2.

Eiusdem.

Idem dicebat, qui suauiter ederet panem, huius non esse opus obsonio: & qui suauiter biberet quemlibet potum, hunc non desiderare poculum præter id quod abest. Fames enim & sitis optimè condit omnia. Ibidem.

Eiusdem.

Idem admonere solebat, quòd apud alios diceretur edere aut conuiuari, apud Athenienses dici *συνχεῖσθαι*: qua voce dicebat nos admoneri, eo temperamento sumendum cibum, vt nec corpus nec animus oneretur. huc opinor alludens, quòd *ὀχεῖσθαι* sonet vehi; vnde *ὄχηον* vehiculum. quanquam *ὄχε* dicatur & cibus: eoque additum *ω*, ne sarcina iusto grauior imponeretur corpori. Eras. lib. 3. apoph.

Eiusdem.

Idem, cum Xanthippe increparet, quòd tenuiter se ad amicos accipiendos præpararet, dixit: Si nostri fuerint, nihil curabunt: si alieni, nos de ipsis nihil curabimus. Maxi. ser. 13.

Eiusdem.

Idem quum admoneretur ab amico, quòd excepturus hospites, admodum tenuem fecisset apparatus: Si boni sunt, inquit, satis erit: si minus, plus satis. Laert. lib. 2.

Eiusdem.

Idem docebat abstinendum à cibus, qui non esurientem incitarent ad edendum: & à potu, qui non sitientem inuitaret ad bibendum. His enim rebus non est vtendum, nisi quatenus corporis necessitas exigit. Laert. lib. 2. cap. 5.

Eiusdem.

Dicebat quoque optimum condimentum esse famem, quòd & optimè edulcarer omnia, & nullius esset impedii. Vnde ipse semper iucundè edebat ac bibebat, quia neutrum faciebat nisi esuriens ac sitiens. Ibidem.

Eiusdem.

Socrates dicere solebat; multos in hoc viuere vt ederent & biberent: se autem cōtra, ob id bibere & edere, vt viveret: q̃ his rebus non ad voluptatē, sed ad necessitatē vteretur, quandoquidem natura paucis contenta sit. Eras. lib. 3. apoph.

Idem aliter.

Idem Socrates rogatus, quoniam à cæteris hominibus dif-

ferret? similiter respondit: Alii quidem viuunt vt edant, ego autem edo vt viuam. Stob. serm. 15. Maximus serm. 27.

Eiusdem.

Idem per forum obambulans, quum aspiceret mercium copiam quæ illic vendebantur, ita secum loqui consuevit: Quam multis rebus ego non egeo. ast alii cruciantur animo, ita cogitantes, Quam multa mihi defunt. Socrates sibi gratulabatur, quod iuxta naturam viuens, ac paucis assuetus, aurum, purpuram, gemmas, ebür, aulæa, reliquasque diuitum delicias, nec cuperet, nec egeret: quas dicere solebat magis necessarias agentis tragœdiis, quam ad vsum vitæ. Brus. lib. 5. cap. 22. In hac autem sententiâ vsurpabat versus Iambicos poetæ nescio cuius;

Τὰκ ἀργυρέα καὶ πορφύρεα, ὅτι πορφύρεα.

Εἰς τὰς τραγῳδίας γέγραμ' ἐν αἰς τοῦ βίου. id est,

Argentea isthæc vasa simul, ac purpura,

Tragœdiarum accommoda histrionibus

Sunt, ad beatam conferunt vitam nihil. Laert. lib. 2.

Eiusdem.

Idem quendam ex amicis conquirentem, quod Athenis omnia magno venirent (vinum enim Chium mina, purpuram tribus minis constare, mellis heminam quinque drachmis) manu illius prehensa, duxit in penum farinarium: Obolo, inquit, semisextarius venit, vilis igitur annona est. Hinc ad oleariam deducens: Duobus, inquit, areis sextarius. non magno igitur in vrbe veneunt omnia. Qui paucis ac necessariis contentus est, sibi facit vilem annonam. Brus. lib. 5. cap. 22. Eras. lib. 3. apoph.

Eiusdem.

Idem quondam pro foribus deambulanti contentius vsque ad vesperam, quum prætereuntium quispiam dixisset, Quid agis Socrates? Obsonium, inquit, mihi comparo in coenam: de fame sentiens, quam agitatione corporis excitabat. M. Tullius sic explicat: Quo melius cornem, obsono ambulando famem. Laertius.

Eiusdem.

Idem ad famem ac sitim tolerandam exercuerat sese. post sudorem enim è palestra collectum, quum alii potum vehementer appetunt, nunquam bibebat de primo cratere. rogatus quam ob rem id faceret: Ne consuescam, inquit, obsequi affectibus. Interdum enim, licet sitias, noxium est bibere: hic quum ratio suadet abstinentiam, affectus hortatur vt bibas, magis

magis obtemperandum est rationi. Laertius lib. 2.

Eiusdem.

Cum Alcibiades Socrati, quem magnopere amabat, magnâ & preciosam placentam misisset: Xantippe iracunda, eam de canistro eiecit, & impuris pedibus cöculcauit. At Socrates cum hæc vidisset, ridens dixisse fertur: Nunquid tu simul carebis ea? Quod si quis putat hæc satis puerilia, & nullius momenti videri, is profectò ignorat, ex his etiam de fortibus & bonis viris probationem fieri, si ea nihili pendant, quæ vulgus non tantum ornamenta, sed lautitias dicit esse mensæ, & victus anathemata. Ostendit autem eo dicto Socrates, quàm parui faceret delicias & voluptatis irritamenta. Aelia. lib. II. de Var. histo.

Diogenis.

Diogenes Cynicus, cum aliquando à Cratæ Alexandri Magni præfecto ad cœnam inuitatus esset, respondit: se malle saltem Athenis lingere, quàm apud Craterum opipara frui mensa. Laert. lib. 6.

Eiusdem.

Idem quibusdam obiiicientibus, quòd in foro cibum caperet: Quid mirum, inquit, in foro esurio. ratiocinatus à relatiue oppositis. Si fames non vrgeret hominem in foro, fortassis absurdum esset in foro vesci. Sed eodem colore se tueri potuerat, in foro deiciens alium, aut vrinam reddens. Laert. lib. 6.

Eiusdem.

Idem quum aliquando vidisset puerum caua manu bibentem: Hic puer, inquit, me frugalitate superat, qui supellectilem superfluam mecum circumferam, & eductum è pera poculum ligneum, abiecit: Nesciebam, inquiens, & in hoc nobis prouidisse naturam. Quum alterum puerum vidisset vasculo fracto, cauo panis excipere lenticulam, abiecit & catinum ligneum, vt superuacaneum. Hæc patiar videri ridicula, modò fateamur, immodicum simplicitatis exemplum in hoc esse vtile, vt nos nostri luxus pudeat. Laert. lib. 6.

Eiusdem.

Idem quum in publica via pranderet, multi que cingerent illum ob spectaculi nouitatem, ac subinde acclamarent, Canis canis: Imò, inquit, vos potius estis canes, qui prandentem circumstatis. nam id canibus cum primis familiare est. Laert. lib. 6.

Eiusdem.

Idem quodam tempore prandebat oleas, mox inductam placentem abiecit, accinens illud è tragœdia:

ὁ ξυνη τυράννοισ ἡ πόδαυ καὶ ἵταοο. id est:

Procul à tyrannis temet hospes auferas.

Item illud Homericum, ἄλλοι μάστιγι δὲ ἀλλὰ αὖν. Id est: Interdum scuticis agitabat. Se tyrannum appellans, deliciarum contemptorem, quas procul abigi volebat. Laert. lib. 6.

Eiusdem.

Diogenes Aristoteli obtulit caricam, cogitans, si non acciperet, illum sententiam aliquam esse meditatam. At Aristoteles accepta carica, dixit: Et caricam & sententiam perdidit Diogenes. Laert. lib. 5. cap. 1.

Eiusdem.

Idem quum primùm cœpisset philosophari, ac in dolio, sicco mucidoque pane vescens solus, audiret totam urbem lartia perstreptentem (erat enim dies festus) sensit animo nonnihil tædii, diùque secum de relinquendo vitæ instituto cogitauit. Sed quum tandem mures videret adrepentes, panisque micas edere: Quid tibi displices, inquit, ὁ Diogenes? sat magnificus es: ecce etiam parasitos alis. Laer. lib. 6.

Eiusdem.

Diogenes panem album nactus, è pera cibarium eiecit, hunc versum proloquens: Hospes tyrannis è via decedito. Stobæus sermo. 15.

Eiusdem.

Idem quum in opiparo conuiuio videret Platonem nihil attingentem lautitiarum, sed oleis duntaxat vescentem: Quid accidit, inquit, vir sapientissimè, vt cum ob huiusmodi menhas in Siciliam profectus sis, hic à paratis abstineas? Ad hæc Plato: Athèrce Diogenes, & in Sicilia huiusmodi ferè cibo contentus eram. Quid igitur, inquit Diogenes, necesse erat Syraculas nauigare? An tum Attica non ferebat oleas? Hoc dictum quidam adscribunt Aristippo. Laert. lib. 6.

Aristotelis.

Aristoteles quum illi caricam porrigeret Diogenes, accipit, & sublato in cœlum vultu more puerorum: Magnus, inquit, Diogenes: môxque illi reddidit caricam. Notans opinor, ab illo captari laudem munificentiae. Laert. lib. 5. cap. 1.

Timo

Timothel.

Timotheum, clarum hominem & principem ciuitatis, ferunt, cum cœnauisset apud Platonem, eoque conuiuio admodum delectatus esset, vidissetque eum postridie, dixisse: Vestrae equidem cœnae non solum in praesentia, sed etiam in postero die iucundae sunt: propter pareitatem videlicet ciborum. Brus. lib. 2. cap. 2.

Idem aliter.

Timotheus Cononis filius, dux Atheniensium, omisis opiparis cœnis, & epulationibus imperatoriis, assumptus à Platone ad conuiuium Academicum, & frugali musicâque cœna exceptus, reuersus ad suos dixisse fertur: Qui cum Platone cœnant, etiam postero die bene habent. Vituperauit cœnas splendidas & onerosas, quæ omne sequentis diei gaudium & hilaritatem praescinderent atque praeiperent. Aelianus lib. 2. de Varia histor.

Eiusdem.

Idem vocatus à Platone in conuiuium, cum frugaliter tractatus esset: postridie conueniens Platonem, Vos ô Plato melius cœnatis (dixisse fertur) sequenti die quam praesenti: Innuic autem, iis qui frugaliter cœnarent, sequentem diem multo latiore esse, cum nullo crapulae vel ebrietatis dolore eruciarentur: verum eos qui lautè & immoderatus cœnarent, diebus sequentibus grauari, ac cruciari cibo ac potu nondum concocto ex vitio stomachi. Aelia. lib. 2. de Varia hist.

Leonis Euth.

Leon Euthycratides interrogatus, quam quis urbem incolens tutus sit? Vbi, inquit, neque plura neque pauciora inhabitantes possideant. Brus. lib. 5. cap. 22.

Antisthenis.

Quum Diogenes ab Antisthene peteret tunicam, iussit ut duplicaret pallium, sic eum tunicae speciem praebiturum admonens, oportere paucissimis esse contentum. Laer. li. 8. cap. 1.

Epicuri.

Epicurus Gargettius dicere solebat, ei cui pauca non sufficiunt, nihil omnino satis esse. Item, se paratum esse de foelicitate etiam cum Ioue certare, si aquam & ossam haberet. Laudauit frugalitatem his dictis: quo animo autem voluptatem laudauerit, ex aliis discas. Aelia. lib. 4. de Varia histo. & Stob. sermo. 15.

Eiusdem.

Epicurus, gratias naturæ habendas dixit, quod ea quæ ad vitam hominis subleuandam spectant, parabilia fecerit: diffici-
lia autem, paratu non necessaria. Stob. serm. 15.

Arcefilai.

Arcefilaus Scythæ cum hospites quosdam viâ cum amicis hospitio suscepisset, cœna quidem apposita est, sed deerat panis. Hic ille rideus: Quam res est apta conuiuiis apparandis, esse sapientem. Sentiens, doctos viros in rebus vulgaribus minus sapere quam idiotas. Laert. lib. 4. cap. 6.

Isai.

Isæus sophista Assvrius, cum olim interrogatus esset, quis piscis, aut quæ avis esset ad vescendum suauissima? *ωρίστωμα*, inquit, *ωρίστωμα* *πρόδοξμα* id est, ista curare desij. Refert Philostratus in sophistis.

Apollonij.

Apollonius frugalitatem non ideo commendari hominibus dixit, quod tãti res viles ac minimè sumptuosas faciamus: sed ut hoc pacto animi magnitudinem augeamus. Stob. sermones 15.

Laconum.

Apud Lacedæmonios pueris dabatur cœna perquam tenuis, quo dum suo pte ingenio depellunt inopiam, cogantur audaces esse & calidi. Hoc erat quæ cibi inopia premerentur. Quia ob id etiam dabatur illis victus exiguus, uti consueverent nunquam expleri ad satietatem usque, sed famem tolerare possent. Siquidem hac ratione existimabant illos & ad bellum utiliores euasuros, si valerent, & post toleratam inedia per-
durare in laboribus. quin & temperantiores vilibusque contentos fore, si longo tempore minimis impendiis degerent. insuper si citra obsonium assueverent viuere, & quemuis cibum appositum boni consulere, existimabant corpora fore tum salubriora, tum maiora: quod subtracta cibi copia conferret ad proceritatem, dum non depressa corpora tolluntur in altum, potius quam in latum, reddunturque etiam pulchriora. Tenuis enim & gracilis corporum habitudo obsequitur artuum momento: obesitas verò ex cibi copia collecta, propter gravitatem obstitit. Vt ea gens nihil dabat voluptati deliciisve, sed in omnibus spectabat Reipublice commoda: longè latèque dissentiens à plurimorum sententia, qui sibi persuadent, nihil esse
utilius.

utilius quàm pueros immodico cibo potúque saginare: quum ea res non modò pigros reddat, & laboribus inutiles, verum etiam tum corpora reddat deformiora, tum ingenia crassiora. Plut. in Lacon.

Lycurgi.

Lycurgus Lacedæmoniorum legislator, vt omnem luxum profligaret, publica conuiuia instituit, & conduxit qui armati cœnantibus adessent, & luxum cibi potúsque prohiberét. Item obseruarent, ne illi qui domi suæ cœnassent, ad publica veniret conuiuia. Plutar. in Lacon.

Eiusdem.

Idem, percontantibus quam ob rem statuisset, vt ad ædium culmen imponendum fabri securi vterentur, ad fores verò addendas sola ferra, nec vlllo alio instrumento? Vt, inquit, ciues mediocritate, in seruent in omnibus quæ in ædes inferunt, neque quicquam habeant earum rerum quæ apud alios sunt admirationi. Videbatur enim indecorum, si per ostium rûde ac ciuile supellex inferretur exotica, precio chara, arte operosa. Id ne fieret, ipsæ quodammodo fores admonebant. Hinc aiunt accidisse, quòd Leontychidas primus apud Lacones rex, quum cœnaret apud quendam, cernerétque tectum domus sumptuoso apparatu factum, ac lacunaribus ornatum, rogabat hospitem, num ligna apud eos quadrata nascerentur. adeò luxum esse putabat, naturam artificio corrumpere. Plutarchus in Laconicis.

Laconum.

Laconum gens vbique frugalitatem colebat, luxum horrebat, metuens a maiorum institutis recedere, quòd ex his fontibus nasci soleat omnis rerum publicarum perniciēs. Plutarc. in Lacon.

Eorundem.

Idem perseuerabant absque tunicis, vestem vnicam accipientes, corporibus squalidi, quippe à balneis & vnguentis ferè in totum abstinentes. Nemo tales facile inuadit tum inopes, tum duros: nec malis artibus cogeantur rem querere, qui tam paruo contenti essent. Hac Lacedæmonii, qui nec philosophorù dogmata, nec Christum nouerant: & nò pudet nos deliciarum nostrarum? Anachoritas vocamus, qui quatuor vestibus contenti sunt. Eras. ex Plutar. Lacon.

Eorundem.

Apud eosdem, iuvenes gregatim ac turmatim dormiebant supra stibadas, herbarum genus, quas ipsi sibi congerebant ex arundine apud Eurotam nascente: cuius summa non ferro, sed manibus defringebant. Per hyemem verò subiternebant sibi, quos vocant lycophones, ac stibadiis commiscebant, quòd ea materia caloris quiddam habere videretur. Vbi sunt nunc, qui toto corpore pulvis anserinis indormientes, queruntur: ob duritiem sibi dolere latera? Plutarchus in Laconicis, & Erasmus.

Agésilai.

Thasiorum gens ut copia rerum abundabat, præcipuè vini præstantia nobilis, ita deliciis erat addictior, per horum agros cum exercitu proficiscenti Agésilao, Thasii honoris gratia miserunt farinas, anseres, bellaria, liba ex melle condita, & item omnis generis alia maximi precii tum esculenta tum poculenta. at ille præter farinas nihil accepit: reliqua domum referri iussit ab his qui attulerunt, tanquam sibi suisque prorsus inutilia. Cæterum quum illi precibus & obtestationibus vrgerent omnino ut acciperet xenia, iussit ea inter Helotes distribui: id erat apud Lacedæmonios inancipiorum genus. Eius facti causam sciscitantibus, respondit: Non decere qui virtutis ac fortitudinis studio tenerentur, id genus delicias cupediasque recipere: propterea quòd istiusmodi res quibus inescarentur ingenio serui nati, oporteret à liberis procul abesse, grauius taxans Thasiorum mores, qui dum voluptatibus seruirent, nec ingenuos se præstarent, nec liberos: & sapienter ostendens, nihil esse seruius abiectiusque, quam gulæ veterisque voluptatibus obnoxium viuere. Plut. in apoph. Lac. & Eras. lib. x. apoph. Brus. li. 3. cap. 1.

Eiusdem.

Idem cum audiret quendam admirari, cur rex cum cæteris Lacedæmoniis tam frugali cibo & vestitu vteretur: Optimam messem metimus, inquit, libertatem, quæ sine frugalitate esse nequaquam potest. Plut. in apoph. Lacon. & Eras. lib. i. apoph.

Lyfandri.

Lyfandro Spartiata in Ioniam proficiscenti, hospites quos habebat in Ionia, cum aliis multis, etiam bouem & placentam dono miserunt. Qui placentam contemplatus rogabat, quidnam illud cupediarum esset? Cui cum is qui attulerat, responderet, ex melle, caseo, aliisque quibusdam confectum esse: Sed hoc inquit

quit Lyfander, iis date qui nouerunt. Non enim hic eft liberi & ingenui hominis, cibus. Aelianus lib. 3. de Var. hift.

Pausania.

Pausanias quum Medos viciffet, iuffit Perficam cœnam præparatam fibi apponi: in qua quidem quum magnus inelfet fumptus, Per deos (inquit) Lurco Perfa erat, qui quum tot haberet, ad noſtram venerit polentam. Bruſ. lib. 3. cap. 1.

Pelopida.

Pelopidas conuiuium agitans cum collegis ducibus, in fine conuiuii bibit acetum. Percontantibus, num id conduceret ad ſanitatẽ? Neſcio, inquit, illud ſcio, bonum eſſe ad hoc, vt quis meminerit domeſticae diætæ, ſiue domeſticorum negotiorum. Sentiens, conduceret aduerſus crapulam, & conferre ſobrietati: ſimul indicans, ſe domi parciffimo victu agere ſolitum. Plutar. lib. 2. Sympoſiacon.

Alcamenis.

Suprà tit. de Diuitiarum abuſu.

Anonymi.

Quidam ingreſſus diuerſorium, cauponi dedit obſonium, vt appararet, quum ille poſceret caſeum & oleum: Quid, inquit Lacon, ſi caſeum haberem, iam non egerem obſonio. Cau-po caſeum & oleum petebat ad condiendum piſcem, at Lacon id videns, cui ſufficiebat victus ſimplicitas, ſuperuacuum exiſtimabat, cibum cibo miſcere, quum alter per ſe ſatis eſſe poſſet. Quantum abſunt ab huius Laconis animo, qui centum rerum ſpecies in vnum miſcent diſcum? Plut. in Lacon.

Anonymi.

Quidam Lacon quum duas amygdalas duras duplo vendi conſpiceret: Sũntq; hic, inquit, rari lapides? Quafi nihil intereſſet inter ſilicem & duram amygdalam, Adeo Lacon deliciarum erat rudis, vt neſciret, ſub gẽmino cortice latere nucleum. Et apparet hoc genus arboris non quibuſlibet regionibus fuiſſe notum, quando Plinius dubitat, an ætate Catonis fuerit in Italia. Plut. in Lacon.

Phocionis.

Phocion filium ſuum; qui plura ſolito obſonia coemerat, obiurgans, ita comminatus eſt ei: Si plura quam ſecundum naturam veſceretur, vel ingurgitaret, ipſum condignas poenæ luiturum. Docuit filium vir ſapientiſſimus, frugaliter eſſe viuendum,

dum, cum natura paucis contenta esse soleat: quæ si obsonio obruitur nimio, poena statim in pròptu est, quæ in variis morbis illico se ostendit. Phocionis dictum extat apud Stobæum sermone 20 & 15.

Vxor ei.

Phocionis cognomento Probi vxor dicere solebat, suū mundum esse præclara gesta mariti. Ita frugalitatem suam excusauit aliis matronis, obiicientibus quòd parum pro dignitate culta esset. Eras. lib. 6. apoph.

Epaminonda.

Epaminondas tam tenui victu utebatur, vt aliquando vocatus ad coenam à vicino, quum reperisset bellariorum, obsoniorum, & vnguentorum apparatus, cōfestim abierit, dicens: Ego te sacrificare putabam, non deliciari & illudere. Plutarchus in Græcorum apoph. & Bruson. lib. 5. cap. 22.

Eiusdem.

Quum coquus collegis Epaminondæ de impendiis aliquot dierum rationem redderet, non alia de re indignabatur, quàm tantum fuisse consumptum olei, demirantibus autem collegis, negauit se offendi sumptu, sed molestè ferre, tantum olei exceptum intra corpus hominum. Sentiens, oleum esse natum foris vngendo corpori, non intus explendo. Inunctum reddit corpus firmitus, & iniuriæ patientius: infusum in viscera, reddit delicatius ac segnius. Plut. Ibidem.

Eiusdem.

Idem, quum festum diem celebraret ciuitas, omnesque comotationibus & libidini indulgerent, cuidam è familiaribus factus est obuiam squalidus & cogitabundus. Admirante illo, roganteque, quid tandem esset rei, quòd solus ad eū affectus modum, obambulare? Vt vobis, inquit, omnibus ebrios ac socordes effeliceat. O vocem principe dignam. Tum maximè vigilandum est principi, quum populus maximè indulget genio. At non oportet ipsi vnquam vacare, genialiter viuere. Ibidem.

Alexandri.

Quum regina Carum Ades illud haberet studio, vt assiduò mitteret Alexandro obsonia, bellariaque, per talium rerum architectos coquosque magna arte parata: Alexander ait, seipsum habere meliores obsoniorum artifices: ad prandium quidem,
noctur

nocturnum iter: ad cœnam verò, tenue prandium. Plutarch. in
reg. & imp. apoph.

Cyri.

Cyrus rex rogatus ab hospite, quid ad prandium apparari iuberet? Nihil aliud, inquit, quàm panem, nam spero me prope Crinum cœnaturum. Mira frugalitas in rege barbaro, cui panis erat pro obsonio, & sitim aquæ spe defererebat in cœnam. Refert Ammianus.

Ptolemæi.

Ptolemæus Lagi filius plerunque apud amicos & cœnare solebat, & dormire. Quòd si quando illos vicissim acciperet cœna, amicorum rebus utebatur, commodato sumens ab illis pocula, aulæa & mensas. Ipse verò sibi non parabat plura quam exigeret necessitas: sed regalius esse dicebat ditare, quàm diuitem esse. Plut. in Regum apoph.

Prodicæ.

Prodicus dicere solebat, optimum condimentum esse ipsum ignem. Sentiens, bono stoniacho satis esse, obsonium esse coctum, etiam si nihil accedat deliciarum. Erasmus libr. 6. apoph. tegmæ.

Scipionis.

Scipionem minorem narrant annis quinquagintaquatuor, quibus vixit, nihil vendidisse, nihil emisse, nihil ædificasse: libras autem argenti triginta treis, auri duas in ampla domo reliquisse, id quæ quum potitus esset Carthagine, milites quæ distasset plus cæteris ducibus omnibus. Plut. in Rom. apoph.

M. Curiæ.

Marcus Curius nonnullis arguentibus, quòd ex agris bello partis partem exiguam unicuique militum distribuisset, magnam verò reipub. optauit à diis, ne quando existeret quisquæ Romanus, cui ager exiguus videretur, qui posset alere dominum. Sentiens, eum non esse Romano dignum nomine, qui plus appeteret, quàm quod ad victum frugalem satis est. Plutarchus in Roman. apoph.

Augusti.

Augustus nulli ferè ad conuiuium vocanti negare solitus est. Exceptus igitur à quodam cœnæ perparca, ac penè quotidianæ, quum à conuiuatore dimitteretur, hoc illi tantum insurrexit: Non putabam me tibi tam familiarem. Alius tam ieiunium apparatus, contumeliam fuisset interpretatus: ille etiam pndo
si con

ri consuluit inuitatoris, familiaritati tribuens, idque in aurem, ne ceteri putarent exprobratam parsimoniam. Quid hac comitate amabilius in tanto monarcha, qualem nunc vix triginta reges æquent? Brus. lib. 2. cap. 2. & Macrobi. lib. 2. cap. 4. Sat.

Eiusdem.

Idem populo de inopia vini caritateque querenti dixit: A genere suo Agrippa productis pluribus aquis satis prouisum, ne sitirent homines. Fuit autem Agrippæ vigilantissimum studium, vndique prospiciendi vrbi de aquarum copia. Augustus autem seuerè populum ad aquas à vino reuocauit. Suetonius.

Iuliani.

Iulianus Romanorum imperator, coquos omnes eiecit è palatio. Rogatus autem cur hoc fecisset. Non opus est coquis, ait, quòd simplicissimis cibis contentus esse possum. Recitat Eras. lib. 8. apoph.

Taciti.

Tacitus vir consularis, factus Romanorum imperator, cum luxum omnem maximè damnaret, còtinuò dicere solebat: Fru gales mensulas, holusculis & leguminibus Pythagoricis instruetas, multo gratiores esse quàm Mylesiorum sumptuosa fastidia. Guido Bituricensis.

Huc refer quædam, quæ annotata sunt tit. de Abstinencia, Temperantia, &c.

De fucò.

Archidami.

Ceus quidam ætate prouectus, venit Lacedæmonem: & cum alias turgeret superbia, propter senectutem reuerenter habebatur, proinde canos occultare conabatur tinctura. Itaque cum in conspectum Lacedæmoniorum prodisset, ostenso tali capite, expoluit quorum gratia venerat. Confurgens itaque Archidamus rex Lacedæmoniorum: Quid, inquit, hic sani diceret, cuius non solum animus, verum etiam caput fucis contaminatum est? Et explosit eius dicta: ingenium Cei redarguens, ex iis quæ oculis cernebantur, Aelianus lib. 7. de Var. hist.

Anonymi.

Hospes quidam aiebat, se velle cum Dionysio priuatim colloqui: demonstraturum enim, quomodo posset præscire, quinam

quoniam ipsi molirentur insidias. Rex admisit hominem, iussitque dicere semotis arbitris. At ille: Da mihi, inquit, talentum, ut existimeris à me audisse insidiatorum indicia. Dedit, ac simulavit sese audisse, admiratus hominis commentum. Nam fucus ille vehementer utilis erat ad deterrendas insidias. Sunt qui narrent, Maximilianum Cæsarem simili arte simulasse magicas artes; indusia, gladiosque fortunatos, genios annulis inclusos, quo facinorosis & hostibus esset formidabilior. Plutarc. in regum & impera. apoph.

Philippi.

Ex Antipatri amicis quosdam Philippus Macedoniæ rex in iudicum numerum ascripserat. Verum post, ubi cognouit illum tingere barbam & capillum, submouit eum, dicens: Qui in capillis fidus non esset, eum muneribus gerendis non videri dignum cui fideretur. Fuco utebatur in tingendis capillis, ubi non multum erat lucris: multo magis usus erat fuco in publicis negociis, ubi dolus interdum ingens adfert emolumentum. Plut. in reg. & impera. apoph.

Phryne.

Phryne meretrix cum fuisset in conuiuio quodam, cui complures aderant scemina, quumque iuxta morem ioci conuiuialis, quod vnus quispiam faceret, idem omnes facere cogerentur, prior manum bis aqua immerfam admouit fronti. Quoniam autem omnes erant fucatae, aqua per lituram fucorum defluens, rugarum specie vultus omnium deformabat: quum ipsa interim Phryne, quæ naturali forma pollebat, speciosior appareret etiam diluta facie. Eras. Rot. lib. 6. apoph.

De fuga.

Diogenis.

Diogenes Cynicus, quum eius seruus Mathen, quem vnicum habebat, aliquando aufugisset, hortareturque ut reduceret, negauit: Turpe est, inquit, Mathen sine Diogene viuere posse, Diogenem sine Mathen non posse. Bruso. lib. 2. cap. 45.

Eiusdem.

Idem videns seruum fugitiuum ad puteum sedentem: Caue, inquit, & adolescens, ne ineidas, ad fugam alludens. Bruso. lib. 2. cap. 45.

Aristidis.

Aristidem Themistocli sæpenumero dixisse, memoriae prod

D

diderunt, non esse soluendum pontem, sed alium potius faciendum, ut abeat Xerxes, hostis atrocissimus. Brufon. lib. 3. cap. 15.

Stratonici.

Stratonicus musicus nauigarat in Pontum ad regem Berisadem. ubi diu moratus, voluit illinc in Græciam aufugere. quum id rex videretur non passurus: Bene, inquit Stratonicus, cogitas & rex, qui statueris hic manere, suam fugam subindicans, ac regis consiliū probans, quasi & ille de migrando cogitasset, & ipse non nisi grauib. causis commotus pararet abitum. Erasmus 6. apoph.

Agésilai.

Agésilau. videns claudum quendam militem, quærentem equum quo veherentur debilis, dixisse fertur: An non intelligis in bello opus esse, nō qui fugam adornent; sed qui fortiter pugnantes loco maneant? Significare voluit vir clarissimus, eos demum bello esse vtilis milites, quibus non decretum est ex periculo fugere, sed aut vincere in prælio, aut appetere mortem. Plut. in Lacon.

Callicratide.

Callicratides Lacedæmoniorum dux, cum in Peloponnesiaco bello à suis admoneretur, ut classem ab Argiis remoueret, nec cum Atheniensibus dimicaret: respondit, Lacedæmonios classe illa amissa, aliam parare posse, se autem sine sup. ac suorum dedecore non posse. Cicero lib. 1. Officiorum,

Eiusdem.

Idem classis præfectus, quum nauali pugna esset conflicturus, atque Hermon nauclerus diceret, bonum esse ab eo loco soluere, eo quod Atheniensium triremes numero longè plures essent: Quid, inquit, tum postea? fugere non tantum ignominiosum, sed damnosum etiam Spartanis est. contra fortiter pugnare & vincere, honestissimum. Plut. in Lacon. apoph,

Lacæne.

Lacæna quædam cum filios suos è prælio fugam adornasse audisset, domum venientes vehementer obiurgauit, dicens: Quò itis ignaua & fugitiua mancipia? & ostenso ventre: Num huc, inquit, denuò subituri, vnde emeristis? Plutarchus in apoph. Lacænarum.

Alcibiadis.

Alcibiades quum accepisset se, vna voce à populo Atheniensium morte damnatum, vitassetque carcerem, (nam statim ut accusatus

satus est, è patria aufugit) At ego, inquit, ostendam illis Alci-
biadem viuere. Brufon. lib. 7. cap. 14.

Pyrrhi.

Pyrrhus rex cum à suis audiuiſſet, hoſtes ita circumuenien-
dos eſſe, ne fuga, vitam eripere poſſent: dixiſſe fertur, Hoſtibus
nequaquam intercludendam, ſed aperiendam potius eſſe viam
quo citius magna cum ignominia fugiant. Brufonius libro 3.
capite 15.

Scipionis.

Scipio Africanus dicere ſolebat, hoſti non ſolum dandam
eſſe viam fugiendi, ſed etiam muniendam. Fuga enim hoſtium
paratur ſalus militum fortiter pugnantium. Brufon. lib. 3. cap.
15. ex Plut. apoph.

Ciceronis.

Fabricius quum demiſſo capite à iudicio recederet, vrbane
Cicero in oratione pro Cluentio ad illius fugam alludens: Re-
ſpice, inquit, hominum fortunam; reſpice C. Fabricii ſenectu-
tem. Repetit Brufon. lib. 2. cap. 45.

Anonymi.

Post Mutinenſem fugam, percontantibus quid ageret An-
tonius? Quidam è familiaribus eius reſponſiſſe fertur: Id
quod canis in Nilo, bibit & fugit. Conſtat enim, in Aegypto
canes è Nilo currentes bibere: nimirum metu crocodilorum,
eo in flumine regnantium. Macrobius libri ſecundi capite
ſecundo Satur.

Cornificij.

Cornificius poeta, videns milites in bello, quod inter Augu-
ſtum & Antonium gerebatur, frequenter fugere, appellauit eos
leporos galeatos. Eraſ. lib. 8. apoph.

Ciceronis.

Cicero quum à Caſaris partibus diſceſſiſſet, Pompeiique
imbelliam contemneret, vrbane: Quem fugiam, inquit, nouiſ-
ad quem autem fugiam, haudquaquam. Brufon. lib. 2. capite 43.
& lib. 3. cap. 12.

Eiusdem.

Quum quidam à Caſare ad Pompeium transfugiens, di-
ceret ſe feſtinandi studio equum reliquiſſe: Cicero dixit, illum
melius de equo quam de ſe ſtatuſſe. ſentens, longè rectius fa-
cturum fuiſſe, ſi & ipſe manſiſſet apud Caſarem. Plutarchus in
Roma. apoph. Brufon. lib. 3. cap. 12.

Eiusdem.

Suprà titulo de Conquiciis.

Iulij Cas.

Iulius Cæsar Pomponio militi ostentanti ore exceptum in seditione Sulpitiana vulnus, quod se passum pro Cæsare pugnantem gloriabatur: Ne vnquam fugiens respexeris, inquit Cæsar. Erasmius lib. 4. apoph. Sed hoc ascribit Augusto Cæsari Macrobius.

Eiusdem.

Idem in prælio quodam, Martiæ legionis aquiliferum iam ad fugam conuersum, faucibus apprehensum in contrariam retraxit partem, dextrâque ad hostem porrecta: Quorsum, inquit, tu abis? Illic sunt, cum quibus dimicamus. At manibus quidem vnum militem correxit, voce autem tam acri legionum omnium trepidationem discussit, vincique paratas vincere docuit. Eras. lib. 4. apoph.

Augusti impera.

Augustus Cæsar, militem saxo in expeditione percussum, ac notabili cicatrice in fronte deformem, nimium tamen sua opera iactantem, sic leuiter taxauit: At tu cum fugies post hac, nunquam post te respexeris. Macrobius lib. 2. ca. 4. Satur. Idem cum eo, quod paulo superius Iulio attributum posuimus.

Pertinach.

Pertinax Romanorum imperator, ab amicis suis admonitus, atque oratus etiam, vt militum prætorianorum crudeles insidias, qui imperatorem à vita tollere conabantur, effugeret populique auxilium imploraret, respondit: indecorum esse, ac illiberale, minimèque dignum imperatoria maiestate, atque antea acta vita, latebris aut fuga salutem quarere. Herod. lib. 2.

Aurel. Probi.

Aurelianus Probus imperator, à morum probitate dictus, quum equus esset ipsi oblatus, qui ob miram currendi velocitatem admodum laudaretur, (centum enim ad diem milibus passuum currere dicebatur, credentibus hoc omnibus) Fugitiuo, inquit, militi potius hic equus, quàm forti conuenit. Brunsionius lib. 2. cap. 43.

Alphonfi.

Alphonfus Aragonum rex laudare cum maximopere solebat, quicumque fugientibus hostibus, argenteum pontem extruendum dixisset. Existimabat enim, vel multo optabilius esse hostes

hostes in fugam vertere, quàm occidere: vel hostes pecunia sollicitandos, vt ab acie discederent. Panor. lib. 4. de rebus gestis Alph. Eras. lib. 8. apoph.

De fuga excusata.

Demoſthenis.

Demoſthenes clypeo ſuo literis aureis inſcripſerat, ἀγαθή τύχη, id eſt, bona fortuna. Attamen quum ad pugnam ventum eſſet, ilico proiecto clypeo auſugit. Id quum illi probro daretur, quòδ ῥιψασως eſſet, eluſit vulgato verſiculo:

αὐτὸς ὃ φεύγει καὶ πάλιν μαχόμενος. Id eſt,

Vir qui fugit, ruſum integrabit praelium.

Indicans, vtilius eſſe patriæ fugere, quàm in praelio mori. Mortuus enim non pugnat: at qui fuga quaſiuit ſalutem, poteſt in multis praeliis patriæ vſui eſſe. Plutarc. in vita Demoſthenis.

Theodori Athei.

Interrogatus Theodoſus, cognomento Atheus, cur Athenis profugus veniſſet ad Lyſimachum regem? Non profugi, inquit, ſed idem mihi accidit quod Herculi. nam vt ille ob peculiareſ quasdam virtuteſ ab Argonantis fuit expoſitus: ſic ego propter magnanimitatem, quam Athenienſium rectoreſ non valebant aſſequi, ſum vrbe excluſus. Philo Iudeus in lib. Quod omniſ probus liber.

Xenoneti.

Xenonetuſ dux, ciuibuſ exprobrantibuſ ſibi, quòδ imperator exercituſ fugiſſet in bello: At vobiſcum, inquit, δ charὰ capita: probrunt cum exprobrantibuſ communicans: neque enim dux perſiſtere poteſt abſque militibuſ; Et turpiter obui- cit alteri vitium, à quo ipſe non eſt immunis. Plut. in Politicis.

Alcibiadiſ.

Alcibiadeſ quum ad cauſam pro capite dicendam è Sicilia vocaretur ab Athenienſibuſ; obtemperare noluit: Stultum eſt, inquiens; iudiciuſ querere, non fuga tibi conſulere; cum fugere poſſiſ. Et cum quidā diceret, An non cediſ teiſum patriæ? reſpondit, Imò ne matri quidem crederem. Timerem enim; ne forte per imprudentiam; aut errorem veritatis; nigrum calculuſ pro candido ſubmitteret. Aelianuſ lib. 3. de Varia hiſtoria: & Fulgoſuſ lib. 2. cap. 2. Huic haud abſimile eſt Germanorum trituſ prouerbiuſ; *Vffder veltetſt gut tadigen. Quum licet fugere; ne quetaſ liteſ.* Bruſo lib. 3. cap. 17.

Eiusdem.

Idem cum audiisset, se absentem ab Atheniensibus damnatum esse: Reipsa, inquit, demonstrabimus, nos adhuc in viuis esse. Venientque ad Lacedæmonios Decelicum bellum aduersus Athenienses mouit. Aelia, lib. 13. Bruso, lib. 7. cap. 14.

Antigoni.

Quum Antigonus secundus aliquando cederet hostibus imminetibus, aiebat se non fugere, sed sedulitatem à tergo sitam persequi. Sentiens, non esse turpe fugere, quoties magis expedit hosti dare locum, quam conferere manus. Dicti gratia in hoc est, quòd quum fugere & persequi sint contraria, ille fugiens interpretabatur, se persequi magis quàm fugere. Persequimur enim hostem, & persequimur id quod studiosè expetimus. Plut. in Reg. apoph. Stob. sermo. 52.

De furto.

Democratis.

Democrates quum furem ab vndecim vitis abduci videret: Vah miser, inquit, cur tantula furatus es, & non potius magna, vt tute etiam abduxisses alios? Stob. ser. 11.

Zenonis.

Zeno Cittieus seruum in furto deprehensum cædi iussit: quumque is se sic excusaret, vt diceret, libi fuisse in fatis vt furaretur: Et cædi, inquit. Seruus allegabat fatorum necessitatem, ad excusationem commissi. Eam necessitatem retorfit & ad supplicium, quod ipsum etiam erat in fatis. Laer. li. 7. cap. 1.

Diogenis.

Diogenes Harpalum, celebratissimum furem, contra deos testimonium dicere aiebat, quòd in illa fortuna tam diu viueret. Bruso, lib. 2. cap. 40.

Eiusdem.

Idem quum audisset duos legum peritos inter se contendentes, damnavit ambos: quòd alter furtum commisisset, alter nò perdidisset. significans, vtrumque dignum exitio. Argutia dicti in hoc est: qui furatur, lucrificat aliquid: is verò cui res furto tollitur, damno afficitur. At hic absurdum quiddam acciderat, alter alterius rem furatus erat: nec tamen is cui furtum est factum perdidit, quod hoc ipse furatus esset, quod alter sustulit. Laert. lib. 6.

Eiusdem

Eiusdem.

Cum in balneis vidisset *ἁποδύττω*, id est, furem vestium, dixit illi: Num ad vinctiunculam, an ad aliud vestimentū? Rursum lusit affinitate vocum, quæ latinè reddi non potest, Græcè est, *ἢ ἀλμᾶτιον, ἢ ἢ ἀλλ' ἱμάτιον*: dictiones minimo discrimine soni inter se differunt. *ἄλμῆμα* ab *ἀλάφῃ*, vnguentum est, unde & *aliptæ* dicti: inde *ἄλμῆματιον* diminutivum: *ἀλλ' ἱμάτιον* duæ dictiones, sed ob *συναλογίῳ* pròpemodum vna videtur: quam si remoueas, est *ἄλλο ἱμάτιον*, id est, aliam vesticulam. In balneis enim olim vgebantur, & ibidem fures suum agebant negocium, quòd positis vestibus lauare mos est. Notabat itaq; furem, quòd alibi furatus vestem, eò venisset alteram furaturus. Laert. lib. 6. & Bruso. lib. 2. cap. 40.

Eiusdem.

Idem conspiciens furem purpuræ comprehensum, Homericum carmen in eum detorsit:

Ἰλλαβὲ, inquit, *σι πορφύρεῳ δάνατ' ἡγεῖ μίγα λεῖραιαύ.* id est, Te mors purpurea apprehendit, violentaque Parca. Laert. lib. 6.

Eiusdem.

Conspicatus duci quendam, qui phialam ex æratio furatus sustulerat (ducebatur autem à magistratibus, quos illi *ἡγομένους* appellant) Magni, inquit Diogenes, fures paruum ducūt. Vtinam hoc non possit verè dici in magistratus aliquot Christianos, à quibus ad laqueum adigitur interdum, qui decem drachmas sustulit: ipsi impunè magnus furtis, vel peculatu potius ditescunt. Laert. lib. 6.

Demosthenis.

Demosthenes ad furem inquentem, Nesciebam quòd tuum hoc esset: At tuum non esse, satis sciebas, respondit. Stob. sermone II.

Laconum.

Furabantur apud Lacedæmonas pueri etiam ex esculentis quicquid poterant, discentes dextrè imponere vel dormientibus, vel indiligentius sua seruantibus. Deprehensò pœna erat vapulare, & esurire. Plut. in Lacon.

Anonymi.

Lycurgi legibus cum furta permitterentur, solusque qui deprehenderetur, pœnas negligentiae daret: Puer quidam vulpeculam furatus, aduenientibus qui amiserant ad quærendum;

vestibus occuluit. Feram verò sæuientem, ac pueri ipsius latus ad intestina vsque lacerantem, tantisper tolerauit. Dum autem quærentes abirent, reprehensus à pueris quibusdam, dicentibus melius fuisse manifestare vulpeculam, quàm vsque ad mortem occulere: Minimè, inquit puer: sed multo satius est mori, quàm in furto deprehendi. Plut. in Lacon. Brus. lib. 2. cap. 1.

Anaxandri.

Anaxander Eurycratis filius, roganti cuidam, quur Spartani non colligerent pecunias in ararium publicum? Ne, inquit, corrumpantur, qui facti fuerint illarum custodes. Quàm malè consulunt integritati suæ, qui priuati pecuniarum vim in arcam recondunt, si vir prudens ciuium suorum moribus timuit à pecunia publica, cuius tantum erant custodes futuri, non domini. Plur. in Lacon.

Catuli.

Catulus, dicente Philippo, quid latras? Festiuè, furem se videre respondit. Brus. lib. 2. cap. 40.

Neronis cuiusdam.

Nero quidam in seruum furacem ita iocatus est, vt diceret solum esse, cui domi nihil sit nec signatum, nec occlusum. Intel ligimus autem, illi nec seras nec signa obstare, quominus furetur. Scrinia claudimus: olim verò & cadilagenæ quæ solebant obsignari. Eras. lib. 6. apoph.

Alex. Seueri.

Alexander Seuerus Imperator, adeò vindex furti fuit, vt per præconem sæpe edixerit: Nemo salutet principem, qui se furem esse noscet. Bruson. lib. 2. cap. 40.

Eiusdem.

Alexander Seuerus dicere solebat, solos futes de paupertate conqueri, dum ita student scelera vitæ suæ tegere. Iactabat & sententiam notam furibus.

ὁ πολλὰ ληΐσας, ὁ λίγα δὸς, ἐν πτωχείᾳ. id est,

Qui multa tulerit, pauca dederit, effugit.

Notans quosdam, qui tantum furantur, vt sit quo corrumpant iudicem, aut actorem. Aelius Lampridius.

Eiusdem.

Idem furti suspicione infames nec intueri sustinebat: adeò vt quum Septimius Arabinus, qui famosus crimine furtorum sub Heliogabalo fuerat liberatus, inter senatores principem salutatum venisset, exclamarit: O numina, ô Iupiter, ô dii immortales:

mortales: Arabius non solum vivit, sed etiam in senatum venit. fortassis de me sperat: tam fatuum, tam stultum me esse iudicat. Lampridius.

Cass. Soverin

Seuerus Cassius, qui alienas sententias paucis immutatis verbis usurparet pro suis dicere solebat, eos esse similes furibus, qui poculis alienis mutarent ansas ne possent agnosci. Eras. 8. apoph.

Plura leges in titulo de Peculatu.

DE GARRULITATE & loquacitate.

Zenoni.



ZENO Criticus audiens adolescentem nimis garrulum: Aures (inquit) in linguam defluxere. Ostendit autem adolescentis esse, audire quidem permulta, loqui autem pauca. Laertius libri septimi, capite 1. Stobæus sermone 34.

Eiusdem.

Adolescentem quoque multa temere garrientem, hoc dicto Zeno corripuit: Ob id binas habemus aures, & os vnicum, ut plurima audiamus, loquamur autem paucissima. Ibidem.

Eiusdem.

Idem adolescenti confidenter loquenti: Non dixerim, inquit, o adolescens, quæ mihi succurrunt. Significās, ex sermonis procacia colligi morum impudicitiam. Ibidem.

Eiusdem.

Zeno è discipulis suis aliquos dicebat esse φιλόλογος, id est, variæ rerum cognitionis studiosos: alios verò λογιόλογος, id est, loquendi tantum studiosos. Stob. ser. 34.

Eiusdem.

Idem quum percontatus esset à quodam homine satis contentioso, An virtus utilis esset: renuit, non volens verbis respondendo ei occasionem dare litigandi. Ibidem.

Eiusdem.

Adolescens quidam in Academia de stultis quibusdam negotiis loquebatur, cui Zeno dixit: Nisi lingua in mentem in-

tincta differueris, adhuc multo amplius dicendo delinques:
Stobæus serm. 34.

Platonis.

Plato, cum Antisthenes aliquando in diatriba longam orationē habuisset: Ignoras, inquit, quod dicendi modus nō penes loquentem, sed audientem est? Stob. ser. 34. Maximus ser. 47.

Menedemi.

Menedemus Eretrienſis quendam friuolis nugis obſtreperem, rogauit, num fundum haberet? Vt is reſpondit, ſibi pluri-
mas eſſe poſſeſſiones: Abi igitur, inquit, & illas cura, ne turpi-
ter ea perdas. No tantū autem hominem inaniter garrulum, qui
ad agros coſendos magis eſſet idoneus, quam ad dicendum:
Laertius lib. 2. cap. 16.

Apollonii.

Apollonius dicere ſolebat, Loquacitatem quidem multos
habere errores, ſilentium autem tutum eſſe. Stob. ser. 34.

Nicoſtrati.

Nicoſtratus dicere ſolebat, ſi continenter, multa & celeriter
loqui ſapiendi ſignum eſſet, hirundines dicerentur nobis mul-
to ſapientiores. Maximus ſerm. 47.

Demosthenis.

Demosthenes in conuiuio cuiſdā multa loquenti: Si tam mul-
ta, inquit, ſapuiſſes, nūquam tam multa locutus eſſes. Ibidem.

Eiusdem.

Idem rogatus, quid vnā habeamus linguā, aures verō
duas? Quia, inquit, duplo plus audiendum, quam loquendum:
Ibidem.

Democratis.

Democrates auaritiā quādam eſſe dicebat, omnia velle
dicere, & nihil audire. Stob. serm. 34. Maximus ser. 47.

Iſocrati.

Iſocrates orator, cum locutuleius quidam nomine Careon,
in diſciplinā eius recipi vellet, duplicem mercedem poſtula-
uit. Illi verō cauſam interroganti, dixit: Alteram quidem peto
vt loqui diſcas, alteram autem vt tacere. Stob. ser. 34. Antonius
in Meliſſa, par. 2. ſerm. 70. Maximus ser. 47.

Archelai.

Archelaus tonſor garrulo ſubinde roganti, Quomodo te
rado, ō rex? Silendo, inquit. Alter aliud reſpoſum expectabat,
& hinc dicti lepos. Quidam ſunt in curatione moroſi, Arche-
lao, ſatis

lao satis erat, si sileret, Nobis autem interdum etiā cum ebris, pariterque loquacibus res est. Plur. in Regum apoph.

Hieron.

Hieron, qui Geloni successit in regnum, neminem qui libere apud se loqueretur, importunū aut molestum esse dicebat: ceterum qui arcanum efferrent, eos existimabat etiam illos laedere, apud quos effutirent, eo quod odimus non solum illos qui efferunt, verum etiam eos qui audierunt, quae nollemus illis audita esse. Ibidem.

Plura vide in titulo, de Lingua & Loquacitate.

De generosè dictis.

Polydori.

Polydorus Alcmenis filius, in eum qui non cessabat hostibus minitare: Non intelligis, inquit, te maximam vindictae partem frustra consumere? Nam qui cupit inimicum vlcisci, nihil aliud efficit minitatio, nisi ut prae monito inimico, sibi ipsi maiores struat infidias. Plutar. in Laconicis.

Astycratida.

Astycratidas, posteaquam Agis superatus est apud Megalopolia in praelio adversus Antigonum, cuidam dicenti: Quid nunc facturi estis Lacedaemonii? Macedonibusne servituri? Quid tandem, inquit? num Antigonus vetare potest, quo minus in pugna pro patria mortem oppetamus? Ibidem.

Agasicles.

Agasicles Lacedaemoniorum regi cum quidam dixisset, Admirari sese, quod cum discendi tam audus esset, tamen non adiungeret sibi Philophanem sophistam: regali prorsus indole respondit: Eorum discipulus esse volo, quorum sum & filius. Significans, non minus interesse quos nactus sis parentes, quam quos informatores & educatores adsciscas. Ibidem.

Eudamida.

Infra de Laudis cupiditate.

Anonymi.

Thebani quum debellatis ac fugatis apud Leuctra Lacedaemoniis, ad ipsum venissent Eurotam, & quidam gloriabundus dixisset: Vbi nunc sunt Lacones? Spartanus quidam ab illis captus: Non adsum, inquit, alioqui vos huc non venissetis. Ne victus quidem & captivus potuit indolis Laconicae obliuisci, nec tulit victoris iactantiam. Ibidem.

Ephoro

Ephorum.

Quum Lacedæmoniorum rex polliceretur se funditus euer-
surum ciuitatem quandam, quæ sæpenumero Lacedæmoniis
negocium exhibuerat, non permiserunt Ephori, dicentes: Ne-
quaquam abolebis iuuenum cotem. Vrbem infestam appella-
bant cotem iuuentutis, eo quòd hostibus semper præsentibus,
ipsa iuuentus acueretur ad bellandi peritiam. Ibidem.

Anonymi.

Mos erat apud Lacedæmonios, vt rex hostes aggrediretur,
præcedente quopiam gestante coronam, qui in certamine vi-
ctor aliquando tulisset coronam. Cum igitur Lacon quidam
in Olympiis magnam pecuniæ vim respuisset, & aduertario co-
ronam tulisset, cuidam dicenti: Quid emolumenti tibi adfert
victoria? ridens respondit: Ante regem, inquit, coronatus ince-
dens, pugnabo cum hostibus. Ibidem.

Anonymi.

Apud Lacedæmonios duo pueri cum inter se pugnassent, &
vnus alteri lethale vulnus infixisset, puerorum sodales saucium
iam morientem consolantur, ac pollicentur vltionem. At ille:
Nequaquam, inquit, de vltione cogitandum est: quandoqui-
dem ego idem facturum eram, quod fecit ipse, si potuissim.
Ibidem.

Eiusdem.

Lacon quidam sagitta percussus, quum animam ageret, dice-
bat: Non me mouet quòd morior, sed partim quòd ab imbelli
sagittario, ac mulierculæ simili, partim quòd nullo facinore
edito morior. Plut. in Lacon.

Pauli Aemylj.

Infra de Hostibus non crudeliter tractandis.

Scipionis.

Scipio Africanus quibusdam calumniantibus, quòd parum
strenuus pugnator esset: Imperatorem, inquit, me mater, nò bel-
latorem genuit. Plut. in Scipione.

Agessipolis.

Supra de Concordia.

De gesticatione.

Chilonis.

CHilón Lacedæmonius dicere solebat, inter loquendum nò
esse mouendam manum: id enim esse væcordium. Vnde &
in

in Hebræorum prouerbiis est, Stultum digito loqui. Eius apophthegma recitat Laertius libro primi, cap. 4.

Lesbonactis.

Lesbonax Mytilenæus, histriones ac gesticulatores appellare solebat *χρῶσις*: quod manibus saperent, non lingua. Erat autem choreæ genus, quo graues historiae citra vocem vel recitantis vel tibicinis solo corporis gestu sic representabantur, ut spectatores propè plus intelligerent ex saltatione, quàm si quis recitasset. Eras. lib. 8. apoph.

Polemonis.

Polemon sophista, histrionem Tragœdiarum, qui in Olympiis, O Iupiter, pronunciarat, ostensa terra: O terra, manu in celum proiecta: submouit à præmiis (præsidebat enim ei certamini) dicens: Hic manu commisit solœcisum. Ex Philostrato.

Domitij Aferi.

Domitius Afer Manlium Suram multum in agendo discursantem, salientem, manus iactantem, togam deicientem ac respondentem, nō agere dixit, sed satagere. Actio enim oratoris est. Satagit autem, qui frustra miserèque conatur. Brulonius lib. 4. capite 31. Erasmus libro 6. apoph.

Ciceronis.

M. Callidius Gallū accusauit, M. Tullio defendente, quumq; accusator affirmaret, se testibus, chirographis, quæstionibus probaturum, sibi à reo fuisse præparatum venenum: sed interim rem tam atrocem, remisso vultu, languida voce, ac reliquò gestu parum concitato pronunciarat: M. Tullius, Tu, inquit, nisi fingeres M. Callidi, sic ageres? Ex actione colligens, illum non ex animo loqui. Erasmus libro 4. apoph.

Cæsaris.

Testius Penarius in dicendo mentum intorquebat, in hunc Cæsar ita iocatus est: Dic si quid velis, ait, quum nucem perfregeris. Notauit in compositos perorantis mores, ac gestulationes parum decoras. Nam qui habet in ore nucem duram, in rumpendo mentum solet intorquere. Brul. lib. 4. cap. 31.

Augusti Cæs.

Augustus duobus pantomimis inter se commissis, ut alternis gestibus certarent, alterum dixit saltatorem, alterum interpellatorem: quod ille immodicè gesticaretur, alter non gesticulari, sed saltantem interpellare videretur. Erasmus lib. 4. apophtheg. ex Suetonio.

De

De Geometria.

Diogenis.

SOcrates admonebat, dandam esse operam Geometriae, donec quis possit mensura terram & accipere & tradere. Græca sic habent: *φασκε δὲν γινώσκειν, μέχρι αὐτῷ μέρω διδόναι καὶ παραλαμβάνει καὶ παραδίδωαι*. Opinor eum sensisse, moderatos agros esse parandos, quos & tibi commodum sit à maioribus accipere, & hæredibus tuis tradere. Nam immodicæ possessiones ut non sine negotio parantur, ita non absque lite perueniunt ad hæredes. Dicti argutia est in verbo *γινώσκειν*, quod anceps est ad artem Geometricam, & ad agrorum mensores. Laertius lib. 2. cap. 5.

Diogenis.

Diogenes cuidam ostendenti horoscopon: Bellum, inquit, herclè instrumentum, ne frustremur cœna, sentiens, inutiles esse artes Geometricas cum cæteris. Laer. lib. 6.

De gladio, gladiatoribus, atque armis.

Agidis.

Demadi dicenti, quod enses Laconici ob breuitatē à circulatoribus ac præstigiis imitantibus deuorarentur: Agis iunior respondit, His ensibus Lacedæmonii assequuntur hostes longioribus armatos gladiis. Plutarchus in Laconicis apoph.

Demonactis.

Demonax Cynicus philosophus, videns Athenienses hoc agere, ut barbarorum exemplo, gladiatorum spectacula in urbem inducerent: Nolite, inquit, o canes istam crudelitatem prius admittere in ciuitatem vestram, quàm Misericordiam aram sitis demoliti. Voluit autem significare, nequaquam conuenire in ea ciuitate, in qua Misericordia pro dea coleretur, spectari plus quàm ferinam crudelitatem. Eras. lib. 8. apoph.

Antalcida.

Suprà de Fortitudine heroica.

De gloria, & eius amore.

Bionis.

Bion Borysthenites, Gloriam dicebat esse matrem annorum. Ob id opinor, quod cum hominis vita sit breuis, honesta memoria in multa secula propagatur. Laertius libro 4. capi. 7.

Socratis.

Socratis.

Socrates hanc viam ad gloriam proximam, & quasi compendiarium dicebat, si quisque id ageret, ut qualis haberi vellet, talis esset. Cicero lib. 2. Officiorum.

Democriti.

Democritus fertur & illud solitus dicere, *ἡ γὰρ ὄψις οὐκ ἐστὶν*, id est, Oratio operis est umbra, significans, ex egregiis factis nasci laudes hominum eloquentium, non contra. Primā igitur oportet esse curam factorum, quam gloria consequitur ultro. Laert. lib. 9. cap. 7.

Agessilai.

Agessilaum Lacedaemoniorum regem cum quidam interrogasset, Quā ratione perpetuam sibi gloriam parare posset? Si mortem contempseris, ait, nihil enim præclaræ rei gerere eum, cuius animum mortis metus occupavit. Plutarch. in apophth. Laconicis.

Themistoclis.

Themistocles cum esset adolescens, in computationibus ac mulierum amoribus volutabatur. At posteaquam Miltiades factus imperator, apud Marathonem devicisset barbaros, iam nullus offendit illum quicquam agentem præter decorum. Percontantibus autem unde sic esset repente mutatus? Miltiadis, inquit, trophaeum non patitur me dormire, neque cessare. Gloriarum studium exculsit amorem voluptatum: clauum, ut aiunt, clauo. Plut. in Græc. apoph.

Eiusdem.

Idem ad Olympiæ certamen profectus, cum in stadium processisset, omnes neglectis certaminibus oculos in ipsum intenderunt, in eoque contemplando diem totum contempserunt, ac Themistoclem illum cum plausu & admiratione peregrinis ostenderunt. Ea re vir gloriæ omnium cupidissimus, dixit amicis, se eo die laborum quos pro Græcia suscepisset, omnium fructum amplissimum reportasse. Plutarchus.

Alexandri Maced.

Ex Indis quendam sagittandi arte cum primis celebrem; adeo ut etiam per annulum sagittam mittere diceretur, quum in bello capisset, iussit artis suæ specimen edere: recusantem, iratus rex necari iussit. Quum duceretur homo, dixit his à quibus ducebatur, se multis diebus non exercuisse artem, eoque timuisse ne aberraret. Id ubi renunciatum est Alexandro, quod non con-

tumac

tumacia, sed ignominiae metu recusasset, admiratus ingenium gloriae studiosum, dimisit illum donatum: eo quod mortem opterere maluisset, quam fama sua videri indignus. Hic apparet, non omnino vanum esse quod proverbio tactatum est; simile simili esse amicum. Alexander gloriae supra modum appetens, similem affectum in aliis amabat. Plut.

Eiusdem.

Quum Alexander Thebanorum moenia diruisset, Phryne meretrix pollicita est de suis impendiis reposituram, modo ciues paterentur hoc insculpi elogium,

ἀνὴρ εὐδοκῶν μὴν ληστὴν ἀφ᾽ οὗτος ὁ δ᾽ ἐγγυόν. id est,

Alexander quidem subuertit, sed Phryne restituit. Hic meritò quis dubitet, vtrum sit admiratione dignius, an quod scortum corporis vsura, tantas opes collegerit: an quod tanto nominis amore teneretur, vt titulum tam carè voluerit emptum. Nam vt praelarius est restituere, quā demoliri: ita speciosior fuisse laus Phrynes scorti, quā Alexandri regis. Eras. lib. 8. apoph.

Iasonis Thess.

Iason Thessalorum rex venerat Thebas, belli socius futurus. Is cum Epaminondæ egenti, duo aureorum millia misisset, non accepit, sed ipsum Iasonem inuitus: Iniustus, inquit, imperas, ipse deterior. Sentiebat autem, iniquas esse opes, quæ possessorem facile seducunt. At viros fortes gloria, virtutis premio, contentos esse debere putabat. Plut. in Græcorum apoph.

Periclis.

Quum Thucydides vociferaretur apud populum aduersus Periclem, quod in picturâ ac statuas summorum artificum profunderet rei publicæ census, ipse assurgens rogauit populum: Videretûne multum impendisse? quo respondente, Plurimum: Age, inquit, sint igitur hæc mihi impensa, & non vobis: atque ipsis donariis deorum, meum tantum nomen inscribam. Hæc vox subito mutauit animum populi, iussitque vt publicis impendiis pergeret, nec ullis perceret sumptibus. Eras. lib. 5. apoph. ex Plut.

Antigoni.

Quum mitteret Antigonus filium suum Demetrium cum numerosa classe, magnaque militum vi ad Græcos liberandos, dicebat: Gloriam à Græcia, velut à specula in orbem terrarum accendi, iuuenē gloriae studio extimulans, vt strenuè rem gereret, quod eius laudis rumor nō intra Græciæ fines esset continendus, sed

sed ob Græci nominis celebritatem, per omnes mundi plagas dimanaturus. Plut. in Regum apoph.

Scipionis.

Scipio iunior censor creatus, adolescenti cuidam equum ademittit, quod eo tempore quo Carthago oppugnabatur, splendide cœnatus, libum in vrbs similitudinem figuratum, cui Carthagini nomen indiderat, conuiuiis diripiendum proposuisset. Iuvene verò causam sciscitante, cur equo priuatus esset? Quoniam, inquit Scipio, me prior Carthaginem diripuisti. Plut. in Ro. apoph.

Iulii Cæs.

Iulius Cæsar, posteaquam milites, qui Scipionem in Africa sequebantur, fugissent, & Cato victus sibi necem Vtiq̃ conscisset: Inuideo, inquit Cæsar, ô Cato tibi mortem istam, quando tu mihi salutē tuam inuidisti. Cæsar existimabat sibi summæ gloriæ futurum, si vir tantus, quum bello victus esset, ipsi vitam deberet. At Cato maluit honestam mortem, quàm oppressa publica libertate cuiquam seruire. Proinde mortis illius gloriam Cæsar inuidebat Catoni, quod is Cæsari seruati Catonis laudem inuidisset. Ibidem.

Alphonst.

Suprà de Ebrietati condonato errore.

Vide plura in titulo de Ambitione.

Degloriæ contemptu.

Cratetis Theb.

CRates Thebanus dicebat, se pro patria habere gloriæ neglectum & paupertatem, in quâ nullum ius haberet fortuna. Laert. lib. 6. cap. 5.

Diogenis.

Diogenes Cynicus cum præconem in Olympiis ita pronunciantem audiuisset, Doxippus vicit viros: correxit Diogenes: Hic, inquit, mancipia potius vicit. Ostendens, eos nequam esse viros, qui in his certarent spectaculis, sed mancipia potius gloriæ. Ibidem.

Socratis.

Socrates cum audiret recitare Lyfidem Platonis: Deum, inquit, immortalem, quàm multa de me mētitur adolescens. siue q̃ ob modestiā non agnosceret laudes quas ipsi tribuebat Plato, siue q̃ in dialogo multa de Socrate fingeret. Eras. 3. apoph.

Anaxandride.

Infra de Laude virtutis stimulo.

E

Themistoclis.

Themistocles ad Olympiæ celebritatem profectus, quum in stadium processisset, omnes neglectis certaminibus oculos in ipsum intenderunt, in eoque contéplando diem totum consumpserunt, ac Themistoclem illum cum plausu & admiratione peregrinis ostenderunt. Ea re latus vir gloriæ cupidissimus, dixit amicis, se eo die laborum, quos pro Græcia suscepisset, omnium fructum amplissimum reportasse. Plut. in eius vita.

Metroclis.

Métrocles libros suos exulsit, dicens:

τάδε ἵς ἐν ἑαυτῷ πρὸς ἑαυτὸν ἔγραψα.

Sunt inferorum hæc somniorum imagines. Sentiens, esse nugas ac deliramenta, quæ scripserat. Laert. lib. 6. cap. 6.

Frontini.

Frontinus vetuit sibi extrui monumentum, his verbis: Impensa monumenti superuacanea est, memoria nostra durabit si vita meruimus. Excelsi animi est, quum præclara gesseris, gloriam contemnere. Eras. lib. 8. apoph.

De Græcis.

Catonis.

CVM Posthumius Albinus historiam Græcè conscripisset, & ob id veniam peteret ab auditoribus: Cato irridens, Danda, inquit, erat venia, si Amphictyonum decreto coactus Græcè scripisset. Hoc aliquanto secus narrant Gellius & Macrobius. Plut. in Ro. apoph.

Ciceronis.

M. Cicero, M. Tulli pater, dicebat Italos similes esse Syrorum venalium, quorum ut quisque sciret optimè Græcè, ita esse nequissimum. Sentiens, unà cum literis Græcorum mores ad Latinos demigrare. Vnde quòd M. Tullius fuit iniquior Græcæ nationi, propemodum videri possit illi fuisse hæreditarium. Eras. lib. 6. apoph.

De grammaticis.

Diogenis.

DIogenes Cynicus reprehendebat Grammaticos, quos dicebat tanto studio mala Vlysis perquirere, cum tamen sua ipsorum mala ignorarent. Olim enim Grammatici potissimum versabantur in Homeri Rhapsodiis, qui in Odyssea commem

commemorat varios Vlysis errores. Laert. lib. 6. Stobæus ser.

2. Bioni adscribit Phauorinus 17.

De gratitudine.

Chilonis.

CHilon dicere solebat, Beneficii dati obliuisci decet, accepti meminisse. Vulgus hominum contrā facit. Si quid cui benefecerunt, sine fine prædicant, sinéque modo exaggerātis quid id ipsos collocatum fuerit officii, mox aut obliuiscuntur, aut dissimulant, aut eleuant. Carmen Ausonii sic habet: Nam te, Si bene quid facias, non meminisse fas est. Laert. lib. 1. cap. 4.

Diogenis.

Diogenes acceptis paucis nummis à Diotimo Carysio, homine sibi amicis, cum non haberet vnde munus tam amplum rependere posset, ad Diotimum dixisse fertur: Dii tibi largiantur tantum, quantum animo tuo cogitas & cupis. Aelianus lib. 4. de Varia histo.

Democriti.

Democritus dum quendam ad gratificandum aliis studiosissimum, vilem nihilominus, vicissim videret compensacionem accipere: Ohe, inquit, qui beneficia perdideris, num te non pudet Gratiarum gentilitatis deas, quæstus gratia prostituere, quæ virgines esse dicuntur? Stobæus.

Eiusdem.

Idem dicere solebat: Si facultas adest aliis gratificandi, ne differas. nosti enim, quàm mutabilis sit rerum omnium status? Idem.

Simonidis.

Simonides, rogante quodam vt sibi cōscriberet encomium, & gratiam se relaturum inquit, argentum autem non dante: Duas, respondit, arceas domi habeo, vnā gratiarum, alteram argenti & cum necessitas exigit, gratiarum quidem arcam aperiens, ioanem ipsam reperio, alteram verò solum mihi commodam. Stobæus ser. 8. de Iniustitia.

Artaxerxis.

Rusticus quidam videns ad regem Artaxerxen varia deferri donaria, nec aliud habens quod largiretur, vtraque caua manu haustam è proximo flumine aquam illi obtulit, vultu alacri. Rex lætatus, iussit illi dari phialam auream, ac mille Daricis donauit hominem. Plut. in Regum apoph.

Philippi.

Hipparcho Eubaico vita defuncto, Philippus præ se ferebat

quàm illius mortem acerbè ferret. Itaque cuidam volenti dolorem ipsius mitigare, dicentiq; : Attamen ille tempestiuè decessit, iam natu grandis : Sibi quidem ipsi, inquit Philippus, tempestiuè decessit, sed mihi præpropere. Mors enim illum anticipauit, priusquam à me beneficiū acceperit, nostra dignum amicitia. Perquàm rarum est, principem sentire gratiarum affectus, sed amicis pleriq; non aliter quàm equis vtuntur. Dum vsui sunt, curant: inutiles factos abiiciunt, eosque spoliant citius quàm beneficio iuuant. Plut. & Guido Bituricensis.

Pyrrhi.

Suprà titulo de Beneficentia.

L. Terentij.

Posteaquam Carthaginenses vi adacti, legatos de fœdere ac pace ad Scipionem misissent, iussit eos qui venerant protinus abire, tanquam non auditurus eos, priusquam L. Terentium ad se perduxissent. Erat autem Terentius Romanus, vir probus & humanus, qui in bello captus à Pœnis detinebatur. Quem vt adduxerant, Scipio pro tribunali sedēs, hominem apud se collocauit, mōxque auditis legatis, bellum dissoluit. Porro Terentius tanti beneficii memor, triumphantem Scipionem sequebatur pileatus, velut illius libertus: quin & Scipione mortuo ad exequias mulsum exhibuit, aliāque ad funeris celebritatem pertinentia studiosè procurauit. Hic in Scipione quidem habes exemplum beneficii candidè simul & honorificè collati: in Terentio verò, memoris animi specimen. Plutarchus in Roma. apoph.

Augusti Caf.

Veteranus quidam cum vocatus in ius periclitaretur, adiit in publico Cæsarem Augustum, rogans vt sibi veller adesse. Cæsar è comitatu suo selectum ilicò gredit, ei que litigatorem cōmendauit. Hic miles vociferans : At non ego Cæsar, periclitante te Actiaco bello, vicariū quasiui, sed pro te ipse pugnauī, simūlque detexit cicatrices. Erubuit Cæsar, atq; ipse descendit in aduocationem, veritus ne non modò superbus, verumetiam ingratus videretur. Eras lib. 4. apoph. ex Sucto.

Vide titulum de Beneficiis, & Beneficentia.

De gratitudine in Deum.

Pythonis.

PYtho Atheniensibus ob res feliciter gestas ipsum admirantibus, ac prædicantibus, quòd Cotyn regem interemisset:
Diis,

Diis, inquit; habenda est gratia, quibus autoribus hoc facinus præclare gestum est. nam ipse nihil aliud, quàm manum & operam meam commodavi. Euentus rei in manu Dei est, & huic debetur gratia siquid feliciter cesserit. Sed interim vult nostram operam accedere. Eras. lib. 6. apoph.

Placilla.

Placilla Theodosii Romanorum Imperatoris vxor, cum videret maritum à pietatis veræque religionis studio alienum magis esse, quàm Imperatorem deceret, subinde ad eum dixisse fertur: Considerare te oportet, suauissimè coniunx, quis antea fueris, & in quem locum te euexerit vniuersitatis huius Deus. Si enim perpetuam eius rei obtinueris memoriam, non prorsus te ob accepta beneficia erga eum ingratum præstabis: sed ex præscripto legum Dei quod ab eo accepisti, gubernabis imperium. & ita eum, qui tibi, vt fideli ministro, commisit, ritè coles. Necephorus Callist. lib. 12. cap. 42.

De graniter dictis.

Bionis.

BIon Borysthenites frequenter dicere solebat: Quemadmodum proci Penelopes, quoniam cum Penelope commisceri non potuerunt, cum illius ancillis rem habuerunt: ita qui philosophiam assequi non possunt, in aliis friuolis disciplinis semet exercent. Laert. lib. 4. cap. 7.

Solonis.

Solon Salaminius percontatus, Quur in parricidas nullam promulgasset legem? Non expectabam, inquit, hoc scelus vtrquam in hac ciuitate posse committi. Laert. lib. 1. cap. 3.

Thaletis.

Adultero sciscitanti, an abiuraturus esset adulterium? Thales Milesius ait: Non est periurium adulterio peius. Laertius libro 1. cap. 1.

Zenonis.

Zeno Cittieus dicebat, plerosque philosophos in multis sapere, sed in fortuitis vulgaribusque rebus esse imperitos. Laertius lib. 7. cap. 1.

Democriti.

Democritus Milesius dicere solebat: Si corpus animum in ius vocaret, haudquaquam futurum, vt ille muneris malè administrati crimen effugeret. Animus in corpore veluti præsidio

collocatus est, & tamen pleraque mala corpori ab animo veniunt. Laer. lib. 9. cap. 7.

Empedoclis.

Empedocles quum videret ciues suos voluptatibus deditos, sumptuosissimè ædificare, dixit: Agrigentini sic indulgent voluptatibus, quasi postridie morituri: sic ædificant, quasi semper victuri. Idem lib. 8. cap. 2.

Anaxagora.

Anaxagoras Clazomenius, quum absens morti addictus esset, id nuncianti: Iam olim, inquit, istam sententiam tulit natura: æquè in illos atque in me. Idem lib. 1. cap. 10.

Antisthenis.

Infrà de Inuidia, quæ plerumque felicitatis. & virtutis comes est.

Simonidis.

Simonides poeta quum Themistoelis prætoris operam pro amico in re iniqua peteret, respondit Themistocles: Nec Simonidem fore bonum poetam, nisi mensuram modumque in canendis carminibus, quæ scribebat, curaret: neq; se bonum prætorem habitum iri, si legibus ac iustitiæ alicuius gratiam præposuisset. Fulgosus lib. 6.

Socratis.

Socrates grauitè dicere solebat, nec à mortuo petendum colloquium, nec ab auaro beneficium. Eras. lib. 8. apoph.

Eiusdem.

Idem quum Athenis causam diceret, defensionemque ei Lyfias à se compositam, qua in iudicio vteretur, recitasset, demissam ac supplicem, imminenti que procellæ accommodatam: Aufer, inquit, quæso istam. nam ego si adduci possem, vt eam in vltima Scythiæ solitudine perorarem, tum meipsum morte multandum concederem. Spiritum cõtēmpsit, ne careret grauitate: maluitq; Socrates extinguì, quàm Lyfias superesse. Cicero lib. 1. de Oratore, Laert. in vita Socratis, & Val. Max. lib. 6. ca. 4.

Agidis.

Suprà de Filiorum potestate in parentes.

Agésilai.

Agésilas rex audiens scelerosum quendam hominem fortiter pertulisse tormenta, ait: Quam miser est homo, qui tolerantiam in res flagitiosas, ac turpes collocat. Plutarchus in Laconicis.

Eiusd.

Eiusdem.

Idem iam senex, cur per hyemen solo pallio tectus obambularet absque tunica, interrogatus: Vt, inquit, iuvenes hanc vitæ rationem imitentur. Ibidem.

Eiusdem.

Illud Agesilaus cum primis sibi gloriæ ducere solebat, quòd cum rex esset, cæterisque consilio prospiceret, nihilo secius in laboribus obeundis nemini cederet, quòdque sibi ipsi imperaret. Ibidem.

Eiusdem.

Agesilaus notans corruptissimos eorum mores, qui Asiæ incolabant, dicere solebat: inter illos qui improbi essent, eos non esse liberos: contra, qui probi, eos esse seruos: quòd ubi vitiis licerent omnia, virtus haberetur odio. Ibidem.

Eiusdem.

Quum secum haberet Xenophontem, iussit ut filios suos accerferet Lacedæmonem, docendos artem omnium pulcherriam: videlicet imperare, & parere imperio. Plut. in Lacon.

Eiusdem.

Ostendebat quidam Agesiæ ciuitatis cuiusdam muros bene tutos, quumque rogasset, viderentur ne pulchri? Pulchri, inquit, per louem: verum apparet in hoc paratos, ut mulieres inhabitent, non viri. Ibidem.

Alcmenis.

Infra de Imperio administrando.

Agasicles.

Agasicles quum sciscitaretur, quo pacto posset quis tutò imperare, nullo stipatus satellitio? respondit, Si sic imperet suis, quemadmodum pater imperat liberis. Plut. in Lacon.

Leonidas.

Leonidas cum proficisceretur ad Thermopylas, cum Persis conflictaturus, uxori interroganti, quidnam mandaret? Vt bonis, inquit, nubas, & probos liberos parias. Plut. in Lacon.

Eiusdem.

Idem cum iam iam cum hoste configere vellet, admonitus ut reliquos expectaret socios: An non adiunt, inquit, qui pugnaturi sunt? An nescitis eos solos cum hostibus pugnare, qui reges verentur? Plut. in Lacon.

Theopompus.

Theopompus, dicente quodam, ideo seruari Rempub. Spar-

tanam, quòd reges scirent imperare: Imò potius, inquit, quòd ciues sciant parère. Plut. in Lacon.

Telecri.

Suprà de Filiorum pietate in parentes.

Pædareti.

Pædaretus Spartanus, nobilitate & sanctitate præstans, in petitione magistratus victus, maximè sibi esse lætitiæ prædica- uit, quòd aliquot patria sua se meliores viros haberet. Quo ser- mone repulsam honori adæquauit. Plutarc. in Lacon. & Vale- rius Maximus lib. 6. cap. 4.

Syagri.

Syagrus Lacedæmoniorum legatus, cum vnà cum Athenien- sibus, quo tempore Xerxes expectabatur, ad Gelonem tyran- num Syracusanum mitteretur, vt in eo bello opè ab eo pete- rent: & Gelo offerret ducentas triremes, duo equitum & octo peditum milia, & præterea grandem pecuniam, ac vim magnā frumenti, si Græci in eo bello ducem cum creare vellent, respon- dit: Ad quærendos milites, & non ad sumendum ducem missus sum. Fulgos. lib. 6.

Themistoclis.

Themistocles cum ad mare descendisset, vt occisorum Per- sarum stragem inspiceret: posteaquam vidit interfectorum sparsos torques, & armillas aureas, ad amicum conuersus ait: Tu qui Themistocles non es, ista collige. Grauißimo verbo conditiones ostendens, quibus hominum gradus discriminan- tur, eas esse, quæ faciant vt aliquid agere aut deceat, aut non. Fulgo. lib. 6.

Demoſthenis.

Demoſthenes cum conuiciis incesseretur: Committor, in- quit, in certamen, in quo qui superior euaserit, inferior est: & qui vicerit, victus est. Plutar.

Antalcida.

Infra de Ostentatione.

Alexandri.

Darius rex, cum iam ex vno atque altero prælio Alexandri regis militarem virtutem esset expertus, filiam in matrimo- nium cum decies centum millibus talentum, ac magnam si- mul regni partem obtulit, Parmenione autem dicente, se, si Alexander esset, vsurum ea conditione: respondit Alexander, Erego

Etego vterer, si Parmenio essem. Curtius lib. 4. Arrianus lib. 2.
& Valerius Maximus lib. 6. cap. 4.

Gallorum.

Gallorum legati ad Alexandrum regem profecti, ut eius pacem & amicitiam peterent: interrogati ab Alexandro, quam ob causam ipsius amicitiam eo tempore postularent? putans dicturos, eius rei præpotentes ipsius vires causam esse: subridentes responderunt, Nihil aliud se metuere, nisi ne in ipsorum caput cælum rueret: & tamen ingentis animi regum, sicuti decebat, amicitiam magnificare. Fulgo. lib. 6.

Scip. Aemilian.

Scipio Aemilianus cum haberet consortem censuræ Mummium, ut nobilem, ita enervis vitæ, pro rostris dixisse fertur: Se ex maiestate Reipub. omnia gesturum, si sibi ciues vel dedissent collegam, vel non dedissent. Plinius cap. 58. de Viris illustr. Val. Max. lib. 6. cap. 4.

Eiusdem.

Idem Scipio, cum Scrius Sulpitius Galba & Aurelius consules in senatu contenderent, uter aduersus Viriatum regem in Hispaniam mitteretur: ac magna inter P. C. dissensio esset, omnibus quoniam eius sententia inclinaretur expectantibus: Neutrum, inquit, mihi mitti placet. Alter enim nihil habet, alteri nihil satis est. Aequè malam licentis imperii magistram iudicans inopiam, atque auariciam. Quo dicto, ut neuter in provinciam mitteretur, obtinuit. Valerius Max. lib. 6. cap. 4.

Scip. maioris.

Scipio Maior dicere solebat, in quibus sunt equi ferociores, tradunt eos domitoribus, ut his facilioribus possint uti: Sic homines secundis rebus effrenatos, sibi que præfidentes, tanquam in gyrum rationis duci oportere, ut perspecta rerum humanarum imbecillitate, ac fortunæ varietate, reddantur moderatiores. Plutarch.

Pescennij Nigri.

Pescennius Niger rogatus, quidnam de Scipionibus sentiret? respondit, Illos sibi videri foelices magis, quam fortes. quod uterque domi iuventutem parum sanctè translegisset. Aelius Spartianus.

Cyanien sinu.

D. Brutus cum penè totam Lusitaniam subegisset, ac solagentis huius vrbs Cyania pertinaciter arma retineret, tentata

pecunia redemptione, propemodum vno ore legatis Bruti respondit: Ferrum sibi à maioribus quo urbem tuerentur, non aurum, quo libertatem ab imperatore auaro emerent, relictum. Val. Max. lib. 6. cap. 4.

Manli.

Manlio cum omnium consensu apud Romanos consulatus deferretur, oculorum aduersæ valetudinis causam prætexit, quo honorem oblatum commodè recusaret. Instantibus autem cunctis: Alium, inquit Manlius, quærite Quirites, ad quem hunc honorem transferatis. Nam si me gerere cum coegeritis, nec ego mores vestros ferre, nec vos meum imperium perpeti poteritis. Plin. cap. 28. de viris illustribus. Valerius Maximus lib. 6. capi. quarto.

Fabij.

Minutius quum gloriaretur, ipsius opera multum decessisse Fabianæ dignitatis: Fabius inquit, Minuti reputares tibi cum Hannibale certamen esse potius, quam cum Fabio. Plut.

P. Rutli.

Suprà tit. de Amicitia atque amico bono.

Augusti.

Augustus Octavius quum fortè ad ades Catonis Uticensis venisset, ait: Quisquis præsentem Rempub. mutari non vult, is & ciuis & vir bonus est. Plut. in Rom. apoph.

Demetrii.

Domitianus Romanorum imperator, cum philosophos mathematicosque omnes ex Italia pellendos statuisset, multi que iam ex philosophorum schola in Lybiam Scythiamque confugissent: Demetrius philosophus expulsus, instituta cum Apollonio sermocinatione, dolenter dixit & grauiter: Cicadis licet impune canere, nobis autem ne mutire quidem fas est. Philostratus, & Cuspinian. in Consulibus.

Frontini Cæs.

Domitiano imperante cum omnibus liceret inimicos suos accusare, Frontinus consul, dixisse fertur: Malum esse, imperatorem habere, sub quo nulli liceret aliquid facere: sed peius, sub quo omnibus omnia. Dion apud Cuspinianum in Consulibus.

Alphonfi.

Alphonfus Aragonum rex, in contentione inter Franciscum Sphortiam & Nicolaum Picininum, cum interrogatus esset à Matriciensibus legatis, vtrum ex his in amicitiam admittere vellet?

vellet respondit, Vtrosque tanquam amicos habendos esse, sed ab vtrisque tanquam inimicis cauendum. Sensit autem rex prudentissimus, quam parum tutum sit, ita parare amicos, vt hostes & inimicos interim alios sibi infensos non reddat. Panor-
mita lib. 1. de reb. gest. Alphonfi.

Eiusdem.

Alphonfus Aragonum rex, improbo cuidam ac vecordi iactanti, reperisse se virum sapientem: Et qui fieri potuit, inquit, vt sapientem dignosceret stultus? Eras. lib. 8. apoph.

Hen. Danduli.

Henricus Dandulus, qui postea dux Venetiis creatus est, ad Manuelem Connenum imperatorem Constantinopolitanum, Veneto nomini infestissimum, missus orator, cum multa alia prudenter apud eum principem locutus esse dicitur, vt illum patriæ reconciliaret: tum verè illud grauissimè addidit, vt meminisset Sibyllini carminis iam pridem vulgati: futurum non multo post, vt Adria orti, Constantinopolitani imperii fascis sceptraque ad se traherent. Quo tam graui dicto adeò excaudit Manuel, vt illi intra cubiculum euocato, æneum vas candens obiecerit, quod inspectare diutius voluit, vt cum oculorum lumine priuaret. Quam pœnam ita passus est, quamuis grauius laborarit, vt præcipuus ille author fuerit imperii ad Gallos transferendi. Ioannes Baptista Egnatius, libri sexti capite quarto.

Stephani Contareni.

Creatus hic in Petri Zeni locum, senatus iudicio, qui maritimæ rei rectè peragendæ iu Benaco lacu præfesset, quando res aduersa nunciarentur, statim suscepta prouincia, domum est profectus, euocatæque de superiore ædium parte vxore: Scias, inquit, me Benacensi oræ præfectum, Senatu ita iubente: tu igitur omnia domi parato, curatæque vt præstò sint, quæcunque mihi necessaria futura sunt. Atque intra paucos dies aut lætum à me partæ victoriæ nuncium expectato (id quod campani aris sonitus ex Marciana turri tibi significauerit) aut mortis meæ literas, quibus tu cadauer hoc ipsum auitæ sepulturæ mandes. Quæ vox quæso grauior esse potuit, ad testandam suam in patriam charitatem? cuius dignitate & gloria nihil sibi charius aut iucundius esse profitebatur. Ioannes Baptista Egnatius lib. 6. cap. 4.

Andreas

Andraa Gritti.

Andreas Grittus, cum audiuiſſet Conſtantinum Cauaciam, vnum ex quatuor ſcribis, à decemuirali conſilio delectum, qui locus honeſtiſſimus in primis ſit, ſummæque inter plebeios dignitatis: Vtinam, inquit, patres ipſi maturius Reipub. conſuluiſſent, nam laqueum video Conſtantini collo, hoc ipſo decreto appenſum eſſe. Quod ſanè & illi contiguiſſet, niſi exilio ſuo peſſimè de Reipublica meritus, fugam arripuiſſet. Quid hoc principis reſponſo grauius eſſe potuit? Namque operam eius quandoque expertus, publico munere facilè ingenii prauitatè, & peſſimos eius mores deprehenderat. Ibidem.

Sergij I I. pont.

Quum Ludouicus à Lothario patre conſors imperii factus eſſet, Romam venienti, inſignia imperii accepturo, Sergius Pontifex: Si veniſti, inquit, ad nos depoſita feritate, qua fere vniuerſam Italiam populatus es, argenteæ ſtatim fores D. Petri patebunt, imperiique faſces à me quamprimum accipies: ſin verò eo animo es, vt non Chriſtianum principem agere velis, hinc quamprimum diſcedito, meque Pontificem Chriſtianæ pietati aſſertorè arreptum, primùm diripito. Ad quam vocem, quum Ludouicus ipſe ſeſe Pont. pedibus ſubiecuiſſet, oſculatusque eos, benignè ſe omnia facturum reſpondiſſet, ſtatim pontificis iuſſu patuere fores, admiſſusque ab illo perhumanè, omnibus imperii inſignibus donatus eſt. Quare inde poſtea diſceſſit, vt pacatiſſimo agmine in Gallias redierit. Ioan. Baptiſta Egnarius, lib. 6. cap. 4.

De gubernatione.

Socratis.

Socrates dicebat vehementer abſurdum eſſe, quum artes ſedentarias nemo profiteatur abſque dedecore, qui eas nō didicerit: neque quiſquam ſcrinium faciundum locet ei, qui rudis ſit eius opificii: ad publicos magiſtratus admittere, qui nunquam dederunt operam diſciplinis, ſine quibus nemo poteſt rectè magiſtratum gerere. Cumque nemo non deteſtatur ſit cum qui clauo aſideret, ignarus artis nauticæ: multo magis deteſtādos, qui Rempub. capeſſerent ignari politicæ philoſophiæ. Neque eum putabat appellandum impoſtorem, qui à perſuaſo quopiam pecuniam aut vaſculum acciperet, quod non poſſet redere: ſed illos magis impoſtiores habendos dicebat, qui dolo perſu

persuaderent se idoneos gubernandæ Reipub. quum sint homines nihili. Hoc dictum multo magis ad principes, magistratus & episcopos Christianos pertinet, quàm ad ethnicos. Erasinus lib. 3. apophthegmatum.

Eiusdem.

Idem dictitabat, illum impudenter facere, qui cū boues efficeret pauciores, postulare tamen haberi bonus bubulcus: sed multo absurdus esse, si quis haberi velit bonus Reipub. gubernator, cum ciuium numerum imminuat. Hoc dictum torfit in Critiam & Chariclem, qui multos ciuium trucidarant. Nec illos id latuit. Critias enim illi minatus est, ni sileret, fore ut ipse quoque faceret boues pauciores: & quod minatus est verbo, re præstitit, nam huius opera Socrates periiit. Laertius in vita Socratis.

Huc refer titul. de Magistratu, Principatu, vel Principe, & Reipub. administratione, &c.

De gula.

Augusti.

QUum ad Augustum delatum esset, Erotem Aegypti procuratorem emisisse coturnicem, in pugna superatē omnes, ac prorsus inuictam, eamque assam deuorasse: iussit acciri hominem, & discussa causa, confessum malo naui affigi iussit: vita iudicans indignum, qui ob tantillam gulæ voluptatem non pepercisset aui, quæ pugnando diu multisque potuisset esse voluptati: præterea quæ lato quodam omine, Cæsari perpetuam in bellis prosperitatem portenderet. Plut. in Ro. apoph.

Huc refer titulos, de Deliciis, Intemperantia, Voluptate, &c.

DE HAERETICIS FV-
giendis.

Polycarpi.



Polycarpus martyr aliquādo Marchioni obuius factus, atq; oratus ut Marcionistarum dogmata agnosceret vera esse: Agnosco, inquit, primo genitum Sathana. Tanta tunc Apostoli atque eorum discipuli in religione cautela utebantur, ut ne verbi quidem communionem cum aliquo eorum qui à veritate declinauerant, habere paterentur.

Ibidem

Ibidem Euseb. lib. 4. Eccl. histo. cap. 14.

Ioannis Apostoli.

Suprà de Conuictu & conuersatione.

De hilaritate.

Zenonis.

Zeno Cittieus rogatus, quur quum esset natura seuerus, in conuiuio tamen hilaresceret? lepidè respòdit: Et lupinum, quum sit suapte natura amarum, tamen aqua maceratum dulcescere. Naturale est, cibo potuque rigato corpore, discuti tristitiam. Laertius lib. 7. cap. 1.

Socratis.

Socrates cum iam morti addictus esset, carceris ministrum in poculo cicutam porrigentem, interrogauit, Quomodo sumendum esset hoc pharmacum, quòd eius esset artis peritus. Alludens ad ægrotos, qui à medicis, quando, & qua ratione dicta sit sumenda, discunt. Rogauit præterea, in diis aliquid de suo potu libare liceat, iuxta morem conuiuiorum, quod cum negaretur, Certè, inquit philosophus, phas est, & oportet orare deos vt fœlix & fausta mea sit migratio. Et sic Socrates, cum aduersus omnia mala, animi fortitudine armatus esset, in ipsa etiam morte hilaritatem ostendit. Laert. in eius vita.

Eiusdem.

Quum puer Socratem in ipso ferè mortis agone detexisset, quòd illi iam frigerent præcordia: Debemus, inquit, ô Crito, gallum Aesculapio, quem persoluere ne neglexeris: perinde quasi sumpta portione medica conualuisset. adèò increpat Socrati natiua quadam hilaritas, vt moriens etiam eam ostenderet. Hanc enim postreimam vocem fuisse ferunt. Laertius.

Platonis.

Plato negabat oportere inebriari, præterquam in festis, in quibus ipse Deus vinum porrigit. Festos dies autem decet hilaritas, ebrietas autem in his locum habere nequaquam debet. Laert. lib. 3.

De historia.

Demetrii Phal.

Demetrius Phalereus Ptolemæum regem adhortari solebat, vt sibi pararet libros de regno, deque militari imperio gerendo tradenda, quosque euolueret: propterea quòd ea, de quibus

quibus amici non audent admonere reges, in libris scripta habeantur. Plutar. in Græcor. apoph. & Laert. lib. 5. cap. 5.

Theopompi.

Theopompus dicere solebat, eum quidem optimum rerum bellicarum scriptorem esse, qui quàm plurimorum certaminū ciuiliū particeps fuerit, & quàm plurima etiam pericula coram expertus sit. Innuere autem voluit, eum tantum reuera esse bonum historicum, qui de iis scribat rebus, quibus ipse interfuit. Polybius lib. 12. historiarum.

Virgini.

Supra tit, de Conscientia bona.

Alphonsi.

Alphonſus Aragonum rex Capua laborans aduerſa valetudine, medicis multa medicamenta adhibentibus, in grauiſſimo morbo *Quinti Curtii* historias de *Alexandri* magni rebus gestis descriptas, legere cepit, cuius lectiōe delectatus, cum omnem morbi improbitatem superasset, sanitati restitutus: *Valeat*, inquit, *Auicenna*, valeat *Hippocrates*, & alii medici: & uiuat *Curtius*, restitutor sanitatis meae. Meminit *Antonius Panormita* de rebus gest. *Alphonsi*, & *Aeneas Syl.* de eius dictis.

De histrionica.

Agésilai.

Agesilaus rex, vir prudentissimus, ceteris in rebus tantum aberat semper à vulgi iudicio, ut quæ cernebat alios admirari, ipse in tantum contemneret, ut ne nosset quidem. Quod euenit & in *Callipide*. Is erat tragœdiarum autor multi nominis, famæque celebris apud Græcos, & à cunctis in præcio habitus. Primum quidem occurrit *Agésilao*, eumque est allocutus: post improbe semet admisit his, qui simul cum rege ambulabant, seseque ostentabat, ratus futurum ut rex prior ipsum comiter & cum beneuolentia quadam amplecteretur. Id quum non fieret, tandem, Non (inquit) agnoscis me ô rex, nec audisti quid sim? *Agésilaus* autem intuitus illum: An non tu es, inquit, ille *Dicelicta*: nam hac voce peculiaris *Lacedæmoniorum* lingua signat mimum, hoc est, imitatore. *Δύκλιον* enim illis simulachrum sonat, aut effectam imaginem. Adeo vir prudens, & omnia Reipub. commodis metiens, nullo honore dignatus est histrionem, quamuis insignem, cuius ars ad solam parata voluptatem

luptatem, corrumpendis ciuium moribus esset accommoda-
tior, quàm erudiendis. Plutarch. in Lacon. apoph.

De hypocrisi.

Diogenis.

Diogenes Cynicus cuidam sibi placenti, quòd leonis ex-
uiò testus ingrederetur: Non tu defines, inquit, virtutis
stragulas pudefacere? Indecorum esse censuit, quòd homo mol-
lis, Herculis amictum sibi vendicaret. Idem dici potest iis, qui
prodigioso amictu profitentur vitæ sanctimoniam, vita non
respondente. Diogenis dictum extat apud Laertium lib. 6. ca. 2.

Alexandri.

Alexander Mag. nonnullis Antipatri frugalitatem laudanti-
bus quòd alienam ab omnibus deliciis austeramque vitam age-
ret: Foris, inquit, Antipater albo vititur pallio, intus verò totus
est purpureus. Notans fictam illius parimoniam, quum esset
alioqui ambiciosissimus. Plutarch. in reg. & imp. apop.

Friderici III.

Fridericus tertius Rom. Imperator, quum audiret quendam
dicentem, abiturum se aliquando in ea loca, in quibus nulli pla-
nè hypocritæ essent, respondit: Ultra Sauromatas ergo, & gla-
ciale oceanum tibi eundum est. Sed cum eò veneris, non om-
niuo carebit hypocrisi locus: si modo & tu homo, non Deus
es. Inter mortales enim nemo est, qui non ex aliqua parte fictus
fucatusque sit.

Alphonfi.

Alphonfus Aragonum & Siciliae rex potentissimus, cū post
Africanam victoriam in Aenariam insulam venisset, audiens
Antoninum Picentem, ordinis heremitarum magnum hypo-
critam, iactando plurima in Christum & virginem eius ma-
trem, vermiculis acerbissimo morbi genere absumptum, ani-
mam expnasse, dixisse fertur: propterea Deum tantopere in hy-
pocritas sauire, quòd dum homines decipiunt, interponant
Deum ipsum tanquam sceleris mediatorem. Ideoque vt pluri-
mum viuentes adhuc plecti in oculis hominum; quos Dei no-
mine fefellissent, vt intelligant mortales, à talibus monstris ma-
ximè cauendum esse: quòd Deum ipsum non tantum post mor-
tem, sed etiam in ipsa vita haberent indubitatum vltorem. An-
tonius Panormi. de rebus gestis Alphonfi, & Aeneas Syluius de
eius dictis,

De

De homine.

Solonis.

Interrogatus olim Solon Salaminus, Quid esset homo? respondit, putredo est in exortu, bulla in omni vita, esca vermium in mortè. Guido Bituricensis.

Diogenis.

Quoties Diogenes considerabat in hominum vitacitatum gubernatores, Medicos au Philosophos, nullum animal dicebat esse homine sapiētius. Idem contemplans somniorum interpretes, coniectores, diuinos, & huius generis cæteros, aut qui gloriæ diuitisque seruirent: aiebat, sib. nihil homine videri stultius. indicans hominis ingenium ad res optimas accommodum, si exerceatur: sin ad vitia degeneret, longè esse infra mutas pecudes. Laert. lib. 6.

Cyri.

Cyrus Persarum rex dicebat, eos homines qui sibi prodesse nollent, cogi oportere, vt aliis sint vsui. Significans, serui animo natos, sibique inutiles imperio adigendos, vt aliorum commodis inserviant. Plut. in Regum & imperatorum apoph.

Vide titulum de Hominis fragilitate.

De hominibus suum officium
non facientibus.

Diogenis.

Diogenes quodam tempore lucernam accensam gestans, obambulabat in foro clarissima luce, quarenti similis. Rogantibus quid ageret? Hominem, inquit, quæro. notans publicos ciuitatis mores vix homine dignos. Laert. lib. 6.

Eiusdem.

Idem in foro quondam stans, clamabat, Adeste homines: veluti concionaturus apud populum. quumque iam frequentes conuenissent, nec ille desineret clamare, Adeste homines: quidā indignati, En adsumus, dic aliquid. Tum Diogenes baculo illos abigens: Homines, inquit, adesse iussi, non sterquilinia. Non putauit hominis cognomen competere in eos qui non viuerent iuxta rationem, sed brutorum in morem agerentur affectibus. Laertius lib. 6. Eras. lib. 3. apoph.

Eiusdem.

Eos qui in coquos, nepotes, scorta, & adulatores facultates

suas profunderent, similes dicebat arboribus, per præcepta nascentibus: quarum fructus nullus hominum gustaret, sed à coruis & vulturibus ederentur. quo dicto innuit, eos nequaquam esse homines, qui ventri & gulæ feruiunt. Laert. lib. 6.

Eiusdem.

Quum è balneis redeuntem quidam rogassent, num illic esset multum hominum? negauit esse. Rursus percontatus, an illic esset multa turba? annuit. significans, hominis vocabulum in paucos competere. Laert. lib. 6.

Eiusdem.

Redeuntem ex Olympiis quidam interrogabant, vidisset ne illic multam turbam? Turbam, inquit, plurimam, sed homines per paucos. Laert. lib. 6.

Eiusdem.

Conspecto adolescentulo, cultu gestuque parum virili: Non te pudet, inquit, qui peius tibi velis, quam ipsa natura voluit? Siquidem illa te virum fecit, tu te ipsum refingis in foeminam. Id in plerosque dici potest, quos quum natura creauit homines, ipsi sua sponte degenerant in pecudes. Laert. lib. 6.

Eiusdem.

Quum omnium oculi coniecti essent in Stilponem, quidam: Isti, inquit, Stilpon mirantur te vt beluam. Nequaquam, inquit ille, sed vt verum hominem. Solent peregrinae bestiae in spectaculum produci: vulgares homines nemo miratur. Sed philosophum plerique spectabant, non vt quemuis hominem, sed vt hominem verum: nam id spectaculum est rarissimum. Obiter notauit interpellatorem, quod ipse non esset verus homo, nec spectatu dignus. Laert. lib. 2. cap. 12.

Architæ.

Architas dicebat: Quemadmodum, si etiam summam diligentiam adhibeas, tamen piscem sine spinis non inuenias: sic neque hominem inueniri posse, qui non dolosum spinosumque quiddam habeat admixtum. Aelianus lib. 10. de Var. histo.

Alphonfi.

Alphonfus Aragonum rex, licet socordi & obtuso ingenio homines patenter audiret, solitus tamen est eos tantum, quorum proba ingenia esse sciebat, homines appellare, Ennium illud leui voce submurmurans: Vulturis (sic enim in nomina tiuo, vt nos Vultur, loquebatur) in syluis miserum mædebat hominem. Bellissime enim non homines, sed homones, Ennium

cos

eos vocasse dicebat, quos vidisset ex homine nihil præter effigiem possidere. Panor. lib. I. de rebus gestis Alphonſi.

Eiusdem.

Idem sæpenumero dicere solebat, Si nullam aliam præter Calabriam prouinciam haberet, se malle priuatum quam regem viuere, ne illis imperare cogeretur, qui nihil omnino hominis haberent, præter figuram & nomen. Panor. lib. I. de rebus gestis Alphonſi.

Eiusdem.

Suprà titulo de Animalium brutorum solertia.

De hominis miseria & fragilitate.

Bianſii.

Bias dicere solebat, sic metiendam esse ab homine vitam, quasi & multum & parum temporis victurus sit. Maximus sermone 67.

Crantoris.

Crantor Solensis senarium hunc ex Bellerophonte Euripidis probare solebat,

Οἱ μοι, τίδ' οἱ μοι, συντά τει πενὲς αὐτοῖς.

Eheu, quid heu? nobis, quod hominum est, accidit.

Sensit, quicquid vlli hominum accidit, hoc vnicuique posse accidere. Nihil igitur nec inexpectatum videri oportere, nec intolerabile. Laert. lib. 4. cap. 5.

Solonis.

Solon legum Atticarum conditor, dicere solebat, Vrbes ac oppida nihil aliud esse quàm humanarum ærurnarum domicilia, quibus luctus, mœrores, tristitiæ mortalium, quasi septis, includerentur. Bene quidem, nam si iusti ratiocinatores esse volumus, & rem æqua lance perpendere, haud dubiè iudicabimus, hominis vita nihil miseriùs, nihil calamitosius. Beroald. de Terræmotu.

Socratis.

Socrates, qui Apollinis oraculo omnium sapientissimus iudicatus est, dicere solebat, si omnes hominum calamitates in vnum conferrentur, mōxque singulis ex eo aceruo portiones æquè distribueretur, ita fore, vt suas quisque calamitates recipere malit, quàm æquam è communi portionem. Hoc aduersus vulgares hominum mores, qui alienar inuidet, suam deplorant sortem. Eras. lib. 3. apoph.

Eiusdem.

Idem interrogatus, quomodo quis sine molestia vitam ageret, negavit vlllo modo id fieri posse. Non enim licet, inquit, civitatem aut domum inhabitari, & hominibus conuersanti, sine molestiis degere. Stobæus ser. 97.

Eiusdem.

Idem dicebat, se putare, quod dii semper rideant, vanâ hominum studia insipientes, quibus peractis perpetuò se victuros putant: cum mox hinc tamen nobis migrandum sit, omnibus relictis. Stobæus ser. 96.

Zenonis.

Zeno quum canem Inuadentem repulisset, reprehensus à quodam ob id: Perdifficile est, inquit, prorsus hominem exuere. Voluit autem ostendere, hominem nunquam esse tam cautum, quin aliquando ostendat se quoque hominem esse affectibus obnoxium. Laert. lib. 9. cap. 5.

Democriti.

Democritus interrogatus, quid de hominum sorte sentiret? Misera homini fortunam esse dixit, cum bona quærentibus vix obtingant: mala autem non tantum non exquisita, sed extra omnem etiam expectationem, Stobæus ser. 96.

Eiusdem.

Idem admonere sæpenumere solitus est suos, vt humanam imbecillitatem expenderent, quò ei per mediocrem possessionem prospiciatur, & miseria in rebus necessariis mensuretur. Stobæus sermone 96.

Aristonymi.

Aristonymus hominis vitam theatro similem esse dicebat, vbi pessimi homines semper primatum obtineant. Antonius in Melissa, parte 1. ser. 7. Maxi. ser. 67.

Antiphonis.

Antiphon hominis vitam carceri vnius diei similem esse dixit, & totum vitæ spacium vni diei æquale propemodum, per quem intuiti lucem, posteris deinde vitam tradimus. Stobæus sermone 96.

Simonidis, & Pausania.

Cum Simonides conuiuio lautissimo à Pausania exceptus rogaretur, vt quippiam ex philosophiæ arcanis in medium proferret: videns Pausaniam nimium rebus suis fidere, eo quod iam ad Medorum partes se applicuisset: respondit, Memento te

te in tanta rerum foelicitate hominem esse. At Pausanias parum animaduertit, quod à philosopho dictum esset. Cùmque iam in summo vitæ discrimine esset, & mortem præ oculis esse intelligeret atrocissimam, altissima voce exclamasse fertur: O Cee hospes, quàm salutare tuum erat consilium. Ego autem adeò captus eram inani persuasionem, ut mihi nequaquam tantam admonitionem conuenire putarem, vnde miserè nunc perire cogor. Aelianus lib. 6. de Var. histo.

Neoptolemi.

Neoptolemum histrionem tragicædiarum interrogabat quispian, quidnam ab Aeschilo, aut Sophocle, aut Euripide dictum admiraretur? Cui ille: Nihil quidem istorum se in admirationem trahere: sed quòd ipse vidisset Philippum Cleopatraz filiaz suæ nuptias magnificè celebrantem in scena amplissima, cum tertiusdecimus deus appellaretur, postridie in theatro iugulatum & proiectum. Stobæus ser. 96.

Apollodori.

Apollodorus Megarites aiebat, illos qui crederent hominem aliud quiddam esse præter corpus, minimum in vita molestia percepturos. Tum quidam dixit, filios eius omnes cognoscere, quòd alii quàm corpus sint: nihilominus tamen propter vitæ molestiam & dolorem proprium, multos sese perditum ire. Stobæus ser. 97.

Aristotelis.

Aristoteles interrogatus, quidnam esset homo? respondit, imbecillitatis exemplum, temporis spoliū, fortunæ lusus, inconstantia imago, inuidia & calamitatis trutina: reliquum verò, pituita & bilis. Stobæus ser. 96.

Plotini.

Plotinus philosophus Platonius, Amelio pictori roganti, ut corporis formam pateretur effingi, non passus est: Quid, inquit, annon satis est nos hanc imaginem circūferre, nisi & imaginis imaginem relinquamus posteris ostentandam? ludicauit cum Pythagora, corpus esse thecam mentis, utcumque eam exprimentem. Minimum autem hominis videre cum, qui nihil aliud videt quàm corpus. Eras. lib. 8. apoph.

Euphratis.

Euphrates Syrus amissa vxore dicebat: O philosophia, tyrannica sunt præcepta tua: amare iubes: & si quis amiserit quod amabat, dolere & mœrore affici prohibes. Stobæus ser. 97.

Thrasea.

Thraseas, referente Plinio iuniore, dicere solebat: Qui vicia odit, homines odit. Sentiens, nullum esse hominem, qui non multis viciis sit obnoxius, licet aliis alii laborent. Ac sapenumero accidit, ut qui alios insectantur, ipsi grauioribus madeant viciis.

Epaminonda.

Epaminondas Thebanorum dux fortissimus, cum vidisset militem quandam in Leuctrica clade occubuisse: Dii boni, dixisse fertur, quam bonum hic vir nactus est otium. Vocauit autem vitam hominis laborem, mortem autem otium atque quietem. Guido Bituricensis.

Xerxis.

Xerxes quum vidisset vniuersum Helleipontum nauibus suis constratum, omnia littora atque Abydenorum plana hominibus referta, iactauit se beatum, moxque fudit lachrymas. Tam subitana mutationem admiratus Artabanus regis patruus, qui dissuaserat eam expeditionem, ausus est rogare causam. Tum Xerxes: Subiit, inquit, animum meum cogitatio, quam brevis sit hominum vita, quando ex tam numerosa multitudine post annum centesimum nemo superfuturus est. Plut. in Roma. apoph. Bruso, lib. 7. cap. 14.

Philippi Maced.

Philippus Macedo posteaquam apud Cheroneam Atheniensium prostragauit opes, adeo ex nimia felicitate se efferre coepit, ut se hominem fortuna malis obnoxium esse non cogitaret amplius. Verum cum intelligeret, quid mali ex tanta superbia sibi immineret, ex aulicis pueris vni id muneris modo iniunxit, ut ad solis exortum in suum cubiculum ingressus inclamaret: Rex meminervis te non Deum, sed hominem esse, multis fragilitatibus, ærumnis ac malis obnoxium & expositum. Cælius Rhodiginus lib. 19. cap. 33. lectionum antiquarum.

Alexandri regis.

Alexander Magnus cum Deus vbique ob res feliciter gestas vocaretur, se, quod mortalis esset, duabus potissimum rebus deprehendere dicebat, somno videlicet & coitu. Hæc enim præcipue produnt hominis imbecillitatem. Somnus enim quid aliud est, nisi (ut ille ait) gelidæ mortis imago: coitus item quid aliud, nisi species morbi comitialis? Dictum Alexandri recitatur apud Plut. in vita Alexandri.

Eiusdem

Eiusdem.

Idem Alexander, dum in obsidione cuiusdam urbis, infirmissima moenium quærit, sagitta grauitèr ictus est: nec tamen ab instituto destitit, sed mox quum represso sanguine sicci vulneris dolor cresceret, & crus equo, suspensum paulatim obtorpuisset, coactus quod cœperat omittere, ac chirurgum accersere: Omnes, inquit, me prædicant Iouis esse filium, sed vulnus hoc hominem esse me clamat. Plut. in vita Alexandri.

Stratonici.

Stratonicus, insignis ille musicus, quum audisset nixus matris Timothei regis: Si, inquit, opificem peperisset, non deum, quales emisisset voces? Irridens quorundam fœdam adulationem, qui regum filiis tribuebant diuinitatem, quum vox parientis regem æquè miserabilis sit, ac parturientis quemlibet plebeium. Ipse autè Stratonicus filius erat opificis. Athenæus.

Sileni.

Silenus senex, à Mida captus, rogatus est quid esset homini optimum: diu silentium tenuit. tandem adactus ut diceret, respondit: Optimum esse, nunquam nasci: proximum, quum ocysimè aboleri. atque hoc precio dimissus est. Huius dicti, præter alios, meminit Ouid. lib. Metamorphoseon II.

Neoptol. histrionis.

Neoptolemum histrionem tragicædiarum interrogabat quispiam, quidnam ab Aeschilo, aut Sophocle, aut Euripide dictum admiraretur? Cui ille: Nihil quidem istorum se in admirationem trahere dicebat: sed, quod ipse vidisset Philippum Cleopatraræ filiarum nuptias magnificè celebrantem, in scena amplissima cum decimustertius Deus appellaretur, postridiè verò in theatro iugulatum & proiectum. Stob. serm. 96.

Scipionis.

Scipio Africanus dicere solebat: Ut ii quibus sunt equi ferociores, tradunt eos domitoribus, quo his facilioribus possint uti: Sic homines præ secundis rebus effrenatos, sibi quæ præfidentes, tanquam in gyrum rationis ac doctrinæ duci oportere, ut perspecta rerum humanarum imbecillitate, varietatè quæ fortunæ, reddantur moderatiores. Plutar. in vita Scipionis.

Hadriani imp.

Hadrianus imperator cuidam illos Vergilii versus ad Verum accommodanti, Manibus date lilia plenis, &c. Cum irrisione respondit: Ego mihi diuum adoptaui, non filium.

Huc alludens, quòd imperatores referri soleant in numerum diuorum, sed à rogo. Dion in Hadriano.

Messolani.

Messolanus, vir sanctissimus, senio iam còfectus, cum à quodam inuitaretur ad sequentis diei conuiuium: Quid me hominem, inquit, inuitas in crastinum diem? qui à multis annis crastinum non habui. Quo dicto innuere voluit, hominis vitam incertiore esse, quam vt quisquam à mortis subito interdum aduenientis improbitate tutus esse possit. Proinde stultè ac imprudenter facere eos, qui suæ fragilitatis obliti, se in crastinum vsque victuros putent. Guido Bituricensis.

Aeneas Syluij.

Aeneas Syluius audiens disputantes de vitæ humanæ miseria: Comœdia, inquit, est vita nostra, cuius vltimus actus de morte agitur. bonus autem poeta nemo habetur, nisi ad finem vsque, actus omnes prudenter explicet. Syluius lib. 3. commentariorum de reb. gest. Alphonfi.

De homuntionibus.

Ciceronis.

QUum Cicero Lentulum generum suum, exiguae staturæ hominem, prælongo gladio videret accinctum in magna populi frequentia irrisit his verbis: Quis, inquit, alligauit generum meum gladio? Videbatur homo gladio alligatus, nō gladius homini. Plutar.

Eiusdem.

Idem quum Quinti fratris clypeatam imaginem in prouincia, quam is rexerat, ingentibus lineamentis, à capite vsque ad pectus ex more, vidisset: Frater, inquit, meus dimidius maior est, quàm totus. Erat enim Quintus pusillæ staturæ. Erasmus apoph., lib. 4.

De honestate.

Antisthenis.

ANTISTHENES Atheniensium philosophus dicere solebat, eademum honesta & pulchra esse, quæ bona sunt: turpia vero, quæ mala. Laer. lib. 6. cap. 1.

Laconum.

Lacones, si quando suos inuocarent Deos, nihil petebant aliud, quàm vt adderent dii cæteris bonis etiam ea, quæ honestissima

stilsima essent. tantum valebat apud homines gentiles rerum honestas. Huius rei testis est Plutar. in apoph. Lacon.

De honore virtutis præmio.

Antisthenis.

Antisthenes rogatus, quæ res portenderet ciuitatibus exitium? Cum in his, inquit, nullum esse potest bonorum ac malorum discrimen. Sentiens, eam Rempublicam non posse consistere, ubi nec esset honos virtuti, nec poena scelerosis. Hoc apud Homerum stomachatur Achilles, *ἢ δ' ἢ τοῦν*. Laertius lib. 6. cap. 1.

Stilponis.

Demetrius Antigoni filius quum Megara capisset, iussit Stilponis domum seruari indemnem. Admonitus igitur Stilpon, vt libellum daret rerum omnium quas amisisset: Ego, inquit, nihil bonorum meorū amisi, nam eruditio & eloquentia mihi sunt incolumes, quod hæc verè sunt *ἐνείκεια*, hoc est domestica propriaque bona. Idem hoc supra commemoratum est aliis verbis. Laert. lib. 2. cap. 12.

Theophrasti.

Theophrastus percontatus, quānam re communis hominū societas conseruari possit? respondit, Si poena mali coercentur à Repub. boni inuitentur honorum præmiis. Stob. serm. 41.

Anaximena.

Anaximenes dicere solebat, Qui zelo affecti, rectè facta dictaque nullo neque præconio nec honore dignantur, quem oro fructum ipsi ex suis benefactis sperare audebunt? Stob.

Fabij.

Fabio iam scne, filius illius consul factus est: qui quum publicus multis audientibus habuisset orationem, Fabius conscenso equo præcedebat. Quum autem iuuenis lictorem misisset, qui patrem iuberet equo descendere, alij quidem factum hoc auerlati sunt, at Fabius ab equo desiliens, non habita ætatis ratione accurrit, ac filium complexus: Euge, inquit, fili sapis, qui intelligas quibus imperes, & quāmagnum magistratum susceperis. Plut. in Rom. apoph.

Anonymi.

Titus Labienus equiti strenuo de præda Gallica aurum donauit. Id videns Scipio, dixit equiti: Habebis donum viri diuitis. Hac voce audita, eques aurum ad pedes Labieni abiect.

Idem quum audisset Scipionem dicentem, Imperator te armillis argenteis donat: alacer gaudio abiit. Miles aurum contempsit, honorem amplexus est. Eras. 6. apoph.

C. Marij.

C. Marius mille Camerinos, qui se in bello aduersus Cim-bros, strenuos viros præstitissent, honore Romanis æquauit, idque præter omne ius. Ad eos verò qui factum hoc reprehendebant: respondit: Se ob armorum strepitum, legum vocē exaudire non potuisse. Plut. in Rom. apoph.

Catonis sen.

Cato senior aiebat, populum Romanum non tantum purpure, verum etiam virtuti plurimum conducere. Quemadmodum enim tinctorum cum potissimum colorem inducunt, quo vident homines maxime delectari: ita iuuentus ad ea studia potissimum incumbit, quibus populus desert honores. Honos enim non solum alit artes, verum etiam virtutem. Hoc pacto monebat populum, ut magistratus his demum committerent, qui de se virtutis specimen dedissent: ita fore, ut quam plurimi sese ad egregia studia conferrent. Eras. lib. 5. apoph.

Eiusdem.

Qui virtutem honore suo fraudarent, eos dicebat ipsam virtutem à iuuentute auferre. sentiens, præmiis animos iuuenum ad virtutem accendi: quæ si detrahas, ipsa virtus elanguescit. Plut. in Rom. apoph.

Scipionis.

Africanus, Socraticum Xenophontem in manibus semper habebat, cuius in primis laudabat illud, quod diceret: Eosdem labores non esse æque grandes imperatori ac militi, quod ipse honos laborem leuiorem faceret imperatorum. Cicero lib. 2. Tusc. quæst.

Ciceroni.

Cicero sibi propriè & solum honorem æstimari dicebat, quem quis neque maiorum commendatione, neque per alterius calamitatem assecutus sit. Cicero in Philippicis.

Alphonfi.

Alphonfus Aragonum rex, amico ac familiari cuidam suadenti ut tranquille & voluptuose, dum posset, vitam ageret, nec corpus tot tantisque periculis obiectaret, respondisse dicitur: Non temerè à Romanis, illis quidem sapientioribus, Honoris

noris templo Virtutis templum coniunctum esse, in quod nisi per Virtutis templum introire nemini liceret. Vt intelligerent mortales, ad honoris fastigium non voluptatum vie (quæ delictis atque illecebris affluens esset) sed virtutis, illa quidem aspera & salebrosa, enitendum esse. Panormita lib. i. de rebus gestis Alphonfi.

Eiusdem.

Suprà titu. de Ambitione.

De honore artibus & eruditione ni exhibito.

Demetrii.

Demetrius Antigoni filius, quum Rhodum obsideret, urbemque iam cepisset, tabulam quandam Protogenis manu depictam studiosè seruari sibi præcepit, dicens: se citius parentis imagines, quàm eam picturam, aboliturum. Plutarch. in Demetrii vita.

Neacles.

Arato destinanti tyrannorum communi odio abolere tabulam insignis artificii, quæ Aristratum in curru victorem habebat: Neacles supplex intercessit, vt opus incolume seruaretur, dicens: Cum tyrannis, non cum tyrannorum imaginibus belligerandum esse. Eras. lib. 6. apoph.

Scipionis.

Scipio Minor, vbi ciuitatem comperit statuis deorum Græcanicis, ac monumentis è Sicilia deportatis differtam, per præconem pronuntiari publicè iussit, vt qui illarum essent vrbium, agnoscerent illa, ac referrent domum. Plutarch. in Romanor. apoph.

Sigismundi imper.

Suprà titu. de Doctrina & eruditione.

De honore negato.

Phauorini philosophi.

Athenienses Fauorini æneam statuam deiecerant, vt hominis Cæsaris inimicissimi. Erant enim Athenienses vetricales Adriano Cæsari. Id posteaquam philosopho denunciatum est, nihil commotus dixit: Vtilius erat Socrati ab Atheniensibus ærea priuari statua, quàm bibere cicutam. Philostratus.

De hono

De honore ex necessitate oblato.

Pauli Aemylj.

Paulus Aemylus quum iterum peteret consulatum, repul-
sam tulit: cæterum quum bellum aduersus Perseum ac Ma-
cedones, imperitia segnitieq; ducum in longum duceretur, ei-
demque consulatum detulissent, negauit se illis habere gra-
tiam, non enim se ob id tum designatum imperatorem, quod
ipse desideraret imperium, sed quod ipsi imperatorem. Plutar.
in Roma. apoph.

Iulij Cæs.

Iulius Cæs. quum triumphans subsellia tribunitia præteri-
ret, Pontius Aquila non assurrexit vnus omnium, id adeò indi-
gne tulit, vt proclamarit, Repete ergo Aquila à me rem publi-
tribunus. nec deinde per continuos aliquot dies cuiquam quic-
quam pollicitus est, nisi sub hac exceptione: Si tamen per Pon-
tium Aquilam licuerit. Eras. lib. 4. apoph.

Scipionis.

Scipio minor quum Romam venisset, reuocatus est ab exer-
citu: non vt ipsi gratificarentur, sed quod per illum citò Cartha-
ginem se capturos esse crederent. Plut. in Rom. apoph.

De honore momentaneo.*

Ciceronis.

Cicero in Vatinius, qui paucis diebus consul fuit, ita ioca-
tus est: Vatiui anno magnum ostentum fuit, quod eo con-
sule nec bruma, nec ver, nec æstas, nec autumnus fuisset. Nam
his horis annus totus distinguitur, quarum vnaquæq; tres men-
ses occupat. Nescio an hoc ipsum sit, quod aliter refert Pollio in
Marino tyranno: Consul qui sex meridianis horis consul fue-
rat, ioco Ciceronis aspersus est: Consulem habuimus tam seue-
rum, tamque censorium, vt in eius magistratu nemo pransus
sit, nemo cœnauerit, nemo dormierit. nisi fortè videtur hoc ma-
gis ad Caninium Reuilum pertinere. Macrobius.

M. Voltacily.

M. Voltacilius Pitholaus cum andiret Caium Seruiliū per
vnum tantum diem consulem fuisse, in Flaminum præsentia di-
xisse fertur: Antea Flamines, nunc verò consules diales creatos
esse. Alludit autem ad Flamines Diales, à Romulo, vel, vt alii
volunt, à Numa Pompilio creatos, qui à gestatione pileorum
pileamines dicti sunt. Flaminibus autem Diali iurare non licebat,
& inui

& iniurato credebatur, &c. Macrobi. lib. 2. cap. 2. Sat.

Huc refer ea quæ annotata sunt de Consulatu & Magistratu breui.

De honoris priuatione.

Aristotelis.

Aristoteles Nicomachi filius, vir sapientia præstans, cum quidam ei decretum Delphis honorem eripuisset, scribès de his ad Antipatrū, inquit: Ea quæ Delphis mihi decreto sunt assignata, quibusque nunc priuatus sum, animum meum afficiunt: vt neque magnopere mihi cordi sint; neque tamen omnino non cordi sint. Sapientissimè autem putauit, non esse simile, dignitatem aliquam suscipere: & cum iam acceperis, ea spoliari. Non enim graue est, non adipisci: at cum adeptus sis, rursus amittere, id satis quidem molestum est. Aelianus lib. 14. de Varia historia.

De honore absque vtilitate.

Alphonfi.

Alphonfus Aragonum rex interrogatus aliquando, quid sibi sine vtilitate honore esse videretur? Consimile id sibi vi deri respondit, vt si peracutum & peracrè quis cernat, sed offensus caligine aberrat in tenebris. Notabat autem eos, qui ad magnos honores aspirant: quibus recuperatis, non habent quo honoris titulo satisfaciant. Tales sunt hodie equites etiam aurati, qui post processionē ad diuum Iacobum, aut Dominicum sepulchrum se auratos equites nominant, ac insignia picta ostendunt: cum vix habeant viaticum ad vnum atque alterum miliare, pedites ire soliti. Panormita libro secundo de rebus gest. Alphonfi.

De honoris contemptu.

Diogenis.

Athenienses per adulationem decreuerant, vt Alexander pro Libero patre haberetur & coleretur. Hunc honorem irridens Diogenes: Et me, inquit, Serapin facite. Vt enim Bacchus inter Satyros est, ita Serapis ab Aegyptijs specie bouis colitur. Laertius libro sexto.

Aristotelis.

Aristoteles, summus ille philosophorum, præcipuam dignitatem

ratem esse dicebat, non fungi honoribus, sed ab aliis dignū honore iudicari. Stobæus.

Agefilai.

Agefilao quum nationes, quæ id temporis Græciam incolebant, decreuissent, in clarissimis quibusque ciuitatibus honoris causa statuas erigi, rescripsit illis hunc in modum: Mei nulla sit imago, neque picta, neque ficta, neque vlllo alio artificio parata. At principum vulgus hoc honoris genere se diis æquiparari credebat, summumque rerum bene gestarum premium arbitrabatur. Agefilaus ipso honesto contentus, negligebat eiusmodi adulationes verius quam glorias: imalens inculpi prudentum ac bonorum hominum pectoribus, quàm in foro æreus aureusue stare. Eximiam virtutem sponte suum consequitur deus. Nec vlla speciosior statua, quàm honorifica bene actæ vitæ memoria. Plut. in apoph. Lacon.

Eiusdem.

Idem quum moreretur in portu qui Menelai dicitur, mandauit iis qui aderant, ne quam statuam aut imaginem in eius honorem erigerent. Si quod, inquit, præclarum facinus gessi, hoc erit monumentum mei: sin minus, ne omnes quidem statuae, quum sint vilium ac nullius rei opificum opera. Plutarchus in Lacon. apoph.

Eiusdem.

Thasii quoniam intelligebant Agefilaum de ipsis optimè meritum, templis ac diuinis honoribus illum dignati sunt: atque hac de re legationem ad illum miserunt. Is vbi legisset honores, quos legati ad illum detulerāt, percontatus est, num illorum patria potestatem haberet ex hominibus faciendi deos. Quum illi respondissent, habere: Agedum, inquit, primū vos ipsos deos facite, id si præstiteritis, tum vobis credam, quod me quoque deum facere poteritis. Vtrum hic prius admirari conuenit? animi celsitudinem, adeo contemnentis oblatum, ob quod Empedocles philosophus semet in Aetnam coniecit, quodque tot eruditi principes tot artibus & impendiis ambiunt: an ingenii solertiam, qua Thasius vel summam stultitiam, vel abiectam adulationem suam in oculos ingessit? Plutarchus in apoph. Lacon.

Anonymi.

Anonymi.

Quidam quum in peregrinatione vidisset homines in sellis curulibus sedentes: Absit, inquit, vt in talibus sedeam sellis, vnde non liceat assurgere seniori. In his enim sedebant delicati porrectis cruribus, ac cœlum imminēs capiti prohibebat exurgere. Apud Lacedæmonios verò scelus erat, iuuenem non assurrexisse seni. Plut. in Lacon.

Theopompi.

Pylîi cum decreto statuissent Theopompo summos honores, ipse renuit: Mediocres honores ipsum tempus augere, immodicos verò abolere, dicens. Quo apophthegmate, id quod alii sibi aut vendicant arroganter, aut ambiunt ineptè, ipse vltro delatum reiecit. Plutarchus in Lacon.

Pyrri.

Pyrrius quum rebus feliciter gestis domum redisset, & à suis aquila diceretur: Per vos, inquit, aquila sum. Qui enim nō essem, quum vestris armis veluti pennis subleuer? Modestissimè gloriosi cognominis laudem in suos milites transferens, vitauit inuidiam. Plut. in Regum & imp. apoph.

Alexandri M.

Suprà de Coitu & venere.

Eiusdem.

Idem, quum in bello crus ei esset sagitta vulneratum, mul-tique accurrerent, qui ipsum frequenter Deum appellare consueuerant, ex porrecta hilariq̃ fronte ad Homeri carmen alludens dixit: Hic sanguis est quem videris, liquorq̃, qualis diuis solet emanare beatis. Nimirum irridens adulatorum vati-tatem, quum ipsa res declararet ipsum nihil aliud esse quàm hominem. Alludit autem ad locum Homeri Iliados, vbi narratur Venus à Diomede vulnerata. Plutarchus in apoph. regum & imperatorum.

Antigoni.

Suprà de Adulatoribus non admittendis.

M. Varronis.

Varro Pauli collega, quoniam ex Cannensi pugna, quæ Romanis fuerat infelicissima, superfuit, honores à populo delatos recusauit: dicens, felicioribus magistratibus opus esse Reipub. Quum animum gereret inculpatum, fortunæ suæ Reipub. vltro pœnas dare voluit, vir ob hoc ipsum summis dignus honoribus. Eras. lib. 6. apoph.

Pompeij.

Pompeij.

Pompeius Magnus, quum in Libyam aduersus Domitium transisset, cumque ingenti praelio superasset, militibus ipsum imperatoris titulo consalutantibus, negauit se cum honorem admissurum, quoad hostium vallum staret erectum. Hoc audito, milites, licet ingens obstaret pluuia, impetu facto hostium castra adorti expugnarunt. Recusauit honorem, nondum factis emeritum. Plut. in Romanor. apoph.

Iulij. Cas.

Iulius Cas. populo per adulationem Regem ipsum salutanti: Casar, inquit, sum, non rex. Maluit priuatum nomen, quam regium inuidiae obnoxium. Eras. lib. 4. apoph. ex Plut. Casare.

Tiberij.

Tiberius cuidam, a quo fuerat dominus appellatus, denunciauit, ne se amplius contumeliae causa nominaret. Quanta modestia in tanto principe? Nunc quidam nihil audire possunt nisi sacras maiestates, gratiosas celsitudines, & reuerendissimas dominationes. Eras. lib. 6. apoph.

Gregorij pont.

Cum successus Gregorii in ecclesia inuidia subsequeretur, adeo ut iniquis & minus sanis proscriptionibus ei abundum esset, iamque alius ordinaretur Episcopus, quod nemo illi palam dicere audebat, ipse vero sentiens quid fieret, dixit: Absit, ut mei causa aliqua simultas in Dei sacerdotibus oriatur. Si propter me est ista tempestas, tollite & mittite me in mare, & desinet a vobis quassatio. Petrus de natalibus, episcopus Equilinus, Eccle siast. hist. lib. II. cap. 9.

Alphonfi.

Neapolitani ciues, cum ob virtutem & clemetiam Alphonfi regis decreuissent vno consensu omnes, arcum regi triumphalem ad memoriam honorifice struere, elegerunt locum super gradus marmoreos maioris ecclesiae. Id vero quandoquidem fieri non poterat, ni magna ex parte dirueretur Nicolai Mariae Buzuti, magnanimi & strenui militis, domus, rex fieri omnino hoc prohibuit: Haud tanti se facere, inquiens, huiusmodi saxorum struem ventis imbrique obnoxiam, ut amici domum ideo euerti pateretur. Contempsit rex honorem, & laudem saxorum testimonio posteris memorandam: cum secus hodie faciant ii, qui nullis virtutibus conspicui, omnibus aedificiis & parietibus nomen suum posteris celebrandum inscribunt atque insculpunt. Panor. lib. I. de rebus gestis Alphonfi.

De hosp

De hospitalitate.

Cleomenis.

Cum amicus quidam hospiti in phiditiis nihil apposuisset nisi vinum nigrum, & panem igni duratum, succensuit homini Cleomenes, dicens: Erga peregrinos non oportere nimium *Λαγνίσιν*. Seueritas est, si quis à seipso exigat victum duriorum: at inhumanitatis est, hospitem eodem compellere. Plutarchus in Lacon.

Luculli.

Lucullus, quum Græcos quosdam per dies aliquot magnificè tractasset, atque illi dicerent, se mirari quòd tantum impendiorum sua causa faceret: Nonnihil, ò hospites, vestra causa, inquit, sed maxima pars Luculli gratia. Plutarchus in Romanorum apoph.

De hostibus & inimicis.

Diogenis.

Diogenes Cynicus ad salutem hominibus opus esse dicebat, aut fidis amicis, aut acribus inimicis: eo quòd illi monent, hi redarguunt. Laert. lib. 6.

Antisthenis.

Antisthenes philosophus Atheniensis, frequenter dicere solebat, hostes in bello semper obseruandos esse, quòd hi primum omnium sentiant si quid delinquas. In hoc igitur vtiliores sunt nobis quàm amici, vt errata nostra cognoscamus, & cognita corrigamus. Laert. lib. 6. cap. 1.

Aristonis.

Aristo cuidam laudibus vehenti dictum Cleomenis, qui interrogatus quid oporteret bonum regem facere? respondit, amicis benefacere, inimicis verò malè. At quanto præstantius, ait, amicis benefacere, & ex inimicis reddere amicos? Plur.

Onomademus.

Onomademus Chius posteaquam aduersam factionem superasset, quibusdam censentibus, omnes diuersæ factionis vrbem pellendos, negauit expedire, dicens, se vereri, ne omnibus inimicis ad vnum ciectis, inter amicos existerent dissidia. Sentiens, sic esse multorum ingenium, vt si desint inimici, in quos naturæ malitiam exerceant, amicos impetant. Eras. 6. apoph.

Xenophontis.

Xenophon dicebat, esse prudentis cordatique viri, etiam ab

inimicis vtilitatem capere. Vulgatum est, neque solem, neque aquam, neque ignem magis vtilem esse hominibus, quam amicos. Sed ingenii philosophici est, quemadmodum periti medici ex bestiis ac serpentibus noxiis vtilia quaedam remedia colligunt, ita ex inimicorum odio decerpere aliquid, quod vertat in suum bonum. Eras. 7. apoph.

De hostibus fraude, astu, ac dolo vincendis.

Agefilai.

Agefilas Lacedæmoniorum rex, cum contra Tissapher-nem, hominem fœdifragum belligeraret, eiusque vrbes quam plurimas variis insidiis ac dolis cœpisset, amicis dixit: Fœdera quidem violare, præter causam impium est: cæterum hostibus imponere, nō modò iustum est, ac laudedignū, verum etiam & iucundum & lucrosū. Nec enim turpe putauit, dolis in illum vti, qui violato fœdere, periurio fefellisset & deos & homines. Plut. in Lacon.

Laconii.

Apud Spartanos cum in luctandi genere, quod chirapssam appellant, is qui collum alterius vrgebat, frustra præterque legem palæstræ pulsaret vndique, & in terram detraheret, posteaquam corporis viribus destitueretur, qui inhaerenti cedere cogebatur, brachium vrgentis momordit. cūque alter diceret, Mordes o Lacon, fœminarum more: Non, inquit, sed more leonum. Vt solerter obiectam ignauia detorsit in laudem fortitudinis. Nullum enim probrum apud illos detestabilius, quam muliebris imbecillitatis. Iure autem se morfu liberauit, qui præter ius certaminis vrgebatur à victo. Plut. in Lacon.

Agidii.

Cuidam consulenti Agidem regem, vt hostibus fugientibus daret transitum: Et quomodo, inquit, pugnabimus cum his qui ob fortitudinem manent, si non pugnamus cum fugientibus? Existimabat vir animosus, aduersus hostes nullam prætereundam occasionem. Plut. in Lacon. apoph.

Antigoni.

Antigonus interrogatus, quomodo oporteret hostes aggredi: dixit: Aut dolo, aut vi, aut aperte, aut per insidias. Stobæus sermone 52.

Hærenii

Herennij Pontij.

Samnitatibus consultantibus quid de legionibus Romanis apud furcas Caudinas inclusas fieri deberet: Herennius Pontius suavit, ut inuiolata dimitterentur. Postero die eadem de re consultus, respondit, ad vnum vsque delendas. Sentiens, aut clementer magno beneficio demerendos hostes, aut irreparabili iactura illorum vires comminuendas. Neutrum sequutus est exercitus, sed sub iugum missos, contumelia magis illos in se prouocauit. Eras. lib. 6. apoph.

De hostibus non contemnendis.

Agefilai.

QUum edixisset Agefilaus rex ut captiui nudi venderentur: Laphyropolæ, quorum munus erat res prædaticias diuendere quod erant iussi faciebant, ac vestium quidem, quoniam iuxta barbaricum morem erant splendida, multique precii, complures extiterunt emptores: ceterum ipsa corpora candida, prorsusque tenera ac delicata, nec quicquam virile præ se ferentia (quippe in umbra, otio ac voluptatibus educata) adeo nemo concupiuit emere, ut deriderent etiam hoc mercium genus, velut inutilium, nec ullius omnino præcii. Id animaduertens Agefilaus, qui auctioni præsidebat, & hunc casum torfit ad animandos ad fortitudinem milites: Hæc, inquit, sunt pro quibus pugnatis (ornamenta captiuorum ostendens) hi, quibus cum pugnatis: nuda captiuorum corpora demonstrans. Duplici nimirum argumento addidit suis animos: amplissima spe præmiorum, & hostium imbellium extremo contemptu. Plutarchus in Laconicis.

Anonymi.

Spartanus interrogatus, num tutum esset ad Spartam iter? Refert, inquit, qualis eo descendas. Nam leones illuc euntes plorant, lepores autem in umbraculis venantur. significauit, nec ferocibus ac violentis esse tutum proficisci Spartam, nec mollibus & effeminatis: quod hostili animo illuc proficiscentes malè acciperentur à fortioribus delicatos homines illic non sinerent lasciuiare in tenebris. Plut. in Lacon.

Antigoni.

Antigonus quum in paruulo quodam castello Græci obsiderentur, ac fiducia loci contemnentes hostem, multa in deformitatem Antigoni iocarentur, & nunc staturam humilem

nunc collisum nasum deriderent: Gaudeo, inquit, & aliquid boni spero, quando in castris meis Silenum habeo. Cum hos dicaces fame domuisset, quod captis facere mos est, videlicet ut qui bello sunt utiles, in cohortes describantur, ceteri praecario subiiciantur: negavit se vel id facturum fuisse, nisi expediret his dominum habere, qui tam malam haberent linguam. Hoc idem arbitror esse cum eo quod refert Plutarchus, nisi quod aliter commemoratur à Seneca,

Ciceronis.

Post Pharsalicum conflictum, quum fugisset Pompeius, Nonius quidam dicebat: septem adhuc aquilas superesse, proinde bono animo essent hortabatur: Recte, inquit Cicero, hortaberis, si nobis cum graculis bellum esset. At ille aquilas dixit, vela Romana aquilis insignita. Plut. in Ro. apoph.

Romanorum.

Romani, quum in pugna cum Tigrae, hostium peditum centum milia trucidassent, paucis equitum fuga seruatis, quum ex ipsis non amplius centum essent vulnerati, interfecti quinque: dicebant, sese erubescere, quod in tam vilia mancipia strinxissent ferrum. Plut. in Ro. apoph.

De hostibus non crudeliter tractandis.

Socratis.

SOcrates cum Cræsum interrogasset, quid esset maximum & preciosissimum ex regno consecutus? illéque respondisset, Ut hostes vlcisceretur, & amicos beneficio afficeret: Multo, inquit, melius fecisses, si & illos tibi amicos asciuises. Maximus ser. 6.

Agésilai.

Agésilas in concione solebat admonere milites suos, ne captiuos ut facinorosos cruciarent, sed ut homines seruarent. Infantibus etiam in bello captis prouidit, ut in vnu locum comportarentur, ne mutatis castris relictis perirent. Eandem curam impendit senibus captiuis, ne quoniam sequi non possent, à canibus lupisque discernerentur. Hac autem humanitas illi non solum aliorum, verum etiam captiuorum miram beneuolentiam conciliauit. Et nunc homines sibi videntur, qui trucidatis infantibus ac senibus, eam aetatem abducunt, quæ vel libidini apta est, vel labori, vel utrique. Quod progressa est immanis illa feritas? Plut. in Lacon. apoph.

Eiusd.

Eiusdem.

Idem cum apud Coroneam Athenienses ac Boeotios graui praelio vicisset, in hostes tamen non crudeliter sequi voluit: sed eos qui ad deorum templa confugerant, nequaquam spoliandos putauit: Eras. lib. 6. apoph.

Callicratide.

Callicratidas classis praefectus, à lysandri amicis sollicitatus, vt quendam ex inimicorum numero permetteret ipsis interire, & acciperet talenta quinquaginta: tametsi vehementer opus haberet pecuniis ad soluendum nautis stipendium, plus tamen valuit in hostem pietas, quem saluum esse cupiebat, quam pecunia in summa etiam rerum penuria. Plut. recitat hoc factum in Lacon. apoph.

Aristonis.

Aristo cum ex quodam audiuisset, amicis benefaciendum, inimicis autem malefaciendum esse: Imò, inquit, praestantius est amicis benefacere, & ex inimicis reddere amicos. Plutarchus in Lacon.

Xerxis.

Xerxes Darii filius cum Graecorum exploratores in exercitu suo deprehendisset, nullo malo affecit, sed circumduxit, vt omnem viderent exercitum, & illaesos dimisit. Noluit vir bellicosissimus crudeliter grassari in hostes perniciosissimos, quos non tam manu, quam beneuolentia & clementia vincere cupiebat. Plut. in reg. & impera. apoph.

Pauli Aemylj.

Paulus Aemilius Perseo sese ad victoris pedes abiicienti, vocesque degeneres emittendi: Quur, inquit, fortunam crimine liberas, sic te gerens, vt superiore etiam fortuna videaris indignus? Quur meam dedecoras victoriam, ac rerum à me gestarum gloriam obscuras, tam abiectum te demonstrans, vt indignus appareas, quem populus Romanorum haberet hostem? Plutar. in eius vita.

Fabij Maxi.

Fabius Maxi. dicebat absurdum videri, si cum equos & canes venaticos familiaritate ciboque cicuremus, potius quam catenis ac verberibus homines feroces animo, non humanitate ac beneficiis nobis conciliemus, sed asperiores in illos simus quam agricolae sunt in caprificos, ac malos syluestres & oleastro, qui has non protinus excidunt, sed incisione docent mitescere. Plutar. in Ro. apoph.

Fabricij.

Fabricio iam consuli misit epistolam Pyrrhi medicus, qui promittebat se regem veneno. necaturum, si iuberet. At eam epistolam, autore non prodito ad Pyrrhum remisit, iubens illum sibi cauere, qui pessimus esset iudex tum amicorum tum hostium. Sentiens, eum habere pro hostibus eos quos amplecti debebat, si satis nouisset: & hos pro amicis ducere, qui peius illi vellent quam hostes. Plur. in Roma. apoph.

Sigismundi imp.

Laurentius Hungariae Palatinus, cum diceret imprudenter agere Sigismundum imperatorem, qui victis hostibus non solum vitam & opes relinqueret, sed etiam eos inter amicos reciperet, extolleretque: Tibi, inquit Sigismundus, videtur vtile inimicum occidere, neque enim mortuus bellum excitat: At ego inimicum occido, dum parco: & amicum facio, dum extollo. Ostendit autem, pulchrius esse benefaciendo quam potentia inimicos vincere. Aeneas Syluius lib. 3. commentariorum. de reb. gest. Alphonsi.

Alphonfi.

Alphonfus Aragonum rex cum expugnatis urbibus, humaniter hostes omnes dimittendos mandasset, reprehensus à suis ducibus qui omnes interficiendos putabant, respondit: Nihil magis aduersariorum animos flectere atque conciliare, quam placabilitatis & mansuetudinis nomen. Panor. lib. 3. de rebus gestis Alphonfi.

Eiusdem.

Idem cum Caietam urbem obsideret, coacti sunt oppidani ob famem, qua grauius vexabantur, ad bellum inutiles è ciuitate expellere. in quos cum incidisset rex, adhortatus ut ferro trucidaret omnes: Nequaquam, inquit, bellum contra puellas, foeminas, senes, ac innocentem iuuentutem suscepimus: sed contra viros armatos, de victoria manu nobiscum concertantes. Et sic pepercit rex imbelli ætati, ab hostibus ciuitate pulsa ob famem. Alphonsum sanè, & Agelauum, qui similem pietatem hosti præstitit, nostra tempora desiderarent. Siquidem nunc de magna gloriantur animi fortitudine, qui trucidatis infantibus ac senibus, eam ætatem abducunt, quæ vel libidini apta est, vel labori, vel virique. Alphonfi dictum recitat Panormita lib. 1. de reb. gest. Alphonfi.

Huc refer titulum, de Victoriæ moderatione.

De hu

De humanitate.

Agésilai.

Hydrieus cum quendam coniecisset in carcerem, Agésilai humaniter veniam pro captiuo deprecatus est, hūc in modum scribēs: Si nihil peccauit, oro vt hominem dimittas: si peccauit, mihi dimitte: sed omnino dimitte. Innocentem punire scelus est, culpam interdum condonare in gratiam honesti deprecatoris, humanitas est. Plut. in apoph. Lacon.

Xerxes & Arimenes.

Inter Xerxen Darii filium, & Arimenem fratrem, de regno erat contentio. Itaque quum Xerxes intellexisset, fratrem ex Bactrianorum regione descendere, misit illi munera, & iis quibus ea mandarāt perferenda, iussit vt ipsius verbis illi dicerent: His in præsētia te honorat frater tuus Xerxes: quod si rex fuerit declaratus, eris apud ipsum omnium primus. Hāc humanitate delinitus Arimenes contentionem remisit, ac fratri regnum adepto protinus adorationis honorem exhibuit, eiq; diadema imposuit. Xerxes autem illi proximum ab se locum dedit. Nec video quur inter apophthegmata debeat recēseri, quum Plutarchus recenscat. Simile quiddam de Iacob & Esau legitur in Hebræorum literis. Ira contentiōque melius soluitur blandis verbis & benignitate, quā repugnando. Erasmus lib. 5. apoph.

Philippi Maced.

Philippus Macedo filium Alexandrum admonere solebat, vt cum Macedonibus comiter haberet consuetudinem, vulgò interim conciliata beneuolentia vires ac robur sibi paraus, dum liceret alio regnante esse humanum. prudenter intelligens, vt nulla re melius constabiliri imperium, quā ciuium beneuolentia: ira difficilimum esse iam regnum administranti, erga quoslibet esse humanum, non solum quod regia potestas opposita sit inuidiæ: verum etiam quod Respublica non possit esse incolumis, nisi scelera suppliciis coercēantur. Regibus enim hactenus temperanda est humanitas erga ciues, vt interim regiam tueantur auctoritatem. Nam immodica bonitas saepe contemptum parit. Plutarchus in regum & imperatorum apoph.

Plura pete ex titulo de Clementia.

De humanitate nimia.

Diogenis.

QUum Plato laudasset quendam hoc nomine, quòd erga omnes humanissimus esset: Quid inquit Diogenes, illi tribuendum est, qui nullum vnquam affecit dolore? Quo dicto docere voluit, nimiam humanitatem obesse rei publicæ. Laert. lib. 6.

Agessistrata.

Agessistrata quum Agidem filium exanimem iacentem videret, exosculata faciem dixit: Nimia tua ò fili bonitas, nimia mansuetudo & humanitas, te simul & nos perdidit, Moliebatur enim Agis facinus sanè præclarum, sed inuidiosum, nimirum vt degenerantes Lacedæmoniorum mores ad priscam illam seueritatem reuocaret. Interim dum studet offendere neminè, & gratificari omnibus, semetipsum in exitium coniecit. Plutar. in Lacæn. apophtheg.

Vide tit. pe Indulgentia & licentia.

De humilitate.

Turbonis.

TURbo quum adhuc nihil aliud esset quàm centurio, & ante præfectos à Cæsare vocaretur in consilium: Turpe est, inquit, ò Cæsar, exclusis præfectis cum centurione agere. Eras. lib. 6. apoph.

Anonymi.

Quidam videns Fauorinum, quum nulli adessent famuli, Pompeio per omnia inseruientem, vsque ad pedum lotionem, pronunciauit Græcum versiculum,

ὅτι τοῖσι γυνάεσις ὅς ἐπαρκαλόν,

Id est,

Claris viris vt est decorum quidlibet?

Eras. lib. 6. apoph.

Plotina.

Plotina Traiani imperatoris vxor, cum post Traiani electionem primùm in Capitolium iret, multique essent qui imperii felicitatem omnibus modis precarentur: cum adhuc in gradibus esset, conuersa ad multitudinem: Talis, inquit, huc ingredior, qualem me exire cupio. Quo dicto innuere voluit, se non minus in imperio, quàm cum extra imperium esset, omnibus optimè velle. Vnde sic se in principatu gessit, vt omnino iusta reprehensione caruerit. Xiphilinus in vita Traiani.

Huc refer ea quæ sunt sub tit. de Gloriz & honoris cōtēptu.

DE IAC

DE IACTANTIA.

Diogenis.



Verò cuidam, qui vellet se recipi in numerum discipulorum Diogenis, ac diceret se excellere ingenio, respondit Diogenes: Si adeò excellis ingenio, optimisque moribus præditus iam es, non est quod me præceptore ad vitam necessaria discas. Notauit autem inanem adolescentis iactantiam, & indignum putauit vt in philosophiæ studio excitaretur. Bruso. lib. 3.

Aristotelis.

Aristoteles admonebat suos, ne nimium se laudarent ipsos, nec vituperarent etiam. Laudare enim seipsum, vani: vituperare, stulti est. Bruso. lib. 3.

Phocionis.

Laosthenes quum Athenienses ad inferendum reliquæ Græciæ bellum assiduus stimulis concitaret, ac de se multa variâq; iactaret, Phocion ait: Cupressis sunt planè similes sermones tui. illi enim magni sunt, nec tamen vllos ferunt fructus. Brusonius lib. 3.

Laconis.

Peregrinus quidam Spartæ crepidatus altero pede stans relictus, ad Laconem dixit: Nequaquam puto te ô Lacon tantum temporis, quantum ego, in pede perstare posse: Vrbane excipiens Lacon, Minime (inquit) sed ex anseribus nullus est, qui hoc non possit. Plutar. in Lacon. Bruso. lib. 3.

Laconum.

Philippus cum minaretur Lacedæmoniiis, per literas, diceretque se omnia quæ conarentur prohibiturum: Lacedæmonii iactantiam eius iridentes, interrogarunt Philippum, num mori etiâ eos esset prohibiturus. Bruf. Contursinus lib. 3. Facetiariû.

Fabij.

Quum M. Liuius sibi postularet acceptum ferri, quòd Fabius cepisset urbem Tarentinam, videlicet quòd in arce præsidium habuisset: cæteris iactantiam hominis deridentibus, Vera (inquit Fabius) narras: nam nisi tu ciuitatem amisisses, nequaquam ego recepissem. Plut. in apoph. Roma.

Vatini.

Cicroni iactanti apud Vatinium, quòd humeris Reipubli-

cæ de exilio aduectus sit, vrbane inquit: Vnde tibi varices? Brufonius lib. 3.

Cæsaris.

Sylla factus prætor, quum indignabundus Cæsari sua in se illum potestate vsurum esse dictitaret, ridens Cæsar: Rectè, inquit, tuum putas esse magistratum, quem tuis habes pecuniis comparatum. Bruf. lib. 3.

Augusti.

Augustus quempiam saxo in expeditione percussum, ac notabili cicatrice in fronte deformem, nimium tamen sua opera iactantem, sic leuiter vrbaneque castigauit: At quum fugeres, inquit, nunquam respexisti? Bruso. lib. 3.

Vide titu. de Ostentatione.

De Ignauia.

Diogenis.

Diogenes quibusdam admirantibus carmen illud Hesiodi,
ὅς αὖ βῆς ἀνείκοιτ' εἰ μὴ γάρ τιν' ἁνὸς ἐπ'. id est,
Ne bōs quidem pereat, ni vicinus sit malus.

Atqui Meseuii, inquit, simul cum bubus periere, vobis vicinis. Exprobrauit Atheniensibus ignauiam, qui Meseuiis vicinis aduersus Lacedæmoniorum vim nō fuerint opitulati. Eras. lib. 8. apophtheg.

Democriti.

Democritus interrogatus, qua re industrii ab inerubus differrent? respondit, Quo impii a piis: spe nimirum bona. Laboribus quippe incumbens, suæ industriæ sperat premium amplissimum: ignauus autem desperans, nullam habet bonorum futurorum spem qua fulciatur. Max. serm. 32.

Antalcide.

Infra de Salsè dictis.

Lysandri.

Lysander Lacedæmoniis legniter Corinthiorum murum oppugnantibus, quum leporem fossa vidisset exilientem: Eos, inquit, timeris hostes, quorum ignauia lepores in muris dormiunt. Bruf. lib. 3. cap. 12.

Themistoclis.

Themistocles Hieronem cum equitatu venientem ad ludos Olympicos, vetuit certamen spectare. Interrogatus autem cur hominem excluderet: Non æquum esse respondit, vt is
 qui

qui maximi periculi se socium non præbuiſſet, ad communem conuentum ludicraque ſpectacula admitteretur. Notauit autē hominis in rebus præclare gerendis ignauiam & oſcitantiam. Aelianus lib. 9. de Var. hiſtor.

Scipioni.

Scipio quum in Alexandriam veniſſet, pedesque urbem accederet: rex autem cum aliis propter ignauiam, corporisque molitiem vix incederet: Scipio ad Panetium murmurans ait, iam Alexandrini aliquid voluptatis & fructus ex noſtra peregrinatione perceperunt: propter nos enim regem ſuum ambulantem viderunt. Bruſ. lib. 3.

Eiuſdem.

Neuius quidā, quum iners ſocorsque eſſet, feſtiuē per annominationem Scipio in illum iocatus eſt: Quid, inquit, hoc Neuius eſt ignauius? Bruſ. lib. 3. cap. 12.

Q. Metelli.

Q. Metellus dicere ſolebat, neſcire ſe, an ſua victoria plus boni an mali Reipublicæ attuliſſet. Notauit autem Romanorum poſt partam victotiam, ignauiam, quæ multis malis ianuā aperuit. Bruſ. ib. 4.

M. Lepidi.

M. Lepidus, quum aliis in campo ſeſe exercentibus, ipſe in herba recubiſſet: Vellem, inquit, hoc eſſet laborare. Huius generis eſt Terentianum illud: Quā vellem mos eſſet amicis etiam noctu operam dare. Optat enim adoleſcens, quod fieri nō poteſt. Eraſ. lib. 6. apoph.

M. Catonis.

M. Catonis præfrequens fuit ſententia: Nihil agendo, homines malē agere perdiſcere. Quo dicto execratur omnem ignauiam, quæ multorum malorum ſæpenumero cauſa eſt. Columella lib. 12. Bruſonius lib. 4.

Fabij Max.

Infrā de Ingratitudine. & de Militū in rebus agēdis ignauia.

Sigismundi Imp.

Cum ignauus ac ocioſus homo apud Sigismundum Romanorum imperatorem, ſceneratores eo nomine plurimum laudaret, quod dormientes etiam pararent ex rebus lucrum: At tu, inquit Imperator, vigilando omnia conſumis. Aeneas Syluius lib. 4. commentariorum in res geſtas Alphonſi regis.

Vide tit. de Ocio, Pigritia, & Segneicie.

De

De ignobilitate & obscuritate generis.

Bionis.

BIon Borysthenites, percō tanti Antigono Homérico versu,
τίς ὡδὲν ἐς αὐδῶν, ὡς δὲ τοι ὦδης, ὅδ' ἐτενύς:
 Sentiens, se traductum de generis ac gentis ignobilitate, respon-
 dit ingenuè: Pater meus libertus erat, cubito sese emungens, si-
 gnificans, eum fuisse salsamentarium, addebat, illum Borysthe-
 nitem fuisse genere, non facie, sed in fronte gestare scripturam
 amari domini, matrem fuisse è lupanari: quum cætera item nu-
 de commemorasset, adiecit versum Homericum,
ταύτης δ' ὑπερὶ, τότ' ἐπαφ' ἐδ' ἔχουαι ἐναί. Laetius libri 4. ca-
 pite 7.

Antisthenis.

Antisthenes Atheniensis philosophus dicebat, obscuritatem
 esse bonum par labori. Aduersus illud Epicuri, *νάβ' βιώσας*. Mul-
 ti student ignoti esse, quo viuant in ocio. At ignobilitas quo-
 niam patet quorumlibet contemptui, non minus adfert nego-
 tiorum, quàm famæ claritatis. Eras. libr. 7. apoph. ex Diogene
 Laetio lib. 6. cap. 1.

Eiusdem.

Cuidam opprobianti quòd esset hybrida, hoc est, non è duo-
 bus ingenuis natus, sed ex patre Atheniensi, matre Phrygia:
 Nec è duobus, inquit, luctatoribus natus, & tamè luctator sum.
 Sentiens, non tam referre vnde natus sis, quàm qui sis. Is verè li-
 ber est, quem philosophia liberum facit: & is verè Græcus est,
 qui Græcorum disciplinis institutus est. Laetius lib. 6. cap. 1.

Socratis.

Socrates malè audiens à quodam Atheniensi, quòd ex matre
 obscura natus esset, respondit: An putas virum præclarum non
 ex obscuris parentibus procreari posse? Innuit autem, non ex
 parentibus, sed ex rebus gestis veram nobilitatem iudicandam.
 Ibidem.

Anonymi.

Menedemus Eretriensis, quum aliquando decretum tulisset
 ad populum, quidam ita tetigit illum, vt diceret, non esse sa-
 pientis neque tabernaculum consuere, neque decretum scribe-
 re. Subnotans, quòd ex patre coriario natus esset, ipse quondam
 eiusdem opificii. Nam olim tabernacula è pellibus caprarum
 consuebantur. Laet. lib. 2. cap. 18.

Softrati.

Sostrati.

Sostratus tibicen, cum quidam ei obiectaret, quòd ex ignobilibus prognatus esset parentibus: Atqui, inquit, ob id ipsum debui magis laudari, & in admiratione esse, quòd à me genus initium cœpit. Antonius in Melissa, par. 2. ser. 79.

De ignoscencia.

Pittaci.

TYrrheum Pittaci filium Cumis in tonstrina sedentem, faber quidam ærarius impacta securi occidit. Cumani homicidam vinctum miserunt ad Pittacum, vt de eo supplicium sumeret. At ille cognita causa, dimisit hominem, dicens: Ignoscenciam esse potiore[m] pœnitentia. Sentiens, vt ilius esse condonare, quàm meminisse iniuriæ, & vlcisci. Laertius libro primo, capite quinto.

Huc referenda sunt ea quæ diuersis titulis notata sunt, vt pote de Patientia iniuriæ, Humanitate, Lenitate, Mansuetudine, Victoriæ moderatione, Vindictæ neglectu, &c.

De imitatione.

Pyladi.

PYlades Hylam, negligenter saltantem Oedipodem, hac voce castigauit, οὐδὲν ἴσῃς: id est, tu vides: quum ille Oedipodem iam tacum exprimere debuerit. Eras. lib. 6. apoph.

Apellis.

Alexander quum apud Ephesum conspectam affigiem sui corporis ad viuum magna arte expressam admiraretur, atque interim fortè equus inductus picto in eadem tabula equo hinneret, deceptus imitatione: Apelles, Equus (inquit) δ rex, multo melius expressus est quàm tu. Eras. lib. 3. apoph.

Ciceronis.

Cicero Pompeio vitio dabat, quòd ciuitate deserta. Themistoclem potius quàm Periclem fuisset imitatus: cum illis res nequaquam pares essent, his essent. Themistocles enim fugit ad Persas, Pericles mansit Athenis. Plut. in Romanorum apop.

Adriani Sophista.

Adrianus sophista in conuiuio sophistarum, ad quos adhibitus erat tanquam ogregii cuiuspiam arcani consors futurus, quum sermo fuisset ortus de characteribus dictionis, & in quo quisque præcelleret, & quid in quoque potissimum imitandum esset: At ego, inquit, describam characteres, haudquaquam recensens

consensu incisiunculas, intellectulos, membra aut rhythmos: sed me ipsum mihi imitandum proponens, omniumque inuenta ex tempore proferens, fluxu quodam orationis ac linguae permittam haec omnia. Quid de hoc Adriani dicto iudicandum sit, viderint Critici. illud scio, Horatium non temere exclamasse, O imitatores seruum pecus. Et hodie videmus quosdam, qui se totos addixerunt exprimendo Ciceroni, frigidos & elumbes euadere. Quod si quos delectat illud orationis genus leue & γλαφυρὸν, equidem nec obsto cuiquam, nec inuideo. At ipse malim Epicteti rudem & indolatam phrasim, sed naturalem, quam Isocratis omni, flosculorum genere picturatam. Huius Adriani dictionem Herodes sophista solebat appellare *λοιοσσοῦ μυῖαλας σκαρῶματα*, id est, colossi magni fragmenta: simul in iuvene notans orationem nondum satis compositam, simul laudans & vocis & animi magnitudinem. Verba sunt Erasmi Roterod. libro 8. apoph. ex Philostrati sophistis.

De imperio administrando.

Periclis.

Pericles quotiescunque belli dux creatus esset, chlamydem induens, apud se dicere consuevit: Attende Pericles, quod gesturus es imperium in liberos, in Græcos & in Athenienses. His dictis se vir cordatissimus hortabatur, vt moderatè gereret principatum. Magni ingenii est, imperare liberis: at Græci plus quam liberi tum erant: postremò inter Græcos liberrimi Athenienses. Plutarch. in Græc. apoph.

Platonis.

Plato eam rempub. saluam esse putabat, in qua aut philosophi imperarent, aut principes sapientiae studio incumberent. Brufonius libro 3. cap. 13.

Timothei.

Timotheus quarenti quid inter imperatoriam artem & oratoriam discriminis esset: Idem, respondit, quod inter bellum & pacem. Stobæus ser. 52.

Chabriae.

Suprà de Dote.

Plistarchi.

Plistarchus Leonidae filius cuidam roganti, quam ob causam reges Lacedaemoniorum non à priscis regibus cognomen sortirentur? Quoniam, inquit, illi ducere quam regnare maluerunt.

sunt, posteriores illis nequaquam. Primus omnium regum Lacedæmoniorum Agis dictus est, & hoc nomen in aliquot posteriores demanauit. Agidis autem nomen dictum est à ducendo, quoniam clementer imperabat: & regum est imperare potius, quàm persuadere. Plutarchus autem sonat, plurimis imperantem. Plutarch.

Theopompi.

Infrà de Patria fortiter propugnanda.

Soloni.

Infrà de Regno & regibus.

Iphicratis.

Supra de Bono belli duce.

Apollonij.

Apollonius rogatus à Babylonix rege, quomodo tutò regnare posset? Si multos, inquit, honoraueris, paucis verò credideris. Brufonius libro 3.

Alcamenis.

Alcmenes Telecri filius, cuidam percontanti, quo pacto quis optimè regnum seruare posset? Si lucrum, inquit, non magni fecerit. Longè lateque dissentiens à vulgo principum, qui non alia magis ratione principatum constabilire studet, quàm attenuandis ciuium, suis augendis opibus: quò iustitia & æquitas maxime reddant diuturnum imperium. Plutar. in Lacon.

Agidis.

Agis Archidami filius, quum à quodā interrogaretur, quod disciplinæ genus potissimum exercitaretur apud Spartanos? Scire, inquit, imperare, & ferre imperium. Idem.

Eiusdem.

Apud Mantinzam quibusdam dissuadentibus, ne cum aduersariis, quod numero plures essent, conflingeret Agis senior: Cum multis, inquit, pugnet oportet, qui multis velit imperare. Idem. & Bruf. lib. 7. cap. 2.

Agesilai.

Agesilaus Lacedæmoniorum rex interrogatus, quas res Imperatorem habere oporteat? dixit: Aduersus hostes audaciam, erga subditos beneuolentiam, in opportunitate verò rationem & consilium. Stob. ser. 52.

Cyri.

Cyrus Persarum rex bellicosissimus, dicebat, neminem debere suscipere principatum, nisi esset melior his in quos susciperet impe

imperium. Sensit vir prudentissimus, hoc esse principis munus, ut aliis prospiciat, & publicis commodis consulat. Id autem fieri nequaquam potest, nisi ab eo qui sapientia, vigilantia, animique integritate cæteris antecellit. Plut. in Regum & Impp. apoph.

Eiusdem.

Idem dicere solebat, principem non debere inferiorem esse intelligendo quæ opus sunt, cæteris. Xenophon in 7.

Eiusdem.

Idem à Clearcho, ne se in pugnae periculum admitteret admonenti, respondisse dicitur: subesne regnum appetentem, regno me indignum ostendere? Brufon. lib. 3.

Xerxis.

Cum inter Xerxem, Darii filium, & Arimenem fratrem, magna de regno esset contentio, Xerxes intelligens fratrem ex Bactrianorum regione descendere, misit illi per legatos magnifica munera: & promisit, si regnum daret, inter primos fratrem se admissurum, & his monuit fratrem, ut regnum tutò permitteret. Plutarchus in Regū & Impp. apop. Meminit Iustinus lib. 2.

Hieronis.

Infrà tit. de Regno & regibus.

Catonis.

Quum Eumenes rex Romam venisset, & à senatu honorificè exceptus, clarissimorum civium frequentia stiparetur, Caton non dissimulabat, tantum Romanorum erga illum studiū sibi suspectum esse, ipse vitans regis consuetudinem. Hoc quibusdam admirantibus, ac dicentibus, Eumenem virum esse probum, ac amico in populum Romanum animo: Sint ista vera, inquit: attamen illa belua, naturā ferox canis est. Sentiens, omnes reges, utcunque pro tempore simulent, naturā tyrannos esse, ac Democratiaē infensos. Romæ autem regis nomen erat inuisissimum. Erasmus libro quinto apoph.

Antiochi.

Antiochus quum à L. Scipione ultra Taurum montem, submotis imperii finibus, Asiam prouinciam, vicinasque ei gentes amisisset, gratias egit populo Romano, quod magna parte curarum per eos liberatus esset. Intellexit vir prudens, vnius hominis animum, quamuis vigilantem, non posse tot negociis parum esse. Eras. lib. 5. apoph.

Vide, Magistratum curæ.

Antigo.

Antigoni.

Antigonus rex, cum cerneret filium suum se violentiorem & immodestiores gerere erga subditos: An nō, inquit, nouisti fili, nostrum regnum esse nobilem seruitutem? Atque hæc Antigoni verba, quibus filium alloctus est, maximam mansuetudinem & humanitatem præ se ferunt. qui id non approbat, is verè mihi videtur neque regem neque ciuem nosse, sed tyrannicam vitam potius agere. Aelianus lib. 2. de Varia historia, & Brufon, lib. 3. cap. 13.

Scipionis.

Scipio Africanus quibusdam calūniantibus, quod parum strenuus pugnator esset: Imperatorem, inquit, me mater, non bellatorem genuit. Significans, in imperatore plūs habere momenti solertiam ac prudentiam in consiliis, quam vires in præliis. Plutarchus.

Catonis.

Cato senior eum imperatorem laude dignum, & ab omnibus extollendum putauit, qui sibi ipsi imperare posset. Plutarch. in Ro. apoph.

Ciceronis.

Cicero in summo imperatore, bellique ducē quatuor res debere inesse dicebat: Scientiam rei militaris, virtutem, auctoritatem, & felicitatem. Cicero in oratione pro Pompeio, Brufonius lib. 2. cap. 24.

Alexandri impera.

Ouinus Camillus, antiquæ familiæ senator, homo delicatissimus, rebellionem moliebatur, tyrānidem affectans. Id quum Alexandro renunciatum esset, statimque probatum, ad palatium eum rogauit, ei que gratias egit, quod reipub. curam, quæ bonis viris recusantibus imponi solet, spontè reciperet. Mox ad senatum processit, ac tanti sceleris conscientia trepidum, consortem imperii appellauit, in palatium recepit, ornamentis imperialibus, & melioribus quàm utebatur ipse, decorauit, profectiois comitem adhibuit. Cūque imperator ipse pedibus iter faceret, inuitauit & Omnium deliciis assuetum ad laborem, quem post quinque millia passuum cunctantem equo sedere iussit. Quūque post duas mansiones equo etiam fatigatus esset, carpento imposuit. Hoc quoque respicientem, ac imperium tædio laborum recusantem, denique & mori paratum dimisit, ac militibus à quibus Cæsar præcipue diligebatur,

commendatum, ad villas suas rurò abire iussit. Sic illi com-
monstrauit, quid esset gerere imperium. Lampridius.

Saturnini.

Saturninus, hortantibus militibus, vt imperium fufciperet, ait: Nescitis, o milites, quantum mali fit imperare: gladij vt appendentes ceruicibus immincant, hafta vndique, ſpicula, ipſi cuſtodes timentur, ipſi comites formidantur, non cibus pro voluntate, non iter pro autoritate, non bella pro iudicio, non arma pro ſtudio. Bruſo. lib. 3. cap. 13.

July Cas.

M. Tullius libro de Officiis tertio scribit, Casarem hos ver-
sus ex Euripidis Phoenissis semper habuisse in ore:

ἡ πόρ' γὰρ ἀδικεῖν χρη, τυραννίδος περὶ
 μάλλιστον ἀδικεῖν, τ' ἄλλα δ' οὐ συνεῖν' χρεόν.

Hos ipse vertit hoc pacto:

Nam si violandum est ius, regnandi gratia

Violandum est, alijs rebus pietatem colas.

Ostiani Cas.

Octavianus Cæsar posteaquam Iulio avunculo crudeliter in senatu interfecto successisset in administratione imperii, ac nequaquam placeret Acciæ matri, Philippoque vtrico, adiri nomen invidiosæ fortunæ Cæsaris, respondit: Nefas esse, quo nomine Cæsari dignus esset vitus, semetipsum videri indignū, Contemnens humana consilia, & cum periculo potius summa, quam tuto humilia sequi proposuit. Velleius Paterculus, & Cuspin. in Coss.

Meccenatis.

Octavianus Augustus temporibus quum esset consultatio de imperio iterum abrogando, in ea deliberatione interrogatus Mecenas, quid sibi videretur, respondebat: Regnum iustum & legitime recuperatum, in primis conducere rerum magnitudini. Quo dicto consulebat, iustius esse ut imperium deponeret Augustus, ac rempublicam restitueret in statum pristinum. Dion Nicaeus in Augusto.

Augusti Cas.

Octavius Augustus admonebat Romanos, vt republie.
committerent iis qui vsu & experientia rerum plurimum pos-
sent: nec eam sinerent vlllo tempore pendere ex cuiusquam vo-
luntate, ne fortè is in regni cupiditatem veniret, aut mortuo eo
respub. periclitaretur. Idem.

Einsd

Eiusdem.

Consulebat præterea, vt contenti rebus præsentibus, augere & dilatare imperium nollent: quòd futurum esset, vt id tuerentur difficilius, immineretque periculum, ne ea quæ iam parta essent, amitterentur. Idem.

Frontonis.

Quum sub Nerua Cocceio, Romæ impromiscuè omnes ab omnibus leuissimas ob causas accusarentur, atque inde magnus tumultus exortus esset, Frontonem consulem dixisse ferunt: Malum quidem esse, imperatorem habere, sub quo nemini licet quicquam facere: sed multo peius esse, cum omnia licent omnibus. Xiphilinus in vita Neruæ, & Fulg. lib. 2. cap. 2.

Domitiani.

Domitianus Romanorum imperator, paucis notum esse dicere solebat, quàm misera & ærumnosa sit imperantium conditio, qui à tyrannidis falsa suspitione tum demum liberantur, cum diem iam extremum claudunt. Suetonius in Domitiano. Brufonius lib. 3. cap. 13.

Diocletiani.

Diocletianus adhuc priuatus dicere solebat, nihil esse difficilius quàm bene imperare. Id Flavius Vopiscus in Aureliano tradit se audiuisse à patre suo, & addit causam: Colligunt, inquit, se quatuor aut quinque, simul consilium ad decipiendum imperatorem capiunt, dicunt quid probandum sit. Imperator qui domi clausus est, vera non nouit: cogitur hoc tantum scire, quod illi loquuntur: facit iudices, quos fieri non oportet: amouet à republica, quos debebat retinere. Ita, vt dixit Diocletianus, bonus, cautus, optimus venditur imperator. At vulgus ad imperatoris titulum satis esse putat nasci, aut eligi: nasci vt cunque, eligi emptis suffragiis, ac solennibus ceremoniis confirmari, Vopiscus, & Bruso. lib. 3. cap. 13.

Pertinacis.

Pertinax Roman. impera. cum possessionibus imperatoriis nomen suum inscribi perhibuisset, dicere solebat, illas nequaquam imperantium proprias, sed communes Romanorum, & publicas esse. Herodianus.

Traiani.

Traianus Cæsar, iustitiæ & æquitatis amantissimus, talem imperatorem priuatis & ciuibus se esse dicebat, qualem sibi

ipse imperatorem priuatus optasset. Ioan. Langus in Nicephori annotationibus.

Eiusdem.

Idem aliquando in conuiuio proposuit amicis, vt decem nominarent, quibus crederent rerum summā rectē delegari posse. Quum illi silerent: Decem, inquit, à vobis posco, ego vnicum habeo Seuerianum. Solum illum imperio dignum iudicans. Dion Cassius.

Eiusdem.

Idem Licinio Suræ (quem quidam vt Cæsaris insidiatorem iudicauerant) gladium nudum porrexit, atque: Accipe, dixit, gladium, quem pro me, si bene atque ratione imperaui, distinges: sin minus, eo ad interitum vttere. Dion Nicæus atque Xiphilius in Traiani vita. & Plinius in Panegyrico.

Idem aliter.

Idem, imperatorem iuris atq; iustitiæ amatorem atque ex-cultorem esse debere dixit: cuius ipse etiam tam fuit studiosus, vt aliquando ensē strictum præfecto vrbi in conspectu omnium dederit, atque dixerit: Cape ferrum hoc, & si quidem rectē imperium gesserō, pro me: sin aliter, contra me hoc vttere. Nicepho. Callist. lib. 3. cap. 23. histor. Ecclesiast.

Hadriani impera.

Hadrianus impera. dicere solebat, miseram esse imperantium conditionem, quibus de affectu tyrannidis, nisi occisis, non credatur. Brufo. lib. 3. cap. 13. ex Volcacio in Auidio.

Valentiniani impera.

Valentinianus imperator iam Romanorum electus, cum sollicitaretur à militibus, vt sibi imperii sociū deligeret: Vestrum quidem (inquit) fuit, vt priuatum me ad imperialem extolleretis dignitatem: res autem administrare, non iam vestri, sed principis ipsius arbitrii esse, vos ipsi quoque dixeritis. Itaque vos deinceps imperata facere, & quietos esse: me autem, quid facto opus sit, curare decet. Nicép. Callist. lib. 11. ca. 1. Eccle. hist.

Antonini Pij.

Antoninus Romanorum imperator; qui à virtutibus Pius cognominatus est, quū iam ad imperii habenas declaratus, reprehenderetur, quod quosdam accusatos absolueret, respondit: Principatum non à pœnis aut suppliciis, sed à mansuetudine potius auspicandum esse. Dion Nicæus, & Xiphilius in Antonini vita.

M. Antonini Veri.

M. Ant oninus Verus Romanorū imperator dictitabat, Neque pecuniæ vim tyrannidis luxuriâ explere posse, aut stantia satellitum agmina tueri principem, nisi ipsi quos regat, animum imperanti beneuolentiâque accommodent. Quippe ii demum diu tutôque imperant, qui non metum ex crudelitate, sed amorem ex bonitate ciuium suorum animis instillant. Neque enim quos sœuire nêcessitas coegit, sed quos obtemperare sua quæque voluntas adegit, ii sunt in agendo patiendôque à suspitione omni assentioneque vacui: nunquamque imperia detrectant, nisi violenter contumelioseque sint habiti. Herodianus lib. i.

Fausti Quintilli.

Iulianus quum senatum Romanorum rogaret; vt virgines Vestales & cæteri sacerdotes cum senatu obuiam exercitui Seueri prodirent, præteritis insulis: Faustus Quintillus consularis augur contradixit, asserens, non debere imperare eum qui armis aduersario non posset resistere. Spartianus in Iuliano, & Cuspinianus in Consulibus.

Iouiani impera.

Iouianus quum post Iulianum apostatam, qui aliquot Christianorum millia interfecerat, ad imperium raperetur, clamabat, Nolle se infidelibus imperare, quum ipse esset Christianus. Cui responsum est à militibus omnibus, sese quoque Christiani fidei esse obnoxios. Cuspin. in Cols.

Eiusdem.

Idem in Romanorum imperatorem electus, quum argueretur quòd eam dignitatem reiecisset, atque insignia imperatoria recipere planè recusaret: respondisse fertur, Se virū Christianum nequaquam iis imperare posse, qui Græcissarent, superstitionesque sectari didicissent. Niceph. Callistus lib. 10. cap. 38. Ecclesiast. historię.

Seueri impera.

Suprà de Claudicatione.

Eiusdem.

Idem vigilanter prouidit, ne tribuni ducésque quicquam fraudarent de stipendiis militum, dicens: Miles non timet nisi vestitus, armatus, calceatus, & satur, & habes aliquid in zonula. Sentiens, militem quum aliquid habet, metuere ne perdat: sed mendicitas ad omnem desperationem vocat armatū. Lampri.

Pescennij Nigri.

Pescennius Niger Imperator rogatus, quid sentiret de Scipionibus? respondit: Illos sibi videri felices magis quam fortes: quod vterque domi iuventutem parum sanctè transegerat. Sentiens, Imperatorem per omnem vitam in reipublicæ negotiis versari debere, nec a domesticis deliciis ad imperium accersi. Spartianus.

Othonis impera.

Otho imperator Romanorum sæpenumero dicere solebat ad suos: Nescitis amici, quid sit, Romanorum gubernare imperium: mihi credite iam experto, qui iam mori malo, quam imperare. Bruto. lib. 3. cap. 13.

Sigismundi impera.

Sigismundus imperator Romanorum, rogatus, Quem virum regno dignum aptumque existimaret? Eum, inquit, quem neque secundæ res extollerent, neque aduersæ deprimerent. Aeneas Syluius lib. 4. commen. de rebus gestis Alphonsi regis.

Eiusdem.

Idem regnandi artis imperitum esse dicebat, qui simulare nesciret. Innuit autem, multa regibus simulanda, multa dissimulanda esse, quo suos in debito officio retineant, extra omne vitæ periculum. Aeneas Syluius lib. 1. commentariorum de rebus gestis Alphonsi.

Aeneas Syluij.

Aeneas Syluius principes priuatis hominibus multo meliores fore dicere solebat, si reges electione, & non successione fierent. Improbauit vir clarissimus successionem regum, quam vltus, haud vbique meliora secutus, recepit. Regem enim nasci, nihil magni est. At regno dignum se præstitisse, maximum est. Aeneas Syl. lib. 4. commen. in res gestas Alphonsi.

Kebonis abbatu.

Suprà titulo de Claudicatione.

Huc refer titulos, de Principe & regno, item
de Administratione reipu. &c.

De imperio difficulter administrando.*Alphonsi.*

Alphonfus rex Aragonum sæpenumero peroptare solebat, vt popularium suorum vnusquisque rex exutisset, quo

quo demum illi, utpote experti, cognoscerent principum occupationes & curas. Hoc vnico forsan modo fieri posse, ut desinerent molesti & importuni esse. Notabat autem, quam difficile esset imperare, cum tam diuersa sint hominum ingenia, diuersi mores, quibus principes se accommodare necesse habent. Panorm. lib. 3. de reb. gest. Alphonſi.

Eiusdem.

Idem magnum quidem esse dicebat, aduersus hostem ducem esse: sed & illud maximum, ad omnem virtutem ciuius ducem esse. Panorm. lib. 4. de Alphonſi reb. gestis.

Eiusdem.

Eundem affirmare solitum accepimus, si nullum omnino aliud regnum, nullam prouinciam præter Calabriam aut haberet, aut habiturus esset, illa protinus se relicturum, priuatūq; & ciuem viuere potius velle, quam illorum qui nihil hominis habent præter figuram, ineptias tolerare, quamuis dominum aut regem. Hoc autem dicto ostendere voluit, quam graue sit, imperare iis, qui omni humano ingenio exuti, nil norūt aliud, quam luxuriantes, ferarum more in omni vitiorum sorde se inuoluere. Panormita lib. x. de reb. gest. Alphonſi.

De impietate.

Bionii.

BIon Borysthenites impietatem dicebat malam esse contubernalem fiducia, & adiecit versiculum Euripidis:

Ἄνθρωπος γὰρ αὐτὸν ποιεῖ δραστέοντος τις ἔσθ'. id est,

Seruum facit, quamuis feroculum virum.

Sensit, ibi non esse libertatem, vbi est mala cōscientia: nec eum posse liberè loqui, cui crimen impietatis verè potest obici: nec frui tranquillitate animi, qui numen habet iratum. Laertius lib. 4. cap. 7.

Diogenis.

Diogenes Samothracen profectus, cum videret statuas deorum, & donaria, quæ è bello, morbo, navigatione, aliòve discrimine seruati dicarant: Multo plura essent, inquit, si qui seruati non sunt, ista dedicassent. Sensit nimirum, eos qui seruarentur, casu seruari, non deorum beneficio. Quod si diis imputandum est, si quis seruatur: iisdem imputandum est quoque, quòd plures pereunt quam seruantur. Sunt autem qui hoc dictum tri-

buant Diagorę Meliō impio: sed Laertius in vitis philosopho-
rum Diogeni ascribit, lib. 6. cap. 2.

Protagora.

Protagoras Abderita *Abderita* dicebat, de diis nihil certō sciri,
sint, an non sint: ob idque libri illius in foro exusti sunt, quōd
docerent impietatem. Ne quis arbitretur noui exempli rem
esse, quōd nunc exuruntur libri hæreticorum. Philostrat. in
Sōphist.

Demonactis.

Demonax, percontanti qualia putaret esse apud inferos? Ex-
pecta, inquit, & simulatque illuc venero, per literas tibi signifi-
cabo omnia. Impiē sentiens, nullos esse inferos. Nec enim cre-
debat animarum immortalitatem. Eras. lib. 8. apoph.

Agésilas.

Agésilas Ephorus, cum ipsius suasu actum esset, vt fieret o-
mnium debitorum solutio: iamque tabulis in forum Clarium
comportatis, ignis esset iniectus, ac flamma exurgeret, cæteris
creditoribus mœstis improbē insultabat, dicens, se nunquam
clarius lumen, aut ignem vidisse puriorem. Extrema improbi-
tatis est linea, etiam illudere iis quos afflixeris. Plut. in Lacon.

C. Marius.

C. Marius, homo audacissimus, quum facinorum militariū
commendatione ad rempublicam accessisset, primū maio-
rem adilitatem petiit: verū repulsam passus, minorem am-
biit, & hac rursū frustratus, putauit tamen, fore se Romanæ
vrbs primatem. Docuit autem suo exemplo, quid in rebus hu-
manis possit improbitas. Plutar. in Roma. apoph.

Catilina.

Infrā de Impietate in patriam.

Iuliani imp.

Iulianus Apostata contra Persas exercitum ducēs, grandem
mūltam Christianis intulit, qui grauius à Paganis tractati,
sæpius pro auxilio imperatorem accesserant. Quibus impiē
respondit: Vestrum est vt mala sustineatis, cum hoc sit præce-
ptum vestri Dei. Tripartita hist. lib. 6. cap. 39.

De impudentia.

Zenonius.

Zeno adolescentem instantius impudentiusque quā per-
tatem conueniret, quiddam inquirentem, accepto specu-
lo: Con

Io: Contemplant (inquit ad adolescentem) te ipsum, & dic deinde, num ei faciei congruant tales quaestiones? Brus. lib. 3. ca. 16.

Caligula.

Caligula imperator Romanorum dicebat, se nihil magis in sua natura probare, quam *adulterium*, hoc est, inuerecundiam. Pudor enim ut multis ad honestas actiones obstat, ita nonnumquam improbae mentis homines à turpibus reuocat. Vox castitice quam imperatore dignior. Eras. lib. 6. apoph.

Anonymi.

Quum testis, qui se dicebat à reo vulneratum, interrogaretur, an cicatrices haberet: ingentem in femore cicatricem ostendit. tum aduersarius: Latus, inquit, erat opportunius. significans, illum vulnere lethaliore dignum. Idem.

Vide tit. de Lasciua & libidine.

De impudicitia.

Militum in Cas.

IN Gallico triumpho, milites hos versiculos iactabant in Caesarem:

Vrbani seruate vxores, mœchum caluum adducimus.

Auro in Gallia stuprum emisti, hic sumpisti mutuum.

Notabant, quod in prouincia agens, alienas vxores auro corruptis perit: Romæ non emerit, sed mutuum sumpserit, quod vxor ipsius malè audiret de Clodio. Nisi fortè quiddam obscœnius intelligi vulerunt. nam Suetonius aliquanto post commemorat, quod Curio pater in oratione quadam appellat illum omnium mulierum virum, & omnium virorum mulierem. Eras. lib. 6. apoph.

Vide titu. de Libidine & Lasciua.

De impunitate.

Catonis.

Cato senior dicere solebat, Iniuriam, etiamsi facienti nihil adferat periculi, vniuersis tamen periculosa esse. Sentiens, impunitæ iniuriæ exemplum omnibus minari iniuriam. Etenim si liceat impunè lædere, nullus erit tutus ab improborum violentia. Plut. in Rom. apoph.

Eiusdem.

Præterea exhortans magistratus ad sumendas pœnas de his qui delinquerent, dicebat: eos qui maleficos prohibere possent, & tamen impunitate donarent, lapidibus obruendos esse.

Sentiens, eos rei pub. perniciosissimos esse, qui permitterent impune contra iustitiam, æquitatem, & vrbs leges agere. Idem.

Eiusdem.

Idem dicere solebat, se malle pro collato beneficio nullam reportare gratiam, quàm pro maleficio perpetrato non dare poenam. Significas, nihil esse periculosius impunitate, quæ semper ad deteriora inuitat. Ibidem.

• Vide tit. de Licentia.

De incesso.

Solonis.

Solonis Laedæmonii apophthegma celebratur, In via non properandum esse. Ex incesso enim colligitur animus: præceps arguit præcipientem, nimium lentus ignauum. Laertius lib. 1. cap. 4.

Ciceronis.

Cum Tullia Ciceronis filia concitatus incederet quàm deceret sceminam, contra verò Piso gener lentius quàm deceret virum, Cicero ambos eodem dicto taxauit, filia præsentem gero dicens: Ambula vt vir. Eras. Rot. lib. 4. apoph.

De inconstantia & leuitate.

Cleanthis.

Cleanthes Assius philosophus, cuidam reprehendenti Arcefilaum, quòd officia vitæ tolleret: Desine, inquit, hominem vituperare. Nam ille, licet dictis tollat officia, tamen factis commendat. Id audiens Arcefilaus: Non moueor, inquit, adulatione. Hic Cleanthes: Scilicet, inquit, adulator tibi, dicens te aliud loqui, aliud facere. Cleanthes mitigauit dictum obrectatoris, sed ita vt à crimine inconstantia non liberaret Arcefilaum. Turpissimū enim est philosopho, secus docere quàm viuere. Si vita proba est, cur docet diuersa? Si doctrina sana est, cur eam secus viuendo refellit? Laert. lib. 7. cap. 2.

Leontychidas.

Leontychidas, huius nominis primus, cum à quodam, quasi minus constans esset, notaretur: Mutor, inquit, sed pro temporum ratione, non vt vos. Prudentis enim est, pro re nata mutare consilia: sine causa autem subinde alium fieri, inconstantie vitium est. Plut. in Lacon.

Ciceronis

Ciceronis.

Metellus cum Diodoro, quo Rhetorices magistro fuerat
 vsus, defuncto, sepulchro eius coruum lapideum imposuisset:
 Iustum, inquit Cicero, præmium retulit. nam volare ipsum do-
 cuit, non dicere, notans Metelli leuitatem & inconstantiam.
 Coruus auis est *μυσα*. Plutarch. in Rom. apoph.

Scipionis.

Scipio Maior quum traiecisset in Africam, ac terrâ potitus
 hostium castra concremasset, Carthaginienses misis legatis
 fœdus cum Scipione pepigere, pollicentes se & elephantos ca-
 melosque & naues & pecunias daturos. Cæterum posteaquam
 Annibal abnaugasset ex Italia Carthaginem, cœpit illos con-
 uentorum pœnitere, eo quòd iam animum recepissent. Id au-
 diens Scipio, negauit se, etiam si ipsi vellent, pacta seruaturum,
 nisi prius imperatis adderent talentorum quinque millia, hoc
 nomine, quòd Annibalem accersissent. Plut. in Rom. apoph.

Ciceronis.

Suprà tit. de Exercitatione ingenii & de ambigüe dictis.

Ciceronis.

Laberius Mimus in senatum à Cæsare lectus, cum à Cicero-
 ne ad confessum non reciperetur, dicente, Reciperem te, nisi
 angustè sederemus: nimis mordaciter respondit, Atqui solebas
 duabus sellis sedere. obiciens tanto viro lubricum fidei. Sed id
 quod Cicero dixit, Nisi angustè sederemus, scomma erat in
 Cæsarem, qui in senatum passim tam multos admittēbat, vt
 eos quatuordecim gradus capere non possent. Macrobius lib.
 2. Saturn.

De incontinentia & libidine fœda.

Xanthi.

Xanthus cum adulterum quendam vidisset pro foribus for-
 mose mulieris: Iste, inquit, breuem voluptatem magno
 emit periculo. Maximus serm. 3. de Castitate.

Menedemi.

Menedemus, cum adolescens quidam dixisset, magnum esse,
 si quis quæ concupisset, assequeretur: Multo, inquit, maius est,
 nihil eorum quæ non decet, concupiscere. Maximus serm. 3. de
 Castitate.

Vide titulos, de Amore inhonesto, Meretricibus, & Coitu
 immoderato.

De indo

De indole excelsa.

Alexandri.

Alexander, Philippi Macedoniæ regis bellicosus. F. puer etiamnum, cum vidisset quàm feliciter parens bella gereret, nequaquam gaudebat, sed ad pueros æquales, quasi conqueribundus dicebat: Pater nihil mihi relicturus est. Illis contra dicentibus, Imò ea omnia quæ bello iam subegit. Quid profuerit, inquit Alexander, si multa hæreditario iure possideo, ego autem nihil habeam quod agam, & militem patri similem me esse ostendam? Vides, indolem in puero fuisse ad imperium planè pronam? Plut. in Regum & imp. apoph.

Scipionis.

Scipio super cœnam interrogatus, quem egregium imperatorem habitura esset respub. si quid ipsi humanitus accidisset? Vel hunc, inquit: Marium intuens, iam tum in illo perspicuens ingenium maximis rebus natum. Refert Eutropius lib. 5.

Cassij.

Cassius etiamnum puer, Faustum Syllæ filium inter æquales de patris monarchia gloriantem non tulit, sed colaphos impexit. Eius rei cognitionem quum Pompeius ad se recepisset, accitis ambobus pueris, Cassius ausus est dicere: Eia fauste, aude rursus coram hoc ea verba proferre, quibus irritatus in te fui, ut rursus percellam os. Inerat Cassio natum quoddam odium tyrannidis, ut iam tum appareret, illi non defuturum animum ad interficiendum Cæsarem. Plut.

Cn. Pompeij.

Cn. Pompeius, cognomento Magnus, tam charus fuit populo Romano, quàm pater fuerat inuisus. Is etiamnum adolescens, totum se Syllanæ factioni addixit: cumque nec magistratus esset, nec senator, magnum tamen ex Italia contraxit exercitum. Hunc quum Sylla ad se venire iussisset: Non absque spoliis, inquit, nec incruentas imperatori copias exhibebo. Nec prius ad illum venit, quàm multis conflictibus hostium duces superasset. Iam tum egregii principis, & ad res magnas nati, specimen dedit. Noluit adducere numerum, sed militem virtute spectatum. Plutarchus in Romanorum apoph.

Iulij Cæs.

C. Iulius Cæsar quum Syllam fugeret, etiamnum adolescens, incidit in piratas Cilices, ac primum ubi pro redemptione summam

nam, quam ab eo peterent pronunciaſſent, deriſit prædones, velut ignaros quem capiffent, ſeque duplum daturum pollicitus eſt. Deinde quū aſſeruaretur, donec adferretur pecunia, imperavit illis vt ſilerent, nec ſibi dormienti obſtreperent. Eiſdem orationes & carmina quæ ſcriberet recitare ſolebat, quæ quum illi non ſatis probarêt, ſtupidos ac barbaros appellabat: cumq; riſu minitabatur, ſe illos acturum in crucem, quod & perfecit. Apportatis enim pecuniis quas piratæ pro redemptione pacti fuerant, dimiſſus, contractis ex Aſia viris ac nauibus, comprehendit eoſdem prædones, ac ſuſpēdit: ſed prius, iugulatos, ne ſeueritas careret clementia. An non hic ſtatim agnoſcis indolem Alexandri Magni, cui nihil mediocre ſatis eſſe poſſet? Eui. ex Plut. in Rom. apoph.

Tiberij.

Tiberius perſpecto Caligulæ ingenio, fero ac malefico, ſubinde prædicabat, ſe natricem rei pub. & Phaethōtem orbi terrarum educare.ATRIX ſerpentis genus eſt. Erasmus libro ſexto apophthema.

Vide titulum de Ingenio.

De indulgentia & impunitate.

Frontonis.

FRonto conſul ſub Neruæ imperatore, palàm dicere ſolitus eſt: Malè eſſe eum imperare, ſub quo nemini quicquā conceſſum ſit: ſed longè peius, ſub quo maxima ſit licentia quibuſlibet. Inhumanitatis enim eſt, ſi princeps nihil indulgeat amicis: ſed pernicioſiſſimum eſt, illis licere quicquid libet. Dion Caſſius in vita Neruæ imp.

Vide tit. de Libertate nimia.

De induſtria.

Cleantes.

Cleantes Aſſius collectam pecuniolam aliquando proiecit coram familiaribus, dicens: Cleantes alterum Cleantem alere poſſet, ſi vellet. Laer. lib. 7. cap. 2.

Laodoci.

Rumor quidam circumfertur, Nicoſtratū cithariſtam cū ob artem muſicam diſſideret à Laodoco citharædo, dixiſſe, illū in magna arte exiguum eſſe, ſe verò in exigua magnum. Non igitur ſolum laudabile eſt, rem familiarem & opes amplificare: ſed etiā artem, ſtudio & induſtria. Aeli. lib. 4. de Var. hiſt.

Laconum.

Laconum.

Lacones commune hoc prouerbum semper in ore habuerunt, Ad mota manu fortunam esse implorandam. Quo innuere voluerunt, frustra inuocari deos, nisi addens industriam, manum rotæ admoueris etiam. Plutarchus in Laconicis.

Polemonis.

Polemon curarat, ut uiuus inferretur sepulchro: ac familiari bus, quibus datum erat negotium ocludendi monumentum: Obde, inquit, obde, ne me sol cernat tacentem. Philostratus.

Sal. Iuliani.

Saluius Iulianus solitus est dicere: Si alterum pedem in sepulchro haberem, adhuc tamen addiscere vellem.

Maximini.

Maximinus accepta legatione nullum omnino laborem fugere solebat, quum autem tribuni quidam eum reprehenderet, dicerentque, cur tantopere laboraret; cum eius loci esset, & ducatum accipere posset: Ego, inquit, quo maior fuero, hoc magis laborabo. Ex Aelio Lampridio.

Serb. Scauola.

Infra de Iuris prudentia:

Vide titulos, de Discendi studio, & Labore.

*De infamia.**Pericli.*

Pericles Ariphroni uolenti publico præconio quæri Alcibiadem, qui adolescens clam domo egressus ad amicum Democratem se coptulerat; obstitit dicens: Si fortè nobis insciis periit, præconio nihil aliud agetur, quàm ut uno tantum die citius manifestum fiat illum interisse: sin saluus, ne per omnem quidem vitam saluus esse poterit. Ciuilitè exclusit Pericles adolescentis infamiam, quam nunquam potuisset eluere. Plu.

Claudij Cas.

Infra tit. de Memoria.

*De inferno.**Bionis.*

Bion Borysthenites dicere solebat, facilem esse ad inferos viam: nam illuc homines abire clausis oculis. Morientibus enim clauduntur oculi. Laer. lib. 4. cap. 7. Vnde Virgilius: Facilis descensus auerni.

Noctes atque dies patet atri Ianua Diti, &c.

Demo

Demonæstis.

Demonax interrogatus olim, qualisnam esset inferorum conditio? Expecta, inquit, & simul atque illuc venero, per literas tibi significabo omnia. Sentiebat autem, nullos esse inferos. Era. lib. 8. apoph.

Bionis.

In fabulis est, Danaïdas puellas apud inferos huic addictas esse supplicio, ut pertusis vasis deferant aquam in dolium pertusum. Bion dicebat, gravius fore supplicium, si integris vasis, ac non pertusis idem facerent: tum enim irent onustiores. Laert. lib. 4. cap. 7.

De infœlicitate.

Biantis.

Bias Priensis cum demum infœlicem esse dictitabat, qui infœlicitatem suam æquo animo ferre non posset: Sensit vir prudentissimus, eam infœlicitatem hominibus nocumẽto esse, quæ ratione gubernari non ita possit, ut vilitatem aliquam patientia inde capias. Brus. lib. 3.

Chilonis.

Admonebat Chilon Lacedæmonius, secundis rebus elato nõ appllendendum, nec attridendum. Infelix felicitas est, quæ hominem reddit insolentiorẽ: eoquẽ non plausum meretur, sed lachrymas. Grauiusque peccant, qui docent insolentiam, quàm qui vtuntur. Sæpe populus clamat in avariciam ac tyrannidem principum, quum ipse doceat illos hæc vitia. Quidam codex Græcus habebat ἀτυχῶντι μὴ τιμᾶν, id est, infœlicem non esse irridendum. siue infœlici non insultandum, id enim extremũ est inhumanitatis. Laer. lib. 1. cap. 4.

Epicteti.

Epictetus philosophus non omnino diis exosos esse dicebat, qui in hac vita cum ærumnarum varietate luctantur. Sensit philosophus, infœlicitatem prodesse hominibus: quibus si pro votis animi res procedant, adeo furis agitantur, ut ex rebus prosperis iratos sibi deos faciant. Recitat Brusonius Cõnturimus lib. 3. Exemp.

Diogenis.

Alexander Macedo ad Antipatrum literas Athenas deferendas Athliæ cuidã tabellario dederat. Diogenes autem cum ad-
esset,

esset, ad vocabulum alludens (Athlios enim infelix dicitur) Athlius, inquit, ad Athlium, per Athlium. Intellexit autem, omnia in hac legatione esse infelicia. Brus. lib. 3.

Demetrii.

Demetrius dicere solebat, nihil sibi videri infelicius eo, cui nihil in vita accidisset aduersi: quod oporteat talem hominem aut sibi ignotum esse, ut qui nunquam sui periculum fecerit: aut diis inuisum, ut quem praterierint velut ignavum, nec idoneum ad fortunæ conflictum. Eras. lib. 8. apoph. & Brus. lib. 3.

De ingenio.

Isocratis.

Isocrates pueros candidos, ac felici ingenio natos, appellare solebat *θεῶν παῖδες*, id est, deorum filios: eo quod hominis mens diuinæ sit originis, qua qui præcellit, deos parentes referre videtur. Prisci dæmonibus attribuebant corpora, eosque deorum filios appellabant. Dæmones autem à scientia dicti sunt, quasi *δαίμονες*. Idem de nobis auditoribus suis Theopompo & Ephoro, quorum prior erat acerrimo ingenio, alter leni, dicere solebat, Se alteri adhibere calcaria, alteri frenos. Præcipuum est, ut doctor animaduertat genium ac naturam discipulorum. Meminit M. Tullius lib. de claris oratoribus.

Demetrii Phal.

Demetrius Phalereus hominum fastuosorum sublimitatem dicebat amputandam, sed relinquendam sobrietatem. Talia enim ingenia non sunt desperanda: sed quod redundat, recidendum est. Laer. lib. 5. cap. 5.

Ciceronis.

Cicero de C. Cæsare dicere solebat: Quoties huius astutiam & ambitionem video sub humanitatis specie latitantem, metuo reipub. tyrannum: rursum quum comas molliter fluentes, & ipsum vno digito scalpentem caput intueor, vix animum inducere possum, ut tantum facinus animo concipiat. Eras. 4. apophthegma.

Vide tit. de Indole.

De ingratitude.

Antisthenis.

Antisthenes Atheniensis cum accepisset Platonem de ipso malè loqui: Regium est, inquit, cum benefeceris, audire malè.

malè. Excelsi profectò animi est, ingratitude hominum non deterreri à studio bene merendi de omnibus. Laert. lib. 6. ca. 1.

Diogenis.

Diogenes Cynicus, querenti quid apud homines celerius senesceret: Beneficium, inquit. Dici enim vix potest, quanta accepti beneficii apud plerosque sit obliuio. Stobæus.

Aristidis.

Aristides cognomento Iustus, cum sanctissima sua gubernatione Rempublicam Atheniensium plurimum auxisset, nullam aliam à ciuibus ingratis retulit gratiam, quam vt ostracismo (est autem damnationis genus, quod testulis peragebatur) damnaretur. De cuius iustitia & morte, Plutarch. in Græcorum regum & impera. apoph.

Themistoclis.

Themistocles Atheniensibus ipsum contumelia afficientibus: Quid tumultuamini, inquit, aduersus eos, à quibus sæpe numero fuistis affecti cōmodis? Aiebat autem se similem plantanis, sub quarum vmbra accurrunt homines afflicti tempestate, & easdem simul vt rediit serenitas vellunt, conuiciis que petunt. Sentiens, hunc esse populi morem, vt in belli periculis implorent opem fortium virorum, in pace contemnant ac vexent eisdem. Plut. in Græco, apoph.

Eiusdem.

Nicoelis ille filius Themistocles seipsum quercubus comparabat, quoniam illis protegentur & opus habent mortales, si ingruat pluuia, regimēque ramorum appetunt. Quod si serenus aer, accedentes vellicant eas, & ramis corticibusque denudant. Notauit autem hac comparatione ingratitude hominum, qui premente necessitate ad ipsum confugiebant, petentes auxilium: liberati ab infortunio, contemnebant, dictis lacerabant, & spoliabant bonam famam. Aelianus lib. 9. de Varia hist. or.

Platonis.

Plato nominare solebat Aristotelem, mulum. Quid autem hoc sibi nomen voluerit, ex eo liquet: Quod mulus cum saturatus est lacte materno, calcibus petit matrem. Significatur igitur Plato, inuoluto quodam sermone, ingratitude Aristotelis. Etenim is cum maxima Philosophiæ semina & accessus à Platone accepisset, suffatus optimis quibusq; , auersatus scholam contra Platonem aperuit, & in Peripato cum suis fa-

miliaribus & discipulis aduersus eum pugnauit, Platonis per-
petuus aduersarius esse cupiens. Aelianus libro quarto de Va-
ria historia,

Eiusdem.

Idem cum accepisset Xenocratem discipulum multa in eum
impiè dixisse: Non esse credibile, circumstantibus dixit, ve
quem tantopere amaret, ab eo inuicem nō diligeretur, sed sug-
gilletur etiam. Sedit diuinus Plato ingratitude nequaquam
locum habere apud eos qui sapientiæ studiis se dederunt. Bru-
sonius lib. 3. cap. 11.

Aristotelis.

Aristoteles interroganti cur reliquisset Athenas? respondit,
quoniam noluisset committere, vt Athenienses bis peccarent
in Philosophiam. Notauit autem magnam Atheniensium
ingratitude, qui Philosophos de patriæ salute plurimum
solicitos, ac de Atheniensium Republica bene meritos, non ac-
cusarunt tantum, sed damnarunt etiam. Subobscurè taxans So-
cratis mortem, & suum quoque periculum, Aelianus lib. 3. de
Varia historia.

Eiusdem.

Idem etiam cum iudiciorum metu Athenis profugisset, in-
terroganti cuidam, qualis esset ciuitas Atheniensium? respon-
dit, pulcherrima quidem est, sed in ea pyrus super pyrum, & fi-
cus super ficum consenscit. Notans Atheniensium contra be-
nemeritos ciues calumnias ac crudelitatem. Aelianus lib. 3. de
Varia historia,

Aristotelis.

Aristoteles Stagiritæ philosophus à quodam interrogatus,
Quid omnium velocissimè senesceret? Gratia, inquit. Senit vir
prudensissimus, breuissimam esse apud homines beneficii me-
moriā. Laert. lib. 5. cap. 1.

Demosthenis.

Demosthenes inter fugiendum fertur subinde respiciens ad
arceem Palladis, sublati manibus dixisse: O Pallas urbium do-
mina, quæ tribus infaustissimis bestiis delectaris, noctua, dra-
cone, & populo? Noctua, quum sit auium inauspicatissima, ta-
men Palladi sacra est: quemadmodum & draconem habet pro-
gestamine: populus autem bellua est multorum caput, pes-
simam gratiam referre solita optimè de se meritis: velut Socra-
ti, Phocioni, Scipioni, & aliis compluribus. Plutarchus.

Hippoc

Hippocratida.

Hippocratidas acceptis literis à Cariae satrapa, in quibus continebatur, Lacedæmonium quēdam quum fuisset conscius insidiarum, quas quidam ipsi struxerant, non indicasse rem, sed silentio texisse: simulque rogabat satrapam, quid de illo factururus esset? respondit hunc in modum: Si quo magno beneficio illum affecisti, interfice: sin minus, eiice è regione, ut ad virtutem formidolosum. Ingratitudinem erga bene meritum censuit morte plectendam. Cæterum quod esset nō per malitiam, sed per formidolositatem commissum; ei satis supplicii iudicabat exilium. Non enim ipse struxerat insidias, sed sibi metuens non prodidit. Plut. in Lacon.

Lycurgi.

Lycurgus Lacedæmoniorum legislator, cum omnem Lacedæmoniorum rempub. saluberrimis legibus reformatisset, corruptissimosque populi mores castigasset, malam mercedem hinc reportauit. Cives enim indignè omnia ferentes, saxa in illum mittebant: & lapidibus obruissent, ni per forum fuga elapsus esset. Magna profectò populi ingratitude erat, qui hunc vita orbare cupiebant, à quo legibus bene instituta esset respublica, & omnium quærita salus. Vide Plutarchum in Laconicis apoph.

Epaminonda.

Epaminondas reuersus è Laconica accusabatur, quòd Bortarcham quatuor integros menses contra leges gessisset. Collegas igitur iussit, ut in ipsum culpam deriuarent, quòd se inuitos coegisset. Ipse verò in curiam ingressus, non meliores rebus gestis rationes se habere dicebat. Sin minus, se quidem interfici postulabat: verum inscribi columnæ, quod nolentes repugnantesque Thebanos Epaminondas coegerit, ut Laconicam quingentis antè annis intactam ab hostibus incendio ferroque vastarent, & ut ædificarent iterum Messaniam 330. annis desolatam, quòd Arcades bello in societatem compulerit, & Græcis libertatem restituere coegerit. His auditis, pudore affecti iudices, liberum pronunciarunt. Cùmque regrederetur è curia, & Melitensis catellus blandiretur cauda, dixisse fertur ad praesentes: Hic mihi pro beneficio gratiam reponit: At Thebani, de quibus sæpe multumque sum præclare meritis, mortem mihi iudicio pœnam constituerunt. Aelianus libro decimotertio, de Va. ia historia.

Philippi regis.

Philippus Macedo quum Athenienses, quot quot apud Chæroneam capti fuerant, gratis dimisisset, illi verò etiam vestes stragulasque reposcerent, atque hac de causa Macedones in ius vocarent, risit Philippus, dicens: Quid nonne videntur Athenienses arbitrari, se à nobis in talorum ludo victos esse? Tam civiliter tulit victor victorum ingratitudinem, qui non solum gratias non agerent, quod ipsi & incolumes & gratis fuissent dimissi: verum etiam criminerentur, quod non simul & amictus & stragulas redderent, quasi nescirent quale esset ius belli: quasi que nihil aliud esset certare armis, quam certare talis, qui ludus est puerorum. Plut. in apoph. regum & impera.

Fabii Maxi.

Lucius Salinator quum Tarentum amisisset, arcem tamen retinuit, multaque ex prælia præclare gessit. Quum autem post aliquot annos Fabius Maximus id oppidum recepisset, rogauit eum Salinator, vt meminisset, se opera ipsius Tarentum recepisse. Quid ni, inquit Maximus, meminerim. Nunquam enim ego recepissem, nisi tu perdidisses. Locus hinc est, quod Maximus diuersum ex alterius verbis excepit, quam ille volebat. Refert M. Tul. libro de Oratore 2. & Plutarchus in vita Fabii Maxi. tametsi hic M. Lucium appellat, nec addit Salinatoris cognomen.

Catonis.

Multis P. Sulpicii ingratitudinem inculantibus, quod Catoni de se optime merito opposuisset competitorem, Cato sic excusauit, dicens: Minimè mirandum, si quod quis maximum bonum duceret, id alteri noller commendare. Eras. lib. 5. apo.

Domitij Aferi.

Domitius Afer, quum haberet ingratum litigatorem, ipsius conspectum vitanti, ne cogeretur agnoscere patroni beneficium, in foro per nomenclatorem illi dixit: Amas ne me, quod te non vidi? Testè exprobrans ingratitudinem, cui gratum esset non videri à bene merito, ne cogeretur illi gratias agere. Eras. lib. 6. apoph.

Anonymi.

Cæsar Augustus æt alienum cuiusdam senatoris, quem charum habebat, non rogatus dissoluerat, ac pro eo numerarat quadrigies nummum. Senator autem ea re cognita, pro gratiarum actione nihil aliud scripsit Cæsari, quam, Mihi nihil. Ioco velut
expost

expostulans etiam, quod quum numerasset omnibus creditoribus, ipsi nihil numerasset. Stobæus.

Pompey.

Quum iam detecta esset Pompeii cum Cæsare similtas, ac Marcellinus (vt Plutarchus, aliorum iudicio Marcellus) vnus ex eorum numero, quos Pompeius euexisse putabatur, à Pompeio ad Cæsarem transtulisset animum, adeo vt non veritus sit in senatu multa in Pompeium dicere, hunc ita compescuit Pompeius: Non te pudet, inquit, Marcelline ei maledicere, cuius beneficio ex muto factus es facundus, ex famelico eò productus, vt vomitum non teneas? Grauius obiecit ingratitude homini, qui hoc ipsum quod habebat dignitatis, auctoritatis & eloquentiæ, abutebatur in eum cui debebat acceptum ferre. Nam hoc ingratitude genus est, sed tamen heu nimium vulgare. Plutarchus in Romanorum apoph. Brusonius lib. 3. cap. 11.

Alphonfi.

Suprà titulo, de Amicitia falsa, & titulo, de Aulica vita.

Eiusdem.

Idem cum obiurgaretur, quòd in Aluarum Lunam, hominem sibi planè ingratum, tanta contulisset beneficia, quorum ne memor quidem iam esset: An ignoratis, inquit rex, ingenti beneficio, non nisi ingenti ingratitude satis semper fieri? Patorni. lib. 2. de rebus gestis Alphonfi.

De initiatione sacerdotali.

Diogenis.

Athenienses cum hortarentur Diogenem Cynicum, vt mysteriis initiaretur: addentes, quod apud inferos principatum tenerent hi, qui sacris initiati essent. Ad ea Diogenes: Perquam ridiculum est, ait, si Agefilatus & Epaminondas, fortissimi duces, in cœno degunt: & Paterion fur, & vilissimi quique homines, quòd initiati sint, in summo apud inferos gaudio sunt. ~~Tamen autem nefandam vulgi superstitionem, qui putat initiationem conferre hominibus ad salutem, postulat~~ ~~vultus~~ lib. 6.

Antisthenis.

Suprà titulo, de Beatitudine.

De iniuria.

Solonis.

Solon interrogatus, quid fieri posset, ut quam minimum iniuriarum existeret inter homines: Si, inquit, qui iniuria affecti non sunt, æquè doleant, atque hi qui affecti sunt. Quis, quis enim violat leges, non vnum ciuem lædit, sed totam rempub. quod quidem in ipso est. At nunc dum aliis læsis aut quiescimus, aut gaudemus etiam, impunitas improborum audaciam in plurimòs inuitat. Laer. lib. 1. cap. 3.

Socrati.

Socrates frequenter dicere solebat, peius esse iniuriam facere, quam accipere. Brus. lib. 3. cap. 4. Exemplorum.

Aristotelis.

Aristoteles Stagiritæ interrogatus, quid citò senesceret, quid item tardè respondit, Gratia & iniuria. Sensit philosophus sapientissimus, iniuriæ memoriam esse tenacissimam, beneficii verò longè breuissimam. Laer. lib. 5. cap. 1.

Theopompi.

Theopompus, cum intertrogaretur, qua via quis regnum tutò tueri posset: Si (inquit) amicis tribuat iustam libertatem, pro viribus interim vigilans, ne subditi afficiantur iniuria. Plut. in Lacon.

Marci Cæs.

Quum Marcianus dixisset Marco: Cæsar, vim nullam feci. respondit: Tu vim putas esse solum, si homines vulnerent? Calli stratus lib. 4. Digestorum.

Catonis.

Cato senior iniuriam, etiam si facienti nihil adferat periculi, vniuersis tamen periculosam esse dicebat, sentiens, impunitæ iniuriæ exemplum omnibus minari iniuriam. Etenim si liceat impunè lædere, nullus erit tutus ab improborum violentia. Plut. in Rom. adoph.

De iniuria, æquo animo ferenda, consule titulos de Patiētia iniuriæ, & Vltione negligenda, item Moderatione animi.

De innocentia.

Bionis.

Bion Borysthenites philosophus, quum olim cum ceterosis nauigans, incideret in prædones: Illis dicentibus, Actum est de nobis,

denobis, si agnoscamur: Et de me, inquit, nisi agnoscamur: Bonis innotuisse, salus est. Laer. lib. 4. cap. 7.

Socratis.

Socrates morti destinatus, de cunctis rebus magis, quam de se defendendo, cogitare videbatur. Quare Hermogenes Hipponici filius, Socrati familiaris: Atqui, ait, par erat ò Socrates, de tua defensione curam habere. Non ne, ait Socrates, tibi videor ò Hermogenes hoc ipsum facere, dum quemadmodum vix-
tim meditor? Putabat autem Socrates sapientissimus, omnem defensionem superuacaneam esse apud eos, qui ex vita bene transacta suam innocentiam non agnoscerent. Bruf. lib. 2. ca. 1. ex Xenophontis apologia.

Eiusdem.

Idem quum iam ad mortem damnatus esset, Apollodorò comploranti, dicentique, Innocens morieris: Quid, inquit, num me nocentem mori malle? Ea igitur mors libenter subeunda est, in qua criminis innocentia homo excusatur. Xenophon in Apologia pro Socrate. Stob. serm. 1. Bruf. lib. 2. cap. 1.

Eiusdem.

Cum iudices inter se disceptarent, qua poena dignus esset Socrates: Ego, inquit, ob ea quae feci, dignum me cepseo, qui publicitus alar in Prytaneo. nam hoc honoris haberi solebat, qui praclare de Repu. fuissent meriti, M. Tullius hoc refert lib. de Oratore primo: Erat, inquit, Athenis reo damnato, si fraus capitalis non esset, quasi poenae aestimatio. hac sententia: quum iudicibus daretur, interrogabatur reus, quam quasi aestimatio nem commoverit, se maxime confiteretur: quod quum interrogatus Socrates esset, respondit: Se meruisse ut amplissimis honoribus & praemiis decoraretur, & ut ei victus quotidianus publice in Prytaneo praeberetur: qui honos apud Graecos maximus habebatur. Cuius responsio iudices sic exarserunt, ut capitulis hominem innocentissimum condemnarent. Erasinus lib. 3. apophtheg.

Xenocratis.

Xenocrates passerem, qui fugiens imminentem accipitrem, se in sinum suum coniecisset, texit, fouitque, ac demulcens dimisit, dicens: Innocentem & supplicem non esse prodendum. Laer. lib. 4. cap. 2.

Platonis.

Quum quidam Platoni narraret, nonnullos esse, qui ipsum

maledictis insectarentur: At ego, inquit, sic viuam, vt illis non habeatur fides. Ant. par. 2. Meliss. ferm. 69.

Testamenin.

Testamenes posteaquam innocenter ab Ephoris damnatus esset, abiit ridens. rogantibus autem iis qui aderant, an contemneret Lacedæmoniorum leges? Nequaquam, inquit: quin gaudeo potius, quod hæc mihi multa soluenda est, cum eam nec indixerim cupiã, nec à quopiam mutuò acceperim. Quò dicitario felicitatis esse putabat, quòd mori iuberetur, cum neminem vnquam offenderet sua innocentia. Plutarch. in Lacon. apoph. & Bruson. lib. 2. cap. 1.

Anaxandride.

Anaxandridas Leontis filius cuida m acerbè ferenti, quòd cogeretur vrbe exulare: Ne, inquit, vir optime exhorrescas exulare ciuitate, sed à iustitia exulare horrendum est. Sensit, nò esse miseros, quibus præter meritum incolumique innocentia accidit aliqua calamitas: sed eos verè deplorandos, qui suz sponte discesserunt ab honesto, etiamsi nulla sequatur calamitas. Plutar. in Lacon. apoph.

Agidus.

Agis Spartanus in carcerem detrusus (qui Dechas dicebatur, in quo morti addictos strangulari fuit consuetudo) à Leonida, quum hctorem plorantem, & circa opus titubantem animaduertisset: Omitte, inquit, pro me has lachrymas amice: sic enim iniuste, contraque ciuitatis leges moriens, longè melior sum, quàm qui nuper me morte damnarunt. Brus. lib. 2. cap. 1.

Aristophontis, & Cephalis.

Aristophontem, Aeschines tradit, apud Athenienses gloriari solitum, quòd quum nonagies quinquies esset vocatus in ius, semper fuerit absolutus. At Cephalus homo popularis, iustius gloriabatur, quòd quum plura decreta scriptisset, quam alius suorum temporum quisquam orator, tamen nūquam coactus sit causam dicere. Certius innocentia signum est, ita rem gerere, vt nemo velit accusare, quàm si postulatus elabaris e iudicio. Elabuntur inrerdum & nocentes. At qui absoluitur, licet pœnam effugiat, cicatricem tamen criminis circumfert. Eras. lib. 8. apoph.

Phocionis.

Ex his qui cum Phocione erant morituri, quidam indignas complorabat sortem suam. Quem ita consolatus est Phocion: Non

Non tibi, inquit, Euippe (sive, ut quidam legunt, Thudippe) satis est, cum Phocione mori? Phocion non tantum innocens, verum etiam præclare de Repub. meritis, ducebatur ad mortem. Magnum itaque solatium oportebat esse, cum Phocione innocente mori innocentem, Plut. in Græcor. apoph.

Pyrrhi.

Pyrrhus quum contra Lacedæmonios duceret exercitum, audiens Circyllidam unum de numero senatorum minitatem, surgens in militum concione: Si, inquit, Deus est Circyllidas, qui minatur nobis nihil metuendum est. nihil enim peccauimus: si non homo, sciat se viris minitari, non foeminis. Sensit autem vir omnium fortis. homines innocentes semper esse in spe gratiæ Dei: quem etsi iratum sentiant, sciunt tamen iustum etiam visitare homines iniustos, sua ultione. Maximus ferm. §.

Anonymi.

Quum censoris munus gereret Augustus, eques quidam Romanus apud illum delatus est, quasi facultates suas imminuisset. At ille citatus, probauit sese auxisse. Mox eadem obiectum est, quod legibus contrahere matrimonium iubentibus, non paruisset. Ille docuit, se ex vxore trium liberorum esse patrem. Nec satis erat equiti dimitti, sed Cæsari credulitatem exprobrans addebat: Posthac Cæsar in honestos viros inquirens, honestis mandato. Satis aperte pronuncians, eos non fuisse viros bonos, qui manifesto falsa ad ipsum detulissent: obiter & ipsum criminans, qui vices suas mandaret sycophantis. Et hanc libertatem innocentiae condonauit Cæsar. Eras. lib. 4. apoph. ex Suetonio.

Titii Vesp.

Titus Vespasianus Romanorum imperator, cum audisset suos antecessores in imperio multis iniuriis à subditis affectos: Nemo, inquit, me iniuria afficere, aut contumelia potest: quia nihil ago, quod alios lædere possit. Quo dicto ostendere voluit, vitæ innocentiam certissimum esse corporis præsidium. Xiphilinus in vita Vespasiani.

Eiusdem.

Vespasianus quum febre correptus, lectica à loco in quod erat transferretur, dimotis plagulis cælum suspexit, questusque est: sibi immereti vitam eripi, quum nullum per omnem vitam extaret factum cuius poeniteret, uno duntaxat excepto. Id cuiusmodi fuerit, nec ipse prodidit, nec quisquam coniectare potuit. O Cæsarem longissima vita dignum. Suetonius.

Antonini Pij.

Antoninus Pius imperator, reprehendenti cuiusdam cum, quod in hostes mitis esset, atque in coniuratos quos vicerat: ac dicenti, Quid si hostes vicissent? Grauius respondit: Nos non sic Deos colimus, nec sic viuimus, vt illi nos vincant. Brusonius lib. 3. cap. 26.

Alphonfi.

Alphonfus Aragonum rex percontatus à suis, cur sine satellitibus sapenumero incederet: Se innocentia associatum incedere, respondit. Innuit autem rex prudentissimus, cum demum bene munitum esse ab iniuria, qui propriam innocentiam habet comitem: eos verò nullibi esse tutos, qui malè sibi consci, etiam pericula sibi fingunt, vbi planè nulla sunt. Panorm. lib. 2. de Alphonfi reb. gest.

Huc referri possunt quædam ex titulo de Conscientia bona.

De inscitia.

Diogeni.

Diogenes percontanti quæ tellus grauiorem gestaret molem: Quæ hominem, ait, rudem, & à bonarum artium studio alienum. Stob.

Platonis.

Plato philosophus eo differre doctum ab indocto dicebat, quo benevalentem ab agroto videmus. Mentis enim sanitatem ac lumen à doctrina persæpe, ab ignorantia autem ægritudinem manifestis rationibus proficisci. Fulg. lib. 7. cap. 2.

Huc refer quædam ex titulo de Eruditione & Doctrina.

De integritate vitæ.

Cleomenis.

Mæander Samiorum tyrannus, ob Persarum incursionem, ad Spartanos confugerat: ostendebatque quantum pecuniæ secum tulisset, & quantum præterea Cleomeni dare vellet, at Cleomenes vir integer, ipse quidem nihil accepit, sed veritus ne quid aliis pecuniæ daret cuius, adit Ephoros, dixitque: Satis esse si hospitem suum Samium è Peloponneso submouerent, ne cui Spartano persuadeat, vt malus fiat. Plutarchus in Lacon.

Eudamida.

Quum quidam laudaret Atheniensium rempublicam tam bene

bene institutam, Eudamidas, vir integer & apertus: Quis, inquit, eam merito laudet, ciuitatem, quam nemo vnquam dilexit, factus seipso melior? Sensit vir prudentissimus, integritate nequaquam locum habere apud eos, qui ita viuerent, vt meliores esse nequaquam cuperent. Plutar. in Lacon.

Anaxandri.

Vide supra tit. de Furto.

Alcamenis.

Alcámenes percontatus, cur à Messeniis oblata munera respuisset? Quoniam, inquit, si recepissem, cum legibus pacem habere non potuissem. O mentem integram, & regia maiestate dignam. Plut. in Lacon.

Laconum.

Mos erat apud Lacedæmonios, non pulsare fores atriorum, sed voce foras euocare si quid vellent. Adeò nihil clam geri volebant, sed propalam omnia. Plut. in Lacon.

Epaminonda.

Artaxerxes Persarum rex cum misisset ad Epaminondam Thebanorum ducem, tria Daricorum milia: Diomedontem Cyzizenum regium legatum vehementer increpuit, quòd tam periculosam nauigationem suscepisset, nullam aliam ob causam, quàm quòd homines pecunia corrumperet: iussitque vt regi suo munera referret, his verbis: Si fauet commodis Thebanorum, habiturus est Epaminondam amicum, non pecunia coemptum, sed gratis: sin minus, habebit hostem. Plutar. in Græcor. apoph.

Lycurgi.

Lycurgus orator obiciēte quodam, quòd se pecunia redemisset à calumnia: non est inficiatus, sed clarissima voce populum appellans: Bene habet, inquit, viri Athenienses, quandoquidem tot annos in Repub. versatum dedisse me, non accepisse pecuniam criminantur obiectores. Erasinus libro sexto apophthech.

Alexandri.

Philoxenus classis præfectus cum Alexandro scripsisset, Tarentinum quendam Theodorum esse apud se, pueros habentem insignioris formæ, venales, si vellet emere. Alexander indignè tulit, apud æquales subinde clamitans: Quid in me Philoxenus tam obscœnum animaduertit, vt mihi tantum probri conciliaret? Plut.

Antigo

Antigoni.

Antigonus rex admirantibus quamobrem tanti faceret Zenonem, respondit: Quoniam quum multa à me acceperit, numquam tamen emollitus est. Eius mortem quum audisset, ingemuit dicens, Quale theatrum perdidit? Erat enim Zenon acerrimi iudicii, & ab assentando alienissimus. Laert. lib. 7. cap. 1.

Pescenij nigri.

Pescenius Niger consiliariis suis addidit salaria, ne grauaret eos quibus assidebant, dicens: Nec dare debere, nec accipere. Et sic suorum iudicium consuluit, & consiliariorum integritati. Ex Aelio Spartiano.

Alphonst.

Suprà de affectibus frenandis & tit. de Discordia.

Ad hunc titulum præcipuè referenda sunt ea, quæ suis locis annotata sunt de Iudice incorrupto, Murerum contemptu, Iustitia, &c.

De intemperantia.

Diogenis.

QUum adolescentem quendam insigni forma plurimi intuerentur, Diogenes incuruato corpore sinum lupinis implebat. Ad hoc spectaculum conuersis omnium oculis, aiebat: Mirari se, quum adolescentulo dimisso, sese intuerentur, obiter notans illorum intemperantiam. Laert. lib. 6.

Demetrii Phal.

Demetrius Phalereus conspiciatus iuuenem intemperantia deditum: Ecce, inquit, quadratus Mercurius, habens syrma, ventrem, pudenda, & barbam. Sentiens, illum non esse hominem, sed statuam, qualis in viis solet poni Mercurio: hoc illi dissimulans, quod effeminatorum more traheret vestem, quod deditus esset ventri ac libidini: quodque barbatus esset, quum nihil horum habeat Mercurius. Laert. lib. 5. cap. 5.

Anonymi.

Chryssippi discipulus, medicus non ignobilis, hominem quendam ex nimia intemperantia grauitè decumbentem, non sanari posse putauit. Verum alius medicus cum eundem accessisset, se sanaturum pollicitus est, responditque: Chryssippi discipulos respicere morbum, se verò animum. Voluit autem significare, tum demum hominem morbo liberari comòdè posse, si intemperantia studio penitus valedixerit, & eius radices ex animo

mo abiecerit. Ex Celsi lib. 3.

Diogenis.

Phrine scortum cum Venerem auream Delphis obtulisset, eam Diogenes Cynicus ita inscripsit: Ex Græcorum intemperantia. Brusonius recitat. lib. 3. cap. 23.

Vide tit. de Libidine, Scortatione, Luxuria, Gula, Voluptate.

De interpretibus.

Themistoclis.

Themistocles cum fugatus esset Athenis primum, & mox tota Græciâ, ad Persarum venit regem: qui cum vellet, ut quid animi esset, tuto proferret: ait, Quæso ut anni spaciû permittas, quo Persarû prius linguam addiscam. Fecit aut hæc vir prudentiss. ideo, ne per interpretem regi ea quæ sentiret explicare cogereetur? Interpretes enim dum quædam interdum omitunt, quædam addunt, quædam aliter narrant, perdunt partim orationis gravitatem, partim in summum sæpe discrimen principes suos coniiciunt. Hoc autem Themistoclis factum leges apud Plutarchum in Græcorû regum & imperatorum apoph.

De interrogationibus absurda & inepta.

Thalesis.

Thales Miles. percontanti utrum fuisset prius, nox an dies? Nox, inquit, vno die fuit prior. Elusit ineptum percontatorem. Si nox vno die præcessit diem, dies genuit ante noctem. Nox enim finis est diei. Laert. lib. 1. cap. 1.

Anonymi.

Inter falsa commemorat & illud M. Tullius ex Nevio. apud quem filius dicit patri: Quid ploras pater? isque respondet, Mirum ni eantem, condemnatus sum. Indignatur senex submorsus, rogari quur ploret, quasi damnatus magis cātare debuisset: Perinde quasi, si quis interrogaret agrotum: Quur suspiras, aut quur decumbis? Eras. 6. apoph.

Invidia quæ plerunque felicitatis & virtutis comes est,

Cleobuli.

Cleobulus Lyndius interrogatus à quodam, quamnam præcipue cauenda sint? respondit: Amicorum quidem invidia, inimicorum autem insidias. Antonius in Melissa, parte 1. ser. 62. Max. ser. 54.

Bionis.

Bionis.

Bion Borvsthenites conspiciens quendam tristi vultu, qui habebatur inuidus: Nescio, inquit, vtrum tibi aliquid acciderit mali, an alteri boni quippiam. Inuidus enim non minus discruciatur aliena felicitate, quàm suo infortunio. Laertius lib. 4. ca. 7. Stob. ser. 36. Bruson. lib. 3. cap. 7.

Biantis.

Bias admonebat eos qui laborabant, vt cauerent lassitudinem: qui autem bona fortuna fruerentur, inuidiam. Est enim felicitatis comes vbique terrarum inuidia, Stob. ser. 1. de Prudentia.

Thaletis.

Thales Milesius, rogatus, quo pacto aduersæ fortunæ ictus quispiam ferat facillimè: Si inimicos, ait, videat deterius affectos. Tanta enim est inuidiæ vis, vt omne nobis malum extinguat, si inimicum peius habere intelligimus. Bruson. lib. 3. ca. 7.

Antisthenis.

Antisthenes absurdum esse dicebat, triticum repurgare à lolio, bellum ab inutuli milite, & à Repub. non secernere inuidos. Significans, inuidos tam esse inutiles ciuitati, quàm lolium est tritico, & ignauus bello. Laertius lib. 6. cap. 1.

Eiusdem.

Idem dicere solitus est, non aliter ac ferrum absumitur rubiginè, ita inuidos suo ipsorum vitio contabescere. Ferrum enim etiam si nemo lædat, ex se gignit vnde corrumpatur. Ibidem.

Cratetis.

Crates Thebanus dicebat, se pro patria habere gloriæ contemptum & paupertatem, in qua nullum ius exerceret fortuna. Aiebat item, se Diogenis Cynici ciuem esse & discipulum, qui nullis inuidiæ patebat insidiis. Diuitiæ enim, opes, honores, plerumque conciliant hominum inuidiam. Laertius libri sexti, capite 5.

Democriti.

Democritus dicebat, leges non prohibuisse, singulos pro arbitrio suo viuere, nisi alter alteri fuisset inuidus & iniurius. Et enim inuidia seditionis parit initium. Stob. serm. 36. Maximus serm. 54.

Anacharsidis.

Anacharsis philosophus bonum esse dicebat, si penitus à rebus humanis inuidia exularet, quo liberius vsque ad honesti
studium

studium accingerentur. Stob.

Idem.

Eiusdem.

Idem interrogatus, cur homines subinde tridentur, dixit: Quia non solum propria mala eis molesta sunt, sed etiam aliena bona. Antonius ser. 62. parte 1. Melissæ. Maximus ser. 54.

Eiusdem.

Idem inuidiam dicebat esse hulus, quod passim verum suavi contraheret. Equidem liuido in primis prodest, boni eius, cui inuidet, obseruatio, citra tamen illius offensam. Vnde perspicuum est, inuidum haudquaquam in leges delinquere, quæ suo quemque more viuere sinunt, dummodo alium non offendant. Stobæus.

Socratis.

Socrates, qui Delphico oraculo omnium sapientissimus iudicatus est, cum inuidiæ naturam exprimere conaretur, animæ ferram appellauit. Antonius in Melissa, parte prima ser. 62.

Eiusdem.

Socrates considerans quid inuidia esset, dolorem quandam reperiēbat eam esse: non tamen nec in aduersa amicorum, nec in secunda fortuna inimicorum: sed illos inuidere aiebat, qui in amicorum prosperitate doleant. Xenophon lib. 3. de dictis & factis Socratis. Stob. ser. 36.

Eiusdem.

Præterea inuidiam dixit vlcus esse animæ. Stob. serm. 36.

Idem.

Eiusdem.

Idem Socrates, quum quidam mirarentur, si quis alterum amans, eiusdem prosperitate doleret: ostendebat, multos esse ita erga quosdam affectos, ut eos aduersitate laborantes, non possent negligere, sed pro virili succurrant, successu verò eorum doleant, hoc autem prudenti viro minime, sed stolidis contingere afferebat. Xenophon libr. 3. de dictis & factis Socratis. Stob. ser. 36.

Eiusdem.

Idem interrogatus, quid bonis viris molectum esset dixit, Malorum felicitas. Quid malis? Bonorum prosperitas. Antonius in Melissa, ser. 70. par. 1.

Aristotelis.

Cum ostendere vellet Aristoteles, quid esset inuidia, Antagonistam fortunatorum esse dixit. Antonius in Melissa, parte prima, sermone 62.

Eiusdem.

Eiusdem.

Præterea dicebat inuidiam colluctatorem esse ex aduerso bonorum virorum. Aemulatio enim bona est, & bonos potissimum decet: Inuidia contra turpis est, & à fœdo hominum genere occupata. Atqui videas bonos ita se comparare, vt æmulatione, honestique studio, quæ sunt optima sectentur. Inuidos autem contra, per liuorem bonos, quatenus possunt, ab instituto suo arcere. Stobæus.

Sphæri.

Sphærus Bosporanus reprehendenti Mnesistrato, quod Prolemæum non appellasset regem: Imò, inquit, quum talis sit, tamen regem esse fateor, indicans, illum esse nomine regis indignum, se tamen cognominis honorem illi non inuidere. Laert. lib. 7. cap. 2.

Epicteti.

Epictetus interrogatus quomodo quis hosti doctorem excitare posset? Dixit, si quis ita compareret seipsum, vt optima quæque faciat. Antonius in Melissa, par. 1. serm. 72.

Euagoræ.

Euagoras inuidos reliquis hominibus diuersis vitiis laborantibus multò infœliciores esse dicebat: quod alii suis tantum calamitatibus doleant: inuidi verò præter sua mala, bonis etiam alienis contristentur. Stobæus sermone 30.

Hippiæ.

Hippias dicebat duplicem inuidiam esse: Iustam quidem, cum quis inuidet improbis honoratis: Iniustam verò, cum bonis. Et inuidi duplo magis, quam cæteri, calamitosi sunt. Non enim solum propriis malis grauantur, & alii, sed alienis quoque bonis. Stobæus ser. 36.

Apollonijs.

Apollonius prorsus hominibus non inuidendum dicebat. Boni enim, quibus bona eueniunt, digni sunt vt his fruantur fœliciter: flagitiosi autem, in quantauis prosperitate sunt infœliciter. Stobæus.

Agathonis.

Agathon dixit malos homines non tam lætari propriis bonis, quam alienis malis. Antonius in Melissa, par. 1. ser. 62. Theophrasto autem hoc adscribit Maximus serm. 54.

Themistoclis.

Themistocles adhuc adolescens, nihil dum præclari se facere dixit:

dixit: Nondum enim inuideri sibi. Nam sicut cantharides vegeto maximè tritico innascuntur, & rosis pulchrè florentibus: sic inuidia maximè inuadit bonos viros, & in virtute proficientes: & ingenii personarumque gloriam sustinentes. Antonius in Melissa, parte 1. ser. 62.

Eiusdem.

Idem ob honores Miltiadi collatos, quòd barbaros in Marathone superasset, tanta inuidia correptus est, vt noctes insomnes consumeret: rogatusque, quam ob rem tam sæpe excitaretur: Miltiadis, inquit, rrophais subinde excitor. Brufonius lib. 3. cap. 7.

Herodis sophistæ.

Herodes sophista videns Quintilios Troianos quidem esse, ceterum à Cæsare plurimi fieri, dixit: Ego etiam Iouem Homericum odi, quòd Troianis fuit amicus. Nimum liberè profitens, sibi molestum esse, quod imperator tantum honoris haberet Quintiliis. Philostratus in sophistis.

Agidis.

Agis Argius donante Alexandro ridiculum hominem & scurram ingentibus muneribus, ò rem absurdam, exclamauit. Iratusque rex, conuersus ad eum: Quid ais? inquit. Tum ille respondit: Animo angor, quòd omnes vos Ioue natos, adulatoribus ridiculisque & hominibus nefariis gaudere inspiciam. Brufon. lib. 3. cap. 7.

Eiusdem.

Idem dicente aliquo, nonnullos sibi inuidere: Igitur & sua, inquit, mala, & tum mea tum amicorum bona illos cruciabunt. Inuidus enim, vt verissimè Flaccus canit, alterius rebus marcessit opimis. Bruso. lib. 3. cap. 7.

Eiusdem.

Quum quidam apud Agidem dicerent, esse nonnullos alienarum familiarum, qui ipsi inuiderent: Geminam igitur, inquit, habebunt molestiam, quos & sua ipsorum mala discruciabunt, atque insuper tum meis, tum amicorum meorum bonis torquebuntur. Magnifica vox, declarans, eos quos habet inuidia, magis esse misericordia dignos quam ira: propterea quòd inuidus abundè dat poenarum, etiamsi nemo viciscatur. Plutarchus in Laconicis.

Dionysij sen.

Dionysius se nior expostulantibus quibusdam, quòd honore

K

dignaretur, ceterisque praeferret hominem improbum, ac ciui-
tibus inuisum: Volo, inquit, esse quem me magis oderint.
Agnouit ingenium multitudinis: si sit in quæ inuidiam odiûm-
que deriuent, initiores sunt in principem. Eoque videas non-
nullos monarchas quibusdā, quos tamen ex animo nō ament,
plurimum dignitatis & autoritatis permittere, vt ipsi tutiores
sint à furore multitudinis: qui si extiterit, habent victimam,
qua ciuium iram mitigent. Plut. in Reg. apoph.

de Senectute Catonis.

Cato senior eos qui fortuna moderatè sobrièque vterentur,
dicebat minimè peti inuidia. Non enim, inquit, nobis, sed bo-
nis quæ nos circumstant, inuident homines. Externa bona extra
hominem sunt, at insolenter vtenti vitium intra hominem est:
qui eo sibi constant inuidiam, verè sunt inuidiosi. Plutarchus
in Ro. apoph. Stobæus scr. 36.

Eiusdem.

Idem dicebat, ideo sibi ab inimicis constari inuidiam, quòd
quotidie noctu surgens, rei familiaris rationibus neglectis,
Reipubl. consuleret, notans ingratitude populi. Erasmus
lib. 5. apoph.

M. Crassi.

M. Crassus, quū animo angeretur ob honores in Pompeium
collatos, audiuit à quodam, mox Magnum aduenturum Pom-
peium. Arridens igitur inquit: Quantūsnam est? Inuidia Pom-
peio nomen, quod ob foelicitatē, & egregiè rebus ab aliis
datum erat honoris gratia. Et sic plerunq; foelicitatis cōmes
est inuidia. Bruso. lib. 3. cap. 7.

Publi cuiusdam.

Publius quidam, quum Mutium hominem inuidum, & in
primis maleuolum, solito tristiores vidiſſet: Aut Mutio, in-
quit, nescio quid incommodi accessit, aut nescio cui aliquid
boni. Macrobius lib. 2. cap. 2. Satur.

Asinii Poll.

Asinius Pollio Ciceronis gloriæ vehementissimè inuidebat.
Quum ergo. Sextrilius poeta Cordubensis in domo Messalæ
Coruini recitaturus, Pollionem aduocasset, & principio poe-
matis cœpisset.

Desuendus Cicero est, Latiaq; silentia linguae:

Statim consurrexit Pollio, atque ait: Messala, tu quid tibi
liberum sit, in domo tua videris: ego istum auditurus non sum,
cui

cui ego mutus videor. atque sic abiit. Offensus est autem his verbis, Latiaque silentia lingua, &c. Bruso. lib. 3. cap. 7.

C. Furij.

Caius Furius Ctesinus è seruitute liberatus, quum in paruo admodum agello largiores multo fructus acciperet, quam ex amplissimis agris vicini, in inuidiam incidit hominum accusantium, ceu veneficiis fruges pelliceret alienas. Quamobrem à Spurio Albino Curuli die dicta, metuens damnationem, quum in suffragium tribus oporteret ire, instrumentum rusticum omne in forum attulit: adduxitque etiam filiam robustam, bene curatam & vestitam, ferra menta egregie facta, graues ligones, vomeres ponderosos, & boues saturos, & dixit: Hæc sunt ò Quirites mea veneficia, nec possum præterea vobis ostendere labores manuum mearum, multasque meas vigilias & sudores. Quod ubi audiuisent iudices, intellexerunt, ex sola inuidia Furium accusatum esse, quem dimiserunt absolutum. Meminit huius & Plin. lib. 18. cap. 16. Bruso. lib. 3. cap. 7.

D. Gregorij.

D. Gregorius, cum intelligeret se ob successum felicem in Ecclesia, quorundam odio laborare, respondit: Absit vt mei causa, aliqua simultas inter Dei sacerdotes oriat. Si propter me est illa tempestas, tollite & mittite me in mare. Eccles. hist. lib. 11. cap. 9.

Actij Synerci.

Actius Synercus, rari vir ingenii, magnæque nobilitatis, cum in conspectu Federici regis esset inter physicos quaestio, quid præcipue conferret oculorum perspicuitati? alii que feroculi afflatum dicerent: alii vitri vsum, alii que aliud: At ego, inquit, Inuidiam aio. Obstupuerunt hoc dicto adeo medici, vt ab auditoribus derisui haberentur. Tum ipse: Annón inuidia maiora, & pleniora omnia videre facit? Quid autem oculis magis præsentaneum, quam vt vis ipsa aspiciendi maior reddatur, atque vegetior? protulitque statim Ouidianos illos versūs:

Fertilior seges est alienis semper in agris,

Vicinumque pecus grandius vber habet.

Pontanus.

De iocose dictis.

Diogenis.

Diogenes Cynicus percontanti, quidnam vellet vt colaphum acciperet? Galeam, inquit. Et hic iocus est inexpectatus.

ctato. Nam ille expectabat, quid mercedis peteret pro colapho. Laert. lib. 6.

Eiusdem.

Idem quum à letali somno esset expectectus, medicusque rogaret quid ageretur? Rectè, inquit, nam frater fratrem amplectitur. Alludens ad Homerum, qui *θάνατον & ὕπνον* germanos finxit, quòd somnus mortis sit imago. Laert. lib. 6.

Eiusdem.

Idem mulierem aniculam se curiosius exornantem intuitus: Si viuos, ait, lenocinio allicere voles, plurimum falleris: sed si defunctorum vmbras, ne oro diu cuncteris. Stobæus.

Eiusdem.

Didymus, qui vulgò audiebat adulter, curabat oculum virginis. Ei Diogenes dixit, Vide ne corumpas pupillam? Hoc dictum apud nos non est adeò iocosum, vt apud Græcos, apud quos *νήφω* & virginem sonat, & oculi pupillam. Laertius libri 6. capite 2.

Theocriti Chij.

Theocritus Chius quum duceretur ad Antigonum regem, atque hi qui ducebant, iuberent hominem bono esse animo: fore enim incolumem, simulatque venisset ad oculos regis: Omnem, inquit, spem salutis mihi adimitis. mordens regem, quòd luscus esset. Rex audito ioco, iussit hominem agi in crucem. Eras. lib. 6. apoph.

Socratis.

Socrates quum iam cicutam bibere vellet, interrogauit hilari vultu, quomodo sumendum esset hoc medicamen, vt citò sanaretur? rogauit præterea, an liceret inde aliquid libare, vt mos erat in conuiuuiis. Tanta in homine fuit iocandi consuetudo, vt etiam in morte præsentanea iocaretur. Erasmus libro tertio apoph:

Eiusdem.

Præterea cum cicutam iam bibisset, & puer illum detexisset, cum præcordia iam frigere inciperent: Offeras, inquit, Aesculapio gallum. nam ex sudore illo conualescere incipio. Erasmus lib. 3. apoph.

Anonymi.

Apud Aeginetas lex erat, vt si quis Atheniensis Aeginam venisset, capitale esset. Huc quum esset deductus Plato, vt venundaretur, capitis postulatus est à Carmendio, qui legem eam tulerat:

lerat: sed tempestiuo cuiusdam ioco liberatus est. Ait enim, legem habere, si quis homo: at hunc esse philosophum. Laertius libro tertio.

Stratonici,

Stratonicus citharædus, cum vidisset quendam imperitè iaculantem, abiens ad ipsum scopum, constitit. Et cum quidam interrogaret causam, respondit, Ne feriar. Anton. in Melissa, parte I. sermone 53.

Laconis.

Lacon quidam gymnasiarcham ligna ἀνάσσει exhibentem, facetissimo ioco incusauit, dicens: quòd per eum ne lachrymas quidem illic effundere daretur. Fumus enim excutit lachrymas oculis. Acapua ligna inde dicta sunt, quòd fumo careant. Eras. lib. 8. apoph.

Polemonis.

Polemon sophista, quum articuli morbo lapidescerent, medicos admonuit vt effoderent, inciderentque Polemonis lapicidas. Dicebátque: Comedendum est, manus non habeo: ambulandum est, pedes non habeo: dolendum est, & manus & pedes habeo. Ex Philostrato.

Hippomachi.

Hippomachus quibusdam laude videntibus procerū quempiam, ac prælongis manibus hominem, tanquam ad pugilum certamen idoneum: Sanè, inquit, si pendens in alto corona esset detrahenda. Eras. lib. 6. apoph.

Anonymi.

Quum Aegyptii, qui diu fuerant in præsidio, nec à quoquam dimittebantur, conspirassent, vt in Aethiopiam se conferrent, ac Psammetichus rex eo cognito, consecutus eos obtestaretur, ne patrios deos, vxores ac liberos desererent: quidam illorum ostenso membro genitali, respondit, Vbicunque hoc esset, ibi & liberos & vxores fore. Diod. Sic. lib. 2.

Archidami.

Cum Corinthiorum urbem obsideret Archidamus, vidit è solo mœnibus proximo exilire lepores. môxque versus ad commilitones: Habemus, inquit, hostes expugnati faciles. quod fortuitu acciderat, velut in omen rapiens. Molles enim ac parum viros Græci leporis vocabulo notare solent. argumento est illud è comœdia: Tute lepus es, & pulpamentum quaris. Plutarchus.

Brasida.

Brasidas cuidam percontanti, quomodo vulnus accepisset, perquam festiuiter respondit: Prode me scuto. Ita crebro malum per illos venit, quorum praesidio credimus nos esse tutos. Plut. in Lacon.

Anonyma.

Ptolemæus Tryphon, cum speciosa quædam mulier loqui cum eo cuperet: Prohibuit, inquit, mihi soror, ne sermonem à speciosa fœmina susciperem. At illa intrepidè ac festiuè respondit: Atqui à specioso, inquiens, susceperis. Quod cum audiisset, eam laudauit. Aelia. lib. 14. de Var. hist.

Antigoni.

Antigonus quum accepisset instrumentum prægrandibus literis descriptum: Hæ, inquit, vel cæco perspicuæ sunt. iocans in vicium oculorum: erat enim luscus. Idem alius magno capitis sui periculo dixisset, quod vsu venit Theocrito Chio. Plutar. in reg. & impe. apoph.

Iuba regis.

Iuba rex quærenti, quòd ab ipsius equo esset aspersus: Quid tu, inquit, an me Hippocentaurum esse putas? Iocose deridens eum, qui equi morositatem inscribebat ei, qui equo insidebat. Bruf. lib. 3.

Philippi regis.

Quum esset Philippo Macedoni clauicula in bello fracta, ac mecus à quo curabatur, in singulos omnino dies aliquid posceret: Sume, inquit, quantum voles: nam clauem habes. ludens ancipiti voce. *κλεις* enim Græcè & clauem sonat, qua aperitur scriptum aut ostium: & commissuram humeri cum pectore. Quid hoc animo ciuilius, cui & in dolore, & erga auarum medicum iocari libuit? nec ob cruciatum morosior, nec improbitate postulantis offensior. Plutar. in apoph. reg. & impp.

Eiusdem.

Suprà de Ambiguè dictis.

At. enymi.

Quidam imperatorem suum incusauit, quòd illius insidiis & ocio & somnio fuisset priuatus: videlicet quòd illius benignitate è paupere factus esset diues. Plutarchus in Symphoticis lib. 1.

Appy.

Infra de Responso ab inexpectato.

Scip. Nasica.

Scipio Nasica cum adilitatem curulem adolescens peteret, ac (vt candidati solent) manum cuiusdam opere duratam prenfaret, rogauit, hominem, Num manibus ambularet? Hoc dicto, rusticanae tribus suspicantes sibi exprobratam paupertatem, effecerunt vt repulsam ferret. Tantum obfuit iocus intempestiuus. Eras. lib. 6. apoph.

Ciceronis.

Suprà tit. de Alea.

L. Portij.

L. Portius Nasica quum ex more conceptis verbis à Catone censore rogaretur, Habésne vxorem ex animi tui sententia? Habeo, inquit, at herclè nō ex animi tui sententia. Verūm ob eum iocum intempestiuum multa illi dicta est. Eras. lib. 6. apoph.

Domitij Afri.

Domitius Afer Didio Gallo, qui prouinciā ambitiosissimē petierat, mox impetrata ea querebatur, quali coactus esset: Age, inquit, aliquid, & pro Repub. elabora. locus est ab ironia: simulque illud est, quod magistratum magno studio ambisset. Eras. Rot. lib. 6. apoph.

Antonij.

Quum Sextus Titius se Cassandram esse diceret, ob coniecturam opinor, quod illa esset fatidica: Multos, inquit Antonius, posses Aiaces tuos Oileos nominare. Notans illius impuditiā. Nam Ajax Cassandram de templo Palladis raptam, vi constuprauit. Eras. Rot. lib. 6. apoph.

Catuli.

Catulus cum vidisset quendam ex iudicibus, quos Claudius donis corruerat, ait: Quamobrem praesidium a nobis postulastis? An ideo, ne dona nobis eriperentur? Cicero ad Atticū.

Eiusdem.

Idem Catulus cuidam oratori malo, qui cum in epilogo misericordiam se mouisse putaret, postquam assedit, roganti hunc, videreturne satis misericordiam mouisse? At magnam quidem, inquit: neminem enim puto tam durum, cui non oratio tua miseranda visa sit. Cicero lib. 2. de Oratore.

Anonymi.

Cum Siculo cuidam, nescio cui, familiaris quidam querebatur, quod diceret vxorem suam suspendisse se de ficu. Amabo

te(inquit)da mihi ex ista arbore, quos seram surculos. Cicero
lib.2.de Oratore.

Ciceronis.

Cicero obiurgantibus, quod homo sexagenarius puellam
virginem duxisset: Cras, inquit, mulier erit. Locans, hoc pro-
brum mox eluendum. nam postridie non poterat obici, quod
virginis esset sponsus. Eras. lib. 4. apoph.

Eiusdem.

Quum quidam candidatus, qui coquo patre natus credeba-
tur, coram Cicerone suffragium ab alio peteret: Ego quoque,
inquit, tibi fauebo. Ex quo colligitur, coce à coco, & quoque
coniunctionem, aut eodem, aut simillimo fuisse sono. Erasmus
lib.4.apoph.

Augusti Cæs.

Augustus Cæsar Herennium adolescentem moribus corru-
ptissimis viciat um, castris excedere iussit. quumque ille dimis-
sus, ignominiam redditus sui apud Augustum deploraret his ver-
bis, Quo ore redibo ad meos, quid dicam parentibus me incu-
santibus? Dic, inquit Cæsar, me tibi displicuisse. Et sic iocosè
docuit, qua ratione redditus sui ignominiam diluere posset. Sue-
tonius in Augusto.

Eiusdem.

Quemadmodum Augustus gaudebat iocis liberalibus in a-
lios ludere, ita in se iactos aut retortos interdum liberius, pa-
tientissimè tulit. Adolescens quidam prouincialis Romam ve-
nerat, oris similitudine tam mirificè referens Augustum, vt in
se populi totius oculos conuerteret. Cæsar hoc audito, iussit
ad se perducì: eumque contemplatus, hunc in modum percon-
tatus est: Dic mihi adolescens, fuitne aliquando mater tua Ro-
mæ? Negauit ille: ac sentiens iocum, retorsit, adiiciens: Sed pa-
ter meus sæpe. Augustus ludens suspicionem intendebat in ma-
trem adolescentis, velut ab ipso stupratam: at adolescens pro-
tinus eam suspicionem retorsit in matrem Cæsaris, aut in foro-
rem. Nam oris similitudo non magis arguebat illum esse Cæ-
saris filium, quam fratrem aut nepotem. Sueton.

Eiusdem.

Augustus Cæsar plurimum affectauit iocos, saluo tamen
maiestatis pudorisque respectu, nec vt caderet in scurram. Scri-
pserat autem A iacem tragicœdiam, eandemque, quod sibi displi-
cisset, deleuerat. Postea verò cum Lucius grauis Tragœdiarū

Scriptor

Scriptor eum interrogaret, quid ageret Ajax suus? respondit, In spongiam incubuit. Macro. lib. 2. cap. 4. Sat.

Eiusdem.

Idem Augustus, cum ei quidam libellum trepidus offerret, & modò proferret manum, modò retraheret: Putas, inquit, te assem elephanto dare? Macro. lib. 2. cap. 4. Satur.

Eiusdem.

Idem, cum ab eo Pacuvius Taurus congiarium peteret, dicerétque, iam hoc homines vulgò loqui, non parvam ab illo sibi pecuniam datam: Sed tu, inquit, noli hoc credere. Macro. lib. 2. cap. 4. Sat.

Eiusdem.

Alium præfectura equitum summotum, & insuper salarium postulanti, dicentemque, Non lucri causa dari hoc mihi rogo, sed ut iudicio tuo munus videar impetrasse. & ita officium deposuisse: hoc dicto repercussit, Tu te accepisse apud omnes affirma, & ego me dedisse non negabo. Ibidem.

Eiusdem.

Saxo in expeditione percussus, ac notabili cicatrice in fronte deformem, nimium tamen sua opera iactantem, sic per iocum castigavit: At tu, cum fugies, inquit, nunquam post te respexeris. ibid.

Eiusdem.

Galbæ, cuius informe gibbo erat corpus, agenti apud se causam, & frequenter dicenti, Corrige in me, si quid reprehendis, respondit: Ego te monere quidem possum, corrigere non possum: ad gibbum alludens. Idem Macro.

L. Manlij.

Apud L. Manlium, qui optimus Romæ pictor habebatur. Geminus Servilius fortè cœnabat. qui cum filios eius deformissimos vidisset: Non similiter, inquit, Manli fingis, & pingis. cui Manlius: Non mirum est, respondit, in tenebris enim & luce subobscura fingo, luce autem ac sole splendente pingo. Macro. lib. 2. cap. 2. Satur.

Neronis.

Nero in Claudii stultitiam subinde iocabatur productione syllabæ, quum diceret, Posteaquam desit inter viuos morari, prima syllaba producta: Moros enim Græcè fatuum sonat: inde finxit morari, pro stultum agere. quemadmodum nos à poetâ poetari, à iuvene iuuevari. Suetonius.

Caligula.

Suprà tit. de Auaritia.

Anonymi.

De Vespasiano patre narrat Suetonius, quum scurram multa in alios iacentem, prouocasset ut in se quoque diceret aliquid. Dicam, inquit, vbi ventrem exonerare desieris. alludens ad formam Caesaris, qui faciem habebat cacantis. In cuiusmodi hominem iocus extat Martialis:

*Vtere lactucis, ac mollibus vtere malis:**Nam faciem durum Phæbe cacantis habes.**Vaspasiani.*

Vespasianus iunior, cum morbo grauissimo decumberet, quotidieque morbus ingrauesceret, dixit, Puto deus fio: significans se moriturum. Suetonius.

Iuliani Card.

Iulianus sancti Angeli Cardinalis, cum amicos ad cenā vocasset, interque conuiuandum, vbi in Basiliensis concilii mentionem incidissent, terra commoueretur: Bono animo estote, inquit, de synodo Basiliensi loquuti sumus, quæ omnem ecclesiam tremefecit, non tamen illisit. Aeneas Syluius lib. 1. commentariorum de Alphonso reb. gest.

Friderici imp.

Fridericus Imperator, eos qui iocos moderatè ferrent, sapientes: qui autem promptissimè iocarentur, ingeniosos esse dicebat. Habet autem iocus inter seria suum etiam locum: qui vbi erumpit, vtriusque ingenium faciliè declarat. Aeneas Syl. lib. 4. commentariorum in Alphonso reb. gestas.

Plura sub titulo de Facetè dictis.

De iracundia.

Platonis.

PLato philosophus sapienter auditores admonebat, ut iratos se in speculo contemplarentur. Nam cum faciem suam furibundam, per omnia phrenetico similem viderent, eo dedecore territi, in posterum ab iracundia facili sibi temperaturos. Fulg. lib. 7. cap. 2.

Aristotelis.

Aristoteles Alexandrum ira excandescentem placare volens, & sedare summam indignationem hæc ad eum scripsit: Excandescentia & ira non in pares, sed in meliores existere solet. Tibi verò nemo par est. Aelia. lib. 12. de Var. histo.

Macarii

Macarij monachi.

Macarius monachus Aegyptius interrogatus, quid ita iniuriarum erga homines memoriam tenentes, vim animae reminiscendi enecaremus: aduersus daemones autem, cum acceptorum ab eis malorum reminiscimur, detrimentum nullum sentiremus: respondit: Propterea quod prior illa affectio preter naturam, posterior autem secundum naturam esset. Niceph. Callist. lib. II. Eccles. hist. cap. 43. ex Euagrio.

De iracundia cohibenda.

Bianth.

Bias Prienæus, bono consilio duo maximè contraria esse dicebat: Festinationem scilicet, & iracundiam, homo enim iracundus cum extra seipsum sit, vacuus est omni consilio. Laer. in eius vita.

Chilonis.

Chilon docebat vincendam iram, quod is affectus sit cæteris potentior: quam superare fortius est, quam hostem armatum deicere: nec minus exitii mortalibus sit ab ira, quam ab hoste. Laertius.

Aristippi.

Aristippus Cyrenensis philosophus, cum videret succensere quendam, ac verbis indignari: Ne verba, inquit, per iram proferamus, sed verbis iram compeſcamus. Stobæus serm. 18. Maximus ser. 19.

Diogenis.

Diogeni de non irascendo accuratè differenti, adolescens quidam proteruus, veluti periculum faciens, an represtaret ea quæ docebat, inspuat illi in faciem. Tulit hoc leniter ac sapienter: Non quidem, inquit, irascor, sed dubito tamen an irasci oporteat. Laer. lib. 6.

Zenonis.

Zeno Eleates, quum maledictis laces situs incandesceret, reprehensus quod philosophus verbis improborum commoueretur: Si conuicia, inquit, æquo animo admifero, ne laudes quidem sentiam. Lapidis est, non sentire discrimen inter laudantem & vituperantem: sed philosophi est, non ita commoueri, ut ab honesto recedat. Laer. lib. 9. cap. 5.

Architæ.

Architas quum in agro comperisset quosdam è famulis ad-

missis

mississe quiddam, sentiens se commotiorem in illos, nihil quidem tum fecit, tantum abiens: Fortunati, inquit, estis quod irascor vobis. Cic. lib. 4. Tusc. quæst. Brus. lib. 3. cap. 19.

Socratis.

Socrates cum iratus esset filio aliquid delinquenti, nihil aliud dixit, quam, Ipse te coherce. Laer. in vita Socratis.

Democriti.

Democritus ad Lacedæmonium flagris sæuientem in seruum: Desine, inquit, te seruo tuo similem ostendere. Seruus enim est, qui suis cupiditatibus imperare non potest. Eras. lib. 8. apoph.

Xenocratis.

Xenocrates Chalcedonius cum ingratitude vitii à Platone philosopho insimularetur, nunquam tamen iracundia & indignatione se vinci passus est, sed animo incommoto illi qui hoc indicauerat, ac ad ultionem instigarat: Hoc, inquit, quod nunc facio, mihi bonum atque commodum est. Quo dicto indicare voluit, non minus se curare propriam salutem, dum iræ frenum iniiceret, quam Platonis maledicentiam, fortassis ab aduersario confictam. Aelianus lib. 14. de Varia histor.

Platonis.

Plato interrogatus, per quid cognosceretur sapiens? respondit: Sapiens cum vituperatur, non irascitur: cum laudatur, non extollitur. Laertius in eius vita.

Eiusdem.

Plato Atheniensis iratus seruo, quum eum castigare pararet, & fortè interueniret Xenocrates: Flagella, inquit, hunc puerum, nam ipse sum iratus. Sibi diffusus est homo philosophus, sentiens animi commotionem. At vulgus hominum tum maximè punnit, quum irascitur. Laer. lib. 3. Antonius in Melis. par. 2. ser. 53. Val. Max. lib. 4. cap. 1.

Eiusdem.

Idem præterea famulo sic comminatus est: Loris te caderè, ni iratus essem. Nihil iræ fidendum. Sapuit Syrus ille Terentianus, qui se coniecit in angulum, edormiturus quod biberat vilium. At ira minus sui compos est, quam ebrietas. Laer. 3. Valer. Max. lib. 4. cap. 1. Plut. de Educandis liberis.

Eiusdem.

Item seruo suo, qui deliquerat: Age, inquit, diis ingentes gratias. Nam tibi ni iratus modò essem, statim te confoderem. Brusonius lib. 3. cap. 19.

Aristo

Aristotelis.

Aristoteles dicebat, perinde atque fumus oculos commodet, & aspectum ita conturbat, vt neque ea nobis videndi potestas fiat, quæ sunt ante pedes: ita oborta ira rationi caligo suffunditur, vt se delinquere nulla cogitatione deprehendere possit. Stobæus ser. 18.

Apolloni.

Apollonius iræ affectum, ait, nisi diligentia ac verbis placidis temperetur, in genuinum quandam morbum excrefcere. Stobæus.

Eiusdem.

Idem ait, Quisquis erga leuia errata vehementius quàm par est irascitur, is delinquentem non finit inter culpam extremam & mediocrem quid intersit dignoscere. Stobæus.

Theanus.

Theano mulier ex Pythagorea philosophorum cohorte, ex-
candescens aliquando in ancillam: Vapulares iam, inquit, nisi
irata essem. Stobæus.

Naucratis.

Naucrates sapiens, iracūdis simile quid accidere dixit, quod
lucernis, quæ copioso oleo magis inflammantur. Stobæus ser.
18. Maximus ser. 19.

Demonactis.

Demonax cum à quodam, cui imperator exercitum commi-
serat, interrogaretur, quonam pacto delegatam prouinciam
quàm optime gerere posset? Si, inquit, iracundia vacaris. Iram
sensit vir prudentissimus, ad omnem functionem inutilem ef-
se. Eras. lib. 8. apoph.

Eiusdem.

Idem subinde suadebat, non faciliè irascendum esse homini-
bus, si delinquerent: sed potius corrigenda esse vitia, medicorū
exemplo, qui non indignantur ægrotis, sed morbum sanant. Re-
citât Eras. lib. 8. apoph.

Pylagri.

Pylager rogatus, quamobrem non delectaretur educandis
pueris? Quoniam, inquit, nec me ipso delector. Agnoscebat na-
turæ suæ vicium. Erat enim iracundus & morosus, eoquæ nec
appositus ad teneram ætatem instituendam: quum hodie stul-
ti parentes nullis libentius committant liberos suos, quàm hu-
iusmodi truculentis & asperis. Philost. in sophistis.

Antiochi.

Antiochi.

Antiochus sophista quum malè vulgò audiret, veluti formi-
dolofus, quòd nec prodiret in concionem, nec Reipub. munia
capesseret: Non vos, inquit, metui, sed me ipsum, agnoscens bi-
blem suam vehementiorem, quàm vt cohiberi posset. Sensit idè
Plato, qui sunt iracundioris ingenii, ad disciplinas quidem esse
idoneos, ad gerendam Rempu. non item. Philost. in Iophi.

Anonymi.

Quidam iratus agasoni, volebat eum percutere, quumque
is clamaret, Athenientis sum: ad alinum versus, At tu (inquit)
Athenientis non es: ei que multas plagas infixit. Meminit Plu. in
libello de Cohibenda iracundia.

Melanthij.

Melanthius negabat eam iram videri grauem, quæ mentem
cogat emigrare, sed quæ prorsus excludat domo. Sentiens, pro-
bis etiam ingenitis adiunctam esse iracundiam: sed hoc vitium
esse tolerabile, si celeriter animus ad se redeat; & pro ira ratio-
nem in consilium adhibeat. At si perturbatio penitus insideat
animo, ita vt exussa ratione feratur effreni impetu, certa perni-
cies est. Eras. lib. 8. apoph.

Charilai.

Charilaus seruo cuidam audacius agenti cum ipso, Ni iratus
essem, inquit, occiderem te. Adeo putabat nihil rectè dici, fieri-
ue ab irato, vt ne in seruum quidem animaduertere voluerit
commotior. Plut. in Laconicis.

Cotyis.

Cotys quum esset natura celer ad iram, seuiusq; castigato-
rum qui in ministerio deliquissent, hospes quidam ad illum
detulit vascula fragilia, tenuaque, sed scitè curiosèq; celerè tor-
noque elaborata. At is hospiti quidem dedit munera, ceterum
vascula omnia confregit, demirantibus quor id faceret: Ne, in-
quit, seuiam in eos qui fracturi erant. Prudentis est, naturæ suæ
morbum agnoscere, & vitio materiam præcipere. Plut. in Reg.
apopthegma.

Catonij.

Cato senior iratum ab infano nulla alia re differre dicebat,
quàm mora temporis, sentiens, iram esse breuem insaniam.
Plut. & Stobæus ser. 18. & Bruti lib. 3. cap. 19.

Athenodori.

Athenodoro philosopho causatione senectutis flagitanti, vt
sibi

sibi liceret redire domum, Augustus concessit. At quum ille Cæsari dixisset, Vale, volens aliquod philosopho dignum monumentum apud illum deponere, adiecit: Cæsar quum fueris iratus, ne quid dixeris fecerisue, priusquam Græcarum literarum xxiiij. nomina apud te recensueris. Cæsar autem philosophi dexteram amplexus: Adhuc, inquit, te præsentem mihi opus est, totumque etiam annum apud se detinuit, dicens illud Græcorum proverbum, Silentii sunt tuta fidi præmia, siue approbans philosophi dictum, quod tutum esset iram premere, ne prorumpat in verba: siue sentiens, philosopho profuturum fuisse, si hoc dictum non addidisset iam abiturus. Quanquam tam salubris admonitio magnificum aliquod præmium merebatur. Plut. in apoph. Rom. Fulgos. lib. 7. cap. 2.

Anonymi.

Aegyptius quidam monachus interrogatus, cur adeo se omnibus corporis voluptatibus subtraheret? respondit, Vt hac ratione omnem iræ causam & occasionem præcidam. Ira quippe ut de voluptatibus belligeraretur, in etiam voluptatum suppressione sopitur. Niceph. Call. libr. II. Eccles. histor. cap. 43. ex Euagrio.

De irrisione.

Agésilai.

Agésilai ephorus quum Agidis suasu factum esset, ut fieret omnium debitorum solutio, iamque tabulis in forum Clarium comportatis, ignis esset iniectus, ac flamma exurgeret, cæteris creditoribus mœstis insultabat dicens: Se nunquam clarius lumen, aut ignem vidisse puriorem. Debebat enim ipse plurimum, & erat agrorum prædiues, nihil tamen cuiquam solvere habebat in animo. Extrema improbitatis est linea, etiam illudere iis quos afflixeris. Plut. in Laconicis.

Trachali.

Trachalus Suellio cuidam inter argumentandum dicenti, Si hoc ita est, is in exiliū per iocum subiecit, Si non est, redis. Erast. lib. 6. apophtheg.

Argei.

Argeus quodam tempore faciens iter per Selinuntem, quum in monumento quodam hoc Elegiacum carmen vidisset inscriptum.

Hosce, tyrannida dum extinguunt, Mars sustulit atrox.

Pond

Ponè Selinuntis mania conciderant.

Iure peristis, inquit, qui tyrannidem ardentem conati sitis extinguere: contrà magis oportuit illam sùgere, donec tota deflagraret. Arripuit iocum ex occasione verbi Extinguere. Extinguitur enim, quod opprimitur: & extinguitur incendium. Plut. in Laconicis.

L. Crassi.

L. Crassus apud Perpennam iudicem defendebat Aculeonè, quem accusabat Aelius Lamia, homo omnium deformissimus. Is quum interpellaret odiose: Audiamus, inquit Crassus, pulchellum puerum. Huic dicto cum esset arrisum; iterum ait: Audiamus etiam disertum, & multo arrisum est vehementius: Parum enim facundus erat. Eras. lib. 6. apoph.

M. Cincij.

M. Cincius quo die legem de donis ac muneribus tulit, C. Centoni prodeunti, ac satis contumeliosè interroganti, quid fers Cinciole? Irridens hominem, Vt emas, inquit, si vti velis. Rìdiculè autem notauit hominem, quòd donatis & commodatiis rebus vti gauderet. Eras. lib. 6. apoph.

Ciceronis.

Quum M. Appius in procemio diceret, se magnopere rogatum ab amico, vt in causa clientis adhiberet curam, eloquentiam & fidem: hic Cicero, Adeonè ferreus homo es, inquit, vt ex tam multis quæ rogauit amicus, nihil præstes? Plut. in Roma. apophteg.

M. Lali.

Suprà tit. de Forma & pulchritudine corporis.

Ciceronis.

Suprà tit. de Homuncionibus.

Eiusdem.

Cicero videns clypeatam Quinti fratris imaginem, quam is in prouincia magnis lineamentis depingi curauerat, monstrum irridens, ait: Proh dolor, Frater meus dimidijs maior est quàm totus, erat enim parue staturæ homo. Plutarchus.

Eiusdem.

Idem cum Voconium vidisset cū tribus filiabus omnino deformibus aduenientem, irridens hominem ait: Phœbo haud permitte te tuos seminasti liberos. Sentiens, illum inuito Apolline liberis operâ dedisse procreandis. Plut. in Roma. apoph.

Vide titulum, de Contemptu.

De iudice bono & incorrupto.

Biantii.

Bias philosophus dicere solebat, se malle inter inimicos quam amicos iudicare. Nam ex amicis alterum prorsus futurum inimicum, ex inimicis autem alterum amicum fore, Bruſo. lib. 3. cap. 10.

Themistoclis.

Themistocles prætor oratus à Simonide poeta, ut amicum non adeò iustam causam habentem, quam commēdatissimum haberet: respondit, Nec Simonidem fore bonum poetam, nisi mensuram modumque in canendis carminibus, quæ scribebat, curaret: Neque se bonum prætorem habitum iri, si legibus ac iustitiæ, alicuius gratiam proposuisset. Fulgosus lib. 6. cap. 4. & Plut. in Græcor. impera. apoph.

Archita.

Architas dixit, iudicem & aram idem esse: pariter enim ad utrumque confugiunt, qui iniuria afficiuntur. Sentiens, tales oportere iudices esse, ut oppressis sint præsidio, Refert Aristoteles rhetor. tertio.

Aristidi.

Aristides quum inter duos priuatos causam cognosceret, & alter quò Aristidem irritaret in aduersarium, extra causam multa commemoraret, quibus ille læsisset eum: Aristides interpellans hominem, Ista nunc, inquit, missa fac bone vir, & si quid te læsit eloquere: tibi enim in præsentia, non mihi iudex sedeo. Plutarchus in Aristide.

Alcamenii.

Cuidam ab Alcamene sciscitanti, quum ob rem seniores apud Lacedæmonios plures dies sumerent ad cognoscendum in causis capitalibus: & si quis fuerit absolutus, nihilo minus obnoxius sit legi: Ideo, inquit, pluribus diebus cognoscunt, quoniam si in capitis discrimine errauerint, non est corrigendi consilii potestas. oportet autem à causâ liberatum, obnoxium manere legibus: quòd fieri potest, ut secundum eandem legem liceat aliquid rectius de reo statuere. Hoc temperamento prouisum est, ne vel occidatur innocens, vel effugiat nocens: qui quamuis errore iudicum sit absolutus, potest eadem lege de nouò conueniri, pœnasque dare legibus. Plutarchus in Læconicis.

Eiusdem.

Alcamenes Lacedæmonius interrogatus, cur munera à Melfeniis oblata non accepisset? Quoniam in leges iustitiæ grauius peccassem, inquit. Maluit vir prudentissimus bona conscientia iudicare, quam propter munuscula à iustitiæ tramite turpiter discedere. Guido Bituricensis.

Agefilai.

Agefilaus rex cum in causa quadam iudex esset, & is qui accusabat rectè dixisset: patronus verò malè, qui tamen subinde repeteret, Agefilaum decere ut legibus opituletur, perinde ac si optimam haberet causam: hominis improbitatem reprehendens, ait: Si quis domum tibi oppugnaret, aut vestem arriperet, num expectares ut architectus aut sartor tibi esset auxilium laturus? Quo dicto indicabat, iudici nequaquam conuenire, ut opituletur iis qui contra leges aliquid delicti admiserunt. Plutarchus in Lacon. apoph.

Hippodromi.

Hippodromus sophista Clementi tragædiarum actori longè præstantissimo, quum apud Amphictyones optimè re gesta negata esset victoria, quod Byzantius esset, atque id temporis Byzantium à Romanis obsideretur, profliens clamauit: Valeant applaudentes, ac perperam de re iudicantes: Ego, inquit, Clementi victoriam decerno. Quum alter histriq appellasset Cæsarem, obtinuit Hippodromi iusfragium. Recitatur apud Philostratum in sophistis.

Aegypt. regum.

Aegyptiorum reges, iuxta regionis illius consuetudinem, iudices ad iusiurandum adigebant, ut etiam si quid rex iuberet eos iudicare quod iustum non esset, ne iudicarent. Tanti referre putabant, ut populus iustos haberet iudices. Porro potentiae ferociaeq; regiae opposita est iurisiurandi religio, quod ad actum videri non poterat, quum ab ipsis regibus exigeretur. At qui fieri potest, ut ciuitas iudices habeat incorruptos, ubi iudicandi potestatem magno vendit princeps? Plutarchus in Regum apoph.

Philippi Maced. & Macheta.

Philippus Macedo Machetae cuiusdam pro tribunali sedens causam cognouit, sed dormitabundus, nec satis attentus ad iuris æquitatem: itaque sententiam tulit aduersus Machetam. Verum quum is exclamasset, se ab ea sententia appellare: rex iratus,

iratus, Ad quem? inquit. nam appellandi verbum monarchis est iniustum. Hic Machatas: Ad teipsum ô rex, inquit, si expergiscaris, & attentius audias causam. Ac tum quidem surrexit rex: Cæterum posteaquam causam apud se melius perpenderit, intelligeretque Machætæ factam iniuriam, iudicata quidem non rescidit, sed pecuniam qua damnatus fuerat Machætæ, ipse persoluit. In vno facto, quot regiæ virtutis argumenta? Non perseuerauit irasci & prouocanti, & somnolentiam publicè obiciienti: sed per ocium rem suo quum animo accuratius considerauit, iam ab ira liber. Sic hoc ciuilitatis, regiæque moderationis: illud verò prudentiæ, quò ingenioso commento sic damnatum exemit damno, vt regiam tamen in iudicando auctoritatem non proderet, multam priuatim perinde quasi ipse damnatus esset dissoluit. Plut. in apoph. Regum & Impera.

Eiusdem.

Harpalus pro Cratete propinquo ac familiari suo, qui iniuriarum postulabatur, petiit à Philippo, vt reus multam quidem solueret, sed à causa liberaretur, nec damnatus hominum maledictis exponeretur. Hic verò Philippus: Præstat, inquit, vt ipse malè audiat, quàm vt nos propter illum. Indulgebat amicis, sed quatenus licebat, integra iudicis opinione. Plutarc.

Eiusdem.

Duo pariter scelerosi sese inuicem accusabant, cognoscente Philippo: rex audita causa pronūciauit, vt alter exularet Macedonia, alter illum insequeretur. Hoc Græcè sonat iucundius, & *φύγῃ* & ad fugientem pertineat, & ad exulantem. fugientem autem insequimur. Neutrum igitur absoluit Philippus, sed vtrunque damnauit exilio, Plut,

Alexandri.

Alexander Macedo, orante accusatore, alteram manu aurem solebat occludere. Interrogatus, cur id faceret, respondit: Defensori etiam dandus est audiendi locus. Brulon. lib. 3. cap. 10. Antonius in Melissa, parte 1. sermo, 53. Plutarchus sic recenset: Initio quum in causis capitalibus sederet iudex, accusatori alteram aurem occludebat: rogatus, quur id faceret? Alteram, inquit, integram seruo reo.

Antigoni.

Frater Antigoni Marfyas litem habebat: sed à rege postulabat, vt causa domi cognosceretur. Cui Antigonus: Si nihil, inquit præter ius agimus, melius fiet in foro, cunctisque audien-

tibus. Non impetrauit hoc à rege fraternus affectus, vt vel tantillum de iure concederet. Ipsum autem hoc dilemmate constrinxit: Si iniustam causam habere te scis, cur litigas? Sin iustam, cur fugis hominum conscientiam, & ad domesticas latebras rem fori pertrahis? non cariturus sinistra ciuium suspitione, etiam si bonam causam viceris. Plut. in reg. apoph.

Scipionis.

Scipio iunior C. Liuium prætereuntem cum vidisset: Hunc, inquit, virum scio perierasse: verum quoniam nullus illum defert, non possum simul & accusator esse, & iudex. Sit hoc in censore moderationis & iustitiæ exemplum. Plutarchus in Romanorum apoph.

M. Antonini.

M. Antoninus philosophus atque imperator Romanus, dicere solebat, priuatos quidem homines multos habere iudices: principi autem nullum esse alium iudicem quam Deum, Dion Nicaeus, & Xiphilinus in eius vita.

Pescennij Nigri.

Pescennius Niger consiliariis addidit salaria, ne grauarent eos quibus assidebant, dicens, Iudicem nec dare, debere, nec accipere. Vtinam hoc exemplum imitentur hi, qui vendentes officia, spoliant iudicem: assessoribus interim rapto viuendum est, Spartianus.

Vide plura in titulo de Iustitia.

De iudice malo & corrupto.

Philippi regis.

Philippus Macedonum rex, quendam ex Antipatri amicis in iudicum numerum ascripserat. Verum post, vbi cognouit illum tingere barbam & capillos, submouit eum, dicens: Qui in capillis fidus non esset, eum in rebus gerendis non videri dignum cui fideretur. Fuco utebatur in tingendis capillis, vbi non multum erat lucri: multo magis vsurus erat fuco in publicis negociis, vbi dolus interdum ingens adfert emolumentum. Et hanc oportet regum præcipuam esse curam, vt cognoscendis causis viros præficiant incorruptos. Id qui fieri potest, vbi venduntur iudicandi munia, & is designatur iudex, non qui vir melior est, sed qui ad dandum prior, aut largior? At apud Philippum nec Antipatri tantum valebat autoritas, quin suspectum è iudicum ordine moueret. Plut. in Regum apoph.

Anony

Anonyma, de eodem.

Suprà de Conuitiis & Ebrietatis variis affectibus.

Q. Flauj.

Q. Flavius apud populum reus actus, accusante C. Valerio, quum quatuordecim tribuum suffragiis damnatus esset, proclamauit, Se innocentem opprimi. cui Valerius æquè clara voce respondit: Nihil sua referre, nocens an innocens periret. Ea vox tam violenta, reliquas tribus reo conciliauit: itaque reus, quem prostratum credebat, absolutus est. Eras. lib. 6. apoph.

Q. Calidj.

Q. Calidius, M. Calidii oratoris pater, ex prætura Hispaniensi accusatus à Gallis, quum sensisset iudicibus pecuniam contra se datam, in eos iudices qui paruo precio corrupti eum damnauerant, exclamauit: Idoneam mercedem pro meo capite pacisci debuistis. Bruso. lib. 3. cap. 10.

Ciceronis.

Infrà, de Victoria.

Vide plura in titulo de Iniustitia.

De iudice incauto.

Ptolemæi regis.

Ptolemæus cum ad talos sederet, & alea luderet, assistens quidam, condemnatorum ipsi nomina recitabat, & crimina in eos collata referebat, ut ille, quinam mortis supplicium commeruissent, decerneret. Berenice verò vxor eius accepto libello è pueri manibus, non permisit ut ad finem vsque legeretur, dicens: Non sic obiter aduertendum animum esse, cum de hominis salute disceptaretur: sed cogitandum, & reliquenda ludicra. Non enim similem esse casum talorum, & corporum. His auditis, delectatum Ptolemæum ferunt; neque postea unquam inter ludendum de capitalibus causis audiuisse. Aelianus lib. 14. de Varia historie.

De iudicio nimis exacto.

C. Lucilj.

C. Lucilius dicere solebat, nolle se sua scripta legi, nec à doctissimis, nec ab indoctissimis: quod hi nihil intelligerent, illi plus saperent quam ut posset illorum iudicio satisfacere. Id exprimebat huiusmodi versu trochaico:

Persum non curo legere, Laliū Decimū volo.

L 3

Erat Persius illius ætatis omnium doctissimus habitus: Lælius erat vir bonus, & nō illiteratus, sed nihil ad Persium. Refer^t M. T. cum aliis aliquot locis, tum libro de Oratore secundo.

M. Antonij oratoris.

M. Antonius orator, rogatus quam ob causam nullam unquam orationem scripto mādasset: Vt, inquit, inficiari queam a me dictum esse, si quid fortè aliquando dixi, quod opus non erat. Labilis est hominum memoria, vt ægrè reperias duos, qui quæ simul audierunt, eodem modo referant. Hinc parata tergiuersatio, Non dixi, aut non sic dixi: aut dixi quidem, sed hoc adieci. Eras. lib. 8. apoph.

De iudicio iusto non temerè mutando.

Bosonis.

Boso vltimus Arelatensis rex, quum ob alapam episcopo suo inter sacrificandum illatam, accusatus apud Ottonem primum Romanorum imperatorem, capitis damnaretur, archiepiscopus verò vnā cum reliquis episcopis, abbatibus, principibus intercederent, vt hoc sanguinis iudicium suspendere-
tur. Rex hoc audiens: Non æquum est, inquit, vt rectum imperatoris iudicium executioni non mandetur, cum non conueniat vel vllum verbū a principis ore frustra egredi. Munsterus recitat lib. 2. Cosinograph. vbi de Arelato.

De iudicio in re ignota non ferenda.

Diogenis.

Diogenes cuidam ad ostentationem ingenii multa de rebus cœlestibus differenti: Quam nuper, inquit, de cœlo venisti? Socratem in hoc retulit, cuius est illud: Quæ supra nos, nihil ad nos. Laert. lib. 6.

Anacharsidis.

Anacharsis Scythæ admirabatur, quī conueniret, vt artifices apud Græcos certarent, sed de his iudicaret artis expertes? Sentiens, de arte quacunque neminem melius ferre iudicium posse, quam ipsum artificem. Certabant in theatro histriones, cantores & gladiatores, quorum artes populus nequiquam intelligebat: nihilominus tamen aliis applaudebant, alios explodebant. Laert. lib. 1. cap. 9.

Stratonici.

Stratonicus, musicus insignis, Ptolemæo rege de musica cum ipso

ipſo differente: Aliud eſt, inquit, δ rex ſceptrum, aliud pleſtrū. Significans, non eſſe regium, de muſica cum muſico diſputare. Eraſ. lib. 6. apoph.

Eiuſdem.

Idem Minnaco fabro, vt epinor, ſecum de muſica diſceptā- ti: Non animaduertis, inquit, te ſupra malleum loqui? Caſtiga- uit hominem de rebus ſibi ignotis & incognitis loquentē. Idē.

Eiuſdem.

Idem in eum, qui quum prius fuiſſet olitor, poſtea factus muſicus, de arte ſecum contenderet, pronunciauit ſenariū Græ- cum, vulgò celebrem:

ἄδεις τις ὡς καὶ ἄδεις κίχλω. id eſt,

Quam quiſque nouit artem, eam canat licet.

Mutato verbo detorſit ad iocum, quod eſt in prouerbio ἄδεις τις, &c. Idem.

Eiuſdem.

Idem Zetho de muſica differenti, Te vnum, inquit, nequa- quam oportet de muſica loqui, qui tibi nomen omnium à Mu- ſis alieniſſimum elegeris, reiſpum pro Amphione appellans Ze- thum. Amphion, vt eſt in fabulis, cantu citharæ condidit The- bas: at Zethus frater ruſticus fuit. Apparet illum ſibi muſicæ nomen. Eraſ. lib. 6. apoph.

Anonymi.

Pſaltes quidam apud Antigonom artis ſuæ ſpecimen ede- bat: Quum verò ſapius Antigonus diceret: Conſtringe netem, & rurfus mediam: indignatione commotus, reſpondit: Auer- tant, δ rex, à te dii malum hoc, vt me melius atque exquisitius hanc artem teneas. Iniquè tulit muſicus eius reprehentionem, qui à muſices ſtudio planè alienus erat: indignum eſſe putans, artificem reprehendi ab eo, qui manus fidibus nunquam admo- uiſſet. Aelia. lib. 9. de Var. hiſto. Plutar. in reg. & imp. apoph. de Philippo rege idem recenſet.

Hippomachi.

Hippomachus pugillandi magiſter, quum athleta quidam ex eius diſcipulis ſpecimen exhiberet artis, & circumſtans mul- titudo vniuerſa acclamaret, perculeſcit eum virga Hippoma- chus, inquiens: Sed tu perperam, neque ſicut oportebat feciſti, quod melius fieri debebat. Nam ſi quid artiſcioſum præſtitif- ſes, non hi te collaudarent. Innuens, eos, qui vnum quodque ritè gerunt ac adminiſtrant, non multitudini, ſed iis tantum, qui

rei notitiam aliquam haberent, placere oportere. Videtur & So-
crates populi iudicium repudiare in colloquio ad Critonem;
cum Crito veniens ad eum in carcerem, suaderet vt effugeret,
& Atheniensium contra se iudicium corrumperet. Aelia. lib. 2.
de Varia histo.

Apellis.

Apelles tabulas in pergula proponere solebat, postque eas
latitans, quid prætereuntes reprehenderent auscultabat. Sutor
quidam reprehendit, quod in crepidis pauciores vna intus fe-
cisset ansas. tulit hoc tacitus Apelles. postridie quum idem cir-
ca crus aliquid, notaret, Apelles indignatus prospexit, denun-
tians illi, ne sutor vltra crepidam iudicaret. Quod & ipsum in
prouerbum abiit. Brus. lib. 1. cap. 10.

Eiusdem.

Alexander Ephesi suam ipsius imaginem, quam Apelles fin-
xerat, contemplatus, non laudauit pro dignitate picturæ. Quum
autem introductus equus hinniret equo picto, perinde atque
vero: Atqui ô rex, inquit Apelles, hic equus in discernendis pi-
cturis longè te meliore iudicio præditus esse videtur. Aelianus
lib. 2. de Var. histor.

Nicostrati.

Infrà de Oratione nimis elaborata.

Zeuxidis.

Megabyzus quum aliquando picturas tenuiter & ruditer
confectas laudibus extolleret, alias verò cum summa industria
elaboratas reprehenderet, pueri Zeuxidis Meladem tenentes,
eum deridebant. Zeuxis itaque: Cum taces, inquit, Megabize,
nescio quid magni de te sibi pueri hi pollicentur. respiciunt e-
nim ad vestem & cultum tuum. Simulac verò quid artificio-
sum vis dicere, te contemnunt. Parcior igitur & consideratio-
ris in laudandis, compescens linguam, neque cuiusquam, quæ
nihil ad te attinent, opera vel artem collaudes. Aelianus lib. 2.
de Varia histo. Sed hoc ipsum Brus. lib. 3. cap. 16. & Erasmi. lib. 6.
apoph. Apelli ascribunt: Plinius autem pro Megabyze ponit
Alexandrum Magnum.

Polycleti.

Polycletus insignis statuarius, eodem tempore duo simula-
chra fecit: alterum ad arbitrium plebis, alterum iuxta peritæ
artisque normam. Gratificatus verò plebi hoc modo est. Ad sin-
gulorum accessum transposuit & commutauit aliquid, morem
gerens

gerens vniuscuiusque voluntati & enarrationi. Itaque proposuit vtrumq;. Et alterum quidem omnes admirationi, alterum ludibrio ac risui habuerunt. Respondens autem Polycletus: At hoc, inquit, quod vituperatis & reprehēditis, à vestra arte profectum est: quod verò suspicatis, ego mea facultate sum fabricatus. Aelia. lib. 14. de Var. histo.

Anonymi.

Romæ in foro pendeat tabula quædam, habens imaginem pastoris vetuli cum pedo: de hac Teutonum orator rogatus, quanti eam æstimaret? satis Germanicè respondit: Se nolle sibi dono dari talem viuum, aut verum. Non spectauit artificium pictoris, sed formam tantum, nec potuit etiam iudicare de re sibi ignota melius. Eras. recitat lib. 8. apoph.

De iuramento, vel iureiurando.

Thaletis.

THales Milesius, adultero sciscitanti, An abiuraturus esset adulterium? Non, inquit, est periurium adulterio peius. Significare voluit vir sapientissimus, illum stultè dubitare de peierando, qui facinus periurio par non dubitasset committere. Eòque in atrocioribus sceleribus nihil ponderis habet iusiurandum. Quisquis enim audet dare venenum, audebit & cum periurio iniciari. Thaletis dictum recitatur à Laertio lib. 1. cap. 1.

Solonis.

Solon tantam morum probitatem inesse hominibus oportere dicebat, vt non opus esset ligare iuramento. Maximus sermone 33.

Socratis.

Socrates bonos viros decere dicebat, vt eos mores ostenderent hominibus, qui essent iureiurando firmiores. Antonius in Melissa, parte 2. sermo. 63.

Cleomenis.

Cleomenes cum Argiuis septem dierum pactus induciat, cum obseruans deprehendisset illos tertia nocte indulgere somno, fiducia videlicet induciarum adortus est eos, & alios interfecit, alios abduxit captiuos. Cæterum quum illi probro daretur violata iurisiurandi fides: De diebus, inquit, pactus sum, noctes non additæ sunt in iureiurando. Quanquam & alioqui, quicquid mali quis fecerit hostibus, id & apud deos & apud

homines habetur iustitia præstantius : verùm huic magnificæ voci non respondit euentus. Nam & vrbe, cuius gratia violarat conuenta, frustratus est, eo quòd mulieres, detractis è templis deorum armis, illum ultæ sunt : perinde quasi diis ipsis, quos contempserat, pœnas de ipso sumentibus. Postremò versus in dementiam, ipse sibi gladiolo quodam fodit & incidit corpus à talis vsque ad loca vitalia. itaque vitam finiit, ridens, & ore diducto. In hoc apophthegmate nihil habes imitatu dignum, vtile tamen exemplum ad vitandam iurisiurandi violationem. Plut. in Lacon.

Agésilai.

Agésilas barbaros, qui iurisiurandi religionem violassent, laudare ac probare solebat, dicens: Se nulla re magis deos sibi infestos reddere, quàm si sacrosanctum iusiurandum temerè violarent. Aelia. lib. 14. de Varia hist.

Periclis.

Pericles Atheniensis amico roganti, vt pro se falsum diceret testimonium, cui adiunctum erat iusiurandum, hoc est periurium, respondit: Se quidem amicum esse. sed vsque ad aram. Sentiens, aliquousque gratificandum amicis, sed citra iuramenti violationem. Plutar. in Græco. regum & imp. p. apoph.

Isocratis.

Isocrates sacramentum oblatum duabus de causis fide firmandum esse suadebat. Vel vt te ipsum turpi suspitione liberet, vel vt amicos ex magnis periculis eripias. Pecuniarum verò gratia, etsi iustam causam haberet, non per deos iurandum dicebat. Stob. serm. 25.

Lycurgi.

Lycurgus eatenus amicis & familiaribus auxiliandum esse dicebat, vt interim periurium non admitteretur. Idem.

Lyfandri.

Lyfander dicere solebat, pueros tesseri, viros iuramentis oportere circumuenire. Quidam tamen hoc dictum Philippo Macedoni etiam ascribunt. Vter verò dixerit, mea sententia longè à recto iustòque aberrauit. Neque verò absurdum est, si dissentiam à Lyfandro. Nam ille tyrannidem exercebat. Ego verò quo animo sim, ex eo manifestum est, quòd minimè mihi hoc dictum probatur. Aelianus lib. 7. de Varia histor. Plutarch. in Lacon

Anaximenis.

Alexander statuerat Lampſacum diruere. Ad id tendenti, quum Anaximenes Alexandri præceptor veniret obuiam extra muros, deprecaturus ſuæ ciuitatis perniciem, Alexander ſuſpicans quid eſſet petiturus: Iuro, inquit, me non facturum quod petet Anaximenes. Tum Anaximenes: Peto, inquit, vt Lampſacum diruas. Captus erat Alexander, & iureiurando compulſus eſt ſeruare, quos demoliri ſtatueraſt. Eraſmus lib. 6. apoph.

Populi Rom.

Populus Rom. Carbone pollicente quippiam, & addente iuſſurandum cum execratione: populus viciffim iurauit, ſe illi non credere. Probis viris & iniuratis habēda eſt fides: leuibus, ne iuratis quidem. Refertur ad id verſus Menandricus,

Ἦ γὰρ ὁ λόγος ὁ πειστικὸς ἢ ὁ κρειττονὸς, ἢ ὁ νῦν ὁ.

Suadet loquentis vita, non oratio. Eraſ. lib. 6. apoph.

De iuriſprudentia.

Serb. Scauola.

Serbidiuſ Scauola, vir tum iuriſprudentia, tum M. Antoni imperatoris amicitia celebris, dicere ſolitus eſt: Ius ciuile vigilantibus ſcriptum eſſe, non dormitantibus. Sentiens, iuriſprudentiam non ſine ſummo ſtudio percipi: quemadmodum Ariſtoteles ſic edidit libros Naturalium, vt non eſſent editi, niſi viua vox doctōris accederet. Refertur libro Pandectarum 42. titu. Quæ in fraudem credi. I. Pupillus. Verum vt Scauola meritò requirit ſtudium ac vigilantiam à iuriſprudentiæ candidatis: ita nemo non improbabat ſententiam Iudoci, qui Mechlinienſi ſenatui præſedit. Nuſquam enim non magna contentione tuebatur, neminem poſſe, vel vnius legis intelligentiam conſequi, qui quicquam ſciret in bonis literis. Et quum in conuiuium quodam mecum diſputans incaluiſſet, addebat, vix eſſe treis in orbe, qui leges Cæſareas intelligerent. Aderat huic conuiuium Ioannes Syluagius, Caroli tum regis cancellarius, Georgius ab Haloino, Blaſius iureconſultus, & alii nonnulli. Fatebatur tamen, Bartolum leges ad plenum intellexiſſe, quum conſtet, illum tot locis hallucinatum eſſe. Eraſ. Rote. lib. 8. apoph.

Vide titulum de Legibus.

De iuſti

De iustitia.

Thaletis.

THales Milesius interrogatus, Quo pacto quis optimè iustissimeque viueret? Si, inquit, quæ in aliis reprehendit, ea ne faciat ipse. In alienis enim erratis perspicaces sumus, ad sua quisque lusciosus est. Laertius lib. 7. cap. 1. Brusonius lib. 3.

Biantis.

Bias damnaturus quempiam ad mortem, lachrymatus est miseram hominis, & meritò deplorandam fortunam. Verùm quum dixisset quidam, Quid est quod desideas, quum in tuo sit arbitrio, condemnare aut liberare hominem? respondit Bias: Necessarium quidem esse, naturæ condolere: à lege autem & iustitiæ regula discedere, magis perniciosum est. Stobæus ser. 44.

Zenonis.

Zeno Stoicus philosophus, cum ex eo quidam familiarium quærerent, qua possent ratione iustitiam colere, nihilque iniuriæ facere? Si semper, inquit, me vobis adesse existimabitis. Maximus ser. 5.

Antisthenis.

Antisthenes sapientissimus Atheniensium philosophus, negabat sapientem virum obstrictum esse legibus, ab hominibus promulgatis. Intellexit vir prudentissimus, sapientem obligatum esse virtuti, iuxta cuius normam vitam instituit. Leges enim non omnia præscribunt, sed ipsa ratio docet quid turpe, quidque honestum: & virtutis regula ubique ostendit, quid viris bonis agendum sit. Laertius libro 6.

Eiusdem.

Idem præterea frequenter dicere solebat, virum iustum pluris faciendum, quàm cognatum. Arcetiora enim sunt vincula virtutis, quàm sanguinis. Et omnis bonus bono proximo cognatus est, propter animorum similitudinem. Laer. lib. 6. cap. 1.

Eiusdem.

Antisthenes aiebat, homines virtute præditos sibi parare defensores non fortes tantum, sed etiam æquos & iustos. Nolunt enim defendi, si contra iustitiæ leges aliquid admittant. Erasim. Roterodamus libro septimo apoph.

Aristidis.

Aristides, cognomento Iustus, semper suo vnus præsidio fretus rempublicam administravit: à sodalitatibus & amicorum
potenti

potentia abhorrebat, quæ ad iniuriam aliis inferendam adderet animum. Abhorruit autem ab omni factione & amicitia ideo, ne adigeretur ad aliquid faciendum, quod iustum non esset: aut cogeretur abstinere ab eo, quod iudicasset rei publicæ conducere. Plutarchus in apoph. Græcorum Impp.

Eiusdem.

Idem quendam reum egerat. at quum iudices post Aristidis accusationem nollent audire reum, sed protinus ad suffragia, quibus eum damnaturi erant, properarent: Aristides supplex pro reo intercessit apud iudices, ut eum iuxta legum præscripta diligenter audirent. Tanta erat in viro legum æquique obseruatio. Plut. in vita Aristidis.

Eiusdem.

Idem interrogatus, quid iustum esset? Aliena non concupiscere, respondit, Stob. ser. 7. Phauorinus 14.

Eiusdem.

Quum Athenienses eo concitati essent, ut Aristidem ostracismo (id erat damnationis genus, quod testulis peragebatur) in exilium agerent, ac rusticus quidam illiteratus testulam ad eum deferens iussisset, ut Aristidis nomen inscriberet: Nostine, inquit Aristides, Aristidem? Quum ille negasset se nosse, molestè tamen ferre, quod Iustus cognomine diceretur: siluit Aristides, & nomen suum inscripsit testulæ, ac reddidit. Tam leni animo ferebat iniustam damnationem. Grauiissimum autem vitæ innocenter actæ testimonium est, è tanta multitudine neminem extitisse, qui aliud obijceret, quam Iusti cognomen, quod ipse tamen sibi non imposuerat. Plutarchus in Græcorum apophthegma.

Periclis.

Pericles Atheniensis ab amico rogatus, ut pro re causaque eius falsum deiceret, respondit: Oportet me amicis accommodare, sed usque ad aras. Gellius libro primo. capite tertio. Plut. & Eras. in prouerbio, Usque ad aras amicus.

Platonis.

Plato, philosophorum ille deus, eam scientiam quæ à iustitia remota est, calliditatem potius quam sapientiam appellandam, dicere solebat. Meminit Cicero libro primo Officiorum, Stobæus sermone septimo, & Phauorinus decimo quarto.

Philemonis.

Philemon eum virum iustum esse pronunciabat, non qui iniurius

inius nō esset, sed qui quum esse possit, ne sit cauet: neque qui parua non accipit, sed qui magna quum posset, abstinuit: neque qui omnia hæc seruauerit, sed qui incorrupta legitimaque natura iustus esse mauult, quàm videri. Phauorinus.

Phocionis.

Phocion Atheniensis, cum ab Antipatro rogaretur, vt nescio quid iniusti faceret: Non potes, inquit, simul amico & adulatore vtī. Amicus enim eō vsque obsecundat amico, quousque iustitia & æquitas patitur. Plutarchus in Græcorum apoph.

Demosthenis.

Demosthenes eos homines in primis laude dignos pronunciauit qui, nullam anteponerent iustitiæ vtilitatem. Pecunias enim quisque possidere potest, at iustitiæ gloria pecuniis non emitur. Phauorinus Camers. Verum Stobæus iuxta primam editionem sermone septimo, Isocrati adscribit.

Iasonis Thess.

Celebratur Iasonis Thessali dictum, quo se purgare solebat iis quibus molestiam aut vim attulisset: Qui magnis in rebus se iustitiæ cultorem haberi velit, eum in paruis interdum illam violare oportet. Velut in bello, quo tuta sit respublica, agri aut ædificia quorundam ciuium interdum perduntur. Eras. libr. 6. apophthegma.

Agidis.

Suprà tit. de Conscientia bona.

Eiusdem.

Parentibus rogantibus vt sibi in re quapiam iniusta adesset, recusauit illis aliquandiu, ceterum cum instarent, hunc in modum respondit: Donec essem apud vos, nullam omnino tenebam iustitiæ scientiam: verum vbi me patriæ tradidistis, patriæque legibus, insuper & iustitiam & honestatem pro viribus docuistis, conabor huic magis obtemperare quàm vobis. Et quandoquidem hæc est vestra voluntas, vt quæ sunt optima faciam: optima verò sunt, quæ iusta sunt, cum homini priuato, tum præcipuè principatum gerenti: quæ vultis faciam, quæ dicitis negabo. Plut. in Lacon.

Eiusdem.

Quibusdam Eleos hoc nomine prædicantibus, quòd in certaminibus Olympiæcis essent iustissimi: Quid, inquit Agis, magni miriue faciunt, si intra quinque annos vno tantum die se iustos præstant? Non putabat vir sapientissimus, in eum compe-

tere

tere iustitiæ laudem, nisi qui per omnem vitam in omnibus actionibus iustitiam coleret, nam ludi Olympiaci semel tantum intra quinquennium celebrabantur. Plut. in Laconicis. Bruso. lib. 3. cap. 8.

Agésilai.

Agésilai Lacedæmoniorum rex olim interrogatus: Vtra virtus esset præstantior, fortitudo an iustitia? graviter respondit: Fortitudinis nullum esse usum, nisi adsit iustitia. Quod si omnes essent iusti, nihil opus fore fortitudine. Quo responso nihil præter æquum, faciendum ubique putavit. Plut. in Laconicis apoph. Bruso. lib. 3. cap. 8. Stob. ser. 7.

Eiusdem.

Idem quum cæteris in rebus esset rigidior, & exactè iusti legumque tenax, tamen in amicorum negotiis existimabat, inhumanitatis ac sævitiae prætextum esse, nimium adversus illos esse iustum. Huius rei testis est epistola quædam perbrevis, quæ fertur ad Hidrieum Carem scripta, qua cuidam amico veniam deprecatur in hunc modum: Nicias si nihil peccat, dimitte hominem: si peccat, mihi dimitte, sed omnino dimitte. Innocentem punire, scelus est: culpam interdum condonare in gratiam honesti deprecatoris, humanitas est. Quum enim iustitiam semper oporteat esse clementia temperatam, quoties nata est gravem interpellatorem, & minus habet invidia, & plus impetrat gratiæ. In plerisque igitur amicorum negotiis ad eum modum se gerebat Agésilai: interdum tamen magis sequebatur recipi. utilitatem per occasionem oblatam, quam indulgebat amicitiae. Plutarchus in Laconicis apoph.

Eiusdem.

Cum adortus quidam cum esset, qui cupiebat ut suis eum literis apud Asiaticos commendaret, respondit: Non opus est ut à me literas accipias, quoniam hospites quæ iusta sunt, sua sponte faciunt in Asia. Ibidem.

Eiusdem.

Cum à quodam diceretur: Decet reges præstare, quicquid capite annuerint: Nihil magis, inquit, quam eos qui reges ad-eunt, decet ea petere & loqui quæ iusta sunt. Plu. in Laco. apoph.

Eiusdem.

Cum urgeretur improbè à quodam, ut promissum præstaret, atque idè crebrò repeteretur, quasi fas non esset negare: Rectè sanè, inquit, Si quidem iustum est, faciam: sin minus, nequam faciam, non enim promisi, sed dixi. Plut. in Laco.

Callicre

Callicratida.

Callicratidas classis præfectus à Lyfandri amicis sollicitatus, vt vnum quendam ex inimicorum numero permetteret ipsis interimere, & acciperet talenta quinquaginta. Tamen si pecunia egeret, vt solueret nautis promissum stipendium: non tamen hoc fieri concessit, cum videret contra omnem hoc esse iustitiam. At cum Cleander regius consiliarius dixisset, Ego profectò hoc accepiſſem, si fuiſſem Callicratidas: Et ego, inquit Callicratidas, accepiſſem, si fuiſſem Cleander. Idem.

Leonis.

Leon Eurycratidis F. interrogatus à quodam, in qua demum ciuitate tutò viuere poſſet? In ea, ait, quam qui incolunt, neque plus poſſident, neque minus: & vbi iustitia viget. Grauitè admonuit, eam ciuitatem tutò habitari poſſe, in qua iustitiæ cura habetur. Plutarchus in Laconicis.

Eiusdem.

Idem cum videret in Olympiis cursores sollicitos de emissionē, vt aliquid lucri haberent ad occupandam victoriam: Quanto maior est, inquit, cura cursoribus de celeritate, quam de iustitiā? Vir integræ mentis etiam in ludis volebat haberi rationem iustitiæ, nec tantum agendum, vt prior quis ad metam pertingeret, sed vt iustè vinceret. Idem.

Leonida.

Xerxes Leonidæ scripserat: Si definas cum diis bellare, meis te copiis adiūxeris, & potes fieri Græciæ monarcha. Huic ita respondit Leonidas: Si noſſes quæ in vita mortalium eſſent iusta & honesta, abſtinuiſſes iamdiu à cōcupiscendis rebus alienis. Ego malim potius pro Græcia mori, quam contra iustitiæ leges in populares meos tēnere monarchiam. Plutarch. in Laconicis.

Agēſipolis.

Quum quidam Agēſipoli dixisset, ipsum, licet rex eſſet, cum æqualibus ſuis fuiſſe obſidem, non liberos aut vxores eorum: velut hoc eſſet regi dedecoroſum, dari in manus ac ius aliorum, quum alii reges ſoleant vxorem ac liberos pro ſe dare obſides: Et quidē iure, inquit, optimo, par eſt enim, vt nos noſtra ipſorum feramus errata. Subindicans, ſi quid calamitatis accidit in bello, aut in Republica, regum vitio accidere: eoq; iustum eſſe, vt hi potiſſimum puniantur, per quos venit calamitas. Ceterum, morem iniquum eſſe, quo receptum eſt, vt coniuges ac liberi qui nihil commeruerint, dedantur obſides. Idem.

Cleonis

Cleonis.

Cleon, posteaquam reipub. administrationem capessere destinasset, testatus est, se iam omnium amicitiarum vincula velle soluere. quod amici plerunque obstant ne liceat vbique rectum tenere clauum. Eras. lib. 6. apoph.

Anaxandrida.

Anaxandridas, cuidam ab ipso sciscitanti, cur seniores in Lacedæmoniorum repub. plures dies sumerēt ad cognoscendum in causis capitalibus: & si quis fuerit absolutus, nihilominus obnoxius sit legi? Ideo, inquit, hoc faciunt, quoniam si in capitis discrimine fortè errauerint, non est corrigendi consilii potestas. oportet autem à causa liberatum, obnoxium manere legibus: quod fieri potest, vt secundum eandem legem liceat aliquid rectius de reo statuere, vt vbique in suo vigore maneat iustitia. Plut. in Lacon.

Artaxerxis.

Cum Satibarzanes Artaxerxis regis cubicularius, quiddam minus iustum à rege peteret, sentirētque illum Artaxerxes hoc facere sollicitatum triginta Daricorum millibus, quæstori ærarii sui mandauit, vt Daricorum triginta millia ad se deferret. & allata ea dedit Satibarzani, dicens: Accipe, nam hæc tibi cum dederō, non ero pauperior: iniustior autem futurus, si illa quæ petebas, non dedissem. Commentus est rex egregius, vt nec amicum constrikeret, nec à iustitia deflueret. Plutarchus in Regum apoph.

Antigoni.

Infrà de Regno & regibus.

Q. Scauola.

Q. Scauola, Publii filius, quum postulasset vt fundus, cuius emptor erat, sibi semel indicaretur, idque fecisset venditor, dixit se pluris æstimare, & adiecit precio centum millia. Exemplum integritatis, vix hoc seculo credibile. Eras. lib. 6. apoph.

Catonis.

Cato senior magistratum iudicem dicebat, nec pro iustis orandum, nec pro iniustis exorandum. Sensit, culpam esse indicum, si vt iustis æqui sint, orandi sunt, quum oporteat vtrò fauere bonis. Pro iniustis orare, fortassis humanitatis est: at exorari, est à iustitia deflētentis. Plut. in Roma, apoph.

Eiusdem.

Idem cum partes in conuiujs sortirētur, nec illi fauisset sorte

amicis hortantibus vt primus omnium caperet: Non decet, inquit, in vita Venere. Tam natura iustus erat, vt contra sortem amicorum fauore noluerit vti. Plut. in eius vita.

P. Rutilij.

P. Rutilius amico cuidam rem iniustam petenti, pernegabat: quumque is commotus per summam indignationem diceret: Quid ergo mihi opus est tua amicitia, si quæ abs te rogo, non facis? Imò, inquit Rutilius, quid mihi opus est tua amicitia, si me virgere cupis, vt in iustitiæ leges tua causa peccem? Eras. Rot. lib. 8. apoph.

Pompeij.

Pompeius Magnus Phraati Parthorum regi per legatos postulanti, vt Euphratem, Romanæ ditionis terminū esse vellet: Imò, inquit, illud magis postulandum est, vt Romanorum fines à Parthorum regno iustitia dirimat. Plut. in Roma. apoph.

Eiusdem.

Quum composito Siciliae tumultu, ac ciuitatibus quæ defecerant placide receptis, soli Mamertini postularent audiri, recitantes leges quasdam ipsis olim à Romanis concessas: Non desinetis, inquit, nobis accincti gladii recitare leges? Significans, iure agere volentibus non esse opus armis. Plut.

Liberij episco.

Liberius Romanus episcopus respondit Constantio imperatori, suadeti vt subscriberet in excommunicationem S. Anathasii: O imperator, iudicia ecclesiastica decet cum maxima proferri iustitia. Theodoretus in dialog. Tripartit. histor. lib. 5. capite 17.

Traiani.

Traianus imperator iustitiam & æquitatem in principe plurimum commendare solebat: qui his potissimum virtutibus principes, cæteros homines excellere debere dictitabat, quorum & ipse, dum Roma. gubernaret imperium, studiosus adeo fuisse fertur, vt aliquando ensẽ strictum præfecto vrbi in conspectu omnium dederit, atque dixerit: Cape ferrum hoc, & siquidem recte imperium gesserò, pro me: sin aliter, contra me hoc vttere, Nicephorus Callist. lib. 3. Ecclesiast. histor. cap. 23.

Hadriani.

Hadrianus Romanorum imperator, cum in spectaculo populus clamore flagitaret, vt aurigam, qui placuerat, liberum esse iuberet: per tabellam respondit, Iniquum esse quod peterent, & contra

contra leges iustitiæ. Si enim seruum alienum libertate donaret, fieret iniuria domino. Ex Dione Cassio, & Spartiano.

Friderici impera.

Fridericus Romanorum imperator, quum Ladislaum Hungariæ ac Bohemiæ regem educaret, non defuerunt qui perdendum suaderent puerum, cuius vita ingentes molestias Cæsari, mors regna & opes maximas allatura esset. Ad quos ille: Ergo me, inquit, opulentum magis regem, quam pium, quam iustum cupitis. At ego iustitiam bonumque nomen diuitiis cunctis que rebus antepono. Aeneas Syl. lib. 3. commentario, in res gestas Alphonfi.

Rodulphi impera.

Ad Rodulphum imperatorem cum quidam venisset, qui Othaccarum Bohemiæ regem, atrocem hostem, in venatione se occisurum promitteret, si facto præmium esset: Rodolphus, Etsi noster hostis est Othaccarus, inquit, non tamen id efficiet, ut iustitiæ & moderationis fines transcamus. Aeneas Syluius libro tertio Commentariorum de rebus gestis Alphonfi.

Ioannis impera.

Inter Ioannem Caroli quarti eius nominis patrem, & Henricum Carinthiæ ducem, de regno Bohemiæ longa & difficilis fuit contentio. Verum quum quidam ad Ioannem veniens, veneno se hostem occisurum promitteret, si præmium speraret: Ioannes iustitiæ & integritatis amator, Si me nescio Henricum, inquit, interemisses, & ad me fugam adornasses, crux tibi præmium futurum erat, qui te regio sanguine commaculasses: & tu me modò authorem tanti sceleris petis? Idem.

Alphonfi.

Alphonfus Aragonum rex, eos principes qui iustitiam non colerent, persimiles sibi videri dicebat iis, qui morbo caderent comitali. Nam cum animæ materia sit sola iustitia, qua tenditur ad vitam: quid restat principibus, sublata iustitia, quæ est vitæ quasi nutrimentum & cibus? Antonius Panoormita de rebus gestis Alphonfi, & Aeneas Syl. de eius dictis.

Eiusdem.

Quum Stephanus eques Neapolitanus pæculo amatorio inanisset, teneretque oppida & nonnulla regia officia ab Alphonso Aragonum rege tradita, fuerunt qui ab Alphonso illa bona postularent: absurdum esse dicentes, a demente huiusmodi bona possideri. Quibus rex respondit: Sibi inhumanissi-

mum videri, iis se etiam substantiam auferre, quibus fors mentem & cerebrum abstulisset. Innuvit autem; calamitatem non esse adiungendam calamitati. Idem lib. 4.

DE LABORE.

DEMOCRITI.



Emocritus dicebat; omnes labores ocio iucundiores esse, quando illa consequuntur homines quorum gratia laborant, aut consecuturos se sciunt. Frustrationi verò, quum spei non respondet euentus, vñum est remedium, si omnia reliqua similiter ærumnosa sint, & laboriosa. Siobæus sermone 27.

Eiusdem.

Idem cum interrogaretur à quodam, quomodo laboriosi ac industrii differrent à desidiosis: Quo, inquit, impii à piis: spe nimirum bona. Sperant quippe, qui corpus laboribus exercent, pingua laborum præmia, desides autem semper præsentem intuentur paupertatem. Maxi. ser. 32.

Eiusdem.

Idem adolescentem conspicatus iudistrium, Optimum, inquit, senectuti condis obsonium. Sensit, fructum laborum senectutis esse fulcimentum & obsonium: quo si destituatur homines, quis negarit miseram senem esse conditionem? Maxi. ser. 32.

Cleanthis.

Cleanthes Afsius suam vitam diuitum vitæ solebat hoc nomine præferre: Dum illi, inquit, pila ludunt, ego fodiens duram humum exerceo. Sensit vir sapientissimus, hominem non ad otium & desidiam, sed ad laborem à Deo conditum esse. Laert. lib. 7. cap. 11.

Eiusdem.

Idem quum audisset à Lacone quodam probari laborem, delectatus eo dicto, subiicit hemistichium Homericum,

αἶματ' ἐὶς ἀγαθὸν φίλον τινος.

Id est,

Sanguine præclaro satius es charissimè fili.

Laertius lib. 7. cap. 1.

Diogenis.

Cum Philippus Alexandri Magni pater expeditionem & bellum in Corinthum apparare diceretur, Corinthii trepidi, rerumq

terúmque suarum satagentes, ad opera certatim iucumbere cœperunt. hic arma sibi comparabat, ille lapides congregabat, alius muros in altitudinem subtruebat, nonnulli propugnacula firmabant, alii aliud agebāt quod ad munitiones pertineret. Eorum itaque studium Diogenes cum cerneret, nihil habens aliud commodius quod ageret, exemplo physico pallio succinctus, dolium suum subuoluere, & hinc inde vertere cœpit. Admirante autem quodam eius amico, ac percunctante cur hoc ageret? respondit Diogenes: Ideo voluo, ne vnus inter tot operi intentissimos cessator esse videar. Guido Bitur. tit. de Desidia.

Eiusdem.

Idem cuidā admonenti, vt iam senex quiesceret à laboribus: Quid, inquit, si in stadio currerem, vtrum oporteret iam metę vicinum, cursum remittere, an magis intendere? Rectę sensit, virtutis studium hoc magis intendendum, quo minus superest vite: q̃ turpe sit, tū ab honesto instituto refrigescere. Laert. li. 6.

Socratis.

Socrates cuidam cupienti quidem ire ad Olympia, sed itineris labore deterrito: Quum, inquit, domi sæpenumero totum prope diem ambules, ante prandium, rursus ante cœnam, si domesticas ambulationes proferas ad quinque sexuē dies, facillē peruenies Olympiam. Docuit vir ingeniosus, id quod terret in adeundis laboribus imaginationem esse potius, quā ipsum laborem. Si quid honestę rei gratia periculi, dispendii, aut laboris suscipiendum est, exculamus, detrectamus, horremus: quum frequenter vltro in rebus nihili (non enim dicam turpibus) plus impēdamus. Ita quidam inuitati ad studia literarum, excusant valetudinem, insomniam, impendia librorum: quum interim totam noctem ludant alea, potatione contrahant febrem, podagrum, hydropem & lippitudinem, scortatione patalyssim, aut scabiem nouam, quam Gallicam appellant. Eras. Rot. lib. 3. apoph.

Eiusdem.

Idem asserēbat, operari esse vtile ac bonum homini, ociosum verò esse damnosum ac malum. Xenophon, & Stob. ser. 27.

Eiusdem.

Præterea boni quippiam facientes, operari dicebat, & opifices bonos esse: aleatores autem aliuduc quippiam prauum & noxium agentes; ociosos nominabat. Xenophon, & Stobæus sermone 27.

Pythagore.

Pythagoras familiares suos hortabatur, vt optimum viuendi genus sibi deligerent. Quamuis enim laboriosissimum esset, consuetudine tamen iucundum fore. Stob. serm. 27.

Aristotelis.

Aristoteles Stagiritis frequenter dicere solebat, artium radices satis quidem esse amaras, sed dulcissimum adferre fructum. Sensit vir sapientissimus, nil absque duro labore ab homine parari posse, attamen posteaquam requies sequitur, homo multis refocillatur bonis. Dictum philosophi extat apud Laert. lib. 5. cap. 5.

Ptolemai regis.

Heraclides scripserat libellum, cui titulum indiderat *τῆς ἐνδομίας*, id est, laboris laudatio. Eum quum Ptolemæus sophista fortè obuius, videret habentem præ manibus rogabat, quid moliretur? Quum ille respondisset, *τῆς ἐνδομίας*: Ptolemæus accepto codice, deleuit *τῆς* & adiecit, Tempus est vt legas titulum encomii, reperitque scriptum, *τῆς ἐνδομίας*. Ptolemæus huc allusit, quòd si labor mereretur laudem, eadem opera laudandus esset asinus, animal labori natum. Philost. in sophist.

Laconum.

Apud Lacones prouerbio celebratum est, Admota manu fortunam esse inuocandam, quo significabant, sic esse inuocandos deos, vt simul & manum apponamus, & nostram addamus operam, alioqui frustra inuocari. Verum est, numini acceptum ferri oportere, si quid in actionibus hominum prosperè cedit: sed non fauet numen ociosis ac pigris. Vult sua munera ad nos per nostram venire industriam, ne stultum videatur, si faueat ipsius dona contemnentibus. Plut. in Lacon.

Eorundem.

Laconum adolescentes perseverabant absque tunicis, vestem vnicam accipientes, corporibus squalidi, quippe à balneis & vnguentis in totum abstinentes, vt patientia laborum ad res præclare gerendas viam pararent. Plutarch. eius rei testis est in Laconicis.

Coci cuiusdam.

Dionysius emptum Laconicum coquum parare iussit. Laconicum iusculum, paratum autem non comedit: sed interrogauit, quidnam eius delectaret Lacones, cum insuauissimū esset? Tum coquus, hoc iusculum non habere condimenta illa dicebat, quod

bat, quod Laconicum habet. Interrogauit Dionysius, quænam essent illa: respondit coquus: Huiusmodi condimenta apud te non sunt ante cibum, nempe labores, sudores & balneum in Eu rota flumine. Stob. serm. 27.

Apellu.

Apelles nunquam tam occupatus fuit, vt diem prætermitteret, in quo nihil omnino pingeret, artem exercens. Vnde subducens sese à negociis, dicere solebat: Hodie nullam lineam duxi. Quæ vox abiit in prouerbium, de quouis officio prætermisso. Plin. lib. 10. cap. 35.

C. Furæ.

Supra de Inuidia, quæ sclicitatis & virtutis comes est.

Pompeij.

Lucius Lucullus cum post obita militiæ munia, ocio se & voluptatibus dedisset, ac Pompeium, quod multis se implicaret negociis, reprehenderet: Magis, inquit Pompeius, præter ætatem est senem deliciis vacare, & otio, quam imperium gerere. Grauitè taxans illorum sententiam, qui putant senibus nihil agendum: quum decorum sit, Rempub. gubernantem, vel stantem mori. Ocium enim, vt in iuuenibus stultitia est: ita profectò in senibus crimen. Plut. in apoph.

Papyri.

A Papyrio Cursore, viro impigro, equites ausi sunt petere, vt pro re bene gesta relaxaret aliquid laboris. Quibus ille: Ne nihil, inquit, remissum dicatis, remitto, nevtique dorsum demulceatis, quum ex equis descenderitis. Hoc non erat remittere laborem, sed equo curando aliquid adumere. Nisi fortè sensisset, quosdam milites delicatiores, post equitandi laborē iubere solitos sibi defricari tergum. Hoc operæ Papyrius suis remisit. Eras. 6. apoph.

Seueri imp.

Seuerus imp. symbolū tribuno dari iussit, Laboremus. Peritax ad imperium ascitus dederat, Militemus. Illi placuit belli omen, huic pacis. Sublato nanque bello, reditur ad agriculturalionem & opificia. Ocium in pace delicias alit, & omne flagitiorum genus. Aelius Spartanus.

Vespasiani.

Vespasianus quum vehemèter angeretur vitiatis intestinais, nihilo secius imperatoris muneribus fungebatur, adeo vt lecto decumbēs audiret legationes: & amicis hortantibus vt sibi parceret, respondit, Imperatorem stantem mori oportere. Suetō.

Hadriani Cæs.

Florus hos versiculos scripserat in Cæsarem Hadrianum.

Ego nolo Cæsar esse,
Ambulare per Britannos,
Scythicas pati pruinas.

Cui Cæsar respondit:

Ego nolo Florus esse,
Ambulare per tabernas,
Latitare per popinas,
Culices pati rotundos.

Sentiens, se honestas occupationes præferre inutili turpique ocio. Suetonius in vita Hadriani.

Probi imp.

Probus imp. non patiebatur militem esse ociosum, sed multa opera militari manu perfecit, dicens, Annonam gratuitam militem comedere non debere. Flavius Vopiscus.

Maximini.

Supra tit. de Industria.

Alphonfi.

Alphonfus cum reprehenderetur à Matthæo Siculo, eximie sanctitatis viro, q̃ propriis manibus laborasset: subridēs, Nunquid, inquit, Deus & natura nequicquam regibus manus dederunt? Panormita lib. 2. de reb. gest. Alphonfi.

Eiusdem.

Senex quidam multo vino repletus, cum suam apud Alphonsum ebrietatem excusare conaretur dicendo, lac senum esse vinum, respondit, Sed regum cibus est honos, quem dii immortales non otio aut luxu, sed improbis laboribus, multisque sudoribus hominibus vendunt. Pan. lib. 1. de reb. gest. Alphonfi.

Dorothei monachi.

Dorotheus Thebæus monachus quotidie lapides ad mare colligebat, annuatimque fabricabat hospitium pro ægrotis. Huic laboranti quidam dixit: Cur ita conficis corpus tuum? cui ille: Quia me, inquit, illud occidit. Sozomenus in Tripartita histor. lib. 8. cap. 1.

De Lasciuiâ.

Pericli.

Pericles postea quam cum Sophocle poeta nauigasset, ac Sophocles conspecto formoso puero dixisset, En quam speciosus

ciosus puer: Decet, inquit, ò Sophocles prætorem non tantum manus, sed linguam etiam habere continentem. Sensit vir prudentissimus, non turpe tantum esse, si res ipsa ab omni lascivia facti abstinemus, verum etiam si impudicè & lascivè de rebus loquamur. Plutarch.

Hieronius.

Hiero Siciliae tyrannus Epicharmo comico poetæ, quod præsentem ipsius uxore dixisset quiddam inhonestum, multam dixit. Epicharmus Siculus erat, iuxta regionis naturam plurimi ioci. At rex tantum iudicavit esse tribuendum reuerentiæ coniugio, ut crimen existimaret, audiente uxore iocari lascivius. Plut. in Rom. apoph.

Vide titulos, de Impudicitia, Libidine & Impudentia.

De latrocinio.

Probi imp.

Probus quum multa barbarorum loca purgasset latrocinii, ubi pervenisset ad Ifauros, dixit, ab illis locis facilius arceri latrocinia, quam tolli. Sentiens, esse dandam operam, ne latronibus illuc esset aditus, neve iuvenes latrocinari discerent. Itaque loca omnia quæ angustum haberent aditum, veteranis cõcessit: addens, ut eorum filii ab anno decimo octavo ad militiam mitterentur, ne antè latrocinari discerent, quam militare. Hoc tum rectè Probus, quum multum interesset inter militiam & latrocinium: nunc friuolum est. Vopiscus.

De laude, virtutis stimulo.

Anaximenis.

Anaximenes dicebat, si ii qui bono zelo ducti, bene rectèque hominum facta nulla omnino laude digna putant, quem quæso fructum & utilitatem ipsi ex suis egregiè factis sperare audebunt? Stobæus.

Lycurgi.

Lycurgus fortè obuium Xenocrati, qui à Telone obtorto collo pertrahebatur in metœcium, quo in loco carcer erat Athenis, sustem impegit in caput Telonæ, ac Xenocratem quidem liberauit, Telonem verò, rånquam indigna patrantem, in carcerem coniecit. Id Lycurgi factum ab omnibus collaudabatur. Itaque post aliquot dies Xeuocrates factus obuiam Lycurghi liberis: Citò, inquit, ò puer retuli gratiam patri tuo, qui vul-

gò laudatur, quòd in re difficili tulerit auxilium. Sentiens, laudem esse præmium rectè factorū. Fuste enim illi patrocinator est, nō oratione. Nimirum hoc est, *bonὸν ἔσται μὲν ἡμῖν*. Eras. 8. apoph.

Anaxandride.

Quidam quum dixisset, gloriam ac celebre nomē nocere, eòque felicem esse qui illud effugerit: Ergo (inquit Anaxandridas) si vera loqueris, qui nefaria perpetrant, felices erunt. Nam quī fieri potest, ut qui sacrilegium committit, aut aliud iniustum facinus perpetrat, gloriæ curam habeat? Notauit eos, qui sic contemnunt laudem, ut interim per ignauiam, nihil gerant laudabile: quum eximiam virtutem honesta fama comiteretur ultro, ac generosis animis amor laudū veluti stimulus ad præclara facinora sit innatus. Plut.

Pescennij Nigri.

Cum Pescennio Nigro imperatori creato, quidam panegyricum recitare vellet, imperator dixisse fertur: Scribe laudes Marii, vel Hannibalis, vel alicuius ducis optimi vita functi, & dic quid ille fecerit, ut cum nos imitemur. Nam viuentes laudare irrisio est, maximè imperatores: à quibus speratur, qui timentur, qui præstare publicè possunt, qui possunt necare, qui proscribere: se autem viuū placere velle, mortuum etiā laudari. Aelius Spartanus.

Anonymi.

Dignus erat nominari, qui de quodam illaudato veluti laudans dixit: Quid huic abest, nisi res & virtus? Similis iocus hodie apud Gallos vulgatissimus fertur, quum aiunt: Sum totus tuus, excepto corpore & bonis. Eras. 6. apoph.

De laudis cupiditate.

Socrati.

Socrates philosophus insignis, ac humanæ sapientiæ quasi quoddam terrestre oraculum, expedire & compendiarie via eos ad gloriam peruenire dicebat, qui id agerent, ut quales videri vellent, tales etiam essent. Quæ quidem prædicatione aperte monebat, ut homines ipsam, potius virtute haurirent, quam umbram eius sectarentur. Val. Max. lib. 7. cap. 2.

Themistocli.

Themistocles Atheniensis theatrum petens, cum ex eo percontaretur, cuius vocem libentius audiret? Eius, ait à quo sua virtus prædicaretur. Brus. lib. 3. cap. 36.

Euda

Eudamida.

Eudamidas rogatus à quodam, quam ob causam Lacedæmonii, priusquam irent in prælium, Musis immolarent, cum Musis nihil videretur cum Marte esse commercii? Vt rebus, inquit, fortiter gestis, contingat honesta commemoratio. Bene gerendæ rei laudem sibi tribuebant: vt autem egregia gesta splendidis verbis celebrarentur, hoc à Musis eloquentiæ prædibus petendum iudicant, eo quòd ipsi negligerent eloquentiæ studium. Simul admonebat, non expetendam honorificam memoriam, nisi rectè factis promeritam. Plut. in Laco.

Alexis.

Alexinus sophista inter ambulandum multa mala dixit in Stilpontem Megarensẽ. ceterum vbi quispiam eorum, qui aderant, dixisset, Atqui ille te nuper laudauit: Per Iouẽ, inquit: vir enim optimus est, ac præstantissimus. Tam facili ex obrectatore factus est laudator, non ob aliud, nisi quòd ab eo laudatus esset. Eras. lib. 6. apoph.

Alexandri M.

Alexander Macedo in Phrygiam vectus, Achillis sepulchrũ nactus, coronis ornauit, fœlicemque Achillem vocauit, quòd viuo quidem tam fidum amicum, mortuo autem tam magnũ contigerit habuisse præconem, Homerum scilicet. Brufonius lib. 3. cap. 36.

Vespasiani.

Vespasianus imperator triumpho die defatigatus tarditate & tædio pompæ, non reticuit: mero se plecti dicens, quòd triumphum quasi à maioribus suis debitum, aut speratum vnquam, sibi tam ineptè senex concupisset. Bruf. lib. 3. cap. 36.

Ioannis Pont. M.

Ioannes vicesimũ tertius eius nominis pontifex maximus, cum immodicè à quodam laudaretur, ad suos conuersus ait: Licet multa gloriose à me facta fingat, nihilominus tamen hac laude plurimum oblector. Sunt autem multi qui hodie regũ, principum, pontificum, cardinalium, episcoporum, aliorumque eius notæ hominum laudes decantant, non quidem (vt de seipso Magnus ille Roterodamus testatus est) quòd tales sint, sed quòd his virtutibus præditi merito esse deberent, quæ de eis prædicantur. Ioannis dictum recitat Aeneas Syl. lib. 1. de rebus gestis Alphonsi.

His cognatus est titulus Ambitionis.

Delau

De laudis contemptu.

Democriti.

Democritus, rectè facta collaudare honestum, mala verò laudibus vehere adulterini animi & impostoris esse, dicere solebat. Stobæus ser. 12.

Diogenis.

Quidam adduxit puerum ad Diogenem, vt illius doctrinæ fieret particeps, vt autem illum philosopho commendaret, dixit cum excellenti ingenio, optimisq; moribus præditum esse. Hic Diogenes: Quid igitur eget mei? Notauit immodicum laudatorem, qui hoc tribuerat adolescenti, cuius adipiscendi gratia solent pueri tradi philosophis. Satis erat, probam indolem bonamq; spem in puero prædicare. Laert. lib. 6.

Lysandri.

Cuidam apud Lysandrum iactanti, quòd ipsum & laudibus veheret, & aduersus obtrectantes tueretur: Duo, inquit, mihi sunt boues ruri: & tacentibus ambobus, tamen certò noui vter sit ignauus, vter ad laborem strenuus. Sensit veram virtutem nò egere laudibus humanis, quum ipsa secum ducat suam laudem ac decus. Cæterum qui nihil gerunt præclari, his opus est præconibus. Plut. in Laconicis.

Antalcide.

Cum sophista quispiam appareret recitare librum, & Antalcida percontanti quod esset argumentum, respondisset, Herculis encomium: Quis, inquit, illum vituperat? Superuacaneum existimans, in eo laudando sumere operam, quem vno ore prædicarent omnes. Hercules autem apud Spartanos religiosissimè colebatur. Plut. in Lacon. apoph.

Themistoclis.

Themistoclem, illum summum Athenis virum, dixisse aiunt, cum ex eo quæreretur, quod acroama, id est, dictum, aut cuius vocè libentissimè audiret? Eius, inquit, à quo sua virtus optimè prædicaretur. Cicero pro Archia poeta. Bruson. lib. 3. cap. 36.

Antagenis.

Antagenes dicebat, ita viuendum esse hominibus, vt viui laudabiles sint, mortui autem beati iudicentur. Ant. in Melissa, part. 1. ser. 51.

Etusidem.

Idem cum audisset, quantum ab hominibus subinde laudaretur:

retur: dixit, Cum multi me laudant, tum me nullius precii esse iudico: cum pauci, bonum & egregium virum me esse puto. Antonius in Melissa, part. 1. ser. 51. & Max. ser. 43.

Hippodromi.

Quum quodam tempore Hippodromo sophistæ vehementer à Græcis applaudebatur, multaque magnifica acclamarentur, in quibus illum æquabant Polemoni, Homérico versu respondit,

τι μὲν ἀθανάτοισιν ἰσούς.

Id est,

Quid me immortalibus æquas?

Simul & candidi hominis laudem auferens, qui Polemonem tam præclaro testimonio ornarit: & modestiæ, qui laudem iuui diosam repulerit. Philost. in sophist.

Herodis soph.

Herodes sophista Atheniensibus sic admirantibus eius eloquentiam, ut dicerent illum esse de numero decem oratorum, nihil elatus est hac laude, quæ videbatur maxima: tantum respondit, certè Andocide sum melior. Is, ut opinor, fuit sophista quispiam notæ vulgaris. Philost. in sophistis.

Stratonici.

Stratonicus musicus quum quendam sibi notum haberet obuium, calceis pulchrè extersis, specie laudantis vituperavit, dicens: Nunquam calceos tam bellè potuisse abstergi, nisi absterfisset ipse. Eras. lib. 8. apoph.

Pindari.

Pindarus cuidam commemoranti, quod ipsius laudes ubiq; prædicaret: Ego, inquit, pro isto officio bonâ repono gratiam, efficiens ut vera prædices. Vera virtus nihil moratur hominum laudes. Eas qui prædicant, plus debent iis quos laudant, quam ipsis debent qui laudantur. Eras. 8. apoph.

Pescenq.

Supra de Laudis cupiditate.

De laude à bonis viris profecta.

Dionysiodori.

Dionysiodorus tibicen gloriari solebat, quod nemo pulsus suos audisset, neque in tritremi, neque ad fontem, quemadmodum Ismenia. Sentiens, se nunquam captasse plausus sordidorum & imperitorum: sed sat habuisse, probari paucis erudit.

ris. Ita Laert. in Cratete. Eras. lib. 8. apoph.

Agefilai.

Agefilaius dicebat, sibi iucundum esse laudari ab his, qui non vererentur & vituperare, si quid displicuisset. Tales enim si quid laudant, iudicio laudant, non metu, aut adulatione. Plutarch. in Lacon.

Hectoris.

Hector Neuianus à patre laudatus ob singulares animi virtutes: Latus sum, inquit, laudari me abs te pater, laudato viro. A malis enim laudari, non laus, sed dedecus esse putatur. Cicero Luceio.

Alphonfi.

Lucas Medicus, vir disertissimus, cum orationem apud Alphonsum Aragonum regem eloquentissimam habuisset, eumque exquisitis & heroicis laudibus extulisset, rex hæc audiens, dixisse fertur: Si vera sunt Luca quæ de me prædicas, Deo optimo maximo gratias ago: sin aliter, vera ut isthæc faciat, oro atque obsecro. Innuens, maxime decere reges, ut laudibus dignos ubique se præbeant. Panor. lib. 1. de reb. gestis Alphonfi.

De laude à malis hominibus profecta.

Antisthenis.

Antisthenes Atheniensium philosophus, cum audiuisset à quodam, ab improbis quibusdam se laudatum esse: Vereor, inquit, ne quid imprudens fecerim mali. Sentiens, à talibus neminem laudari, nisi ob insignia malefacta. Laert. libr. 6. cap. 1.

Antagora.

Antagoras dicebat, Dum me laudant multi, agnosco plane quantum veræ mihi desit gloriæ. Cæterum si pauci, iam me studiosum diligentemque existimo virum. Stob.

Socrati.

Socrates, cuidam moleste ferenti, quod negligeretur quo tempore triginta tyranni Rempublic occupant: Nunquid est, inquit, cuius te pœnitet? Sentiens, non esse moleste ferendum, si quis contemnatur ab improbis, nec hoc nomine sibi quæquam oportere displicere: sed si quid commisit, ob quod merito & sibi & aliis bonis displiceat. Malis enim displicere, laudis est. Eras. lib. 3. apoph.

Mene

Menedemi.

Menedemus quum audisset, quòd frequenter ab Alexino laudaretur: At ego, inquit, illum semper vitupero. declarans, se nò posse corrumpi laudibus, quo minus cum reprehenderet, qui reprehensione dignus erat. Eras. lib. 6. apoph.

Agésilai.

Agésilaius Lacedæmoniorum rex dicebat, non minus laudatoris inspiciendos esse mores, quàm eius qui laudatur. Significans, peritarè contingere, vt aliquis quæ moribus suis contraria sint, laudare velit: Forsitanque, etsi aliter videretur, persape ex laudationis ingenio posse eius quoque mores, qui laudetur, agnoscere. Fulgosi lib. 7. cap. 2.

Anonymi.

Lacon quidam, quum Carillus rex laudaretur: Quoniam, inquit, modo bonus esse vir potest, qui ne in malos quidem acerbus est. Brusoni. lib. 3. cap. 13.

Polyeni.

Polyenus audiens quendam laudare præsentem, clam obiurgauit laudatorem: Præsentem nec vituperandum, nec laudandum esse dicens. Quandoquidem illud inimicitiam gerit, hoc assentationem. Max. ser. 43.

Demetrii Phal.

Demetrius Phalereus, quum à quodam diceretur, quòd à multis laudatus esset, respondit, id quod Antisthenes. Brusoni. lib. 3. cap. 3.

Plistarchi.

Plistarchus cuidam referenti, ipsum à maledico quodam laudari: Demiror, inquit, si quis illi dixit, me mortuum esse. Nam ille de viuo bene loqui possit nemine. Nò delectatus est, vir generosus laude, quæ à viro illaudato proficisceretur. Plut.

De laude ab inimico & hoste profecta.

Alphonfi.

Alphonfus Aragonum rex, cum audiret se à Nicolao, Cardinali Capuensi, inimico capitali, plurimum laudari: Si mei omnes, inquit, ita de me sentiant, vt inimicus hic & sentit & prædicat, bello certè me nequaquam lacefferent: sed, quo mihi nihil antiquius est, sinerent pace me atque otio profrui. Pa-normita lib. 2. de rebus gestis. Alphonfi.

De lau

De laude à seipso profecta.

Aristotelis.

Aristoteles de semetipso in neutram partem loqui debere prædicabat: quoniam laudare se, vani: vituperare, stulti esset. Cuius dictærium Cato in morum puerilium institutionibus, etiam hoc carmine apertissimè expressit:

Nec te collaudes, nec te culpaueris ipse:

Hoc faciunt stulti, quos gloria vexat inani.

Aristotelis dictum recitat Val. Max. lib. 7. cap. 2. & Laert. libr. 5. cap. 1.

De laude propter utilitatem.

Diogenis.

Diogenes Cynicus taxabat hominum vulgus, quòd bonos viros hoc nomine laudarent, quia pecunias cõtemnerent: nec interim imitarentur, quos laudibus extollerent vehementer: sed pecuniosos magis sequerentur, quos vituperabāt. Laert.

Simonidis.

Simonides quum ceteros laudando venaretur, vt aliquid darent, interrogatus quur non Thessalos captaret? Stupidiores sunt, inquit, quàm vt à me falli possint. Qui quærunt cui imponant, ad stupidos eunt. At qui tam erant stupidi, vt non sentirent ingenium poematum illius, nec tangerentur amore nominis in posteros transmittendi, non poterant ab illo falli. Eras. Rot. lib. 6. apoph.

Demosthenis.

Demosthenes vnus fuerat ex decem, quos Athenienses legatos ad Philippum Macedonem miserant. Itaque posteaquam Aeschines & Philocrates, quos præcipuè fuerat complexus Philippus, à legatione reuersi, aliis multis nominibus prædicarent regem, tum his præcipuè, quòd esset formosus, facundus, & ad bibendum strenuus: Demosthenes ita cauillatus est, vt diceret, in his laudibus nihil esse dignum rege, nam primam esse fœminarum, alteram sophistarum, tertiam spõgiatum Plut. & Eras. lib. 4. apoph.

Agefilai.

Agefilaus quoties audiebat aliquos ab aliis laudari, aut vituperari, existimabat non minus discendos eorum mores, qui loque-

loquebantur, quàm eorum de quibus loquebantur. Sensit vir prudentissimus, eos qui alios contemnunt & vituperant, magis proderet morbum suum, quàm detegere morbos alienos. Et qui ob res parum honestas laudant quempiam, aut ob laudabiles vituperant, indicare stultitiam suam, & peruersum iudicium, Plu. in Lacon.

De lautitijs.

Socratis.

Socrates in conuiuio videns adolescentem lautè comedentem, & subinde panem in ius tingentem, ait: Quis vestrum pane vtitur pro obsonio, obsonio pro pane? Laert. in eius vita.

Aristippi.

Aristippus obiiicienti quòd cibus lautibus vteretur, hac ratione occlusit os: Tu, inquit, hoc cibos triobolo non emeres? eumque is qui volebat lautitiarum videri contemptor, annuisset: Ergo, inquit, non tam ego voluptati studeo, quàm tu auaritia: Siquidem vsurus erat & ille lautitijs, si gratis aut minimo contigissent. Laert. lib. 2. cap. 8.

Antisthenis.

Antisthenes quodam prædicantè lautitias: Hostium, inquit, filius contingat, in delicijs viuere. Vt rem pestilentem detestans, & plerique pro summo bono amplectuntur. Laert. lib. 6. cap. 1.

Huc refer titulos de Delicijs, Gula, Intemperantia, Voluptate, &c.

De lectionis delectu.

Zenoni.

Zeno Citticus dicitur consuluisse oraculum, quo pacto posset vitam optimè instituere? respondit Deus: Si concolor fies mortuis. Ille sentiens, se vocari ad lectionem veterum, sese ad philosophiam contulit. Laert. lib. 7. cap. 1.

Diogenis.

Diogenes ab Hegesia rogatus, vt ipsi libros aliquot commodato daret: Non sapis, inquit, Hegesia, qui quum caricas non pectas, sed veras eligas, vera exercitatione neglecta, ad scriptam te conferas. Hoc dicto notauit eos, qui per omnem vitam nihil aliud quàm legunt philosophorum libros, rectè viuendi præcepta continentes, cum virtus magis vsu discatur, quàm lectione. *ἡ ἀρετή* Græcis anceps vox est, ad scribere & ad pingere.

Itaque virtus libris expressa, quodammodo picta virtus est. Absurdum autem videtur, in caricis habere delectum, in virtute non item. Laert. lib. 6.

Aristippi.

Aristippus cuidam iactari se, quod esset *πολυμαθής*, hoc est, multiplicis eruditionis, quasi nihil non didicisset: Quemadmodum, inquit, non hi, qui plurimum edunt, excernuntque, melius valent his qui sumunt quantum opus est: ita non qui plurima, sed qui vtilia legerunt, studiosi & eruditi sunt habendi. Grauius taxauit eos, qui tumultuaria immodicæque lectione semet ingurgitant: nec ea quæ legunt, traiciunt in animum: sed tantu reponunt in memoria. quare nec doctiorescuadunt, nec meliores. Laert. lib. 2. cap. 8.

Anonymi.

Socratis sermones, doctrinæque Pausonis, picturis quidam comparabant. Pausonem enim pictorem, aiunt, cū quidam iussisset sibi volutatem equum pingere, currentem pinxisse. Cūque qui tabulam illi tradiderat, indignaretur, quod contra pactum fecisset picturam: respondisse pictorem, Verte tabulam, & volutabitur equus, qui nunc currit. Ita quoque Socratem, non explicatè planèque disserere: Quod si quis ea vertat, planissima promptissimæque esse. Noluit enim auditorum inuidiam sibi conciliare, atque ob eam causam obscuras & quasi obliquas dissertationes proposuit. Aelianus libro primo, de Var. histo.

Demetrii Phal.

Demetrius Phalereus Ptolemæum regem adhortari solebat, vt sibi pararet libros de regno, deque militari imperio gerendo tractantes, eosque diligenter cuolueret: propterea quod ea de quibus amici non audent admonere reges, in libris scripta habeantur. Laert. lib. 5. ca. 5.

Agathonis.

Agathon sæpe multumque suis Tragædiis antitheta intertexebat. & quum quidam, velut emendaturus, ex dramatis ipsius tollere velleret: Quid, inquit, bone vir? Quomodo tui ipsius oblitus es, vt Agathonem ex Agathone reicere atque delere coneris? Adeo his delectabatur, vt ea suam Tragædiam efficere putaret. Aelianus lib. 14. de Var. hist.

Plinii maioris.

Plinius senior dicebat, nullum esse librum tam malum, qui
non

non aliqua parte prodesset. Verum dixit de his, qui norunt ex quibuscunque libris, si quid inest frugiferum, excerpere. Sed sunt qui in libro quantumvis bono nihil venantur, nisi quod reprehendant. Eras. lib. 8. apoph.

Platonis.

Plato tantum tribuebat Aristoteli, ut quum ille fortè fortuna non adesset in Academià, exclamaret, *ἀντίπρὸς τῷ ἀκαδημαίῳ* id est, abest veritatis philosophus. Rursus quum alio tempore abesset, dixit, *ὁ νῦν οὐκ ἔστι*: Non venit intellectus. Innuens, se ab illo vno intelligi. Eras. lib. 8. apoph.

Alphonfi.

Alphonfus Aragonum rex potentiss. in oppugnatione Caietæ, cum aliquando defecissent ad tormenta aenea portentosa illius amplitudinis saxa, nec aliunde habere facilius possent, quam ex villa, quæ ab incolis inueterata opinione adhuc asseritur Ciceronis fuisse: ut aliunde disquirerent istiusmodi saxa, rex iussit: Ciceronis verò (cuius admiraretur in dicendo lacteā eloquentiam) villam, si sciperent, inuiolata servarent. Malle enim se tormenta & machinas amittere, quam iniuria afficere saxa tantum illius viti, qui tot tantósque homines ab iniuria & capitis periculo vindicasset suo patrocinio. Panormi. lib. 1. de rebus gestis Alphonfi. Eiusdem.

Alphonfus rex Aragonum, audiens à quibusdam Caietanis malè literatis, M. Tullii sepulchrum extare adhuc iuxta Formias (ibi enim villa Ciceroniana insignis olim fuit, nūc autem Mola vocatur) in viâ Romana vetustis literis inscriptum: eius rei visendi percupidus, statim eum locum accessit, & sentibus rubisque primò tumulum purgans, moxq; legere incæptans, non M. Tulli, sed M. Vitruvii inscriptionem inuenit. qua lecta, vultum risu soluens dixisse fertur, Caietanos ex Minerua oleum quidem accepisse, sed sapientiam amisisse. Constat autem Alphonsum Ciceronianæ lectionis tam studiosum fuisse, ut per rarò eius tædio affici potuerit. Panormita lib. 1. de rebus gestis Alphonfi.

Aeschinis, de Demosthene.

Cum Aeschines iam damnatus ab Atheniensibus, Rhodi exiret, recitavit coram amicis orationem suam contra Demosthenem habitam. Verum cum hanc admirarentur Rhodii, & dicerent, mirum esse quòd post tantam orationem non esset absolutus: At desuereitis, ait, admirari, si audissetis quæ ad hæc

respondisset Demosthenes. Rhodii igitur cum recitatam Demosthenis orationem multo magis admirarentur: Quid, inquit Aeschines, si ipsam bestiam audissetis, sua verba resonantem? Sentiens in Demosthene magnam Demosthenis partem deesse, si quæ ipse scripsit, ab alio recitarentur. Philostratus in sophistis.

Cratoris, de Euripide.

Supra de Hominis miseria & calamitate.

Bionis, de eodem.

Bion Borysthenites, cum diceret impietatem esse malam fiducia contubernalem, non erubuit hunc Euripidis versiculum adiciere.

δαρὸν γὰρ ἀνδρῶν κἄν ὁπρόσθεν τις ἦ.

Id est,

Seruum facit, quamvis feroculum virum.

Laertius libro 4. cap. 7.

Chrysippi, de eodem.

Chrysippus Solensis in quodam opere toties citarat versus Euripidis ex Medea, ut ibi tota fabula fuerit inspersa. Hunc librum quidam portans, & rogatus quid ferret, Chrysippi, inquit, Medeam,

Cleomenis, de Hesiodo & Homero.

Cleomenes Anaxadridæ filius dicebat, Homerum esse poetam ciuium Lacedæmoniorum. Hosiodum verò Helotum, hoc est seruum, quod ille docuisset, quomodo cum hostibus conflegendum sit: hic, quomodo agri colendi. Lacedæmonii enim cum bello assiduò sese exercerent, humiliores operas, artes manuiarias, & agriculturæ studium, seruis committebant, quos Helotas vocabant. Plutarchus in Laconicis, Aelianus libro 13, Varia historia.

Cleanthus, de Homero.

Cleanthes Asius quum audiuisset à quodam, mirum in modum commendari laborem, delectatus eo dicto, Homericum hemystichium subiiecit:

ἀνὰ τὸν αἶμα ἀνδρῶν φέρονται.

Id est,

Præclaro sanguine natus es charissime fili. Laertius libro 7, capite primo.

Bionis, de eodem.

Bion Borysthenites familiares suos subinde admonere solebat, ut hoc argumento scirent, se haud parum in sapientiæ studio profecisse, si maledicentes subinde audirent, ac si recitarent versus illos Homericos,

ὅτε ἐν ἱερῷ καὶ οὐκ ἀφρονὶ φασὶ ἵστανται
 ὅτε καὶ μάλα χαίρει τοὶ νότοι δὲ βία δοῖν. Id est,
 Quando vir haud nequam, nec stultus amice videris,
 Permultum salve atque vale, Dii prospera donent, &c.

Laertius lib. 4. cap. 7.

Alcibiadis, de eodem.

Alciabides aliquando in ludum literarium ingressus, petiit
 a ludimagistro Homeri Iliadem, cuius lectionem plurimum
 admirabatur. A ludi moderator cum se nihil Homeri ope-
 rum habere affirmaret, inflixit ei pugnum satis durum, dicens:
 Imperitus es praeceptor, & tibi similes discipulos facies. Aelia-
 nus lib. 13. de Varia historia, & Plutarch. in Regum & impera-
 apoph. & Bruso. lib. 5. cap. 2.

Platonis, de Homero.

Quum Plato ad tragicum certamen paratus, audito Socra-
 te mutasset consilium, poemata sua exulsit, praefatus Homeri
 eo carmine:

ἦ φασὶ πρόμαχον, ὅδε, πᾶσι τοῖς νότοις χαίρει.

Huc ades o Vulcane, Platoni nunc opus est te.

Refert Diogenes Laert. lib. 3.

Aristotelis, de eodem.

Aristoteles Stagiritis Calisthenem discipulum, liberioris
 linguae hominem, Homerico versiculo admonere voluit:

ἄνθρωπος δὲ μοι τίνα ἔχει δὲ ἀγορεύεις. Id est,

Talia nate loquens, haud multo tempore viues.

Laertius lib. 5. cap. 5.

Eiusdem, de eodem.

Idem in ius vocatus, quod Hermiam mulierem, quam ada-
 mabat, hymno, quasi deam, celebrasset, calumniae molestiam
 Homericum versu testatus est, in ipso statim defensionis initio.
 Ibidem.

Anaxarchi, de eodem.

Anaxarchus Abderites, quum videret ex Alexandri vulne-
 re, quod ictu sagittae acceperat, manare sanguinem, dixit ver-
 su Homericum,

τίστι μοι αἷμα, καὶ οὐκ ἔχω δὲ οἷον ἵπτι πρὶν μανθάνειν βροτῶν.

Id est, Hic quidem sanguis est, non ille liquor, qualis diuis
 solet ire beatis. Admonens regem suae conditionis, qui pro deo
 affectabat haberi. Quamquam hoc quidem non ab Anaxarcho,
 sed ab ipso Alexandro dictum tradunt. Laert. lib. 8. cap. 10.

Pyrrhonis de eodem.

Pyrrho Elionſis philoſophus, admirari ſolebat illunt Home-
ri verſiculum:

οἷν τις φύλλον γένε, τοῖνδε καὶ ἀνδρῶν.

Tale quidem genus eſt hominum, quale eſt foliorum.

Laert. lib. 9. cap. 11.

Iſal, de eodem.

Iſaus ſophiſta Lacedæmoniis periclitantibus ac de ciuitate
mœnibus cingenda conſultantibus, Homericum carmen re-
citauit,

ἀσπίς ἀρ' ἀσπίδ' ἵπιδε, νίγυς νίγλυ, αἰγὰ δ' αἰγῆ. id eſt,

Scutum hæſit ſcutto, galeæ galea, atque viro vir.

Et adiecit, Sic mihi ſtate Lacedæmonii, & muris cincti ſumus.
Recitat Philoſt. in ſophiſt.

Hippodromi, de eodem.

Hippodromus ſophiſta Homerum appellare ſolebat vocem
ſophiſtarum, Archilochum ſpiritum: quod ille ſuppeditet ver-
ba ſplendida, hic acrimoniam & vehementiam. Philoſtratus in
ſophiſtis.

Eiuſdem, de eodem.

Idem quodam tragicædiam appellante ſophiſtarum matrê,
correxir dictum: Ego, inquit, dico Homerum eſſe patrem. Siue
quod nimia ſit tragicorum grandiloquentia, ſiue quod ſons
tragicædiarum ſit Homerus. Pulchrius autem eſt ex ipſo hauri-
re fonte. Philoſtratus in ſophiſtis.

Eiuſdem.

Supra de Laudis contemptu.

Philoxeni, de eodem.

Philoxenus poëta apud Pythonem prandens, appoſitis oleis,
quum paulo poſt inferretur patina piſcium, percuſſo vaſculo
quod habebat oleas, Homericum heimſtichium dixit, *μῦτις ἐπὶ
δ' ἰλάων*, id eſt, ſcutica incitauit vt traherent. Nam de auriga
dictum eſt. Senſit autem Philoxenus, oleas quamprimum aufe-
rendas, alludens interim ad Græcam vocem *ἰλάων*, quæ ſonat
olearum: & *ἰλάων*, quod ſonat trahere currum, aut aliquid ſi-
mile. Eraſt. lib. 6. apoph.

Alex. Magi, de eodem.

Alexander Macedo præter modum delectatus eſt Homero.
adeo vt illum ad verbum edidicerit, ac dormiens etiam cervi-
cali ſuppoſitum haberet. Eum aliàs ſummum virtutis præco-
nem,

hem, interdum poetam βασιλινῶν appellare consuevit: cuius carmina censebat non ad citharam, vt aliorum, sed ad tubam potius esse canenda. Addebat illud, se malle Homeri Theriten esse, quē Cherili Achillem. Cherillus erat Alexandri poeta non satis felix, qui cum fertur ita pactus, vt pro quoque bono versu acciperet Philippeum aureum, pro malo colaphum. Idē quum in Sigeo ad Achillis tumulum astitisset: O fortunate, inquit, adolescens, qui tuæ virtutis præconem Homerum inuenieris. Refert Cicero in oratione pro Archia.

Eiusdem.

Quum nuncius quidam gaudio gestiens, porrectaque manu ad Alexandrum accurreret, rem prosperè gestam narraturus: Quid mihi bone vir magni nunciabis, nisi nuncies Homerum reuixisse? Significans, omnium rerum gestarum gloriam abolendam, nisi cōtingeret talis præco, qualis fuit Homerus. Plut. in apoph. Reg. & imp.

Eiusdem.

Idem Alexander Ilium profectus, Achillis statuam coronās: O te felicem, inquit, Achilles, cui Homerus præco contigit. Plutar. in vita Alexandri.

Eiusdem.

Cum ad Alexandrum Magnum scrinium delatum esset, in quo omnes ferè Darii regis opes seruatz erant, & quæreretur, in quēnam vsum destinandum posthac esset, aliis aliud suadentibus, Alexander ait: Huic optimè seruandus Homerus dabitur. Sentiens, nullum esse thesaurum illo preciosiorem. Adeo enim Homerica lectione delectabatur Alexander, vt rarò deposuerit e manu eius poem. testante Plutarcho in eius vita.

Eiusdem.

Suprà de Honoris contemptu.

Eiusdem.

Si quando in colloquiis aut conuiujs incidisset contentio de carminibus Homeri, aliis alia præferentibus, hoc vnice probauit Alexander, Iliad. 7.

ἀμείριτον βασιλὺς τ' ἀγαθὸς, ἡρατὴς τ' ἀχμύλῆς. id est,

Dux bonus atque idem validus pugnator in armis.

Addebat, Homerum hoc versu virtutem Agamennonis prædicasse, Alexandri vaticinatum esse. Plut. in Alexand.

Theocriti.

Suprà tit. de Dialectica.

Neronis.

Nero ubi sensit equites appropinquare, quibus mandatum erat, ut illum viuum attraherent, semimortuum versum Homericum protulit.

ἵππων ἐκνεύειν ἀμφὶ νῆυτι & αὐτὰ βάλλει. id est,

Simulque ferrum iugulo adegit. Suetonius.

Vespasiani.

Vespasianus in quendam proceram statura, sed improbius natum, torisit illud carmen Homericum,

μαρμαίβης, ἡραδάων δολιχότοπος γυῖ. id est,

Longam hastam quatiens, diductis passibus ibat.

Eras. Rote. lib. 6. apoph.

Alphonfi de Ouidio.

Alphonfus cum inter peregrinandum fortè ad eum locum, vnde Sulmo poterat despici, peruenisset, an ea Ouidii (cuius poemate mirum in modum afficiebatur) patria esset, interrogauit: quumque intellexisset natale Nasonis solum esse, urbem salutauit, gratiasque genio loci egit, in quo tantus olim poeta genitus esset, de cuius laudibus nemo satis fari possit. Ego sane, inquit, huic regioni, quæ non parua regni Neapolitani nec continenda pars est, libenter cesserim, si temporibus meis datum esset, hunc poetam ut haberet: quem mortuum pluris ipse faciam, quam Aprutii dominatum. Pontanus, & ex eodem Spicelius in lib. 1. Panor. de reb. gest. Alphonfi, cap. 47.

Antimachi, de Platone.

Antimachus Clarius poeta, quum conuocatis auditoribus recitaret ingens volumen quod conscripserat, & ab omnibus esset destitutus, excepto Platone. Legam, inquit, nihilominus, Plato enim mihi instar est omnium. Refert M. Tullius libro de Claris oratoribus. Brusi. lib. 2. cap. 23.

Gorgiæ de eodem.

Gorgias sophista cum fortè fortuna legisset Platonis dialogum sui cognominis, qui Gorgias inscribitur, dixisse fertur: *ὡς λεγὸν οἶδ' ἀκρόν ἰαμβίζειν*, Ut pulchrè nouit Plato iambificare, hoc est morderè. Nam is pes primum ab Archilocho, ni fallor, repertus est ad maledicendum: vnde & nomen habet, vel à muliere petulante & baccha, vel à mittèdis iaculis. Siquidem in eo dialogo proscindit sophistas, id quod nusquam non facit. Eras. lib. 8. apoph.

Eiusdem,

Eiusdem de Seneca.

Alphonſus rex quum exempla priſcorum Chriſtianorum Senecam legendo euolueret, quem propemodum pro ortho- doxo ſunt amplexi, rogatus à Dauolo aulicorum præcipuo, Cur animus mortalium ita immenſus atque inſatiabilis foret? reſpondit rex: Animum hominis à Deo profectum, non prius conquieſcere, quàm eò rediret, vnde profectus eſſet. Eſſe pro- culdubio animum noſtrum Dei & æternitatis capacem, pro- pterea neque impleri, neque ſatiari poſſe iis rebus, quæ fluxe & incertæ eſſent: ſed Deum ipſum veluti naturalem ſedem, & ſuū quodammodo perfectum bonum appetere, hoc eſt, ſolidum & perfectum bonum. Panor. lib. i. de reb. geſt. Alphonſi.

Hadriani imp. de Vergilio.

Hadrianum imperatorem Vergilianæ lectione inde mirum in modum delectatum legimus, quod mortem ſuam Vergilia- no carmine prædixerit,

*Oſtendent terræ hunc tantum fata, neque vltra
Eſſe ſinent, &c.*

Cuius rei teſtis eſt Dion Caſſius in vita Hadr.

Alphonſi, de Vitruuio.

Alphonſus Aragonum rex, cum arcem Neapolitanam in- ſtaurare decreuiſſet, Vitruuii de Architectura librum afferri ad ſe iuſſit. Verum cum ſine ornatu, ſineque aſſeribus allatus eſſet: Non decere, inquit, hunc potiſſimum librum, qui nos quomo- do contegamur tam belle doceat, deſectum incedere. Librum igitur egregiè ad vſum parari mandauit, & omnibus ſemper ædificiis adhibuit. Panorm. lib. i.

De legatione.

Agidæ.

Agis Archidami filius, cum ad Philippum regem legatus mitteretur, ſolus regem ſine comitatu acceſſit. Verum cum rex admiraretur: Veni, inquit, vnus ad vnum. Quo dicte- rio ta xauit ſuperuacaneum legatorum aliorum ſumptum, quo æraria plerunque exhauriuntur, quum Reipu. negocia per vni- cum ſapenumero expediri poſſint. Plut. in Lacon. apoph.

Anonymi.

Lacedæmones vnum legatum ad Demetrium regem miſe- rant. Stomachante autem tyranno, ac vociferante: Vnumne

Lacedæmonii legatū ad me? Satis, inquit legatus, vnus ad vnu.
Brus. lib. 2. cap. 1.

Laconum.

Lacones olim quum ad Lygdanum tyrannum issent legati, atque ille congressus sæpius differret, dicens se molliter habere: Urbanè dic, inquit legati: per deos non venisse cum illo coluclaturus, sed collocuturos. Brus. lib. 3. cap. 39.

Polycratida.

Infra tit. de Patria fortiter propugnanda.

Darg & Gobria.

Darius rex ingressus in Scythiam, inopia laborabat. Scythæ autem legatos ad eum miserunt cum muneribus: aue videlicet, mure, rana, & quinque sagittis. Darius pro mure terram, pro rana aquas, pro aue equos, pro sagitta seipsum tradere interpretatus est. Gobrias hoc dicere dona coniebat: O Persæ, nisi vt aues aduoletis, aut vt mures subeat terra, aut vt ranæ insiliatis in paludes, non remeabitis, his sagittis confecti. Brus. lib. 3. cap. 30.

Catonis.

Quum tres essent designati, qui legati proficiscerentur in Bithyniam: quorum vnus podagra teneretur, alter caput haberet vulneribus confossum, tertius vacordia laborare videretur: Cato ridens dixit, Populi Romani legationem nec pedes habere, nec caput, nec cor. Idem.

De legibus.

Diogenis.

Diogenes dicebat, nec legem esse sine ciuitate, nec ciuitatē sine lege. Laert. lib. 6.

Antisthenis.

Antisthenes Atheniensis philosophus, negabat sapientem vere iuxta leges, sed iuxta normam virtutis. Sentiens, non ideo quid vitari a iusto, quod hoc agere legibus interdictum sit: sed quod ipsa hominis ratio hoc dissuadeat, quæ docet hominem, hoc esse honestum, illud turpe. Nec leges omnia præscribunt: at virtutis regula docet vbiq; quid sit honestum, quid turpe. Idē.

Alphonfi.

Alphonsum Aragonum regem dicere solitum accepimus: Regum in primis studium & officium esse, populares suos locupietes efficere. Popularibus enim ditioribus factis, nec vtiq; reges

reges futuros pauperes. Quoniam subditorum amor atque beneuolentia, veri sunt principum thesauri atque diuitiarum non pecunie imperata. Panormita lib. 4. in fine.

De legum autoritate & obseruatione.

Heracliti.

Heraclitus Ephesius dicebat, ciues non minus oportere pugnare pro legibus, quam pro mœnibus. Quod absque legibus nullo pacto possit esse ciuitas incolumis, absque mœnibus possit. Laertius libro nono, capite primo.

Solonis.

Solon percontatus, Quo pacto salua posset esse respublica? respondit: Si ciues quidem magistratui obediant, magistratus autem legibus. Sensit vir sapientissimus, eam ciuitatem conseruari nequaquam posse, ubi ex utraque parte legum sit neglectus. Stobæus serm. 41. Antonius in Melissa, par. 1. ser. 67. & Maximus sermone 50.

Cleobuli.

Cleobulus bene compositam rempub. putabat, ubi magistratus magis infamiam quam leges metuant. Stob. ser. 41.

Biantii.

Bias eam Rempublicam saluam fore existimabat, in qua leges perinde ac tyrannum omnes metuant. Idem.

Eiusdem.

Idem damnaturus quempiam ad mortem, lacrymatus est. Et cum dixisset quidam, Quid est quod fleas, cum penes te sit, vel absolueres, vel condemnare hominem? respondit: Quia necessarium est, naturæ quidem condolere, legi autem suffragari. Stobæus ser. 43. Maximus ser. 6.

Chilonis.

Chilon Laeedæmonius eam ciuitatem saluam iudicabat, in qua maximè leges, Rhetores verò nequaquam obseruarentur. Stobæus sermone 41.

Eiusdem.

Idem monuit, obtemperandum esse legibus. Hoc ad principes præcipuè pertinet, qui se credunt non teneri legibus. Nec aliunde magis florent Respublicæ, quam si legum vigeat autoritas. Nec ibi tyrannis oriri potest, ubi ex arbitrio præcarum legum geruntur omnia. Laer. lib. 1. cap. 4.

Pittaci.

Pittaci.

Pittacus Croeso percontanti, Quod esset maximum imperium? inquit: *ποικίλη βίη*, id est, varii ligni, leges inueniens. Nam olim in tabulis ligneis leges inscribebantur. Porro vbi summa est legum autoritas, ibi est minimum tyrannidis. Laertius libr. 1. cap. 5.

Simonidis.

Simonides, cum Themistocli pratori hominem non vsque adeo bonam causam habentem, summopere commendaret, eius fauorem petens: Themistocles respondit: Nec Simonidem poetam fore bonum, nisi mensuram certam in carmine obseruaret: neque se bonum prætorem, si ob fauorem aut gratiam amici à legibus vel tantillum declinaret. Fulg. li. 6. cap. 4.

Demosthenis.

Demosthenes orator, ciuitatis animam esse leges dicebat. Vt enim corpus anima carens cadit, sic ciuitas nullis administrata legibus euertitur. Maximus ferm. 58. & Stobæus.

Socratis.

Socrates interrogatus, Quæ ciuitas optimè administraretur: Quæ, inquit, ex lege viuit, & iniustos punit. Max. ser. 68.

Eiusdem.

Dicebat etiam, viros oportere ciuitatis parere legibus, vxores autem maritorum quibuscum viuunt moribus. Norma coniugis vir est: quæ rectè viuit, si ille publicis legibus obtemperet. Laertius & Erasmus.

Platonis.

Plato Atheniensis rogatus à Cyrenensibus, vt ipsis leges scriberet, ac reipub. statum componeret, recusauit dicens: Perdifficile esse condere leges tam felicibus. Indicans, non facile obedire legibus eos, qui nimium se felices esse putarent. Laert. lib. 3.

Arcefilai.

Arcefilaus Scythæ dicere solitus est, quæ admodum vbi multi essent medici, ibi multi sunt morbi: ita vbi permultæ leges essent, ibi plurimum esse vitiorum. Laert. libr. 4. capite 6. Maximus ferm. 58.

Themistoclis.

Themistocles Simonidi petenti, vt in negotio quodam sententiam iniustam pronunciaret: Neque tu, inquit, bonus poeta fueris, si præter musicæ modulos caneres: neque ego princeps bonus, si contra leges pronunciem. Plut. in Græcorum Impm. apo.
Aristidi.

Aristidis.

Aristides cum quendam reum egisset, & iudices post eius accusationem reum audire nollent, sed protinus ad suffragia, quibus eum damnarent, properarent: Aristides supplex pro reo intercessit apud iudices, ut eum iuxta legum præscripta diligenter audirent. Tanta erat in viro legum autoritas & observatio. Plutar. in Regum Græc. apoph.

Lycurgi.

Inter leges quas Lycurgus Rhetor tulisse fertur, hæc erat una: Ne qua mulier maritata proficisceretur Eleusinem, id statuit, veritus, ne à diuitibus dato precio corrumperentur, addita est poena, drachmarum sex millia. Ei legi cum vxor Lycurgi non obtemperasset, sycophantis, qui deprehenderant ac detulerant, dedit talentum. Ea res quum illi postridie vitio daretur apud populum: Atqui ego, inquit, dare conspectus sum, non accipere. Quidam ferunt leges ad quæstum. Hanc notam à se depulit, qui nec in vxoris gratiam voluit abrogare legem, sed multam de suo dependit. Erasmus lib. 8. apoph.

Alcamenii.

Alcamenem Telecri filiū quum quidam interrogasset, cur seniores apud Lacedæmonios plures dies sumerent, ad cognoscendum in causis capitalibus: & si quis fuerit absolutus, nihilominus sit legi obnoxius? Ideo, ait, tam diu de rebus iis consultant, ut si in capitis discrimine errassent, emendent, ne de legum autoritate quid decederetur. Plutar. in Lacon.

Eiusdem.

Eundem cum quidam interrogasset, quam ob rem munera à Messeniis oblata ita recusasset? Quoniā si recepissem, inquit, cum legibus pacem habere non poteram. O mentem rege dignam, quæ magno obuiōque lucro legum autoritatem anteposuit. Et vbi sunt interim qui clamant, quod principi placuit, legis vigorem habet: & principem dare quidem leges, at non tenere legibus. Plut.

Agidis.

Agidem Lacedæmoniorum regem, huius nominis vltimum, cum parentes rogarent, ut in re parum honesta ipsis obtemperaret, dixisse ferunt: Donec essem apud vos, nullam omnino tenebam iustitiæ & æquitatis scientiam: verum vbi me patriæ dedistis, legibusque subieciſtis, conabor his magis obtemperare, quam vobis. Quo dicto innuere voluit, quam plurimum quidem

dem filios debere parentibus suis: verum ita tamen, ne leges sa-
luberrimè latas transgrediamur. Plut. in Lacon. apoph.

Demarathi.

Demarathus cuidam percontanti, cur exularet Sparta, cum
esset rex: Quoniam, inquit, leges sunt in ea potentiores: signifi-
cans, regem apud Lacedæmonios esse principem ciuitatis, at non
legum dominum, sed his non minus obnoxium regem quam
ciues. hoc ipsum laudabat in suæ gentis institutis, per quod co-
gebatur exulare. Dedit interim insigne moderationis specimè,
æquo animo ferens exilium, autoritate legum indictum, nec de
patria malè loquens, nec de legum iniquitate querens. Idem.

Pausania.

Pausaniæ Plistonactis filius, cuidam roganti, Quam ob rem
apud Spartanos nefas esset, vllam priscarum novare legum:
Quoniam, inquit, legibus conuenit autoritas in homines, non
hominibus in leges. Plutar. in Laconicis. Brus. lib. 3. cap. 34.

Archidami.

Archidamus Zeuxidamæ filius, roganti, quoniam essent in Spar-
tana ciuitatis præfecti: Leges, inquit, ac legitimi magistratus.
Grauiter censuit, in repub. bene instituta supremam authorita-
tem esse legibus deferendam, nec vlli magistratui fas esse quic-
quam contra leges publicas tentare. Plut.

Charilli.

Infra tit. de Lingua, garrulitate & loquacitate nimia.

Laconum.

Lacones legatum, quem ad Antigonum Demetrii filium mi-
serant, quoniam acceperant quod Antigonum appellasset re-
gem, mulctarunt, quantum in annonæ penuria medimnum fru-
menti in singulos ab ipso reportaret. Tantus erat apud illos le-
gum rigor, vt nec tanto beneficio subleuata inopia, ab illis ve-
niam impetraret, vt vnus vocule gratiam facerent, prosperè le-
gatione perfuncto. Plut. in Lac.

Agésilai.

In pugna Leuctrica, quum Lacedæmoniorum multi fugif-
sent, iique legibus pœnas dare deberent: Ephori reputantes ci-
uitatem viris desertam, egere militibus, cupiebant eam igno-
miniam militibus remittere, simulque seruare leges. Deligunt
igitur Agésilæum nouarum legum conditorem. Is prodicens in
suggestum: Ego, inquit, alias leges haudquaquam laturus sum,
neq; enim his quas habetis, aut additurus sum aliquid, aut de-
tractu

tracturus, neque quicquam omnino mutaturus. Sed mihi re-
ctum videtur, vt leges quas habetis, à die crastino robur ha-
beant, & auctoritatem. Eo commento vir solers simul & præsenti
ciuitatis necessitati consuluit, & periculosum mutandarum le-
gum exemplum exclusit à Republica, vno tantum die legibus
abrogatis. Plut. in Lacon. apoph.

Eiusdem.

Agefilas, quum haberet apud se Xenophontem illum sa-
pientem, eumque plurimi faceret, iussit vt filios suos arcesseret
Lacedæmonem, docendos artem omnium pulcherrimam, vide-
licet imperare, & parere imperio. Athēnis florebat omnium li-
beralium disciplinarum genus: sed hanc cæteris omnibus præ-
stantiorem; existimabat nusquam melius disci, quam apud La-
cedæmonios, vbi non verbis disputabatur de bene administran-
da repub. sed ciuium moribus honestissimæ rei exemplum ex-
primebatur. Simul indicans, eos non esse gerendo magistratui
idoneos, qui legibus ac magistratui nescirent obsequi. Proinde
rogatus abs quoquam, quam ob rem Spartanorum respublica
præ cæteris, secundis rebus floreret. Quoniam, inquit, plus cæ-
teris in hoc sese exercent, vt pariter & imperare & parere sciāt.
Quæ duæ res à ciuibz excludunt seditiones, & tuentur concor-
diam. Idem.

Eiusdem.

Idem cum in causa quadam sederet iudex, & is quidem qui
accusabat rectè dixisset, patronus contr. malè, subinde tamen
repeteret inter dicendum, Agefilas, decet regem opitulari legi-
bus: perinde quasi bonam haberet causam, & ab ipso starent le-
ges: hominis improbitatem interpellans Agefilas: Si quis, in-
quit, tibi domum perfoderit, aut vestem abstulerit, num expe-
ctaturus esses, vt architectus, aut qui vestem contexuit, tibi sit
auxilio futurus? Subindicabat, regem esse veluti legum archite-
ctum: nec conuenire vt opituletur ei, qui contra leges aliquid
admiserit. Plutar. in Laconicis apoph.

Eiusdem.

Sciscitante quodam ab Agefilao Lacedæmoniorum rege,
quid Spartæ attulissent Lycurgi leges? Voluptatum, inquit, con-
tempnium. Videlicet indicans, eam demum Rempublicam esse
saluam, in qua leges sub optimo principē omnes voluptates ar-
cent. Plut. in apoph. Lacon. Eraslib. 1. apoph.

Eiusdem.

Eiusdem.

Quum Diphridas Agesilao e patria nuncium attulisset, ut
 omnis quæ tum agebat, protinus in Bœotiam irrumperet:
 quanquam destinaret hoc ipsum postea maiore aggredi appa-
 ratu, tamen magistratibus obtemperans, accersitis ad se viginti
 millibus eorum qui apud Corinthum militabāt, inuasit Bœo-
 tiam: ac iuxta Coroneam congressus cum Thebanis, Athenien-
 sibus, Argiuis & Corinthiis, ambas acies superauit, licet ipse
 multis acceptis vulneribus, corpore esset grauius affectus.
 Quæ pugna quum esset inter res ab illo gestas omnium maxi-
 ma, quemadmodum scripsit Xenophon, tamen domum reuer-
 sus, nihil de pristino victu vitæque modestia mutauit, ob tan-
 tos rerum successus, totque victorias. Multo dignior erat trium-
 phi victoria, quæ vir ille primum suis consiliis anteposuit legū
 auctoritatem, deinde tot egregius facinoribus nihilo factus est
 insolentior. Plutarchus in Laconicis apoph.

Eiusdem.

Idem quum maximam Asiæ partem armis sibi subegisset,
 constituerat ad ipsum regem Persarum proficisci, ut eum com-
 pesceret: qui sic erat quietus a bello, ut interim Græcorum du-
 ces pecunia corrumperet, ceterum reuocatus domum ab Epho-
 ris, ob Spartam Græcorum obsidione cinctam (nam id rex Per-
 sarum pecuniis missis effecerat) paruit, dicens: Bonum Impera-
 torem legum imperatis parere oportere, citraque cunctatio-
 nem soluit ex Asia, magno sui desiderio relicto Græcis Asiati-
 cis. Offerebatur rei bene gerendæ occasio, innitabat illum Græ-
 corum affectus, ut instituta perageret: sed rex a tyrannide alie-
 nissimus, legum auctoritatem existimabat omnibus anteponen-
 dam. Idem.

Cyri.

Cyrus rex interrogatus, quosnam putaret esse iniustos? Le-
 ge, inquit, non videntes. Maximus ser. 58.

Antiochi.

Antiochus tertius scripserat ciuitatibus, ut si quid per literas
 iuberet fieri, quod aduersaretur legibus, ne curarent, perinde
 quasi ipso nescio scriptum esset. Interdum enim principes, dum
 metuunt quosdam offendere, scribunt quæ fieri nollent. Quic-
 quid autem pugnat cum legibus, hoc velut insciente principe
 scriptum esse putandum est: quippe legum defensores, non op-
 pugnatore esse debent principes. Eras. lib. 5. apoph. ex Plut.

Catonis.

Catonii.

Ad tribunum plebis, qui veneficii infamia laborabat, iniquam ferentem legem: Adolefcens, inquit Cato ſenior, nondum ſcio vtrum haurire quod temperas, an approbare quod ſcribis, deterius ſit. Sentiens, & legem, quam parabat, exitioſam eſſe Reipublicæ. Eraſi. lib. 5. apoph.

Sulp. Galli.

Infrà de Zelotipia, & titu de Seueritate.

Auguſti.

Auguſtus legem tulerat de adulteris, quomodo iudicandi eſſent de hoc crimine delati; & quomodo puniendi conuicti: poſt iræ impotentia irruit in adoleſcētem delatum, quod cum Iulia Auguſti filia commercium habuiſſet, eūque manibus verberauit. At quum adoleſcens exclamaſſet, Legem tuliſti & Cæſar: adeo facti pœnituit Cæſarem, vt eo die recuſaret cœnam capere. Crimen per ſe graue erat, tum admiſſum in Cæſaris filiam. Quis princeps ibi dolori ſuo temperaret? Aut quis ibi legum iudiciorumque moras expectaret? At tantus princeps ſibi adeo diſplicuit, vt à ſeipſo pœnas ſumeret, quod legi, quam aliis prodiderat, non per omnia paruifſet. Plutarchus in Romanorum apoph.

Alphonſi.

Alphonſus Aragonum rex, improbè agere princeps dicebat, qui aliis honeſtè decorèque viuendi legem præſcriberent, ipſi verò nihilo temperatiores ſeſe probarent. Innuit autem, non ſatis eſſe promulgare leges, etiam ſaluberrimas, niſi ſint qui promulgatas defendant, & vitæ etiam innocentia cæteris præcedant. Panor. lib. 4. de rebus geſtis Alphonſi.

Vitoldi Lit. duci.

Vitoldus Lituaniæ dux (qui adeo differentem moribus & habitu à ſuis popularibus ſeſe præbuit, vt illos tonderi edicto iuſſerit, ſibi tanquam maiestatis inſigne barbam intonſam retinuerit. at quum id non ſuccederet, caput ipſe, genasque raſit: capitalem pœnam in eos comminatus, qui ſuo exemplo barbam aut comam deponerent) dicere ſolebat, Plebem legi, legem autem principi ſubiectam eſſe oportere. Tyrannica ſanè vox. Magiſtratus enim quum legum cuſtos ſit, primùm imperatis parere decet, vt ſubditi habeant exemplum, quod honeſtè intueantur, & ad legum obſeruationem incitentur. Aeneas Syl. lib. 4. Commenta. in res geſtas Alphonſi.

De legum neglectu.

Soloni.

Solon Salaminiius leges aranearum telis esse similes dicebat. Illis quippe, si quid lene & imbecillum inciderit, inuolui ab eis, atque contegi: si quid maius, & grauius perrumpi atque perire. Diogenes Laert. lib. 1. cap. 3.

Aristotelis.

Aristoteles crebro taxabat Athenienses, quod cum duas res, frumenta ac leges inuenissent, frumentis vterentur, legibus nequaquam. Alludens ad Triptoleum Atheniensem, cuius ministerio Ceres vsa est in ferendis legibus ac tritico. Laertius libro 5. cap. 1.

Anacharsidis.

Anacharsidi illud tribuitur multo vulgatissimum: Leges aranearum telis esse similes, in quibus infirmiora animalia haerent, valentiora perrumperent. Ita leges humiles ac tenuis constringunt, à potentibus impunè violantur. Meminit Valerius lib. 7. cap. 2. & Bruto. lib. 3. cap. 34.

Agidis.

Quum è senioribus quidam, videns priscas leges, & instituta vetera aboleri, & alia praua succedere, atque ob id res Spartanorum inuerti, quae summa fuerant in imum deiectis, & conuersum id, inquam, cum apud Agidem iam senem deploraret, ioco respondit: Si sis, inquit, quod narras, recto ordine res procedunt. Siquidem ego puer à patre audiui, quod iam tum illis temporibus res inuertenterentur. Itaque si rursus inuertuntur, redierunt in locum pristinum. Hoc quidem ille ludens, ceterum serio dicebat, se puerum hoc quoque accepisse à patre, nihil esse mirum si praesentibus succedant deteriora: sed mirandum, si succedant meliora, aut similia. Notauit peculiarem sensibus querelam, de rebus in deterius prolapsis: simulque rerum humanarum hanc esse naturam, ut vsque in peius degenerent.

Demonactis.

Demonax iurisperito dixit, leges prorsus videri inutiles, ut quibus boni non egerent, mali nihilo fierent meliores. Eras. lib. 8. apoph.

Pausania.

Pausanias Plistonactis filius, cui dam interroganti, cur ex priscis legibus nullam mouere Spartiatis liceret: Quia leges, inquit,

quit, hominum, non homines legum dominos esse oportet.
Brufonius lib. 3. cap. 34.

Zaleuci.

Zaleucus, vel ut alii, Zeleucus Locrensiū legislator, similiter dicebat, leges aranearum telis similes esse. nam si musca & culex inciderit, retinetur: si verò vespa, aut apis, disrupta tela auolant. Strobæus sermone 431. De potentibus in ciuitate. Antonius parte 1. ser. 67. Plut. in Solone.

Catonis.

Cato senior sæpenumero magistratum admonere solebat, ut sumerent pœnas de his qui in leges aliquid peccarent. Plutarc. in Romanorum apoph.

Vide ti. de Pœna neglecta.

De legum renouatione & abrogatione.

Lycurgi.

Lycurgus percontanti, quam ob causam non vteretur legibus scriptis? Quoniam, inquit, eruditi qui sunt, rectè que educari, probant, quid pro ratione temporis expediat. Significans, scripturam non mutari, quum pro varietate occasionum vir probus & sapiens sæpenumero cogatur mutare consilium. Ea res nominatim præscribi non potest. Satis est, ciues honestè fuisse institutos. hi sua sponte videbunt, quid pro tempore factò sit opus. Plut. in Lacon.

De lepidè dictis.

Socrati.

Socrates, quum Xantippen diu rixantem cecidisset in ædibus, sac tandem fessus confedisset ante fores, illa magis irritata quiete viri, de fenestra perfudit eum lotio. videntibus qui præteribant, & ipse Socrates arridebat, dicens: Facile diuinabam, post tantum tonitru sequuturam pluuiam. Laert. in eius vita.

Diogenis.

Diogenes Cynicus quodam tempore, cum diutissimè legendum tandem eò venisset, ut videret chartam vacuam: Bono, inquit, animo estote viri, terram video. Alludens ad longa nauigatione fessos, qui recreantur animo, si portus procul appareat. Diogenes lib. 6. cap. 2.

Eiusdem.

Idem Diogenes cum in dolio suo, sicco mucidò que pane ve-

scens solus, aliis lætitia perstreptentes audiret (erat enim dies festus) tædiosus factus, diu secum de relinquendo vitæ instituto cogitauit. Sed cum tandem mures videret adrepentes, panis micas edere: Quid tibi displices, inquit, ð Diogenes? fat magnificus es: ecce enim parasitos alis. Idem,

Aristippi.

Aristippo cum à Dionysio tres meretrices oblatæ essent, vt optionem eligendi quam vellet haberet, omnes domum duxit, dicens: ne Paridi quidem fuisse tutum, vnam cæteris præferre. Laert. lib. 2. cap. 8.

Eiusdem.

Idem, cuidam qui proposuerat ænigma, vt solueret: Quid ð stolide, inquit, vis soluam, quod nobis etiam ligatum exhibet negocium? Idem,

Eiusdem.

Cuidam interroganti, Num tu es vbique? ridens: Naulum, inquit, non perdo, si sum vbique. Elusit autem Aristippus sophisticam quæstionem, an idem corpus possit esse in multis locis: dum respondit, non esse periculum ne perdat naulum. Perdit enim naulum, qui dato precio, non peruehitur eò quò cupiebat. Idem.

Eiusdem.

Scorto cuidam dicenti: Sum ex te gruida: Aristippus inquit: Istuc nihilo magis scire possis, quàm per densissimas spinas ambulans dicere, hæc me spina pupugit. Idem.

Laconis.

Suprà de Amicitia falsa, quæ in rebus aduersis declaratur.

Alius.

Lacon quidam cum duras amygdalas duplo vendi conspiceret: Sûntne hic, inquit, rari lapides? Quasi nihil interesset inter silicem & duram amygdalam. Plut. in Lacon. apoph.

Alius.

Alius quidam Lacon, cum se voto obstrinxisset, qd se de Leucate præcipitem daret, conscendit in montem: & conspecta altitudine, sese auertit. Id quum illi probri gratia obiceretur: Non putaram, inquit, illi voto maiore voto opus esse. Idem.

Pausania.

Pausanias Cleombroti filius, cum post victoriam à Medis apud Plateas reportatam præcepisset suis, vt apponerent cœnam Persicam, quam sibi barbari prius apparauerant, ea cum esset

esset sumptuosissima: Lurco, inquit, eras ô Persa, qui quum tantas haberes delicias, ad nostram veneris mazam: Erat autem maza, panis genus contemptum ac vulgare. Plut. in Lacon.

Leonide.

Leonidas. Anaxandrida: filius, quodam dicente, Prae iaculis barbarorum nec solem videre licebit: Annón, inquit, lepidum fuerit, si cum illis sub umbra pugnaturi sumus? Plut. in Lacon.

Agidis.

Cum è senioribus quidam, videns priscas leges & instituta vetera aboleri, & alia praua succedere, atque ob id res Spartanorum inuerti, quæ summa fuerant, in imum deiectis, & conteri: hæc quum is apud Agidem iam senem deploraret, ioco respondit: Si sit, inquit, quod narras, recto ordine res procedunt. Siquidem ego puer à patre audiui, quòd iam tum illis temporibus res inuerterentur. Itaque si tursus reuertuntur, redierunt in locum pristinum. Plut. in Lacon.

Brasida.

Suprà titu. de locosè dictis.

Cleomenis.

Cleomenes Cleombroti filius, quum quispiam illi donaret gallos gallinaceos pugnaces, ac munus suum ornans verbis diceret, illos ob victoriam pugnando interire: Da igitur, inquit, mihi aliquot ex his qui hos occidunt. Idem.

Leontychida.

Leontychidas Aristonis filius, quum portæ illi proximæ clauem draco circunuolutus esset complexus, idque augures affirmarent esse portentum: Mihi, inquit, nequaquam videtur: sed si clavis fuisset complexa draconem, portentum erat. Lepidè hominum superstitionem irrisit, qui se penumero terrentur his quæ casu aut forte fortuna eueniunt. Plut. in Lacon. apoph.

Agathocles.

Ithacenses cum nautas apud Agathoclem accusassent, quòd ad insulam appellètes, pecora quadam abegissent: Agathocles, Vester, inquit, rex quum venisset ad nos, non tantum pecudibus abreptis, verum ipso etiam pastore exoculato recessit. Alludens ad fabulam Homericam de Vlyssæ, qui Polyphemum cyclopem excacauit. Erasmus Roter. lib. 5. adoph. Plut. in Regum & impera. apoph.

Augusti Cæs.

Cæsar Augustus, quum tragœdiam suam, cui titulus erat

Aiax, spongia deleuisset, interrogatus à Liuiο tragicordiam scriptore, Quid nam ageret ipsius Aiax? Cæsar lepidè respondens, ait: In spongiā incubuit. Alludens ad argumentum fabulæ, in quo Aiax, quum intellexisset quæ mente alienatus dixisset ac fecisset, gladio mortem sibi ipsi conscuit. Suetonius in eius vita.

Eiusdem.

Idem Augustus, cum ab eo Pacinnius Taurus munus peteret, diceretque populari rumore sparsum, pecuniam haud parua ipsi à Cæsare datam: Sed tu, inquit, noli id credere. Lepidè significans, se nequaquam id daturum, quod apertè petere non auderet. Suetonius in eius vita.

Eiusdem.

Suprà de Facetè & iocose dictis.

Vespasiani.

Infra, tit. de Curiositate.

Augusti.

Suprà de Ambiguè dictis.

Vide Facetè dicta.

De liberalitate.

Bionis.

Bion Borysthenites semper dicebat esse optabilius, suam messet alteri largiri, quàm alienam decerpere. Sensit, felicius esse dare quàm accipere. Laert. lib. 4. cap. 7.

Diogenis.

Diogenes quum à Platone petiisset paululum vini, simulque caricas: Plato misit lagenam plenam vino. Cui Cynicus hunc in modum gratias egit: Quum interrogaris, Quot sint duo & duo? respondes, viginti. Ita non secundum ea quæ rogaris das, nec ad ea quæ interrogaris respondes. Laert. lib. 6. cap. 1.

Eiusdem.

Si quando egebat pecuniis Diogenes, eas ab amicis accipiebat. at suggillantibus eum, quod præter philosophi dignitatem peteret, quod esset mendicorum: Imò, inquit, non peto, sed repero, *ὅν τινα, ἀλλ' ἀπ' αὐτῶν*. Repetimus enim mutuum, aut depositum. Amicus autem egenti amico dans, non donat, sed reddit quod debebat. quisquis enim in tali casu pecuniam seruat, rem alienam detinet. Ibidem.

Eiusd

Eiusdem.

Illi etiam tribuitur hoc ænigma, manus non esse porrigendas amicis complicatis digitis. Innuens, non satis esse, si comes nos præbeamus amicis, sed comitati comitem adiungendam benignitatem. Qui comiter tractant amicos, dicuntur *A. § 1508 a*, quasi dicas dextrare. Laert.

Aristotelis.

Aristot. Stagiritis cuidam increpanti, quod homini malo dedisset eleemosynam: Non mores, inquit, sed hominem commiseratus sum. Etiam improbis in necessitate succurrit vir bonus. Debetur enim hoc officium, si non meritis illius qui iuuatur, certe naturæ. Et bonus fieri potest, qui malus est. Laetius libro 5. cap. 1.

Alij sic recensent.

Idem Aristoteles reprehensus, quod munus dedisset improbo: Non homini dedi, inquit, sed humanæ sorti. Hermolaus Barbarus in epistola ad F. Piccolomineum Cardinalem, quæ extat apud Politianum, libro Epistolarum 12.

Demosthenis.

Demosthenes interrogatus, quid Deo simile haberent homines? respondit, Benignè facere. Maxi. serm. 8.

Xenophontis.

Xenophon Socraticus dicere solebat, multo præclarius ac laudabilius esse, beneficiorum, quam trophæorum multitudinem post se relinquere. Stob. serm. 46.

Arcefilæ.

Arcefilaus quum Apellem Chium agrum inuisens, etiam egere sensisset, postridie reuisit illum, decem drachmas secum adferens, & proximè assidens: Hic nihil est, inquit, præter Empedoclis elementa. Eras. lib. 6. apoph.

Agésilæ.

Agésilæus Lacedæmoniorum rex, sibi multo iucundius esse dicebat, si milites suos ditaret, quam si ditesceret ipse. Plutarc. in Lacon. apoph.

Anaxilæi.

Anaxilaus interrogatus olim, quid in tyrannide omnium esset felicissimum? respondit: In conferendis beneficiis. nūquam vinci. Stob. serm. 46.

Arcefilæ.

Arcefilaus cum inuiseret Ctesibium agrotantem, sensissetq; hominem egere, clam crumenam pecuniarum plenam subiecit cer-

uicali: quam ut reperit Ctesibius, ait, *ἀπὸ τοῦ ἑτοῦ τῶν αἰώνων*: id est, Arcefilai hic ludus. Eras. lib. 8. apoph.

Timandridas.

Timandridas Lacedæmonius quum peregrinationem suscepisset, familiae procurationem filio delegauit. Deinde reuersus, posteaquam rem multis partibus auctiorem reperisset, quam antea fuisset: multos dixit ab illo deos & familiares atque hospites iniuriis affectos. Etenim quæ in facultatibus superarent, ea in illos à liberis ciuibus erogari. Verum dum in viuis agas, pauperem atque egenum videri. At quum vita sis defunctus, opes & diuitias rei familiaris deprehendi, id turpissimum in hominum societate existere. Ael. lib. 14. de Var. hist.

Cyri.

Cyrus Persarum rex, cum quidam ad eum misisset ornamenta multa, ea distribuit amicis. Cum autem ex eo quæreretur, Cur sibi nihil reliquisset? Quia, inquit, corpus meum his omnibus ornari non possit: amicos autem his ipsis ornatos intuens, maximum mihi ipsi ornamentum aptum esse putabo. Maxi. sermo. 6.

Artaxerxis.

Artaxerxes Xerxis filius, cognomento Longimanus, quod alteram manum haberet longiorem, dicere solebat, Regalius esse addere, quam adimere. Sentiens, principe dignius esse, honores & opes eorum quibus imperant, augere potius, quam minuere. Plut. in reg. apoph.

Dionysij senioris.

Dionysius senior quum ad filium ingressus, conspexisset vasculorum aureorum & argenteorum magnam vim, exclamans: Non est, inquit, in te regius animus, qui his poculis, quæ à me tam multa accepisti, neminem tibi amicum feceris. Sentiens, absque ciuium beneuolentia regnum nec parari, nec teneri. Beneuolentiam verò maxime conciliat benignitas. At iuuenis rerum imperitus, putabat esse felicius, habere argentum & aurum, quam amicos. Plut. in reg. & imper. apoph.

Dionysij iunioris.

Dionysius iunior, quum sæpe pecuniam Platoni daret; atque is nunquam acciperet: Aristippus, qui aderat: Turò, inquit, liberalis & magnificus est Dionysius. Drus. lib. 2. cap. 21.

Artaxerxis.

Quum Satibarzanes Artaxerxis à cubi culis, quiddam minus in

nus iustum ab eo peteret, sentirétque rex illum hoc facere sollicitatum triginta Daricorū milibus, quæstori ærarii sui mandauit, vt Daricorum triginta milia ad se deferret. eaque dedit Satibarzani, dicens: Accipe ò Satibarzanes: nām hæc tibi cum dederō, non erō pauperior. Plut. in reg. apoph.

Alexandri.

Alexander quum 200 aris alieni talenta sibi conflasset, non antè nauem conscendit, quàm rebus amicorum pensatis, huic quidem agrum, illi villam, alteri domorum prouentum, alteri portoria elargitus est. Absumptis igitur ac distributis ferè regijs opibus omnibus, rogatus à Perillo, quid regi superesset: respondit Alexander: Superest mihi spes acquirendi maiora. Bruso. lib. 3. cap. 28.

Eiusdem.

Alexander dotibus plurimis commilitones donauerat: æsq; alienum militibus, quod conflauerant, quum dissoluere vellet, ac propterea vt darent nomina iussisset, multi ex illis, ne apud regem intemperantiæ vitium subirent, nomina sua dare noluerunt. id quum Alexandro innotuisset, increpata illorum diffidentia: Non decere, ait, clementi in populares suos. Brufonius lib. 3. cap. 28.

Eiusdem.

Idem olim interrogatus à quopiam, vbinam suos thesauros haberet: amicos ostendens, ait: In his scriniis. Summa enim liberalitate suos amicos semper ornauit Alexander Maximus ferm. 6. Bruso. lib. 3. cap. 28.

Orsinis satrapæ.

Orsines satrapes, quum Alexandrum & huius amicos muneribus amplissimis honorasset, Bagoæ cunuchō nihil dedit: sed admonitus ab amicis, quòd is Alexandro cum promisisset charus, respondit, se regis amicis honorem habere, non scortis: nec apud Persas esse moris, vt viri mares ducant. Agnoscas in hoc satrapæ mentem Cyro generis autore dignam. Honorare nouerat, adulari non poterat: quum hodie quoque cernantur in aulis, qui scortis, morionibus ac lenonibus principum plus deferant honoris, quàm genere ac virtute præcellētibus viris. Eras. lib. 8. apoph.

Eiusdem.

Anaxarcho philosopho iusserat quæstorem dare, quantumque ille postulare. Cumque quæstor audita postulatione

turbatus; Alexandro iudicasset, philosophum petere centum talenta: Rectè, inquit, facit, sciens se amicum habere, qui tantum dare & possit & velit. Hic dubites, vtrum potius admirari oporteat, regiàmne liberalitatem in donando, an philosophi improbitatem in postulando: nisi malumus hanc vocare fiduciam. Plutar. in apoph. regum.

Eiusdem.

Alexander quum cuidam urbem donaret dicente eo cui donabatur, Non conuenire fortunæ suæ: Non quæro, inquit rex, quid te accipere decet, sed quid me dare. Brul. lib. 3. cap. 28.

Eiusdem.

Perillus, vnus ex amicorum Alexandri numero, filiabus suis ab Alexandro dotem petiit. Iussit rex, illum capere talenta quinquaginta. cùmque is respondisset, Decem satis esse: Tibi quidem, inquit, satis est tantum accipere, mihi verò non satis est tantum dare. Præclare dictum, nisi virtutis indolem ambitio vitiatset. Plutar. in apoph. regum & imperato. Brulonius lib. 3. cap. 28.

Eiusdem.

Alexander Magnus Xenocrati philosopho quinquaginta talenta dono misit: ea quum ille reculasset accipere, dicens sibi non esse opus: interrogauit, an ne amicum quidem vllum haberet, cui esset opus. Nam mihi, inquit, vix Darii opes in amicos suffecerunt. Hic vtrius animum magis admirari conueniat, nondum statui: regisne tam ad liberalitatem propensum, an philosophi qui tantum munus à tanto rege vltro delatum remisit. Plur. in apoph. reg. & imper.

Ptolemæi.

Ptolemæus Lagi filius maxima cum voluptate amicos suos locupletes fecit. Vnde à quibusdam ob id reprehensus: Melius est, inquit, ditare quam ditescere. Aelianus lib. 13. de Varia historia.

Antigoni.

Antigonus rex Aristodemo, qui vnus ex amicorum regiorum numero fuit, è coquo vt putabatur prognatus, suadenti vt impendiis ac largitionibus aliquid detraheret: Verba tua, inquit, Aristodeme ius olent. Subindicans, eo quorum esse parsimoniam, non regum. proinde illum tali consilio non meminisse, cuius esset amicus, sed quo esset patre natus. Plutar. in regum apoph.

Scipio

Scipionis.

Scipio Nasica quum ad poetam Ennium venisset, eique ab ostio querenti Ennium, ancilla dixisset, eum domi non esse: Nasica sensit illam hoc domini iussu dicere, & illum intus esse. At tunc quidem dissimulans abiit. At paucis post diebus, quum ad Nasicam venisset Ennius, eumque à ianua quareret, exclamavit ipse Nasica, se domi non esse. Tum Ennius: Quid? tamen ego vocem tuam audio, & agnosco. Hic Nasica: Næ tu homo es impudens? ego quum te quarerem, ancillæ tuæ credidi: tu mihi non credis ipsi. Eras. lib. 6. apoph.

Luculli.

Lucullus, nobilis ille Romanus, cum ob nimiam liberalitatem & luxuriam reprehenderetur ab amico, respondisse fertur: Benemeritis semper parem remetiendam esse gratiam. Guido Bituricensis.

Galba.

Galba delectatus inter cornandum tibiae Cano, iussit loculum ad se affetri, & acceptos nummos in Cani manus imponens, dixit: Non ex publicis, sed ex priuatis te dono pecunias. Brufon. lib. 2. cap. 21.

M. Antonij.

M. Antonius filium habebat ex Fulvia. Is puer Philotæ dederat ingentem vasorum vim, quæ quum ille recusaret accipere, metuens ne pater tantam filii liberalitatem non probaret: Quid times? inquit puer, accipere? An nescis, cum qui dat, filium esse Antonii? Plut. in Antonio. Bruf. lib. 3. cap. 28.

Eiusdem.

Antonius quum esset prodigiosè profusus, dicere solebat, Amplitudinem imperii Romani non per ea quæ acciperet, sed per ea quæ daret, illustrari. Ea vox excelsi animi videri poterat, nisi ab Antonio fuisset profecta. Plutarch. in Anton. & Bruso. lib. 3. cap. 28.

Vespasiani.

Vespasianus cū interrogatus esset, cur tam multa polliceretur amicis: respondit, nō oportere quenquam à Cesare tristem discedere. Idem, in Vespasiani iunioris vita. Bruf. lib. 3. cap. 13.

Alex. Severi.

Alexander Severus Romæ imperator, illi qui nihil petebat, Quid est, ait, quod nihil petis? an me tibi vis fieri debitorem? Pete, ne priuatus de me queraris. Voluit autem indicare imperator

perator prudentissimus, subditorum esse, vt ita gerant se erga superiores, vt petitori aliquid, digni sint qui ex principis liberalitate amplissima accipiant munera. Brulonius lib. 3. cap. 13.

Const. Chlari.

Suprà de Eo, quod à subditis melius sit amari, quàm metui.

Alphonfi.

Alphonso Aragonum regi, cū à quodam deferrentur aureorum decem milia, dixisset que qui fortè aderat, ea duntaxat summa se diuitem & beatum fore: Accipe, rex inquit, quantacumque ea est & beatus esto. Panor. lib. 4. de reb. gestis Alphonfi.

EIusdem.

Idem quum audisset Vespasianum Cæsarem, eam diem se perdidisse solitum dicere, in qua nihil quicquam alicui donasset: egisse gratias dicitur Deo optimo max. quod eo modo nec diem ipse perdidisset. Panor. lib. 2. de rebus gestis Alphonfi.

Sigismundi imp.

Sigismundus imperator, promissa veterano militi exigenti, cum diceret, At inmoderata fuit tua petitio: respondit miles, Poteras negare cum peterem, nūc autem sine turpitudine quod promissum est, rescindere non poteris. Tum Sigismundus: Si ex duobus alterum me ferre oportet, leuius rerum, inquit, quàm famæ iacturam subibo. Fuit enim in Sigismundo tanta liberalitas ac munificentia, quanta in nullo antea principum. Aeneas Syluius lib. 3. commentariorum de rebus gestis Alphonfi.

Vide tit. de beneficentia & Munificentia.

De liberè dictis, & Parrhesia loquendi.

Biantis.

Bias Priæus, cum nauigans cum hominibus impiis, tempestate ferè absumeretur, aliis ad deos clamantibus, Bias: Silete, inquit, ne Diu homines scelerosos hic nauigare sentiant. Diogenes lib. 1. cap. 6.

Eiusdem.

Idem Alcibiadem hoc elogio taxauit, quod adolescens viros abduxisset ab vxoribus, iuuenis verò factus vxores à viris. Laër. lib. 4. cap. 7.

Cratesii.

Crates Thebanus, philosophus Cynicus, Alexandro percontanti, num cuperet restitui patriam suam? Quid opus est, inquit?

quit? Fortassis alius Alexander restitutam diruet. Laertius lib. 6. cap. 5.

Aristippi.

Aristippus percontatus à Dionysio, cur in Siciliam venisset, relicto Socrate? Vt, inquit, quæ habeo, impartiam: quæ non habeo, accipiam. Laert. lib. 2. cap. 8.

Eiusdem.

Idem iussus aliquando è sua philosophia nonnihil dicere, quumque detrectantemurgeret Dionysius: Ridiculum, inquit, siquidem me vt de philosophia loquar rogas, & quando oporteat me loqui doces. Laertius libro 2. cap. 8.

Zenonis.

Zeno Citricus Dionysio cuidam dicenti, quur me vnum omnium nõ corrigis? Non enim, inquit, tibi credo, subindicans, sibi non esse spem, illum, si corripereetur, fore meliorem. Laert. lib. 7. cap. 1.

Eiusdem.

Idem accusatus, quodd in perniciem Nearchi tyranni coniurasset. Quum in quæstionibus iuberetur edere nomina coniuratorum, nominauit plerosque illi amicissimos. De his cum tyrannus sumpsisset supplicium, rogaretque num quis superesset, Tu solus, inquit, Reipublicæ perniciet. Laert. lib. 9. cap. 5.

Pythagora.

Cum quidam ad Pythagoram dixisset, Nimium me irrides: Atqui, inquit, lienosis acria & acerba profunt, dulcia verò nocent. Maximus ser. 31.

Democriti.

Democritus libertatem in dicendo, ingenuitatis signum esse dicebat: sed occasionis diuersitatẽ, habere periculum. Stob. serm. II.

Eiusdem.

Idem quum pro Atheniensibus apud Philippum legatione fungeretur, libereque loqueretur. Philippus, Metuistine, inquit, ne tibi caput iubeam amputari? Non, inquit, nam hoc si mihi abstuleris, patria ipsa mihi immortale pro hoc reponet. Max. serm. 31.

Eiusdem.

Democritus Milesius quum apud Dionysium quæreretur, quod artis genus esset omnium optimum? Ex quo, inquit, Athenienses statuas fecerunt Harmodio & Aristogitoni, nunquid libere

berè significans, tyrannos è medio tollendos. Nam ob ciectos tyrannos Athenienses illis statuas erexerunt. Hoc, ni me fallit memoria, etiam alteri cuidam ascribitur. Laert. lib. 9. cap. 7.

Democrati.

Democrates, cum furem ab undecimviris abduci videret, Vah miser, inquit, cur tantula furatus est, & non potius magna, ut rute etiam abduxisses alios. Stob. ser. 11.

Anaxarchi.

Anaxarchus Abderites philosophus, inuisum habuit Nicocreontem Cypri tyrannum. itaque quum in cœna quadam Alexander rogasset, qualis illi videretur? Præclara, inquit: sed oportuit & sarrapæ cuiusdam caput apponi, oculos detorquens in Nicocreontem, qui aderat. Laert. lib. 9. cap. 10.

Empedocli.

Empedocles ad quendam dicentem quod nullum sapientem reperire posset: Non mirum est, inquit. Oportet enim, ut ille primum sapiat, qui sapientem quærit. Laert. lib. 9. cad. 2. Antonius in Melissa, par. 1. ser. 50.

Socratis.

Socrates cum taxaret vnguentis delibutos, & Phædon interrogasset, quis esset ille vnguentis delibutus? Ego, inquit, Aristippus infelix, & me multo infelicior Persarum rex. Laert. lib. 2. capit. 8.

Platonis.

Plato, philosophorum ille deus, diu in Sicilia commoratus, cum à Dionysio, cui semper familiarissimus fuerat, vocatus esset ad cœnam, & inter alia, quæ cœnantes fabulantur, Dionysius interrogaret, num etiam apud Athenienses in philosophorum conventu Dionysii mentione facerent? Plato subridens, respondit: Nunquam philosophos, qui Athenis viuunt, ita vacare, aut de tam vili materia inter eos tractari posse, ut loqui de Dionysio valeant. Liberè & apertè vitam eius, ut dignus erat, reprehendens. Fulgos. lib. 6.

Eiusdem.

Idem cum Dionysio Hermocratis filio de tyrannide differens, ait, non statim esse præstantius, quod vni tantum sit utile, nisi & virtute cæteris antecelleret. Offensus tyrannus dixit, οἱ Ἀθηνοὶ οὐ γὰρ σοφώτερον ἔστι, verba tua sapiunt senium. Contrà Plato, οἱ δὲ οὐ τυραννίδος: id est, tua verò tyrannidem sapiunt. Laert. lib. 3.

Diogenis.

Diogenis.

Diogenes aliquando in Antisthenem incidens, reprehendit ipsum, ut in dicendo remissorem se multò, & qui vix etiam alium clamans exaudiretur. Seipsum verò tubam conuiciorum appellabat. Cui verbis se viciscens Antisthenes, pro tuba se similem esse respondit vespis, quæ sonum quidem alis haud magnam edant, æntum tamen habeant acerrimum. plurimum verò libera Diogenis linguæ promptitudine delectabantur. Sto beus sermone II.

Eiusdem.

Idem dicere solebat: Canes quidem mordent infanicos, ego autem pro libertate mea amicos, ut incolumes seruem. Stob. serm. II.

Eiusdem.

Diogenes Cynicus interrogatus à tyranno, è cuiusmodi ære potissimum oporteret fieri statuas? Ex eo, inquit, ex quo fusi sunt Harmodius & Aristogiton. innuens, illum esse è medio tollendum, quòd illi tyrannicidæ fuerint. Laertius lib. 6. cap. 2.

Eiusdem.

Idem ab Eritio petiit quiddam magni, qui quum ex more his verbis negaret: Faciam, si mihi persuadere possis. Si possim, inquit Diogenes, iam pridem tibi persuasissem, ut te suspenderes. Ille autem, præter Cynicam libertatem, nihil est quod miseris. Idem.

Eiusdem.

Idem quum in publica via pranderet, multiq; cingerent illum ob spectaculi nouitatem, ac subinde acclamarent, Canis Canis: Imò, inquit, vos potius estis canes, qui prandentem circumstatis. Ibidem.

Eiusdem.

Idem inuitatus ut ad Alexandrum regem veniret, recusauit. At Perdicæ præfecto minitanti necem, ni veniret: Nihil, inquit, magni feceris, si quidem & cantharis & phalangium idem possunt. Laert. lib. 6. cap. 2.

Eiusdem.

Idem cum capetiuis in castra ad Philippum Macedoniæ regem deduceretur, ac à rege interrogaretur quisnam esset? respondit, se exploratorem esse ad ipsum profectum, ut insatiabilem eius rapacitatem videret. Qua loquendi libertate victus Philippus, statim eum dimitti iussit. Fulgosus lib. 6.

Eiusdem.

Eiusdem.

Spartanus quidam hoc Hesiodi carmen laudibus in coelum efferebat, quod ita habet:

Ὀὐδ' αὖ βοὶς ἀλώεσσι, εἰ μὴ γείτονι κακὸς ᾖ;

Non vel bos pereat, nisi vicinus malus adsit.

Idque audiente Diogene: Atqui, inquit, Messenii cum bobus suis perierunt, & vos illorum estis vicini. Notavit autem liberè turpissimos Spartanorum quorundam mores. Aelianus libr. 9. de Var. hist.

Aristotelis.

Aristoteles Stagiritis Calisthenem discipulum liberius multa dicentem apud Alexandrum, Homérico carmine admonuit,

αὐτὸς μοι ἐν μοι τὴν ἐλευθερίαν, ὡς ἀγορεύεις;

Talia nate loquens, haud multo tempore viues.

Nec malè diuinavit, nam libertas illi fuit exitio. Laertius lib. 5. capite 1.

Cleanthis.

Cleanthes inconstantiam Arcefilai præsente rege ita reprehendit, cum diceret hominem aliud loqui, aliud facere. Laert. libro septimo, cap. 2.

Aristidis.

Aristides cum liberius quædam in Dionysium superiorem dixisset, res ad regem delata est, vocatus igitur Aristides à rege irato, mortemque minitanti, cum interrogasset an facti poeniteret? Nequaquam, inquit, vlla poenitentia tangor. Brulon. lib. 2. cap. 1.

Xenocratis.

Xenocrates de obscænis quibusdam rebus aliquando interrogatus, cum nihil responderet, & qui interrogarat, Quid taces? diceret: De talibus te rogare decet, inquit, me autem non respondere. Max. ser. 31.

Menedemi, & Asclepiadis.

Menedemus Eretrienfis à Nicocreonte Cypri tyranno vocatus ad solenne conuiuium, cum Asclepiade amico, cæterisque philosophis, dixit: Si honestum est tales conuocare viros, oportuit id quotidie fieri: sin minus, etiam tum frustra fieri. Ad id quum tyrannus respondisset, diem illum esse sibi festum, eoque singulo quoque mense vacare audire philosophos; liberius respondit Menedemus, Hoc postulare sacrificium, vt per omne tempus

tempus audiret philosophos. Quid multis? Eò processit hominis libertas, ut nisi tibi eam quispiam eos auocasset, perituri fuerint. In naui quum periclitarentur, Asclepiades dixit: Tibicinis modulatio seruauit nos, Menedemi libertas perdidit. Laert. lib. 2. cap. 18.

Cimonis.

Cimon Atheniensis, cum per totam urbem disseminatum esset, à Delphico oraculo responsum esse, Vnum Athenis virum esse, qui aduerso omnibus aliis ciuibus animo esset, & cui presentium rerum administratio inuisa esset: ac cū hinc inde quaererent, quisnam is esset? Ego sum, inquit, cui planè nihil placet eorum quæ per id tempus in administranda vestra republica geruntur. Fulgosit lib. 6.

Demosthenis.

Demosthenes ingenuis hominibus nihil infœlicius accidere posse dicebat, quàm si dicendi libertatem amittant. Stobæus sermone 11.

Phocionis.

Phocion Atheniensis cū aliquando Athenis non ad gratiam, sed ad utilitatem concionaretur, ei Demades orator dixisse dicitur: Si populus insanierit, te occidet. Cui Phocion: Te verò, si sapiet, Maximus sermone 31.

Simonidis.

Simonides Pausania Lacedæmoniorum regi subinde de rebus à se gestis glorianti, tandem & Simonidem per irrisiōem hortanti, ut aliquid sapienter ipsum admoneret: Moneo, inquit, ut te memineris esse hominem. Eras. lib. 6. apoph.

Lycurgi.

Lycurgus rhetor ob generis nobilitatem liberior erat in dicendo, quàm ut populus interdum ferre posset. Itaque cum aliquando populi strepitu exploderetur è suggestu, exclamauit, O Cercyræ scutica, quàm multis talentis digna es. Notans populum, à quo ciiciebatur, magne quidem autoritatis ac nominis, sed inutilem rebus gerendis. Eras. lib. 8. apoph.

Theocriti.

Theocritus quandam ineptum poetam recitantem carmina auscultans, interrogatus ab eo, quænam ei placerent? respondit: Quæ omisit. Antonius in Melissa, parte 1. sermone 50.

Philoxeni.

Suprà tit. de Constantia.

Timothei.

Timotheus Cononis filius, Aristophontem Atheniensem, eloquentem quidem illum, sed luxuriosum hominem, acerbissime increpauit hisce verbis: Cui satis esse nihil potest, si ne turpe quidem videtur esse quicquam. Stob. ser. II. ex Aeliano.

Panthaleonis.

Suprà titulo, de Castigatione iniquo animo lata.

Hippocratis.

Hippocrati quidam persuadere conabatur, ad Xerxem proficisci, bonum dominum appellans. At ille: Ne bono quidem domino mihi opus est. Stobæus ser. II.

Anonymi.

Cum iuuenis in theatro gloriaretur, & sapientem se prædicaret, ut qui multis sapientibus conuersatus esset, respondit quidam: Et ego multis diuitibus conuersatus, non tamen diues sum. Antonius in Melissa, par. I. ser. 50.

Lasi.

Lasus, cum indoctus quidam pictor ei diceret, Opere tectorio illine domum tuam, ut ipsam depingam: respondit, Minime: sed tu prius eam depinge, ut illinam postea. Antonius parte I. Melis. ser. 50.

Pyrri.

Tarentini iuuenes cum multa de Pyrrho rege securius inter cenam locuti essent, & is iam facti rationem reposceret, posteaquam res neque negari, neque defendi posset, vnus ex his: Imò, respondit, nisi lagena defecisset, occidissemus te. qua loquendi libertate, rem seriam cum in iocum vertisset, tota inuidia criminis dissoluta est. Quintil. lib. 6. cap. de Rifu.

Theodori Athei.

Fertur, cum Theodorus, qui certas ob causas impius cognominatus est, Athenis profugus, venisset ad Lysimachum, & quidam ex optimatibus eam fugam exprobrasset simulque fugæ causam, quod negaret deos, & iuuentutem corrumpere, respondisse: Non profugi, sed idem mihi accidit quod Herculi. Nam & ille ab Argonautis fuit expositus, non ob crimen vllum, sed quòd vel solus esset iustum onus nauis, & ceteri vectores vererentur ne prægrauata subsideret: Ita ego, quoque migraui propter magnanimitatem, quam cum Atheniensium rectores non valerent assequi, inuideré maluerunt. Philo Iudæus lib. Quòd omnis probus liber.

Eiusd.

Eiusdem.

Eundem Theodorum cum Lyſimachus amplius rogaret, num & è patria excidiſſet per inuidiam ciuium? reſpondiſſe fe-
runt: Nequaquam, ſed propter ingentiſſ excellentiam, quod non
capiebat patria. Philo, eodem loco.

Demadi.

Demades Rhetor in pugna ad Chæroneam à Philippo ca-
ptus, eiſque commendatus, cum Philippus inter pocula hæc
verba iactaret: Vbi nunc eſt nobilitas & præſtantia ciuitatis
Athenienſium? Cognosceres, dixit, ô rex, ciuitatis vim, ſi Phi-
lippus Athenienſibus, Chares autem Macedonibus imperaret.
Stobæus ſermone 52.

Anonymi.

Lacon quidam audiens à quodam, à Pindaro ſcriptum eſſe,
Græciæ fulcimen tum eſſe Athenas: Ruituram mox Græciam,
dixit, ſi tali futura niteretur. Plut. in Lacon.

Demetrii.

Lacedæmones cum vnum tantum legatum ad Demetrium
regem potentiſſimum miſiſſent, rex contemptum arbitratus,
interrogauit cur ſolus in regis conſpectum prodire auderet?
Cui legatus, an non ſatis eſt (inquit) vnum ad vnum? Bruſonius
libro 2. cap. 1.

Pelopide.

Pelopidas ab Alexandro Pheræo captus, cum haud arcta
cuſtodia teneretur, per id tempus populos Alexandro ſubdi-
tos ſollicitari non delinebat, monebátque, breui Alexandrum
pœnas daturum. Quod cum Alexander reſciuiſſet, miſiſſetque
qui Pelopidam monerent, niſi linguam compelleret, fore vt ei
mortis cauſam afferret: nuncio reſpondit, vt Alexandro refer-
ret, Pelopidem mirari, quod tam diu diſtulifſet, cum ipſe adeò
in eum hoſtili animo eſſet, vt ſi vnquam euadendi facultas da-
retur, ad dandas pœnas pro eis quæ impiè in populos ſuos nul-
la eorum culpa ederet, ipſum coacturus eſſet. Nec longè res ea
abiit, quod Pelopida opera Alexander à ſuis interemptus fuit.
Fulgoſius lib. 6.

Eiusdem.

Idem ab Alexandro captus, regi nunciauit abſurdum eſſe vt
alii interficerentur, ipſe autem ſolus ſuperſtes eſſet. Alexander
igitur re intellecta, interrogat, cur mortem optaret? reſpondit
Pelopidas: Tu diis omnibus inuiſus cum ſis, cur non prius mo-
ri optas? Bruſon. lib. 2. cap. 2.

Eiusdem.

Infrà de Morte contemnenda.

Eiusdem.

Thebe Alexandri Phareï vxor, quum ad visendum Pelopidam, qui ab Alexandro in vinculis tenebatur, descendisset, ac dixisset Pelopidæ, Miseret me tuæ vxoris, & me (respondit Pelopidas) tui, quòd libera cum sis, Alexandrum feras. Brufonius lib. 2. cap. 1. & Plutarchus in Græcorum apoph.

Philodis.

Philodes Atheniensium dux fortissimus, cum à Lyfandro, qui eum cœperat, interrogaretur, quid is meritis esset, qui de Lacedæmoniis tantum, vt ei vitio dabatur, oblocutus esset: Interritus respondit: O Lyfander, noli eum accusare qui iudice careat, sed iam tandem aduersus Philodem id exequere, quod ipse iam in te fecisset, si tam tu in ipsius manu esses, quàm ipse in tua est. Quamobrem eum Lyfander occidi iussit. Fulgofius libro sexto.

Philoxeni.

Philoxenus cum Dionysii carmina paulo liberius reprehendisset, ob eam causam lapidicinis ab ipso adjudicatus est. Deinde reuocatus, ac iterum ad eius carminum recitationem admisus, non multum immoratus surrexit. Querenti autem Dionysio, quonàm abiret: Ad lapidicinas, respondit. Voluit autem indicare, molestam esse homini liberam admonitionem & reprehensionem. Stob. ser. 11.

Themistoclis.

Themistocles puer adhuc cum quodam tempore è ludo literario rediret, obuam Pisistrato tyranno factus, de via decedere noluit. Vnde cum grauiter à pedagogo obiurgaretur, liberè respondisse fertur: Nunquid hæc via ei non sufficit? Aelianus de Varia historia lib. 3.

Demarathi.

Demarathus Corinthius improbo quodam intempestiuus eum interrogationibus cauillante, ac idem sapius iam rogante, quis optimus esset Spartanorum? Qui tibi, inquit, longè dissimillimus est. Plut. in Lacon. Bruso. lib. 3. cap. 16.

Eiusdem.

Idem eo tempore quo Philippus Macedonum rex ortis discordiis cū vxore & filio dissidebat, interrogatus à Philippo, quàm bene inter se Græciæ ciuitates conuenirent? Liberè respondit,

spondit, Magnæ sanè tibi curæ est Philippe, vt de Græcorum concordia certior fias. Siquidem haud iniuria id ad te pertinet, posteaquam cum coniuge tua ac filio tam concorditer, tantóque in amore viuís. Fulgof. lib. 6.

Anonyma.

Macedonica quædam vetula ad Demetrium regem veniens, vt quid mali accidisset indicaret: audiensque à rege, iam otium sibi non esse, respondit, Noli igitur rex esse. Fulgof. lib. 6.

Charea.

Chareas quidam, vir eruditus, qui Alexandriæ habitabat, cum ei aliquando iratus Ptolemæus rex, minaretur non mediocriter, suam libertatem non minoris faciens quàm potentiam regiam, respondit: Aegyptiis impera, ego te tuamque iram nil moror. Habent enim regium quiddam generosæ animæ, quarum splendorem nec fortunæ obscurat iniuria, quod decet opponi amplis dignitatibus, ad retundendam liberis dictis superbiam. Philo Iudæus lib. Quod omnis probus liber.

Demonax.

Demonax Proteo cuidam obiiicienti, quod morderet omnes, nec tamen Cynicum viueret: Amice, inquit, non viuís hominem. Eras. lib. 8. apoph.

Dercillides.

Dercillides Lacedæmonius missus à Spartanis ad Pyrrhum regem legatus, cum eum Pyrrhus grauib. verbis vrgeret, vt Lacedæmoni Cleonymum regem, quem pepulerat, in regnum reciperent, nulla illius dignitatis ratione habita, respondit: Si deuses Pyrrhe, nobis minimè timendum à te ducimus, nam cum iustâ habeamus causam, Deus qui iustus est, nihil aduersus nos molietur: quibus tu si non deus, sed homo es, melior profectó non es, & propterea tantopere nobis formidandum non est. Fulgof. lib. 6.

Lyfandri.

Lyfander Megarensi cuidam in publico conuentu liberius aduersus ipsum loquenti: Tua verba, inquit, amice opus habent ciuitate. significans, in ciuili concessu cuique liberum esse quæ videntur dicere, in bello nō esse eandem libertatem. Plut.

Agidis.

Quemadmodum ad improbum, subinde percōtantem quis esset inter Spartiatis vir optimus: Qui tui, inquit, Agis iunior est dissimilimus. Indignè tulit vir generosus, cum de virtutis

præstantia loqui, qui ipse esset viciis obſitus. Plutarchus in Laconicis.

Theodori phil.

Lyſimachus Macedo cum mortem Theodoro minatus eſſet, philoſopho nobiliſſimo: Theodorus ad regem ait, Iſtis purpuratis & aulicis tuis mortem tam crudelem minare, qui digni ſunt, vt inhoneſto mortis genere claudât diem extremum. Bruſon. lib. 2. cap. 1.

Eteoclis.

Antipater, poſt Agin bello ſuperatum, cum obſides petiſſet pueros quinquaginta, Eteocles Ephororû omnium nomine liberè reſpondit: Si acerbiora morte imperaueris, citius moriemur. Plut. in Lacon.

Anonymi.

Antipater cuidam ruſtico librum de ſœlicitate exhibenti, non otium ſibi eſſe dixit. Cui ille: Ne regnato quidem igitur, ſi non frueris otio. Stob. ſerm. 11.

Ageſilai.

Ageſilaus Thasios reprehendebat, qui ei diuinos honores tribuere decreuerant: Agedum, inquit, primùm vos ipſos deos facite. id ſi præſtiteritis, tum vobis credam, quòd me quoque deum facere poteritis. Plutar. in Lacon.

Demadi.

Demades orator quum vidiffet Philippum multo vino madidum, cum amicis ſaltantem, regem accedens, ait: Non pudet te ô rex, cum fortuna tibi Agamemnonis perſonam induerit, te factis agere Therſiten? Fuit autem Therſites omnium Græcorum deformiſſimus. Eraſ. lib. 6. apoph.

Eiuſdem.

Infrà de Regnandi libidine.

Epicharmi.

Hiero tyrannus quum aliquot è familiaribus occidiſſet, paucis poſt diebus Epicharmum vocauit ad cœnam, cui ille niſium liberè: At nuper, inquit, quum immolares amicos, non me vocabas. Solent, qui ſacrificant, ſplendidum epulum apparare, adque id rogare amicos. Periculofa libertas, quæ plus laudis adfert ferenti, quàm dicenti. Plut. in reg. apoph.

Zenonis.

Dionyſio cuidam dicenti, Cur me vnum non corrigis? Zeno
Citi

Cistricus respondit: Quia tibi non credo. Subindicans, sibi planè nullam spem esse resipiscentiæ. Laert. lib. 7. cap. 1.

Anonyma.

Syracusani cum Dionysii tyranni exitum, propter nimiam morum acerbiteriam exoptarent: mulier quædam sola deos quotidie orabat, ut sibi superstes esset. Quam cum interrogasset Dionysius, cur tam assidue pro tyranni vita preces fundere? Liberè respondit: Ne multo deterior tibi succedat. Cum enim ante te grauem tyrannum haberemus, carere eo cupiebamus: quo interfecto, tu qui multo deterior es, eius successor factus es. Ita etiam timeo, ne te mortuo deterimus regnum occupet. Val. Max. lib. 6. cap. 2.

Anonyma.

Suprà de Ebrietatis variis affectibus.

Diogenis.

Quum Alexander Magnus ad Diogenem venisset, eumque salutasset, percontatus est Diogenes, quisnam esset: quumque ille respondisset, Ego sum Alexander ille rex: At ego, inquit, Diogenes ille canis. Non minus superbiens sua libertate, quam Alexander suo regno. Interrogatus autem, cur nam canis vocaretur? Quoniam, inquit, dantibus blandior, non dantibus oblatro, malos etiam mordeo. Diogenes lib. 6. cap. 2.

Antagora.

Suprà de Conuiciis in ipsum autorem retortis.

Pauli Aemylj.

Paulus Aemilius consul aduersus Persam Macedoniae regem creatus, cum mos esset in eiusmodi rebus populo Rom. gratias agere: ut suam in dicendo libertatem seruaret, virtute & innocentia sua fretus, ad populum dixit de duobus consulatibus, quos erat adeptus. Primum se sui ipsius gratia petiisse, hunc autem secundum ab ipso populo delatum esse. Huius igitur postremi causa gratias non agere. Quin potius si quem meliorem ad eam expeditionem populus inueniret, eum eligeret. Verum si quid in eius virtute spei reposuisset, sine verbis dicto eius audiens esset. Plut. in eius vita.

P. Scipionis.

P. Scipio Africanus interrogatus, quid de Tiberii Gracchi morte (cuius sororem in matrimonio habebat) sentiret? Iure casum, respondit. Cuius dicto cum concio tribunitio furore instincta violenter succlamasset: Taceant, inquit, quibus Italia

nouerca est. Orto deinde murmure: Non efficietis, ait, vt solutos verear, quos alligatos adduxi. Paterculus & Plutarc. item Val. Max. lib. 6. cap. 2.

Scipionis Min.

Scipio Minor cum post victos Numantinos iterum triumphasset, & in controuerſiam incidisset cum C. Graccho, conſenſo ſuggeſto: Me, ait, nec caſtrorum vociferatio vnquam terruit, nec tumultus hominum terrebit: quibus Italiam ſcio nouercam eſſe, non matrem. Plin. de Viris illuſtribus.

Q. Flaminij.

Q. Flaminius, cum aduerſus Philippum Macedoniæ regem bellum gereret, & in tractanda pace delectus ad colloquium locus eſſet: Philippus fraudem veritus, obſides à Flaminio petiit: affirmans Romanis multos eſſe Flaminios, ſed apud Macedones eſſe vnum Philippum. Ad quem Flaminius ſtatim reſpondit, id ipſius Philippi culpa accidere, qui amicos & propinquos omnes interemiſſet. Romano, id eſt libero verbo crudelitatem atque perfidiam Philippo improperauit. Fulgo. lib. 6.

C. Fabricij.

Suprà tit. de Auaritia & de fide ſeruanda.

L. Craſſi.

Lucius Craſſus, ſummæ dignitatis & eloquentiæ apud Romanos vir, cum in curia à Philippi conſulis liſtoribus caperetur, reiecto liſtore: Non es, inquit, mihi Philippe conſul, quia nec ego tibi ſenator ſum. Cicero lib. 3. Officio. Valer. Maxi. lib. 6. cap. 2.

Grani.

Granius M. Druſo tribuno plebis homini potentiſſimo, ſed multa in Rempubli. molienti, quum ab eo, vt fit, ſalutaretur his verbis, Quid ais Grani? Imò verò, inquit, Tu Druſe quid agis? Vtrunque refertur à M. Tull. in oratione pro Cn. Plancio. Eraſ. lib. 6. apoph.

Eiuſdem.

Quum P. Naſica tum conſul, cuius iuſſu iuſtitium in medio foro edixerat præco Granius, rogaret eum domum ſcenden-tem, quid triſtis eſſet? an quòd auctiões eſſent? Imò verò, inquit Granius, quòd legiões. notans eum, quòd armis rem gereret. Libera ſanè vox præconis in conſulem, ſed eximie moderationis exemplum, hoc impune licuiſſe præconi. Eraſ. lib. 6. apophtheg.

Catuli.

Infrà tit. de Oratione incomposita.

C. Caesaris.

L. Sylla sedente pro tribunali, cum prætor esset, atque Cæsari adhuc priuato iratus diceret, se officio suo vsurum respondit Cæsar: Rectè tu appellas officium, quod pecunia tua comparasti. Neque enim magistratus maiestate deterritus est, quin ei qua arte magistratum esset assecutus, curam exprobraret. Fulgo. lib. 6.

Q. Catuli.

Suprà tit. de Crudelitate.

Priuernatum legatorum.

C. Plautius consul de Priuernatibus, qui à Romanis descieuerant, ad senatum retulit: ac variantibus sententiis quidam Priuernatum legatos percontatus est, quam pœnam viderentur meruisse? Eam, inquit è legatis vnus, quam merentur qui se libertate dignos censent. Hic consul: Quid, inquit, si vobis pœnā remittimus, qualem vobiscum pacem habituri sumus? Si bonam dederitis, inquit, & fidelem & perpetuam: sin malam, haud diuturnam. Eras. lib. 6. apoph.

Diphili.

Suprà tit. de Audacia.

L. Philippi.

L. Philippus quum in Sertorium in Hispaniam Pompeium proconsulem mitti orasset, admiratúsque quispiam è patribus interrogaret Philippum, an dignum existimaret Pompeium proconsulem in Hispaniam mitti: Non proconsulem, inquit, sed pro consulibus. Apertissimè indicans, vtrunque consulem esse ad hoc munus subeundum inutilem. Bruf. lib. 3. cap. 16.

Cn. Pisonis.

Cn. Piso iuuenis etiamnum, Manilium Crispum reum egit, euidenter nocentem: eumque licet præpotentem multis ac magnis criminibus vrgebat, quòd videret illum eripi gratia Pompeii; qui Manilio reo aderat. Itaque quum Pompeius velut exprobrans iuuenilem temeritatem Pisoni, qui non veretur nobilem & opulentum, atque ipsi cum primis amicum ad iudices pertrahere, dixisset, Quin eadem opera me quoque accuses: intrepidè respondit Piso, Da vades reipub. te si postulatus fueris ciuile bellum nò excitaturum, tuum nomen prius quàm Manilii deferam. hic elegans epiphonema subiicit Valerius

Maximus:Eodem inquit,iudicio duos sustinuit reos,accusatione Manilium,libertate Pompeium:& alterum lege peregit,alterum professione.Val.Max.lib.6.cap.2.

Cn.Lentuli.

Infra de Potestate & potentia.

Cn.Pompeij.

Cn.Pompeius partis iam multis victoriis cum iam triumphum peteret,Sylla dictator restitit,contra legem id fieri ac consuetudinem receptam dicens.Cui Pompeius ait,se ab incepto non discessurum,cum plures essent qui oriẽtem,quã qui occidentem solem venerarentur.Quo dicto Syllæ senio iuventam suam præposuit.Plut.in Pompeii vita.

Catonis.

Cato Vtricensis laudatus à senatu,quod populi tumultũ oratione sua prorsus sedasset:At ego,inquit,vos P.C.nequaquam laudo,qui me prætorem in tanto periculo deseruistis.Plutarc.in eius vita.

Eiusdem.

Idem Cato,quum in senatu pro victoria,quam Cæsar ex Vspetis Tenterisque Germanis retulerat,de supplicatione decernenda ageretur,sententiam dixit:Cæsarem hostibus esse dedendum,quo Romana ciuitas à perfidia expiaretur,deinde execrationes in autorem verterent.Idem.

C.Lalij.

Suprà de Conuiciis in ipsum autorem retortis. & tit.de generatione.

Ciceronis.

Cicero in Cn.Pompeium multà liberrimè dixit,Cuius hæc de eis dicta referuntur:Ego quem fugiam quidem,habeo:sed quem sequar,non habeo.Macrobius lib.2. Satur. Et cum ad Pompeium venisset,dicentibus eum serò venisse:respondit,Minimè serò veni,nam nihil adhuc paratum video.Macrob.

Eiusdem.

Deinde interroganti Pompeio,vbi gener eius Dolobella esset?respondit:Cum socero tuo.Et cum donasset Pompeius transfugam ciuitate Ro.O hominem bellum,inquit,Gallis ciuitatem permittit alienam,qui nobis nostram non potest redere.Macrob.lib.2.cap.3.Satur.

Geminij.

Suprà de Castigatione modesta.

Julij Cæs.

Julius Cæsar, cum Catonem sibi obstrepentem in carcerem esset coniecturus, & multi essent quibus hoc factum maximè displiceret inter alios M. Petronius increpatus à Cæsare, quòd senatu non dimisso abiret: Malo, inquit Petronius, in carcere cum Catone, quàm hic tecum esse. Quo audito, Cæsar statim Catonem, affectus pudore, dimisit. Dion Nicæus in Pompeio.

Laberij.

Laberius, ex equite Romano factus mimus, annos iam natus sexaginta, huc adigente Cæsare, in actione quadam induxit habitum Syri, qui veluti flagris cæsus, ac proripiente se similis, exclamabat;

Porrò Quirites libertatem perdidimus.

Ac paulo post adiecit:

Neceffe est multos timeat, quem multi timent.

Ad has voces populus vniuersus oculos & ora conuertit in Cæsarem: intelligens, illius impotentiam his dictis lapidatam. Hoc modo, qua licuit, Laberius vltus est sortem suam. Erasmi. 6. apoph.

Anonymi.

Suprà de Innocentia:

Antistij.

Antistius cum Romæ haberetur in senatu sermo, vt senatores Augustum (qui multis senatoriam dignitatem ademerat, ac quosdam vt sibi ipsis manus inferrent coegerat, alios tractarat contumeliosissimè) vicissim custodirent, repugnare multitudini non ausus: Sterto (interrogantibus ait) quamobrem nequeo apud Cæsarem excubare. Dion Nicæus in Augusto.

Anonymi.

Tiberio Cæsari contanter & ægrè suscipienti delatum imperium, quidam in os ausus est dicere: Cateri quod pollicentur, tardè præstas: tu quod præstas, tardè polliceris. Ex Suetonio.

Marcelli.

Tiberius imperator cum in edicto quodam, verbo parum Latino esset vsus, interrogauit Latinæ linguæ peritos, num in Latinæ linguæ puritatem peccasset? Cui respondit Arteius Capito: Quanquam hoc verbo nemo vsus est antehac, tamen ad tua causâ recipiemus in posterum. Marcellus autem quidam respondisse dicitur: Hominibus quidem potes dare ciuitatem

Romanam

Romanā Cēsar, Latina verba non potes. Hunc Tiberius, quam liberē locutum, nullo tamen damno affecit. Dion.

Battoni.

Batto, qui Dalmatis sæpenumero defectionis author fuerat, & Romanis magna damna attulerat, cum à Tiberio interrogaretur, cur ei deficere, tamque diu contra Romanos bellare visum sit? Vos, inquit, causam dedistis, qui ad greges vestros custodiendos non mittitis canes aut pastores, sed lupos. Dion in Augusto.

Clementis serui.

Clemens quidam Agrippæ seruus, domino quantum ad linamenta oris attinet, planè persimilis, cum se Agrippam esse diceret, atque eo pacto magnam pecuniam constaret, comprehensus tandem à Cæsare Tiberio, interrogatusque, quomodo Agrippa factus esset? Eodē (respondit) modo factus sum Agrippa, quo tu Cæsar Romanus. sentiens, Tiberium fraude imperatoriam dignitatem esse nactum. Dion in Tiberio.

Sub. Flauij.

Subrius Flavius tribunus stipatorum militum apud Neronem, cum interrogaretur, cur cum cæteris in imperatoris sui mortem conspirasset, ad Neronem dixisse fertur: Quia te & dilexi, & odio prosequutus sum supra omnes homines. Dilexi autem, quòd te sperabam bonum principem fore: odi autem, quòd tyrannum te esse satis sim expertus, quo factum est, ut aurigæ atque citharædo seruire noluerim. Nero enim oblitus se imperatorem esse, non tantum hinc inde in vrbe atque spectaculis currus egit: sed citharædi habitu indutus, dum vrbe iam vbique incendisset, in palatium ascendit, atque excidiū Troiæ, in medio aliorum luctu, cecinit. Xiphilinus in Nerone.

Eiusdem.

Subrius Flavius tribunus militaris, eo tempore quo conuictus est conscius Pisonianæ conspirationis esse, rogante Nerone, quamobrem eius vitæ insidias tetendisset? Respondit, Nullus vnquam erga te fide maiore me fuit, dum ut amari posses, dignum te præstitisti. Sed posteaquam matris parricida fuisti, uxoremque tuam occidisti, item auriga factus es, & mimicam attem exercuisti, urbemque patriam communem incendiasti, mortalium etiam omnium odio te dignum fecisti. Sueton. in Nerone. Bruson. lib. 4.

Sulpit

Sulpitij Apri.

Sulpitius quoque Aper eadem dignitate qua Flavius, & item pari culpa infimulatus, cum similiter, qua re motus conspirasset, rogaretur? respondit non minus liberè: Se non aliam rationem finiendorum eius immensorum scelerum inuenire potuisset. Suetonius in vita Neronis.

Isidori Cynici.

Suprà tit. de Castigatione dura.

Buri.

Burus, cum intellexisset, Neronem imperatorem Octauiam suam Augustam, propter Sabinam pellicem repudiasse, ad Neronem dixisse fertur: Si repudiasti, redde etiam dotem, hoc est principatum. Xiphilinus in Nerone.

Eiusdem.

Idem cum à Nerone quondam interrogaretur, ut iterum de iisdem rebus sententiam diceret, planè & apertè respondisse fertur: Ne me, de quibus rebus semel dixero, bis interroges. Quæ tamen loquendi libertas magnum sibi exitium peperit, ob vnicum enim loquacitatis vitium à Nerone veneno extinctus est. Xiphilinus.

Sulpitij Apri.

Sulpitius Aper cum vidisset conspírationem iam in Nerone (propter insignem eius in ciues suos post incensam urbem crudelitatem) factam, in eam non tantum consensit, sed Neroni etiam indicauit, à quo cum interrogaretur, cur in imperatoris sui mortem conspirasset? respondit, Quia nullo alio tibi pacto subuenire poteram, quo citius perires. Xiphilinus in Nerone. Braul. lib. 2.

Pythia.

Nerone regnante, cum omnes famuli, præter Pythiam, vnà cum Sabina pellice, Octauiam Augustam inuaderent, quòd eà contemnerent, afflictam fortuna: & illi, cuius magna potestas erat, assentarentur: sola Pythias, licet acerrimis tormentis coacta, noluit in dominam mentiri, cùmque Tigellinus Sophronius, homo petulantissimus, atque homicida crudelissimus, instaret vehementius, faciem eius conspuir: Mundior est (inquit) Tigelline, vulua Octauie domina: mea, quàm os tuum impudentissimum. Xiphilinus in Nerone.

P. Thrasea.

Suprà de Fortitudine domestica.

Galli

Gallifutoris.

Gallus quidam futor cum vidisset Caligulam imperatorem nunc deorum, nunc mulierum vestitu turpiter incedentem, atque in solio eminentissimo tanquam Deum sedentem, Iouis chlamyde amictum, tantam insolentiam irrisit. Qua re animaduersa, Caius ad se vocauit hominem, rogauitque quid sibi videretur? respondit Gallus, Hanc magnam dementia[m] videri. Sed imperator, eo quod futoris dictum satis liberum esset: æquo animo tulit. Adeo principes huiusmodi, æquiore animo ferre solent plebeios homines liberè loquentes, quàm præditos aliqua dignitate. Xiphilinus Dionis abbreviator in Caligula.

Anonymi.

Græculus quidam causam agens apud Claudium Cæsarem, inter altercandum per calorem hanc vocem in illum emisit, *νεῖ οὐ γέρον ἢ νεῖ μωρὸς*: id est, & tu senex es, & stultus. Usque eò summa potestas ob stultitiam & passim & propalata[m] euiluerat, vt hæc in os dixerit, non senator, sed ignotus Græculus, & dixerit impune. Eras. lib. 6. apoph.

Anonymi.

Quidam bubulcus seruus, senio penè confectus, cum iam assumpto ad imperium Vespasiano domino, propter nouæ fortunæ foelicitatem meritum se putaret, quem dominus munere dignaretur, venienti in urbem Vespasiano se obtulit, & libertate se donari petiit. Cum autem minimè assentiri Vespasianum videret, continere se seruile pectus nequiuit, quin vt poterat dominum vlcisceretur. Magna enim voce exclamauit, vero adagio dici, Vulpē pilos quidem mutare, sed mores nequaquam. Ita enim veteris domini auariciam natura insitam exprobrauit. Fulgos. lib. 6.

Iun. Maurici.

Nerua Cocceius in cœna, cui assidebat Veiento, qui sub Domitiano consularem dignitatem fuerat adeptus, sed multos clā apud illum detulerat, quum orta Catuli mentione, qui calumniator insignis fuerat, diceret, Quidnam faceret Catulus, si Domitiano superuixisset? Iunius Mauricus respondit, Nobiscum, inquit, cœnaret. Satis liberè submonens imperatorem, quod Veientonem haberet familiarem, simillimum Catulo, quem vt calumniatorem execrabatur. Eras. lib. 8. apoph.

Frontonii.

Fronto consul Romanus post Domitiani pessimi principis mortem,

mortem, de Cocceio Nerua, principe optimo, atque eodem patientissimo, pari libertate locutus est. Nam cum videret nimium populo indulgeri, permitti que ut in eius esset manu vel accusare, vel occidere, quem Domitiani ministrum fuisse diceret, clara voce dixisse fertur: Malum esse sub principe viuere, qui nihil agi permetteret: sed longè deterius, sub eo, qui fieri nihil prohiberet. Quod cum Nerua audiuisset, modum accusationibus imposuit. Fulgof. lib. 6.

Traiani duci.

Traianus Valentis, crudelissimi in Christianos omnes imperatoris, dux contra Gothos missus, cum post malè in eo bellor gestas rediret domum, atque obiurgaretur ab imperatore, qui grauius hominis ignauiam accusabat, respondit: Non ego ò imperator victus sum, sed tu potius, qui contra Deum inuictum bellum suscipis, atque tua impietate à te ipso omnem victoriam reiecis. Nicephorus Callistus lib. II, Ecclesiasticæ historiz cap. 49.

Val. Homuli.

Valerius Homulus ab Antonino imperatore (quem hospitio acceperat) interrogatus, vnde porphyreticas illas columnas accepisset, ad tantum ædium splendorem dixisse fertur, Cum in domum alienam veneris, mutus & surdus esto. Liberè indicans, non opus esse ut honorum suorum rationes omnibus, imò imperatori etiam redderet. Iulius Capitolinus, & Cuspinianus in Consulibus.

Antonij imp.

Antonius imperator absente Polemone occuparat domum illius, velut omnium apud Smyrnanos pulcherrimam. At Polemon noctu reuersus è peregrinatione, pro foribus clamauit; se indigna pati, qui propriis ædibus arceretur. Cognouit imperator, accessit. Post ubi Romam venit Polemon, imperator ciuili ter illi exprobrans quòd acciderat: Date, inquit, Polemoni diuersorium, nec quisquam illum eiiciat. Mox histrio quidam tragædiarum, ex Olympiis Asia, cui erat præfectus Polemon, appellauit Antonium Cæsarem aduersus Polemonem, quòd protinus initio fabulæ ab illo fuisset eiectus è scena. Percontatus est Cæsar, quo tempore fuisset eiectus? quumque is respondisset, circiter meridiem, admodum vrbane respondit, At me quidem eiecti circa medium noctis, nec tamen appellauit iudicem. Philostratus.

Papiniani

Papiniani.

Balsianus Antoninus imperator magna laborabat inuidia, quòd fratrem occidendum curasset. Eoque, Aemylio Papiniano prætorii præfecto, ob eximiam iuris prudentiam summæ apud Romanos autoritatis, negotium dederat, vt hoc facinus apud senatum defenderet. At is respondit: multo facilius parricidium perpetrari, quàm defendi, ob hanc liberam vocem Balsianus occidit virum immortalitate dignum. Eras. 8. apoph.

Geta.

Balsiano tum iocò tum seriò dicenti, omnes cum liberis occidendos: Geta puer dixit, Tu qui nulli parcis, potes etiam fratrem occidere. Id dictum tunc contemptum est, pòst cognitum est fuisse vaticinium, nam parricidium postea commisit. Spartian.

Heluij Pert.

Quum Antonius Caracallus ambitiose sibi multa cognomina affereret, Germanici, Parthici, Arabici, & Alemanici nomen adscriberet, Heluius Pertinax, filius Pertinacis, bellè iocatus fertur: Adde etiam, inquit, si placet, Geticus Maximus, quòd Getam fratrem occidisset. Aelius Spartianus.

Anonyma.

Adrianus Romanorum imperator cum fortè in foro esset, audiuit mulierem clamantem, Audi me Cæsar, Verùm is quum respondisset, Non est ociù modò: illa altius clamauit, Noli ergo imperare. Ad hanc igitur vocem restitit, & mulierem audiuit. Ex Dione Cæsio.

Alius.

Idem fecisse Romanam quandam matronam legimus, quæ cum ab Augusto Cæsare audiunisset, se aures iam præbere non posse: Noli igitur imperare, ait. Fulgos. lib. 6.

Apollodori.

Apollodorus insignis architectus, cum Romæ præclara quædam ædificia erigeret, atque Adrianus imperator ineptè hominem nescio qua in re reprehenderet, respondisse fertur: Abi imperator, ac cucurbitas pinge, nam tu quidem ædificandi artem planè ignoras. Quam loquendi libertatem adeò sinistro interpretatus est imperator, vt statim cogitaret, quo mortis genere hominè interficeret. Dion Nicæus, & Xiphilinus in vita Adriani.

Pollenij.

Pollenij.

Pollenius Sebennius, homo omnium mordacissimus, cum audiisset Seuerum imperatorem adscriptum esse Marci familiae: Gratulor tibi, inquit, Cæsar inuictissime, quoddam patrem demum inueneris, quasi antea patrem non habuisset, propter ignobilitatem & obscuritatem generis. Xiphilinus in vita Seueri.

Anonymi.

Galienus iunior patris mortem inultam reliquit. Itaque quum rex Persarum quasi captiuus per pompam duceretur, quidam scurræ miscuerunt se Persis, diligentissimè scrutantes omnia, & cuiusque vultum mira inhiatione contemplantes. Qui interrogati quid agerent? Patrem, inquit, principis quaerimus. notantes, à Galieno neglectum fuisse. Id ubi delatum est ad principem, scurras viuos exuri iussit. Exemplum impietatis in Cæsare, periculosè libertatis in scurris. Trebellius Pollio.

Mimi cuiusdam.

Galienus Romanorum imperator, cum triumphans urbem ingrederetur, minus quidam contemplans eos studiosius qui Persico vestitu incederent, interrogatus cur in eos tantum oculos suos figeret, respondit, Inter hos Persas Galieni se patrem quaerere. Liberè taxans Galieni ignauiam, qui patrem iam diu apud Persas captiuum, armis ab hoste non curaret, & nunc puerorum more de simulatis Persis triumpharet. Fulgos. lib. 6.

Mari episcopi.

Iulianus imperator cum Constantinopoli in Fortunæ sacello sacrificaret, palam à Mare episcopo Chalcedonensi, apostata & hæreticus vocatus est. Is autem debilitatus visu, alterius ducebatur manu. Volens igitur imperator lacerare blasphemias Deum, consuetè dixit, Neque Galilæus tuus curare tibi visum potest. Cui respondens Marcus, dixisse fertur: Ego Deo meo pro cæcitate gratias ago. quia hoc ideo factum est, ne revideam pierate omni nudatum. Sozomenus libro sexto, Ecclesiastica histor. cap. 6.

Terentij.

Terentius, ducum omnium fortissimus, & pietate simul, ac rerum contra Armenios gestarum gloria in primis insignis, cum ad Valentem imperatorem contra Gotthos iam belligerantem venisset, atque optionem imperator obtulisset, ut à se quicquid vellet peteret: nihil aliud petiit, quam ut Antiochia vnam sal-

tem Ecclesiæ Catholicæ propugnatoribus concederet ecclesiasticam. Quod cum Valens audiisset, petitionis libellum (ut homo erat impius, atque Christianæ religioni insensissimus) iam lectum lacerauit, atque aliud illum petere iussit. Tum Terentius libelli partibus recollectis: Habeo, inquit, ô imperator, & donum teneo, neque aliud petam. Consilii enim mei iudex erit, qui iudex est omnium. Nicephorus Callistus lib. II. Ecclesiasticæ histor. cap. 49.

Sigismundi impera.

Sigismundus Romanorum imperator cuidam coram eo querenti, Constantiæ libertatem non esse. Atqui, inquit, nisi hic summa esset libertas, tu tam liberè minimè loquereris. Liberè enim loqui, magnum libertatis signum est. Poggius Florentinus.

Eiusdem.

Idem cum dixisset aliquando, assentatores se veluti pestem odisse: Imò, inquit Brunorius Veronenus, nullum genus hominum magis amas, nam quid apud te posset M. Banus, Laurentius Palatinus, Vrsatius, & alii, nisi assentando tuam gratiam meruissent? Tum Sigismundus: Brunori, ait, sic comparatum est, cum vitandos esse adulatores dicimus, tum maxime illis aures damus. Nec enim tu mecum tam diu fuisses, nisi mihi blandiri assueuisses. Aeneas Syluius libro tertio commentariorum de rebus gestis Alphonsi.

Anastasy episcopi.

Anastasy episcopus Antiochenus, interrogatus à quodam, cur ita profusè pecuniam sacram dilapidaret, & non potius in usus decentes eam impendens, ita ut opus esset dispergeret, liberè respondit per cauillationem: Ideo consumo, ne à communi pernicië Iustino auferatur. Nicephorus Callistra. lib. 17. cap. 36. Hist. eccles.

Hormisdæ.

Achemenides, qui & Hormisdæ dictus est, cum in Persia fidem Christianam profiteretur, vocatus à Varane rege, atque abnegare Christum iussus, respondit: Imperata tua rex potentissime, nō solum iniqua sunt, sed incommoda etiam. Cui enim ea necessitas imponatur, ut facillimè vniuersitatis huius Deum abiuret: huic longè facilius fore puto, regem despiciere, atque ad alium transire. Rex nanque etiam, homo cum sit, satis subiectus est: cum Deus nullis rebus planè subiectus sit. Maius igitur

tur est crimen, diuinam quam regiam lādere maiestatem. Nicephorus lib. 14. cap. 20. Ecclesiast. histor.

Inarij.

Inarius Chalcedonenſis epiſcopus ob ſenium iam viſu carens, Conſtanti-
nopolim habitans, cum audiſſet Iulianum impe-
ratorem in templo Fortunæ ſacra facere, clara voce Iulianum
apoſtata compellauit. Cui cum indignatus Iulianus reſpon-
diſſet: Galilæum (ita enim contumelioſè Chriſtum appellare
ſolebat) ei viſum non reſtituturum, exclamauit alta voce in
omnium conſpectu: Deo gratias ago pro cæcitate mea, cum
mihi facultas tam impium imperatorem videndi erepta ſit.
Fulgoſ. lib. 6. Idem cum eo, quod paulo ſuprà Mari epiſcopo
Chalcedonenſi à Sozomeno attributum poſuimus.

Iſacij monachi.

Iſacius monachus Conſtanti-
nopolitanus, cū Valentem im-
peratorem vnā cum exercitu contra Gothos, qui Chriſtianam
religionem acceperant, exeuntem vidifſet, manu frenum equi,
quo ille vehebatur, arripiens, voce magna dixiſſe fertur: Quo-
nam ō imperator proficiſceris, qui aduerſus Deum bellum ge-
ris, neque illius opem tecum trahis? Nam ille quodammodo
contra te hoſtem excitauit, quoniam tu aduerſus illum impio-
rum hominum peregrinas & blaſphemias linguas exacuiſti, &
Catholicos ex ſacris edibus eiecisti. Plura leges apud Nicepho-
rum lib. 11. cap. 50. Eccleſiaſt. histor.

Agapithi.

Agapithus Pontifex Maximus à Theodato, qui in Italia
Gothorum rex erat, Conſtanti-
nopolim placandi Iuſtiniani
gratia miſſus, cum imperatorem Eutychna hæreſi laboran-
tem, fruſtra deprehendere ſe intellexiſſet: Ad Iuſtinianum Chri-
ſtianiſſimum imperatorem me veniſſe arbitrabar, inquit, ſed
quantum intueri poſſum, ad Diocletianum me veniſſe video.
Fulgoſ. lib. 6.

Ioannis Capotij.

Quum diſſidentibus inter ſe Othone quarto & Friderico ſe-
cundo imperatoribus, Innocentius pontifex nunc Othoni, nunc
Friderico aſſentiret, & diſcordias ſubinde multas ſereret, ver-
bis aliud oſtendens quàm factò: Ioannes Capotius Romanus,
Verba tua, inquit, pater ſanctiſſime, Dei ſunt: Cæterum fa-
cta, quæ verbis longè contraria ſunt, diaboli eſſe videntur.
Ibidem.

Iuliani Card.

Iulianus Cardinalis sancti Angeli, qui Basiliensi consilio præfuit, libros veterum cum in bibliotheca lectitasset, accessit quidam qui diceret: Quid tu hic inter mortuos latitas? ad nos tandem qui viuimus exi. Ei Iulianus: Imò, inquit, ii fama viuunt, tu neque nomine neque re viuus. Aeneas Syluius lib. 3. commentariorum Alphonfi

Bubulci cuiusdam.

Coloniensium episcopus & dux, cum iter armatus in Germania faceret, multis stipatus equitibus, incidit in bubulcum quendam, tantum deridentem exercitum. At vbi hominem interrogasset, cur tantopere rideret? respondit bubulcus, Miror sanè Petrum apostolum, vestri ordinis principem, in tanta inopia mortuum esse, vt posteros in eo ordine tantopere locupletaret. Dicente verò episcopo, se simul & ducem esse, & episcopum: respondit bubulcus, Vellem equidè declarari mihi, cum mortuum hunc ducem, cuius personam modò geris, in inferno esse contingeret, quò putes episcopum esse iturum? Libero autem responso ostendit, quàm stultum sit, in eodem subiecto duas diuersæ professionis personas agere velle. Et si in altera peccaret, putare se in altera pœnas errati non sensurum. Fulgus libro 6.

Cocci cuiusdam.

Dux Mediolani, senior princeps, cum bellum ingens cum Florentinis haberet, & ei aliquando non satis prospera duenisset nuntius, admodum turbauit ducis mentem. Oblatis postmodum ad mensam epulis, sapores nescio quos quum improbasset, epulas non ritè conditas aspernatus, accitum coccum, veluti ignarum artis, asperè inerepauit. Tum ille, vt erat liberior in eloquendo: Si Florentini (inquit) tibi gustum atque appetitum auferunt, quæ mea est culpa? & cibi enim mei sapidi sunt, & summa arte compositi: sed te nimium concalefaciunt, & appetitum auferunt Florentini. Poggius Florent.

Eiusdem.

Is ipse cocus, cum multi peterent à duce varia beneficii loco, summo opere ducem rogauit, vt se asinum faceret. Miratus igitur dux, quid sibi ea postulatio velleret: Quia omnes video, inquit, quos in sublime extulisti, superbia & fastu elatos atque insolentes euasisse asinos. Itaque & ego quoque asinus à te fieri cupio. Poggius.

Aristip

Aristippi.

Aristippus rogatus, quid fructus capisset ex philosophiæ studio? Quod cum quibuscumque libet, inquit, liberè loqui possim. Nec enim metuebat potentes, nec fastidiebat humiles. Quoniam animum habebat spe pariter ac metu liberum, nemini seruebat, neque cuiquam assentiebatur, præter animi sententiam. Laert. lib. 2. cap. 8.

De libertate tuenda.

Aristippi.

Dionysio recitanti versiculum ex Sophoclis Tragedia:

πρὸς τὸν τύραννον οὐκ ἐμυρομένηται,
οὐκ ἐστὶ δῖος, καὶ ἡλύθη μὲν.

Id est,

Quisquis tyranni ad lecta se contulit,
Fit servus illi, liber est si venerit.

Aristippus correcto posteriore versiculo respondit:

οὐκ ἐστὶ δῖος, ἀλλ' ἡλύθη μὲν.

Id est,

Haud servus est, si liber illuc venerit.

Significans non esse verè liberum, nisi cuius animum spe metuque liberauit philosophia. Neque enim verè liber est, quisquis ingenuus natus est. Quidam hoc dictum ascribunt Platoni. Laert. lib. 2. cap. 8.

Aristippi & Diogenis.

Inter Aristippum & Diogenem Cynicum nonnulla fuit contentio ob diuersum vitæ institutum. Diogenes Aristippum appellabat, ob diuenditam Dionysio libertatem, canem regium. In quem vicissim Aristippus: Si Diogenes sciret vti regibus, non vesceretur crudis oleribus. Contra Diogenes: Si Aristippus didicisset esse contentus crudis oleribus, non esset canis regius. Laert. lib. 2. cap. 8.

Diogenis.

Diogenes Cynicus interrogatus, quid esset in vita optimum? respondit, Libertas. Laert. lib. 6. hæc enim semel amissa, non facile recuperatur.

Eiusdem.

Idem quum Xeniadæ seruiret, amici agebant de redimendo. At ille: Nequaquam, inquit, an nescitis leones non iis seruire, à quibus aluntur, sed altores potius seruire leonibus? Nam leo ubicunque est, semper leo est. Laert. lib. 7.

Eiusdem.

Craterus Alexandri Magni præfectus, homo prædiues, inui-

tarat Diogenem, vt ad se commigraret, cui respondit: Malo Athenis salem lingere, quàm apud Craterum opipara frui mensa. sentiens, libertatem quamuis inopem, omnibus diuitum deliciis præferendam, vbi minuitur libertas. Laert. lib. 6. cap. 2.

Eiusdem.

Prædicantibus beatum Callisthenem philosophum, quòd apud Alexandrum apparatu splendido exciperetur: Imò, inquit, infelix est, quòd illi prandendum cœnandùmq; sit, quum Alexandro visum fuerit. sentiens, nihil esse beatum, si absit libertas. Hic est Callisthenes, Aristotelis discipulus, quem Alexander tandem coniecit in carcerem, vbi & periit. Quidam pro Callisthene supponunt ipsum Aristotelem, cuius felicitatem prædicantibus, quòd cum regis filio viueret: Aristoteles, inquit, prandet quum vult Alexander, Diogenes quum vult. Diogenes. Laert. lib. 6. cap. 2.

Timonũ Nicaei.

Suprà tit. de Adulatoribus non admittendis.

Simonis Athen.

Simonem Atheniensem Pericles ad se inuitauit, pollicens sese omnia necessaria præbiturum. At Simon negauit se venditurum libertatem. Delectauit hunc imago muris syluestris, paruò viuientis, potius quàm domestici in summis deliciis, sed perpetua cum solitudine versantis. Laert. lib. 2. cap. 14.

Laconis cuiusdam.

Lacon quidam interrogatus, quid artis sciret? Liber, inquit, esse. Ea gens nec disciplinis philosophorum, nec opificiis exercebatur: tantum inuictis animi libertatem tuebatur, nec hominibus nec vitis seruire docilis. Plutar. in Lacon.

Anonymi.

Quidam captiuus quũ venderetur, ac præco diceret se mancipium vendere: Scelestè, inquit, non tu dices captiuum? Non puduit duræ conditionis, sed puduit tituli seruilis. Tantus erat libertatis amor. Plut. in Lacon.

Theopompi.

Suprà de Iniuria.

Agésilai.

Agésilas quum quendam admirari videret, quòd rex cum cæteris Lacedæmoniis tam frugali cibo vestituque vteretur: Atqui, ait, pro hac frugalitate optimam messem merimus, libertatem videlicet. Sapienter admonens, nullam esse voluptatem vi

rem viris ingenuis libertate suauiorem: nec ibi diu libertatem esse posse, vbi luxur regnat. Plutarch. in Lacon. apoph. & Eras. lib. 1. apoph.

Cleomenis.

Cleomenes dux Laconicus, quum è carcere ereptus ad occidendum Ptolemæum, plebem sollicitasset, neminemque audentem inueniret: Non mirum est, ait, si talibus viris, qui libertatem negligunt, mulieres etiam dominantur. Brufonius lib. 3. cap. 32.

Laconum.

Buris & Spartis Lacedæmonii sponte profecti sunt ad Xerxem regem Persarum, daturi pœnas, quas Lacedæmonii iuxta oraculum pendere debebant, eo quod oratores Persarum occidissent, quos cum Xerxes vidisset, interficere noluit, sed apud se manere iussit. Cæterum quum regis dux instaret rogans, diceretque fore, vt in pari honore haberentur cum his qui inter regis amicos primas tenebant, hunc in modum responderunt: Scimus quàm ingens bonum sit libertas, quam nemo sanus vel cum Persarum regno commutaret. Plutar. in Lacon. & Brufon. lib. 3. cap. 32.

Laconis cuiusdam.

Quum Philippus in agros Lacedæmoniorum duxisset exercitum, resque in eo esset statu, vt probabile esset eos ad vnum omnes interituros, rex dixit cuidam Spartiata: Quid nunc facietis Lacedæmonii? At ille: Quid, inquit, aliud, nisi quod fortiter moriemur, quando nos soli Græcorum liberi esse, non aliis parère didicimus. Nemo seruire cogitur, qui mori paratus est. Quàm dulce bonum est libertas, quæ morte emitur? quàm mi sera res seruitus, cui mors anteponitur? Quid igitur mentis dicemus his esse, qui se sponte dedunt in eam seruitutem, vnde nec dato peculio possunt redimi, nec gratuita manumissione liberari? Plut. in Lacon.

Arenij.

Arenius à Cyro captus, quum ab illo rogaretur, cur tributum non tulisset, vrbemque muro cinxisset? Libertatem, inquit, cupiebam. Pulchrum enim mihi videbatur, & me liberum esse, & liberis meis libertatem relinquere. Bruf. lib. 3. cap. 32.

Stilbonis.

Quum Demetrius abductis omnium ciuium seruis Stilboni diceret, Ciuitatem vestram liberam vobis relinquo: Rectè, in-

quit Stilbon, nullum enim in ciuitate seruum relinquis. Plutar. in Demetrio.

Hegefippi.

Quum Hegefippus cognomento Crobelus, Athenienses in Philippum irritaret, quidam è concione succlamauit: Itane bellum nobis inuehis Hegefippe? Næ per Iouem, inquit, & pul-las vestes, & publicas exequias, & orationes funebres, si victuri sumus liberi, nec imperatis Macedonum parebimus. Signifi-cans, libertatem bene emi magno, nec sine negotio posse seruari. Eras. lib. 5. apoph.

Pyrrhi.

Pyrrhus Epirotarum rex, cum Athenas veniens, in arce Pal-ladis rem diuinam fecisset, eodem die descendens ex arce, Athe-niensium erga se animum & fiduciam vehementer laudauit: & admonuit, si scirent, ne posthac cuiquã regum portas (si mo-dò patriæ libertatem tueri vellent) aperirent. Significans, regi-bus, imperatoribus ac principibus semper inuisam esse liber-tatem: omnesque conatus ac vires eò intendere, vt libertatem extinguentes, ex liberis seruos sibi faciant. Eras. lib. 4. apoph. ex Plutar.

Metonis.

Meton Tarentinus, quo die decretum de Pyrrho vocando sciri per populum Tarentinum debebat, & multitudo in concione sederet, accepta corona & lampade, quasi ebrius, tibicine ducente ludibundus in concionem peruenit: & vt sit, in turba populari aliis applaudentibus, aliis ridentibus, vtque procederet in medium inuitantibus, processit ille, & quasi cantaturus astitit. Sed vbi silentium nactus est: Viri, inquit, Tarentini benefacitis, quod iocari & ludere volentibus, dum licet, permit-titis: si tamen sapitis, cuncti hac ludorum libertate fruamini, antequam Pyrrhus adueniat, hanc & aliam omnem libertatem aboliturus. Nec fuit mendax. Nam quamprimum aduenit Pyr-rhus, ludis & tripudiis Tarentinis interdixit. Brus. lib. 3. cap. 32. ex Plutar.

Bruti.

Brutus in Tarquiniorum eiectione, dicebat, ex duobus alterum esse eligendum: aut vitam liberam, aut mortem glorio-sam. Liuius, & Brus. lib. 3. cap. 32.

Ciceronis.

M. Cicero duo semper sibi contingere optabat: primum, vt moriens

morians populum Romanum liberum relinqueret, quo nihil à diis immortalibus maius dari posse dicebat. Alterum, vt ita cūq; eueniat, vt de repub. esset meritis. Cicero in Philippicis.

Eiusdem.

Ab Androne quodam Laodiceo salutatus Cicero, quum aduentus causam percontatus, intellexisset illum pro patriæ libertate legatum ad Cæsarem venisse, Græcis verbis expressit publicam seruitutem, ἰσχυρὰ πικρὴν καὶ περὶ ἡμῶν πρὸς βυσσόν: id est, si impetras, etiam pro nobis legatus esto, siue pro nobis orato. Eras. lib. 4. apoph. Brufon. lib. 3.

De libertate nimia.

Socratis.

Socrates dicebat, sororem libertatis esse pigritiam, testēsque huius rei fortissimos, maximæque libertatis. populos adducebat, Indos & Persas, qui vtrique seignissimi essent ad laborandum: Phrygas verò & Lydos, ad opus faciundum promptissimos esse, qui cum seruitute degerent. Aelianus libro 10. de Varia historia.

Appij Claudij.

Appius Claudius dicere solebat, populo Romano melius negocium quam otium committi. Sensit vir sapientissimus, populum Romanum laboribus & bellicis rebus plurimum incrementi semper accepisse, nimio ocio autem & pigritia omnia deinceps in peius ruisse. Valer. Max.

Vide tit. de Indulgentia, Impunitate, Ignauia,
Otio, Licentia, &c.

De libidine fœda.

Bionis.

Bion Borysthenites Alcibiadem hoc elogio taxauit, quòd adolescens viros abduxisset ab vxoribus, iuuenis factus vxores à viris. Laert. lib. 4. cap. 7.

Diogenis.

Diogenes animaduertens Olympionicem quendam oculos defigere in scortum, adeò vt præteritum capite reflexo intueretur: Ecce, inquit, vt aries Martius à puella publica, obtorto collo vinctus abducitur. Ridiculum existimabat, certare cum electis viris, & à vili puella veluti captiuum trahi sine funibus. Laert. lib. 6.

Stratonici.

Stratonicus musicus quum egrederetur Heracleam ciuitatem, portas ac mœnia circumspiciebat. percontanti verò cuidam, quid circumspiceret? Pudet, inquit, si videar exire è lupanari. notans corruptos eius ciuitatis mores. Sunt eius nominis ciuitates multae, sed de Heraclea Thraciae sensis opinor. Eras. lib. 6. apoph.

Rhemnij Pal.

Rhemnius Palæmon flagrabat libidinibus, vsque ad infamiam oris. vnde quidam in turba osculum ingerentem, quum refugiens deuitare non posset, dicto non infaceto repulit: Vis tu, inquit, magister, quoties festinantem aliquem vides, obligurire? Eras. 8. apoph.

Marij.

Lusius, Mario ex sorore nepos, quum Marius iterum consul esset, vim admouit militi cuidam adolescenti, nomine Trebonio: at is Lusium interfecit. Id factum multis incusantibus, non inficiatus est adolescens se ducem suum interfecisse: sed causam addidit, ac probauit. Marius itaque quum iussisset adferri coronam, pro facinore in bello præclare gesto dari solitam, Trebonio imposuit: graui exemplo monens ceteros, ne simili modo tentarent adolescentium pudicitiam: quando non solum absoluit, verumetiam coronauit eum, qui & imperatoris cognatum, & duce suum ferro necasset. Plu. in Rom. apoph.

Populie.

Populia Marci filia, miranti cuidam, ac dicenti, quid esset in causa, quod bestiae nunquam imiri cuperent nisi statis temporibus? respondit: Quia bestiae sunt voluptatis expertes. Bruso. lib. 4. cap. 1.

Anonymi.

Nero puerum Sporum exectis testibus in muliebrem naturam transfigurare conatus est. Addita dos, additum flammeum, addita celeberrima nuptiarum sollemnitas. Quid multis? palam pro vxore habuit. Hinc fertur cuiusdam non inscitus iocus: Bene agi potuisse cum rebus humanis, si Domitius Neronis pater talem habuisset vxorem. Sentiens, exitio totius orbis natum Neronem. Is nunquam fuisset natus, si pater Spori similem habuisset vice coniugis.

Huc refer titulos, de Intemperantia, Scortatione, Voluptate, &c.

De libr

De librorum fiducia & multitudine.

Socratis.

Socrates interrogatus, quare non scriberet libros: Quoniā, inquit, chartæ iis qui scripturi sunt, pluris essent emendæ. Socrates nihil scripsit in vita, iudicans librorum copiam officere studiosis sapientiæ. Erasmus libro 8. apoph.

Antisthenis.

Antisthenes Atheniensis philosophus, amico cuidā deploranti, quod commentarios suos perdidisset: Oportuit, inquit, ista animo potius quā chartis inscribere. Sensit vir prudentissimus, librorum fiduciam plerumque in causā esse, vt minus exerceamus memoriam. in tuto enim est, quod animo insculptum est: cætera pereunt facile. Laert. libr. 6. cap. 1. Brusonius libr. 3. capi. 31.

Oenipodis.

Oenipodes cum videret adolescentem multos libros conquerere, dixit: Non ciste, sed pectori. Sensit autem, non eruditos esse eos qui librorum copiam habent, sed qui ex libris omnia in memoriæ thesaurum reposuerunt. Antonius in Meliss. par. 1. serm. 50.

De licentia.

Laconis cuiusdam.

LAcon quidam quum venisset Athenas, vidissetque illic præcones qui muriam promitterent, qui obsonium, qui publicanos & leones, aliasque parum honestas functiones profiterentur, neque quicquam sibi turpe ducerent: vbi reuersus est in patriam, ciuibus percontantibus quomodo se res haberent Athenis? Omnia, inquit, honesta, per ironiam innuens, Athenis, omnia haberi honesta, turpe nihil. Argutia dicti est in ambiguo sermonis. Plutarchus in Laconicis apoph.

Ephorum.

Suprà tit. de Contumelia.

Agæfilai.

Agæsilas notans præposteram licentiam eorum qui Asiam incolebant, eius gentis corrupti moribus, dicere solebat: Inter illos qui improbi essent, eos esse liberos: contrā qui probi, eos esse seruos, quod ibi vitiis licerent omnia, virtus odio haberetur. Idem.

Catonis

Catonis senioris.

Cato senior studiose magistratum semper admonere solitus est, vt delinquentes in Repub. grauiter castigarent. Sentiens, nihil perpericius esse in Republica, quàm licentiam, quam adeò non ferendam in ciuitate putauit, vt iudicaret magistratum lapidandum, qui coercere posset, non tamen faceret. Plutarchus in Rom. apoph.

Neronis.

Infra de Tyrannide.

M. Antonini Veri.

M. Antoninus Verus, Romanorum imperator, dicebat, difficile esse, in maxima licentia moderari sibi, & cupiditatibus quasi frenos imponere. Herodianus lib. I.

Antonini Caracallæ.

Antonini Caracallæ nouerca, quum esset pulcherrima, veluti per imprudentiam corpus magna ex parte nudauit. Quumq; dixisset Caracalla: Vellè, si liceret: Si libet, inquit illa, licet: An nescis te Imperatorem esse, & leges dare, non accipere? Ea mulieris vox Caracallam imperatorem ad detestabile facinus pertraxit. Ex Aelio Spartiano.

Vide titulos, de Impunitate, Licentia nimia, & Pœnæ neglectu.

De lingua, garrulitate, & loquacitate nimia.

Thaletis.

THales Milesius dicere solitus est, Multa verba nequaquàm arguere hominem sapientem. Sapiens enim, nō nisi quum res postulauerit, loquetur, & paucis suam absoluet sententiam. Stultus autem, non habita vlla ratione loci, temporis, personarum, &c. sua loquacitate omnia effutiet. Meminit Eras. libr. 7. apoph. ex Laertio lib. I. cap. I.

Eiusdem.

Idem subinde admonere solitus erat, vt ita loquamur cum amicis, ne sermo nos in ius vocet. Quo docere voluit, cautè de absentibus etiam coram amicis loquendum esse, ne nos apud alios deferant, & nostra loquacitas vergat nobis in magnum malum. Laertius libro primo, cap. I.

Chilonis.

Chilon Lacedæmonius non committendum esse dicebat, vt lingua præcurreret animum. Admonens, prius cogitandum, quid

quid loquaris, quàm lingua prorumpat in verba. Nescit enim vox missa reuerti. Diogenes Laer. lib. primo, cap. 4.

Eiusdem aliter.

Idem dicebat, non committendum ut lingua præcurreret animum, admonens, prius cogitandum quid loquaris, quàm lingua prorumpat in verba, nescit enim vox missa reuerti. Cogitatio prior potest corrigi posteriore meliore, ut habet proverbiū: vox non item. Ibidem.

Eiusdem.

Idem præcipiebat, linguam cum aliis semper, tum præcipuè in conuiuio continendam, quòd illic cibus & potus inuit ad intemperantiam. Porro ubi plus est periculi, ibi maior est adhibenda cautio. Laert. lib. 1. cap. 4.

Eiusdem.

Idem à quodam interrogatus, quidnam apud homines omnium esset difficilimum? Retinere, inquit, ea quæ cupinius esse arcana. Quo dicto innuit, quanta hominum sit linguæ licentia, qui etiam ea quæ in cordibus recondita esse deberent, liberior loquendo effutiunt. Diogenes Laer. lib. 1. cap. 4.

Biantis.

Bias adolescente quodam intempestiuas nugas crebrò iactante, adeò ut neque modum esset habiturus, neq; finem: Quis factum est, inquit, ut à quo scatere verbis didicisti, silere non didiceris? Stobæus.

Bionis.

Bion cuidam immodicè loquaci, ut sibi subueniret oranti, respondit: Abundè tibi morem geram, si aduocatos miseris, nõ venias ipse. Laer. lib. 4. cap. 7.

Antisthenis.

Antisthenem, quoniam multa conscripserat volumina, Timon appellare solebat *πυροφυλάκτης*, id est, ingeniosum nugatorem. Non tamen dixit *ὀφθαλμὸς*, sed *πυροφυλῆς*, quòd ingenio ad quiduis versatili varia tractaret argumenta, & in his quædã digna philosopho. Laertius lib. 6. cap. 1.

Diogenis.

Diogenes à Platone petierat vini paululum, tunc & caricas. Plato misit lagenam. cui Cynicus hunc in modum gratias egit: Cum interrogaris quot sint duo & duo? respondes, viginti: ita nec secundum ea quæ rogaris das, nec ad ea quæ interrogaris respondes. Notauit Platonem ut immodicè loquacem, quod
idem

idem in illius scriptis notauit Aristoteles. Laer. lib. 6.

Anacharsidis.

Anacharsis interrogatus, quid esset in homine pessimum, & quid optimum? respondit, Lingua. Sentiens, idem membrum plurimam adferre vtilitatem, si recta ratione gubernetur: pestilentissimum esse, si secus. Laert. lib. 1. ca. 9. Bruf. lib. 3. cap. 25.

Heracliti.

Heraclitus Ephesus interrogatus aliquando, cur fileret? Vt vos, inquit, loquamini. Laertius lib. 9. cap. 1.

Zenonis.

Zeno philosophus adolescentulo plurima effutienti immoderatus quam par erat: Idcirco, inquit, aures habemus duas, & os vnum: vt plura audiamus, loquamur per pauca. Brufonius li. 3. cap. 25. ex Laert. lib. 7.

Eiusdem.

Idem Zeno audiens adolescentem plus satis loquentem in conuiuio, ait: Aures in linguam defluxere. Alludit aurem ad naturæ artificium, quæ hominibus duas aures fecit, linguam autem vnam tantum: vt disceret, plura quidem audienda esse, non autem temerè effutienda omnia. Laer. lib. 7. cap. 1. Bruf. lib. 3. capite 25. Maximus ser. 60.

Eiusdem.

Idem dicere solebat, satius esse labi pedibus, quam lingua, eoque conuiuia quantum poterat vitabat, quod ibi solutus vino, & aliorum fabulis prouocatus, facilius labi posset. Laertius libro 7. cap. 1.

Eiusdem.

Idem ad Aristonem discipulum multa temerè garrientem, quædam etiam præcipitanter confidenterque: Fieri, inquit, non potest, quin te pater ebrius profeminarit, oderat futilem loquacitatem, ipse in dictis tum brevis, tum grauis. Idem.

Democriti.

Democritus quum indoctum quendam verbis inanibus obstrepere diu tulisset: Ad blaterandum, inquit, satis mihi instructus videris, ad silendum verò impos. Stobæus.

Periclis.

Pericles Xanthippi filius, cum publicè dicturus prodiret, in primis se optare dicebat, ne insolens verbum excideret, quod populum, piæ suæ aures lædere posset, aut suæ etiam voluntati contrarium esset. Non ignorauit sanè vir prudentissimus ac eloquentissi

quentissimus,quàm labilis lubricaque sit lingua humana,quæ sæpenumero limites suos egressa,in multa rerum pericula hominem etiam nolentem rapit,ac in mortem quoque aliquando præcipitat. Aelian.lib.4.de Varia hist.

Theocriti.

Theocritus Chius cum veniret Byzantium,& verborū prodigos homines inueniret:Rectè(inquit)de vobis dicitur,quòd in ore omnis vobis supellex est,& vnicum domiciliū.Stobæus.

Eiusdem.

Idem,cum Anaximenes esset dicturus,ita præfatus est:Incipit verborum flumen,mentis gutta,significans,illū esse multiloquum,sed minimè sapientem.Stobæus.34.

Eiusdem.

Idem ineptum quendam poetam recitantem auscultans,& interrogatus ab eo,quænam ei placerent?respondit:Quæ omisisti.erat enim ingrata nimis prolixa illa loquacitas. Antonius in Melissa,par.1.ferm.50.

Xenocrati.

Xenocrates philosophus quum maledico sermoni quorundam summo silentio interesset,vno ex iis quærente,cur solus linguam suam cohiberet:Quia dixisse me aliquando poenituit,racuisse nunquam.Brufonius lib.3.cap.25.

Aristotelis.

Cum garrulus quispiam,vbi multa nugatus esset apud Aristotelem,tandem dixisset,Fortassis obstrepro tibi nugis meis:Non herclè,inquit:neque enim aduerti animū.Laert.lib.5.ca.1.

Eiusdem.

Idem Callisthenem adolescentem coram Alexandro multa indecenter & liberius loquentem,Homerico carmine castigauit,dicens:

Talia si loqueris,non multo tempore viues.

Laert.lib.5.cap.1.

Solonis.

Solon Salaminius quidam dicenti,illum ideo nō loqui,quia insanus esset:Nullus,inquit,stultus tacere potest.Nimia enim loquacitate stultitia hominum proditur.Brufonius lib.3.cap.25.

Theophrasti.

Theophrastus Eresius ad quendam, qui in conuiuio perpetuò filebat:Si indoctus & imprudens es,inquit,prudenter facis:sin doctus,imprudenter. Sic refert Laertius libro 5.cap. 2. Sed Plutarchus hunc in modum dixisse scribit:Si stultus es,rem facis

cis sapientem: fin sapiens, stultam. Est enim non minima sapientia pars, tegere silentio stultitiam.

Eiusdem.

Idem dicebat, potius esse fidendum effreni equo, quam verbo incomposito. Nemo non metuit infidere equo infreni, at plus est periculi à lingua effreni. Laer. lib. 5. cap. 2.

Menedemi.

Menedemus Eretrienſis quendam friuolis nugis obſtrepentem, rogauit num fundum haberet? vt is reſpondit, ſibi plurimas eſſe poſſeſſiones: Abi igitur, inquit, & illas cura, ne tibi eueniat, vt & illa perdas, & priuatum elegantem amittas. Notans, illum ad dicendum non eſſe idoneum, ſed magis ad agriculturam. Laertius lib. 2. cap. 18.

Demosthenis.

Demosthenes in conuiuio audiens hominem loquaculum: Si multum ſaperes, non multa loquereris. Stobæus.

Eiusdem.

Idem, quum ſciſcitaretur quidam, quæ cauſa eſſet vnus tantum linguæ, & geminarum aurium? Quoniam, reſpondit, duplo magis audire homini expedit, quàm loqui. Idem.

Agidis.

Peculiaris erat Lacedæmoniis verborum paucitas, vnde & ab ea regione breuiloquentia Laconiſmus dicitur. Quum igitur Abderitarum legatus apud Agidem multa locutus, vix tandem dicendi finem feciſſet, rogaretque quid ciuibus ſuis eſſet renunciaturus? Agis, Illud (inquit) renuncia, quantum temporis tibi fuit opus ad dicendum, tantum me ſilentē auდიſſe. Hoc dicto exprobrauit ſtolido oratori inanem loquacitatē, reſponſo indignam. Plutarch. in Lacon. apoph.

Laconum.

Lacones Creſiphontem eiecerunt, qui ſe profitebatur de re quauis totum diem poſſe dicere, dicentes: Boni oratoris eſſe, ſermonem habere rebus parem. Nulla in re iuſtius putarunt adhibendam frugalitatem, quàm in oratione, quam Heſiodus non aliter quàm precioſum theſaurum parcifſimè cenſet eſſe depromendam ad vſum, non ad oſtentionem. Plut. in Laconi cis apoph.

Eorundem.

Spartani Samiorum legatis prolixiore oratione vtentibus, dixerunt: Prima ſumus oblitī, poſtrema nō intelleximus, quia
prima

prima non meminimus. Quo dicto docuerant, nimiam loquacitatem vbique fugiendam esse. Idem.

Laboti.

Labotus cuidam apud ipsum prolixiore videnti sermone: Quid mihi, inquit, de re pusilla, longa tēsis proceritia? Quanta res est, tantam oportet & orationem esse, qua vteris. Est hoc omnibus Spartanis peculiare, offendi sermone causa quā postulat longiore: adeo nusquam non placebat frugalitas. Nam ad causam non magnam, adhibere superuacua verborum copiam, luxuria genus est. Hunc Labotum Herodotus Leobotan appellat, quod nobis sonat, populi pastorem. Idem.

Anonymi.

Lacon quidam, cum in lusciniā plumis reuulsis minimum reperisset carniū: Vox, inquit, tu es, præterea nihil. In eos dici potest, qui præter garrulam linguam ac magnifica verba nihil habent. Idem.

Anonymi.

Quidam, interrogatus de re quāpiam, respondit: Non. Verum ubi percontator dixisset illum mentiri: Non vides igitur, inquit Lacon, te stultum esse; qui scisciteris de his quæ noueris? Salse taxauit in illo vitium garrulitatis, qui de nihilo quæsierit fabulandi materiam. Plut. in Lacon.

Alius.

Alius, quum audiret rhetorem magnos sermonum circuitus connectentem: Per geminos, inquit, fortis sanè homo: qui quum nullum habeat argumentum, tamen egregie voluit linguam. Lacedæmoniis nulla placebat oratio, nisi brevis & vera, & ad rem seriam pertinens. Proinde ridiculum existimabat, quod orator in ficto themate tantam verborum copiam profunderet. Idem.

Charilli.

Charillus interroganti, quā ob causam Lycurgus tam paucas leges tulisset Lacedæmoniis? Quoniam, inquit, pauca loquentibus, paucis etiam legibus est opus. Sensit nimirum, pleraque mala ex multiloquio nasci. Laconibus autem peculiaris erat breuiloquentia. Plut. in Lacon. qui tamen eundem in Lycurgo Charilaum vocat.

Cleomenis.

Venerunt ad Cleomenem Samiorum oratores, hortaturi ut cum Polycrate tyranno bellum susciperet, id cum fecissent

R

orazione plus æquo prolixa, respondit in hunc modum: *Quæ* primo loco dixistis, non memini, & ob id ne media quidem intelligo: quæ verò dixistis omnium postrema, non probo. Admonet, multiloquiū non solum molestum esse auditori, verum etiam ad persuadendum inutile, præsertim apud principes; tum variis curis occupatos, tum auribus fastidiosos. Plut. in Laconicis apoph.

• *Eiusdem.*

Sophista quodam de fortitudine multa disserente, risit Cleomenes. At sophistæ dicenti: *Quid* rides Cleomenes, audiens de fortitudine disserentem, præsertim quum sis rex? *Quoniam*, inquit, ô amice, si hirundo de fortitudine loqueretur, idem facerem quod nunc facio: sin aquila, magno silentio auscultarem. Visum est ineptum, quenquam de fortitudine magnificis uti verbis; qui ipse nihil fortiter gessisset vnquam, nec aliud posset, quàm in hirundinis morem garrire. Idem.

Demadū.

Demades tibiis Athenienses comparare solebat: ex quibus si linguam detrahas, reliquum inutile erit. Maximus sermo, 60. Stobæus ser. 2. de Imprudentia.

Agidis.

Cum sophista quispiam apud Agidem dixisset, orationem esse rerum omnium præstantissimam, videlicet prædicans artem quam profitebatur: Ergo, inquit Agis, tu cum taces, nullius es precii. significans; multo præclarius esse res magnificas gerere, quàm habere linguam ad magnificè loquendum expeditam. Plut. in Lacon. apoph.

Eiusdem.

Perinthiorum orator in Lacedæmoniam missus, cum apud Agidem dixisset admodum prolixè: vbi perorasset, rogauit eum, *Quid* esset Perinthiis renunciandum? *Quid* aliud, inquit, nisi q̃ tu vix dicendi finem feceris, ego verò tacuerim. Idem.

Eiusdem.

Quum de Græcorum libertate quidam in medium adduxisset, magnifica quidem, sed factu perquam difficilia: *Tua*, inquit Agis senior, verba hospes opus habent viribus & pecunia. Perquam scitè declarans, frustra de his verba fieri, ad quæ perficienda non suppetit facultas. In consultationibus enim non solum spectandum est quid si factu pulcherrimum, sed quid fieri possit. Idem.

Eiusd

Eiusdem.

Agis Archidami filius, Abderitanorum legato, qui multa locutus, rogarat, Quidnam ciuibus suis renunciaturus esset? Te, inquit, mihi tacenti tantisper auditum fuisse, quantisper dicendo consumpsisti. Bruson. lib. 3. cap. 25. Simile ei, quod de Perinthiorum oratore paulo supra ex Plutarcho retulimus.

Anaxandride.

Cum Ephoris opportuna quidem, sed pluribus quam sat erat, quidem loqueretur, Anaxandridas: Hospes, inquit, re necessaria in non necessario vteris. Significas, quod per se rectum est & vtile, non egere prolixa oratione: quod ipsa causa bonitas facile seipsam commendat. Quod si vsquam locus est loquacitati, eam oportet ad inhonestas causas adhibere. Plut. in Laco.

Agésilai.

Cum rhetorem eo nomine apud Agésilauum Lacedæmoniorum regem laudasset quidam, quod res specie exiguas magno verborum ornatu amplificare posset: Ego, inquit rex, ne suturem quidem arbitror bonum, qui paruo pedi magnos calceos inducat. Quo innuit, inanem loquacitatem nullibi probandam esse. Idem.

Eiusdem.

Megarensi cuidam multa iuueniliter de sua ciuitate aduersus Agésilauum iactanti: Adolescens, inquit rex, tui sermones opus habent magnis viribus. Significans, indecenter cum magnifice loqui, cui vires non suppetunt orationi pares.

Demonactis.

Demonax audiens quendam imprudentius de rebus loquentem: Maiore, inquit, studio auribus quam lingua vtaris. Stob.

Antipatri.

Antipater de Demade oratore iam grandæuo dicere solebat, Demadis, vt immolata victimæ, nihil superesse præter linguam & ventrem. Nam venter ex hostia abiiciebatur, & lingua dabatur præconi. Ita senex orator, tantum loquebatur. Loquacitas enim crescit cum ætate. Tradunt autem, Demadem luxui & gulæ fuisse deditum, vnde & Phocionis reprehendit frugalitatem. Plut. in apop.

Epaminonda.

Epaminondas Thebanus Spartiatis, qui multis magnisque in rebus Thebanos accusauerant, per iocum: Hi nempe vos, inquit, a breuiloquio desistere coegerunt. Bruson. lib. 3. cap. 26.

Archelai.

Archelaus loquaci tonfori, dicenti, Quomodo te tondebo?
urbanè: Silens, inquit. Bruso, lib. 3. cap. 26.

Alexandri.

Alexander Macedo epistolam à matre missam, quæ occultas accusationes & calumnias in Antipatrum continebat, legens, Ephestionem quidem amicum simul, vti consueverat, eandem legere passus est, sed ea lecta, annulum ipse sibi digito detraxit, & ori illius sigillum, veluti reticentiae symbolum impresit, dicens: Contine hæc, & ne quid eorum effutias. Stob.

Eiusdem.

Idem Alexander quum silentium suorum maximoperè probaret: Quisquis, inquit, secretò commissum diuulgauerit, is certè aut nimium immodestus: & siquidem lucri studio id egerit, improbus rectè dicitur: aut si nulla spe quæstus allicitur, æquè profectò iniquus est. Stobæus.

Gnathæna.

Venerat ex Helleponto ad scortum Atticum Gnathænam, amator quidem, eius fama & nomine permotus. Cum itaque inter pocula plurima effutiret, & importunus esse videretur, respondens Gnathæna: Nunquid, inquit, te ex Helleponto venire dixisti? cùmque annuisset: Cur igitur, inquit, primariam inibi ciuitatem ignoras? Qui cum diceret: Quenam tandem est illa? Sigeum, respondit. Atque ita artificiosè hoc nomine, futilem eius loquacitatem coercuit. *1174* enim silentium & taciturnitas apud Græcos appellatur. Aelianus lib. 2. de Varia historia & Brusonius.

Catonis senioris.

Cato senior lurconi cuidam ambienti inter Catonis familiares recipi, negauit, dicens: Se cum eo non posse viuere, qui plus saperet palato, quàm corde. Eras. lib. 5. apoph.

Eiusdem.

M. Cato dicere solebat, eum nequaquam tacere posse, quem morbus loquendi teneret. Ea enim est linguæ licentia, vt semel limites suos egressa, vix intra septa contineri possit. Brusonius libro 3. capite 25.

Vulgi.

Iunium Bassum, hominem cum primis dicaem, vulgus asinum album appellabat, quòd feliciter esset stupidus ac ridiculus. Alba enim, veteres felicia vocabant. Eras. lib. 6. apoph.

Rhodij

Rhodij cuiusdam.

Rhodium quidem ministro Romani imperatoris multa vociferanti ferociter: Non curo, inquit, quid tu dicas, sed quid ille taceat. Loquacitas caret affectu, taciturnitas habet certiora consilia. Idem.

Pompeij.

Pompeius impatiens Tullianæ dicacitatis, inter amicos dicere solebat: Cupio ad hostes transeat Cicero, ut nos timeat. Notans illius ingenium, quo dicitur hostibus fuisse supplex, in amicos contumax. Hoc Pompeii dictum ita refert Quintilianus: Transi ad Cæsarem, & me timebis.

Ciceronis.

P. Sextius Ciceronem cum aliis aliquot ad causæ patriocinium adhibuerat. cumque ipse vellet omnia dicere, nec cuiquam dicendi locum daret, ubi iam conitaret illum a iudicibus absolendum, ferreturque sententia: Vtere, inquit, Tullius, hodie tempore, nam cras priuatus eris. notans hominem, quod in causa suo arbitratu solus egisset omnia. Eras. lib. 4. apoph.

Val. Homuli.

Valerius Homulus quum hospitio Pium Antoninum imperatorem exceperat, atque is interrogaret, unde propheticas columnas accepisset, quibus tam egregie domum suam ornasset? respondisse fertur: Cum in domum alienam perueneris, & mutus & surdus esto. Ostendens, nequaquam conuenire, ut aliter bonorum rationes intemptius quam deceat exigamus. Iulius Capitolinus, & Cuspinianus in Consulibus.

Alphonfi.

Alphonfus Aragonum rex, homines quos vanis sermonibus impleri, & penè distendi intueretur, modò vtres, modò vesicas vocitabat. Quemadmodum enim vtres & vesicæ infusis humoribus extenduntur, & tumescunt, donec humorem infusum respuant: sic homo loquaculus inflatur, donec audita garriendo effutit. Panor. lib. 4.

Hieron. Carbonis.

Loquaculus quidam Hieronymum aliquando Carbonem, suauissimi ingenii virum, obtundebat, atque cum ingentem iam verborum cumulum congerisset, petebat sibi ab eo ad singula responderi. verum cum ille siluisset diu, conuersus tandem ad astantes: Magnum, inquit, ranarum prouentum attulit. Pontanus.

Ennii Senensis.

Ennius Senensis, qui ecclesiæ Grositanæ præfuit, antequam Pontificatum accepisset, in Petrum de monte Licino, non incelebrem astronomum, cum podagra laboraret, incidit: atque ab eo, dum alterā post alterā fabulam recitasset, diu retentus, quū transeuntem notū quendam vidisset: Age, inquit, ō amice, ausculta hunc podagricum. Nam aures meæ audiendo ambæ obtusæ sunt. Notavit autem hominis vanam & nimium molestantem loquacitatem. Aeneas Syluius lib. 3. Commenta. de rebus gestis Alphonfi.

Aen. Sylui.

Aeneas Syluius dicere solebat, Sapientius esse agere, quàm fari. Nunquam enim, nisi cum necessitas postulat, sapiens loquitur: neque vana, nisi ponderata profert. Stulto autem nullum est tempus sermoni clausum: facileque verba iactitat, qui sine consideratione profatur. Syluius lib. 1. Commenta. de rebus gestis Alphonfi.

Vide titulos, de Garrulitate, Loquacitate,
Silentio, & Taciturnitate.

De lite & contentione.

Chilonis.

CHilonis Lacedæmonii tria præcepta aureis literis Delphis consecrata sunt: Nosce teipsum, Ne nimium cupias, & Aeris alieni atq; litis miseriam fac effugas. Brufo. li. 3. cap. 27.

Zenonis.

Zeno philosophus cum cæteris virtutis admiratoribus fortiter pronunciauit, non oportere malos viros cum probis contendere, cum diceret: Annón plorabit malus, si bono auerfabitur? Ergo nullum ius finit malum probo contradicere. Philo Iudæus lib. Quod omnis probus sit liber.

Alcibiadis.

Suprà titu. de Fuga excusata.

Litigare, contendere, aut ludere cum
potentioribus, periculosum.

Socratis.

SOcrates aiebat, Aut quàm rarissimè, aut quàm gratissimè cum proceribus conuiuandum esse. Non ignorauit enim vir sapientissimus, quàm cautè cum potentioribus agendum sit,

sit, ne horū potestas nos, qui longè inferiores sumus, opprimat.
Stob. serm. 1. de Prudentia: Phauorinus 16.

Demoſthenis.

Quum Demoſthenes multa maledicta faceret in Alexandrum, iam Thebis imminentem, Homericō versu ex Odyss. illum corripuit:

οὐρανὸν τίπτε ἰδὲ καὶ ἰγὺς ἰσχυρὸν αἰδέσθαι; id est,
Quur libet irisare virum miserande ferocem? Plutarchus.

Phauorini philosophi.

Phauorinus philosophus, Dionis auditor, cum quandoque in disputatione quadam Hadriano principi, cui infensissimus erat, cessisset, admirantibus aliis cur id faceret: Nōne cedam, inquit, ei qui viginti habeat legiones? Aelia de Var. histor. & Volat. lib. 16. Vrbānorum com. Brus. lib. 4.

Artaxerxes.

Artaxerxes Aclidæ Iapsoni multa in eum licenter dicenti, respondit: Licere quidem illi, quæ vellent in regem dicere: sibi verò non dicere tantum, sed etiam facere. Brus. lib. 4. cap. 4. Eras. lib. 5. apoph.

Alexandri Maced.

Dion in dialogo Philippi & Alexandri ait, Philippum ad Alexandrum dixisse: Atqui poetas bonos, ac graues rerū scriptores offendere non debemus, quòd de nobis dicendi, quæ volunt facultatem habent: Non omnem, inquit Alexander: nam Stesichoro, quòd de Helena mentiretur, non fuit vtile. Brus. lib. 4. cap. 4.

Eiusdem.

Alexandrum, quum leuitate & cursu plurimum præstaret, hortante patre Philippo in Olympiis vt curreret, recusauit, dicens: Facerem equidem mi pater perlibenter, si cum regibus currendum forer. Brus. lib. 3. cap. 33.

Phocionis.

Quum Alexander ab Atheniensibus posceret sibi triremes exhiberi, ac populus nominatim flagitaret adesse Phocionem, vt quid consuleret proferret: surgens, inquit: Consulo igitur, vt aut armis superetis eos, aut superantium amici sitis. Compensatio suauis, nihil Alexandro negandum, nisi considerent se ita posse armis opprimere. Quibus si ille videretur superior, non esse prouocandum animosum iuuenem, & repulse impatentissimum. Plut. in Græc. apoph.

Sylla.

Cn. Pompeium à victoria reuersum, Sylla cùm aliis honoribus exceperit, tum Magni cognomen ipse primus illi detulit. At cum Pompeius his non contentus, vellet triumphum agere, non passus est Sylla, eo quòd nondum esset ordinis senatorii. Caterum quum Pompeius iis qui aderant dixisset, ignorare Syllam, quòd plures adorarent solem orientem, quam occidentem: Sylla exclamauit, Triumphet. Horruit iuuenis animus, & in dies crescentem gloriam: nec dubitauit illi cedere, quem videbat nemini cedere posse. Plutar. in Rom. apoph.

C. Caesaris.

Quum Pompeius relicta Roma per fugisset ad mare, Metellus ærarii præfectus, Cæsari volenti illinc pecunias tollere, obstitit, & ærarium clausit. At Cæsar illi mortem minatus est. Ea vox quum Metellum reddidisset attonitum: Hoc, inquit, ò adolescens, dictu mihi difficilius fuit quam factu. Sentiens, se velutut possè quem vellet occidere, quum secum duceret armatas cohortes. Idem.

Pollionis.

Temporibus triumviralibus, quum Octavius, Lepidus & Antonius rerum potirentur, Augustus in Pollionem scripserat Fescenninos, ludibrii causa. Tum Pollio: At ego, inquit, taceo. non est enim facile in eum scribere, qui potest proscribere. Notans Augusti tyrannicam potentiam: nec ea libertate offensus est Augustus. Erasmius lib. 4. apoph. ex Suetonio & Brusonijs lib. 3. cap. 25.

De locatione in honorum distributione.

Anonymi.

Philosophus quidam priscus, sed *ἀνώνυμος*, huiusmodi sermone Arsinoes reginæ luctum compescuit: Quum Iupiter, inquit, inter daemones rerum faceret partitionem, luctus non aderat, sed distributione iam peracta venit. Huic agitur quum Iupiter aliquid honoris tribuere vellet, nec esset quod daret, quippe iam consumptis omnibus, tandem assignauit illi honorem qui mortuis impenditur, veluti lachrymas & mœrores. Quemadmodum igitur, inquit, ceteri daemones bene volunt iis a quibus coluntur, itidem & Luctus. Quòd si fuerit abs te contēptus, ò mulier, haudquaquam venturus est ad te: contra si

erā si diligenter abs te colatur honoribus illi designatis à Ioue, mœroribus ac lamentis, diliget te, semperque tibi suppeditabit aliquid earum rerum quibus abs te perpetuò possit honorari. Refert Plutar. in consolatione ad Apollonium.

Thaletis.

Thales Milesius interrogatus olim, quid esset in omni rerū natura maximum? respondit, Locus. capit enim omnia. Laerti. lib. 1. cap. 1.

Diogenis.

Diogenes obiurgatus, quòd intraret loca spurca, ac parum honesta: Et sol, inquit, subit latrinas, nec tamen inquinatur. Sensit, probum virum non fieri deteriorem ob loci infamiam. Laert. lib. 6.

Damonida.

Damonidas quum à chori magistro postremum in choro locum accepisset: Euge (inquit) chorage reperisti, quo pacto & hic locus, cum per se sit inhonoratus, fiat honorificus. Generosus adolescentis animus, qui fiducia sui nō metuit ne locus abiectionis esset dedecori: sed citius futurum arbitrabatur, ut per ipsum locus fieret honoratior. Id enim sæpenumero factum legimus, ut hominis virtus magistratui per se contempto & humili dignitatem conciliarit. Plut. in Lacon.

Agésilai.

Cum adhuc puer esset Agelilaus rex, & ageretur ludus solennis, quo pueritia tum exercebatur, atque is qui negotio præfectus erat, statuisset illum in loco parum honorifico: paruit quidem, tamen iam rex designatus, ac dixit: Bene sanè habet: ostendam enim, non locum viris, sed viros loco conciliare dignitatem. Nimirum ea vox declarabat in puero, miram animi celsitudinem cum pari moderatione coniunctam. Plutar. in Laco. Brus. lib. 3. cap. 6.

Aristippi.

Dionysius rex quum offensus esset ab Aristippo philosopho, hominem ad cœnam vocavit, & iussit cum in convivio infimum omnium accumbere. hic Aristippus nihil offensus: Hunc, inquit, locum ò rex, illustrare vis, ac honorificum reddere. significans, non locum reddere hominem viliorum, sed ex dignitate hominis honorem addi loco. Laertius lib. 2. cap. 8.

De lucro.

Thaletis.

Thales Milesius semper vetuit per iniuriâ ditescere. quod lucrum fraude partum, damnum sit, non lucrum. Laerti. lib. I. cap. I.

Chilonis.

Chilon Lacedæmonius dicere solebat, Damnum turpi lucro semper præferendum esse. Illud enim semel dolere, hoc autem semper. Iactura facta sarciri cōmodè potest, addita industria: fama autem mala ex lucro inhonesto profecta, nunquam apud bonos viros diluitur. Et sic lucrum scelere partum, damnum est, non lucrum. Laert. lib. I. cap. 4. Stob. serm. I. Antonius par. I. serm. 31. Melissæ.

Anonymi.

Pythagoricus quidam philosophus à sutore emerat calceamenta, non prompta pecunia. Paucis post diebus rediens ad tabernam, redditurus precium, audit sutorem defunctum esse. His auditis, nummos non inuita manu domum retulit, subinde manum concutiens, gestiēnsque veluti de lucro ex morte calceatoris sibi facto. Paulo post verò cum hunc animi affectum reprehendisset, redit ad tabernam, & ait sibi: Ille tibi viuit, tur redde quod debes. simulque per clostrum, qua se commissura laxauerat, nummos in tabernam immisit, pœnas à seipso exigens improbè cupiditatis, ne assuesceret aliena. Eras. lib. 6. apo.

Anonymi.

Quoniam ex annonæ caritate quidam ditescebant aulici, multum & hinc inuidiæ Neroni conflatum est. cum itaq; fortè accidisset, vt in publica fame diceretur Alexandrina nauis appulisse, iactatum est, illam aduexisse puluerem luctatoribus aulicis. Quo dicto simul notatum est, in Cæsare rerum scenicarum studium, & monopolia quorundam per Cæsaris fauorem publico damno lucrantium. Suetonius.

Vide tit. de fœnore & vsurâ.

De luctu.

Solonis.

Solon cum ex amicis quendam grauiter mœrentem videret, in arcem perduxit, hortatûsque est, vt per omnes subiectorum ædificiorum partes oculos circumferret. quod vt factum animaduertit: Cogita nunc tecum, inquit, quam multi luctus

luctus sub his tectis olim fuerint, hodiéq; versentur, insequē-
tibusque seculis sint habitaturi: & mitte mortalium incom-
moda, tanquam propria deslere. Qua consolatione demonstra-
uit: vrbes nihil esse aliud, quam humanarum cladum conseptra
miseranda. Valerius Max. lib. 7. cap. 2.

Eiusdem.

Idem aiebat, si in vnum locum cuncti mala sua contulissent,
futurum vt propria sua quisque deportare domum, quam ex
omni miseriarum aceruo vllam aliam portionem ferre mal-
lent. Quo colligebat, non oportere quenquam, quæ fortuito
patiatur, tãquam præcipuè & intolerabilis amaritudinis mala
iudicare. Idem.

Lucij sophista.

Herodes sophista vxoris Regillæ mortem luxit impoten-
tius, adeò vt picturas & ornamenta domus coloribus atraret,
velis pullis tegetet, ac lapide Lesbio obscuraret omnia: nam is
funestus ac niger est. Quodam igitur die cum Lucius, qui fru-
stra conatus fuerat Herodi persuadere, vt lugeret moderatius,
pueros videret in fonte ædibus vicino lauantes raphanides, ro-
gabat cui pararetur ea cœna? qui responderunt. Herodi. Tum
Lucius: Inuriam facit Regillæ, qui albis radiculis vescatur in
atra domo. Id vbi renunciatum est Herodi, amouit ab ædibus
funestam speciem, ne apud probos viros traduceretur. Philost.
in Sophist.

Sexti philosophi.

Dolorem ex prioris filia Panathenaidis obitu conceptum,
vt cunque lenierant Athenienses, intra urbem eam sepelientes,
& obitus diem ceu funestum ex anno sustollentes. Cæterum
cum Elpinicen alteram filia exanimem indecorè lugeret, pro-
iectus humi ac vociferans, Quas inferias tibi faciam filia? quid
tecum sepeliam? superueniens Sextus philosophus: Maximum,
inquit, munus dederis filia, si moderatè lugeas. Philostratus.

Demonactis.

Herodem sophistam immodicè lugentem Pollucis obitum
præmaturum, cum vellet illi currus & equos velut ascensuro
iungere, atque etiam cœnam apparare, adiit Demonax: En ti-
bi, inquit, a Polluce literas. exhilarato Herodi, & quid vellet
Pollux sciscitanti: Inculcat, inquit, te, quòd cuncteris ad ipsum
venire. significans, Pollucem ad ipsum non rediturum: sed rectè
parari currum, si vellet sequi defunctum. Eras. lib. 8. apoph.

Quirini

Quirini sophistæ.

Quirinus sophista amicis de morte filii cōsolantibus: Quando, inquit, potius apparebo vir, quàm nunc? Sentiens, dolorem quidem esse acerbum, sed hoc fortitudinis laudem fore splendidiorem. Philostratus.

Laconis.

Hominem Laconicum, sed ruri agentem, quidam obiurgauit, quòd prorsus stueti & lachrymis ex intimis visceribus manantibus indulgeret. At is liberè, reiecto quæ animi dissimulatione, respondit: Quid facerem, inquiens: non enim ego, sed natura mea mihi luctum excutit. Aelianus lib. 9. de Varia hist.

Amasidis.

Amasis ad quendam filio priuatum dixit: Si non tristatus es, quum nondum filius esset, ne nunc quidem dolere debes, cum non amplius est. Stobæus ser. 121.

Demonactis.

Demonax quendam filii mortem inconsolabiliter lugentē, & in tenebris abditum, adiit, certò promittens se filii vmbra ab inferis reuocaturum, si tres ex hominum numero sibi nominare posset, qui nullius luxissent obitum. Quumque is cogitationem per omnes notos circumferens, ne vnum quidem reperisset luctus expertem: Quid igitur, inquit, te ipsum discredas homo, quasi nouum aliquid acciderit: Eras. lib. 8. apoph.

Antonij.

Suprà de Affectibus humanis.

Vide plura infra, de Morte generosa non deslenda.

De lusibus.

Socratis.

Socrates, qui Delphico oraculo sapientissimus Græcorum iudicatus est, cum luderet supposita cruribus arundine, cum pueris, ab Alcibiade irrisus: Noli, inquit Socrates, cuiquam dicere, quod modò à me videris, donec ipse tibi etiam liberos procreaueris. Sensit Socrates, paternum in filios suos affectum, quocò ductus est, vt cum filius ludere nequaquam erubuerit, vir alioqui sapientissimus. Brusonius libro 3. capite 38. Verùm alii hoc Agesilao adscribunt.

Demonactis.

Senex quidam Romanus, bene robusto corpore, qui armatus sese ad palum exercuerat, rogauit Demonactem, num ma-

gna vehementia videretur depugnasse: Nimirum, inquit, aduersus hostem ligneum. Innuens, illum in vera pugna fore meticulosum. Eras. lib. 8. apo.

C. Caesaris.

Cæsar pila ludens cum Cæcilio, acceptis ab eo quinquaginta sestertiis, cum collusoribus aliis cætum dedisset: Quid, inquit, num ego vna tantum manu lusi? Bruson. lib. 3. cap. 38.

Caligula.

Caligula aleam ludens, plus mendacio, atque etiam periurio lucrabatur, & quodam tempore proximo collusori demandata vice sua, progressus in atrium domus, cum prætereuntes duos equites Romanos locupletes, sine mora corripere confiscarique iussisset, exultabundus in domum rediit, glorians se nunquam prosperiore alea usum. Eras. lib. 6. apoph.

De lusu honesto, vide præterea titulum de Recreatione: de inhonesto verò, titulum de Alea.

De Luxuria, luxu & voluptate.

Pythagora.

Pythagoras aiebat, in ciuitates primùm irrepsisse delicias, mox saturitatem, deinde violentiam, postremò exitium. Laertius libro 7. capite 1.

Aristippi.

Cum quidam Aristippum vidisset e mentem perdicem quinquaginta drachmis, & ob id philosophicum luxum improbarer: Tu, respondit Aristippus, si obolo venalis esset, non emereres. Quum is respondisset, se emprurum: Et mihi, inquit, tanti sunt quinquaginta drachmæ. Laer. lib. 2. cap. 8.

Eiusdem.

Quum quidam illi probo darent, quòd splèdidè exquisitèq; vineret philosophus: Id, inquit, si vitium esset, in celebritatibus deorum nequaquam fieret. In his enim & magnificè vestiri, & lautissimo ciborum apparatu solent uti. Porro cum dii sint insensibili vitiiis, non placarentur, sed irritarentur eiusmodi magnificentia, si ea cum vitio esset coniuncta. Sic ille quidem eluit cõuicium, non ostendit quid esset optimum. Idem.

Eiusdem.

Quum aliquando adiret scortum Aristippus, sensit quendã ex adolescentulis qui aderant erubescere, quasi turpe esset, philosophum ingredi fornicem, ad hunc versus: Huc, inquit, ingredi, tur

di, turpe non est adolescens: sed egredi non posse, turpe. Sensit ignoscendum, si quis moderatè utatur licita venere: non ignoscendum, si quis addictus voluptati seruiat. Hoc dictum illo seculo probari poterat, quo nulla lex vetabat cum scorto cōgredi: nunc præter argutiam nihil habet laudabile. Laertius libro 2. capite octauo.

Zenonis.

Zeno Cittieus cum audiret quendam luxuriam suam sic eoram bonis viris excusantem, ut diceret, se ex eo quod superfluum sibi esset, sumptum facere, argutissimè respondit: Age dic, dares etiam veniam coquo tuo, si cum obsonia plus æquo salsa daret, diceret sibi copiam salis esse? Sensit vir prudentissimus, nequaquam ex multa rerum copia victum moderandum esse, sed ex necessitate naturæ, quæ paucis contenta esse solet. Laert. libr. 7. cap. 1. Maximus ser. 61.

Archita.

Architas Tarentinus nullam pestem in mundo capitaliorem esse dicebat, quam corporis voluptatem. Hinc enim patriæ prodiciones, hinc rerum publicarum euersiones, hinc cum hostibus clandestina colloquia nascuntur. Nullum denique scelus, nullum magnum facinus est, ad quod suscipiendum non libido voluptatis impellat. Stupra verò & adulteria, & omne flagitium, nullis aliis illecebris excitantur, nisi voluptate. Cicero in Catone maiore.

Cratesis.

Crates Thebanus quendam deliciis luxuique deditum, ita per iocum admonuit. Ne pro lenticula semper augens patinam, in seditionem nos coniicias. Sentiens, è luxu cupediisque plerunque nasci dissidia. Lenticula philosopho cibus est. *Antas* carnes habet, & in diuitum mensis circumfertur. Laert. lib. 6. cap. 5. Brusonius lib. 3. cap. 1.

Eiusdem.

Idem conspicatus adolescentulum athleticum, vino, carne & exercitatione corpulentior fieri: O miser, inquit, desine aduersus te metipsum carcerem munire. Maximus monachus serm. 27.

Antisthenis.

Antisthenes, quodam prædicante deliciis: Hostium, inquit, filiis contingat in deliciis viuere: ut rem pestilentem detestans: quod plerique pro summo bono amplectuntur. Laert. lib. 6. cap. 1.

Diogenis

Diogenis.

Diogenes inuiferat Lacedæmonem: inde Athenas reuersum quidam percontabantur, vt fit, Quò iret, & vnde veniret? A viris, inquit, ad fœminas. notans Athenienſium deliciis effœminatos mores, quum Lacedæmonii durè inſtituerentur. Laertius libr. 6.

Eiusdem.

Idem quum videret mulierem in lectica, dixit: Caueam non conuenire feræ. notans, tam efferum ac noxium animal ferrea cauea coercendum. Lectica verò ſellæ geaus eſt cancellatæ, vt aliquam caueæ ſpeciem præbeat: in hac diuites ac delicatæ ſedere, atque etiam geſtari ſolent. Laer. libr. 6.

Eiusdem.

Idem videns delicatum quendam hominem à ſeruo calceari: Nondum, inquit, ſit beatus es, niſi te etiam abſtergeat. id aut̃ erit, ſi mancus fueris. Laert. libr. 6.

Eiusdem.

Luxurioſum quempiam in diuerſorio conſpiciens, veſcētē oleis: Si ſic prandiſſes, inquit, non ita cœnareſ. ſentiens, non eſſe frugalitatis, quòd cœnaret oleas: ſed quòd ſtomachus nimis lauto prandio grauatus, nihil appeteret in cœna. Nam tenue prandium optimè condit cœnam. Laert. libr. 6.

Eiusdem.

Idem, ad eum qui obſoniis ac luxui plus æquo indulgebat, illud Homericum accomodabat:

ἀνθρώποις ὅς ποί τινος ἰαίῃας. id eſt,

Nate mihi fueris brevis æui. ſignificans, illum ſibi luxu mortem acceleraturum. Laertius libr. 6.

Eiusdem.

Idem, eos qui per luxum in coquos, nepotes, ſcorta & adulatores facultates ſuas proſunderēt, ſimiles dicebat arboribus per præcipitia naſcentibus, quarum fructus homo nō guſtaret, ſed à coruis & vulturibus ederentur. ſentiens, eos qui gulæ ventriq; ſeruiunt, non eſſe homines. Ibidem.

Eiusdem.

Infrà de Prodigalitate, profuſione & largitione.

Eiusdem.

Idem de ſtomachabatur in eos, qui pro bona valetudine diis munera offerrent, & in ipſo ſacro omnibus voluptatibus ſe obruentes perderent. Laertius libr. 6. Bruſonius libr. 3. cap. 1.

Eiusdem.

Eiusdem.

Dicebat præterea, se non parum mirari seruos, qui cum viderent dominos plus æquo voraces, nō illis eriperent cibos. Nam hoc esse, dominorum valetudini consulere. Ibidem.

Eiusdem.

Idem aiebat, faciles esse deos ad donandam hominibus vitā, cæterum hanc ignorari ab his qui quærunt dulciaria, vnguenta, aliasque hoc genus delicias. His enim qui fruuntur, credunt se viuere: quum veram vitam, tranquillam ac suauem, sola præstet sapientia. Non igitur dii sunt incusandi, sed homines, qui per stultitiam nō postulant ab illis vitam, sed voluptates. Laer. lib. 6.

Eiusdem.

Qui scopum non attingunt, hi vulgo ἀτυχῆν, id est, frustrari dicuntur. At Diogenes negauit illos frustrari, qui aberrarent à scopo: sed eos, qui curas suas ad voluptatem velut ad scopum dirigerent. Nam ab his petunt beatitudinem, cum per eas deueniant in summam miseriam. Laert. lib. 6.

Eiusdem.

Idem dicere solebat, in quibus ædibus magna esset ciborum copia, in iisdem multos mures esse & feles solere: sic ea corpora quæ multum cibi caperent, multos morbos contrahere solere. Maximus monachus ser. 27.

Heracleti.

Heraclitus philosophus in seditione rogatus, vt apud populum sententiam diceret, quo pacto ciuitas redigi posset in concordiam: consensu suggestu, poposcit calicem aquæ frigidæ, & paululum farinæ insperxit, mox de glechone admiscuit: id est vel pulegii syluestris, vel leguminis genus. Dein epoto calice, discessit, nec verbum addidit, hoc pacto innuens, ita demum ciuitatem carituram seditionibus, si repudiatis deliciis, assuescerent paruo contenti esse. Et hic Heraclitus suo respondit nomini. Nam *σκιερός* dictus est, id est tenebricosus. Referatur & hoc inter ἀφῶρα apoph. Eras. lib. 8. apoph.

Empedocli.

Suprà de Grauius dictis.

Socratis.

Socrates dicebat, eos qui se ad continentiam ac frugalitatem exercuissent, & longè plus habere voluptatis, ac minus dolorum, quam qui summa cura yndique pararent oblectamenta: quòd

quodd voluptates intemperantium præter animi sibi malè conficii cruciatum, præter infamiam ac paupertatem, frequenter ipsi etiam corpori plus adferant molestiæ, quàm delectationis. Contrà quæ sunt optima, eadem sunt iucundissima, si quis assueverit. Laer. lib. 2. cap. 5.

Eiusdem.

Suprà de Lauticiis.

Eiusdem

Socrates aiebat esse turpe, si quis sua sponte seruiens voluptatibus, talem se faceret, quales nemo domi suæ vellet habere seruos. Talibus autem nullam salutis spem reliquam esse, nisi si pro eis deos comprecarentur alii, ut bonos dominos nancisci possent, quando prorsus decretum esset seruire. Existimabat autem, nullos foediorum miserioresque seruire seruitutem, quàm qui & animo & corpore seruirent voluptatibus. Laertius lib. 2. cap. 5.

Eiusdem.

Idem eo die quo bibiturus esset venenum, quum detractis compedibus ex frictu sensisset voluptatem, dicebat amicis: Quam mirè hoc natura comparatum est, ut hæ duæ res sese inuicem comittentur, voluptas ac dolor. nisi enim præcessisset molestia, non sentirem hanc voluptatem. Laert. lib. 1.

Eiusdem.

Idem admonebat, voluptates non aliter quàm Sirenas esse prætereundas ei, qui properat ut virtutem veluti patriam conspiciat. Allusit ad Vlyssæm, qui cera obturatis auribus præternauigauit Sirenas, ut Ithacæ fumum subsilientem cerneret. Idem.

Eiusdem.

Dicebat etiam, multos in hoc viuere ut ederent biberentque, se contrà ob id edere ac bibere ut viveret: quod his rebus non ad voluptatem, sed ad naturæ necessitatem vteretur. Hanc sententiam retulit Satyricus:

Non vinas ut edas, sed edas ut vivere possis.

Eras. lib. 3. apoph.

Platonis.

Plato ille sapiens, generosum conspicatus adolescentulum, patrimonio consumpto ad fores pandochii panem edentem, & aquam bibentem: Si, inquit, sic moderatè prandisses, nunquam sic cœnares. Maximus ser. 61.

Eiusdem.

Plato, filius Aristonis, cum videret Agrigentinos magnis impensis ædificare, eodémque modo cœnare: Agrigentini inquit, ædificent quasi semper victuri, & comedunt quasi semper morituri. Dicit autem Timæus, eos lecythis argenteis & strigilibus vfos esse, menses totas eburneas habuisse. Aelianus lib. 12. de Varia historia.

Aristotelis.

Aristoteles Stagirita semper admonebat, ut voluptates contemplermur non venientes, sed abeuntes: hoc est, non à fronte, sed à tergo. Venientes enim fucata specie blandiuntur, abeuntes autem penitentiam ac dolorem relinquunt. Laert. lib. 5. cap. 1.

Aristippi.

Sophista Polyænus ingressus ædes Aristippi, quum videret illic mulieres pulchrè ornatas, ac magnificè instructum conuiuium, cœpit reprehendere tantum in philosopho luxum. Aristippus dissimulata obiurgatione, aliquanto post: Potésne, inquit, hodie nobiscum esse? Cum ille non recusasset: Quid igitur, inquit, incusas? Videris enim non lautio rem mensam reprehendere, sed impendiū, Nam si conuiuium ob hoc ipsum displicuisset quod esset lautius, recusasset esse conuiua. Porro probare quidem apparatus, sed offendi sumptu, non frugalis, sed avari hominis esse videtur. Laert. lib. 2. cap. 8.

Menedemi.

Menedemus Eretrien sis Antigono consulenti, deberétne ad comessionem quandam adire: post silentium nihil aliud respondit, quàm, Regis filius es. Subindicans, luxum indecorum esse regno natis: aut, potentibus licere quod libet. Laert. libro 2. capite 18.

Dionysij sophiste.

Dionysius sophista familiaribus dicere consuevit: mel summo digito, non caua manu gustandum esse. Sentiens, voluptates quàm parcissimè admittendas. Philostratus in sophista.

Arcesilai.

Arcesilaus Scythæ percontanti quid fieret, ut ab aliis sectis multi deficerent ad Epicureos, ab Epicureis nulli desciscerent ad alios: Quoniam, inquit, ex viris galli fiunt, ex gallis viri nequaquam. Sentiens, homines esse prouiores ad voluptatem, quàm ad virtutem. Gallos dixit, sacerdotes Cybelis euiratos. Porro voluptatem amplecti, fœminarum est potius quàm virorum. Laert. lib. 4. cap. 6.

Iſei ſophiſta.

Iſeus ſophiſta Aſſyrius, quum primùm ætatem dicaffer voluptatibus, ſimul ut ad virilem peruenit, veluti alius ſubito factus, miram induit morum ſeueritatem. Itaque percontanti cuidam, Num illa (fœminam oftendens) videretur formoſa? *πικρανται*, inquit, *ὁφθαλμοῖς*, id eſt, deſu laborare ab oculis. Ab altero quoſiam interrogatus, quis piſcis, aut quæ auis eſſet ad veſcendum ſuauiſſima? *πικρανται*, inquit, *ταῦτα σπιδάſιν*, id eſt, iſta curare deſu. Et adiecit, *ἔλυναι γὰρ τοὺς ταντάλας καὶ τρυγᾶν*, id eſt, ſenſi enim me è Tantalii hortis fructus colligere. Subindicās, omnes eiufmodi voluptates, quibus iuuentus capitur, nihil aliud eſſe quàm umbras ac ſomnia, qualia de Tantalolo fabulantur poetæ. Philoſtratus.

Polæmonis.

Polæmon ſophiſta occurrens alii ſophiſtæ cuidam, inſeſtina, mænides piſces & alia quædam vilia portanti obſonia: Q vir egregiè, inquit, nō poteſt Darii & Xerxis animum rectè actione exprimere, qui talibus vitur cibis. Idem.

Theocriti.

Theocritus Chius, poſteaquam Diocli lurconi periſſet vxor, & in funebri cœna, quam illi parabat, nihilo ſecius obſonia voraret, flens interim: Deſine miſer, inquit, nihil profeceris, obſoniis indulgens. Sentiens, illi ſemper flendi fore materiam, ſi pergeret deliciari. Olim veſci piſcibus pro deliciis habebatur, & infami vocabulo dicebantur opſophagi. Nunc ea res magna eſt ſanctimonia. Eraſ. 6. apoph.

Stratonici.

Stratonicus muſicus clariffimus, Rhodios quum videret deliciis diſſolutos, & calido potu vtentes, appellauit albos Cyrenæos, & ciuitatem illorum appellauit procorum ciuitatem, quod colore quidem differrent à Cyrenæis, qui nigri ſunt, luxu & voluptatum ſtultio ſimiles. Sic hodie quidem appellant albos Mauros. Athenæus.

Eiuſdem.

Idem quum Rhodi ageret, taxans eius generis luxum deliciasque, dicebat illos ædificare perinde quaſi eſſent immortales, obſonare quaſi breue tempus victuros. Auidius enim fruimur his, quæ breui ſcimus auferenda. Eraſ. 6. apoph.

Eiuſdem.

Idem quum in Maronia potaret cum quibuſdam, dicebat

se posse scire ad quem locum spectaret ciuitatis, si recta facie ipsum ducerent. Quum duxissent, rogassentq; quò spectaret: Ad cauponam, inquit. Sentiens, totam ciuitatem nihil aliud esse quàm cauponam. Itaque quocunque verteretur tectis oculis, sciebat se spectare cauponam. Maronia porrò Ciconum ciuitas est, negotiationi dedita. Eras. lib. 6. apoph.

Philoxeni.

Philoxenus, homo voluptatibus omnibus deditus, cum in caupona ollam vidisset, in qua deliciae coquebatur: odore captus, iussit filium ollam emere. Qui cum diceret, cauponam eam ollam magno precio vendere: Hoc suauior, respondit, & iucundior erit, quo maiori precio eam emero. Aelianus lib. 10. de Varia historia.

Eiusdem.

Philoxenus Erixius, collum longius sibi quàm gruibus fieri exoptabat, vt in gustu magis oblectaretur. Aristot. in Ethicis, & Bruso. lib. 3. cap. 2.

Alexidis.

Alexis poeta Callimedontem rhetorem, vt deliciis deditum, taxauit his versibus,

ὦ πάτερ ὡς γὰρ πᾶς τις ἀποθνήσκει βίῃ.

ὦ πάτερ διὰ μέγας καλλιμέδων δ' ἀράκετο.

Pro patria vel quilibet velut mori.

At metra amore Callimedon solus cupit.

Perit Latinis ioci gratia, nam *πάτερ* patriam significat: *μέγας* non matrem, sed vuluam aut piscem sonat. Pisces olim erant in deliciis. Eras. lib. 6. apoph.

Ischomachi.

Ischomachus mimus cum primis celebris, medico percontante rusticum, qui ob ingurgitationem malè habebat, num ad vomitum coenasset? Nequaquam, inquit, sed in ventrem, locus Græcis festiuor, quod *έρ* sonat pariter & in, & vsque ad, *έρ, ήμιτον, έρ νοιλιαν*, Eras. lib. 6. apoph.

Gorgones.

Gorgone Cleomenis, quum pater aliquando mandasset, vt cuidam mercedis nomine daret frumentum, & elogium addidisset, Docuit enim me vinum reddere suauius: Ergo, inquit, & pater, & vini plus bibetur: & qui bibent, deliciaiores, deterioresque reddentur. Quis satis prædicet hanc puellam, & sene & a. viro

viro feueriorem? Atqui solet hic sexus maximè capi rebus suis. Plut. in apoph. Lacænarum.

Eudamidis.

Quum quispiam prædicaret laudes vrbis Athenarum: Quis (inquit Eudamides) eam ciuitatem meritò laudet, quam nemo dilexit factus seipso melior? Non iudicauit eam vrbem esse dignam vlla laude, quæ sic esset corrupta deliciis ac vitiis, vt nullus in ea libenter viuens euaderet melior, sed deteriores omnes, tacitè præferens Spartam Athenis, in qua qui vixisset, efficeretur melior. Plut. in Laco. apoph.

Lycurgi.

Lycurgus rex cum statuisset inuadere delicias, luxumque, & in his quoque tollere diuitiarum admirationem, instituit syssitia, hoc est, conuiuia publica. Percontanti verò, cur ea constituisset, sic vt in singulis conuiujs pauci cum armis discumberent: Vt, inquit, expediti sint ad parendum imperatîs, & si quid tumultus inciderit, penes paucos sit delictum, sitque inter omnes potus ac cibi æqua portio: denique non solum in esculentis ac poculentis, verum ne in stratu quidem, aut vasis, aut alia re quacunque plus haberet diues quam pauper. His rationibus quum diuitiis detraxisset admirationem, posteaquam nemo erat, qui vel vti posset illis, vel ostentare, dicebat amicis: Quam præclarum est, ô amici, ipsa re declarasse cuiusmodi sint diuitiæ, si quando cæcæ sunt, caréntque spectatoriibus & admiratoriibus. Interim obseruabat, ne quis prius domi sumpta cœna veniret ad publica conuiuia, expletus alijs cibis, alioue potu. Quod si quis cum cæteris non biberet, ederetur, eum vituperabant, vt qui alijs edulijs delinitus, abhorreret à victu communi. Porro qui palam conuictus esset id fecisse, ei mulcta dicebatur. Vnde Agis, qui multo post Lycurgum tempore rex fuit, debellatis Atheniensibus domum reuersus, cum vellet vnum diem cœnam capere cum vxore, missus à syssitijs poscenti, præfecti militiæ non miserunt. Ea res cum postero die innotuisset Ephoris, mulctam illi dixerunt. In eodem facto geminum exemplum nobis est proditum: primum frugalitatis, deinde feueritatis, cum in causa non graui leges nec regi pepercerint. Plut. in Laco.

Eiusdem.

Idem Lycurgus Lacedæmoniorum legislator, omnem vnguentorum usum è medio sustulit: non ob id tantum, quod

oleum odoribus viciatum nullum haberet vsum, sed vt omne luxum reipub. perniciosum esse ostenderet. Plut. in Lacon.

Eiusdem.

Submouit præterea tingendi artificium, veluti sensus adulationem. Etenim dum color blanditur oculis, natura rei corrumpitur. In summa, cunctis ornandorum lenocinio corporum artificibus Spartana vrbe interdixit, vt qui malis artibus bonas artes corrumpere: propterea quod huiusmodi deliciis ciues à salubribus ac seriis exercitiamentis auocarentur. Plut.

Agefilai.

Sciscitante quodam ab Agefilao, Quid Sparta fructus attulissent Lycurgi leges? Voluptatum, inquit, contemptum. videlicet indicans, non alia magis ex re nasci reipub. corruptelam, quam ex deliciis. Plut. in Lacon.

Eiusdem.

Idem quum audiret quendam mirari, cur rex cum cæteris Lacedæmoniiis tam frugali cibo vestituque vteretur? Pro hac frugalitate, inquit, opimam messem metimus, libertatē. Quo dicto ostendere voluit, nihil æquè libertati contrarium esse, ac voluptatem. Plut. in Lacon. apoph.

Eiusdem.

Idem quum in Asia domus contignationem ex quadratis trabibus factam aspexisset, ædium herum rogauit, num apud illos quadrata n. scerentur ligna? eo negante, sed rotunda dicente: Quid igitur, inquit, si quadrata essent, rotunda faceretur? Notauit autem luxum, & preciosam illam in ædificandis adibus solertiam. Bruso. lib. 3. ex Lacon. Plut.

Eiusdem.

Thasiorum gens cum Agefilao Lacedæmoniorum regi cum exercitu per eorum agros proficiscenti, honoris gratia mitterent farinas, anseres, bellaria, liba ex melle condita, & omnis generis alia maximi precii tum esculenta tum poculenta: præter farinas nihil accepit, sed reliqua domum referri iussit, vt inter Helotes & mancipia distribuerentur. Sciscitantibus autem, cur id faceret respondit: Non decere, qui virtutis studio tenerentur, id genus delicias recipere. Sapienter ostendens, nihil seruius & abiectius esse, quam gulæ ventrisque voluptatibus obnoxium viuere. Plut. in apoph. Lacon.

Lysimachi.

Suprà de Fame & siti.

Lysan

Lysandri.

Lysander Lacedæmonius cum filiabus suis non permitteret, ut vestes à Dionysio datas induerent: interrogatus, Quam ob rem hoc faceret? Ne, inquit, luxuria conspicuæ, turpiores videantur, quàm fuerunt antea. Brus. lib. 3. cap. 33.

Epaminonda.

Epaminondas à quodam ad cœnam inuitatus, quum bellariorum, obsoniorum & vnguentorum apparatus inuenisset, euestigio abiit, dicens, Ego te sacrificare, nō lasciuiare putabam. Bruson. lib. 2. cap. 2.

Eiusdem.

Idem quum coquus impensæ rationem collegis redderet, maximum olei sumptum duntaxat ægrè tulit: sed collegis admirantibus, impensam quidem sibi non displicere, dixit, sed quod tātum olei intra corpus ipse accepisset. Damnauit autem luxuriam in nullo magis, quàm in semetipso: quem adeo prodigum olei fuisse in vñctione corporis fatebatur, ut hæc in re omnes faciliè superarit. Brus. lib. 3. cap. 1.

Cyri.

Quum Persæ, quoniam regionem habebant montuosam asperamque, cuperent eam campestri ac molliorē commutare, non passus est Cyrus, dicens: Quemadmodum plantæ ac semina: sic hominum mores ad regionis habitum immutari. Sentiens, se velle duros homines & laboribus accommodos. Nam mollis ac fertilis regio, molles & ignauos gignit homines. Plus in reg. apoph.

Corydi.

Corydus parasitus, quum apud Ptolemæum mattya, cibi laudatissimi genus circumferretur, sed apud Corydum semper deficeret: Vtrum, inquit, Ptolemæe sum ebrius, an video, mihi videre ista circumferri? Admonens, se nihil aliud quàm spectatorem esse mattyæ. Ebrius autem videntur omnia versari in gyrum. Eras. lib. 6. apoph.

Xerxi.

Xerxes iratus Babylonis, quod à se defecissent, posteaquam illos in potestatem suam redegerat, interdixit ne ferrent arma, sed psalteriis tibiisque canerent, scorta alerent, cauponas haberent, ac sinuosis tunicis vterentur: quo voluptatibus, euirati, non molirentur denuò defectionem. Plutarchus in regum apoph.

Demetrii Phal.

Demetrius Phalereus cum vidisset iuuenem luxuriosum, Ecce, inquit, quadratam statuzam, habentem syrma, ventrem, pudenda, & barbam. Brus. lib. 3. cap. 33.

Alexandri regii.

Alexander Macedonum rex, Darii regiam ingressus, quum vidisset sublime cubiculum, & in eo stratum, mensas, ceteraq; omnia mirifico ornatu instructa: Hocce, inquit, erat imperaret? Sentiens, non esse regium, huiusmodi deliciis indulgere. Plut. in Alexand. vita.

Eiusdem.

Idem lectum ingressus, exculsis accuratè palliis, dicere solebat: Num quid hic delicatum aut superfluum mater addidit? Adeò abhorrebat à muliebribus deliciis. Ibidem.

Bruti.

Brutus quum balneas patrimoniūque omne penè vendidisset, pecuniāque luxuriosè dilapidasset, diceretque, sine causa se sudare: Crassus orator respondit, Non mirum est (inquit) quòd ita sudas, modò enim existi de balneis. Notauit autem hominis luxum, qui in causa erat, vt balneum & alia diuendere coactus esset. Brus. lib. 3. cap. 33.

Crassi.

Crassus orator, in causa contra Brutum, quum eius ingluuiem vellet taxare, efferreturque anus lunia, festinè inquit: Brute quid sedes? quid illam anum patri tuo nunciari vis? Brus. lib. 3. cap. 33.

Scip. minoris.

Scipio Minor cum non ignoraret luxuria & voluptatibus militum enervari vires, omnem luxum & voluptatem è castris suis amoueri iussit, voluitque, vt milites stantes cœnarent obsonium, non igni coctum. Plut. in Rom. apoph.

Eiusdem.

Idem, qui postea Aemylianus dictus est, censor declaratus, cum accepisset iuuenem quendam placentam ex melle in vrbis similitudinem compactam, Carthaginēque nuncupatam, conuiuis diripiendam dedisse, equo priuauit. rogatus autem, cur militem equo indignum iudicaret: Quia, inquit, me prior Carthaginem diripuit. Quo dicto, militem damnavit ignaum, qui gula deditus, cum placentis potius melle conditus,

ditis,quàm contra hostes pugnaces,bellum suscipiebat.Bruso.
lib.3.cap.1.

Eiusdem.

Idem quum Memmii cuiusdam tribuni militum iumenta interceptisset,vasculis lapideis refrigerando vino paratis,ac poculis Thericleis,hoc est, operosè factis onusta:Mihi quidem, inquit,ac patriæ dies triginta,tibi ipsi verò per omnem vitam, quum talis sis,teipsum inutilem reddidisti.Significans,bellum quod pro patria gerebatur,ensem fortasse duraturum. Parum autem esse,quòd tum militem præstaret inutile:sed multo grauius,quòd si pergeret esse talibus moribus, perpetuò ciuis inutilis esset futurus.Ibid.

Eiusdem.

Cato cum Albidium quendam,qui omnia sua bona dilapidauerat,audiret conquerentem,domum sibi incendio consumptam esse:Proteruiam,inquit,fecit. Erant autem Proteruia apud maiores sacrificia,in quibus mos erat,vt si quid ex epulis superfuisset,igne consumeretur.Bruf.lib.3.cap.1.

Catonis senioris.

Cato maior,libidinoso inter eius familiares esse cupienti, concessurum se negauit:quoniam cum eo, inquit, viuere non posset,qui melius & subtilius palato quàm corde sentiret.Brufonius lib.3.cap.7.

Eiusdem.

Idem eam rempublicam nequaquam saluam fore dicebat, in qua piscis,pluris quàm bos venundaretur. Sensit autem vir prudentissimus,nihil æquè in republica pestiferum esse,quàm si ciues luxuria & deliciis vincantur.Præcipuus olim luxus erat in piscibus.vnde legimus mullum sex millibus emptum.Brufo. lib.3.cap.1.

Eiusdem.

Quendam qui agros mari vicinos ob luxum vendere coactus est,aiebat se mirari,quasi plus nosset quàm ipsum mare. quod enim illud vix paulatim alluebat, ille facile deuorarat. Eras.lib.5.apoph.

Ciceronis.

Faustus Syllæ filius:quum consumptis paternis bonis suppellectilem propter æris alieni magnitudinem proscrispisset:Cicero hominis miserie irridens,Hanc,inquit,magis amo,quàm patris eius proscriptionem.Proscriptio quippe Fausti,sibi soli

nōcumento erat, qui solus non habebat, vnde post hāreditatē paternam iam consumptam, commodē viueret. Parētis autē crudelis proscriptio, infinitis ciuibus & Reipublicae damno fuit. Brus. lib. 3. cap. 33.

Pompeij.

Aegrotanti Pompeio medicus praescripserat, vt turdis vesceretur. Quūque hi quibus datum erat negocium, negarent inueniri (non enim erat tempus, quo genus hoc auum capi solet) admonuit aliquis, apud Lucillum inueniri posse, qui turdos toto anno soleat alere: Itāne, inquit Pompeius, nisi deliciis deditus esset Lucullus, nequaquam viueret Pompeius? Contemproque medico, cibus parabilibus vsus est. O verē masculum apimum, qui ne vitam quidem deliciis acceptam ferre sustinuit. Plut. in Rom. apoph.

Luculli.

Quum oconomus Lucullo cēnam modestam apparasset, accersitum obiurgauit: illo dicente, Non putabam sumptuoso apparatu opus esse, quum solus esses cēnaturus: Quid ais, inquit Lucullus, an ignorabas apud Lucillum hodie cēnaturum Lucillum? Plut. in Rom. apoph.

Galli.

Gallus testis contra Pisonem repetundarum reum, cum magnam pecuniam dixisset datam Magio praefecto. à Pifone, nō prouincialium iniurias à se delatas aperiret, & caurūque Magii tenuitatem inopiāque redargueret: festinē inquit, Erras. Stauere ego non magnam conseruasse dico, sed tanquam nudus nudes legeret, in ventrem coniecisse. Notauit autem hominis luxuriam, qua ad summam adactus inopiam erat. Brus. lib. 3. cap. 1.

Tiberij Cae.

Tiberius Caesar Attilio Buta viro praetorio, quum ad inopiam per luxum ac socordiam redactus, fateretur ac deploraret paupertatem suam: Serō, inquit, exspectatus es. Dormiunt rem uolentiae ac luxui dediti, verius quam viuunt, nam vita uigilia est. Refert Seneca in epistolis.

Caligula.

Caligula luxu prodigiosa utens, vt calidis frigidisque uinguentis lauaretur, preciosissimas margaritas aceto liquefactas sorberet, conuiuiis ex auro panes & obsonia apponeret, numeros non mediocris summa ē fastigio basilicae Iuliae per aliquot dies spargeret, in plebem: Liburnicas naues gemmatis puppi

puppibus, versicoloribus velis fabricaretur: subinde dicebat, Aut frugi hominem esse oportere, aut Cæsarem. Erasmus lib. 6. apophth.

Helioabali.

Helioabalus adhuc priuatus, cum luxuriosus, omnibûsque voluptatibus præditus esset, reprehensus à quodam, qui dicebat: Ab non times vir luxuriosissime, ne post tot delicias pauper fias? Quid melius, inquit, quam vt ipse mihi hæres sim, & vxori meæ? Brus. lib. 3. cap. 33.

Eiusdem.

Idem dicere quoque solebat, se nolle filios, ne quis frugi sibi nasceretur. Idem eodem loco.

Monachi cuiusdam.

Monachus quidam Aegyptius, interrogatus cur toties voluptates sibi subtraheret: Ideo subtraho, respondit, vt iræ causam & occasionem præcidam. Scio enim, illam semper de voluptatibus belligerari, mentemque meam perturbare, & cognitionem ipsam fugare. Niceph. lib. II. cap. 43. Ecclesia. historia: ex Euagrio.

Alphonsi.

Suprà tit. de Honore virtutis præmio.

Eiusdem.

Eques quidam ingens patrimonium per luxum ac libidinem absorbuerat, atque insuper magnam aris alieni vim contraxerat. Pro hoc intercedentibus, quibusdam apud Alphonsum Aragoniæ regem, ne saltem, quæ debebat, corpore luere cogeretur, Alphonsus respondit: Si tantam pecuniam vel in sui regis obsequium, vel patriæ commodis, vel subleuandis propinquis impendisset, audirem. Nunc quoniam tantis opes impendit corpori, par est vt luat corpore. Eras. 8. apoph.

Huc aliqua ex parte pertinent ea, quæ sunt sub tit. de Prodigitate, Crapula, Lauticiis, Intemperantia, Ebrietate, &c.

DE

DE MAGISTRATV ET gubernatione Reipublicæ.

Cleobuli.



Cleobulus eam Rempub. bene compositam existimabat, vbi magistratus magis infamiam quam legem metuunt. Stobæus ser. 41.

Biantis.

Bias optimam esse rempub. dixit, in qua legem omnes perinde ac tyrannum metuant.

Stobæus ser. 41.

Thaletis.

Thales eam rempub. saluam esse putabat, quæ ciues neque prædiuites, neque admodum pauperes contineat. Stobæus ser. 41.

Pittact.

Pittacus laudabat eam rempub. in qua malis, imperandi non daretur facultas. Ibidem.

Chilonis.

Chilo autem optimam pronunciauit rempub. quæ maximè leges, minimè autem Rhetores audiat. Ibidem.

Periandri.

Periander fœlicem fore eam rempub. putabat, in qua cum reliqua æqualia existimentur, virtute quod melius, vitio aut quod deterius est, definiatur. Ibidem.

Eiusdem.

Idem interrogante quodam cur imperium non deponeret, dixit, quoniam per vim imperanti, etiam vltro desistere periculosum est. Ibidem.

Solonis.

Suprà tit. de Legum autoritate & obseruatione.

Eiusdem.

Eam item rempub. in primis probabat, in qua viri boni honoribus afficerentur, mali pœnis coercerentur. Ibidem.

Eiusdem.

Idem interrogatus, quânam ratione ritè respub. gubernari possit, respondit: Si tam indignarentur illi quibus non est facta iniuria, quàm quibus facta est. Stobæus ser. 41.

Heracliti.

Heraclitus Ephesus rempub. vt deploratam cõtēmpnit, etiq; daret

dare leges quum rogaretur recusauit. Seceſſit autem in templū Dianæ, ibique cum pueris ludebat talis. Circuſtanti & admiranti populo: Perditi, inquit, an non præſtat hoc agere, quàm vobiſcum Rempub. adminiſtrare? Laer. lib. 9. ca. 1.

Antiſthenis.

Antiſthenes rogatus, quomodo ad Rempublicam capeſſendam ſit eūdum? Velut, inquit, ad ignem, ne nimis admotus exuraris, procul amotus frigefcas. Bruſonius lib. 4. capi. 5. & Stobæus ſer. 43.

Bionis.

Bion dixit, oportere bonum virum à magiſtratu diſcedentem, non ditioſiorem, ſed clariorem euaiſſe. Stobæus ſer. 43.

Pythagore.

Pythagoras dixit, primū luxuriam ciuitates ingredi, deinde ſaturitatem, poſtea contumeliam, poſtremo exilium. Stob. ſer. 41.

Eiuſdem.

Idem eam ciuitatem optimam eſſe dixit, quæ viros bonos habet. Ibidem.

Eiuſdem.

Idem principes conſtitui iuſſit illos, qui à teneris bene educati ſint, & iam adulti ætatem ſuam lucri gratia non proſtituerint. Ibidem.

Eiuſdem.

Plato, diuinus ille philoſophus dicere ſolebat, beatæ eſſe reſpub. quæ ab illis regerentur, qui aut ipſi ſaperent, aut ſapien- tiæ incumbereſt. Bruſon. lib. 3. cap. 13. & Cicero ad Quintum fratrem,

Zenonis.

Zenon dicere ſolebat, decorandas eſſe vrbes non precioſis ornamentis, ſed inhabitantium virtutibus. Stob. ſer. 41.

Ariſtidis.

Ariſtides eum iam duceretur ad ſupplicium, quidam inimicus expulit illi in faciem, ille nihil aliud quàm abſterſit faciem, & magiſtratu i ait cõmitanti: Admonere iſtum veſtri eſt officii, ne poſthac tam improbè oſcitet. Fuit viro prudentiſſimo Rei- publicæ ſalus curæ, iam morituro. eius enim ſalus præcipuè in eo quoque conſiſtit, vt ciues in diſciplina contineantur. Eraſ. lib. 5. apoph. ex Plut.

Chrysippi.

Chrysippus rogatus, cur non administraret Rempub. dixit: Quia si quis malè rexerit, displicebit diis: sin bene, ciuibus. Stobæus sermone 43.

Theophrasti.

Theophrastus percontatus, quidnam rempub. conseruaret? respondit: Beneficentia, præmium & pœna. Stob. serm. 41.

Epaminonda.

Quum Epaminonda per inuidiam & contumeliæ gratia fordidus quidam & contemptus magistratus delegatus esset à populo Thebano, non aspernatus est, dicens: Non solum magistratum ostendere virum, sed virum vicissim ostendere magistratum. Itaque gessit, vt deinceps tanquam honestum munus à multis ambiretur: quum antea nihil fuerit, quàm cura sordes & stercora ex angiportis eiiciendi. Brusonius lib. 4. capi. 5. Eras. lib. 5. apoph.

Phocionis.

Phocion Atheniensis cum capitis iam damnatus esset, atque huius amici ceteri qui simul cum illo damnati fuerant, stentes ducerentur, ex inimicis quidam obuiam factus, post multa conuicia in faciem Phocioni expuit. Tum Phocion ad magistratū clamans, Non nunc, inquit, compescet aliquis indecorè se gerentem? Ita vir sanctissimus, etiam moriturus publicæ disciplinæ curam habere voluit. Plut. in Græcor. apoph. Simile, aut idè potius cum eo quod de Aristide paulo supra posuimus.

Agasicles.

Agasicles interrogatus, quonam pacto magistratus, nullo stipatus satellitio, imperare suis posset? respondit, Si ita imperet suis, vt pater suis filiis. Quo innuit, si magistratus beneuolentia & bene factis adiungeret sibi ciuium animos, non opus esse barbarico cōducticioque satellitio, cum nullos haberent corporis custodes tutiores quàm ciues, erga quos patris gererent affectum. Plut. in Lacon.

Agésilai.

Agésilaius Lacedæmoniorum rex, magistratus officium esse dicebat: Erga rebellantes audacia, erga subiectos beneuolentia. Vti. Plutarchus in Laconicis.

Eiusdem.

Idem rogatus à quopiam, cur Spartanorum Respub. præ cæteris, secundis rebus floreret: Quoniam, inquit, plus cæteris in hoc

hoc sese exercent, ut pariter & imperare & parere sciant. Sensit vir prudentissimus, ciues disciplinæ capaces, in causa esse incommunitatis. Recitat Plutarchus in Laconicis apoph.

Themistoclis.

Cleon cum primum statuisset Rempub. capessere, amicis in vnum locum conuocatis, eā quæ ei cum illis intercesserat amicitiam dirupit, tanquam quæ in administratione ciuitatis rectum ac iustum institutum emolliat, & transuersum agat. Themistocles contra: qui, cum quidam moneret ut præclare magistratu fungeretur: Nequaquam, inquit, in eo sessurus sum throno, in quo amici non meliore sunt futuri conditione, quam nō amici. Non enim ciuitas homines amicis & sodalibus carentes, sed commodos & temperantes requirit. Antonius in Melis. par. 2. ser. 1.

Agathonis.

Agathon dicere solebat, magistratum trium meminisse. Primum, quod imperet hominibus: deinde, quod secundum leges: tertio, quod non semper imperet. Stob. ser. 43.

Apolloni.

Apollonius cum vidisset in Domitiani ædibus, quendam senio iam confectum, magistratum inhiante affectare, atque imperatori ceu seruum se submittere: Huic, inquit, ò Damis, non persuasit Sophocles, ut agrestem dominum furiosumque aufugeret. Brus. lib. 4. cap. 5.

Fabij Max.

Fabio iam sene, filius illius consul factus est, qui cum publicus multis audientibus habuisset orationem, Fabius conscenso equo præcedebat. Quum autem iuuenis lictorem misisset, qui patrem iuberet equo descendere, alii quidem factum hoc auersati sunt. At Fabius ab equo desiliens, nō habita ætatis ratione, accurrit, ac filium complexus: Euge, inquit, fili, sapi: qui intelligas, quibus imperes, & quā magnum magistratum susceperis. Plutarchus.

Scip. Aemyliani.

Scipio Aemilianus quum in censura Mumium collegam haberet, festiue grauitæque pro rostris dixit, se ex maiestate Reipubli. omnia facturum, si sibi Quirites collegam dedissent, siue non dedissent. Plinius in lib. de Viris illustribus cap. 58. Valer. Max. lib. 6. cap. 4. Brusonius lib. 4. capi. 5. Eras. Rot. lib. 8. apopthegma.

Catonis

Catonis sen.

Cato senior exhortans magistratus ad sumendas poenas de his qui delinquerent, dicebat, eos qui maleficos prohibere possent, nec facerent, lapidandos esse, sentiens, illos de vniuerso populo pessimè mereri, quòd ad scelera licentiam inuitarent improbos. Plutar. in Roma. apoph.

Polycarpi.

Polycarpus ab Herode proconsule cum vrgeretur, vt Christo suo malediceret, atque Cæsaris fortunæ se crederet: Non faciam, inquit, sed tibi proconsuli fidei meæ rationem reddam: cum certum mihi diem constitueris. At cum proconsul diceret in populi conspectu, hoc faciendum esse: respondit Polycarpus, Tibi respondi, quandoquidē principibus & potestatibus in primis honor debeat, qui tamen religioni non sit contrarius. Euseb. lib. 14. Eccles. histor. cap. 5.

Alex. Seueri.

Alexander Seuerus, honores iuris & gladii nunquam vendi passus est, dicens: Qui emit, & vendat necesse est. Hoc ethnicus & iuuenis: quid iam decet principes Christianos? Lampridius, & Bruson. lib. 4. cap. 5.

Alphonfi.

Alphonfus, potentissimus ille Aragonum rex, dicere solebat, eos qui aliis præessent, tanto priuatis hominibus meliores esse oportere, quanto honoribus & dignitate antecellerēt. Sentiens, tum demum subditorum mores rectè formari posse, si hi quibus reipublicæ gubernatio commissa est, vitæ inculpatæ exemplo præcedant, & viuum sint exemplar omnis virtutis. Panormita lib. 6. de rebus gestis Alphonfi.

Eiusdem.

Idem magistratum, cotem appellare solitus est, quo hominum ingenia probarentur. Quemadmodum enim argentarii ad aurum atque argentum probandum eote iudice vtuntur: sic magistratibus se vt, rex docere voluit, quo ciuium mores atq; animos exploraret. Magistratus enim, vt communi prouerbio celebratur, virum iudicat: quod quidam Pittaco Mitylenæo, Soloni alii tribuerunt. Quanquam Aristoteles libr. 5. Moraliū, Biantis nomine citarit. Est autem sensus, vix satis perspicui possent mores & ingenium, in vita hominis priuata. Alphonfi dictum recitat Panormita lib. 3.

Vide titulum, de Principatu & Principe.

De mag

De magistratum electione.

Socrati.

Socrates dicere solebat, absurdum esse, cum artes manuales nemo exerceat, qui eas non didicerit: neque quisquam aliquid faciendum locet ei, qui eius opificii sit plane ignarus: ad publicos autem magistratus admitti eos, qui rerum omnino rudes essent. Eras.lib. 3. apoph.

Chilonii.

Chilon Lacedæmonius fratri querenti, quòd Ephorus ipse non crearetur, quum ille esset: Ego, inquit, iniuriam ferre novi, tu non. significans, neminem esse idoneum magistratui, qui non possit dissimulare multa præter æquum & bonum facta. iuxta illud, ἀρχὴν ἢ τοσοῦτον καὶ ἀνείκελτον καὶ ἀδίκον: id est, Princeps æqua & iniqua pariter audias. Laer. in Chilonis vita.

Antisthenis.

Antisthenes admonuit Athenienses, ut asinos æquè atque equos deligeret ad agriculturam. Quum illi dicerent hoc animal esse alienum ab aratione: Quid refert, inquit, quum in vestra republica duces sint, qui nunquam didicerunt administrandi rationem: sed hoc satis est, quòd à vobis delecti sunt? Sentiens, multo absurdius esse, ei commendare rempub. qui gubernandi artem non tenet, quàm statim pro equo adhibeas aratro. Laert. lib. 6. cap. 1.

Carneadi.

Carneades cum in senatu dixisset, neminem consulem, neminem prætorem aut imperatorem esse, nisi sapientem: A. Albinus, qui tum prætor erat, audiente, subridens ait: Ego igitur tibi Carneades prætor esse non videor, quia sapiens non sum? Bruso. lib. 4. cap. 5.

T. Manlij.

Suprà de Consolatione.

Catonis sen.

Cato senior ciues inculabat, quòd semper iisdem committerent magistratum: Videmini enim, inquit, aut vilem habere magistratum, aut iudicare paucos esse dignos magistratu. Quorum alterum erat, malè sentire de publica potestate: alterum, de ciuib. Plut. in Ro. apoph.

Eiusdem.

Idem censuram petens, quum ceteros competitores videret supplices, populòque blandientes, ipse clamabat, Populo opus

esse medico austero, validisque remediis: proin eligendum non qui iucundissimus esset, sed qui inexorabilis. Atque hæc dicens, ante omnes cæsar creatus est. Agnouit populus morbum suum: eoque Cato plus valuit obiurgando, quam cæteri blandiendo. Ibidem.

Saturnini.

Saturninus, vnus tyrannorum xxi, quum milites illi pelum imperiale imposuissent, aduocata concione de seipso dixit: Commilitones, bonum ducem perdidistis, & malum principem fecistis. Antè fuerat dux egregius: sed quoniam in imperio fuerat feuerior, ab iisdem à quibus imperator factus fuerat, interemptus est. Non quiuisset ad quoduis munus idoneus est. Trebellius Pollio.

Augusti Cæs.

August. Cæsar Romanum admonuit magistratum, vt Rempublicam committerent iis qui vsu & experientia rerum plurimum possent, nec eam sinerent pendere ex cuiusquam voluntate. Nihil enim in Repub. perniciosius esse putauit, quam si magistratus rerum imperitus dominium obtineat. Xiphilinus Dionis abbreviator, in Augusto.

Eiusdem.

Idem cum ægrè ferret, quòd Caius, quem Agrippa eius filius susceperat, nondum adolescens consulum petuisset: graui dolore affectus, precatus est, ne vnquam inciderent huiusmodi tempora, in quæ ipse olim inciderat, vt minor xxi annis consul fieret. Cumque adhuc instaret, respondit: id imperium deferendum esse ei, qui nihil peccaret, qui que posset studiis populi Romani obistere, deinde vt eos modestiores faceret. Dion Nicæus in Augusto.

De magistratuum curis.

Democriti.

Democritus dicere solebat, melius esse regi ab aliis, quam ipsum regere homines malos. Bruto. lib. 4. cap. 5.

Chrysippi.

Chrysippus rogatus, quare ad Rempublicam non accederet? Qui, inquit, si malè administrauerò, deos: si bene, ciues habebo iratos. Bruto. lib. 4. cap. 5.

Alcibiadis.

Alcibiades dicere solitus est: de suis factis, se Dioscurorum vitam

tam viuere. Nam dum populi gratiam obtineret, diis parem se videri: cum verò illam amississet, nihil à mortuis discriminis habere. Aelianus lib. 13. de Varia histor.

Themistoclis.

Themistocles Neoclis filius, audiens quosdam ambire magistratum: Si mihi, inquit, duas ostenderetis vias, quarum una ad infernum, altera ad tribunal duceret, multo libentius ingrederer eam quæ rectà ad infernum tenderet. Non ignorauit sanè vir sapientissimus, quantæ curæ, molestiæ, vexationes, circunueniant eos, qui in magistratu constituti, omnibus expositi esse coguntur. Aelianus lib. 9. Variæ stistoriæ.

Demosthenis.

Demosthenes ad iuuenes quos habebat familiares, dicere solebat: Sibi gnaro iam quantum inuidiæ, metus, calumniæ ac discriminis sit expectandum ad Rempub. accedenti, si ex duobus alterum sit eligendum, citius in exilium iturum, quàm ad suggestum aut tribunal. Eras. lib. 4. apoph. ex Plut.

Seleuci.

Seleucus rex frequenter dicere solitus est, paucis notum esse, regum aut magistratum quantæ fiat curæ. Alioqui nullum inuentum iri, qui regium diadema humi proiectum tolleretur. Recitat Erasmus lib. 8. apoph. Stobæus sermone 46. Antigono ascribit, cuius dicti meminit etià Val. Maxi. lib. 7. cap. 2.

Antigoni.

Antigonus, rex ille subtilis, cum regium sibi traditum accepisset diadema, priusquam capiti imponeret, dixisse fertur: O nobilem magis quàm scelicem pannum: quem si quis penitus cognoscat, quàm multis sollicitudinibus, periculis & miseriis sit refertus, ne humi quidem iacentem tollere vellet. Val. Maximus lib. 7. cap. 2. Stobæus sermone 46. Erasmus lib. 8. apoph. Seleuco ascribit.

Pompeij Magni.

Pompeius Magnus, quum ex literis senatus intellexisset, omnia quæ Sylla armis obtinuerat, in ipsius potestatem esse tradita, populi suffragiis centuriatis, percusso femore dixit: Pro nunquam finienda pericula. quanto satius erat obsecrum nasci, si à militaribus curis nunquam dabitur recedere: nec hac exuto inuidia, licet cum vxore ruri vitam degere? Magnam potentiam ambit inexpertus, odit expertus, sed deponere tutum non est. Plutarchus.

Alphonſi.

Alphonſus rex, quum cœnanti ſenex quidam importunus & garrulus ſine ſine obſtreperet, exclamaſſe fertur, & dixiſſe: Afınorum conditionem eſſe potioreſ quam regum. Nam illis dum paſcuntur, dominos parcere: regibus neminem. Antonius Panormita, & Aeneas Syluius de dictis & factis Alphonſi.

Eiuſdem.

Infrà tit. de Ocio honeſto,

De magiſtratu breui.

Ciceroni.

Cicero, cum Caninium conſulē in poſtremo anni die à Cæſare factum videret, qui ramen poſtero die conſulatum pro more alteri tradere cogeſatur, iocoſe de breui eiſ magiſtratu iudicans: Conſulem, inquit, habuimus vigilantiffimum & fortiffimum, qui in toto ſuo conſulatu ſomnum non vidit. Xiphilinus, Dionis Nicæi abbreviator, in Cæſare.

Eiuſdem.

Cannius Reuilius cum paruo tempore conſul fuiſſet, ſex videlicet meridianis horis, hunc in modum audiuit, Conſulem habuimus tam ſeuerum, tamque cenſorium, vt in eiſ magiſtratu nemo prænſuſſit, nemo cœnauerit, nemo dormierit. Eraſ, lib. 4. a poph. Cuſpinianus in Conſulibus.

Eiuſdem.

Suprà de Honore momentaneo.

Eiuſdem.

Vatinius cum morbo laboraret, & eo nomine in Ciceronem inueheretur, quod ægrotantem non acceſſiſſet: Volebam, inquit Cicero, in tuo venire conſulatu, ſed me nox occupauit. Ibidem.

Eiuſdem.

Idem Cicero, ad hunc conſulem congratulandi ac aſſociandi gratia pluribus euntibus: Maturemus, ait, vt hominem ante ſui conſulatus exitum præueniamus. Plutarc. Talis fuit autem ſub Galieno imperatore poſtea Marius tyrannus, vt ſcribit Trebellius Pollio, qui vna die factus eſt imperator, altera viſus eſt imperare, tertia interemptus eſt.

M. Votacilli.

M. Votacillus Pitholaus in C. Seruiliū, qui vno tantum die conſul fuit, ita luſit: Antè Flamines, nunc conſules diales ſiunt.

Abuſus

Abusus est vocē, Diales : quasi à die deducta sit, ac non magis à Ioue, cui Flamines instituebantur. Macrobi. lib. 2. cap. 2. Satur.

De magnificentia.

Nicia.

Nicias Atheniensis cum inter Græcos præcipuus esset qui magnificentia excelleret, ideo à populo in iudicium vocatus, ait: Sint mihi ipsi, non populo Atheniensi, tanti sumptus facti, meumque operibus ipsis nomen inscribam. Pontanus cap. 12. de Magnificentia.

Platonis.

Plato philosophorum summus, videns Agrigentinus magnis impensis multa ædificia extruentes, dixisse fertur: Agrigentini quasi semper victuri ædificant, & comedunt quasi semper morituri. Notavit autem vanam illam ædificiorum condendorum magnificentiam, cum homo fragile & caducum animal, facile tugurium habere possit, in quo ad paucos annos, quibus in hoc mundo quasi in alieno solo obambulat, à tempestatis intemperie se defendat. Aelia. lib. 12. de Var. hist.

Augusti Cæs.

Augustus Romanorum imperator, quum urbem Romam multis modis & ornasset & communisset, atque etiam in posterum (quod quidem in ipso fuit) tutam reddidisset, non sine causa glorians dicere solebat: Romam lateritiam accepi, marmoream relinquo. Nihil principi magnificentius, quam si ditior, quam acceperit, reddat. statu meliorem. Sueto. in eius vita. Pontanus cap. 12. de Magnificentia. Eras. Rot. lib. 4. apoph.

De maledicentia, detractione,

ac Mordacitate.

Pythagora.

Pythagoras, cum quidam dixisset, Nimium mihi maledicis, ac plus satis derides: Atqui, inquit, splenicis etiam acris & amara prosunt, dulcia nocent. Antonius in Melissa, parte 2. sermone 78.

Aristippi.

Aristippus audiens quendam temerè hominibus maledicentem: Vtinam, inquit, tu linguæ tuæ, sicut ego aurium mearum, dominus esses. Bruson. lib. 1. cap. 16.

Empedocli.

Empedocles interrogatus, cur cum malè audiret, tam indignanter ferret maledicta? Quia, inquit, ne laudationes quidem mihi iucundæ forent, nisi maledicta mihi molesta essent. Maximus serm. 16. de Admonitione.

Diogenis.

Diogenes conuicianti sibi: At nec mihi, inquit, credit ququam, te laudanti: nec tibi, me vituperanti. Ant. in Melis. par. 2. serm. 59.

Eiusdem.

Suprà tit. de Adulatione & assentatione.

Isocratis.

Isocrates rhetor de Atheniensem ciuitate dicere solebat, eam scortis simillimam esse. Etenim qui illarum venustate caperentur, velle quidem omnes rem cum ipsis habere: neminem tamen tam sui ipsius contemptorem, qui matrimonium cum illis iungere digne tur. Atque Atheniensium ciuitatem ad peregrinandum in ea iucundissimam esse, omnibusque totius Græciæ ciuitatibus præstantiorem, ad inhabitandum verò non item securam ac tutam esse. Innuit autem, domesticos in ea sycophantæ, conuiciatores & obrectatores, atque eorum qui se populares videri vellent, insidias. Aelia. lib. 12. de Var. hist.

Zoili.

Zoilus Amphipolitanus, Poiycratis auditor, qui canis Rhetoricus nominatus est, homo studiosus malè loquendi, cum non solum in Homerum, Platonem, aliosque præclaros ac magnos viros stylum stringeret, sed ubique litibus & perniciosis etiam contentionibus operam daret, rogante quodam erudito viro, quamobrem omnibus malè loqueretur. Quoniam, inquit, malè facere cum velim, non possum. Exprimit autem omnium maledicentium & detrectantium personam Zoilus, qui dum non inueniunt qua ratione factio lædant, dentibus caninis & lingua amarulenta in bonos inuicuntur. Aelia. lib. 11. de Varia historia. & Brus. lib. 1. cap. 16.

Socratis.

Socrati cum nunciatum esset, à quopiam cum maledictis incesis: Bene, ait, loqui non didicit. Brus. lib. 1. cap. 16.

Platonis.

Plato cum quidam ei narraret, nonnullos esse qui ipsum maledictis insectarentur: At ego, inquit, sic viuam, ut illis fides non habeat

habeatur. Anto. par. 2. serm. 69. Melissa.

Aristotelis.

Aristoteles cum ab imprudente quodam malè audiret: Tu, inquit, & conuicia facile audis, & libenter dicis: mihi autem & dicere non consuetum, & audire iucundum. Anton. in Meliss. par. 2. ser. 71.

Xenophontis.

Xenophon Colophonio de paupertate sua querenti, quod ægrè duos aleret famulos: At Homerus, inquit, quem tu carpis, etiam mortuus alit plusquam decem hominum milia: & tu, qui vis illo videri doctior, vnus non alis duos? Erant illis quæque temporibus, qui carpendis illustrium virorum operibus gloriam aucuparentur. Plut. in Reg. apoph.

Melissi.

Melissus philosophus, quum probro illi daretur, quod maledictis indignaretur: Si maledicta, inquit, æquo animo admit- tam, ne laudes quidam sentiam. Brus. lib. 1. cap. 16.

Philostrati.

Aelianus, quum Philostrato roganti, quid operis cuderet, dixisset, se opus in tyrannum nuper mortuum cudere: Admirarer, inquit Philostratus, si viuentem accusasses. Superstitem siquidem tyrannum incescere, viri opus est: mortuum verò, cuiusque. Brus. lib. 1. cap. 16.

Lyfandri.

Lyfander Lacedæmonius cum in publico quodam conuen- tu, quendam audiuiisset, liberior quam par videbatur, contra ipsum loquentem: Tua, inquit, verba ciuitate, opus habent. Quo dicto notauit eius in dicendo libertatem, quæ quidem in conuentu facile fertur, sed alio loco non itidem. Plutarch. in Læonicis.

Cleomenis.

Cleomenes maledicenti ait: An propter hoc tu omnibus ma- ledicis, ne tempus de tua loquendi malignitate habeamus? Brus. lib. 1. cap. 16.

Agelilai.

Agelilaus rex, quoties audiebat aliquos ab aliis laudari aut vituperari, existimabat non minus esse discendos eorum mo- res qui loquebatur, quàm eorum de quibus loquebantur. Sen- sit vir prudentissimus, qui auidè obrectant alienæ laudi, ma- gis prodere morbum suum, quàm detegere mores alienos: &

qui ob res parum honestas laudant quempiam, aut ob laudabiles vituperant, indicare stultitiam suam, peruersumque iudicium. Plut. in Lacon. Eras. lib. 1.

Alcibiadis.

Alcibiades canem miræ magnitudinis abscissa cauda per urbem dimisit. hoc quum multis stultum atque ineptum visum esset, monentibus eum amicis, ac sermones qui de eo circumferebantur enarrantibus, ridens Alcibiades: Sic, inquit, res, ut intenderam, successit. Hoc enim Atheniensibus loquendi volui præbere argumentum, ut eos a peioribus, quæ de me & aliis quoque hominibus conuiciosè loquuntur, nouis his auerterè. Brus. lib. 1. cap. 16.

Chabrias.

Chabrias ab improbo quodam multis conuiciis affectus: Bene, inquit, fecisti, quod nihil eorum quæ insunt, prætermisisti. Anton. in Melis. par. 2. serm. 69.

Memnonis.

Memnon quo tempore bellum gerebat aduersus Alexandrum pro Dario rege, militem quandam mercenarium multa conuicia petulanter iacentem in Alexandrum, hasta percussit: Ego, inquit, te alo ut pugnes cum Alexandro, non ut illi maledicas. Plutar. in reg. & imp. apoph.

Democharis.

Demochares, nepos Demosthenis, significare volens se nihil pendere obtreactiones vulgi cum videret multos obtrectatores vnà sedentes in constrina, & malè loquendi omnino cupidos: Quid loquimini (inquit) vos Dysmenidæ? simul hoc nomine ingenium, naturamque ipsorum innuens, & detegens. Aelia. lib. 3. de Varia histo.

Pisistrati.

Pisistratus Atheniensis tyrannus, cum conuiuia bene potus ei maledixisset, irritantibus amicis ad pœnas de conuiuia sumentibus, dixisse fertur: Non aliter illi succenseo, quàm si quis obligatis oculis in me occurrisset. Sensit, maledicendi anam dedisse vinum, & ignouit errorem. Brus. lib. 1. cap. 16.

Eiusdem.

Idem dicenti cuidam, quod à maledico laudaretur: Miror, inquit, nisi quis illi dixit me mortuum esse: nam viuentem ille posset laudare neminem. Brus. lib. 1. cap. 16.

Hiero

Hieronis regis.

Xenophanes Cqlophonius Homeromastyx, quum apud Hieronem Siciliae regem lamentaretur paupertatem, quod vix a se duo famuli possent nutriri: At Homerus, inquit Hieron, cui tu assidue maledicis, plusquam decem milia hominum alit, vel mortuus exprobrauit autem innatam homini maledicentiam, quae paupertatis & inopiae suae non minima causa erat. Brus. lib. 1. cap. 16.

Philippi regis.

Philippum Alexandri patrem conuicio afficiebat quidam, effreni lingua praeditus, cumque amici hortarentur, ut conuiciatorem prosequeretur: Non est hoc, inquit ille faciendum, ne amplius affectus & implicatus, plura in nos iaciat maledicta. Antonius parte 2. Melissae, sermone 69. Brus. lib. 1. cap. 16.

Eiusdem.

Idem dicebat, se suis conuiciatoribus gratiam habere, quod se meliorem redderent: Ego, inquit, studens illos mendacii conuincere, si quid improbe fecerint, muto consilium, & poenitentia emendo factum. Anto. in Melis. par. 2. serm. 69.

Eiusdem.

Philippus Macedo maledictis à Nicandro lacepsitus, pluribus cepit illum donis honestare: quibus acceptis, cepit Nicander laudare. Ad amicos igitur conuersus Philippus: Vide-tisne ergo, inquit, & nostrum esse, bene & male audire: Brusoni. lib. 1. cap. 16.

Antigoni.

Antigoni milites quum in illum probra iactarent, ac ignorent Antigonom tam propè adesse, prodicens rex ait: Flebitis, nisi longius amoti, maledicatis mihi. Sic enim recitat Plutarchus in apophth. Seneca verò lib. 5. de Ita, ait illum dixisse: Longius discedite, ne audiat rex. Vtrunque recitat Brusonius lib. 1. cap. 16.

Eiusdem.

Idem Antigonus, quum per noctem milites omnia sibi mala imprecantes audiret, quod rex in illud iter, intricabileque lutum adduxisset: accessit ad eos, ignorantésque à quo adiuuarentur, explicuit: Nunc, inquit, maledicite Antigono, cuius virio in has calamitates incidistis: Ei autem bene optate, qui ex hac miseria vos abduxit. Brusoni. lib. 1. cap. 16.

Pyrrhi.

Pyrrhus Epirotarum rex, cum à quibusdam rogaretur, ut maledicum quendam ex Ambracia pelleret: respondit, Potius apud paucos illic manens, quam apud multos, de nobis obloquatur. Bruf. lib. 1. cap. 16.

Eiusdem.

Idem, quum audisset, sibi à quopiam maledictum, conuiciatorem ad se duci iubet, ac interrogat, num dixisset ea propter quæ accusatus erat? respondit: Dixi, ô rex, & dicturus plura eram, si plus vini appositum mihi fuisset. Quo audito, Pyrrhus ridens, hominem impunè dimittendum mandauit. Brufonius lib. 1. cap. 16.

Ciceronis.

Seruilia M. Bruti mater, cum preciosum ære paruo fundum à Casare misisset, subiiciente hasta bona ciuium, non effugit tale Ciceronis dictum: Equidem quo melius emptum sciatis, comparauit Seruilia hunc fundum Tertia deducta. Filia autem Seruiliæ erat Iunia Tertia, eadèmq; C. Crassi vxor: lasciuiente dictatore tam in matrem quam in puellam. Macrobius lib. 2. cap. 2. Satur.

Sicini.

M. Crassus, cum leui momento amorem simul & odiū permutaret, eorundemque hominum & patronum & accusatorem se præberet: Sicinius homo maledicus, qui multa in quoscunque probra iacere consueverat, aliquando rogatus, cur soli Crasso non malediceret, cum maledicendi materiam haberet amplissimam? Non facio, inquit: scenum enim habet in cornu. Bruf. lib. 1. cap. 16.

Catonis.

Cato senior cuiusdam, qui multis intemperantiæ notis infestus erat, probris vexatus: Impar mihi tecum, ait, certandi conditio est. nam ut malè audire, & maledicere, tibi facillimū simul, & promptissimum est: sic & mihi maledicere insuaue est, & insuetum. Bruf. lib. 1. cap. 16.

Valerij.

P. Clodius cum iratus esset Valerio, eo quod mutuum ei petenti non dedisset: Quid amplius, inquit Valerius, mihi facturus es, nisi ut Dyrrhachium eam, & redeam deinceps? Mordaciter ad Ciceronis exilium alludens, à quo tamen gloriose reuocatus est. Macrobius lib. 2. cap. 6. Satur.

Orbili.

Orbilius grammaticus in reum testis prodiēs, cum à Galba, oratore eloquentissimo quidem, sed corpore deformi, interrogaretur, Quānam artem exerceret? Nullam, inquit: sed in sole gibbos fricare soleo. Macrob. lib. 2. cap. 6. Satur.

Ciceronis.

Suprà tit. de Honore momentaneo. & tit. de facetè & iocosè dictis.

Pitholai.

Similis fuit Votacilii in Caninium mordacitas. Votacilius enim Pitholaus, cum Caninius Reuilius vno tantum die consul fuisset, dixisse fertur: Olim ex Romuli vel Numæ Pompilii iustituto Flamines diales fuisse institutos, iam verò creari diales consules. Macrob. lib. 2. cap. 2. Satur.

Ciceronis.

In C. Cæsarem mordacitas Ciceronis dentes suos strinxit. Nam primum post victuriam Cæsaris interrogatus Cicero, cur in electione partis errasset? respondit, Præcinctura me decepit. notans Cæsarem, qui ita toga prætingebatur, vt trahendo laciniā, velut mollis incederet: adeò vt Sylla tanquam prouidus dixerit Pompeio, Caue tibi illum puerum malè præcinctum. Macrob. lib. 2. cap. 3. Satur.

Eiusdem.

Deinde cum Laberius in fine ludorum annulo aureo honoratus à Cæsare, euestigio in quatuordecim gradibus ad spectandum transisset, violato ordine, & cum detractus esset eques Romanus, & cum Minus remissus, ait Cicero prætereunti Laberio, & sedile querenti: Recepissem te, nisi angustè sederem, simul & illum respuens, & nouum senatum mordaciter taxans, cuius numerum Cæsar supra sēs auxerat. Macrob. lib. 2. cap. 3. Satur. Brus. lib. 5. cap. 16.

Eiusdem.

Idem Cicero alias facilitatem Cæsaris in eligendo senatum irritum, palam mordaciter quæ irritis. Nam cum ab ipso hospite suo P. Mallio rogaretur, vt Decurionatum priuigno eius expedit, assistente frequentia hominu, respondit: Hoc fieri sanè nequit, si Romæ imperabit Pōpeius. Macrob. lib. 2. ca. 2. Satur.

Eiusdem.

Nec intra hæc mordacitas stetit, quippe ab Andronè quodā Laodicæno salutatus, cum causam aduentus requisuisset, comperit

perissetque (nam ille se legatum de libertate patriæ ad Cæsare venisse respondit) ita expressit publicam seruitutem: ἡδὲ ἰσχυρῶς, καὶ περὶ ἡμῶν πείσθυσσον. Si obtinueris, & pro nobis intercede. Macrobi. lib. 2. cap. 3. Satur.

Eiusdem.

Item cū Lepidum audiisset in senatu ad patres conscriptos dicentē, Ego non tanti fecissem simile factum: Cicero respondit, Nec ego tanti fecissem ὁμοίωτον. Macrobi. lib. 2. cap. 3. Satur.

Planci.

Infrà de Mortuis non lœdendis.

Augusti Cæs.

Suprà de Clementia, & tit. sequenti.

Eiusdem.

Idem Augustus indignatus Tyberio, ac per epistolam etiam conquerenti apud eum de conuiciatore, respondit: Actati tuæ, mi Tyberi, noli in hac re indulgere, & nimium indignari, eo quòd sint qui malè de me loquantur. Satis est enim, si hoc habemus, ne quis malefacere possit. Brusi. lib. 1. cap. 16.

Tiberij.

Tiberius Cæsar ab initio sui principatus, in conuiciatores & maledicos dicere solebat: In ciuitate libera, linguam quoque liberam esse debere. Ibidem.

Domitiani.

Imperator Domitianus cum homines mordaces atque maledicos haberet odio, semper tamen eos dicere solebat peiores esse, qui maledicis aures præberent, neque reprehenderent, quàm ipsos maledicos. Brusi. Contursinus lib. 1. cap. 16.

Vespasiani.

Infrà, tit. de Malicia.

Eiusdem.

Vespasianus senior de Licinio Mutiano notæ impuditiæ viro, clam apud communem amicum conquerens, addidit clausulæ: Ego tamen vir sum. Notans, obtrectatorem esse parum virum. Simile est illud Maronis:

Parcius ista viris tamen obicienda memento.

Suetonius.

Sigismundi imp.

Cum accusassent purpurati apud Sigismundum imperatorem, maledicentiam Germanicæ multitudinis, quæ de suo principe passim obloqueretur, subridens imperator: An vobis, inquit,

quit. graue videtur illos malè loqui, cum nos malè agamus? In
dicauit autem, in nobis se ipsis situm esse, quòd bene vel malè
audiamus. Aeneas Syluius lib. 2. commentariorum de rebus ge-
stis Alphonfi.

Sfortia.

Quum transfuga Nolanus eques, ingenio infami, vt sibi gra-
tiam cum Sfortia compararet, Tartaliā omnibus maledictis
in conuiuio Sfortiæ famam lacerasse detulisset: de quæ ea re, vt si
des sibi haberetur. iureiurādo sæpius affirmaret: Non opus est,
inquit Sfortia, vt multum in persuadendo mecum labores, quū
Tartalia nunquam verbum de quoquam sit eloquutus, quin
maledixerit. Paulus Iouius de dictis & factis Sfortiæ, cap. 85.

Vide tit. de Delatione.

De malicia.

Chilonis.

CHilon Lacedæmonius mortuis nequaquam maledicendū
esse dicebat, quando quidem ignauum esse videretur eos
lingua incessere, qui respondere non possent. Laert. lib. 1. cap. 4.

Eiusdem.

Idem docebat, neminem conuiciis lacescendum, ne, si dixer-
imus quæ lubent, audiamus vicissim quæ dolent. Habet enim &
maledicendi morbus suam voluptatem, sed quæ plerunq; ma-
lè audiendi summo dolore pensatur. Huc allusit M. Tullius, Sa-
lustio comminans, fore, vt si quam voluptatem malè dicendo
capisset, eam malè audiendo perderet. Laertius Chilonis di-
ctum refert.

Socratis.

Socrates cuidam admiranti quòd nihil in eum commouere-
tur, à quo conuiciis incessebatur: Mihi, inquit, non maledicit,
quandoquidem ea quæ dicit, mihi non adsunt, nec in me hæ-
rent. Atqui ob hanc causam hominum vulgus magis commo-
uetur, si quid dicitur in immerentem. Boni quum malè audiūt.
sibi gratulantur, quòd puri sint ab his malis quæ ipsis impin-
guntur, nec in se dici interpretantur: nihilo magis quàm si quis
oculorum errore Platonem appellet Socratem, & in Socratem
congerat maledicta, is non maledicit Platoni, sed ei quem exi-
stimat esse Platonem. Eras. lib. 3. apoph.

Eiusdem.

Vetus comœdia solebat nominatim in ciues diçteria iacere.
Horum

Horum libertatem quum plerique metuerent, Socrates dicebat, Expedire, vt quis semet illis sciēs ac volens subiceret. Nam si quid, inquit, dixerint in nos meritò reprehendendum, admoniti corrigemus, & profuerint: sin falsum conuicium in nos iaculabuntur, nihil ad nos. Eras. lib. 3. apoph.

Aristippi.

Quum à quodam conuiciis incessetur Aristippus, tacitus abiit, at quum maledicus insequeretur abeuntem, dicens, Quur fugis? Quoniam, inquit, tibi quidem potestas est malè loquendi, mihi verò non audiendi. Salsissimè notauit hominis impudentiam, qui quum sibi ius sumeret malè loquendi, non saltem hoc iuris concederet alteri, vt subduceret sese, desineretque malè audire. Nam vox hæc, Quur fugisterat velut expostulantis de iniuria. Laert. lib. 2. cap. 8.

Diogenis.

Diogenes cum adolescentem à natura malum, lapides in cœlum iactantem videret: Euge, inquit, scopo non potieris. Innuit autem, eos cœlestium bonorum nequaquam hæredes esse, qui malitiosam agerent vitam. Bruso. lib. 4. cap. 11.

Eiusdem.

Idem Corinthum profectus, ludum ingressus est, quem ibi Dionysius regno pulsus aperuerat, audiuitque pueros malè canentes. Interim ingressus Dionysius, quoniam putabat Diogenem consolandi gratia venisse: Humaniter, inquit, facis Diogenes, hæc est rerum humanarum volubilitas. Imò (inquit Diogenes) miror te etiamnum viuere, qui tantum malorum in regno patraris: & video nihilo meliorem esse ludimagistrum, quam fuisti rex. Laert. & Eras. lib. 3. apoph.

Eiusdem.

Eunuchus quispiam contaminatæ famæ, inscripserat edibus suis, *μηδὲν εἰσὶν κακόν*, Nequid ingrediatur mali. Id videns Diogenes: Aedium, inquit, dominus quā ingreditur? Eunuchus boni ominis gratia posuerat titulum, ne quid infelicitatis attingeret domum, id Diogenes detorsit ad mala animi, quæ sola vera mala sunt. Laert. lib. 6. Bruso. lib. 4. cap. 11.

Antisthenis.

Antisthenes Atheniensium philosophus, eos qui nos maledictis incesserent, magis tolerandos dicebat, quàm qui nos lapidibus impeterent. Verba enim non lædunt, si quis contemnat. Laert. lib. 6. cap. 4. Vide titulum, de Patientia iniuriæ.

Demos

Demoſthenis.

Demoſthenes à caluo quodam maledictis aſperſus: Ego quidem, inquit, tibi nullam facio iniuriam: quin potius laudo capillos tuos, qui malam caluariam effugerint, ſubnotans, illum non iudicio, ſed cerebri vitio maledicum eſſe. Eraſ. 8. apoph.

Zoili.

Zoiliſ interrogatus, quamobrem ita ſtuderet omnibus maledicere: Quoniam, inquit, malefacere quum cupiam, non poſſum. Expedita malitia, morbum ingenuè conſtitentis & amantis. Eraſ. lib. 8. apoph.

Diogenis.

Hospitibus quibuſdam celebrem illum Demoſthenem videre cupientibus, porrecto medio digito: Hic eſt, inquit, ille Demoſthenes Athenienſium orator. Digitus pollicis proximus, index dicitur, quòd hunc intendentes ſolemus aliquàdo commonſtrare. Digitus autem medius apud priſcos infamis habebatur, ob cauſam hic non referendam. Porro Demoſthenes vulgò malè audiebat, quaſi parum vir eſſet. Id ſignificans Diogenes, maluit illum medio quàm indice demonſtrare. Laer. lib. 6.

Timonis.

Timon Athenienſis dictus *μισάνθρωπος*, interrogatus cur omnes homines odio proſequeretur: Malos, inquit, meritò odi: ceteros ob id odi, quòd malos non oderint. Sentiens, non eſſe verè probos, qui non deteſtantur improbos. Eraſmus libro ſexto apophthegma.

Pythæ.

Pythæam oratorem quidam criminabatur, quòd malus eſſet. At ille non inficias ibat: hanc enim illi conſcientia neceſſitatem imponebat. Sed reſpondebat, ſe minimo tempore omnium qui repub. Athenienſium adminiſtraſſent, malum fuiſſe: nempe in hoc ſibi placens, quòd non perpetuò fuiſſet eiufmodi. Putansque, ſe non iniuriam facere, ſi non cum peſſimis compararetur. Stolidum hoc ſanè Pythæ. Non enim ſolùm qui iniuriã inferit, malus eſt: verùm etiam qui iniuriam inferre in animum inducit. Aelianus lib. 14. de Varia hiſtoria.

Herodis ſophiſtæ.

Herodes ſophiſta Proteo Cynico ſine fine ipſum conuiciis inceſſente: Conſenuimus (inquit) ambo, tu quidem malè loquens ego malè audiens. Senſit, immedicabile malum eſſe, cui ille

ille tã diu affueuerat:& se moderatius ferre, quòd iam nouum non effet. Philoſt.

Laconis.

Ad eum qui maledicta in alios per calumniam iactata, facile ſolebat admittere. Lacon: Deſine, inquit, aduerſum me præbere aures. Senſit, non ſolum eos vituperio dignos qui calumniarentur alios, verùm etiam qui calumniantibus accommodarēt aures. Et iniuriæ genus eſt, aduerſus nihil malè meritum, audire maledicam linguam. Non enim eſſent maledici, ſi nullum inuenirent auſcultatorem. Proinde Lacon expoſtulauit etiam cum illo, qui præbuerat aures de ipſo malè loquenti. Plut. in Lacon.

Nicandri.

Nicander cuidam dicenti, quòd Argiui malè de ipſo loquerentur: Num igitur, inquit, dant pœnas qui de bonis loquuntur malè? ſignificans, Rempub. malè moratam, vbi liceret impunè maledicere, nihil malè commeritis. Plut. in Lacon.

Cleomenis.

Cum improbus quidam Cleomenem conuiciis inceſſeret: Num ideo, inquit, tu maledicis omnibus, ne ſi velimus reſpondere, ociũ habeamus viciffim de tua dicendi malitia? Vt è ſublimi contempſit maledicum, nec villo reſponſo aut alia pœna dignum iudicauit hominem nullius rei, cui nihil eſſet præſidii præter maledicam linguam. Plut. in Lacon.

Eiuſdem.

Argiuis nonnullis Cleomenem conuicio laceſſentibus, vterurum & impium: Vobis, inquit, poteſtas eſt mihi maledicendi, at mihi poteſtas eſt vobis faciendi malè. Admonens, non eſſe tutum eos maledictis irritare, quibus in manu eſt, cum velint, re ipſa lædere. ad hæc, non oportere potentes humiliorum dictis admodum commoueri. Satis enim vindictæ eſt, quòd licet, cum libet, vleiſci: cunr illis nihil aliud reliquum ſit, quàm malè loqui. Plut. in Lacon. apoph.

Leontychida.

Leontychidas Ariſtione natus, cuidam ipſi dicenti, quòd Demarati amici malè de eo loquerentur: Per deos, inquit, nihil mihi ror: quandoquidem nullus illorum de quoquam bene loqui poſſet. Docuit, contemnendam eſſe maledicentiam, quæ non à iudicio, ſed ab animi morbo proficiſcitur. Qui verò paſſim
male

maledicunt omnibus, eos palàm est id naturæ vitio facere, non ex eorum merito quibus obtreçant. Plut. in Lacon.

Anonymi.

Chius negociator vina optima venditabat, ipse verò acido vappæue utebatur. eius seruus, quum fortè aliquando fugisset, rogatus, qua ratione dominum suum reliquisset? Quia, inquit, cum in manibus bona illi essent, mala conquirebat. Brufonius libro 4. capite 11.

Iapsonis.

Quum Acides Iapson multa in Artaxerxem regem licenter & contumeliose diceret, hætenus quidem vltus est maledicum, vt per tribunum militum denunciaret, ei licere in regem quæ vellent dicere, sibi verò in illum licere quæ vellent & dicere & facere. Eras. lib. 5. apoph.

Dionysij sen.

Dionysius senior quibusdam accusantibus quòd hominem improbum, ciuibusque odiosum honoraret, atque proueheret: At volo, inquit, aliquem esse, quem maiori, quàm me, odio prosequantur. Bruso. lib. 4. cap. 11.

Philippi regis.

Philippus Macedo, potentibus in ciuitate opus esse, & bonos ac malos sibi conciliandos dicebat: vt bonis quidem uteretur, malis verò abuteretur. Bruso. lib. 4. cap. 11.

Eiusdem.

Smicythus Nicanorem deferabat apud regem Macedonia Philippum, quòd sine fine de ipso malè loqueretur. quumque suaderent amici, vt hominem accersi iuberet, deque eo supplicium sumeret, Philippus ita respondit: Nicanor non est Macedonum pessimus: videndum est igitur, necubi nos cessemus in officio. Vt igitur cognouit vehementer afflictum inopia, & tamen à rege neglectum fuisse, iussit donum aliquod ad illum deferri. Hoc facto, quum rursus Smicythus diceret regi, Nicanorem apud omnes sine fine prædicare laudes ipsius: Videtis igitur, inquit, in nobis esse situm, vt bene aut malè audiamus. Immane quantum absunt ab huius principis ingenio, qui nunquam sibi videntur satis laudari, quum nihil faciant laudandum: nec student beneficiis sibi conciliare beneuolentiam hominum, sed metui malunt quàm amari: cumque sæpenumero faciant detestanda, idque palàm, tamen perit quisquis ausus est hircere. Plut.

Eiusdem.

Quidam petulantioris linguæ, maledicta conuicere solebat in Philippum: hunc amici hortabantur, ut eiiceret in exilium. At ille negauit hoc se facturum. demirantibus; Quid ita? Ne, inquit, oberrans inter plures, malè de me loquatur. Quòd maledicum non egit in crucem, vel clementiæ erat quòd ignouit, vel magnanimitatis quod contempsit: quod noluit expellere, prudentiæ. plus enim nocuisset. Plut. in adoph. regum & impera.

Eiusdem.

Peloponnesi cum philippum Macedonia regem, à quo multa beneficia acceperant, in ludis Olympiacis, sibilis derisissent: rex admonitus ab amicis, ut eam iniuriam rependeret, negauit se id facturum: Si tam prauo, inquiens, sunt ingenio, ut eos irrideant, qui de ipsis bene meriti sunt: quid tum fiet, si quid mali sentirent? Sensit vir prudentissimus, maledicos non ultione prouocandos esse, ut magis maledicant. Plutarch. in apoph. regum & imperatorum.

Antigoni.

Antigonus rex quum aliquando tempore hyberno compulisset castra transferri in locum ubi non erat rerum necessaria- rum copia, atque hac de causa milites quidam in regem maledicta congererent, ignari ipsum esse in proximo, virga tentorii vela diduxit. Flebitis, inquit, ni longius semoti de me malè loquamini. Quid hac facetia clementius? aut quid hac clementia facetius? Simulabat se non indignari, quòd malè de ipso loquerentur: sed quòd tam vicini, ut exaudiri possent ab eo, cui maledicebant. Plut. in apoph. Regum & impera.

Eiusdem.

Idem cum nocte quadam quosdam è militibus suis exaudisset omnia mala imprecantes regi, qui ipsos in illud iter & inextricabile lutum induxisset, accessit ad eos qui maximè laborabant: eos que quum ignorantes à quo adiuuarentur explicuisset: Nunc, inquit, maledicite Antigono, cuius vitio in has miseras incidistis: sed ei bene optate, qui vos ex hac voragine eduxit. Hac vindicta contentus erat regis verè excelsus animus. Eras. Rot. lib. 4. apoph.

Pyrrhi.

Pyrrhus in Ambracia, quum amici suaderent, ut quendam maledicum multa in ipsum blaterantem expelleret: Silius est, inquit,

inquit, vt hic apud paucos nobis maledicat, quàm apud omnes obambulans. Plutarchus in vita Pvrri regis.

Scip. Aemyliani.

Scipio Aemylianus apud Numantiam iratus C. Metello, dixit: Si quintum pareret mater eius, asinum fuisse parituram. Tarditatem mentis, ac deformitatem corporis illi, fratribusq; eius exprobrans. Eras. Rot. lib. 6. apoph.

M. Pinarij.

M. Seruilius dissuasurus legem quam ferebat M. Pinarius: Dic mihi M. Pinari, inquit, si contra te dixero, num mihi maledicturus es, vt cæteris soles? Vt sementem, inquit Pinarius, feceris, ita & metes. Per allegoriam minitans, illum malè auditurum, si malè diceret. Eras. lib. 6. apoph.

D. Valerij.

Quum P. Clodius diceretur iratus Decimo Valerio, quod ipsi mutuum petenti non dedisset: Quid, inquit, mihi amplius facturus es, nisi vt Dyrrhachium eam, ac redeam? Exprobrans illi Ciceronis exilium, ab ipso procuratum, quod tamen populi ac bonorum virorum studio breuius fuit, quàm volebat Clodius. Eras. lib. 6, apoph.

Catonis.

Cato à quodam multis nominibus infami vexatus: Impar mihi, inquit, tecum certamen est, nam vt tibi & malè audire & maledicere facillimum ac promptissimum est, ita mihi maledicere insuaue, malè audire insolitum. Eras. lib. 5, apoph.

Pompeij.

Suprà titu, de Ingratitudine,

Augusti Cæs.

In cognitione quadam, cum Aemylio Aeliano Cordubensi inter cætera crimina illud vel maxime obiiceretur, quod malè loqueretur de Cæsare: conuersus ad accusatorem Cæsar Augustus: Velim (inquit) hoc mihi probes: efficiam vt Aelianus sciat, me quoque linguam habere. plura enim vicissim de eo loquar. His minis contentus, nihil postea de illo inquisiuit, Suetonius.

Tiberij.

Suprà titu, de Clementia.

Vespasiani.

Vespasianus senior de iurgio quodam inter senatorem & equitem Romanum ita pronunciauit, vt diceret, Non oportet

tere maledici senatoribus: remaledici verò, ciuile fasque esse, Prærogatiuam enim dignitatis ipse sibi ademit, qui laceſſiuit. Suetonius.

Hucrefer titulum de Conuicijs, Iniuriæ patientia, & Detrectatione.

De mancipijs.

Diogenis.

GRæci mancipia, præcipue fugitiua, vocant *αὐδ᾽ γάρδοα*; quæ dictio videtur composita ex viro & pede, cum Grammatici variam reddant etymologiam. Quum igitur quidam improbus Diogenem interrogasset, quare mancipia fugitiua dicerentur *αὐδ᾽ γάρδοα*, Quonia, inquit, pedes habent virorum, animum autem qualem tu nunc habes, qui hoc percontaris: sentiens, illi esse mentem non hominis, sed pecudis. Laert. lib. 6,

Aristippi.

Suprà de Educatione & institutione filiorum.

Eiusdem.

Diogenes Cynicus, iactante se quodam, ac dicente, Viros supero in Pyrhiis: Imò, respondit, potius vincis mancipia. Lufit ad vocum cognationem, *αὐδ᾽ γάρδοα* & *αὐδ᾽ γάρδοα*. Mancipia autem appellabat omnes eos, qui cupiditatibus propriis seruirent. Idem,

Laconum.

Lacedæmonii cum ab omnibus sedentariis artibus & laboribus abstinere, Helotes, hoc est mancipia habebant, quibus dabant agros colendos, vt redderent fructum inde præfinitum. Et sic ea gens omnium vitiorum materiam in mancipia reiciebat. Plut. in apoph. Lacon.

Vide titu. de Seruis.

De mansuetudine.

Chilonis.

CHilon docuit, potentiæ adiungendam mansuetudinem, vt à suis non tam metum extorqueat, quam impetret reuerentiam. Reuerentiæ comes est amor, metus, odium. Amari autem non solum honestius est, verum etiam tutius. Laertius libro 1. capite 4.

Xenocratis.

Quum passer futurus accipitri præda, in sinum Xenocratis philosophi volasset, cum humaniter defendit, dicēs: Non oportere supplicem prodere. Guido Bituricensis,

Archi

Archidamide.

Archidamidas cuidam in laudem Charilli prædicanti, quòd pariter erga cunctos fuisset mitis ac mansuetus: Et qua fronte laudetur aliquis, inquit, qui erga sceleratos se mitem præbebat? Perspexit vir egregius, mansuetudinem cum iustitia coniunctam esse oportere: Alioqui principis in facinorosos lenitas, quid aliud est, quàm in bonos crudelitas? Plut.

Cleomenis.

Cum è ciuibus quispiam apud Cleomenem diceret, bonum regem omnino erga omnes mitem & placidum esse oportere: Sed hætenus, inquit, ne sis contemptui. Significans, erga improbos mansuetudinem nimiam esse inutilem ciuitati: notansque quorundam mores, qui principes vehementer bonos & clementes, quum impensius amare debuerint, discunt habere contemptui. Est quidem præcipua virtus in principe comitas ac mansuetudo: verùm ob malorum ingenium hæc ita temperanda est, vt principi sua constet authoritas. Plutarchus in Laconicis apoph.

Titi Vespasiani.

Suprà de Clementia.

Vide titulum, de Clementia & Humanitate.

De mathesi.

Aristippi.

Aristippus cum quòdam tempore cum ciuibus suis nauigans, naufragio ciectus esset, & in littore maris vidisset figuras mathemathicas in hærena depictas: Salua, inquit, res est, hominum vestigia conspicio. Voluit ostendere vir sapientissimus, eos demum esse homines, qui cognitione diuersarum artium à cæteris animalibus differrent. Vitruuius lib. 6. de Architectura, & Eras. lib. 3. apoph.

Diogenis.

Diogenes Cynicus reprehendebat mathematicos, quòd solens, lunam & stellas intuerentur, ea autem non viderent, quæ essent ante pedes. Laert. lib. 6. apog.

Aristonis.

Ariston Chius eos qui Cyclopediæ & mathematicis disciplinis vacarent, neglecta philosophia, similes dicebat esse procis penolopes, qui cum ipsa potiri non possent, ancillis miscebantur. Stobæus ser. 2. de Imprudentia.

Hadriani impera.

Hadrianum Romanorum imperatorem ferunt ex Mathematicos peritiam præsciuisse futura, ac Verum non fore longævum dixisse ex Vergiliano carmine:

Ostendent terris hunc tantum fata, neque vltra

Esse sinent, &c. Dion Cassius.

De medicina.

Diogenis.

Diogenes Cynicus cum consideraret hominum vitam, videns medicos & philosophos, dicebat nullum animal homine sapientius esse. Verum cum videret coniectores, & huius generis alios, aiebat, sibi nihil homine videri stultius. Laer. li. 6.

Nicoclis.

Nicocles medicos felices nominabat, quoniā successus quidem ipsorum soli intuetur, errores autem tellus operit. Antonius par. I. ser. 56. Melissa. Maxi. ser. 50.

Stratonici.

Stratonicus ad medicum quendam dixisse fertur: Laudo tuam experientiam, quia non sinus infimos computrescere, sed statim eos à vita liberat. Antonius in Melissa, par. I. ser. 56. Sed hoc Nicocli ascribit Maxi. ser. 50.

Didymi.

Didymus perfectum medicum esse dicebat, non quidem qui omnino curaret, sed qui nihil eorum quæ ad utilitatem ægri, & curam pertinent, omittit. Anton. in Melissa, par. I. ser. 56. Maximus ser. 50.

Trophili.

Trophilus medicus interrogatus, quis perfectus medicus fieret? dixit: Ille qui possibilia & impossibilia discernere potest. Stobæus ser. 100. Maxi. ser. 50.

Philotimi.

Philotimus medicus cuidam ostendenti digitum exulceratum, quum epar haberet tabidum: id enim ex colore deprehendit: Non est tibi, inquit, ô bone, periculum ab vnguium vitio. Idem ferè fit ab hominibus, ut de leuioribus malis querantur, grauiora dissimulent. Eras. lib. 6. apoph.

Anonymi.

Medicus quidam ægrotanti dederat pharmacum, còq; sumpto conualuit ægrotus. Euenit ut aliquanto post idem morbus recurreret. ægrotus cum ad idem pharmacum, quo prius conualuerat,

luerat, confugeret, nec sentiret remedium, accersit medicum, admirans qui factum esset, ut eadem medicina quæ prius depulisset morbum, postea magis aggrauaret. Huius rei causam sciscitanti, medicus faceret respondit: Fateor idem fuisse pharmacum, sed ideo non profuit: quia ego non dedi. Sentiens, medicorum esse dare pharmaca, qui norunt quando & quomodo dandum. Quæ profunt iuueni, nocent seni: & contra, quæ iuuant cælo tepido, lædunt frigido. Hoc refertur ab Augustino.

Pausania, & Socratis.

Eum medicum censebat optimum Pausanias, qui non sine-ret ægrotos extabescere, sed quamprimum sepeliret. Inhumatior quidem videtur hæc sententia, sed tamen à Socratis opinione non multum abhorrens: qui vult, admodum valetudinarios, nec vlla iam ex parte utiles reipub. æquo animo debere è vita decedere: sic tamen, ut nemo sibi vim adferat, sed honestis actionibus immoriatur. Certè non apparet quid magnificiâr, cum quatuordecim medici multo tempore immodicis impendiis adnituntur, ut anui iam præmortuæ vitam in vnum alterumve mensem proferant. Quid enim aliud agunt, nisi quod arte sua mortem reddunt longiorem: quasi hoc cuiquam sano sit optabile, diu mori? At viri sapientes mortem inopinatam ac breuem iudicarunt optimam. Plut. in Lacon.

Demadis.

Demades maiorem gratiam medicis deberi dixit, qui morbum ingruentem arcerent, quam qui iam præsentem expellerent. Magis quippe optandum est, omnino non pati, quam à passionibus liberari. Antonius in Melissa, part. i. sermo. 56. Maximus sermo. 50.

Hieronis.

Hieronymus medicum tum demum ægroti amicum esse dicebat, cum in extrema necessitate se diligentissimum ostendit. Antonius in Melissa, part. i. ser. 56.

Dionysij.

Dionysius post alia multa sacrilegia in Epidaurio, Aesculapio barbam auream detraxit, quod negaret conuenire, cum Apollo Aesculapii pater imberbis fuisset, ut filius barbam aleret. Finxit autem ideo antiquitas Aesculapium barbatum, ut innuerent, in medico multarum rerum vsum & experientiam requiri. Valer. Max.

Tiberij Caf.

Tiberius Cæſar dixiſſe fertur, eum hominem ſibi videri ridiculum, qui ſexageſimum prætergreſſus annum, manum porrigeret medico. Sentiens, hominem tam grandem natu ſcire oportere, quomodo iam ſibi mederi debeat. Porrigunt manum medico, qui conſulunt illum, explorantem pulſus venarum, Eraſt. lib. 6. apoph.

De medicina contempta.

Diogenis.

Diogenes videns quendam medendi artem iam profitemtem, qui prius fuerat palæſtrites, ſed ignauus: dixit illi, An eos qui te hæcenus deiecerunt, nunc viciffim deiicies? Denicit luctator, quem ſuperat: & denicit medicus, quos in lectum coniecit, aut etiam in ſepulchrum. Senſit autem Diogenes, illum tam malum eſſe medicum, quàm fuerat ignauus palæſtrites. Similis iocus eſt apud Martialem, de eo qui ex medico factus hoplomachus. non aliud faceret hoplomachus, quàm quod fecerat medicus. Laert. lib. 6.

Didymonis.

Didymon, qui vulgò audiebat adulter, curabat oculum virginis. Ei Diogenes dixit: Vide ne corrumpas pupillam. Hoc dictum apud nos perdit ſuam gratiam. Apud Cræcos autem *λέγω* & virginem ſonat, & oculi pupillam. Luſit igitur ex ambiguo Diogenes. Laert. lib. 6.

Nicoclis.

Nicocles, quum malus quidam medicus diceret, ſe magnam habere poteſtatem: Quid ni, inquit, iſta dicere liceat, qui tam multos impunè ſuſtuleris? Max. ſer. 50.

Anonymi.

Sapiens quidam, cum imperitus medicus ei dixiſſet, Senex factus es: reſpōdit, Bene quidem, & ſatis feliciter: medico enim non uſus ſum. Anton. in Meliſſ. part. 1. ſer. 56.

Ariſtotelis.

Cum morbo teneretur Ariſtoteles, & medicus ei præceptum quoddam iniūgeret: Ne, inquit, me cures, vel ut bubulcum, vel ut foſſorem, ſed prius cauſam edifferere: ſic enim facili perſuaſione me morigerum reddideris. Docens, his nihil ſine cauſa temereque proferendum eſſe. Aelianus libro nono de Varia hiſtoria.

Arceſi

Arcefilai.

Arcefilaus Scythia dicere solitus est: Quemadmodum vbi multae leges, ibi plurimum vitiorum: ita quoque vbi multi sunt medici, ibi etiam sunt multi morbi. Laer. lib. 4. cap. 6.

Pausania.

Medicus qui inuisebat Pausaniam, dicebat, Nihil habes mali: Non enim, inquit, te medico vtor. Hoc ipsum, quod nihil habebat mali: adeo non acceptum ferebat medicis, ut eos solos iudicaret prospera esse valetudine, qui medicis non vterentur. Id ut perpetuo verum non sit, tamen extra controuersiam est, maximam malorum partem a medicis proficisci, vel quia sint imperiti, vel quia negligentes, vel quia ambitione, quae tunc corrupti. Plut. in Lacon.

Eiusdem.

Idem quum ab amico argueretur, quod de medico quodam male loqueretur, a quo nec villa relaxatus esset, nec cuius fecisset periculum: Si fecissem (inquit) periculum, nequaquam viverem. Plut. in Lacon.

Eiusdem.

Medico cuidam dicenti Pausaniae, Ad senectutem peruenisti: Ob id, inquit, quod te medico non sum usus. Medicus existimabat arti suae deberi, si cui contigisset senectus. at ille credebatur, vix vnquam ad senectutem pertingere, qui medicis vtuntur. Ibidem, & Brus. lib. 4. cap. 8.

Agésilai.

Quum medicus quispiam Agésilao regi praescriberet curationem nimis exactam, minimaeque simplicem, qualis esse solet apud Lacedaemonios: Per Geminos, inquit, summa quae praescribis, si mihi prorsus est in fati ut non viuam: etiam si non omnia sumpsero. Significabat, eiusmodi curationes citius acceleraturas mortem, quam depulsuras morbum. Nec tam operosa pharmaca sumenda, nisi ei qui destinauit mori. Omnibus in rebus ei genti placuit frugalitas ac simplicitas.

Philippi regis.

Supra de Iocose dictis.

Menechmi.

Menechmus rogatus a medico, qui putabat eum falso insanire, dicente: Dic mihi hoc, Solentne tibi vnquam oculi duri fieri? Urbanè respondit: Quid? Num me locutam esse censet, homo ignauissime? Ex Plauti Menechmis desumptum.

Hadriani imp.

Hadrianus imperator moriens, dixit illud vulgatum: Turba medicorum Cæsarem perdidit. Arbitror illum hac detorisse Græcum prouerbum, πολλοὶ γὰρ ἰατροὶ λόγιον ἀπώλεσαν, πολλοὶ δ' ἰατροὶ τὸν βασιλῆα ἀπώλεσαν. Quamquam & hodie verum est; turbam medicorum multis causam esse mortis: Dion Cassius.

De mediocritate:

Philoxeni.

Philoxenus dicebat eas esse iucundissimas carnes, quæ carnes non sunt: & suauissimos pisces, qui pisces non sunt: quemadmodum amoenissimam esse navigationem iuxta terram, & ambulationem iuxta aquam. Eras. lib. 6. apoph.

Lycurgi.

Lycurgus Lacedæmoniorum legislator interrogatus, quam ob rem statuisset, ut ad ædium culmen imponendum fabri securi vterentur, ad fores verò addendas sola ferra, nec yllo alio instrumento? Ut, inquit, ciues mediocritatem seruent in omnibus quæ in ædes inferunt, neque quicquam habeant earum rerum quæ apud alios sunt admirationi. Videbatur enim parum decorum esse, si per ostium rude supellex inferretur exotica, præcio chara, arte operosa, &c. Plut. in Lacon.

Seneca.

Nero sibi comparat aulaeum quoddam insignem, tum præcio, tum pulchritudine. Id videns Seneca: Declarasti, inquit, te esse pauperem. Causam rogante Nerone: Quoniam si istuc amiseris, inquit, non poteris aliud parare simile. Euenit ut illud aulaeum naufragio periret. In hoc autem profecerat Senecæ admonitio, ut Nero iacturam adamatæ rei ferret moderatius. Qui nummum habet vnicum, quo amisso non queat alterum promere, pauper est. Tutissimum igitur est, mediocribus ac parabilibus delectari. Eras. lib. 6. apoph.

Alphonfi.

Alphonfus Aragonum rex potentissimus, optimum factum sibi videri dicebat, si voluntas hostra inter amorem ac metum media intercederet. Ut quantum amor ad excessum impelleret, tantum timor illam e diuerso retraheret. Sensit autem, mediocritatem in omnibus esse optimam, & hominum actiones media voluntate temperandas. Panormita lib. 4. de rebus gestis Alphonfi.

De me

De memoria.

Socrati.

SOcrates literas, quas vulgus putat repertas iuuande memoriae, dixit vehementer officere memoriae. Olim enim homines si quid audissent dignum cognitu, non libris, sed animo inscribebant: hac exercitatione confirmata memoria, facile tenebant quicquid volebant: & quod quisque sciebat, habebat in promptu. Post reperto literarum usu, dum libris fidunt, non perinde studuerunt animo infigere quod didicerant. Ita factum est, ut neglecto memoriae cultu, minus viuida esset rerum cognitio, & pauciora quisque sciret: quandoquidem tantum scimus, quantum memoria tenemus. Eras. lib. 3. apoph.

Antisthenis.

Suprà de Librorum fiducia & multitudine.

Themistoclis.

Themistocles Atheniensis ludum præterens, in quo diceretur esse professio, rogauit quid is profiteretur: quum responsum esset, artem memoriae hic doceri: contempsit, dicens: At ego mallem artem obliuiscendi. Verum hæc vox digna fuit eo, qui linguam Persicam intra annum potuit ediscere. Plutarch. in græco apoph. & Bruso. lib. 4. cap. 4. Meminit Cicero lib. 2. de Oratore.

Idem aliter.

Cum Themistocli Simonides, aut quis alius, artem memoriae polliceretur: Obluionis, inquit, mallem. Nam meminisse eorum quæ volo, obliuisci non possum quæ volo. Cicero lib. 2. de Finibus bonorum & malorum, & 4. Academicarum quæst.

Polemonis.

Proconsul torquebat prædonem quendam: quumque dubitaret, quod supplicii genus esset de illo sumpturus, superueniens fortè fortuna Polemon: lube, inquit, illum ediscere veterum scripta. Ipse quidem Polemon multa edidicerat, sed in exercitatione nihil ducebat laboriosius ac molestius, quàm ediscere: eoque Fabius iubet hoc tædium protinus à pueris deuorari. Philostratus in Sophist.

Appij Claudij.

Appius Claudius quum apud Scipionem iactaret, se omnes Romanos, posse memoriter nominatimque salutare: ille, Bene, inquit,

inquit, narras. Ego enim non vt multos cognoscerem, sed ne ab illo ignorarer, adnexus sum. Brusonius lib. 4. cap. 4.

Cass. Seueri.

Cassius Seuerus, quum ex Senatusconsulto libri illius exuerentur: Nunc, inquit, superest vt ipse viuus comburatur, qui illos edidici. Quod animo insculptum est, nisi cum vita, eripi non potest. Eras. lib. 8. apoph.

Claudij Cæs.

Claudius Cæsar quum cuidam notam appositam, deprecantibus familiaribus ademisset: Litura tamen, inquit, extat. Sentiens, etiam remissa culpa, manere tamen infamiae prioris vestigium. Alludens ad scripturam, quæ licet spongia deleatur, aut graphio radatur, relinquitur tamen lituræ rasuræq; vestigium. Erasimus lib. 6. apoph. ex Suetonio.

De mendacio.

Thaletis.

Thales Milesius à quodam rogatus, quântum à vero falsum abesset? Quantum, inquit, oculi distant ab auribus. Sensit autem, eos plerumque mentiri, qui audita, nõ visa referunt aliis. Maximus ser. 35.

Aristotelis.

Aristoteles philosophus interrogatus, Quid lucrifacerent mendaces? Vt vera, inquit, loquentibus non credatur. Laert. lib. 5. cap. 1. & Brus. lib. 4. cap. 18.

Anacharsidis.

Anacharsis Scythæ aiebat se mirari, quid fieret, vt Athenienses, qui prohiberent mentiri, tamen in cauponum tabernis palam mentirentur. Qui vendunt merces, emuntque, lucri causa fallunt quemcunque possunt: quasi quod priuatim esset turpe, fiat honestum, si publicè facias in foro. At in contractibus maxime fugiendum erat mendacium. Sed tum maxime mentiuntur homines, cum maxime negant se mentiri. Apud Athenienses lex erat, quæ iubebat *ἡ ἀγορὴ ἀψευδέειν*. Laert. lib. 1. cap. 9.

Aesopi.

Aesopus rogatus, quid lucri accederet ex mendacio mentientibus? Vt eis, inquit, etiam cum vera dicunt, fides non habeatur. Maximus ser. 35.

Lysandri.

Lyfandri.

Lyfander cum Athenienſes non virtute, ſed inſidiis viciffet iuxta flumen cui nomen Aegis, eisq̃ue fame preſſis urbem in fidem ſuam accepiſſet, ſcripſit Ephoris: Captæ ſunt Athenæ. perinde quaſi vi rē geſiſſet, gloriā aucupans mendacio. Plut.

Archidami.

Chius quidam iam ſenex in Lacedæmonem peruenit, qui quidem alioquin erat arrogans, ſed ſenectutis ſuæ ipſum pudebat: quare canos tinctura obliterare conabatur. Progreſſus aut̃ in publicum, de rebus orationem habuit, quarum gratia venerat: tum ſurgens Archidamus, dixit: Quid ille tandem rectum diceret, qui mendacium non in anima ſolum, ſed capite quoq; circumfert? Stob. ſer. 10. ex Theophrasto.

Laconi.

Laconi cum quidam dixiſſet, Mentiris: vrbane Lacon, Quia (inquit) liberi ſumus: ſed alii, ſi quando vera non dixerint, flebunt. Bruſ. lib. 4. cap. 18.

Epaneti.

Epanetus dicere ſolitus eſt, mendaces omnium ſclerum & iniuriarum autores eſſe. Quæ ſententia non diſſonat à literis Hebræorum, quæ narrant, ſerpentis mendacio primum fores apertas omni vitiorum generi. Epaneti dictum extat apud Plutarchum in Lacon.

Anonymi.

Quidam mirantibus, quod humile candelabrum emiſſet: Pranſorium erit, inquit. Eludens iocoſo mendacio, ne parcus videretur. In conuiuiis vtimur humilioribus candelabris. vt exactius peruideamus quæ ſunt appoſita. Eraſ. lib. 6. apoph.

Persurum.

Persæ dicere ſolent, eſſe duo peccata: quorū prius ſit, eſſe debitor: alterū, mentiri. q̃ obarati plerunque mentiuntur, dum pollicentur in diē, nec præſtant quod pollicetur. Ex Herodoto.

Cyri.

Cyrus dicere ad Armenium ſolebat, Omnino non mentientum eſſe. Apertum enim mendacium hominibus maximè impedimento eſſe ad veniam conſequendam. Danda eſt quippe his venia, qui ex inſcitia vel errore mentiuntur: verū hi qui data opera aperte nugantur, nulla venia digni ſunt. Cyri dictū extat apud Xenophontem lib. 2. Padiæ.

/ Galba.

Galba.

Galba, quodam iactante, quòd in Sicilia murenam quinque pedes longam emisset victoriato: Nihil, inquit, mirum, nā ibi tam longæ nascuntur, vt his piscatores pro restibus cingantur. Mendacium euidentiore mendacio derisit. Fulgosus libro 4. ca. 18. Erasmus Rot. lib. 6. apoph.

Ciceronis.

Cicero Fabiæ Dolabellæ dicenti, se triginta annos habere: Verum est, inquit, nam hoc iam viginti annos audio. Volebat illa iunior videri, quam erat. Itaque Cicero elusit illam simulatione, significans interim illam esse quinquagenariam. Brusonius lib. 4. cap. 18. & Erasmus lib. 4. apoph.

Eiusdem.

Idem obiicientibus, quòd à reo pecuniam accepisset, qua magnificas quasdam ædes esset empturus: Fatebor, inquit, accepisse me, si emero. Eas quum esset mercatus, exprobrantibus vanitatem: An nescitis, inquit, boni patrisfamilias esse, dissimulare si quid constituerit emere? Eras. lib. 4. apoph.

Eiusdem.

Idem Iubiū Curtiū, quo iunior videretur, multa de annis gratis suæ mentientē, ita redarguit: Ergo, inquit, quum vnā declamabamus, non eras natus. Brus. lib. 4. cap. 18, Eras. lib. 4. apoph.

Augusti Cæs.

Iulia Cæsaris Augusti filia, cum maturè canos habere capillos coepisset, habebat complices quæ canos capillos sublegebant. Verum quū Augustus pater interuenisset clam, canos capillos super vestes filia: vidit, quos euulserant, cum autem aliud agens, rē dissimulasset, demum post multa interrogauit filiam, Vtrū post aliquot annos cana esse mallet, an caluā? Quum quæ illa respondisset, se canam esse malle: Cur ergo, inquit, tuo iussu & instinctu istæ ante tēpus caluā te facere studet? Et sic prudenter mendacium in filia deprehendit. Eras. lib. 4. apop. ex Sueton.

De mendacio vrbane excusato.

Platonis.

PLato dicebat, mendacium concedendum esse medicis, aliis verò minimè. Medici quippe vt ægrotantium animos solentur, promittunt sæpe sanitatem, etiam in ipso mortis agone, ne animum despondeant. Platonis dictum leges libro tertio de Repub.

Phocion

Phocionis.

Aristogiton Sycophanta in sermonibus nihil nisi arma bel-
laque sonabat, quum verò intellexisset delectum militum ha-
beri, simulata valetudine crus obligabat, baculoque innixus,
ceu vulneratus, claudicans prodiit in publicum, eum Phocion
à tribunali prospiciens, ait: Scribe Aristogitonem claudum, &
eundem improbum atque mendacem. Brus, lib. 3. de Inertia.

Stratocles.

Stratocles Atheniensis, superatis pugna nauali Atheniensibus,
summa celeritate coronatus, faustum victoriae nuncium
attulit, unde supplicationes decreteret, epulumque per vnâquamque
tribum constitutum. Sed biduo post, cum verus nuncius calamita-
tis afferretur, vniuersus populus in Stratoclem exarsit. Tum
ille: Quid, inquit, viri Athenienses vobis molestè intuli, duos
dies summa estis ea causa in voluptate versati? Fulgosus libro
4. cap. 18. & Eras. lib. 8. apoph.

Philippi regis.

Philippus Macedo, quodam tempore ab hospite quodam in-
uitatus ad cenam, inter eundum fortè obuios secum adduxit um-
bras. Vbi sensit hospitem turbari, quod tam multis non suffice-
ret apparatus, præmissis ad singulos amicos puero, iussit ut pla-
centæ seruarent locum: illi persuasi, dum placentiam expectant,
paululum edebant, ita factum est, ut cœna sufficeret omnibus.
Faceto ioco simul & elusit amicos, & hospitis pudori subuenit.
Plut. in apoph. Reg. & Impp.

Augusti Cæs.

Herennium adolescentem vitiis corruptum Cæsar castris ex-
cedere iusserat: quumque ille dimissus supplex ac plorabundus,
apud Augustum hac deprecatione vteretur, Quo pre redibo in
patriam? quid dicam patri meo? Dic, inquit, me tibi displicuisse.
Quoniam pudebat adolescentem fateri, quod ipse Cæsari
displicuisset: Cæsar permisit ut sermonem inuerteret, & culpam
in ipsum conferret. Suetonius in Augusto.

De mendicitate, & mendicantibus.

Diogenis.

Quibusdam Diogeni probro vertentibus, quod poteret, cum
id Plato non faceret: Imò, inquit, petiit & ille, sed
ἀγχιχὸν λεγόντων, ἵνα μὴ πονηροὶ εἰσέλθοιεν. id est,
Admoto capite, ut ne quisquam audiat alcon.

Abusus

Abusus est Homérico carmine, quod est *Odyssæa*. quo significauit, Platonem non minus esse petacem, nisi quod ille clā peteret, ipse palām. Laert. lib. 6.

Eiusdem.

Diogenes Cynicus posteaquam inopia compulsus cœpisset mendicare, his verbis solebat aggredi: Si cui alteri dedisti, da & mihi: sin nemini, à me incipe. Significabat, se non inferiore[m] ceteris mendicis: itaque vt qui daret quibuslibet, daret & Diogeni: qui verò tam parcus esset, vt nemini quicquam daret, huic tempus esse, vt aliquando dare incipiat. Laertius libro sexto.

Eiusdem.

Idem à prodigo petebat minam, ille admiratus improbam postulationem, interrogabat, Cur ab aliis obolum petere sole-
ret, à se autem minam. Quoniam, inquit, ab aliis iterū me accepturum spero, à te autem fortassis nunquā. Laert. lib. 6.

Aristotelis.

Aristoteles Stagirita obiurgatus à quodam, quod dedisset eleemosynam homini malo: Non mores, inquit, sed hominis miseriam respexi. Laert. lib. 5. cap. 1.

Eiusdem.

Idem ab alio, eadem de re castigatus: Non homini dedi, inquit, quicquam, sed humanæ fortū. Laert. libro 5. cap. 1.

Stratonici.

Stratonicus musicus cuidam laudanti ipsum, vt aliquid ab eo acciperet: Ego, inquit, maior mēdicus sum. Sentiens, nō esse musicorum, dare laudanti, sed accipere à laudatis. Athenæus.

Anonymi.

Lacedæmonius quidam videns quendam diis corrogantem: Nihil, inquit, moror deos, qui me sint pauperiores. Hinc liquet, vetus esse, sub obtentu religionis exercere mendicitatem: quum plerunque tali collecta titulo, non impendantur diuis, qui nullius rei sunt egeni, sed improborū luxui ac libidini, Plutarchus in Laconicis.

Laconis.

Mendicus quidam petiit aliquid à Lacone, at ille: Si quid, inquit, dederō, magis es futurus mēdicus. Verū istius probosa vitæ tuæ fuit autor, qui tibi primus dedit, teque fecit inertem. Apud Lacedæmonios probo dabatur mendicitas: quod & ociū odissent, & minimo essent cōtenti. Benignitas autē in mendicos, speciem habet magnæ virtutis: sed ea priorum hominum bonitas, alit plurimorum malorum luxuriosam ignauiam. Idem.

Antigoni.

Antigoni.

Antigonus rex, Thrasillo Cynico petenti drachmam: Non est, inquit, munus regium. Cynico subiiciente, Talentum igitur da: At nō est, inquit, Cynicum, tale munus accipere. Vtroque cornu repulit postulatoris improbitatem, quam existimabat nullo dignum beneficio. Plut. in Reg. & impera. apoph.

De mente.

Thaletis.

THales Milesius olim interrogatus, quid in tota rerum natura esset velocissimum? respondit, Mens humana. Discurrit enim per vniuersa hominis cogitatio. Laert. lib. 1. cap. 1.

Phocionis.

Phocion Atheniensis semper admonere homines solebat, ut mente vigilarent, cuius sonitus veræ morti finitimus esset. Stobæus ser. 1. de Prudentia.

Alphonfi.

Aphonius Aragonum rex, cum pro more lectioni Annæi Senecæ (quem præcipuè semper coluit) incumberet, interrogatus à Dauolo, purpuratorum humanissimo, cur animus mortalium ita immensus, atque insatiabilis foret? respondit rex: animum hominis à Deo profectum, non prius conuiuiscere, quàm eò rediret, vnde profectus esset. Esse proculdubio animum nostrum Dei & æternitatis capacem, & propterea nequè impleri, neque satiari posse iis rebus quæ fluxæ & incertæ essent. Panor. lib. 1. de Alphonfi rebus gestis.

De mercedis cupiditate.

Antisthenis.

Antisthenes interrogatus, cur tam paucos haberet discipulos? inquit: Quoniam depello illos virga argentea. Sentiens, ideo paucos venire, quòd magna mercede doceret: vulgus autem magis amat pecuniam, quàm sapientiam. & hinc Satyricus exclamat:

Scire volunt omnes, mercedem soluere nemo.

Dictum Antisthenis extat apud Laertium lib. 6. cap. 1.

Aristippi.

Suprà de Educatione & institutione filiorum.

Polemonis.

Zeno Citæus, vbi iam in philosophicis aliquantum professus: non tamen contentus esse voluit: sed ad Polemonem, ut

in Dialecticis exerceretur, commeabat. Vnde Polemon dicere solitus est: Sat scio, ô Zeno, te per posticum irrepere, & furtari dogmata, quibus Phœnicum more indutus es. Notauit hoc dicto Zenonem, qui furtim & gratis à præceptore discere volebat, vt aliis postea multa mercede venderet. Laert. lib. 7. ca. 1.

Zenonis.

Quum Zenoni Talætagori filio quidam dialecticus septem species dialecticas ostendisset, quantum mercedis postularer, interrogauit. Poscenti centum, dedit ducentos. Laert. lib. 7. ca. 1.

Eiusdem.

Quidam cum Polemonem reprehendisset, eo quòd alia proponeret, alia loqueretur: Zeno Cittieus hoc audiens, interrogauit, quanta mercede suos doceret? Subindicans nimirum, discipulorum parsimoniam in causa esse, vt parum interdum diligentes habeant præceptores. Scire enim volunt (vt Satyricus ait) omnes, mercedem soluere nemo. Zenonis autem dictèrium leges apud Laert. lib. 7. cap. 1.

Isocratis.

Isocrates sæpè numero dicere solitus est, se quidem discipulos decem docere minis: ceterum qui ipsum docuisset audaciam & vocalitatem, mercedis loco daturum decem millia. vocis enim exilitas, animique timiditas, reddebant Isocratem inutilem ad dicendum. Eras. Rot. lib. 8. apoph.

Simonidis.

Simonides, rogante quodam vt sibi conscriberet encomium, & gratiam se relaturum iniquente, argentum autem non dante: Duas (respondit) arcas domi habeo: vnâ quidem gratiarum, alteram argenti. Et cum necessitas exigit gratiarum quidem arcam àperiens, semper vacuam inuenio: alteram verò solum comodam mihi ad rem vitæ necessariam. Notabat autem hominis sordidissimi tenacitatem, qui cupiebat multo studio ac labore philosophi, suas decantari laudes, nullum laboris præmium aliud offerens, quàm gratiarum actionem, quæ tribus verbis absoluitur: cum interim philosophus rem ad victum & amictum necessariam non verbis, sed promptis nummis coemere cogatur. Simonidis dictum extat apud Stobæum sermo, 8. de Iniustitia.

Anonymi.

Philosophus quidam dicebat, magistros à discipulis magnam mercedem exigere debere. Ab ingeniosis quidem, quòd multa

multa discant : ab hebetibus , quòd multum molestiæ exhibeant. Maximus ser. 17.

Phœnicidis.

Phœnicides cum apponeret pisces in conuiuio, sed his duntaxat qui dedissent symbolum, dixit : Mare quidem esse commune, sed pisces in eo natos eorum esse qui emissent. Erasmus libro 6. apoph.

Stratonici.

Stratonicus musicus, quum pater illius in balneo cum balneatore litigaret de pecunia. nam mos erat, vt hospites pluris lauarent quam ciues. Scelerate, inquit puer, ob æs me prope-modum Phaselitem reddideras. Nam hoc accidit in Phaselide, de qua gēte malè sentiebat tanquam sordida. Proin ministrum obiurgans, notat gentis malitiam. Eras. Rot. lib. 6. apoph.

Timothei musici.

Timotheus musicus cum duplicem mercedem exigeret ab eo, qui sub alio præceptore musicæ operam dedisset, interrogatus cur hoc faceret? Quia, inquit, duplex etiam labor mihi subeundus est. Primò quidem dedocendi vetera, deinde docendi noua. Bruso. lib. 2. cap. 23.

Coracii.

Corax primus apud Syracusas, mortuo Hierone, Rhetoricen instituit mercede profiteri. Lysias autem adolescens pactus est cum eo, vt tum solueret, quum optimè Rhetoricen calleret. Verum vbi artifex iam factus, præmium cunctaretur, à præceptore in ius vocatur. Sed quum quæreretur, qui finis litis esset futurus? Lysias ait : Si persuafero iudicibus, me nihil debere, non tradam præceptori quicquam, quia iam vici : sin non persuafero, etiam non dabo, quia artem persuadendi à te non didici. Tum Coxax : Imò, inquit, si persuaferis, dabis, quia artem calles : sin minus, dabis etiam, quia non vicisti. Et tum iudices subiecerunt, *κακὸν ἄλλοιαν & κακὸν ὄον* : id est, mali corui malum esse ouum. Vide Prolegomena in Hermogenis rhetoricen : Gellium libro quinto, capite decimo : qui simile quiddam de Protagora sophista, & huius discipulo Euathlo, narrat : Brufonius lib. 5, cap. 2, L. Apuleium in Floridorum libris : Erasmus Roterodanum in prouerbio, Mali corui malum ouum.

Catherij.

Sabinus Clodius quum vna die & Græcè & Latinè declamasset, quibusdam quærentibus, quòd pusillam mercedem ac-

ciperet ex duabus declamationibus : Catherius ait , nunquam magnam mercedem accipere eos, qui breuia pneumata docerent. Bruso. lib. 4. cap. 31.

De meretricum natura & moribus.

Leontij.

Leontium , quoniam ipsa cum amatore discumbente , ingressa esset Glycera , & amator ad hanc videbatur procliuor, sedebat mœsta. Hanc quum notus quispiam appellasset, dicens : Quur mœres Leontium ? Vterus , inquit , mihi dolet. *Uterus.* Græcis vterum siue vuluam sonat : & eadem vox sonat, posterior. significabat autem , posteriorem Glyceram magis placuisse, idque sibi dolere. Eras. lib. 6. apop.

Phrynes.

Phryne Praxitelam, à quo deamabatur, rogauit, vt ex operibus quod haberet pulcherrimum , sibi donaret. Promisit quidem amans, sed illa sensit artificē dissimulare, quod esset optimum. Itaq; subornauit seruum, qui Praxitela in foro sua vendenti nunciaret, incendium in officinam incidisse, ac pleraque illius opera conflagrasse , non tamen omnia. Praxiteles exclamauit : Nihil sibi relictum , si Satyrum & Cupidinem flamma corripuisset. At Phryne occurrens, iussit illum bono esse animo, nihil enim triste accidisse, Sed hoc commento deprehendit , in quod opus ille plurimum artis contulisset , & Cupidinem abstulit. Eras. lib. 6. apoph.

Eiusdem.

Eadem, quum amatores (quoniam gratis non admittebantur) filiæ domum expugnaturi, vectes, ligones, & balistas admo-uerent , Phryne prodiit : Quum ista , inquit, haberetis domi, quin potius afferebatis precium ? Sentiens , ita facilius expugnari meretricum ædes dando, quam fodiendo, Erasmus Rot, libro 6. apoph.

Eiusdem.

Eadem quum insidiaretur pudicitia Xenocratis , & in easdem adiculas ab illo esset admissa , ac precibus tandem impetrasset, vt lectuli partem, qui illic vnicus erat , ipsi concederet: reuerſa ad illos qui eam subornauerant , ac rogata quid profecisset? Ego, inquit, à statua redeo, non à viro. Idem elegantius narrat Valerius Maximus. Pacta cum adolescentibus , vt Xenocras

hocratem ad coitum sollicita ret, sese in illius probè poti lectu-
lum coniecit. postridie quum adolescentēs exprobrarent, q̃
tam formosa puella poti senis animi pellicere nō potuisset,
pactūque victoriæ precium flagitarent, facerè elusit, dicens:
se de homine, non de statua cum illis pignus posuisse. Erasmus
libro 6.apoph.

Eiusdem.

Eadem avaro cuidam amatori blandienti, dicenti que, Pra-
xitelis Venuscula es: Et tu, inquit, Phidiæ Cupido. Blandimen-
tum blandimento pensans, & obiter auaritam homini cupidō
exprobrans. Nam Phidias à parsimonia nomen habere videtur.
Eras. lib. 6.apoph.

Eiusdem.

Phryne cuidam iuueniliter iactanti, quodd multas haberet, se
studio tristem exhibebat. ac roganti causam: Ob hoc ipsum
irascor, inquit, quodd multis inuolutus fueris. de plagarum no-
tis sentiens, quas in illius corpore deprehendit. erat enim ser-
uus: at ille gloriabatur de puellis, quibus potitus fuerat. Eras-
mus libro 6.apoph.

Laidis.

Lais Corinthia, insigne scortum, Myronem falsissimè repu-
lit. sed præstat hoc Ausonii verbis referre:

Canus rogabat Laidis noctem Myroni

Tulit repulsam protinus:

Causamq; sensit, & caput fuligine

Fucauit atra candidum.

Idemque vultu, crine non idem Myron,

Orabat oratum prius.

Sed illa formam cum capillo comparans,

Similemque non ipsum rata,

Fortasse & ipsum, sed volens ludo fini,

Sic est adorta callidum:

Inepte, quid me quod recusavi rogas?

Patri negavi iam tuo.

Hoc videtur imitatus imperator.

Eras. lib. 6.apoph.

Apellis.

Apelles, quum Laidem adhuc virginem vidisset ex Pireæo
ferentem aquam, admiratus insignem formam, duxit illam in
conuiuium sodalium. Ceterum irrisus ab illis, q̃ pro meretrice

dixisset, Qui superbus? Imò, inquit Gnathæna, quis te superbior, qui nec vocatus venias. locus est ex ancipiti: nec vocatus venit, qui non vocatus venit, quod est impudentiæ: & nec vocatus venire dicitur, qui vocatus venire recusat, quod est superbiæ. Eras. lib. 6. apoph.

Corydi.

Corydus parasitus compotante ipsi meretricula, cui nomen erat Gnome, quum vinum deficeret, ipse iussit imponi duos supra centum obolos. Gnomen autem conferre quantum populo videretur. notans, illam è populo quæstum facere. Eras. lib. 6. apoph.

Lamia.

Adolescens in Aegypto deperibat Theonidem meretricem. quumque illa peteret ingentem mercedem, tandem adolescens somniauit se rem habere cum ea, atque ita liberatus est amore. Petit illa mercedem. Negante iuvene, itum est ad iudicem. Bocchoris pronuntiat, vt iuuenis in vasculo adferret tantum pecuniæ, quantum illa postularat. Iubet adesse meretriculam, & umbra frui pecuniæ circumlatæ. Hoc iudicium Lamia velut iniquum reprehendit. Iuuenis somnio liberatus est, inquit ab amore: at umbra pecuniæ non exemit Theonidi pecuniæ amorem. Eras. 6. apoph.

Vide tit. de Scortatione infra.

De metu & timore, vel timiditate.

Socratis.

Socrates Alcibiadem adolescentem, primum ob imperitiam trepidantem, vt fit, apud tantam multitudinem verba facere, lepida *διὰ τὴν αἰσχρονομίαν* animauit: An non putas, inquit, δ Alcibiades contemnendum suturem? Annuuit. An non præconem? quum & hic annuisset: An non contemneres, inquit, tabernaculorum opificem? Quum similia quædam proposuisset, & is fateretur hos esse contemnendos, tum Socrates: Atqui, inquit, ex his constat Atheniensium populus, quem tu vereris. Quorum si singulos putas contemnendos, qui minus etiam contemnas condensatos? Sensit, non referre apud quam multos dicas, sed apud quam cordatos. Fit enim hoc miro modo, vt quos singulos despicias, congregatos reuereris. In conuiuio Platonis Socrates admiratur Agathonis audaciam, qui coram tot hominum milibus præsentis animo recitasset suam tragediam: cui quum Agathon respondisset, se citius velle coram multis ho-

minum milibus dicere, quàm apud vnum Socratem: Atqui in illis, inquit, millibus & Socrates erat. Fit enim & illud miro modo, ut quem vnum reuerere, in turba mixtum contempnas. Eras. 8. apoph.

Dlogenis.

Suprà de Argutè dictis.

Isocratis.

Isocrates cum intelligeret, quantum sibi animi obesset timidas, sapenumero dicere solitus est, se suos quidem discipulos docere decem minis: verùm qui ipsum docuisset extra omnem timiditatem in concione loqui, mercedis loco daturum decem milia. Sola enim timiditas & vox exilis reddebant hominem inutilem ad dicendum. Eras. lib. 8. apoph.

Cleanthis.

Cleanthes Assius cuidam illi probri causa obiicienti, quòd esset timidus: Ideo, inquit, minimum pecco. Bona est timiditas, quæ deterret à turpibus, & reddit hominem circûspectum. Laert. lib. 7. cap. 1.

Xenophanis.

Xenophanes Lagi filius, quum ipsi Hermoneus timiditatem obiiceret, quòd nollet secû tesseri ludere: Fateor, inquit, me non solum meticulosum, verùm etiam vehementer meticolosum, sed aduersus inhonesta. Honestà formidolositas est, quæ deterret à turpibus. Plut. de vitiosa verecundia.

Cleomenis.

Cleomenem cum quidam interrogasset, cur Spartiatæ non consecrarèt diis spolia ab hostibus detracta? Quoniam, inquit, à timidis venerunt. Porro quæ parata sunt ab his qui ob timiditatem capti sunt, nec decet intueri iuvenes, nec diis cōsecrata reponi. Plut. in Lacon. apoph.

Laconis.

Quidam Metapontinus Laconi obiicienti ignauiam: Atqui, inquit, non parum alienæ regionis possidemus. Ergo, inquit Lacon, non solum ignaui estis, verùm etiam iniusti. significans, non posse fieri, ut quis meticulosus & imbellis multum teneat alienæ ditionis, nisi fraude partum. Plut. in Lacon.

Vibii Crispi.

Cuidam qui in foro Romæ loricatus ambulabat, prætexens id se metu facere, perquam scitè dixit Vibius Crispus, Quis tibi sic timere permisit? Ludēs ex inopinato. Expectabatur enim,
ut ob

vt obiurgaret hominem, quod præter consuetudinem Romanam armatus incederet. At ille increpuit hominem, quod sic timeret, quum liceret manere domi, si quid timeret. Eras. Ror. lib. 6. apoph.

Themistoclis.

Themistocles quum Græcos ad naualem pugnam hortaretur, incitarétque, Adimantus abhorrens à pugna, ita ad Themistoclem, ait: At qui in certaminibus ante alios prosiliunt, flagris cæduntur. Bene quidem, respondit rex: sed nec ii coronantur, qui se, dum pugnandum est, subducunt. Plutar. in Græcor. imperato. apoph.

Eiusdem.

Idem in Eretrienfes ita cauillari solebat, vt diceret eos similes piscium, qui gladioli vocantur: quippe qui gladium quidem habent, cor autem non habent. notans illorum ignauiam, quod armatis non adesset animus. Plut. in Græc. apoph.

Philippi regis.

Philippus Macedonum rex, cum subactis Græcis, quidam autores essent, vt ciuitates præfidiis contineret, ne deficerent: Malo, inquit, diu bonus ac commodus, quam breui tempore dominus appellari. sentiens, regnum, quod beneficiis ac beneuolentia teneretur, esse perpetuum: quod vi metúque, non esse diuturnum. Plut. in apoph. reg. & imp.

Catonis.

Suprà de Autoritate.

Ciceronis.

Suprà tit. de Fuga.

Augusti Cæs.

Suprà de Iocosè dictis.

Caligula.

Caligula illud è Tragædia subinde iactabat: Oderint, dum metuant. Hanc ne quis miretur, eiusdem vox fuit: Vtinam populus Romanus vnicam ceruicem haberet. Hanc emisit, infensus turbæ, fauenti Venetæ aurigarum factioni, quum ipse faueret Præfinæ. Eras. lib. 6. apoph.

De militia, & militibus.

Iphicratis.

IPhicrates censebat, militem & diuitiarum & voluptatū auidum esse oportere: dicens, illum audacius pericula subituum, quo suis cupiditatibus suppeditaret. Plut.

Phocionis.

Phocion quum Leosthenis ducis milites concinnè ornatos aspexisset, rogatus, qualis sibi ille exercitus videretur? Bellè mehercule, inquit, ad stadium decurrendum instructus. Bruso. lib. 2. cap. 32.

Epaminonda.

Epaminondas dicere solebat, militum quibus arma gerenda sunt, corpus exercitatum esse oportere, non solum athleticè, verum etiam militariter. Nam athletæ tantum hoc agunt, ut corpore sint robusto: at militem oportet corpus habere expeditum & agile. Vnde & vehementer obesis infensus erat, adeo ut huiusmodi quendam expulerit ab exercitu, dicens: Quod vix clypei tres quatuorve tegerent ipsius ventrem, per quæ nunquam vidisset sua pudenda. Plut. in Græco. apoph.

Agésilai.

Quidam conspiciens Lacedæmoniorum quendam claudum ad bellum exeuntem, quum ei equum veluti debili necessariū quæreretur: Non intelligis, inquit Agétilaus, in bello opus esse, non qui fugiant, sed qui loco maneant: significans, eos demum esse bello viles milites, quibus decretum est in prælio aut vincere, aut mortem oppetere. Plut. in Lacon. apoph.

Phocionis.

Quum Macedones irrupissent in Atticam, ac maritima illius depopularentur, Phocion eduxit iuvenes ætate florentes. quorum multis ad ipsum concurrentibus, hortantibusque ut colle quodam occupato ibi collocaret exercitum: O Hercules, inquit, quàm multos video duces, milites verò perpaucos. notans iuvenilem temeritatem, quæ duci præire conaretur: quum militis sit, non dare consilium, sed ubi res postulat, bonam nauare operam. Attamen commisso prælio vicit, & Nicionem Macedonum ducem superauit. At non multo post tempore bello deuicti Athenienses ab Antipatro, accipere præsidium. Plut. in Græc. apoph. Brusi. lib. 4. cap. 15.

Ateas.

Ateas hunc in modum scripsit Philippo: Tu quidem imperas Macedonibus bellandi peritis, at ego Scythis, qui & cum fame & cum siti pugnare valeant. Significans, hac parte Scythas ad bellum esse magis idoneos. Plut. in reg. apoph.

Antiochi.

Antiochus ostendebat Hannibali in campo copias, quas bellum

lum contra Romanos suscepturus comparauerat, conuertebátque exercitum insignibus argenteis aureisque florentem, inducebátque etiam currus cum falcibus, & elephantos cum turribus, equitatúmque frenis, ephippiis, phalerisque præfulgentem. Atque ibi rex tanto tamque ornato exercitu gloriabundus, Hannibalem aspicit. & Putásne satis, inquit, esse Romanis hæc omnia? Tum Pœnus, ignauiam vanúmque apparatus militum irridens: Planè, inquit, satis esse credo hæc Romanis, etiam auarissimi sint. Brusson. lib. 2. cap. 32.

Pescenij.

Pescenius interrogatus, cur omnia vasa argentea è castris amouisset: Quia, inquit, potuisset fieri vt sarcinæ militares in potestatem hostium venirent, fieréntque barbari argento nostro gloriosiores. Brusson. lib. 2. cap. 32.

Catonis.

Cato senior videns quendam vehementer obesum, mirabatur cui vsui tale corpus esse posset Reipub. cuius inter guttur & inguen omnia venter occuparet. Eras. lib. 5. apoph.

Anonymi.

Multis Othonem imperatorem rogantibus, ne deposito imperio exercitum ac Rempublicam dederet: quidam è gregariis militibus sublato ense dixit, Scito Cæsar sic pro te omnes animatos esse. morxque seipsum iugulauit. Sueton.

Vide plura in titulo de Bello.

De militum in rebus agendis

ignauia.

Timothei.

AVdace quodam milite vulnus Atheniensibus ostentante: Et me, inquit Timotheus, puduit, quòd quum ego in Samo dux vester essem, catapultæ telum propè me ceciderat. Significans, hoc vulnus illi non factum in prælio cominus pugnanti, sed procul. At bono duci adeò cauendum, vt ne propè quidem iaculum vllum possit accidere. Vulnus gladio factum, fortitudinem arguit: telo factum catapultæ, indiligentiæ signum est. Plut. in Græcor. apoph.

Empedocli.

Empedocles in eum mirmilonem, qui retiarium insequabatur, nec feriebat armis hunc in modum iocatus est: Viuè capere

pere vult, timet igitur ne lethale homini vulnus infligat. Bruso
lib. 3. cap. 12.

Lyjandri.

Suprà tit. de Ignauia.

Clearchi.

Clearchus Lacedæmoniorum dux exercitui dicebat, imperatorem potius quam hostem metui oportere. Significās, eos qui in prælio dubiam mortem timuissent, certum, si demeruissent, manere supplicium. Valerius Max. libr. 2. cap. 2. Frontinus lib. 4. cap. 1.

Damatria.

Suprà de Filiorum abdicatione.

Lacæna.

Lacæna quædam, cum filium in strage quadam loco celsisse animaduerneret, domum redeuntem occidi fecit, ne posthac ignauie exemplum ceteris esset. Plutarchus in apop. Lacænarum.

Antalcida.

Suprà tit. de Ignauia.

Phocionis.

Phocion Athenienfis quum militem è suis relicto ordine in hostes prodire conspexisset, eundemque conspecto Macedone pedem retrahere: Te, inquit, hominum ignauissime, num biniam deserti ordinis pudet? Nam & quem imperator tibi decreuerat, & quem tute tibi locum delegeras, reliquisti. Brufonius lib. 4. cap. 15.

Xerxis.

Quum Xerxi nunciatum esset, quam fortiter, quamq; etiā feliciter Artemisia rem gessisset in pugna nauali, dixisse fertur: Sibi fœminas fuisse viros, contra viros fuisse fœminas, quod parum dextrè se gessissent. Refert Herodotus lib. 8.

Myronidis.

Myronides creatus dux exercitus aduersus Bœotos, edixit, ut Athenienfes exirent. Quum autem adesset congregiendi tempus, ducesque monerent, nōdum omnes adesse: Adsunt, inquit, qui pugnaturi sunt. Hos itaque quum videret promptos, hostem aggressus, vicit. sic interpretans, eos qui ob ignauiam non studuissent tempestiuè adesse, ne in pugna quidem bonam operam naua tuos. Plut. in Græcor. imp. apoph.

Therycionis.

Therycion Delphis rediens, quum Philippi castra in Isthmo esse,

esse, angustiasque occupatas vidisset: O malos, inquit, ianitores vos Corinthii, quorum ignauia Peloponnesus facile peribit. Brufon. lib. 3. cap. 12.

Marcelli.

Quum ob turbatos ordines in Marcelli copiis victor Hannibal extitisset, reuersus in castra Marcellus, conuocato exercitu, ait: Se quidem multa Romanorum arma & corpora, Romanū verò videre neminem. Plutarchus.

Scip. Africani.

Scipio Africanus militi, cui scutum erat elegantius ornatum: Non miror, inquit, quòd scutū tanta cura ornaris, in quo plus habeas præsidiū quàm in gladio. significans, illum ignanum militem. Clypeus tuetur, sed gladius fortitudinis organū est. Idē.

Hannibalis.

Hannibal Gisconi nunciātī, sibi admirabilem videri Romanorum instructorum ad pugnam numerum: Imò aliud, inquit, mirabilius te fugit. Quidnam hoc esset, sciscitanti Gisconi: Quòd ex tam numerosa, inquit, hominum multitudine nullus appellatur Gisco. Is ducis iocus multum timoris detraxit, multumque alacritatis addidit militibus. Idem.

Fabij Maximi.

Salinator, quum ob eius ignauiam & incuriam Tarentum à Romanis defecisset, arcem tamen retinuit, quum verò aliquot post annos Fabius Maximus oppidum pulso Hannibale recepisset, rogaretque eum Salinator, vt meminisset, opera sua se Tarentum recepisse: Quid nū inquit Fabius: Nunquam enim ego recepissem, nisi tu amisisses. Notat tacitè Liuii ignauiam. Brufonius libro 3. capite 12.

C. Crassi.

C. Crassus militem videns sine gladio currentem: Heus, inquit, commilito, pugno bene vtēris, festiuiter taxans intermem militem, cui pro gladio pugno sit vtendum. Eras. 6. apoph.

Catonis sen.

Cato senior dicebat, sibi inuisum esse militem, qui ambulans moueret manus, pugnans moueret pedes, clariusque sterteret quàm inclamaret: pessimum autem imperatorem, qui sibi nō posset imperare, Plutarchus in Romano. apoph.

Ciceronis.

Pompeii imbelliam Cicero yrbanisimè taxauit, Dicentibus enim, se serò ad Pompeium venissē, respondit: Minimè serò, nā nihil hic paratum video. Quem fugiam igitur, satis video (Cæsarem

sarem intelligens) sed quem sequor fortiter pugnantem non habeo. Brus. lib. 3. cap. 12. & lib. 2. cap. 43.

Huc refer etiam titulum de Fugitiuis.

De militari disciplina.

Anonymi.

Quidam in acie, quum strictum iam enssem in hostem, esset infixurus, quoniam interim signum datum est receptui cennens, non infixit. Roganti verò cuidam, quum hostem, quem in potestate habebat, non occidisset? Quoniam, inquit, melius est parere imperatori, quam hostem occidere. Exemplum disciplinæ militaris, à qua immane quantum recesserunt, qui sub belli titulo mera exercent latrocinia. Olim non licebat ferire hostem, nisi tuba dedisset signum: eadem simulatque cecinerat receptui, homicidii crimen erat hostem interemisse. Plutarch. in Laconicis,

Clearchi.

Clearchus militum auribus subinde solebat inculcare: Militi magis esse metuendum imperatorem, quam hostem. quæ vox mortem minabatur militi, qui parum grauiter se gessisset in prælio. Honestius autem est cum laude vitam impedere patriæ, quam cum dedecore pœnæ. Hoc dictum non quiuis milites laturi sint: sed hi facile ferebant, quibus matres domi solebant edicere, ut aut victores cum armis redirent, aut mortui in armis refferentur. Eras. lib. 1. apoph.

Epaminonda.

Quum studeret Epaminondas Bæotos, ocio dissolutiores, continenter in armis habere, simul ut Bæotix creatus est imperator, his verbis illos adhortatus est: Posthac consultate viri, nam si ego militiæ præfectum agam, vobis militandum est, adimens illis spem ocii sub tali imperatore, Plutarch. in Græc. apophthegma,

Eiusdem.

Idem scutatum militem senserat à captiuo quodam magnâ pecuniarum vim accepisse. Huic Epaminondas: Mihi, inquit, redde clypeum: tibi verò cauponam emito, in qua vitam degas. Posthac enim noles eodem modo subire periculum, quippe iam vnus de numero diuitum ac beatorum. Rectè iudicauit, timidum (ut est in prouerbiis) esse Plurum. Magis enim metuit

mor

mortem, qui domi habet vnde possit suauiter viuere. Plutar. in Græc. apoph.

Lamachi.

Lamachus castigauit quendam è ducibus, qui deliquerat ne scio quid, & quum ille dixisset, Non iterum isthuc committā: Ne possis quidem, inquit, in bello peccare bis. Error enim in bello mors est. Plut. in Græc. reg. apoph. Stob. ser. 52, Ant. in Melis. par. 1. ser. 67. Brus. lib. 5. cap. 1.

Lysandri.

Infrā de Suspicionē vitanda.

Alexand. regis.

Alexander Maced. instructa iam ad prælium acie, quum cerneret militem quendam id temporis amentum telo adaptantem, vt inutilem submouit ab exercitu: qui tum demum appareret arma, quum his vtendi tempus adesset. Hoc inter stratagemata magis commemorandum erat, quàm inter Apophthegmata, quemadmodum & hoc quod subiiciam. Plutarc. in apo.

Pyrri.

Pyrrius ei cui delectum milirum commiserat, dixisse fertur: Tu grandes elige, ego eos forteis reddam. Significans, institutione fieri bonum militem. Fertur autem Pyrrhus disciplinæ militaris optimus fuisse magister. Plut. in Reg. & imperatorum apoph. Frontinus lib. 4. cap. 1. Stratagematum,

Hannibalis.

Quum Romanorum legati conditiones pacis retulissent apud Carthagenenses, & Gisco quidam ausus esset suadere bellum cum Romanis redintegrandum: Annibal indignè ferens, hominem imbellem de rebus arduis loqui, adhuc dicentem è suggesto deturbauit. Hoc factum tam violentum in libera ciuitate demirante & indignante multitudine, Hannibal consensu suggesto dixit, neminem mirari debere, si qui à primis statim annis Carthaginem reliquisset, interim ætatem omnem in bellis & armis transegisset, minus nossent vrbanas consuetudines, hoc præfatus, pacem suadere cœpit, & persuasit. Plutarchus in Hannibale.

Scip. Maioris.

Scipio Maior in Sicilia percontanti cuidam, qua re fretus classem educere pararet in Africam: ostendit viros armatos trecentos, sese exercentes, præterea turrim excelsam mari imminentem, & ait: Nullus horum est, qui non consecnsa turri semet
in mare

in mare præcipitaturus sit, si iussero. Sentiens, non perinde referre quam numerosam educas multitudinē, modò fortis dux educat exercitatos, & dicto audientes. Plut. in Rom. apoph.

Scip. Minoris.

Scipio Minor, posteaquam venit in castra, multamque illic licentiam, lasciuiam, superstitionem ac luxum offendisset, diuinus ac sacrificos cum lenonibus protinus eiecit: quin & vasa omnia iussit amoliri, excepta olla, veru & poculo fictili. Ex argenteis, poculum librarum non amplius duarum permisit, si quis habere vellet: balneis uti vetuit. Qui vngerentur, iussit ut ipsi sese fricarent, iumentis enim, quia manibus carēt, opus esse alio à quo fricentur. Edixit, ut milites stantes pranderent obsonium non igni coctum: cœnarent autem discumbentes, panem, aut pulcem solam, & carnes assas, siue elixas. Ipse verò sago circumtectus, obambulabat per exercitum, dicens, Selugere exercitus dedecora. Plutarchus in Roma. apophth.

Pauli Aemilij.

Quum Paulus Aemilius in exercitu multam confidentiam ac loquacitatem comperisset militum, officia ducum sibi vendicantium, resque non necessarias curantium: iussit illos quiescere, nec aliud quicquam agere, quam ut enses suos acuerent, cætera sibi fore curę. Nocturnas autem excubias iussit illos sine lanceis & gladiis agere, quo nimirum adempta spe depellendi hostem, tanto acrius pugnarent cum somno. Plutarc. in Roma. apophthegma.

M. Attilij.

Quum exercitus Romanus terga daret Samnitibus, M. Attilius consul equo præuectus ad portam castrorum, edixit: ut qui cunque miles ad vallum tenderet, siue Samnis esset, siue Romanus, pro hoste haberetur. Quò pergis, inquit, miles? Hic arma & viros inuenies, nec viuo consule tuo nisi victor castra intrabis. Proinde elige, cum ciue an cum hoste pugnare malis. Eras. lib. 6. apoph.

Scip. Africani.

Africanus censor tribu mouebat centurionem, qui in Pauli pugna non adfuerat, ille quum diceret, se custodia causa in castris remansisse, rogaretque quid ab eo notaretur? Non amo, inquit Africanus, nimium diligentes. Dissimulauit centurionis ignauiam, & accusauit nimium diligentem custodiam. Eras. 6. apophtheg.

Serg. Calba.

Sergius Galba in grauiſſimis bellis ſeueriſſima diſciplinā habuit milites ſuos: adeò vt ſumulātque veniſſet in caſtra, pro-
tinus vulgaretur ille Trochaicus: Diſce mules militare: Galba eſt, non Getulicus. Eraſ. lib. 8. apoph.

Pompey.

Pompeius Magnus, iam creatus imperator, quum à Sylla miſſus eſſet in Siciliam, non ſtrenuum modò, verum etiam iu-
ſtum ducem agere cœpit. Quum enim audiſſet, milites in pro-
fectionibus ab initere deſectentes, vim facere ac rapere, teme-
rè palantes ac circuncurſitantes ſupplicio affecit. quos verò
præmiſiſſet ipſe, horum gladiis annuli ſignum impreſſit, ne
quem in via læderent. Plut. in Ro. apoph.

Alexandri Seueri.

Alexander Seuerus in expeditionibus, ſi quis de via in alicu-
ius poſſeſſionem deſlexiſſet, pro qualitate loci ſuſtibus, aut
virgis cædebatur, aut alioqui cōdēnabatur. Si dignitas perſonæ
tales pœnas non recipiebat, grauiſſimis contumeliis afficieba-
tur, quum diceret: Vellēsne hoc in agro tuo fieri, quod facis in
alieno? Clamabat ſæpius, quod à Chriſtianis audierat, idque
per præconem, quoties aliquem emendabat, dici iubebat:
Quod tibi fieri nolis, alteri ne feceris. Quid nunc dicemus de
militibus Chriſtianis, qui ſiue quò eant, ſiue redeant, furantur,
rapiunt, conſuprant, pulſant, abigunt pecora, pertuſis vaſis ſi-
nunt effluere vinum? Quid multis? Crudelius tractant ſuos,
quàm hoſtes. Et hoc hodie, ſi ſuperis placet, appellatur ius
militare, & ad hæc conuiuent principes. Eraſmus ex Aelio
Lampridio.

Eiuſdem.

Idem quum Antiochiam veniſſet, ac milites qui lauacris ac
muliebribus deliciis vacauerant, in vincula duci iuſſiſſet, orta
ſeditione ab ea legione, cuius ſocii erant in vinculis, tribunal
aſcendit: ac vinctis omnibus ad tribunal adductis, circumſtan-
tibus militibus, & quidem armatis, grauius illos admonuit, vt
meminiſſent Romanæ diſciplinæ. Quum loquentem milites
rumultu interpellarent, nihil conterritus, iuſſit vt tales voces
ederent aduerſus hoſtes, non aduerſus imperatorem: minatus
exautorationem, niſi quieſcerent. Ad hæc, quum vehementius
etiam fremerent, ac ferro quoque minarentur: Deponite, in-
quit, dexteras, contra hoſtem erigendas, ſi fortes eſtis, me iſta

non terrent. Quum non desinerent fremere, exclamauit: *Qui-rites discedite, atque arma deponite. Mox omnes non armis tantum, sed & sagulis militaribus depositis recesserunt, non in castra, sed in varia diuersoria. Post tamen eius legionis militibus fidelissimis vsus est. Aelius Lampridius.*

Aureliani impera.

Aurelianus imperator cum à vicario suo literas accepisset, quibus efflagitabat vt rescriberet, quomodo res gerenda esset, statim rescripsit hunc in modum: Si vis tribunus esse, imò si vis viuere, manus militum contine: nemo pullum alienum rapiat, ouem nemo contingat, vnam nullus auferat. Brufonius libro 4. capite 15.

De minis.

Chilonis.

CHilon dicere solebat, nulli minandum esse, non solum quid mulierum videatur esse potius quam virorum, verum etiam quod minitari ei cui vels nocere, est inimicum admonere vt sibi caueat, tibi que ipsi lædendi facultatem adimere. Amicis autem minari, parum est humanum. Rectè tamen minamur, quoties aliquem hoc remedio correctum esse cupimus, & hac pœna decreuimus esse contenti. Laert. lib. 1. cap. 4.

Diogenis.

Diogenes Cynicus, dicente sibi quodam valde iactanter, vno ego ictu caput tibi perfringam: At ego, inquit, à sinistris astans te tremere faciam, Brufon. lib. 4. cap. 12.

Agathoclis.

Infrà de Vltione & vindicta.

Polydori.

Polydorus Alcamenis filius cum audiret quendam in hostes minas effundentem: Non intelligis, inquit, te maximam vindictæ partem frustra consumere? Qui enim statuit inimicum vlcisci, minis nil aliud efficit, nisi vt præmonito inimico, sibi riuuat lædendi opportunitatem. Plutarchus in Laconicis, Brufonius lib. 4. cap. 12.

Dercyllide.

Dercyllidas orator missus ad Pyrrhum Epirotarum regem, qui iam exercitum in regionem Spartanorum induxerat, vt cognoscerent, quid sibi vellet: cum Pyrrhus diceret, vt regem suum Cleonymum reciperent, hunc in modum respondit: Si Deus

Deus est Cleonymus, non timemus ipsum, nihil enim sceleris in eum commisimus: sin homo est, profectò nihilo erit nobis præstantior & bellicosior. Quo dilemmate irrisit superbas regis minas. Qui enim superbe minantur aliis, videant ne id quod aliis minantur, in ipsos recidat. Plut. in Lacon.

Philippi regis.

Philippus rex multa questus apud Romanorum legatos, de moribus & calumniis Thessalorum, tandem elatus ira, hanc vocem adiecit, Nondum omnium dierum solem occidisse. Hic sermo non Thessalis modò, verùm etiam Romanis suspectus, vtriusque gentis fremitum excitauit. Tit. Liu. 4. Decadis lib. 9.

C. Caesaris.

Suprà Litigare, contendere, aut ludere cum potentioribus periculosum.

De moderatione Animi.

Chilonis.

CHilonis Lacedæmonii dictum est, Ita moderandam vitam, vt nec inferioribus sis terrori, nec superioribus despectui. Metui à subditis, tyrannicum est: negligentia verò est, sic agere, vt à maioribus contemnaris. Hoc & ad ætatem referri potest. Sic temperandi mores, vt à iunioribus ameris potius, quàm timearis, à maioribus non contemnaris. Immodica seueritas parit terrorem: somnolentia, violentia, incogitantia, similiaque vitia gignunt contemptum. Potest & ad fortunam accommodari, quæ si sit vehementer ampla, parat qui metuant citius, quàm qui ament aut reuereantur: sin humilior, patet contemptui. Mediocritas igitur hic quoque est optima. Ausonii carmen sic habet:

Nolo minor me timeat, despiciatque maior.

Eras. ex Laertio, lib. 1. cap. 4:

Socratis.

Socrates, cum quidem ei dixisset, Quidam de te malè loquitur: Verberet me etiam, inquit, modò absentem. Maxi. ser. 10.

Eiusdem.

Quidam à Socrate salutatus, non resalutauit, sed hoc nequaquam molestè tulit Socrates. amicis autem admirantibus; & ob hominis inciuitatem indignantibus dixit: Si quis nos præteriret, peius affectus corpore quàm nos sumus, nequaquam

illi succenseremus : quur igitur illi succenseam , qui peius affectus est animo , quàm nos sumus ? Eras. lib. 3. apoph.

Diogenis.

Diogenes cum à caluo quodam conuicio afficeretur : Tibi contumeliam , inquit , non dico , sed capillos tuos laudo , quod malam effugerint caluam. Maxi. ser. 10.

Eiusdem.

Idem , quum proditor quidam ei malediceret : Gaudeo , inquit , me factum inimicum tuum , non enim inimicis , sed amicis malefacis. Maxi. ser. 10.

Zenonis.

Zeno Cittieus , quum esset à quodam interrogatus , quomodo affectus esset erga conuicia ? Perinde , inquit , atque si legatus absque responso dimittatur . Significans , eos qui non habent , quòd respondeant , ad conuicia solere confugere : eaque non pluris oportere fieri , quàm si nihil esset responsum planè . Laert. lib. 7. cap. 1.

Cleanthis.

Sositheus poeta coram populo Cleanthem præsentem hoc carmine proscidit ,

Ἰσὸν κλέανδρου ποίησεν ὁ βέλτατος.

Id est ,

Quos Cleanthis fatuitas agitat.

Interpres vertit infania : vnde pro moria legisse videtur *μαρία* . Nec tanto conuicio tactus , quicquam mutauit de vultu . Qua patientia delectati auditores , applaudentes philosopho , Sositheum eiecerunt . Quum Sositheus diceret , se poenitere quòd illum aspersisset : respondit Cleanthes , Absurdum fore , si quum poetæ frequenter illudant Libero patri & Herculi , nec illi succenseant , ipse ob leue conuicium indignaretur . De diis enim multa probrosa scripsere poetæ , veluti quum Bacchum faciunt mollem , timidum , ac temulentum : Herculem faciunt seruientem Omphalæ , vsque ad sandalio committigatum caput . Laert. lib. 7. cap. 1.

Aristippi.

Aristippus confutatus in disputatione à quodam audacissimo homine , furioso & stodido , quum videret illum inflatum ac gestientem ob partam victoriam : Ego quidem , inquit , redargutus abeo , sed suauius dormiturus te , qui redarguisti . Laertius lib. 2. cap. 8.

Isocra

Isocratis.

Isocrates, cum quidam apud eum obrectatoris sermonem referret, ac diceret, Me presente ille hæc de te maledicta faciebat: Nisi tu, inquit, libenter audisses, nunquam conuiciatus esset. Maxi. ser. 10.

Xenocrati.

Xenocrates Chalcedonius, cum ingratitude à Platone insimularetur, nunquam indignatione iræ commotus est, sed & illi qui ipsum ad respondendum Platoni instigaret: Hoc, inquit, quod nunc facio, mihi bonum atque commodum est. Et prudentissimè homini silentium imposuit: Aelianus lib. 14. de Varia historia.

Chrysippi.

Chrysippus, cum quidam ei diceret, Amicus clanculum te mordet, & cōuiciatur: Hominem, inquit, ne arguito, quòniã idem palam facturus est. Maxi. ser. 10. & Anton. ser. 53.

Eiusdem.

Idem à quodam improbo multis affectus conuiciis: Optimè, inquit, fecisti, quòd nihil eorum quæ in te sunt, præterieris. Maximus sermone 10.

Philemonis.

Philemon, nihil neque suavius, neque musicæ conuenientius esse dicebat, quàm posse conuiciantem ferre. Etenim in conuicium facientem, si qui cōuicio afficitur dissimulet, ipsum conuicium redundat. Maxi. ser. 10.

Demonactis.

Sophista quidam cum Demonactem accusaret, diceretque; Cur me toties tam acerbè calumniaris? Quia, inquit Demonax, non contemnis malè loquentes. Maxi. ser. 10.

Moschionis.

Moschion multorum improborum calumniis peti, neque verum neque detrimentosum esse dicebat. At ab vno aliquo bono vituperari, & verum & commodum esse iudicabat. Maximus sermone 10.

Arcefilai.

Arcefilas Scytha cum honestos viros ad cœnam inuitallet, accumbentibus omnibus, & cibum iam gustare volentibus, videns abesse panem: Quàm, inquit, res est apta conuiuiis apparandis, esse sapientem. Dedit vir prudentissimus philosophicæ moderationis exemplum, qui non incandescere a iis, qui pro

officio mensam necessariis rebus ornare debebant. Laert. lib. 4. cap. 6.

Agefilai.

Agefilaus Lacedæmoniorum rex eos à quibus odio prosequeretur clandestino, in duces belli eligebat, magistratus factos euehebat, si quid in eo improbè ageretur patrocinebatur, atque hac arte reddebat eos ex clandestinis hostibus amicos. Quid hac animi moderatione pulchrius fuit? qua mederi maleuolis maluit quàm vlcersi. Plutar. in apoph. Lacon.

Eiusdem.

Quum quidam Agefilaum Lacedæmoniorum regem interrogasset, quid apud Spartanos Lycurgi leges profuissent? moderate respondit, Omnium voluptatum docuerunt contemptum. Plut. in Lacon.

Eiusdem.

Cum Persarum nummi sagittarium haberent insculptum, Agefilaus ex Asia soluens, ait, se triginta sagittariorum millibus fugari. tot etenim Daricerum aureorum millibus Athenas ac Thebas deportatis, ac in plebis moderatores distributis, Timocrates effecerat, ut omnes hostilem animum aduersus cum milites susciperent. Plut. in Lacon.

Eiusdem.

Posteaquam Agefilaus ingenti strage fregisset Corinthiorum vires, eosque intra moenia compulisset, multis hortantibus ut urbem oppugnaret, negauit id suæ virtuti conuenire, qui peccantes ad officium cogeret, non qui nobilissimas Græciæ vrbes subuerteret. Ut hoc est eximiae cuiusdam moderationis, ita quod adiecit, admirabilem viri prudentiam arguebat: Si, inquit, eos extinguere voluerimus, qui nobiscum aduersus barbaros steterunt, ipsi nos expugnauerimus vel quiescentibus hostibus, qui subuersis focus, nullo negotio, quando volent, nos oppriment. Plutar. in Lacon.

Agidis.

Quodam dicente, Philippum effecturum ne Lacedæmonii paterent iter in Græciam: Nobis, inquit Agis senior, ò hospes nostra patria sufficere ad illic viuendum. Pectus ad vtrunque paratum, & ad proferendum imperium si contingat, & ad boni consulendum fortunam licet mediocrem: cum principum vulgus nec quod obtigit sapienter administrant, nec vllis satietur aditionis accessionibus. Plut. in Lacon. apoph.

Agisi

Agésilai.

Lyfander rex cum defunctus iam eſſet, Ageſilaus numeroſam ſodalitatem aggregatam comperit. quam ille ex Aſia domum reuerſus, ſtatim contra Ageſilaum inſtituerat. Id primum indignè ferens Ageſilaus, deſtinarat omnibus oſtendere, cuiuſmodi ciuis Lyfander, dum viueret, fuiſſet. ac perlecta oratione quadam, quam moriens Lyfander poſt ſe reliquerat de rebus nouandis, & mutatione rerum in Repub. quoniam arguebat Lyſandrum pernicioſum fuiſſe ciuem, ac ſeditionis auidum, euulgare voluit. Attamen cum ab Ephoro quodam ſene ac rerum perito intellexiſſet, hoc non bonum fore, ait: Nolumus reſodere Lyſandrum, ne in mortuos ſæuire videamur fruſtra. Plutar. hunc ferè in modum in Lacon. ſcribit.

Pelopidas.

Pelopidas, cum fortis quidam miles per calumniam apud ipſum deferretur, vt qui ei conuiciatus eſſet: Equidem dixit, facta eius reſpicio, verba autem non audiui. Stob. ſer. 40. Ant. in Meliſ. par. 1. ſerm. 53. Max. ſerm. 10.

Hippocratida.

Suprà de Ingratitudine,

Polydori.

Suprà de Bono belli duce.

Demarathi.

Cum Perſa quidam crebris muneribus, puerum, quem amabat Demarathus, tandem abduxiſſet, atque id iactitans apud illum dixiſſet, ô Lacon, venatus ſum amaſium tuum: Per deos, inquit, non tu ſanè venatus es, ſed mercatus, in iocum vertens contumeliā. Plut. in Lacon.

Theopompi.

Theopompus vxori obiurganti, quòd regnum humilius ac minus eſſet filiis traditurus quàm accepiſſet: Haſtenus igitur, inquit, maius, quod diuturnius. Ita Plut. in vita Lycurgi. Quæ moderata ſunt, in longum tempus durant, & hoc ipſo meliora ſunt. Plutarch. in Lacon.

Pſammetychi.

Pſammetychus rex quum videret Cyri milites per urbem captam diſcurrentes, percontatus eſt Cyrum, quid agerent? Quumque is reſpondiſſet: Diripiunt urbem tuam, opesq; tuas populantur: Nequaquam, inquit, ô rex, nihil iam hic meum

est, tuum est quod diripiunt. Ea vox commouit Cyrum, vt suos à direptione reuocaret. Eras. lib. 6. apoph.

Scip. Africani.

Scipio Africanus consulatum appetebat, verùm vbi sensir Pompeium amicum aliis fauere candidatis, ipse à petitione destitit, dicens, Eum consulatum sibi non tam gloriæ futurum, si adipisceretur: quàm molestum & inauspicatum, si refragante Pompeio consequeretur. Maluit consulatum cadere, quàm amicum perdere. Plur. in Rom. apoph.

Pompeij Magni.

Pompeius Magnus quum Sertorii literas intercepisset, in quibus erant inclusa complurium ducum epistolæ, Sertorium ad nouandas res, statùmque ciuitatis immutandum Romam inuitantium: exulsit omnes, vt improbis daret pœnitentiæ locum, & in melius mutandi consilia facultatem. Quis non mireretur tantam in Pompeio animi moderationem, qui hostium literas aperire noluit, ne quid legeret à quo abhorreret, & inimicis pœnitentiæ præberet iustam occasionem. Plutarchus in Romanorum apoph. licet reuera non apophthegma sit.

Eiusdem.

Idem de se liberè profitebatur, quòd omnem magistratum quem Pompeius Magnus gesserat, & citius esset nactus quàm ipse expectasset, & citius deposuisset, quàm ab aliis expectatum esset. Quòd citò suscepisset imperium, vel fortunæ fuit, vel præmaturæ virtutis: quod maturè deposuit, animi moderati erat, non ad tyrannidem spectantis, sed ad reipublicæ commodum. Plut. in Rom. apoph.

Vespasiani.

Siluius Liberalis, quum in defensione diuitis rei obliquè mordens dixisset, Quid ad Cæsarem, si Hipparchus sestertium milies possidet? Notans Vespasianum, velut inhiantem rei facultatibus? Cæsar non modò non offensus est, verùm etiam dictum approbavit, quasi simpliciter prolatum. Sueton.

Seueri.

Epigramma quod in laudem Pescennini Nigri, fuerat ascriptum illius statuar ad viuum effectæ, quum præfecti, suaderent eradendum, Seuerus noluit, dicens: Si talis fuit, sciant omnes qualem vicerimus: si talis non fuit, putent nos omnes talem vicisse. Aelius Spartianus.

Othonis

Othonis imp.

Otho imperator Romanorum iam moriens, vocauit ad se Cocceium fratris sui filiū, quem sic admonuit: O fili, habuisse te patrum Cæsarem nec prorsus obliuiscaris, nec admodum memineris. Docere autem voluit adolescentem, vbique moderandum esse animum: vt si cogitaret se patrum habuisse imperatorem, virtutem amplecteretur, ne dehonestamento esset antecessoribus: & interim tamen non adeò superbiret, vt alios præ se contemneret. Recitatur eius dictærum apud Sueton.

Eiusdem.

Idem vbi iam mori destinasset, sensit eos qui ab ipso deficere & abire cœptabant, pro desertoribus corripere ac detineri. Itaque vetuit ne cuiquam fieret iniuria, dicens: Adiiciamus vitæ & hanc noctem, & in profundam vesperam vsque patente cubiculo, si quis adire vellet, potestatem sui conueniendi fecit. Sueton. in vita Othonis Syluii.

Huc aliqua ex parte pertinent quæ sunt sub titulis, de Clementia, Ira remittenda, Humanitate, Mansuetudine, Patientia iniuriæ, Victoriæ moderatione, Vltione neglecta, &c.

De modestia.

Linia.

Linia Augusti Cæsaris vxor, interrogata, quibus rationibus Augustum sibi subiecisset? respondit: Multa modestia, quod ea quæ placerent Augusto, faceret libenter: quodq; se scire dissimularet, quibus ille rebus venereis domi frueretur. Dion in Tiberio.

Alphonfi.

Lucas Medicus, orator omnium clarissimus, cum oratione membris omnibus absolutissima, Alphonfi regis innatas virtutes decantasset, rex hæc audiens: Si vera sunt quæ de me prædicasti, inquit, diis immortalibus meritò gratias ago: sin minus, vt isthæc faciant, oro & obsecro. Laudanda principis honestissimi modestia. Panor. lib. I. de reb. gest. Alphonfi.

De modestè dictis.

Pythagora.

Pythagoras, posteaquam venerat Phliuntem, & cum Leonte Phliasiorum principe doctè & copiosè quædā differuisset, Leon ingenium & eloquentiam hominis admiratus, quæsiuit

ex eo, Qua maximè arte consideret? cui Pythagoras respondit: Se nullam quidem artem scire, sed esse philosophum, id est, sapientiæ studiosum. Huius verecundia, sapientis cognomen arrogans, quo se prius venditarant σοφοί, vertit in titulum modestiæ. Eras. lib. 8. apoph.

Socratis.

Socratis illud omnium maximè celebratur, quod dicebat, Se nihil scire, nisi hoc vnum, quòd nihil sciret. Inquirebat enim de singulis, tanquam ambigens, non quòd reuera nihil haberet certò cognitum: sed hac ironia & suam declarabat modestiam, & aliorum redatquebat arrogantiam, qui se profitebantur nihil nescire, cum reuera nihil scirent. Sophistæ quidam publicè profitebantur, sese ex tempore responsuros ad omnem propositam materiam: horum arrogantem inscitiam sæpenumero confutabat Socrates. Atque ob hoc ipsum, vt ipse quidem interpretatur, ab Apolline iudicatus est sapiens: quòd quamuis omnium rerum ignorantiam cum cæteris haberet communem, eo nomine tamen illos superaret, quòd suam inscitiam agnosceret, cum illi hoc quoque nescirent, se nihil scire. Eras. lib. 3. apoph.

Stratonici.

Stratonicus Musicus, quum se contulisset Corynthus, ancilla quadam diu attentè illum inspexit, nec dimouebat ab illo oculos, admiranti similis. quumque ille dixisset, Quid vis mater, & quam ob causam me sic aspicias? Demiror, inquit, si te mater decem menses pertulit in vtero, quum hæc ciuitas vnicum tantum diem habens te doleat. Eras. 6. apoph.

Arcefilai.

Arcefilaus Scythia si quando probabat aliquid, dicere solitus est, *οὐκ οἶδ' ἔγωγε*, id est, aio, siue mihi videtur, siue fateor. Si quid displicebat, dicebat, *οὐκ ἀνέχεται μοι τὸ τοιοῦτον εἶναι*, id est, his non assentietur ille, nominato quopiam: simul & in asseuerando seruans modestiam, & in contradicendo fugiens inuidiam. Laert. lib. 4. cap. 6.

Aristoteles.

Aristoteles admonēbat, neminem de se debere prædicare, vel in laudem, vel vituperationem: quòd illud esset hominis vani & inanis, alterum stulti ac vecordis. Laert. lib. 5. cap. 1.

Agésilai.

Agésilau cum ex Aegypto in patriam proficisci vellet, in
portu

portu Menelai morbo lethali correptus est, verum cum iam mor-
tis hora instaret, suis prohibuit, ne corporis sui imaginem, vel
statuam in honorem eius erigerent: Si quod, inquit præclarum
facinus gessi: hoc erit monumentum mei: sin minus, ne omnes
quidem statuæ illustrabunt mei memoriam. Plut. in Lacon.

Eiusdem.

Agessilaus rex audiens Megarensē adolescentem multa iu-
veniliter de sua ciuitate gloriantem: Sermones, inquit, tui opus
habent magnis viribus. Modestē reprehendit adolescentem: qui
magnificē quidem loquebatur, vires autem deerant orationi.
Plut. in Lacon.

Antalcida.

Antalcidas, cum in Samothracia sacris initiaretur, interro-
gatus à sacrorum antistite, quid nam præclari gessisset in vita?
Si quid, inquit, feci quod laude dignum est, deos nequaquam la-
tet. Et sic modestē tacuit, ne se vel immodicē laudare, aut turpi-
ter vituperare diceretur. Plutar. in Laconicis.

Theopompi.

Supra de Ambiguē dictis & infra tit. proximo.

Alexand. regis.

Alexander Macedo videns diuinos sibi honores tribui, vulne-
ratus in bello, ait: Cur me deum vocatis, qui me videtis sangui-
nolentum ac vulneratum, sentire humanā imbecilitatem? Plu-
tarchus meminit in regum & imperatorum apoph.

Oct. Augusti.

Octavianus Augustus, si quando filios suos dimitteret ad pē-
reginos, modestē eos sic hominibus commendauit, vt benefa-
cerent, si mererentur. Suetonius in eius vita.

De modo & mediocritate.

Pittaci.

Pittacus dicere solebat, Dimidium plus esse toto, de quo di-
cterio multa Erasinus Roterod. in Chiliadibus. Hoc dictū
autem extat apud Laertium lib. 1. cap. 5.

Socratis.

Socrates percontatus quānam esset potissima iuuenum vir-
tus? Vt, inquit, ne quid nimium tentent. Calor enim ætatis vix
sinit illos seruare modum. Laertius in vita Socratis libro secun-
do capit. 5.

Aristippi.

Aristippi.

Aristippus Aretam filiam salubribus præceptis instituebat, consuefaciens, ut ubique quod immodicum esset contemneret, quod mediocritas in omni re sit optima: & in scemina maxime virtutis sit, temperare cupiditatibus. Laer. lib. 2. cap. 8.

Diogenis.

Diogenes cum multis videretur immodicè philosophus, respondit, sese imitari chori magistros, qui tonum legitimum excedere solent, ut alii congruum arriperent. Quod enim excedit modum, tamen si vitiosum est, tamen ad excitandam aliorum socordiam conducibile est. Ita pallium ac dolium Diogenis, diuitibus suas delicias exprobrabant. Laert. lib. 6.

Theopompi.

Suprà tit. de Ambitione.

Catonis.

Cato senior, qui magistratum eundem frequenter ambirent, eos dicebat velut ignaros viæ, ne aberrarent, lictores qui præcederent semper querere. Solent enim lictores præire magistratum, non ut viam ostenderent, sed honoris gratia. Voluit autem indicare vir prudentissimus, modum etiam in petendo magistratu obseruari oportere. Eras. lib. 5. apoph.

De mollicie.

Bionis.

BIon Borysthenites cuidam obliuienti, quod adolescentem quendam ad senon pellexisset: Tenellus, inquit, caseus non attrahitur hamo. Significans, pueros delicatos non esse ad philosophiam accommodos. Laert. lib. 4. cap. 7.

Zenonis.

Zeno, quum mollis adolescens vehiculum quoddam lentè se gniterque transenderet: Merito, inquit, suspectum habet lutum, non enim in illo, veluti in speculo, licet se intueri. Brufon. lib. 4. cap. 6.

Platonis.

Plato discipulo nimium effœminato, molli, curandæque cuti deditissimo, subridens, Quousque, ait, tibi carcerem ædificare perges? Brufonius lib. 4. cap. 6.

Diogenis.

Suprà tit. de Generatione.

Eiusdem.

Idem Diogenes videns adolescentem quempiam sese ornantem

tem molliter: Si ad viros, inquit, frustra: si ad fœminas ire cupis, iniuste facies. Laer. lib. 6. cap. 2.

Eiusdem.

Diogeni Cynico cum à comptiore adolescente ac molli propoſita eſſet quæſtio, vt eius nodum ſolueret: Non tibi prius reſpondendum eſſe puto, inquit Diogenes, quàm ſublatis veſtibus oſtenderis, vtrum vir ſis, an fœmina. Notauit autem ex cultu virili hominis mollicitem. Laerius libr. 6. capi. 2. Bruſonius lib. 4. cap. 6.

Eiusdem.

Quum adoleſcentuli circumſtantes Diogenem acclamarent, Canis canis: ac mox territi fugere cœpiſſent: rogati quæ fugerēt, dixiſſent, ne mordeas nos canis: Bono, inquit Diogenes, animo ſitis filioli, canis non edit betulam. Teſtè illis exprobrans molliciẽ. Laer. lib. 6.

Speuſippi.

Speuſippus quum vehiculo ferretur in Academiam, obuium habuit Diogenem: cui cum Salue dixiſſet: At tu, inquit, nequaquam ſalue, quia eiufmodi cum ſis, non diu viuere cupis. Notauit autem molliciẽ hominis, quæ plerumque multorum morborum cauſa eſt, vt labor & exercitium ſanitatis. Bruſonius lib. 4. cap. 6.

Arceſilai.

Arceſilaus diuitem quendam immodicè mollem ac delicatum, capillitio arte compoſito, oculis volubilibus ac lubricis, quum is alioqui caſtus & integer haberetur, ita taxauit: Quid reſert, inquit, aduerſi an auerſi cinœdi ſitis. Senſit autem, mentis integritati corporis etiam habitum & cultum oportere congruere. Laerius lib. 4. cap. 6. & Bruſonius lib. 4. cap. 6.

Anonymi.

Sybarita quiſpiam iter faciens per agros, quum videret quosdam fodientes, dixit, ſe ſpectando illos fodientes rupturam capere. Ad hanc vocem auditam quidam ita reſpondit: At mihi te audienti latus dolet. Tanta erat Sybaritarum mollicies, vt nullum opificium in ciuitatem admitterent, quod cum ſtrepitu exerceretur, quod genus ſunt fabri orum ferrariorum & lignariorum. Atque adeo ne gallum quidem gallinaceum in ciuitate phas erat alere, ne quid eſſet quod illis ſomnum interrumpere. Locus autem in hoc erat, quod agricola probabilis dixit, ſibi ex tam ſtulta voce dolere latera, quàm Sybarita dixerat, ſe

cx

ex fossorum ligone sentire rupturam. Latera dolent loquenti, non audienti: & rupturam patitur grauius laborans, non spectator. Commemorat hoc Athenæus in duodecimo.

Alius.

Sybaritæ cum mollicia perditissimi essent, ex iis quidam quum Spartam concessisset, Lacedæmoniorumque exactos duosque mores aspexisset, quasi illorum vitam damnaret: Non admirandum est, inquit, si in bellis, ne ita uiuerent, moriuntur. Bruso. lib. 4. cap. 6.

Cleomenis.

Nicagoras Messanus, quum in Aegyptum venales equos optimosque adduxisset, fuctus obuiam Cleomeni Lacedæmonio, antè sibi cognito, salute data, interrogauit: Cur in Aegyptum profectus esset? Quum ille equos optimos, belloque idoneos se adduxisse, responderet: subridens Cleomenes, Mallem (inquit) mimos & cynædos adduxisses. Notauit autem eo dictorio Ptolemæum, qui mollis & effœminatus inter mulieres uiuebat. Brusonius lib. 4. cap. 6.

Laconis.

Recitato quod scripsit Pindarus, Græciæ fulcimentum esse Athenas, Lacon dixit: ruituram Græciam, si tali fultura nitetur. Taxauit Atheniensem mollitiem, quæ poetæ elogio non responderet: aut certè poetæ vanitatem, qui tali præconio celebrasset indignos. Plutarch. in Laconicis.

Demonaxis.

Proconsul Cynicum quendam, à quo publicè erat profectus ob mollitiem, ad supplicium abripi iussit. Huic deprecator erat Demonax, dicens, homini ignoscendum esse ob sectæ vitium. At cum proconsul non denegaret veniam, rogat tamen quo afficiendus sit supplicio. si in eodem peccato porro deprehenderetur? Demonax, hominem totum inungi, ac forcipe velli oportere, pronuntiabat. Notans libertatem castigandi in Cynico, & molliciem accusati, vnguentis enim semper delectabatur. Eras. lib. 8. apoph.

Scip. Aemyliani.

Scipio Aemylianus Publio Sulpitio Gallo, homini molli & delicato, inter pleraque alia, id quoque probo dedit, quod barba uisâ, feminibusque subuulsis ambulare. Bruso. lib. 4. ca. 6.

Aegilij.

Vide suprà tit. de conuiitiis in ipsum autorem retortis.

His

His cognata sunt ea, quæ sunt sub titulis de Vnguentis, & Ignauia.

Monitio, Vide Admonitio, Castigatio, Reprehensio, &c.

De monarchia.

Alexandri regis.

DArius obtulit has condiciones Alexandro, vt ab ipso acciperet talentorum decem millia, & insuper Asiam secum ex æquo partiretur. Id cum recusaret Alexander: Ego, inquit Parmenio, accepiſsem, si Alexander essem: Et ego, inquit Alexander, si Parmenio essem. Dario verò hunc in modum respondit: Neque terram duos soles, neque Asiam duos reges ferre posſe. Et hic animi celsitudinem probare posſis, nisi dictum impotentiam quandam dominandi ſaperet, sic Plutarchus in Apoph. Regum & imperatorum. Verùm hoc paulo aliter recitat Seuerinus Boetius in Commentariis, cuius hæc sunt verba: Cum Lydis Cræſus imperaret, fratrem in consortium imperii aſſumpſit: tum quidam ex Lydis accedēs, dixit: Omnium in terra bonorum, & rex, maximum eſt ſol: neque quicquam extaret in terra, ſole non illuſtrante. At ſi gemini ſoles forent, periculum immineret, ne omnia conflagrantia peſſum irent. Ita & regē vnum quidem accipiunt Lydi, & ſeruatorem eſſe credunt: duos verò ſimul tolerare non poſſunt, &c. Stob. ſerm. 45. ex Seuerini commentariis.

De morbis animi.

Democriti.

Democritus Mileſius dicere ſolebat, ſi corpus animum in dius vocaret, haudquaquam futurum vt ille muneris malè adminiſtrati crimen effugeret. Animus in corpore veluti præſidio collocatus eſt, & tamen pleraque mala corpori ab animo veniunt.

Chryſippi.

Chryſippi diſcipulus, medicus non ignobilis, Antigoni regis amicum quendam ex nimia intemperantia morbo laborantem, negauit poſſe ſanari, quumque alter medicus Epirotes Philippus, ſe ſanaturum polliceretur, reſpondit, illum ad morbum ægri reſpicere, ſe autem ad animum. ex Celſi lib. 3.

De Mor

De morbis corporis.

Platonis.

Plato dicere solebat, si me interrogares, quo presente vel absente melius habeant corpora: responderem utique, sanitate presente, morbo remoto. Plato libro quinto, de hominis natura.

Philotimi.

Philotimus medicus Empyone quodam grauitate ex iocinore laborante, atque exulceratum digitum ostendente: O bone, inquit, vir, haudquaquam tantum tibi superest ocii, ut de vngularum ulcere sollicitus sis. Brusonius lib. 4. cap. 20.

Ionis sophista.

Ion sophista dicebat, rem morosam esse agrotationem. Nam agrotis & vxor molesta est, & medicum inculant, & lectulum molestè ferunt. Ex amicis autem, & qui accedit grauis est: & qui discedit, molestus. Sic animus agrotus & latis & tristibus offenditur. Philostratus.

Epaminondas.

Epaminondas tempore belli Leuctrici, quum accepisset quendam strenuum virum perisse morbo, per iocum dixisse fertur: Vnde fuit illi moriendi ocium, in tantis negociis? Frequenter autem non minima morbi pars est, imaginatio morbi, metusque. Hunc languorem solet excutere negociorum ardor, Eras. lib. 5. apoph.

Polemonis sophista.

Suprà de locosè dictis.

Ciceronis.

Cicero in Vatinius, qui scrophas habebat in ceruice (id est morbi genus) quum caulam quandam ageret: Tumidum, inquit, habemus oratorem. Asiatici autem dicti sunt tumidi. Eras. lib. 4. apoph.

Vide Agrotatio, Sanitas.

De moribus.

Socratis.

Socrates dicere solebat, Neque vinum austerum aptum esse potioni, neque mores agrestes hominum conuersationi. Stob. ser. 2. de Imprudentia.

Chrysis

Chryssippi.

Chryssippus Solensis philosophus, in conuiuio cætera quietus, tantum ex more agitabat crura. Vnde famula quæ illi inferuebat, dicere solebat, Chryssippi sola crura inebriari. Laert. lib. 7. cap. 3.

Diogenis.

Diogenes Musicos in ius vocabat, quod cum lyræ chordas congruè aptarent, animi autem mores negligerent. Laertius libro sexto.

Eiusdem.

Quum Diogenes adesset conuiuio, qui accumbebant appellantes illum canem, ossa illi proiciebant, quod id canibus fieri consuevit. at ille discedens, à tergo commingebat accumbentes: significans & hoc esse canum. Laert. lib. 6.

Aeschyli.

Aescylus poeta tragicus aliquando spectans Isthmia certamina, quum alter pugilum esset cæsus, totumque theatrum exclamaret, O Chium Iouem fudisti: Vide, inquit, cuiusmodi sint hominum mores: cæsus filet, & spectatores vociferantur. Solent icti ob dolorem exclamare. Hic contra, qui dolebat, silebat: qui læsi non erant, clamabant. Eras. lib. 6. apoph.

Augusti Cæs.

Liuiæ & Iuliæ Augusti Cæsaris filia, in gladiatorum spectaculo cum omnium formosissimæ essent, omnium oculis in se conuertebant, comitatus dissimilitudine. Liuiam quippe cingebant viri graues, Iuliam verò iuuenes lasciuientes & luxuriosi. Augustus igitur pater cū hæc vidisset, intellexit demum quàm diuersis moribus filias haberet. Eras. lib. 4. apop. ex Suet.

Seueri impera.

Seuerus imperator mores habuit adeò malos cum bonis mixtos, ut de eo dixerit senatus, aut nasci non didicisse, aut non mori. Bruſo. lib. 4. cap. 6.

Alphonſi.

Alphonſus rex cum Syracusanum quendam equitem truculentis moribus, hominem barbarum appellasset, atque ille quod præclara patria Græca origine esset, nomen barbari abhorrens, iniquo animo ferre iniuriam videretur: Ego, inquit rex, non à patria soleo, sed a moribus barbaros definire. Docuit autem, non ex patria vel parentibus, sed ex moribus, ceu leonem ex vnguibus, iudicandum esse. Panor. lib. 1. de rebus geg. Alphonſi.

De morum diuersitate.

Socrati.

Ephorus Cumæus, & Theopompus Chius, cum diuersis moribus essent, Socrates de his dicere solebat, alterum freno egere, alterum calcaribus. Recitatur apud Quintilianum lib. 10. cap. 1. & Ciceronem lib. 1. de Oratore.

Aristippi.

Vterque Dionysium coluit, Aristippus & Plato: sed Aristippus à deliciis aulicis, quum adessent, non abstinebat: Plato etiam inter regalem luxum, frugalitatem seruare nitebatur. Itaque quum Plato reprehenderet Aristippum, quod adeò lauticius indulgeret: rogauit, quid sentiret de Dionysio, num vir bonus videretur? quum respondisset, videri bonum: Atqui ille, inquit, me multo viuuit lautius. Proinde nihil vetat, eundem & lautè viuere, & bene viuere. Laert. lib. 2. cap. 8.

Philippi regis.

Duo erant fratres, quorum alteri nomen Amphoterus, quod Græcis sonat ambo: alteri Hecaterus, quod illis sonat vterque. Philippus itaque Macedonia rex, animaduertens Hecateron esse cordatum, ac gerendis rebus accommodum, contrà Amphoteron ineptum ac degenerem, inuertit illis nomina, dicens: Hecateron esse Amphoteron, Amphoteron autem esse Vdeteron, id est, neutrum. Significans alterum fratrum, videlicet Hecateron, duorum in se virtutes complecti, alteri nihil relictum. Itaque ei qui Amphoterus dicebatur, mutauit nomen in contrarium, vt *euoluitur* diceretur, quasi nullius precii, Plut. in regum apoph.

Antipatri.

Antipater dicere solebat, quum duos haberet Athenis amicos: neque Phocioni vnquam persuasisse vt aciperet, neq; Demadem vnquam dando expleuisse. Hic erat Demades, qui valebat extemporali dictione, quum Demosthenes non nisi de scripto diceret. Plut. in Græco. apoph.

De moribus in melius mutatis.

Agidi.

Historici narrant, Agidem puerum in summis deliciis fuisse educatum. sed simulatque adolescens etiamnum ad
Respu

Reipubli gubernacula admotus est, incredibili mutatione, reiectis pristinae vitæ volupatibus, huc totum animum adiecit, ut Spartam barbarorum ac Græcorum moribus corruptissimam, ad pristinam frugalitatem reuocaret: quæ res illi fuit exitii causa. Utinam autem ceteri principes, quorum prima ætas ferè luxu deliciisq; corrumpitur, saltem cum Agide tum animum vertant ad bonam frugem, quum regni habenas accipiunt. Plutarchus in Lacon.

Isai sophista.

Suprà de Luxuria, luxu & voluptate.

Cleomenis.

Cleomenes, cū diutino morbo vexatus, expiat oribus ac diuinis auscultaret, antè non solitus idem facere, quodam id admirante: Quid miraris, inquit? Non enim idem sum nunc, qui tunc eram. Cum autem non sum idem, nec probo eadem. Elusit ille quidem inconstantia reprehensionem: verum tamen est, non eadem placere seni, quæ iuueni placuerant. Plutarchus in Lacon. & Bruson. lib. 4. cap. 6. 7.

Eiusdem.

Argivis profitentibus, se prioris conflictus fortunam, in qua victi fuerāt, iterato prælio sarcire velle: Demiror, inquit Cleomenes, si duarum syllabarum accessione facti estis meliores, quàm eratis prius. Huius apophthegmatis argutia latine reddi non potest. nam Græcis *μᾶλλον* pugnare est, *ἀνὰ μᾶλλον* redintegrare pugnam. Inter hæc duo verba nihil interest, nisi quòd posterius superat prius duabus syllabis *αἶα*. Plut.

Themistoclis.

Themistocles adolescens in comotationibus ac mulierum amoribus volutabatur. At posteaquam Miltiades factus imperator, apud Marathonem deuicisset barbaros, iam nullus offendit illum quicquam agentem præter decorum. Percontantibus autem, cur mores tam repentè mutasset: Militia, (ait) nunc me non patitur cessare atque dormire. Plutarchus in Græcorum apoph.

De moribus mutatis in peius.

Hybræ.

EVthydamas rhetor cum aliquando ob oratoriam clarus atq; utilis Reipub. esset, ad tyrannidem postea inclinabat.

Eius amicus Hvbreas, illo mortuo : Euthydame ait, Malum es ciuitatis pernecessarium. Nam ne tecum viuere possumus, nec sine te, Bruso. lib. 4. cap.

Theodori Gad.

Theodorus Gadareus Tiberii in rhetoricis præceptor, animaduertens in puero sanguinarium ingenium sub specie lenitatis latitans, subinde inter obiurgandum appellauit illum *αἷματι σὺν πικρῷ μέντοι*, id est, lutum sanguine maceratum. Hic initio principatus miram lenitatem præ se tulit, sed progressu temporis ad immanem crudelitatem deuenit. Eras. 6. apoph.

Huc referre licet titu. de Degeneratione.

De morionibus ac stultis.

Friderici impera.

FRidericus Cæsar potentissimus, interrogatus an moriones in conuiuium intromittendi essent? Neque stultis, inquit, delectari possum, neque superbis esse amicus. Non intelligunt hodie principes Friderici dictum, qui hac hominum fece ita delectantur, ut omnes aulae stultorum & morionum sint plenæ. Aeneas Syluius lib. 2. Comment. de rebus gestis Alphonſi.

Alphonſi.

Alphonſus Aragonum rex, quanquam esset liberalissimus, stultos tamen & moriones perrarò admisit, huiusmodi homines cisternæ rimosæ persimiles esse dicens, quas ut nullus impleret imber, sic hos nulli quamuis magni prouentus rerumq; compendia exsatiarent. Pontanus de liberalitate.

De morte.

Thaleris.

THales Milesius dicebat, nihil interesse inter vitam & mortem: ob id opinor, quòd vtraque res æquè esset secundum naturam: nec mortem malam esse magis, quàm natiuitatem. Cuidam verò obstrepenti, Quis igitur tu non moreris? falsè respondit: Ob hoc ipsum, quia nihil refert. Potius enim habetur, quod acceritur. Laert. lib. 1. cap. 1. Bruso. lib. 7. cap. 14. Stob. adscribit Pyrrho, ser. 118.

Biantii.

Bias, cum quidem mortem aduocaret in liberorum amissione: Cur homo, inquit, ipsam vocas? an non etiam, si non vocaris, veniet? Stobæus Maxi. ser. 36.

Eiusd.

Eiusdem.

Idem rogatus, quod genus mortis malum esset? Quod, inquit, legibus constitutum est. Sensit autem vir prudentissimus, eam mortem hominibus nequaquam formidandam, quæ secundum naturæ leges inquadrat mortales: sed eam potius, quam delictis turpiter & ignominiosè promeruimus, & debitum licitori ac carnifici officium præstamus. Maximus sermone 36. & Stobæus.

Socratis.

Socrates Critoni vehementi studio suadenti, ut si vitam ipsæ suam negligeret, certè liberis etiamnum paruulis, & amicis ab ipso pendentibus se seruaret incolumem: Liberi, inquit, Deo, qui mihi eos dedit, curæ erunt: amicos hinc discedēs inueniam vobis aut similes, aut etiam meliores: ne vestra quidem consuetudine diu cariturus, quandoquidem vos breui eodem estis commigraturi. Eras. lib. 3. apoph.

Eiusdem.

Idem, quum quidam illi diceret, Athenienses te morti adiudicarunt: Et illos, inquit, natura. Sentiens, non esse magnum malum, si quis adigatur ad mortem: paulo post moriturus, etiamsi nemo interficiat. Quanquam hoc dictum quidam ad Anaxagoram referunt. Eras. lib. 3. apoph.

Anaxagore.

Agaxagoras absens morti addictus est. Id nuncianti: Iam olim, inquit, istam sententiam tulit natura æquè in illos, atque in me. Sentiens, Athenienses non minus adiectos morti, quam esset is quem damnarant. Aliis aliud mortis genus obtingit, sed omnibus eadem est moriendi necessitas. Laertius libro 2. capite tertio.

Diogeni.

Diogenes rogatus num quid mali esset mors? Quo, inquit, pacto malum, quum præsentem non sentiamus? Quod autem abest, nulli malum est. Dum sentit homo, vivit: nondum igitur abest mors: quæ si adsit, abest sensus. Malum autem non est, quod non sentitur. Hanc ratiocinationem quidam tribuunt Epicuro. Mors quidem mala non est, sed iter ad mortem miserum est. Id si metuimus, tota hominis vita quid aliud est, quam iter ad mortem? Laert. lib. 6.

Eiusdem.

Idem quum ex vulnere humeri grauiter laboraret, vehem-

mentisque dolore afficeretur, quidam ex amicis insultabat ei dicens: Quin igitur mortem obis ô Diogenes, & te ipsum his damnis liberas? tum ipse respondit: Eos qui scirent, quæ in vita fieri dicique contingeret, in vita manere æquum esse. In quo genere hominum seipsum etiam numerabat. Verum tibi, inquit, qui neque quid agendum, neque quid dicendum sit, noveris, opportunum moriendi tempus est. Me verò qui sciam illa, par est in viuis agere. Aelianus lib. 10. de Varia histor.

Eiusdem.

Cum accepisset, Antisthenem grauius ex morbo decumbere, qui amore huius vitæ morbum molestius ferebat, cum sica ad decubentem ingressus est. ad quem cum Antisthenes dixisset, Quis me his doloribus liberabit? Diogenes prolata sica: Hæc, inquit: Contra Antisthenes: Doloribus, inquit, dixi, non vita. Laert. lib. 6.

Epicuri.

Epicurus dicere solebat, contra cætera omnia aliquid tutum inueniri posse, at contra mortem omnes nos inhabitare urbem immunitam. Maxi. ser. 36.

Aristippi.

Aristippus interrogatus, quomodo Socrates obisset diem? Vt ego. inquit, optarim. significans, talem mortem quauis vitæ optabiliorem. nec potuit breuius felicem obitum describere. Dicti tamen argutia in hoc est, quod Philosophus aliud responderit, quàm expectabat percontator. Ille quærebat de genere mortis, morbo perisset, gladio, veneno, an præcipitio? Ille putans id nihil referre, respondit, illum feliciter esse mortuum. Laert. lib. 2. cap. 8.

Eiusdem.

Idem, quum aliquando Corinthum nauigasset, & orta tempestas naufragium minaretur, expalluit: id animaduertens è vectoribus crassus quispiam militaris, ac philosophorum osor, sedata tempestate cœpit insultare: Cur, inquiens, vos philosophi, qui predicatis mortem non esse formidandam, expalliscitis in discrimine, nos indocti non timemus? Quoniam, inquit Aristippus, non de pari anima tibi mihi que cura ac metus est. Aul. Gellius hoc addit: Ego timeo animæ Aristippi, tu non times animæ nebulonis. quod tamen amarulentius dictum est, quàm vt Aristippo conueniat, cuius vrbinitas non tantum habet nigri salis. Rebus vilissimis minimè timemus. vnde

vnde prouerbium, Hydria in foribus. Hinc lusit Aristippus, illum non expalluisse, non quod esset fortior, sed quod, quum esset homo nihili, haberetque animum omni virtute vacuum, minimum erat detrimenti si perisset. Vir eruditus, ac sapientia præditus non perit, nisi graui Reipub. dispendio. Laert. lib. 2. cap. 8.

Sileni.

Silenus à Mida captus cum esset, hoc ei pro sua missione dedisse scribitur: Non nasci homini longè optimum est, proximū autem quā primū mori. Cicero lib. 1. Tuscu. quæst.

Musony.

Musonius interrogatus, quis oprimè extremum diem claudere posset? Qui semper, respondit, postremum vitæ diem sibi instare proposuerit. Maximus serm. 36.

Antiphanis.

Antiphanes dicere solebat, mortalia præcipuè hominibus cogitanda esse: quandoquidem omnibus hominibus sit moriendum. Stobæus.

Theramenis.

Theramenes quum in quadam domo versatus, inde prodiiisset, illa subito lapsu corruit. Atqui cum reliqui Athenienses aliū aliunde ad eum confluerent, & inopinatæ salutis congratularentur, ille præter omnium opinionem respondit: Nescitis viri, ad quam tempora & pericula Iupiter me seruare voluerit. Intellexit vir sapiētissimus, se à mortis improbitate nequaquam tutum esse: quæ licet conuiueat in summo vitæ periculo, attamen paulo post cumulatis malis hominem arripit in portu, quasi nauigantem. Nec seipsum quidem fefellit: nam non multo post à triginta tyrannis de medio sublatus est, cicutam bibere coactus: nempe qui ex ruinis domus liberatus, veneno turpiter perire coactus est. Aelia. lib. 9. de Var. hist.

Aegyptiorum.

Olim in diuitum epulis apud Aegyptios, vnus quispiam cadauer ligneum, sed quā proximè ad verum effectum, ostendebat singulis dicens: In hunc intuens pota, & oblecta te, talis post mortem futurus. Dubites, quo animo id fecerint: vtrum vt moderatius fruerentur voluptatibus, conditionis suæ memores: an auidius, vt pote mox abiturus. Herodotus lib. 3.

Secundi philosophi.

Ab Adriano imperatore Secundus philosophus interroga-

tus, quid esset mors? respondit: Aeternus somnus, dissolutio corporum, diuitum pauor, pauperum desiderium, ineuitabilis euentus, incerta peregrinatio, latro hominis, somnii pater, fuga uitae, uiuorum discessio, resolutio omnium. Laert.

Pyrrhonis.

Pyrrhon aiebat, nihil interesse inter vitam & mortem. Et cum quidam ad eum diceret, Cur igitur tu non moreris? Quia nihil interest, respondit. Stob. serm. 118.

Epaminonda.

Cum tempore Leuctricae cladis, Epaminondas Thebanorum dux, audiisset fortissimum quendam virum occubuisse: O Hercules, inquit, quod otium vir hic nactus est? Iudicauit autem vir prudentissimus, vitam nostram nihil esse nisi negotiationem perpetuam, in qua diuersis studiis impellimur, ac turbulentissimis tempestatibus nunc huc, nunc illuc perpetuo iactamur, donec veniamus ad portum, atque quietem, quam nobis mors sola tribuit. Guido Bituricensis.

Laconis.

Lacon quidam ad Rhodium Diagorum, qui in Olympiis & filios, & ex filio filiaque nepotes vidisset coronari: Morere, inquit, Diagora, non in Olympum ascendens? sentiens, tum optimum exire de vita, quum res sunt prosperrimae. Ita Plutarch. in Vitis. Meminit & Cicero in Tusculanis quaestionibus. lib. 1. Lepos est in ambiguo, nam Olympus mons est, in quo singulis lustris peragebantur Olympica certamina, & pro caelo accipitur. Plut. in Lacon.

Lochadi.

Lochadus Polianidae filius, Sironis pater, nuncianti quod eius filius ipse alter interisset: Olim sciebam, inquit, illi moriendum esse. Nihil illi visum est nouae rei, si mortalis natus moreretur: nec magni referre, paulo serius an citius vita decederet, cui omnino breui foret decedendum. Plut. in Lacon.

M. Bruti.

M. Brutus in summa rerum omnium desperatione, cum a praecipuo quodam urbis senatore admoneretur, ut fugam ornaret, respondit: Prorsus fugiendum est, sed manibus, non pedibus significans, morte spontanea vitandam esse Caesarianorum tyrannidem. Plut. in Bruto.

Ciceronis.

Cicero, audito falso rumore de Vatinius morte, quum Qui-
nium

nium libertum eius interrogasset, Rectène omnia? atque ille respondisset, Rectè. Mortuus est, inquit? Significans, nō omnia rectè habere, si ille viueret. Eras. lib. 4. apoph.

Iulij Cæs.

Iulius Cæsar: quum inter cœnādum ortus esset sermo, quod genus mortis esset optimum? incontanter respondit, Inopinatum. & quod optimum iudicauit, ipsi contigit. Plutarchus in apoph. Rom.

Quintiliij Plaut.

Quintilius Plautianus, vir nobilissimus, cum iam grandis esset natu, viueretque ruri, nec quicquam quareret aut faceret curiosius, attamen a Seuero insidiis circumuentus, vt ad mortem raperetur, paulo antè quàm moreretur, postulauit, vt ea quæ ad sepulturam suam iamdudum comparauerat, ad se perferrentur. Quæ postquam vidit vetustate cōsumpta: Quid hoc rei est, inquit? Itāne cunctati sumus? Deinde facto sacrificio, idem inquit, Peto a Diis immortalibus, quod Adriano Seuerianus optauit. itaque interiit. Xiphilinus in Seuero.

Constantini imp.

Constantinus imperator, cum Hormisdæ Persæ vrbis Romæ magnitudinem atque hominum, ædificiorumque magnificentiam ostendisset, peteretque vt quid de ea sentiret, paucis enunciaret: respondit, ex tanta re, quanta ei ostendebatur, nihil cum delectasse magis, neque esse ex quo maiorem fructum cōsequi posset, quam quod ex iis quæ videret, verum esse comprehendere. In vrbe quoque Roma, quāquam amplitudine opibúsque alias antecederet vrbes; tamen ibi quoque, sicut in cæteris orbis terrarum locis, homines etiam mori. Breui responso rerum humanarum vanitatem ostendens. Fulgo. lib. 7. cap. 2.

Friderici imp.

Fridericus imperator, iis principibus qui immites & crudeles erga suos fuissent, mortem nimis extimescendam esse dicebat. Nam quales se, dum vixerunt, aliis præstitere, tales, cum moriantur, in se iudices inuenturos esse. Ostendere autem voluit, iis mortem esse amaram, qui mala antea cæte vstæ conscientia premuntur. Aeneas Syl. lib. 2. commentario de rebus gestis. Alphōsi.

Messodani.

Messodanus vir sanctus. iam senex, cū ab amico in crastinū

vocaretur conuiuium, Cur me vocas in crastinum? inquit, qui à multis annis crastinum non habui, sed mortis aduentum in singulos dies expectaui: quæ nobis nūquam non insidiatur, donec nos incautos etiam interdum opprimat. Guido Bituricensis.

D. Hieronymi.

Hieronymus Stridonensis & dicere & scribere solebat, ab eo omnia facile contemni, qui assidue se moriturum cogitauerit. Paucis verbis humanæ vitæ fragilitatem ostendens. Fulgوس lib. 7. cap. 2.

Alphonfi.

Alphonfus Aragonum rex cum interrogaretur, quæ res rege ac priuatos, diuites ac pauperes, claros & obscuros, denique omnes profusus exæquaret: respondit, cinis. Indicans, post mortem, regis à priuato, diuitis à paupere, formosi ab infirmi, personam nequaquam discrepare. quis enim ex cineribus aut ossibus humanis terra erutis, differentiam vllam videre potest? Pa nor. lib. 4. de reb. gest. Alphonfi.

De morte contemnenda.

Chilonis.

CHilon, insignis Lacedæmoniorum philosophus, sic esse contemnendam mortem, vt nihilo secius curam habeas incolumitatis. Non enim est fortitudinis, sed amentię, semet temere in vitæ discrimen conicere: sed quoties aut ineuitabilis necessitas urget, aut grauis honestæque causa suadet, mortem contemnere, fortis animi est. In morbo non est metuenda mors, sed interim adhibenda curatio mediocris. In bello sumendus est animus ad mortem paratus, sed interim fortiter pugnandum est pro victoria. Ausonii carmen sic legendum arbitror:

Vive memor mortis, vt sis & memor salutis.

Potest autem & hic accipi sensus: Hactenus memineris te moriturum, vt abstineas à vitiis, curisque superuacaneis: sed interim, perinde quasi diu victurus sis, ea cures quæ ad honestam beatamque vitam pertinent. Multos mortis consideratio deterret ab honestis actionibus, contra obliuio mortis multos inuitat ad licentius peccandum. Potest & sic intelligi: Ne sic metuas mortem, vt viuas anxius ac tristis, sed vitæ spes mortis horrorem temperet. Hunc sensum indicat carmen quod sequitur:

Tristia cuncta exuperans aut animo, aut amico.

Hæc

Hæc vita præterquam quòd multis miseriis exposita est, nihil habet tristiùs, quàm quòd mortem habet certissimam, diè mortis incertissimam. Sed omnia superanda sunt, aut animi fortitudine, aut amicorum alloquiis. Nullum enim in dolore remedium præsentius, quàm curas æstusque animi in amicorum sinum effundere, quorum & consolatio & communis dolor maximam mali partem tollit. Chilonis porrò dictèrium extat apud Laert. lib. 7. cap. 4.

Biantis.

Bias conspecto ense proiecto, dixit: Quis te perdidit? aut quem tu? Anton. par. 1. Melissæ, serm. 58.

Diogenis.

Diogenes Cynicus, lugente quodam, quòd in peregrina terra moriturus esset, dixit: Quid luges & stulte? Undecunque eadem est via ad inferos. Anton. in Melis. par. 1. serm. 58.

Eiusdem.

Quum Speusippus paralyti resolutus, vehiculo deportaretur in academiam, ac Diogeni fortè obuio dixisset *χαίρεις*: respondit, At non tu sanè, qui quum ad istum sis affectus modum, sustineas viuere. sentiens, esse veri philosophi, sponte mortè ascendere, posteaquàm desuit esse vsui ad vitam humanam. Idque fecit postea Speusippus. Eras. lib. 3. apoph.

Socratis.

Socrates decrepitam agens vitam, in morbum cum incidisset, & quidam interrogaret, quomodo sese haberet? Rectè, inquit, utroque modo. Nam si fuero superstes, plures æmulatores habebò. Sin vitam excessero, plures laudatores. Aelian. lib. 2. de Varia hist.

Eiusdem.

Cum quidam eidem dixisset, Athenienses te morte afficiendum decreuerunt: Et antè eos, inquit, natura. Maxi. serm. 36.

Eiusdem.

Socrates, ut est apud Platonem, cum se morte mulctatum videret: Magna me spes, inquit, tenet, iudices, bene mihi euenire, quòd mittar ad mortem. Sed tempus est iam hinc abire me, ut moriar: vos, ut vitam agatis. Cice. lib. 1. Tusc. quæst.

Eiusdem.

Idem iam ad mortè damnatus ab Atheniensibus, cum forti & constanti vultu potionem veneni è manibus carnificis accepisset: admoto iam labris poculo, vxori Xantippe inter fletum
& lamen

& lamentationem vociferanti, innocentem eum perimi? Quid ergo, inquit Socrates, nocenti mihi mori satius esse duxisti? O immensam illam sapientiam ac constantiam, quæ in ipso quidem vitæ excessu obliuisci sui potuit. Laertius in vita Socratis. Val. Max. libr. 7. capi. 2. Xenophon in Apologia pro Socrate, Stob. ser. 1. Bruso. lib. 2. cap. 1.

Eiusdem.

Socrates carceris ministrum porrigentem in poculo cicutā, interrogauit, quomodo sumendum esset hoc pharmacū, quod eius artis esset peritus, alludens ad ægrotos, qui à medicis discunt, quando & quomodo oporteat sumere, quod ab illis temperatum est. quumque puer respondisset, semel totum hauriendum, si posset: deinde tanisper inambulandum, donec sentiret grauedinem in cruribus: post in lecto decubendum supino corpore, ibi pharmacum effecturum quod solet. Socrates rogauit, liceretne inde aliquid libare (quod in conuiuio mos sit, effusa vini portiuncula, nominatim alicui deo libare) minister respondit: se tantum miscuisse, quantum opus esset, hoc sermone innuens, nihil esse quod effunderetur. Tum Socrates: Sed & phas est, & oportet orare deos, ut felix faustaque sit hæc mea migratio. Eras. lib. 3. apoph.

Eiusdem.

Quum puer illum detexisset, quod illi iam frigerent præcordia: Debemus, inquit, ò Crito, gallum Aesculapio, quem persol uere ne neglexeris, perinde quasi sumpta potione medica, conualuisset, Nam Crito hoc summis viribus egerat, ut Socrates vitæ suæ consuleret. Adeo inerat illi viro natua quædam vis vrbauitatis, ut moriens etiam iocaretur. Nam hanc ferunt illi fuisse supremam vocem. Ibidem.

Platonis.

Cum quidam ex medicis Platoni consilium daret, ut relicta Academia, loco pestilentissimo, in Lyceum scholam transferret, nequaquam obtemperauit, dicens, se producendæ vitæ causâ, ne in Atho quidem summitatem transmigrare velle. Aelianus lib. 9. de Varia historia.

Aristotelis.

Aristoteles dicere solebat, ea quæ longissimo tractu à nobis absunt, nemo metuit. Nam quum moriturum sese nemo ignoreret, mortem tamen, quam propè esse non suspicamur, minime expauescimus. Stob.

Eiusdem.

Eiusdem.

Idem dicebat sæpenumero, è vita migrare esse optimum, veluti è conuiuio, non sitibundum, nec temulentum. Stobæus.

Democriti.

Democritus ægrotans cum in lethargū incidisset, & postea rediisset ad se: Non me decipiet, dixit, amor vitæ, & seipsum è vita eduxit. Antonius in Melissa, par. 1. ser. 58.

Aristippi.

Cum nauis uetus Aristippus, procellis impetentibus supra modum perturbaretur, quidam ex iis qui simul nauigabant: Nūmne, inquit, etiam tu metu percelleris, quemadmodum vulgatum ille: Prorsus, ait, neque iniuria. Vobis enim de vita scelerosa infelicique labor est, & præsens periculum: mihi verò de felicitate & beatitudine. Aelianus lib. 9. de Varia historia.

Aristidis.

Aristides philosophus, qui ob peculiare virtutes iustus cognominatus est, interrogatus, quatenus deceat hominem viuere? Tantisper, ait, dum deprehendat emori præstare, quam in tot calamitatibus viuere. Stob.

Eiusdem.

Idem cognomento Atticus, rogatus quàm diu liceat homini honestè viuere: Quoad, inquit, mori existimabit melius esse, quàm viuere. Max. ser. 36. ex Phauorino.

Eiusdem.

Aristides Locrensis morsus à mustela Tartesia, iam moriens dixisse fertur, multo sibi iucundiorē mortem futuram fuisse, si vel ex leonis, vel ex perdalis morsu obtigisset (quādoquidem necesse fuerit aliquando mortis occasionem existere) quàm ab eiusmodi contempta bestiola. Vnde apparet, eū acerbius ignominiam morsus, quàm ipsam mortem tulisse. Aelianus lib. 14. de Var. hist.

Anaxarchi.

Suprà tit. de Constantia & de Animæ immortalitate.

Epicteti.

Epictetus dicere solebat, magis necessarium esse animæ quā corpori mederi, quum præstet mori, quàm malè viuere. Antonius in Melissa, par. 1. ser. 58.

Aeschini.

Aeschines mortem nequaquam terribilem, sed violentam affectionem circa mortem, horrendam esse dicebat. Stob. ser. 115.

Eiusdem.

Eiusdem.

Idem, gloriôsè mori summam fœlicitatem esse dicebat, cū omnibus ex æquo sit fatalis. Stob. ser. 115.

Epicharmi.

Epicharmus dicebat: Emori nolo, sed me esse mortuum nihil æstimo. Brufonius lib. 4. cap. 10. Cicero lib. 1. Tusc. quæst.

Theodori Maced.

Theodorus Macedo philosophus, cum audiret Lyfimachum mortem sibi minitantem crudelissimam: Hæc, inquit, aulicis tuis potius minitare. Ego enim parum curo, humine an sublimè in cruce putrescam. Cicero lib. 1. Tusc. quæst. Brufonius lib. 2. cap. 1. Valerius Maximus lib. 6. cap. 2. Seneca de Tranquillitate vitæ, cap. 14.

Georgia.

Gorgias rhetor rogatus, an libenter obiret: Minimè, inquit, sed ex hoc domicilio putrescente libenter abeo. Brufonius lib. 4. cap. 10. Stobæus ser. 115.

Eiusdem.

Idem iam senex interrogatus, an libenter moreretur? Maximè, dixit: nam tanquam ex putri & diffuente domuncula non inuitus discedo. Stobæus sermone 115. Bruf. lib. 4. cap. 10.

Demosthenis.

Demosthenes, dum pro Atheniensibus & libertate verba faceret, & Philippus diceret, Num times ne caput abs te auferri præcipiam? Non, inquit, nam etsi ipsum loco moueris, patria immortalitate donabit. Stob.

Corisci.

Coriscus admodum senex, cum difficili admodum morbo liberatus esset: Apage, inquit, quàm molestè reuersus sum, iam aliquântulum viæ progressus, quàm ingredi omnino necesse est. Maximus ser. 4.

Agidis.

Agis Laced. rex interrogatus à quodam, quo pacto quis libertatem suam tueri possit? Si mortem, inquit, contempserit. Hic metus, qui cadere dicitur in cōstantem virum, multos deterret à pulcherrimis facinoribus: hoc qui caret, potest vbique quod rectum est sequi, nec est quòd timeat improbos: qui vt extrema molantur, nihil aliud possunt quàm occidere. Plutar. in Lacon.

Eiusdem.

Eiusdem.

Idem per insidias captus, ac præter meritum ab Ephoris condemnatus, quum ad laqueum duceretur, conspiceretque quendam è lictoribus flentem, ob indignitatem rei, cuius cogebatur esse minister: Desine, inquit, ô homo, vicem meam flere. Nam sic moriens præter ius & æquum, melior scilicet sum his qui me occidunt. Hæc locutus, ultro collum laqueo induit. Quo nemo Stoicorum docuit quicquam fortius, hoc ille iuuenis non verbis, sed re præstitit, scilicet omnem solo honesto metiens: eosque iudicans infeliciores, qui faciunt iniuriã, quam qui patiuntur. Plutarchus.

Idem aliter.

Idem à Leonida in carcerem, ut suspenderetur, coniectus, cum videret lictorem plorantem, & titubantem circa opus: Omitte, inquit, timorem & lachrymas, sic enim iniuste morior, multo melior iis qui ad mortem me damnarunt. quo dicto, ultro collum laqueo innectendum præbuit. Brufonius libro secundo, cap. I.

Eiusdem.

Idem huius nominis ultimus, cum ab Ephoro interrogaretur, num pœniteret eorum quæ gessisset? respondit, se nulla plene tangi pœnitentia consilii cum prudentia honestoque coniuncti: tamen non ignoraret, mortem se præmii loco relaturum. Plutarch. in Lacon. apoph.

Hippodami.

Hippodamus, quo tempore Agis aduersus Archidamum aciem instructam habebat, simul cum Agide iussus ire Spartã, curaturus illic ea quibus erat opus: Annõn, inquit, honestius est ut pro Sparta, fortem bonumque virum præstans, mortem oppetam? Ac post sumptis armis, itansque regi ad dextram, pugnando interiit. Consultum volebant illius senectuti, quæ viribus defecta, in bello non ita multum esset habitura momenti, in patria futura nonnulli usus (excesserat enim annum octogesium) at ipse sibi non indulsit. Plut. in Lacon.

Astycratida.

Infra de Patria fortiter propugnanda.

Agésilai.

Percontanti cuidam, qua ratione sibi pararet eximiam gloriam? Agésilas rex: Si mortem, inquit, contempseris. Nihil enim in bello præclaræ rei geret, cuius animum mortis metus occu-

occupauit. Idem affectus in omni vita mortalium, à pulcherrimis facinoribus reuocare solet. Plut. in Laconicis, & Brusonius lib. 4. cap. 10.

Alcamenis.

Cuius iam percontanti, quam ob causam Spartani impauide semet exponerent periculis? Quoniam, inquit Alcámenes, pro vita timere consueuimus, non aliorum more expauescere, significans, moderatam vitæ curam addere calcar ad fortiter agendum, immodicum mortis pauorem ab egregiis factis deterre-re. Plut. in Lacon. apoph.

Tectamenes.

Tectamenes, posteaquam Ephori capitis sententiâ in ipsum pronunciaissent, abiit ridens, rogantibus qui aderant, an etiam cõtemneret Spartanorum leges? Nequaquam inquit: quin gaudeo potius, quod hæc mihi mulcta soluenda est, cum eam nec indixerim cuius iam, nec à quopiam mutuo acceperim. Vir innocens, non accusauit patriæ suæ leges, sed hoc felicitatis esse indicabat, quod mori iuberetur, qui neminem ad mortem ad-egisset, nec cuiquam deberet vitam nisi sibi. Facetè mortis pœnam vocauit mulctam, rem atrocem molliori vocabulo signâs. Iure autem cogitur soluere pecuniam, qui eam vel extorsit ab alio, vel mutuo sumpsit. M. Tullius hoc apophthegma sic vertit Tuscul. quæst. lib. 1. Cum Lacedæmonius quidam, cuius ne nomen quidem proditum est, mortem tantopere contempserit, ut quum ad eam duceretur damnatus ab Ephoris, & esset vultu hilari atque læto, ei que dixisset quidam inimicus, Contemnisne leges Lycurgi? responderit, Ego verò illi maximam habeo gratiam, qui me ea pœna mulctauerit, quam sine mutatione & sine versura possem dissoluere. O virum Sparta dignum: ut mihi quidem, qui tam magno animo fuerit, innocens danatus esse videatur. Pro *Alcámenes* Cicerò vertisse videtur, versuram. Lussit autem contemptu mortis Tectamenes, quasi mors leuior esset quam mulcta pecuniaria, quod illam quisque de suo posset soluere, ob hanc multi cogantur vsuram aut versuram facere. Plut. in Lacon.

Eiusdem.

Idem quum iussu tyrannorum porrectam veneni potionem fortiter hausisset, quod ex ea superfuerat, sic illisit solo, ut: clarum sonum ederet: reddensque seruo publico, qui eam traderat:

derat: Critiæ, inquit, propino. videigitur, vt hoc poculum continuò ad illum perferas. Erat is Critias, è triginta tyrannis crudelissimus. Eras.lib.6.apoph. Idem Therameni ab alijs attributum, paulo pòst referetur.

Cleomenis.

Cleomenes percontatus à quodam, cur Spartani Diis spolia hostium non etiam dicarent? respondit, Quia timidis detracta sunt. Sensit vir fortissimus, in bello fortiter occumbendum esse, potius quàm hostibus præbenda arma: cum honestè mori non solùm laudabile, sed salutare etiam sit. Plutarchus recitat in Laconicis.

Callicratida.

Callicratides apud Arginusas, quum esset nauali pugna conflicturus, atque Hermon nauclerus diceret, bonum esse ab eo loco solvere, quòd Atheniensium triremes numero longè plures essent: Quid, inquit, tum postea? Atqui fugere ignominiosum est Spartæ, ac damnosum: contra, manentem aut mori, aut vincere, honestissimum. Gloriâ vitæ anteposuit. sed publicam gentis, non priuatam suam. Plut. in Lacon. apoph.

Eiusdem.

Idem ante conflictum peracto sacrificio, quum aruspex nunciaret ex incensis, exercitui quidè portendi victoriam, sed imperatori mortem: nihil expauctus, Haud penes vnum (inquit) sunt res Spartæ. me siquidem mortuo, nihilo deterius habitura est patria: sed si cessero hostibus, aliquid decedet patriæ: pro qua lubeps moriar. Itaque quum Cleandrum pro se ducem designasset, naualem pugnam aggressus est, ac pugnando interiit. Plut. in Lacon. apoph.

Eiusdem.

Idem percontanti, quàm ob causam fortes viri gloriosam mortem in gloria vitæ anteponant? Quoniâ, inquit, alterum naturæ proprium, alterum peculiariter suum esse ducunt. Nam naturæ beneficio viuunt & ignauissimi: at honestè mori, non contingit nisi virtute præditis. Plut. in Lacon.

Leonida.

Leonidam quum Ephori percontarentur, si quid præterea rei facere statuisset? Nihil aliud, inquit, quàm verbotenus impediturus barbarorùm transitum, sed reuera pro Græcis moriturus. Egregium imperterriti pectoris documentum, in causa honesta præque nec certam mortem horrescere. Plut. in Lacon.

Zeuxidami.

Zeuxidamus Aetolò quodam dicente, quòd qui studerent probitatem cum fortitudine coniungere, iis bellum esse potius pace: Non per deos, inquit, sed his mors vita potior esse debet. Correxìt Lacon dictum Aetoli. Non enim optandum bellum: sed nec in bello nec in pace libertatem tueri licet, nisi mortis terrorem abieceris. Plut. in Lacon.

Lyfimachi.

Theodorus Lyfimacho mortem minitanti: Præclaram, inquit, rem effecisti, si cantharidis vim consequutus es. Cantharis infectum est minutum quidem, quod tamen letale gerit venenum. Itaque qui mortem homini minantur, nihil minantur magni, quum idem possit contemptissimum animalculum scorpius. ex Cicero. lib. 5. Tuscu. quæst.

Laconis.

Quidam Lacon sagitta percussus, cum animam ageret, dicebat: Non me mouet quòd morior, sed partim quòd ab imbelli sagittario, ac mulierculæ simili, partim quòd nullo facinore edito morior. Victis solet esse solatio, virtute præstantis viri dextra cadere. Lacedæmonii verò, quoniâ ensibus pugnare solent cominus, non putabant esse virtutis, procul missa sagitta quempiam interficere: quod idem possunt & fœminæ. Tum æquiore animo decedunt è vitâ, qui rectè factorum post se relinquant memoriam. Plut. in Lacon.

Biantis.

Bias Lacon insidiis circumseptus ab Iphicrate Atheniensium duce, quum illius milites rogarent, quid in eo rerû statu esset faciendum? Quid aliud, inquit, nisi vt vos seruemini, ego pugnando moriar? Talis erat animus Catonis Vtensis, qui cæteris suasit vt suæ salutis consulerent, ipse spontanea morte turpem effugit seruitutem. Plut. in Lacon.

Daminda.

Damindas, cum Philippus irrupisset in Peloponnesum, & quidam ita loqueretur: periculum est ne acerba pariantur Lacedæmonii, nisi Philippo reconcilientur: O semiuiri, inquit, quid nobis poterit acerbi accidere, qui mortem contemnimus? Plutarch.

Laconum.

Lacedæmonii iuuentutem nil aliud docebant, quàm vt magistratui obtemperantes, omniâque contemnentes vitæ pericula,

cula, aut in prælio vincerent, aut fortiter occumberent. Cuius rei testis est Plut. in apoph. Lacon.

Laconis.

Apud Spartanos cum mos esset, ut quod quisque posset suffurari concederetur, modò in furto non deprehenderetur: puer quidam, quum viuam vulpeculam, quam sodales erant furati, sibi ab eis traditam seruaret, venisséntque qui perdiderant, inquirendi gratia, vulpeculam sub veste abditam tenebat. verùm cum efferata bestia latus pueri vsque ad intestina corroderet, dissimulauit tacitus dolorem, ne proderet furtum. Mox verò cum obiurgaretur à consodalibus cur fecisset: Præstabat, inquit, fortiter immori, quàm hac nota traduci, ut ob moliciem dicar lucrificasse vitam ignominiosam. Plut. in Lacon.

Theramenis.

Theramenes Lacedæmonius cum ad mortis supplicium ab Ephoris duceretur, essétque vultu hilari atq; lato, inimicorum quidam ei dixit: Contemnísne leges Lycurgi? respondit: Non conténo, sed illi maximas gratias habeo, qui me ea pœna multauit, quam sine mutatione sinéque versura possum dissoluere. Cicero in Tuscu. quæst. i. lib. Plutar. in Nicia. Val. Maxi. lib. 3. cap. 2. Bruso. lib. 2. cap. 1. Volat. lib. 20. cap. 1. vrb. com.

Eiusdem.

Idem coniectus in carcerem, triginta iussu tyrannorum, cum venenum ut sitiens ebibisset, reliquum sic è poculo eiecit, ut id resonaret. quo sonitu audito, arridens: Propino, inquit, hoc pulchro Critiæ, qui in eum fuerat teterrimus. Lussit vir egregius extremo spiritu, cum iam præcordiis conceptam mortem contineret. Cicero lib. i. Tuscu. quæst.

Eteoclis.

Suprà de Consolatione.

Pelopide.

Pelopidas, quum Pharsali congressurus esset cum Alexandro Pheræorum tyranno, milites admonuerunt, duplo plus Thessalorum esse cum Alexandro, quàm ipse Thebanos haberet: Tanto, inquit, melius nobis erit, plures enim vincemus. Hoc & alteri cuidam adscribitur. Eras. lib. 5. apoph.

Eiusdem.

Ab Alexandro Pheræorum tyranno præter fœdera captus ac vinctus Pelopidas, conuicia congelsit in fœdifragum. ut autem iratus ille dixit, Mori properas: Admodum, inquit, quo ma-

gis in te exasperentur Thebani, túque citius des pœnas violati fœderis, diis pariter atq; hominibus inuisus. *Eraf. lib. 5. apoph. Alcibiadis.*

Alcibiades Atheniensis dicebat, nihil nouum esse, si Lacedæmonii intrepide mortem in bellis occumberent. Defugere enim eos hoc modo legum seueritatem & cruciatum, atque labores alacriter promptèque cum morte commutare. *Aelianus lib. 13. de Varia histor.*

Cabrias.

Cabrias prodicionis accusatus est vnà cum Iphicrate. Quum autem ab Iphicrate obiurgaretur, quòd quum esset in periculo, tamen ad gymnasium itaret, solitæque pranderet hora: Ergo, inquit, si quid secus de nobis statuerint Athenienses, te squalidum ac famelicum, me verò pransum ac vinctum occident. *Plut. in Græco. reg. & impera. apoph.*

Phocionis.

Phocion Atheniensis, cum iam eū aliis bonis viris ab Atheniensibus damnatus esset ad mortem, & carnifex cicutam apportaret: quum bibissent omnes, solusque Phocion superesset, consumpto ab aliis veneno, carnifex negabat se daturum, nisi numerarentur duodecim drachmæ: tanti enim venire cicutæ vnciam. Phocion itaque ne per illius contentionē mora fieret morti, accito ad se cuidam ex amicis: Quandoquidem, inquit, Athenis ne mori quidē gratis licet, quæso dato huic precium. *Plutarch. in Græco. apoph.*

Pelopidae.

Posteaquam Epaminondas Pelopidam liberum reduxisset, aiebat se gratiam habere Alexandro, per quem experimento comperisset, se non tantum ad bellum, sed etiam ad mortem bene animatum esse. *Plut. in Græco. apoph.*

Dionysii sen.

Infra de Regnandi libidine.

Alexandri.

Calanus ille Indicus sophista, cum sibi ipsi manus adferre vellet, struem lignorum struxit: eamque incendens, se in ignem, contemnens mortis durum supplicium, præcipitauit. quod cum Alexander vidisset, admiratus hominis audaciam, dixisse perhibetur, Calanum potentiores se hostes bellasse ac vicisse. Alexander enim cum hominibus pugnans victor euasit, Calanus verò cum laboribus ac morte. *Aelianus lib. 5. de Varia histor.*

Scipion

Scipionii iun.

Scipio iunior quum in Africa Pompeii partes sequutus, res parum prosperè gessisset, & Hispaniam petens, intellexisset nauum, qua uehebatur, ab hostibus captam, gladio præcordia sua transuerberauit. Deinde Cæsarianis militibus quarentibus, ubi est imperator? Imperator, inquit, bene habet. Suprema vox morientis declarauit animum meliore fortuna dignum.

Grani.

Granius Petronius quæstor designatus, cum vnà cum naue in qua uehebatur, captus esset, Scipioni incolumitatem pollicenti, respondit: Cæsariani milites non ab aliis accipiunt, sed præstare solent salutem. quo dicto, se pigione confecit. Bruto. lib. 2. cap. 1. Eras. lib. 6. apoph.

Catonis sen.

Cato senior aiebat plurimum referre, vtrum quis virtutem magni aestimet, an vitam non magni faciat. Sentiens, non eos statim esse fortes, qui quouis modo vitam vel mortem contemnunt: sed qui tanti faciunt virtutem, vt huius gratia vitam alioqui charam negligant. Nam semet in vitæ discrimen conicere, aut infœlicium est, & quos vitæ iam tædet: aut immanium, & beluis similium. Plut. in Catonis vita. & Erasmus libro. 5. apoph.

Bassi.

Bassus senex, si quid incommodi aut metus in morte esse diceretur ab aliis morientis hoc vitium esse dicebat, non mortis. Mors enim nihil incommodi hominibus adfert, sed ab omnibus incommodis ac fortunæ miseræ procellis liberat. Seneca epistola 30.

C. Maui.

C. Mauius Augusti cæturio, cum in bello ab Antonio captus esset, interrogatus ab Antonio, quomodo secum agi vellet? Occidi me iube, inquit: mori enim malo, quam tuo beneficio viuere. Bruto. lib. 2. cap. 1.

Tiberij impera.

Tiberius impe. quum audisset quendam è reis nomine Caruiliū, sibi mortem concessisse, priusquam esset damnatus, exclamauit: Caruilius me euasit. Adeo leue supplicium esse iudicabat mortem.

Hadriani impera.

Sub mortē, his versibus lusisse dicitur Hadrianus imperator:

*Animula, vagula, blandula,
Hospes comesque corporis,
Quæ nunc abibis in loca
Pallidula, rigida, nudula,
Nec ut soles dabis iocos.* Dion Cassius.

Rub. Flauj.

Rubrius Flavius cum à Nerone defecisset, captiuus abductus, & mox ad mortem damnatus est. verum cum à licitore admoneretur, vt fortiter ceruicem prætenderet: Vtinam, ait, tu tã fortiter ferias. Bruf. lib. 2. cap. 1.

Anton. Pij.

Antoninus Pius quodam die dixit amicis: Quid me fletis, ac non magis de communi morte pestilentiaque cogitatis? Philosophia docuerat hominem, & mortem contemnere, & res humanas ridere. Parantibus autem abire, dixit: Si iam me dimittitis, vale vobis dico, vos præcedens. Facere petiit ab amicis discedendi veniam ac veluti peregrè profecturus, iussit illos valere. submonens interim fore, vt illi præcedentem sequerentur. Capitolinus.

M. Antonij.

Cleopatra metuens Antonii sauitiam, confugit in monumentum demissis cataractis: misitque qui dicerent, illam spontanea morte periisse. Id credens Antonius, & ipse sibi parans adferre vim, dixit: ò Cleopatra, non doleo quòd te caream, nam mox vna futuri sumus: sed quòd ego tantus imperator, fortitudine victus sum à scemina. Victum se putabat, quòd illa prior spontaneæ mortis gloriam occupasset, Plut. in Antonio.

Pertinacis imp.

Pertinax Romanorum imperator, cum videret milites prætorianos in se irruere: Me, inquit, milites si occiditis, neque ipsi rem magnam facitis, neque mihi sanè grauem homini huius ætatis & gloriæ, cum humanæ vitæ finis aliquis sit necessarius. Non ignorauit imperator, semel esse moriendum: & sic nō referre, quo mortis genere vltimum vitæ diem claudamus. Herodianus lib. 2.

Eiusdem.

Idem, cum intellexisset, tumultuari quosdam ob interfectū Commodum imperatorem, dixisse fertur: Si doletis Commodi mortem, nihil profectò noui fuit: quandoquidem homo natus fuerat. Herod. lib. 2.

Egna

Egnatij mart.

Egnatius martyr ad bestias damnatus, cum iam ad supplicium duceretur: Nō curo, inquit, quo supplicii genere moriar. Frumentum autem Dei cum sum, bestiarum dentibus comminui atque subigi delector, vt panis sīam mundus Christo, qui mihi panis est vitæ. Euseb. lib. 3. cap. 36.

Alphonsi.

Alphonſus Aragonum & Siciliae rex, quum familiares, quos ipse alumnos suos appellaret, visitaret infirmos & ægrotantes, pro more, audiens Gabrielem Surrentinum suauissimū & splendidissimum adoleſcentem ægrotare ad mortem, hominem accessit. quem cum à mortis diro aspectu abhorrere intellexit: Non est, inquit, cur tantopere mortem timeas, quum hæc bene puræque morientibus sit vita, atque eius vitæ principium, quæ neque doloribus, neque metu, neque inuidiæ, neque ærumnis ullis subiecta est, &c. Anto. Panor. de reb. gest. Alphonsi, & Aen. Syl. de dictis eius.

De morientium monitis, & doctrinis.

Othonis imp.

OTho imperator iam destinata morte, Cocceium fratris filium ad se vocatum sic adhortatus est extremis verbis: ô fili habuisse te patrum Casarem, nec prorsus obliuiscaris, nec admodum memineris. Noluit illum: prorsus obliuisci, ne defereret curam suorum. rursus noluit valde meminisse, ne mortem patrum vlcisceretur. Sueton. in vita Othonis.

Aurelij Com.

Aurelius Commodus, M. Antonini filius, quum in extremis à parente moneretur, ne barbaros iam attritos sineret vires recipere: respondit, Ab incolumi quamuis paulatim negocia perfici posse, à mortuo nihil. Vera quidem sententia: sed impia vox erat parentis, extrema monita contemnentis, ac morienti velut insultantis. Refert Sex. Aurelius Victor.

De mortis & somni cognatione.

Socratis.

Socrates dicere solebat, mortem esse similem profundo somno, aut diutinae peregrinationi. Somnus profundior adi-

mit omnem sensum:& animus à corpore digressus, aliquando in suum domicilium rediturus est.Eras.lib.3.apoph.

Anaxagora.

Anaxagoras aiebat,duas esse mortis doctrinas:alteram tempus,antequam nati sumus,alteram somnum.Stob.ferm.117.

Diogenis.

Diogenes Cynicus lethali somno experrectus cum esset, ac medicus interrogaret,quidnam ageret? Rectè, inquit, habeo. Nam frater fratrem amplectitur. alludens ad Homerum, qui *Δάριον & Κίρρον* germanos finxit.Laert.lib.6.

Gorgiæ.

Gorgias Leontinus iam vicinus morti,viribus deficiens, sensim in somnum delapsus iacebat.Et si quis ipsum ex familiaribus interrogaret,quid ageret? respondebat:Iam somnus incipit me fratri tuo tradere.Stob.fermo.115.

De morte generosa.

Lacena cuiusdam.

LAcena quædam,vt audierat filium incolumem, sed fugisse ab hostibus, scripsit illi:Malus rumor de te sparsus est:aut hunc dilue, aut ne sis.Præstabilius iudicauit mori, quam cum ignominia viuere.Plut.in apoph.Lacen.

Phocionis.

Phocion iam damnatus, cum videret ciulare eos qui vna morte mulctandi etiam erant:An non, inquit, ò Tudippe, pulchrum tibi ducis cum Phocione mortem oppetere?Ael.lib.13. de Varia histor.

Epaminonda.

Epaminondas dicere solebat,pulcherrimum esse genus mortis,in bello mori:quod hæc mors primùm cum laude fortitudinis coniuncta sit, modò bellum geratur pro patria:deinde breuis,non diu crucians hominem, aut paulatim extabefaciens.Plut.in Græc.apoph.

Eiusdem.

Epaminondas, cum grauius & ad mortem vsque in clade cruentissima vulneratus esset, prostratus humi, interrogauit milites,an clypeus suus adhuc saluus esset,vt audiuit saluum, rogauit præterea,an hostes deuicti essent?cum & hoc audiuisset,Nunc finis, inquit, vitæ meæ:sed melius & altius initium aduenit.

aduenit. Nunc Epaminondas nascitur, quia sic moritur. Valer. Maximus.

Eiusdem.

Suprà de Fortitudine heroica, & militari.

De morte generosa, non deslenda.

Socrati.

Socrates Critonem orabat, ne præceptorem defunctum deploret. Malè dictum enim non solum in hoc ipso delinquere, sed etiam animis nonnihil hoc officere. Bruson. lib. 4. cap. 10.

Eiusdem.

Idem vxori muliebriter comploranti, dicenti que, Mi vir, innocens morieris: Quid (inquit) vxor, num me nocentem mori malles? Mors bonorum ob hoc ipsum minus deslenda est, quòd præter meritum occiduntur: bis verò deplorandi sunt, qui ob malefacta dant pœnas: sed longè miserius est, meruisse pœnas, quàm dedisse. Brusonius lib. 4. cap. 7. Erasmus Roterod. lib. 3. apoph.

Eiusdem.

Socrates præclarum esse dicebat, in bello fortiter occumbere. Etenim qui sic è vita migrat, funere & sepulchro magnificentiſſimo honoratur. Et siue pauper quis ita decedat, laudatione non caret: siue etiam vilis quispiam & ignauus, rursus à sapientibus viris extollitur, qui non temerè, sed multo tempore composita & consulta oratione egregiè laudant. Plato in Menexeno.

Eiusdem.

Quidam Socrati, cum alio quodam colloquenti, filium eius mortuum esse nunciauit. Ille verò colloquio iam absoluto: Abeamus, dixit, Sophronisci funus curaturi: Stobæus sermone 106.

Diogenis.

Diogenes Cynicus, cum quidam lamentaretur, quòd amicus apud peregrinos sibi mortuus esset: Stulte, inquit: lamentaris: vndique enim ad inferos tantundem est viæ. Maxi. serm. 36.

Solonis.

Solon, quum legeret defunctum sibi filium, dicenti cuidam, vt luctui parceret, eo quòd nihil proficeret: At propter hoc, inquit, lachrymor, quia nihil proficio. Brus. lib. 4. cap. 10.

Amasidis.

Amasis rex conspiciens quendam amisso filio lugentem: Si tunc, inquit, quum nondum esset, non dolebas: nec nunc quidem doleas, quum non est. *Eracl. lib. 6. apoph.*

Polyeni.

Polyænus non dolendum esse propter mortuos dicebat: quandoquidem melius sit mori, quàm miserè viuere. *Maximus serm. 35.*

Lacæna.

Lacæna quædam quum audisset, quòd filius fortiter in prælio se gerens occubuisse: Nimirum, inquit, meus erat. Non deplorauit mortem filii, sed de virtute sibi gratulata est. Contrà, quum de altero audisset, quòd ob timiditatem prælium detrectans, saluus esset: Nimirum, inquit, non erat meus. sentiens, nò esse habendos pro liberis, qui à parentum institutione degenerassent. *Plut. in Lacænarum apoph. Bruf. lib. 4. cap. 1.*

Alius.

Alia quum audisset, filium in prælio cæsum: Deponite illum, inquit, vt erat in ordine locatus, eiusque locum expleat frater. Tale robur animi, quale in paucis reperias viris. Non metuit orbitatem, modò vita patriæ impenderetur. *Plut. in Lacænarum apoph.*

Alia, quum in publica solenni que pompa audisset filium in prælio quidem tulisse victoriam, sed ex vulnerum multitudine mori, coronam non deposuit, sed glorians comitibus dixit: Quanto pulchrius est, amice, in acie victorem occubere, quàm in Olympiis parta victoria viuere? Quantum hæc virago dissensit à cæteris mortalibus, quibus persuasum erat, diis proximum esse, in Olympiis ferre palmam, quum ibi non ageretur certamen virtutis, sed artis & impendiorum: tum nihil esse terribilius morte: neque quicquam esse tanti, quod vitæ iactura sit emendum: Hæc nullam existimauit victoriam speciosiorè, quàm quæ patriæ quæreretur: nec vllam mortem optabiliorè, quàm quæ cum hac laude contigisset. *Ibidem, & Brufon. lib. 4. cap. 1.*

Alius.

Quum quidam sorori suæ narraret, quàm fortiter ipsius filius in prælio occubuisse: Quantum, inquit illa, de filio cœpi voluptatis, tantum tuam doleo vicem, qui à tam honesta societate defeceris. *Ibidem. & Brufon. lib. 4. cap. 1.*

Archi

Archileonida.

Archileonida Brasida mater, post obitum filii, quum Amphipolitæ quidam venissent Spartam, eamque inuiserent, percontata est, num honestè, & vt Spartano dignum erat, occubuisse ferillis iuuenis virtutem amplificantibus, ac dicentibus, eum in bellicis negociis Lacedæmoniorum omnium esse præstantissimum, respondit, O hospes, honestus quidem ac strenuus erat filius meus, sed multos illo præstantiores habet Lacedæmon. Plutar. in Lacon. apoph.

Alia Lacæna.

Quidam cum Lacænae matri dixisset, quàm fortiter frater in bello occubuisse: Non pudet te, inquit, non fuisse in morte tam generosa comitem? Adeò hæc mulier non molestè mortem filii tulit, vt reprehenderet ignauiam alterius filii, qui honestam mortem subire non voluisset. Plut. in Lac. apoph. Brut. lib. 4. cap. 1.

Alia.

Lacæna quidam cum filium audisset in acie cecidisse, ait:
Plorantur timidi, inisset humabere nate:

Et matre hac verè dignus es, & patria.
Plutarch. in apoph. Lac.

Damatia.

Suprà de Generatione.

Alterius.

Altera quædam filium, qui deserto loco fugerat, hostis crudelitatem metuens, interemit, dicens: Haud meum est hoc germen, quòd adeò a vita abhorret, semel amittenda. Plutarchus eodem loco.

Gyrtia.

Gyrtias, quum Acrotatus nepos in puerorum pugna, plagis ferè exanimatus esset, plorantibus aliis: Tacebitis, inquit, factum enim ostendit, cuius sanguinis esset. Alludit autem ad Lacedæmoniorum fortitudinem, qui mortem contemnentes, omnibus vitæ periculis sese obiciebant. Ibidem.

Eiusdem.

Eidem quum è Cræta nuncius esset allatus de morte Acrotati: Quum ad hostes, inquit, proficisceretur, nonne futurum erat, vt aut ipse moreretur, aut illos occideret? lucundius autem est audire, quòd mortuus est, vt & ipso & ciuitate & progenitoribus dignum erat: quàm si iners & imbellis per omne æuū viueret.

viueret. Solent auia tenerius & impotētius amare nepotes suos, quā ipsæ matres. Et vbi nunc sunt, quæ in morte liberorum confugiunt ad laqueum: quum Gyrtias nepotem & seminecem lugeri vetuerit: nec eundem flendum putarit, quod fortiter pugnans interfisset? Plutar. ibidem.

Alterius.

Quadam sepeliebat filium, ad eam quum vilis anicula quædam accessisset, dicens: Heu fortunam, ô mulier: illa subiecit, Per Geminos (inquit) bonam equidem arbitror. Siquidem cuius gratia filium peperî, videlicet vt pro Sparta moreretur, id mihi contigit. Fortissima mulier, anicula: deplorationem vertit in gratulationem. Huius meminit M. Tullius Tusc. quæst. lib. 1. Plut. in Lac. apoph.

Tynnichî.

Tynnichus Thrasylbuli filii mortem perquam forti animo tulit. Vnde in eum hoc factum est Epigramma:

Exanimis Pitunen clypeo Thrasylbule redisti,

Septem ex Argiui vulnere saua gerens.

Aduersa ostendit tamen omnia, sanguinolenta

Membra rogo imponens Tynnichus hac senior.

Plorantur timidi, mi infletus humabere fili,

Qui & patre hoc verè dignus es, & patria. Plutar. in Lacon.

Craffi oratoris.

Crassus orator, obiectanti Domitio, quod murena mortua, quam in piscina aluerat, plorasset, occurrit excipiens: Atqui tu tribus elatis vxoribus, ne lachrymatus quidem es. Plutarchus in Politicis, Aelianus de Varia historia, Macrobius, & Volateranus lib. 14. cap. 2. Vrbano. comp.

P. Craffi.

Quum Publius Craffi filius fortissimè in bello cecidisset, hostes caput iuuenis hasta impositum gestantes, Romanis magno cum contemptu ostenderunt. Quo tam tristi spectaculo nil commotus Craffius pater, qui belli dux erat, ait: Hic meus priuatus dolor est, mea hæc calamitas: cæterum publica ciuitatis salus & gloria in vestra incolumitate sita est. Plut. in Craffio.

Seneca.

Paulina vxor Senecæ, cum mariti mortem iam imminetem à deo grauius ferret, Seneca: Caue, ait, hanc meam mortem amplius vt contumeliosam desceas, ne vel te minus amasse, vel gloria meæ inuidisse videaris. Ex vita Senecæ, per interitū auctorè.

Antigoni.

Antigoni.

Antigonus rex, quum renunciatum esset, filium Alcyonæum in acie cecidisse, demisso vultu paulisper apud se cogitavit, mox erupit in hanc vocem: O Alcyonæ, serius quàm oportuit, vitâ morte commutasti, qui tam audacter in hostes insulieris, neque tuæ salutis, neque meorum monitorum ullam habens rationem. Putavit non esse deplendum, qui sua culpa perisset, sibi quæ calamitatem accersisset. Refertur ex Plutarcho.

Galieni Imp.

Galenus Imperator, cum patrem Valerianum audisset extinctum, vocem laudatissimam sine laude usurpavit, dicens: Sciebam patrem meum esse mortalem. Trebellius Pollio.

De mortē suorum æquo animo ferenda.

Platonis.

Plato Atheniensis dicebat, in morte amicorum quiescendum esse, partim eo quod nondum liqueret, bonum esset an malum quod accidisset: partim quod acerbè ferenti, nihil à luctu esset commodi. Tollitur enim dolor, si quis secum consideret, quale sit quod evenit. Laertius libro 3.

Anaxagora.

Anaxagoras, cum in exilio agenti nunciata esset mors filiorum: Sciebam, inquit, me genuisse mortales. Idem hoc tribuitur Xenophonti: Laertius libro 2. cap. 3. Cic. lib. 3. Tusc. quæst. Aelianus lib. 3. de Varia hist.

Xenophontis.

Xenophon cum filium suum corruisse percepisset, ne lachrymans quidem, ait: Sciebam me genuisse mortalem. Laertius libro secundo, capite sexto.

Lochadi.

Lochadus Polixnida filius, Sironis pater, nuncianti quod è filiis ipsius alter interiisset: Olim sciebam, inquit, illi moriendum esse. Nihil illi visum est novæ rei, si mortalis natus moreretur. Plut. in Lacon. apoph.

Telamonis.

Telamon audiens filium sibi charissimum morte surreptum esse, vultu immobili, vir aduersus omnem iniquam fortunam infractus, dixisse fertur: Bene se res habet, ego enim quem genui, moriturum scivi. Cicero libro tertio Tusc. quæst.

Juliani.

Julianus cum iam extremum traheret spiritum, audiens suorum lachrymas, ait, Nolite deplorare ac lugere principem iam quidem moribundum, sed cœlo diisq̃ue reconciliatum. Pontanus libro 2. capite 7. de Domestica fortitudine.

Huc refer multorum dicta, ex titulo de Morte generosa.

De mortuis non lœdendis.

Chilon.

CHilon vetabat de mortuis malè loqui, quòd ignauum videretur eos incescere lingua, qui respondere non possunt: ac turpe esset, cum vmbri ac laruis luctari. Nam id est, quodammodo sepulchrum refodere. Laertius libro 1. cap. 4.

Philostrati.

Aelianus sophista scripsit in Gymnidem tyrannum. Hunc quum Philostratus Lemnius offendisset lugentem indignabundo & concitato similem, percontatus est, quid argumenti esset præ manibus? Scribo, inquit, Gymnidis accusationem. Laudarem, inquit Philostratus, si viuentem accusasses. Id enim erat viro dignum, nam lacerare defunctum, cuius in promptu est. Erasmus Roterod. lib. 8. apoph. Bruson. lib. 1. capite 16.

Agesilai.

Agesilaus Lacedæmoniorum rex, cum Lysandri literas & orationem de nouandis rebus, deq̃ue mutando reipublicæ statu, coram exercitu legere vellet, & tamen Lysandrum defunctum esse audiret, noluit defuncti aperire improbitatem militibus: indecorum esse putans, similitatem exercere cum sepulto. Plut. in Laconicis apoph.

L. Planci.

L. Munatius Plancus, Ciceronis discipulus, qui cum Marco etiam Lepido Romanus fuit consul, posteaquam animaduertisset, in se inuestiuas quasdam orationes ab Afinio Pollione scriptas esse, quas tamen ante mortem edere nollet, ne responderetur maledictis, dixisse fertur: Cum mortuis non nisi laruas luctari. Quo dicto partim repercussit illas Pollionis orationes, ut apud eruditos nihil impudentius, teste Plinio, iudicaretur: partim etiam docere voluit, mortuos ne maledictis quidem lœdendos, qui iam exempti in terra quiescant, nec audiant amplius: neque maledictis respondere possunt, si vellent etiam. Plinius, & Bruson. lib. 1. cap. 16. & Cuspin. in Consulibus suis.

Nero

Neronis.

Nero Imperator in Claudii stultitiam subinde iocabatur productione syllabæ, quum diceret, Posteaquam defuit inter viuos morari, prima syllaba producta. Moros enim Græcè fatuū sonat: inde finxit morari, pro stultum agere: quemadmodum nos à poeta poetari, à iuvene iuuenari. Sueton.

De mulierum natura & moribus.

Crateth.

CRates Thebanus mundum muliebrem dicebat esse, quod cornat foeminam, ornat autem id, quod eam reddit compositione ac modestiorem. Verum id non præstat, inquit, neque smaragdus, neque purpura, sed quæcunque adderent vim ac speciem honestatis ac verecundiae. Græcis *κόσμος* & mundum sonat, & ornamentum. Inde *κοσμίαν*, ornare. Laertius lib. 6. cap. 5.

Diogenis.

Diogenes conspiciatus mulieres inter se colloquentes: Aspice, inquit, à vipera venenum mutuatur. Antonius in Melissa, parte secunda, sermone 34.

Eiusdem.

Idem intuitus mulierem in lectica, non secundum feram acie esse caueam. Alludit autem ad ferociam ac rebellionem mulierum, quæ adeo excellunt interdum, ut non homines sint, sed in feras transmutentur. dignæ igitur ut non vehantur lecticis, sed ut catenis ligentur, quo viris sint mansuetiores. Diogenis dictum extat apud Brulon. lib. 4. cap. 1.

Pericli.

Pericles, quum deuictis Samiis Athenas reuersus, pro concione laudasset eos qui in bello ceciderant, cæteræ matronæ redeuntem à concione coronis ac vittis decorarunt. Elpinice vero Cimonis soror propius accedens, dixit illi: Præclara sunt ista quæ gessisti, & coronis decoranda: qui nos tot fortibus viris spoliasti. Ad hæc, aliaque conuicia nihil commotus Pericles, tantum arrisit: nec aliud respondit, quam versiculum Archilochi,

ἐν αὐτῷ μύθοισι ῥηθεὶς ἰδο' ἀλέγοι. Id est,

Vnguento, anus cum sis, caueo inungier.

Significans, publica negocia non esse curanda vetulæ. Tam enim hoc indecorum, quam turpe foret eam vnguentis vti. Erasmus Rot. libro 4. apoph.

Philox.

Philoxeni.

Suprà tit. de Argutè dictis.

Theanus.

Infra de Oeconomia.

Secundi philosophi.

Secundus ille sapiens interrogatus, quid esset mulier? respondit: Viri naufragium, domus tempestas, quieris impedimētum, vitæ captiuitas, quotidianum damnum, voluntaria pugna, sum prouosum bellum, belua conuiua, sollicitudo confidens, leuena cōplectens, exornata scilla, animal maliciosum, malum necessarium. *Maximus ser. 39.*

Laconi.

Lacon quidam cum vxorem satis pusillam duxisset, rogatus cur hoc fecisset? E malis, inquit, quod minimum est, elegi. *Brufonius lib. 4. capite 1.*

Gorgoni.

Gorgo Leonidæ Spartani vxor, dicente hospite quadam, Solæ vos Lacenæ viris imperatis: respondit, Nos equidem solæ viros parimus. *Idem.*

Cyperiarum.

Quum Cyperii aduersus Aftyagem Medorum regem infelicer pugnassent, mulieres in urbem fugientibus obuiam ierūt, ac nudatis ventribus: Quò, inquit, ignauissimi ruitis? An nescitis, vos huc iterum intrare non posse, vnde semel naturæ lege egressæ fuistis? Inuerso ordine matres animant mares, quæ solent à periculis audcare. *Erasinus Roterod. lib. 6. apoph.*

Alexandri.

Antipater constitutus ab Alexandro Macedoniae præfectus, quum ad Alexandrum scripsisset Olympiadis matris ineptias atque importunitates, commotus Alexander, ait: Grauem pensionem pro decem mensibus, quibus in vtero eius fuisset, matrè a se exigere. *Brufonius lib. 4. cap. 1.*

Helena.

Helena cum à Græcorum legatis repeteretur, & percontaretur, cur aufugisset? Nō inuitam se nauigasse, neque sibi cum Menelai matrimonio conuenire dicebat. Dictys Cretensis de bello Troiano, & *Brufonius Contursin. lib. 4. cap. 1.*

Catonis.

Cato senior illud sæpe in vita se poenituissè dixit, si quid arcani foeminae credidisset. Est quippe loquacissimū animal mulier,

lier, quod non facile retinet ea quæ in aurem dicta sunt. Plutarchus in Catonis vita.

Eiusdem.

Idem obiurgans aliquando mulierum impotentiam: Omnes, inquit, homines vxoribus dominantur, nos omnibus hominibus, nobis autem vxores. Hoc modo colligens, mulieres rerum omnium esse dominos. Plut. in Ro. apoph.

Cleopatra.

Cum Augustus Cleopatram inuiferet, exigeretque ab illa rationes: Seleucus vnus ex procuratoribus ipsius, indicauit aliquid esse subtractum ab ipsa. Illa in procuratorem insiliit, & arrepto hominis crine, crebris ictibus pulsauit os. Hæc quum Augustus ridens conatus esset inhibere, illa: Annón, inquit, permolestum est, ô Cæsar, quum tu me digneris inuifere, seruos meos heram incusare, quòd nonnihil muliebrium ornamentorum subtraxerim, non ea quidem mihi, sed vt Octauia & Livia munuscula dem. Hoc commento persuasit Cæsari, se de vita cogitare, quum mori decreuisset. Plut. in Anton.

Iulia.

Iulia Augusti Cæsaris filia à parente castigata, quòd cum adolescentibus luxuriosissimis ambularet, procaciter respondit: Hi mecum senes fient, licet modò sint iuuenes. Eras. libro 4. apoph. ex Suetonio.

Eiusdem.

Suprà de Facetè & iocose dictis.

Poppea.

Poppea, quæ postea Neronis vxor fuit, quærens sibi matrimonium, & Octauia disidium fieri, quòd fieri non speraret incolumi Agrippina, crebris in eam criminibus vsa, & aliquando per facetias principem Neronem pupillum vocabat, qui iussis alienis obnoxius, non modò imperii, sed etiam libertatis indigeret. Bruso. lib. 4. cap. 1.

De munere exiguo non contemnendo.

Socratis.

Socrates, quum Alcibiades grandem daret aream, ad construendam domum, vrbane: An verò, ait, si calciamentis opus esset, corium dares, vt calceos ipse mihi conficerem? Bruto. lib. 2. cap. 21.

Aristippi.

Aristippus reprehensus à quodam, quòd Socratis discipulus, contra Socratis morem pecuniam acciperet: Meritò, inquit, hoc facio. nam Socrati plurimi diuites amici mittebant triticum & vinum, è quibus pauca in vsus necessarios referuans, remittebat reliquum. Nimirum habebat ille dispensatores Atheniensium primores: ego verò Eutychidem, seruum meum emptitium. Significabat, se nihilo minus continere pecuniam, quam Socratem: sed illi fuisse largiores amicos. Laertius lib. 2. cap. 8. Hoc colore se possent & hodie quidam excusare, proficientes summum pecuniæ contemptum, quum apud amicos habeant depositam pecuniam: quòd olim habebant benignos peni curatores: nunc esurituros satis, si nihil sit alicubi repositum nummorum. Eras.

Diogenis.

Diogenes opprobianti, quòd à Philippo rege pallium accepisset, Homérico versiculo respondit:

ἵτοι καὶ δῶκεν, ἵτοι δὴν ὁπλοῦντα δῶκεν.

Id est,

Non sunt reijcienda insignia munera diuinum.

Quod Homerus de forma corporis, quæ deorum munus est, scripsit, hoc Diogenes detorsit ad pallium à rege datum. Laertius libro 6.

Artaxerxis.

Rusticus quidam videns ad Artaxerxem, Cyri fratrem, ac regem varia deferri donaria, nec aliud habens quod largiretur, utraque caua manu haustam è proximo flumine aquam illi obtulit, vultu læto & alacri. Rex autem cum vidisset, lætatus, iussit illi dare phialam auream, & mille Daricis donauit hominem. Non contempsit rex potentissimus paruum munus, à paupere & egeno, animo bono sibi oblatum. Plut. recitat historiam in Reg. & impera. apoph.

Idem aliter.

Artaxerxi, iam siti deficienti, Peribarzenes eunuchus, cum aliud non liceret, à rustico quopiam sordidum vtrum derulit putris aquæ cotylis octo continentem. Eam aquam cum rex totam ebibisset, rogatus, Ecquid illi placuisset ille potus: deos testatus est, se nunquam purissimam, sibi visam suauiore. Ac postea nactus eum hominem, qui eunuchus aquam dederat, è paupere diuitem fecit. Tanti refert in tempore dare munus. Eras.

Eiusd.

Eiusdem.

Suprà de Agricultura & beneficentia.

De munerum corruptela.

Socrati.

Socrates dicebat, Archelaum quadraginta minas in domum suam impendisse, conducto mercede Zeufide Heracleota, qui picturis eam exornaret: in seipsum verò nihil. Et ob hanc causam multos è longinquis terrarum partibus, magno studio contemplandæ domus causa venire: ipsius verò Archelai gratia neminem in Macedoniam proficisci, nisi si quem fortè persuaderet, pecuniis & muneribus inescaret: quibus tamen honesti boniq; viri capi non possent. Aelia.li.14. de Varia hist.

Corydi.

Cum Demosthenes ab Harpalo poculum ingens dono accepisset: Hic, inquit Corvdus, alios Acrocothonas, hoc est bibulos appellat, quum ipse magnam pateram attraxerit. Cothon cyathus est fictilis, attrahit qui accipit donum, & attrahit vinum qui bibit. Eras.lib.6.apoph.

Callicratida.

Suprà de Hostibus non crudeliter tractandis.

Agésilai.

Quoniam Persarum numisma sagittarium habebat insculptum, ex Asia discedens Agésilau rex, aiebat, Se triginta sagittariorum millibus à rege Asia depelli. tot enim Daricorum aureorum millibus Athenas ac Thebas deportatis, & in plebis moderatores distributis, Timocrates effecerat, vt populus hostilem animum aduersus milites susceperet. Plut. in Laco. apop.

Cyri.

Cyrus iunior Lacedæmoniis vt secum societatem inirent, potius quàm cum fratre, hac oratione sese commendauit. Aiebat sibi cor longè grauius esse, quàm fratri: plus illo meri bibere, meliùsque terre quàm illum. Nam illum vix in venatu posse in equo sedere, vt non excutitur: in rebus acerbis, ne in sella quidem. Sciebat enim, Lacedæmoniis inuisos esse molles ac timidos. Hortabatur insuper, vt viros ad se mitterent: pollicens, se peditibus daturum equos, equitibus currus: agrum possidentibus, se daturum vicos: vicos qui haberent, eos se facturum vrbiu dominos. ceterum auri argentique vim tantam, vt non possent numerare, sed pendere cogeretur. Nimirum hoc

erat quod dixit Artaxerxes, regalius esse addere quam adimere. Plut. in Reg. apoph.

Themistoclis.

Quum Xerxes ingenti illa classe descenderet in Græciam, Themistocles metuens ne Epicyles Demagogus, homo turpiter luci auidus, ac formidolosus, si nactus esset imperium, perderet ciuitatem, pecunia data illi persuasit, vt à militari præfectura abstineret. Ne hoc quidem video, cur inter apophthegmata debeat commemorari. Plut. in Græco. apoph.

Xerxis.

Suprà de Humanitate.

Philippi regis.

Philippus Macedonum rex, quoniam pleraque dando perfecit potius quam bellando, iactatum est in illum: Non Philippum, sed Philippi aurum subegisse Græciam. Ita Plutarch. in vita P. Aemili. Eras. 6. apoph.

Eiusdem.

Idem Alexandrum filium obiurgans, quòd largitionibus Macedonum beneuolentiam confectaretur: Quare te malum, inquit, ratio in istam spem induxit, vt eos tibi putes fore fideles, quos pecunia corruperis? An tu id agis, vt Macedones te non regem suum, sed præbitorem putent? Cicero lib. 1. Officiorum. Vale. Maxi. lib. 7. cap. 1.

Eiusdem.

Idem, quum arcem quandam ac præsidium capere destinasset, valde munitam, atque exploratores retulissent, prorsus esse difficile, atque adeo etiam impossibile, percontatus est, num vsque adeo difficile esset, vt nec asinus auro onustus posset accedere? Significans, nihil esse tam munitum, quod auro non expugnetur. Quod ipsum poetæ significarunt fabula Danaes, à Ioue itupratæ, sed deo in aurum verso. Vnde Flaccus,

Aurum per medios ire satellites,

Et perrumpere amat castra potentis Ferro.

Plutarchus in apoph. reg. & imperat. item Cicero in epistolis ad Atticum. Bruto. lib. 5. cap. 10.

Eiusdem.

Suprà de Beneuolentia.

Phocionis.

Harpalus ab Alexandro fugiens, magno cum auri pondere Athenas

Athenas venit, ibique quum multos muneribus ad se allexis-
set, ad Phocionem etiam septuaginta talenta destinat. Pho-
cion verò ad nuncios conuersus: Auferte isthæc (ait) hominum
improbissimi, meoque nomine mœrorem luctumque re-
nunciate Harpalo, nisi corrumpenda ciuitate manum absti-
neat. Bruso, lib. 1. cap. 9.

C. Potitij.

C. Potitius Samis audiens Romanos, acceptis muneribus
pristinum nomen & decus amisisse: Vtinam, inquit, ad illa tem-
pora me fortuna seruasset, & nunc essem natus, quando Roma-
ni dona accipere cœpissent. Non profectò passus essem eos im-
perare diutius. Cicero lib. 2. Offic.

C. Centonij.

M. Cinthius legem cum tulisset, qua cauidici munera ob
agendâ causam percipere prohibebatur: hæcque rem C. Cento
molestè ferret, prodissetque, ac satis contumeliosè dixisset:
Quid fers Cinthiole? Vt emas, inquit, Cai, si vti velis. Quasi
dixisset: Quia accipere munera gratis prohibetis. Brufonius
lib. 2. cap. 12.

C. Caesaris.

Sylla præturam adeptus, comminatus est Cæsari, se sua in il-
lum potestate vsurum. lure, inquit Cæsar ridens, tuam pote-
statem appellas, quam tuo are mercatus es. Notans Syllam,
quod eum magistratum largitionibus sibi parasset. Erasmus
lib. 1. apoph.

Inguurtha.

Suprà titulo, de Auaritia:

Alphonse.

Alphonfus rex magnoperè laudare solebat dictum nesciò
cuius, hostibus fugientibus pontem argenteum extruendum
esse: quod putaret, hostes pecunia sollicitandos, vt ab acie di-
scederent. Eras. lib. 8. apoph.

De munerum contemptu.

Socratis.

Alleciabides ambitione quadam munificus, cum plura ma-
gnâque munera Socrati dono misisset, & Xantippe ad-
miraretur donorum amplitudinem, eaque cuperet eum acci-
pere, Socrates dixisse fertur: Imò nos certemus liberalitate
cum Alcibiade, & ea quæ mittuntur ab ipso, non capiamus,
quadam munificentia. Aelianus lib. 9. de Varia histor.

Idem aliter.

Alcibiades Socrati miserat munus præclarum. Id cum Socrates videretur recusaturus, Xantippe dissuasit, asseuerans donum esse magnificum, & indignum quod respueretur. Tum Socrates Alcibiades, inquit, hæc mittit ambitiosè, & nobis nostra est ambitio. Sentiens, interdum esse magnificentius magna contemnere, quàm magna largiri. Stob. serm. 15. Erasmus lib. 8. apophtheg.

Eiusdem.

Quum quis Socrati diceret, magnum esse, compotem eorū fieri quæ cuperet: respōdit, Sed multo maius est, ne cupere quidem ab initio. Aelia. lib. 6. de Var. hist.

Eiusdem.

Quum Alcibiades spaciōsam aream dono offerret Socrati, in qua sibi domū ædificaret: Quid, inquit, si mihi calceis opus esset, num corium mihi dares, unde mihi calceos conficerem? Et si dares, an non ipse ridiculus essem si acciperem? Hac similitudine munus inutile recusauit. Eras. lib. 3. apoph.

Eiusdem.

Socrates philosophus obiurgatus ab uxore Xantippe, quod multa misissent amicis, nihil acciperet, dixit: Si omnia quæ dantur, statim acciperemus, ne si peteremus quidem in posterum, ut darent, habituri essemus. Stob. ser. 1. de Prudentia.

Eiusdem.

Archelaus rex Socratem ad se vocat, multa pollicens: Socrates respondit, se nolle ad eum venire, à quo acciperet beneficia, cum illi reddere paria non posset. Hoc dictum improbat Seneca: quod philosophus persuadens auri argentique contemptum, plus dat, quàm si det aurum & argentum. Eras. Rot. lib. 3. apophtheg.

Eiusdem.

Quum Aristippus, Socratis discipulus, ex quaestu quem Socraticorum primus facere instituit, præceptoris misisset viginti minas, remisit ilicò Socrates ad illum pecuniam, dicens: ipsius genium hoc nequaquam permittere. Dicebat enim Socrates, sibi peculiarem esse dæmonem, à quo prohiberetur arcano signo, si quid tentaret parum honestum. Genium autem illum, opinor fuisse rationem. Atque interim ciuilitè indicauit Aristippo, sibi non probari, quod philosophiam doceret mercede, eoque donum ceu sacrilegio partum reiecit. Eras. lib. 3. apoph.

Artisio

Aristotelis Cyr.

Aristoteles Cyrenensis oblata ab hominibus munera non accipiendi esse putauit: Et eam quidem ob causam, quod munera acceptorum molestias habiturus sit, vt rependat: aut si omnino nō referat, in ingratitudinis reprehensionem facillimē incidat. Aelia. lib. 10. de Var. histor.

Demetrii Cynici.

Demetrius Cynicus, quum Cæsar ducentā talenta ei attulisset, ridens reiecit: Si tentare, inquit, me cōstituerat, toto illi fuit experiendus imperio. Brus. lib. 1. cap. 9.

Ephialtes.

Ephialtes Sophronidæ filius pauperrimus fuit: attamen quū amici decem talenta ipsi dono darent, non accepit: Hæc, inquiens, me cogere, si quidem reuerenter vos haberem, aliquid præter ius concedere: sin minus vos obseruarem, ingratisimum haberi. Aelia. lib. 11. de Var. hist.

Iulij Græcini.

Iulius Græcinus pecuniam ab amicis ad ludorum impensam conferentibus acceperat, sed magnam pecuniam missam à Fabio Persico non accepit. Obiurgantibus autem, quod non accepisset: Ego, inquit, ab eo beneficium accipiam, à quo propitiationem accepturus non sum? Quūque illi Rebillius, consularis homo, eiusdem infamiæ maiorem summam misisset, & instaret vt acciperet: Rogo, inquit, ignoscas, à Persico enim non accepi. Brus. lib. 1. cap. 9.

Anacreontis.

Anacreon poeta, posteaquam à Polycrate tyranno quinque talentorum acceperat munus, insomnes duas egit noctes, indeque cogitatione sollicitus, reddidit ea, dicens: Non tanti ea sibi esse, vt tanta cura vexari vellet. Brus. lib. 5. cap. 17.

Lycurgi.

Suprà tit. de Integritate vitæ.

Agésilai.

Agésilas, cum in Lydia Tissaphernen vertisset in fugam, ac quamplurimis interemptis, iam in agros regios fecisset incurSIONem, rex Persarum per legatos, quorum præcipuus Titraustes, ingentem pecuniarum vim vltro ad illum misit, petens vt à bello desisteret, Agésilas sprete pecunia respondit: Pacis quidem tempore Reipublicæ vigere auctoritatem, vt ius habeat decernendi, quod ad tuendam ciuitatis tranquillitatem cep-

fuerit conducere, belli verò tempore non item. Sibi verò iucundius esse, si milites suos daret, quàm si daretur ipse. præterea se pulcherrimum ducere, si Græci non munera caperent ab hostibus, sed armis pararent spolia. Vox excellentis animi, qui non aliud virtutis præmium ambiret, quam gloriam: nec pacè hosti venderet, fraudato milite. Plut. in apoph. Lacon.

Alcamenis.

Alcamenem Telecri filium quum quidam interrogasset, Cur munera à Messeniis oblata nò accepisset: respòdit: Quoniam si accepisse, cū legibus pacè habere non potuisssem. Quod dicto docuit, munera nequaquam esse accipienda, quæ legibus & Reipubli. aliqua saltem ex parte obesse possunt. Plut. in Lac.

Cleomenis.

Mazander Samiorum tyrannus ob incursionem Persarum profugerat Spartam, ostenditque quantam pecuniarum vim secum apportasset, & quantum Cleomenes veller largiri. At Cleomenes ipse quidem nihil accepit, sed veritus ne quid aliis ciuibus donaret, adiit Ephoros, dixitque satius esse si hospitem suum Samium è Peloponneso submouerent, ne cui Spartano persuadeat ut fiat malus. Ephori verò Cleomenis consilio parentes, eodem statim die promulgarunt edictum, ut Mazander Peloponneso decederet. Quantus in hoc homine diuitiarum contemptus, à quibus non secus atque à præsentissimo veneno timuit ciuibus suis, cum plerique non aliter existiment beatas ciuitates, quàm si quàm maximè abundant opibus. Hunc Mazandrum Herodorus lib. 3. Mazandrium appellat. Plut.

Gorgonis.

Gorgo, Cleomenis regis filia, quum Aristagoras Milesius Cleomenem ad bellum pro Ionibus aduersus regem Persarum suscipiendum hortaretur, magnam pecuniarum vim pollicens, quantòque magis ille recusabat, tanto plus adderet promissæ summæ: Pater, inquit, corrumper te hic peregrinulus, nò ocyus cum ædibus extruèris. Vbi nunc sunt qui dicunt auarum mulierum genus, quum Gorgo pro hortatrice patri fuerit dehortatrix. Plut. in apoph. Lac.

Callicratidis.

Cum Cyrus stipendium misisset militibus, Callicratidi seorsim xenia, amicitia monumenta: stipendium quidem accepit, xenia verò remisit: negans tibi cum ipso priuatam habendam amicitiam, sed quam haberet publicam cum Lacedæmoniis.

nisi omnibus, eadem illi secum quoque intercedere. Quid hoc animo incorruptius, qui totus ad Reipublicæ commoda spectabat Idem.

Pelopida.

Pelopidas, cum obiurgarent eum amici, quòd pecuniariz rei ad vitam tuendam conferentis, nullam curam gereret: Et, inquit, meherculè res utilis est: verum huic Nicomedi. intento digito in hominem quendam claudum, & mutilum. Aelianus lib. II. de Varia hist.

Epaminonda.

Epaminondas Polymnidis filius, pauper quidem erat, sed quum Iason ei quinquaginta auri talenta mitteret: Iniuriam, inquit, mihi facis. Sed quinquaginta drachmas à ciue mutuatus, ut essent pro viatico, profectus est in Peloponnesum. Cum verò nuncium allatum esset, satellitem eius pecunias à captivis cepisse. Mihi, inquit, da scutum: Tu verò tibi cauponam eme, in qua viuas. Non enim ulterius pericula subire voles, cū diues sis factus. Idem.

Eiusdem.

Suprà tit. de Diuitiarum contemptu.

Eiusdem.

Idem, cum legati venirent ferentes munera animo corrumptendi, ad prandium eos venire iussit prius, ut in eodem causam aduentus explicaret. Apposita est igitur mensa vilis, bibebantque vinum acidum. Subridens igitur Epaminondas, ad legatos ait: Abite, & domino vestro mea prandia narrate: quibus me contentum, non faciliè suis muneribus ad prodicionem alliciet. Stobæus ser. I. de Prudentia.

Eiusdem.

Cum Artaxerxes Persarum rex ipsi tria Daricorum millia misisset, Diomedontem Cyzicenum asperius increpauit, si tantam navigationem suscepisset, corrupturus Epaminondam. eumque iussit hæc verba ad regem referre: Si fauet commodis Thebanorum, habiturus est Epaminondam amicū gratis: sin minus, hostem. Quid hoc animo incorruptius, non alio spectante, quàm ad patriæ commoda? Plut. in Græc. apoph.

Phocion.

Phocion cum à Menillo oblata pecuniam remisisset, rogatus ab illo causam, cur saltem filio sumendam non permitteret: respondit: Si filius vitam morēsque composuerit, viuet ille quidem paterna hæreditate contentus: Si verò prodigus & im-

modestus fuerit, ne argentum quidem hoc satis futurum est.
Bruf. lib. 1. cap. 9. & lib. 5. cap. 22.

Eiusdem.

Alexander Macedonum rex centum talenta dono miserat Phocioni. is verò percontatus est eos qui pecuniam adferebant: Quid ita, quum essent Athenienses permulti, sibi vni illa mitteret Alexander: Illis respondentibus: Quoniam vnum te iudicat virum & honestum & bonum: Ergo sinat, inquit, me talem & haberi & esse. Vt scitè arreptum ab illis argumentum torsit ad occasionem recusandi muneris. Iam quis hic non admiretur incorrupti pectoris sinceritatem? pauper erat Phocion, nec domi magnitudine quicquam mouebatur. Simul autem indicat, illos qui quum Rempub. administrant, tamen à capiundis muneribus non temperant, nec bonos esse viros, nec tales haberi debere. Plut. in Græc. apoph. & Bruf. lib. 1. cap. 9.

Eiusdem.

Quum Menillus præsidii dux, Phocioni pecunias dare vellet, indignatus Phocion dixit: Nec illum Alexandro meliorem esse, & causam deteriore ob quam nunc accepturus esset, cū tunc non accepisset. O nullis muneribus expugnabilem animum. Plut. in Græc. apoph.

Alexandri regis.

Ciuitas quædam vt ab armis Alexandri quietem haberet, obtulit illi partem agrorum, & præterea rerum omnium dimidium. Cui sic respondit: Hoc animo veni in Asiā, non vt acciperem quod dedissetis, sed vt vos haberetis quod reliquisset. Plut. in vita Alexandri.

Eiusdem.

Alexander Magnus quum Xenocrati Chalcedonensi ingentem pecuniarum summam misisset, ex ea philosophus tres tantum minas recepit, & reliquum referri iussit, dicens: Ipsi pluribus esse opus, qui plures alerent. Laert. lib. 4. cap. 2. Stobæus sermo. 3.

Eiusdem.

Idem Xenocrati philosopho cum quinquaginta talenta dono misisset, philosophus statim remisit, sibi non opus esse dicēs. Plut. in reg. & imp. apoph.

Xenocratis.

Idem ad Xenocratem legatos misit cum aliquot talentis, quos ille in Academiam perductos parca tenuique cena excepit. Post

pit. Postridie interrogantibus, cui veller adnumerari pecuniâ? Quid, inquit, Itane vos ex hesternâ cœna non intellexistis, me pecunia non indigere? Philosophus ethnicus reiecit à ditissimo liberalissimoque rege vltro delatam ingentem pecuniae summam: & nunc pro sanctis haberi volunt, qui extremam professi paupertatem, in tantum vt horreant etiam arci nummi contactum, non aliter quam viperarum, non referendis artibus venatur diuitum ac pauperum liberalitatem. Laetius libro 4. capite 2. Cicero libro quinto Tusc. quæst.

Dionysij senioris.

Corinthiorum legati quum ad Dionysium senioremi missi essent, & is pro more amplissima dona obtulisset, recusarunt planè, eo quod lex esset apud ipsos, vetans ne legatione fungentes munera acciperent à principe. Quibus Dionysius respondit: Rem profectò absurdam facitis, qui, quod vnum bonum habet tyrannis, hoc tollitis, dum docetis, etiam beneficium à tyrannis accipere periculosum esse. Grauem rex iudicabat contumeliam esse, oblata recusare munera, cum hac vnica re tyranni aliis se commendare possint. Plutarchus in regum & impp. apophthegma.

Cimonis.

Rosacem barbarum è Persis Athenas aiunt cum magna auri copia venisse, Cimonisque domum adiisse, & ob tutelam phialas duas, alteram Daricis, alteram argenteis plenas obtulisse. Conuersum verò ad eum Cimonem subrisisse, rogasseque barbarum, Mercenariumne an amicum Cimonem habere veller? cum autem respondisset, amicum: Abi igitur, inquit, tuaque istaec tecum munera defer. Ego enim amicitia tua fretus, huic quum opus fuerit liberaliter vtar. Bruso. lib. 1. cap. 3.

Curij Dentati.

Samnites, posteaquam à Curio Dentato deuicti essent, venerunt magnam ei vim auri offerentes, verum Curio cum fortè ad focum sederet, & ex cado ligneo rapas comederet, Samnitum legatis respondit: Nihil opus est auro, talem cœnanti cœnam. Alii autem respondisse scribunt: Ego malo aurum habentibus imperare, quam vt alii mihi aurum accipienti imperent. Plut. in Rom. apoph. Plinius de Viris illustr. cap. 33. Cice. in Catone maiore. Bruso. lib. 5. cap. 22.

C. Fabricij.

Samnites cum ad C. Fabricium imperatorem populi Romani ven-

ni venissent, grandem offerentes pecuniam: Fabricius planas manus ab auribus ad oculos, & infra deinceps ad nares, & ad os, & ad gulam, atque inde porro ad ventrem imum deduxit, & legatis ita respondit: Dum illis omnibus membris, quæ attigi, obistere & imperare possum, nunquam quicquam deerit. Propterea pecunia cum nihil mihi usus sit, non accipiam ab iis, quibus eam usus esse scio. Higinus lib. de vita rebusque illustrium virorum. Gellius lib. 1. cap. 14.

Eiusdem.

Fabricio cum Pyrrhus pro redimendis captivis multum auri misisset, aurum quidem non accepit. Postidie verò Pyrrhus maximum elephantum emisit, qui ignaro Fabricio à tergo subito barriers appareret. Id ubi factum est, respiciens Fabricius, ac ridens: Me, inquit, nec aurum heri, nec hodie belua fecit attonitum. Sensit, Pyrrhum hoc de industria egisse, ut quoniam auro bonisque verbis deliniri non poterat, immani voce beluæ tereretur. Sed expertus est Pyrrhus, animum unde quaque inexpugnabilem. Plutarchus in Rom. apoph.

Eiusdem.

Idem Cyneæ Epirotarum legato, magnam auri vim dono offerenti, recusavit accipere, dicens: Se malle imperare aurum habentibus, quam habere aurum. Eras. lib. 6. apophthe. Simile cum eo, quod Curio Dentato ab aliis attributum, paulo antè reculimus.

Cyaniensum.

M. Bruto cum tota fere sese dedisset Lusitania, sola vrbs Cyania pertinaciter arma retinuit. Verum quum tentarentur per Bruti legatos, ut data pecunia se darent Bruto, Cyanienfis populus vno ore respondit: Sibi ferrum esse à maioribus relictum, quo libertatem patriæ tuerentur: non aurum, non munera, quibus ab hoste se redimerent. Recitat Erasmus libro octavo apoph.

Vide, de Diuitiarum contemptu.

Spartaci.

Spartaco in Crassum omnes mouenti copias, quidam equum dono obtulit. At ille: Si vicero, inquit, plurimos ex hoste equos habiturus sum: si victus fuero, nec hic mihi futurus est usus, simulque cum dicto, equum gladio transuerberatum interemit. Eras. lib. 6. apoph.

Alphonfi.

Suprà tit. de Belli studio.

De mun

De mundo.

Thaletis.

Thales Mileſius olim interrogatus, quid omnium eſſet pulcherrimum? reſpondit, Mundus, eſt enim opus Dei, quo nihil pulchrius eſt. Eraſ. lib. 7. apoph. ex Laert. lib. 1.

Demonaxis.

Cum quidam exquirerent, in mundus eſſet animatus, & rurus angloſus? Vos, inquit Demonax, de mundo ſoliciti eſtis, at veſtram ipſorum immundiciem non curatis. Anton. part. 2. ſer. 77. Meliſſa.

De muſica laudata.

Socratis.

Socrates natu iam grandior, cum inter pueros fidibus canere diſceret, obiurgantibus reſpondit: Nequaquam abſurdum eſſe diſcere ea, quæ prius neſciuiſſet communi vitæ tam vtilia & neceſſaria eſſe. Tanti fecit muſicam vir ſapientiſſimus, vt iam grandæuus, diſcere nequaquam erubeſceret. Eraſ. 3. apoph.

Solonis.

Solon Athenienſis Execeſtidæ filius, cum eius. nepos ex fratre inter pocula carmen quoddam Sapphus ceciniſſet, delectatus eſt illa cantilena, & iuſſit adoleſcentem vt eam ſe doceret. Cum autem quidam interrogaffet, quam ob cauſam hoc deſiderare reſpondit, Vt poſtquam ipſam didicero moriar. Aelianus de Var. hiſtor. Stobæus ſer. 37.

Antiſthenis.

Quum in conuiuium quidam diceret Antiſtheni, Cane tibiis: Tu mihi eas inſta, inquit. Non recuſauit obſequium, ſi ille vicifim obſequeretur. Sed interim indicauit, nō eſſe philoſopho decorum, tibiis canere. Laert. lib. 6. cap. 1. Bruſon. lib. 4. cap. 17.

Stratonici.

Stratonicus muſicus aliquando trophæum quum erexiſſet, hunc inſcripſit titulum: Aduerſus male canentes ciſthara. Notans, tales vbique quàm plurimos eſſe, quos ipſe viciſſet. Eraſ. 6. apophthegma.

Canis Tibicinis.

Canus Tibicen dicebat, homines ignorare, quanto plus ipſe canens voluptatis caperet, quàm alii alioqui auditōres non darent mercedem, ſed acciperent. Recitat Eraſ. 8. apoph.

Laco

De musica contempta, & irrita.

Antisthenis.

Antisthenes quibusdam admirantibus Ismeniam, quòd esset insignis tibicen: Ne quam, inquit, hominem esse oportet, nam si bonæ frugis esset, non esset egregius tibicem. Iudicabat eos non posse bonos viros euadere, qui tantum operæ Dionysiacis artibus impendissent. Plur. in vita Periclis. Pontan. lib. 5. cap. 1. de Prudentia.

Antea.

Antea, quum Ismeniam tibicinem optimum in bello cæpisset, iussit illum canere, ac cæteris admiratibus, ipse iuravit per ventum & acinacen, sibi iucundius esse, audire hinnitum equi. Plutar. in Lacon. & Bruso. lib. 4. cap. 17.

Ismenia.

Ismenias tibicem canebat in sacrificio, quumque non litaretur, is qui conductus fuerat, arreptis tibiis canebat ridiculè, & hoc canente litatum est. Incusantibus autem iis qui aderant: Diuinitus, inquit, contingit venustè canere. Hic Ismenias ridens: At me (inquit) canente, dii voluptate capti commorabantur: re verò festinante illos abigere, arripuerunt hostiam. Refert Plutarchus Symposiacôn libro secundo. Conductitius ille sibi laudem arrogabat, quòd ipso canente litatum sit: quasi dii magis delectati sint ipsius cantu quàm Ismenia. Id lepidissimè retorsit Ismenias: ideo non fuisse litatum, quòd dii gaudentes erudita musica, diutius amarent adesse sacrificio. At quum ille tam ridiculè caneret, quasi studeret deos abigere, ne vacui recederent, arripuerunt victimam.

Diogenis.

Suprà de Doctrina factis dissentanea.

Eiusdem.

Citharædum imperitum, obesoque corpore, & ab omnibus vituperatum, solus Diogenes laudabat. Demirantibus quam obrem id faceret: Laudo, inquit, quòd quum talis sit, maluerit se cithara quàm latrocinii exercere, significans, illum corpore validum, ingenio rudem, latrocinii aptiorem esse quàm musicæ. Locus est ab inexpectato. Laer. lib. 6.

Eiusdem.

Idem alterum citharædum, qui quoties caneret, ab auditoribus deserebatur, obuium ita salutabat, Salus galle. Quum ille
offen

offensus salutationis nouitate, diceret, Quid ita? Quoniam, inquit, cantu tuo excitas omnes. locum captauit ex ambiguitate verbi Græci. *αὐγέειν* enim dicitur, & qui excitat dormiente, quod solent galli gallinæci malè canentes: & qui sedentem excitat ut surgat, quod ille solebat. Laertius lib. 6. & Bruson. libr. 4. capit. 17.

Eiusdem.

Idem cuidam iactanti musices peritiam, respondit,

Ἦναι μὲν γὰρ αὐτὸν πῦρ ὃ μὲν οἱ ἄνθρωποι κτείνουσιν,

ἐν δὲ οἷσιν οὐ ψάλλουσιν ἡγεῖται τὸ πῦρ ἡμῶν. id est,

Prudentia vrbes bene gubernat: at domus

Nec cantilenis, nec modis regitur probe. Eras. lib. 3. apop.

Satyri.

Satyrus fistulicem persæpe Aristonis philosophi disputationibus intererat, & his quæ dicerentur mirè affectus, aiebat: Cur ego non igni trado hoc telum, ad nihil vtile planum? Subobscure referens tibiam, & quodammodo suam artem ad philosophiæ studium comparatam extenuans, & nihili æstimans. Aelianus lib. 3. de Var. hist.

Aristotelis.

Aristoteles interrogatus quid de Musica sentiret? respondit: Idem neque canere, neque citharam pulsare. Sensit nimirum, hoc studium parum vtile hominibus esse, quo diu nō etiam delectarentur. Bruson. lib. 4. cap. 17.

Stratonici.

Stratonicus musicus de Phaone malo tibicine dixit, quod non caneret harmoniam, sed Cadmum. Phaon autem, quum se gereret pro tibicine, iactaretque se Megaris habere chorum: Nugaris, inquit Stratonicus: non habes, sed haberis. Significans, illum discipulum esse potius quàm magistrum, aut chorum ipso doctiorem esse. Eras. lib. 6. apop.

Eiusdem.

Idem quum vidisset Propin citharædum Rhodium, corpore quidem magnum, sed arte pusillum, percontantibus qualis videretur? respondit prouerbiali dicto: Nullus, malus, magnus, piscis. Singulis verbis hypostigme separatis, alium efficiens sensum. Athenæus. Vide prouerbium etiam apud Erasimum, Nullus magnus, &c.

Eiusdem.

Stratonicus, quum in sacrificio malus quidam tibicen esset
canta

cantaturus: Bene ominandum est, inquit, libantes precemur deos. Significans, opus deorum auxilio, vt bene caneret, Athenæus.

Eiusdem.

Idem in citharœdum imperitum, cui nomen erat Cleon, sed vulgò dicebatur bos: Olim, inquit, asinus lyræ dictum est, nunc bos est lyræ. Athenæus in Dipnos.

Eiusdem.

Idem Rhodi quum artis suæ specimen edidisset, neque quiscum plausu alioue gestu signum fauoris dedisset, abiecit illinc dicens: Quum id quod nullo constet impendio, non præstetis, qui sperem me a vobis præmium accepturum? Athenæus, & Eras. lib. 6. apoph.

Eiusdem.

Citharœdus quidam malus Stratonicum excipiebat conuiuium, atque super cœnam ostentabat illi artem suam. Erat autem apparatus splendidus. Itaque Stratonicus quum illo canente non haberet qui cum loqueretur, confregit poculum, & poposcit manus. Id quum accipisset cum multis cyathis, soli calicem ostendit, moxque sese vino ingurgitauit, & obdormiit. Quum autem fortè superuenissent aliquot comessabundi, cantori, qui conuiuium exhibebat, noti, Stratonicus expurgiscens factus est ebrius. At illi quum intellexissent, quòd multum assidueque bibendo fuisset inebriatus, Stratonicus compendio respondit: Hic insidiator & sceleratus cantor, me veluti bouem ad præsepe, dum cœnam accipit, occidit. Boues multo cibo saginantur, priusquam mactantur. Athenæus.

Anonymi.

Zenophontus certis modis Alexandrum ad arma solebat concitare. Eam Musices vim admirantibus cunctis, quidam ait: Si tantus artifex est, incinat modulos quibus illum a bellis reuocet. Sentiens, non esse magnæ artis hominem eò percellere, quò suapte natura pronus est, Eras. lib. 4. apoph.

Demoſthenis.

Demoſthenes Myrtenæus pulsauit fores hominis musicæ ac citharæ dediti, quumque is audito pulsu, iussisset illum introire: Faciam, inquit, si prius alligaris citharam. Subnotans illum nihil aliud quam cithara canere. Refert Plu. Symposiacôn li. 2.

Anonymi.

Citharœdus quidam cum apud quempiam caneret, pollici-

rūque esset is apud quem cantabat, quanto melius cantaret, tanto se plura daturum. quum promissa postmodum repōceret: Voluptatem tibi reddo (inquit) pro voluptate. Ex Aristotelis lib. 9. Ethicorum recitat Bruso. lib. 4. cap. 17.

Anonymi.

Lacedæmonius quidam, quum super conuiuium esset illata lyra: Non est, inquit, Laconicum nugari. longè disentiens à cæteris Græcis, quibus nullum conuiuium suauē videbatur, absque musica. Id Laconi nugale videbatur, qui lautius existimabat honestis ac festiuis fabulis condire compositiōnem, quàm inani lyraē strepitu. Plutarchus in Lacon. Brusi. lib. 4. cap. 17.

Agæfilai.

Agætilus rogatus, ut vellet audire quendam, qui mira similitudine lusciniæ vocem imitabatur, recusauit: Frequenter (inquiens) ipsam audiui lusciniam. significans, ineptam esse voluptatem, magis delectari ipsa simulatione quàm natura. Plut. in Lacon. apoph.

Cleomenis.

Quidam ut Cleomeni cantorem quendam commendaret, quum aliis multis nominibus prædicabat hominem, tum illud in primis affirmabat, eum esse cantorem inter Græcos præstantissimum. At Cleomenes, ostenso quodam ex his qui aderant: At per deos hic, inquit, apud me iuris condiendi artifex. Contempsit artem ad solam delectationem vilem. Plut.

Demarathi.

Demarathus cum audiret cantorem quendam ostentantem artem suam, nihil aliud laudis illi tribuit, tantum, ait: Mihi videtur non malè nugari. Tantus erat contemptus artium: quæ licet essent operosæ, tamen solummodo delinirent aures, nullam seriani utilitatem adferrent Reipub. Plutarchus in Lacon. apoph. Bruso. lib. 4. cap. 17.

Archidami.

Archidamus quum quidam prædicaret citharcedum, cuiusque in canendo facultatem admiraretur: Heus, inquit, vir optime, quid honoris ac præmii abs te ferent boni viri, quum tantopere prædices citharcedum? Rectè taxauit non vulgi modò, verum & principum præpotèra iudicia, qui plerumque pluris faciunt mimum aut morionem, quàm sapientem fidique consilii virum: citharcedum verò, cuius ars non Reipubl. sed privati

prati seruit, adeò non iudicauit prædicandum, vt nec inter bonos viros habendum duceret. Plut. in Lacon.

Eiusdem.

Ad eum qui ipsi cantorem commendare volens, dixit, Hic est bonus cantor: At apud nos, inquit, hic est bonus condimentorum artifex: perinde quasi nihil referret, vtrum quis musicorum instrumentorum sono, an obsoniis & condimentis voluptatem adferret. Apud Athenienses cantores erant in summo precio, quum coquis non haberetur idem honos: Lacedæmoniis verò nihil placebat artium, quod ciuium animos effceminaret magis quàm ad virtutem accenderet. Plut.

Alcibiadis.

Alcibiades imbutus philosophiæ præceptis, voluptates ac arteis indecoras aspernatus est, disciplinas liberales semper amplectebatur. Lyram hoc argumento reuiciebat, quòd vocem hominis imitaretur (ex quo colligere licet, olim qui lyra canebant, simul & voce cecinisse) plectrum, quòd habitum formamque liberalem immutaret in illiberalem. tibiam duplici nomine damnabat: & quòd sic mutaret oris habitum, vt vix à familiarissimis agnosceretur qui caneret: & quòd homini propriam adimeret vocem, loquendi que facultatem eriperet. Nemo enim potest simul & inflare tibiam, & loqui. Cantent igitur, inquit, Thebanorum filii, qui dicere nesciunt: nobis autem Atheniensibus, vt à maioribus accepimus, gentis princeps est Pallas & Apollo: quorum illa fistulam confregit, hic tibicinem excoriauit. Pròditum est priscorum fabulis, Palladem ad speculum tibia canentem, offensam oris deformitate, proiectam comminuisse tibiam: Apollo Marsiam canendo victum excoriauit. Eras. lib. 5. apoph. ex Plut.

Eudamidae.

Eudamidas rogatus de cantore quodam, qui foeliciter cecinerat, qualis ipsi videretur: Magnus, inquit, in re parua delinitor. contempsit operosam artem, cuius nullus erat fructus per inanem ac temporariam delectatiunculum aurium, Plutarc. in Lacon. Bruso. lib. 4. cap. 17.

Dionysij sen.

Infrà tit. Par pari relatum.

Gelonis.

In conuiuio quum lyra circumferretur, cæteri que ordine canerent (nam id apud Græcos honestum habebatur) Gelon

equum iussit induci in conuiuium, facillèque ac leuiter in illum insiliit. significans, hoc esse regalius, quàm lyra canere. Plut. in Reg. apoph.

Pyrrhi.

Suprà de Artium contemptu.

Philippi regis.

Philippus quum audisset filium suum quodam in loco scitè cecinisse, ciuilitè obiurgauit, dicens: Non te tui pudet, qui noris tam bellè canere? significans, alias artes esse rege digniores. Plutarch. in Pericle, & in regum imperatorumque apoph. Bruton. lib. 4. cap. 17. Pontanus lib. 1. cap. 5. de Prudentia.

Alexandri.

Alexander Macedonum rex, quum transiisso Hellesponto, Troiam inuiseret, veterum heroum res gestas animo reuoluens, quidam, si vellet, pollicitus est se Paridis lyram daturum. Hic Alexander: Minimè, inquit, illa mihi est opus, quàm Achilles lyram habeam: Hac vir strenuus fortium virorum laudes canere consuevit, quum Paris sua lyra molles ac lasciuos mollos incineret. Plut. in reg. apoph. Ælianus lib. 9.

Corydi.

Corydus parasitus quum Plector citharædus lentum forberet, ac lapidem lenti admixtum manderet: O miser, inquit, etiam lenticula te ferit. Significans, illum dignum qui ab omnibus lapidaretur, posteaquam lens illi lapidem incusserat, Eras. 6. apoph.

De musica exquisita, & nimis artificiofa.

Laconum.

A Pud Lacedæmonios erant numeri, ad quos temperarent incessum, concitandis animis ad fortitudinem, audaciam, morrisque contemptum accommodi, quibus utebantur tum in choris, tum ad tibiam, tendentes in hostem. Siquidem Lycurgus rei bellicæ studium cum musices studio copulauit, quo nimirum nimius bellandi ardor modulatione temperatus, consonantiam aptumque concentum haberet. Vnde mos erat, vt in bellis rex. priusquam iniret prælium, Musis sacrificaret, quò pugnantes facinora ederent digna, quæ scriptis honestæque memoria celebrarentur. Nec permittebant, vt quisquam aliquid de veteri musica mutaret, adeò vt Terpantrum, quum esset antiq

antiquissimus, & omnium eius æui citharædorum præstantissimus, egregiusque gestorum heroicorum celebrator, tamen Ephori multauerint, eiusque citharam arreptam paxillo affixerint, quod vnam tantum chordam in ea præter necessitatem intendisset, ob vocis varietatem. Non enim probabant miodos, nisi simplicissimos. Ac Timotheum certantem in Carneis (id festum erat in honorem Carni cuiusdam vatis institutum: Pausanias autem indicat, apud illos Apollinem dici Carnion) ex Ephoris quidam arrepto ense interrogaret, ex vtra citharæ parte incidi vellet chordas, quæ accesserant ultra septem. Plutarchus in Lacon.

Emerēpis.

Emerēpes Ephorus, ex Phrynidis musici cithara nouem habente chordas, duas incidit: Noli, inquit, deprauare musicam. Prisci cantores non nouerant nisi septem chordas: quibus aliquid addere, ac musicam pro simplici reddere operosiores, iudicabat artis esse corruptelam: Adeo Lacedæmonis nulla non in re placebat simplicitas ac frugalitas. Plut. in Lacon.

De mutationibus in Republica & Ecclesia perniciosis.

Lycurgus.

TYcurgus Lacedæmoniorum legislator, cum interrogaretur cur Spartani toties pugnaturi, contra hostes castra mutarent: respondit: Vt eo magis lædamus hostem. Plutarchus in Leon. apopho.

Augustus.

Augustus quodam die fortè venit in ædes, in quibus habitabat Cato Vticensis. hic quum Strabo, quo Cæsari adularetur, Catonis peruicaciam accusaret, quod sibi manus adferre, quam Iulium victorem agnoscere, maluisset: Quisquis, inquit Augustus, præsentem Reipubl. statum mutari non vult, is & ciuis & vir bonus est. Vnico dicto & Catonis memoriam tutatus est, & sibi consuluit: deterrens, ne quis in posterum affectaret res nouas. Nam præsens status non is tantum dicitur, qui tum erat, quum hæc loqueretur Augustus: sed is quoque, qui fuerat tempore conspirationis in Iulium. Siquidem hæc dictio Præsens apud Latine loquentes, ad tria tempora pertinet, præteritum, præsens & futurum. vt, Præsentibus non erat contentus:

& præsens vita, quæ nunc agitur: & præsens in tempus omittat, id est, in futuram opportunitatem, Eras. Rot. lib. 4. apoph. ex Suetonio Tranquillo recitat.

Tiberij.

Tiberius Cæsar, qui statim post Augustum Romanis imperavit, cum ab amicis interrogaretur, cur non tam facile magistratus & præfecturas suas mutaret? Respondit, se data hoc opera semper fecisse. Natura enim omnes, qui rerum administrationi præsent, pecuniæ esse cupidos, plurimumque studii ad rem magis, magisque augendam eos collocare. Ceterum, si diutius in magistratu versentur, legiores ad quæstum faciendum fieri. mulcas enim, si longius corporum vlceribus insideant, minus graues & molestas fieri, quippe sanie vlcerum ad satietatem vsque refertas: & cum qui vlceribus scateat, durius acceptum afflictumque iri, si saturis iam repullis, famelicis alias ad vulnera admittere velit. Niphorus Callistus Ecclesiastica: suæ historia: lib. 1. cap. 17.

Sophronij episcopi.

Sophronius Pompeiopoleos Paphlagoniæ episcopus, cum adisset in concilio Seleuciано Acatii opiniones & dogmata recenseri: Si per singulos dies, inquit, propriam edere fidem licuerit, veritatis integritas non diu manebit. Socrates libro ii. Tripartita: historia: cap. 34.

Vide titulum de Legum abrogatione.

& nouitatis studio.

De mutuo.

Anonymi.

Quidam miserrimos homines esse dixit, qui modò rubros, modò pallidos habeant dentes. Notabat autem eos, qui mutuo acceperunt ab aliis: qui, dum mutuum repetitur, crubescunt: dum verò creditorem viderint, pallescunt, ne cogantur ad soluendum. Recitatur hoc diæterium apud Suidam, & Bruso, lib. 4. cap. 22.

Lycurgi.

Lycurgus legislator dicebat: Dignitatem quidem istam, quam mouemur ad facilius mutuò dandum aliquid, in opibus hominum sitam esse: illam verò, quæ nos ad facilius fidem habendam inducit, in moribus. Stobæus ser. 35.

Persei.

Perseus, quum quidam noto daret pecuniam, cautionem fecit

fecit in foro apud mensarium. Hanc diligentiam quum amicus admirans diceret, Adeóne legaliter Persee? Scilicet, inquit, vt amanter recipiam, nec legaliter reposcam. Fit enim sapenumero, vt qui cum amico bona fide, sine testibus, ac syngraphis agunt, post cogantur cum eo legibus agere. Dicti nonnulla gratia est in Græcis, *veμίνω & φιλινώ*. Eras. lib. 6. apoph.

Gelonis.

Gelon Siciliæ tyrannus exigebat pecuniam à suis ciuibus. quos vbi videret tumultuantes, ait se petere mutuò: quippe red diturum. Ita volentes dederunt, atque ille peracto bello reddidit. Hoc artificio perfecit, vt pecunia non deesset ad bellum necessaria, nec ciues haberet minus beneuolos. Plutar. in regum apophtheg.

Galba.

Galba quum penulam mutuam à quopiam rogaretur, festi uè respondit: Non pluit, non est opus ubi: si pluit, ipse vtat. Bruto. lib. 4. cap. 22.

Idem alicui.

Idem cuidam cui cœnaculum perpluebat commodato roganti penulam, dixit: Non possum commodare, nam domi maneo. Significans, domi maximè opus esse penula. Solent alii se excusare, Non possum commodare penulam, ipse ex eo. Eras. lib. 6. apoph.

DE NARIBVS.

Theophrasti.



Theophrastus Erchius in quendam Casandri amicum simis naribus, iecit hoc scommma: Demiror, inquit, oculos tuos non canere, quum illis nasus sit additus: quòd nasus fistulæ speciem praberet. Refert Plutar. in Symphosiacis. Laert. lib. 5. cap. 2.

Persarum.

Persæ amant homines adunco naso, quos Græci grypos appellant; eosque pulcherrimos esse putant: eo quòd Cyrus, quò non alius regum populo fuit charior, eiusmodi specie nasum habuerit. Est autem duplex gryporum genus. vñum, cui statim à fronte nasus insurgit, quod Aristoteles putat esse signum impudentis animi, & ad coruos refert: alterum, cui curuatura

nasi à fronte separata est, sed circa medium intumescit, & ad extremum tendens vnci speciem præbet. id Aristoteles putat esse notam magnanimitatis, & ad aquilam pertinere. Plutar. in apoph. & Cælius Rhodig. lib. 24. cap. 26. ant. lect.

De natandi peritia.

Aristippi.

Aristippus philosophus, cum quendam sibi vehementer placentem audiisset, eo quod egregie sciret natare, irrisit hominem, dicens: Non te pudet, tam insolenter de his rebus iactare te, quæ & delphinum & ranarum sunt propria? Laert. lib. 2. cap. 8. & Eras. lib. 3. apoph.

De natiuitate omnibus hominibus communi.

Stratonici.

Stratonicus Musicus audiens, quam difficulter Timothei regis mater partum edidisset: Si, inquit, opificem peperisset, non Deum, quales emisisset in cr pariendum voces? Irripit vir sapientissimus hominum stultitiam, qui regibus ac potentioribus diuinos ascribunt honores, cum ex communi illa natiuitate appareat, æquè homines esse vt nos, qui infima sorte viuimus. Non minus enim (si non durius) ægrè pariunt regum & principum matres, quam subulcorum. princeps æquè vitam clamore & eiulatu auspicatur, vt alii qui eius imperio subiecti sunt. Stratonici dictum leges apud Athenæum.

Vide titulum de Hominis fragilitate & miseria.

De natura.

Socratis.

Socrates dicitur eum execrari solitus, qui primus utilitatem à natura seiuuisset. Naturam appellat honesti rationem, homini à natura infitam. Eras. lib. 6. apoph.

Aristotelis.

Aristoteles Stagiritæ tria ad solidam parandam sapientiam præcipue necessaria esse dicebat, Naturam, doctrinam, & exercitationem. Inuita enim Minerva, & ingenio refragante, frustra etiam in rebus minime laborabis. Laert. lib. 5. cap. 1.

Socratis.

Socrates inter familiares dicere solitus est, se quidem docere decem

te decem minis: cæterum qui ipsum docuisset audaciam & vocalitatem, quæ natura illi denegarat, mercedis loco daturum decem milia. Hæc autem quoniam naturæ sunt (quæ non facile mutari potest) non artis à præceptoribus dari non possunt. Eras. lib. 8. apoph.

Phocionis.

Phocioni filius plura solito obsonia cocmerat, idque comminatus est, si plura quam secundum naturam soleret per incontinentiam ingurgitaret, ipsum pœnas luiturum. Sensit autem Phocion, naturam paucis contentam esse, multis autem corrumpi & deprauari. Stob. serm. 15.

Dionysij.

Dionysius tyrannus senior, matri, quæ quamvis anus marito tradi vellet: Ciuilia, inquit, iura violari possunt, naturæ non possunt. Brus. lib. 4. cap. 1.

Antonij Monachi.

Antonius Iustus cognomento, professione monachus, à philosopho interrogatus, qua ratione in vita monastica perdurare posset, cum ea consolatione quæ ex libris percipitur, careret: respondit: Liber meus, ô Philosophæ, natura rerum creaturum est. in eis enim, cum mihi visum est, oracula Dei subinde contemplor. Nicephorus Callistus lib. 11. cap. 43. Ecclesi. hist. ex Euagrio.

Macarij.

Macarius senex Aegyptius quæsiuit Euagrium, Quare mali memoriam aduersus homines retinentes, memorabilem virtutem animæ dissipamus: contra dæmones autem, habentes mali memoriâ, innoxii permaneamus? Euagrius cum se hoc ignorare diceret, respondit Macarius: Quia prima passio furoris contra naturam est, Consequens verò secundum naturam. Tripartita hist. lib. 9. cap. 1.

De nauigationis periculo.

Pittaci.

Pittacus Mitylenæus roganti cuidam, Quid fidum esset: respondit, terram. Quid insidum? mare. Brusonius lib. 4. cap. 25.

Bianctis.

Bias Prienæus nauigans cum scelerosis & impiis hominibus cum periclitarentur in summa maris tépestate, aliis deos im-

plorantibus: Bion, Silete (inquit) ne vos hic nauigare sentiant
Dii. Laert. lib. 1. cap. 6.

Bionis.

Bion nauigans cum pessimis hominibus, in piratas incidit.
Dicentibus illis: Peribimus, si agnoscamur: At ego, inquit, nisi
agnoscamur, peribo. Bruf. lib. 4. cap. 25.

Platonis.

Plato assidue monebat, fugiendum esse mare, perinde ac im-
probitatis magistrum. Bruf. lib. 4. cap. 25.

Aristotelis.

Aristoteles dicebat, per omnem vitam trium se perituisse.
primo, quod mulieri secretum aliquid commisisset. Secundo,
quod eo nauigasset, quod pedibus ire licuisset. Tertium, quod
vnum diem intestatus mansisset. Anton. in Melis parte 1. ser. 17.
Hoc autem Stob. Alexandro ascribit.

Anonymi.

Alius philosophus interrogatus, vtrum putaret maiore esse
numerus viuorum an mortuorum? vicissim rogauit, vtro lo-
co haberet nauigantes: quod hi versantes in summo vita: discri-
mine, vix essent habendi pro viuis. Plut. in Lacon.

Anacharsidis.

Anacharsis Scythia percontanti, quae naues essent tutissimae?
Quae, inquit, in siccum protractae sunt. Solebant enim olim na-
ues iis mensibus, quibus mare nauigabile non est, machinis qui-
busdam in siccum pertrahi. Anacharsis sensit, omnem nauiga-
tionem esse periculosam. At ille de genere nauigii percontaba-
tur. Sunt enim liburnicae, onerariae, actuariae quae naues, aliae quae
diuersi generis, in quibus alia est alia aduersus tempestatem in-
structior. Laert. lib. 1. cap. 9. Bruf. Contursinus lib. 4. cap. 25.

Eiusdem.

Idem quum rogasset quendam, quanta esset spissitudo tabu-
larum nauticarum? isque respondisset, quatuor digitorum:
Tantillum, inquit, abiunt a morte qui nauigant. Notauit ne-
gociatorum auaritiam, qui lucri gratia semet in manifestum
vita: discrimen coniciunt. Scythae nesciunt nautica commer-
cia, sed pascuis ac venatu viuunt. Laert. lib. 1. cap. 9. Alludit ad
huius philosophi dictum Iuuen. sat. 12. ita scribens:

I nunc, & venis animum committe, dolato

Consisus ligno, digitis a morte remotus

Quattuor, aut septem, si sit latissima ceda, &c.

Anachar

Anacharsidis.

Anacharsis roganti, vtrum arbitraretur plures esse mortuos, an viuos? Nauigantes inquit, in vtro numero ponis? Dubitans, an hi essent inter viuos habendi, qui vitam vndarum ac ventorum arbitrio commississent. Laetius lib. 1. cap. 6. Bruson. lib. 4. cap. 25. Sed Dioni hoc ascribit Stob.

Aristidis.

Aristides dicere solebat, currum non admodum confidenter esse conscendendum, attento praecipitio, quippe in quo hominis sessio perinde varietur. Quomodo enim se quis recipiat in locum, a quo excussus subito, porrectus iacere videatur? quam fieri possit, vt maiora fortè, aut similia currus onera sustulerit, facile tamen futurum vt mox discissus pereat. Idem de nauigatione dici potest. Stob.

Stratonici.

Stratonicus musicus percontanti, quod nauigiorum genus esset tutissimum, longorum an contra? respondit, ea quae subducta sunt. Significans, nullum vectorem in vlla naui tutum esse, nisi quum nauis protracta est in siccum, quod olim hybernis mentibus fieri solebat. Eras. lib. 6. apoph.

Laodamantis.

Laodamas ille Homericus, nihil miserius esse dicebat, quam virum fortem ponto exagitari. Brus. lib. 4. cap. 26.

Laconis.

Lacon quidam glorianti mercatori, quod multas naues in omnem oram maritimam dimisisset: Num sanè optabilis ista est, inquit, rudentibus apta fortuna? Brus. lib. 4. cap. 25.

Demonaxii.

Quum Demonax legatus nauigaturus in Asiam, nauem conscendisset, & a quodam interrogaretur, num metueret, ne naufragio eiectus a piscibus deuoraretur? Quid, inquit, metuam a piscibus, qui tot pisces deuorant? Eras. lib. 8. apoph.

Callimachi.

Callimachus dicebat, iucundissimum esse mare, sed si quis de terra contempletur. Huius dicterium æmulatus Horat. ait,

Neptunum procul à terra spectare furem.

Brusonius lib. 4. cap. 25.

Anonymi.

Siculus quidam cum ficos vehens, procella correptus naufragium fecisset, ac mox sedens in littore, mare tranquillum videret,

videret, vrbanè inquit ad mare: Noui quid velis, ficos nimirū.
Brufonius lib. 4. cap. 25.

Antigoni.

Antigonus sæua tempestate iactatus, quum omnes suos in eadē nau haberet, præcepisse liberis dicitur, vt & ipsi meminissent, & posteris proderent, ne quis in rebus tam dubiis periclitaretur. Brufonius lib. 4. cap. 25.

P. Syri.

P. Syrus dicebat, eum hominem Nepturium improbè accusare, qui iterum naufragium facit. Notabat autem eos, qui cum semel nauigationis periculo expositi fuerunt, obliu malorum, se mari credunt, mox penitus perituri. Brufon. lib. 4. cap. 25.

Catonis sen.

Caro senior tria sibi per omnē vitam accidisse dicebat, quorum poenituisse: primum, si quid arcani forminx credidisset: secundum, si quopiam nauigio vectus esset, quò pedestri itinere peruenire licuisset: tertium, si quis dies ipsi per negligentiam absque fructu effluxisset. Plut. in vita Catonis censorii. Brufon. lib. 4. cap. 25.

Antonij imp.

Eudamoni Nicomedi dicenti Antonio imperatori, Domine imperator, naufragium facientes in Italia, direpti sumus à publicanis, Cyclades insulas habitantibus. Antonius dixit: Ego quidem mundi sum dominus, lex autem maris, lege Rhodiorum iudicetur nautica. Sic ex Labcone recitat Brufonius lib. 4. cap. 25.

De necessitate.

Pittaci.

Pittacus Mitylenæus tantam necessitatis vim esse dicebat, vt nec Dii ipsi reluctari possint. Laert. lib. 1. cap. 5.

Thalesis.

Thales Milesius olim interrogatus, quid esset in tota rerum natura robustissimum? respondit, Necessitas, superat enim omnia. Laertius lib. 1. cap. 1.

Archita.

Architas cum Eratosthenis Mercurium legisset, hūc versum protulit: Necessitas omnia docuit, quid enim illa non inueniret? Stobæus ser. 93. ex Plutarcho recitat.

Platonis.

Platonis.

Plato necessitatis leges tam duras esse dicebat, vt nec Deus violare possit. Brus. lib. 4. cap. 26. ex lib. Platonis de legibus.

Pheraulæ.

Pheraulas apud Xenophontem, Nullum ait præstantiorem doctorem esse necessitate. Bruson. lib. 4. cap. 26.

Vectij.

Vectius Mesijs Volsus dicere solebat, Vltimum & maximum telum esse necessitatem. Bruson. lib. 4. cap. 26.

Atidis.

Atis Croesi filius, natura mutus, captum Susi patrem cum Cyrus conficere vellet, vocem tum primum emisit: Parce patri meo Cyre, & te hominem esse vel casibus disce nostris. Ex Solino recitat Brusonius lib. 4. cap. 26. Valerius verò lib. 5. cap. 4. & Herodotus lib. 1. Persæ cuidam dixisse aiunt, non Cyro. Vide etiam ea de re Strabonem lib. 13. Cælium Rhodiginum libr. II. capit. 15.

De negociorum multitudine, qua in diuersa distrahitur homo.

Thaletis.

Thales Milesius frequenter dicere ad suos solebat: Vnum eligite præclarum, vnum quiddam diuinare præclarum, Putauit vir sapientissimus, satius esse ad parandam honestam famam, vnum quiddam insigne prædicere, quam diuinare de rebus friuolis: & præstare, vno labore parare famam & existimationem, quam minus accuratè implicare multiuariis rebus. Eras. lib. 7. apoph. ex Laer. lib. 1. cap. 1.

Phocionis.

Phocion Atheniensis dicere solebat, Difficile esse multas vitæ vias ingredi, Voluit autem indicare vir sapientissimus, non facile præclari quiddam præstare posse hominem, qui simul multis rebus ac negotiis sit intentus. Huius dictærum extat apud Stobæum ser. 1. de Prudentia.

De nobilitate generis,

Socratis.

Socrates opes & nobilitatem non solum nihil in se habere honestatis, verum etiam & malum omne ex iis oboriri dicebat. Laer. lib. 2. cap. 5.

Diogenis

Diogenis.

Diogenes Cynicus nobilitatem, atque hoc genus fortunæ bonæ, nihil aliud quàm velamina malitiæ esse dicebat. Nobiles enim cum aliis nihilo sint meliores tamen peccant licentius, iuxta Horatii dictum,

*Et quicquid volet, hoc veluti virtute peractum,
Speravit magnæ laudi fore.* Laerti. lib. 6.

Herodis sophista.

Herodes sophista in accusatorem, qui de causa pauca, de generis sui claritate multa iactarat? Tu, inquit, nobilitatem habes in talis. Romani siquidem nobilitatis signum gerebant in calceis. Id erat eburnum additamentum, tali specie. Ita Plinius notat quosdam, qui nihil haberent nobilitatis præter imagines. Rursus quum aduersarius gloriaretur, quod in vnam quandam Italiæ ciuitatem multa beneficia contulisset: Idem ego, inquit, de me prædicare possem, si in vniuersa terra causam dicerem. Si significans, se de innumeris ciuitatibus fuisse præclare meritum. Philostratus.

Thoma Sarzan.

Cum quæreret aliquis ex Thoma Sarzanensi (qui postea maximus pontificatus adeptus, Nicolaus quintus appellatus est) qualis esset Eugenius Papa quartus? At, inquit, hoc facile cognitu est: qualis familia est, talem & principem inuenias. Inuere autem volebat, nimirum obscurum ac vinosum esse hominem. Fuit enim loco adeo humili natus, vt ab oppido patriæ Sarzanæ admodum frigido, Lucensis agri cognomen accepit. Volaterranus etiam hoc in eo reprehendit, quod nimio bibendi studio teneretur, perquisitis vndique vinorum generibus: quod vitium à parentibus fortassis, vt hereditarium, animo institutum fuit. Aeneas Syluius lib. 4. commentariorum de rebus gestis Alphonfi,

De nobilitate vera,

Socratis.

Socrates, nobilitas quid esset sciscitanti? Anima, respondit, & corporis bona temperies. Stob. ser. 84.

Eiusdem.

Idem frequenter dicere solebat: Neque frumentum optimū iudicamus, quod in pulcherrimo agro natum est, sed quod commode nutrit: neque virum bonum & studiosum, aut amicū beneuolū

beneuolum, qui genere clarus, sed qui moribus egregiis fuerit.
Stobæus sermone 84.

Eiusdem.

Idem cum Alcibiadem interrogasset, Vtrum consentaneum esset meliores eos esse, qui sunt ex nobili genere, quam ignobili prognati? respondit, eos meliores manifestum esse, qui prognati essent à generosis. Plato in Alcibiade primo.

Democriti.

Democritus interrogatus, in quibus nobilitas cōsisteret? respondit: Pecudum nobilitas in bono valido quæ corporis habitu sita est, hominum autem in bonitate morum. Stobæus ser. 84.

Diogenis.

Diogenes, interrogante quodam, qui hominum nobilissimi essent? Contemptores (dixit) opum, gloriæ, voluptatis & vitæ: contrariis autem, paupertate, obscuritate, fame, labore, ac morte superiores. Stob. ser. 84. Maximus ser. 63.

Antisthenis.

Antisthenes τοὺς αὐτὰς ὑψηλοὺς, τοὺς καὶ ὑπερφύτους: Qui virtute præditi sunt, eosdem & nobiles esse dicebat. Habent enim id, unde vera nascitur nobilitas. Aduersus eos, qui maiorum imaginibus, aut diuitiis, metiuntur nobilitatem. Laër, lib. 6.

Anacharsidis.

Anacharsis cum per conuiciū Scythæ, propter generis ignobilitatem nominaretur, respondit: Genere quidem Scythæ sum, ingenio autem & moribus nequaquam. Voluit autem ostendere, eam nobilitatem veram esse, quæ ex virtute, non ex parentibus originem ducit. Stob. ser. 84.

Theocriti.

Theocritus Chius, audiens hominem ob parentum nobilitatem plurimum laudari à quodam: Heus, ait, vir bone: Generosos arbitreris esse, non eos qui ex bonorum & illustrium stirpe prognati sunt, sed qui honestatem omnibus rebus præposuerunt. Stob.

Theopompi.

Theopompus generosos iudicandos dicebat, non qui à bonis & probis procreati sunt, sed qui bonitatem & probitatem profitentur. Maximus ser. 63.

Sostrati.

Suprà de Ignobilitate, & obscuritate generis,

Lycurgi.

Lycurgi.

Lycurgus Lacedæmoniorum legislator, cum conaretur ciues suos à moribus præsentibus ad temperatiorem viuendi rationem traducere: Ne nobis, inquit, ò ciues, nobilitas & ductum ab Hercule genus proderit, nisi omni studio & opera illa ipsa gesserimus, per quæ ille mortalium omnium clarissimus ac generosissimus extitit, ac per omnem vitam quæ honesta sunt & discamus & exerceamus. Reperit vir ingeniosus viam, qua multitudini philosophicis rationibus nõ satis idoneæ, virtutis imaginem ob oculos poneret, magis enim mouent, ac penetrant in animos, quæ cernuntur, quàm quæ audiuntur. Quod autem ille fecit in ciuitate, hoc cuique patrifamilias in sua domo, cuique moderatori in suo grege faciendum est. Plut. in Lacon.

Iphicrati, & Ciceronis.

Harmodius, præsci illius Harmodii abnepos, cum Iphicrati, qui patre tutore natus erat, generis obscuritatem obiceret: Meum, inquit Iphicrates, genus à me habet originem, tuum vero in te desit. Plutarch. in Græcor. apoph. Simile autem extat Ciceronis dictærum, qui dicebat se sui tam præclari generis & nobilitatis initium esse. Hæc enim reuera est nobilitas, quæ nõ à maiorum nostrorum, sed à nostris virtutibus profisciscitur,

Bionis.

Antigonus rex Bionem philosophum de ignobilitate criminatum, interrogauit: Quis & cuius est vbi tua ciuitas est? vbi sunt tui parentes? Cui Bion respondit: Atqui ò rex bene facis, cum indiges sagittariis, quod non interrogando genus, sed scopum proponendo, optimos illorum tibi deligis. Sic igitur amicos explora, non vnde nati, sed qui & quales sint. Sensit vir sapientissimus, veram nobilitatem nequaquam ex patria & parentibus sed ex virtute & vitæ innocentia metiendam esse. Stobæus sermo. 84.

Scipionis.

Ap. Claudio, qui Scipioni in ambienda censura competitor erat, iactante se, quod ipse, citra nomenclatorem, ciues omnes nominatim salutaret, quum Scipio propemodum nosset neminem: Vera narras, inquit Scipio, nam mihi studio fuit, non vt nossem multos, sed ne cuiquam essem ignotus. Nomenclatorum laus est, quàm plurimos nosse; at egregii ducis est, ob
egregia

egregia in rempubli. merita, nulli ciuium ignotum esse. Plut. in Roma. apoph.

Ciceronis.

M. Tullius, quum ob Ciceronis cognomen diſteris incesſeretur, ab amicis admonitus vt aliud ſibi cognomen aſciſceret, reſpondit: ſe Ciceronis nomen illuſtrius effecturum, quàm eſſet Catonum, Catulorum, aut Scaurorum. Nam hæ familiæ cum primis illuſtres erant apud Romanos, quum Tullius eſſet nouus homo. Cognomen autem ideo patebat cauillis, quòd à cicere viliffimo legumine dictum videretur. Quasi verò non & Fabii à fabis, & Lentuli à lente cognomen habuiſſe viderentur. Parum illuſtris eſt, qui præter imagines & cognomen nihil habet nobilitatis. pulcherrimum autem nobilitatis genus eſt, quam ſibi quiſque propriis virtutibus conciliat. Nec ſefellit M. Tullius. Ciceronis enim nomē hodie decantatius eſt, quàm trecenti Catuli aut Scauri, cum ſuis ſtemmatis, ſtatuis & imaginibus. Plut. in apoph. Ro.

Eiusdem.

Ciceroni cum generis ignobilitas oblioceret: Satiuſ eſt, inquit, meis geſtis florere, quàm maiorum opinione vti: & ita viuere, vt ſim poſteris meis nobilitatis initium, & virtutis exemplum. Cicero in oratione contra Salluſtium.

Alphonſi.

Cum aliquis Alphonſum, Aragonum regem clariſſimum, à nobilitate maximè laudaret, quòd ſcilicet eſſet rex, regis filius, regis nepos, regis frater. At iſtiuſmodi rex hominem interpellans, dixit: Nihil eſſe quod in vita minoris ipſe duceret, quàm quod ille tanti facere videretur. Laudem enim illā non ſuam, ſed maiorum ſuorum eſſe: quippe qui iuſtitia, moderatione, atque cum excellentia ſibi regnum comparaſſent, ſucceſſoribus quidem oneri regna cedere. Et ita demum honori, ſi virtute potius quàm teſtamento illa ſuſcipiant. A ſe itaque, ſi quā modò extant, eliceret ornamenta, non à patribus iam mortuis extorqueret. Inuit autem rex prudentiſ. multo glorioſius eſſe à ſe inclareſcere, quàm niti auitis imaginibus: regnūque propria virtute partum, clariuſ habendum, quàm quod hæreditate obuenit. Panor. lib. 2. de rebus geſtis Alphonſi.

Ioan. Hunyadi.

Ioannes Huniades Hungarici regni adminiſtrator, cum miſſeſſet ad Huldricum Siciliæ comitem, vt ad ſe veniret in caſtra:

hoc facere planè noluìt, & ad se missis respondit: Non ego comes & princeps, & tam nobili familia natus, ad te veniam, hominem nouum, & nostri ætate nobilitatum. quod cum accepisset Ioannes: Non ego (respondit) tuis maioribus sed tibi me comparo: quanquam neque illis cedam, qui pugnando pro Christiana religione nobilitatus, maius lumen posteritati meæ comparauì. atque ut in te Ciliensis comitatus turpiter extinguatur, ita in me domus Nistricensis exornatur, Aeneas Syluius de dictis Sigismundi & Friderici imperatorum.

De nominum varia interpretatione & mutatione.

Chryssippi.

Chryssippo Solensis erat statua pro corporis modo tenuis ac pusilla, quam eques vicinus fere occultabat. Vnde Carneades per iocum dicere solebat, eum non esse Chryssippum, sed *λεπτόσποννον*. nam Chryssippus ab aureo equo dicitur: Chryssippus à *λεπτός*, quasi dicas, ab equo occultatum. Laetius libro primo capite tertio.

Antagora.

Antagoras cum Thebaidos librum apud Bœotos recitaret, nec quisquam recitanti applauderet, complicato volumine inquit, Merito, inquit, vocamini Bœoti, quia bouum habetis aures. Maxi. ser. 15. de doctrina & sermone.

Stratonici.

Stratonicus musicus, quum doceret in ciuitatula perquam exigua, iocatus est mutatione literæ, non est *πóλις*, sed *μήλις*, id est, non est ciuitas, sed vix. Sentiens, vix dignam nomine ciuitatis. Athenæus.

Gnathana.

Gnathana meretrix, quum Pausanias quidam nomine Lacus, saltans in cadum incidisset: Lacus, inquit, in cadum incidit. Nam Græci laccum vocant, quod nos lacum. Cadus in lacum incidere solet, lacum in cadum incidere absurdum est. Erasmus.

Antiochi.

Antiocho cui cognomen erat *ἰσχυρὸς*, id est, illustris (Polybius inuertit nomen, appellans illum *ἰσχυρόν*, id est, insanum) quod cum infimis quibusdam plebeis, atque etiam cum hominibus

spitibus præter regiam dignitatem voluptatibus indulgeret.
Eras.lib.6.apoph.

L. Crassi.

L. Crassus Mummium cognomento Diuiforem, dixit ita sibi nomen inuenisse in campo Martio, quemadmodum Neoptolemus inuenerat ad Troiam. Eras.lib.6.apoph.

Fausti Syll. F.

Suprà titu. de Adulterio & de faceret & iocose dictis.

Ciceronis.

Cicero in nomen Verris iocatus est, quasi sic dictus esset, quod omnia verret: hoc est, nihil reliqui faceret, homo furax. Quo genere iocandi quidam furem pro Tullio Tullium dixit: nec defuerunt qui pro Tiberio, dixerent Biberium. Eras.4.apoph.

Eiusdem.

Ciceroni cum Crasso similtas erat. Quum igitur alter è Crassi filiis non dissimilis cuidam nomine Digno, atque hinc populi suspicio in Crassi uxorem, quasi cum Digno rem habuisset, in senatu præclaram habuisset orationem, rogatus Cicero, qualis ei videretur? Dignus, inquit, Crasso. recte alludens ad nomen Digni. locus lepidior est, si more Græcorum dicas, dignus Crassi: ut intelligas duos esse Crassos, alterum adulterum, alterum illi similem Crassi filium. Eras.lib.4.apoph.

Eiusdem.

Cicero M. Aquilium duos habentem generos, sed ambos exules, Adrastum appellauit, quod solus locum tueretur. alludens ad Græci nominis etymologiam. Eras.lib.4.apoph.

Antonij impera.

Quum Sextus Titius se Cassandram esse diceret, ob coniecturam opinor, quod illa esset fatidica: Multos, inquit Antonius posses Aiaces tuos Oileos nominare. notans illius impudicitiam. nam Ajax Cassandram de templo Palladis raptam constuprauit. Eras.lib.6.apoph.

Tiberij Caf.

Tiberius Caesar, quoniam tyro in castris auidius biberat, militari ioco pro Tiberio Claudio Nerone, dictus est, Biberius Caldus Mero. Eras.lib.6.apoph.

L. Crassi.

In Cn. Domitium, Sexti Neronis atauum, cui cognomen fuit Aenobarbo, L. Crassus orator dicebat, non esse mirandum quod æneam haberet barbam, cui os ferreum, cor plumbeum esset.

Os ferreum obiciens, propter summam impudentiam: cor plumbeum ob ingenti stuporem. Quidam illum pro Nerone Aenobarbum appellarunt, atq; hoc erat vnum è duobus conuiciis quæ indignissimè tulit: alterum erat, quod increpitus esset malus citharædus. Eras. lib. 6. apoph.

Vespasiani.

Vespasianus in Cerylum libertum, sed prædiutem, qui ut aliquando subterfugeret ius fisci imperialis, cepit se pro ingenuo ferre, eoque mutato nomine pro Cerylo dici voluit Laches, torfit versiculos ex fabula quapiam, ut opinor:

ὦ Λάχης Λάχης,

ὡς' αὖ ἀποβάς, αὐθὺς ἴσιν λούπας.

O Laches Laches,

Vbi mortem obieris, rursum eris tum Cerylus.

Significans, illi nihil profuturum immutatum nomen, Suetonius.

De nominis immortalitate.

Antisthenis.

Antisthenes Atheniensis philosophus, iis, qui appeterent immortalitatem, vnicam viam ostendit, ut iuste pieque viverent. Sed vulgus hominum è structuris, statuis, trophæis, ac libris sibi promittit immortalitatem. Laer. lib. 6. cap. 1.

Bionis.

Bion Borysthenites gloriam dicebat esse matrem annorum, ob id opinor, quod cum hominis vita sit brevis, honesta memoria in multa sæcula propagatur. Laer. lib. 4. cap. 7.

Platonis.

Plato rogatus, ecquod esset futurum ipsius monumentum, quemadmodum superiorum? Primum, inquit, parandum est nomen, ita monumenta futura sunt multa. Sensit, hominis memoriam optime seruari in mentibus hominum, optimèque propagari scriptis virorum eloquentium. Laer. lib. 3.

Denoct.

Scopeliani.

Scopelianus sophista, quoniam somni parcissimus, noctem existimabat studiis & exercitationi mentis accommodam, subinde solitus est exclamare, *ὦ νύξ, σὺ γὰρ δὴ πλεονεξίας μὲν ἔχεις μὴ δὲ δύνῃς.* id est, O nox, nam tu sanè maxima ex parte

ex parte consorses sapientiæ deorum. Habet enim hominis mens in alto illo silentio, corporis sensibus iam feriatis, aliquid diuinitatis, si sese intenderit ad rerum sublimium speculationem. Eras. 8. apoph.

De nouitatis delectatione.

Laconum.

Lacedæmonii militem quendam nullam aliam ob causam interimendum putarunt, quàm quòd præter consuetudinem purpureo panno scutum in militia intexuisset. In tantum horrebant exemplū nouitatis, ac peregrinæ luxuriæ: non ignari, ex minimis initiis immedicabilem vitiōrū colluuiem inundare: eòq: tutissimum esse iudicantes, principiis obstare. Plutarchus in apoph. Lacon.

Agefilai.

Agefilaus Lacedæmoniorum rex, quum in Asia ædes quadam conspexisset, quarum tectum quadratis trabibus contextum esset, rogauit ædium dominum, num apud illos ligna quadrata nascerentur? qui quum negasset talia nasci, sed ex rotundis arte quadrari: Quid, inquit, ergo ne si quadrata nascerentur, faceretis rotunda? Immanè quantum abfuit illius regis animus à nostrorum ædificiorum deliciis, in quibus nihil placet, nisi ex alieno deuectum orbe, aut multo artificio adulteratum. Plut. in apoph. Lacon. Eras. lib. 1. apoph.

Leontichide.

Leontichidas, vnus è seniorum numero, quos ferunt Lacedæmoniis fuisse viginti octo, quum Corinthi cœnaret apud hospitem, rogauit, num illic ligna quadrata nascerentur? illo negante: Quid igitur, inquit, si quadrata nascerentur, faceretis rotunda? Ita Plutarchus in vita Lycurgi. Erasmus libro primo apophtheg. Idem apophthegma diuersis, vt & non pauca alia, attributum.

Laconum.

Cantori apud Spartanos peregrināti dixere mulctam, quòd citharam digitis pulsaret, non ebore. Adeò non patiebantur, imitari publicò vsu recepta. Hoc studio cuidam alteri ex nouem chordis duas incidit Lacedæmonius quidam. Plut.

Vide titulum de Mutationibus in

ecclesia ac Republi.

perniciosis.

De nunciis.

Philippidus.

Philippides dictus *ἡμιόλιος*, quod vno die mille quingenta stadia conficiens, Lacedaemonem peruenit. Idem, ni fallor, quum victoriam Atheniensium aduersus Medos in Marathonem partem, senatui, de pugnae exitu sollicito, nunciaret, *μικρὰ χαίρειν*, inquit, *εὐχόμεθα*: id est, multum valete, vicimus, moxque expirauit. Eras. lib. 6. apoph. ex Plinii lib. 7. cap. 20. & Colini cap. 6.

De nuptiis secundis.

Martia Catonis F.

Martia Catonis filia cum rogaretur, cur post amissum maritum, denuò non nubere responderet, se non virum inuenire, qui magis eam vellet, quam sua. Quo dicto ostendere voluit, diuitias magis in vxoribus ducendis eligi solere, quam pudicitiam, & morum honestatem: ac multos non oculis, sed digitis vxores ducere. Author est Hieronymus.

Dionysij regis.

Dionysius Syracusanus cum videret matrem ætate confectâ, secundo nubere velle, & eam ob causam a multis malè audire, ait: Ciuitatis legibus vim quidem posse afferri, naturæ verò nequaquam posse. Plur.

Vide titulum de Conuiuio iterato.

DE OBEDIENTIA.

Solenis.

Olon percontatus, qua ratione salua possit esse ciuitas? respondit: Si ciues obtemperent suis magistratibus, magistratus autem legibus. Stob. serm. 41.

Zenonis.

Zeno Citticus philosophus celebratissimâ Hesiodi sententiam solebat inuertere. Quum enim ille primas tribuat ei qui per se sapiat, secundas qui rectè admonenti obtemperet: Zeno ordine inuerso sic pronuntiabat,

*ἡνέκερ πρῶτον ἀκούειν, ὅς τις αἰνέσει, καὶ τότε
ἰδὼς δὲ τὸν ἡνέκερ, ὅς τις αἰνέσει, καὶ τότε*

Optimus

Optimus ille quidem, qui paret recta monenti:

Sed probus ille quoque est, qui nouerit omnia per se.

Addebat causam, quòd qui ex se nosset omnia, nihil haberet præter intelligentiam: at qui rectè monenti parèret, præter intelligentiam haberet etiam effectum. Nam parère dicitur, qui quod didicit optimum esse, facit. Laer. lib. 7. ca. 1.

Periclis.

Pericles dicebat, Samios esse similes pueris, qui porrectam offulam reciperent quidem, sed interim plorantes: eo quòd illi parèrent imperatis, sed non sine tædio & querimonia. Similiter Demosthenes dixit, populum Atheniensem esse similem iis qui in naui nauscant. Si quidem ii cum magno tædio laborant, tamen eò peruehuntur, quò tendit naus.

Musony.

Musonius interrogatus, an parentibus obediendum esset in omnibus? respondit, Obediendum quidem esse, sed honestū iustumque imperantibus. Stob. ser. 77. Brus. lib. 4. cap. 30.

Theopompi.

Infra de Principe bono, ac eius in regni administratione officio.

Laconum.

Apud Lacedæmonios inuentas discebat quidem literas ad vsum, sed cæteras disciplinas exoticas eiiciebant. Illorum enim eruditio erat parare magistratibus, & patientem esse laborum, & in prælio vincere aut mori. Testatur hoc Plutarch. in apoph. Lacon.

Aeliani.

Aelianus adolescens Eretriam in patriam post longam peregrinationem reuersus. rogatus à patre quid disciplinæ tanto temporis interstitio assecutus esset: se breui ostensurum esse pollicetur. Verberibus igitur paulo post cæsus propter delictum admissum, patri nequaquam inobediens fuit, & ait: hoc edoctum, vt parenti castiganti obediret, eiusque indignationes ac pœnas æquo animo ferret. Brus. lib. 4. cap. 30.

Scipionis sen.

Scipio Maior cum in Africa bellum gereret, ostendit viros armatos, quos secum habebat, & turrim præterea excelsam in mari, & ait: Nullus horum omnium est, qui non consensu turri, semet in mare præcipitaturus sit, si ego iussero. Dictu profectò mirum est, in tanto exercitu militum nullum fuisse, qui

etiam in mortis periculo imperatori suo obedire recusaret.
Hoc dictum leges apud Plut. & Eras. lib. 5. apoph.

M. Curi.

M. Curius consul, adolescentem qui in delectu non paruerat, bona primum hasta subiecit: ipsūque postea ad tribunos appellantem vendidit, dicens, Non opus sibi esse eo ciue, qui parere nesciret. Brus. lib. 4. cap. 30.

De obesis, vel pinguitudine.

Pythagora.

PYthagoras videns quendam ē discipulis attentio- rem curan- do corpori, idque agere vt obesus esset, ac nitida cure: Hic, inquit, non desinit sibi carcerem molestiorem struere. Sensit ho- minem esse animum, corpori seu carceri inclusum, quod quo reddas habitus, hoc magis grauat ur animi vis. Eras. 8. apoph.

Diogenis.

Anaximenes rhetor obeso aqualiculo erat onustus. hunc adiens Diogenes, ita loquutus est: Impartire & nobis tenuibus, & ventrem. Nam & ipse leuaberis onere, & nobis commodabis. Laert. lib. 6.

Epaminonda.

Epaminondas Thebanorum dux, cum vehementer infensus esset obes, dicere solebat: militum quibus arma gerēda sunt, corpus exercitatum esse oportere, non solum, athleticē, verum etiam militariter. Vnde cum obesum militem vidisset in suo exercitu, expulit ē castris, dicēs, Quod vix clypei tres quatuor- ve tegerent ipsius ventrem, per quem nunquam vidisset sua pu- denda. Plut. in Grac. apoph. Brus. lib. 7. cap. 5.

Phocionis.

Polyeuctus Sphetius, quum longam haberet orationem de suscipiendo in Philippum bello, atque prae pinguitudine, prae- que aetatis aestu saepius aquam biberet, vrbane Phocion: Dignam, inquit, rem viri Athenienses, vt huic de gerendo bello credatur. Quantum enim illum in medio Marte sua galea & thorace facturum existimatis, quem ipse loquendi labor in ani- mae exhalanda discrimen impulerit: Brus. lib. 7. cap. 5.

Catonis sen.

Cato senior videns quendam vehementer obesum, miraba- tur, cui vsui tale corpus esse posset. Recipui, cuius inter guttur & inguen

inguen omnia venter occuparet. Plut. in Catone. Bruson. lib. 7. cap. 5.

Anonymi.

Vespasianus imperator Rom. ventre obeso fuisse dicitur. unde quidam homo facetus, petenti ut in se aliquid diceret: Dicitam, inquit, sed tum demum, quum ventrem exonerare desieris. Brus. lib. 7. cap. 5.

De obiurgatione.

Diogeni.

Diogenes Cynicus ad salutem opus esse dicebat, aut fidis amicis, aut acribus inimicis: eo quod illi monent, hi redarguunt: utriq; diuersis quidem modis, sed pariter profunt, dum per eos vitia nostra discimus. Hoc Laert. lib. 6. tribuit Antistheni, Plutarc. Diogeni.

Antistheni.

Antisthenes philosophus interrogatus, quam obrem tam senerus esset discipulorum obiurgator: Et medici, inquit, erga agrotos. Significans, se vitia obiurgare, non homines. Laer. lib. 6. cap. 1.

Vide titulum, de Castigatione, & Reprehensione.

De obliuione.

Themistocli.

Themistocles ludum præteriens, in quo diceretur esse professio, rogauit quid is profiteretur. quumque responsum esset, artem memoriae, contempsit, dicens, At ego malim artem obliuiscendi. Vox hæc digna fuit eo, qui linguam Persicam intra annum potuit ediscere. Et sunt, quorum obliuio nobis gratior sit quam memoria. Facile meminimus quæ volumus, at non licet obliuisci quæ volumus. Plut. in Themistocle.

Augusti Cæs.

Habebat Augustus nomenclatorē obliuiosum, cum hoc genus hominū oporteat in primis valere memoria. Is ad forū iturus, rogat Cæsarem, nunquid eo mandaret: Accipe, inquit, com mendatitias, nam illic neminem nosti. Atqui hoc est proprium nomenclatorum munus, omniū nomina, cognomina, titulōsq; dignitatum tenere, quo heris quum opus est suggerāt. Vnde illis etiam nomen est inditum, ē Græco Latinōq; conflatū. Sueton. in Augusto, Brus. lib. 4. cap. 4. Eras. Rot. lib. 4. apoph.

De occasione non negligenda.

Themistoclis.

ANtiphates adolescens, qui prius Themistoclem amantem fugerat ac fastidierat, ubi vidit illum gloria celebrem, potentiâque magna pollentem, ultro adiit illum blandiens. cui Themistocles: O adolescens, serò quidem ambo, sed tamen sapere cœpimus. sentiens, illum non arripuisse occasionem sese offerentem, sibi verò nunc non vacare per negocia talibus affectibus indulgere. Plutar. in Græco. apoph.

Antigoni.

Quum Antigonus in arduis ac præruptis locis planicie immimentibus exercitum haberet, Pyrrhus positus circa Napiam castris, postridie per caduceatorem, vt in cāpum descendens Martem experiretur, prouocauit. Antigonus verò respondit, suam militiam non magis armorum quam temporū esse: Pyrrho, si illum suæ vitæ tadium cœpisset, satis multas ad interitum vias patere. Plut. in Pyrrhi vita. Eras. lib. 4. apoph.

Fabij Maxi.

Post calamitatem quam Romani acceperant apud Cannas, Fabius Maxi. creatus imperator cum Claudio Marcello, viro audaci, semperque gestienti. cum Annibale configere: Fabius potius sperabat futurum, vt si pugna abstineret, Annibalis exercitus ductu temporis deficeret. Id sentiens Annibal, dixit, se magis formidare Fabium à pugna quiescentem, quàm Marcellū pugnantem. Plut. in Rom. apoph.

C. Domitij.

C. Domicius, siue (vt Livius lib. 7. Decad. 4.) Cn. Domitius, quem Scipio maior pro se Lucio fratri in bello aduersus Antiochum legatum dederat, ubi contemplatus esset hostium phalangem, exercitus præfectis hortantibus vt confestim aggredere, negauit tempus sufficere ad hoc, vt tot milibus trucidatis, ac directis impedimentis, in castra reuersi, sua curarent corpora. Sed hoc ipsum postridie se tempestiuè facturū dixit. Ac postero die congressus, quinquaginta milia trucidauit. Vir strenuus non dubitauit de victoria, spacium modò temporis gerendæ rei par eligebat. Plut. in Rom. apoph.

Scipionis Afri.

Scipio Africanus cum hoste dicebat non esse configendum, nisi aut inuitaret occasio, aut vrgeret necessitas: quòd incogitantus

tantis sit, opportunitatem oblatam negligere: & extrema igna-
uita sit, tum nō praeſtare fortem animum, quum audacia ſpem
præbet incolumitatis, formidoloſitas nihil aliud quàm certum
promittit exitium. Plut. in vita eius. Valer. Max. lib. 7. cap. 2. &
Bruf. lib. 2. cap. 32.

Scip. Minoris.

Scipio minor quum videret hoſtes deſpondere animum, aſe-
bat ſeſe, vt tutò veniret, mora temporis emiſſe, addens. Bonum
ducem perinde vt medicum, non niſi in extrema curatione fer-
rum adhibere. Nihilominus per occaſionem adortus Numanti-
nos, terga illos dare compulſit. Plut. in Rom. apoph.

C. Marii.

C. Marius in bello ciuili, quum ſoſſa cinctus obſideretur ab
hoſtibus, continuit ſeſe, tempus expectans opportunum. Po-
pedio autem Siloni dicenti, Si magnus es imperator, ò Mari,
deſcende in conſlictum: Imò tu, inquit, ſi magnus es impera-
tor, coge me nolentem ad certamen venire. Plutarch. in Roma.
apoph.

De ocio honeſto.

Chilonis.

CHilon dicebat, adamandam eſſe quietem, quoties datur
honestum ocium: iuxta illud, *εὐτυχία καλὴν*. Nihil enim vel
tutius, vel iucundius. Nullum autem negotium periculoſius,
quàm bellum. Laert. lib. 1. cap. 4.

Socratis.

Socrates dicebat, ocium poſſeſſionum omnium optimam.
Ocium autem ſenſit, non ignauiam: ſed ò tumultuoſis negotiis,
& à cupiditatibus animi tranquillitatem vitiantibus eſſe quie-
tum. Eraſt. lib. 3. apoph.

Nicandri.

Ad Nicandrum cum Athenienſis quidam dixiſſet, nimium ò
Nicander amplectimini ocium: Verum, inquit, prædicas: ſed
non quemadmodum vos, quocunque modo nobis parare ſtu-
demus. Senſit ocium, honeſtis rationibus partum, non eſſe re-
prehendendum: ſed eos vituperio dignos, qui per fas neſaſque
ſectarentur ocium. Ocium autem Athenienſis dixit, non exer-
cere ſordidas artes. Plut. in Lacōn.

Scip. Maioris.

Scipio ſenior, ſi quando vacans à negotiis bellicis, in literis
verſa

versaretur, dicere solebat, se nunquam minus esse ociosum, quàm esset in ocio. Sensit, se id temporis non dare animum ocio aut voluptatibus, sed reipub. commodis multa suo cum animo tractare. Plutar. in Roma. apoph. Brusonius lib. 4. cap. 28. Cice. lib. 3. Offic.

Ennij.

Ennius dicere solebat, eum qui nesciret ocio uti, plus negotiis habere, quàm quàm est negotium in negotio. Brus. lib. 4. cap. 28.

Catonis.

Cato Portius dicere solébāt, non minus ocii quàm negotii rationem extare oportere. Cato in Originibus. Brusonius lib. 4. cap. 28.

Attilij.

Attilius dicebat, satius esse ociosum esse, quàm nihil agere. Refert Plinius Junior ad Minutium Fundanum: Satius est enim inquit, ut Attilius noster eruditissimè simul & facetissimè dixit, ociosum esse, quàm nihil agere. Quanquam hoc dictum ad scribitur Catoni seniori. Ociosus est, qui vacat ab externis actionibus: nihil agit, qui negotiis infrugiferis, nihil ad beatè vivendum conferentibus occupatur. Quemadmodum, qui molliuntur, nec satis succedit quod agunt, satagere dicuntur: ita nihil agunt, qui frustraneis actionibus tumultuantur. Plinius enim putat, eos qui militaribus negotiis distrahuntur, nihil agere: contra qui se philosophiæ dedunt, ociosos esse. Eras. in apoph.

Alphonfi.

Familiares Alphonso regi rusticum quendam, velut ignavia exemplum, ostenderunt, qui porrectus humi volvebatur. Hic rex: Utinam (ait) mihi sic per ocium comedere datum esset à superis. Simile quiddam narratur de Ptolemaeo rege: quum antea se iactaret reperisse immortalitatem, tandem podagra discruciatu conspiciebat Aegyptios aliquot plebeios sic temerè apud flumen discumbentes: Utinam, inquit, saltem ex istis unus assem. Eras. Rot. lib. 8. apoph.

De ocio inhonesto fugiendo.

Diogenis.

Diogenes Cynicus ociosorum negotium amorem esse dicebat, quòd hic affectus potissimum occupet ocio deditos. Ita

Ita enim fit, ut dum ocio vacant, in rem negotiosissimam incidunt. Laer. lib. 6.

Socrati.

Supra de Libertate nimia.

Eiusdem.

Idem audiens quosdam de ocio disputantes, ut plurimum se dicebat deprehendere, omnes aliquid facere. Etenim qui tesserris, qui que risui excitando vacant, aliquid faciunt: nihilominus huiusmodi omnes ociosos dicebat. Liceret namque eis istis dimissis, meliora agere: à melioribus verò ad peiora migrare, nulli ocium esse. Si quis autem migret, hunc id malè facere negotiis implicitum. Xenophon lib. 3. de dictis & factis Socratis. Stobæus ser. 28.

Eiusdem.

Socrates è priscis autoribus selegerat versiculos aliquot, quos prouerbiorum vice frequenter usurpabat, quorum est ille Hesiodi,

ἄπρην γ' ἔστι πρὸς ἄλῃ, ἀπρην δὲ τ' ἰσθλῷ. Id est,

Non probrum est operari, ast est cessatio probrum.

Quo dehortabatur iuuenes non solum ab ocio, verum etiam ab actionibus infrugiferis. Siquidem eos appellabat ociosos, qui alea, compotationibus & scortis ætatem absumerent. Eras. lib. 3. apoph.

Platonii.

Plato è disputatione discedens, solitus est admonere discipulos: Videte pueri, ut ocium in re quapiam honesta collocetis. Significans, ocium omnia mala docere adolescentes. Laertius libro tertio.

Lycurgi.

Lycurgus quopiam percontante, quam ob rem virginum corpora cursibus, luctis, discorum ac telorum iactibus fatigaret? Ut, inquit, scortum proseminatio ab ista statim radice, validum in validis corporibus initium sumens, rectè germinet: simul ut ipsæ in perferendis partibus faciliè simul & generosè certent aduersus pariendi nixus, doloresque: postremo, si qua incidat necessitas, ut possint & pro se, & pro liberis, & pro patria pugnare. Intellexit vir prudens, quanta rerum publicarum pestis sit ocium atque ignavia: contra, moderatos labores etiam corpora reddere tum firmiora, tum salubriora. Vnde nec virginibus permisit in ocio viuere, sed has quoque masculinis exercitiis

citiis quodammodo vertit in masculos, cum in plerisque ciuitatibus per delicias ac luxum masculi transformarentur in feminas. Plut. in Laconicis.

Heronda.

Herondas quum esset Athenis, audissetque quendam iudiciū sententia damnatum de crimine ocii, qui mœstus incederet, & ab amicis mœstis deduceretur, iussit sibi monstrari eum qui in causa liberali reus perageretur. Lacedæmonii, quicquid erat sordidarum artium, non per ciues, sed per Helotas mancipia exerceri volebant: eoque mirabatur Herondas, ob id quæquam vocari in ius, quod seruilia non exerceret: ibique pro crimine haberi, quod Lacedæmone iudicaretur honestum ac liberale. Plut. in Laconicis.

Cleomenis.

Quodam interrogante, quor Argiuos cum Lacedæmoniiis bellum gerentes, quum sæpenumero vicissent, non deleuerint: Ne optauerimus quidem, inquit Cleomenes, illos deletos, vt habeamus qui iuuenes nostros exerceant. Perspexerat egregius dux, corrupti iuuentutem, si permittatur ocio, luxus ac malorum omnium magistro. Plutarchus in Laconicis.

Anonymi.

Thessalus quidam interrogatus, quinam essent Thessalorum deterrimi? Qui, inquit, à bellicis negociis ocium agunt. Barbari nesciunt vt ti pace. Eras. 6. apoph.

Dionysii sen.

Dionysius senior cuidā percontanti, num esset ociosus? Absit, inquit, vt hoc mihi vnquam accadat. Sensit turpissimum esse regi, vacare vnquam à reipub. negociis. Vbi sunt igitur, qui bonā diē partem alea nugisque transigunt? Plut. in reg. apoph.

Scipionis Nas.

Scipio Nasica quibusdam dicentibus res Romanas iam in tuto esse, extinctis Carthaginensibus, & Grecis in seruitutem redactis: Imò, inquit, nunc deum summo in periculo sumus, posteaquā nulli supersunt, quos vel timeamus vel reueramur. Sensit, inimicos per occasionem viles esse nobis, per quos non licet impune secureque negligentes esse. Eras. lib. 8. apoph.

Q. Metelli.

Supra tit. de Ignauia.

Ap. Claudij.

Appius Claudius dicere solitus est, populo Romano longè melius

melius committi negotium, quam ocio. Sentiens, multitudinem bellis excitari ad virtutem, in pace defluere ad voluptates, ac luxum, ex quibus nascitur rerum publicarum ac regionum exitium. Valerius Maximus.

Serulij.

Serulius, vir diues & prætorius, nulla alia re quam ocio natus consenuit, quin ob id vnum fœlix habebatur. Nam quoties Asinii Galli amicitia, quoties Sciani odium inde amore merserat, exclamabant homines: O Seruli, solus scis viuere? Brufon. lib. 4. cap. 28.

Seruil. Vacie.

Serulius Vacie, vir prætorius ac prædiues, odio negotiorum abdiderat se in villam suam, quam habebat non procul à Curmis, nec alia re notus fuit, quam eius villæ ocio. Itaque qui negotiis premebantur, exclamare solebant, O Vacie, solus scis viuere. Huius tamen ignauum & sine literis ocio damnans Seneca epist. 51. negat illum scire viuere, sed latere. Eoque nonnumquam villam præteriens, ioco dicere solebat, Hic situs est Vacie, subindicās, nihil interesse inter mortuum, & inertem ocio abditum. Eras. lib. 8. apoph.

Galba parasiti.

Galba parasitus, obliuientibus quod in ocio viueret, Nemo, inquit, cogitur ad reddendam ocii sui rationem, innuens nullos tutius viuere quam ociosos. Nam rerum gestarum rationem poscuntur qui tractant negotia: at ab ociosis ea ratio non potest exigi. Erasmus lib. 8. apoph.

Augusti Cæs.

Augustus infulam quandam Capreis vicinam, in quam è comitatu Cæsaris secedere solebant, qui cuperent ociari, solitus est ἀπραγίασιν appllare. ἀπραγία enim sonat negotiorum vacuitatem. Suet. in Augusto.

Vibij Crispi.

Domitianus Cæsar initio sui principatus nihil planè agebat, sed quotidie sibi secretum horarium sumebat, nec faciebat aliud quam captare muscas, easque stylo præacuto configere. Vnde quidam cum interrogaret, num quis intus esset cum Cæsare, Vibius Crispus lepide respondit: Ne musca quidem. Suetonius.

Probi imp.

Probus Roma. imp. laudatissimus, non patiebatur armatum militem esse ociosum, dicens: Annonam gratuitam militem comedere

comedere non debere. Iacob, Spie, in lib. 2. Aen. Syl. de rebus gest. Alphonfi.

De odio.

Timonis.

Timon ille, qui ab odio hominum Misanthropos Græcis vocabatur, interrogatus cur omnes oderet homines: Quia, inquit, meritò improbos odi: reliquos autem, quia improbos non oderunt. Max. ser. 6.

Pisistrati.

Thrasylbulus Pisistrati filiam amabat: eamque quum haberet obuiam, in publico osculatus est, ob id vxori maritum in Thrasylbulū irritanti: Si illos, inquit Pisistratus, qui nos amant, habemus odio, quid faciemus iis qui nos oderunt? Ac virginem adamatam Thrasylbulo dedit vxorem. Plut. in Græc. apoph.

Annibalis.

Annibal adhuc puer, quum quaereretur de finiendi odio inter Romam & Carthaginem, pedem infixit solo: ac puluere suscitato, tum demum finem belli fore dixit, quum altera pars in habitum pulueris esset redacta. Agnoscas ingenium exitio Romanæ gentis natum. Plut. in Annibalis vita.

Eiusdem.

Idem hibiturus venenum, quod in eum vsum paratum habebat, dixit: Soluamus ingenti cura populum Romanum. aut. vt Liuius refert: Soluamus diutina cura populum Roma. quando mortem senis expectare longum censer. id postremò malè habebat hominem, quòd Romanis iam non posset aliquo pacto molestus esse. Plut. in Annib. vita.

Vide Simulacris titulum.

De œconomia.

Thaletis.

Thales Milesius, eam familiam probabat, in qua domino plurimum ocii agere liceat. Stobæus ser. 83.

Chilonis.

Chilon admonebat, vt suæ quisque domui bene præficeret. Priam enim curam debemus familiaribus: nec idoneus videtur administrandæ Reipublicæ qui priuatam rectæ gubernare ne

nescit. Domus enim nihil aliud est quam parua ciuitas. Laertius lib. I. cap. 4.

Eiusdem.

Idem dixit, Oportere domum maximè similem fieri ciuitati, quæ regno gubernatur. Stobæus ser. 83.

Cleobuli.

Cleobulus optimum œconomum inde iudicabat, si plures haberet sui amantes, quàm metuentes. Stobæus ser. 83.

Biantis.

Bias Prienæus dicere solitus erat, eam familiam esse optimam, in qua dominus sponte sit huiusmodi, qualis propter legem foris est. Stobæus ser. 83.

Pittaci.

Pittacus Mitylænæus, optimè constitutam esse domum pronunciauit, cui superfluum nihil abundet, & necessarium nihil desit. Stobæus ser. 83.

Solonis.

Solon optimum œconomum esse dixit, in cuius familia pecuniæ non iniuste possideantur, nec difficulter custodiantur, neque propter sumptus pœnitudinem adferant, Stob. ser. 83.

Theanæ.

Theano Pythagoræ dogmatum studiosissima, percontanti, quânam ratione celebris euasura esset? respondit: Contexens telam, & meum curans coniugium. Sensit autem mulier ornatissima, tum demum claram se fore, si amaret maritum, probè educaret filios, & rem domesticam probè curaret. Stobæus sermone 72.

Lycurgi.

Lycurgus Lacedæmoniorum rex, cum audiuisset quendam, qui Democratiâ mirum in modum probabat. Quin tu, inquit, primùm domi tuæ democratiâ, id est, commune imperium instituito. Docuit autem compendiosissimè, eam gubernationem Reipub. perniciosam fore, quam nemo vellet esse in sua familia. Plutarch. in Lacon. Stobæus ser. 83.

Themistoclis.

Themistocles cum ex duobus filiâ suam ambientibus bonis moribus præditum diuiti prætulisset: Virum se querere dixit potius sine pecuniis, quàm pecunias sine viro. Sensit autem vir prudentis. non obstare paupertatem hominum vitæ,

si quis rem domesticam, pro viribus curare, cum tota sua familia cupiat. Stobæus ser. 83.

Catonii.

Cum ex Catone quæreretur, quid maximè in refamiliari expediret? respondit, Bene pascere. quid secundum? satis bene pascere. quid tertium? bene vestire. quid quartum? bene arare. Cicero lib. 2. Offic.

De officio bene collocando.

Thrasea.

Thrasea dicere solitus est, suspiciendas esse causas amicorum, aut destitutas, aut ad exemplum pertinentes: amicorum, quòd ex lege Gratiarum, amicorum communia sunt omnia: destitutas, quòd in his potissimum & constantia agentis & humanitas cerneretur: ad exemplum pertinentes, quia plurimum referret, bonum an malum ducem haberent. Frequenter enim bonæ causæ vitio patronorum vincuntur. Expedit autem ad bonos mores, ut in iudiciis succumbat prauitas, superet innocentia. Refert Plinius in epistola ad Quadratum.

Sigismundi Cæs.

Coram Sigismundo Romanorum imperatore, quum gloriabundus quidam eques, vrbanos magistratus paruifaceret, tribunosque militum laudibus in cælum tolleret: Tace, inquit imperator, nulla nobis ò Thrase militia opus esset, si suas quique ciuitates prætores, ceterique magistratus moderatè iustèque gubernarent. Sensit autem, vbique terrarum pacem rum fore, si magistratus leges defenderent, & omni loco ac tempore diligenter suum expedirent officium, Aeneas Syl. lib. 4. Commenta. de rebus gestis Alphonfi,

Aeneas Syluij.

Aeneas Syluius legens Ennium vetustissimum poetam, homines stupidos, non homines quidem, sed homines appellasse, dixisse fertur: Ennius certè si plerosque nostri seculi reges contemplantus esset, credo non reges, sed regones appellasset: Ecclesiæ quoque prælatos, prælatones vocitasset, qui præter coronas & insulas, dignitati quòd respondeat, nihil ostendunt, Aeneas dictum leges in libro eius Commenta, 1. de rebus gestis Alphonfi, sectione 54.

De omin

De ominibus.

Dionysij.

Dionysius, cum magistratus per literas sorte crearentur, & ipsi contigisset litera μ , dicenti cuidā per iocū $\mu\omicron\rho\omicron\lambda\omicron\gamma\iota\varsigma$ id est, Morio es Dionysi: Imò, inquit, $\mu\omicron\nu\alpha\rho\chi\iota\sigma\iota\varsigma$, monarcha ero. Et adeptus magistratum, protinus imperator electus est à Syracusanis. Magni erat animi, quòd illo ioco non offenderetur, contentus omen literæ secus interpretari. Plut. in Reg. apoph.

Pauli Aemylj.

Paulus Aemylus è foro domum reuersus, quum filiam puellam nomine Tertiam reperisset lachrymantem, rogauit quid haberet? Illa respondente, Perseus nobis interiit (id erat nomen catelli, quem puella habebat in deliciis) Sit felix, inquit, ò filia, omen accipio. mōxque in bellum profectus, pulcherrimum de hoste triumphum egit. Plutarchus in Romanorum apoph.

M. Crassi.

Infra, de Superstitione.

Sexti Neronis.

In Oedipode fabula, quam Nero nouissimam recitauit, in hoc versu decidisse legitur,

$\delta\alpha\upsilon\iota\upsilon\mu\ \mu\epsilon\ \alpha\upsilon\omega\gamma\alpha\sigma\acute{\upsilon}\rho\gamma\alpha\mu\epsilon\ \mu\alpha\tau\acute{\epsilon}\rho\ \pi\alpha\tau\acute{\epsilon}\rho.$ Id est,

Insit mori me mater, vxor & pater.

Nam & Oedipus patrem occiderat insciens, matrem vxorem, duxerat: Ita Nero sciens Claudium patrem occiderat, matrem constupratam interfecerat, & Octauiani vxorem indignis tractarat modis, Sueton. in Nerone.

Othonis impera.

Otho Syluius imperator, cum in augurando tempestas esset orta, atque ipse grauiter prolapsus, identidem obmurmurasse dicitur, $\tau\acute{\iota}\ \mu\omicron\iota\ \kappa\alpha\iota\ \mu\alpha\lambda\iota\sigma\tau\omicron\varsigma\ \alpha\upsilon\delta\omicron\iota\varsigma$: id est, quid mihi cum longis tibiis? Sentiens, se frustra sacrificiis & piaculis conari placare manes Galbæ. Sueton. in eius vita.

De opinione quæ in virum sapientem non cadit.

Iphicrati.

Iphicrates cum in amicorum & sociorum agris suum haberet exercitum, nihilominus tamen vallum iacere, & fossiam

fodere voluit. quam ob causam cum à quodam parum fortis & animosus iudicaretur esse, respondit: Pessimam ducis esse vocem dicere, Non putaram. Significans, in rebus tranquillis interdum exillere periculum, quod nullus expectasset. Aduersus inopinatos igitur casus prospexit suis copiis, ne si quid accidisset, dicere cogeretur, Non putaram. Hoc verò Latini adscribunt Scipioni. Ad Iphicratem autem refert Plutarchus in Græcorum impera. apoph.

Sphæri Philosophi.

Suprà titulo, de Argutè dictis.

De oraculis.

Epaminonda.

Cum Lacedæmonii copias in Thebanos educerent, variâque Thebanis ferrentur oracula, quorum alia victoriam illis pollicebantur, alia diuersa prædicebant, Epaminondas iussit, bene promittentia ad dextram tribunalis poni, contraria ad læuam. Atque omnibus hunc in modum dispositis, surrexit, dixitque: Si volueritis parère ducibus, & conglomerati in hostem tendere, hæc vobis sunt oracula, ostensis melioribus. quod si ad conflictum segnes timidique fueritis, hæc oracula vobis reddita sunt: ostensis deteriora pollicentibus. Mirè, nec oraculorum contempsit authoritatem, nec animos militum his delicti passus est: sed interpretatus est, Deum prospera pollicere strenuis, infausta timidis, quasi à nobis pendeat rerum euentus. Plutarchus in Græcorum apoph.

Alexandri regis.

Alexander Macedo Delphos profectus, cum sacerdos negaret se consulturam deum, quod dies essent nefasti, quibus ne oraculis quidem loqui fas esset: vi pertracta secum sacerdote, templum ascendit. quumque illa importunitatè victa diceret: Inuictus es. ô fili: Satis, inquit Alexander, oraculi est. mulieris vocem responsi loco ducens. Plut. in Alexandro.

De orationis vehementia.

Zenonis.

Zeno Cittieus dicere solebat, Formam esse vocis florem. Nam loquentis orationem forma commendat, & rursus oratio composita gratiam addit formæ. Laert. lib. 7. cap. 1.

Eiusdem.

Idem eleganter ac politè loquentium sermones aiebat esse similes

similes pecuniæ Alexandrinæ, oculis blandienti, atque vndique scripturam habenti more numismatis, nihilo tamen esse meliorem. Rursus qui magis studerent vtilia dicere quam nitida, similes esse dicebat tetradrachmis, temere ac ruditer percussis, quæ sæpe picturatis illis nummis præponderarent. In nummo non spectatur elegantia sculpturæ, sed pondus ac materia: ita non refert, quam sit elegans oratio, sed quam grauis & vtilis. Laertius lib. 7. cap. 1. *Scopeliani.*

Scopelianus Herodis Attici præceptor, Polemoni obiicienti, & inter dicendum pulsaret tympanum: Tympanizo, inquit, sed Aiæis clypeo, haud inficians, se in agendis causis interdum vti verbis ac figuris vehementioribus: at non inani strepitu, sed ad causæ patrocinium accommodis. Philost. in Sophistis.

Demetrii Phal.

Demetrius Phalereus, quantum in bello valeret ferrum, tantum dicebat in Repub. valere orationem. Illic enim res geritur viribus, hic persuasione. Laert. lib. 5. cap. 5.

De oratione nimis elaborata.

Periclis.

Pericles, Xantippi filius, quotiescunque verba facturus in concionem prodiret, optabat vt sibi nullum eiusmodi verbum excideret, quod populum exasperare atq; irritare posset, aut quod illi contrarium esset, aut cum ipsius voluntate pugnare videretur. Vnde liquet, quam præmeditatus Pericles orationem habiturus, in publicum venerit. Aelia. lib. 4. de Var. histo.

Platonis.

Polus sophista reperisse dicitur quasdam orationis delicias, veluti contraria inter se reddita, membra comparia, similiter desinentia, quibus immodicè putatur vsus. His ornamentis cum se iactaret insolentius, Plato sic hominem taxauit: ὁ πολέ, ἦν αὖ ποσὶν αὖ κατὰ σι: id est, O Pole, vt te tuo alloquar modo. Polus Græcè sonat pullum equinum: ipso itaque statim nomine tetigit hominis arrogantiam. Imitatus est & ὁ μοι ὁ πωτορ: πωτορ αὖ κατὰ σι. Laert. lib. 3.

Nicostrati.

Zeuxis pictor insignis cum Helenam pinxisset, Nicostratus pictor stupefactus imaginem intuebatur, sic vt manifestum esset, cum picturam admirari. accedens itaque quidam, rogabat, quidnam tantum artem admiraretur: At ille: Non, inquit, id

me rogares, si meos oculos haberes. Ego verò idem de oratione dixerim, nisi qui eruditus habeat aures, nō facile sano iudicabit iudicio. Aelia. lib. 14. de Varia hist.

Demonactis.

Demonax Phauorini dictionem vt nimium compositam, ac mulieri congruentiorem quam philosopho, solebat discipulis incescere. Id indignè ferens Phauorinus, adiit Cynicum, percontans quis esset ille à quo derideretur? Homo, inquit, cuius aurbus difficile est imponere. Philosophum, vt veltis neglectior, ita & oratio decet in affectata. Eras. lib. 8. apoph.

Antigoni.

Antigonus rex quandam rhetorem audiens ita loquentem: Hora niuium iaculatrix adueniens, regionem herbis defectam reddidit: Non desines, inquit, mecum vt cum turba agere? Offensus est rex oratione nimis elaborata, cuiusmodi verborum apparatus solent se venditare rhetores apud imperitam multitudinem. At idem apud regem facere, erat illius abuti patientia. Quoniam autem affectata sermonis structura, Latine non perinde potest exprimi, Græca ponam, *χιονοβία* ἡ ἀγ. ὡς γὰρ λέγουσι, *ἀποβόλαιον* ἔστι τὸν τὴν χιόναν. Pro *χιονοβία* ἡ ἀγ. dicere poterat *hyems*: & *ἀποβόλαιον* verbum est affectatum, vixque poeta concedendum. Plutar. in reg. apoph.

Ciceronis.

Quum M. Lepidus in senatu dixisset, Patribus conscriptis, ne dicam circumscriptis: Ego, inquit Cicero, nō tantū fecissem *ἀποκρίνω*. Affectauit Lepidus schema vocum similiter desinentium, quod rhetores *ἐκκρίνω* vocant. At satius erat schema perdere, quam senatum offendere. Quamquam in his verbis non tantum est *ἐκκρίνω*, verum etiam *παρανομασία*, schema priore iucundius. Eras. lib. 4. apoph.

Augusti Cæs.

Meccenas, vir aliis laudatus, in stylo lasciuiebat, verbis affectatis & compositioni insolenti frequenter indulgens: Augustus contra, verbum insolens quasi icopulum fugiendum esse dicebat. Ad alios itaque scribens, stylo simplici consuevit uti: Meccenati verò, quem familiariter amabat, scribens, Meccenatem imitari solebat: adeo vt in quadam epistola, multa liberius ac dissolutius iocatus, hanc adiecerit clausulam: Vale mel gentium, metuelle, ebur ex Etruria, lafer Aretinum, adamas Supernas, Tyberinum margaritum, Cilneorum sinaragde, iaspis figulo

figulorum, berillæ Porfennæ, carbunculum habeas, *ἡ δὲ συνήθεια πάντα μάταια* mœcharum. Sic irrisit parum viriles amici in scribendo delicias, Eiusdem *μυροβρύχης* cinnnos iocis exagitare consuevit, voces ac sententias ineptas sœtiores appellare solitus. Sermonem amabat purum & elegantem, qui sententiam quàm apertissimè declararet. Nec Tiberio pepercit, interdum reconditas & exoletas voces aucupanti. M. Antonium increpabat, velut ea scribentem, quæ homines mirentur potius quàm intelligant. Quin & Agrippinæ neptis ingenium collaudans, hoc adiecit: Sed opus est dare te operam, ne molestè loquaris. Eras. lib. 4. apoph. ex Suetonio.

Pacati.

Oscus rhetor cum eloquentissimus esset, illius tamen orationem nil aliud vitiabat, quàm affectatio: nihil enim sine schemate dixit unquam. Ideoque cum Pacatus rhetor Massiliæ ei obuiam factus esset: Poteram, inquit, dicere, Ave Osce. Affectatorem affectata salutavit oratione. vltus enim est ironica occupatione, præter omnem necessitatem, vt irrideret hominè semper affectatè loquentem. Recitatur à Brus. lib. 4. cap. 31. & Eras. Roter. lib. 8. apoph.

De oratione incomposita.

Themistoclis.

POSTEAquam Themistocles primùm Athenis, mox tota Græcia depulsus, ad Persarum regem confugisset, admissus, iussus est dicere. At ille respondit, orationem similem esse picturatis stragulis. nam quemadmodum, inquit, illæ dum extenduntur, ostendunt imagines: dum contrahuntur, cælant easdem, & abofent: itidem fit in oratione. Plut. in Græcor. apoph.

Antiochi.

Antiochus hoc dicto taxauit Hermogenem, vt diceret illum inter pueros esse senem, inter senes puerum: siue ob valetudinem ante tempus imbecillem, siue ob dictionis genus neglectius. Alii per iocum dicebant, illius verba planè, iuxta Homerum esse *ῥηιδίως*, quòd ea veluti pennas abiiceret. Philostriatus in Sophist. & Volat. lib. 15. Urbanorum com.

Iulij Flori.

Iulius Florus quum aliquando adolescentem tristem, eundemque scholasticum vidisset, interrogauit: Quæ causa frontis esset tam deductæ? Quia triduo, inquit adolescens, materiæ

ad scribendum destinata non inueniret exordium. Tum Florus: Nunquid tu melius dicere vis, quam potes? Ita res se habet. Curandum est, ut quam optime dicamus: dicendum tamen pro facultate. Ad profectum enim opus est studio, non indignatione. Quintil. lib. 10. cap. 3. Bruf. lib. 2. cap. 23.

Porci Latronis.

Latro Porcius, cuius ingenium supra modum miratur Seneca (fuit enim illi condiscipulus) cum Maxillus rhetor exilitatem orationis suae imputaret controuersia, diceretque: Necessse est me per spinolum locum ambulanti, suspensos habere pedes: Non mehercule, inquit, tui pedes spinas calcant, sed habet. Nam alter ariditatem ingenii imputauit materiae. Bruf. lib. 4. cap. 31. & Eras. Rot. lib. 8. apoph.

Catuli.

Quum orator quidam malus, qui in epilogo se putabat mouisse misericordiam, postquam assedit, rogaret Catulum, Videreturne mouisse misericordiam? Ac magnam quidem, inquit: Neminem enim esse puto tam durum, cui non oratio tua miseranda visa sit. Cicero lib. 2. de Oratore. Eras. lib. 6. apoph. Bruf. lib. 4. cap. 3.

De oratione quae parum ad rem.

C. Iulij.

Curio orator, praeterquam quod in cogitando esset tardus, in instruendo dissipatus, parumque rerum propositarum meminisset, in vtraque etiam partem toto corpore vacillabat in oratione. In hunc vrbane C. Iulius iocatus est quae fuit enim, quis loqueretur è lintre? Cicero de Claris oratoribus. Bruf. lib. 4. cap. 31.

Fl. Virgini.

Vrbane Flavius Virginius antisophistam quendam suum interrogauit, Quot milia passuum declamasset? Taxans eum, quod in declamando discurreret, nimiumque crebras, longas ac tumultuarias haberet ambulationes: cum M. Tullius oratori non concedat procursiones, nisi raras, moderatas ac breues. Eandem ob causam Sura Manilius Domitio Afro dictus est non agere, sed satagere, Vtrumque refert Fabius, cap. de Pronuntiatione.

Cassij Seueri.

Salsum est illud Cassii Seueri, qui aduersus patronos immo-

dicere

dicè discurrentes, vt interdum se proriperent in aliena tribuna-
lia, poposcit lineam. alludens ad certamina cursus, in quibus
vna linea designabat vnde cursus inciperet, altera vbi desineret.
Idem accommodari potest in eos, qui digressionibus immo-
dicis diuertunt ab instituto. Eras. lib. 8. apoph.

De oratione aliena.

Antigoni.

Adolescens quidam Anaximenis rhetoris discipulus, ora-
tionem à præceptore meditatam, & à se recitandam, sub-
ornatus coram Antigono habebat. quúmque is inter audiendū,
quiddam scire cupiens sciscitaretur, móxque adolescens reticui-
set: Quid ais? inquit Antigonus: num ista tibi sunt in tabulis
descripta? Quod ille in adolescente iudicauit absurdum, hoc
hodie magnificū habetur, vt senes etiā apud principes orationē
à rhetore quopiā conducto sex mensibus elaboratam ediscant,
cāmque psittacorum more reddāt. Nec rarò fit, vt nemine etiam
interpellante, sibi excidant, cunctisq; ridiculi sint. Plut. in reg.
apoph.

Aeschini.

Aeschines cum propter ignominiam iudicii celsisset Athe-
nis, & se Rhodum contulisset, rogatus à Rhodiis, fertur legisse
orationem illam egregiam, quam in Ctesiphontem contra De-
mosthenem dixerat. qua perlecta, petiitum est ab eo postridie,
vt legeret illam etiam, quæ erat contra à Demosthene pro Cte-
siphonte edita: quam cum suauissima & maxima voce legisset,
admirantibus omnibus: Quanto, inquit, magis admiraremini,
si audissetis ipsum? Quo satis indicauit, quantum esset in a-
ctione situm: cum orationem eandem aliam esse putarent, au-
tore mutato. Cic. lib. 3. de Oratore.

De oratione extemporalī.

Periclis.

Pericles ad perorandum à populo sæpe lacepsitus, negauit:
quia imparatum se esse diceret. Brus. lib. 4. cap. 31.

Chrysippi.

Chrysippus Stoicus dicere solebat, cogitationem orationis
esse fontem. Nihil autem aliud hoc dictorio voluisse videtur,
quàm negocium omne prius probè examinandum esse, de quo
dicturus es, & tum demum orationem neruis omnibus absolu-
tam struere te posse. Stob. serm. 1. de Prudentia.

Demosthenis.

Demosthenes cum ad ineptum, ac nullius bonæ frugis extempore dicere ac consultare iussus, & accersitus ad consulendum esset, recusavit: Non enim, inquit, instructus sum. Bruti lib. 4. cap. 31. Simile ei quod de Pericle iam positum est.

Eiusdem.

Idem Epicli opprobianti, quod semper dicturus meditaretur: Erubescerem, inquit, optimo iure, si tantæ multitudinis consulens, dicerem extempore. Quod alii præclarum esse ducunt, subito ex imparato dicere, id vir cordatus iudicabat esse temeritatis. Erast. lib. 8. apoph.

Eiusdem.

Idem quum postridie concionem ad populum habiturus esset, totam noctem præcedentem vigilabat: scilicet ad meditando & edificandum, quæ dicturus erat. Hanc igitur ob causam Pythias torquebat in ipsum scemina, sententias eius ellychnia redolere dicens. Ex Aeliano recitat Stob. serm. 27.

Demadi.

Demades orator clarissimus iocari solebat in Demosthenem, quod cæteri quidem oratores dicerent ad aquam, ipse verò & scriberet. taxans eum, quod nunquam nisi de scripto diceret, tum esset *idponens*. Contrà Demades, ut largius bibeat, ita valebat extemporalis dictione. Rhetores olim dicebant ad clepsydram.

De orationis habitu, pro re & tempore variando.

Socrati.

Lysias quum Socrati orationem, quam in eius defensionem composuerat, recitasset: Præclara, inquit, & elegans est oratio, sed non conuenit Socrati. Erat enim forensi instituto aptior, quam philosopho. Rursus Lysias percontanti, cur si bonam iudicaret orationem, putaret libi non conuenire? Nonne, inquit, fieri potest, ut amictus aut calceus elegans sit, ac pulcher, qui tamen alicui non conueniat? Quo dicto ostendit, eam orationem gratam esse, quæ suo loco suisque personis conuenit. Cic. lib. 1. de Oratore.

Agessilai.

Apud Agessilaum Lacedæmoniorum regem, cum quidā rhetoricum laudasset, quod mirifice res exiguas verbis amplificaret:

Ego,

Ego, inquit rex, ne suturem quidem arbitrarer bonum, qui paruo pedi magnos inducat calceos. Sensit vir prudentissimus, cum demum bene dicere, cuius oratio rebus conuenit, ex quibus orationis qualitas potius quam ex artificio petenda est. Plutarc. in Lacon. Eras. lib. 1.

Archidami.

Quum Græci nollent rescindere pacta, quæ cum Antigono & Cratæro pepigerant, & amplecti libertatem, quam offerebat Archidamus, veritè ne grauiores essent habituri Lacedæmonios quam Macedones: Ouis, inquit, semper eandem edit vocem: cæterum homo multas ac varias emitit voces, donec quod decreuit confecerit. Hoc dicto significans, fallendam esse fidem, si qua magna inuitet vtilitas. Nullum autem est animal, cui tam varia vox sit, quàm homo. Hoc apophthegma videri possit indignum Lacone, nisi post integritas eius gentis, barbarorum commercio degenerasset. Dicti pòt honestus aliquis vsus esse: veluti si quis admoneat, pro tempore, proque re nata variandùm esse sermonis habitum. Est vbi loquendum sit seuerius, est vbi blandius: est vbi magnificentius, est vbi submissius: est vbi iucundius, est vbi durius, id si fiat citra perfidiam, prudentia est. Porro ouilli mores dicuntur hominùm stupidorum, qui sese nesciunt rebus ac personis accommodare. Græcorum igitur constantiam Archidamus stultitiæ tribuit, qui proposita libertate nollent mutare vocem. Plut. in Lacon.

Ctesiphontis.

Ctesiphontem ex vrbe eiecerunt Lacedæmonii, quòd gloriaretur, se de re quauis totum diem posse dicere: Boni oratoris esse dicentes, sermonem habere rebus parem. Nulla quippe in re iustius putarunt exercere frugalitatem, quam in oratione, quam Hesiodus non aliter quam preciosum thesaurum parcissimè censet esse depromendam ad vsum, non ostentationem. Idem.

De oratoribus.

Diogenh.

Diogenes Cynicus oratores carpebat, quòd studerent iusta dicere, sed eadem facere negligerent. Laertius lib. 6. Eras. Rot. lib. 3. apoph.

Eiusdem.

Idem oratores, qui summo in precio habebantur Athenis, dicebat turbæ ministros, quòd ad gratiam loqui cogerentur, ac seruil

seruili ter adulari stolidæ multitudini. Coronas autem dicebat esse gloria pustulas, & *καυδὶ μακρὰ*, qualia nonnullis progerminant in naso, vultuque, ex bile. Laertius lib. 6.

Eiusdem.

Idem in caupona prandens, Demosthenem fortè prætereuntem inuitauit vt accederet. Id cum ille pudore recusaret: Erubescis, inquit, Demosthenes cauponam ingredi: atqui hic herus tuus quotidie versatur. Innu it, oratores nihil aliud esse, quàm mancipia populi: nec esse par, vt illic pudeat seruum populi videri, vbi populus assidue viueret. Bruson. libr. 4. cap. 31. & Eras. Rot. lib. 8. apoph.

Eiusdem.

Idem oratores ac cæteros omnia ad gloriam facientes, appellabat *πρωτοπώτας*, id est, ter homines, ancipiti dicto. Nam vt vulgus hominem esse negat, qui nec doctus est, nec humanus: ita philosophus hominem vocabat miserum, qui nihil haberet supra hominem. Siquidem iuxta Homerum, nullum animal homine miserius. Proinde ter homines dixit, ter miseros, qui sua studia omnia conferrent ad rem inanissimam, ac populari multitudini, multorum capitum beluæ seruirent seruitutem. Lacr. lib. 6.

Demosthenis.

Demosthenes interrogatus, quomodo orator factus esset? respondit: Dum plus olei quàm vini absumerem. Ex Diomede. Meminit etiam Bruson. lib. 4. cap. 31.

Eiusdem.

Phocion Atheniensis breui oratione utebatur, cæterum grauiissima. quem cum surgentem vidisset Demosthenes: Ecce, inquit, mea orationis culter surgit. Bruson. lib. 4. capite 31.

Pyrri.

Pyrrius Epirotarum rex dicere solebat, plures vrbes suo imperio additas oratione Cynæ oratoris ac legati, quàm suis armis. Val. Max. & Brus. lib. 4. cap. 31.

Vide titulum de Eloquentia.

De ordine.

Attily.

Attilius dicere solebat, sic adolescentes in foro auspicari à causis centumviralibus, vt pueri solent in scholis ab Homero, quod vtrumque sit maximum: quum oporteat paulatim per

per gradus ad id quod summum est peruenire. Meminit Plinius ad Maximum.

De osculo.

Maximini Imp.

Maximinus senior nunquam ad oscula pedum quenquam admisit, dicens: Dii prohibeant, ut quisquam ingenuorum pedibus meis oscula figat. Et ubi sunt interim qui non solum ingenuos, verum etiam summos monarchas ad oscula non pedum, sed calciorum, non dicam admittunt, sed inuitant, & quodammodo cogunt. Hæc Eras. Rot. lib. 6. apoph. ex Capitolino.

De ostentatione.

Aristippi.

Quendam sibi vehementer placentem de natandi peritia, non tulit Aristippus: Et non te pudet, inquit, tam insolenter his de rebus iactare te, quæ delphinum sunt propria? Lepidius erat si dixisset, ranarum. Decet hominem gloriari super his quæ sunt hominis propria. Nihil autem magis conuenit homini, quam ratione pollere. Nullus tam peritus natator est, quin hic à delphinis superetur. Laetius lib. 2. cap. 8.

Eiusdem.

Suprà de Ebrietate, vinolentia & bibendi ratione.

Antalcida.

Cum Atheniensis quidam Lacedæmonios appellaret indoctos: Soli igitur nos, inquit Antalcidas, nihil mali à vobis didicimus. Sensit, artes quibus se iactabant Athenienses, magis ad ostentationem, ocium ac voluptatem esse accommodas, quam ad rempub. gubernandam, ad quod nulla disciplina decet Lacedæmoniiis. Plut. in Læon.

Aug. Caesaris.

Miles quidam in expeditione saxo percussus, notabilique in fronte cicatrice deformatus, quoniam honesto vulnere erat insignis, immodicè sua facta iactabat: eius insolentiam Augustus leniter castigauit: At tu, inquit Caesar Augustus, caue ne quando fugiens, post te respexeris. Subindicans, fieri posse, ut vulnus de quo nimium se venditabat, non in prælio, sed in fuga accipisset. Macrob. 2. Satur. Augusto ascribit. & Quintil. Casari. Eras. 4. apoph.

De

De ostentis.

Catonis.

Q Vidam manè surgens, reperit caligas à foricibus arrosas, hoc ostento turbatus, consuluit Catonem, quid mali portenderetur? Ille verò: Non est, inquit, ostentum, quòd forices arrosauerunt caligas: sed si caligæ arrosassent forices, id demum fuisset ostentum. Eras. lib. 5. apoph.

Syllæ.

Quum Sylla defectus necessariis, cogeretur etiam diis dicat tangere, Caphim amicum Delphos miserat, vt pecunias ac donaria ad se perferret. Quibusdam verò dicentibus, intra tempus auditum citharæ sonitum: quod ostentum interpretabatur, quasi Apollo citharædus indignaretur: Caphis audita perscripsit Syllæ. cui faceret rescripsit Sylla: Quin tu Caphi potius interpretaris istud esse signum gaudentis & exultantis Dei, quàm indignantis? Itaque perinde vt Deo hilariter tribuente, tu quoque bono animo pecunias accipe. Ibidem.

Vespasiani.

Vespasianus quum Cæsareum mausoleum repente patuisset, tum stella crinita apparuisset, aliis interpretantibus, Cæsaris interitum portendi: ille faceret interpretatus est, prius ostentum ad Iuliam Caluinam pertinere, quòd ea esset de gente Augusti: posterius ad Parthorum, siue vt Aurelius Victor tradit, Persarum regem, qui capillatus esset. Sueton.

DE PACE.

Cræsi.



Ræsus Lydorum rex à Cyro captus, hoc argumeto pacem bello prætulit, quòd pacis tempore filii sepelirent patres: in bello contra, patres sepelirent liberos. Erasmus libro sexto apophthegma.

Epaminondæ.

Meneclides inuidens Epaminondæ gloriæ, suasis populo, vt pacem haberent bello potiore. Cui Epaminondas: Fallis, inquit, ciues tuos, qui oculi nomine eos ad seruitutem vocas. Pax enim bello paratur: nec eam tueri licet, nisi ciues sint ad bellum instructi. Erasmus Rot. lib. 5. apoph.

Pomp.

Pomp. Attici.

Pomponius Atticus in funere matris, quā extulit nonagenariam, ipse natus annos sexaginta septem, gloriatus est, quod nunquam cum matre in gratiam redisset, nunquam cum sorore fuisset in similitudine, quam propè æqualem habuit. Hanc vocem se ab ipso audisse scripsit Cornelius Nepos. Plus autem est, non redisse in gratiam, quā non fuisse in similitudine. Matrem nunquam offenderat: inter ipsum & sororem, etiam si quid incidit offensarum, nunquam exierunt in similitudinem: quæ tamen inter fratres & sorores frequenter acerrime solent existere, Eras. lib. 6 apoph.

Probi imp.

Probus imperator dixisse fertur, Breui milites necessarios non habebimus. Sperabat tantam pacem, ut nihil opus esset exercitu. Hanc mentem utinam Deus immittat omnibus nostris seculi principibus. Flavius Vopiscus.

Antonini Pij.

Antoninus Pius adamabat illam Scipionis celebratissimam sententiam, subinde dicēs: Se malle vnum seruare ciuem, quā mille hostes occidere. Pacem videlicet bello præferēs: & in ipso bello sentiens hanc oportere primam esse ducis curam, ut quā minima ciuium iactura paretur victoria. Iulius Capitolinus.

Othonis imp.

Otho Syluius, cum videret aut deponendum imperium, aut magna ciuium strage tuendum, statuerat sponte mori. & amicis ac militibus hortantibus, ne tam citò de belli euentu desperaret: negauit sibi suam vitam esse tanti, ut hac de causa bellum ciuile nasceretur. Quis non miretur hunc animum in principe ethnico, eoque trigintatres annos nato? Eras. Rote. lib. 8. apop.

Alphonfi regis.

Alphonfus Aragonum rex, Ludouico Rodio (quo, propter eius singularem diligentiam ac fidem, perpetuo ferè oratore in Italia vius est) renunciente, pro pace, quam Venetis & Florentinis daturus esset, plus quā ducenta millia aureorum extorqueri posse, respondit, Pacem dare se, non vendere solitum esse. Panor. lib. 3. de reb. gestis Alphonfi.

Eiusdem.

Idem, quum esset Valentia, appulerunt eò loci Caroli Francorum regis legati, magnopere eum rogantes, ne per id tēpus, quo rex eorum bello Britannico implicatus esset, contra se bellum

Ium aliquod suscitaret (quàm maximè enim verebatur Carolus, ne Alphonsus captato tempore & occasione, cum armis la-
cesseret, propterea quòd ius aut titulum prætenderet in eam
partem Gallia: Narbonensis, quam incolæ sua lingua Hoccita-
nam vocant) respondit rex: Etsi certò scio, plures Narbonensis
Gallia: ciuitates ad Aragonia: regnum pertinere, quas Carolus
rex iam pridem occupatas detineat: nihilominus tamen hoc tẽ-
pore, quo illum intelligo bello superatum, & à Britannis protri-
tum esse, nequaquam me arma contra profligatum regem mo-
turum esse vobis affirmo: neque eo animo esse, vt quod maio-
res mei in Caroli prosperitate non petierunt, ego in eius repe-
tam calamitate, Anton. Panor. de rebus gest. Alphonsi, & Aen.
Syl. de eius dictis.

Vide tit. de Concordia.

De pallore.

Diogenis.

Physicus quidam cum Diogenem interrogasset, quam ob
causam aurum palleret? Quoniam, inquit, plurimos habet
sibi insidiantes. Laert. lib. 6.

Catonis senioris.

Caro senior non probabat adolescentes, qui castigati palle-
scent: sicut enim rubedo bonum in adolescente signum est,
sic pallor pessimum. Plut. in Rom. apop.

De Parasitijs, vide in titu. de Adulatione.

De parentum amore in filijs.

Socratis.

Socrates, qui Delphici Apollinis oraculo omnium sapientis-
simus pronuntiatus est, cum fortè cum Lamproclo filiolo
pueriliter luderet, ab Alcibiade vehementer derisus est. At ipse:
Non est, inquit, vt me parentem cum filio ludentem rideas im-
moderatus, qui ignoras parentum in filios affectum. tacebis
itaque, donec & ipse liberos genueris, similia tentaturus, & for-
tasse magis puerilia. Aelianus lib. 12. de Varia historia.

Agefilai.

Agefilaus Lacedæmoniorum rex, quum miro esset affectu
erga liberos suos, dicitur aliquando a undine pro equo cõscen-
sa, vnà cum pueris lusisse domi. Id cum fortè vidisset ex amicis
illius quidã, rogabat, ne cui diceret quod viderat, priusquàm ipse
quoq;

quoque liberorum parens esset factus. Festiuè subindicans, cum lulum non esse leuitatis, sed pietatis: ne hoc quod agebat, videri posse ineptum ei, qui modò expertus esset, quàm ingens sit affectus charitatis parentum erga filios. Plutarchus in Lconicis apoph. & Aelianus lib. 12. de Varia histor. Simile cum superiore Socrati attributo. *Demetrij.*

Cum Erasistratus Demetrio Antiochi filii mentem, qua mori destinarat, indicasset, simulque fassus esset, huius affectionis causam esse amorem: Demetrius, qui adolescentem vnicè ad amabat, per omnia multis cum lachrymis cœpit obtestari, vt illius incolumitati consuleretur: cum Erasistratus addidisset, immedicabile malum esse, quod in ipsius vxorem deperiret. hoc audito, Demetrius multo vehementius cœpit obtestari, vt ob salutem filii cederet illi suam coniugem. Ista, inquit, ô pater, tibi faciliè dicuntur: sed aliud diceres, si tuam coniugē Stratonicen adamaret. Hic cum rex deos comprecaretur, vt liceret amorem filii conmutare, & à medici coniuge in suam transferre, nihil se non facturum, si modò liceret seruare filium: Erasistratus patris dextram amplexus, Nihil est (inquit) ô rex, in quo iam Erasistrato indigeas. Etenim cū & pater sis & maritus & rex, optimus eris tuæ familiæ medicus. Non enim in coniugem meam, sed in Stratonicen tuam Antiochus deperit. Post hæc Demetrius edixit, vt Antiochus, rex: Stratonice, quam filio celsit, regina nominaretur. Plut. *Cesetij.*

Cesetius eques Ro. cum à Cæsare filium abdicare iuberetur, quòd is tribunus pl. cum Marulo collega ei inuidiam mouisset regni affectati: Citius, inquit, Cæsar tu mihi omnes filios meos accipies, quàm ego ex his vnum nota pellā mea. Eras. li 6. apo.

De parentum seueritate in filios.

Damatria.

DAmatria, quum accepisset filium ita se gerere in bello, vt tali matre videretur indignus, domum redeuntem interemit: maluit filium habere mortuum, quàm bello inutilem. Qua de re hoc fertur epigramma:

Transgressum leges mater Damatria natum,

Ipsa Lacena necat, non Lacedæmonium.

Hoc facinus propius accedit ad barbaricam immanitatem, quàm ad fortitudinem: vt ile tamen exemplum est, ad exprobrandam vulgò matrum nimiam in liberos indulgentiam, quæ

ob hoc ipsum saepe impotentius amant eos, quod sint nequitia corruptissimi. Plut. in apoph. Lacænarum.

Teleucia.

Chii exules cum Spartam venissent, multis modis Pædarum inculcabant. Eos Teleucia mater cum vocasset ad se, explorans ea, quæ in filio reprehensione digna essent, scripsit hunc ad modum filio, ut aut ignominiam omnem ablueret, aut in patriam incolumis non veniret. Ibidem.

Alia.

Altera, filio iniuriarum postulato: Aut crimine (inquit) fili, aut vita te ipsum libera. Mater in filium seuerior, quam iudex: quæ extinctum malebat, quam cum ignominia viuū. Ibidem.

Alterius.

Lacæna quædam filium, qui in acie loco cesserat, domum reuerentem occidit. noluit enim alere filium, qui in bello cæteris ignauia exemplum esset. Plut. in apoph. Lacænarum.

Alterius.

Lacæna quædam mulier, quum accepisset quod filius peregrè agens, inhonestè se gereret, scripsit illi: Malus rumor de te sparsus est: hunc tollito, aut non esto. Plutar. in apoph. Lacænarum.

Manlij Torquati.

Manlius Torquatus, cum è Macedonia venissent legati, gratias querelas deferentes de filio eius Decio Syllano, qui eam provinciam obtinuerat, à senatu petiit, ne quid ea de re statuerent, priusquam ipse causam cognouisset. Cum senatus illi cognitionem detulisset, domi sedit, solusque utrique parti per totū biduum vacauit, tertio die pronunciauit in hanc formā: Quum Syllanum filium pecunias à sociis accepisse probatū sit, & Republica eum, & domo mea indignum iudico, protinusque è conspectu meo abire iubeo. Eras. Rot. lib. 6. apoph.

A. Fuluij.

Aulus Fuluius filium ingenio, literis & forma florentem, quoniam in Catilinæ castra properabat, ex itinere retractum occidit, dicens: Ego te non Catilinæ aduersus patriam, sed patriæ aduersus Catilinam genui. Eras. lib. 6. apoph.

Augusti Cæs.

Suprà de Facetè & iocosè dictis.

De Parentum obscuritate, vide titulum de Ignobilitate.

De Parentibus pie colendis, vide suprà titulo, de Filiorum pietate in parentes.

Par

Par pari relatum.

Socratis.

Socrates cum in quendam amicum vehementius esset in-
suectus: Nónne præstabat, inquit Plato, ô Socrates, priuatim
te hominem monuisse? Et Socrates: Et tu non fecisses melius, si
priuatim seorsimq̃ue monuisses. Bruso. lib. 5. cap. 16.

Diogenis.

Diogenes Cynicus quum cœnaret apud amicos, quidam in-
ter cœnandum ei ossa dedit in suum discum, caninos eius mo-
res notans. Verùm Diogenes propius accedens, mingeat in
hominem vt canis. Laert. in eius vita. Bruso. lib. 5. cap. 16.

Eiusdem.

Midia cum in pacto Diogeni colapho dixisset, tria milia ti-
bi in mensa sunt posita: per ludibrium illi gratulans, quòd pro
colapho tantum nummorum ex multa ad ipsum esset reditu-
rum, si lege ageret. At Diogenes postridie sumpto pugilum lo-
ro, eoque impacto Midia, totidem verbis dixit: Tria milia ti-
bi in mensa sunt posita. Laert. lib. 6. cap. 2. Bruson. lib. 5. cap. 16.

Dionis.

Dion exul, cum Pteodoti Megarensis opera opus haberet, & ad
ædes illius veniens, videret illum ob negotiorum magnitudi-
nem ægrè quenquam admittere, amicis ob id indignantibus,
dixit: Quid hunc inculamus? Nónne & ipsi, cum Syracusis esse-
mus, eadem faciebamus? Eras. lib. 5. apoph.

Agathoclis.

Infra de Lepide dictis.

Apollonij.

Medorum rex cum ad Brachmanas philosophos Indos ac-
cessisset, csetq; ibi Apollonius Tyanæus, præter cætera inepta,
quæ rex dixerat, dicit etiam Apollonio: De me dic quæso, qua-
lis apud Græcos est sermo? Idem, inquit Apollonius, qui apud
vos de Græcis habetur. Nulla igitur, inquit rex, apud Græcos
mentionem sum dignus? At ego, inquit Apollonius, de te nun-
cium feram, vt in Olympiis te coronent. Bruso. lib. 5. cap. 16.

Hircani.

Ptolemæo cœnante, cum vnà cœnaret Hircanus Iosippi fi-
lius, missus à patre ad congratulandum Ptolemæo, ob filii na-
tiuitatem, proticientibus omnibus de industria conuiuii ossa
ante illius pedes, Triphon scurra: Rex, inquit, omnia Hircano

anteposita ossa sunt. Ex quibus conice, patrem eius omnem Syriam denudasse. Ridente rege, & interrogante Hircanum, Cur tot ossa ante se haberet? respondit: Nam canes semper ossa cum carnibus deuorant: homines verò carnes comedunt, ossa iaciunt. Ibidem.

Dionysij sen.

Dionysius senior egegium quendam citharædum magnificis promissis ad se pellexit, iubens vt quàm optimè caneret. Nam quo scitius caneret, hoc plus laturum præmii. Quum ille per dies aliquot accuratè cecinisset, nec quicquam daret rex, cœpit flagitare mercedem. Tum Dionysius asseuerabat, se mercedem quàm pollicitus fuerat, bona fide soluisse. Qui, inquit ille, ne nummus quidem mihi datus est. At dedi, inquit Dionysius, voluptatem pro voluptate. Neque enim ego te minus delectaui spe, quàm tu me cantu. Eras. Rot. lib. 5. apoph.

Pyrrhi.

Cum Pyrrhus rex falsas aduentus sui causas prætexens, Laconicam inuasisset, diripuissetque, Lacedæmoniorum legatis expostulantibus, quòd non indicto bello Laconicam inuasisset: Nec vos, inquit, Spartani, quod facturi estis, prius aliis denunciatis. Plut. in vita Pyrrhi.

Antigoni.

Demetrius, quum bello nauali Ptolemæum vicisset, misit ad patrem Antigonum, quendam Aristodemum Milesum, ad nuncium referendum. qui relictæ in anchoris naue, scapha in portum delatus, multis quid noui afferret rogantibus, semper non sine magna Antigoni sollicitudine conticuit. Ingressus regiam, porrigensque Antigono dextram, alta voce inelamauit: Salue rex Antigone, pugna nauali regem vicimus Ptolemæum, Cyprumque tenemus. Exhilaratus Antigonus: Et tu per Iouem, inquit, salue, sic enim nos torquere voluisti Milesie. Par profecto referam pari: Sed enim præmio donaberis. Bruso, li. 5. c. 16.

Cotyis.

Cotysei qui dono miserat pardalim, vicissim dono misit leonem: malam bestiam æquè mala repensans. Plutarchus in apoph. reg.

Scip. Nasica.

Scipio Nasica quum ad poetam Ennium venisset, ei que ab ostio quarenti Ennium, ancilla dixisset, cum domi non esse: Nasica sensit, illam hoc domini iussu dicere, & illum intus esse.

Ac tum

Ac tum quidem dissimulans abiit. At paucis post diebus, quum ad Nasicam venisset Ennius, eumque à ianua quæreretur, exclamat ipse Nafica, se domi non esse. Tum Ennius: Quid? ego, inquit, non agnosco vocem tuam? Hic Nafica: Næ tu es impudens: ego quum te quærerem, ancillæ tuæ credidi: tu mihi non credis ipsi? Eras.lib.6.apoph. Brufonius lib.5.cap.17.ex Cice.2.de Oratore.

M. Pinarij.

M. Pinarius quum legem ferret annalem, dissuasor & intercessor Seruilius: Dic mihi, inquit, Pinari, Num, si contra dixerō, mihi maledicturus es, vt cæteris fecisti? Faceret Pinarius: Vt sementem feceris, ita quoque metes, inquit. Bruso.lib.3.ca.16.

Laberij.

Laberius mimus cum à Cæsare in senatu ascitus esset, nec à Cicerone ad confessum reciperetur, qui dicebat, Reciperem te, nisi angustè sederemus, respondit Laberius: Atqui solebas duabus sellis sedere, obiciens Ciceroni, parum firmam in rebus fidem & integritatem. Sed id quod Cicero dixit, Nisi angustè sederemus, scomma fuit in Cæsarem, qui in senatum paucissimos multos admittebat, vt quatuordecim gradus non caperent. Brufonius lib.5. cap.16.

Diogenis.

Diogenes Grammaticus cum sabbati diebus Rhodi disputaret, Tiberium venientem vt se extra ordinem audiret, non admisit, & per seruulum suum in septimum diem vt differret admonuit. Sed hunc postea Romam profectum, ante fores salutandi eius causa astantem, nihil amplius quam vt post septimum annum rediret admonuit. Bruso.lib.cap.16.

De parricidio.

Basiani impera.

Basianus Antoninus imperator, cum magna laboraret inuidia, quod fratrem occidendum curasset: eoque Aemyljo Papiniano prætorii præfecto, ob eximiâ iuris prudentiam summæ apud Romanos autoritatis, negotium dedisset, vt hoc facinus apud senatum defenderet: respondit Papinianus, Multo facilius esse parricidiū perpetrari, quam defendi. Refert Eras. Röt.lib:8.apoph.

In Nerone.

Neronis imperatoris statuæ ascopera alligata est, cum hoc

titulo, Ego quid potui? sed tu culleum meruisti. Solent olim parricidæ culleo insui, & Nero matrem occiderat. Culleus itaque sese excusans dicit, Ego quid potui? paratus si quis te insuat: sed siue insuaris, siue non, tu tamen culleum meruisti. Potest hoc & ad Reipub. personam accommodari. Sueton.

Solonis.

Suprà de Grauitèr dictis ex M. T. Cicerone pro Sex. Roscio Amerino.

De parsimonia.

Socratis.

Socrates Aeschinem, qui premebatur inopia, solebat admonere, ut à seipso sumeret mutuum, siue vsuram, *κατὰ τὴν ἀνάγκην*. & addidit modum, sibi ipsi subtrahendo cibaria. iuxta illud, Magnum vectigal parsimonia. Expeditissima ratio est augendi census, detrudere sumptibus. Eras. 3. apoph.

Diogenis.

Suprà de Facetè & iocose dictis.

Theocriti.

Theocritus multos diuites non dominos rerum suarum, sed tutores esse dicebat. Tales autem sunt, qui cum amplissimas opes possident, ad vsum vitæ nequaquam conferunt. Stobæus sermone 14. Phauorinus 22.

Stratonici.

Stratonicus musicus interrogatus, quoniam essent in Pamphylia miserrimi? Phaselitæ, inquit: sed addebat, in toto orbe miserrimos esse Sidetas. Vtraque gens est in Pamphylia. Phaselitarum sordes prouerbio notatæ sunt, Phaselitarum sacrificium: quoddam falsis pisciculis sacrificarent diis. Miseros dixit parcos.

Alcamenis.

Suprà de Diuitiarum vsu.

Alexandri Maced.

Alexander Macedo quum hyeme frigidoque cœlo apud amicum quendam conuiuio acciperetur, videretque foculum exiguum, & ignis pusillum: Aut ligna, inquit, inferte, aut thus. Subnotans, conuiuiatorem lignis suis parcere, perinde quasi thus essent: quum in rigore tanto nec thuri parcendum esset. simul satis esse ignis ad faciendum suffitum diis, at parum ad depellendum frigus. Plutarch.

Bithyis

Bithyn parasiti.

Bithys parasitus, quum Lyfimachus rex vesti ipsius curasset affigendum scorpion lignum, aut (vt Plutarchus ait) rubetam, pulchrè asimulatum vero, perturbatus resiliit. Ridentibus omnibus, vbi dolum sensit: Et ego, inquit, te vicissim terrebore rex. Quum ille dixisset, Fac: Da mihi, inquit, talentum. exprobrans regi sordes & parsimoniam. Eras. lib. 6. apoph.

Gnathana.

Gnathana meretrix, quum quidam vini paulum infudisset in psysterium (id est vasculi genus refrigerando vino paratum) diceretque, hoc vinum sedecim annorum est: Pusillum est, inquit, pro tot annorum ætate. Hoc ipsum adscribitur Phrynæ. Eras. lib. 6. apoph.

Anonymi.

Seruus quidam ab hero Chio negociatore profugerat. Rogatus quur fugisset: Quoniam, inquit, quum adsint bona, mala quærit. Solet enim herus ille vinum mustum, primæque suauitatis vendere, ipse interim non bibens nisi subacidum ac vapescent. Eras. lib. 6. apoph.

Alterius.

Seruus quidam interrogatus quid ageret dominus: Expectat, inquit, donec vinum fiat acidum. Habebat herum perparcum, qui non prius sinebat bibi vinum, quàm acuisset. Ita fiebat, vt familia semper acidis ac vapidis vinis vteretur. Eras. lib. 6. apoph.

Laconum.

Strigilibus, quibus sudor abstergetur, non ferreis, sed arundineis Lacones utebantur in balneis, vt minus operosis, paruoque parabilibus: nusquam non memores frugalitatis ac parsimonie. Plut. in Lacon.

Anonymi.

Græculus quidã Cæsari Augusto descendenti à palatio, honorificum aliquod epigramma porrigebat, remunerationem tanti principis expectans. Verùm cum id sæpe frustra fecisset, nec destitutum videret Augustus, epigramma bene Græcum manu sua descripsit, & Græculo ad se venienti obuiam misit, veluti carmina carminibus pensaturus. Græcus acceptum legit: ac non solum voce, verùm etiam vultu gestuque corporis laudauit carmen, miratusque est. Deinde sellam accedens qua Cæsar vehebatur, demissa in pauperem crumenam manu, pauculos

obolos protulit, Cæsaris parsimoniam exprobrans, obtulit, his verbis: Non iuxta fortunam tuam Auguste, si plus haberem, plus darem. Eras. lib. 4. apoph. ex Sucto.

De partis probè custodiendis.

Xenophontis.

Xenophontis sententia vulgò celebratur: Non tam graue esse bona non accipere, quàm acceptis priuari. Stobæus, sermo. 13.

Demoſthenis.

Demoſthenes dicere solebat, plurimos hominū parare quidem diuitias bene consulendo, nihilque contemnendo: sed non iisdem artibus ipsas conseruari posse. Stob. serm. 13.

Augusti Cæs.

Cæsar Augustus deridere solebat Alexandri Macedonis dictum, qui ad consodales suos frequenter dictitabat, nil sibi à Philippo patre relinqui quod ageret. Nec quidem immeritò derisit adolescentis stulticiam, qui non contentus erat regionibus à patre subactis, sed ipse quoque bello plures sibi parare studebat: ignorans præcipuam curam eò referendam esse, non ut multa possideamus, sed ut iam parata tueamur. Non minor enim (ut ille ait) virtus est, quàm quarere, parata tueri. Cæsaris dictum recitat Plut. in Rom. apoph.

De patientia doloris.

Bionis.

Bion Boristhenites aiebat magnum malum esse, non posse ferre malum: absq; hoc enim nulli potest esse vita suavis. Laert. lib. 4. cap. 7.

Diogenis.

Diogenes adolescenti conquerenti, quòd à multis perturbaretur: Desine, inquit, & tu perturbationis indicia præ te ferre. Significans nulla re melius improbitatem lædentium finiri, quàm si, qui læditur, dolorem dissimulet. Etenim qui ob id incessunt hominem, ut illum discrucient, desinent, si viderint illum nihil commoueri. Laert. lib. 6.

Laconis.

Quidam cum videret Diogenem cognomento canem, in vehemèti frigore statuam aream amplectentem, rogauit num algeret: illo negante: Quid igitur, inquit Lacon, magni facis? Philo

Philosophus gloriæ mancipium, hoc ipsum existimabat magnificum, quod sic haberet corpus ad omnes iniurias duratum, ut in rigore frigida statim complexum ferre posset absque dolore. Id Laconi nihilo pulchrius videbatur, quam si quis in ætate simile quippiam amplecteretur, nullo suo incommodo. Plut. in Lacon.

Anonymi.

Adolescens quidam posteaquam Zenonem aliquandiu audierat, domum reuersus, à patre rogatus, quod tandem operæ precium fecisset in philosophiæ studio: Ostendam, inquit. Quum nihil aliud diceret, pater iracundus, existimans impendium perisse, coepit flagris cedere filiū. Eam parentis sæuitiam adolescens æquissimo animo tulit. Ac rursus efflagitanti patri, ut aliquod specimen profectus ederet, expectanti egregium aliquod sophisma: Hoc, inquit, è philosophia fructus retuli, ut patris iram possim commodè perpeti. Eras. lib. 8. apoph.

Antisthenis.

Antisthenes dicebat, virtutem sibi sufficere ad felicitatem, nec vlla re opus habere, nisi robore Socratico. Socrates autem ad omnium rerum patientiam obduruerat. Imbecillitas verò corporis impedit frequenter vsum virtutis. Laer. lib. 6. cap. 1.

Anaxarchi.

Suprà de Constantia, & tit. de fide seruanda.

Agésilai.

Agésilæus quum arderet podagræ doloribus, eumque Carneades inuississet, atque exiret tristis: Mane, inquit, Carneade, nihil enim illinc huc peruenit: ostensis pedibus, & pectore. Sentiens, pedes quidem dolere, sed animum dolore vacuum esse. Plut. in Lacon.

Eiusdem.

Quum verò narraretur apud Agésilæum maleficum quempiam ac scelerosum hominem constanter pertulisse tormenta: Ut insigniter, inquit, miser est homo, qui tolerantiā ac patientiam in res flagitiosas ac turpes collocet. Apud Lacedæmonios admirabilis erat malorum tolerantia: quæ si suscipiatur ob res honestas, magnam promeretur laudem: sin ob turpes, non solum non meretur fortitudinis laudem, qui tolerat, sed hoc inferior est, ac vir peior, quo constantius se gesserit: *πονηρὸς* enim Græcè & malum sonat, & translato tono, laboriosum siue calamitosum. Dolebat egregio duci, tantum animi robur ac naturæ

vim in re turpi consumptam. quam si attulisset ad res honestas, magno usus poterat esse Reipub. Plut. in Lac. Eras. lib. 1.

L. conu.

Suprà de Morte contemnenda.

Anonyma.

Virgo quædam clanculum corrupta fortum extinxit, tam interim patiens dolorum, ut nullam ederet vocem, adeo ut parturiens & patrem & alios qui aderant falleret. Nam magnitudinem cruciatus turpitudine cum honestate coniuncta superauit. Generosi animi erat, quod ignominiam pati non posset. factum ipsum habebat turpitudinem: quam ut effugeret, nixus, in quibus aliæ mulieres solent miseras voces edere, silentio perpessa est. Plut. in apoph. Lacænarum.

Alius.

Lacæna quædam, quum illi filius redisset ex acie, atque ex vulnere pedis vehementer doleret: Si virtutis, inquit, memineris ô fili, non solum non dolebis, verum etiam bono futurus es animo. At vulgus matrum solet filiorum dolorem suis querimonis & lachrymis exasperare, hæc animauit ad doloris tolerantiam. Plutarch.

Laconum.

Pueri apud Lacedæmonios in ara Dianæ, cui ab indecibili virtute cognomen Orthia, flagellis ex more totum diem cædebantur: itaque frequenter durabant ad mortem vsque hilares ac læti, concertantes inter sese de victoria, quis ipsorum diutissime fortissimeque toleraret verbera, victor cum primis celebris haberetur. Hoc certaminis genus appellabant *Ἀρξιαγῖνος*. Renouabatur autem quotannis. Huius consuetudinis originem indicat Plutarchus in vita Aristidis. Quum itaque Pausanias paulisper semotus à statione militum, rem diuinam faceret, Lydi aliquot incurfione facta, sacrificiorum apparatus diripuerunt: quos ipse cum comitibus suis comprehensos, quoniam inermes erant, loris cæcidit. In huius facti memoriam fieri cœptum est Spartæ, quod retulimus. Pausanias in Laconicis diuersam adfert huius consuetudinis causam. Quum Limnates, Gynosurenſes, Meſſoam, & Pitanenſes Dianæ sacrificarent, in diſſidium venerunt, ex diſſidio ad pugnam, adeo ut multis cadaueribus ara compleretur, reliquos pestilentia consumpsit. Hinc proditum est oraculum, aram Dianæ humano sanguine expiandam esse. Quum igitur immolarent, cuique

cuicumque fors obuénisset, Lycurgus eam maſtationem vertit in flagellationem adoleſcentulorum. Ita factum eſt, vt citra necem hominum, ara ſanguine humano expiaretur. Hoc exemplum vt imitari ſit ineptum, ita nobis exprobrat immodicam indulgentiam erga pueros, qui ſic in deliciis eos educamus, vt ad ſtudioſum quoque laborem ſint inutiles, & omnis increpationis, quamuis blandæ, impatientes. Plut. in Lacon.

Dionyſij Heracleotæ.

Dionyſius Heracleotes laborans ex renibus, in ipſo eiulatu clamitabat, falſa eſſe illa, quæ antea de dolore ſenſiſſet. quem cum Cleanthes diſcipulus eius rogaret, quænam ratio eum de ſententia deduxiſſet: reſpondit: Quia quum tantum operæ philoſophiæ dediſſem, dolorem tamen ferre non poſſem. Bruſon. lib. 2. cap. 28.

Philippi Maced.

Suprà de Iocoſè dictis.

C. Marij.

C. Marius quum in vtroque crure varices haberet, nullis vinctulis alligatus, præbuit ſeſe ſecandum: ac nec ſuſpirio emiſſo, nec adductis ſuperciliis, chirurgi curationem pertulit. Cæterum cum medicus ad alterum crus tranſiret ſecandum, vetuit, dicens, curationem non eſſe tanto dignam cruciату. Plutarch. in Rom. apoph.

Poſidonij.

Pompeius è Syria Rhodum veniens, Poſidonium quamuis ægrum reuiſere voluit: data acceptæque ſalute, quum dixiſſet Pompeius ſegrauiter ferre, quòd eum non poſſet audire: Tu verò, inquit, potes. neque committam vt dolor corporis efficiat, vt tantus vir fruſtra ad me venerit. Quum verò inter narrandum, quaſi faces ei doloris admouerentur, ſæpe dixiſſe fertur: Nihil agis dolor, quamuis ſis moleſtus, nunquam te tamen eſſe conſitebor malum. Bruſ. lib. 2. cap. 1.

Buri.

Nero in magna erat inuidia, quòd Burum principem virum crederetur occidiſſe, veneno faucibus illito, quaſi remedium adhiberetur. Ad hunc quum Nero viſendi gratia veniſſet, auctus eſt illum Burus, cui ſcelus iam erat intellectum: multræque percontanti, nihil aliud reſpondit, quàm, Ego bene me habeo. Mira etiam in moriente lenitas. Sueton.

De patien

De patientia iniuriæ.

Zenonis,

Zeno Eleates cum conuiciis lacepsitus incandesceret, reprehensus, quòd philosophus verbis improborum commouetur: Si conuicia, inquit, æquo animo sulcipro, anne laudis particeps ero? Lapidis & trunci est, inter laudem & vituperiū nullum planè habere discrimen. At philosophi, ita commoueri, vt nihilominus ab honestatis tramite nò recedat. Laer. lib. 9. ca. 5.

Eiusdem.

Idem percontanti, quo pacto esset affectus erga conuicia? Perinde, inquit, atque si legatus absque responso dimittatur. Si significans, eos qui non habent quod respondeant, ad conuicia solere confugere: eaq; non pluris oportere fieri, quàm si nihil esset responsum. Laer. lib. 7. cap. 1.

Philippi regis.

Philippus Macedo aiebat, se his qui in Republica Atheniensium administranda primores essent, plurimam habere gratiā, quòd suis conuiciis efficerent, vt ipse tum oratione, tum moribus euaderet melior: Dum conor, inquit, illos dictis pariter ac factis mendacii convincere. O verè philosophicum principis animum, qui nouit etiam ex inimicis capere vtilitatem: nec, quod vulgus solet, hoc tantum spectare, vt maledicos afficeret malo, sed vt ipse minus malus redderetur, illorum maledictis admonitus. Plu. in apoph. regum & imperatorum.

Nestoris.

Nestor apud Sophoclem, ad Atacem se conuiciis incessentē, ita loquitur:

ὃν μὴ ποῦδ' οἱ, ἀπὸν γὰρ ὃ λέλειπς λήγῃς.

De te queror nil, malè loquens facis bene.

Aliquid concedendum est viris fortibus, de quæ Republica bene meritis: & bene pensat linguæ vitium, qui factis egregius est. Eras. 6. apoph.

Fabij Maximi.

Fabius Maximus, quoniam cum Annibale configere detestabatur, sed mora copias illius & pecuniarum & cōmeatus egenas attenuabat, sequens illum per aspera montuosaque, ac subinde obiter sese opponens, à nonnullis per ludibrium dicebatur, Annibalis pædagogus. hoc conuicio nihil commotus, pergebat suum institutum sequi, dicens apud amicos: Qui dicte-

ria

ria conuiciaque metuat, eum sibi videri timidiorem his qui fugiunt hostes. Sensit, hoc turpius esse timiditatis vitium; quo leuius est periculum. Nihil autem leuius dictis: quæ qui formidat, quomodo sustinebit impetum hostium? Plutar. in Roma. apophthegma.

L. Sylla.

L. Sylla Dictator cum dictaturam præstantissimam dignitatum omnium deposuisset, vt eorum quæ fecisset, si quis exigeret, reddere ratione sciret: ab adolescente quodam conuiciis la-celsitus, dixisse fertur? Adolescens is docebit, ne quis deinceps Dictaturam sponte ponat. Tanta patientia, adolescentis infolentiam pertulit. Plutar. Appianus, & Cuspinianus in Cos.

Iunij Bassi.

Iunius Bassus Domitiæ Bassanæ querenti, quod ei sordes obiciens dixisset, illum veteres calceos videri: Nunquam meherculè, inquit, istuc dixi: sed dixi, emere solere. Atqui multo sordidius est emere, quàm videri veteres calceos. Sic irrisit mulierem, vt pro eo quod obiciebatur, subiiceret aliud illo molestius Eras. 6. apophthegma.

Tiberij Cæs.

Laudatur in hoc potissimum Tiberius Cæsar, quod honores sibi delatos semper recusauerit, adulatores suffugerit, conuiciaque patienter concoxerit, dicens, in libera ciuitate liberæ etiam linguas esse debere. Guido Bituricensis ex Suetonio.

Titij Vespasiani.

Titus Vespasianus iunior cum de crimine impietatis nunquam cognouisset, neque aliis vt cognoscerent permitteret: Nemo, inquit, iniuria me afficere, aut insequi cõtumelia potest propterea quod nihil ago quod reprehendi mereatur. Ea verò quæ falso de me dicuntur, prorsus negligo. Porro principes, qui mortem cum vita commutarunt, ipsi se, si verè heroes sunt, aut si quicquam possunt, vlciscerentur, si quis eis iniuriam faciat. Xiphilinus in eius vita.

Cassij Seueri.

Cassius Seuerus quum obiurgaretur à prætore, quod eius aduocati L. Varo Epicureo Cæsaris amico conuicium fecissent: Nescio, inquit, qui conuiciati sint, & puto Stoicos fuisse. huc alludens, quod inter Epicureos & Stoicos maximum dissidium est. Nam Epicurei felicitatem hominis voluptate metiuntur, Stoici

Stoici præter honestum nihil ducunt in bonis. Erasmus libro 6. apophthegma.

Alexandri imp.

Alexander Romanorum post interfectum Antoninum imperator, cum audisset Barbaros magno cum exercitu aduentare, ut Romanam inuaderent imperium: Decet, inquit, viros fortes atque moderatos, optima quidē optare, sed ferre quæcunq; incidant. Ut enim is qui prior lacescit, ipse sibi iniurius videtur: ita qui propulsat iniuriam, confidentior ex conscientia fit, atq; ex iustitia spem bonam mutuatur. Horodيانus lib. 6.

Huc refer titulos de Animi moderatione, de Vindicta, vel Vltione negligenda.

De patriæ obscuritate.

Anacharsidis.

ANacharsis Scythia philosophus, exprobranti cuidam Attico, quod natus esset in Scythia: Mihi, inquit, probo est patria, tu patriæ. Egregiè inculpatus est, cui nihil potest obici præter patriam. At quemadmodum laudi est, apud barbaros natum, Græcorum disciplinās scire: ita turpe est, apud Græcos natum, ad barbaros mores degenerasse. Laer. lib. 1. cap. 6.

Antisthenis.

Cum Antistheni Atheniensium philosopho quidam obieciſſet, quod matrem haberet Phrygiam: Et deorum, inquit, mater Phrygia est. Ridiculum arbitrans, cuiquam probo dari patriā, quum in damnatissimis regionibus interdum nascatur omnium foelicissima ingenia. Laer. lib. 6. cap. 1.

Aristotelis.

Aristoteles Stagirita cuidam glorianti, quod esset à magna celebrique ciuitate, dicebat hoc nihil referre: sed, an celebri patria dignus esset. Laer. lib. 5. cap. 5.

Seriphij cuiusdam.

Seriphius quidam, cum ei ciuitatis suæ paruitas vel obscuritas obiceretur: Mihi quidem, ait, patria dedecus est, tu autem patriæ. Stob. serm. 37. ex Serino. Simile de Anacharside iam retulimus.

Themistocli.

Seriphius quidam quum patriæ gloriam Themistocli obieciſſet, diceretque eum nequaquam suā, sed patriæ gloria splendorem affecutum: Nec hercule, inquit Themistocles, si ego Seriphius

phius essem, ignobilis essem: nec si tu Atheniensis, clarus vnquā fuisses. Cicero in Catone Maiore.

De patria, quæ fortī viro est vbique.

Socratis.

SOcrates quum rogaretur, cuiatem se esse diceret? mundanū se esse pronūciauit, totius enim mundi se incolam & ciuem arbitrabatur. Cicero lib. 5. Tusc. quæst.

Diogenis.

Diogenes Cynicus interrogatus à quodā, cuias esset? respondit *ἡ κοινὴ οἰκία*: id est, ciuis mundi, significans, fortī viro omne solum esse patriam. Laer. lib. 6.

Solonis.

Anacharsidem Hermippus scribit, mox vt Athenas venerat, adisse Solonis ædes. Percontanti famulo, quis, & vnde? iussisse, renunciaret adesse Anacharsidem: qui & Solonem videre, & si fieri posset, etiam hospes fieri cuperet. Solon per puerum respondit, in patria solere fieri hospites, significans, inter Græcos & Scythas non esse ius hospitii. Ad hæc verba, quibus abigebatur Anacharsis, perinde quasi iussus esset introire, ingressus est ad Solonem, dicens se iam esse in patria. & æquum esse vt hospitio iungerentur. Huius responsi dexteritate delectatus Solon, lubēs recepit hominem ad intimam familiaritatem: ex primo statim sermone deprehendens animum philosophicum, qui iudicaret esse patriam, vbicunque bene est homini. Ciues enim mundi sumus omnes. Laer. lib. 1. cap. 9.

Teucri.

Teucer audiens quosdam de patriæ dulcedine differentes: Patria est (ait) vbicunque est bene. Sunt enim multi patria exclusi, ac in exilium missi, qui apud externos multo fœlicius viuunt, quàm si assiduè apud lares paternos essent. Meminit huius dicti Cicero lib. quinto Tusc. quæst.

De patriæ amore.

Pythagora.

Pythagoras interrogatus, quomodo oporteat se gerere erga patriam ingratham? Vt erga matrem, respondit. Stobæus ser. 37. ex Platonis Critone.

Solonis.

Solon, postquam vidit rerum summam esse penes Pisistratum

tum, arma deposuit ante curiam, dicens: O patria, tibi & dictis & factis sum opitulatus. Hoc pacto testatus, sibi non defuisse voluntatem consulendi Reipublicæ in Aegyptum nauigauit. Laertius 1.

Buridis & Spart.

Buris & Spartis Lacedæmonii spontè profecti sunt ad Xerxem regem Persarum, daturi pœnas quas Lacedæmonii iuxta oraculum pendere debebant, eo quòd oratores à Persa missos occidissent. Hi quum venissent ad Xerxem, iusserunt, vt ipsos quocunque modo videretur interficeret pro Lacedæmoniis. Cunque rex admiratus & pietatem in patriam, & animorum fortitudinem, liberasset illos à pœna, peteretque vt apud se manerent: Qui possumus, inquiunt, hic viuere relicta patria, patriusque legibus ac viris, quorum gratia tantum iter susceperimus morituri? Herod. lib. 7. Plutar. in Lacon. Stobæus ser. 37.

Laconis.

Lacon in bello captus, cum sub hasta veniret, ac præco diceret, Laconem vendo: obrurauit illi os, Captiuum (inquit) prædica te vendere. Suam conditionē æquo animo tulit, patriæ ignominiam ferre non potuit in auctiōe traducendæ. Plu. in Laco.

Demosthenis.

Demosthenes quum ab Areopagitis damnatus, elapsus è carcere fugeret, & haud procul ab vrbe obuios habuisset aliquot diuersæ factionis homines, primùm abdere sese voluit, sed quum illi nominatim Demosthenem appellantes, iuberent esse bono animo, & viaticum insuper offerrent, grauiter ingemuit, dicēs: Qui possum hanc vrbe[m] relinquere, in qua tales habeo inimicos, quales amicos vix in alia sum inuenturus? Plut.

Aristidis.

Suprà de Exilio fortiter ferendo.

Phocionis.

Phocion Atheniensis, cum iam poculum veneno temperatum præberetur, interrogatus est à quodā, num quid filio suo, qui aderat, præcipere vellet? Ego, inquit, mi fili te obnixè rogo, ne quid ob iniuriam mihi nunc factam Atheniensibus malè velis, qui insontem me damnarunt. Maluit vir prudentissimus in patriam, quàm in patrem, pietatem seruare filium. Plutarc. in Græcos. apophtheg.

Aristidis.

Aristides quum iam ab Atheniensibus mitteretur in exiliū,
subla

sublatis in cœlum manibus, Deos comprecatus est, vt sic res Atheniensium prosperarent, vt illis Aristides nunquam veniret in mentem. Tanta fuit in viro isto pietas in patriam, cui etiam post dira sua fata incolumitatem precabatur. Plutarchus in vita Aristidis.

Timothei imperu.

Timotheus Atheniensium dux, cum audisset vnum ex collegis dicentem, An putas ò Timothee, gratiam nobis futuram patriam? Modò nos (respondit) patriæ dignas referre gratias queamus. Stobæus ser. 36.

Thrasibuli.

Thrasibulus, quum vellet parua manu triginta Atheniensium tyrannos confodere, dicenti cuidam, Quantas Athenæ libertatem assecuta gratias, illi essent habituræ? Dii, inquit, faciant, vt quantas ipse illis debeo, videar retulisse. Brufonius libro 5. cap. 5. Eras. lib. 6. apoph.

Cotys.

Cothys vbi cognouit, quòd Athenienses honoris gratia ciuem ipsum suæ ciuitatis declarassent, pro auxilio quod illis aduersus Dorienfes impenderat, gratiam reponere studentes: Per Iouem, inquit, & ego illis vicissim in eæ gentis ius dabo. Sentiens, nihilominus honorificum esse, Thracem, quam Atheniensem appellari. Eras. Rot. lib. 5. apoph.

Sertorij.

Sertorius sæpe victor, ad Pompeium Metellumque misit, offerens se paratum redire in urbem, si sibi permitteretur: dixitque malie se Romæ ignobilissimum ciuem, quam exulem omnium aliarum ciuitatum imperatorem nominari. Plutarchus in Sertorio.

De patria fortiter propugnanda.

Demoſthenis.

Demoſthenes quum exularet in Arcadia, Pyrhæasque pro Macedonibus dixisset: Vt domum in quam lac venale importatur, aliquid habere mali suspicamur: ita ciuitatem esse morbidam, ad quam mitteretur Atheniesium legatio: Demoſthenes eam sententiam ita retorſit. Vt lac pro sanitate agrotantium importatur, ita Athenienses pro salute ciuitatum adesse dicens. Id vbi rescituit populus Atheniensium, protinus illum ab exilio reuocarunt. Plut. in vita Demoſth.

Leonis Byzantij.

Leo Byzantius quum à ciuibus accusaretur, adhortantibus nonnullis vt ad hostes confugeret, in concionem prodians: Ego, inquit, à vobis ciues mei, quàm vobiscum interfici malo, Eras. lib. 6. apoph.

Agésilai.

Agésilau Lacedæ. rex interrogatus, cur Spartanorum Reipub. præ cæteris floureret? Quoniam, inquit, plus cæteris in eo se exercent ciues, vt pariter & imperare, & parère sciant. Quæ duæ res excludunt seditiones, & tuentur concordiam. Plutarchus in Lacon.

Eiusdem.

Agésilao ostendebat quidam ciuitatis cuiusdam muros bene tutos, validèque extructos. cùmque rogasset, viderentur ne pulchri: Pulchri, inquit, per Iouem: verùm apparet in hoc paratos, vt mulieres inhabitent, non viri. Sentiens, non aliis mœnibus rectius communiri ciuitatem, quàm strenuis ciuibus, Plutarchus in Lacon.

Eiusdem.

Idem cum interrogaretur, cur Sparta mœnibus cinctâ non esset? ciues armatos ostendit. innuens, eam demum ciuitatem munitam esse, in qua ciues de fortitudine certarent. Plutarchus in Lacon.

Eiusdem.

Alius quidam cum eundem interrogasset illud ipsum: Non saxis, aut lignis, non mœnibus & vallis ciuitatem, sed ciuium fortitudine muniri, respondit. Plut. in Lacon, apoph.

Antalcidæ.

Antalcidas muros Spartæ dicebat iuuenes esse Spartanos: fines autem Spartæ ditionis, esse lancearum cuspides. Sentiens, ciuitatem non egere mœnibus, quæ iuuentutem alat bellis idoneam: & eòusque porrigi ditionem Lacedæmoniorum, quòusque pertingerent armis. Significans, virtute, nò dolis aut pecunia propagandum imperium. Plut. in Lacon,

Polycratidæ.

Polycratidas, vnus cum cæteris missus orator ad duces regios, quum ab his interrogaretur, vtrum priuatim venissent, an publicè missi? Si impetramus, inquit, publicè: sin minus, priuatim. Vox, pii candoris in patriam index. Si cessisset ex sententia legatio, gloriam volebat Reipubli. cedere: sin minus,

nus, ignominiam repulsæ ad patriam non pertinere. Plutarchus in Lacon.

Astycratide.

Astycratidas, posteaquam in Agis superatus est apud Megalopolin in prælio aduersus Antigonum, cuidam dicenti, Quid nunc facturi estis Lacedæmoni? an Macedonibus seruituri? Quid tandem, inquit, num Antigonus vetare potest, quo minus in pugna pro patria mortem oppetamus? Generosa vox, sentiens libertatem urbis esse vitam chariorem: nec turpiter occumbere, qui pro patria pugnans moritur. Quoniam moriendi potestatem nullus hostis potest eripere: quisquis mortem contemnit, habet quo, quum vult, semet in libertatem asserat. Ea vox arguit egregiè fortem animum, sed cuius exemplum nulli bono sit imitandum. Fortius est, diuinam seruitutem quamuis duram perferre, quum morte finire dolores: multoq; sanctius est quod docet Socrates, non esse fas animam de corporis præsidio decedere, iniussu imperatoris. Plut. & Eras.

Leonida.

Leonidas cum ad Thermopylas proficiscerentur, cum Persis conflictaturus, uxori Gorgoni rogâti, si quid ipsi mandaret? Ut bonis, inquit, nubas, bonosque liberos parias. Hæc vox testabatur, illum animo prælagisse interitum, nec hac præsensioe deterritus est ab expeditione: pulcherrimum esse ducens, pro patria pugnantem occumbere. Plut. in Lacon.

Brasida.

Brasidas Lacedæmoniorum dux, cum contra Ephoros bellum patriæ nomine susciperet, hostibus hunc in modum scripsit: Quicquid malorum erit in bello profligabo, aut pro patria moriar. Verum cum multa iam egregia facinora pro patria edidisset, & Græcos Thraciam incolentes liberasset, fortiter occubuit. Cuius deinde mors cum Archileonide matri nunciaretur, interrogauit nil prius, quàm, An fortiter filius occubisset? Thracibus autem eius virtutem laudantibus, eius mortem non tantum æquo animo tulit, sed probauit etiam: quia pro salute patriæ interfectus esset. Plut. in Lacon.

Theopompi.

Ad Theopompum cum quidam dixisset, ideo seruari Spartanorum Rempub. quod reges scirent imperare: Imò potius, ait, quod ciues sciunt parere. Multum quidem momenti ha-

bet principis integritas: sed multo plus ciuium recta institutio. Plut. in Lacon. apoph.

Callicratida.

Suprà tit. de Morte contemnenda.

Lacena.

Lacena, cum filium in praelium misisset, & interfectum audiuisset: Idcirco, inquit, genueram, vt esset qui pro patria, morte non dubitaret occumbere, Cicero lib. i. Tusc. quæst,

Alterius.

Quædam alia filium ad se venientem conscopicata, percontata est quid ageret patria? is quum respondisset, Periere omnes: laterem coniecit in illum, occiditque, dicens: Te igitur nobis misere mali nuncium? Vita putauit indignum, qui cum suis perire non sustinuisset, Plut. in apoph. Lacænarum,

Alterius.

Lacena quædam filios, quos habebat quinque, posteaquàm in bellum emiserat, ante suburbium stabat expectans, quis esset belli exitus. Vt accessit quispiam nuncians, filios illius omnes obcubuisse: Non istuc percontabar, ignauum mancipium, sed quid ageret patria? Is quum respondisset, à patria stecisse victoriam: Libenter igitur, inquit, accipio filiorum interitum. Egregia mulier, priuatum in liberos affectum publicæ in patriam pietati posthabuit, Plut. in Lacon.

Themistocles.

Themistocles quum Eurybiadi non persuaderet, vt in angustiis committeret nauale praelium, clam ad barbarum misit, qui illum hortaretur, ne formidaret Græcos fugam adornantes. Persuasus rex, praelio superatus est: nimirum pugna commissà loco Græcis commodissimo. Post hæc denuò misit ad illum, qui monerent, vt quàm possset ocysimè fugeret ad Hellespontum, Græcos enim de soluendo ponte cogitare. hæc callide: quo, quum hoc ageret, vt Græcos seruaret, regis incolumitati prospicere videretur. Hoc ingenio Græciam à barbaris liberauit non minore gloria, quàm Miltiades retulerat ex Marathonis victoria, Plut. in Græcor. apoph,

Antigoni.

Antigonus secundus, quum Demetrius pater esset captus, ipsique per amicum in hoc missum mandasset, ne curaret, si quid scribere à Seleuco compulsus, neque ciuitates illi cederet: Vltro scripsit ad Seleucum, cedens illi totam ditionem, seque obsidem

obsidem offerens, si Demetrius pater dimitteretur. Hic pietas certabat cum pietate. Pater sui negligens, volebat parci filio, filii que regno: filius contra, patris libertatem & regno & seipso priorem habuit. Plut. in regum & impera. apoph.

Pauli Aemylj.

Paulus Aemilius ex quatuor liberis masculis quos suscep- rat, duos antea dederat in adoptionem. Ex duobus autem qui remanserant in familia, alter quinque ante triumphum diebus interiit, annos natus quatuodecim: alter, quinto post actum triumphum die, annos natus duodecim. Ob id populo luctum ac mœrorem cum illo iungente, ipse prodians ad multitudi- nem, dixit: Se post tam continuos rerum successus aliquid ma- gni mali à fortuna expectasse: nunc verò de patriæ incolumi- tate securum esse factum, nihilq; timere periculi, posteaquam fortuna prosperè gestarum rerum invidiam in suam domum impingente, ipse pro omnibus dependisset. Plutarchus in Ro- manorum apoph.

Pomponij.

Pomponius, vir insignis, multis vulneribus in bello acceptis, quum ad Mithridatem adductus, ab eo quæreretur, an si cura- ret eum, vellet sibi esse amicus? Si tu, inquit, Romanis amicus fueris, me quoque amicum habebis. Eras. 6. apoph.

Prænестini cuiusdam.

Sylla quum Præneste oppidum armis cœpisset, decrevisset- que, quicquid erat civium trucidare, hospitem suum iussit ex- cipi, hoc beneficio pensare volens hospiti communicati gra- tiam. At ille contra liberè. Nolo, inquit, patriæ meæ extinctori debere vitam. simulque turbæ civium sese admiscuit, & cum illis trucidatus est. Bruso. lib. 5. cap. 5.

Pompeij.

Pompeius Magnus Mamertinos, quòd hostium partibus ad- hæsisent, vniuersos interficere statuerat. At Sthenius, eius ci- uitatis princeps, Pompeium adiit his verbis: Non æquum fa- cis Pompei, qui propter vnum noxium, multos innoxios occi- dere paras. Atqui ego ipse sum ille, qui & amicis persuasi, & inimicos coegi, Marianas sequi partes. Hic Pompeius viri for- tem animum admiratus, dixit se ignoscere Mamertinis, à tali persuasis viro, qui patriam suæ ipsius vitæ antè tulerit: simul & civitatem & Sthenium liberauit. Plut. in Ro. apoph.

Eiusdem.

Quum ingens rei frumentariæ Romæ esset penuria, Pompeius titulo quidem annonæ procurator, re autem vera maris terræque dominus declaratus, in Africam, Sardiniam ac Siciliam nauigauit: multâque frumenti vi collecta, properabat ire Romam, verum quum ingenti tempestate oborta naucleri detrectarent navigationem, ipse primus nauim ingressus, iussit anchoras tolli, clamans: Vt nauigemus vrget necessitas: vt viuamus, non vrget. Significans, patriæ periclitantis habendam rationem potius quam priuatæ incolumitatis. Siquidem Republicæ subleuandæ curis immori, pulchrum est: at patriam in extremo discrimine nostra celsatione deserui, turpissimum est. Hic monemur, non animalia bruta tantum omnia libertate venire in seruitutem, verum etiam homines indomitos fame domari. Docemur, item publicè salutis priuatam incolumitatem posthabendam esse. Plut. in Rom. apoph.

Alphonsi.

Alphonfus Aragonum rex interrogatus, quos è ciuibus suis haberet charissimos? Qui magis, inquit, pro me metuunt, quam me. Sensit, illos reuera amandos esse ciues, qui principem magis amant, quam timent. Si amant, nihil erit tam arduum, nil tam difficile, quod principis causa subire non cupiunt: si timent, aut insidiatorebus conuiuent, aut ipsi in eius perniciem coniurant. Eius dictum recitatur ab Eras. Rot. lib. 8. apoph..

Vide titulum, de Morte generosa.

De patriæ neglectu.

Crateti.

CRates Thebanus Alexandro percontanti, num cuperet restitui patriam suam: Quid opus est, inquit? Fortassis eam alius Alexander restitutam diruet. Laert. lib. 6. cap. 5.

Theopompi.

Suprà de Argutè dictis.

De impietate in patriam.

Agidis.

AGis Archidami filius, nihil illis planè fidendum esse dixit, qui in natale solum & patriam impii essent. Plutarch. in Lacon. apoph.

Catili.

Catilina.

Quum M. Tullius in senatu dixisset, incendium à Catilina excitatum: Sentio, inquit Catilina, idque si aqua non potuero, ruina extinguiam. Vox non hominis, sed furia. Eras. 6. apoph.

Tiberij.

Tiberius imperator crudelissimus tyrannus, qui Romam multorum atque magna ex parte innocentissimorum civium sanguine ubiq; commaculavit, in eam incidit insaniam, ut non patriæ solum, sed totius etiam urbis interitum optaret. Sape enim dixisse fertur, Me mortuo terra misceatur incendio: & Priamum fuisse fortunatissimum, quod ei cum patria & regno perire licuisset. Dion in Tiberio:

Neronis.

Suprà de Crudelitate.

De patri & impietate in suos.

Pausania.

PAUSANIAS Cleombroti filius, quum Delii de insula cū Atheniensibus haberent controuersiam, atque inter cætera dicerent, quod ex more regionis neque mulieres in insula parent, neque mortui sepelirentur: Quomodo igitur, inquit, hæc insula erit vobis patria, in qua neque fuit quisquam vestrum, nec futurus est: Argutè notauit ineptam Deliorum consuetudinem, qui suos in patria neque nasci sinerèt viuos, nec humari mortuos: quum ut mulier, ita nec regio mater sit, nisi gignat. Alienum autem sit à materna pietate, nolle sepeliri quos genuit. Plut. in Lacon.

Anacharsidis.

Suprà de Fiducia artis.

Theodori Athei.

Suprà tit. de Fuga excusata, & de Liberè dictis & parrhesia loquendi.

Eiusdem.

Eundem quum rex Lysimachus latius interrogasset, num è patria excidisset per inuidiam civium, respòdisse ferunt: Nihil minus. sed propter excellentiam ingenii, quod non capiebat patria. Sicut enim Semele Baccho grauidà, cum nò potuisset perferre vterum, Iupiter eam miseratus, abortiuum ambulsit, & inter deos retulit: Sic cum patria mea minor esset, quam ut caperet philosophum, bonus quispiam siue Deus, siue genius,

Athenas in locum fortunatiorem commodiorémque me trans-
tulit. Philo eodem loco.

De patronis.

Phocionis.

PHocion, quum à suis reprehenderetur, quòd hominem im-
probum in iudicio defendisset: At nemo bonus, inquit, pa-
trocinio indiget. Brus. lib. 5. cap. 18.

Anonymi.

Siculo cuidam Scipio prætor patronum causæ dederat ho-
spitem suum, hominem nobilem, sed egregiè stultum. Hic Sicu-
lus: Quæso, inquit, prætor aduersario meo da hunc patronum,
deinde mihi neminem dederis. Sentiens, illum tam insigniter
stultum, vt illo diuersam partem adiuuante posset etiam nullo
patrocinante vincere. Brus. lib. 5. cap. 18.

Veterani cuiusdam.

Veteranus ob diem sibi dictam periclitans, accessit in pu-
blico ad Augustum, rogauitque vt sibi patronus & defensor as-
sisteret. Ille aduocatum ex comitatu sine mora dedit, commen-
dauitque ei litigatorem. Quo viso, exclamauit ingenti voce
veteranus: At non ego Cæsar periclitante te in bello Actiaco
vicarium quæsiui, sed pro te ipse pugnaui, detexitque impres-
sas cicatrices: quibus visis, erubuit Cæsar, venitque ipse in ad-
uocationem. Brus. lib. 5. cap. 1.

Figuli iurecons.

Figulus iuriconsultus, postridie eius diei quo consulatus re-
pulsam acceperat, quum multi ad eum consulendi gratia ve-
nissent, omnes inconsultos dimisit, dicens: Omnes consulere sci-
tis, consulem facere nescitis. Bruson. lib. 5. cap. 18.

Grani.

Granius cum patrono malo, qui vocem in dicendo obtude-
rat, suaderet, vt mulsum frigidum biberet, simulac domum re-
diisset, Perdam vocem, id si fecero, cum patronus dixisset: vrba
missimè Granius respondit, Melius est, inquiens, vt vocem per-
das, quam reum. Brus. lib. 5. cap. 18.

De paupertate.

Democriti.

Democritus audiens quendam de paupertate sua conque-
rentem: Si non multa desideres, pauca tibi multa videbun-
tur.

tur. Desiderium enim contractum, paupertatem diuitiis aequi-
pollentem reddet. Anton. in Melis. par. 1. serm. 33.

Eiusdem.

Idem dicere solebat, pauperis conditionem diuitis multo
beatiorē esse. Pauperes quippe maximis malis non infestan-
tur, vt insidiis, inuidia & odio, quibus diuites expōiti sunt
quotidie. Anton. in Melis. par. 1. ser. 33.

Socratis.

Socrates ab Archelao vocatus, vt qui ipsum ditare veller, ei
renunciari iussit: Quod farinae chœnices quatuor obolo veni-
rent Athenis, & fontes aquam funderent. Nam si res meæ, dice-
bat, mihi non sufficiunt: at ego ipsis sufficio, & sic etiam ipse
mihi. Stob. serm. 95. ex Arriani scriptis recitat.

Aristidis.

Aristides ille iustus, cum diues quidam paupertatem ei ob-
iiceret, dixit: Mihi quidem nihil adferet mali paupertas, tibi
verò diuitiæ non paucas perturbationes. Antonius in Melissa
parte 1. serm. 33.

Diogenis.

Diogenes Sinopenfis, desertus ab omnibus hominibus, solus
relinquebatur, cum neque propter egestatem ipse quenquam
reciperet, neque ipsum hospitio quisquam acciperet. Omni-
bus enim inuisa erat eius in reprehendendo acrimonia, deinde
in agendo loquendoque acervitas. Proinde tristitia plenus,
summas foliorum extremitates manducabat. Illa enim suppe-
tebant, quo minus fame periret. Mus verò accedens, decidenti-
bus frustulis vescebatur. Diogenes igitur, cum diligenter rem
inspectasset, subridens, animo recepto: Mus hic, inquit, nihil
indiget Atheniensium lauritia. Et quid tu ô Diogenes agrè
fers, te cum Atheniensibus non cœnare? Aelianus lib. 13. de Va-
ria histor.

Eiusdem.

Suprà de Doctrina & eruditione, quæ vt semper incolumis
est, ita etiam vbique habetur in precio.

Eiusdem.

Cum Diogeni paupertas a quodam vitio daretur: Infœlix,
respondit, quid ais? Atego neminem vidi tyrannidem gerere
propter paupertatem, omnes verò propter diuitias. Stobæus
sermo. 95.

Eiusdem.

Idem paupertatem appellabat virtutem *αὐτοδιδαντοῦ*. id est, quæ per se discitur. Diuitibus opus est multis præceptis, ut frugaliter viuant, ut corpus exerceant laboribus, ne corporis ambitioso cultu delectetur, aliâque innumera, quæ omnia seipsam docet paupertas. Stob. serm. 93.

Eiusdem.

Idem solitus est ioco dicere, sibi tragicas execrationes occurrisset, quod esset *αὐτοῦ*, *ἀνδρὸς*, *ἀπαίρου* & *πολλῶν*, *ἀλλήλων*, *καὶ* *ἐμπεδίου*. id est, domo, ciuitate, patriâq; carens, pauper & error. Laer. lib. 6. Alludens ad locum aliquem è tragædiis. De Oedipi execrationibus vide in Chiliadibus Erasmus.

Eiusdem.

Diogenes paupertatem dicebat esse subsidium ad philosophiam. Nam quæ philosophia verbis persuadere conatur, ea paupertatem in ipsis cogere. Stob. serm. 93.

Aristonis.

Ariston dicere solebat, paupertatem esse lucernam, quæ omnia mala demonstret. Brul. lib. 5. cap. 17.

Aristotelis.

Aristoteles dicere solebat, paupertatem quidem multis rebus indigere, inexcusabilitatem autem omnibus. Antonius parte 1. ser. 33. Meliss.

Ephialtes.

Ephialtes cum dux ei paupertatem exprobraret: Cur non, inquit, etiam alterum dicis, quod iustitiam colam? Oltedit autem vir sapientissimus, paupertatem, etiam si multarum virtutum nutrix sit, cunctis exolam esse. Aelia. lib. 13. de Var. hist.

Apollonii.

Apollonius dicere solebat, paupertatem secundum naturam nequaquam turpem esse: turpi autem de causa pauperem esse, dedecus & flagitium esse indignissimum. Antonius par. 1. sermo. 33. Melissæ. Alii sic referunt: Eam paupertatem quæ secundum naturam esset, non turpem fore: illam autem quæ propter turpem causam accidit, infamiam inurere hominibus. Stob. sermo. 93.

Lycurgi.

Lycurgus, percontanti quam ob rem hostium caesorum caduera spoliare vetuisset: Ne, inquit, dum spoliis incumbunt, pugnam negligant, sed paupertatem vna cum ordine seruent.

Vt vir

Vt vir ille sapiens vbique ciuibus suis metuit à diuitiis, tanquam à fonte plurimorum malorum: quum apud hominum vulgus nihil expetatur auidius. quasi in his sint præcipua felicitatis humanæ præsidia. Plut. in Lacon. apoph.

Eiusdem.

Idem ciuibus quibusdam interrogantibus, quomodo liceret hostium insulcunt effugere: Si, inquit, pauperes fueritis, nec alius alio plus requirat. Ad opulentos & onustos prædæ spes inuitat hostem: nec facile potest elabi, qui sarcinis & impedimentis retardatur: ad hæc tutiores sunt ab hostium incurfu, inter quos est æqualitas, & ex æqualitate concordia. Plutarchus in Lacon.

Anonymi.

Quidam imperatorē incusauit, quòd illius insidiis, & ocio & somno fuisset priuatus: videlicet, quòd illius benignitate è paupere factus esset diues. Refertur à Plutarch. in Sympos. lib. 2.

Catonis.

Cato dicebat, honestam paupertatem impiis diuitiis longè præferendam esse. Hoc enim opprobrii, illud miserationis causa fieri solet. Anton. in Meliss. serm. 33. par. 1.

Bulas.

Bulas, famosissimus latro, qui sub Seuero imperatore per totam Italiam, comparata manu sexcentorum latronum, bencinio maximas prædas fecit, posteaquàm Centurionem vitæ insidiatorem capisset, raso capite ad Seuerum imperatorem remisit. cùmque interrogaretur, quid imperatori vellet nunciari? Nūcia, inquit, dominis tuis, ipsos seruos suos alere, ne latrocinentur. Habebat enim Bulas multos apud se Caesarianos, partim exigua mercede conductos, partim nullo certo stipendio. Xiphilinus in Vita Seueri.

Eiusdem.

Idem cuiusdam mulieris, cum qua scortabatur, ope deprehentus, & à Papiniano præfecto prætorio interrogatus, cur latrocinium fecisset? respondit: Et tu dic, cur præfectus sis. Erat nimirum Papinianus homo prædiues, & magnæ apud Caesarem existimationis, & propter opum suarum splendorem in aulam admissus. Bulas verò penuria rerumque egestate vexatus, latrocinio victum quærere cogebatur. Idem Xiphilinus.

De pe

De peculatu.

Dioegenis.

Diogenes Cynicus cum vidisset magistratus, qui Hieronemones dicebantur, quendam deprehensum, quod ex arario phialam furatus esset, adducentes; Magni, inquit, fures paruum ducunt. Brusi. lib. 2. ca. 40.

Anaxandri.

Suprà de Furto.

Catonis.

Cato senior dicebat, priuatarum rerum fures in compedibus vitam agere, publicarum in auro & purpura conspicuos incedere. Olim simplex furtum non puniebatur capite, sed vincti compedibus, præstabant operam. At longè grauius crimen est peculatus, quam furtum. Et tamen qui fiscum principis, qui Rempublici compilant, magnates fiunt. Brusi. lib. 2. cap. 4.

Scauola.

Scauola Septumuleio Anagnino, cui pro capite C. Gracchi aurum erat repensum, roganti vt se in Asiam præfectum duceret: Quid tibi vis, inquit, insane? tanta malorum est multitudo ciuium, vt tibi hoc confirmem, si Romæ manseris, te paucis annis ad maximas pecunias esse peruenturum. Notauit auaritiã hominis, præfecturam non ob aliud ambientis, nisi vt spoliaret prouinciales, ac ludens finxit, id citius consecuturum Romæ. Hoc dictum Fannius in annalibus ascribit Africano Aemiliano, qui dictus fuerit Iron. Eras. 6. apoph.

Aufidij Modesti.

Aufidius Modestus L. Quintium in morbo sibi dicentem minus esse frigidus, hoc scommate taxauit: Atqui calidas, inquit, è prouincia extulisti, notans eum, quod proconsul administrans prouinciam, multa furatus esset. Meminit Plutar. in Symposiacis lib. 2. & Brusi. lib. 2. cap. 40.

Claudij Caf.

Claudius Cæsar Narcissum ab epistolis, & Pallantem à rationibus sic adamauit, vt eos non solum amplissimis præmiis, verum etiam questoriis prætorisq;ue ornamentis decreto senatus ornari libenter passus sit. ad hæc, tantum rapere & acquirere, vt illi quærenti de fisci exiguitate quidam non absurde dixerit, Abundaturum fiscum, si a duobus libertis in consortium reciperetur. Hos Plinius fatetur & Crassio fuisse ditiores.

Traiani

Traianē imp.

Traianus imperator initio procuratores habebat rapaces, qui prouinciales calumniis expilabant. Quorum vnus fertur, vnumquemque diuitū sic conuenire solitus: Quid habes? Vnde habes? Hæc vbi didicerat, addebat tertium, Pone quod habes. Sed admonitus à Pompeia Plotina vxore, cohibuit eiusmodi vexationes prouinciarum, addens vocem optimo iure laudatam: Fiscum esse lienē, quod eo crescente, reliqui artus contabescāt. Sensit optimus princeps, iniquum esse, sic explere fiscum vnus, vt nihil habeant subditi: præsertim quum boni principis sit, quicquid habet populus. Eras. lib. 8. apoph.

Sigismundi imp.

Sigismundus imperator interrogatus, cur apud liberas ciuitates peculatus crimen adeo frequens inueniretur? Idcirco, respondit, quod nudos honores ciuibz commendant, populus autem ad lucrum inhiat. Indicat autem, magistratum ipsum in causa esse, quod peculatus crimine tam multi hodie infimulentur. Cum enim tam varia Reipublicæ sint officia, singulis certa & sufficientia stipendia deberent assignata esse, quo hi qui ad huiusmodi honores & officia vocantur, haberent vnde viuerēt, sine vlla vel furti vel peculatus suspitione. Verum cum desunt hæc stipendia, vel nimis sunt tenuia, fit vt plerique ex publico thesauro sibi per nefas prospiciant, & pauperes primum, ad amplissimas opes veniant. Aeneas Syluius lib. 2. commentariorum de rebus gestis Alphonfi.

De pecunia,

Timothei.

Timotheus pecunias sanguinem animamque mortalibus esse dicebat: quibus qui careat, mortuus inter viuos viuit. Bruso. lib. 5. cap. 10.

Diogenis.

Suprà tit. de Diuitiis ac opibus.

Bionis.

Suprà, de Diuitiarum vsu.

Demadi.

Suadentibus Demadi Atheniensibus, & iubentibus vt deducas triremes nautis militibusque compleret, cum pecunias nullas haberent: Omnino, inquit Demades, primum pecuniis opus est. Ibidem.

T. Quin

T. Quintij.

Infra de Salsè dictis.

Iulij Cæs.

Iulius Cæsar potentiam duabus rebus, pecunia scilicet & militibus parari, conseruari atque augeri, eaque se mutuò confesqui dicere solebat. Exercitum comineatu retineri, rursum comineatum armis comparari, non tantum dicebat, sed sentiebat etiam. Xaphilius Dionis Nicari abbreviator, in Cæsare.

Vide tit. de Diuitiis, & de Munerum contemptu.

De peregrinationibus.

Socratis.

QUum quispiam vitiorum vitandorum gratia peregrinatus esset, nihilque profecisset, post reditum Socratem rogauit, Cur ita euenerit? Quoniam, inquit Socrates, eadem causa te premit, quæ expulit, Brusonius lib. 5. cap. 14.

Eiusdem.

Cuidam querenti, quod peregrinationes sibi nihil profuissent, Non immerito, inquit Socrates, tibi istud euenit, tecum enim peregrinabar. Multi putant longinquis peregrinationibus colligi prudentiam, quum Horatius clamer:

Cælum, non animum mutat, qui trans mare currit.

Congressus sapientium confert prudentiam, non montes, aut maria. Eras. ex Laertio.

Aristippi.

Percontanti Dionysio, cur Aristippus venisset in Siciliam, relicto Socrate? Vt, inquit Aristippus, quæ habeo impartiam, quæ non habeo accipiam. Sunt qui narrent illum sic respondisse: Quum egerem sapientia, adii Socratem: nunc quoniam egeo pecunia, ad te veni. Laer. lib. 2. cap. 8.

Antisthenis.

Antisthenes Atheniensis, putauit omnia mala pro peregrinis habenda esse. Vulgus hominum ea tantum probat, quibus assuevit, ab exoticis autem abhorret: non quidem quod per se mala sint, sed quia peregrina. Verum sapienti viro nil peregrinum est, nisi quod cum vitio coniunctum est. Laertius lib. 6. cap. 1.

Democriti.

Democritus interrogatus, ad quid peregrinatio prodesset respon-

respondit: Vita frugalitatem docet. Offa quippe & thorus herbaceus famis ac laboris dulcissima medela sunt. Stobæus sermone 38.

Laconum.

Laconibus peregrinari concessum non erat, ne morum peregrinorum vitæ quæ incompositæ contagium attraherent. Quin & peregrinos vrbe exigebant, ne paulatim inundantes, mali cuiuspiam ciuibus existerent magistri. Quisquis autem ciuium non tulisset liberorum suorum iuxta patrios ritus institutionem, iure ciuium priuabatur. Rursus narrant quidam, quicumque peregrinus Spartanæ ciuitatis institutis sustineret exerceri, eum ex Lycurgi sententia admitti in eam ciuilitatis portionem quæ fuerat à priscis ordinata. Cæterum vendere ius ciuitatis nulli phas erat. Perspexerat vir ille prudentissimus, commerciis exterorum ac negociatorum, ciuitates quamuis bene institutas corrumpi: quod ad nequitiam omnes sunt magis dociles, quàm ad virtutem. Sed nulla mixtura perniciosior, quàm quæ per imperii translationem prolationemue inuehitur. Sic influxu Græcarum nationum effeminata est Roma: sic barbarorum commercio tædem & Sparta ex sanctissima facta est corruptissima. Plut. in Lacon.

Eorundem.

Lacones adolescentulum ex eorum numero qui exercebantur, increpauerunt, quod viam nosset quæ ducit in Pyleam, aded studebant suos à peregrinationibus ac rerum exoticarum cognitione seruare alienos, ne per occasionem à patriis institutis degenerarent: præsertim cum Arcadia, cuius est Pylea, luxu delicisquæ barbaricis esset corrupta. Plut. in Laconicis,

Pausania.

Pausanias Plistanactis filius, quum Lacedæmonios Tegeæ, vbi exulabat, laudaret, atque quidam dixisset, Cur igitur Spartæ nō manebas? Quia, inquit, non apud sanos, sed vbi sunt ægri, medici versari consueuerunt. Brufonius lib. 5. cap. 14.

Argini.

Argius quidam cū Eudamidæ dixisset, Lacedæmonios peregrinationibus reddi deteriores, quod interim degenerent à maiorum legibus & institutis: At vos, inquit, quum Spartam venitis, non deteriores, sed meliores euaditis. Dictum retorfit in Argium: hoc enim dicens, magis suam gentem vituperauit, quàm

quàm Lacedæmoniorum. Plut. in Lacon.

De Perfidia, consule titulum de Iuramento, vel Iusiurando.

De perfectione.

Crates.

CRates Thebanus impossibile esse dicebat, quenquam inueniri, qui nunquam lapsus sit: sed veluti in malo punico, granum quoque aliquod putrescere. Brus. lib. 5. cap. 12.

Apellis.

Apellis ætate complures erant in arte pingendi nobiles, quorum opera quum pro suo candore miraretur, collaudatis omnibus, dicebat illis deesse vnam illam Venerem, quam Græci *χάρη* vocant, ingenuè profitens, cetera omnia illis contigisse, in hac vna neminè ipsi parem esse. Simile quiddam est in phrasi, quòd allicit ac remoratur lectorem aut auditorem, quum tamen nec habeat nomen, nec arte præcipi possit. Erasmus Roterod. lib. 8. apoph.

De periculo vitando.

Alcibiadis.

Alcibiades accitus ab Atheniënsibus è Sicilia, vt diceret causam capitis, abdidit sese, dicens: Eum esse fatuum, qui vocatus in ius quærat elabi, quum liceat vitare ne ear. Sentiens, consultius esse non committere se periculo, quàm dare operâ, vt ingressus periculum temet expedias. Dictum Græcis sonat iucundius, ob vocum affinitatem, *φυγῆναι & ἀποφυγῆναι*. Græcis autè *ἀποφυγῆναι δίκην* dicitur, qui iudicij sententiis absolvitur: *φυγῆναι*, qui vitat aut fugit. Plut. in vita Alcibiadis.

Antigoni.

Suprà de Morie generosa non desenda.

Huc refert tit. de Fuga excusata.

De perseverantia.

Chilonis.

Chilon Lacedæmonius dicere solebat, tardè quidem aggredienda esse omnia: verum cum semel iam inceptum sit, constantissimè in agendo perseverandum esse. Stobæus sermone 1. de Prudentia.

Theodo

Theodori Cyr.

Lyſimachus Macedo, quum mortem Theodoro Cyrenio minarus eſſet, ni a propoſito deſiſteret: Theodorus reſpōdit, At iſtis quaſo, inquit, iſta horribilia minitare, purpuræ tuiſ: Theodori quidem nihil intereſt, humine an ſublimè putreſcat. Cicero lib. 1. Tuſc. quaſt. Bruſon. lib. 2. cap. 1.

Agidiu.

Agis à Leonida in carcerem coniectus, quum multa in illum conuicia iactaſſet, rogatus num poenitere reru actarum? Non poenitet, inquit. Bruſon. lib. 2. cap. 1.

Demoſthenis.

Quum Antipater intra Lamiā à Græcorum copiis eſſet concluſus, ac velut ob res feliciter geſtas, Athenienſes diis immolarent victimas: Demoſthenes ad quendam amicorum nomine Ageſiſtratum ait, ſibi non eandem eſſe cum cæteris ſententiam. Noui enim, inquit, Græcos ſtadium pugnare & ſcire & poſſe, Dolichon autem non item. Dolichus autem continet viginti quatuor ſtadia. Notauit ſuos, quod protinus vna contenti victoriola, deponerent bellandi ſtudium, quum oporteat eiulmodi ſucceſſibus non frui, ſed vti ad maiorum rerum occaſionem. Eraſ. lib. 8. apoph.

Decij Bruti.

Suprà tit. de Munerum contempn. Cyrenienſium.

Vide titu. de Conſtantia.

De perſeuerantia & conſtantia piorum in cruce.

Baſilij Magni.

Baſilius Cæſariæ Cappadociæ epiſcopus, cum à Valente Cæſare. in exiliū pro fide cogeretur, exhibitus eſt ad tribunal Præfecti, terroribꝫque & minis maximis actus, vt niſi præceptis principis obedirèt, ſciret ſibi impendere interitum. Tum ille intrepidus, atque abſque vlla animi perturbatione reſpondit Præfecto: Atque vtinam aliquid mihi eſſet digni muneris, quod offerrem huic, qui maturius Baſilium de nodo ſollis huius abſolueret. Cùmquē daretur ei nox, quæ erat media, ad deliberandum, denuò reſpondit: Ego craſtino idem ero qui nunc, tu te vtinam non mutares. Eccleſia. hiſt. lib. 11. cap. 9.

Athanaſij.

Athanaſius cum ſub Iuliano Apoſtata, crudeliſſimo impe-
h h

ratore, in maximo esset vitæ periculo, & populus mirum in modum contristaretur, alta voce clamans: Bono estote animo, inquit, nubecula tantum est, quæ mox euanesceat splendente sole. Sozomenus lib. 6. Tripart. histor. cap. 26.

Egnatij.

Suprà de Morte contemnenda.

Eusebij Samosatani.

Eusebius Samosatenus cum nollet Cæsari Constantio mittere decretum Arrianorum contra Melitum factum: Cæsar minatus est, se abscissurum dextram eius manum. quo audito, Eusebius ambas porrexit, inquires, Decretum non dabo. Clarum Arrianæ pestis indicium. Theodoretus in Tripartita histor. cap. 49. lib. 5.

Polycarpi.

Polycarpus cum fidei rationem redderet, atque constanter in eodem perseveraret, Herodi proconsuli ignem minitanti respondit: Ignem minaris hunc, qui ad momentum incendiatur, & paulo post extinguitur: Verum ignoras futuri iudicii ignem æternum fore, qui ad perpetuas pœnas præparatus est impiis, Eusebius lib. 14. cap. 5. Eccles. histor.

Eusebii.

Polycarpus martyr ab Herode proconsule admonitus, ut iuraret fortunam Cæsari, & conuicia diceret in Christum, respondit: Octoginta & sex annis seruo ei, & nihil me læsit unquam: qua igitur conscientia maledicerem, & blasphemarem regem meum, qui salutem mihi dedit? Cùmque rursus vehementius vrgeretur, ut fortunam Cæsaris iuraret: Si hæc, inquit, iactantiam quæris, ut ego fortunam Cæsaris iurem, & quis sum ego ignorare, te simules, audi à me: Sum Christianus. Si verò eam rationem vis Christianæ religionis accipere, statue diem, & audi. At cùm proconsul diceret, Suade hoc populo: respondit Polycarpus, Tibi quidem respondi, quandoquidem principibus & potestatibus à Deo datis in primis honos debeat, modò religioni non sit Deo contrarius: Populo autem furanti satisfacere, non sit possibile. Eusebius libro quarto, Eccles. histor. cap. 15.

Lucij Sophistæ.

Lucius quidam ob religionis confessionem ab Urbicio damnatus, cum iam ad supplicium duceretur: Gratias ago, inquit, quòd

quodd me nequissimis dominis absolutum, ad summum cœli terræque regem remittas. Eusebius libro quarto Ecclesiasticæ historiæ, cap. 17.

Attali.

Attalus, cum in sella ferrea prunis subteriectis torreretur, voce magna ad plebem clamauit: Ecce hoc est homines comedere, quod vos facitis, qui à nobis velut occultum facinus inquiritis, quod vos aperta luce committitis? Nos enim neque comedimus homines, neque aliud quid mali fecimus. Euseb. 5. Eccles. histor. cap. 3.

Sylvani.

Sylvanus episcopus cum Constantium tyrannum ad fidei sanioris defectionem hortantem, sibi mortem etiam minitari audiret: Potestatem quidem habes, inquit, nos puniendi: nos autem patrum statuta non ideo destruemus. Theodoretus lib. 5. Eccles. histor. cap. 42.

Mari episcopi.

Mares Chalcedonenſis episcopus, oculis ob senectutem orbatus, audiens Iulianum apostatam in sacello Solis sacrificare diis gentilium, palam imperatorem obiurgauit. ad quem conuersus imperator cū dixisset, Abi tu potius ad Galilæum tuum (Christum intelligens) ac iube tibi aperire oculos. tum Mares respondit: Deo meo gratias pro cæcitate ago, qui ideo visum ademit, ne te apostatam, in Deum blasphemum, & omni planè pietate nudatum, coram videre cogar. Sozomenus in Tripartita histor. lib. 6. capite 6. Alii hoc dictum Eguinario episcopo (quem Fulgofus libro sexto, capite secundo, Inarium appellat) ascribunt.

Victori.

Victor proconsul Carthaginis, vir diues & clarus, ad veritatis negationem sollicitatus à rege, & promissionibus multis ad defectionem inuitatus, respondit: Dicite regi vestro, vt subiiciat me ignibus, adigat bestiis, excruciet omni genere tormentorum. Si consentio, frustra sum in ecclesia baptizatus catholica. Nam si hæc præsens sola vita fuisset, & aliam, quæ verè est, non speraremus æternam, nec ita fecissem ad modicum, atque temporaliter gloriarer, & ingratus ei existerem, qui per fidem meam omnia sua mihi contulit. Victor. libro 3. Vandalicæ historiæ.

Theoduli.

Theodolus cum ob fidei confessionem sub Iuliano apostata craticulis impositus esset, ut in omnium conspectu affaretur, ad præfectum in mediis cruciatibus dixisse fertur: Si assas carnes degustare cupis Amachi, in alterum latus me verte, ne femicrudus, ad edendum parum suavis tibi reddar. Idem de Laurentio, Macedonio, atque Tatiano martyribus, alii etiam scribunt. Nicephorus lib. 10. cap. 10. & 25. Eccles. histo.

Dionysi episcopi.

Dionysius Alexandrinus episcopus, cum à tortoribus suis vehementer vrgeretur, respondisse fertur: Quid insectando laboratis? Caput meum, pro quo magnopere fatigamini, anulum ceruicibus sumite, & donum magnum ad tyrannum referrete. Eusebius lib. 6. Eccles. histor. cap. 30.

Dionysie.

Dionysia matrona nobilis à Hunerichi regis tortoribus turpiter denutata, grauius virgis cadebatur. Inter ictus verò virgarum, dum ripuli sanguinis toto iam fluitarent corpore, libera voce dixit: Ministri diaboli, quod ad opprobrium meum facitis, ipsa est laus mea. Victor in hist. Vandalica lib. 3.

Elogij.

Valens imperator per præfectum Edesse, orthodoxos **LXXX** cogere volebat, ut veritatem abnegarent. Profectus itaq; cum diceret ad Elogium, Communica possidenti regnum: respondit benignè, Et mihi regni quoque, ac sacerdotii consortium est. Tripart. histor. lib. 7. cap. 33.

Vide titulum de Constantia, &
doloris patientia.

De persuasione.

Bionis.

BIon Borysthenites dicebat, superbiam studioforum esse profectus obstaculum. Indocilis enim est, qui inani persuasionem eruditionis delusus, mauult doctus videri quam esse. Laert. lib. 4. cap. 7.

Cratetis.

Quum Crates apprehenso Zenonis pallio, eum à Stilponte retrahere niteretur: Commodissimè, inquit, ô Crates philosophum auribus teneas: nam si per vim egeris, corpus erit apud te, animus apud Stilpontem. Laert. lib. 7. cap. 1.

Diogen

Diogenis.

Diogenes ab Eurytio petit quiddam magni: qui quum ex more his verbis negaret, faciam, si mihi persuadere possis: Si possim, inquit Diogenes, iam pridem tibi suavissem, ut te suspenderes. Hic præter Cynicam libertatem, nihil est quod miseris. Laert. lib. 6. Brufon. lib. 5. cap. 24.

De pertinacia.

Annibalis.

Qum Marcellus aliquot diebus continenter cum Annibale confixisset vario Marte, dixit Annibal, sibi rem esse cum hoste, qui nec victus nec victor nosset quiescere. Plutarch.

Pertinacia licet in malam partem plerunque sumatur; hæc tamen quædam referre licet, quæ sunt sub titulis de Constantia, & Perseuerantia.

De petitione honesta.

Thales.

Thales Milesius sciscitanti quid esset dulcissimum? Potiri, inquit. Nam ea demum delectant, quæ contingunt expectata. Quæ vltro obiciuntur, non perinde iuvant. Laertius libro primo capite primo.

Socratis.

Socrates à diis nihil petendum, nisi bona simpliciter: quum vulgus petat bene dotatam uxorem, opes, honores, regnum, longam vitam, quasi præscribentes numini quid oporteat facere. At Deus optime nouit, quid nobis bonum sit, quid non. Bruso. lib. 5. cap. 24. & Eras. lib. 3. apoph.

Epicuri.

Epicurus dicere solebat, Breui temporis spacio omnes homines perituros esse, si hominum preces sequeretur Deus. Nam subinde multa & æcerba in alios precantur. Maxi. ser. 14.

Socratis.

Poeta quidam dum amicos suos videret & egentes, & petentes à diis quæ illis minimè conducerent, eum tamen vtilia viderentur, pro omnibus sic ait: Iupiter rex, optima quidē nobis & vouentibus & non vouentibus tribue, Mala autem poscentibus quoque abesse iube. Cuius poetæ piam sententiam ex Platoni lib. 6. sub persona Socratis, Erardus Schonberger præceptor

meus in omni scientiarum genere doctissimus, dum bonas litteras in celeberrimo Heydelbergensium Gymnasio profiteretur, foribus habitationis suæ affixam, suis (quos priuatim docebat) discipulis semper inculcare solebat, his verbis descripta:

QVID PAUCIS ORANDVS DEVS.

Da bona, siue petare Deum, seu nulla petare:

Et procul à nobis mala quæque petentibus aufer:

Et mala, siue petare nega, seu nulla petare.

Leges autem hanc piam & Christianam poetæ sententiâ apud Brul. quoque lib. 5. cap. 24. & Val. Max. lib. 7. cap. 2.

Agésilai.

Agésilaium Lacedæmoniorum regem cum quidam virgeret improbè postulando, vt promissum præstaret: Rectè sanè, inquit, siquidem iustum est quod petis, promissi: sin minus, non promissi, sed dixi. Quo dicto elusit flagitatoris improbitatem. Verùm cum efflagitandi finem nequaquam faceret, sed subiiceret, Atqui decet reges præstare quicquid vel capite annuerint: Nihilò magis, inquit, quàm eos qui reges adeunt, decet ea petere, loquique, quæ iusta & honesta sunt, spectantes simul & opportunitatem, & quid regibus conueniat. Plut.

Cambyſis.

Cambyſes dicere solebat, haud fas esse à diis petere victoriâ in equestri pugna, eos qui equitare non didicissent: neque sagittæ ignaros superare illos sagittando, qui huiusmodi peritiani callent: neque eos qui frumenta non serunt, precari triticû pulcherrimum nasci: neque salutem petere, qui sibi in bello non cauerent. Ex Xenophonte & Brul. lib. 5. cap. 24.

Dionysij sen.

Suprà de Animi bonis ac cultu.

Alphonſi.

• Infrà tit. de Proditione.

De petitionibus parum honestis.

Diogenis.

CUm aliquando stipem posceret Diogenes, ita ἱκανὰ πλὴν, id est, Vid est, cum qui stipibus erogandis erat præfectus, Homericò carmine compellauit:

Τὸς ἀλλὰς ἱράγῃς ἀπὸ δ' ἡλὸς ἰοῖτο χεῖρας. id est,

Despolia reliquos, teneas sed ab Hectore dextram.

• Dicti festiuitas in hoc est, quod pro ἱράγῃς dixit ἱράγῃς: quorum

tum prius est, da stipem: alterum, armis spolia. se Hectoris nomine signans. Spoliatur autem, qui negat egenti. Et solet hoc hominum genus esse furax. Laert. lib. 6.

Simonidu.

Simonides poeta cum pratoris Themistoclis operam pro amico in re iniqua peteret, respondit Themistocles, nec Simonidem fore bonum poetam, si mensuram modumque in scribendis carminibus non obseruaret: nec se bonum esse prætorem, si alicuius gratiam legibus aut iustitiæ præponeret. Fulg. lib. 6. cap. 4.

Periclis.

Pericles Atheniensis philosophus ab amico rogatus, ut pro re causaque eius falsum deiceret: Oportet me, inquit, amicis accommodare, sed usque ad aras. Plutar. in Græco. apoph. Gellius lib. 1. cap. 3. Brufon. lib. 1. cap. 3. Eras. Roterod. in prouerb. Usque ad aras.

Zenonis.

Quum Cynicus quispiam dicens, in lecytho suo nihil esse olei, peteret à Zenone, Zeno negauit se daturum: sed tamen abeuntem admonuit, expenderet vter ipsorum esset impudentior. Postulatoris impudentiam impudenti negatione pensabat. Laert. lib. 7. cap. 1.

Phocionis.

Antipater cum à Phocione Atheniense petiisset, ut nescio quid iniusti suo nomine faceret: Non sum, inquit, tibi simul adulator & amicus. Amicus enim, quæ iusta sunt, efflagitat ab amico: & is qui reuera amicus est, non obsecundat amico, nisi in his quæ cum iustitia & æquitate coniuncta sunt. Phocionis dictum leges apud Plutar. in Græco. apoph. & Brufonius. lib. 1. cap. 3.

Epaminondas.

Epaminondas cum hominem nequam ob mediocrem scelus in vincula coniecisset, Pelopida efflagitanti, non dimisit, sed amicæ supplicanti concessit, dicens: Scorta decere, non Imperatores, eiusmodi dona accipere. Brufon. lib. 2. cap. 21. Facet. & exemplorum.

Phocionis.

Quum populus Atheniensis flagitaret, ut Phocion copias in Bœotiam educeret, eamque rem Phocion non fore à repub. iudicaret, edixit, ut quotquot essent in ciuitate ab ephebis usque

ad sexagenarios, se sequerentur. Hic reclamantibus senioribus, & ætatem excusantibus: Nihil, inquit, absurdi meo edicto continetur, quum ipse natus annos octoginta, vnâ cum ipsis dux profecturus sim. Hac arte temporarium multitudinis calorem reuolit. Plut. in Græc. apoph.

Clisophi.

Clisophus Atheniensis adulator, Philippo increpanti, eum semper aliquid peteret. Obluiscor, inquit. Lepidus iocus, sed pugnant cum laudatissima sententia: Beneficii accepti meminisse, dati obliuisci oportet. Eras. Rot. lib. 6. apoph.

Antigoni.

Antigonus senior cum frequenter Biantem moleste beneficia flagitantem tulisset, tandem victus tardio: Date, inquit, Bianti talentum, vel vi. Sentiens, beneficium non impetratum, sed improbitate extortum. Eras. lib. 4. apoph.

Anonymi.

Quidam Antigoni amicus, cum ab eo petisset talentum, nec accepisset, postulauit ab eo deductores, ac corporis custodes. Rogatus, quam ob rem? Ne, inquit, insidiis impetar. affingens, se talentum humeris ferre. Eras. lib. 8. apoph.

Antigoni.

Thrasillus Cynicus cum ab Antigono drachmam petiisset, Antigonus ait: Petis munus non regium. Cui cum respondisset, Da igitur talentum: Nunc, inquit rex, non petis munus Cynicum (notandum autem, apud Senecam corruptè legi Tynicum, pro Cynicum.) Et sic utroque cornu repulit postulantis improbitatem; quem existimabat nullo omnino beneficio dignum esse. Plut. in apoph. Reg. & imp. & Brus. lib. 1. cap. 1.

Timothei citharadi, & Archelai.

Suprà de Conuiciis in ipsum autorem retortis.

Scopæ.

Scopas Thessalus, cum quispiam familiaris ab eo assequi quicquam contenderet, quod neque illi necessarium, neque satis commodum esset: Huiusmodi, inquit, rebus & felix sum, & locuples. Brus. lib. 1. cap. 1.

Scipionis.

Quum à Scipione Africano quidam vetus affectator ex numero amicorum, non impetraret vt se præfectum in Africam duceret, & id ferret moleste: Noli, inquit, mirari, si tu à me hoc non impetras. Ego iam pridem ab eo cui meam existimationem charam

charam fore arbitror, peto, ut mecum praefectus proficiscatur, & adhuc impetrare non possum. Cic. in Verrem.

P. Rutilij.

Suprà tit. de Amicitia atque amico bono. & de Iustitia.

Catonis.

Catulus censor Catonem sibi arctissima iunctum necessitudine rogauit, ut quendam ipsius iudicio obnoxium (erat enim quaestor) missum faceret. Ille hunc in modum respondit: Turpe est nos, qui iuuentuti rectè instituendæ authores esse debemus, à lictoribus irrideri nostris. Negauit asperius, quod iniuste petebatur. Plutar. in Catonis vita.

L. ANTONINUS Augusti Caf.

Quum Galli donassent Augusto torquem aureum, centum pondo, ac Dolabella per iocum tentans illum, tandem huc produceret iocum, ut diceret, Imperator torque me dona: Malo te, inquit, ciuica donare. Festiuiter submouit postulatoris impudentiam, qui nunquam in bello fuisset: eoque magis illi conueniebat corona ciuica, quæ ex quernis ilignisque frondibus fieri consuevit, quemadmodum triumphalis ex auro. Quamquam & castrensis, & muralis, & naualis ex auro fieri solebat: Quæ de re vide A. Gellium lib. 5. cap. 6. Ciuicam autem Augustus, ut honorificentior, per iocum obtulit. Nam Suetonius refert, eum inter dona militaria aliquando facilius phaleras & torques, & quicquid auro argenti que constaret, dare solitum, quam vallares ac murales coronas, quæ honore præcellerent. Hoc nisi scias, friget Augusti iocus. Tamen de materia coronarum variant Gellius & Suetonius. Eras. Rot. lib. 4. apoph. & Bruns. lib. 3. cap. 16.

Eiusdem.

Græculus quidam ita captare solitus est Cæsarem Augustum descendenti à palatio, honorificum aliquod epigramma porrigebat. Id cum frustra sæpe fecisset, nec destitutum videret Augustus, epigramma bene Græcum manu sua descripsit, & Græculo ad se venienti obuiam misit, veluti carmina carminibus pensaturus. Græcus acceptum legit, ac non solum voce, verum etiam vultu gestuque corporis laudauit carmen, miratusque est. Deinde cum accessisset ad sellam qua Cæsar vehabatur, demissa in pauperem crumenam manu, pauculos denarios protulit, Cæsarique obtulit his verbis: *καὶ τὰ τοῦτο τὸν αἰσθητὴν, καὶ πολλοὺς ἄλλους, καὶ ἰδίους.* Id est, nō iuxta fortunam

tuam Auguste, si plus haberem, plus darem. Sequuto omnium risu, dispensatorem Cæsar vocauit, & sestertium centum millia Græculo numerari iussit. Bene celsit Græculo palam exprobrata principi parsimonia. Suet. in eius vita. Brus. lib. 2. cap. 3.

Eiusdem.

Cum à Cæsare Augusto Romæ Pacinnius. Taurus munus peteret, diceretque populari rumore sparsum, pecuniam haud paruum ipsi à Cæsare datam: Sed tu, inquit, noli credere. Lepido ioco significans, se non daturum. Alter expectabat, futurum ut Cæsar ipsius pudori succurreret, ne si compertum esset rumorem esse vanum, ipse ludibrio haberetur. Cæsar aliud indicauit remedium: sineret homines loqui quæ vellent, modò ne ipsi quod erat falsum persuaderent. Macro. lib. 2. Saturn.

Eiusdem.

Alter præfectura equitum submotus, insuper & salarium ab Augusto postulare est ausus, hoc colore, ut diceret se non lucri causa salarium petere: sed ut tuo, inquit, iudicio videar impetrasse munus, & ita credar non ab officio submotus, sed officium deposuisse. Tu, inquit Augustus, apud omnes prædica te accepisse, ego non negabo. Si nihil mouebat petitorum, nisi metus ignominiae: via commonstrata est, qua nihilo minus honoris suo consulere posset, quam si pecuniam accepisset. Idem eodem loco, & Brus. lib. 2. cap. 2.

Eiusdem.

Idem Liuiæ uxori pro quodam Gallo petenti ciuitatem, negauit, ac immunitatem obtulit, dicens se facilius passurum fisco suo detrahi, quam honorem ciuitatis Romanæ vulgari. nimium Reipub. dignitatem antefereus priuato comodo. Suet.

Eiusdem.

Cum miles quidam ab Augusto Cæsare impudenter peteret, ac Martianum videret accedentem, quem & ipsum aliquid improbe petiturum suspicabatur: Non magis, inquit, faciam comilito quod petis, quam quod Martianus à me petiturus est. Ibi.

Vespasiani.

Vespasianus imperator, quum quidam charis ministris munus ab eo pro quodam, quem fratrem esse dissimulauerat, peteret, rem distulit, donec ab eo pro quo petebatur, pecuniam extorqueret, quam cum ministro fuerat pactus. Qua accepta, interpellanti ministro urbanissime respondit: Alium tibi quære fratrem: hic, quem tuum esse putas, meus est. Brus. lib. 2. cap. 3.

Hadrianæ

Hadriani imp.

Romæ cum in spectaculo populus clamore flagitaret, ut aurigam qui placuerat, liberum esse iuberet, per tabellam respondit Hadrianus imperator, Iniquum esse quod peterent. Si enim seruum alienum libertate donaret, fieret iniuria domino. Dicitur hunc abhorruisse ab omni violentia. Dion in Adriano.

Sigismundi Cæs.

Infrà tit. de Proditione.

Alphonso.

Cum eques quidam, Ioannes Calaguritanus nomine, ab hostibus captus, & ab eisdem emissus carcere, Alphonsum regem adisset, in solatium calamitatis multa postulauit ab eo, & impetrauit. Quo digresso, rex dixit ad familiares: Dispercam, inquit, ni metui, ne uxorem etiam meam deposceret eques meus. Panormita libro 2. de Alphonso rebus gestis, & Erasmus lib. 8. apophthegma.

Eiusdem.

Eques quidam cum subinde ab Alphonso Aragonum rege munera peteret, & acciperet, omnia profudit, & alia deinde petiit. Cui rex ait: Si pergam tibi dare, quæ petis, citius me pauperem effecero, quam te diuitem. Panormit. libro 2. de reb. gest. Alphonso.

Friderici Cæs.

Iacobus de Sirck, episcopus Treuerensis, princeps elector, vir industrius, ac magni consilii, sed multum cupidus, & ad extollendam ecclesiæ suæ potentiam nimis attentus, Fridericum Cæsarem apud Nouam ciuitatem cum adisset, & alia, atque alia petens impetrasset, sed plura tamen petendo instaret: Si non facis, inquit imperator, petendi finem, ego certè negandi finem facile inueniam. Quo dicto perquam lepido improbum petiorem compescuit. Aeneas Syluius libro 2. Commentariorum de rebus gestis Alphonso.

Ludouici Bauari.

Albertus marchio Brandenburgensis, cum ex Ludouico seniore Bauariæ duce (quem captiuum habebat) iniqua petisset, ac neganti grauiores durioresque carceres minitasset: Ludouicus, Quæ poteris (inquit) ex me libero impetrare, eadem modo ex capto petito. Innuit autem, iniusta nec à capto, nec homine libero petenda esse. Aeneas Syluius lib. 3. Comment. de rebus gest. Alphonso.

De Phi

De philosophiæ usu, & utilitate.

Thaletis.

Thales Milesius dicebat, facillimū esse philosopho ditari: idque tali facto probauit. Omnem oleam antequam florescere cepisset, in agro Milesio coemit. Animaduenerat enim præscientia quadam, olearum vbertatem fore. Hoc pacto os obtulit iis, qui iactabant, in philosophis paupertatem non esse virtutis, sed necessitatis. Cicero lib. 1. de Diuinat.

Bionis.

Bion Borysthenites, cum malè audiuiſſet, quòd adoleſcentem quendam mollem in disciplinam non recepiſſet: Tenellus, ait, caſeus non attrahitur hamo. Significans, pueros delicatulos ad philoſophiæ ſtudia nequaquam eſſe idoneos. Laert. libr. 4. capit. 7.

Eiusdem.

Idem dicere ſolitus eſt: Quemadmodum proci Penelopes, quoniam cum Penelope commiſceri non potuerunt, cum illius ancillis rem habuerunt: ita qui philoſophiam aſſequi non poſſunt, in aliis friuolis diſciplinis ſemet exercent. Ibidem.

Eiusdem.

Rhodi, quum Athenienſes darent operam rhetoricis, ipſe philoſophiam docebat. Ob id reprehenſus, ita reſpondit: Triticum aduexi, & hordeum vèdo. Sentiens, abſurdum eſſe ab ipſo requiri deteriora, quum attuliſſet meliora. Nam philoſophia, veluti triticum, cibus eſt hominum: hordeum, equorum, ſimul innuens, ſolum philoſophum loqui, rhetores hinnire potius. Ibidem.

Pythagora.

Pythagoras dicebat, vitam humanam eſſe ſimilem panegyri, hoc eſt, ſolenni hominum conuentui, ad quem alii conueniunt certaturi, alii negociaturi, nonnulli ſpectatores modò futuri. Ac cæteros quidem omnes eſſe ſollicitos, ſolum ſpectatorem tranquillum frui celebritate, hunc ſpectatorem aiebat eſſe philoſophum, qui non ob aliud in hoc mundi theatro prodiret, quam vt naturas rerum, ac mores hominum contemplaretur. Laertius libro octauo, capite primo.

Diogenis.

Negabat illos debiles ac mancos appellandos, qui ſurdi eſſent, aut cæci, ſed qui peram non haberent. Luſit autem affini-

cæc

tate vocum, nam *αἰῶνος* & Græcis dicitur mancus, aut mutus: *ἄνους*, qui pera caret. Innuens opinor, hominem ad omnem vitæ functionem inutilem esse, qui expers sit philosophiæ. Pera enim Cynicorum penus erat. Ibidem.

Eiusdem.

Supra de Discendi cupiditate.

Eiusdem.

Supra de Animi bonis ac cultu.

Eiusdem.

Dicenti cuidam, quem ad sapientiæ studium hortabatur, Non sum idoneus philosophiæ: Quid igitur viuis, inquit, si tibi nulla rectè viuendi cura est? Non enim in hoc viuit homo, vt uiuat tantum, sed vt discat rectè viuere. Natura dat viuere, philosophia dat rectè viuere. Natura gignit ad virtutem dociles, doctos non gignit. Ibidem.

Eiusdem.

Supra de Exilio fortiter ferendo.

Eiusdem.

Idem percontanti, quid lucri caperet ex philosophia: Vt nihil, inquit, aliud, certè hoc, quòd ad omnem fortunam paratus sum. Hoc dictum vix sapit Diogenem, quanquam illi adscribitur. Laertius libro sexto.

Eiusdem.

Idem aliquando vocatus ad coenam, negauit se venturum. Roganti causam: Quoniam, inquit, heri mihi non sunt actæ gratiæ. Vulgus hominum postulat sibi veluti pro magno beneficio gratias agi, si quem admiserint ad conuiuium. At Diogenes, licet pauper, existimabat sibi deberi gratiam, quòd non grauaretur interesse conuiuii, quia nusquam iret asymbolus, sed lautius philosophiæ sermonibus pasceret conuiuatoris & conuiuarum animos, quàm ille corpus epulis. Laertius lib. 6.

Eiusdem.

Supra de Doctrina & eruditione quæ vt semper incolumnis est &c.

Eiusdem.

Idem interrogatus à quopiam, cuius esset? respondit, *ἡ κοινὸς*, id est, cuius mundi. Significans, philosophum, vbicunque locorum agat, in sua patria viuere. Laert. lib. 6.

Eiusdem.

Idem dixisse fertur, quòd fortunæ apponeret animi fiduciâ, legi naturam, affectibus rationem, eo quòd his tribus paratur ac ser

ac seruatür hominũ tranquillitas. Aduersus fortunę procellas
tuetur sapientem animus impavidus, naturam pro lege sequi-
tur: cui si repugnet lex, contemnit eam: porrò cupiditatum tu-
multus ratione compescit. Ibidem.

Eiusdem.

Idem, cum Plato laudaret quendam hoc nomine, quodd erga
omnes esset humanissimus: Quid, inquit Diogenes, illi tribuen-
dum est, qui tot annos in philosophia versatus, nullum hacten-
us affecit dolore? Sentiens, proprium philosophi munus esse,
mederi vitiis hominũ, id autem fieri non posse, nisi metu ac
dolore: metu probri, dolore præsents ignominia. Ibidem.

Eiusdem.

Idem inuitatus vt ad Alexandrum veniret, recusauit. at Per-
diccæ præfecto minitanti necem, ni veniret: Nil, inquit, magni
feceris, si quidem & cātharis & phalangium idem possunt. Can-
tharis pusillum est insectum, non dissimile scarabeo, sed præsen-
taneum habens venenum: phalangium, aranei genus est nocen-
tissimum. Nec dubitauit vicissim minitari Perdiccæ, se felici-
ter victurum, si sine illo viueret. Indicans, infelices esse, qui cum
Perdiccæ viuerent. Ibidem.

Eiusdem.

Diogenes Cynicus cum iam in dolio habitaret, accessit eum
Alexander rex, & hunc in modum ait: Adsum ô Diogenes, tibi
subuenturus, quando quidem video te multis egentem. cui Dio-
genes: Vter nostrũ pluribus eget? ego, qui vltra peram & pal-
lium nihil desidero: an tu, qui non contentus patrio regno, tot
periculis temet obiciis, vt latius imperes? adeo vt vix totus or-
bis tuæ cupiditati videatur satis futurus? Ibidem.

Zenonis.

Zeno Cittieus cum consulisset oraculum, quonam pacto
vitam optimè instituere posset? Deus respondisse fertur: Si con-
color fieret mortuus. Ille igitur sentiens, se ad veterum incitari
lectionem, animum ad philosophiæ studium adiecit. Laertius
libro septimo, capite primo.

Eiusdem.

Idem cū ascenderet in theatrũ, cithara canēte Amœbeo, ver-
sus ad discipulos, dixit: Eamus, vt pernoscamus quam vocem,
quemq; concentum edāt, intestina, nerui, lingua, & ossa, quibus
adestratio, numerus & ordo. Si in rebus inanimis tantum valēt
illa, quanto plus valebunt, si in omni hominis vita seruantur?

Idem

Idem lib. 9. cap. 5.

Eiusdem.

Idem negociator purpuram vehens, naufragium fecit iuxta Pireum, atque hac occasione sese contulit ad philosophiam. Itaque solitus est dicere: Tum bene nauigavi, quum naufragiū feci. Alii narrant, eum cum Athenis esset, audissetque merces perisse naufragio, dixisse: Bene facis fortuna, quæ me ad philosophiam (alii, ad pallium) appellis. Laer. lib. 7. cap. 1.

Anonymi.

Adolescens quidam, qui apud Zenonem philosophiæ operā dederat, domum reuersus, cum à patre iuberetur speciem suæ eruditionis edere, ait: Ostendam paulo pòst quid incrementi fecerim. Verum cum nihil diceret, pater iracundus, existimans impendium periisse, cœpit loris verberare filium. Eam parentis seueritatem quum æquo animo tulisset, ac iursus efflagitanti patri, vt profectus documentum daret: Hoc, ait, ex philosophia didici, vt possim irā & verbera patris æquo animo perpeti, cū secus faciant alii. Refert Eras. lib. 8. apo. ex Aeli. lib. 9. Variæ hist.

Cratetii.

Crates Thebanus rogatus, quid illi è philosophiæ studio accessisset emolumenti? respondit,

διγμον τε χοίνικας, καὶ τὸ μηδὲν εἰς μάτην Id est,

Chanix lupini, & absque cura viuere.

Sentiens, se minimo contentum, ob libertatem suauiter viuere. Laer. lib. 6. cap. 5.

Eiusdem.

Idem rogatus, quoad esset philosophandum? Donec, inquit, exercituum duces qui sunt, videbuntur esse agasones. Sentiens opinor, ibi maximè opus esse philosophia, vbi qui populo præfunt, stolidi sunt & indocti: & homines, quibus imperant, habent pro asinis. Ibidem.

Eiusdem.

Idem dicebat, philosopho nulla re opus esse. Eoque pecuniā deposuit apud trapezitam, hac conditione: vt si liberi essent idiotæ, traderet eam illis: sin philosophi, nummos distribueret in plebē, quòd indoctis opus esset pecunia: philosopho nec opus, nec vtilis. Ibidem.

Aristippi.

Aristippus rogatus, quo differrent docti ab indoctis? Quo, inquit, equi domiti ab indomitis. Quemadmodum equus indomitus

domitus ad omnem vsum incommodus est ob insecitiam ac ferociam: ita qui rapitur affectibus, quos sola domat philosophia, ad omnem vitæ consuetudinem inutilis est. Laer. lib. 2. cap. 8.

Eiusdem.

Idem rogatus, quid fructus cepisset ex philosophiæ studio? Quod cum quibuslibet, inquit, liberè loqui possim. Nec enim metuebat potentes, nec fastidiebat humiles. Quoniam animū habebat spe pariter ac metu liberum, nemini seruiebat, neque cuiquam assentabatur præter animi sententiam. Ibidem.

Eiusdem.

Aristippus iussus est aliquando è sua philosophia nonnihil dicere, cum quæ detrectantem vrgeret Dionysius: Ridiculum, inquit, siquidem me ut de philosophia loquar rogas, & quando oporteat loqui ipse me doces. Sensit, hoc ipsum esse philosophi, scire quando loquendum sit, quando tacendum, at qui petit ut audiat aliquid ex philosophia, declarat se philosophiam à philosopho velle discere, rursus qui cogit ad loquendum, is videtur ipso philosopho doctior, ut qui melius norit loquendi tēpus, quàm philosophus ipse. Ibidem.

Eiusdem.

Aristippus percontanti Dionysio, quid eximium haberent philosophi præ cæteris hominibus? Ut, inquit, etiam si omnes leges aboleantur, tamen æqualiter victuri simus. Vulgus legum præscriptis arcetur à peccando: philosophus rationem habet pro legibus, non ideo quod rectum est faciens, quia lex iussit: nec à scelere temperans, quia lex vetuit: sed quia nouit illud per se rectum esse, hoc per se turpe. Ibidem.

Eiusdem.

Percontanti Dionysio, qui fieret, ut philosophi diuitum limina tererent, non contra? Quoniam, inquit, philosophi norunt quibus egeant, illi nesciunt. Philosophi sciunt, absque pecunia viui non posse: itaque petunt eos, qui quod opus est dare possunt. Quod si diuites æquè intelligerent se egere sapientia, multo magis tererent philosophorum limina. Miserior enim est egestas animi quàm corporis: atque hoc miserius egeat sunt diuites, quod non intelligant, quàm preciosa, quàmque necessaria re careant. Ibidem.

Eiusdem.

Idem quondam petiit talentum à Dionysio, quumque rex redarguendi nactus occasionem, diceret: Nonne tu prædicas

bas

bas philosophum non egere? Da, inquit, & postea de hoc disputabimus. Cum accepisset pecuniam: Annon, inquit, recte dixi, philosophum non egere? Non eget, qui quum opus est, habet unde accipiat. Ibidem.

Eiusdem.

Quidam multa destomachans in philosophos, etiam hoc adiecit, quod conspiceret illos semper obsidere fores diuitum. cui Aristippus: Et medici, inquit, agrotantiu domos frequentant, nemo tamen agrotus esse mallet, quam medicus. Scire rector sit in diuersum, conuicium. Philosophi praedicant felicitatem, quam vni sapienti vindicant: & tamen assidue versantur apud diuites, aliquid venantes ab illis. unde colligebat, diuites esse beatiores quam philosophos. Sed ille interpretatus est, philosophos ideo potissimum colere diuites, quod ob luxum ac delicias caeteris mortalibus & stultiores & corruptiores, magis egerent praecipis sapientiae. philosophus autem animorum male habentium medicus est. Porro beatius est esse medicum, quam agrotum. Laert. lib. 2. cap. 8.

Eiusdem.

Aristippus in Asia comprehensus est ab Artapherne satrapa. Id temporis quum quidam eum interrogaret, num & illic haberet solitam animi fiduciam: Inepte, inquit, quasi vnquam fuerim fidentiori animo quam nunc, alloquuturus Artaphernem. Nimirum hoc illi praestabat philosophia, ne quem hominem metueret, sed cum omnibus liberè ageret. Ibidem.

Eiusdem.

Orator quidam Aristippum reum defendit in iudicio, victique litem. Is eum velut artem suam preferens philosophiae, diceret, Quid tibi profuit Socrates, Aristippe? Hoc, inquit, quod oratio quam pro me dixisti, vera fuit. Defenderat ut virum bonum & innocentem. Ut autem talis esset, qualis ab oratore praedicabatur, Socrates praestiterat, à quo philosophiam didicit. Orator non id efficit ut quis sit vir bonus: sed ut talis videatur iudicibus, etiamsi non sit. Praestantius igitur est quod praestat philosophus, quam quod orator. Ibidem.

Eiusdem.

Idem, cuidam opprobianti, quod in propria causa oratore conducticio fuisset usus: Nil mirum, inquit, & cenam apparatus, coquum conduco. Alter videri volebat, ob hoc oratorem praestantiorem philosopho, quod eius operam conduceret

ille retorſit in diuerſum. innuens, inferioreſſe eſſe qui conducitur: oratoris enim munus inferioreſſe eſt, quàm ut philoſopho conueniat. Ibidem.

Eiuſdem.

Idem, eos qui liberalibus imbuti diſciplinis, philoſophiam negligerent, dicebat eſſe ſimiles procis Pepolopes: quòd hi cum Melanthonè & Polydora ancillis rem habuerint, & omnia potius ſe habituros ſperauerint, quàm dominæ nuptias. Senſit, liberales diſciplinās eſſe velut pediſſequas philoſophiæ moraliſ, quæ cum primis ſit adhibenda, & cuius gratia reliqua diſcuntur omnia. Simile quiddā dixiſſe fertur & Ariſto de Vlyſſe, qui quum deſcendiſſet ad inferos, ait illum cum omniſibus ferè manibus fuiſſe colloquutum, cum ipſam reginam ne videre quidem potuerit. Laert. lib. 2. ca. 8.

Antiſthenis.

Suprà de Doctrina & eruditione.

Eiuſdem.

Suprà de Epò quod conuiētus malorum non ſemper obſit.

Socratiſ.

Phyſiognomon Zopyrus, qui ſe profitebatur ex habitu corporis & oris lineamenti poſſe hominis ingenium certò deprehendere, inſpecto Socrate pronunciauit, illum eſſe hominem bardum ac ſtupidum, tum mulieroſum, ac puerorum amoribus impurum, vinolentum, & intemperantem. Quum amici vehementer indignati minarentur homini, Socrates illos cohibuit, dicens: Nihil, inquit, mentitus eſt: omnino talis eram futurus, niſi me philoſophiæ gubernandum tradidiſſem. Eraſ. Rot. lib. 3. apoph. Cic. lib. 3. Tuſc. quæſt.

Platonis.

Plato diuinus ille philoſophus, tum demum bene cum rebus humanis agi, dicere ſolebat, quando vel philoſophi regnarent, vel reges philoſopharentur. Polybius lib. 12. Hiſtor.

Timothei duciſ.

Timotheus Cononis filius, & Athenienſium dux, quum floretet omnino rebus ſecundis, & facillimè vrbes caperet, ſe felicem ac beatum eſſe prædicabat. Verùm cum in Platonem philoſophum fortè inciſſet, hominèmq; philoſophantem diu audiuiſſet, omnia cōtemnens, in quibus felicitatem conſiſtere, vana opinione ductus, putauerat, proclamariſſe dicitur poſt Platonis diſputationem: O vitam verè beatam ac felicem. Audiuit

uit Platonem differentem non de diuitiis , non de triremibus, aut nauticis rebus, neq; de supplementis, aut quemadmodum auxilium esset ferendum, nec de tributo sociorum, siue insularum, neque de similibus nugis ac naniis: sed de illis quæ profitebatur Plato, quibus veram felicitatem (contemptis omnibus) ascribebat. Aelianus lib. 2. de Var. histor.

Aristotelis.

Aristoteles Stagiritæ percontanti, quid lucri cœpisset ex philosophia? Vt ea, inquit, nullo imperante faciam, quæ vulgus facit metu legum. Idiotæ à furto abstinet, quia lex minatur pœnam: philosophus abstinet, quia per se turpe est, etiam si liceat impunè. Laert. lib. 5. c. 1.

Arcefilæ.

Arcefilaus Scythæ, cum hospites quosdam vnâ cum amicis exciperet conuiuio, cœna quidem apposita est: sed deerat panis, videlicet pueris oblitis emere. Hic ille ridens: Quam, inquit, res est apta conuiuiis apparâdis, esse sapientem. Sentiens, philosophos in rebus vulgaribus minus sapere, quam idiotas. Sed interim dedit exemplum philosophicæ moderationis. quis enim ibi non incanduisset ira? Laert. lib. 4. cap. 6.

Laconum.

Lacedæmonii literas quidem discebant ad vsum, cæteras verò disciplinas exoticas eiiciebāt: nec minùs homines harum professores, quam ipsos libros. Hæc autem erat illorum eruditio, bene parère magistratibus, patientem esse laborum, & in prælio aut vincere aut mori. Hoc animo fuerunt olim & Romanorum quidam, qui philosophos Græcos vrbe pepulere, & curiosis disciplinis auerterent iuuentutem ad ocium & ignauiam, redderentque ad differendū quidem instructos, ad agenda verò Reipub. mûnia inutiles. Quid illi dixissent, si sophistarum gryphos, si nominalium & realium frigidissimas argutias audissent? Eras. ex Plut. in Lacon.

Demonaxi.

Demonax rogatus à sophista quopiam, Quod viaticum attulisset ad philosophiam? Admodum Cynicè respondit, *οὐχ ἔχω*, id est testes. Significans, se nudum accessisse. Eras. 8. apoph.

Dionysij.

Dionysius posteaquam regno fuit expulsus, cuidam dicenti, Quid tibi Plato & philosophia profuit? Vt tantam, inquit,

fortunæ mutationem faciliè feram. Neque enim sibi manus admouit, quod alii solent: sed Corinthi ludum literarium aperuit. Plutarch.

Demetrii Phal.

Demetrius Phalereus quum exularet, ac Thebis inglorius humilisque viueret, audissetque Craterem philosophum, qui ipsum inuiseret, multa placide prudentèrque de moderatè ferendo exilio differenter: Male sit, inquit, negotiis & occupationibus, per quas hætenus talem virum non licuit cognoscere. Laert. lib. 5. cap. 5.

Philippi regis.

Philippus rex Macedonum Alexandrum filium hortabatur, vt auscultaret Aristoteli, cui traditus erat instituendus, darètq; operam philosophiæ: Ne, inquit, multa committas, quæ me fecisse nunc pœnitet. Perspexit egregius princeps, neminem philosophiæ expertem regno idoneum esse. nec puduit fateri, se multa per errorem fecisse perperam, quòd à teneris vnguiculis philosophiæ præceptis non fuisset imbutus. Nam qui experimentis discunt administrare regnum, licet ingenio felicissimo nati sint, tamen & sero & magno Reipub. malo tandem euadunt boni reges. At qui philosophiæ præceptis præmunitus accedit, si adsit mens integra, vix poterit ab honesto deflectere. Vbi sunt interim, qui literas ac philosophiæ studium clamant ad Rempub. administrandam prorsus inutile? Plut. in apoph. regum & impera.

Alexandri regis.

Alexander Magnus cum esset Corinthi, adiit Diogenem pro dolo sedentem, cumque eo multa collocutus est à quo digressus, indignantibus amicis, quòd rex illi cani tantum habuisset honoris, qui tanto principi nec assurgere dignaretur: Imò, inquit, ni Alexander essem, Diogenes esse vellem. Adeò demiratus est animum illum liberum, ac rebus humanis omnibus superiorem, vt nihil regno similis esse iudicaret. Præcipua regum felicitas est, quòd nulli seruiunt: sed quicquid volunt, facile efficiunt: tum quòd nullius egeant, atqui hoc ipsum homini præstat philosophia multò verius, quam regnū monarchis. Quanquam Alexandrum esse, Alexander maius quiddam existimabat quàm regem esse. Laert. lib. 6.

Polycleti.

Polycletus statuarius dicere solebat, eorum opificium esse molcst

molestissimum, quibuscunque lutum perueniret ad vngues. Plastas opinor, ac figulos notans. Admonuit autem, eas artes exercendas, vnde non conspurcaretur opifex. Tale nimirum est philosophiæ studium. Eras. lib. 6. apoph.

De philosophis.

Zenonis.

Zeno Cittiæ dicebat, plerosque philosophos in multis *ἀσέπῳ ἔναι*, id est, non sapere: sed in fortuitis vulgaribusque rebus esse imperitos. & adiciebat illud Scaphei, qui cum animaduerneret quendam è discipulis vehementer inflatum, percusso illo dixit: Bene non est in magno, sed in bene est magnum: *καὶ ἐν τῷ μεγάλῳ τὸ ὠφέλιον, ἀλλὰ καὶ ἐν τῷ ὀλίγῳ τὸ μέγα*. Magnum enim est, quicquid rectè fit: at non statim bonum est, quod magnum. Laert. lib. 7. ca. 1.

Aristippi.

Posteaquam Aristippus magnam pecuniarum vim sibi comparasset, & admiratus Socrates diceret, Vnde tibi tam multa? Vnde, inquit, tibi tam pauca? Non enim minus admirandum arbitrabatur, quòd Socrates tantus philosophus, & qui tantos haberet amicos, pauper esset, quàm quòd ipse diues. Idem.

Eiusdem.

Aristippus olim interrogatus, cur sic ipsum argueret Dionysius? Eandem, inquit, ob causam, ob quā ceteri. Significans, philosophi libertatem omnibus esse molestam. Laert. lib. 2. c. 8.

Diogenis.

Diogenes cuidam procaciter interroganti, cur quum nihil sciret, se philosophum profiteretur? Si philosophum, inquit, simulo, hoc ipsum est philosophari. Subnotans, philosophiam rem esse vsqueadeò difficilem, vt eam vel simulare, magna sit philosophiæ pars. Quemadmodum multum regis habet, qui scitè regis personam possit gerere. Et qui simulat, imitatur: at imitari philosophos, est philosophari, hoc est, philosophiæ studiosum esse. Laert. lib. 6.

Eiusdem.

Suprà de Morte contemnenda.

Eiusdem.

Idem quodam die cum populus theatrum ingrederetur, ipse aduersus populum nitens ingrediebatur. interrogatus, cur id faceret? Hoc, inquit, in omni vita facere studeo. Sentiens, hoc esse philosophari, in omnibus actionibus quàm maxime a multi-

tudine diffidere: propterea quòd vulgus hominum cupiditatibus agitur, non ratione. Laert. lib. 6.

Eiusdem.

Idem percontanti, cur cæteris mendicis benignè largirentur homines, philosophis non item: Quoniam, inquit, sperant citius futurum ut claudi, cæcie fiant, quam philosophi. Qui misererentur afflictorum, quales ferè sunt mendici, faciunt hoc contemplatione communis hominum sortis: ita cæco opitulantur, cogitantes, hoc ipsum mihi poterit accidere. de philosopho non item cogitant. Dictum festiuius est, ob abusum verbi, sperant. ut philosophus fias, sperari potest: cæcitatem aut claudicationem nemo sperat. Ibidem.

Eiusdem.

Idem interrogatus, an philosophi placentis vescerentur: Omnibus, inquit, ut cæteri homines. Rursus hic aliud respondit, quàm interrogabatur. Quærebat percontator, an conueniret philosophis frugalitatem profitentibus, vesci placentis, cibus delicatorum: Diogenes ἰσοκρίτης ita respondit, quasi philosophi non essent homines, & tamen vescerentur cibus humanis. Siquidem animalia bruta non vescuntur quibuscumque: bos comedit scænum, leo nequaquam, oues amant frondes salicum, equi auenâ. Quædam aves pascuntur granis iuniperi, quædam carniuoræ sunt, quædam vescuntur piscibus. Huc alludit Diogenes. Ibidem.

Demonactis.

Demonax cum à quodam interrogatus esset, cuiusnam sectæ philosophus esset? Quis, inquit, tibi dixit me philosophum esse? & sic ridens abiit. Sed cum iterum rogaretur, cur rississet respondit: Cur non riderem, cum tu me ex barba philosophum esse iudicas, ipse autem barbam non habes. Sic sunt hodie, qui ex vestitu colligunt esse homines sacerdotes. Eras. 8. apo.

Epicteti.

Epictetus eos qui barba & pallio, verbisq; magnificis philosophos agebant, dicere solebat esse philosophos αἰὲν τοῦ πᾶσι/ἡμῶν τοῦ ἀνθρώπου id est, factis procul, verbis tenus. Gellius lib. 17. cap. 19.

De physiognomia.

Zenonis.

Zeno Cirticus videns adolescentem: Animi tui vestigia, inquit, satis explorata sunt mihi. Notās hominis lasciuiam, in Græco

In Græco autem plussculum habet gratiæ: *δυμὴρ* enim non tantum animum significat, sed animi etiam concitationes. Laert. lib. 7. cap. 1.

Diogenis.

Diogenes Cynicus interrogatus de quodam adolescente, qualis videretur? Arcadem esse respondit. Sive significans, illum esse stupido ingenio: siue, ut eruditi quidam malunt, mollem & pathicum, quod Arcades ferantur glandibus victitare: teste epigrammate,

ωδὸλοι ἐν ἀρναδίᾳ βαλιννοφάροι ἀνδρὶς ἴασι.

Glans autem apud Latinos interdum obscœnam habet significationem. Eras. Rot. lib. 8. apoph.

Socratis.

Suprà de Philosophiæ usu & utilitatē.

Stratonici.

Stratonicus musicus cum esset Pellæ, & in puteum descendisset, rogavit, num esset aqua potabilis? cum dixissent, qui aquam hauriebant, Nos istam bibimus: Non est, igitur, inquit, potabilis, quod illos videret pallidos, luridósque. Nam id interpretabatur malæ valetudinis argumentum, quam ex aqua contraxerant. Athenæus in Dymoso.

Cleanthis.

Cleanthes Assius hominis mores ex conspectu deprehendi posse dicebat. Verum cum philosophum ludere (qui hoc audierant) cuperent, hominem cinadum, sed multis laboribus ab incunte ætate exercitatum adducunt, ut artis suæ specimen ederet. Cleanthes igitur, cum hominis faciem, item manus callosas, & sole adultas vidisset, & aliquandiu siluisset, iussit hominem abire foras. Ille cum discederet, sternutamento concussus est. Quo audito, Cleanthes ait: Satis naturam hominis intelligo, mollis est. Non enim facile sternutant, qui sub dio laborant. Laert. lib. 7. cap. 2.

Anonymi.

Chalcidensis quidam, qui cum Orobazo descenderat, Sylæ vultum sæpius contemplatus, & ingenium motumque corporis inspiciens: Necessè est, ait, hunc fieri magnum virum, mirorque cur omnium adhuc primus non sit. Brusonius lib. 7. cap. 20.

De pictura & pictoribus.

Diogenis.

Diogenes conspiciens duos centauros pugnantes in tabula pessimè pictos: Vter, inquit, horum deterior est: Notans pictoris imperitiam: quasi dubitaret, vter esset deterius pictus. Vfus est autem voce ambigua. nam χείρ & peior dicitur, & in pugna inferior. Laer. lib. 6. Brus. lib. 5. cap. 23.

Laconi cuiusdam.

Quidam conspecta tabula, quæ picturam habebat, quomodo Lacedæmonii trucidarentur ab Atheniensibus, dixit: Fortes Athenienses. Id Lacon audiens, subiecit: In tabula. Significās, ridiculum esse de pictura gloriari, quod ea non minus mentiri soleat, quàm poetæ. Plutar. in Lacon.

Apelles.

Apelles cum vidisset tabulam à Protogene pictam, quam Demetrius in bello seruarat, deprecantibus Rhodiis, aliquandiu præ stupore tacitus eam est contemplatus, tandem in hanc vocem erupit: Ingens labor, ac mirandum opus: desunt tamen Gratix, quæ hoc aliâque eiusdem auferant, atque in cælo repnant. eam tabulam Protogenes nondum absoluerat. Erasmus libro 6. apoph.

Eiusdem.

Idem cum tempestatis vi Alexandriam delatus esset, quidam eius emuli subornarunt planum, hoc est, scurrain regium, qui eum vocaret ad cœnam. Is non suspicans dolum, venit. At quum rex, qui illi erat infensus, indignaretur, & ostensus vocatoribus, iuberet indicari à quo vocatus esset? Apelles arrepro carbone extincto è foculo, imaginem delineauit in pariete, vterque protinus ex inchoato opere agnosceret planum suum. Eadē opera & artis suæ & ciuilitatis suæ specimen dedit. Sit hoc, si libet, apophthegma mutum. Brus. lib. 5. cap. 23.

Eiusdem.

Apelles Alexandrum Fulminiferum pinxit ad eodē expressè, vter diceretur: duorum Alexandrorum, alterum Philippi nullis viribus vincibilem, alterum Apellis nullo artificio imitabilem. Ibidem.

Eiusdem.

Suprà de Ignoscencia.

Anony

Anonymi.

Pictor quidam interrogatus, quem habuisset artis magistrū? digito populum ostendit. sentiens, se ad multitudinis iudicium pingere: & obseruantem, quid quisque probaret aut improbareret, artem fuisse consequutum. Idem ab Apelle factitatum legimus, qui post tabulam latitans, subauscultabat spectatorum censuras. Numeretur & hoc inter ἀποθὴν ἀποθὴν ματῶν. Eras. lib. 8. apoph.

Zeuxidis. •

Zeuxis certamen artis exercuit cum Parrhasio. Quum enim Zeuxis tam sciē effinxisset vuas, vt in scenam aues aduolarēt: Parrhasius detulit linteum pinctum, ita veritate representata, vt Zeuxis alitum iudicio tumens, flagitaret tandem temoto linteo ostendi picturam. Mox intellecto errore: Vicisti, inquit, Parrhasi. Nam ego aues fefelli, tu artificem. Brus. lib. 5. cap. 23. ex Plinio.

Eiusdem.

Idem postea pinxit puerum vuas ferentem, ad quas quum aues aduolassent, processit iratus operi: Vuas, inquit, melius pinxi quam puerum. Nam si hoc consummassem, aues puerum timere debuerant. Ingenuitatis exemplum. At aues viderunt in puero nullum esse motum: itaque aut mortuum, aut dormientem arbitratae sunt. Ibidem.

Eiusdem.

Zeuxis Agatharcho se laudante, quod animalia facile celeriterque pingeret, damnans celeritatem: Ego verò, inquit, diu. Brus. lib. 5. cap. 23.

Protegenis & Apellis.

Protegenes Rhodi viuebat. Eò Apelles videndi eius gratia profectus est: continuòque petit officinam, in qua tabulā magnae amplitudinis in machina aptatam picturæ, aricula quædam custodiebat. Ea Protegenem negauit esse domi, rogauitque, a quo quaesitum diceret reuerso: Ab hoc, inquit Apelles: arreptoque peniculo, lineam ex colore duxit summæ tenuitatis, per tabulam. Reuerso Protegeni, quæ gesta erant, anus indicauit. Ac lineam ille contemplatus, continuò dixit: Profectò Apelles Rhodum venit. nec enim in alium cadit tam absolutum opus. Mox induxit alio colore lineam illa subtiliorē: anuque mandauit, vt si rediret hospes, diceret ostensa linea, hic est quem quaeris. Reuersus Apelles, & vinci erubescens, ter-

rio colore lineas secuit, nullum relinquens amplius subtilitatis locum. Protogenes victum se confessus, in portum deuolat, hospitem quarrit, domumque ducit victus victorem. Ex minimo vestigio artifex agnoscit artificem. Brus. lib. 5. cap. 23.

Demetriy.

Demetrius Antigoni filius, quum Rhodum obsideret, & in suburbio cœpisset tabulam quandam, Protogenis clarissimi pictoris opus. in qua pinxerat Ialytin, id est Bacchum, Rhodiis per caduceatores obsecrantibus vt tabulæ parceret, respondit: Se citius patris imagines quam eam picturam aboliturum. Tantum honoris habuit arti rex. Plut. in Demetrio.

Lasi.

Suprà de Liberè dictis & Parrhesia loquendi.

Anonymi.

Romæ in foro pendeat tabula quædam, habens imaginem pastoris vetuli cum pedo. de hac Teutonum orator rogatus, quanti eam æstimaret: satis Germanicè respondit, se nolle sibi dono dari talem viuum ac verum. Barbarus non agnouit artificium, tantum spectabat formam. Atqui quæ natura deformia sunt, plus habent & artis & voluptatis in tabula. Erasmus lib. 8. apoph.

Nealcis.

Arato destinanti tyrannorum communi odio abolere tabulam insignis artificii, quæ Aristratum in curru victorem habebat: Nealcis supplex intercessit, vt opus incolume seruaretur, dicens, cum tyrannis, non cum tyrannorum imaginibus belligerandum esse. Eras. lib. 6. apoph.

De pigritia, ignauia, atque desidia.

Themistoclis.

Themistocles Græciæ dux fortissimus, desidiâ hominis viui sepulchrum vocauit. qui cum expleris centum & septem annis se mori videret, dixisse fertur, se plurimum dolere, quod de vita tunc egrederetur, quando sapere cœpisset. Guido Bituricensis, tit. de Desidia, Vide titulum de Ocio.

De podagra.

Anaxarchi.

Anaxarchus dicebat, si quis alterum audiret imprecantem sibi manus & pedes inutiles, iratum illi proculdubio fore: Diuites

Diuites autem, cum re ipsa manus suas pedesque faciant inutil-
les, interim ob hoc ipsum se beatos existimare. Notauit autem
vir prudentissimus, eos qui ex ocio variisque deliciis. poda-
gram sibiipsis parant. Stob. serm. 28. de Ocio.

Anonymi.

Syrus quidam quum super cœnam esset orta iocosa quæ-
stio, quôdnam esset molestum ocium, & alius aliud opinare-
tur, respondit: podagrici pedes. Ocium vtrem suauissimam
expetunt omnes, sed ocium podagrici cum summo crucia-
tu coniunctum est. Pontanus. Erasmus Roterodamus lib. 6.
apophtheg.

Ciceronis.

Cicero in Vatinium, qui quum pedibus æger esset, volebat
tamen videri commodioris valetudinis factus, dicebátque
iam se bina millia passuum ambulare, Dies enim, inquit, lon-
giores sunt. Hoc Fabius tribuit Ciceroni, Macrobius lib. 2.
capi. 4. Satur. Augusto. Narratur & hodie quiddam non mi-
nus facetum, si modò accederet vetustatis commendatio. Mi-
les quidam in conuiuio iactabat sibi balistam esse, quæ iacu-
lum excuteret ad spacium nulli credibile. Reclamantibus con-
uiuiis omnibus, affirmabat famulum suum id vidisse factum:
Accersito famulo, percontatus est illum, an non ipse vidisset
quod narraret. Tum famulus: Verum, inquit, narras here, sed
tum vento secundo miseras sagittam. Erasmus Roterod. lib. 4.
apophtheg.

Alphonsi.

Alphonfus Aragonum rex interrogatus, cur podagrici lo-
quaciores cæteris essent? respondit, podagricos pedum vitio
afflictos, ambulare non posse: idèque lingua, velut ambula-
tione quadam, eos crebrius vti solere. Panormita lib. 3. de rebur
gestis Alphonsi.

Pet. Fundani.

Petrus Fundanus, cum audiret familiarem hominem de pe-
dum dolore eiulatus emittere, nec posse illos compescere, ac-
currit ad clamores: Ecquid, inquiens, alii de itinere querun-
tur assiduò, laboribusque quam plurimis: de perpetua nego-
ciorum inquietudine alii: tu de quiete quereris atque ocio?
quod si tibi molestum est, exurge parum, & peregrè proficisce-
re. Pontanus.

De pos

De pœna malis infligenda.

Socrati.

4 **S**ocrates ciuitates optimè gubernari dicebat, quum iniusti dant pœnas. Ex Platonis lib. 2. de philos. Brus. lib. 5. cap. 8.

Soleni.

3 Solon Salaminus interrogatus, Quid magis ad reipub. salutem proderet? respondit: Si boni præmiis inuitantur, mali autè pœnis coercentur. Meminit Cicero ad Brutum, & Brulomus lib. 5. cap. 8. Stobæus ser. 41.

Eiusdem.

Idem interrogatus, quânam ratione nullum in vrbe scelus perpetraretur? dixit: Si tam indignarentur illi, quibus non est facta iniuria, quàm quibus facta est. Sensit autem vir prudentissimus, tum demum saluam esse rempublicam, quum qui boni vi ri sunt, malos pœnis coercent, ne infontes afficiant contumelia. Stobæus ser. 41.

Antistheni.

Suprà de Honore virtutis præmio.

Pythagora.

Pythagoras ciuitatum optimam esse dixit, quæ posteaquam malos pœnis coaceret, viros tantum bonos admitteret. Stobæus ser. 41.

Theophrasti.

Theophrastus interrogatus, quidnam vitam humanam conseruaret? respondit: Beneficentia, honor & pœna. Stobæus 41.

Lycurgi.

Lycurgus Lacedæmoniorum legislator dicere solitus est, duabus potissimum rebus contineri Rempublicam: Præmio scilicet & pœna. Quo dicto eam demum rempublicam saluam esse putauit, in qua boni præmiis inuitentur, flagitiosi verò pœnis afficerentur. Refertur à Cicerone in epist. ad Brutum, & Eras. lib. 1. apoph.

Lyfandri.

Lyfander Lacedæmonius cum interrogaretur, quam rempublicam maximè probaret? Eam, inquit, in qua fortibus viris ac malis congrua vtriusque redduntur. Quo dicto ostendere voluit, eam rempublicam probandam esse, in qua boni præmiis ornantur, mali autem pœnis damnantur. Plutarchus in Lacon.

Agessip

Agessipolis.

Agessipolis Cleombroti filius, quū quispiā ei dixisset, ipsum cum æqualibus obsidem fuisse, filios verò, eorumque vxores minimè: Meritò, inquit, decet enim nostra peccata, nostrasque pœnas nos ferre. *Brut. lib. 5. ca. 12.*

Anonymi.

Chius quidam ira contra seruum incensus: Non, inquit, in pistrinum ego te detrudam, sed Olympiam ducam. Rectè autem ille putabat, multo durius esse supplicium, si Olympiæ in conspectu à radiis solaribus coqueretur, quàm si in molam ad molendum dederetur. *Aelianus lib. 14. de Varia histor.*

Catonis sen.

Cato senior dicebat, se omnibus peccantibus ignoscere, præterquam sibiipsi. Multum dissimilis illi Meuius, qui carpens alios, sibi condonabat omnia. Sibi ignoscit, quem non pœnitet admisi: de se pœnas sumit, qui cura pœnsat, quod incogitantia commissum est. *Plut. in Rom. apoph.*

Eiusdem.

Idem frequenter dicere solebat, se malle pro collato beneficio nullam reportare gratiam, quam pro maleficio perpetrato non dare pœnam. Significās, nil esse magis perniciosum, quàm si improborum mores pœna non coerceantur. *Plutar. in Romanorum apoph. & Eras. lib. 5. apoph.*

Eiusdem.

Idem Cato dicere solebat, iniuriam, etiamsi facienti nihil adferat periculi, vniuersis tamen periculosam esse. Quid aliud dicere voluit, quàm pœnam delicti non negligendam esse, ne ex vnius iniuria, multi porro contumeliis afficiantur ab improbis. Recitatur apud *Plutar. in Romano. apoph.*

Eiusdem.

Idem præterea dicebat, eos magistratus qui maleficos pœnis non coercerent, non tantum non ferendos, sed lapidibus obruendos esse, ne ex pœnæ neglectu salus Reipublicæ labeficeret. Recitatur apud *Plutar. eodem loco.*

Alphonfi.

Alphonfus Aragonum rex, cum equitem luxuriosum, & bonorum suorum concoctorem punire vellet, quibusdam à rege magnòpere petentibus, ne in corpus lucret debita, quæ ille, plurima per luxum libidinemque contraxerat: respondit, Equitem
hunc

hunc neque sui regis gratia, neque patriæ commodo, neque propinquorum & amicorum ære alieno suscepto, tam grande patrimonium profudisse, sed omnem suam substantiam corpori indulgisse. In corpus igitur luere æquius esse, ut pœna malefactoris ex æquo respondeat. Panormita libro primo de rebus ab Alphonso rege gestis.

Manis.

Manes Florentinus cum meretrice deprehensus, cum pro more in perpetuam facti ignominiam (nam in Anglia, qui extra matrimonium mulieribus commiscuntur, in cōspectu populi, retentis tantum fœmoralibus, nudi ecclesiam circumire cogebantur) exueretur à sacerdotibus, fœmoralis tantum concessio, omni parte nudus esse voluit, verum cum interrogaretur, an nō puderet coram virginibus, mulieribus omniq̃ populo virilia ostentare? Minimè, inquit, gentium. Nam pudenda hæc, quæ peccauerunt, ea potissimum dare pœnas decet. Aeneas Syluius lib. 1. de dictis & factis Alphonfi.

Vide tit. suprà, de Disciplina & Impunitate.

De pœna mitigata.

Alexandri Maced.

QUUM Græci qui apud hostes stipendium faciebant, venissent in potestatem Alexandri, Athenienses quidem iussit Alexander Mag. in compedibus seruari: quòd quum ex publico stipendium haberent, tamen apud hostes meruissent, similiter & Thessalos, quòd regionem optimam nacti, non eam colerēt. Thebanos verò dimisit, dicens: His per nos nihil est reliquum, neque ciuitas, neq; agri. Ita mōderatus est pœnam, ut mortem commeritis non indiceret, nisi vincula; & culpam eorum qui necessitatem excusare poterant, in se transtulit. Plut. in apoph.

Sylla.

Sylla quum milites in bello sociali Albinum virum prætorium fustibus mactassent, Sylla tam atrox facinus impunitum reliquit, dicens, se illis posthac promptioribus vsurum in præliis, dum peccatum, fortiter gerendo rem, studebunt pensare. Plutarchus in vita Syllæ.

Catonis.

Cato ipso die comitiorum quandam è sponsoribus damnauit ac pecuniam illi traditam in alium transtulit. At populus àdmiratus Catonis iustitiam, damnato pœnam remisit, dicens satis

fatis dedisse pœnarum, quod à Catone damnatus esset. Erasmus
Rot. lib. 5. apoph.

Fronton.

Supra de Indulgentia & impunitate.

Huc refer titulos, de Clementia, Humanitate, Indulgentia,
Venia, &c.

De pœnitentia.

Pausanie.

PAUSANIAS cum in conuiuio quodam Simonidem philoso-
phum orasset, vt aliquid ex sapientiæ secretis in medium
adferret: Simonides dixisse fertur, Memento te hominem esse.
Sed Pausanias in summa cum fœlicitate constitutus, non ma-
gnopere philosophi dictum curauit. Cum verò postea in Chal-
cedæco cum fame luctaretur, iamque mortem omnium misერი
mam ob oculos videret, magna voce exclamasse fertur: ô Cee
hospes, magnum quiddam in sermone tuo inerat: ego verò ina-
ni persuasionem sum adductus, vt cum nullius momenti putarẽ.
Ælianus lib. 9. de Var. hist.

Isai soph.

Isæus sophista cum primos pueritiæ suæ annos in omnibus
voluptatibus contriuisset, vir factus in melius vitam instituit,
Cum igitur fortè cum amico deambulasset, qui ei formosam
ostenderet puellam, interrogassetque vtrum formosa videre-
tur: respondit Isæus: Nihil hic iudico, quandoquidem desii la-
borare ab oculis. Philostratus in sophist.

Theodosij.

Theodosius Romanorum imperator dicere solebat, Nihil
esse noui, si quis homo cum sit, è vita excedat. Vnus autem Dei
esse, cum qui semel mortuus sit, per pœnitentiam ad vitam re-
uocare. Nicephorus Callist. lib. 14. cap. 3. Ecclesi. histôr.

De pœsi.

Gorgia.

GORGIAS sophista dicebat, tragœdiam esse deceptionem, qua
qui alterum decepisset, iustior esset eo qui non decepisset:
& qui deceptus esset, sapientior foret eo qui non esset deceptus.
Fallit enim tragœdia tractans argumenta conficta, sed adeò sci-
tè, vt vera credantur. Iustior autem ille viderur, qui fallendo
prodest: & sapientior est, qui per fictas fabulas discit quid sit tur-
pe: qui

pe, quid sit honestum. Refert Plutarchus de poetis audiendis.

Laconum.

Lacedæmonii nec comædias nec tragædias poetarum audiebant, utpote in quibus contra omnes leges, supra, incestum, adulteria, iniurias, furta, cæteraque flagitia exprimantur. Nec placuit his quorundam excusatio, qui fabulas ad voluptatem fingi, non ad fidem verè dicunt, cum hæc voluptas imbecillium animos corrumpat. Hanc ob causam Archilochum poetam cum venisset Lacedæmonem, ea hõra expulerunt: quod intellexerant ab illo scriptum, satius esse abicere arma, quàm mori. Plutarch. in Laconicis.

Anonymi.

Lacedæmonius quidam percontanti, quid ipsi videretur Tyrtaeus poeta? Bonus, inquit, ad deprauandos iuuenum animos, Quemadmodum Plato iudicabat Homeri poesim inutilem esse reipublic. qualem institui volebat: ita Lacedæmonii non recipiebant poetas, qui blanda scriberent potius quàm salubria. Plutarch. in Laconicis.

Cleomenis.

Suprà de Lectionis delectu.

Demonactis.

Demonax Admeto poetæ insulso, iactanti epigramma monostichon, quod testamento mandasset suæ addendum statueret (carmen erat,

Corpus humi tegitur, Admetus ad astra volauit:)

Respondit, adeò sibi placere carmen, ut magno emptum cupe-
ret, si iam nunc esset ascriptum. Tectè optans illi mortem, qui
vita erat indignus. Eras. lib. 8. apoph.

Pausania.

Pausanias Cleombroti filius interrogatus, cur Tyrtaeum poetam Spartæ ciuem fecissent. Ne quis, inquit, externus dux nobis fuisse videretur. Poetæ enim apud Lacedæmonios in nullo planè erant precio, sed ob lasciuiam ex vrbe eiecerunt. Plutarch. in Laconicis.

Philoxeni.

Philoxenus poeta Dionysio recitante sua carmina, quum alii per assentationem laudarent, exclamauit: Abducite me in lapidicinas. Subindicans hoc esse tolerabilius, quàm audire laudareque tam mala poemata. Nam antea rex. offensus, miserat illum in lapidicinas. Eras. lib. 6. apop.

Sylla.

Sylla.

Sylla, quum ipsi libellum malus poeta de populo subiecisset: quòd in eum epigramma fecisset, tantummodo versibus alternis longiusculis, statim ex his rebus quas tum vendebar, iussit ei præmium tribui, sub hac conditione, ne quid postea scriberet. Existimabat ille, etiam mali poetæ operam aliquo dignam præmio. Simul autem & silentium redemit ab eo qui scribere nesciret: quemadmodum faceret quidam apud nos, si quando incidisset in malum tonsorem, dabat duplum præcium, hac lege, ne rediret. Eras. lib. 6. apo.

De poetica fictione.

Astij.

Actius poeta interrogatus, quur non ageret causas, quum in tragœdiis optimè tractaret argumenta: Quoniam, inquit, in tragœdiis ea dicuntur, quæ ipse volo: in foro aduersarii dicerent, quæ minimè vellē. Idem fit in dialogis, ubi qui scribit opus unicuique tribuit orationem, qualem putat esse commodam: in iudiciis secus fit. Eras. lib. 6. apo.

Euripidi.

Euripides cuidam dicenti, Carmen condidisti ex modis ad tripudium accommodis: alio dictum hoc ridente, Ni stupidus esset, inquit, non risisset, quòd res serias Lydiæ modis temperarim. Lydii modi lasciuiores sunt. Porro quæ per se tristia sunt, ea decet arte exhilarare. Refert hoc Plutarchus in libello *πρὸ τοῦ ἀλέξαι*. Quum Euripides choream agentibus succinuisset, cantionem quandam modulatam vnus illorum risit. Cui poeta: Nisi stupidus esses, & expers affectuum, haudquaquam risisses me canente mixolydium. Eras. 6. apo.

Pinarij.

Montanus Attilii Butæ carmen recitabat. Quumque quidam indignaretur, quòd toto die recitasset, negaretque ad illius recitationes accedendum, Nactus Pinarius ait: Nunquid possum liberalius agere? paratus sum illum audire ab exortu solis vsque ad occasum. Gaudebat enim is poeta, subinde repetere ortus & occasus descriptionem. Notat autem & Horatius eos, qui ornatus gratia vel immodicè, vel non suo loco affectant tales descriptiones:

Aut flumen Rheni, aut pluuius describitur arcus.

Eras. Rot. lib. 8. apoph.

Vari.

Quum à Montano recitarentur versus, quibus exortus solis describeretur; Varus eques Romanus dixit: Incipit Buta dormire. Rursus quum succederet descriptio occasus: Quid dicit, inquit, iam nox est? Ibo, & Butam salutabo. eodem scommate taxans & affectatum carminis decus, & Butæ præposteram vitam. Eras. Ibidem.

Iaboleni.

Passienus Paulus eques Romanus, sed dubiæ sanitatis, quum recitans elegias suas, sic auspicaretur, Prisce iubes: Priscus Iabolenus qui tum aderat, Ego verò (inquit) non iubeo. Protinus ingens omnium risus coortus est. Fingunt enim poetæ suo arbitrio quicquid libet. At Priscus non tulit poeticam fictionem. Eras. lib. 8. apo.

De potestate & potentia.

Diogenis.

Diogenes interrogatus, quo modo quis vivere debeat sub potestate? Perinde atque igni vtendum esse dicebat: neque nimis propè accedendum, ne exuraris: neque nimium procul, ne rigeas. Antonius in Melissa, parte 2. ser. 1. Stob. ser. 43, idem apoph. attribuit Antistheni.

Chrysippi.

Chrysippus rogatus, cur potestatem omnem in Repub. adeò fugeret? respondit: Quia si quis malè rexerit, diis pœnas dabit; si bene, odio à ciuibus habetur. Stobæus ser. 43.

Demosthenis.

Demosthenes, summus ille orator, cum audiret quosdam qui in Repub. euchi cuperent: Omnium difficillimum esse dixit, vt hi qui potestatem habent in multos, multis placeant. Stobæus sermone 23.

Eiusdem.

Idem dicere solebat, duabus viis propositis, quarum altera ad pulpitem oratorium, altera ad inferos duceret, prudentem virum præoptaturum esse eam, quæ ad inferos ducit potius, quàm quæ potestate hominem subleuaret. Ibidem.

Eumenis.

Eumenes rex fratribus suis crebrò dicere solebat: Si me vt rex vñ fueritis, vobis tanquam fratribus gratificabor: sin autem

tem tanquam fratre, ego vobis vt rex. Antonius in Meliffa, parte secunda sermone 1.

Licini Vari.

Quum Africano illi maiori corona sapius in conuiuio imposita rumperetur, Licinius Varus accommodanti dixit: Noli mirari si non conuenit, caput enim magnum est. Sentiens, hominem esse præpotentem, cui non quauis corona congrueret.

Eraf. lib. 6. apoph.

L. Crassi.

Lucius Philippus consul L. Crasso, summæ dignitatis & eloquentiæ viro, manum iniici iusserat, eo quòd vocem illius indignè ferret, qua dixerat, sibi alio senatu opus esse. At Crassus reiecto lictore: Non es, inquit, mihi tu Philippe consul, quando ego tibi non sum senator. Eraf. lib. 6. apo.

Cn. Lentuli.

Cn. Lentulus Marcellinus consul in concione grauitè questus est de Magni Pompeii immodica potentia. Huius orationem quum populus clara voce acclamans approbasset: Acclamate, inquit, acclamate Quirites dum licet. Iam enim vobis impune facere non licebit. Significans, illius potentiam breui eò magnitudinis euasuram, vt nulla in re tutum esset vilo pacto resistere, si quid illi collibuisse. Eraf. lib. 8. apo. Val. Max. lib. 6. capite secundo.

Anonymi.

Quum Pompeius graui laboraret inuidia propter immodicam potentiam, & ob vulnus fascia linea tibiam vinctam haberet, dixit aliquis: Quid refert vbi gestet diadema, in capite an in crure? nam candidum amiculum olim erat insigne regum. Eraf. lib. 6. apoph.

C. Caesaris.

Proferentibus in medium, quòd Sylla dictataram deposuisset, quum Cæsar perpetuam gereret, quod minimum ab erat à tyrannide, respondit Iulius Cæsar: Syllam nescisse literas, eoque dictaturam deposuisse. Dictant grammatici discipulis, quum præeunt aut recitant scribenda. huc alludens, dixit illum nescisse literas. Eraf. 4. apo.

De potestate breui.

Coryi.

Cotys Thracum rex, Thebanis gloriantibus quòd Lacedæmoniis imperarent: Vidi, inquit, torrentes perennibus

fluuiis maiores factos, sed ad breue tempus. Antonius in Mellissa, parte 2. ser. 1.

Nerua.

Nerua Cocceius Romanorum imperator, ad quandam ipsum consolarivolentem hoc argumento, quod diceret, genefim Veri non esse rectè collectam, eoque spem esse illum diu vi-cturum: Istiuc, inquit, tu facile dicis, qui patrimonii tui, non Reipubl. quæris hæredem. Sentiens magni referre, vt bonus princeps quàm diutissimè viuat. Ex Dione Calsio.

Ael. Veri.

Aelius Commodus Verus impera. quum morbo grauaretur, sæpe dicere solebat, principem sanum mori debere, non debilem: quod superiores imperatores plerique violenta morte perissent: eamque mortem, vt breuem simul & inexpectatam, Cæsar optauit, & obtinuit. Spartianus.

Vide plura supra de Consulatu breui.

De præceptore bono ac fideli.

Socratis.

SOcrates cum Xenophontem obuiam sibi venientem interrogasset, vbinam locorum variæ venderentur merces, quibus vulgò vtuntur homines? cum promptè ad hoc respondisset Xenophon, interrogauit iterum: Vbi nam homines fierent meliores? verùm cum adolescens respondisset se id nescire: Me sequere, ait Socrates, & hoc ex me disces: Absurdum est, scire vbi ea quæ ad victum sunt venalia reperias: vbi autem doctus & probus euadas, negligere. Eras. lib. 3. apoph.

Eiusdem.

Quum Aeschines ambiret esse de numero discipulorum Socratis, excusaretque verecundè paupertatem suam, ac moleste ferret, quod cum Socr. ceteri amici diuites multa largirentur, sibi nihil esset quod daret, præter seipsum: Annón intelligis, inquit, quàm magnum munus mihi dederis? nisi fortè teipsum paruo aestimas? Itaque mihi curæ erit, vt te tibi reddam meliorem quàm accepi. Alii Sophistæ quum ineras nugas docerent, nullum admittebant discipulum, nisi magna mercede: Socrates nihilo minus libenter recepit inopem quàm opulentos. Eras. lib. 3. apoph.

Antist.

Antisthenis.

Antisthenes Atheniensis rogatus, cur esset in discipulos tam seuerus? Et medici, inquit, ægrotos suos simili modo obiurgant. Significans, se in vitia sæuire, & non in homines aut discipulos: nec vitia sanari blandiendo. Laert. lib. 6. cap. 1.

Alcibiadis.

Alcibiades quum ad quempiam præceptorem accessisset, vt erudiretur, rogassetque, Num Homeri opera haberet? atque ille dixisset, Se habere Homeri librum satis emendatum: Et tu, inquit, Grammaticam doces, quum sis aptus ad poetam tam egregium emendandum? Bruto. lib. 5. cap. 2.

Agasicles regis.

Cum Agasicles Lacedæmoniorum regi diceret quidam, admirari se, quòd cum esset audus discendi, non adiungeret sibi Philophanem Sophistam, regali prorsus indole respondit: Eorum, inquiens, volo esse discipulus, quorum sum & filius. significans, non minus interesse quos nactus sis parentes, quàm quos asciscas præceptores. Etenim vt liberi fermè referunt maiorum, vnde prognati sunt, ingenium: ita præceptorum vitia demigrant in eos quos instituunt. Et honestæ vitæ institutio potissimum ab illis petenda est, qui virtutem ipsis factis præstiterunt, non ab iis qui compositis arte verbis de virtute nugantur. At nunc summi orbis monarchæ futuri, deum immortalem, quibus interdum viris à teneris annis formandi instituendique creduntur? quum principi non minus tum perniciosum sit, tum indecorum, ab inhonestis institui, quàm nasci. Nec quælibet artes discendæ sunt principi, sed hæc duntaxat quæ tradunt rationem rectè administrandi regnum. Erasmus ex Plutarcho in Lacon.

Laconis.

Lacon quidam pædagogus pueri cura suscepta, quum interrogaretur, quid esset illum docturus? Efficiam, inquit, vt honestis delectetur, turpibus offendatur. Nihil efficacius ad veram felicitatem, quàm amare virtutem propter se, odisse vitium propter se. Plutarch. in Lacon.

Spartani cuiusdam.

Spartanus quidam interrogatus, quid conferrent vtilitatis pueris adhibiti pædagogi? Efficiunt, inquit, vt quæ sunt honesta, eadem pueris fiant etiam iucunda. Plut. Lacon.

Alexandri regis.

Alexander Macedo Aristotelem, cui puer formandus fuerat traditus, summa veneratione prosequabatur, dicens, se illi non minus quam patri debere, quod à patre viuendi, à præceptore bene viuendi initium accepisset. Plut. in eius vita.

M. Antonini.

Suprà de Affectibus humanis.

De præceptoribus malis & indoctis.

Diogenis.

O Lim in scholis pingi solent Musæ, ceu studiorum præfides. Ingressus igitur scholam Diogenes, quæ videret multas Musas, discipulos admodum paucos, dixit præceptori: Cum diis multos habes discipulos. Ludens ex ambiguo sermonis. Nam Græci, cum diis, dicunt, pro eo quod nos dicimus, fauentibus diis. Interdum *σὺν*, id est, cum, significat comitem: Cum multis te defendi, id est, multi mecum te defenderunt. Laerti. lib. 6.

Eiusdem.

Diogenes quum puerum conspiceret indecorè se gerentem, pædagogum illius baculo percussit, dicens: Quis sic instituis? Indicans, primæ ætatis formatoribus potissimum imputandum esse, si adolescentes euadant malè morati, aut secus. Refert Aphthonius ac Priscianus.

Alcibiadæ.

Alcibiades puer ludum literarium ingressus, poposcit Iliadem Homeri: quumque ludimagister negasset sibi esse quicquam Homeri, impexit illi pugnum, & abiit: declarans, impudenter eum docere literas, qui non semper Homerum haberet in sinu. Quid ille facturus erat, si pro Homero quis porrexisset illi Michaelem Modistam, aut Floristam? Eras. lib. 5. apoph. ex Plut. apoph.

Alexandri regis.

Alexander interrogatus, vtri magis esset affectus, Philippo parenti, an Aristoteli præceptori? respondit: Ille mihi vt essem, causa fuit: hic verò, vt bonus essem. Stob.

De præceptoribus colendis consule ea, quæ suprà annotata sunt de Discipulorum pietate in præceptores. De præceptoribus etiam soluenda mercede, pete ex titulo de Mercede.

De præ

De præconibus laudum.

Themistoclis.

Themistocles interrogatus, vtrum Achilles esse mallet, an Homerus? Dic ipse prius, inquit, vtrum malles esse victor in Olympiis, an præco, qui victores pronunciat. sentiens, multo præstantius esse, res egregias gerere, quàm gestas celebrare: Homerum præconi conferens. Plut. in Græcor. apoph.

Stratonici.

Stratonicus Musicus insignis apud Abderitas agens, conspiciatus illic singulis ciuium singulos esse præcones, adeò vt promodum maior esset præconum numerus quàm ciuium, à cœna cœpit per ciuitatem summis pedum digitis ingredi, dimissis in terram oculis. Percontantibus autem Abderitis, quid mali repente accidisset illius pedibus, ita respondit: Caterum quidem bellè valeo toto corpore, & ad cœnam curro celerius ipsis adulatoribus: illud vnum metuo, ne ingrediens præconis pedem offendam. Sentiens, illic præconum plena omnia. Athe,

Alexandri M.

Alexander Magnus; cum nuncius quidam gaudio gestiens, porrectaque manu accurreret, rem prosperè gestam ei narraturus: Quid mihi bone vir magni nunciabis, nisi nuncios Homerum reuixisse? significans, omnium præclare gestorum gloriam abolendam, nisi contingeret talis præco, qualis fuit Homerus. Plutarch.

Eiusdem.

Idem Ilium profectus, & Achillis statuam coronans: O te fecerit, inquit, Achilles, cui viuo talis amicus, mortuo talis contigerit præco. De Patroclo loquens, & Homero: quorum ille fidissimus Achilli fuit amicus, hic defunctum Iliade tota celebravit. Plutar. in vita Alexandri, & Bruson. lib. 1. cap. 3. Cicero pro Archia.

De præda militari.

Themistoclis.

Themistocles quum aliquando ad mare visendi cadauera gratia accessisset, ac torques armillasque passim disiectas videret, ipse quidem præteriiit, sed amico qui sequebatur dixit: Collige tu tibi, nam tu Themistocles non es. Ne tam obuia quidem præda commoueri potuit, vt quicquam ageret indi-

gnum egregio duce, cui gloria debet esse satis magnum virtutis præmium. Plutar. in vitâ Themistoclis.

Alexandri M.

Alexander Macedo quum in Arbelis de rerum summa periclitaturus esset, conflicturus cum mille hominum milibus ad pugnandum instructis, adierunt illum milites aliquot ipsi bene volentes, deferebantque ceteros, quod in castris inter se miscerent sermones, conspirarentque, ne quid prædæ in regium tentorium deportarent, sed ipsi totum in suum verterent lucrû. His auditis subrisit Alexander: Fausta, inquit, nunciatis. Siquidem audio sermones virorum ad vincendum, non ad fugiendû animatorum. Nec illum fefellit diuination. plurimi nanque milites regem adiere, dicentes: Bono animo esto rex, neq; metuas hostium multitudinem, qui ne pedorein quidem nostrum ferre poterunt. Plut.

Annibalis.

Annibal profugiens, apud Antiochum regē agebat. Is ostendit illi suum exercitum barbarico apparatu magnificè instructum, sed ad prædam magis quam ad bellum. Hæc omnia quum diligenter esset contemplatus Annibal, rogavit Antiochus, num hæc omnia satis essent futura Romanis? Tum Annibal: Planè satis arbitror, etiam si avarissimi sint Romani. Lufit Pœnas ab inexpectato, rex de prælio seiscitabatur, iste respondit de præda. Quid enim aliud est miles imbellis, auro, argento, cæterisque rebus ad prædam inuitantibus instructus? Plutarch.

De præmio virtutis.

Socrati.

Socrates, qui Delphico oraculo inter Græcos iudicatus est omnium sapientissimus, interrogatus quanam ciuitas ritè gubernari possit? respondit, cum boni inuitantur præmiis, iniusti dant pœnas. Ex Platone recitat Brul. lib. 5. cap. 8.

Eiusdem.

Socrates præmia decreta his qui in Olympiis aut Nemeis vicissent, contraxit, eaque maiora decreuit iis qui in bello pro patria fortiter occubuissent: dicens, illos & dum exercentur, magnis impendiis exerceri: & si vicerint, magis aduersus patriam quam aduersus hostes coronari: & quum senxerint, ad
nihil

nihil vtilis euadere, haud alter quàm detrita pallia: vt qui nec bello sint vtilis, nec gerendæ Reipub. accomodi. Laert. lib. 1. cap. 3.

Soloni.

Solon Salaminus interrogatus, vnde Respublica maximè vi-
geret: Si boni, respondit, præmiis incitantur ad virtutem, mali
autem ad virtutem negligentes, coerceantur pœnis. Brus. lib. 5.
cap. 8. Stob. serm. 41.

Tritantæchmæ.

Quum post cladem acceptam ad Persas quidam ab Arca-
dia transfugissent, auxilia pollicentes, producti sunt in conspe-
ctum Xerxis. Ibi Persis percontantibus, quid agerent Græci?
responderunt, eos celebrare Olympia, ac gymnica equestriâ-
que certamina spectare. Rursus percontantibus, quod esset cer-
taminis præmium? responderunt, coronam oleaginam. Hic
Tritantæchmæ Artabani filius, versus ad exercitus præfe-
ctum: Papæ, inquit, Mardonii, in eiusmodi viros nos incitasti
ad pugnandum, qui non pecuniarum gratia certamina agi-
tant, sed virtutis ac laudis. Ea vox tum visa est timida, vt læ-
penumero prudentia habetur pro ignauia. Refert Herodotus
in Vrania.

Lycurgi.

Suprà de Pœna malis infligenda.

Lysandri.

Lysander interroganti Persæ, quam Rempub. maximè pro-
baretur? Eam, inquit, in qua fortibus viris ac meticulosis con-
grua vtrisque redduntur. Sensit virtutem inuitari præmiis, igna-
uos excitari ignominia. Nimirum hoc est quod apud Home-
rum stomachatur Achilles, idem honoris haberi ignauis ac for-
tibus. Ea sententiâ non solum habet locum in Republ. verum
etiam in priuatis familiis. Sunt enim hæc duo præcipua ad con-
seruandam cuiuslibet gregis disciplinam. Honos enim non so-
lum alit artes, vt habet prouerbium, verum etiam virtutem.
Nec tam refert, monarchia sit, an aristocratia, an democratia,
an aliqua Reipub. forma ex his temperata, quàm, vt in qua-
cunque gubernatione discrimen habeatur publicum inter vi-
ros vtilis Reipubli. & suo viuente abdomini. Plutarchus in
Laconi.

Eiusdem.

Suprà tit. de Laudis contemptu.

Agidi.

Agis Lacedæmoniorum rex eius nominis ultimus, cum iam ad dirum mortis supplicium duceretur, interrogatus ab Ephoro, num quid pœniteret eorum quæ fecerat? Nequaquam pœnitet, respondit. nil enim aliud feci, quàm quoddam prudentiâ cum honestate semper coniunxerim. Sciuit nimirum vir ille bonus, ipsam virtutem abundè magnum esse sui præmium, quicunq; sequatur euentus. Plut.

Galieni imp.

Galienus imp. quum taurum ingentem in arenam misisset, prodissetque ad eum feriendum venator, neque productum decies potuisset occidere, Cæsar coronam venatori misit, multisantibus cunctis, Quid rei esset, quoddam homo ignavissimus coronaretur? Galienus per Curionem dici iussit, Taurum toties non ferire difficile est. Ludens significavit, grave discrimen esse toties tauro occurrere, etiam si non ferias. Trebellius Pollio.

L. Cæcilij.

Lucius Cæcilius, quum C. Cæsar aliis qui secum pila lusitabant, centum sestertia daret, illi vni eius summæ dimidium: Quid, inquit, num ego vna manu ludo, ac non duabus? Si officium erat colludere, non minus præstiterat ille quàm cæteri. Eras. lib. 6. apoph.

*De præfagiis.**Vect. Valentii.*

VEctius Valens, quum à Claudio Cæsare immineret periculum, atque interim Silius cum Messalina domi vindemiæ simulacrum omnium lasciviarum genere celebrarent, conscendit præaltâ arborē, & in ea prospectantis specie stabat. interrogantibus, quid aspiceret? respondit: Tempestatis ab Ostia atrocē. Id siue ioco dixit, siue fortè lapsa vox est, in præsagium vertit. Mox adsunt à Cæsare nūcii, qui vindictâ portant. Is Silius erat adulter, cui clam nupserrat Messalina, quâ Cæsar dissimulâter confirmatis nuptiis supplicio affecit. Eras. lib. 6. apoph.

Vide titulum de Diuidatione & ostentis.

*De precatione, siue oratione hominis**ad Deum.**Socrati.*

SOcrates humanæ sapientiæ quasi quoddam terrestre oraculum, nihil ultra petendum à Diis immortalibus arbitrabatur,

trabatur,quàm vt bona tribuerent: quoniam ii demum scirēt, quid vnicuique esset vtile: nos autem plerunque id votis expectere, quod non impetrasse melius foret. Etenim densissimis tenebris inuoluta mortalium mens, in quam latè patentem errorem cæcas preces tuas spargis. Diuitias appetis, quæ multis exitio fuerunt: honores concupiscis, qui plures pessumderunt: regna tecum ipsa voluis, quorum exitus sæpenumero miserabiles cernuntur. Splendidis cōiugiis iniicis manus: at hæc vt aliquando illustrant, ita nonnunquam funditus domos euertunt. Desine igitur stulta futuris malorum tuorum causis quasi scælicissimis rebus inhiare, teque totum cœlestium arbitrio permitte: quia qui tribuere bona ex facili solent, etiam eligere aptissima possunt. Valerius Maximus lib. 7. capi. 2.

Bianci.

Bias eos qui sibi mentem à Deo bonam largiri precarentur, nec tamen disciplinam capessèrent, parum cordatos esse dicebat. Quando neque vt pictor quisque bonus euadat, dari sibi à Deo bonos colores & lineam exoptat, quin magis artem perdiscit. Sicut nec votis proficit, qui musicus esse cupit, nisi artem consecetur. Adeo nihil prodest, circa preces occupari, nisi rectè viuendi studio tenearis. Stob.

Eiusdem.

Idem quum aliquando cum impiis ac scelerosis hominibus nauì veheretur, & in summo mari omnes periclitarentur, impiis deorum opem implorantibus: Silete, inquit Bias, ne dii vos nebulones hic nauigare sentiant. Deus autem impiorum precibus irritatur magis ad vindictam, quàm ad opitulandum flectitur. Laert. lib. 1. cap. 6.

Diogenis.

Suprà de Decoro vbique, ac in omnibus obseruando.

Epicuri.

Epicurus dicebat: Si mortalium omnium votis Deus responderet, propè futurum esse, vt vniuersum genus hominum percat. Quandoquidem videre est, tantas, tamque diras & exitiales imprecationes vicissim hinc inde vulgò effundi. Stob.

Athenodori.

Athenodorus philosophus multum eos damnari debere aiebat, qui longis orationibus Deum fatigarent, eaque peterent, quæ peti ab eis homines scire nollent. Rogandumq; solum de eis Deum

eis Deum esse, quæ minimè molestè homines ferant, etiamsi ab omnibus intelligantur. Addebaretiam, ita cum hominibus homines viuere debere, non secus ac si Deus eorum semper actiones intueretur. Hoc autem modo illos carpebat, qui iniusta à Deo peterent: & ipsi sibi, quo minus exaudirentur, impedimento essent. Fulgofus lib. 7. cap. 2.

Laconum.

Lacones, si quando diis supplicarent, summa deprecationis hæc erat, vt dii immortales bonis nil aliud adderent, quàm honesta, præterea nihil. Non aliud petebant virtutis præmium, quàm honestam famam, quum multa alia sint aliarum gentiū vota: non solum multiloqua, verum etiam inutilia, nonnunquæ & turpia à diis postulantur. Plut. in Lac.

Vide tit. de Petitione.

De principe bono, ac eius in regni administratione officio.

Solonis.

Solon Salaminus dicebat, eum principem meritò landandum esse, qui Democratiam ex monarchia ciuibus constitueret. Stobæus ser. 46. & Phauorinus Camers.

Eiusdem.

Idem tum primum imperium gerendum esse suadebat, si quis prius ferre imperium didicerit. Quomodo enim aliis imperare poterit is, qui ipse imperium nō est passus? Potest autem hoc apophthegma referri ad eos, qui prius alieno parendo imperio, dicunt imperium in alios gerere. Vel qui prius cupiditatibus imperant suis, quàm in alios exerceant imperium. Neque enim idoneus est vt aliis dominetur, qui ipse seruit affectibus: neque rex aliis esse potest, nisi quem prius ratio rexerit. Refert Diogenes Laertius in eius vita: & Erasmus in prouerb. Non bene imperat, nisi qui paruerit imperio: & Antonius part. 2. ser. 1.

Pythagora.

Pythagoras ita imperandum esse principi dicebat, vt veneretur magis quàm metuatur. Reuerentiam enim admiratio, timorem odium comitatur. Stob. ser. 46.

Cleobuli.

Cleobulus felicem existimabat principem, qui nemini conuersantium sibi crediderit. Stobæus ser. 46.

Pittaci.

Pittacus Mitylenæus cum demum principem laude dignum existimabat, qui efficit, vt subditi metuant, non ipsum, sed pro ipso. Ibidem.

Biantis.

Bias Prienæus optimum principem pronunciabat esse, qui moribus vtatur patriæ legibus. Ibidem, & Phauorinus.

Chilonis.

Chilon optimum esse regem dixit, qui operam dat, vt non metuatur. Stob. ser. 46.

Thaletis.

Thales Milesius pronunciauit, principis felicitatem existimare se, si vitam obiret, postquam consensisset, iuxta naturam. Ibidem, & Phauorinus.

Socratis.

Socrates dicere solebat, eum esse optimum regem & principem, qui à propriis affectibus temperaret. Phauorinus.

Platonis.

Plato, philosophorum ille antesignanus & princeps, tum demum beatum terrarum orbem futurum prædicauit, cum aut sapientes regnare, aut reges sapere cœpissent. Plato ipse epist. 7. Cicero epist. 1. ad Quintum fratrem. Valerius Maximus libro 7. cap. 2. Agapetus ad Iustinianum Cæsarem.

Eiusdem.

Idem principem laude dignum esse existimabat, qui sibi ipsi prius, deinde aliis commodè imperare possit. Antonius in Melissa, parte 2. sermone 1.

Isocratis.

Isocrates dicebat, optimum principem semper imitari eum, non qui maximum imperium acquisierit, sed qui optimè presentibus vsus sit. Antonius in Melissa, par. 2. ser. 1.

Anacharsidis.

Anacharsis bonum principem iudicabat eum esse, qui non solum prudens sibi videretur, sed bono & iusto aliorum consilio luens acquiesceret. Stob. ser. 46.

Philonis.

Philonis dictærium est, Si vis bonus esse rex, cum fortitudine benignitatem & mansuetudinem serua, vt non formidolosus, sed reuerentia dignus tuis subditis videaris. Varinus Phauorinus.

Mufonij.

Mufonius dicebat, conandum esse principi ut verendus potius subditis sit, quam metuendus, illum enim gravitas sequitur, hunc inhumanitas. Stob. ser. 46.

Xenophontii.

Suprà tit. de Liberalitate.

Archidamida.

Suprà de Mansuetudine.

Agidis.

Ad Agidem Archidami filium quum quidam dixisset, Philippum effecturum, ne Lacedæmoniis pateat iter in Græciam: Nobis, inquit, ô hospes, nostra patria sufficit ad illic viuendū. Pectus ad vtrumque paratum: & ad proferendum imperium, si contingat: & ad boni consulendum fortunam licet mediocrem. cum plerunque principes id quod obtingit administrent, nec ullis satientur ditionis accessionibus. Ibidem.

Agésilai.

Agésilai, licet Lacedæmoniorum rex esset, post multa egregia facta, nequaquam sibi principatum, sed tum Reipubli. tum focis & amicis Reipub. gerere dicebat. Quo dicto docere voluit, ita demum qui potitur imperio, verè legitimeque imperare, cum & ipse paret imperio legum, & eorum qui in Republic. magistratu funguntur. Plutarchus in Laconicis apoph.

Eiusdem.

Idem illud assidue in ore habuisse fertur: Principis esse, non mollicie deliciisue, sed temperantia ac fortitudine priuatis hominibus antecellere. Plutarchus in apophtheg. Laco. Erasmus lib. 1. apoph.

Eiusdem.

Celebratur & hoc illius dictum, principibus potissimum ediscendum: Imperatoris officium esse, erga rebellantes audacia, erga subiectos beneuolentia uti, quod idem Maro nobili carmine docuit:

Parcere subiectis, & debellare superbos.

Neque enim verè victor est, qui iracundix vindictam flagitanti frenum nescit imponere. Plut. in Lacon. apoph.

Eiusdem.

Illud sibi Agésilai rex cum primis ducere solebat gloriæ, quod cum rex esset, cæterisque consilio prospiceret, nihilo secius in laboribus obeundis nemini cederet: quodque sibi ipsi imperaret,

ret, sui que (vt ita loquar) rex esset, id pulchrius esse iudicabat, quam quòd regnum obtineret in alios. Ibidem.

Eiusdem.

Cum Spartanos pecuniæ deficerent ad bellum, eo quòd alerent externum militem, Agesilaus in Aegyptum profectus est, ab Thaco Aegypti rege accitus stipendio. Cæterum Agesilaus ob corpus incultum, ac vestis vilitatem, venit in contemptum eius gentis hominibus, qui sperarant se visuros Spartanum regem talem, qualis esset rex Persarum, corpore decentissimè ornatum: perperam sanè de regibus sentientes, quos externo cultu putabant æstimandos potius, quam animi virtutibus. Nihil ille quidem de cultus ac victus simplicitate mutauit, sed interim ostendit, maiestatem dignitatemque regiam non vestium splendore, sed prudentia ac fortitudine parari oportere: grauiusque taxauit vulgares monarchas, quibus si diadema, purpuram, aurum, & gemmas detrahas, nihil videas præterea regium. Plu. in Lacon. & Athenæus.

Eiusdem.

Idem Agesilaus, quum à rege Persarum essent allatæ literæ, quas Perses vnà cum Callia Lacedæmonem perferebat, de hospitio, deque amicitia tractantes, non recepit, sed iussit illos regi renunciare: Nihil esse necesse priuatim ad ipsum literas mittere: cæterum si perspicuum foret, illum bene velle Lacedæmoniis & Græcis, ipsum quoque illi pro viribus futurum amicum. Quòd si deprehenderetur insidias rēdere, ne putet, inquit, quòd me sit habiturus amicum, etiam si vehementer multas ab eo recepero epistolas. Quid hoc animo sublimius, cui in omnibus rebus gerendis hic vnicus erat scopus, consulere Reipublicæ commodis. Plut. in Lacon. apoph.

Eiusdem.

Idem, si quid esset quod per milites celeriter confici vellet, primus ipse sub oculis omnium operas aggrediebatur, quo vel pudore ad industriam extimularentur. Efficacissimum exhortationis genus, principem hoc facere, quod ab aliis fieri velit. Eras. Roter. ex Plutarcho.

Eiusdem.

Idem, cum parum instructus esset equitatu, Ephesum sese recepit: ibi opulenti denunciauit, vt quisquis pro virum & equum præberet, à militia esset immunis. Hac arte factum est, vt pro ignavis ac timidis diuitibus, breui colligeret & equos & viros

viros strenuos, ac bello idoneos. Qua quidem in re dicebat sese Agamemnonis exemplum retulisse, quod is accepta equa generosa, uirum diuitem, sed ignauum, militia liberalisset. Locus autem est apud Homerum Iliados 4.

τὸν Ἀγαμέμνονι δὸν ἄγχισιάδης ἑχίππῳ
δῶκε, ἵνα μὴ οἱ ποιεῖν ἵππῳ ἰσχυρῶς.
ἀλλ' αὐτοῦ τίς ποιεῖτο μῖνον. μίγχα, γὰρ οἱ δὸν
ἔως ἄφ' ἑσέως. ναῖς δ' ὅ γ' ἦ σὺν ἄνδρ' ἔσθ' οὐκ ὀκνῶντι.

De equa loquitur.

Quam dederat Anchisiades Echepolas Atreida
Dono, ne huic comes iret ad alta moenia Troia:
Sed remanere domi, ac sese oblectare liceret.
Nam viro opes pater alci-tonans donarat opimas:
Incoluit vero prædiuitem agris Sicyonem.

Hæ sunt artes excellenti principe dignæ, quibus efficitur, ut quod ad reipub. dignitatem incolumitatemue necessarium est, non per violentiam inuidiosam extorqueat, sed ea dexteritate impetret, ut nec tenues grauet, & à ditioribus etiam gratiam ineat. Plutarchus in Laco,

Anaxilai.

Anaxilaus rex percontatus à quodam, quem principem Rei publi. salutarem pronuntiaret? respondit: Qui beneficiis se à ciuib. vinci nequaquam patitur. Varinus Phauorinus Camers.

Agasicles.

Agasicles, cum alius quispiam ab eo sciscitaretur, quo pacto posset aliquis tutò imperare, nullo stipatus satellitio? respondit: Si sic imperet suis, quemadmodum pater imperat liberis. Nemo plura dixit vnquam maiore compendio. Domini tantum timentur à seruis, quo mali metu coerceantur, quos non corrigit pudor. Pater quoniam liberis consulit potius quam sibi, diligitur ab illis, sic ut auctoritatem comitetur reuerentia. Aduersus hos aded non est opus satellitio, ut non aliud sit satellitium fidelius illorum stipatu. Quod si rex beneuolentia ac benefactis adtungeret sibi ciuium animos, non esset opus barbarico conductioque satellitio: sed nullos haberet corporis sui custodes tutiores, quam ciues. erga quos patris gereret affectum. Porro quibus placet hoc dictum, Oderint dum metuant, nullos magis habent suspectos, quam quibus oportebat maximè confidere: ac multos metuat oportet, quem metuunt multi. Plutarch. Eraslib. 1.

Aristenis.

Aristonis.

Suprà de Hostibus.& inimicis.& de Hostibus non crudeliter tractandis.

Leonide.

Xerxes Leonidæ scripserat, Si desinas *διωχᾶσθαι*, id est, cum diis bellare, sed meis te copiis adiunxeris, potes Græciæ fieri monarcha. Huic respondit Leonidas: Si nouisses quæ sint invita honesta, abstinuisses à concupiscendis alienis. Mihi verò potius est pro Græcia mori, quàm in populares meos gerere monarchiam. Quid tam impium est, quod mortalium vulgus non admittat ampli principatus gratia? Arhic prius duxit honestam mortem pro amicis liberandis oppetere, quàm monarcha factus eos seruitute premere, à quibus venerat depulsurus seruitutem barbarorum. Plut. in Lacon.

Theopompi.

Theopompus interroganti, quo pacto quis regnum tuto possit tueri? Si, inquit, amicis concedat iustam libertatem, pro viribus interim aduigilans, ne subditi afficiantur iniuria. Multis principibus exitio fuit, quòd amicis nihil nō permitterent, ciues iniuria affectos negligerent. Hic temperantia adhibenda est, vt princeps nec amicos alienet tyrannica sæuitia, nec patiatur illos regia familiaritate abuti ad quiduis audendum præter ius aduersus plebeios: qui nimium irritati, sæpe reges suos excusserunt. Idem.

Eiusdem.

Theopompo Lacedæmoniorum regi cum dictum esset, eo tempore bene Lacedæmoniis esse, quòd bene regere reges didicissent: respondit, id potius accidere, quòd subditi parere didicissent. Ostendens, bonam popularium vrbium administrationem, non tam in principum regimine, quàm in populorum obedientia consistere. Nam si populi in diuersum à principibus traherent, difficilimum arbitrabatur esse, vt principes optimè gubernare possent, Fulgosus lib. 7. ca. 2.

Cyri.

Cyrus maior, quo non alius regum populo fuit charior, dicere solebat: Neminem debere suscipere principatum, nisi melior sit his in quos susceperet. Spiegelius in lib. 4. capi. 20. Panor. de dict. & fact. Alphonsi.

Eiusdem.

Cyrus Persarum rex dicebat, Neminem debere imperare,

qui subditis suis non esset melior. Principemque non decere esse inferiorem neque intelligendo, quæ opus sunt, neque gerendo quæ tempus expostulat. Bruso. Contursinus lib. 3. ca. 33.

Eiusdem.

Cyrus rex imperium non conuenire ei dicebat, qui nihilo iis qui sunt sub imperio, sit præstantior. Antonius in Melissa, parte 2. sermone 1.

Eiusdem.

Idem dicere sæpenumero solitus est, similia esse boni pastoris & boni regis opera. Boni igitur pastoris cum sit, bene pascere gregem, omniaque mala ingruentia auertere: sic ad bonum regem spectat, ut diligenter gubernet ciues sibi à Deo concreditos, omniaque legibus prohibeat, quæ in Reipub. perniciem ingruere videntur. Cyri autem dictum extat apud Xenophontem, & Bruson. lib. 3. c. 13.

Dionysii.

Dionysius iunior dicere solebat, se multos alere sophistas, non quod illos admiraretur, sed quod per illos admirabilis esse studeret. Sciebat populum de illis tanquam de viris doctis magnifice sentire: hac persuasione callide abutebatur ad conciliandum sibi multitudinis fauorem. Eadem arte fortasse principes quidam alunt in palatiis suis viros eruditionis & sanctitatis opinione venerabiles, ut populus arbitretur horum consiliis geri pleraque. Plut. in Regum apoph.

Philippi regis.

Philippus rex Macedonum aiebat, oportere meminisse principem, quod homo existens, potestatem adeptus sit diuinam, ut res honestas & diuinas instituat, sermone autem humano utatur. Stobæus ser. 46.

Eiusdem.

Philippum Macedoniae regem cum anus accessisset, ut causam ipsius cognosceret: respondit, sibi nequaquam esse ocium. Cumque anus inclamasset, Proinde nec rex quidem esse velis. Philippus admiratus ancillæ liberam vocem, non illi solum præbuit aures, verum & aliis quoque. Plut. in Reg. & imper. apo.

Alexandri M.

Alexander interrogatus, quis optimus princeps esset? Qui, inquit, amicos donis retinet, & inimicos beneficiis amicos facit. Anton. in Melissa, parte 2. ser. 1.

Alex. Seueri.

Alexander Seuerus imperator aurum & argentum raro cuiquam

quam nisi militi diuifit: nefas eſſe dicens, vt diſpenſator publicus in delectationes ſuas ſuorumque conuerteret, id quod prouinciales dediſſent. Bruſon. Conturſ. lib. 3. c. 13.

Eiuſdem.

Idem Alexander, cum ab amicis reprehenderetur, quòd immemor maiestatis imperatoriae, non precioſo veſtitu, auro, gemmisque corpus etiam ornaret, reſpondit: Principatum ac imperium in virtute eſſe, non in corporis decore. Ibidem.

Philifci.

Philifcus ad Alexandrum aliquando dixiſſe fertur: Ad gloriam incumbe, verum ea conditione, ne ſis peſtis, vel magnus aliquis morbus, ſed pax & ſanitas. Affirmans, per vim & ſaui-
riam expugnare ciuitates, & populos exſcindere, peſtilentiam eſſe. Sanitatis verò, ſalutisque, ſubditorum rationem habere: ea enim ſunt pacis commoda. Aelia. lib. 14. de Var. hiſtor.

Agrippini.

Agrippinus imperans, conabatur eis quos damnabat perſuadere, quòd ipsis expediret damnari. non enim tanquam inimicus (ipsis aiebat) nec vt latro, ſententiam contra eos ſero: ſed veluti tutor, & curator ipſorum. Quemadmodum & medicus hominem ſecundum conſolatur, & ſeiſum exhibere perſuadet. Stobæus ſer. 46.

Ciceronis.

Cum Cicero in oratione pro rege Deiotaro, enumeret bonorum principum virtutes, eosque iuſtos, ſeueros, graues, magnanimos, largos, beneficos, liberales eſſe debere pronunciet: ex ſingulis hiſce titulis ſingulas eorum virtutes petas licet.

Pompeij M. & Sthenij.

Pompeius Magnus, cum Mamertinos, quòd hoſtium partibus adhaſiſſent, interficere omnes ſtatuſſet: Sthenius, eius ciuitatis princeps Pompeium adiit, & hiſ verbis loquutus eſt: Non equum facis Pompei, qui propter vnum noxium, multos innoxios occidere paras. Quo audito, Mamertinis pepercit Pompeius, ciuitatemque & Sthenium liberauit. Habes autem hic in Sthenio exemplum, quem animum erga Rempub. oporteat habere principem, ſi in periculum incidat: in Pompeio autem placibilitatis argumentum, qui viri boni maluerit habere rationem, quam indulgere iræ. Plut. in apoph. Romanorum.

Liuiæ.

Augustus imperator quum apud Liuiam vxorem ſolus con-

queretur de hominum insidiis, quæ hinc inde etiam vigilantissimo struerentur: Mirum non est, respondit Livia, quod tibi parentur insidiæ, partim quod id non sit alienum à natura: partim quod in tam magno imperio multa facias, ex quibus par est plerisque molestiam capere. Princeps enim non potest omnibus placere: sed etiam quantumvis rectè imperet, ei multis irasci necesse est. Dion in Augusto.

Augusti Cæs.

Cæsar Augustus, cuidam ipsi libellum trepidè porrigenti, qui manum nunc proferret, nunc retraheret: Quid, inquit? An putas te assem dare elephanto? Solent enim pueri minimos nummos elephanto porrigere, quos ille non sine spectatorum admiratione proboscide sic corripit, ut pueri manum non lædat. Sic videmus pueros & in virorum rictum manum inferere, non sine metu. Molestum erat optimo principi, quod timeretur. Eras. lib. 4. apoph.

Tiberij.

Tiberius Romanorum imperator, præsidibus onerandas tributo provincias suadentibus, rescripsit: Boni pastoris est, tondere pecus, non deglubere. Bruson. lib. 3. cap. 13.

Neronis.

Neronis statua à vertice currus appositus est, cū inscriptione Græca: Nunc demum agon est, trahe tandem. Notatum est in Cæsare aurigandi studium, simulque denunciatum periculum. Sueton. in eius vita.

Severi impera.

Severi impera. vltima verba dicuntur hæc fuisse, Turbatam Rempub. vbi que accepi, pacatam etiam Britannis relinquo, Senex, & pedibus æger, firmum imperium Antoniniis meis relinquens, si boni erunt: imbecillum, si mali. Aelius Spartianus.

Vespasiani.

Vespasianus senior, Romanorum imperator, grauiter febri citans, cum increparet à medicis, quod morbo correptus, nihil de quotidiana victus ratione immutaret, faceretque omnia quæ ad principatū spectaret, respondit: Imperatorem stantem mori oportere. Xiphilinus in eius vita. Item etiam Turbo præfectus prætorio dixisse fertur, apud Xiphilinū in vita Adriani.

Traiani.

Optimo iure laudibus vehitur illa vox Traiani, qui amicis incusantibus, quod parum memor imperatoris maiestatis, nimium

nimius esset omnibus expositus, respondit : Talem præstabo imperatorem priuatis ; qualem optarem ipse priuatus. Eras. lib.8.apoph.Bruso.lib.3.c.4.

Antonini Pij.

Antoninus Pius quondam, quum Omuli visens domum , ac miratus columnas porphyreticas , quæsisset vnde eas haberet? Omulus ei respondit: Quum in ædes alienas veneris, & surdus & mutus esto. Sentiens, eum in alieno priuato non oportere esse curiosum. Hoc tam libero ioco non est offensus imperator. Iulius Capitolinus.

Hadriani impera.

Hadrianum transeuntem mulier quædam appellauit , Audi me Cæsar. Is cū respondisset, Non est ociū: illa clamauit, Noli ergo imperare. Ad hanc vocem restitit, & audiuit mulierem. Hoc & alii tribuitur : neque quicquam vetat , idem à pluribus vel dici vel fieri. Dion in Hadriano.

Eiusdem.

Idem in senatu frequenter dicere solebat, se sic gesturū principatum, vt sciret rem populi esse, non suam priuatam. Nimirum attigit hoc, quod vnum distinguit regem à tyrāno. Dion.

Eiusdem.

Idem impe. dicere est solitus, sibi molestum esse, si quem videret tristem : cum tamen omnes doctos vexaret quæstiunculis, sed vexatos donauit aliquo munere. Dion Cassius.

Placilla.

Placilla, Theodosii imper. vxor, subinde admonere maritum solebat, vt consideraret , quisnam ante imperium fuisset , & in quem locum ab vniuersitatis huius Deo esset euectus. Reuocare autem in memoriā voluit , olim hominem fuisse priuatum: nunc autem ideo vocatum ad imperium , vt eius gubernatione, non tantum Romana in ciuilibus respublica , sed diuinus etiam cultus probe institueretur , atque conseruaretur posteris. Nicephorus Callistus lib.12.c.42.

Constantij Chlorig.

Suprà de Eo, quod à subditis amari melius sit quàm metui.

Friderici impera.

Fridericus Romanorum impera. tum denuum saluam Rempub. fore dicebat, si senatores de rebus consultaturi, in vestibulo curiæ simulationem ac dissimulationem deponerent. Sic enim & ipsi rectè consulerent, & iudici inter consilia diiudicare

non difficile esset. Aeneas Syl. lib. 3. Commenta. de reb. gestis Alphonfi.

Eiusdem.

Idem interrogatus, quānam sibi charissimi essent? Qui, inquit, me non magis quā Deum ipsum timent. Deprompta sanè ex Christiano pectore sententia. in primis enim timendus Deus, rex regum, & dominus dominantium, qui moderatur cœlum, & totum terrarum orbem, in suāque habet potestate, perdere vel seruare quemcunque vult. Aeneas Syl. lib. 4. commen. in res gestas Alphonfi.

Othonis Syluij.

Otho Syluius, quum videret aut deponendum imperium, aut magna ciuium suorum strage tuendum, statuerat spontè mori: verum dehortantibus amicis, negauit se tanti facere vitam suam, vt ob hanc quenquam suorum interire cuperet. Recitat Eras. lib. 8. apoph.

Alphonfi.

Alphonfus Aragonum rex, eos demum principes magnificendos dicere solebat, qui iustitiam probè excolerent: hæc enim in quo fuerit, eius imperium æquo omnes animo patiuntur, illiusque moderationi sese etiam spontè subiiciunt. Vt de Cyro illo legimus, quem non iustitiæ solū, sed omnium etiā regiarum vir tutum exemplum fuisse apud suos, creditum est. Panor. lib. 1. de reb. gest. Alphonfi regis.

Eiusdem.

Idem, cum principem mirum in modum probabat, cuius simplex verbum tantum ad fidem valeret, quantum priatorum hominum iusiurandum. Sensit autem, non vulgarem principis virtutem esse, stare verbis, & facto præstare id, quod verbo semel promisit. Ibidem.

Eiusdem.

Idem illud quoque assidue in ore habuisse fertur: Tanto priuatis hominibus reges meliores esse debere, quanto honoribus & dignitate antecellerent. Panor. lib. 4. de reb. gest. Alphonfi.

Eiusdem.

Apud Alphonfi aulicos, quum de gerendo principatu esset contentio, rex, perdifficilem rem principatum sibi videri, vel eo maximè dicebat, quod principum vita popularibus exemplo cedat, illis quidem ad vitia quā ad virtutes procliuioribus. Panor. lib. 2. de Alphonfi. reb. gest.

Eiusdem

Eiusdem.

Idem, cum præterea de principum vita & moribus disceptasset, dixisse fertur: Principibus non modò sua causà à peccato abstinendum esse, sed multo etiam magis, ne sua vitia infundantur in ciues suos. Quanto enim flagitium conspectius, tanto offendiculum grauius. Panor. lib. 2. de reb. gest. Alphonfi.

Eiusdem.

Præterea cum de subditorum moribus disputaretur, Alphonfi respondisse dicitur: Veluti ad solis motum, ita populares semper in principum mores verti atque formari. Vulgus enim imitatur, quod à principibus conspicit factitari. Ibidem.

Eiusdem.

Idem regem illiteratum ac indoctum, nil aliud nisi asinum coronatum esse dicebat. Aen. Syl. lib. 1. commenta. in Alphonfi res gestas.

Eiusdem.

Idem, commemorantibus quendam ex Hispaniæ regibus dixisse, non decere principes viros scire literas: exclamauit, Eam vocem bouis esse, non hominis. Non omnes literæ conueniunt principi: sed ex quæ politice tradunt, aut ethice, quæ rectè ac secus gestorū exempla commonstrant. id quod facit historia. Ibidem.

Eiusdem.

Idem audiens ab agricultoribus, mala punica, quæ natura acria essent, arte & diligentia fieri dulcia: Cur non etiam nos, inquit, ciues & populares nostros ingenio malo, prauoq; præditos, industria & labore meliores reddimus? Innuit autem, populi mores vix esse tam prauos, quin ritè gubernantis studio, labore & industria meliores reddi queant. Pan. lib. 4. de rebus gest. Alphonfi.

Eiusdem.

Alphonsum quum adissent legati Matricienses, in quorum agris tum agebat, consulentes vtri iuberet ipsos gratificari, Nicolaone Picinino, an Francisco Sfortiæ? respondit, ambos pro amicis habendos: sed nihilo secius ab ambobus, tanquam ab inimicis, cauendum. Id temporis inter Nicolaum & Franciscum similtas intercedebat: ac rex nondum statuerat, vtrum vellet in societatem recipere, cum vtrunque ob dissidium non posset. Eras. Rote. lib. 3, apoph.

Eiusdem.

Idem reprehensus, quòd parum regaliter incederet, respondit: Malle se moribus & autoritate regem videri, quàm diademate, aut purpura. Anton. Panor. de reb. gest. Alphonfi, & Aeneas Syl. de eius dictis.

Aeneas Syluij.

Aeneas Syluius audiens Alphonsum Aragonum regem neminem ex suis lædere, respondit: Iusti principis esse, non solum afficere neminem iniuria, sed & eos qui damna quibusvis hominibus sine iusta causa inferunt, si possit, prohibere. Nam teste Cicerone, qui aut non obsistit, si potest, iniuriæ, tam est in vitio, quàm si patriam aut parentes deserat. Aen. Syl. lib. I. commenta. de reb. gest. Alphonfi regis.

Caspari Schlick.

Casparus Schlick, qui trium Cesarum cancellarius fuit, optare se dicebat, Omnes reges aliquando priuatos, pauperesque fuisse. Neque enim satis miseretur, qui nunquam fuit miser. Ibidem.

Othonis Imp.

Boso, Arelatensium rex vltimus, episcopo Arelatensi in vigilia natalis Christi, ne officium in ecclesia nocturnum celebraret, nisi ipso præsentem, mandauit. Episcopus autem quum aliquandiu cum sacerdotibus aduentum regis frustra expectasset, vltra horam consuetam, prosequutus est sacra. Superueniens autem rex, coepit expostulare cum episcopo, cur non expectasset? commotusque, dedit episcopo alapam in medio populi. Episcopus autem, quum regem apud Othonem primum Romanorum imperatorem accusasset, mandauit Otho, vt ob tantum facinus decollaretur. Archiepiscopus verò cum reliquis episcopis & principibus cum intercederent apud Imperatorem, vt hoc sanguinis iudicium suspenderetur, ait rex: Non est æquum, vt rectum Imperatoris iudicium executioni non mandetur, cum non conueniat vel vllum verbum ex principis ore frustra egredi. Recitat Sebahtia. Munsterus lib. 2. Cosmograp. de Arelato.

Plura petes ex titulis cognatis, vtpote de Magistratu, de Reipublicæ gubernatione, de Regno, &c.

Principum clementiam, liberalitatem, iustitiam, mansuetudinem, castitatem, &c. vide sub propriis titulis.

De prin

De principe malo.

Cinesia & Alexandri.

Cinesias videns Alexandrum Magnum à pharmaco, quod sumperat, vehementer turbatum: Quid, inquit, nobis faciendum est, cum vos dii talia patiamini? Cum Alexander ægrè sustulisset oculos: Quales, inquit, dii sumus? metuo, ne diis iniuri. Eras. Rot. lib. 6. apoph.

Antiochi.

Antiochus ille qui bis exercitum duxit aduersus Persas, cum in venatu quodam feram insequeretur, aberrans ab amicis ac famulis, in casam pauperum quorundam, quibus ignotus erat, introiit: atque inter cœnam iniecta mentione regis, audiuit, quod cætera quidem probus esset, sed pleraq; functiones mandaret amicis improbis, ipse ad eorum facta conniuens: tum quod immodico venandi studio, frequenter necessaria negligeret. Ad hæc tum temporis nihil respondit, nec quis esset prodidit: verum ubi diluculo satellites venissent ad casam, iamque agnosceretur, allata purpura simul cum diademate: Age, inquit, ex quo vos indui, heri primum vera de meipso audiui. Nam ferè hoc studio est his qui viuunt in aulis principum, ne quid audiant nisi blandum auribus. Plut. in reg. apoph.

Frontonis.

Suprà de Indulgentia & impunitate.

Commodi Imp.

Commodus Imperator, cum morbo grauaretur, sæpe dicere solebat, Principem sanum mori debere, non debilem: quòd superiores Imperatores plerique violenta morte perissent. Eamque mortem vt breuem simul & inexpectatam, C. Cæsar optauit, & obtinuit.

Antonini Caracall. & Iulia.

Antonini Caracallæ nouerca, cum esset pulcherrima, veluti per imprudentiam corpus magna ex parte nudauit. Quùmque dixisset Caracalla: Vellem, si liceret: Si libet inquit illa, licet. An nescis te Imperatorem esse, & leges dare, non accipere? Ea mulieris vox Caracallâ ad detestabile facinus pertraxit. Quid autem hoc dicto crudelius & impium magis est? quo innuitur, omnia principum arbitrio, non legibus, subiecta esse: quasi deceret principes contra iustitia & æquitatis leges rotundo ore

dicere, Sic volo, sic iubeo, sit pro ratione voluntas. Refertur ab Aelio Spartiano.

Anonymi.

Suprà de Bono viro.

Hadriani Imper.

Hadrianus Imp. Commodum Aelium Verum iterum consulem fecerat, eumque imperio destinauerat: quem quum cerneret nec animo nec corpore satis validum, dicere solebat, In caducum parietem nos inclinauimus, ac perdidimus quater millies H-S, quod populo ac militibus pro adoptione dedimus. Verè præsensit, Commodum inutilem imperio, sed serò. Dion in Hadr.

Galieni Imper.

Galienus prouinciarum defectionem, quasi leuissimarum rerum iacturam, ioco solebat eludere. Cum enim nuntiaturum esset, Aegyptum defecisse: Quid, inquit, sine lino Aegypto esse non possumus? Quum vastatam Asiam Scytharum incursionibus accepisset: Quid, inquit, sine aphronitris esse nō possumus? Perdita Gallia, arripit, dixitque: Nō sine trabeatis sagis tuta Republica est? Pessimi principis voces, cui quicquā clarius est Republica. Aphronitrum autem est spuma nitri, quod in Asia laudatissimum concrefcebat. Trebellius Pollio.

Vide tit. de Tyrannide.

De principio rerum agendarum duro.

Socratis.

Socrates dicebat, Bene incipere, non esse pusillum, sed iuxta pusillum. Græcè sic habent, *ὡς ἀρχαῖον, μικρὸν μὲν μὴ ἀνα, παραμικρὸν δέ.* quod Laertii interpres ita reddidit: Bene incipere paruum non esse, sed maximum. Quanquam aliud expriment verba Socratis: sed sentit, ni fallor, bene incipere non esse quidem paruum, sed parui fieri. aut rectè incipere, non esse pusillum, sed iuxta pusillum. Paulatim enim incipiendum, eo quod qui initio præproperi sunt, serius perueniant ad finem. vt alludat ad Hesiodum, iubentem, vt pusillum pusillo addamus. Dicti argutia est in Græcis vocibus, eaque Latine reddi non potest. Laert. in eius vita.

Pittaci.

Pittacus Mitylenæus illud decantatissimum frequenter dicere solebat, Dimidium plus esse toto. Quo vir prudentissimus innuere

inuere voluit, omne quidem principium satis esse durum : verum si rem aggrediamur serio, perfacile nos peruenire ad rei finem. Dictum extat apud Laertium lib. 1.

Stratonici.

Stratonicus musicus Byzantii, cum citharædus quispiam bellè cecinisset proœmium, cætera minus feliciter, surrexit, ac præconis in morem pronunciauit: Quisquis indicarit citharædum qui bene cecinisset proœmium, drachmas accipiet mille. Eras. lib. 6. apoph.

Laconum.

Lacones scutiferum militem interemere, quòd scuto nonnihil purpurei panni intexuisset. In tantum horrebant exemplum peregrinæ luxuriæ: non ignari, ex minimis initiis immedicabilem vitiorum colluuiem inundare: eoque tutissimum esse iudicantes, principiis ob stare. Ob id in primos autores seuerissimè animaduerebant. Plurimum nocuit Reipublicæ, quisquis fenestram vitiis aperuit. Plut. in Lac.

De probitate.

Anonymi.

Adolescens quidam quum venderetur, rogatus à licitatore, Erisne frugi, si fuero mercatus: Etiam si non fueris mercatus, respondit. Ne fortuna quidem seruilis docere potuit illum, seruilis loqui. Qui enim natura probus est, vbique & apud omnes probus est. Plutarchus.

Aeschyli.

Quum hi versus, quos de Amphiarao scripsit Aeschylus, in theatrò recitarentur apud Athenienses,

ὃ γὰρ ἀνείραρις ἐστίν, ἀλλ' ἵνα δὲ,

βαθεῖαν αὐτῶν διὰ φρεσὶς λαπτέμενος,

ἀφ' οὗ τὰ λυδὴ βασιλεὺς βαδίζματα. Id est.

Neque enim videri, at esse studet vir optimus,

Segetem profundam mente studiosa colens,

Consilia quando hinc germinant salubria:

Totus populus in Aristidem vertit oculos, agnoscens hoc laudis in eum competere. Plutarchus in Græc. apoph.

De probitate damnata.

Aristidi.

Aristides procurator fisci, quòd munus sanctissimè gesserat tamen à Themistocle delatus est, ac repetundarum damnatus. Sed

tus. Sed optimatum fauore non solum illi multa remissa est, verum etiam eidem redditus est muneri: quod per simulationem sic administravit, ut omissa pristina severitate, lenem se facilemque praeberet iis qui publico malo gaudent ditescere. Horum opera factum est, ut populus tertio munus summis fauoribus idem deferret Aristidi. Tum ille: Ob integre gestum munus damnatis: nunc quoniam praeter aequum multa concessi civitatis expiatoribus, honore dignum iudicatis. Hoc igitur honore delato, plus mihi dedecoris asferri puto, quam damnato ac multato irrogastis. Norat, quibus artibus posset fieri gratiosus apud populum, nisi maluisset iustus esse, quam plausibilis. Hoc dicto notavit vulgi peruersum iudicium, quod ea, quae profutura essent Reip. ubique dannat: quae nocent, summis euehit laudibus. Simile quiddam apud Terentium facit Demea. Plut. in Themist. Vide tit. de Innocentia & Ingratitudine.

De prodigalitate, profusione, & largitione.

Cratesis.

Divitum opes Crates dicebat esse similes ficis arboribus in praeruptis locis, ex quibus ut homines nihil caperent fructus, sed corui tantum, ac milui: ita ex illorum facultatibus tantum alerentur scorta & adulatores. Refert Plutarchus. Laertius libro sexto, capite quinto. Stobaeus sermone decimotertio. Alii hoc Dioni ascribunt.

Chilonis.

Chilon Lacedaemonius, quum videret adolescentem liberaliter, vel profuse potius, suum patrimonium aliis largiretem, ait: Si sumptus magnos ubi non decet feceris, ubi decet mox exiguos facies. Maximus ser. 61.

Bionis.

Bion Borysthenites philosophus in quendam qui praedia sua deuorauerat: Amphiarum, inquit, terra absorbit, tu terram. Laertius libro 4. cap. 7.

Zenonis.

Supra tit. de Luxuria luxu & voluptate.

Anaxagorae.

Anaxagoras verissimè dicere solebat: Magno cum negotio pecunias comportari, sed multo maiore opera conseruari ac custodiri. Cui & poeta Ouid. astipulatur, qui ait:
Non minor est virtus, quam quærere, parca tueri.

Quemad

Quemadmodum enim echinum, sic etiam nummos capere facilius est, retinere verò difficile. Sæpe enim pecunias, quas multo cum labore quis vnciatim vix comparferit, iuxta Archilochum, eas vniuersas semel in vnius scorti marsupium effundit homo ignauus, prodigus, & inutile terræ pondus. Aelianus lib. 4. de Varia historia.

Socratis.

Socrates videns quendam faciliè omnibus gratificari, nulloque delectu suppeditare: Malè pereas, inquit, qui Gratias virgines vt scorta prostituisti. Stobæus sermone decimotertio. Hoc autem Maximus sermone octauo ascribit Democrito.

Platonis.

Suprà de Luxuria, luxu. & voluptate.

Aristotelis.

Suprà de Auaritia.

Dioegenis.

Suprà de Luxuria, luxu, & voluptate.

Eiusdem.

Idem à prodigo petebat minam. Ille miratus improbam postulationem, rogabat quur, quum ab aliis obolum petere soles, à me minam petis? Quoniam, inquit, ab aliis iterum me accepturum spero, à te verò an vnquam posthac accepturus sim, *ἐν ἡμῶν γὰρ οὐκ ἔστιν*, id est, in deorum genibus situm est, attexit enim hoc Homeri hemistichium. Significauit autem, homini profuso periculum imminere, ne breui redigeretur ad extremam inopiam, vt ne obolum quidem haberet reliquum. Laetius lib. 6. Stobæus ser. 13. Maximus ser. 61.

Eiusdem.

Idem præteriens prodigi cuiusdam ædes, inscriptionem habentes, Venales: Faciliè, inquit, diuinabam fore, vt præ immodica crapula domum euomeret. Iam enim domum absumpserat, antequam venalem proscriberet. Vomitus igitur erat ille verius, quàm venditio. Laer. lib. 6.

Timothei.

Timotheus in Aristophontem prodigum grauissimè inuehebatur, inquires: Cui nihil satis est, eidem etiam nihil turpe. Aelianus lib. 13. de Varia hist.

Epicuri.

Epicurus Gargettius dicere solebat: Cui pauca non sufficiunt, ei nihil satis esse. Alludens ad eos, qui cum habent quæ ad vitam

consummarunt, ego iam patrimonium consumpsi. Facetè in seipsum dixit, qui venditis paternis bonis patrimonium omne comedendo ludendoque consumpserat. Poggius Florentinus.
Plura vide tit. de Luxuria & Voluptate.

De proditiōe.

Agēsilai.

AD Agēsilauum regem quum quidam venisset, efflagitans ut id quod promississet, præstaret: ad regiam enim fidem pertinere, non verba modò, verum capitis etiam nutus seruare. rex, quia res parum honesta videbatur, & propterea fidem in eo præstandam esse ratus, respondit: Scito tu quoque, neminem à rege iniustam rem petere debere. Acuto responso ostendens, rem parum honestam, quæ importunitate promissa, aut concessa videatur, laudabilius reuocari, quàm, ut constantis fama paretur, mala quæ promissa sunt præstari. Fulgosi. lib. 7. cap. 2.

Agidis.

Agis Archidami filius, cum Ephori quodam tempore dicerent, Proficiscere, iuuentutem tecum ducens ad huius patriam: nam is ipse te perducat in arcem. Et qui conuenit, inquit, ô Ephori, tot iuvenes ei credere, qui suam ipsius patriam prodidit: grauius admonens, nihil illis tutò credi, qui in patriam perfidi fuerint. Plutarchus in Lacon. & Brulonius lib. 5. cap. 6.

Therycionis.

Therycion è Delphis rediens, quum videret, in Isthmo angustias à Philippi copiis occupatas: Malos, inquit, ô Corinthii portarum custodes vos habet Peloponnesus, Allusit eo, quòd grauius animaduerti solet in ciues, quibus vrbis portæ commissæ sunt, si eas indiligenter custodierint. Multo magis accusari merebantur Corinthii, qui totius Peloponnesi portas Philippo prodidissent. Plut. in Lacon.

Theagenis.

Cillicon quidam siue Achæus, Miletum patriam prodiderat Pirienensibus. Quo nomine meritò habebatur omnibus exosus, cuius perfidiam lanus quidam Theagenes sic vltus est. Cillicon adit Theagenem, in macello empturus carnes. Lanus dissimulato odio, porrigit carniumpartē, veluti refecturus quod superesset. Cillicon profert dextram, ex aduerso retenturus car-

act:

nes: Theagenes machæra sublata, proditoris manum amputavit, ac ne id videretur errore factum, addidit: Ista saltem manu posthac non proditurus ullam civitatem. Applaudebatur latio, quod impium pro dignitate tractasset. Hinc adagium, Ciliacis exitium: quod in Chiliadibus recitat Eras. & Brufon. lib. 5. cap. 6.

Nicostrati.

Nicostratus Argiuorum imperator, cum ab Archidamo multis premiis pollicitationibusque ad proditionem tentaretur, respondit: Archidame, te ab Hercule genus non ducere, satis intelligo. Hercules enim malos poena affecit: Archidamus verò, eos qui probi sunt, malis afficere solet. Notat autem Archidamifraudes, qui proditionem hostibus imponere tentabat. Brufon. lib. 5. cap. 6.

Philippi regis.

Philippus interrogatus quos amaret præcipue, & quos maxime odisset? respondit: Prodituros quidem in primis amo: eos verò qui iam prodiderunt, odi maxime. Stob. ser. 52.

C. Caesaris.

Cæsar dicere solebat, proditores se plurimum amare, dum proderent: finita autem proditione, eos damnare, quibus in nullis rebus fidendum esset. Plut. in Romulo.

Idem aliter.

Quum in conuiuio Rhymitalces Thracum rex, qui ab Antonio ad Augustum desciverat, insolentius iactaret sua erga Cæsarem merita, ac sine fine exprobrans belli societatem molestus esset: Cæsar dissimulata illius petulantia, alteri cuidam regum propinans dixit: Proditionem amo, proditores non laudo. Significans, his qui proditione profuerunt, nihil deberi gratiæ, licet enim officium quod præstant pro tempore gratum est, ipsi tamen habentur pro malis ac fœdifragis. Plut. in Romano. apophthegma.

Sigismundi imp.

A Sigismundo Roman. cum imperatore miles veteranus efflagitaret, ut promissum præstaret: Immoderata, inquit, tua fuit petitio. At miles quum respondisset: Poteras tamen negare, cum peterem: nunc autem sine turpitudine, quod promissum est, rescindere non poteris. Sigismundus ait, Si ex duobus alterum me ferre oportet, malo facultatem mearum, quam famæ subire iacturam. Aeneas Syluius lib. 3. comment. de rebus gestis Alphonfi regis.

Alphonfi.

Alphonſi.

Quum quidam ad Alphonſum Aragonum regem dixiſſet, decere principem non ea tantum quę verbis promiſit præſtare, ſed ea etiam quę nutu tantum affirmavit: Alphonſus reſpondit, Rectè ſanè dicis: ſed decet etiam petentes, vt ea tantum à principibus efflagitent, quę ſunt iuſta & honeſta: ſin minus, ſatius eſt promiſſis non ſtare, quàm peccare in leges iuſtitia, *Panor. lib. 3. de dictis & factis Alphonſi.*

De promiſſionibus.

Antiſthenis.

Adoſcens quidam Ponticus pollicebatur ſe rationem Antiſthenis habiturum, ſi nauis ipſius quę ſalsamenta vehabat, appuliſſet. Antiſthenes accepto nouo vaſe, vnà cum adoſcente ibat ad mulierem quę vendebat farinam: & impleto vaſe, cœpit onuſtus diſcedere, Mulieri verò poſcenti farinae præcium, comonſtrato adoſcente, Hic (inquit) dabit, ſi nauis cum ſalsamentis appulerit. Significans, inanes eſſe in diem pollicitationes, quum farina quotidie ſit præſenti pecunia emenda. *Laer. lib. 6. Bruſo. lib. 2. c. 2.*

Alcibiadis.

Alcibiades apud Platonem in Sympoſio ait, ſe, quoties Socrati occurrat, verecundia affici, quia promiſſa non ſeruauerit: atque cupere, Socratem ob id è vita excedere.

Ageſilai.

Ageſilaus, quum inducias per tres meſes pactas Tiſaphernes non ſeruauſſet, oratores ad eum miſit, qui agerent gratias illi, quòd promiſſo non ſeruato, Deos ſibi hoſtes reddidiſſet. *Bruſon. lib. 5. c. 7.*

Eiuſdem.

Ageſilaum Lacedæmoniorum regem quum quidam vrgeret improbè poſtulando, vt promiſſum præſtaret, atque hoc ipſum crebrò repeteret: Rectè ſanè, inquit, rex. Siquidem iuſtum eſt quod peris, promiſi: ſin minus, dixi, & non promiſi. Quo dicto oſtendit, promiſſum nequaquam præſtandum eſſe, quo is cui promiſſum eſt, lædi poſſit. *Plutarchus in Lacon. Bruſon. lib. 5. c. 7.*

Phocionis.

Phocion Athenienſis dicere ſolebat, Non magna quidem hominibus promittenda, ſed magna facienda eſſe. Verum eius

dictum inuertunt hodie, qui aureos montes ac Crassi opes pollicentur hominibus, cum ne gry quidem præstent. Phocionis dictum extat apud Stob. ser. i. de Prudentia.

Eiusdem.

Quum Leosthenes ciuitatem Atheniensium ad bellum perpulisset, magnificis spebus ad nomen libertatis ac principatus erectam: Phocion illius verba dicebat esse cupressis similia, quæ sublimes quum sint, ac pulchræ, fructum non habent. Nil potuit dici accommodatius in sermone splendide magnificæque pollicentem, sed infrugiferum: quæ admodum cupressus arbor sublimi composita; in conum vertice, procul egregium quiddam polliceri videtur, at vix vlla est sterilior. Plut. in Græcorum apoph.

Scipionis.

Scipio Minor, cum C. Lælio consulatum petenti suffragaretur, Pompeiûsq;, qui tibicinis filius putabatur, suffragaturum se esset pollicitus, atque longa expectatione Scipionem frustraretur (suam enim rem curabat) indignantibus ceteris, quod delusissent, Scipio subridens: Stultitia (inquit) est nostra, tanquam non homines simus rogaturi, iam diu tempus terimus, tibicinem expectantes. Brufon. lib. 5, c. 7.

C. Cotta.

C. Cotta, qui in ambitione fuit artifex, dicebat sese operam suam, in eo quod non contra officium peteretur, solere polliceri omnibus, sed impertire iis apud quos optimè poni arbitretur. Sensit, nulli promittendum, quod esset præter honestum: nulli tamen negandum, quod non cōtra officium peteretur. Comitatis est benignè polliceri: sed quoniam omnibus opera præstari non potest, eligendi sunt quibus eam impertias. Vtrunque refert Q. Cicero ad fratrem, de petitione consulatus, & Brufon. lib. 1, c. 15.

Ciceronis.

Suprà de Conuiciis.

Vide titulum, De petitionibus parum iustis.

De pronunciatione.

Theocriti.

THeocritus ad Grammaticum quendam ludimagistrum malè pronunciantem accedens, rogauit, Qui sit, quod Geometriam non doceas? Is quum respondisset, Quoniam ignoro:

ignoro: Quid tum? dixit. Nam legere etiam nescis. Notauit autem pronuntiationis vitium in Grammatico, qui non tantum ipse lingua promptus esse debet, sed aptus etiam ut aliorum verba & voces formet. Theocriti dictum extat apud Stobæum ser.2.de Imprudentia.

Demosthenis.

Demosthenes, summus ille orator, interrogatus quid summum esset in omni genere dicendi, Pronuntiationi palmam dedit: eidemque secundum ac tertium locum, donec ab eo quareretur, ut eam videri possit non præcipuam tantum, sed solam etiam iudicasse. Quintilianus lib.ii. cap.3. oratoriarum institutionum.

Eiusdem.

Idem cuidam percontanti, quid esset in eloquentia præcipuum? respondit, Hypocrisis, hoc est, actio. Roganti, quid proximum? respondit, Actio. Roganti, quid tertium? nihil aliud respondit quam Actio. tantum tribuens pronuntiationi, ut in ea totum situm existimaret. Actio autem multa complectitur, vocis moderationem, oculorum vigorem, vultus habitum, & totius corporis gestum. Eras. lib. 4. apo.

Pausania.

Pausanias Cappadox, quoniam more suæ gentis crassa lingua sonabat, confundens consonantes, breues producens, productas corripuens, vulgò dictus est coquus, qui preciosa obsonia malè condiret. Philost. in sophist. & Volat. lib.18. Vrb. cōd.

Philisci.

Philiscus illaudatus rhetor, quum causam ageret puchrè vestitus, sed tumultu irruens in tribunalia, voce semimuliebri, lingua supina, quous potius spectans, quam ad ea quæ agebantur: auersatus dicentem imperator, studuit illi os occludere, totaque actione aquam interciperet, breues subinde percontationulas obiciens. Ad quas quum parum appositè respondisset Philiscus: Virum, inquit, imperator, arguit cæsaries, rhetorem vox. Græca plusculum habent lepōris, τὸν μὲν αὖτὸς παρὰ δέ-
λυντοίη ἢ λυόμην, τὸν δὲ πρῶτον φωνή. notans illum, quod a ttonsa cæsaries declararet virum, sed oratio non declararet esse rhetorem, sed foeminam potius. Philost.

Aeschini.

Suprà titulo, de Oratione aliena.

C. Cæsari.

Celebratur C. Cæsaris dictum, quod prætextatus adhuc deprompsisse fertur, in quendam modulatus orantem: Si legis, cantas: si cantas, malè cantas. Quidam latrant orantes, verius quàm loquuntur. Sunt qui rhetoricam pronuntiationem affectantes, medii sunt inter canentem & loquentem. Meminit huius Quint. Fabius, & Eras. lib. 8. apoph.

De prouidentia Dei.

Alphonfi.

Cosmas Florentinus Alphonso Aragonum regi malè pacatus. vir alioqui magnus & illustris, cum dono misisset regi Titi Liuii libros utique præclaros, reclamatum est à medicis regiis, qui aderant, ne librum attrectaret ab hoste missum, quem veneno infectum in regis interitum putabant. Verùm Alphonfus cum aliquando videretur medicis assentire, deum Liuium manibus attrectans, hinc indeque legens & relegens quasdam historias, ad suos conuersus, ait: An ignoratis, regum animas non priuatorum libidini subiectas esse, sed sub cura deorum securas & lætas agere? Sensit vir prudentissimus, diuina prouidentia cum regantur omnia, cor regis (qui est Dei, vt Paulus ait, minister) semper esse in manu Domini, qui regit & flectit quò vult, contra omnia nostra consilia. Antonius Panormita de rebus gestis Alphonfi, & Aeneas Syluius de eius dictis.

De prouidentia hominum in rebus agendis.

Chilonis.

Chilon Lacedæmonius frequenter dicere solitus est, Caue tibi ipsi, & caue te ipsum. Quorum primò admonuit, caute agendum esse cum hominibus, ne fraude circumuenti decipiantur. Deinde vnumquemque sibi suspectum esse oportere. Omnes enim ferè cauent sibi ab aliis: tamen interdum nemo magis hostis est homini, quàm homo sibi ipsi: quo fit, vt cum aliis imponimus, nosmet ipsos perdamus. Laert. in vita Chilo.

Thaletis.

Suprà de Philosophiæ usu & vtilitate.

Antiſt.

Antisthenis.

Antisthenes Atheniensis dicere solebat, sapienti nihil esse notum aut subitum : eo quod quicquid homini potest accidere sit tam præmeditatus, ut nunquam dicat, Non putaram. Lærtius lib. 6. cap. 1.

Agésilai.

Tissaphernes Persarum dux cum Agésilao fœdus non ex animo, sed metu percusserat, hac lege, ut Græcas ciuitates sineret liberè suisque viuere legibus. mox ingentibus copiis à rege suo accersitis, bellum illi denunciauit, ni Asia decederet. Hoc fœdus violatum libenter arripuit Agésilas, legatis hilari vultu respondens : Se magnam habere gratiam Tissapherni, quod per iurio suo & deos & homines sibi inensos reddidisset, aduersæ verò parti propitios. Rectè sensit, absque prouidentia Dei nihil geri in rebus mortalium : magisque fidendum diuino fauori, quam humanis consiliis aut viribus. Plut. in Lacon.

Iphicratis.

Iphicrates contemnebatur ab aliis, eo quod ex patre sutore natus esset. Verum tum primum nomen sibi & existimationem fecit, cum vulneratus, hostem armatum in nauem suam portasset. Is igitur cum in amicorum suorum agris haberet exercitum, & nihilominus vallum iaceret, fossasque probè fodiret, cuiusdam dicenti, Quid metuiamus? respondit: Pessimam esse ducis vocem, Haudquaquam putaram. Significans, rebus prosperis sæpenumero imminere pericula non exigua, quæ nullus expectasset. Aduersus inopinatos igitur casus cautè omnia esse munienda. Plut. in Græcorum apoph.

Epaminonda.

Sub Epaminonda Thebano duce nunquam euenit, ut exercitum inuaderet tumultus Panicus, qui subito præter causam interdum oboriri solet: eum, quoniam à Pane deo credunt imitari, Panicum appellarunt. Plut. in Græcorum apoph.

Persei.

Suprà de Mutuo.

L. Sylla.

Infra de Regnandi libidine.

M. Antoni.

Suprà de Iudicio nimis exacto.

Catonis.

Quum Cæsar Ariminum occupasset, & ad Pompeium sum-

ma rerum in vrbe translata esset, Cato dixit: Si mihi ista prædicenti credidissetis P. C. nec vnum tunc timeremus, nec ab vno spes nostræ penderent. Plur.

Alphonfi.

Suprà de Principe bono, & eius in regni administratione officio.

Vide titulum sequentem de Prudentia.

De prudentia.

Socrati.

SOcrates interrogatus, quid esset prudentia? Animæ (respondit) concinnitas. Stobæus ser. i. de Prudentia.

Eiusdem.

Idem interrogatus, Quinam prudentes essent? Qui non facile delinquant, respondit. Ibidem.

Eiusdem.

Idem adhortabatur subinde suos discipulos, vt hæc tria in omni vita sibi pararent: Vt in animo scilicet haberent prudentiam, in lingua silentium, & in vultu verecundiam. Maxi. ser. 41.

Bioni.

Bion Borysthenites dicebat, prudentiam tanto ceteris virtutibus antecellere, quâto ceteris sensibus præstaret visus. Nam oculi prælucent toti corpori, nec vlla est virtus absque prudentia. Nam quomodo iustus reddet cuique suum, nisi prudentia commonstret quid cui debeatur? Laert. lib. 4. cap. 7.

Antisthenis.

Antisthenes Atheniensium philosophus clarissimus, dicere solebat: Tutissimum esse murum prudentiam, quod is nec collabatur, nec proditur. Nulla quippe incenia sunt tam n. unita, quin machinis aut suffossionibus, aut, vt nil horum proditione capiantur. Prudentis autem decreta sunt inexpugnabilia. Laertius lib. 6. cap. 1.

Isocrati.

Isocrates dicebat, virum frugi & prudentem debere prætorum meminisse, agere præsentia, futura cauere. Stob. ser. i.

Agésilai.

Agésilas Lacedæmoniorum rex, cum pugnaretur apud Mantinæ, admonuit Lacedæmonios, vt ceteris omisis omnibus in vnum Epaminondâ intenderent vim prælii, dicens, solos cordatos milites autores esse victoriæ. Quod cum fecissent, victoriam

viſtoriam naſti ſunt. Hac voce conſuluit Ageſilaus incolu-
mitati ſuorum, qui fuerant ſine dubio manu hoſtium peritu-
ri. Simul illud docuit, in bello plus habere momenti vnum
verè prudentem, quàm turbam imprudentum. Plut. in Lacon.
apophtheg.

Archidami.

Archidamus; cum bello Arcadas ſuperaffet, ob id laudatus à
quodam: Præſtantius erat, inquit, ſi illos prudentia, quàm viri-
bus ſuperaffemus. Plutarch. in Lacon:

Scipionis.

Scipio minor iuuenis etiamnum, tantam habebat opinio-
nem fortitudinis & prudentiæ, vt Cato ſenior interrogatus de
his, qui apud Carthaginem militarent, in quibus erat & Scipio
iunior, Homericò verſu reſponderit;

Ille ſapit ſolus, volitant alij velut umbra.

De Tireſia dictum eſt: apud Homerum, Odyſſææ. Plutarch. in
Rom. apoph.

Euripidi.

Celebratur illud Euripidis dictum, Vnicum conſilium rectū
magnum militum manum vincere. Quo prudenter admonuit,
non perinde referre quàm numeroſum educas exercitum, ſed
quàm cordati ſint exercitus duces. In bello ſiquidem longè plus
habet momenti prudentia, ſolertiâque, quàm vires conſilij ex-
pertes. Eraſ. Rot. lib. 8. apoph.

De prudenter dictis.

Lycurgi.

LYcurgus Lacedæmoniorum rex, percontanti quàm ob cau-
ſam vicerentur legibus ſcriptis? Quoniam, inquit, eruditi
qui ſunt, benèque educati, probant quid pro ratione temporis
expediat. Plut. in Laco.

Ageſilai.

Ageſilaus Lacedæmoniorum rex, quoties audiebat aliquos
ab aliis laudibus commendari, aut vituperari, dicebat non mi-
nus animaduertendos eſſe eorum mores qui laudant, aut vitu-
perant, quàm eorum qui laudantur aut vituperantur: vt intel-
ligamus, ex utraque parte hominum morbos, & animorum
(quibus laborant) affectiones. Plut. in Lacon.

Eiusdem.

Idem interrogatus à quopiam, cur Spartiata ad tibiariū clan-

gorem praelia inirent? Vt dum ad numerum, inquit, ingrediantur, appareat qui sint fortiter periculum subituri, & qui sint effeminati. Ibidem.

Eiusdem.

Idem cum pugnaturus esset cum hostibus apud Mantinea, Lacedæmonios docuit, vt cæteris militibus parcerent, & in vni cum Epaminonda intenderent: Si hunc, inquit, caperimus, facile cæteros in potestatem nostram redigemus. Solum enim cordati viri ad pugnam apti sunt, ac hi solum victoriæ sunt autores. Ibidem.

Eiusdem.

Agésilas cum iam Corinthiorum vires pugnando fregisset, exhortantibus amicis, vt urbem eorum quoque oppugnaret: negavit, id suæ virtuti conuenire, qui peccantes ad officium cogeret, non qui nobilissimas Græciæ vrbes subuerteret. Plutar. in Lacon.

Leontichide.

Leontichidas, huius nominis primus, rogatus à quodam, quo pacto quis bona quæ sunt, tueri valeret: Si non omnia, inquit, fortunæ crediderit. Plutarch. in Lacon.

Catonis.

Cato Uticensis cum in senatu Pompeio, cui parum alioqui fauebat, decerneret imperium, dixit: Talium virorum esse, ingentia Reipublicæ inferre mala, eadēque depellere, temporis consilium accommodans. Plut. in Catone.

M. Antonini Veri.

M. Antoninus Verus Romanorum imperator, cum iam moriturus, amicos affici dolore sentiret: Humanum est, inquit, humanis rebus affici & ingemiscere. Quo dicto ostendere voluit, hominem non esse saxum, aut ferrum: sed animal, quod facile in aduersis potissimum afficiatur, aliorumque doloribus ingemiscat. Herodianus lib. 1.

Seneca.

Seneca cum vidisset Neronem imperatorem infinitos variis mortis generibus occidere, quos cogitare de imperio existimabat, dixisse ad imperatorem fertur: Licet plurimos occidas, attamen non potes successorem tuum occidere. Xiphilin. in Nerone.

Vide Sapienter dicta.

De pub

De publicis negociis, priuatis anteponendis.

Aristidis.

Aristidi erat simulatas cum Themistocle. Huic quum dilectus esset collega ad peragendam legationem: Vis, inquit Themistocles, ut in his montibus simulatam deponamus? Nam si videbitur, reuersi illam resumemus. Priuatos affectus publica posthabuit utilitati. Ex his enim ferè omnis humanæ vitæ perniciēs nascitur. Plutar. in Græco. apoph.

Eiusdem.

Aristidis vxor administranti Rempub. ei dixit, Vtinam priuatas quidem res putares esse publicas, & contrà publicas priuatas. Notauit autem hominis improbitatem, qui sua negocia, Reipublica: anteponebat. Stob. serm. 37. ex Serino.

Demarathi.

Cuidam percontanti, quam ob causam apud Spartanos qui scutum abiiecissent, notarentur ignominia, & infami vocabulo Rhipaspides appellarentur: qui galeas aut thoraces, non item: Quoniam, inquit Demarathus, hæc sua ipsorum causa gerunt, scutum verò communis exercitus gratia: significans vnicuique pluri esse faciendam communem utilitatem, quàm propriam. Qui galeam aut thoracem abiiecit, seipsum prodit tantum, & exarmat: qui scutum abiiecit, pròdit vniuersam phalangem. Nam obtentu clypeorum tota acies tuta est aduersus hostium iacula. Plut. in Lacon.

Pompeii & Crassi.

Marcello ac Domitio Pompeium in senatu rogantibus, num proximis comitiis petiturus esset consulatum: Fortè, inquit, petam: fortè non petam. Rursus idem percontantibus: A bonis, inquit, ciuibus petam, à malis nequaquam. Quum hæc responsa ut ambigua ac superba multos offenderent, Crassus idem percontantibus respondit: Si è Republ. fore iudicauero, petam: sin minus, à petendo abstinebo. Plut. in Crasso.

Pomp. & Catonis.

Pompeius quo suam factionem redderet firmiorem, per Munatium petiit, ut Cato neptium duarum alteram sibi, alteram filio suo daret. Cato iussit reuersum Munatium Pompeio renunciare, Se quidem per mulieres capi non posse, beneuolentiã tamen illius sibi gratam esset amicitiã etiam, quæ quauis af-

finitate firmior esset, polliceri, si quæ Reipub. conducerent, sequeretur, Caterum aduersus Rempub. nunquam daturum obfides. Neptes in matrimonium datas, obfidum nomine signas. Sunt qui narrent, non neptes, sed filias in matrimoniū à Pompeio peritas. Eras. s. apoph.

Alexand. Seueri.

Alexander Seuerus amicos & cognatos, si malos comperisset, puniebat. Id si vetus amicitia aut necessitudo non patiebatur, à se dimittebat, dicens: His charior est mihi tota Respub. Significans, priuatos affectus vtilitati publicæ posthabendos. Lampridius.

De pudicitia.

Phocaidis.

PHocais ex Ionia, parentibus honestis orta, ingenuæque educata, ad Cyri regis cœnam cum aliis mulieribus admissa, cæteris regios iocos ac lusus hilariter excipientibus, nec refugientibus ab illo tangi, sola tacitè ingressa ad lectum constitit, nec vocanti Cyro paruit. Cubiculariis autem tentantibus illam adducere: Flebit, inquit, quisquis horum mihi manus admouerit. Ob hæc, quum à cæteris agrestis & incomis haberetur: Cyrus gaudens, & cum risu versus ad illum qui mulieres adduxerat: Non intelligis, inquit, te hanc vnā ingenuam & incorruptam adduxisse? postea ad hanc in primis adiecit animum, vnicæque admauit, sapientem appellans. Apud barbaros, mulieres attigisse, constuprasse erat. Plut. in reg. apoph.

Lacæna.

Suprà de Dote.

Vide tit. de Castitate.

De pudicitia coniugali.

Lacæna.

Quidam Lacænam misso nuncio sollicitauit, num assentiretur, vt ipsi sui faceret copiam? Cui illa respondit: Quū essem puella, parenti obedire didici, idque feci: mulier autem facta, viro. Itaque si me inuitat ad honesta, viro meo primū rem aperiat. Plut. in Lacænarum apoph.

Alterius.

Lacæna rogata, num ad virum accessisset? Non, inquit, sed ille ad me. significans, sese non libidinis causa commercium habere cum viro, sed parentibus ac legibus obtemperantem.

Turpis

Turpissimum enim esse foeminae, si virum ad coitum sollicitet.
Plut. in Lacar. apoph.

Hieronis.

Hieronius quidam exprobrabat oris graecolentiam. At ille cum vxore expostulauit, quod id sibi nunquam indicasset. Tum illa: Putabam, inquit, viros omnes ad eundem olere modum. Eximium pudicitiae argumentum, quae nulli viro tam vicina fuerit, ut oris halitum sentire posset, praeterquam vni marito. Plutar. in reg. apoph.

Euboidae.

Euboides audiens à quibusdam praedicari vxores alienas, non approbavit id factum, dicens: De moribus ingenioque vxorū apud exteros nullam omnino faciendam esse mentionem. Qui non tulit laudari coniuges aliorum, quid faceret vituperantibus? Prima laus pudicitiae matronalis est, nulli notam esse praeterquam suo viro, qui cum cubat. Eras. in apoph.

Argei.

Argeus, quibusdam non suas, sed aliorum quorundam vxores praedicantibus: Per deos, inquit, de bonis & honestis mulieribus nihil temerè loquendum est, sed in totum quales sint oportet ignorari, praeter quam solis maritis, quibuscum viuunt. Tam insignis erat apud priscos virginum & vxorum pudicitia, ut eas ab aliis quam a parentibus aut suis maritis conspici, gradus aliquis ad impudicitiam haberetur: tantaeque cautione consulebatur illarum fama, ut parum pudica videretur, de qua rumor quamuis vanus oriri potuit: sed ea demum summa matronalis pudicitiae laus haberetur, si mulier adeo domi conclusa viueret, ut nullus esset qui de ea vel bene vel malè loqui posset: propterea quod hoc ipsum, matronam versari in fabulis, trahique per ora hominum, prostitutionis genus putaretur. Etenim qui laudat alienam vxorem, videtur habere cognitam cuius laudes praedicat, quod ipsum aliquid detrahit pudori foemineo. Quid igitur vir ille preclarus sentiret de matronis, quae sine maritis interesse gaudent iuuenum conuiuiis, quae cursitant ad alienarum ciuitatum dies festos & emporia, quae ducunt choreas ex viris ac foeminis alternè mixtas; quae in balneis corpus nudum ostendunt quorumlibet virorum oculis? Eras. Rot. lib. 6. apoph.

Canna.

Canna Sinorito Galatae nupserat. eam Sinorix iuuenis praepo

præpotens adamabat: & clâ interfecto Sinorito, de nuptiis Cannam sollicitare cœpit. Illa, quo coniugis mortem vlcisceretur, dissimulauit dolorem, & coniugii spem præbuit. Tandem Synorigem ad se venire iubet in templum Dianæ, cui erat dicata, quasi vellet hanc esse coniugii testem, & astans altari, ceu deæ libatura, è poculo bibit toxicum: moxque tradidit Synorigi, qui simulatque reliquum ebibisset, venerata deam: Te, inquit, Dearum præstantissima testor, me huius tantum diei gratia hætenus Synorito fuisse superstitem. Eras. lib. 6. apoph.

Chiomata.

Chiomata Orthiagontis vxor, quum misso precio à suis re duceretur, ac tribunus illam officii gratia ad flumen prosequeretur, clam mandauit vni seruorum, vt Romanum illum se prosequentem occideret. Is vbi caput præcisum, sub veste tectum ad maritum detulit, & ad illius pedes abiecit, marito admirante, dicenteque, num præclarum duceret, seruare fidem? præclarum, inquit: sed hoc præclarius, vnum duntaxat qui mecum cõcubuerunt viuere. Fœmina aliquanto prudentior Lucretia, quæ non sua, sed stupratoris nece, testata est suam pudicitiam. Plutar. cap. 21. de Claris mulieribus. Liuius lib. 38. Plin. cap. 55. de Viris illustribus. •

Lucretia.

Quum Collatinus cum paucis familiaribus ad Lucretiam venisset, à Sexto Tarquinio vi stupratam, quarenti viro ex more, Satin saluæ? Minimè, inquit Lucretia: quid enim. salui mulieris amissa pudicitia? Vestigia alieni viri Collatine in læto sunt tuo. Sed corpus tantum violatum est, animus insons est, mors restis erit. his dictis, cultrum quem abditum habebat, in corpore infixit, & collapsa est moribunda. Eras. 6. apoph.

Bilia.

Duellius, qui primus Romæ è nauali pugna triumphū obtinuit, iam senex, tremuloque corpore, in iurgio quodam audiuit exprobrari sibi graueolentiam oris, rediit domum tristis, & exposculauit cum Bilia vxore, quam virginem duxerat: quæ huius vicii nunquam admonuisset: quo licuisset mederi? Admonuisssem, inquit illa, nisi putassem omnibus viris ad eundem modum olere animam. Si Bilia verè sensit, quod dixit, argumentum est insignis pudiciæ: sin finxit, magna est ciuilitas erga maritum: magna item tolerantia, quæ tamdiu pertulerit hoc incommodum absque fastidio. Eras. lib. 8. apop. Simile est ei quod paulo

paulo suprà de Hierone retulimus ex Plutarcho.

De pudore & verecundia:

Diogenis.

Diogenes Cynicus philosophus, adolescenti cuidam erubescenti, atq; ob id perturbato: Bono animo es, inquit, fili, istiusmodi est virtutis tinctura, Laertius in eius vita.

Democriti.

Democriti præclara sententia hæc est: Malum, etiamsi solus fueris, neque dixeris, neque feceris: Disce autem, teipsum multo magis quam alios reuereri, Stob. ser. 29.

Solonis.

Socrates Platonici ait, Hospitalem Deum inter homines, qui iusti pudoris participes sunt, versari, Bruson. lib. 5. cap. 21.

Musonij.

Infrà de Reuerentia.

Echerei.

Echereus Pheacensis dicere solebat, Verecundis pudentibusq; Iouem fauere fulminatorem. Brus. lib. 3. cap. 21.

Pythia.

Infrà de Rubore.

Demetrii Phal.

Demetrius Phalereus admonebat adolescentes, vt domi parentes, in via obuios, in solitudine reuererentur seipsos. Pudor teneram ætatem optimè deterret à peccando: qui nusquam nõ adest, si quis reueretur seipsum. Laer. lib. 5. cap. 5.

Hippocratida.

Supra de Conuictu & conuersatione.

Demadi.

Demades aiebat, pudorem in muliere pulchritudinis arcem esse. Stobæus ser. 72.

Catonis sen.

Cato senior aiebat, sibi magis placere iuuenes qui rubescerent, quàm qui pallefcerent: quòd rubor arguat probam indolem, pallor non item. Plut. in Roman. apoph.

De pudore præpostero.

Lycurgi, & Gorgonij.

Lycurgus rex, quum essent qui vicio darent, quòd virgines in pompis ac ludis solennibus nudas exhiberet oculis omnium, causamque quur id instituisset requirerent: Vt isdem, inquit,

inquit, cum masculis rationibus instituta, nihilo sint illis inferiores vel robore, vel salubritate corporum, vel animorum virtute ac generositate, studioque veræ laudis, vulgarem autem gloriam contemnant. Vnde tale quiddam fertur de Gorgone Leonidæ vxore. Cum quædam, vt probabile est, extera mulier illi dixisset, Solæ Lacanæ viris imperatis: respondit, Nimirum solæ viros parimus. Hoc exemplum nec in masculis nec in puelis imitandum censuerim: hætenus tamen conducit, vt stupidū pudorem, qui frequenter obstat honestis actionibus ab ætate tenera excutiamus: statimque discant, nihil esse verè pudendum, præter turpitudinem. Innumeras verò reperias, quæ nudatæ vehementer erubescant: si quid præter honestum dixerint, fecerintque, non mutant colorem. Sunt item innumere, quibus amictus vilior, cultusque simplicior, genas rubore tingat: contra gloriosum esse ducant, si splendido vestitu prodeant in publicū, negligentes earum rerum, quæ verum probum, veramque laudem adferunt. Recitat Eras. Rot. ex Plutar. Laconicis.

De pudore inutili.

Diogenis.

Cvidam ambiēti à Diogene in philosophiæ disciplinam recipi, admissō, explorandi gratia pernam in via ferendam dedit, seque iussit sequi. Ille præ pudore, abiectō quod gestabat, furtim se subduxit. Aliquando post forte fortuna illi factus obuius, ridens, Tuam (inquit) ac meam amicitiam perna diremit, indicans, illum non esse idoneum philosophiæ discipulum, qui stultum pudorem non posset contemnere. Neque enim turpe est gestare pernam: sed ab honesto recedere, turpe, ita Laert. lib. 6. Diocles hoc ipsum paulo secus narrat. Quum quidam ambiens esse Diogenis discipulus dixisset illi, Impera mihi Diogenes: admissō in famulitium, casei frustum portandum dedit. Id quum ille ob pudorem recusaret: Nostram, inquit Diogenes, amicitiam paululum casei diremit. Bruf. lib. 5. cap. 21.

Eiusdem.

Cuidam exciderat panis, eumque reliquit, quod puderet recipere. Hunc castigare volens Diogenes, iniecto fune collo, traxit vrceum per ceramicum: hoc faciens in poculo, quod ille in pane facere erubescbat. Laert. lib. 6.

Antisth.

Antistheni.

Suprà de Argutè dictis.

Metrocli.

Suprà de Crepitu ventris.

Agésilai.

Agésilau Lacedæmoniorum rex, cum apud Spartanos Palla-
di rem diuinam faceret, ac pediculus cum momordisset, rex nō
auerfus, arreptum coram omnibus occidere non erubuit, sed in
sidiatorem etiam in ipsa ara confodiendum esse dixit, osten-
dens, verecundiam, si res postulat, abiiciendam esse, vt de mani-
bus insidiantium effugiamus. Plut. in Lacon.

Bruti.

Brutus dicebat, sibi videri eum ætatis florem malè colloca-
se, qui nihil negaret. Inutilis est verecundia, quæ obstat quo mi-
nus negeamus obsequium ad inhonesta vocanti. Plutarchus in
Bruto.

De pueritia insigni.

Catonis.

CAto Junior, cum puer adhuc à Druso auunculo educare-
tur, Latiniq̃ue Romam ad Drusum tribunum plebis eo
tempore venissent, de ciuitate impetranda acturi: Q. Popedius
Latinorum princeps Catonem orauit, vt pro sociis apud auun-
culum intercederet, vt id quod peterent, facilius, impetraren-
tur. Verùm Cato puer se facturum hoc negauit. cumq̃ue semel
iterumq̃ue interpellatus eadem dere, omne denegasset offi-
cium, demum Popedius in excelsam domus partem eleuatum
se præcipitaturum minatus est, nisi precibus & toties efflagita-
tis obtemperaret. Verùm cum ciues intelligerent, nec sic puerū
moueri potuissē, egregiam eius indolem laudantes altissima vo-
ce clamarunt: Gratulemur Latini nobis, hūc esse tam par-
uum: quo senatore, ne sperare quidem ciuitatem li-
cuisset. Historiam recitat Plutarchus in Ca-
tone, vbi Pompeium Syllonem vocat,
vitio fortassis librarii, non Po-
pedium. Bruso. libr.

2. capit. 1.

Vide titulum de Ambitione, quæ etiam in
pueris se ostendit.

DE

DE QUIETE.

Chilonis.

Hilon Lacedæmonius dicebat, semper ad-
mandam esse quietem, quoties datur honestū
ocium. Nil enim est, quod assiduum laborem
perferre possit. Laertius lib. 1. cap. 4.

Dionis.

Dion dicere solebat, oportere moderatē do-
minari, & recreari cupientibus id permittendum esse. Remis-
siones enim, & ab exantlatis laboribus quies, ad novos labores
homines præparant. Et sicut arcus & lyra, ita & homines quie-
te vigent. Stob. sermone 160. de Dominis ac seruis.

Vide titulum, de Ocio honesto, & Recreatione.

DE RAPACITATE.

Dionysij tyranni.

Dionysius tyrannus cum Locris Proserpinæ tem-
plum ingressus esset, sacraque omnia rapuisset,
per nauigans secundis ventis maria, ad suos in-
quit: En quam foelix nauigatio nobis à diis da-
ta est. Val. Max. lib. 1. cap. 2.

Eiusdem.

Idem cum Ioui Olympio aureum vestimentum detraxisset,
ait: Non vsui, sed impedimento potius tibi sunt Iupiter, hæc ve-
stimenta. æstatis enim tempore nimis graua, hyeme nimis fri-
gida sunt. Ibidem.

Eiusdem.

Præterea cum Aesculapio auream barbam detraxisset, rapa-
citatem etiam ioco excusauit, dicens, Non decere barbatum es-
se filium, cum pater Apollo imberbis fuerit. Ibidem.

Neronis.

Nero nunquam cuiquam officium delegauit, nisi hæc adiice-
ret: Scis quibus mihi est opus, & hoc agamus, ne quis quid ha-
beat. Vox perdone, quam principe dignior. Eras. 6. apost.

C. Caligula.

Suprà tit. de Lusibus.

Vespasiani.

Vespasianus, quoniam rapacissimū quæque promouere sole-
bat,

bat, vt mox ditatos condemnaret, vulgò dictus est officarios suos habere pro spongiis: quòd veluti spongas, & siccos madesaceret, & humentes exprimeret. Sueton.

De ratione.

Socratis dictum.

Socrates dicebat, in nauigando gubernatori auscultandum esse: in viuendo autem illi, qui plus ratione valet. Stobæus sermones. de Prudentia.

Eiusdem.

Eiusdem dictum est: Nec equo sine freno, neque diuitiis sine ratione tutò quis vti poterit. Id verò Stobæus recitat ser. 3.

Diogenis.

Diogenes Cynicus dicere solitus est, sapius in vita parandum λόγον ἢ ἀπείχον, id est, sermonem quàm laqueum. Qui desponderunt animum, ad laqueum confugiunt: quum ad consolatorium sermonem potius sit confugiendum. Nam animo ægrotanti medicus est oratio. Nec absurdus fuerit sensus, si λόγον accipias pro ratione: quasi diceret, qui desponderunt animum, confugiant ad rectam rationem. Diogenis dictum extat apud Laert. lib. 6. c. 2.

Epicteti.

Epicteti vulgare dictum est, Turpe esse muneribus apum potiones edulcare. Rationem autem deorum munus, non adhibere ad malitiæ dulcendam amaritudinem. Idem Stobæus eodem sermone.

De ratione reddenda.

Alcibiadis.

Alcibiades quum aliquando Periclem inuiseret, & accepisset illi tum non esse ocium, propterea quòd perpenderet quo pacto posset Atheniensibus reddere rationem: Nónne satius fuerit, inquit, cogitare, quì fieri possit, vt non reddam rationem? Notans, ita rem gestam, vt non facìle possit reddi ratio: procliuius autem esse in totum effugere rationem, quàm reddere. Plut.

De reconciliatione.

Euclidis.

Euclidis cum fratre simultas erat. Is quum minitans dixisset, Dispeream ni te ultus fuero: Euclides contrà, Dispen n

ream(inquit)ni tibi persuasero. Hoc dicto soluta est simultas,
& reditum est in gratiam. Eras.lib.6.apo.

Crassi.

Quum Pompeius & Crassus in consulatu collegæ decessuri
essent magistratu, Cn. Aurelius quidam subito in forum pro-
currens, clamauit, sibi visum in somnis, Iouem iussisse ne prius
se magistratu abdicarent, quàm in gratiam redissent. Idem fla-
gitante populo, Pompeius nihil motus est: at Crassus surgens,
vltro collegæ dextram porrexit, dicens: Nihil ô Quirites, me
indignum facturus mihi videor, si prior cum Pompeio in gra-
tiam rediero, quæ vos etiamnum impuberem Magnum cogno-
minastis: cuique prius triumphum decreuistis, quàm in sena-
tum allectus esset. Plut.in Crasso.

Eiusdem, & Ciceronis.

Crassus in Syriam profecturus, malens Ciceronem amicum
quàm inimicum relinquere, officiosè salutato dixit, se apud
illum velle cenare: quem Cicero alacriter excepit. Post ali-
quot dies quidam amicorum egerunt apud Ciceronem, vt cum
Vatinio quoque rediret in gratiam: Num, inquit, & Vatinius
mecum cenare vult? Significans, illum cenam ambire potius
quàm amicitiam. Eras.4.apo.

De Recreatione, vel Relaxatione.

Anaxagora.

ANaxagoras publicè decretis honoribus animo magno
repudiatis, id sibi omnino postulasse commemoratur, vt
quo die mortem obiret, pueris, qui disciplinis & artibus ope-
ram darent, permitteretur feriatos ociari & ludere. Sensit enim
vir doctissimus, ingenia adolescentum nimio studio frangi, re-
focillatione autem aut recreatione ad nouos labores agiliiores
fieri. Plut.in Politicis.

Diogenis.

Suprà de Lepidè dictis.

Amasidis.

Amasis Aegypti rex ab amicis admonitus, quòd perfunctus
negociis forensibus potaret, omni que voluptatum genere sol-
ueretur, respondit: Qui arcus habent, eos non intendere nisi
quum opus est: quos si semper intendant, rumpendos esse: ac
ne tum quidem fore vsui, quum exigit vsus. Ita qui nulla re-
laxatione

Iaxatione curas suas soluunt, aut mente captos, aut corpore malè affectos euadere. Brufon. lib. 4. c. 28.

Vide tit. de Ocio honesto, & Quiete.

De regno & regibus.

Solonis.

Solon audiens quosdam principum mores iniquè reprehendentes, In rebus magnis administrandis difficilè dicebat esse, omnibus posse placere. Necesse enim est, vt qui multis imperat, non paucos offendat. Bruso. lib. 3. c. 13.

Diogenis.

Suprà de Argutè dictis.

Leonida.

Leonidas Anaxandridæ filius, frater Cleomenis, cuidam ad ipsum ita loquenti, Excepto regno nulla re nobis præstas: At, inquit, nī vobis fuissē melior, non essem rex. Moderatissimo dicto & refellit conuicium, & suam dignitatem sibi defendit. Etenim vbi reges non nascuntur, sed ciuium suffragiis eliguntur, hoc ipso publicis calculis princeps iudicatus est ceteris melior, quòd ad regnum ascitus est. Plut. in Lacon.

Aristonis.

Aristo cuidam laudibus vehenti dictum Cleomenis, qui rogatus, quid oporteret bonum regem facere? respondit, Amicis benefacere, inimicis malè: At quanto præstantius est, inquit, vir optimè, amicis benefacere, & ex inimicis reddere amicos? Hāc sententiam citra controuersiam primus omnium Socrates protulit, & ad illum autorem refertur. Plut.

Philippi regis.

Philippus Macedo Alexādro filio suadebat, vt eos qui in Re publi. polierent autoritate, tum bonos, tum malos, sibi conciliaret amicos: ac bonis quidem vteretur, malis verò abuteretur. Præcipua regum ars est, nullum reiicere, sed ad publicam vtilitatem omnium operam accommodare. Quemadmodum Deus vnicus totius mundi monarcha, malis geniis ac impiis hominibus abutitur ad vtilitatem Ecclesiæ: ita principes cordati norunt & probis & improbis vti: non quòd ipsi per malos mali quippiam faciunt, sed quòd per malos puniunt malos. At multi sunt principes, qui præposterè bonis abutuntur, malis vtuntur. Ad tyrannica negotia viros adhibent sanctitatis opi-

pinione celebres, quo vulgus esse rectum ac pium quod agunt existimet. Plutarchus.

Eiusdem.

Suprà de Amico castigatore.

Alexandri M.

Alexander Macedonum rex habebat secum Eudemoni- cum philosophum, qui cum aliquando tonaret vehementer, adeò ut omnes expauescerent, dixit etiam Alexandro: *Quin tu tale quippiam facis Alexander?* At ille non ferens philosophi vocem, ridens ait: *Nolo meis formidabilis esse, ut tu me doces, qui satraparum & regum capita me iubet super cornam apponere.* Athenæus, & Plut. in eius vita.

Eiusdem.

Idem quum leuitate corporis, ac pedum celeritate polleret, patri hortanti ut in Olympiis stadium decurreret: *Facerem, inquit, si reges habiturus essem concertatores. Et hic agnoscas animum excelsum, nec cuiquam facile celsurum in certamine laudis & imperii. Nondum erat rex, & tamen non dignabatur nisi cum regibus committi.* Plut. in apoph. Reg.

Eiusdem.

Porus rex ab Alexandro deuictus, quum ab eo post pugnam rogaretur, dicente, *Quomodo te tractabo?* Regaliter, ait. Rur- sus subiicienti Alexandro, Num quid etiam aliud? Omnia, in- quit Porus, complectitur hoc verbum, Regaliter, Alexander & prudentiam & fortitudinem viri admiratus, latiore di- tionem illi addidit ea, quam prius obtinuerat, Supplici, & ad pedes abiecto minus concessisset. Adeò diligebat animosus iu- uenis impavidos animos. Q. Curtius aliquanto secus narrat. Interrogatus Porus, quid ipse victorem statuere debere cen- set: *Quod hic, inquit, dies tibi suadet, quo expertus es quã es- set caduca felicitas, Submonuit regem, ut modeste sua fortuna vteretur, memor ipsi posse accidere, quod acciderat Poru. Hi- storiam recitat Plut. in apoph. reg. & imperatorum.*

Metonis.

Meton quidam, quum in concione Tarentini tractarent de bello suscipiendo, deque Pyrrho asciscendo, sumpta corona & lucerna, præcedente tibicine, veluti ebrius, comestabundus ve- nit in forum: atque ut sit, aliis applaudentibus, aliis ridentibus, nonnullis etiam ad canendum hominem inuitantibus, proces- sit in concionem, ac tanquam cantaturus astitit. Silente verò turba,

turbâ, dixit: Rectè facitis viri Tarentini, qui iocari ludereque dum licet, qui velint, permittitis. Atqui si sapitis, omnes hac ludendi libertate fruimini, priusquam Pyrrhus adueniat. Nam tum non nostro, sed illius arbitrio viuendum erit. Brusonius lib. 3. cap. 32.

Pyrrhi.

Pyrrhus rex, quum Athenas venisset, & ingressus arcem Pal-ladis, rem diuinam fecisset: eodem die descendens ex arce, col-laudauit quidem Atheniensium erga se fiduciam: cæterum ad-monuit, si saperent, ne posthac cuiquam regum portas aperirent. Significans, omnibus regibus natura inuisam populi li-bertatem. Eras. lib. 4. apoph. ex Plut.

Hieronis.

Hieron Siciliæ tyranno, cum quidam dixisset, potio-rem esse regum vitam, quam priuatam, vt pote quæ singulis sese ex-pleat cupiditatis voluptatibus: Hiero respōdit, voluptates ipsas melius sentiri in vita priuata. Nam vt de libidinosa voluptate prius dicatur, ostendit, maiorem voluptatem concipi à priua-tis, si quando potiuntur amica, quia spontaneus sit atque mu-tuus amor, non coactus, quam tyrannorum, qui coacto aut empto potiuntur amore. De voluptatibus ciborum ait, regi-bus nullam vnquam esse famem præ ferculorum multitudine, & ob id semper acidis vesci. In vita verò priuata semper subesse famem, delectationemque. Addidit præterea multa incom-moda, quæ regnantes circumueniunt, à quibus priuati sunt planè immunes. Xenophontem hac de re lege copiosius, & Brusonium lib. 3. ca. 13.

Antigoni.

Antigonus rex quodam dicente, omnia regibus honesta ius-taque esse: Sunt per Iouem, inquit, barbarorum duntaxat re-gibus. at nobis ea duntaxat honesta sunt, quæ honesta sunt: & ea tantum iusta, quæ iusta sunt. Grauius retudit adulatricem vocem, volentis omnia licere regibus. Non enim rex est hone-sti iusti que regula, sed honesti iusti que minister est. Atque vti-nam similes voces non audiant Christianorum aures: aut si au-diant, simili seueritate reiciant. Quid enim aliud dicunt, qui occinunt: Quod principi placuit, legis vigorem habet: qui ne-gant principem teneri legibus: qui tribuunt illi geminam po-testatem, ordinatam & absolutam, quarum altera possit quod

leges, pacta & fœdera postulant, altera quodcunque libuit
Eras. Rot. lib. 4. apoph. ex Plut. regum & impe. apoph.

Eiusdem.

Suprà de Imperio administrando.

Theopompi.

Infrà de Sapienter dictis.

Scipionis.

Scipio minor, quum iam tertium à senatu fuisset emissus,
quò, vt tradit Clitomachus,

Urbes atque homines cernat bene legibus actas,

Vtque gentium, ciuitatum, ac regum inspector esset: postea-
quam peruenit Alexandriam, nauique egressus, capite pallio
tectus incederet, Alexandrini vndique accurrentes, flagitabant
vt caput nudaret, faciémque id desiderantibus ostenderet. Quñ
se nudasset, clamore & plausu testati sunt gaudium suum:
quumque rex Alexandriæ vix interim ob delicias ac molliciem
corporis æquaret Romanos incedentes, Scipio voce submissa
Panætio insusurravit in aurem: Iam, inquit, Alexandrini non-
nihil ex nostra peregrinatione fructus ceperunt, quibus per
nos contigit videre regem ambulantem. Nam Athenæus ex au-
toritate Posidonii scribit, Ptolemæum perquam obeso corpo-
re nunquam antea pedibus ambulasse. Plutarchus in Romæ-
no. apoph.

Saturnini.

Suprà de Imperio administrando.

Pyladi.

Pylades histrio Augusti temporibus celebris, quum Hylas
discipulus, quem ad æqualitatis contentionem prouexerat, in
scena canticum quoddam saltaret, cuius clausula erat, τὸν μέ-
γαλ' ἀγαμέμνονα, id est, magnum illum Agamemnonem, ac subli-
mem veluti metiretur, è cauea proclamauit, σὺ μακρόν, οὐ μέγα-
λ' ὄνεις, id est, tu longum facis, non magnum. Tunc populus ef-
flagitauit, vt Pylades idem canticum saltaret iterum. Quñ-
que ad locum venisset, quem reprehenderat, expresseit Aga-
memnonem cogitabundum: nil magno duci magis conuenire
ratus, quàm pro omnibus cogitare. Ea res magnum ducem fa-
cit, non proceritas corporis. Eras. lib. 6. apoph.

Alex. Seueri.

Alexander Seuerus imperator Roma. cum obiurgaretur à
matre & vxore, quòd contemptibiliorem relinqueret imperii
potesta

potestatem, quàm ab antecessoribus suis accepisset: respondit, Sed securiorem & diuturniorem. Brusonius lib. 3. cap. 13. Simile est ei quod Theopompo attributum, paulo supra recensuimus.

Vide titulos, de Magistratu, Reipubl. gubernatione, Principe, &c.

De Regnandi libidine.

Agidis.

Agis senior cum legationem suscepisset, solus ad Philip-
pum profectus est. Is ubi admirans dixisset, Quid hoc rei
est? Vnus venisti? Agis: Quid ni, inquit, ad vnum? Grauitè ta-
xauit aliorum principum ambitionē, qui sumptuosè ac splen-
didis legationibus exhauriunt ærarium, quum vnus vir corda-
tus possit totum hoc præstare quod Reipubl. interest. Eras. in
apophtheg.

Cyri.

Cyro conflicturo cum hoste, loco qui dicitur Cunax, Clear-
chus suavit, vt se post Macedones contineret, nec sese in belli di-
scrimen coniiceret: Quid ais, inquit, Clearche? vidēsne vt quū
regnum appetam, regnū me indignum ostendam? Plutar. in re-
gum apoph.

Dionysii sen.

Dionysius senior quum in initio regni regia ipsius obsidere-
tur, coniuratis in illum ciuibus: & amici autores essent, vt im-
perium deponeret, ni mallet captus interfici: ille conspiciens
bouem à coquo mactatum ilico concidere, dixit: Quum mors
adeò brevis sit, an non absurdum sit, nos metu mortis tale re-
gnum relinquere? Quanta regnandi libido pectus illius occu-
parat: qui principatum morte bene emi putarit? Plutarch. in
regum apoph.

Diogenis.

Suprà de belli studio.

Philippi regis.

Philippus Macedonum rex in palastra prolapsus, quum suc-
gens in puluere vidisset corporis vestigium: Papē, inquit, vt mi-
nimam terræ partem natura sortiti, orbem appetimus vniuer-
sum? Vtinam hoc dictum inhaesisset animo filii, cuius ambitio-
ni orbis fuit angustus. Erasmus.

Alexandri M.

Alexander Philippi filius, qui postea Magnus cognominatus est, puer adhuc, cum parentis sui fortia facta intueretur, nequaquam tamen iis gaudebat: sed inexplebilis, ad pueros æquales dicere solebat: Pater nil quicquam mihi relicturus est. Illis verò contradicentibus, Imò hæc omnia parat tibi vt heredi: Quid tum postea, inquit? Ego interim nil habeā quod agam. Quis non miraretur tantam regnandi cupiditatem puero infuisse, qui præter naturam eius ætatis, non fuit contentus imperio patris sui: imò ab ipsis statim cunabulis animum in id intendit, vt multorum dominus solus esset. Plutarch. in apoph. regum & imper.

Eiusdem.

Suprà de Adulatione & assentatione.

Eiusdem.

Suprà de Lectiōis delectu.

Eiusdem.

Alexander Magnus Macedonum rex, quum audisset Anaxagoram disserentem innumerabiles esse mundos, illachrymassè dicitur. Rogantibus, num quid accidisset lachrymis dignum? An non videor, inquit, meritò flere, qui quum mundi sint innumerabiles, nos nondum vnius domini facti sumus? Plutarch. in vita Alexandri.

Eiusdem.

Idem miserat epistolam ad Antipatrum, per quendam nomine Athliam, quumque id temporis fortè adesset Diogenes, Cynico more dixit: Athlius ab Athlio per Athliam ad Athliū. Porro athlius Græcè miserum sonat, multisque laboribus afflictum: vnde & athletic nomen. Sensit philosophus, principes ob ambitionem assiduis bellis tumultuantes, verè miseros esse: æquè autem miseros, qui illorum cupiditatibus inferarent. Laert. lib. 6. & Eras.

Eiusdem.

Alexandro Magno Corinthii per legatos ius suæ ciuitatis detulerunt. Hoc officii genus quum risisset Alexander, quidam è legatis: Nulli, inquit, ciuitatem vnquam donauimus, præterquam tibi & Herculi. Hoc audito, lubens accepit oblatum honorem, quem illi commendabat partim raritas, partim cum Hercule laudatissimo viro societas. Plutarchus in Alexandro.

Eiusdem

Eiusdem.

Idem edicto vetuit, ne à quodam pingeretur, præterquam ab Apelle: aut à quoquam ære sculperetur, præterquam à Lyfippo, artificibus illius ætatis præstantissimis. nam hoc quoque iudicabat ad principis dignitatem pertinere. Cum Cherylo poeta pactus erat, vt pro vnoquoque bono versu Philippicum acciperet aureum, pro malo colaphum. Erasim. libro 4. apoph.

Demadi.

Quum Athenienses vellent Alexandro diuinos honores decernere, Videte, inquit Demades, ne dum cælum custoditis, terram amittatis. Alexander enim ambiebat monarchiam. Absurdum autem erat, eos sic alium donare cœlo, vt ipsi terra sua pellerentur. Erasim. lib. 6. apoph.

Cyneæ.

Cyneas philosophus, Pyrrhum Epirotarum regem cum Italico bello imminere cerneret, fretus ingenii dexteritate posse Pyrrhum de sententia deduci: Nosti, ait, Pyrrhe, Romanos imperio potentes, animo corporeque pollere, multasque feras gentes domuisse. Si autem Dii fauerent nobis adeò, vt victoria potiremur, quid quaeso tibi vltra agendum putares? respondente Pyrrho, se Romanis militibus in Siciliam tum traiectionum. Cyneas: His etiam deuictis, ait, quid vltra agetur? Aphricam traiciemus, inquit Pyrrhus. Cui Cyneas: Sed his deum partis, quibus rebus tempora nostra transigemus? Tum Pyrrhus: Latè vnà inter festos dies, ludosque agemus. Cyneas autem: Quis prohibet, sine tantis laboribus, ac periculis, quin vel hac ipsa hora, cum tu magnus. atque opulentus rex sis, latè simul viuamus? Argutè simul, sapienterque hominum inexplabilem cupiditatem ostendens, quæ incognita, eos ad infinita pericula deducit. Huic si Pyrrhus obtemperasset, neque in Italia vulnus accepisset, neque Argis postea oppressus vitam amisisset. Si alii quoque, quos orbis terrarum habet principes, ista quæ Cyneas sapienter Pyrrhum monebat, metiri vellent, ambitiosas curas magis frenarent, atque sibi terrarumque orbi ad quietioris vitæ cursum rectius consulerent. Nunc prauos maiora habendi impulsus sequentes, non modò id assequuntur, vt anxii semper viuât: verum etiam vt in grauissimas calamitates, atque in ipsam mortem sine vilius remedii spe, cum populorum perturbatione incurrant.

Ex Plutarcho, in vita Pyrrhi, & Fulgof. lib. 7. cap. 2. & Brufon. lib. 2. cap. 32.

Annibalis.

Inter Scipionem Africanum & Annibalem ortus est sermo de præstantia ducum. Quúmque Scipio rogasset, quem primum censeret: respondit, Alexandrum Magnum. quem secundum: Pyrrhum Epirotarum regem. quem tertium: seipsum nominavit. At quid, inquit Scipio, si me vicisses? Tum, inquit, nec neque secundum, neque tertium, sed omnium primum censuissém. Plut. in Annib.

Pompeij M.

Pompeius Magnus Phraati Parthorum regi per legatos postulanti, ut Euphratem Romanæ ditionis terminum esse vellet: Imò, inquit, illud magis postulandum, ut Romanorum fines à Parthorum regno iustitia dirimat. Significans, Romanis non esse præscribendum quousque debeant proferre imperium, à quo propagando non montes aut flumina debeant arcere: sed ibi demum fore fines Romanæ ditionis, ubi ius non esset ulterius procedere. Plutar. in Rom. apoph.

L. Sylla.

L. Sylla cognomento Felix, quum cogitaret de occidendo C. Casare, amicis ne id faceret dehortantibus, indignum enim esse talem necare puerum: Desipitis, inquit, si in hoc puero non videtis multos inesse Marios. Deprehendit in eo excelsam indolem, nullis honoribus satiandam, ut qui vix dum pubescens sacerdotium ambierit. Idem populum Romanum subinde monere solebat, cauere ne puerum malè præcinctum. Eras. Rote.

Cassij.

Suprà tit. de Indole excelsa.

Ciceronis.

Pompeio ac Casare inter se dissidentibus, Cicero: Quem fugiam, inquit, scio: quem sequar, nescio. sentiens, ambos non pro Reipub. libertate, sed pro principatu dimicare. Plut.

Iulij Caf.

Iulius Cæsar quum ex Gallia provincia aduersus Pompeium tenderet, Rubicone amne trásinisso, dixit: Omnis iacta sit alea. significans, se de summa rerum velle periclitari. Is enim fluvius Galliam ab Italia dirimit. Plut. in Rom. apoph.

Eiusdem

Eiusdem.

Idem quum Alexandri Magni res gestas legeret, non tenuit lachrymas. atque ad amicos: Hoc, inquit, ætatis qua nunc sum, Alexander deuicit Darium: mihi uero ad hunc usque diem nihil præclari facinoris gestum est. Suetonius tradit id accidisse, quum prætor iure dicendo conuentus obiens, apud Gades in templo Herculis uidisset Alexandri Magni statuam. Vtinam hoc ingenium ad moderati potius, quàm ad maximi principis æmulationem properasset. Plut. in Rom. apoph.

Eiusdem.

Idem quum Africam petens, in egressu nauis prolapsus esset, omen sinistrum vertit in melius, dicens: Teneo te Africa. Frontinus id factum putat in conscensu nauis, eumque dixisse, Teneo te terra mater. Huc opinor alludens, quod cum quodam somnio perturbatus esset, quo sibi visus est constuprare matrem, coniectores interpretati sunt, portendi totius orbis imperium. Eras. lib. 4. apoph.

Augusti Cæs.

Cæsar Augustus quum audisset, quod Alexander natus annos triginta duos, posteaquam plerasque mundi regiones peragrarat, dubitasset quid in reliquum vitæ tempus esset factururus: demirabatur, si Alexander non iudicasset maius opus, bene gubernare partum imperium, quàm amplam ditionem comparasse. Rectè notauit inexplebilem Alexandri ambitionem, qui nullam aliam functionem regi dignam existimasset, quàm proferre ditionis terminos: quum multo tum pulchrius tum difficilius sit, regnum quod contingit, rectis legibus, sanctisque moribus exornare, quam armis regno regnum addere. Plut. in Rom. apoph.

Agrippina.

Quum genethliaci Chaldaei Agrippinæ matri Neronis respondissent, imperaturum quidem filium, sed occisurum matrem: Occidat, inquit, modo imperet. Tam impotens erat in fœmina dominandi sitis: & habuit quod optauit. Sueton.

Vespasiani.

Vespasianus Cæsar, quum morbus ingrauesceret, dixit: Puto deus fio. significans, se moriturum. Solent enim extincti Cæsares publicis ceremoniis in deorum cœtum referri. Suetonius.

Seueri imp.

Seuerus Romanorum imperator, cum senio iam confectus
vtinam

urnam sibi pręparasset, vt in ea mortuus sepeliretur: paulo antę quęm decederet ę vita, eandem ad se perferri iussit, manibusque contrectauit: Tu, inquit, virum capies, quem totus orbis terrarum capere nunquam potuit. Dion Nicęus, & Xiphilinus in eius vita.

Rodolphi Cęs.

Rodolphus Cęsar, qui primus in familiam Austrię traduxit imperium, interrogatus, Quę fieret, vt homines eas quas nō didicerunt artes, omnes recusarent, imperii autem gubernationem oblatam, nemo? Non mirum, inquit: stultos enim putant, qui regnare nesciunt: stultum autem nemo sese iudicat. Aeneas de dictis Friderici imp.

Alphonfi.

Alphonfus rex aiebat, olim inter Iouem, Neptunum & Plutonem omnium rerum partitionem trifariam esse factam, & horum vnumquemque sua sorte contentum esse, nec occupare aliena: at inter homines, neminem sua portione contentum esse nec vllam partitionem esse stabilem, sed omnes *πολιτικόν*. Notabat autem ambitionem principum, & regnandi nunquam satandam libidinem. Quis enim hodie regum & principum est, qui sua sorte contentus, non cogitet, quo iure quęue iniuria suis ditionibus plura adiiciat? Panormi. lib. 4. de rebus gestis Alphonfi.

De regno virtute parando.

Agēsilai.

QUum aliquando quidam percontatus esset Agēsilaū, quęnam essent fines Laconicę ditionis? vibrata lacea: Quousque, inquit, hęc valeat pertingere. Vox egregio duce digna, qui bellum non nisi iustū lusciperet, imperiumque virtute paratum, virtute tueretur. Plut. in apoph.

Dionysij iun.

Dionysius iunior cuidam percontanti, quę factum esset, vt cū pater ipsius tenui fortuna ac priuatus sibi Syracusanę ciuitatis principatum parauerit, ipse regis filius, & regnum hęreditate acceptum amiserit? Quoniam, inquit, pater rerum potitus est, quum iam in odium venisset popularis gubernatio: ego, quum inuidia laboraret tyrannis, principatum suscepi. Plut. in regum apophthegma.

Alserius

Alterius.

Alteri cuidam hoc ipsum percontanti, compendio respōdit: Pater, inquit, mihi regnum suum reliquit, non fortunam. Non omnia omnibus æque fœliciter cedunt. Plut. eod.

Philippi Maced.

Philippus Macedo ubi rescivit Alexandrum filium queri, q̃ pater ex pluribus fœminis gigneret liberos, sic illum hortatus est: Ergo quum plures habeas regni competitores, da operam ut honestus ac probus euadas, ut non per me, sed per te ipsum regnum obtinuissē videaris. Vir prudentia verē regia præditus, non consolatus est filium, sed metum illius auxit, quò magis extimularet ad virtutem. indicans, illi non aliter sperandum paternum regnum, nisi se successione dignum præberet: nec tam magnum esse regnum adipisci, quam regnum promeruisse. Plut. in regum apoph.

Eiusdem.

Suprà de Benevolentia.

Agathoclis.

Agathocles figulo patre natus fuit. Is verò quum Sicilia potitus esset, rexque declaratus, solitus est in mensa fictilia pocula iuxta aurea ponere, eaque iuuenibus ostendens dicere: Quum antea talia fecerim (commonstratis fictilibus) nunc per vigiliam ac fortitudinem talia facio: commonstrans aurea. Non putauit pristinae fortunæ: sed gloriosius existimauit regnum virtute partum, quam si hæreditate obuensset. Nam regem nasci nihil magni est, at regno dignum se præstitisse maximū est. Plut. in regum apoph.

Pyrri.

Pyrrius Epirotarum rex, quum à filiis etiamnum pueris interrogaretur: Cui nostrum relinques regnum? Quicumque, inquit, vestrum acutiorem habuerit ensē significans, se non ætati daturum principatus successionem, sed virtuti. Hoc stimulo liberos omnes ad certamen fortitudinis excitauit. Plut. in regum & imperator. apoph.

De responso ab inexpectato.

Diogenis.

Diogenes Cynicus percontanti, Quidnam vellet, ut colaphum acciperet: Galeam, inquit. Responsum ab inexpectato

ctato datum. Ille enim expectabat, quid mercedis peteret pro colapho. Laer. lib. 6. cap. 2.

Xenocratis.

Xenocrates, de obscænis quibusdam rebus cum à quodam percontatus esset, tacuit: verum cum vrgeretur responsum, De talibus, inquit, rebus te hominem vanum interrogare decet, me autem respondere nequaquam. Maximus ser. 31.

Stratonici.

Stratonicus Atheniensis interrogatus, quod nauigiorum genus esset tutissimum, longorum, aut contrà: respondit: Ea quæ subducta sunt. Significans, cum demum nauigantes in tuto esse, cum naui in siccum protracta fuerit. Ex Athenæo.

Demonactii.

Demonax Cynicus interrogatus, quidnam sentiret de conflictu duorum, quorum alter ineptè proponebat, alter absurdè respondebat: respondit, sibi videri, alterum mulgere hircum, alterum supponere cribrum. Plut. in apoph.

Archidami.

Quidam cum Archidamum intempestiuus rogasset, quot essent Spartanorum? Tot, inquit, sunt ò hospes, qui malos sufficiant arcere, vt tuti sint ab omni hostium periculo. Plut. in apo. & Brulsonius lib. 3. cap. 16.

Niconis.

Nico meretrix, cui Capra cognomen erat, parasitum quempiam obuium habens à morbo gracilem: Quam macilentus, inquit? Quum is respondisset: Quid me putas triduo comedisse? Aut lecythum, inquit, aut soleas, aut minimum edisse, illa respondet, quasi de cibi genere interrogata. Eras. lib. 6. apoph.

Gnathana.

Gnathæna meretrix parasito quem alebat anus, eratque obeso corpore: Eleganter, inquit, ò adolescens es affectus corpore. At ille: Quid igitur futurum putas, si non secundus in lecto dormirem? Fame, inquit Gnathæna, perisses. subnotans, illum verum le concubitu ali. Est autem iocus ab inexpectato. Eras. Rot. lib. 6. apoph.

Pontidij.

Pontidius interrogatus, quid sentiret de eo qui fuerat in adulterio deprehensus? Tardus, inquit, mihi fuisse videtur. Ludens ab inexpectato: significansque, quod non fugisset in tempore. Eras. 6. apoph. Brulsonius lib. 1. cap. 4.

Diogenis.

Diogenis.

Suprà tit. de Belli studio,

Demetrii.

Demetrius rex cū Lamiam meretricem parum sobriè amaret, eaque iam senex in conuiuio tibiis cecinisset: Demo, quæ & Mania dicta est, interrogata à Demetrio, Quid videretur Lamia? Anus, inquit. Aliud respondens, atque expectabat rex. Nā ille sciscitabatur, quā scitè videretur canere? Erasmus Rote. lib. 6. apoph.

Appij.

Appius maior, quum in senatu ageretur de agris publicis, ac premeretur Lucilius ab his qui à pecore eius depasci publicos agros dicerent: Non est, inquit, Lucilii pecus illud, erratis. Hactenus defendere videbatur, sed adiecit: Ego liberum puto, quā lubet pascitur. Iocus est ab inexpectato. Expectabatur enim, vt probaret hoc pecus non esse Lucilii, sed alterius cuiuspiam, ac reum subleuaret. nunc irrisum grauabat. Eras. lib. 6. apophtheg.

Scip. Maluginensis.

M. Scipio Maluginensis, cum ex sua centuria renunciaret Acidinum cōsulem: cumque præco dixisset, die de L. Manlio: Ego, inquit Scipio, virum bonum, egregiumque ciuem esse arbitror. Præco expectabat suffragium pro Manlio: Scipio respondit, quasi de moribus interrogatus, Nescio an hic Acidinus, nomine & prænomine dictus sit L. Manlius. quumque Scipio postremum ad nomen tantum expressisset, præco admonuit, & illa addenda. Hinc Scipio iocandi occasionem arripuit. Eras. Rot. lib. 6. apoph.

Maximi.

Salinatori, cum Tarento amisso, arcem tamen retinisset, multa que ex ea præclara fecisset, cum aliquot post annos Maximus id oppidum cœpisset, rogaretque eum Salinator, vt meminisset opera sua se Tarentum recepisse: Quid ni, inquit, meminirim? Nunquam ego recepissem, nisi tu perdidisses. Cic. lib. 2. de Oratore, & Catone maiore.

Lepidi.

Suprà de Excusatione,

C. Iulij.

C. Iulius Helio mancipi sapius obstrepenti sibi, dixit: Etiam ostendam qualis sis, & Helio instanti, vt ostenderet qualis esset. Iulius digito demonstrabat Gallum in Mariano scuto Cimbri
co dep

co depictum, nodis distortum, eiecta lingua, buccis fluentibus. cui maceps tum simillimus est visus. Taberna autem erat apud forum, ac scutum illud signi gratia positum. Ingens omnium risus consecutus est. Expectarant enim, ut aliquid in mores illius obiceret. Erasmus lib. 6. apoph.

Domitij Afi.

Domitius Afer in quendam patronum imperitum, sed splendido vestitu se venditantem litigatoribus, lepidè dixit: Homo in agendis causis bene vestitus. Lulit ab inexpectato. Nā auditor pro vestitus expectabat instructus, aut exercitatus. Ibidem.

Vibij Crispi.

Supra tit. de Metu & timore.

Crassi.

Quum Silus testis læsisset Pisonem reum, cui Crassus aderat, prolato crimine, quod se in eum dictum audisse dicebat: Potest fieri, inquit Crassus, ut is vnde te audisse dicis, iratus dixerit. Annuit Silus. Potest etiā, inquit, fieri, ut tu non rectè intellexeris. Quū id quoq; toto capite annuisset Silus, ut se Crasso daret, subiecit Crassus: Potest etiā fieri, ut omnino quod te audisse dicis, nunquā audieris. Hoc adeo præter expectationē, ut Silū testem omnium risus obrueret. Erasmus Roterod. lib. 6. apoph.

Ciceronis.

M. T. Cicero, cum testis Sexti Annalis reum legisset, & instaret identidem accusator rei: Dic Marce Tulli, si quid potes de Sexto Annali: protinus recitare cœpit versus ex sexto Ennii Annalium libro,

Qui potes ingentis causas enoluerè belli, &c.

Scrispsit enim Ennius annales, & accusator vocabatur Sextus Annalis, Erasmus Roterod. lib. 4. apoph.

Cesellij.

Cesellius consultori dicenti, Nauim diuidere volo: Perdes, inquit. Ille de precio nauis mercibusque consulebat, hic aliud respondit. Nam ipsam diuidere nauim, est nauim perdere. Macrobius ita refert: Si diuidis, nec tu nec socius habebitis. Erat autem duorum negociatorum communis nauis. Eras.

Apollonij.

Nero cum in Gymnicis decertasset, rogatus à Tigillino Apollonius, Quid de Nerone sentiret? Melius, inquit, sentio quā vos. Cantare enim vos illum dignū putatis, ego autem tacere. Bruf. lib. 3. cap. 13.

De reg

De regno virtute stabiliendo.

Themistoclis.

Themistocles facilitate morum multos ciues conciliabat, vt hinc popularem potentiam adipisceretur. Itaque cui-dam ipsum admonenti, Bene principatum gerēs Athenis, si cunctis communis esse velis, & mansuetus respondit, Nunquam ei sellæ infederim, vnde nihilo plus à me ferrent amici, quàm alieni. Plut.

Theopompi.

Suprà de Principe bono, ac eius in regni administratione officio.

Darij.

Darius rex quum tributum indixisset subditis, accersitos prouinciarum praefectos percontatus est, cum aliis de rebus, tum de tributis, essent ne grauiā, quum illi respondissent, esse mediocria, iussit vt singuli dimidium exigerent. Quod praefectis moderatum videbatur, regis æquitati visum est dimidio plus satis. Maluit enim suos beneficio sibi conciliare, quàm exarmatos subigere. Stratagematis autem gratia in hoc sita est, quòd duplum imperauit eius quod destinarat accipere. Si dimidium imperasset, nec quicquam remisisset, latuisset benignitas: nunc exacta dimidians, effecit vt omnes sentirent beneficium. Plut. in Regum apoph.

Apollonij.

Apollonius rogatus à Babylonia rege, Quo modo tuto regnare posset? Si multos, inquit, honoraueris, paucis verò credideris. Indicare autem voluit, tutò regnare volentibus, duo obseruanda & praestanda esse: primum, vt beneficiis multos sibi concilient: deinde, ne facile delatoribus, obrectatoribus ac assentatoribus credant. Brufo. lib. 3. c. 13.

Antigoni.

Quum omnes admirarētur Antigonom regem, quòd quum initio regni durior fuisset, senex factus, clementer ac placidè regnum gubernaret: Prius, inquit, opus erat regno, nunc gloria & beneuolentia. Sentiens, regnum armis & austeritate frequenter parari, sed non nisi honesta opinione, ciuiumque beneuolentia retineri, Plutarchus in apophthegm. Regum & imperatorum.

Eiusdem.

Antigonus, amicis suadentibus, ut si Athenas caperet, validis illam praesidiis communiret, ne quando deficeret, summamque cura ut totius Graeciae basin custodiret. respondit: Se semper in hac fuisse sententia, ut crederet, nullum esse regni praesidium firmitus, quam civium benevolentiam. Eras. lib. 4. apoph. Bruns. lib. 3. c. 13.

Philippi regis.

Philippus Macedoniae rex, quum subactis Graecis, quidam ipsi auctores essent, ut civitates praesidiis contineret, ne deficerent: Malo, inquit, diu bonus & commodus, quam brevi tempore dominus appellari. Sentiens, regnum quod beneficiis ac benevolentia teneretur, esse perpetuum: quod vi metumque, non esse diuturnum. Plut. in Regum apoph.

Ciceronis.

Supra titu. de Clementia.

Augusti Cas.

Caesar Augustus cum audiisset, quod Alexander natus annos triginta duos, posteaquam plerasque mundi regiones peragrat: dubitasset, quidnam ipse esset futurus: mirabatur, si Alexander non iudicasset maius opus, bene gubernare partem imperium, quam amplam ditionem comparasse, Alexander quippe nullam aliam functionem rege dignam existimavit, quam proferre ditionis terminos: quum multo difficilius sit, regnum partem ita tueri, ut nil nobis decedat. Plut. in Roma. apoph.

De religione servata,

Diogenis.

Diogenes quum in phano cenaret, ei que panes sordidi essent apposti, abiecit illos e phano, dicens: In templum nihil oportere ingredi sordidum. Laert. lib. 6.

Lycurgi.

Lycurgus percontanti, cur instituisset ut minutis ac vilibus rebus sacrificaretur? Ne unquam, inquit Lycurgus, deficiat nos, quo numen honoremus. Quis non diceret, in solemoni deorum cultu magnificentiam ac splendorem adhibendum? At vir prudens intellexit, numen magis delectari frugalitate, quam opimis victimis, ne sub religionis obtentu luxus irreperet, aut cerere rerum penuria, Deus enim non eget nostris impendiis: amat
autem

autem homines, quorum necessitati poterat illis impendiis succurri. Plutarchus in Lacon.

Demonactis.

Demonax quum apud Athenienses audisset, præfatione solenni à sacris submoueri barbaros, rogabat, quam ob rem id facerent: cū ea sacra tradidisset ipsis Eumolpus, natione Thrax, nimirum Barbarus. Eras. Rot. lib. 8. apoph.

Agésilai.

Agésilas Athenienses ac Bœotios apud Coroneam cum suis sociis iter eius impedire conatos, graui prælio vicit. ei victoriæ per se magnificè multum laudis apposuit, religionis exemplo. Multi è prælio confugerant ad templum Mineræ: de his rogatus, quid vellet fieri Agésilas: vetuit illos violari, cum in eo prælio vulnera aliquot accepisset: videreturq; vehementer iratus omnibus, qui tum arma aduersus ipsum tulerant: tamen plus apud illum valuit religio, quàm ira. Neque hoc solum in Græcia fecit, vt templa deorum haberet sancta: verum etiam apud barbaros summa religione simulachra arasq; consecrauit, quasi in hæc nullum esset ius belli. Itaque præclare solitus est dicere, se vehementer admirari, eos non haberi sacrilegorum numero, qui læderet ipsis supplices, ac per deos obtestantes: nec grauiores sumi pœnas de his qui religionem minuerent, quàm qui templa spoliarent. Rectè iudicās, diis esse chariorem hominum salutem, quàm mura templorum ornamenta. Aemilius Probus, & Bruto. lib. 5. c. 26.

Alexandri regis.

Alexander consulto oraculo monitus est, vt cum qui sibi portam egresso primus occurrisset, interfici iuberet. occurrit agaso, iussus est arripi. Rogati, quid commeruisset? responsum est, Ita iussisse Deum, Si ita est, inquit, ô rex, alium designauit oraculum, nam asinus tibi prior occurrit. Agaso enim sequitur asinum, vt impellat, alioqui non secuturum. Alexander delectatus hoc commento, asinum pro homine occidit. Erasmus libro 6. apoph.

Eiusdem.

Idem inter sacrificandum cum vtraque manu thura ad euaporandum assumpsisset, à Leonida ob id reprehensus est. Dicebat enim Leonidas: Quum ferentibus aromata terris imperaueris, copiosè tunc thura adolebis, nunc verò vtere parcius. Victa autem Saba, Alexander Leonidæ scripsit, ad te thus myr-

rhámque abundè transmissimus, vt cum deis parcus esse desinas. Bruso. Contursinus lib. 5. cap. 26.

Antiochi.

Antiochus, cùm urbem obsideret Hierosolymam, Iudæis ad maximum illud festum celebrandum septem dies petentibus, non solum eos concessit, verum etiam tauros auratis cornibus adornatos, magnamque thymiamatum & aromatum vim usque ad portas urbis cum pompa solenni deduci iussit: traditâq; illorum sacerdotibus hostia, ipse in castra rediit. Iudæi verò regis benignitatem admirati, protinus à festo peracto, in fidem illius sese dederunt. Plut. in Regum apoph.

Fabij.

Tarentinos Annibal præsidio imposito tenebat, arce accepta, Fabius itaque dolo quàm longissimè exercitum suum adduxit ab urbe. quam ubi cœpisset, diripuissetque, scribæ percontanti, quid de templorum simulachris statuisset? Relinquamus, inquit, Tarentinis deos iratos. Plut. in Rom. apoph.

Valerij Publicolæ.

Valerio Publicolæ Iouis ædem dicanti, iamque ex more potestatem tenenti, Marcus illius frater derepente funestum nuncium ingressus, dicens: O consul, filius tuus morbo periit in castris. Ob eum nuncium mœstis omnibus, Publicola nihil commotus: Cadaver, inquit, quò libet abicite. simulque dedicationem solenni ritu peregit. Nec tamen verum erat, perisse filium: sed data opera factum est vt à dedicatione reuocaretur; atque is honor ad alium transiret. Quanquam Liuius libro ab Urbe condita secundo, hoc aliquanto diuersius narrat.

De religione neglecta.

Demonactii.

Demonax quum ob id accusatus esset, quòd Mineræ nunquam sacrificasset: Nunquam, respondit, putavi meis sacrificiis opus fuisse. Eras. lib. 8. apoph.

Augusti Cæs.

Suprà de Adulatores non admittendis.

Vide titulum, de Sacrilegio.

De repulsa.

Pedareti.

Pedaretus cum in trecentorum virorum ordinem non esset ascriptus, qui honos apud Spartanos primam dignitatem

tem obtinebat, repulsus discessit hilatis ac ridens, reuocantibus autem Ephoris, quidque rideret percontantibus: Gratulor, inquit, huic Reipublica, quæ trecentos habeat ciues multo me meliores. Quid hoc pectore magis philosophicum? Nec molestè tulit repulsam, nec questus est de Ephorum iudicio: sed plus voluptatis capiebat ex publico Reipublici bono, quam sensurus erat ex honore impetrato. Plut. in Laco. apoph. Valerius Maximus lib. 6. cap. 4.

Themistoclis.

Athenienses cum Themistoclem aliquando publicè infamia notassent, rursùmque deinde ad imperium gerendum reuocarent: Non, inquit, laudo eos homines, qui eodem vase pro matula, & ad infundendum vinum vtuntur. Aelianus libro 13. de Varia histor.

C. Marij.

C. Marius obscuro genere natus, facinorū militarium commendatione ad Rempublici accessit. Ac primùm maiorem petiit ædilitatem. Vbi sensit ea spe frustrari sese, eodem die minorem ambiit: & hac frustratus, haud tamen desperauit, se Romæ ciuitatis primatem fore. docens, quantum in rebus humanis valeat improbitas. Plut. in Roman. apoph.

C. Figuli.

Infrà de Vltione & vindicta.

Taciti impera.

Tacitus imperator fratri petierat consulatum, nec impetrauit. Ea repulsa aded non fuit offensus, vt vehementer etiam lætatus sit, dicēs: Scit senatus, quem principem fecerit. Vopiscus.

De responso duro & absurdo.

Biantis.

Bias cum ingenio suo patriam suam obsidione liberasset, Rex Aliattes intellecta viri prudentia, protinus eum ad se accersiu. At is respondit, ἐγὼ ἀνίας τὴν λεγούσαν λεπύμνα καὶ ὀδύνη: id est, Ego Aliatten iubeo cepas edere. quod perinde est ac si dixisset, iubeo illum plorare: extremum regis contemptum professus. Laert. lib. 1. cap. 6.

Diogenis.

Diogenes Cynicus cum à Platone philosopho paulum vini petiisset, ipse autem lagenam vino plenam misisset, Cynicus hunc in modum gratias egit: Cum interrogaris, quot sint duo

& duo respondes, sunt viginti: & ita nec secundum ea quæ rogaris dās, nec, ad ea quæ interrogatus fueris respondes. Laerti. lib. 6. cap. 2.

Domitij Afer.

Domitius Afer dispensatori, qui quum ad reliqua non responderet, dicebat subinde, Panem non comedi, & aquam bibo: Pasce, inquit, & redde quod debes. Non agebatur quid edisset, aut bibisset, sed quid deberet. Permisit igitur, vt se quomodo vellet pasceret, modò solueret quod debebat. Eras. lib. 6. apoph.

De responso repentino.

C. Popili.

Suprà de Animosè dictis.

De reuerentia.

Musonij.

Musonius dicebat, eum apud omnes maxima verecundia dignum iudicari, qui seipsum primò, & deinde alios reuereri didicisset. Stob. serm. 29. de Verecundia.

Demetrii Phal.

Demetrius Phalereus, honestos adolescentes domi parentes reuereri debere dicebat: in via autem, omnes, vt quisq; se obtulerit: in solitudine autem, seipfos. Stobæus.

Huc refer titulos, de Filiorum pietate in parentes, discipulorum in præceptores, & de Senectutis reuerentia, infra.

De Rhetorica.

Diogenis.

Diogenes in caupona prendens, Demosthenem fortè prætereuntem inuitauit, vt accederet. id cum ille pudore recusaret: Erubescis, inquit, Demosthenes, cauponam ingredi? Atqui hîc herus tuus quotidie versatur. Inuit autem, Rhetores nihil aliud esse quam populi mancipia: nec esse par, vt illic pudeat seruum populi videri, vbi populus assidue viueret. Eras. lib. 8. apoph.

Demosthenis.

Demosthenes interrogatus, quid præstare posset professoribus suis Rhetorica? Homini, inquit, perditò, præsentem potest ferre opem. Stob.

Isocræ

Isocrati.

Isocrates interrogatus, quid esset Rhetorica? Ex parvis, inquit, facere magna, ex magnis parua. Est enim hæc nonnulla Rhetorices pars, amplificare & extenuare, qua de re diligenter præcepit Fabius. Sed præstigiij genus est, quod respondit Isocrates. Quin illud potius artis est, quæ magna sunt ita tractare, ut auditori quoque magna videantur: & contra. Eras. Rote. lib. 8. apoph.

Laconis.

Cuidam iactanti de arte Rhetorica: At per Geminos, inquit Lacon, ars nisi verum attigerit, nec est, nec vnquam erit. Notauit Rhetores, qui se profitentur verisimilia dicere, licet vera non sint. Plut. in Lacon.

Vide tit. de Oratoribus.

De risu.

Diogenis.

Diogenes Cynicus, dicente quodam, Hi te risu prosequuntur: At ego, inquit, minimè ridiculus sum. Brus. lib. 5. cap. 27.

Mysonis.

Myson Chenæus mortales odio infectatus, in solitudinem sese abdiderat. deprehensus autem à Lacone quodam ridens, rogatus ab illo, cur cum solus esset rideret: vrbane ad mores suos respiciens: Ob hoc ipsum, ait, rideo. Brus. lib. 5. ca. p. 27.

Philemonis.

Ficus Philemoni paratas, in conspectu eius positas, asellus comedebat, puer inclamatus ut asinum abigeret, serò venit. Itaque consumptis omnibus: Quoniã, inquit, tam tardus fuisti, da nunc merum asello. Interim risus obortus hominẽ senẽ præfocauit. Ibid. & Eras. lib. 6. apoph. Verùm alii hoc Chrysippo ascribunt.

Plistarchi.

Plistarchus Leonidæ filius, causidico quodam ridicula semper dicenti: Non cessabis, ait, à ridiculis cõtinue dicendis, ne ridiculus fias: ut qui assidue luctantur, luctatores. Brus. lib. 5. ca. 27.

Catonis.

M. Cicero consul, quum L. Murenam à Catone accusatum defenderet, variis modis Stoicos (quorum sectator erat Cato) philosophosque illudens, multum risum iudicibus iniecit. Et ipse quoque Cato subridens: Dii boni, ait, quum ridiculum habemus consulem. Brus. lib. 5. cap. 27.

De robore corporis.

Diogenis.

CRates Thebanus cum nudatus in certamine, ob corporis deformitatem derideretur: De oculis, inquit, & Crates, reliquóque corpore bono animo esto. Nam istos qui nūc te derident, mox conspicias morbo contrahi, omnibúsque viribus destitui. Significauit, formam nihil omnino facere ad victoriã: sed robur, & laborum tolerantiam, qua ceteros antecedeat. Laert. lib. 6. cap. 5.

Anus cuiusdam.

Anus quædam videns Iouianum Romanorum imperatorem, corporis proceritate atque mole excellentem, sed mente captum: O crassam atque pinguem stultitiam, proclamasse fertur. Niceph. lib. 10. cap. vlt.

Anonymi.

Ex plebe præterea quidam in Hippodromo dicacitate eundem Iouianum perstrinxit, & risum ingentem omnibus mouit. Inanem enim & frigidam proceritatem eius esse dixit. Ibidem.

Maximini.

Maximinus exercebat lucta milites suos, multos ad terram prosternens. Itaque cunctis inuidentibus, tribunus quidam viti corporis, notæq; virtutis, atque ob hoc ferocior, dixit: Quid magni facis, si tribunus tuos milites vincis? Tum Maximinus: Visne congregiamur? Quum prodisset, palma pectori impacta supinum reiecit, continuóque dixit: Date alium, sed tribunum. Capitolinus.

De rubore.

Theophrasti.

Theophrastus adolescentem erubescens conspicatus: Confide, inquit, talem enim virtus habet colorem. Antonius in Melissa, parte 2. ser. 71. Sed Maximus hoc Catoni ad verbum ascribit, serm. 40. Alii ad Diogenem quoque referunt.

Pythia.

Pythias Aristotelis filia, cum à quodam interrogaretur, quis colorum omnium esset præstantissimus? Is, inquit, quem in ingenuis gignit pudor. Est autem rubor pudoris & verecundia signum in homine certissimum. Eras. lib. 8. apoph.

Catoni

Catonis senioris.

Cato senior sibi magis placere iuuenes dicebat, qui rubescerent, quàm qui pallerent: quòd rubor arguat probam indolem, pallor autem non item. Plutar. in Rom. apoph.
Vide titulum de Pudore.

DE SACRIFICIIS.

Socratis.



Ocrates sacrificia volebat quàm minimis impendiis constare: quòd dii, vt non egent rebus hominum, ita magis spectant affectus immolantium, quàm diuitias. Alioqui cum improbißimi quique maximè abundant diuitiis, actum esset de rebus humanis, si malorum potius quàm bonorum victimis delectarentur. Eòq; versum hũc magnopere probare consuevit,

ἡ ἀδύναμις ἂν ἴσθῃ ἰσὺς ἀβασίλειον δεινόν. Hoc dictum & ad nos Christianos pertinet, qui immodicis impendiis ornamus templa, peragimus sacra & parentalia: gratius facturi Deo, si quod vltra frugalem mundiciem superest, fratribus egenis erogaremus. Eandem frugalitatem adhibendam docuit in excipiendis hospitibus, eodem vtens versiculo, *ἡ ἀδύναμις ἂν ἴσθῃ ἰσὺς, &c.* Eras. lib. 3. apoph.

Gelonis.

Gelo Siciliae tyrannus, debellatis apud Imeram Carthaginensibus, in pacis scødere compulit illos & hoc acceptis conditionibus ascribere, ne posthac filios suos Saturno immolarent. Solebat enim ea gens infantes suos æneæ Saturni statuae cauæ, & intus incensæ, in sinum ponere, qui velut in Dei complexu enecabantur. Id vt Saturno gratum putarent, effecit fabula, quæ narrat illum omnes vxoris filios deuorare solitum. Nam & Iouem deuoraturus erat, nisi pro puero saxum supposuissent. Plutar. in reg. apoph.

His adde tit. de Religione seruata.

De sacrilègio:

Diogenis.

Diogenes cernens quendam malè audientem, quasi monimenta spoliaret, Homeri carmine compellauit,

• τῖν' ἰσὺ ᾧ δὲ φίλῳ;
 ὃ τῖνα συνήσων γενέσθαι κατὰ δούλων. Id est,
 Quid tu huc venisti vir præstantissime, num fors
 Ut spoliēs aliquem horum quos mors occupat atra? Laer. lib. 6.

Agésilai.

Agésilas Lacedæmoniorum rex præclare dicere solitus est, se vehementer admirari, eos non haberi in sacrilegorum numero, qui læderent eos qui diis supplicarent, vel deos venerarentur. Quo innuit vir prudentissimus, eos non tantum sacrilegos esse, qui deos ipsos aut templorum ornatum spoliarent: sed eos maxime, qui decorum ministros & præcones contumeliis afficiunt. Dictum Agésilai recitatur ab Aemylîo Probo.

Dionysii senioris.

Dionysius senior tyrannus sacrilegia sua solebat facietis dictis obtegere. Locris Proserpina: templum spoliavit, mox quâ classis illius secundo vento nauigaret: Videtis, inquit, quam prospera nauigatio à diis immortalibus detur sacrilegis. Ex hoc colligens, aut non esse deos, aut illis non esse molesta sacrilegia. Iustin. lib. 21. Val. Max. lib. 1. cap. 2.

Eiusdem.

Idem Epidauri Aesculapio barbam auream detraxit: quod negaret decorum, patrem Apollinem imberbem, ipsum verò barbatum conspici. Aesculapius fingitur Apollinis filius. Apollinem autem semper imberbem facit theologia poetica, Aesculapium barbatum. Significans, in medico requiri multarum rerum vsum. Valerius Max. lib. 1. cap. 2. Brufon. Contursinus lib. 6. cap. 9.

Eiusdem.

Idem Ioui Olympio detraxit magni ponderis aureum amiculum, quo eum Hieronè manubiis Carthagenensium ornaue-
 rat: proque detracto aureo lancum illi pallium iniecit, ita cauillans: Aureum amiculum æstate graue est, hyeme frigidū: laneum ad vtrunque anni tempus accommodatius esse. Ibidem.

Eiusdem.

Idē mensas aureas atq; æreas diis dicatas è phanis sustulit. Has inscriptio ex more Græcorū, testabatur esse bonorū deorum, ne quis manū admoliretur. At ille cauillatus est, se deorū bonitate vti. Nam boni dii dicuntur, quod omnibus beneficiant. Ibidem.

Eiusdem.

Idē victorias aureas, pateras & coronas, quæ simulachra por
 rectis

rectis manibus sustinebant, velut offerentia tollebat, dicens, se oblata accipere, non eripere: addens, per absurdum esse, à quibus quotidie bona flagitamus, ab his vtrò porrigentibus nolle accipere. Ibidem.

De sagittandi peritia.

Diogenis.

Diogenes Cynicus animaduertens quendam imperitè iaculantem, proximè scopum consedit, cur id faceret, interrogantibus: Ne fortè, inquit, me feriat. Significans, illum quiduis percussurum citius, quàm scopum. At alii spectatores quàm possunt longissimè sese à scopo semouent, ne feriantur. Laert. lib. 6. Bruson. lib. 6. cap. 19.

Cambyxis.

Suprà tit. de Castigatione iniquo animo lata.

De falsè dictis.

Thaletis.

Thales Milesius, cuidam interroganti, vtrum fuisset prius, nox an dies? respondit, Nox vno die fuit prior. Si enim nox vno die præcessit diem, dies igitur fuit ante noctem: nox quippe finis est diei. Laertius libro primo, capite primo.

Bianth.

Bias Priæus, impio cuidam sciscitanti, quidnam esset pietas? nihil respondit. Roganti autem, cur sileret? Quoniam, inquit, interrogas de rebus tibi nimium difficilibus. Laertius lib. 1. cap. 6.

Bionis.

Bion Boristhenites dānabat homines, qui sic exurerent quasi sensu vacarent, sic adurerent quasi sentirent. Ob id, ni fallor, & in bellis exurantur omnia. Rursus si leuiter attingatur ab igni, offenduntur. Id enim appellat adurere. Idem lib. 4. cap. 7.

Antisthenis.

Antisthenes Atheniensis ridere solebat Athenienses, quòd essent Autochthones, hoc est indigenæ, eo quòd non aliunde eò commigrassent, nec vnquam solum mutassent: dicens, hoc laudis illis esse cum testudinibus & cochleis commune. Nam hæc quoque animantia nunquam domicilium mutant, in quo nascuntur. Laert. lib. 6. cap. 1.

Zenonis.

Zenoni.

Zeno Cittieus seruum in furto deprehensum virgis emendari iussit, verum quum is se excusare niteretur, dicens, sibi in factis esse vt furaretur: Sit igitur, inquit philosophus, etiam in factis, vt delicti des poenas. Laertius libro 7. cap. 1.

Anacharsidis.

Infra de Spectaculis.

Diogeni.

Diogenes percontanti, quam ob rem aliis mendicis liberaliter darent homines, philosophis autem non item? Quoniam, inquit, sperant citius futurum, vt claudi caecue fiant, & mendicare cogantur, quam vt philosophi, de sapientia plurimum disputantes. Laertius libro 6. cap. 2.

Eiusdem.

Idem interrogatus à quodam, quare mancipia fugitiua dicerentur *αὐδ᾽ ἀνόδοι*: Quoniam, inquit, pedes habent virorum, animum autem, qualem tu nunc habes, qui me hac de re interrogare audes. Laertius libro sexto, cap. 2.

Eiusdem.

Diogenes citharædum quendam, qui quoties fidibus luderet, ab auditoribus deserebatur, obuium, ita salutauit: Salue galile. Quum ille offensus salutationis nouitate, diceret: Quid ita? Quoniam, inquit, cantu tuo excitas omnes. Salsissimè autem iocum captauit ex ambiguitate verbi. Græcis enim *αἰνυγῆς* dicitur, & qui dormientem è somno excitat, quod galli gallinæci malè canentes facere solent: & qui sedentem mouet, vt surgens abeat. Laertius lib. 6. cap. 2.

Eiusdem.

Idem percontanti, quo pacto Dionysius amicos suos tractaret? Vt vtres, inquit, plenos enim suspedit, inanes autem abiicit. Notauit autem salsissimè Dionysii crudelitatem, non iri ignotos tantum, sed amicissimos etiam. Diuites enim interficiebat, negligebat pauperes. Ibidem.

Eiusdem.

Adolescentes quidam cū in foro circumstarent Diogenem, canem hominem appellantes, ac fugientes: Diogenes interrogabat, cūnam aufugerent? qui cu dixissent, Ideo fugam adornamus, ne mordeas nos canis: Nequaquam, inquit Diogenes, vos mordeo, quandoquidem canis non edit betulam. Salsè autem notauit eorum molliciem, à quibus canis erat vocatus. Ibidem.

Eiusdem.

Eiusdem.

Lyfias interrogabat Diogenem Cynicum, num crederet etiā esse deos? Cui Diogenes: Quis conuenit, inquit, vt non credam, cum perſuaſum habeam te diis inuiſum eſſe? Salsè notauit hominis impietatem, à quo ipſe falſò impius iudicabatur. Ibidè.

Aristotelis.

Aristoteles Stagiritēs crebrò Athenienſes reprehendebat, quòd cū duas res, frumenta & leges inueniſſent: frumentis quidem vterentur, legibus autem nequaquam. Alludit autem philoſophus ad Tripoleum Athenienſem, cuius miniſterio Ceres uſa eſt in ferendis legibus, ac tritico ſerendo. Laertius lib. 5. capite primo,

Socratis.

Socrati acrius quendam in conuentu aliorum obiurganti, Plato dixit: An non melius fuiſſet, ſi domi vel priuatim homini hæc dixiſſes? Cui Socrates falſè reſpondens, ait: Cur nō tu quoque clām hæc mihi dixiſti? Laertius lib. 2. cap. 5.

Eiusdem.

Euripides quum Socrati obtuliſſet librum ab Heraclito ſcriptum, vt legeret, poſt aliquot dies ſolicitauit hominem, vt ferret de lecto libro ſuum iudicium. Socrates igitur: Per Iouem (inquit) quæ intellexi, ſatis mihi præclara videntur: qualia & ea eſſe puto, quæ non intellexi. Salsè autem notauit hominem nimis ſuperſtitioſè de rebus ſcribentem. Laertius lib. 2. cap. 5.

Lesbonactis.

Lesbonax Mitylenæus, honeſtus planè vir & bonus, ſaltatores *χοροίχοι*, hoc eſt, manu ſapientes, ſolebat nuncupare: pergebatque ſubinde ad ſpectacula tanquam ex theatro melior reuerſurus. Coelius Rhodiginus lib. 5. cap. 3,

Xenophanis,

Xenophanes Colophonius audiens Empedoclem dicentem, Sapientem inueniri non poſſe; Meritò, inquit. Oporter enim cū ſapientem eſſe, qui ſapientem agnoſcere velit. Notauit autem Colophonium, qui hoc dicebat, quum ſuo vitio & ſtultitia hominem ſapientem iudicare nequaquam potuit. Laertius libro 9. capite ſecundo.

Nicetis.

Nicetes Smyrnæus ſophiſta, cuidam in iudicio grauiter irascenti, ac dicenti: Deſine toties latrare in me, admodum falſè reſpondit: Faciam quidem, ſi tu deſinas mordere me, Vtrumque enim

enim est canum. Ex Philostrati Sophistis.

Polemonis.

Timocrati philosopho apud Polemonem sophistam dicenti, Phauorinum esse multorum verborum hominem: Et omnis inquit, anus. Notās falsissimè in Phauorino corporis habitum. erat enim castratus. Ex Philostrato.

Agésilai.

Agésilas quum in quadam causa esset iudex, ac is qui accusabat, rectè dixisset, patronus autem malè; subinde tamen inter dicendum repeteret, Agésilae, decet regem defendere leges, quasi bonam haberet causam, & leges essent contra suum aduersarium: Si quis, inquit Agésilas, tibi domum perfoderit, aut vestem surriperit, num expectaturus esses architectum, aut furto rem, vt ferret tibi auxilium? Plut. in Lacon.

Eiusdem.

Iidem quum assiduè dimicaretur contra Thebanos, ac in conflictu quodam vulneratus esset. Antalcidas: Præclara, inquit, doctrinæ tuæ præmia recepisti à Thebanis, ô Agésilae. ab iis enim grauius vulneratus erat, quos bellicas artes docuerat. Plutarchus in Lacon. apoph.

Eiusdem.

Quodam laudante Rhetorem hoc nomine, quod mirificè res exiguas amplificaret: Agésilas inquit, Ego ne sutorem qui dem arbitror bonum, qui paruo pedi magnos inducat calceos. Plut. in Lacon.

Agidis.

Sophista quidam cum ad Agidem seniore dixeret, orationem esse rerum omnium præstantissimam, videlicet artem quam profitebatur adedè extollens: Ergo, inquit Agis, tu cū nihil dicis, nullius omnino es precii: Sentiens, pulchrius esse magnificas, & cum virtute coniunctas res gerere, quàm egregiè de his rebus loqui posse. Plut. in Lacon.

Eiusdem.

Iidem Agis præteriens Corinthiorum mœnia excelsa & munita: Quæ sunt, inquit, mulieres quæ hic habitant? Exultauit autem viros non esse, qui potius munitione, quàm animi viribus freti, patriam defendere cupiunt. Plut. in Lacon.

Agisipolis.

Suprà de Clementia.

Pausa

Pausania Cleombr.

Pausanias Cleombroti filius, ad quendam adhortantem, ut cum hostibus terra marique belli fortunam tentaret: Vis tu igitur, inquit, depositis vestimentis teipsum ostendere qualis sis, qui ad bellum suscipiendum alios stimulas? Salsè autem notavit hominem, alios ad fortitudinem stimulantem, cum ipse esset omnium effœminatissimus. Ibidem.

Pausania Plistonact.

Pausanias Plistonactis filius, cuidam roganti, cur Teger exulans, tantopere laudaret Lacedæmonios, à quibus vrbe eiectus esset? Quoniam, inquit, medici frequentius laudant ægrotos, quàm sanos. Ibidem.

Antalcida.

Athenicis quidam cum gloriaretur apud Antalcidam, quòd Lacedæmonios sæpius à Cephiso fugassent: Sed nos, inquit Antalcidas Spartanus, vos nunquam ab Eurota submovimus. Notavit autem Athenienses Antalcidas, qui nunquam ausi essent accedere ad Eurotam Spartæ fluuium, cum Lacedæmonii sæpe numero usque ad Cephisum flumen essent progressi, Plutarchus in Lacon.

Eiusilem.

Cum sophista quispiam laudaret librum apud Antalcidam, mire artificio conscriptum, interrogatus quòdnam argumentum libri esset? respondit, encomium esse Herculis. Tum Antalcidas: Quis quæso, inquit, Herculem unquam vituperavit? Superuacaneum existimans, tam doctè scribere iis de rebus, quæ omnibus sūt notissimæ. Ibidem.

Demonax.

Admeto poëtæ satis imperito epigramma iactanti, quod testamento mandasset suæ addendum statuae: carmen autem erat huiusmodi, Corpus humo tegitur, Admetus ad astra volauit: Demonax respondit, adeò sibi placere carmen, ut magno emptum cuperet, si iam nunc esset ascriptum. Testè optans illi mortem, qui vir indignus videbatur. Eras, Rot. lib. 8. apoph.

Anaxandrida.

Suprà de Laude, virtutis stimulo.

Laconis cuiusdam.

Quidam conspecta tabula, quæ picturam continebat, quomodo Lacedæmonii trucidarentur ab Atheniensibus, cum gloriaretur, Lacon quidam hoc audiens: Bene quidem, inquit, sed
inta-

in tabula. Significans ridiculum esse de pictura gloriari, quum pictores non minus quàm poetæ mentiantur, & quælibet audendi semper his fuerit æqua potestas. Plut. in Laco.

Alterius.

Lacon quidam in bellum profectus, pro insigni in clypeo militari habebat muscam, eamque non vera maiorem, quibusdam igitur irridentibus, & interrogantibus, cur tam paruum animal in clypeo haberet, quod cōspici nequaquam posset? Ideo, ut ego magis, inquit, conspicuus sum, quàm clypeus: nihilo minus tamen tam propè hostem accedo, ut cuiusmodi sit insigne, satis videri possit. Ibidem.

Alterius.

Quum Alcibiadi Atheniensis balneator plurimum administraret aquæ: Lacon id vidēs, Quid hoc rei est? inquit, plus aquæ infundit, quasi non puro, sed sordido. Plutar. in Laco. apoph.

Alexandri M.

Alexander Magnus, quum quidam ex numero amicorum, qui summè beneuoli videbantur, ei diceret: Ciuitates subiectas maiora posse pendere tributa, respondit, Olitorem odi, qui radicitus euellit olera. Max. ser. 13.

Demetrii.

Demetrius Antigoni filius, cum abductis omnium ciuium seruis Stilboni diceret, Ciuitatem vestram liberam vobis relinquo: Rettè, inquit Stilbon: nullum enim in ciuitate seruum relinquis. Plut. in vita Demetrii.

Scipionis Afr.

Africanus Censor cū castigaret militē, q̃ in pugna non fuisset: ille verò diceret, se custodiæ causa in castris mansisse: Non amo, inquit Africanus, milites nimis diligētes. Eras. lib. 6. apo.

Ciceronis.

Metello percontanti Ciceronem, quis ipsius esset pater? Ad istam, inquit, percontationem, ut respondere sit difficilium, mater effecit tua. Notauit autem falsissimè Metelli matrem, quæ parum pudica fuisse dicitur. Retorsit autem culpam omnem à patre in matrem. cum enim incertus est pater, cum mater cum multis viris habet consuetudinem parum honestam. Plutar. in Roma. apoph.

T. Quintij.

T. Quintius Flaminius in Philopœmenem Achæorum duccem, qui multos quidem habebat equites ac pedites armatos, sed

sed opes nullas, ita ludebat: Philopœmen manus quidem habet, & crura, ventrem autem non habet. Appellabat autem duces belli, manus ac pedes: sed quoniam non haberet unde tot aleret milites, negabat illum habere ventrem. Vel alludit ad pecunias, quæ bellorum nerui sunt. Plut. in Ro. apô.

Catonis sen.

Suprà titu. de Legatione.

Mancia.

Mancia quum audisset Antonium censorem, cui malè volebat, à M. Duronio de ambitu postulatum: Aliquando, inquit, tibi tuum negocium agere licebit. Censores in aliorum mores inquirunt: at qui reus est, habet ex se quod agat. Eras. Rot. lib. 6. apophtheg.

Ciceronis.

Cicero quum ad Pompeium venisset, ac iam venisse poeniteret, percontatus ubinam locorum reliquisset generum? Apud ruum, inquit, socerum. Cæsarem notans, qui cum proprio socero bellum parum iustum gereret. Plut. in Ro. apo.

Portij Latronis.

Portius Latro cum audiret Maximillum Rhetorem perorantem, & dicentem, Oportere eum qui per spinosum orationis locum ambularet, suspensos habere pedes: Non mehercule, inquit, tui pedes spinas calcant, sed habent. Erasmus libro 8. apophtheg.

C. Cæsaris.

C. Cæsar audiens hominem gloriantem ob bellicam fortitudinem, ostendentemque vulnus facie exceptum, ait: Caue vir bone, ne posthac fugiens respexeris. Notauit autem hominis arrogantiam, qui vulnere ostenso, suam probabat fortitudinem, cum vulnus fortasse fugam adornans accepisset, sed respiciens, an ab hostibus insequeretur. Simile quiddam Macrobius adscribit Cæsari Augusto, sed Quint. C. Cæsari.

Eiusdem.

Idem quum testis ad exaggerandam iniuriam diceret, fœmina sua à reo ferro petita: Quid enim faceret, inquit, quum tu galeam & lorica haberes? Non ignorabat, quum illam partem potissimum vulnerare voluisset: sed hoc dissimulato, false iocari maluit. Galea & lorica omnia tegit, præter fœminam. Plutarchus.

Augusti Cæs.

Augustus Cæsar Tyriam purpuram empturus, de obscuritate querebatur. quumque venditor diceret, Erige altius, & suscipe: Egone, inquit Cæsar, ut me populus Romanus dicat bene cultum, in solario ambulaturus sum? Plut. in Ro. apoph.

Iulia Augusti.

Iulia Augusti Cæsaris filia, licentiori quam par erat vestitu ædes paternas ingressa, cum parentem grauius offendisset, postero die mutato vestitu, iterum Augustum salutauit. quam ubi vidisset, ait: Quanto probabilior est hic cultus, tam honestus, in filia Augusti? Cui respondit: Hodie me parentis, heri verò mariti mei ornaui oculis. Macrobius lib. 2. c. 5. Satur.

Flauj.

Occiso Nerone imperatore, cum decretum esset, ut Piso quoque interficeretur, & mox imperium deferretur Senecæ: Flauius dicere solebat, Ad dedecus nihil referre, si citharædus dimoueretur, & tragædus succederet. Nero enim cithara ludere solebat, Piso tragico incedebat ornatu, Sueton.

Antonini Caracallæ.

Idem supra tribuit Heluio Pertinaci titu. de Liberè dictis & Parrhesia loquendi.

Cassij Seueri.

Cassius Seuerus cuidam obicidenti, quod Proculus ei domo interdixisset: Nunquid, inquit, ego illuc accedo? Elusit obiectionem. Nam in ius vocari solent, qui contra prætoris interdictum adeunt locum; non is qui paret interdicto. Simul innuens, se nequaquam teneri domus illius desiderio. Erasmus libro 6. apoph.

Anonymi.

Suprà de Impudentia.

Afer oratoris.

Afer orator egerat causam aduersus libertum Claudii Cæsaris. Quidam ex aduerso conditionis eiusdem, cuius erat litigator, cui aduersabatur Afer, exclamauit: Itane tu semper in libertos Cæsaris dicis? videlicet illi metum iniicere cupiens, ex nomine Cæsaris, subiicit Afer, Nec mehercule quicquam proficio. Notans illum, post alios libertos existere, contra quem dicere cogeretur. Eras. Rot. lib. 6. apoph.

Sfortia.

Sfortia quum insidiis armisque Pauli Ursini exterritus excessisset

cessisset vrbe Roma, & in Algido castra posuisset: ad eum Cardinalis à Pontifice missus, vt fidem interponeret, ac in urbem reduceret: An Sfortia Vrsū timebis, ait Cardinalis, cum sis sub columna turissimus? Cui Sfortia? An non insanus tibi videor, si dum frustra à surdo marmore opem imploro, bellua ingens, dente & vnguibus ferox, ac humano sæpe gressu incedens, mihi minimè sit formidanda? Non illepidè, remota & parum expedita Columniorum auxilia designans: & Pauli Vrsini ingenium, præsentèsque vires aptissimè depingens. Paulus Iouius de rebus Sfortiæ, capite 81.

De saltatione.

Lesbonactis.

Lesbonax Myrtenæus histriones ac gesticulatores appellare solebat *χεροσώφες*, quod manibus saperent, non lingua. Erat enim saltationis genus, quo graues etiam historiæ citra vocem vel recitantis, vel tubicinis, solo corporis gestu sic representabatur, vt spectatores propè plus intelligerent ex saltatione, quàm si quis recitasset. Hæc ars conuenit Benedictinis, Eras. lib. 8. apop.

Demetrii Cynici.

Demetrius Cynicus damnabat artem saltatoriam, velut inutilem gesticulationem ad tibiarum modos. Cui gesticulator quidam non imperitus, cupiens artis suæ vindicare gloriam, iussit vt submotis tubicinibus spectaret ipsum saltantem. Assensus est Demetrius. Ille saltauit Homericam fabulam, adulterium Veneris ac Martis, ambos Vulcani vinculis irretitos adamantinis, ac sole prodente, diis cæteris exhibitos, Venerem erubescens, varios deorum astantium affectus, Mercurium optantem talia vincula, Martem damnatum vt penderet mœchagria, ac præterea quicquid ad eam fabellam pertinet. Ibi Cynicus artem admiratus, dixit: Audio homo quæ facis, non video tantum, sed mihi manibus ipsis loqui videris. In huius artis laudem scripsit Lucianus, Plato non probat, & tamen apud Christianos saltatur ineptius. Cælius Rhodiginus lib. 5. cap. 3. Eras. Rot. lib. 8. apoph.

Dionysij.

Quum Dionysius in conuiuio iussisset, vt singuli in veste purpurea saltarent: purpura verò tum regum erat gestamen, nunc sutoribus etiam communis: id Plato facere recusauit his trinietris, è fabula quapiam:

ἐν αὐτῷ ἀναιδέως δὴ δὴν ἐν δαύτῃ τοῦτο,
 ἄλλω πρῶτον, καὶ γινώσκῃ ὅτι ἄλλω.

Id est,

Muliebri ego haudquaquam induiqueam stola,
 Vir natus ipse, & ex virili germine.

Aristippus verò non recusavit, sed indutus purpura saltaturus, hos versus recitavit ex tempore,

καὶ γὰρ ἐν βαρυμῶσιν
 ὁ νόσος ὁ σῶμα ὁ δὲ ἀναφθιγόνος.

Id est,

Nam in Liberi patris sacris

Mens qua pudica est, nesciret corrumpier.

Laertius lib. 2. cap. 8.

Clisthenis.

Clisthenes Sicyonius tyrannus, quum nubilem filiam haberet, per præconem edici iubebat in Olympiis, qui se dignum esse Clisthenis generum putasset, ad sexagesimum diem ad Sicyonem veniret. Quò quum multi proci convenissent, ex omnibus videbatur magis idoneus Hippoclidēs Arhemensis, Tisandri filius: sed cum supra mensam Laconicos Atticosque modos ad tibias saltasset, cruribusque ac brachiis modulatus esset, stomachatus Clisthenes: Tisandri (inquit) fili, desaltasti matrimonium, Bruso. lib. 3.

Alberti impera.

Albertus imperator, Ladislai pater, dicere solebat, venationem esse exercitationē virilem, saltationem autē muliebre. Notavit autem molliciem quorūdam principum, qui cum se Hercule fortiores esse iactitent, & Hannibalis scientiam militarem sibiipsis ascribant, maiorem tamen vitæ partem, Sardanalapalū imitantes, in conversatione nobilium matronarum virginūque aulicarum inveniuntur ludentes, mollitēque saltantes. Aeneas Syluius li. 4. Comment. in res gestas Alph. regis.

Friderici impera.

Fridericum tertium Roman. imperat. sæpenumero dicere solitum accepimus: Malle se febris teneri, quàm saltationi operam dare, Aeneas Syl. lib. 1. Commēt. de rebus gestis Alphonſi.

Alphonſi regis.

Alphonſus Aragonum & Siciliæ rex potentissimus, Gallos potissimum leues esse dicebat, qui quo magis ætate profecti essent, eo magis saltatione & infania sese oblectarent. Antonius Panormi. libro primo, de rebus gestis Alphonſi. & Aeneas Syluius de eius dictis.

Eiusd.

Eiusdem.

Idem cum fortè mulierem quandam impudentius saltantem aspexisset: Expectate, inquit, mox Sibylla edet oraculum. Sentiens, saltationem insaniam genus esse. Sibylla autem vates, non edebat oraculum, nisi furore correpta. Panor. lib. 2.

Eiusdem.

Idem audiens, Scipionem saltatione animum relaxasse: Saltatorem ab insano nihil differre dixit, nisi quòd hic dum saltat, ille autem dum viuit, insanus est. Vnde etiam Gallos potissimum leues esse, idem dicebat, qui quo magis aetate prouecti essent, eò magis saltatu, hoc est insaniam sese oblectarent. Panor. lib. 1. de rebus gestis Alphonsi.

Eiusdem.

Cum argueretur, quòd cum à saltatione tantopere ipse abhorreret, in aduentu tamen Friderici imperatoris tertii, cum ipso imperatore & Leonora Augusta saltitare palam visus esset: respondit, Eum quidem qui luxuriæ causa saltet, stultum & insanum meritò esse: sed si honoris alicuius gratia fieret, reprehensionem aliqua ex parte effugere, quandoquidem cum magnis viris insanire aliquando decorum videtur. Panormi. lib. 2. de rebus gestis Alphonsi.

De sanitate, & valetudine bona.

Pythagora.

Pythagoras dicere solebat, tria à diis præcipuè petenda: formam, diuitias, & bonam valetudinem, eo quòd homo cætera sibi præstare posset. Quanquam *ὁυκ ἀνέχον* non tam ad animi sanitatem, quam ad corporis, referri possit. Recitat Eras. Rot. lib. 8. apoph.

Thaletis.

Thales Milesius interrogatus olim, quisnam fœlix esset? respondit, Qui corpore sanus est, animo autem eruditus. Lærtius lib. 1. cap. 1.

Crætesis.

Suprà de Deo dona sua inæqualiter distribuite.

Diogenis.

Diogenes Cynicus destomachabatur in eos, qui pro bona valetudine sacrificarent, & in ipso sacro epulis immodicis semet ingurgitantes, facerent bonæ valetudini contraria. Lært. lib. 6.

Eiusdem.

Idem dicebat se mirari seruos, qui quum viderent dominos plus æquo voraces, non illis eriperent cibos. Nam hoc esse, dominorum valetudini consulere: & seruis magis conuenit edacitas. Laertius lib. 6.

Democriti.

Democritus dicere solebat, homines precari quidem à Deo valetudinem, cuius tamen vim in semetipsis nesciant. Dum enim inordinatè viuunt, suæ ipsi valetudinis sunt proditores. Maximus monachus sermone 27.

De sapientia.

Pythagoræ.

+ **P**ythagoras diligenter hoc perpendendum esse dicebat, Quòd cum homines omnes maximum esse bonum in sapientia situm asserant, perpauci tamen interim ad possessionem eius annitantur. Stobæus sermo. i. de Prudentia.

Thaletis.

+ Thales ille Milesius, hominem ex sermonis serie iudicandum putauit sapientem, cum dicere solitus sit: Multa verba nequam arguunt sapientem. Sapiens enim non nisi quum res postulat, loquitur, & perpaucis ad interrogata respondet. Eras. lib. 7. apoph. ex Laertii lib. i.

Diogenis.

Diogenes Cynicus dicebat, faciles esse Deos ad donandam hominibus vitam: ceterum hanc ignorari ab his, qui quærunt vnguenta, & delicias. his enim qui fruuntur, credunt se viuere: quum veram vitam, tranquillam & suauem, præstet sapientia. Laertius lib. 6.

Eiusdem.

Idem, sapiētī nihil deesse, colligebat hoc syllogismo: Deorum omnia sunt, deorum autem amici sunt sapientes, & amicorum communia sunt omnia, sapientum igitur sunt omnia. Sed eodem syllogismo reiici poterat petens aliquid: Quis petis, habens omnia? Laert. lib. 6.

Antisthenis.

Antisthenes Atheniensis negabat sapientem viuere iuxta leges ab hominibus conditas, sed iuxta normam virtutis. Sapiens enim non ideo declinat à malo, quòd legibus prohibi-

tum

tum fit: sed quòd ipsa ratio dissuadet hoc agendum esse. Laer. lib. 6. cap. 1.

Xenophanis.

Xenophanes Colophonius, Empedocle dicente, sapientem inueniri non posse: Et meritò, inquit. nam sapientem esse oportet, qui agnoscat sapientem. notans illum qui hoc dicebat, suo vitio non inuenire sapientem. Laer. lib. 9. cap. 2. Anto. in Meliss. parte 1. serm. 50.

Aristarchi.

Infra de Sophistica.

Aristotelis.

Aristoteles dicebat, sapientem sibi sufficere, eo quòd omnia quæ sunt aliorum, sunt & huius, qui cum omnibus habet amicitiam, & amicitia facit omnia communia. Laer. lib. 6. cap. 1.

Eiusdem.

Idem dicere solebat, tria ad parandam sapientiam potissimum necessaria: natutam, doctrinam, & exercitationem. Inuita Minerua frustra laboratur: rectè discitur à doctis: exercitatio consummat eruditionem. Laert. lib. 5. cap. 1.

Alexandri regis.

In Callisthenem nequaquam sese accomodantem aulae regiae moribus, sed & dictis & gestu præ se ferentem, nihil ibi placere, dixit hunc versiculum Alexander Macedo:

Μισῶ σοφίην, ἵνα δὲ καὶ αὐτὸ σοφὸς. id est,

Sapientem ego odi, quæ sibi sapit nihil. Plut. in Alexandro.

Eiusdem.

Alexander rex videns Diogenem in dolio decumbentem: O vas, ait, sapientia refertum. At philosophus assurgens: Regum, inquit, omnium maxime, vnam abs te fortunæ guttam expeto, vt vel dolium hoc (quod vocas) sapientiæ, illæsum mihi permaneat, sine quo parum feliciter cum sapientia agitur. Stobæus.

Dionysij.

Dionysius dicere solebat, se à sapientibus amicis sibi cauere: quando certum haberet, ne ex his quidem esse quendam, quin imperare mallet, quam seruire. Eras. lib. 5. apoph.

Ciceronis.

Cicero lusit in quendam, qui quum prius habitus esset stultissimus, post adeptam hæreditatem primus rogabatur sententiam: Cuius, inquit, hæreditas, quam vocat sapientiam?

In versu, pro facilitas, mutauit hæreditas. Apud poetam enim versus sic habet: Cuius facilitas, quam vocant sapientiam: Significauit autem, hæreditatem illi pro sapientia contigisse, & ob hæreditatem iam habitum sapientem. Eras. lib. 4. apoph.

Alphonfi.

Ab Alphonso Aragonum rege cum quidam sciscitaretur, quomodo in tot diuitiis pauper effici posset: respondit, Si sapientia venditaretur. quo dicto ostendere voluit, se pluris sapientiam, rerumque cognitionem facere, quam diuitias & regnum. Panor. in procemio lib. 3. de reb. gest. Alphonfi.

Eiusdem.

Idem, sapientiam Dei filiam appellare solitus est, eamque; solam rerum omnium esse immortalem, atque ex omni genere animantium soli homini concessam. Pan. in procemio lib. 3. de reb. gest. Alphonfi.

De sapienter dictis.

Solonis.

Solon Execestida filius, iam annis grandior, suspectum habere cœpit Pisistratum, tyrannidis affectatæ nomine. Cum autem progrediretur in concionem Atheniensium, & postularet præsidium à populo, videns Athenienses negligentiores, & parum attentas aures sermonibus suis præbere, Pisistrato verò animum aduertere, dixisse fertur: Eum aliis calidiorem, aliis fortiorem esse. Callidiorem quidem iis, qui non intelligerent ipsum tyrannide potiturum, quam primum corporis satellitium acceperisset: fortiorem autem iis, qui tametsi intelligerent, tamen subitescerent. Aelia. lib. 8. de Var. hist.

Eiusdem.

Idem neminem, dum adhuc viueret, beatum dici debere arbitrabatur: quòd ad vltimum vsque fati diem ancipiti fortunæ subiecti essemus. Felicitatis igitur humanæ appellationem rogos consummat, qui se incursum malorum obiicit. Plut. in Solone, & Val. Max. lib. 7. cap. 2.

Eiusdem.

Idem dicere solebat: Si in vnum locum cuncti mala sua contulissent, futurum vt propria deportare domum, quam ex omni miseriarum aceruo portionem suam ferre mallerent. Quo ostendere voluit, non oportere nos, quæ fortuito patiamur, præci

præcipuæ & intolerabilis amaritudinis iudicare. Valer. Maxi.
lib. 7. cap. 2.

Chilonis.

Chilon philosophus sapientissimè dixisse putatur, cum monuit, hominum bonitatem ita auro probari, quemadmodum aurum eo lapide, per quem in bonitate discrimen inspicitur. Ostendit enim, permultos, qui aliis vitiis restiterint, opum desiderio multoties à virtutis tramite deduci. Et qui aduersus opum improbitatem constans fuerit, cum faciliè de cæteris vitiis victoriam reportaturum. Fulg. lib. 7. cap. 2.

Thaletis.

Thales Milesius sciscitatus, quo pacto quis optimè iustissimèque viuere posset? Si, inquit, quæ in aliis reprehendit, ea ne faciat ipse. Laer. lib. 1. cap. 1.

Aristippi.

Suprà tit. de Animi bonis ac cultu.

Socratis.

Socrates interrogatus quomodo nominis immortalitatem, honestissimamq; apud homines famam parare quis posset? Si talis, inquit, esse studeat, qualis haberi cupit. Valerius Maxi. lib. 7. cap. 2.

Diogenis.

Diogenes interrogatus, Quo quis modo sibi ipsi præceptor foret? respondit: Si de quibus alios reprehendit, seipsum in primis increpet. Stob. serm. 1. de Prudentia.

Eiusdem.

Musicos, dicere solebat, se admirari, quòd cum tantum operæ conuenientiæ vocum impenderent, vt mores prauos, penitusque à ratione discordes ad rectam viuendi normam redigerent, negligere penitus viderentur. Laert. lib. 6. Fulgositus lib. 7. cap. 2.

Aristotelis.

Aristoteles subinde dicebat, nequaquam decere, vt quis se laudet, vel etiam vituperet. Quod illud videlicet sit hominis vani & inanis, alterum verò stulti. Laer. lib. 5. cup. 1.

Diagoræ.

Diagoras philosophus audiens quædam deos esse ex eo probantem, quòd miranda quæ fecissent, in ipsorum templis depicta intuerentur: An nescis, inquit, pictos eos nō esse, qui quamuis à diis opem petuissent, tamen perierunt? Taxans eos, qui le-

uiter omnia credentes, in perniciosos errores incidunt, vnde se extricare ita facile nequeunt. Fulg. lib. 7. cap. 2.

Athenodori.

Suprà de Deo & omnipotente & vidente omnia.

Periclis.

Pericles Atheniensis dicebat, non oportere in vrbe nutrirì leonem: si autem iam sit alitus, obsequi ei conuenire. Sapientissimè admonens, vt præcipuè nobilitatis & concitati ingenii iuuenes refrenentur: nimio verò fauore & profusa indulgentia pasti, quo minus potentiam obtineant, ne impediuntur. Quod stultum & inutile sit, eas obrectare vires, quas ipse foueris. Est autem de Alcibiade hoc dictum apud Aristophanem, qui in comœdia Periclem hæc vaticinantem introducit. Recitatur etià apud Valer. Maxi. lib. 7. cap. 2.

Demadi.

Suprà de Regnandi libidine.

Agefila.

Suprà de Continentia.

Eiusdem.

Mirabantur quidam, Agefilaum paucis admodum contentum esse. ad quos Agefilaus: Pro hac mea continentia, inquit, optimam mihi messem, libertatem scilicet, paro. Sapienter admonens, nullam esse voluptatem ingenuis hominibus iucundiores. Plut. in Lacon.

Eiusdem.

Idem interrogatus, qua ratione potissimum quis assequi posset, vt apud homines honestam haberet famam? Si loquatur, inquit, quæ sunt optima, & faciat quæ sunt honestissima. Plut. in Lacon.

Eiusdem.

Idem Agefilaus sciscitatus, cur Spartanorum ciuitas non cingeretur mœnibus? respondit, Vrbes non saxis aut lignis, sed incolentium viribus seruari. Plut. in Lacon.

Pausania.

Pausanias Cleombroti filius quibusdam in spoliis barbarorum demirantibus preciosas vestes: Præstiterat, inquit, illos ipsos esse multi precii, quibus datum est vt tam preciosa possideant. Plut. in Lacon.

Leonida.

Leonidas Anaxandridæ filius, ac frater Cleomenis, interroganti

ganti cur fortes viri gloriosam mortem ingloria vitæ anteponant: Quoniam, inquit, alterum naturæ proprium, alterum peculiariter suum esse ducunt. Plutarch. in Lacon.

Anaxandridæ.

Suprà de Innocentia.

Charilai.

Infrà tit. de Virtute.

Antalcidæ.

Suprà tit. de Comitatus.

Polydori.

Suprà de Eo, quod à subditis amari melius sit quàm metui.

Theopompi.

Theopompus vxori castiganti, quod regnum humilior ac minus esset filiis traditurus, quàm accepisset. Hactenus igitur, inquit, maius, quod diuturnius. Quæ enim moderata sunt, diu durant. Plut. in vita Lycurgi.

Eiusdem.

Theopompo Lacedæmoniorum regi, cum quidam dixisset, tum saluam Lacedæmoniorum Rempublicam fore, si reges imperare rectè didicissent: respondit, Imò si populi obedire. Sentiens, Reipublicæ salutem non minus in subditorum obedientia, quàm imperantis studio & industria consistere. Fulgofus lib. 7. cap. 2.

Dionysij sen.

Dionysius senior Syracusanorum tyrannus, cum filium reprehenderet, quod Syracusani cuiusdam ciuis vxori vim intulisset, atque inter alia diceret, Si vnquam audiuiisset à se rem similem factam fuisse? Filius eo tempore respondit: Id accidit, quod nunquam patrem regem habuisti. Ad quem pater: Ne tu quidem fili, nisi hæc facere desueris, filium vnquam habebis qui regnum obtineat. Cuius verbum res ipsa verum ostendit: nam cum Dionysio seniori filius successisset, haud multo post ob prauam vitam Syracusis pulsus fuit. Fulgofus lib. 7. cap. 2.

Pyrrhi.

Pyrrhus Epirotarum rex cum vouisset Palladi, in Atheniensi arce rem sacram facere: Athenienses liberè cum in urbem atque arcem receperunt. Verum posteaquam urbe egressus fuit, Pyrrhus dixisse fertur, Mirum in modum gratam extitisse fidem, quam

quam sibi Athenienses habuissent. Ceterum si saperent, in posterum regi nemini portas aperturos esse. Quo dicto ostendit, non esse ex re libera civitatis, in cuiusquam principis manu libertatem suam credere. Cuius consilium non secuti Athenienses, cum postea Cassandrum quoque in urbem acceperint, magna atque innumerabilia mala ex eo tulerunt: re ipsa experientes, à Pyrrho sapientissime monitos esse. Fulgosi lib. 7. cap. 2.

Scipioni.

Scipio Africanus negabat, aliter cum hoste confliigi debere, quam si aut rei opportunitas obvenisset, aut dira postulare necessitas. Nam & prosperam gerendæ rei facultatem omittere, maxima dementia est: & in angustias utique pugnandi compulsum, abstinere se prælio, pestifera ignavia affert exitium: eorumque, qui ista committunt, alter beneficio fortunæ uti, alter iniuriæ nescit resistere. Valer. Max. lib. 7. capit. 2. Brufon. lib. 2. capit. 32.

Eiusdem.

Infra de Temeritate.

Q Metelli.

Q. Metellus devicta iam Carthagine, in senatu sapientissime, nescire se dixit, plusne boni vel mali Reipublici. illa victoria attulisset. Quoniam ut pacem restituendo profuisset, ita Annibalem submovendo nonnihil nocuisset. Eius enim transitu in Italiam, dormientem populi Romæ virtutem excitatam: metuique debere, ne acri æmulo liberata, in eundem somnum revoleretur. Val. Max. lib. 7. cap. 2.

Appij Claudij.

Appium Claudium crebro solitum dicere accepimus, Negotium populo Romæ, melius quam ocium committi. Non quod ignoraret, quam iucundus tranquillitatis status esset: sed quod animadverteret, præpotentia imperia agitatione rerum ad virtutem capeffendam excitari, nimia autem quiete in desidiam resolui. Val. Max. lib. 7. cap. 2.

Catonis sen.

Cato senior semper se harum rerum poenituisse dixit: Si mulieri arcana detexisset: aut si mari profectus esset, quod terrestri itinere eundi facultatem habebat: aut si per negligentiam, diem frustra elabi permitlisset. Plut. & Fulgosi. lib. 7. cap. 2.

Eiusdem.

Idem Cato affirmare solebat, insanos prudentibus longe utiliores

liores esse, quàm infans sapientes. Quippe qui sapientes, cum stultorum errata inspicerent, ob id in melius vitam mutare solerent, at amentes, cum discendi capaces non sint, ex sapientum benefactis fructum percipere nullum possunt. Fulgos. lib. 7. ca. 2. & Eras. lib. 5. apoph.

Augusti Cæs.

Augustus in omni verbo prudētissimus, eos qui leues ob causas se periculis exponerent, similes esse dicebat iis qui aureo hamo pisces capere tentarent. Hi enim amisso semel hamo, plus damni accipiunt, quam ex multorum piscium captura lucri. Fulgosus libro septimo, cap. 2.

L. Pasiēni.

L. Pasiēnus Ruffus, Neronis vitricus, à quo & Nero maximè ditatus est, dicere solebat, se malle quorundam iudicium quàm beneficium, & quorundam beneficium quàm iudicium. quo dicto Seneca asseruit, se nihil subtilius atque insignius cognouisse, in distinguendis maximè vitiis, atque curandis.

Claudij imp.

Claudius Romanorum imperator admonitus, ut à suis liberis caueret: respondit, Non eodem modo à pulice, & fera belua cauere oportere. Xiphilinus in Claudio.

Ant. Pij.

Antoninus Pius Romanorum imperator, cū postulatis quibusdam ad supplicium, neminem puniret, eamque ob causam à suis reprehenderetur: respondit, Non oportere principem à suppliciis imperii exordium facere. Dion Nicæus, & Xiphilinus in eius vita.

Eiusdem.

Idem cum in domum Valerii Homuli venisset, porphyreticasque columnas non tantum vidisset, sed requisisset etiam unde eas haberet? Homulus respondisse fertur: Cum in domum alienam veneris, & mutus & surdus esto. Capitolinus, & Cuspin. in Coss.

Theodosij.

Theodosius Romanorum Imp. dicere solebat, non mirum esse, si homo, creatura adeò caduca, moriatur. Vnius autem Dei esse, qui semel mortuos ad vitam reuocaret. Niceph. Callistus lib. 14. cap. 3. Ecclesiast. historia.

Placilla imp.

Suprà tit. de Eleemosina.

Alex.

Alex. Mammeæ F.

Alexander Mammeæ filius, Romanorum Imperator, dicere solebat, decere bonos atque fortes viros, optima quidem optare, sed ferre quæcunque incidant. Herodianus lib. 6.

Pescennij Nigri.

Suprà de Laudis cupiditate.

Antonij iusti.

Idem cum aliquando literis à Constantino Imperatore inuitaretur, ut ad se veniret, detrectauit primùm, dicens: Siquidẽ ad Imperatorem venero, Antonius ero: sin minus, abbas Antonius. Nicephorus Callist. lib. 8. Ecclesiasticæ hist. cap. 40.

Macarij.

Macarius monachus Aegypti, interrogatus, cur homines iniuriarum quæ ab hominibus accepissent, minus obliuiscerentur, quàm earum quæ essent à diabolo inflictæ? respondit: Quia prior illa affectio præter naturam, posterior autem secundum naturam iræ esset. Nicephorus Callist. libro 11. cap. 43. Ecclesia. hist. ex Euagrio.

Leontij.

Leontius Antiochenus monachus, sentiens grauissimam illam dissensionem apud Antiochenos, de fidei negotio, multorum malorum causam futuram: caput canis florens manu demulcens, dixisse fertur: Niuem eam solutam, lutum multum subsecuturum esse. Idem lib. 9. cap. 24. Ecclesiast. hist.

Ephraim Syri.

Ephraim Syrus abhorrens ab omni mulierum aspectu, cum aliquando scæminam obuiam haberet, quæ aperto supercilio eum intuebatur: increpans eam, in terrâ prospicere iussit. Illa autem respondens, ait: Quomodo tandem ego intuear? cum æquius sit te eam inspicere, qui ex ea conditus sis, quàm me, ex te ortum habentem? Idem lib. 9. cap. 16. Ecclesiast. hist.

Pambi.

Pambus, cum apud Athanasium esset Alexandria, & videret mulierem theatralẽ, fleuit. & interrogatus à præsentibus, quare fletet? Duæ, inquit, me res mouent. vna, quæ est illius perditio: altera verò, quod ego non tantùm studeo placere Deo, quantũ hæc, ut turpibus placere possit hominibus. Tripartita histo. lib. 9. capit. primo.

Francisci Foscarì Venetorum ducis.

Franciscus Foscarus quum à Francisco Carmaniola interro-
gatus

gatus esset, quam ob causam per totam noctem senatus habitus esset: respondit: Ecquis alius in causa fuit, quam tu ipse? Sed cum statim cognouisset, potuisse illū suspicari de suo interitu actum (qui securus mox est) Egimus, addidit, de tuis laudibus, deque tuo augendo stipendio, donādoq; tibi oppido, vbi males. Ita igitur nil amplius suspicatus mali Carmaniola, à satellitibus, qui iam conuenerant, retentus est, carcerique inclusus, nec multo post supremo supplicio affectus. Ioannes Baptist. Egnatius lib. 7. cap. 11.

Cosma Medices.

Cosmas Medices, vir sua tempestate omnium clarissimus, à Strocianis quandoque in exilium pulsus, ad Benacum, à misso ad se nuncio interrogatus, quid ageret? prudentissimè sanè respondit, sese Gallia: incubanti frequentem adesse, vt eius postea fructu potiretur. Cuius responso nuncius ille in risum conuersus, non animaduertit viri prudentissimi responsum eò tendere, vt de reditu in patriam assidue cogitaret, quem non multo post senatus Veneti ope consequutus est. Ioannes Baptista Egnatius libro 7. capite 2.

Saladini Aegyptij.

Fuit Saladinus princeps Aegyptius (id quod vix alicui persuaderi possit) dum vixit longè clarissimus. Namque imperii sui fines in primis auxit: & foelicissimè diu rerum potitus, Christianorum quoque opes ita in Oriente oppressit, vt Hierosolymis captis, Christianum nomen in hūc vique diem ex Syria eiecerit. Ille verò moriens in summa rerum foelicitate, testamento suo præcipuè cauit, vt interula tunica linea, quam gestare solebat, vertici prælongæ hastæ affigeretur: exclamaretque assidue, qui lanceam gereret, hanc vnā esse reliquam tunicam, quæ illi ex tantis opibus, tantoque imperio superfuisset. O vocem præclaram, dignamque in primis, quam insolentissimi principes frequentissimè in animo repetant: nobis omnibus vita functis, nihil omnino superesse, nisi si quid bene sancteque gesserimus. Ioannes Baptista Egnatius lib. 7. cap. 2.

Vide Prudenter etiam dicta.

De satellitio principum.

Sigismundi imp.

Albertus Austriae dux (qui mortuo Sigismundo Cæsare, cuius erat gener, regnū Hungariae ac Bohemiae cum Ro-

mano

mano imperio suscepit)cum diceret , principes amore ciuium tutos esse oportere:Sigismundus respondit:Et fida custodia infortunium excludit. Docuit autem imperator potentissimus, non satis esse vt principes fidos habeant subditos:sed addendos etiam esse satellites,& corporis custodes,præsertim in florëtioræ ætate.Aeneas Syluius lib.2. commentariorum de rebus gestis Alphonfi.

Alphonfi.

Alphonfus castigatus ab aulicis suis , quòd regiæ maiestatis oblitus,sine satellitibus & satrapis prodiret in publicum : Non opus est,inquit,vt ipse multum sibi timeat,qui neminem habet quem ita læserit,vt aliorum etiam manu sit defendendus.Osten- dit autem,superuacaneam esse satellitum turbam , si quis ita se erga subditos gerat,vt vbique sine iniuriæ timore solus esse pos- sit.Panor.lib.2.de Alphonfi rebus gestis.

Thomæ Pontani.

Thomas Pontanus,homo multa prudentia clarus , subinde dicere solitus est:Amorem quidem inermem incedere,dormire autem loricatum.Notabat autem principes,qui licet beneuo- lentiam & amorem suorum non ignorent , habent tamen , no- cturno præcipuè tempore,qui armati propè custodias agant,vt extra omne periculum somnum dulcissimum capiant:Iacob. Spieg.in secundum Aenææ Syluii librum de rebus gest. Alphōfi.

Cum his confer titulum de Aulicis , & Seruorum multitu- dine.

De scortatione.

Antisthenis.

ANtisthenes Atheniensis cum his mulieribus consuetudi- nem habendam dixit,quæ beneficium beneficio pensent, & quæ gratiam habituræ sint.Sentiens,abstinendum à meretrici- bus,quæ precio & pecunia vendunt inhonestam voluptatem, nec pariunt nec amant mutuum:aut à valetudinariis,deformi- bus & malè moratis,quæ gignunt fœtus pœnitendos. Eius di- cterium extat apud Laer.lib.6.cap.1.

Crætis Theb.

Suprà de Comœdiæ libertate.

Diogenis.

Diogenes scorta dicebat esse regum reginas , quòd ab his quicquid collibuisse peterent & impetrarent. Nam ideo regū reginas

reginas appellabat, non quòd essent pares vxoribus: sed quòd in ipsos reges regnum exercerent. Reges à populo non semper obtinent quod exigunt, at scorto nihil negatur. Tales opinor olim fuisse reges barbaros. Laert. lib. 6.

Eiusdem.

Formosa scorta similia dicebat mulso lethalibus venenis temperato: quòd adferrent quidem initiò voluptatem, sed quam perpetuus dolor consequeretur. Laert. lib. 6.

Eiusdem.

Idem conspiciens quendam meretrici supplicem, vt impetraret quod petebat: Quid, inquit, tibi vis miser? præstat non impetrare, quod rogas. A scorto reici felicius est, quàm admitteri. Et tamen plerique malum suum & ambiunt instantèr, & magno emunt. Laert. lib. 6.

Eiusdem.

Idem dicere solèbat adolescentibus: Meretricum domos ingredere, vt perspicias quam viles res, quanto emanantur precio. Huc alludit Terentius: Hæc omnia nosse, salus est adolescentulis. Laert. lib. 6.

Eiusdem, & Aristippi.

Aristippum cum Phryne consuetudinem habentem, sic obiurgauit Diogenes: Cum publica, inquit, muliere tibi res est Aristippe: aut igitur canem agas, quemadmodum ego, aut desinas. Hunc inductione sic repulit Aristippus: Num absurdum tibi videtur Diogenes, inhabitare domum, in qua prius habitauerunt alii? Quum negasset ille: Quid, inquit, num vehi naui, quæ multos antea vexerit? Quum hoc quoque negasset absurdum esse: Quur igitur, inquit, absurdum putas congregi cum muliere, qua plures sunt vsi? Athenæus hunc in modum retulit, Erasinus.

Idem aliter.

Quidam Aristippo vitio dabat, quòd cum meretrice haberet consuetudinem. hunc Socratica isagoge sic confutauit: Age dic mihi, num referre putas, utrū quis accipiat domum quam multi inhabitauerint, aut quam nemo? Quum negasset referre: Quid, inquit, refertne, vtrum veharis naui, quæ multos vexerit, an quæ nullos? Quum negasset & hoc: Quid igitur interest, inquit, vtrum consuetudinem habeas cum muliere, quæ multis sui fecerit copiam, an quæ nulli? Et hoc dictum vt festiuum

probari potest apud illos, apud quos simplex stuprum non habetur pro crimine. Laetius libro secundo capi. 8. & Brusonius libro 4. cap. 19.

Aristippi.

Suprà de Luxuria & voluptate.

Eiusdem.

Suprà de Lepidè dictis.

Eiusdem.

Habuisse dicitur consuetudinem & cum Laide, nobili scorto. Quo nomine quum vulgò malè audiret, cuidam obiciènti, quòd philosophus haberetur à Laide: Imò Lais, inquit, habetur à me, non ego à Laide. significans, non esse turpe vti concessa voluptate: sed ei seruire, deditumque esse, in turpibus habendum. Laetius lib. 2.

Eiusdem.

Idem Aeginæ in Neptunalibus consuetudinem habuit cum Phryne. cùm quæ illi quispiam obiecißet, quòd tantum pecuniæ impenderet mulieri, quæ Diogenem Cynicum gratis admitteret: Ego, inquit, illi multa suppedito, vt ipse ea fruatur: non, ne quis alius. Traditum est hoc de Phryne, quòd cùm esset formosissima, quibuslibet tamen sui copiam facere solebat, nullo delectu personarum, seu diuites essent, seu pauperes, in neminem fastidiosa. Itaque turbam amatorum habuit. Huc respexit Horatius,

— Me libertina, nec vno

Contenta Phryne macerat. —

Demosthenis.

Fertur, aliquando Corinthum nauigasse Demosthenem, illectum fama nobilissimi scorti Laidis, vt & ipse famoso amote potiretur. At quum illa pro nocte stipularetur drachmarum decem millia, deterritus magnitudine precii, mutauit sententiam, dicens: οὐδὲ ἀγοράξω τοσούτου μίσγασθαι, Non emo tanti pœnitere. significans, inhonestæ voluptati paratam esse comitem pœnitentiam. Eras. lib. 4. apoph.

Demetrii legatorum.

Quum legatis à Demetrio ad Lysimachum missis, Lysimachus per ocium narraret aliquando, quomodo coactus ab Alexandro, cum ferocissimo leone colluctatus fuisset, & cica trices ostenderet in cruribus ac brachiis è fere vngulis relietas, legati dixerunt: Et noster rex graues feræ Lamiæ morsus in collo gestat

stat. Notantes suauiorum amatoriorum vestigia, simul allu-
dentes ad lamiam beluam. Plut.

Antony.

Cælius testis in meretricem, quæ filium intemperantem
expilarat, quum dixisset, A me pecunia profecta est: urbanè
Antonius, illo abeunte, Terentii versum interposuit: Sentin' se-
nem esse tactum triginta minis? Brusonius libro tertio capite
vigesimalotertio.

Cæsaris militum.

Suprà tit. de Impudicitia.

De secretis rebus non temerè effutiendis,
vide suprà, Arcana non, &c.

De securitate.

Pyrhoni.

PYRHO Eliensis, in tempestate conspiciens cæteros animo
esse deiectiones, quum ipse nihil moueretur: ostendit por-
cellum in naui secure edentem, dicens: oportere sapientem
eam animantis imitari securitatem. Laertius libro nono capi-
te vndecimo.

Bionii.

Bion Borysthenites dicere solebat, impietatem malam esse
contubernalem fiducia. & adiciebat versiculum Euripidis,

Seruum facit, quamuis feroculum virum.

Sensit autem philosophus clarissimus, nullam omnino securi-
tatem habere locum, vbi malefana sit conscientia: nec apertè
posse loqui, cui reuera impietatis vitium potest obici: nec frui
tranquillitate animi, qui deos sibi non habeat propitios. Laer-
tius libro 4. capite 7.

Vide tit. de Tranquillitate.

De seditione.

Secundi sophista.

CVM tale declamationis argumentum esset propositum:
Qui seditionem mouerit, moriatur: qui sedauerit, præ-
mium ferat. Quidam & mouerat & sedauit, petit præmium.
Hanc quæstionem paucis absoluit: Quod est prius? mouisse.
Quod posterius? sedasse. Itaque prius da pœnas motæ seditio-
nis: ac deinde si potes, accipe præmium rectè factorum. Philost.

De senectute.

Bionii.

Bion Borysthenites senectutem dicebat portum esse malorum: quod omnes huc confugerent, sperantes miseriarum finem. Mori autem unicuique in promptu est. Id ethnici quidam existimabant esse præclarum: Christiana pietas docet esse nepharium scelus, Erasmus ex Laertio libro 4. cap. 7. Cæterum Anton. in Melissa, parte 2. Sermone 17. & Maximus sermone 41. aliique, Soloni abscribunt.

Eiusdem.

Idem docebat, nulli exprobrādam esse senectutem, ad quam omnes optant peruenire. Absursum enim est, aliis probro dare, quod quis optat sibi contingere. Laert. lib. 4. cap. 7.

Cleanthis,

Cleanthes Afsius interdum, quum foderet, solebat seipsum increpare. Id fortè admiratus Ariston: Quem, inquit, increpas? Tu Cleanthes ridens: Senem, inquit, qui canos quidem habet, sed mentem non habet, Seipsum innuens, Laert. lib. 7. cap. 2.

Soloni.

Solon, quum quidam ex eo quæreretur, Quid senectutem esse putaret? respondit, vitæ hyemem. Stobæus.

Eratosthenis.

Eratosthenes vigentem ætatem veri comparabat, declinantem ætati & autumnō, senectam hyemi. Stobæus sermone 113.

Eiusdem.

Idem ætatis partem vigentem ver esse dicebat: eam autem quæ vigori & flori succedit, ætatem & autumnum, & hyemem senectutem, Maximus sermo. 41. ex Phauorini commentariis,

Alexedii.

Infra de Senectute imbecilla.

Metrodori.

Metrodorus senem nequaquam beatum esse dixit, nisi absolutum haberet bonorum operum numerum. Nihil enim ætati per se tribuendum est. Stobæus sermone 113.

Democriti,

Democritus senectutem omnimodam imperfectionem esse dicebat, eo quod omnia habeat, & omnibus indigeat. Stob. ser. 118.

Diogenis.

Diogenes percontanti quid esset in vita miserrimum? Senex,

nex, inquit, cegenus. Siquidem vbi naturæ præsidia destituunt hominem, extraneis rebus fulcienda est ætatis imbecillitas. Laetius lib. 6. Bruson. lib. 6. cap. 7.

Eiusdem.

Idem anum comptam conspicatus: Si, inquit, ad viuos, falsa es: sin ad mortuos, ne cunctare. Anton. sermone 18. parte 2. Meli. Maximus sermone 41.

Euripidii.

Archelaus rex opiparum lautumque conuiuium amicis suis parauerat; cumque in eo conuiuium Euripides proximè sibi assidentem Agathonem tragicum poetam iam senem, se plurimum amare diceret, Agelao interrogante cur amandus esset homo senex? Per Iouem, inquit, Ver non solum est bonorum optimum, verum etiam autumnus. Comparat autem florentem iuuentutem verno tempore, quo omnia sunt in herba: senectutem autem autumnum, fecundissimo. Alianus libro 13. de Varia histor.

Agelilai.

Agelilaum regem cum quis interrogaret, cur per acrem hyemem solo pallio tectus obambulet absque tunica, homo tam prouectæ ætatis: Vt, inquit, iuuenes hanc vitæ rationem imitentur, quum exemplum habeant & extremæ senectutis hominem, & principem. Sapienter admonens, senibus ita viuendum esse, ut adolescentibus exhibeant rectè viuendi formam: & vulgus nihil imitari libentius, quam quod a viris principibus conspexerint factitari. Plut. in Laconicis.

Alexandri.

Alexander cum senem quendam capillos inficientem vidisset, inquit: Non capillos, sed genua tingas. Maxi. ser. 41.

Catonis sen.

Cato senior quum senectuti adsint multa probra, dicebat non esse addendum malitiæ dedecus. sentiens, senectutem multis nominibus vulgò malè audire: veluti quum audit, deformis, edentula, lusciosa, imbecilis, obliuiosa indocilis. Hæc ferre satis est, ut non accedat crimen improbæ vitæ, quod omnibus quidem fœdum sed seni fœdissimum. Alii narrant hoc ab illo dictum in senem obuium vitæ contaminate: Ne ætatis tuæ malis addas turpitudinem. Plut. in Ro. apop.

Eiusdem.

Idem hortante Scipione Africano, ut Achæorum exulibus opitularetur, quo illis in suam patriam redire liceret: simulabat

eius rei sibi nullam esse curam. Cæterum in senatu quum hæc de re multa verba fierent, assurgens ait: Perinde quasi nihil habeamus quod agamus, sedemus de seniculis aliquot Græcis disputantes, vtrum à nostris an illius regionis vespillonibus efferrantur. Plut. in Rom. apoph.

Friderici imp.

Fridericus Romanorum imperator, cum in vrbe Schaduienna præfectum, senem admodum, & ætate iam imbecillem dedisset, non defuerunt adolescentes qui sibi præfecturam loci committi peterent. cum igitur senem amouendum dicerent, Fridericus dixisse fertur: Senem amicum oppido, non amico oppidum commendamus. Sentiens, dignum esse, vt senex iam à ciuibus ad mortem vsque foueretur. Aeneas Syl. lib. 4. de reb. gest. Alphonfi.

De senectute viuida & animosa.

Chilonis.

Aufonius Chiloni hanc tribuit sententiam: Optabilem esse senectutem iuuenilem, molestam verò iuuentutem senilem. Maxima malorum pars, ob quæ malè audit senectus, à vitiis hominum proficiscitur: habet autem ex se nonnulla commoda, plurimarum rerum vsum ac memoriam, consulendi facultatem, reuerentiam & auctoritatem. hæc si adsint commoda, absintque incommoda, ea senectus optabilior est multorum iuuentute, vitiis & inertia marcente. Videas autem in nonnullis iuuenibus senilem imbecillitatem, senilem somno lentiam, senilem ignauiam, senilem morositatem: horum iuuentus peior est senectute. Nam quum senecta careant, senio tamè abundant. Aufoniani versus sic habent:

Grata senectus homini, qua parilis iuuentas:

Ille iuuentus, gratior, qua similis senectas.

Plinius & illud oraculi vice celebratum ascribit Chiloni, ἔρῃα: παρὰ δ' αἴτι: Sponde, sed noxa præstò est. Vide eius dictum apud Laer. lib. 1. cap. 4.

Cleanthus.

Cleantes Afsius philosophus, ad quendam contumeliæ causa obiiicientem senectutem: Et ego, inquit, abire cupio: verum vbi reputo me omni ex parte sanum, siue legendum est, siue scribendum, rursus manco. Significans, se quidem haudquaquam esse vitæ cupidum: verum ob senectutem neminem debere è

vita

vita decedere, donec vires suppetunt ad vitæ munia. Laertius lib. 7. cap. 2.

Gorgia.

Gorgias Leontinus sophista, centesimum septimum agens annum, rogatus quare tandiu vellet in vita manere: Quia nihil, inquit, habeo, quod accusem senectutem. Brus. lib. 6. cap. 7. ex Cic. Catone Maiore.

Sophoclis.

Sophocles iam extremæ senectutis, à filiis accusatus est demeritiæ. At is pro apologia iudicibus recitauit fabulam, quam proximè scripserat, rogans, num ea videretur delirantis. Fertur & hoc dixisse: Si sum Sophocles, non deliro: si deliro, non sum Sophocles. Sentiens, in cruditis ac sobriis animi vim non elanguescere, sed reuigescere potius usu & exercitatione. Eras. Rot. lib. 8. apoph.

Cyri.

Cyrus apud Xenophontem moriens, extremæ iam senectutis, negabat se vnquam sensisse senectutem factam imbecilliorē, quàm fuisset adolescentia. Maxima pars incommodorū, ob quæ vulgò malè audit senectus, ab intemperantia vitæ proficiscitur. Brus. lib. 6. cap. 7.

Syllæ.

Sylla cum post occupatam Rempub. senatum coegisset, sententiæque rogaret, vt Marius hostis Reipub. iudicaretur, nullis audentibus obuiam ire, solus Scauola sententiam dicere voluit. quin etiam truculentius minitanti Syllæ: Licet, inquit, mihi agmina militū, quibus curiam circumfediisti, ostentes: nunquam efficies tamen, vt propter exiguum senilemque sanguinem meum, Marius, à quo vrbs & Italia conseruata est, hostē iudicem. Brus. lib. 2. cap. 1.

M. Crassi.

Suprà tit. de Auaritia.

Eiusdem.

M. Crasso quum Parthi per legatos denūciassent, vt suæ ætati consulens à bello abstineret, insolenter respondit: In Seleucia istis mandatis responsum dabimus. Hic Agiis, legatorū vnus, sublata manu mediam palmam ostendens: Prius, inquit, in hac manu nascentur setæ, quàm tibi Seleuciam conspiciendi sit futura potestas. Plut. in Crasso.

Eiusdem.

Crasso conflicturo cum Parthis,exta è manibus deciderunt. hoc cæteris vt inauspicatum ostentum interpretatibus,ac prælium dissuadentibus: Huiusmodi, inquit, incommoda multa nobis senectus adfert. At arma mihi nunquam è manibus ceciderunt. Plut.

Considj.

Cæsare consulatum assequuto, adiuuantibus Pompeio & Crasso, quum omnia pro libidine gererentur, ac pauci senatores in curiam conuenissent, Confidius quidam natu prægrandis, iccirco non venisse senatores dicebat, quoniam illius arma militesque pertimescerent. Cui Cæsar: Quin tu, inquit, hoc quoque reformidans domi te non continces? At Confidius: Senectus, inquit, me facit intrepidum. Quum enim vitæ pauxillum superfit, non est quur magnopere sim sollicitus. Brus. lib. 2. cap. 1. Eras. lib. 4. apoph.

Pol. Romuli.

Pollio Romulus, qui centesimum excesserat annum, Augusto percontanti, qua tandem ratione illum corporis animique vigorem seruasset? Intus, inquit, mulso, foris oleo. Tradit Plinius, naturam hominibus duos dedisse liquores optimos, oleum foris adhibendum corpori, vinum intus. Mel autem ob humidam calidamque vim, admodum senibus accommodum est. Nunc mel in totum à mensis submouimus, & oleum corpori infundimus. Eras. lib. 8. apoph.

De senectute imbecilla.

Diogenis.

Diogenes quærenti, quid esset senectus? respondit, Vita brutalis rempestatibus obnoxia. Stob.

Demonactis.

Demonacti seni crura intumuerant. id videns quidam, Quid isthuc, inquit, mali est Demonax? Tum ille: Charon, inquit, me momordit. Pro cane dixit Charontem, innuens, senectutem morti vicinam. Eras. lib. 8. apoph.

Alexidi.

Alexis poeta cuidam, videnti ipsum iam senio fessum ægrè lenitèque incedere, ac rogati quid ageret? Paulatim, inquit, morior: siue, pedetentim morior. Significans, senes non viuere, sed lentè mori. Eras. lib. 9. apoph. Brus. lib. 6. cap. 7. Stob. serm. 113.

Iosephi

Iosephi.

Iosephus Ptolemæo Oeniam accusanti: Veniā, inquit, quæso præsta: Non enim te latet, senes puerosque eandem mentem habere. Brus. lib. 9. cap. 7.

Milonis.

Milo Crotoniates quum iam consenuisset, videns athletas in certamine exerceri, suos lacertos intuitus iam senio defectos, illachrymasse fertur, ac dixisse, At hi quidem iam mortui sunt. Corporis vigorem adimit ætas, animi vis ad extremam usque durat ætatem. Eras. lib. 8. apoph.

Ciceronis.

Cæsar statuerat agros Campanos militibus diuidere. id quum complures in curia molestè ferebant, tum L. Gellius, homo extremæ senectutis, dixit: Hoc non futurum se viuo. Expectemus igitur, inquit Cicero: non enim postulat longam dilationem, significans, illum esse morti proximum. Eras. Roterod. lib. 4. apoph.

De senectute honoranda.

Chilonis.

CHilon dicebat, honorem à iunioribus habendum senectuti: ut ipsi facti senes ab aliis habeantur in precio. Ea res geminam habebat vtilitatem. Siquidem ut senum autoritas ac reuerentia temperabat ætatem lasciuam à peccando: ita senes cauebant, ne quid committerent, quo iuuenibus vel ob ineptiā ludibrio possent esse, vel ob turpitudinem perniciosi: sed inter omnes iuuenes, omnesque senes ea esset reuerentia, quæ inter parentes ac liberos. Laert. lib. 1. cap. 4.

Laconum.

Lacedæmonii ita Rempublicam suam instituerant, ut in ea iuuenes non solum suos quisque parentes reuererentur, hisque dicto audientes essent: verum etiam ut omnes seniores vererentur, tum de via cedentes, tum è sedibus assurgentes. Plutarc. in apoph. Lacon.

Anonymi.

Quidam profectus Lacedæmonem, quum vidisset honorem quem iuniores præstant senioribus: In sola, inquit, Sparta expedit senescere. Paupertas onus est & miserum & graue, ut ait Comicus: sed in hac molestiarum maxima pars est, quod homines facit etiam ridiculos, ut ait Satyricus. Sic inter incom-

moda quæ fert ætas ingrauescens, non minima pars est, quòd senes ferè contemptui sunt, ac ludibrio. Proinde Sparta visa est multis honestissimum virtutis domicilium. Plut. in Laco. Bruso. lib. 6. cap. 7.

Anonymi.

Senex in Olympiis cupidus erat spectandi certaminis, quod agebatur: Sed quum nulla vacaret sedes, ad varia loca sese conferens, ludibrio erat, ac scommatis petebatur, quòd nullus eum exciperet. vt verò peruenit ad Lacedæmonios: ibi non solum pueri omnes assurrexerunt, verum etiam viri multi cesserunt illi locum. Id factum quum cæteri Græci, quotquot aderant, plausu comprobassent, patriumque morem supra modum colaudassent: senex

Concutiens canasque genas & tempora cuna,

Ac fufsis lachrymis.

Heu miseriam, inquit, vt omnes Græci norunt quid sit honestum, sed eo soli vtuntur Lacedæmonii. Eras. ex Plutar. in Laco.

Idem aliter.

Atheniensis quidam senex, quum in spectaculis sessum non reciperetur ab aliquo, à Lacedæmoniis legatis, qui seniores cum primis venerabantur, receptus est. Tum quidam Lacon: Per Deos, inquit, Athenienses sciunt quæ recta sunt, non autem faciunt. In Olympiis, quum à nemine senex reciperetur, præterquam à Lacedæmoniis, mouens caput barbamque senex, lachrymabundus inquit: Heu me miserum, vt Græci omnes noverunt quæ recta sunt, sed iis soli vtuntur Lacedæmonii. Bruso. lib. 6. cap. 7.

Alexandri.

Alexander quum hyeme duceret exercitum, assidens igni, recognoscere prætereunteis copias coepit. quumque videret senem quendam horrentem frigore, & ad ignem stantem, confidere loco suo iussit, dicens: Si in Perside natus esses, in regia sella sedere tibi capitale foret: in Macedonia nato, conceditur. Eras. lib. 4. apoph.

De senectutis fiducia.

Solonis.

QUum Pisistratus occuparet Rempublicam, resque videretur ad manifestam spectare tyrannidem, neque ququam auderet illius conatibus obsistere, Solon productis armis,

mis, & ante ades positus, cœpit inclamare ciues. at vbi Pifistratus ad illum mitteret, qui percontarentur, qua refretus hoc auderet? Senectute, inquit. Alios senectus reddit formidolosiores: illi conciliauit audaciam, quòd parum vitæ superesset, etiamsi nullus occideret. Ita Plutarchus in commentario. An seni sit gerenda Respub. Diogenes Laertius rem aliquanto fufius narrat lib. 1. Brusonius lib. 6. cap. 7. meminit & Cicero in Catone Maiore.

Cesellj.

Cesellius quum nec triuuiris obtemperaret, & multa liberè de C. Cæsaris temporibus loqueretur, admonentibus amicis vt sibi caueret: Duæ, inquit, res sunt, quæ cæteros reddunt formidolosos, mihi maximam suppetitant fiduciam, senectus & orbitas. Senex cirò periturus est, etiamsi nemo occidat. Et orbus nec habet quos curet, nec habet quibus timeat. Solet enim vltio in liberos propagari. Valerius Maximus lib. 6. cap. 2.

M. Castritij.

M. Castritius Placentiæ magistratum gerens, Cn. Carboni consuli iubenti decretum fieri, quo sibi obsides à Placentinis redderentur, non paruit. atque adeò minitanti dicentiq;, Multos habeo gladios: respondit, Et ego annos. Declarans, se senectutis præsidio fretum, non metuere gladios. Bruso. lib. 6. ca. 7. Vale. Max. lib. 6. cap. 2.

P. Asellj.

P. Asellius Liucius in Cæsaris tempora inuectus, monentibus amicis ne faceret: Magnam sibi licentiam præbere, respondit, senectutem & orbitatem. Bruso. lib. 6. cap. 7.

De sepultura.

Socratis.

Socrates cicutam bibiturus, à quibusdam interrogatus, quomodo sepeliri vellet? Eo modo, dixit, quo vobis facillimum fuerit. Stob. serm. 120.

Diogeni.

Diogenes Cynicus, cum sibi ita persuasum esset, vt crederet nullum esse post mortem sensum, proici se inhumatum iussit. Tum amici: Volucribusne & feris? Minimè verò, inquit: sed bacillum prope me, quo abigam, ponitote. Quis poteris? illi aiunt: non enim senties. Quid igitur mihi ferarum; ait, lania

ait, laniatus oberit, nihil sentienti? Brusonius lib. 4. ca. 10. Laert. Cicero lib. 1. Tusc. quaest.

Eiusdem.

Idem rogatus à Xenia de, quomodo sepeliri vellet? In faciem, inquit. Percontanti causam: Quoniam, inquit, paulo pòst futurum est, vt inferiora fiant superiora. huc alludens, quòd id temporis Macedones rerum potirentur, atque ex humilibus fierent excelsi: quòd si inuenterentur omnia, fore vt cadauer etiam ex prono fieret supinum. Fortassis illud sensit, nihil referre quo statu corpus exanime sepeliatur: qua in re magna erat vulgi superstitio. porrectis enim in portam pedibus efferebantur, stantes cremabantur: & hodie stantes, vt audio, sepeliuntur ludæi, certè supini sepeliuntur omnes Christiani. Eras. Diogenis dictū extat apud Laert. lib. 6. & Brusonium lib. 4. cap. 10.

Eiusdem.

Diogenes dicebat, si canes cadauer suum lacerarent, Hircanā sepulturam fore: sin vultures, Iberam: At si nullum animal accederet, ipsum tempus pulcherrimam sibi fore sepulturam, corpore preciosissimis rebus, sole inquam & imbribus, absumpto. Stob. ser. 120.

Eiusdem.

Idem interrogatus, num seruum ancillamue haberet, negauit. Quumque percontator adiecisset: Quis igitur te efferet, si moriaris? Cui domo, inquit, erit opus. Multi superstitione solliciti sunt, quomodo, & per quos efferantur. Hac cura prorsus vacabat Diogenes, non dubitans, quin futurus esset aliquis, qui cadauer eiiceret: vel ob id, quòd domum faceret vacuam. Quamquam illi contigit honorifica sepultura. Laert. lib. 6. Bruson. lib. 4. cap. 10.

Anaxagore.

Anaxagoras cum Lampfaci moreretur, quærentibus amicis, vellétne Clazomenas in patriam afferri, ibidemque sepeliri? Non necesse est, inquit. Vndique enim ad inferos tantundem viæ est. Cicero in Tusc. lib. 1. Laertius lib. 2. cap. 3. Bruson. lib. 4. capit. 10.

Lycurgi.

Lycurgus sepulchrorum vniuersam superstitionem sustulit, permittens vt non solum intra ciuitatem humarentur cadauera, verum etiā vt monumenta templis vicina haberentur. Submouit & funebres expiationes: nec concessit vt quicquam vnà cum

eum cadauere sepeliretur (nam aliæ nationes, si quid fuisset viuo charissimum, id mortuo addebāt in sepulchro, damnosa simul ac ridicula superstitione: quasi mortui sentiant aliquid) sed in puniceo amictu, & oleæ foliis ex æquo posito omnes sepeliri iussit. Vetuit etiam titulos & inscriptiones addi monumentis, præterquam eorum qui in bello cecidissent. Sustulit autem & luctus & funebres nannias, quas reliquorum hominum vulgus incredibili sumptu & apparatu, etiam per conductos ploratores celebrare consuevit, magna specie dementia, quasi manium sit vllus sensus; aut si quid sentiunt, iisdem rebus delectentur, quas in vita non iudicio, sed animi vitio dilexerunt. Eras. ex Plut. in Lacon.

Socratis.

Eo die quo Socrates bibiturus erat venenum, Apollodorus ei pallium multi precii ad solatium obtulit, vt eo indutus moreretur. At ille recusans donum: Quid, inquit, hoc meum pallium, quod viuenti conuenit, mortuo non conueniet? Damnanus quorundam ambitionem, hoc miro studio prouidentium, vt quam honorificentissimè efferantur, ac sepeliantur. Eras. lib. 3. apophthegma.

Demonactis.

Demonactem morientem amici rogabant, quomodo vellent sepeliri? Ne quid, inquit, ista res vos habeat sollicitos: fœtor me sepeliet. & dicentibus, Indignum facinus, si talis viri corpus laceraretur à canibus: Quid, inquit, incommodi, si & mortuus aliqui sim vsui? Eras. lib. 8. apoph.

Olympias.

Alexandri mater Olympias, quum audisset filii cadauer insepultum fuisse abiectum, inter lamētā dixit hoc quoque: O fili, tu qui studebas cœli particeps esse, huc toto impetu properans, ne iis quidem potiri valuisti quæ sunt mortalium omnium communia, terra ac sepultura. Alexander viuus ambiebat diuinos honores: defuncto nec vltimus ille contigit honos, quem quiuisset homo persolui homini, quolibet humili. Narrat enim Q. Curtius, & Plutarchus, Alexandri corpus multis diebus insepultum iacuisse, ob graues procerum concertationes de successionē principatus. Fuit & alter Alexander Epiri rex, Olympiadis frater, cuius corpus amne in hostium castra deuectum est, itaque ab his fœdè laceratum. Vnius tamen mulieris opera sepultum

pultum est, licet mutilum. Refert Titus Liuius Decadis primæ lib. 8.

Neronis.

Neronem imp. in fuga quum Phaon libertus hortaretur, vt in specum egesta harena conderetur: negauit se viuum sub terram iturum. Sueton. in vita Neronis.

Zisca imper.

Zisca Hufsitaram dux & imperator fortissimus, iam moriturus, cum à militibus interrogaretur, quomodo sepeliri cuperet post mortem: Pellem, inquit, mortuo mihi detrahite, relictoque feris cadauere, ex cute tympanum facite, quo in præliis utamini. Et sic, vt hostes nostri viuentis aspectum non ferebant, ita mortui sonum, fugam adornantes, audire nequibunt. Aeneas Syluius lib. 3. commentariorum de rebus gestis Alphonsi regis.

De seriis negotiis in vinolentis conuiujs non tractandis.

Geminij.

Geminus à Romanis in Asiam ad Antonium legatus missus, vt omnia tentaret per quæ cum Octauio redintegrari communis amicitia posset: vocatus in conuiuium ab Antonio, præsentè Cleopatra monuit, vt mandata proferret. Cui Geminus post salutem dictam, ait: Quæ tibi enim dicere Antoni iussus sum, cum sobrio, & alio loco quàm vbi nunc sumus, tractanda sunt. Ostendens, seria negotia non in conuiuiis vinolentis, nec quouis loco, nec præsentibus omnibus tractanda esse. Plut. in vita Antonii.

Berenices.

Ptolemæo regi ad talos sedenti, vt alea luderet, assistens quidam, condemnatorum nomina recitabat, vt ille, quinquam mortis supplicium promeruisse, decerneret. Berenice verò vxor regis hoc videns ac audiens, arrepto è pueri manibus libello, prohibuit, ne ad finem vsque nunc legerentur, dicens: Non sic obiter aduertendum animum esse in re tam seria, vbi de hominis salute agendum est: sed studiosè, relictis alijs omnibus negotijs cogitandum, ne nostra oscitantia noceamus alijs. Non enim similem esse casum talorum & corporum. Aelianus lib. 14. de Var. hist.

De ser

De sermone, animi speculo ac indice.

Solonis.

Solon orationem operum simulachrū esse dicebat. Ea quippe quæ in opus proueniunt, prius animo concepta, verbis indicantur. Maximus ser. 15.

Thaletis.

Thales Milesius Græciæ sapientum nequaquam minimus, dicere solebat. Multiloquium non ostendere hominem sapientē. Sapiens enim non nisi quum res exigit, loquitur, & paucissimis suum ostendit animum: Stultus autem, etiam necessitate non efflagitante, loquendi finem non facit. Eras. lib. 7. apophth. ex Laer. lib. 1. cap. 1.

Democriti.

Democritus philosophus orationem *ἑλὼλον τοῦ βίου*, id est vitæ simulachrum, quādamque velut vimbram esse dicebat. Quæ quidem sententia nihil dici poterat verius. Nam nullo in speculo melius expressiusque relucet figura corporis, quàm in oratione pectoris imago representatur. Neque homines ex sermone secius, quàm ærea vasa tinnitu dinoscuntur. Laertius.

Eiusdem.

Idem audiens adolescentem variis de rebus assidue loquentem, ait: In speculo faciei figura, in verbis autem animi qualitas vniuscuiusque hominis deprehenditur. Stob.

Zenonis.

Zeno Cittieus adolescenti confidenter loquenti: Non dixerim, inquit, o adolescens, quæ mihi succurrunt. Subnotauit vir prudentissimus, è sermonis procacia æstimari morum impudicitiam. Laer. lib. 7. cap. 1.

Diogenis.

Diogenes cum sederet in auctione, vetitus est sedere, ac iussus est stare: ob id opinor, vt facilius inspiceret emptor, quid emeretur. At Diogenes: Quid, inquit, refert? quando pisces, quocūque modo iaceant, emuntur. notans vulgi stultitiam, qui empturi seruum, cauent ne quod corporis vitium fallat, nec simili cautione explorant mentis habitum. Is autem deprehenditur ex oratione. Laer. lib. 6.

Eiusdem.

Idem aiebat, sibi videri mirum, quod quum ollam aut operculum

culum non emerent homines, nisi pulsu aut tinnitu exploratū, in emendo homine solo aspectu essent contenti. significans, hominem nulla ex re melius cognosci, quàm ex oratione. Ut igitur qui vas fictile seruncio parant emergere, digito pulsant, atque ex tinnitu reddito dignoscunt, si tunc integrum, probæ argillæ, ac bene coctum: ita priusquam minis aliquot emant hominem oportebat ad dicendum prouocare, atque ex oratione deprehendere qualis sit. Laer. lib. 6.

Socratis.

Socrates dicere solebat, qualis homo est, talis etiam eius erit oratio, orationi autem facta simillima, factis vitam. Brufonius lib. 6. cap. 2. Cic. lib. 5. Tusc. quæst.

Eiusdem.

Quum diues quidam filium adolescentulum ad Socratem misisset, ut indolem illius inspiceret: ac pædagogus diceret, Pater ad te ô Socrates misit filium, ut eum videres: tum Socrates ad puerum, Loquere igitur, inquit, adolescens, ut te videam. significans, ingenium hominis non tam in vultu relucere, quàm in oratione: quòd hoc sit certissimum, minimeque mendax animi speculum. Eras. lib. 3. apoph.

Chrysippi.

Chrysippus Stoicus interrogatus, quid esset mens hominis? sermonis fontem esse, respondit, quemadmodum enim riuli ex fonte fluunt, sic sermo ex corde & mente hominis procedit. Stob. ser. 1. & Phauorinus 16.

Romuli.

Romulus dicere solebat, vasa fictilia sono & percussu, hominem verò sermone explorandum esse. Max. ser. 15.

Cenopidæ.

Cenopidas, qualis cuiusque esset natura, talem esse dicebat orationem. Max. ser. 15.

Demonactis.

Demonax dicere solebat, in speculis vultus figuram, in collo quibus autem animi naturam & imaginem cerni posse. Maxi. sermo. 15.

Eiusdem.

Idem dicebat, orationem ac sermonem hominis quasi figuram, animi formam effingere & proferre. Ibidem.

Vide titulum de Garrulitate, Lingua & Loquacitate.

De ser

De seruis, ac famulis.

Socratis.

Socrates quendam conquerentem, se defatigatum longo itinere: rogauit, num puer ipsum potuerit consequi? Ait. Rogauit, vacuusne, an aliquid ferens oneris? Portauit, inquit, nonnihil sarcinarum. Quid, inquit, queriturne ille se defessum? Quum negaret: Anón pudet, inquit, te molliciei, qui vacuus ambulans defessus fueris, cum ille gestans sarcinam non queratur se fatigatum? Ostendebat Socrates, seruum in hoc feliciorem domino, quòd ad labores exercitior, minus sentiret molestia. Eras. lib. 3. apoph.

Diogenis.

Erat Diogeni seruus nomine Manes. is quum profugisset à domino, admonuerunt amici vt fugitium inuestigaret. Atridiculum, inquit Diogenes, si Manes absque Diogene uiuat, Diogenes absque Mane uiuere non possit. At multi seruos insequuntur vt vlciscantur. Diogenes spectabat vsum Melior autem philosophus est, qui paucioribus eget. Nolebat itaque hic seruo videri deterior. Laert. lib. 6.

Eiusdem.

Quum esset emptus Diogenes, perinde quasi ipse Xeniadem emisset, dixit illi: Vide vt iussis meis pareas. Cùmque ille diceret, *αὐτὸν ποταμὸν* significans rem præpostè agi, si seruus imperet hero: Si medicum, inquit Diogenes, emisles ager, non illi præscribenti obtemperares? an diceres, *αὐτὸν ποταμὸν*? Si herus corpore malè affectus, auscultat seruo rei medicæ perito: multò magis decet animo ægrum, auscultare seruo philosophiæ perito. quod enim ars medica præstat corpori, hoc philosophia præstat animo. illa medetur febri, hæc prauis cupiditatibus. Quanto autem animus præstat corpori, hoc illius morbi sunt, quàm huius, grauiores. Laertius addit, quum à præcone rogaretur, quo titulo vellet prædicari: isque respondisset, se scire imperare liberis: ubi vidisset prætereuntem quendam bene cultum; Huic, inquit, me vende: nam is eget domino.

Eiusdem.

Xeniadæ, à quo fuerat emptus, dicebat: Mihi, licet seruo, obtemperes necesse est: propterea quòd, qui nauclerum aut medicum habet seruum, ei tamen parère cogitur, si velit ex eo capere vtilitatem. Laertius lib. 6.

Eiusdem.

Idem dicebat, inter seruos ac dominos malos præter vocabula nihil aliud interesse, nisi quòd mancipia seruirent dominis, domini cupiditatibus. significans, vtroque esse seruos: mi-
seriorem tamen seruire seruitutem dominos, quàm mancipia, si sint improbi. Nam qui ducitur affectuum arbitrio, & multos habet dominos, & turpes, & inclementes. Laert. lib. 6.

Antigoni.

Quum Athenienses seruum Antigoni, honoris gratia, perinde vt ingenuum in ciuium numerum ascripsissent: Nequaquam, inquit Antigonus rex, velim vnum Atheniensem à me loris cædi. significans, per illos factum, vt vnum ciuem Atheniensem posset loris cædere, quippe seruum: sed Athenis esse plures vno commeritos, vt à rege loris cæderentur, qui seruum alienum, quod in ipsis fuit, manumitterent. Plutarchus in apophthegma. Regum.

Iuliani impera.

Iulianus imperator cum eunuchis & coquis seruos etiam ex palatio eiecit. Rogatus verò, cur id faceret? ait: His non opus esse, cum minori sumptu viuere posset. Eras. lib. 8. apoph.

Hadriani impera.

Hadrianus imperator quodã tempore, quum seruum suum videret inter duos senatores ambulantiem, misit qui illi colaphum impingeret, diceretque: Noli inter eos ambulare, quorum adhuc potes esse seruus. simul senatoriæ dignitati consulens, & serui castigans insolentiam, quam de Cæsare heredes sumperat. Ex Dione Cæsio,

Alex. Seueri.

Alexander Seuerus Romanorum imperator, nunquam utebatur cursore, nisi seruo suo: dicens, ingenuum currere nisi in sacro certamine non debere. Aelius Lampridius.

De seruo fideli.

Anonymi.

EX his militibus qui sub Lyfimacho stipendium faciebant, quidam quum ab eo rogaretur, num esset quispiam ex He-
lotum, id est, seruorum Laconicorum numero: Tu ne, inquit, existimas Laconem ad te venturum, vt abs te ferat quatuor obolos?

obolos? Maluit se fateri seruum, quàm hoc probri admittere in nomen Lacedæmonicum. Plut. in Lacon.

Callicratide.

Callicratides interrogatus, quod genus homines essent Iones? Liberi, inquit, mali, sed serui boni. significans, illos nescire imperare, ac libertate vti, sed seruitutem æquo animo ferre: videlicet referendos ad secundum hominum genus, iuxta distinctionem Hesiodi, qui per se quidem non sapiunt, sed parent rectè sapienti. Plut. in Lacon.

Lacena.

Lacena quædam captiua, quum interrogaretur, quid sciret? Probè, inquit, regere domum. Et hæc non vulgaris ars est in muliere. Plut. in Lacænarum apoph.

Alterius.

Quædam à licitatore interrogata, num esset futura proba, si ipsam emeret? Etiam, inquit, si me non emeris. Plut.

Alius.

Alia quum in auctione præco rogaret illam, quid sciret? Libera, inquit, esse. significans, sese captiuam quidem esse, cæterum ad illiberalia iussa non parituram. Itaque quum emptor imperasset quædam non conuenientia liberæ: Plorabis, inquit, qui tibi ipsi talem inuideris possessionem. mórque sibi necem consciuit. Plut. in apoph. Lacænarum.

Laconis pueri.

Puer Spartanus captus ab Antigono rege, ac sub hastra venditus, in cæteris omnibus quæcunque putabat ab ingenuo decenter fieri posse, obsequens erat ei qui ipsum fuerat mercatus: cæterum iussus adferre matulam, haud sustinuit, dicens: Non seruam. At quum instaret herus, puer consensu recto, dixit: Senties cuiusmodi mercatum feceris. mórque sese è sublimi præcipitem dedit, ac periit. Captiuus esse poterat, seruilis facere non poterat, ac semet in libertatem morte asseruit. Plutarchus in Laconicis.

Idathyrsi.

Idathyrsus Scytharum rex, in quem arma mouit Darius, suasic Ionum regibus, vt Histrici pontis iunctura soluta, fugientes sese in libertatem vindicarent. qui quum id facere recusarent, ne violarent fidem, qua Dario erant obstricti, vocauit illos frugi mancipia, & ἄσπατα, hoc est, qui fugere nollent. Nam hæc non minima laus est seruorum, nolle fugere, si liceat:

at nolle tyrannicam seruitutem commutari libertate, si detur
opportunitas, animi seruilis est. Plut. in Reg. apoph.

Antigoni.

Antigonus conspiciens filium suum eos, in quos habebat imperium, ferocius tractantem, atque insolentius. An ignoras, inquit, fili, regnum nostrum esse splendidam seruitutem? Nihil dici potuit cordatius. Nam princeps non minus obseruire cogitur populo, quam populus principi: nisi quod princeps id facit cum dignitate, alioqui reuera mutua seruitus est. Plutarc.

Neronis.

Nero quidam in seruum furacem ita iocatus est, ut diceret, solum esse, cui domi nihil sit nec signatum, nec occlusum. Id si de frugi seruo dicas, laus est: si de furaci, iocus. Intelligimus enim, illi nec seras nec signa ob stare, quo minus furetur. Scripna claudimus: olim & cadi lagenæque solebant ob signari. Erasmus Roterod. lib. 6. apoph.

De seruorum multitudine & turba,

Laconis.

A Etoli quondam ingressi regionem Laconicam, abduxerunt quinquaginta seruorum millia, unde Lacon quispian senior festiuiter dixisse fertur: Magno bono fuerunt hostes Laconica, quam tanta turba leuauerunt. Plut. in Lacon.

Laconum.

Cum Thebani irrupissent in Laconicam, & inter captiuos captiuasque multos etiam abduxissent helotas, iusserunt illos Terpandri, Alemanis ac Spendonis Laconica carmina canere. illi recusarunt, dicentes: id nolle filias heriles. adeo plus apud illos valuit concaptiuarum puellarum autoritas, quam iussa victoris. Hinc probarunt quidam, esse verum quod vulgo diceretur: liberum Sparta maxime liberum esse, contra seruum maxime seruum. Ita Plut. in vita Lycurgi.

Alcamenis.

Percontanti cuidam, cur Lacedaemonii Helotibus (sic apud illos dicebantur, quorum conditio media erat inter seruos & ingenuos) committerent colendos agros, ac non ipsi potius eos colerent? Quoniam, inquit, non ipsorum causa, sed nostra, Helotas nobis comparauimus. Videlicet stultitiam eorum taxans, qui mancipia ad ostentationem alunt ociosa, & seruos suos

cios ac ministros voluptatum habere malunt, quàm frugiferis operis occupatos. Plut. in Lacon.

Scipionis.

Scipio iunior, cum legatus mitteretur ad Carthaginienses, vnum tantum comitem Panætium philosophum & amicum secum habuit, & famulos quinque: quorum vno in peregrinatione defuncto, alium emere noluit, sed è Roma vnum in defuncti locum accersuit. Potuisset Scipio multis comitatus viris & seruis, legationem suam absoluerè pro Romanorum consuetudine. Verùm ne cæteris ostentationis & superbiæ exemplum esset, his contentus, Reipublicæ negotia expedire voluit. Plutarchus in Roman. apoph.

M. Crassi.

M. Crassus ille diues, magnam seruorum turbam domi alebat, quorum præcipuam agebat curam, discantibus adstanti interdum, & ipse docens eos, dicens: hanc oportere præcipuam esse patrisfamiliæ sollicitudinem, quot sint rei familiaris animata instrumenta. Idem sensit Aristot.

Vide titu. de Famulis & Satellitibus.

De seruis non abutendis.

Diogenis.

Diogenes conspiciens delicatum quendam à seruo calceari. Nondum, inquit, sat beatus es, nisi te etiam abstergeat. id erit, si mancus fueris. Laertius lib. 6. Visum est Diogeni non multo minus absurdum, in calceatu abuti opera famuli, si quis ipse sibi hoc præstare valeat, quàm si post exoneratum aluum adhabeat famulum abstergendo podici. Quanquàm intelligi potest & de abstergendo naso. Philosopho ethnico prodigiosæ deliciæ videbantur, ethnicum calceari à famulo (inquit Erasmus:) At ego noui Christianum sacerdotem, ac theologum, cui cum nulum esset membrum mancum, tamen aditurus latrinam, famulos acerlebat, qui soluerent ligulas, item reuersus qui alligarent. Id ego videns, sic mecum cogitabam, Vtinam adesset spectator Diogenes.

Demonactii.

Demonax cum vidisset quendam, seruum suum crudeliter verberantem: Desine, ait, ne seruo tuo similis fias. Iudicauit vir prudentissimus, reuera seruum esse, qui affectibus suis imperare non possit. Eras. Rot. lib. 8. apoph.

Gorgus.

Gorgo Cleomenis filia, cum videret Aristagoram à quopiā è famulis calceari: Quid, inquit, pater? Hospes iste manus non habet? Ex istimabat, non ferendas viri delicias, qui in eo abutebatur famuli opera, quod ipse suis manibus facere sibi poterat. Et non pudet quosdam, quibus vestiendis comendisque vix decem famuli sufficiunt. Opus est famulo, qui ventrem exoneraturo soluat ligulas, qui fœnum aut lanam porrigat exterfu- ro, ac minimo minus, qui abstergat. Eras. ex Plut. in Laco.

Gellia tyranni.

Gellias Agrigentinus hospitio exceptus apud hominem du- rum, & vndeunque facientem quæstum, qui ne dormire qui- dem famulis permittebat, sed alius aliud operabatur noctu: eundem & ipse postea quum Agrigentum venisset, suscepit, & conuocatis famulorum pueris (qui permulti erant) nuces & carycas distribuit. Interrogante autem hospite, vnde tot pueri? A famulis meis, dixit, mihi generantur. Voluit autem ostende- re, ita tractandos esse seruos, vt ad procreandos etiam liberos legitime sint apti. Stob. ser. 60.

De seueritate.

Catonis senioris.

Cato senior in militia quinque famulos habebat, quorum vnus tria captiua corpora emit. Quod vbi sensit relictis Catonem, priusquam in eius conspectum veniret, seipsum la- queo præfocauit. Adeo quæstum oderat in milite, adeo veniam desperabat qui peccauerat. Plut. in Rom. apoph.

Antisthenis.

Suprà de Præceptore bono ac fideli.

Parysatidis.

Suprà de Adulatione & assentatione.

T. Manlij.

Suprà de Grauitate dictis.

C. Sulpitij Galli.

C. Sulpitius Gallus vxorem repudiavit, quod aperto capite fuisset foris: Lex, inquit, tibi meos vnus præhincit oculos, quibus formam tuam approbes: his ornamenta comparato, his esto speciosa. aliis velle videri formosam, in suspitione & in crimine hæreat necesse est. Eras. lib. 6. apoph.

Pescen

Pescennij Nigri.

Pescennius Niger imp. Palæstinis rogantibus, vt ipsorum censitio leuaretur, eo quod regio esset grauata, satis inclementer respondit: Vos terras vestras leuare vultis, ego etiam aerem vestrum censere cuperem. Aelius Spart.

Alphonsi.

Alphonsus Aragonum rex admonitus ab amico, ne nimium leuis erga suos esset, & ob id in contemptum apud suos incideret: Magis, ait, hoc cauendum mihi est, ne nimia mihi seueritas conciliet inuidiam. Eras. lib. 8. apoph.

Vide tit. de Disciplina militari, & de Parentum seueritate in filiis.

De seuerè dictis.

Gorgij.

Cum hospes quispiam molliter ac ægrè vestem prælongam attraheret, Gorgo Cleomenis filia protrusit hominem, dicens: Non tu hinc abis, qui nec ea possis quæ sunt foeminarum? Mulierum est, laciniolis, & in humum defluentibus vti vestibus: quin & caudas admodum longas interdum trahunt, nec tamè grauantur onere, aut succingunt. Plut. in Lacon. apoph.

Laconis.

Lacon cum in peregrinatione vidisset homines in sellis curulis sedentes: Absit, inquit, vt in talibus sedeam sellis, vnde nō liceat assurgere seniori. In his enim sedebant delicati porrectis cruribus, ac cælum imminens capiti prohibebat exurgere. Ibidem.

Antigoni.

Sup. de Iudice bono & incorrupto. & tit. de seruis ac famulis.

Pauli Aemylj.

Paulus Aemylus, cum Perseus captiuus deprecaretur, ne in triumpho duceretur: Istuc inquit, in te sitū erat. Significās, illi licuisse in bello perire, aut certè vincere. Plut. in vita Aemylj.

Teleucia.

Sup. de Filiorū abdicatione & de Parentū seueritate in filiis.

De sexu.

Antisthenis.

Antisthenes dicebat, viri ac mulieris eādem esse virtutem. Idem sensit Socrates, sexum muliebrem non minus esse

docilem ad omnia virtutis munia, quàm virilem, si pariter instituat. At vulgus sexum incusat, quasi ad virtutem indocilem. Laert. lib. 6.

De silentio & taciturnitate.

Socrati.

Socrates admonerat suos discipulos, ut tria præcipuè in omni vita haberent: In animo prudentiam, in vultu verecundiam, & in lingua silentium. Maximus ser. 41.

Pittaci.

Pittacus Mitylenæus admonerat, ut ea quæ facturi sumus, non aperiamus loquaciter aliis: ne si malè perfecerimus, dignè derideantur. Maximus serm. 20.

Thaletis.

Suprà de Lingua, Garrulitate & loquacitate nimia.

Chilonis.

Chilon rogatus, quid esset difficile? Arcanum, inquit, reticere. Tanta est lingua, omnium maximè volubilis, incontinentia: cum alioqui nihil videatur facilius, quàm silere. Laert.

Bianthi.

Bias Prienæus apprimè decorum illis esse silentium dicebat, quibus indecora impuræque esset vita. Stobæus.

Democriti.

Democritus cum animaduertisset quendam multa imperitè disputantem: Hic, inquit, non dicendi peritus mihi videtur, sed omnino tacendi imperitus. Maximus ser. 20.

Diogeni.

Diogenes ad quendam, qui se contentiosè philosophū profitebatur: Vah miser, inquit, cum id quod optimum est in vita philosophi, corrumpas, verbis tamen audes te philosophū iactare. Est autem philosophi, etiam munus silere, cum res responsione digna non est. Stob. serm. 31.

Eiusdem.

Adolescens quidam ex illis qui cum Diogene versabantur, interrogatus ab ipso, tacebat. Tum Diogenes: Non putas, inquit, eiuldem esse, quæ dicenda sunt scire, & quando: & quæ tacenda sunt, & apud quem. Stob. ser. 32.

Cleanthis.

Cleanthes Assius, cuidam ab eo petenti dictum aliquod, quòd crebrò occineret filio suo, protulit ex Electra: *οἷα οἷα*
ἀπ' οὐ

ἀπτεν ἴχνη, id est, Tace tace tenue vestigium. Innuens, pueris maximè conuenire silentium. Laer. lib. 7. cap. 2.

Eiusdem.

Cum quidam ad tacentem Cleanthem dixisset, Tu quid taces? atqui iucundum est cum amicis confabulari. Iucundum quidem, respondit Cleanthes: sed quo iucundius est, eo magis in hoc amicis oportet concedere. Stob. ser. 31.

Zenonis.

Zeno Cittieus Ptolemæi legatis, qui multos eruditos ad conuiuium inuitarant, percontantibus, quid de ipso regi suo essent renunciaturi? ait, Vidisse vos senem, qui in conuiuium tacere nouerit. Cum enim cæteri ad ostentationem multa dixissent, vnus Zeno perpetuum tenuit silentium. Laert. lib. 7. cap. 1. Stob. sermo. 31. Brus. lib. 6. cap. 6. Maximus ser. 20.

Simonidis.

Simonides dicere solebat, nunquam se poenituisse silentii, sermonis autem sapius. Ant. in Meliss. part. 1. ser. 73. Max. ser. 20.

Eiusdem.

Idem dicebat, eorum hominum, quorum indecora vita est, maximum decus esse silentium. Ant. in Meliss. parte 1. ser. 73.

Xenocrati.

Xenocrates Chalcedonius cum in conuiuium cæteris multa garrientibus, solus nihil diceret, interroganti, cur vnus omnium sileret? Quoniam, inquit, loquutum fuisse poenituit aliquando, siluisse nunquam. Hoc Plutar. in libello πρὸ τῶν ἑυνῶν tribuit Simonidi, Sed Laer. lib. 4. cap. 2. Xenocrati tribuit, & Valer. Max. etiam lib. 7. cap. 2.

Eiusdem.

Idem singulas diei partes diuidens in actiones certas, suam etiam silentii partem reddebat. Docens, silentii rationes ubique adhibendas esse. Maxi. ser. 20.

Heracliti.

Heraclitus Ephesius rogatus à quibusdā, cur taceret? Vt vos, inquit, loquamini. Brus. Cont. lib. 6. cap. 6. exemplorum.

Anacharsidis.

Anacharsis à Solone exceptus conuiuium, cum se cubitum recepisset, sic compositus erat, ut sinistra manus ad pudenda appolita esset, dextra autem ori. Interrogatus autem, quam ob rem id faceret? Continèntiori freno linguam indigere dixit, ne secreta proferret. Maxi. ser. 20.

Anaxarchi.

Anaxarchus multatum rerum cognitionem homines aut valde iuuare, aut valde lædere dicebat. Iuuat enim virum dextrum & commodum: lædit verò illum, qui facillè quemuis sermonem, & apud quosuis eloquitur. Oportet autem occasionis modum nosse. is enim sapientis terminus est. Qui verò intempestiuè cantilenam musicam quamuis doctè cecinerint, illi nò approbantur, sed crimen stultitiæ subeunt. Stob. ser. 32.

Eiusdem.

Idem cum à Cypriorum tyrāno Nicocreonte torqueretur, vt conscios proderet, post multa in regem dicta conuicia, tandem per iracundiam & linguæ amputationem minanti: Non erit, inquit, effœminate adolescens, hæc quoque corporis mei pars tuæ ditionis. simulq; dentibus abscissam, & cōmanducatam linguam, in os eius ira patens expuit. Laert. lib. 9. cap. 10.

Theophrasti.

Suprà de Lingua, garrulitate & loquacitate nimia.

Aristotelis.

Aristoteles philosophus Callisthenem auditorem suum ad Alexandrum mittens, monuit: vt cum eo quam rarissimè, aut quam iucundissimè loqueretur. Quo scilicet apud regias aures vel silentio tutior, vel sermone esset acceptior. Plut. in Alexan. Laert. in Aristotele. Val. Max. lib. 7. cap. 2.

Eiusdem.

Idem cum percontaretur, quid esset in vita difficillimum? Tacere, inquit, quæ loqui non decet. Maxi. ser. 20.

Eiusdem.

Aristoteles, insignis ille philosophus, dicere solitus est: Qui silere non nouit, is neque loqui admodum sciet. Nam quærente quodam, quæ res homini in vita esset difficilima? ait, Silere tacenda. Stob.

Eiusdem.

Aristoteles interrogatus, quam ob rem, cum alios doceret loqui, ipse taceret? respondit: Cos quidem ipsa non scindit, cultros autem acuit. Anto. in Melis. part. 1. ser. 73. Verùm hoc Iso-crati adscribit Maxi. sermo. 20.

Eiusdem.

Idem interrogatus à quodam, quis arcanum sermonem continere posset? respondit: Qui carbonem quoque ignitum lingua retinere potest. Antonius eodem loco.

Dionis.

Dionis.

Dion philosophus naturam probè egisse dicebat, quæ geminas aures, & linguam vnicam nobis fabricarit: quo ad audiendum essemus quàm ad loquendum promptiores. Stobæus.

Isocratis.

Isocrates duo dicendi tempora statuenda dicebat: Vel de iis quæ certò nouimus, vel de quibus dicere est necessarium. In his enim solis oratio silentio præstat, in aliis melius est silere quàm loqui. Maximus sermone 20.

Eiusdem.

Idem dicere solebat, improbi hominis, quasi taciturni canis, silentium magis quàm vocem timendam esse. Ibidem.

Demosthenis.

Demosthenes, cum adolescens quidam inter pocula multas nugæ effutiret, & tacere nolleret: Adolescens, dixit, quomodo nò didicisti tacere ab illo, à quo didicisti loqui? Antonius in Melissa, part. 1. sermone 73.

Eiusdem.

Idem, cum quis ei obiiceret oris fœtorem: Bene dicis, respondit: multa enim secreta in eo computruerunt. Ibidem, & Maximus sermone 20.

Apollonij.

Apollonius summo studio adnitendum dicebat, ne temerè nobis verba parum decentia elabantur. Constat enim primò. quàm inurbanum sit, silere non posse: tum effutire palàm cum turpitudine, quæ honestius obticuisse. Stob.

Eiusdem.

Idem dicebat, cum in alios atque alios errores & pericula homines labi palàm sit: mirum, quantam securitatem præstare queat taciturnitas. Stobæus.

Theocriti.

Theocritus à blaterone quòdam interrogatus, vbi cras visurus esset ipsum? Illic, respondit, vbi ego te non videam. Stob. sermo. 31.

Euripidi.

Euripides, cuidam opprobranti graueolentiam oris: Multa nimirum, inquit, in illo occulta computruerunt. Significans, se posse continere arcana. Solent autem res in occulto congestæ computrescere. Eras. lib. 8. apoph. Idem Demostheni ab aliis attributum, paulo ante recensuimus.

Deme

Demetrii Cynici.

Demetrius philosophus, cum post ex Italia proscriptos à Domitiano mathematicos & philosophos, ad Apollonium venisset, & fortuna suae iniquitatem deplorasset: Cicadis, inquit, licet impunè canere, nobis Romæ ne mutire quidem fas est. Philostratus, & Cuspin. in Cols.

Isocratis.

Careo loquaculus volebat ab Isocrate oratore erudiri. Sed is, Duplicem mercedem mihi dari, inquit, posco: alteram, ut loqui: alteram, ut tacere discas. Bruso. lib. 6. cap. 6.

Laconum.

Apud Lacedæmonios, ad publica conuiuia ingredientibus, qui natu erat maximus, singulis ostendebat fores, dicens: Per has nullus egreditur sermo. Admonens, nihil effutiendum, si quid liberius dictum esset in conuiuio. Hunc morem instituit Lycurgus. Plut.

Demarathi.

Demarathus in consessu quodam rogatus, vtrum ob stultitiam, an ob sermonis inopiam sileret? Atqui stultus, inquit, ne possit quidem silere. Quidam hoc præclarū existimant, si nunquam fileant, quum id sit certissimum fatuitatis argumentum: ut contra silentium, vbi loquendi tempus non est, prudentiæ signum est. Plut. in Lacon. apoph.

Demonastis.

Demonax cum à quodam interrogatus esset, quānam ratione delegatam prouinciam ritè administrare posset? respondit: Si quā minimum loquens, plurima audieris. Erasmus libro 8. apophtheg.

Philippidis.

Philippidi Atheniensi, qui ob virtutem charus ac perquā familiaris Lyfimacho regi erat, Lyfimachus cum dixisset, Num quid rerum suarum expeteret? respondit: Solum ò rex, ne arcanorum tuorum quicquam mihi credas. Brusonius lib. 1. cap. 5.

Epaminonda.

Epaminondas Thebanus, audiendi potius quā loquendi cupidum esse hominē debere putabat: Quod sciret, ex audiendo doctrinam, ex loquacitate autem pœnitentiam nasci. Idem libro 1. capit. 6.

Hieronis.

Hiero, arcana enunciantes iniuriam facere dicebat, eis etiam quibus

quibus enunciarent. Odimus enim non solum eos qui effutierint, verū eos etiam, qui quæ nolumus audierint. Maxi, ser. 20.

Alexandri M.

Suprà de Lingua garrulitate & loquacitate nimia.

Antigoni.

Antigonus rex filio Philippo multis presentibus percontanti, ac dicenti, Quando castra mouebimus? Quid, inquit, num metuis, ne solus tubam non audias? Notans adolescentis imperitiam, qui hoc patrem multis audientibus percontaretur, quū in bello cælanda sint consilia principum: sed quoties castra mouenda sunt, tum omnibus tuba dat signum. Plut. in apoph.

Cælij Metelli.

Cælius Metellus, Macedonicus à rebus bene gestis nominatus, quum in bello omnia proprio & subito consilio ageret, amico cuidam interroganti, quidnam iam acturus esset, post Arbachos in Macedonia subactos? Tunicam, inquit, meam exuerem si eam consilium meum scire existimarem. Quo dicto docuit, non temerè animi nostri propositum effutiendum esse omnibus, sed silendum ad suum usque tempus. Plinius cap. 61. de Viris illustribus. Plutarchus in apoph. Rom. Cælius Rhodiginus lib. 13. cap. 5. Front. lib. & cap. 1.

Catoni.

Quum Catoni, qui post dictus est Uticensis, etiamnum puero, vitio daretur taciturnitas (nec enim cum pueris exercebatur, nec à quoquam audiri volebat) ait: Carpent taciturnitatē, modò vitam probēt. Et addidit: Tum demum abruptam hoc meum silentium, cum ea loqui potero, quæ sunt indigna silentio. Plutarchus, & Brus. lib. 6. cap. 6.

Tiberij.

Tiberius Cæsar cum quodam tempore percontaretur, cur sua consilia non cum aliorum quoque, qui ei non malè vellent, consiliis communicaret? respondit: Principis animum aut nemini, aut paucis cognitum esse oportere. Sensit autem, non omnia credenda is qui se amicos esse venditant: quibus quum aliquid secreti commiseris, temerè rimarum pleni effutiunt: non cogitantes, principes loquaculorum garrulitate sæpenumero aut periclitari, aut prodi prorsus. Dion.

De simi

De similitudine formæ.

Anonymi.

Proconsul quidam Romanus in Sicilia, conspicatus quendam adolescentem admodum sui similem, rogauit similitudinis causam, cum pater suus nunquam adisset Siciliam? At meus, inquit, Romam frequenter accessit. Locum retorsit Siculus, nihil veritus securos ac virgas proconsulis. Brusonius Contursinus libro 6. cap. 20.

Idem aliter.

Augusto Cæsari perquam similis Romam venerat, & ita similis, vt omnium ora in se conuerteret. Produci ergo Cæsar hominem iussit, visumque interrogat: Dic (ait) adolescens, fuitne aliquando mater tua Romæ? Excepit adolescens, & hunc in modum Augusto respondit: Mater mea nunquam fuit Romæ, sed pater per sæpe. Macrobius, & Brusonius libro 5. cap. 1. Plutarch. in Ro. apophth. Erasmus lib. 4. apoph.

De simulatione & dissimulatione.

Diogeni.

Diogenes, cum aliquando in conuiuio placentam ederet, diceretque cõuiuarum quispiam: Quid comedis Diogenes? Suspiciens Cynicum philosophum nescire quid esset placenta: Panem, inquit, bene pistum. Dissimulans se scire, quid esset aliis placenta. Laertius lib. 6. capi. 2.

Polydori.

Quum in Messenensium regionem eduxisset copias Polydorus, roganti cuiuspiam, Num aduersus fratres essent pugnaturi: Non, inquit, sed in eam agrorum partem proficiscimur, quæ nondum sortito diuisa est. Elusit percontatorem, dissimulans consilium suum. Sit hoc quoque exemplum celandi propositum, si quem cupias lædere. Plutarchus in Laconicis apoph.

Demosthenis.

Posteaquam Demosthenes metu Antipatri profugisset in Calauriam insulam, seque in Neptuni templo contineret, & Archias ex tragicædiarum histrione potes, illi blandis sermonibus persuadere conaretur, vt sese in Antipatri fidem committeret, non modò nihil passurum mali, verum etiam amplissimis muneribus honorandum: In scena, inquit, mihi nunquam placuisti histrio, neque nunc persuadebis orator. At ubi commotus.

Archias

Archias minaretur, se detracturum illum è templo: Tandem, inquit, oracula Macedonica aperuisti, nam prius histrionum more simulabas. Plut. in Demosth.

Metelli.

Metellus, cum Scipioni viuenti fuisset inimicus, mortem tamen illius grauitè tulit: iussitque filios, vt subeuntes pheretrū, funus Scipionis efferrent, addens, se Romanæ ciuitatis nomine gratiam habere diis, quòd Scipio apud alios non esset natus. Sentiens, Romam non futuram fuisse incolumem, si talem ducem habuissent hostes. Simultatem oportet morte finire, amicitiam non item. Plut. in Rom. apoph.

Ciceronis.

L. Cotta censore, qui vini auidissimus habebatur, quum Cicero consulatum petens sitisset, bibissetque, sepius vndique amicis: Rectè, inquit, timetis ne censorem habeam infensum, quòd aquam bibo. Simulauit Cicero se credere, ob id circumstare frequentes amicos, ne censor videat illum bibentem aquam. Si mile enim simili amicum. Eras. lib. 4. apoph.

Domitij Asii.

Domitius Afer dum causam ageret, & is qui diuersam agebat partem, subinde repeteret, Celsinam hoc dicere: cum probè nouisset sceminam præpotentem, simulans se credere Celsinam virum esse, rogauit quis esset ille Celsina? Obiter notans ineptiā illorum, qui tantum autoritatis opum gratia tribuerent sceminæ, vt illius dicta toties citarent pro testimonio. Eras. lib. 6. apophthegma.

Galba.

Galba Meccœnatem acceperat conuiuio, quumque sentiret illum velle ad ipsius vxorē ludere, simulauit se dormire, quo magis liceret Meccœnati quod libebat. Interea quum accelsisset aliquis, volens quædam è mēsa tollere, ibi Galba: Infelix, inquit, huic dormio, non tibi. Eras. lib. 6. apoph.

Iulij Cæs.

Iulius Cæsar, cum testis ad exaggerandam iniuriam diceret, scemina sua à reo ferro petita. Quid enim faceret, inquit, quum tu galeam & lorica haberes? Non ignorabat, quur illam partem potissimum vulnerare voluisset: sed hoc dissimulato, iocari maluit. Galea & lorica omnia tegunt, præter scemina. Eras. Roterod. lib. 4. apophtheg.

Anonymi.

Anonymi.

Tiberio Cæsari contanter & agrè suscipienti delatum imperium, quidam in os ausus dicere: Cæteri quod pollicentur, tardè præstant: tu quod præstas, tardè polliceris. Notata est illius simulata contatio, detrectantis quod cupiebat. Eras. lib. 6. apophth.

Friderici imper.

Fridericus Romanorum imperator eius nominis tertius, posteaquam senatores omnes in curiam vocasset, optauit, ut antequam ingrederentur, duas res deponerent, & tum fieri posse ut iudicio neminem fallerent. Percontatus autem, quanam res illæ essent? Simulatio & dissimulatio, respondit. Nam quæ res est, qua homines decipiuntur magis, quam si aliud cogites, aliud dicas? Aeneas Syluius de dictis Friderici imper.

Sigismundi imp.

Sigismundus Cæsar dixisse memoratur, ignarum esse regnandi, qui simulare nesciret. Innuit autem, præcipuam principum virtutem esse clementiam, quæ docet, simulanda interdum esse ea, quæ non magni sunt momenti, commodi maioris gratia. Aeneas Silius lib. 1. comment. in res gest. Alphonsi.

De similitudine reipublice pernitiæ.

Chilonis.

CHilonis dictum est: Sic ama, tanquam osurus: sic oderis, tanquam amaturus. Hoc dicto admonuit, nec similitudines tam acriter exercendas, ut præcludatur omnis in gratiam reditus: nec amicis adeo fidendum, ut illis committas, quo si fiant inimici, possint te perdere. Gellius.

Aristippi.

Helicon Cyzicenus, unus ex Platonis æqualibus, solis defectum prædixerat: qui posteaquam accidit, quemadmodum ille prædixerat, à Dionysio argenti talento donatus est. Tum Aristippus ad reliquos philosophos: Et ego rem miram habeo, quam potissimum prædicere. Orantibus ut proferret: Prædico, inquit, breui inter Platonem ac Dionysium futuram similitudinem. Senserat enim, regem animum suum iam dudum dissimulare. Laertius lib. secundo.

Eiusdem, & Aeschini.

Quum inter Aristippum & Aeschinē incidisset similitudo, quidam aut diceret, Vbi nunc illa vestra amicitia? Dormit, inquit sed

sed eam excitabo. Itaque simultatem Aristippus commoda liberâque appellatione facile sustulit. Ne silentio malum, ut solet, inrudesceret, vtrò adiit Aeschinem: Non, inquit, quamprimum redibimus in gratiam, ac nugari desinemus: an potius expectabimus, ut scurris inter pocula de nobis loquendi materiam præbeamus? Cui cum Aeschines respondisset, se lubenti animo rediturum in gratiam: Memento igitur, inquit Aristippus, quòd cum essem natu maior, prior ad te venerim. Tum Aeschines: Næ tu profectò vir me longè melior es. Siquidem à me simultatis, abs te faciendæ gratiæ fuit initium. Hoc pacto redintegrata est inter illos amicitia. Laert. lib. 2.

Themistoclis.

Cum inter Aristidem & Themistoclem magna esset simultas, tamen legati simul missi ut Reipublicæ negocia expedirent: Vis, inquit Themistocles, ut in his montibus inimicitias relinquamus? Nam si videbitur, cū reuersi fuerimus, illas resumemus. Docuit vir prudentissimus, omnem simultatem deponendam esse iis, qui Reipubli. vtilitatem promouere cupiunt. Plut. in Græcor. reg. & impera. apoph.

Aristidis.

Aristides è concione quadam, in qua frustra Themistocli obstiterat, discedens, clara voce testatus est, res Atheniensium incolumes esse non posse, nisi & ipsum & Themistoclem in bazarum conicerent. prius habens, in carcerem ire, quàm ob duorum simultatem minus rectè consuli publicis commodis. Plutarchus in Aristide.

Cratidis.

Lyfandro rege defuncto, cum de societate belli nata esset controuersia, Agefilaus adiit Lyfandri domum, inquisiturus super hac re literas, quas Lyfander apud se detinuerat. Reperit autem præterea librum Lyfandro conscriptum de nouando Reipub. statu, quòd oporteret regnum ab Eurytionidæ & Agide ablatum (nam ex his tantum familiis faserat creare reges) in commune ponere, ac regem eligi ex optimis: quo videlicet hoc honoris decerneretur non his qui genus duxissent ab Hercule, sed iis qui tales essent virtute, qualis fuisset Hercules: quandoquidem virtute, non generis commendatione, & ille ad diuinos honores subuectus est. Hanc orationem Agefilaus nitebatur apud ciues euulgare, cupiens per eam ostendere, qualis ciuis clanculum fuisset Lyfander, non sine calumnia co-

rum qui Lyfandro fauerant. Sed ferunt Cratidem, qui tum inter Ephoros primas tenebat, veritum ne lecta oratio perfuaderet, reuocasse ab eo consilio Agefilaum, ac dixisse: non solum non esse refodiendum Lyfandrum, sed ipsam potius orationem cum illo defodiendā, quòd callidè, & ad persuadendum accommodatè composita videretur. Hoc factum declarat Lyfandri peruersam ambitionem, qui nihil intentatum reliquerit ad regnum adipiscendum: sed idem arguit Agefilai moderationem, qui priuatam similitatem posthabuit vtilitati Reipubli. Plut. in Lacon.

Bibuli.

Bibulus quum Pompeio esset inimicus, primus tamen in senatu rogationem tulit, vt vnicus consul Pompeius decerneretur: Aut enim (inquit) Respub. ab imminete procella per illum liberabitur, aut optimo parcendum erit. Egregius animus, qui priuatam similitatem posthabuit Reipubli. commodis. Eras. Rot. lib. 6. apoph.

Friderici impera.

Suprà de Simulatione.

Alphonsi.

Suprà titu. de Affectibus frenandis & titu. de Discordia.

Vide titulum, de Odio.

De sobrietate.

Diogenis.

Quum Diogeni quispiam probri vice obiecisset, quòd in caupona biberet: Et in tonstrina, inquit, tondeor. Significans, nihilo minus esse honestum bibere, quàm tonderi aut radi. Quemadmodum nemo reprehendit, in tonstrina radi, quòd is locus ei rei paratus sit ita turpe videri non debet, si quis bibat in caupona, modò bibat modicè. Nam immodicè bibere, quouis loco turpe est. Laert. lib. 6.

Archidami.

Quodam Archidamo pollicente vinum suauē: Quorsum, inquit, opus? quandoquidem & plus absumentur: & quæ fortes decent viros, ea reddet inutiliora. O verè masculinū animum, & omnium deliciarum contemptorem. Plut. in Lacon.

Demadi.

Demades orator, prandens apud Phocionem, cum apparatus admodum tenuem videret: Demiror, inquit, & Phocion, te Rempub.

Rempubli. administrare, quum possis ad istum prandere modum. Bis errans, & quòd lucri tantum causa putaret adeundam Rempub. & q̃ luxum probaret in eo, cui maximè conueniebat sobrietas. Sed Demades alios è suis moribus æstimabat. Erat enim & pecuniarum auidus, & luxui deditus. Eras. lib. 6. apoph.

Leontichide.

Percontanti cuidam, quàm ob rem Spartiatæ parcissimè biberent. Ne, inquit Leontychidas, pro nobis alii, sed nos potius pro aliis consultemus. Salsissimè notans, vinosos non esse ad consultandum idoneos: sed salubrium consiliorum parens est sobrietas. Plut.

Cyri regis.

Cyrus senior cum ad hospitem diuertisset, rogareturq; Quid sibi cœnæ vellet apponi? respondit: Panem tantum. & sperare se prope fluentem aquæ riuiulum cœnaturum. Hic suos etiam monere solebat, ut aquam bibere consuescerent, & fierent Hydropotæ, quod vinum omnibus bonis rebus inimicaretur. Guido Bituricensis.

Romuli.

Romulus primus vr̃bis Romanæ conditor, legitur vini fuisse parcissimus. Is ad cœnam vocatus, cum ibi minimum bibisset, eo q̃ postridie negocium haberet, dicunt illi familiares: Si ad istum modum bibant omnes homines, vinum esse vilius. ille respondit: Imò verò carius, si quantum quisque volet bibat. nam ego bibi quantum volui. Eras. lib. 6. apoph.

Pescennij Nigri.

Pescennius Niger militibus vinum ab eo perentibus: Nilum habetis, inquit, & vinum quæritis? Docuit autem, vinolentiam militibus ceu pestem fugiendam esse, qui tum demum ad res gerendas prompti sunt, cum ratio mero non peruertitur. Brufonius lib. 4. cap. 15. ex Spartiano.

Eiusdem.

Romanis à Saracenis victis, dicentibusque, Vinum non accepimus, pugnare non possumus: idem inquit, Erubescite. nam qui vos vincunt, nil aliud quàm aquam bibunt. Brufonius lib. 4. cap. 15. ex Spartiano.

Friderici impera.

Fridericus imperator studiosissimus temperantiæ ac sobrietatis cultor fuisse dicitur. qui cum audisset, Leonoram vxorem (quæ paterna in domo nunquam vinum gustauerat) facillè filios parituram, si in Germania, tam frigida regione, vinum biberet: dixisse fertur, malle se sterilem vxorem habere, quàm vi-

nosam. Non ignorauit autem imperator fortissimus, quàm multa vinolentiam mala comitentur: & tum praesertim, cum foemineum genus nimio vino obruitur. Aeneas Syluius lib.2. Comment. de rebus gestis Alphonfi.

Alphonfi.

Alphonfus Aragonum & Siciliae rex, cum interrogaretur, cur vini expers viueret, aut vino dilutissimo contentus sitini expleret, contra omnium regum & aulicorum morem? respondit, Vino sapientiam obscurari: ideòque non decere regem, vt hoc immodica computatione in animo extinguat, sine quo imperatoris ac regis nomen ritè tueri non possit. Antonius Panor. lib.2. de rebus gestis Alphonfi.

Eiusdem.

Idem interrogatus, quid sibi vellet quòd vinum aqua dilueret: Ne ebrius fiam, respondit. non enim ignoro, quantum vini intemperantia Alexandri Macedonum regis gloriae obsuerit. Panor. lib.2. de dictis ac factis Alphonfi regis.

Eiusdem.

Idem ab amico etiam percontatus, Cur adeò ebrietatis vitium damnares? Ideo, inquit, quia furorem & libidinem ebrietatis filios esse haud ignoro. Panor. lib.2.

De solœcismo.

Pausania.

PAUSANIAS Cappadox, cum inter perorandum confundens consonantes, breues producens, productas verò corripuens, auditus esset: vulgò dictus est malus coquus, qui preciosa obsonia malè condiret. Philostratus recitat in sophistis, & ex eodem Raphael Volaterranus lib.8. Vrbano commentario,

Cass. Seueri.

Cassius Seuerus imperator, in aduocatione quadam, quum M. Pomponius Marcellus Latini sermonis molestissimus exactor, solœcismum ab aduersario factum arguere perseueraret, interpellatis iudicibus dilatione petiit, vt litigator suus alium grammaticum adhiberet: q̃ diceret, sibi cum aduersario non de iure, sed de solœcismo controuersiam futuram. Eras. lib.8. apo.

De solerter dictis.

Antisthenis.

ANTISTHENES adolescentes Socratem videre cupientes, philosophorum omnium sapientissimum, duxit ad Anytidomum,

domium, dicens illum Socrate multo esse sapientiore, ut qui Socratem accusasset. Et hoc dicto renouatum est ciuibus, extincti Socratis desiderium, & Anytum expulerunt. Laetius libro sexto, capite primo:

Eiusdem.

Suprà de Eo quòd conuictus malorum non semper obsit.

Leonis Byzanti.

Suprà titu. de Concordia.

Agésilai.

Agésilas Lacedæmoniorum rex in computatione quadam fortibus ex more conuiuii dux factus, cum percontaretur à pincerna, quantum unicuique vini apponere deberet? Si multum, inquit, vini paratum est, dato cuique quantum postulat: sin parum, cunctis diuidito æquis portionibus. Et hac solertia mirè prospexit, ne vel parata vini copia deesset, quibus largior placeret potatio: vel ad bibendum vrgerentur, quibus grata esset sobrietas. Plut. in Lacon.

Eiusdem.

Suprà de Hostibus non contemnendis.

Agidis.

Agis primus vicerat Argiuos prælio, qui post redintegratis viribus rursus ferociòres illi occurrebant. Agis autem videns multos è sociis turbari: Sitis, inquit, bono animo viri. quum enim nos, qui vicimus, trepidamus, quid facere cæsetis eos, qui à nobis victi sunt? Et ea solertia addidit animum suis. Plutarchus in Laconicis.

Brasida.

Brasidas quum murem in caricis comprehendisset, morsus ab eo, dimisit captum. moxque ad eos qui aderant: Vt nullum, inquit, est animal tam minutum, quin seruari possit, modò ausit vlscisci inuadentes. Et hoc dicto fortis & animosus dux, suis animum contra hostes addidit. Plut. in Lacon.

Gelonis.

Suprà tit. de Mutuo.

Pisistrati.

Pisistratus Atheniensium tyrannus, cum multi ab eo defecissent, qui Phylum occuparent, venit ad illos, stragulas in sarcinâ colligatas ipse portans. Ceterum illis, quid sibi vellet, percontantibus: Vt, inquit, si persuasero, reducam vos: si non persuasero, maneam vobiscum. Eras. Rot. lib. 5. apoph.

Agasōnis Alex.

Alexander consulto oraculo, monitus est, vteum qui sibi primam portam ingresso occurrisset, interfici iuberet. occurrit igitur agaso, iussusque est arripi. Roganti, quid commemississet? Responsum est, ita iussisse Deum. Ille, si ita est, inquit, alium designavit oraculum. Nam asinus prior occurrit: deinde is qui asinum verberat, est secutus. Eras. 6. apoph.

Iulia Augusti F.

Infrā de Sumptibus superuacuis.

De solitudine, & vita solitaria.

Cleanthis.

Cleanthes Afsius philosophus, conspiciens quendam solitariū, ac secum loquentem: Haud, inquit, loqueris cum homine malo. Quidam ita referunt: Vide, ne cum homine improbo loquaris. Malis enim periculosa est solitudo. Laertius libro 7. cap. 2.

Pyrrhonis.

Pyrrho Eliensis deprehensus aliquando solus, ac secum loquens, rogatus quid solus ageret: Meditor, inquit, esse probus. Sentiens, ad id vtile esse solitudinem, inutilem turbam. Laert. lib. 9. cap. 11.

Antisthenis.

Antisthenes ridere solebat Athenienses, subinde gloriantes quod essent autochthones, hoc est, indigenae: eo quod non aliunde eo commigrassent, nec patriam sedem mutassent: vñquam: dicens, hoc laudis illis esse cum testudinibus cochleisque commune. Nam & hæc animantia nunquam mutant domicilium, in quo nascuntur. Laert. lib. 6. c. 1.

Eiusdem.

Idem rogatus, quid emolumenti cœpisset ex philosophia? Vt mecum, inquit, loqui, siue viuere possim. Doctus, etiam si solus sit, non sentit tedium solitudinis: sed multa præclara suo cum animo versans, quasi secum loquitur: indoctis molestissima est solitudo, atque etiam inutilis. Laert. lib. 6. cap. 1.

Mysonis.

Myson incertæ patriæ, *μυσονος πατρις* fuisse traditur, nō alienus à moribus Timonis Atheniēsis. Hunc quum quidam forte deprehendisset in solitudine ridentem, rogabat quid rideret, quum esset solus? Atqui ob hoc ipsum, inquit, rideo. subindicans, sibi gratissimam esse solitudinem. Laert. lib. 1. cap. 10.

Antonij eremita.

Antonius, magnus ille Aegypti monachus, quē ob insignem pietatem

pietatem Constantinus imperator plurimum amasse fertur, adeò vitam solitariam dilexit, vt frequenter dicere solitus sit: Quòd piscis in arido, hoc monachus in oppido. Putauit autem, lethalem esse piscibus extra vndas conuersatione: nec minus monachum in periculum cœlestis vitæ & professionis sanctioris amittendæ venire, si moras in vrbibus trahat. Nicephorus Callistus lib. 8. cap. 4. Eccles. hist.

De somnò.

Diogenis.

Idem conspiciens adolescentem quendam neglectius dormientem, baculo pungens illum, dixit carmen Homeri,

ἰγρήεις, Μῆτις σοι ὤδουσι μελαγχρόνῳ ἐν δόγῳ ψύξει,

Id est,

Surge

Ne quis dum dormis, à tergo infixerit hastam.

Laert. lib. 6.

Eiusdem.

Suprà de Mortis & somni cognatione.

Gorgie.

Gorgias Leontinus extremæ iam ætatis, quum sentiret somnum lethalem obrepere, amico qui assidebat percontanti, Quo pacto haberet? Somnus, inquit, iam incipit me fratri suo commẽdare. Homerus enim somni fratrem appellat mortem. Nam mors Græcis masculus est. Ael. lib. 2. Brus. lib. 6. cap. 8.

Epaminonda.

Epaminondas Thebanorum dux, quempiam è vigiliis somno oppressum quum offendisset, gladio hominem transfixit. Obiurgatus autem ob tantam seueritatem: Talem, inquit, cum reliqui, qualem inueni. Scussit autem imperator bellicosissimus, hominem somno oppressum, ac mortuum, in eadẽ esse forte ac conditione. Brus. lib. 6. cap. 8.

Alexandri.

Alexander Magnus cum Deus ab adulatoribus vocaretur, se mortalem esse dicebat, cum id deprehenderet ex somno, qui mortis imago est. Plut. in vita Alexandri.

Vide tit. de Vigilantia.

De somnio, & eius interpretatione.

Diogenis.

Diogenes Cynicus, cum consideraret hominum vitam & mores, ac videret ciuitatum gubernatores, philosophos,

& alios huius notæ homines, dicebat, nullum animal homine sapientius esse. Idem si videret somniorum interpretes, coniectores, &c. aiebat, sibi nihil homine videre stultius. Laer. lib. 6. & Eras. lib. 3. apoph.

Eiusdem.

Idem superstitionem hominum qui in somniis terrentur, hoc pacto deridebat: Quæ vigilantes, inquit, agitis, ea non curatis: quæ verò dormientes somniatis, sollicitè perquiritis. Ad felicitatē enim aut infelicitatem hominis non tam refert quid patiatur in somnis, quàm quid agat vigilans. Ibi quoties aliquid turpe committit, oportebat metuerē deorum iram ac tristem euentum, non si quid dormientibus sit visum. Laer. lib. 6.

Thaletis.

Thales Milesius in interrogatus, quantum distaret à mendacio veritas? Quantum, inquit, oculi ab auribus. Senties, ea demum esse indubitata fidei, quæ contuemur oculis fabulis hominum haud tutò credi. Eòdem pertinet Homericum signentum de somniis, quorum quæ subuolant per portam corneam, vera sunt: quæ per eburneam, vana. Corneæ portæ inuolucro designans oculos, ob coloris similitudinem: eburnæ, os, ob candorem dentium. Eras. lib. 8. apoph.

Zenonis.

Zeno Eleates dicebat, è suis quæque insomniis deprehendere posse, quantum in philosophia profecisset, si nihil illic vel appeteret, vel faceret nefariæ rei. Tum enim animus in profunda tranquillitate constitutus, veros affectus prodit. Còtrà quæ vigilantes non audent profari, aut agere, ea noctu occurrunt in somnis. Laert. lib. 9. cap. 5.

Anonymi.

Quidam somniarat, se videre ouum ex lecti cubicularis fascia pendens illigatum. Id somnium retulit ad coniectorem. Is iussit, ut eo loco foderet: defossū enim esse thesaurum. Fodit, & inuenit, & argenti paululum detulit ad coniectorem, de auro dissimulans. Tum coniector: Quid? nihilne de vitello? Somniator inuenerat aurum argento circumdatum in oui speciem, nec id latuit coniectorem. Eras. lib. 6. apoph.

Indorum.

Apud Indos, quoties rex dormitum abit, pro more aulici tibis canentes accedunt, precantes ut rex bonis utatur somniis, & bene benignè que consulat subditis. Brus. lib. 6, cap. 8.

De so

De sophistica.

Socratis.

SOcrates Euclidi contentiosarum argumentationum admodum studioso: Sophistis, inquit, ô Euclides, uti poteris, hominibus non poteris. Indicans, Sophisticen inutilem ad publicas functiones, quas qui affectat, cum non oportet gryphis & inanibus argutis ludere, sed hominum moribus semet accommodare. Eras. lib. 3. apoph.

Platonis.

Plato Atheniensis quum à Dionysio fastidiretur, poposcit congregiendi copiam. ea data, hunc in modum disseruit: Si quem sentires in Siciliam appulisse hoc animo, ut tibi malè faceret, qui tamen non data opportunitate nihil mali faceret, an hunc impunè dimitteres? Quum Dionysius respondisset, nequaquam ô Plato. Oportet enim hostium non facta solùm, verùm & animi propositum vlcisci. Plato subiecit: Tum si quis tibi bene volens venisset in Siciliam, ut tibi boni quippiam adferret, non faciat autem, destitutus occasione, num par esset hunc nulla relata gratia contemptum abiicere? Dionysio percontante, quis esset ille? Aeschines, inquit, vir morum sanctimonia cum quouis amicorum Socratis conferendus: & qui possit dicendo meliores reddere, cum quibus habeat consuetudinem. Is cum huc, multum maris euentus, adnauigarit, ut suam philosophiam tibi impertiret, hætenus neglectus est. Hæc tam commoda oratio effecit, ut rex & Platonem, cui prius, erat infensor, amplecteretur, & Aeschinem splendide magnificèque tractaret. Laert. lib. 3.

Diogenis.

Diogenes Cynicus cuidam sophisticis argumentationibus colligenti, quòd Diogenes haberet cornua: frontem & tempora manu contrectans: Atqui (inquit) ego non video, Maluit philosophus irridere friuolum enthymema, quàm soluere. Laertius lib. 6. cap. 2.

Eiusdem.

Narratur illud vix credibile de Diogene. Plato sic definierat hominem: Homo est animal bipes, abique pennis. Ei definitioni quum discipuli Platonis applauderent, Diogenes gallum gallinaceum pennis ac pluvis nudatum produxit in scholam: En, inquit, hic est homo Platonis. Itaque definitioni adie-

Etum est, latis vnguibus, quod aues eiusmodi non habent. Laert. lib. 6.

Eiusdem, & Platonis.

Suprà de Disputationibus aut questionibus friuolis.

Eiusdem.

Sophista quidam volens apud Diogenem ostentare acumen ingenii, hunc in modum ratiocinatus est: Quod ego sum, tu nō es. Cum annuisset Diogenes: Ego, inquit, sum homo, igitur tu non es homo. Tum Diogenes: A me, inquit, incipe, & rectè collegeris. Non dignatus est aperire quid haberet vitii ratiocinatio: sed maluit irridere, de tam friuolis nugis sibi placentem. Si sic sumpsisset, Tu es homo: sequebatur, sophistam non esse hominem. Laert. lib. 6.

Zenonis.

Quum Zenon in scholis differens, acutissimis rationibus probaret, nullum esse motum, nec esse posse: Diogenes surgēs, coepit inambulare. Id admiratus Zenon: Quid inquit, agis Diogenes? Confuto, inquit, tuas rationes. Taxans interim inanē ingenii ostentationem. Laert. lib. 6.

Chrysippi.

Suprà de Dialectica.

Stilponis.

Stilpo Megarensis philosophus, callebat argutias dialecticas, quarum vna parum illi feliciter cecidit. De statua Mineruae quam Phidias finxerat, ita percōtatus est: Num Iouis Minerua dea est: Quum responsum esset, est. At hæc, inquit, non est Iouis, sed Phidiae. Id quum esset concessum, collegit: Non est igitur hæc dea. Ob hæc vocem apud Areopagitas impietatis reus peractus est. Ille verò sic conatus est elabi, vt diceret, non negasse illam esse deam, sed deum, hoc est masculum. nam *Deus* apud Atticos communis est generis. attamen iussus est ire exulanti. Theodorus autem cognomento *Abis*, his auditis, dixit: Vnde hoc nouit Stilpo, nisi fortè sublati vestibus inspexit Mineruam? Laert. lib. 2. cap. 12.

Hipparchiae.

Hipparchia Metroclis soror Theodorum impium, cui cognomen erat *Abis*, huiusmodi sophismate contrinxit: Quod faciens Theodorus non diceretur iniuste agere, idem si faciat Hipparchia non diceretur iniuste agere. Quum annuisset ille, subiecit: sed Theodorus seipsum percutiens non diceretur iniuste

Iuste agere, nec igitur Hipparchia si idem faceret. Ad id Theodorus nihil respondit, sed sustulit illius pallium, ut enudaret pudenda. Quum illa nihil hac re turbaretur, obiecit ei versu iambico, quod a muliebribus officiis ad virile institutum defecisset:

τί νι τὰς παρ' ἰσοῖς ἡλικίας λεγούδας: id est,

Radios apud telas reliquit femina. Quidam codices habebant *τί νι*, id est, cui, quidam *τί νι*, legendum suspicor *γυνὴ*, ut omisso articulo legamus, *γυνὴ παρ' ἰσοῖς ἡλικίας λεγούδας*. Cui illa: Num tibi videor malè mihi consuluisse, quæ quod temporis impensura fueram telis, impendi disciplinis? Erasmus ex Lacerii lib. 6.

Aristarchus.

Aristarchus Theodectæ pater dicere solitus est: Olim vixerant septē sapiētes, nunc haud faciliè totidem inuenias idiotas. Notans sophistarum turbam, qui se pro sapientibus iactabant, ut vix superesset qui profiteretur indoctum. Eras. lib. 8. apoph.

Aristonius.

Aristo Chius dicere solebat, dialecticorum argutias similes esse telis areancarum, quod plurimum haberent artificii, minimum utilitatis. Nam is cum cæteris Cynicis putabat logicen ac physicen à philosophia submouendam, solam ethicen diligenter exercendam. Huius sententiæ princeps fuit Socrates. Eras. Rot. lib. 8. apoph.

Menedemi.

Menedemus Eretriensis percontanti cuidam Alexino, an patrem cædere desuisset? respondit: Neq; cæcidi, neque desii. Quū alter subiecisset, oportere soluere ambiguitatem per *vai* & *na*, aut affirmando aut negando: Ridiculum, inquit, est vestras sequi leges, quum liceat in portis occurrere. Alter captabat illum insidiosa percontatione: siue enim respondisset, Desii, siue non desii, agnouisset crimen. ille hoc præsentiens, exclusit sophisticum cauillum. Sic & Socrates apud Platonem obiurgatur à sophistis, quod secus respondeat quàm ipsi esset commodum. Lacer. lib. 2. cap. 18.

Demonax.

Demonax adolescenti lasciuius culto, qui quæstionem sophisticam proposuerat, nihil aliud respondit, quàm, *ωῖ παῖρ ὦ παῖ*. Vox anceps est, ad conficientem quod colligit: & ad obsecrum sensum. Quumq; adolescens indignatus respondisset. At ego

At ego tibi virū ostendam: Demonax admiranti similis, Quid inquit, num etiam virum habes? Eras. lib. 8. apoph.

De sorte.

Catonis.

Cato Uticensis, quum partes in conuiuiis fortirentur, nec illi fauisset fors, amicis hortantibus vt primus omnium caperet, *du l'exas*, inquit, *ixes de l'ours à ppo d'ours*, id est, non decet inuita Venere. Tam natura iustus erat, vt præter sortem amicorum fauore noluerit vti. Veneris iactus felix erat in talis. Eras. lib. 5. apoph.

Philoxeni.

Suprà de Facetè & Jocose dictis:

Dionysij sen.

Suprà de Ominibus.

De speculo.

Socratis.

Socrates iuuenes hortabatur, vt se in speculo intuerentur: vt si formosi essent, digni ea specie fieret: sin deformes, eam deformitatem et uisione tegerent. Brus. lib. 6. capit. 16.

Platonis.

Plato ebriis iratisque præcipiebat, vt se in speculo ita affectos intuerentur, vt per oris deformitatem vitia fugerent. Brus. lib. 6. capit. 16.

Seneca.

Seneca ideo inuenta esse specula dicebat, vt homo se nosceret: formosus, vt vitaret infamiam: deformis, vt sciret remediū esse virtutem. Seneca lib. 1. Quæst.

De spectaculis.

Diogenis.

Diogenes Cynicus Dionysia certamina, quæ Athenis in honorem Bacchi magnis impendiis pompaque celebrabantur, appellabat magna stultorum miracula. quod in his nihil non ridiculum ageretur. Laertius lib. 6. capit. secundo. Eras. lib. 3. apophth.

Demonastis.

Demonax Cynicus philosophus, quum videret Athenienses hoc agere, vt Barbarorum exemplo gladiatorum spectacula in urbem inducerent: Nolite, inquit, o canes istam crudelitatem prius

prius admittere in ciuitatem ueſtram, quàm Miſericordiæ arā ſiris demoliti. Significans, non conuenire, in ea ciuitate, in qua Miſericordia pro dea coleretur, ſpectari plus quàm ferinā crudelitatem. Eraſ. lib. 8. apoph.

Anacharſidis.

Anacharſis Scythia aiebat ſe demirari, quā conueniret, vt Greci, qui legibus ſuis violentiam & iniuriam puniunt, athletas ob hoc ipſum honorarent, quod ſe mutuò percuterent. Salsè damnans crudelem populi voluptatem, ac in moribus inconstantiam. Quod enim iniuſtum eſt, ſemper iniuſtum eſt. ~~Quod quā~~
~~habetur, ut in legibus, ut in moribus, ut in~~
~~habetur, ut in legibus, ut in moribus, ut in~~
diatoſum pugilum & athletarum deliciis liberati ſumus per Chriſtum. Eraſ. Rot. lib. 7. apoph. ex Laert. lib. 1. cap. 9.

De ſpe.

Thaletis.

Thales Mileſius interrogatus, quid maximè commune eſſet omnibus? Spes, reſpondit. Stob. ſer. 108.

Biantis.

Bias roganti cuiſciam, quid eſſet dulce hominibus? Spes, ait. Bruſo. lib. 6. cap. 11.

Anonymi.

Rhodium quidam, ob intempeſtiuam libertatem à tyranno coniectus in caueam, in qua more nocentis beſtiæ aiebatur ad cruciatum & ignominiam, amputatis naribus ac ſœdata vulnerebus facie, quum ab amicis admoneretur, vt inedia ſibi malorum finem quæreretur: Cuncta, inquit, homini quoad viuūt ſperanda ſunt. Citius illum laudari, quàm iſtos qui ob cauſas nō admodum graues confugiunt ad laqueum, aut ad præcipitium. Eraſ. lib. 8. apoph.

Democriti.

Democriti circunfertur talis ſententia: Spes rectè ſapientium voti compos fieri poteſt: inſipientium verò impoſſibilis eſt. Stob. ſer. 108.

Socrati.

Socrates philoſophorum ſapientiſſimus dicere ſolebat, neque mulierem ſine viro, neque ſpem bonam abſque labore quicquā vtile parere. Stobæus ſer. 108.

Finſilem.

Eiusdem.

Idem dicere solebat, Spem malam nihil aliud esse, quàm pessimam viâ ducem, qui ducat ad grauissimâ quæque peccata. Stobæus sermone 108.

Platonis.

Plato dicere solebat, spes esse vigilantium somnia. Ad quod alluisse videtur Virgilius, quum ait,

An qui amant ipsi sibi somnia fingunt?

Nam dictu mirum est, quàm varias imaginationes patiantur in animo suo, qui vehementer sperant aliquid. Atque his inani-bus simulachris perinde semet oblectant, ac si iam teneret quæ sibi pollicentur. Aelianus lib. 13. de Var. histor.

Diogenis.

Diogenes interrogatus, quidnam in vita extremum esset? Spes, dixit. Stob. ser. 108.

Herodis.

Herodes ad confirmandos aduersus Arabas suorum animos: Fallax, inquit, spes est, quæ non suis viribus nititur, sed alienis aduersis. Bruson. lib. 6. cap. 11.

Aristotelis.

Aristoteles Stagiritis olim interrogatus, Quidnam esset spes? respondit, Vigilantis somnium. Multa enim sibi promittunt inania, qui spe rerum futurarum ducuntur. Laertius lib. 5, cap. 1. Bruson. lib. 6. cap. 11.

Alexandri M.

Alexâder Macedo apud Granicum Martem experturus, hor-tabatur Macedones vt affatim pranderent, veluti postridie ex hostium comœatu cœnaturi. Præsens animus, ac de belli euen-tu fidens ac securus. Plutar. in apoph. reg. & imperatorum.

Eiusdem.

Idem posteaquam in expeditionem profectus, regias opes pe-nè omnes in milites ac duces distribuisset, roganti Perdiccæ, Quid tibi nûc rex superest? Spes, inquit. Hic Perdiccæ: Hæc, in-quit, nobis commilitonibus tuis futura communis est, & præ-dium quod ipsi designarat Alexander, recusauit. Tanta erat fi-ducia, bene successuram expeditionem. Plutar. in Alexan. Brus. lib. 3. cap. 28.

Catonis sen.

Cato senior de spe sic prædicasse narratur, autore Plutarcho, quòd quæ magna essent, pusilla faceret: quæ pusilla, prorsus nul-la. sen

la. sentiens, opinor, de periculis. Victoriæ spes extenuat omnia quæ solent à bello detertere. Eras. Roterod.

C. Cæsaris.

Obsecrantibus Cæsarem amicis, ut præsidio corpus muneretur, multisque ad id operam suam pollicentibus, negavit se hoc facturum: Satius esse dicens semel mori, quam assidua spe & expectatione perdere. Brus. lib. 6. cap. 11.

De statuis, simulachris, atque imaginibus deorum.

Socratis.

Socrates aiebat se mirari, quòd quum statuarum artifices id summo studio conniterentur, ut lapis quàm simillimus homini redderetur, non pariter hoc curarent, ne ipsi lapidibus similes & viderentur, & essent. Sunt autem qui putent, Socrate, prius quam ad ocium philosophiæ sese conferret, statuarum opificem fuisse. Eras. lib. 3. apoph.

Diogenis.

Diogenes Laertius dicebat, bonos viros deorum esse simulachra. Deorum, quum sint optimi, naturæ proprium est, benefacere omnibus nocere nemini. Hæc imago melius relucet in sapientibus ac bonis viris, quàm in statuis, quum dii sint in corpore rei. Laert. lib. 6.

Eiusdem.

Diogenes interrogatus aliquando à tyranno, è cuiusmodi ære potissimum oporteret fieri statuas? Ex eo, inquit, ex quo fusi sunt Harmodius & Aristogiton. innuens, illum esse tollendum, quòd illi tyrannicidæ fuerint. Ibidem.

Eiusdem.

Idem solitus est interdum adire statuas, & aliquid ab illis petere. Demirantibus, quid id faceret? Ut consuescam, inquit, non commoueri, si quando ab hominibus non impetro quod peto. Ibidem.

Scipionis.

Scipio iunior cum Carthaginem iam expugnatam comperrisset statuis deorum Græcæ ac monumentis è Sicilia deportatis omnium refertissimam, per præconem edixit, ut qui illarum essent urbium, agnoscerent illa, ac referrent domum. De pecuniis verò nec seruum nec libertum passus est quicquam capere, ac ne emere quidem, quum aliqui quilibet passim ferrent,

rent,agerentque.Plur.in Rom.apoph.

De statuarum vanitate, & contemptu.

Fauorini phil.

FAuorini philosophi statuam aream Athenienses deiecerāt, eo quòd Hadriano Cæsari infensissimus fuisset. Id posteaquam philosopho nunciatum est, nihil planè commotus, dixit: Vtilius erat Socrati ab Atheniensibus areā priuari statua, quā haurire cicutam. Contempsit vir prudentissimus, statuæ gloriam, vita incolumi. Philostratus.

Diogenis.

Infrà de Sumptibus Superuacaneis.

Agésilai.

Agésilao Lacedæmoniorum regi cūnationes, quæ tum Græciam incolebant, decreuissent, in clarissimis quibûsque ciuitatibus honoris causa statuas erigi, rescriptis illis hunc in modum: Mei nulla sit imago, neque picta neque ficta, neque vlllo alio artificio parata. Negligeat adulationes horum vir prudentissimus, malens insculpi prudentum & bonorum hominum pectoribus. Plut.in apoph. Lacon. Eras.lib.1.apoph.

Eiusdem.

Idem Agésilaus cum discessisset ab Aegypto, patriam repertens, morbo implicitus in portu qui Menelai dicitur, ac breui post moriens, mandauit iis qui aderant, ne quam fictilem aut aliàs imitatam corporis sui imaginem facerēt: Si quod, inquit, præclarum facinus gessi, hoc erit monumentum mei: sin minus, ne omnes quidem statuæ, cum sint vilium ac nullius rei opificum opera, illustrabunt mei memoriam, Quis non miretur in bellatore pectus tam philosophicum? Plu.in Lacon.

Alexandri M.

Alexander Magnus cum multas statuas Mileti vidisset, corū qui in Olympiis ac Pythiis vicerant, easque prægrandes: Vbi, inquit, erant tam magna corpora, cum barbari vestram urbem obliderent? Salsè taxauit illorum stultam ambitionem, & in statuis tantum positam virtutem, in corde verò timiditatem. Eius dictum leges apud Plutarchum in regum & impp.apoph.

Frontini.

Suprà de Gloriæ contemptu.

Caton

Catonis.

Cato senior conspiciens multorum erigi statuas: Malim, inquit, ut de me quarant homines, quam ob rem Catoni non sit posita statua, quam quare sit posita. Sentiens, se malle res præclaras gerere, ut olim scientes illum promeruisse statuam, mirerentur non esse positam. Plut. in Roman. apoph. & Plinius lib. de Viris illustribus.

Scipionis.

Scipio maior, Corinthiis pollicentibus se illi statuam posuturos eo loco quo erant aliorum imperatorum: respondit, sibi displicere turmales. Sentiens, in turba occultari quod additur. Turma propriè equitum est in bello. Id transtulit ad statuas armatas. Eras. lib. 6. apoh.

De stulticia qua mortales delectantur, relictis & contemptis rebus serijs.

Bionis.

BIon interrogatus, quid esset stultitia? respondit: Amentia est, & proficiendi impedimentum. Stobæus sermone 12. de Imprudentia.

Diogenis.

Diogenes Cynicus cum aliquando de re seria differens, nullum haberet auscultatorem attendentem, coepit ineptam cantionem canere, veluti saltaturis. Vbi iam plurimi concurrissent, obiurgauit illos, quod ad stulta & inepta frequentes & alacres accurrent: ad seria verò & ad bene viuendum vtilia, nec alacriter conuenirent, nec diligenter auscultarent. Huic simillimum est, quod Demostheni quidam abscribunt, de vmbra asini. Laertius lib. 6.

Stilponis.

Q Stilpon interrogatus, quid statua durius esset? respondit, Homas stolidus. Stobæus ser. 2. de Imprudentia.

Demosthenis.

Demosthenes quodam tempore, cum populus obstrepere dicenti, ait se breue quiddam velle illis narrare. Facto multitudinis silentio: Adolescens, inquit, quidam æstiuo tempore asinum conduxerat, ab Athenis Megaram vsque. Sole verò circa meridiem vehemèter æstuante, vterq; volebat subire vmbra asini, sed vterq; alterum prohibebat. hic dicebat, asinum con-

ductum, non vmbra: alter contendebat, per conductionem & asini & vmbrae ius esse factum. Atq; hæc locutus Demosthenes, abiit è suggesto. Populo verò retinenti, ac narrationis finem flagitanti: De asini, inquit, vmbra audire cupitis, de rebus seriis loquentem audire non vultis. Brufon. lib. 7. cap. 17. Eras. lib. 8. apoph. Vide Chiliades. Eras. de Asini vmbra.

Plistarchi.

Cum patronus quidam ridicula loqueretur in causa, Plistarchus interpellans illum, dixit: Non tu cauebis amice perpetuò risu digna dicere, ne, quemadmodum qui assiduò palæstricam exercent, palæstritæ fiunt, ita tu fias ridiculus? Sensit vir egregius, raris lapsibus dādam esse veniam, ceterum quum error transit in habitum & consuetudinem, fit immedicabile. Expedit autem, hac Plistarchi interpellatione amicos crebrius peccantes reuocare, ne peccandi colligant vsum, & vitium transeat in naturam. Plut. in Lacon.

Catonis.

Cato senior, qui in rebus ridiculis seriam operam ponerent, eos dicebat in seriis fore ridiculos. Significans, assuetos ridiculis, ob habitum collectum, in seriis negotiis ita se gerere, vt non solum rideantur, sed etiam derideantur. Plut. in Ro. apop.

De Studio, Vide tit. de Diligentia.

De Sui cognitione, Vide tit. Cognitionis sui.

De sumptibus superuacaneis.

Diogenis.

Diogenes taxabat in hoc hominum insaniam, quòd res preciosas minimo emerent, venderentque vilissimas plurimo. Statuam enim tribus nummum millibus emi, quum farine chœnix duobus æreis veniret. At statua nihil opus ad vitam, sine farina viuere non licet. Conueniebat igitur farinam multo statuis esse cariorem. Philosophus precia rerum æstimabat vsu naturali, vulgus æstimat stulta persuasione. Laertius lib. 6.

Cratetis.

Cratetis celebratur ephemeris, ad hunc habens modum: Ponito coquo minas decem, medico drachmam: adulatori talenta decem, consiliario fumum, scorto talentum, philosopho triobolum. Notabat hominum stultitiam, qui in res honestas & cum

& cum primis necessarias minimum sumerent impendii, ad turpia prodigi. Laert. lib. 6. cap. 5.

Carilli.

Carillus rogatus cur comam Lacedæmonii gestarent? quia ex omnibus, inquit, ornatibus hic est minimè sumptuosus. Brusonius lib. 6. cap. 12.

Scopa.

Scopas Theſſalus ſtatuarum artifex, demiranti cur in adibus ſuis Apelles tantum haberet rerum ſuperuacanearum & inuſitatarum: Imò his, inquit, ſuperuacaneis felices ſumus ac beati, non illis neceſſariis. Quum ea quæ ſunt vitæ neceſſaria, ſint ſuapte natura præcioſiſſima: tamen quia quotidiana ſunt, multisque communia, contemnuntur. Cæterum, quanti ſint præcii, declarat extrema neceſſitas: quæ ſi incidat, quilibet libens omnes geminas, aulæ & aurum ſuum vno pane commutet. Cætera magis ad oſtentationem pertinent, quàm ad ſalutem. Suſpisor hunc eundem eſſe, de quo refert M. Tullius lib. 2. de Oratore: Quum cœnaret Crandæ in Theſſalia Simonides, apud fortunatum hominem & nobilem, cecinissetque id carmen, quod in eum ſcripſiſſet, in quo multa de laudibus Caſtoris & Pollucis admiscuerat, quod ornandi gratia poëtæ ſolent facere: Scopas dixit, dimidium ſe eius quod pactus eſſet pro carmine daturum: reliquum peteret à ſuis Tyndaridis, quos æquè laudaſſet. Quidam ſoli volunt laudari. Euocatus eſt Simonides per duos iuvenes, qui nuſquam poſtea viſi ſunt: interim ruina conclauis Scopas obtritus eſt cum ſuis conuiuiis, incolumi Simonide. Eraſ. lib. 6. apoph.

Herodis ſapliſt.

Herodes ſophiſta viginti pueris ob virtutem compluribus in locis ſtatuas poſuerat. Hac de re quum accuſaretur à Quintiliis Græciæ præfectis, quòd ſuperuacaneis impendiis indulgeret: Quid, inquit, vobis incommodu eſt, ſi ego ludo de ſaxis meis? Philoſt.

Leontychidæ.

Leontychidas primus apud Lacones rex, quum cœnaret apud quendam, cerneretque rectum domus ſumptuoſo apparatu factum, ac lacunaribus ornatum, rogauit hoſpitẽ, num ligna apud eos quadrata naſcerentur? Luxuriam & ſuperuacaneum ſumptum notans. Plutarch.

Vide tir. Nouitas & Raritas delectat,

Heliogabali.

Heliogabalus Ro. imperat. amabat sibi precia rerum quæ mensæ apparabantur, maiora dici quàm essent: hanc esse dicens conuiuio orexim: q̃ magis illa iuuant, quæ pluri emuntur, vt ait Satyricus. Aelius Lampridius.

*De superbia.**Democratis.*

Democrates iam senex, ascendens in arcem Athenis perquam anhelosus: Idem se facere dixit, quod vniuersa ciuitas Atheniensium soleret. Nempe se magnum quidem spirare, parum autem valere. Stobæus ser. 20.

Antisthenis.

Antisthenes quum Platonis superbiam notare cuperet, fortè in pompa equum hinnientem frementemque aspiciens, ad Platonem versus, ait: Tu profectò meo iudicio præclarus fuisses equus, est enim equus animal superbissimum. Bruso. 6. 5.

Zenonis.

Zeno Citticus in quèdam circa formæ curam studiosiorem quam deceret virum, quum imbricem lenè ac circumspectè transiret: Meritò, inquit, suspectum habet lutum, in quo non potest seipsum vt in speculo cernere. Laert. lib. 7. cap. 1.

Aristotelis.

Aristoteles adolescentulum superciliis sublatis superbientem conspicatus, sed nulla scientia præditum: Adolescentule, inquit, vtinam talis essem, qualis ipse tibi videris: qualis autem reuera es, tales fiant hostes mei. Antonius in Melissa, parte 2. sermone 74.

Eiusdem.

Idem cum animaduertisset sumptuosa chlamyde adolescentulum, se iactantem: Non defines, inquit, adolescentule quis pelle gloriari? Anton. in Melissa, eodem ser.

Socratis.

Socrates interrogatus, quinam essent mechanici? respondit: Qui sui similes spernunt. Sensit autem vir sapientissimus, eum nequaquam libero homine dignum esse, qui superbiens in re sua, alios præ se contemneret. Stobæus ser. 20.

Eiusdem.

Idem Alcibiadem intuitus ob diuitias inflatum, & superbiemtem opibus prædiisque, in quendam ciuitatis locum duxit

xit ipsum, in quo suspensa erat tabula terræ circuitum complexa. Iussit igitur Alcibiadem Articam in ea requirere. quam ut inuenit, sua etiam prædia inspicere præcipit. quæ cum Alcibiades nusquam esse picta diceret: Cur igitur, Socrates inquit, ob illa superbis, quæ circa nullam terræ partem existunt? Stobæus ser. 20. ex Aeliani historia.

Platonis.

Plato Atheniensis quum aliquando conscendisset equum, mox descendit, dicens, se vereri μή ιπποτυφία λησθῆ, id est, ne equestri fastu corripereetur. Superbū animal est equus: & equitare quiddam habet magnificum, parūque philosopho dignum. Laertius lib. 3.

Diogenis.

Suprà de locosè dictis.

Aesopi.

Aesopus à Chilone rogatus, Quid faceret Iupiter? Excelsa, inquit, deprimat, extollit humilia. Brusonius lib. 6. cap. 5.

Eiusdem.

Idem comatulum iuuenem nimium affectato ornatu conspicuum intuitus: Si te, inquit, tam exquisitè comas virorum gratia, planè ludis operam: sin mulierum, iniquus es, aut improbus. Stobæus.

Chrysippi.

Infra de Triumphis.

Philonis vxor.

Philonis vxor interrogata, quamobrem sola ex aliis in conuentu non gestaret ornatum aureum, dixit: Quoniam pro ornamento mariti, virtus mihi sufficit. Stob. ser. 72.

Archidami.

Suprà de Arrogantia.

Demonactis.

Demonax corporis curatores, sui autem negligentes, propositos esse existimabat: & similes iis qui domos quidem curant, sed domesticos negligunt. Maxi. ser. 1.

Laconis.

Laconem hospes, quem pridè declinauerat, postridè stragulis commodatò sumptis splendide excepit. at ille stragulis conculcatis, dixit: Propter has heri ne storiis quidem indormire licuit. Lepidè risit illorum morem, qui quum sint tenues, tamen affectant videri diuites, corrogata aut cōducta supellestile: quod maximè solent in excipiendis hospitibus, in nuptiis

aut alioqui solennibus epulis. Porro quum ineptum sit ostentare tuas diuitias: quanto magis ridiculum est ostentare supellectilem alienam, interdum ab vsurariis sumptam? At Lacedæmonii non solum oratores regum, verum ipsos etiam reges ad sua phiditia inuitabant, eam frugalitatem sibi magno etiam honori futuram existimantes. Plut. in Lacon.

Agésilai.

Menecrates quidam medicus, quum desperatæ quædam curationes ipsi foeliciter celsissent, populari adulatione dictus est Iupiter. Quo cognomento vir superbissimi ingenii oblectatus, cum Agésilao scriberet, & hac salutatione vteretur, Menecrates Iupiter Agésilao regi salutem: Rex eius superbia læsus, literas non lætas abiicit, & medico hunc in modum rescripsit: Aex Agésilaus Menecrati sanitatem. Qua salutatione infanum hominem esse iudicabat, qui homo fragilitati obnoxius, superbia tamen elatus, diuinos sibi honores tribueret. Plutarc. in apoph. Lacon. Aelia. lib. 12. de Var. hist.

Demetrij Phal.

Demetrius Phalereus in hominem superbum, & multo fastu turgidum, dicebat, altitudinem circumeidi oportere, sensumque relinquere. Brus. lib. 6. cap. 5.

Artabani.

Artabanus dissuadens Xerxem ab expeditione contra Græcos: Vides, ait, vt prægrandia animalia fulmine Deus feriat, nec insolescere sinat: parua verò nihil lædat? Vides, vt magna sæpe ædificia, magnæque arbores huiusmodi fulminum tela percutiunt? Gaudet enim Deus, eminentissima quæque deprimere. Herodotus & Brus. lib. 6. cap. 5.

Olympia.

Olympias Alexandri mater, cum audiuisset longo tempore iam filium sepulchro carere, grauiter ingemiscens, atque acerbissimè plorans: O fili, inquit, tu cum in deorum numerum referri volueris, & id perficere summo studio conatus sis: nunc neque illorum quidem, quorum omnibus mortalibus æquale & par ius est, particeps fieri potes, terræ sepulturaeque. Et sic simul infortunium suum luxit, simul etiam fastum & inanem filii superbiam taxauit. Aelianus lib. 13. de Varia historia.

Amphie.

Tharsius Amphias cum ex hortulano potens esset factus, &
in ami

in amicum quasi degenetem nonnulla dixisset, mox subiecit:
Scilicet & nos ex eisdem seminibus sumus. *Brut. lib. 6.*

Phrynes.

Suprà tit. de Fuco.

Thaidis.

Thais glorioso cuidam amatori, qui quum multa pocula sumpisset commodato, diceret se velle illa confringere, aliâque parare: Perdes, inquit, quod cuique proprium est. Ambiguo sermone notans, esse commodatitia. Poterat autem intelligi, si consentur, perire quod cuique poculo proprium est. *Eras. lib. 6. apoph.*

C. Sulpitij.

C. Sulpitius Gallus vxorem suam repudiavit, eo quod comam probè ornans, ex ædibus egressa esset, inquiens: Lex tibi meos vnus præfinit oculos, quibus formam tuam approbes: his ornamenta comparato, his esto speciosa: aliis velle videri formosam, in suspitione & crimine hæreat necesse est. Probè castigauit mores vxoris suæ Sulpitius, qui putauit ornatum vxoris eò spectare, vt aliis viris melius quam marito placeat: *Eras. lib. 6. apoph.*

Augusti Cas. & Iulia F.

Iulia Caesaris Augusti filia immoderato vestitu superbiens, dum patrem adit frugalitati inseruientem, eum maximè offendit. At cum postero die honestiori vestitu induta, patrem salutasset, Augustus dixisse fertur: Quantum in filia Augusti probabilior hic cultus, quam hesternus? Cui respondit: Rectè quidem: sed hodie me patris, heri verò viri mei oculis ornavi. *Macrobius. Satur. lib. 2. cap. 3.*

Iulia Aug. F.

Eadem Iulia cum ultra modum superbiret omni corporis cultu, admonita à quodam, vt se ad paternæ frugalitatis exemplum componeret, respondit: Pater obliuiscitur se Casarem esse, ego verò memini me Caesaris esse filiam. *Ibidem.*

Pamponis.

Pambo quidam apud Athanasium cum Alexandriæ esset, vidissetque mulierem maximo vestitus apparatu superbiientem, fleuit. At interrogatus, cur tantopere lachrymas effunderet? respondit: Duæ res sunt quæ me mouent. Vna quidem, quæ est huius mulieris perditio. Altera verò, quod ego, qui nomen Christiani profiteor, non tantum studeo placere Deo vitæ in-

nocentia, quantum hæc mulier turpibus placere, cupit hominibus. Petrus de Natalibus Eccles. hist. lib. 8. cap. 1.

Vide titulum, de Ambitione & Arrogantia.

De superbia ex sordibus.

Socratis.

Socrates quum videret Antisthenem, attritam partem vestis semper in conspectum protendere: Quin definis, inquit, arrogantius superbiam tuam nobis prodere? Vidit philosophus sapientissimus, Antisthenem magis gloriari vestitu attritissimo, quo laudem quærebat, quam alios, qui holoserico, vel auro etiam aut argento vestiti in publicum prodire cōsueverant, ab omni superbia alieni. Laert.

Diogenis.

Diogenes quum vidisset Olympiam, & Rhodiacos quosdam adolescentes preciosis magnificisque vestibus amictos, cum risu inquit: Hoc nihil est præter fastum. Deinde cum incideret in Lacedæmonios laceris squalēribusq; tunicis amictos: Hæc, inquit, longè alia est superbia. Vidit autem philosophus, superbum animum nō semper splendido & ornatissimo vestitu elucere, sed in sordibus etiam: dum homines opulentissimi sæpenumero vilissimo vestitu incedentes, hominum ex eo laudem superbientes venentur. Ael. lib. 9. de Var. hist.

Vide tit. de Ambitione ex sorde.

De superstitione.

Crateth.

CRates Thebanus philosophus, quum pro quodam supplicaret gymnasii principi, procumbens attigit coxam illius pro genibus. nam supplices ex more genua contingebant. Indignanti gymnasiarcho: Quid, inquit, an non hæc æquæ tuæ sunt, ac genua? Notans obiter vulgi superstitionem, qui certa membra certis rebus dedicauit: velut aurem memoriae, nasum irrisioni, genua misericordiae, quum hæc ad totum hominem pertineant. Laert. lib. 6. cap. 5.

Diogenis.

Suprà de Aqua lustrali.

Eiusdem.

Idem cuidam vehementer superstitioso, ac lemurum lararumque terroribus obnoxio, necem ipsi minanti, dicentique.

Vico

Vnico ictu tibi perfringam caput: At ego, inquit, si id feceris, tibi sinister astant, vt contremiscas efficiam. Significans, se mortuum etiam illum terrere posse, à quo viuus contemnebatur. Hic tamen affectus & plurimos habet, qui quum sint aduersus viuos feroces, aduersus vmbras sunt formidolosissimi. Ibidem.

Eiusdem.

E ficu quadam fructus decerpenti Diogeni, quum horticustos dixisset, Ex ista arbore ante paucos dies homo quidam se suspendit: At ego inquit, illam purgabo. Arbitrabatur ille fore, vt Diogenes admonitus, abstineret à funesta arbore, quæ gestasset cadauer. At ille liber ab omni superstitione, nihilo impuriore fructus arbitrabatur. Laert. lib. 6.

Eiusdem.

Suprà de Initiatione sacerdotali.

Diagora.

Suprà tit. de Sapienter dictis.

Periclis.

Pericles, quum vrgeret belli necessitas, Palladis ornamenta vendidit quadraginta talentis auri. & admirantibus ab illo rem sacrilegam admitti. respondit, Ex hostium manubiis posse illi reddi cultum nihilo deteriore. Eras. Roterod. recitat lib. 8. apoph.

Agésilai.

Agésilas rex quum adstantem aræ Palladis, cui apud Spartanos ab æreo delubro *χελνίσκου* cognomen est, vt bouem immolaret, momordisset pediculus, non auersus est, sed arreptum palam omnibus occidit: Per deos, inquiens, equidem insidiatorem lubens vel in ipsa ara. videlicet declarauit animum nec inepto pudori, nec superstitioni obnoxium. Plut. in Lac.

Demonactis.

Demonax accusatus, quod nunquam sacrificasset Mineræ: Nunquam, inquit, existimaui illi meis victimis opus esse. notans ineptam vulgi superstitionem, qui putabat deos hostiarum nidore delectari. Eras. lib. 8. apoph.

Eiusdem.

Idem cuidam dicenti, Eamus in Aesculapii templum ô Demonax, pro filii salute deprecaturi deum: Adeone, inquit, surdastrum existimas deum, vt nos nisi in templo non sit auditurus? Eras. lib. 8. apoph.

Lycurgi.

Cum Thebani consulerent Lycurgum de sacrificio, luctuque quem illi Leucothea solent facere: Si, inquit, deam esse creditis, ne lugeatis: Sin hominem, ne vt dea rem diuinam faciatis. Mirè taxauit Thebanorum ritus, secum pugnantes. Non enim cōueni, simul lugere & sacrificare: hoc est, ab ea petere opem, quæ ipsa sit in calamitate, ac lugenda. Plut. in Lacon.

Leontychidae.

Cum portæ Leontychidi proximæ clauem draco circumuolutus esset complexus, idque augures affirmarent esse portentum: Mihi, inquit, nequaquam videtur: sed si clauis fuisset circumplexa draconem, portentum erat. Lepidè irrisit hominū superstitionē, qui terrentur his quæ casu, nec præter naturā accidunt. Hunc mortalis ingenii morbū alunt augures, arioli, aruspices ac diuini. Verūm vbi quis præter rectum & honestū instituit nefaria consilia, tum oportebat horrere portentum, & aliquid magni mali sequiturū expectare. Plut.

Eiusdem.

Philippus quidam erat proficiens Orphei mysteria, & his alios initiare solitus. is quum esset extremæ paupertatis, tamen apud Leontychidam diceret, eos qui apud ipsum Orphei sacris initiati essent, post obitum fore beatos: Quin igitur, inquit, & demens quā ocyssimè vitam abrumpis, vt desinas infelicitatem tuam ac inopiam deplorare: O animum ab omni superstitione liberum. Post hanc vitam felices erunt, qui hic piè iustèque vixerint, non qui fictis ceremoniis fuerit initiatus. Hoc persuasum erat Lacedæmoniis, qui hic piè vixissent, eos ab obitu fieri diuos. Plutarch. in Lacon.

Annibalis.

Rex Prusias, cum apud eum Annibali exulanti pugnare placeret, negabat se audere, quod exta prohiberent: An tu, inquit, carunculæ vitulinæ inuis, quā imperatori veteri credere? Cicero lib. 2. de Diuinatione.

Luculli.

Lucullus, quum in Armenia cum decem millibus armatorum, & mille equitibus aduersus Tigranem tenderet, centum quinquaginta hominum millia habentem in exercitu, pridie nonas Octobreis, quo die prius Scipionis copiae deletæ fuerant, quodam admonente, quod Romani diem illum vt nefastum & inauspicatum metuerent: Ergo, inquit, hodie alacriter pugnemus,

gnemus, vt hunc quoque diem ex nefasto funestóque Romanis hilarem & auspicatum reddamus. Plut. in Rom. apoph.

M. Crassi.

M. Crasso conflicturo cum Parthis, exta è manibus deciderunt, hoc tum cæteris vt inauspicatū interpretantibus. ac prælium dissuadentibus: Huiusmodi, inquit, incommoda multa nobis senectus adfert: at arma tamen nunquam è manibus mihi ceciderunt. Plut. in vita Crassi.

Catonis.

Vetus illud Catonis admodum scitum est, qui mirari se aiebat, quòd non rideret aruspex, aruspice cum vidisset. Quora enim res quæque euenit, prædicta ab illis: aut si euenit quippiam, quid adferri porest, cur non casu euenierit? Cicero lib. 2. Diuinatione.

Nonij.

Nonius cum plurimum auguriorum superstitionem obseruaret, & certum euentum ex his rimari putaret, ad Ciceronem ait, septem aquilas in castris Pompeii captas esse. Cuius superstitionem deridens Cicero, ait: Rectè moneres, si aduersus picas nobis pugnandum esset. Blondus lib. 1. de Roma triumphante.

Alphonfi.

Alphonfus Aragonum rex, cum triūphalem currum ascenderet, non defuerunt qui admonerent, vt triumphantium more vultum minio illiniret. Verum rex cum hoc contemneret, dixisse fertur, minium Baccho soli conuenire, qui non solum triumphi, sed vini etiam repertor extitisset. Antonius Panormita de reb. gest. Alphonfi.

De suspitione vitanda.

Lysandri.

Lysander Lacedæmonius militem qui de via deflexerat, castigauit. Ei dicenti, ad nullius rei rapinam se ab agmine recessisse: Ne speciem quidem, inquit, rapturi præbeas volo. Eras. Rot. lib. 6. apoph.

Phocionis.

Athenienses cum ex oraculo intellexissent, in ciuitate vnicum tantum esse virum, qui cunctorum sententiis aduersaretur: populus vociferans, iubebat illum statim inquiri vt occideretur. Phocion autem cum varias suspiciones esse in viros bonos

bonos intelligeret: Ego sum ille, inquit, de quo dicit oraculum. Et hæc quidem ideo dicit in summo constitutus periculo, ne su spicio ad innocentem aliquē deuolueretur. Plut. in Græc. apoph.
Aeschini.

Infrà de Temperantia.

Olympia.

Olympias quum accepisset Alexandrum filium (vt alii, Philippum maritum) adamare fœminam, à qua putabatur amatorius venenis corruptus, accersiu ad se mulierem: quumque præter insignem formam, comperisset in ea mores liberales, & ingenium egregiè dextrum: Valeant, inquit, qui te insimulant veneficii. Nam tute quidem pharmacum in te ipsa ac philtrum habes. Eras. lib. 6. apoph.

DE TEMERITATE.

Demonactii.



Emonax quum aliquando in balneis refugeret ingredi aquam feruentiorem, & alius illum appellaret meticulosum: Quid, inquit, an hoc pro patria passurus essem? Sentiens, temeritatis esse, non fortitudinis, subire periculum, ni ob causam grauem & honestam fiat. Eras. lib. 8. apoph. thegma.

Demothenis.

Quum Athenienses gestirēt Harpalo ferre suppetias, iamque in Alexandrum armarentur, derepentē apparuit Philoxenus, quem Alexander maritimis negociis præfecerat. hic, quum populus metu attonitus consilesceret: Quid facerent, inquit Demothenes, si solem videant, qui non possunt obtueri lucernam? Ita populo temerarios motus exprobrauit. Eras. lib. 4. apoph.

Antigoni.

Antigonus rex cum audiuiſſet filium in extraordinario conflictu ab hostibus interfectum esse, nil aliud dixit quàm: Sero nimis interiisti, mi fili, qui tam temerè in hostes te conieceris, neque tuæ salutis, nec meorum monitorum memor. Sensit vir prudentissimus, cum meritò perire, qui nec suæ salutis, nec bonorum virorum monitorum memor, temerè in periculum se coniecit.

coniciit. Erasmus in Declamatione de morte.

Fabij Max.

Fabius Maximus cum audiret Minutium collegam, qui cœlites nonnullos hostes iam deiecerat, multum laudari, ait semagis secundam Minutii collegæ fortunam, quam aduersam pertimescere. Sentiens, illius temeritatem periculosissimam esse Reipub. quam si rerum successus attolleret, in extremum discrimen adducturam vniuersum populum Romanum: sed aduersis casibus futuram moderatiorem. Plut. in Roma. apoph.

Eiusdem.

Minutius, quum Fabium tanquam cunctantem in senatu in simulasset, quod præ timore pugnam detrectaret, partitusque esset cum Fabio copias, eoque inuito prælium cum Annibale iniisset: Ita est, inquit Fabius, non celerius quam timui deprehendit fortuna temeritatem. Brut. lib. 3. cap. 16.

Scipionis.

Scipio Africanus dicere solebat, in re militari turpe verbum esse, Non putaram: quòd aliis in rebus interdum locus datur, malè instituta posterioribus consiliis melioribus corrigere: cæterum quæ ferro peraguntur, ea non oportet temere aggredi, quòd hic error ferè est inemendabilis. Idem dictum locum habet & in his, quæ semel facta mutari non possunt: vt in ducenda vxore, in sacris ordinibus. Plutar. in eius vita.

Augusti Cæs.

Augustus Cæsar, eos qui leuem ob causam periculis se exponerent, similes aiebat esse aureo hamo piscantibus: qui plus damni amisso semel hamo acciperent, quam multarum captiuarum lucro posset reparari. Fulgosus lib. 7. cap. 2.

De temperantia.

Antisthenis.

Antisthenes voluptatem in tantum execrabatur, vt diceret, se malle insanire quàm voluptate affici: *μαρτυρὴ ἡδονῆς*, id est, insaniam potius quàm delecter. Insaniam aufert medicus: voluptas quum æquè mentem eripiat homini, vix sanabile malum est. Laertius lib. 6. cap. 1.

Democriti.

Democritus dicebat: Cœnas lautas & sumptuosas, suppeditare potest fortuna: at contrà faciles, & quæ sufficiant necessitati, temper

temperantia. Stobæus.

Demosthenis.

Demosthenes nullum homini malum accidere posse affirmabat, qui sapientia fundamenta temperantiam & continentiam iecerit. Stob. serm. 3. Phauorinus 18.

Aeschini.

Aeschines temperati viri vitam tam puram tamq; sinceram esse oportere dicebat, vt ne turpitudinis quidem suspensionem de se præbere possit. Stobæus sermo. 3. Phauorinus 18.

Agessilai.

Agessilaus, quod ad corporis curam attinebat, nulla in re melius habebat, quam hi quibuscum vivebat: à saturitate quidem & crapula in totum abstinens: somno verò sic utebatur, non vt ille dominaretur, sed vt seruiret negocijs: aduersus æstum autem & frigus sic erat instructus, vt quatuor anni temporibus vnici tantum vestib. vteretur. Cæterum quum in tentorijs inter milites ageret: velut vnus quilibet è numero, nihilo meliorem culcitram habebat quam cæteri, illud assiduè habens in ore: Principis esse, non mollicie delicijs, sed temperantia ac fortitudine priuatis hominibus antecellere. O verè regiam vocem, si addidisset, sapientia. Nam ea vox omnes principis virtutes complectitur. Plut. in Lacon. apo. Vide titulos, de Abstinentia, Continentia, & Frugalitate.

De templorum ornatu.

Stratonici.

Stratonicus versans apud Malissam, quum videret templa multa, homines paucos, stans in medio foro, clamauit: Audite templa. Eras. lib. 6. apoph. ex Athenæo.

Phrynes.

Phryne meretrix Delphis Venerem auream dicauit. eam videns Diogenes, ascripsit elogium: Ex Græcorum intemperantia. Arguebat enim Græcos, supra modum libidini deditos esse, quod scortum è turpi quaestu tantum auri collegisset. Laertius li. 6.

Alexandri Seueri.

Alexander Seuerus in templis argenti minimum, auri ne guttulam quidem aut bracteolam posuit, subinde repetens illud Persianum:

Dicite pontifices, in sanctis quid facit aurum? Lampridius.

De

De tempore, & eius iactura.

Thaletis.

Thales Milesius, cum interrogatus esset, quidnam in tota rerum natura esset sapientissimum? respondit: Tempus, inuenit enim omnia. Laertius libri primi cap. 1. Brufonius libri. 7. cap. 26.

Biantis.

Bias Prienæus dicere solitus erat, vitæ tempus ita metiendum, quasi & diu & parum victuri simus. Laertius libri primi capit. 6.

Democriti.

Democritus Milesius dixit preciosissimum impendium esse tempus, *πολυτιμωτερον παντων χρηστων*. Citat Plut. arch. in vita Antonij. Quanquam hoc dictum compluribus tribuitur.

Anaxagoræ.

Percontanti, an Lampfaceni montes aliquando mare futuri essent? Anaxagoram respōdisse ferunt: Ita sanè, nisi tempus defecerit. Brufonius lib. 7. cap. 26.

Zenonis.

Zeno Cittieus philosophus aiebat, hominibus nihil magis deesse quam tempus. longè dissentiens ab ijs, qui bonam vitæ partem perdunt somno, temulentia, nugis & alea, quasi multum temporis superfit homini. Laert. lib. 7. cap. 1.

Eiusdem.

Idem aiebat, nullius rei tanta nos penuria laborare: quam temporis. Reuera enim brevis est vita, ars autem longa: & illa præcipuè, quæ morbis animi mederi potest. Stob. serm. 96.

Theophrasti.

Theophrastus Eresius habebat semper in ore, nullum esse sumptum preciosiorem tempore. Solum enim hoc recuperari non potest, & tamen vulgò nihil habetur vilius tempore. Laertius lib. 5. cap. 2.

Simonidis.

Simonides interrogatus, quantum temporis vixisset? Tempus quidem, inquit, exiguum, annos autem multos. Stobæ. sermone 96.

Plinius.

Plinius Maior, quum recitatorem quiddam perperam pronunciantem amicorū quispiā reuocasset, & vt repeteret coegisset:

set: Quid, inquit, an intellexeras? quum ille annuisset, *Quur* ergo, inquit: reuocabas? Decem amplius versus ista tua interpelatione perdidimus. Tanta erat parsimonia temporis. Erasmus lib. 8. apoph.

Eiusdem.

Idem nepotem suum ambulantes videns, obiurgauit: Poteras, inquit, has horas non perdere. Nam qui lectica vehebantur, aut recitantes audiebant, aut si libuisset aliquid etiam enotabant, aut dictabant aliquid, quorum nihil licet ambulanti. Ibid.

Catonis sen.

Supra de Nauigationis periculo.

Ciceronis.

Quum accusator Milonis, ex argumento temporis colligēs Clodio à Milone structas insidias, subinde rogaret, quo tempore occisus esset Clodius? Cicero respondit, Serò, voce ancipiti significans, è Republica fuisse futurum, si Clodius multo antè fuisset interfectus. Eras. lib. 4. apoph.

Tempori inseruiendum esse, pete ex tit. de Decoro.

De testimonio, & testibus.

Socrati.

Socrates, eos qui multitudini imperitæ fidem habent, aiebat perinde facere, ac si quis tetradrachnum vnum contemnens reiiceret, & aceruum è similibus congestum probaret, reci peretque. Cui non fideres soli, ei nihilo magis fidendum est in turba similium. Nec enim refert quàm multi sint, sed quàm graues. Nummus adulterinus etiam in quamuis magno aceruo adulterinus est. Hoc aduersus turbam testium, & indocti vulgi iudicia. Eras. ex Laert. lib. 2. cap. 5.

Crassi.

Quum Silus testis læsisset Pisonem reum, cui Crassus aderat, prolato crimine, quod se in eum dictum audisse dicebat: Potest fieri Sile, inquit Crassus, vt is vnde te audisse dicis, iratus dixerit? Annuir Silus. Potest etiam, inquit, fieri, vt tu non rectè intellexeris. Quum id quoque toto capite annuisset Silus, vt se Crasso daret, subiicit Crassus: Potest etiam fieri, vt omnino quod te audisse dicis, nunquam audieris. Hoc adeo præter expectationem, vt Silum testem, omnium risus obrueret. Eras. lib. 6. apophtheg.

Neronis.

Neronis.

Inter Neronem & Thraseam graues intercedebant inimicitiae. verum cuidam multa criminose iactanti de Thrasea, dicentiq; causam ab illo perperam esse iudicatam, obstitit Nero exclamans: Utinam me tam Thrasea diligat, quam est iudex rectus & æquus. Hostis hosti testimonium perhibuit de fama periclitanti. nullum autem grauius testimonium, quam inimici de inimico. Eras. 6. apoph.

Anonymi.

Supra tit. Innocentia.

De tormentis, & quaestionibus.

Perse.

Perles negauit tormentis opus esse ad explorandam rei veritatem: vino enim id rectius fieri dicebat. Sensit autem vir prudentissimus, tantam esse vini immodicè sumpti potentiam, vt proferat ea, quæ crudelissimis tormentis ex homine sobrio elicere non possis. Vide prouerbium apud Erasimum, In vino veritas.

Anonyme.

Poppea, quæ prius adultera Neronis, mox repudiata Octauia, mariti potens facta, subornauit quendam ex Octauiae ministris, qui ei seruilem amorem obiiceret. Ancillis Octauiae ad quaestiones pertractis, quædam cruciatu victæ falsis annuerunt, quædam persisterunt dominae suæ sanctitatem prædicantes. Ex his vna instanti Tigillino respondit: castiora esse Octauiae muliebria, quam oscius. Significans, illum esse fellatoribus obsequentem, ac cunnilingum. Eras. lib. 6. apoph.

Anaxarchi.

Supra, tit. de Fide seruanda.

De tragoedia.

Socrati.

Socrates cum videret in imperio triginta Tyrannorum multos summæ existimationis viros interfici, & locupletissimos quosque grauissimis suppliciis per insidias circumueniri, dixisse fertur ad Antisthenem: Nunquid te poenitet, quod in vita nihil magnum, neque spectabile. consecutus simus: quem admodum videmus in Tragoedia describi monarchas, Atreos

illos & Thyestas, & Agamemnones & Aegisthos? Nam illi obtruncati in Tragœdiis taxantur, & mala fercula cœnasse vbi-que produntur. Nemo verò poetarum eò progressus est audaciz & impudentiz, vt porcuni maceratum in Drama introducat. Aelianus lib. 2, de Var. hist.

Gorgia.

Gorgias sophista dicebat, Tragœdiam esse deceptionem, qua qui alterum decepisset, & qui deceptus esset, sapientior foret eo qui non esset deceptus. Fallit quippe tragœdia, dum tractat rem fictam: sed adeo concinnè, vt verissima esse videatur. Iustior autem videtur ille, qui fallendo hominibus prodest: & sapientior est, qui per fabulas cōfictas discit, quid turpe, quidue sit honestum. Recitat Plut. de audiendis poetis.

Hippodromi soph.

Suprà de Lectionis delectu.

De tranquillitate animi.

Socratis.

Socrates interrogatus, qui sine perturbatione viueret? Qui, inquit, nihil sibi consciunt mali, Antonius in Melissa, parte, 2. sermone 77.

Bionis.

Bion Borysthenites percontati quis esset maximè anxius? Qui in maximis, inquit, rebus cupit esse fortunatus. Is enim mille curis distorquetur vt assequatur ardua, & assequutus æquè torquetur ne amittat. Laert. lib. 4. cap. 7.

Cratetis.

Crates Thebanus dicebat, se pro patria habere gloriæ neglectum & paupertatem, in quæ nullum ius haberet fortuna. Aiebat item, se Diogenes ciuem esse, qui nullis inuidiæ patebat infidiis. Opes enim ac nominis splendor conciliant inuidiam. Laertius lib. 6. cap. 5.

Aristippi.

Aristippus validissimis argumentis & sermonibus vsus, hortabatur, neque de præteritis curam postea suscipiendam, neque de futuris antea. Id enim animi bene constituti signum esse, & hilaræ cogitationis argumentum. Iubebat autem in diem animum intendere: & diei illam solummodo partem, qua quisque quid ageret, aut cogitaret. Solum enim aiebat præsens in nostra manu positum, non præteritum, neque instans. Illud enim abiisse:

abiisse: hoc an euenturum sit, incertum esse. Aelianus libro 14. de Varia historia.

Diogenis.

Diogenes Cynicus illud dixisse fertur: Quod fortunæ apponeret animi fiduciam, legi naturam, affectibus rationem, eo quod his tribus paretur & seruetur hominum tranquillitas. Laertius lib. 6.

Stilponis.

Stilponi Megarensi in somnis visus est Neptunus sibi iratus, quod nō immolasset hecatomben, quemadmodum mos erat. At philosophus hoc nihil perturbatus, respondit: Quid ais Neptune? Itāne veluti puer huc venisti cum tua querimonia, quod pecunia mutuò sumpta non expleuerim nidore ciuitatem? At qui pro rei familiaris modulo sacrificauit tibi apuas aliquot. Ad hæc arridens Neptunus, visus est illi porrecta dextera dixisse: In tuam gratiam ingentem apuarum prouentum largiar ciuitati Megarensium. Quod & euenisse tradunt. Laertius lib. 2. capite 3.

Phocionis.

Phocion Atheniensis dicere solebat, Multò satius esse humi cubantem viuere, ac bono quietoque animo esse, quam perturbatum in aureo lecto. Stobæus ser. 1. de Prudentia.

De triumphis.

Q. Seruili.

Quintus Seruilius, vir inter optimates clarus, indignabatur Pompeio concessum triumphum: atque etiam milites complures obsistebant, ne triumphus ageretur: non quod inuiderent Pompeio, sed munera quædam poscebant, quasi largitionibus ab ipsis esset emendus triumphus. alioqui milites minabantur, se direpturos pecuniam quæ in triumpho ferretur. eoque Seruilius Glauciaque suadebāt, ut eam potius inter milites diuideret, quàm diripi sineret. Verum ubi Pompeius respondit, se citius omissurum triumphum, quàm militibus blanditurum: simulque laureatos fasces eis obiecit, ut illinc inciperent direptionem: Nunc, inquit Seruilius, te Pompei verè magnum video, dignumque triumpho. Non iudicabat esse speciosum triumphum, nisi qui citra ambitum, citràque largitiones benefactis redderetur. Plut. in Ro. apoph.

Chryssippi.

Quum in triumpho C. Cæsaris oppida eburnea fuissent circumlata, ac paucis post diebus in triumpho Fabii Maximi lignea deportarentur, Chryssippus ludens, dixit eas esse thecas oppidorum Cæsaris. Solent enim res preciosæ ligneis thecis muniri. Bruso. lib. 6. c. 5,

De trophæis.

Stratonici.

Stratonicus musicus quum apud Sicyonios vicisset aduersum se cithara certantes, consecrauit in Aesculapii templo trophæum, cum hac inscriptione: Stratonicus à malè cithara canentibus. Refertur ab Athenæo.

Epaminondæ.

Quum Chabrias circa Corinthum paucos Thebanos sub mœnibus audius pugnantes prostrauisset, atque ob id trophæum erexisset, Epaminondas deridens hominem dixit: Hic sanè dicebar, non trophæum, sed Hecatæum erectum esse. Veteres enim ante portas in triuiis congruenter Hecates imaginem statuere solent, vel ad indicandam viam, vel in gratiam sepulcorum. Plut. in Græcor. impera. apoph.

De tyrannide,

Biantis.

Blas rogatus, quòdnam esset ex animalibus perniciosissimum? Syluestrium, inquit, tyrannus: domesticorum, adulator. Brufonius lib. 6. cap. 21.

Thaletis.

Thales Milesius rogatus, quid difficile vnquam vidisset? Tyrannum, inquit, senem. Brufon. lib. 6. cap. 21,

Zenonis.

Zeno Eleates accusatus, quod coniurasset in perniciem Nearchi tyrani, cum in quæstionibus iuberetur prodere coniuratorum nomina, nominauit plerosque tyrano amantissimos. De his quum rex pœnas sumpsisset, interrogaretque, num præterea superessent? Tu solus, inquit, Reipub. pestis & perniciēs superes. Quibus dictis, linguam dentibus amputauit, & in os tyranni ex-puit. Laert. lib. 9. c. 5.

Democriti.

Democritus Milesius quum apud Dionysium quæreretur quod

quod æris genus esset optimiūm? Ex quo, inquit, Athenienses statuas fecerunt Harmodio & Aristogitonī. Quo ostendere voluit, tyrannos ē medio tollendos esse: & his qui elecissent, ex ære statuas erigendas esse, more Atheniensium. Laertius librō 9. capite 7.

Idem aliter.

Diogenes Cynicus rogatus aliquando à tyranno, ē cuiusmodi ære potissimū oporteret fieri statuas? Ex eo, inquit, ex quo fusi sunt Harmodius & Aristogiton. innuens, illum esse ē medio tollendum. tyrannicidæ enim fuerant. Laert. lib. 6.

Eiusdem.

Percontanti, quo pacto Dionysius vteretur amicis? Vt vtriusque, inquit: plenos suspendit, inanes abiicit, significans, à tyranno diuites occidi, pauperes negligi. Laert. lib. 6.

Eiusdem.

Idem dicebat: Cæteris mortalibus quibus res sunt prosperæ, vita iucunda est, mors odiosior: rursus infelicibus vita gravis est, mors optabilis. at horum vtrunque tyrānis est molestius. Siquidem vt viuunt insuauius iis qui mortem vehementer optant, ita mortem perinde metuunt quasi vitam suauissimè degant. Laert. lib. 6.

Xenophontis.

Xenophon Colophonius dicebat, τοῖς τυραννοῖς ὀμνᾶν ἢ ἀδύναται ἢ ὀλίγα. id est, Cum tyrānis congregiendum aut iucundissimè, aut minimè. Nihil est violentius aures tyranni, ait Saticyrus: apud bonos etiā principes admonendi libertas verbis placidioribus est temperanda. Id qui non potest, abstineat ab illorum congressu. Laert. lib. 9. cap. 2.

Anaximienis.

Anaximenes interrogatus, quid ad familiaritatem difficile esset: Tyrannus, dixit. Stobæus sermone 47. ex epistola Phalaridis.

Antisthenis.

Antisthenes philosophus carnifices tyrānis longè præferebat: Cuius causam interroganti cuidam, respondit: A carnifice quidem homines iniusti interimuntur, a tyranno autem etiam infantes. Stobæus ser. 47. Phauorinus.

Timonis.

Timon Atheniēsis Alcibiadis crudelitatem notans, redeuntē à tuncione, ait illi: Macste virtute adolescens, autoritate tua

potentiam auge: magnam enim huic Reipub. perniciem augebis. Brus. lib. 6. cap. 21.

Demosthenis.

Demosthenes audiens quorundam improbari tyrannidem: Rex, inquit, malus, & tyrannus, res est inimica bonis ciuibus, & legibus contraria. Varinus Phauorinus Camers.

Argei Laconis.

Arges Lacon iter aliquando faciēs per Siciliae Selinuntē, quum in sepulchro quodam hoc elegiacum legisset,

Hosce Selinuntis quicumque tyrannida Mauors

Extinxere ferus perdidit in foribus, &c.

Iure periistis, inquit, qui ardentem tyrannidem extinguere conati estis. Nam permittendum potius fuit totam cremari. Bruson. lib. 8. cap. 21.

Democharis.

Apud Atheniēses cum decretum esset, ne Demetrii quzdam epistolæ ad populum afferrentur: Athenienses mox pœnitentia acti, autores eius decreti in exilium miserunt: ac decreuerunt, ut ea omnia quæ à Demetrio iuberentur, sancta apud deos, iustaque apud homines essent. Verum quum quidam vir bonus Stratoclem, qui ista decernebat, delirare dixisset: Demochares Spartiata, ad tyranni potentiam alludens, Deliraret (inquit) Stratocles, nisi hoc pacto deliraret. Bruson. lib. 6. cap. 21.

Lyfiadis.

Cuculo minores auiculas percontanti, cur ipsam fugerent: Quoniam, inquebant, suspicamur te aliquando futurum accipitrem. Coccyx enim specie non multum differt ab accipitre. Cauendum ab his, qui tyrānidis specimen moribus edunt. Hoc ad Lyfiadem accommodauit Plut. in vita Arati.

Xerxis.

Xerxes Græciæ bellum indicturus, conuocatis omnibus Asiæ principibus, dixit: Ne viderer meo tantum consilio hoc aggressus, contraxi vos: ceterum mementote, mihi parendum magis quam suadendum. Vox bis tyrannica: & quod principum conuentu pro fuco abuteretur, & quod negocium multo periculosissimum sua vnus cupiditate verius quam consilio susceperet. Eras. lib. 5. apoph.

Dionysij.

Suprà de Munerum contemptu.

Aristippi.

Aristippi.

Cum Dionysius exprobraret Aristippo, quòd nihil utilitatis ab eo accepisset: Verum ais, dixit. Si quidem tibi profuisssem; non secus à tyrannide, quàm à comitiali morbo liberari voluisses. Stob. serm. 47.

Hiemera.

Dionysii tyranni mortem cum omnes Syracusani appetèrent, sola Hiemera mulier deos orabat; vt Dionysius diu superstes esset. Quod vbi rescivit tyrannus, rogauit vetulam, quam ob causam deos oraret, vt longam sibi largiretur vitam? Tum illa: Puella cum essem, ait, grauémque tyrannum haberemus, occidere illum cupiebam. Eo mortuo, aliquanto deterior tyrannidem occupauit: ei quoque mortem imprecata sum, & ex sententia euenit. Te verò longè deteriorem nunc habemus. verita igitur, ne te absumpto, deterrimus in locum tuum substitueretur, te diu incolumen nobiscum esse vnice cupio. Brusoni lib. 6. cap. 21.

Dionysij iunio.

Dionysius senior audiens à filio vxorem nobilis Syracusani stupratam esse, iratus ait: Num quid tale ab illo factum sciret? At ille: Tu, inquit, patre tyranno non es natus, ego verò memini me esse tyranni filium. Brus. lib. 6. cap. 21.

Phalaridis.

Phalaris tyrannus crudelissimus dicere solebat: Ego, qui expertus vtrunque sum, tyrannidi malim subesse, quàm præesse. Subditus enim aliorum malorum securus, vnum tyrannum metuit: tyrannus autem, & eos qui foris insidiantur, & illos per quos seruatur. Stob. serm. 47.

Antigoni.

Antigonus Macedoniae rex ad vetulam quandam, quæ foelicitatem eius extollebat: Si nosses, dixit, ô mater, quantis malis hic panniculus esset plenus (ostenso diademate) ne in sterquilinio quidem iacentem tolleres. Stob. serm. 47.

Anonymi.

Antigono occiso, eius occisores rerum potiti, omni iniuriarum genere Phrygios affecerunt: Agricola verò quidam agellum fodiens, rogatus quidnam faceret: Ego suspirans, inquit; Antigonum refodio. Brus. lib. 6. cap. 21.

Cotyis.

Cotys Thracum rex acriter in subditos animaduvertebat;

cum autem amicorum quidam ad ipsum dixisset, Hoc furor est, non regnum: At meus hic furor, inquit, subditos temperantes efficit. Stob. serm. 46.

Ptolemaï.

Ptolemæus, cui cognomen fuit Philadelphus, dicebat, in tyrannide cum alia multa esse gravia, tum illud maxime, quod immeritos occidere cogatur, utilitatis suæ gratia. Stob. sermo. 47. Phauorinus Camers.

Anonymi.

Quidam Bruti statuę subscripsit, Vtinam viueres: quod opera Bruti Tarquinius ex vrbe depulsus esset. Cæsaris statuę subscripserant hos versiculos:

Brutus, quia reges eiecit, consul primus factus est:

Hic quia consules eiecit, rex postremus factus est.

Eras. lib. 4. apoph.

T. Quintij.

T. Quintius contra Philippum Macedonem missus, quum in colloquium venisset, & Philippus obsides postularet, quoniam apud Romanos multi essent duces, ipse autem solus in Macedonibus, optimo scommate illius tyrannidem taxans Quintius: Tu nempe, ait, te solum effecisti. quippe qui amicos & cognatos occiderat. Bras. lib. 6. cap. 21.

M. Antonij.

Antonius quum Rhodum insulam vi cepisset, & in ingressu salutaretur rex atque dominus: Nec rex sum, inquit, nec dominus, sed regis ac domini intersector. Plut. in Ant.

Pompeij M.

Pompeius Magnus post prælium in Pharsalicis campis habitum, in Aegyptum profugit: cumque è tritemi descensurus esset in scalum piscatorium ab Aegypti rege missum, conuersus ad uxorem ac filiū, nihil aliud dixit quam illud Sophocleus:

ἄλλος τὸν τυραννικὸν οἶον ἔμπορευται,

ἑἷναι ὅτι δὲν ἐστὶν, καὶ ἰνδίδει & μὴν. id est,

Quisquis tyranni ad cæta demigraverit,

Fit seruus illi, liber etsi venerit.

Præfagisse videtur imminens exitium. Vbi enim descenderat in scapham, ictus gladio, semel tantum emisit suspirium: & obnoluto capite, præbuit se occidendum. Plutarchus in Romanorum apoph.

Theod.

Theodoti.

Theodotus regis Aegypti præceptor, aliis consentibus esse recipiendum Pompeium, aliis non recipiendum, neutris assentiens dixit: Recipiendum, sed occidendum: addēs iocum, Mortuos non mordere. Atque huius sententia vicit, tuta suadens magis quam honesta. Eras. lib. 6. apoph.

Neronis.

Nero cum nihil flagitiorum sibi non permetteret, elatus tanto rerum successu, dicebat neminem principum ante ipsum scisse quid & quantum sibi liceret. Verum qui hoc dixit, sensit eādem, quid vicissim liceat populo in malum principem. Ibidem ex Suet. in eius vita.

De eodem.

Noctu quidam simulabant se sæuire in seruos, petebantque vindicem. Vindex autem erat, defectionis in Neronem dux. Et hoc inco notabatur, iam non ferenda Cæsaris tyrannis. Suetonius in eius vita.

Eiusdem.

Idem desperatis rebus noctu adiit hospitia singulorum, de fuga consulturus. quumque fores omnium oclusas reperisset, reuersus in cubiculum, comperit & custodes diffugisse, direptis etiam stragulis, & amota veneni pyxide, quam in extremum casum parauerat, mox Mirmillone[m] nomine spiculum requisivit, vel alium quemlibet, cuius manu periret ac nemine reperto: Ergo ego, inquit, nec amicum habeo, nec inimicum? Decretum erat, eam beluam publico orbis odio immolare. Suetonius.

Eiusdem.

Idem cum incendiasset urbem, spectabat, dicens se flammæ pulchritudine delectari, atque interim suam canebat Halotim, hoc est, Troianæ urbis excidium, quod descripserat. Suetonius.

Flauij.

Sunt qui putant hoc clam, & inscio etiam Seneca fuisse decretum, vt occiso Nerone, occideretur & Piso, mox imperium Senecæ deferretur. Interea vulgabantur verba Flauij, qui dixerat: Ad dedecus nihil referre, si citharædus dimoueretur, & tragædus succederet. Nero cithara, Piso tragico ornatu canebat. Sensit, vtrumque pariter indignum imperio. Suetonius.

Battonii Dal.

Batto Dalmata à Tiberio interrogatus, cur toties cum suis defecisset, & Romanis tantam cladem intulisset? respondit: Vos in causa estis, qui ad greges vestros custodiendos non canes dedistis, aut pastores, sed lupos. Sentiens, gubernatorum aut Caesaris tyrannidem defectionis causam fuisse. Dion in Augusto.

Caligula.

Caligula cum audiret fortè reges, qui officii causa in urbem aduenerant, inter se super cœnam de nobilitate generis concertantes, exclamauit: De cœlo venit nobis rex. & adiecit carmen Homericum,

ὅς τοίγαν ἐστὶν, ὃς βασιλεύς. id est,

Vnus dominus sit, vnus rex.

Nec multū abfuit, quin statim diadema sumeret, speciemq; principatus in regni formam conuerteret. Sueton.

Eiusdem.

Idem Antonix auix pro sua autoritate monenti, vt quædā secus ageret: Memento, ait, mihi omnia in omnes licere. Talia portenta tum principum titulo pertulit mundus, quæ nō commemorarem, nisi vt ex his principibus prodigiōsæ feritatis horror incutiat. Eras. ex Sueton.

Anonymi.

Scurra quidam in Claudii tyrannidem alludens, ait, in vno annulo bonos principes posse scribi atque depingi omnes. Brunson. lib. 6. cap. 21.

Heliogabali.

Heliogabalus senatum adeo contempsit, vt eos interdum appellaret togata mæcipia: veluti qui pristinae dignitatis præter togas nihil retinerent. Aelius Lamprid.

Gregory Naz.

Gregorius Nazianzenus episcopus, & de Iuliano Athenis hoc protulit iudicium: O quale malum nutrit Respubl. Romanorum? Et quum hæc prædixisset, optauit se inueniri mendacem.

Melius enim fore hoc, quam vt tantis sceleribus terra impleatur. Socrates lib. 7.

Tripartit. hist. cap. 2.

DE VA

DE VAFREDICTIS.

Biantis.



Bias Prienēsis, cuius sapientia diuturnior inter homines est, quā patria Priene fuit, ita aiebat, oportere homines in usu amicitiae versari, ut meminissent eam ad gravissimas inimicitias posse converti. Quod quidem praeceptum prima specie nimis fortasse callidum videatur, inimicum quae simplicitati, qua praecipue familiaritas gaudet. Sed si altioribus animis cogitatio demissa fuerit, perquam vile reperietur. Aristoteles libro 2. Rhetor. Val. Max. lib. 7. cap. 3. Verum hoc alii aliis tribuunt.

Anaximenis.

Alexander cum ad Lampfacenae urbis excidium summo studio ferretur, progressum ante moenia Anaximenem praepceptorē vidit. At cum sciret futurum, ut preces suas irae eius opponeret, statim non facturum se quod petiisset iuravit. Tunc Anaximenes: Peto, inquit, ut Lampfacum diruas. Vafro dicterio regem capiens. Valerius Maximus lib. 7. cap. 3.

Cleombroti.

Supra de Pietate filiorum in parentes.

Lysandri.

Supra tit. de Astutia.

Archidami.

Quum Graeci nollent rescindere pacta, quae sub Antigono & Cratero pepigerant, & amplecti libertatem, quam offerebat Archidamus: veriti, ne graviiores essent habituri Lacedaemonios, quā Macedones: Ouis, inquit Archidamus, semper eandem edit vocem. Caeterum homo multas & varias emittit voces, donec quod decrevit, confecerit. Hoc dicto significans, fallendam esse fidem, si qua magna inuitet utilitas. Archidami dictum recitat Plutarchus in Lacon.

Lysandri.

Dionysius quum Lysandro misisset stolas duas, ut utram vellet eligeret, & deinde filiae suae mitteret: Lysander ambas accipit, ac abiens, dixit: Ipsa rectius & melius eliget. Plut. in Lacon, apophthegma.

Azaso

Agasonis Alexandri.

Alexander Macedonum rex, quum sorte monitus, ut eum qui sibi porta egresso primus occurrisset, interfici iuberet: asinarium fortè sibi obuium factum, ad mortem abripi imperauit. Eo autem quærente, quidnam se immerentem capitali supplicio, innocentemque addiceret? Quum ad excusandum suum factum oraculi præceptum retulisset, asinarius: Si ita est (inquit) rex, alium fors huic morti destinauit. nam asellus, quem ego ante me agebam, prior tibi occurrat. Delectatus igitur Alexander illius tam callido dicto, occasionem in aliquanto villore animalis expiandæ religionis rapuit. Valerius Maximus lib. septimo capite tertio.

Julia Augusti F.

Suprà de Superbia.

M. Antonij.

M. Antonius idcirco se aiebat nullam orationem scripsisse, ut si quid superiore iudicio actum, ei quem postea defensurus esset, nociturum foret, non dictum à se, affirmare posset. Qui facti vix prudentis tolerabilem causam habuit. pro periclitantium enim capite, non solum eloquentia sua uti, sed etiam verè cundia abuti erat paratus. Cicero pro Cluentio. Val. Max. libr. 7. capit. 3.

De venia delicti.

Epaminonda.

Epaminondas Thebanorum dux, homini contempto, qui leue quiddam admiserat, Pelopida pro eo deprecante, non ignouit: sed amica pro illo rogante, dedit veniam, dicens, eiusmodi munera à scortillis accipi oportere, non à militibus. Paratus erat ad ignoscendum, sed quemadmodum non quæuis damus omnibus, ita spectandum est, cui in qua causa gratificemur. Plutarchus in Græcorum apophtheg.

Arij philosoph.

Potitus Alexandria Cæsar, multis vitam donarat in gratiam Arii philosophi. Sostratum tamen, promptissimæ quidem linguæ virum, sed qui Cæsari displiceret, quod temerè Academicus haberi vellet, reiecit. At is squalidus, promissaque cana barba, coepit. Arium quocunque iret insequi, vericulum illum in ore habens,

σοφοί, σοφοὶς σοφίζονται, καὶ ὁ σοφὸς σοφός. Id est,

Sapiens

Sapientes sapientes servant, si fuerint sapientes.

Hac arte coegit Cæsarem ignoscere. Eras. lib. 4. apophtheg. ex Sueton.

Vide titulos, de Impunitate, & de Poenæ neglectu.

De ventris studio.

Diogenis.

Diogenes Cynicus luxuriosorum ventrem vitæ charybdim appellabat, quòd omnia deuoraret, nec satiaretur vnquã. Charybdis tantum ea sorbet quæ mari vehuntur, & reuomit tandem quod absorbit, at lurconum ventribus nec aer, nec terra, nec flumina, nec maria sufficiunt: quin & domos & agros totos absorbent, nec reuomunt, Laer. lib. 6.

Anonymi.

Apud Iasiis, populum magna ex parte piscibus victitatem, citharædus quidam in foro ostentabat artē. Verum simulatq; tintinnabulum crepitu signum dedit adesse pisces venales, turba subito deseruit cantorem, & ad piscium mercatum aduolauit: yno excepto, qui quòd surdaster esset, tintinnabuli sonitum non audierat, aut certè non attenderat. Huic citharædus propius accedens, gratias egit, quòd & artem honorasset, & ipsum nō passus sit esse prorsus desertū. Tum ille, An crepuit tintinnabulum? vt annuit, Valebis, inquit, egregie magister, seseq; mox ad pisces proripuit. Citharædo liberum erat, sibi canere, & Musis. Longè maior est nobis cura ventris, quàm artium liberaliū. Eras. lib. 8. apoph.

Catonis.

Cato senior in conuisione suaserus de frumento viritim diuidendo, ita præfatus est: Perdifficile esse, ad ventrem auribus carentem verba facere. ventrem dixit, quòd ageretur de populi victu. Plut. in Rom. apoph.

Huc refer titulum de Luxuria & voluptate.

De verberibus.

Socratis.

Socrates cum filium delinquentem iam verberibus tractare velleret, sentiens se ira commotum, ait: Tu teipsum coerce. Laertius in vita Socratis.

Platonis.

Plato Atheniensis, cum eodem morbo se laborare sciret, seruumq; castigare pararet, ac fortè Xenocrates adesset: Flagella, inquit,

inquit, hunc puerum: vides enim me plus satis iratum esse. Laertius libr. 3.

Eiusdem.

Idem famulo suo sic comminatus est: Verberibus te tractarem, nisi iratus essem, Laertius libro 3. Docuerunt autem viri sapientissimi, non sumendas esse poenas à delinquentibus, vbi iracundia nos commotos intelligimus.

Diogenis.

Suprà de Responso ab inexpectato,

Eiusdem.

Idem, pulsante aliquo, ac dicente, Caue: virga cadens illum postea Diogenes, dicebat, Caue tu nunc quoque. Brusonius lib. 7. capit. 4.

Demonastis.

Demonax cum vidisset quendam, seruum crudeliter verberantem: Desine, ait, ne seruo similis fias. Subindicauit autem vir prudentissimus, eos frustra castigare seruos, qui ipsi inde serui sint, quòd prauis affectibus subserpant, & commotionibus frenum iniicere non possint. Eras. lib. 8. apoph.

M. Calij.

M. Caelius, quum sellam eius curulem Isauricus consul fregisset, atque à patre consul verberibus caesus diceretur, vrbane: Ille ad lora quibus caesus fuerat consul alludens, alteram posuit loris intentam. Brusonius Cont. lib. 7. cap. 4.

De verborum obscuritate,

Socratis.

EVripides obtulit Socrati librum ab Heraclito conscriptum. Eo lecto, rogauit quid illi videretur? Per Iouem, inquit, quæ intellexi, mihi præclara videntur, qualia puto & ea quæ non intellexi: sed opus est Delio quopiam natatore. Notauit perquam falsè affectatam eius scriptoris obscuritatem, vnde & *συντομία* cognomen inditum est. De Delio natatore diximus in Chiliadi bus. Erasmus Rot. lib. 3. apoph.

Melanthi.

Melanthus interrogatus, quid sentiret de tragœdia Diogenis: negauit se vidisse, quòd esset oblecta verborum inuolucris. Notans, ambitiosa verborum copia rem obscurari. Refert Plutarchus *πλεονεξία λέξεως*, & Erasmus Rot. lib. 6. apoph.

Fanori

Fauorini.

Fauorinus philosophus audiens adolescentem obscurioribus & inusitatis verbis loquentem: Curius (inquit) & Fabricius, dilucidè cum suis fabulati sunt, neque Aruncorum, Sicanorum aut Pelasgorum verbis quicquam sunt loquuti. Erasmus lib. 6. apoph. ex Gellio.

Demonastis.

Demonax cum quendam nescio quid interrogasset, atque is obscuris planè verbis respondisset: Non intelligo, inquit, quid dicas: loqueris enim cum apertè tecum loquente, quasi Agamemnon adhuc viueret. Eras. lib. 8. apoph.

De verecundia,

Socratis.

Socrates hortabatur iuuenes, ut hæc tria haberent: In animo prudentiam, in lingua silentium, in vultu verecundiam. Maximus ser. 41.

De veritate.

Pythagora.

Pythagoras, summus ille philosophus, dicebat hæc duo diuinitus hominibus data esse longè pulcherrima: Veritatem amplecti, & beneficiis operam dare. & addebat, vtrunque cum deorum immortalium operibus comparari posse. Aelianus libro duodecimo de Varia historia,

Eiusdem.

Idem interrogatus, quid Deo simile facerent homines? Cum veritatem exercent, respondit. Stobæus ser. 9.

Thaletis.

Thales Milesius, Græciæ sapientum clarissimus, cum à quodam percontatus esset, quantum à mendacio distaret veritas? Quantum, inquit, oculi ab auribus. Sensit vir sapientissimus, ea tantum pro certis haberi, quæ hominum cernuntur oculis, cum auditus sæpenumero hominem fallat. Eras. recitat lib. 8. apophth. Maximus ser. 35,

Platonis.

Plato suauissimam narrationum veritatem esse dicebat. Stobæus. ser. 9. ex Serini memorabilibus dictis.

Polemonis.

Polemon dicere solebat, multò suauius esse verà dicere, quàm audire.

audire. Stob. ser. 9. ex Scrini memorabilibus dictis.

Aeschinus.

Aeschines contra Timarchum, Veritatem rem adeò validā esse dicebat, vt omnes humanas cogitationes faciliè superet. Stobaeus ser. 9.

Demosthenis.

Demosthenes interrogatus, quid Deo simile haberent homines? respondit: Benignè facere, & veritatem amare. Maximus sermo. 8.

Themistocles.

Themistocles Eurybiadae quiddam aduersum cū dixisset, illeque baculum intentasset: Verbera, inquit, intrepidè, modò quæ dico audias. Nouerat enim, ea quæ dicturus erat, è Repub. fore. Docens, veritatem in summo bonorum simul ac vitæ periculo profitendam esse: & tum maximè, cum multarum salus inde emineat. Aelianus lib. 13. de Var. hist.

Origenis.

Origenes Adamantius dicere solitus est, veritatem non idcirco partes suas omittere debere, quia eas sibi præueniens falsitas vindicaret. Philosophiam Græcorum notans, quam cum Christianismo & doctrina veritatis confert. Eusebius libro sexto, capite decimo, Ecclesiasticæ hist.

Papiæ.

Papias Ioannis Euangelistæ discipulus, atque Polycarpi martyris sodalis, audiens multorum clamoribus Dei veritatem laacerari, atque suspectam reddi: Non multa dicentibus, inquit, sed vera tradentibus auscultandum est, Eusebius lib. 3. capit. 59. Ecclesiast. hist.

Alphonfi.

Alphonfus Aragonum rex, semper hoc in ore habuisse fertur, tantum valere ad fidem debere vnicum principis viri verbum, quantum priuatorum iusiurandum. Veritas enim, licet omnibus innata debeat, principum tamen præcipuū debet esse ornamentum. Anto. Panormita lib. 1. de rebus gestis Alphonfi.

De eo quòd veritatis simplex sit oratio.

Agésilai.

Agesilaus Lacedæmoniorum rex, quum audisset Rhetorem quendam laudari, quòd rem specie tenuem multis verbis amplificare posset: Ego, sanè, inquit, ne suturem quidem arbitror

tror bonum, qui paruo pedi magnos inducat calceos. Quo dicto innuit maximè, non ornatum in dicendo, sed veritatem, cuius simplex est oratio, spectandam esse. Plutarchus in Lconicis apoph. Eras. lib. 1.

Anaxandrida.

Suprà de Lingua, garrulitate, &c.

De eo quòd veritas odium pariat.

Aristippi.

Aristippus interrogatus, quam ob causam sic ipsum argueret Dionysius: Ob eandem (inquit) ob quam ceteri. Significans, philosophi libertatè omnibus esse molestam: non igitur mirandum, si regi. simul illud innuens, regis iudicium nihil à vulgari differre, quòd fortuna non addat sapientiam. Laertius lib. 2.

Phocionis.

Athenienses cum oraculum consulissent, responsum est: In ciuitate vnum esse virum, qui cunctorum sententiis aduersaretur. Verum quum populus vociferans, iuberet hominem tam perniciosum inquiri, Phocion philosophus clamans ait: Non est opus, viri Athenienses, vt inquiratis. Ego enim is sum, cui vestra vita vestrique mores omnes displicent. mira enim erat multitudinis in omnia vitia licentia. Honesto igitur zelo ductus philosophus, illud quod verum erat, impaudè dicere ausus est. Verum ab Atheniesibus deinde damnatus, & capite priuatus est. Nec satis erat, crudeliter tractasse viuum: edixerunt etiam, ne à suis tangeretur, nec sepeliretur. Plutarchus in Græcorum apoph. & in eius vita.

Pantaleonis.

Pantaleon cum vinolentiam Arsinoæ Lyfimachi vxoris reprehendisset, Lyfimachus rex hominem in mustelæ caueam inclusit, & tanquam feram circumferri iussit, aluitque in perpetua captiuitate. Eras. lib. 6. apoph.

Philippi.

Cum hi qui apud Lasthenem erant, quererentur, indignèque ferrent, quòd quidam ex Philippi comitatu diceret ipsos proditores, Philippus respondit: Macedones esse ingenio parum dextro, sed planè rusticano, qui ligonem nihil aliud nossent vocare quàm ligonem. Alludens ad illud prouerbiu celebre, τὰ σῦκα σῦκα, τὸν σιῶφιν σιῶφιν λέγον. Innuit autem, illos re-

uera esse proditores. Rusticana veritas quaque rem suis nominibus appellat. Plut. in apoph. Reg. & imperat.

Praxaspis.

Cambyfes rex quum frequenter nimio se vino ingurgitaret, à Prasaspe hunc in modum reprehensus est: Noli te nimio perdere vino, ô rex, ne tibi ac ciuibus tuis perniciosus fias. Verum rex: Vt scias, inquit, quam nunquam mihi excidam, approbabo etiam post vinum, & oculos & manus in suo ac debito esse officio. Bibens igitur solito largius, iamque vinolentus, iubet obiurgatoris filium in conspectum duci, ac posteaquam sinistram manum capiti imposuisset, stans in cor adolescentis sagittam figit. dixerat autem prius, id se petiturum: rescissoque pectore, iaculum cordi infixum ostendit, & sagittam extraxit, patrique ostendens, ait: Reprehendis in me ebrietatem. vide igitur quam certam post potationem habeam manum. Herodotus ipse recitat in Thalia, & Seneca libro tertio de Ira: Brunsionius lib. 1. cap. 5.

Geminij.

Geminus in Græciam profectus ad Antonium, quoniam suspectus erat Cleopatraz, quod eò venisset Octauiaz causam acturus, diu repulsus, ac variis modis delusus, tandem in conuiuio iussus causam aduentus dicere, ita respondit: Cætera (inquit) Antoni, sobriæ sunt orationis, nec huius temporis: verum illud vnum & sobrius & ebrius scio, bene successura omnia, si Cleopatra remittatur in Aegyptum. Moxque Romam se recepit, metuens sibi ab Antonio. Nam Cleopatra in conuiuio gratias egit, quod rem apertè dixisset, nulla vsus circuntione. At sic agere gratias, erat minari malum. Sciebat Geminus, quam esset illis inuisa veritas, Plut. in Antonio.

De vestitu.

Cratesij.

CRates Thebanus à magistratu obiurgatus, quod præter leges ac morem Atheniensium sindone vestiretur, Ait: Quid si Theophrastum vobis ostendam sindone amictum: diffidentes, ac vt ostenderet flagitantes, adduxit ad tonstrinam, ostenditque Theophrastum, qui tum fortè tondebatur, linteo amictum, quod Græci à contegendis humeris *ἐμπίπλον* vocant. submon

submonens, omnibus ad vsum vtilicere. Nam si per se turpe esset vti linteis, ne in constrictina quidem esset honestum. Laertius lib.6.cap.5.

Stilponis.

Stilpo Megarensis videns Cratetem hybernis mensibus frigore rubentem: *Δολίχς*, inquit, *μοι χρὲν ἔχειν ἱματίς λευκοῖς*. Lepos qui est in vocis ambiguo, Latine reddi non potest. *λευκῶ* coniunctum, sonat nouo: & *λευκῶ* disiunctum, sonat, & mente. Discrimen auribus vix sentiri potest, scripto potest ostendi. Videris, inquit, egere pallio nouo, siue pallio & mente. Nouum requirebat gelu, mentem Cynici stultitia, qui vestem non accommodaret tempori. Laert. lib.2.cap.12.

Aristotelis.

Aristoteles, quum adolescentem sumptuosiori toga compositum videret: Adolescens, ait, Num aliquando à cultu isto immodico temperabis, ouium virtute parto? Stobæus.

Socratis.

Xantippe Socratis, cum noller eius vestem induere, atque sic ad spectandam pompam prodire, respondit: Vt quam non spectandi causa, sed potius vt specteris habeas. Notabat autem communem hominum consuetudinem, quæ cum in aliis, tum maxime in vestitu, nouitate delectantur, quo ab omnibus ob nouum & insolitum cultum spectentur & celebrentur. Aelianus lib.7.de var.hist.

Eiusdem.

Socrates cum irer, ab Agathone vocatus ad conuiuium, soleatus & vinctus, idque præter morem, & ab amico quodam obuio rogaretur, cur esset solito nitidior? ludens dixit: Vt pulcher eam ad pulchrum. quum nullus esset ab huiusmodi affectibus alienior. Eras.lib.3.apoph.

Eiusdem.

Socratis pallii profcisam partem cum Antisthenes multis spectantibus ostendisset, spectandamque dedisset: Aspicio, inquit, ô Socrates, per scissuram pallii, tuam vanitatem. Bruson. lib.7.cap.12.

Platonis.

Plato Atheniensis in Arisippum dixit, illi soli datum esse & pannis & chlamyde vti, & apud Dionysium in purpura saltauerat. Ad id alludens Horatius: Omnis, inquit, Arisippum decuit color. Hoc dictum quidam tribuunt Stratonis. Laert. lib.3.

Idem aliter.

Strato, siue (vt alii tradunt) Plato, dixit Aristippo: Tibi vni & chlamydem & pannum ferre datum est. Chlamys vestis est satraparum, pannus mendicorū. Id notauit Horatius, cum ait:

Omnis Aristippum decuit color. —

Apud Dionysium saltauit in purpura, interdum vili pallio utebatur, semper tamen decori memor. Eras. ex Laer. lib. 2. c. 8

Antisthenis.

Diogenes cum ab Antisthene Atheniensi petiisset tunicam ad depellendum frigus, iussit Antisthenes, vt duplicaret pallium: sic enim tunica speciem præbitorum. Admonens, oportere hominem vno vestitu contentum esse. Laertius libro 6. in vita Antisthenis.

Diogenis.

Diogenes, cuidam sibi placenti, quod leonis exuuii tectus incederet: Non tu defines, inquit, virtutis stragulas pudescere? Indecorum esse censuit, quod homo mollis Herculis amictum sibi vendicaret. Idem dici potest iis, qui prodigioso amictu profitentur sanctimoniam, vita non respondente. Erasmus ex Laertio libro 6.

Eiusdem.

Cum adolescens quidam comptior Diogeni proposuisset quæstiunculam: Non tibi prius, inquit, responsurus sum, quam sublatis vestibus ostenderis, vtrum masculus sis, an fœmina. Ex cultu parum virili, notauit illius molliciem. Laert. lib. 6.

Eiusdem.

Idem apud Megareses cum videret, arietes pellibus tectos aduersus frigoris iniuriam, ipsorum autem filios nudos: Satiis est, inquit, Megarensis esse arietem, quam filium. Traditum est de Megarensibus, quod indiligenter haberent filios suos. Eras.

Eiusdem.

Suprà de Generatione.

Eiusdem.

Idem cum videret adolescentem quempiam sese ornantem: Si ad viros, inquit, frustra: si ad fœminas, iniuste. Hoc dictum festiuius est Græcis ob vocum affirmitatem, ἀρὺς & ἀδμήρ. Nam frustra se mas parat masculo, inter quos non potest esse coniugium: & inique facit adolescens, si cultura formæ infidatur infirmo sexui, cum vxor non lenocinio, sed honestis moribus concilianda sit. Ibidem.

Eiusd

Eiusdem.

Idem diuitem quendam indoctum, sed splendide vestitum, χρυσόφανον appellabat, hoc est, ouem aureo vellere. Nam tales fuisse proditum est à poetis, qui minimum valerent ingenio. ouillis moribus, etiam prouerbio dicebantur. Laert. lib. 6.

Eiusdem.

Suprà de Feriis & diebus festis.

Pausania.

Pausanias Cleombroti filius, admirantibus quibusdam barbarorum vestium sumptum: Melius esset, inquit, ipsos multi fieri, quàm multi facienda possidere. Ibidem.

Gorgius.

Suprà tit. de Seuerè dictis.

Lyfandri.

Lyfander preciosas vestes, quas Dionysius ad filias ipsius miserat, non accepit, dicens: Vereor, ne his amictæ turpes videantur. Plut. in Lacon. apoph. Bruson. lib. 3. cap. 33.

Demonactis.

Demonax cuidâ qui purpura indutus sese insolentius ostentabat, in aurem dixit: Heus tu, hoc ante te gestabat ouis, & ouis erat. Significans, illum nihilo minus stupidum esse, si gestaret purpuram. Eras. lib. 8. apoph.

Laconum.

Lacones in bellis utebantur puniceis tunicis, siue quòd hic color videbatur illis aliquid habere virile: siue quòd sanguineus coloris rubor plus terroris incuteret bellorum imperitis: siue ne protinus conspicuum esset hostibus, si quis vulnus accepisset, sed vtiliter lateret, ob vestem sanguini còcolorem. Plut.

Artaxerxes.

Teribazus in venatu Persicam vestem dilaceratam ostendit, consulens quid faciendum esset. respondente autem Artaxerxe rege, aliam induendam: Tuam igitur, inquit, mihi tradas oportet. Rex suam tradidit, dicens: Dono do tibi hanc vestem, sed gestare prohibeo. Teribazus vir minimè quidem malus, sed leuis præcipitisque consilii, neglecta regis mōitione, vestem induit, muliebribus etiam ex auro donis quæ à rege acceperat exornatam. Hoc cæteris omnibus indignè ferentibus (nam ridere nefas erat) rex effusè ridens: Tibi, inquit, vt mulieri aurum, vt insano regium amictum gestandi ius potestatemque concedimus. Eras. lib. 6. apoph.

Archidami.

Cum Dionysius Siciliae tyrannus filiabus Archidami vestes splendidas multique precii dono misisset, recusavit accipere, dicens: Vereor, ne hoc amictu puellae mihi turpes videantur. Intellexit vir prudens, virgines nullo cultu melius ornari, quam simplici. porro sericis, gemis & auro dehonestari magis quam ornari: propterea quod vestium luxus arguit animum parum sobrium, & intuentium animos ad libidinem sollicitat citius quam ad honestam opinionem. Decet autem, ut virgo tota & undique virgo sit, nec vlla ex parte det corruptae mentis significationem. Plut. in Lacom.

Ciceronis.

Suprà de Impunitate.

Augusti Cas.

Augustus Caesar quum pro concione multos videret palliatos, indignabundus: En, inquit, Romanos rerum dominos, gentemque rogatam. Adeo studebat priscos reuocare mores, ut habitum quoque vestitumque doluerit immutatum. Erasmus libro 4. apoph.

Eiusdem.

Idem purpuram tyriam empturus, de obscuritate querebatur. cumque venditor diceret, Erige altius, & suspice: Ergone, inquit, ut me populus Romanus dicat bene cultum, in solario ambulaturus sum? Brufonius lib. 7. cap. 12. Macrobius libro 2. cap. 4. Saturnal.

Eiusdem.

Augustus Caesar quantum potuit, indumentorum luxuriam habuit odio. cuius dictum erat vulgatissimum: Vestitus insignis ac mollis superbiae vexillum est, nidusque luxuriae. Sucto.

Iulii Augusti F.

Suprà de Superbia.

Alex. Seueri.

Alexander Seuerus Romanorum imperator, quum humili vestitu contentus saepenumero incederet, reprehensus ob id ab aulicis suis, respondit, Imperatoriam maiestatem constare virtute, non corporis cultu. Brufon. lib. 3. cap. 13.

Eiusdem.

Idem gemmas omnes quas reperit in palatio, vendidit, & aurum in ararium contulit, dicens, viris gemmas vsui non esse: matronas autem regias contentas esse debere vno reticulo atque inauribus & baccato monili, & corona in qua sacrificarent, & vnico pallio auro sparso, & cyclade, quae plus sex uncis auri

non

non haberet. Hic cultus hodie vix sufficit negociatorum vxoribus. Aelius Lamprid.

Aureliani imp.

Aurelianus Imperator, petenti vxori, vt se vnico pallio serico vti sineret, respondit: Absit vt auro filia pensetur. libra enim auri tunc libra serici fuit. Brus. Contursinus lib. 5. cap. 22.

Alphonfi.

Alphonfus Aragonum rex quum vestitu cultuque corporis non multum discreparet a popularibus suis, admonitus a quodam vt regio ornata incederet, respondit: Malo moribus & auctoritate meos excellere, quam diademate & purpura. Panormita lib. 1. de reb. gest. Alphonsi: Aeneas Syl. de eius dictis.

De vetulis.

Pausimachi.

Pausimachus in parasitum, qui ab anicula alebatur, dicebat, illi qui cum anu consuetudinem habeat, diuersum quiddam accidere, atq; ipsi vetulæ. Nam illum semper aliquid venire concipere, illam nunquam. Sentiens, illum subinde fieri futurum, illam manere sterilem. Eras. lib. 6. apoph.

Periclis.

Elpinice anus, quum Pericles Samum vastasset, in eum his verbis insultauit: Admiranda sunt ista, Pericles, & coronis decoranda, qui nos multis & fortibus ciuibus spoliasti, quum nec Phœnicibus nec Medis bellum intuleris, vt meus frater Cimon: sed vt urbem sociam, & necessitudine nobis coniunctam sub imperium redacturus esses. Hæc dicente Elpinice, subridens Pericles, ad eam sedato animo illud Archilochi dixisse fertur: Haud vnguenti, vetula quum sis, oblita es. Bruson. lib. 1. cap. 12.

Mamia meretricis.

Lamiam meretricem etiam senescentem Demetrius rex amabat, parum sobriè. Quum igitur de ea rex apud Mamiam, quæ & Demo dicebatur, gloriaretur, & appositis bellariis diceret, Vides quam multa mihi mittat Lamia? Plura, inquit, tibi mittentur a matre mea, si velis cum ea dormire. Notans, anus solere donare iis a quibus subiguntur. Eras. lib. 6. apoph.

Phrynes.

Phryne iam anus dixit, A multis feci emi propter vini gloriam. Sentiens, multos ideo secum cōgredi, vt gloriari possent,

cum Phryne rem habuisse. Sicut vini magni nominis etiam fœx emitur, ut iactare possint, se tale vinum habere domi. Ibidem.

Gnathena.

Suprà de Responso ab inexpectato.

De vicariis.

Alex. Seueri.

Alexàder Seuerus assessoribus designauit sua salaria. quam dicebat illos potissimum promouendos, qui per se Rempubl. gerere possent, non per assessores. Vnumquemque enim hoc agere debere, quod nosset. Prudentissimus iuuenis sensit, hoc esse præcipuum huius omniū Rerum publicarum, quod omnia munia per vicarios administrantur, interdum alteros ac tertios. Præfectus vrbs habet vicarium, & is vicarius rursus alterum vicarium, & hic rursus alium. Ac frequenter is qui & honore & salario fruitur, minimè omnium idoneus est ad functionem obeundam. Annotent hoc principes, qui subinde coguntur exactionibus grauare populum. Ael. Lamp.

De vicinis.

Diogenis.

LAcone quodam laudante Hesiodi carmen, scilicet, Non peribit bos utique, nisi affuerit malus vicinus: Diogenes excipiens, Atqui, inquit, & Messenii periere, & eorundem boves, in vicinia vobis constitutis. Laert.

Themistoclis.

Themistocles cum prædium quoddam vendere vellet, hoc quoque præconè addere iussit, *ὅτι καὶ ἀγαθὸς καὶ γέγονας*; id est, Quod vicinos etiam haberet bonos. quasi vicini commendatione futurum esset longè vendibilius. Huius dictum extat apud Plutarchum, explicaturque copiosius apud Erasmus in pro- uerbio, Aliquid mali propter vicinum malum. Vide Plutarchum in Græco. apoph. Stobæum sermo. 35. Antonium in Melissa, parte 2. sermo. 83.

Catonis.

Cato senior admonebat eos qui agros empturi essent, ut ante omnia animaduertent, ne malum haberent vicinum. Eras. Rote. lib. 5. apoph.

Iulij Drusi.

Aedes Publicolæ pluribus ex partibus vicinorum prospectui pa-

Etui patebant. Hoc incommodum faber se quinque talentis emendare velle promittebat. Tum Drusus: Decem talenta tibi dabo, si domum meam ita pares, ut vndeque pateat omnium oculis, quo non vicini tantum, sed omnes ciues perspicere possint, quomodo domi meae viuatur. Sunt qui conquerantur, aedes vicinorum oculis esse expositas. Verum vir bonus nequaquam curat, qui aedes introspiciant, quandoquidem foris ac domi agit, quæ virum bonum decent. Bruso. lib. 7. ca. 16. Eras. lib. 6. apoph.

De vicissitudine rerum, vide tit. de Fortunæ mutatione & inconstantia.

De victoria.

Diogeni.

IN Olympiis præconem ita pronunciantem, Doxippus viros vicit: correxit Diogenes, Hic, inquit, mancipia, sed ego viros. Significans, eos qui certarent Olympia, non esse viros sed gloriæ mancipia. Solus philosophus vincit viros. Laert. lib. 6.

Agésilai.

Quum Megabates Spithridatis filius, eximia forma adolescens, Agésilauum adisset aliquando salutandi gratia, ac iuxta Persarum morem osculum offerret, quod ab eo videretur admodum amari: Agésilauus auertit vultum, refugiens osculum. Cæterum quum erubuisset ille, ratus se contemptui fuisse, ac deinceps salutaret eum eminus: rex pœnitens vitati osculi, finxit se mirari quid accidisset Megabata, quod ipsum non salutaret osculo: familiares responderunt: Ipse fuisti in causa, ô rex, qui venientem non exceperis, sed formosi basium exhorrueris. alioqui nunc quoque persuaderi poterit, ut tibi veniat ad osculum, tantum ne rursus refugias. Hic postea quam Agésilauus aliquandiu tacitus, suo cum animo cogitasset: Non est, inquit, opus ut illi reditum persuadeatis. nam ego mihi sic videor affectus, ut malim huiusmodi rebus superior esse, quam aduersariorum urbem fortibus viris instructissimam per vim capere. Præstantius enim duco, ut quis sibi ipsi seruet suam libertatem, quam ut aliis libertatem adimat. O virum gerendo in alios imperio idoneum, qui suis cupiditatibus imperare posset. Quis non miretur tam philosophicum in homine militari iudicium? Intellexit, neminem esse liberum, qui seruiret cupiditatibus, intellexit, nullum esse imperiû speciosius, quam si quis

suo posset imperare. Hoc exemplum temperantiæ multo pulchrius videbitur, reputanti, quod Græcorum leges formosiorum adolescentium amorem concedant, citra turpitudinem tamen, aut vim. Quanquam hoc apophthegma Plutarchus in *Vitis* paulo secus refert: Ego, inquit, denuò malim illam de osculo pugnare pugnam, quam omnia quæ viderim mihi fieri aurea. Quo vir ille sentit amoris flammam acriorem, hoc pulchrius ducebat non obsequi animo. Eras. Rot. in apoph.

Laconis.

Quidam Laconi in Olympico certamine superato dixit: Aduersarius tuus, ô Lacon, te fuit potentior: Imò, inquit, ad deiciendum accommodatior. Quoniam certamen artis erat magis quam virtutis, Lacedæmonius non putabat se ob id deteriorem quod victus esset. Dicti argutia sita est in ancipiti voce. Nam *λεῖστος* & meliorem significat, & potentior, siue superiorem, aut præstantiorem. Is verè inferior est, qui honesto vincitur. Plut. in Laco.

Themistoclis.

Themistocles quum aduersus barbaros describeret Athenis exercitum, & in theatro ex illius gentis more producti essent galli gallinacei, atque inter sese commissi, mira pertinacia inter se depugnarent ad necem vsque rem ludicram vertit in seriam cohortationem. Sic enim ciues suos affatus est: At isti, inquit, neque pro aris ac focis, neque pro liberis depugnant, sed tantum quod vinci turpe sit. Quo igitur animo vos esse par est, quibus pro salute patriæ, pro charissimorum incolumitate, pro libertate certamen est? Eras. lib. 8. apoph.

Mithridati.

Mithridates victus à Cn. Pompeio, non tantum seipsum & filios, sed totum etiam regnum victori sua sponte obrulit: præfatus, neminem alium neque Romanum, neque ullius gentis virum futurum fuisse, cuius se societati commissurus foret, quam Cn. Pompeium. Proinde omnem sibi vel aduersam vel secundam, cuius autor ille esset, fortunam tolerabilem futuram. Non enim esse turpe ab eo vinci, quem vincere esset nefas: neque ei inhonestè aliquem submitti, quem fortuna super omnes extulisset. Velleius Paterculus, & Cuspinianus in Consulibus.

Annibalis.

Annibal à Minutio, quem insidiis obsederat, per Fabii copias

pias depulsus, ubi redisset in castra, dixisse fertur: Eo praelio à se victum Minutium, se autem à Fabio fuisse superatum. videlicet ex eadem pugna victus & victor rediit. Perierat enim Minutius, ni Fabius succurrisset. Plut.

Ciceronis.

Post Cæsaris victoriam interrogatus Cicero, cur in electione partium errasset? Præcinctura, inquit, me fecellit. Sentiens, se non sperasse, victoriam à molli & effœminato staturam. Cæsar enim ita toga præcingebatur, ut laciniam trahens, mollium in morem incederet. unde Sylla Pompeium admonere solebat, caueret à puero malè præcincto. Plut.

Traiani.

Traianus Valentis impiissimi Romanorum imperatoris contra Gothos dux, cum primum quidem congressum eorum sustinens, victus rediisset, ignauiam ei & timiditatem cum conuicio imperator obiecit. ille autem ea dicendi libertate, quæ virum fortem & strenuum decet: Non ego, inquit, ð imperator, victus sum, sed tu ipse sponte tua victoriam à teipso reiciis, qui ita cum Deo belligeraris, momentumque quod ab eo prouenit repellens, ad hostes potius transmittis. Deus enim semper vincit: & victoria illis fauere solet, qui auspiciu ductumque eius sequuntur. Is nunc ab aduersariorum partibus stat, quod eum tu bello (infectabatur enim eos, qui iam Christianam religionem acceperant) persequeris. Nicephorus Callistus lib. ii. cap. 40. Eccles. hist.

De victoria non astu aut insidiis, sed
virtute paranda.

Democriti.

Democritus dicere solebat, virilem se non æstimare eum solum qui armis cæteros præcelleret: sed & qui cum voluntatibus pugnam capessens, speciosam reportasset victoriam. Stobæus.

Archidami.

Infrà de Virtute.

Lysandri.

Lacedæmonii non præficiabant pædotribas, qui pueros ad luctam exercerent: ut virtutis esset certamen, nō artis. Vnde & Lysander interrogatus, quo pacto à Charonte victus esset? respondit, Vario artificio. Non existimabat ea gens in quauis
re spe

re speciosam esse victoriam, quæ callidis consiliis contigisset, potius quam animi corporisque robore. Ars autem omnis vt à naturali simplicitate recedit, ita dolo affinis est. Plut.

Alcibiadus.

Alcibiades etiamnum puer, quum in palæstra nexu quodam constrictus esset, vnde se non posset explicare, manum colluctatoris mordicus arripuit. illo dicente, mordes Alcibiades vt fœminæ solent: Imò, inquit, vt leones. Iam tum agnoscere erat animum, cedere nescium. Plut. in Græcor. apoph.

Alphonſi.

Alphonſus Aragonum rex, cum Caietam urbem pertinaciter obsideret, & eos fortè quos oppidani tanquam bello inutiles expulissent, vt commeatum diutius in vrbe haberent (erant autem senes decrepiti, mulieres, puellæ, infantes) ab his abstinere suos milites iussit. Verùm milites cum agrè hoc tulissent: Malo, inquit rex, Caieta & Caietanis nunquam potiri, quam homines imbelles & innocentem iuuentutem tam fœdè, tamque crudeliter trucidando vincere. Cum viris enim, non cum mulieribus mihi dimicatio est. O regem immortalitate dignissimum, quiq̃ vniuersum genus humanum gubernet & regat. Victoriam, quam luctuosam ac impiam existimaret, nullam iudicauit. Igitur omnem sexum atque ætatem imbellem excipi iussit, sed exceptos omnes abundè refici atque refocillari voluit. Antonius Panor. de reb. gestis Alphonſi, & Aeneas Syluius de eius dictis.

Eiusdem.

Idem, quum renunciatum esset à Ludouico Podio, quendam in Venerorum naualibus esse, qui illa vnà cum armamentario, quod in his erat, exurere pollicitaretur, si sibi duo millia aureorum à rege promitterentur, conatusq̃ illius facile cessuros affirmanti, respondit: Nequaquam infidiis, sed aut virtute vincendum esse, aut nunquam. Ex hac enim re non aliam sibi laudem sperandam esse, quam eius qui Dianæ Ephesæ templum incendisset, cuius nomen totius Asiæ decreto è memoria hominum oblitteratum traditur. Panor. lib. 3. de rebus gestis Alphonſi.

Eiusdem.

Carolus Francorum rex in bello Britannico superatus, ac militibus & pecunia iam exhaustus, cum per legatos peteret ab Alphonſo Aragonum rege (cuius prouincias ab antecessoribus quidem acceperat, sed non saluo iure) ne contra se bello
iam

iam protritum suscitaret aliquod bellum, infortunio occasionem dante: respondit Alphonsus, Non est quod sibi hoc tempore timeat Carolus. ego enim, quod maiores mei in Caroli summa foelicitate non petierunt, in eius calamitate petere nolo. Potuisset autem Alphonsus potentissimus, Carolum toto exuere regno, paucis admodum militibus, si astu & insidiis, non aperta virtute victoriam bonis viris parandam esse iudicasset. Antonius Panormita de rebus gestis Alphonsi, & Aeneas Syluius de eius dictis.

Eiusdem.

Idem, quum quidam se offerrent, qui Renati, Andagensium ducis, & hostis sui atrocissimi, mortem promitterent, insidiis parandam: non tantum hoc fieri noluit, sed ut in parricidas se in eisdem animaduersurum dixit, si hoc tentarent: dicens, se nequaquam insidiis cum hoste de regno, sed manu tantum & virtute dimicaturum. Ibidem.

Eiusdem.

Idem Alphonsus, his qui se in mortem Francisci Sfortiae paratos esse significassent, respondit: Nunquam sibi victoriam placuisse, cuius postea pigendum pudendumue esset. Igitur ni ab huiusmodi consiliis abstineant, talia se exempla in illos editurum, ut eiusmodi consilia sibi admodum molesta esse omnes intelligant. Ant. Panor. & Syluius ut supra.

Eiusdem.

Rogerus Pallantiae comes, amplissimo atque ornatissimo genere natus, impiger vir, & manu promptus, cum Alphonsum adiens diceret, in animo sibi esse Ioannem Castellae regem, ipsius hostem, contempto omni periculo confodere, foreque id sibi (si modo annuat) factu perfacile: Non per scelus, sed virtute gloriam quarendam esse, respondit Alphonsus. Se enim non solum pro Castellae atque Hispaniae dominatu, sed ne pro totius quidem orbis imperio adipiscendo, tam crudele atque detestabile facinus permitturum. Panormita libro secundo de rebus gestis Alphonsi.

Eiusdem.

Simili quodam modo respondisse dicitur exuli Florentino, Cosmam Medicen occisurum pollicenti, si XXX non amplius manu militum a rege iuuaretur: Longè quidem acriores atque ampliores hostes sese & habuisse, & habere, quam Cosmas esset quorum morte vel regna consequi se quidem potuisse, sed abstinuisset.

stinuisse à scelere. Idem Panormi.

Aeneas Syl.

Aeneas Syluius dicere solebat, decere regem inuictum habere animum, res si iusta sit: at ubi conatus iniustus est, præstare vinci quàm vincere. Aeneas sententia est in primo comment. de rebus gest. Alphonſi.

De victoria incruenta.

Pittaci.

Pittacus probabat victorias citra sanguinem partas. nam magno ciuium cruore emptas, hoc est, Cadmeas, vt vocât, non existimabat esse victorias. Laert. lib. 1. cap. 5.

Pyrrhi.

Pyrrhus Epirotarum rex bis commisso cum Romanis prælio vicerat, sed desideratis compluribus amicis & ducibus hic Pyrrhus: Si vno, inquit, adhuc prælio Romanos vicerimus, actum fuerit de nobis. Quod victi solent dicere, hoc dicebat victor: declarans, victoriam magno emptam non esse victoriam, sed calamitatem. Plut.

Eiusdem.

Quum è Sicilia solueret, frustratus eius videlicet potiundæ spe, conuersus ad amicos: Cuiusmodi, inquit, palæstram reliquimus Romanis & Carthaginensibus? significans, se certamen hoc cruentum & operosum libenter aliis cedere. Interdum felicius est non assequi, quàm nimio mercari quod ambis. Eras. ex Plut. in regum & impp. apoph.

Sabida.

Scæbidas, cum essent Lacedæmonii in pugna Leuctrica Martis aleam experturi, cuidam dicenti, hic dies declarabit virum bonum: Præclarus, inquit, dies, qui possit declarare virum bonum incolumem. præfagiens, in eo prælio plurimos egregios viros fortiter occubituros, quos ipse patriæ maluisset incolumes. Plut. in Lacon.

Alphonſus regis.

Alphonſus Arag. rex, cum graui atque diutino bello confecto iam triumpharet, victos tamen & captos hostes, triumphantium more currum præire non passus est: Ob hostes seruatos rectius, quàm cæsos, triumphandum esse dicens. Vnde apparet, quanti rex clementissimus victorias nullo sanguine partas faceret.

ceret. Panormita lib. 1. de Alphonſi rebus geſtis.

Eiuſdem.

Quum Florentinis ac Venetis petentibus, pacem dediffet: & regionum plerique gloriæ ſtudio flagrantes, permoleſtè hoc tu liſſent, eo quòd in eo bello magnificum ac glorioſum aliquod facinus edere potuiſſent, à quo iam pace comparata ſe fruſtra- tos planè agnoſcerent: Rex id quod erat ſuſpicatus aliquando, occaſionem iam naſtus, dixiſſe fertur: Bono animo eſtote com militones, nam & virtuti veſtræ, & mihi credite. Neque locus enim, neque honos deerit. & mihi perquàm ſpecioſum fuit, pe- tentibus pacem dare. Ita enim arma capere conſueuimus, vt ſi- ne cruore, ſi id modò fieri poteſt, victoriam adipiſcamur. Et quid aliud pacem tam ſubmiſſè petentes conſitentur, quàm ſe victos, nos autem victores eſſe: Panormita lib. 1. de rebus geſtis Alphonſi regis.

Eiuſdem.

Idem quum audiret quosdam ex ſuis eſſe, qui cogitarent de interficiendo hoſte, quo ſaluis rebus in pace viuere poſſent: re- ſpondit, Sibi nunquam eam victoriam placuiſſe, cuius poſtea pigendum pudendumue eſſet. Panormita lib. 3. de rebus geſtis Alphonſi.

Aenea Syluſ.

Aeneas Syluius dicere ſolebat, longè maiorem ſeruati quàm cæli hoſtis gloriâ eſſe. Innuit autem, eam demum victoriam reuera claram eſſe, quæ aut paucorum, aut omnino nullorum ſanguine parta eſſet, Syluius libro 1. comment. de rebus geſtis Alphonſi.

Idem Aeneas frequenter in ore habuiſſe fertur, tanto trium- phum victoris illuſtriorem eſſe, quanto plures relictæ ſunt, de quibus triumphetur. Ibidem.

De victoria, non ex multitudine militum metienda.

Antiſthenis.

A Niſthenes Athenienſis philoſophus, melius eſſe dicebat pugnare cum bonis paucis, aduerſus multos malos: quàm cum multis malis, aduerſus paucos bonos. In bello enim non tam multitudo militum, quàm pugnantium virtus parit victo- riam. Lacr. lib. 6. capit. 1.

Ageſilai.

Agefilai.

Agefilus Lacedæmoniorum rex audierat, socios molestè ferre tam crebras expeditiones: præsertim quum ipsi permulti, Lacedæmonios numero paucos sequerentur, itaque volens ostendere, quanta esset Lacedæmoniorum multitudo, iussit vni uersos socios simul confidere, permixtos inuicem: Lacedæmonios item separatim solos. Mox per præconem edixit, vt primi omnium surgerent figuli, hi quum surrexissent, secundo loco per præconem iussit surgere fabros ætarios, deinceps architectos ac domorum opifices, similiter & aliarum artium singulos. Ita factum est, vt propemodum socii surgerent omnes, Lacedæmoniorum verò nullus: eo quòd Lacedæmoniis, qui militiæ parantur, interdictum sit, opificium aut artem sedentariam vel exercere, vel discere. Hoc factò, risit Agefilus: Videtis, inquit, & viri, quanto plures nos educimus, quàm vos? Hoc stratagemate dux inclutus demonstrauit, non perinde referre quàm numerosum militem ducas in prælium, vt, quàm sortem & exercitatum. Plutarchus in Lacon, apoph.

Agidis.

Agis Archidami filius sæpenumero dicere solitus est, non oportere percontari, quot sint hostes, sed vbi sint. Sensit autem vir prudentissimus, non referre, quantus sit hostium numerus, sed quanta hostium sit animi magnitudo. Plut. in Lacon.

Eiusdem.

Quidam quum Agidem percontatus esset, quot essent Lacedæmonii? respondit: Quot satis sunt ad propulsandos hostes. Ostendens, magis referre quàm cordatos viros habeat ciuitas, quàm, quàm multos. Plutarchus in Laconis.

Leonida.

Cum quidam ad Leonidam dicèret, Cum paucis contra infinitos bellare decreuisti? respondit: Si putas me multitudine fretum huc venisse, ne Græcia quidem tota satis mihi erit. ea quippe ad barbarorum multitudinem collata, exigua portio est: sin virtute, & hic numerus satis erit. Voluit autem ostendere, in bello plus valere paucos, sed impeterritos, quàm multos, sed effeminatos & molles. Plut. in Lacon.

Padareti & Dianecis.

Suprà de Fortitudine heroica & militari.

Alexandri M.

Alexander, audito Darium triginta myriades in aciem producere,

ducere, dixit: Vnus coquus non metuit multas oues. Antonius in Meliffa, parte 1. ser. 37. Maxi. ser. 71.

Eiusdem.

Idem, cum explorator ei diceret, maiorem esse Darii exercitum, dixit: Oues etiam, licet plures, ab vno aut altero lupo capiuntur. Anton. in Meliffa, parte 1. ser. 37. Maxi. ser. 71.

Antigoni.

Suprà de Fortitudine heroica & militari.

Tigranis.

Tigranes Armeniæ rex contra Romanos magna militum copia pugnaturus, cum L. Luculli exercitum vidisset, paucorum exercitum irridens dixisse fertur: Si vt milites aduenissent, perpautos quidem esse: si verò vt legati, permultos. Verum mox ipso facto intellexit, victoriam non in multitudine pugnantium, sed militum robore atque virtute consistere. à Lucullo enim adeò victus est, vt tiaram vittasque lacerans atque abiiciens aufugerit: ne iis ornamentis in turpi fuga agnitus, ad Romanos captiuus abduceretur. Dion Nicæus, vel eius abbreviator Xiphilinus in Pompeio.

Annibalis.

Annibal Gisconi nunciati, sibi admirabilem videri Romanorum instructorum ad pugnam numerum: Imò aliud, inquit, mirabilius refugit. Quid autem hoc esset interroganti? Quod ex tam numerosa, inquit, hominum multitudine nullus appellatur Gisco. Timebat miles, tantum militum Romanorum numerum: verum Annibal, qui toties iam Romanorum vires pugnando fregerat, satis sciebat, non in numero, sed fortitudine militum consistere victoriam. Plut.

A. Posthumij.

A. Posthumius ad milites suos sæpenumero dicere solebat: Bella omnia, non qui plures sunt numero, rectè conficiunt, sed qui virtute sunt superiores. Bruto. lib. 7. cap. 2.

Quintij.

Quum Antiochus rex cum numeroso exercitu venisset in Graciam, omnesque reddidisset attonitos & militum numerus, & armaturæ varietas, Quintius hoc sermone metum ademit Achæis: Quum, inquit, essem in Chalcide, cœnans apud hospitem meum, mirabar carniū copiam, quum essent omnia recta niue. at hospes respondit, ea omnia nihil aliud esse, quam suis domestica carnes, tantum apparatu & conditura

diuerſa. Ne vos igitur, inquit, admiremini regis copias, quam auditis haſtatos, cataphractos, pedites, equites & ſagittarios. Nam hi omnes Syri ſunt, armatura inter ſe differentes. Plut. in Romanorum apoph.

Alphonſi.

Alphonſus rex Aragonum, cum Pincenciae agrum Surrentinum depopulari iure bellico cogereſſet, ſepenumero ingemuiſſe fertur. Verum cum oppidanos pertinaciores quam illis conueniret animaduerteſſet: Videte, inquit, qui urbem inhabitatis inimicam mihi, ne veſtra pertinacia id efficiat, quod poſtea mea lenitate & clementia corrigi non poſſit. Subindicans, non ſemper eſſe ſitum in ducis poteſtate, parta victoria militum prohibere rapacitatem. Panormita lib. i. de rebus geſtis Alphonſi.

De victoriae moderatione,

Hermocratis.

Hermocrates ad Syracuſanos dicere ſolebat: Non minoris virtutis eſſe, parta victoria bene uti, quam vincere. Bruſonis lib. 7. cap. 8.

Ageſilai.

Ageſilaus cum poſt ſcelicem apud Corinthum victoriam tam infinitos Corinthiorum & Athenienſium a ſuis trucidatos cerneret, adeo non gauiſus eſt, nec elatus ea victoria, ut grauiter Graeciae etiam vices deploraret: Heu, inquiens, Graeciam quae tot viros inſtino bello perdidit, quot vniuerſis barbaris debellandis ſatis eſſe poterant. Viro magnanimo optabilis quidem erat victoria, ſed multo gratior, ſi pauciorum ſanguine parta fuiſſet. Plut. in Lacon. apoph.

Eiuſdem.

Supra de Hoſtibus non crudeliter tractandis.

Eiuſdem.

Ageſilaus rex cum accepiſſet, e Lacedaemoniis octo, hoſtium vero decem millia in praelio occubiſſe: Heu tibi Graecia, inquit, quandoquidem ii qui oppetierunt, ſatis fuerant qui viui omnes pugnando ſuperaiſſent. Bruſo. lib. 3. cap. 13.

Lycurgi.

Lycurgus praecipere ſolebat, ut poſteaquam in bello hoſtem vertiſſent in fugam, ac ſuperaiſſent, tam diu fugientes inſequeyentur, donec certa eſſet victoria, moxque retrocederent. Neque enim

enim Græcorum conuenire moribus, eos trucidare qui celsissent: idque non solum honestius, verumetiam vtilius esse dicebat. Siquidem hostes, quibuscum res est, vbi cognorint Lacedæmonios parcere cedentibus, occidere verò qui loco non cedunt, sibi conducibilis existimabunt fugere quam persistere. Frequenter enim desperatio magnum robur addit animo, non minus quam spes victoriæ. Decet autem Græcos legibus ac disciplinis imbutos, etiam in bellis meminisse clementiæ. Barbaricæ feritatis est, sæuire in prostratos. Sed rursus ita temperanda est clementia, ne nobis sit exitio. Fit enim non rarò, vt hostis fugam simulet, vt reintegratis viribus acrior insurgat in victorem. Eras, ex Plutarcho in Lacon,

Philippi regis.

Suprà de Fortunæ inconstantia & mutatione.

Alexandri M.

Alexander Macedoniæ rex, capto Poro rege inclytissimo, cui & corporis ingètes inerant vires, & animi longè etiam maiores virtutes, hanc ipsam & corporis & animi excellentiam admiratus Alexander, sciscitabundus ipse quidem, magna tamen comitate adhibita, ab illo exigit, quam se ab Alexandro ratione tractari, quémque erga ipsum sese gerere Alexandrum cupiat? Ad ea nihil Porus aliud, quam, vt pro regia secum dignitate ageretur, petiit. Rursus Alexander, Numnam fortè & aliud? Ad ea quoque & ille subdidit: Regiam dignitatem, quæ ipse cuperet, cuncta secum cōtinere. Quæ dicta quum Alexander, pro sua regiaque & Pori dignitate ac decore examinasset, non regnum modò illi restituit, belli iure vindicatum, verum imperio eius latiores etiam fines adiecit. Pontanus lib. i. ca. vlt. de Magnanimitate, ex Plutar. regum & impera. apoph.

Epaminonda.

Epaminondas, quum alias solitus esset vncto corpore hilarique vultu prodire in publicum, postridie eius diei quo feliciter pugnatum est in Leuétris, processit squalidus ac summissus. Amicis autem sciscitantibus ecquid illi molesti accidisset? Nihil, inquit, sed heri sensi me plus a quo mihi placuisse, eius gaudii intemperantiam hodie castigo. Adeò metu it arrogantiæ vir Bæotus ac militaris: & nos non idem faciemus, quoties secunda fortunæ aura res nobis succedunt? Plutarchus in Græcorum apoph.

Demetrii.

Demetrius Antigoni filius cum cœpisset Athénienſium qui defecerant urbem, eaque grauitè rei frumentariæ penuria laboraret, protinus conuocata concione, dilargitus eſt illis frumentum gratis. Plut. in vita Demetrii.

Barchæ.

Quum Annibal apud Cannas feliciffimè pugnaſſet, amicis ſuadentibus vt fugientem hoſtem inſequens, in urbem irrumperet, non obtemperauit. Quam rem Barcha Carthagenenſis adeò indignè tulit, vt exclamarit: Vincere ſcis Annibal, victoria vt i nescis, Hoc dictum T. Liuius tribuit Maharbali. Plutar.

Scipionis.

Scipio dicere ſolebat, hoſti non ſolùm eſſe dandam viam fugiendi, verumetiam muniendam. docens, moderandam eſſe victoriam, nec ſæuiendum in eos qui contrà ferre arma deſtiſſent. Plutarchus.

Quinti.

Quintius, vbi Philippum bello vicerat, in Iſthmiis præconio iuſſit euulgari, ſe Græcos ſuæ libertati, ſuòq; iuri permittere. Quorquor autem Romani temporibus Annibalis capti ſeruiebant apud Græcos, quum horum ſingulos Græci quingentis drachmis emiſſent, gratis Quintio donarunt: qui & ipſi Romæ triumphantem Quintium ſequuti ſunt pileati, quod facere ſolent e ſeruitute manuſſi. Plut. in Ro. apoph.

Iulij Cæſ.

Iulius Cæſar cum Pompeium æqualem ſibi ferre non poſſet, armis rem expediunt ambo. Verum cum commiſſa pugna Pompeius vicifſet, & victoriã non perſequeretur, ſed ſe potius reciperet ad exercitum, tum Cæſar: Hodie quidem, inquit, penes hoſtes erat victoria, at non habent ducem, qui victoria ſciat vt. Plut. in Ro. apoph.

Auguſti Cæſ.

Quum Alexandrini poſt urbem vi captam, extrema ſe paſſuros exiſtimarent, Auguſtus ſuggeſtum conſcendit, adiuncto ſibi Ario Alexandrino, dixitque, ſe ciuitati parcere, primùm propter ipſius magnitudinem ac pulchritudinem, dein propter Alexandrum Magnum eius vrbis cõditorem, poſtremo in gratiam Arit amici. Raræ cuiuſdam clementiæ fuit, non diripere ciuitatem, quæ pertinaciſſimè rebellarat. ſed non minus laudis merebatur illa ciuilitas, quòd huius beneficii gratiam non ſibi

sibi vindicauit, sed vnā præcipuamque partem ipsi concessit vrbi: alteram tribuit Alexandro, cuius memoriam sciebat apud Alexandrinos esse gratiosissimam: tertiam transtulit in Arium eius ciuitatis ciuem, amicum tanto titulo suis commendans. Plut. in Roma. apoph.

Aureliani impera.

Aurelianus imperator Romano. quum Tyanam venisset, eamque occlusam reperisset, iratus dixit: Canem in hoc oppido non relinquam. Hac voce milites erecti sunt in spem prædæ: & Heradamon Tyanensis, metu, ne cum cæteris occideretur, prodidit ciuitatem. Qua capta, Aurelius Heradamonem patriæ proditorem occidit. Militibus ex Cæsaris promisso direptionem oppidi flagitantibus, respondit: Agite, canem me negaui relicturum, canes omnes occidite. Hoc pacto & proditori mercedem rependit, & militum auaritiā elusit. Videtur autem hic sermonis color sumptus ab Hebræis, in quorum literis reges qui minantur internecionem, negant se quenquam relicturos, vsque ad mingentem ad parietatem: canem hac periphrasi significantes. Eras. ex Vopisco.

Friderici impera.

Fridericus imperator victis in Hungaria Gunzienfibus: Magnus, inquit, actum est opus. Nunc autem maius restat, vt scilicet vincamus nosmetipsos, atque auariciæ & vlciscendi cupiditati frenos imponamus. Discant nostri principes victores, exemplo Friderici imperare animi affectibus, neque inolescere ob res ad nutum voluntatēque cedentes, parcerēque victis. Aeneas Syluius lib. 2. commenta. de rebus gestis Alphonsi.

Sigismundi impera.

Sigismundus Romanorum imperator obiurgatus, cur fugatos hostes non insequeretur, & comprehensos occideret? Satis, inquit, vicit, qui hostes fugauit. Vtinam, & huius exemplo monarchis nostræ ætatis perluaderi possit, magno cruore partam victoriam non existimari victoriam. Aeneas Syluius lib. 4. de rebus gestis Alphonsi.

Alphonsi regis.

Alphonfus Aragonum rex, non tam quod hostes vincere & sciret & posset, gloriabatur, quā quod victis consulere didicisset. Illud quidem fortunæ interdum munus esse, hoc autem semper suum. Refocillare enim victos, verè regium est: debel-

lare autem hostes, fortunæ est. Panormita lib. 2. de rebus gestis Alphonſi.

Eiusdem.

Idem cum in obsidione Stephati, centuriones ac milites, qui maledixerant regi, post captam urbem clementer tractasset, castigatus à suis, qui omnes morte damnandos iudicarent: respondit, Se malle ex clemētia & humanitate erga hostes, quam ex victoria laudem adipisci. Panormita lib. 3. de rebus gestis Alphonſi.

Sigisfrundi.

Suprà de Hostibus non crudeliter tractandis.

De victoriæ insolentia.

Brenni.

Capta vrbe à Gallis Senonibus, diuque obsidione oppresso Capitolio, pactum est inter Romanos Brennumque Gal-
lorum regem, vt obsidio ea lege solueretur, vt Romani mille pondò auri penderem. In illa fortè auri pensitatione Brennus de altera lance gladium cingulumque ferreum apposuit. Interrogante autem Sulpicio, Quid hoc esset? Quid aliud, inquit, nisi opprobrium victis. Brutoni. lib. 7. cap. 8.

Archidami.

Suprà de Arrogantia.

Sylla.

Quum Mithridates Sylla processisset obuiam, dextramque porrexisset: Sylla non recusauit, sed percontatus est, num à bello desisteret his conditionibus, quas cum Archelao pactus esset: Obticescente Mithridate: Quibus pace opus est, inquit Sylla, eos priores loqui conuenit, victori silere satis est. Rursus quum Mithridates variis coloribus excusaret quæ gesta fuerant: Olim, inquit, audiui, nunc experior, te singulari eloquentia præditum, qui tam nefariis factis colorem inuenire potueris. Plut. in Sylla.

De vigilantia.

Platonis.

Plato Atheniensis somnolentiam improbat. eoque scripsit in Legibus *ἡσυχία καὶ ἀγρυπνία ἀπὸ τοῦ ἀνθρώπου ἀπαιτούμενα*. id est, Nemo dormiens vlla re dignus est. Laert. lib. 3.

Philip

Philippi regis.

Philippus Macedonum rex cum in exercitu quodam tempore dormiisset, exprobratus: Turò, inquit, dormiui, vigilaui enim. Antipater. Subindicans, non esse regium indulgere somno, præsertim in bello, nisi habeat fidum ac vigilem præfectum. Plut. in apoph.

Parthenonis.

Idem quum interdiu dormiret, Græci que ad fores conuenientes criminarètur illum: Nolite admirari, Parmeno inquit, si nunc Philippus dormit: Nam quando vos dormiebatis, ille vigilabat. Brul. lib. 6. cap. 8. ex Plutar.

Aemylj.

Aemylus cum in bello contra Persen instituisset, ut milites sine armis vigilias agerent: rogatus à quodam, cur suis arma negaret: respondit: ut metu hostium sublata resistendifiducia, aduersus somnum pugnarent. Brul. lib. 6. cap. 8.

Catonis.

Cato seniore eo milite sibi opus esse nequaquam dicebat, qui inter eundem manus, inter confligendum pedes agitaret: quiq; stertendo quàm hostibus inclamitando longius sentiret. Brul. lib. 6. cap. 8.

Vide tit. de Somno.

De vino.

Anacharsidis.

Quidam in conuiuio videns uxorem Anacharsidis: Vxorem, inquit, deformem duxisti Anacharsi. Hic Anacharsis: Prorsus ita mihi videtur, inquit: sed heus puer infunde mihi meracius, ut eam reddam formosam. indicans, vinum adimere homini rectum iudicium. Refert Athenæus lib. 9.

Eiusdem.

Idem dicebat, vitæ ferre tres botros: primum voluptatis, alterum ebrietatis, tertium molestiæ. Sentiens, parcum vini usum esse iucundum, quia sedat sitim, largiorem gignere temulentiam: largissimum parere rixas, cædes ac morbos. Simile huic quod alibi dictum est: Primam craterem pertinere ad sitim, alteram ad voluptatem, tertiam ad ebrietatem, quartam ad insaniam. Dictum erit iucundius, si cogites, in Scythia non esse vites. Laer. lib. 1. cap. 9.

Ciceronis.

Cicero apud Damaspum cœnans, quum conuiuator mediocre vinum apposuisset, idque conuiuii à vetustate cupiens commendare, diceret: Bibite Phalernum hoc, quadraginta annorum est: Bene, inquit, fert ætatem. Hoc modo de homine loqui solemus, cuius formæ viribusque nō multum detrahit ætas. At ridiculum erat, vinum ab immodica vetustate commendare. Plut. in Cicer. vita.

Vide tit. de Ebrietate.

De virtute.

Antisthenis.

Antisthenes Atheniensium philosophus, cum nil tam difficile esse sciret, quod studio superari non posset, Virtutem etiam posse disci solebat dicere. vtest apud Laert. lib. 6.

Eiusdem.

Idem dicebat, Virtutem esse armaturam quæ detrahi non possit. Ensis enim & clypeus excutiuntur: sapiens autem ac virtute præditus nunquam non armatus est, eoque vinci non potest. Laert. lib. 6. cap. 1.

Eiusdem.

Idem tutissimum esse murum prudentiam dicebat, quod is nec collabatur, nec proditur. Nulla mœnia tam sunt munita, quin machinis aut suffossionibus, aut, vt nihil horū, proditione capiantur. Sapientis decreta sunt, inexpugnabilia. Laert. lib. 6. cap. 1.

Eiusdem.

Idem philosophus assidue dicere solebat, Virtutem sibi sufficere ad fœlicitatem, nec vlla re opus habere nisi robore Socratico. Laert. lib. 6. cap. 1.

Eiusdem.

Idem dicebat, virum iustum pluris faciendum, quàm cognatum. Arctiora enim sunt vincula virtutis, quàm sanguinis. Et omnis bonus bono proximo cognatus est, propter animorum similitudinem. Laert. lib. 6. cap. 1.

Eiusdem.

Idem negabat, sapientem viuere iuxta leges ab hominibus institutas, sed iuxta normam virtutis. Sentiens, non ideo quid faciendum aut vitandum, quia leges iubent aut vetant: sed quia ipsa ratio dicat, hoc esse honestum, illud turpe. Leges non omnia præ-

nia præscribunt: aut virtutis regula docet ubique quid sit honestum, quid turpe. Coacta virtus, virtus non est. Laer. lib. 6.

Eiusdem.

Quum in theatro populus Athenientium tumultuaretur ob versiculum recitatum,

τίδ' αἰσχρὸν εἰμὶ τοῖσι χρωμένους δὸνῃ; id est:

Quid turpe mihi videatur hoc utentibus?

Antisthenes subiecit alterum,

αἰσχρὸν τοῖσι αἰσχρὸν, καὶ δὸνῃ, καὶ μὴ δὸνῃ.

Quod turpe, turpe est, siue credas, siue non.

Eleganter correxit inutilem sententiã. Refert Plut. in Pericle.

Diogenis.

Diogenes Cynicus ab Hegesia rogatus, ut ipsi libros aliquot commodato daret: Non sapias, ait, cum caricas non pictas, sed veras eligas: vera exercitatione neglecta, ad scripturam te conferas. Quo dicto notavit eos, qui per omnem vitam ex philosophorum libris virtutem haurire cupiunt: cum virtus magis usu discatur, quam lectione. Laert. lib. 6.

Eiusdem.

Idem, quoniam Cynicus erat, canis dictus est: & hoc vitæ genus à multis laudabatur, nemo tamen imitabatur. Itaque dicere solitus est, se canem esse laudantium, sed laudatorum neminem cum laudato cane audere venatum ire. Ibid.

Eiusdem.

Diogenes dicebat, se multos quidem videre colludentes & discursantes, non autem qui virtuti operam darent. Stob. ser. 2. de Imprudentia.

Stoicorum.

Stoicorum dogma est, nihil esse expetendum, præter virtutē: nihil fugiendum, præter vitium. Eras. Rot. lib. 6. apoph.

Socratis.

Socrates cum aliquando in colloquium cum Theodota meretrice formosissima venisset, quæ Callisthenem blandis ad se verbis trahebat, ad Socratem dixisse meretrix fertur: Ego quidem, ô Socrates, multum tibi præsto. Nam cum tu neminem ex meis à me possis abalienare, ego, cum libitum est, tuos omnes à te voco. Cui respondit Socrates: Non mirum quidē est hoc. Tu siquidem ad declivem tramitem omnes rapis: ego verò ad virtutem cogo, ad quam arduus, & plerisque insolitus est ascensus. Sensit autem philosophus clarissimus, adeò corruptos

esse hominum mores, vt facile ducantur ad vitia, quorum laetitia est via: abhorreant autem à virtutibus, ad quarum acumen ardua ac spinosa nobis videtur esse via. Recitatur hoc dictærium apud Xenophontem, & Aelia. lib. 13. de Var. histor.

Eiusdem.

In conuiuio apud Xenophontem singulis dicere iussis, quæ artificio, quove bono sibi præcipue placerent: quum ordo venisset ad Socratem, ioco dixit: Se maxime gloriari de lenocinio. Sentiens, se tradere veram virtutem, quæ potissimum commendat habentem, quæque tum priuatim, tum publicè consiliat homini beneuolentiam & amorem. Eras. lib. 3. apoph.

Eiusdem.

Quodam tempore quum Euripides ita de virtute differeret, vt diceret,

ἀγέρτατον εἶναι τὰ ὅσα ἰσὺν ἀφαιρέα. id est,

Hæc missa temerè est optimum relinquere.

Quasi virtus inueniri vix posset, surrexit Socrates dicens: Ridiculum esse, quum mancipium, si non protinus inueniatur, operæ precium existimemus inuestigare: virtutem nulla inuestigatione dignam iudicare, si non protinus contingat homini. Eras. lib. 3. apoph.

Stratonis.

Strato Physicus quibusdam obiiciētibus quod Menedemus plures haberet auditores quam ipse: Quid mirum, inquit, si plures reperiuntur qui lauare cupiunt, quam vngi? Vnguntur, qui se parant certamini. Subindicauit, Menedemi philosophiæ esse dilutam: ac facile inueniri, qui audiant de virtute differentem: per paucos autem qui virtutem exerceant. nam huc prouocabat Strato. Eras. lib. 7. apoph.

Demetrii Phal.

Demetrius Phalereus quum audisset, Athenienses fuisse demolitos statuas suas, quas illi posuerant: At virtutem, inquit, non euerterunt, cuius gratia illas posuerant. Laer. lib. 5. cap. 5.

Themistoclis.

Themistocles Seriphio cuidam dicenti, eum non sua, sed patriæ gloria splendorem assequutum: Vera, inquit, herculè narras: verum tamen, nec si ego Seriphius ignobilis, nec tu si Atheniensis esses, clarus vnquam fuisses. Sensit autem, non patriam, sed virtutem, existimationem facere hominibus & authoritatem. Brus. lib. 7. cap. 2.

Phocio

Phocionis.

Phocion Atheniensis, hanc diuinam esse legem dicebat: Vt vnica virtus sit potens, reliqua autem cuncta nugæ. Stob. ser. 1. de Prudentia.

Socratis.

Gorgias cum à Socrate percuteretur, an Persarum regem putaret foelicem? Nescio hercle, inquit, quantum virtutis & disciplinæ habeat. Sensit vir prudentissimus, neminẽ esse foelicẽ, nisi omnibus virtutibus præditus sit. Brus. lib. 7. cap. 2.

Iamblichi.

Iamblichus, ad virtutem tanquam ad asylum semper confugiendum esse, dicere solebat: ne cui turpi iniuriæ fortunæ expoñi simus. Stob. serm. 1. de Prudentia.

Agésilæ.

Agésilæus Lacedæmoniorum rex, cum audiret Persarum regem Magaum appellari: Qua re maior me est, inquit, nisi iustior est, ac temperantior? Censuit vir iustissimus, eum demum magnum esse virum, qui virtutibus alios omnes superaret. Plutar. in Lac. apoph.

Eiusdem.

Idem, cuidam sciscitanti, quæ potissimum pueris essent discenda? Ea, inquit, quibus vsuri sint, quum & ad virilem peruenierint ætatem. Rectè censuit vir prudens, solam virtutem primum ac statim à teneris vnguiculis disci oportere, nec vllam æui portionem artibus friuolis dandam: quæ vt in pueris habent ostentationem plausibilem, ita nec grandibus decori futuræ sint, nec ad seria vocatis vtilis. Plutar. in Lacon. Bruson. lib. 7. cap. 2.

Eiusdem.

Cum scelerosum quendam hominem crudelissima tormenta magna animi fortitudine ac infracto animo pertulisse audiuisset, miserum hominem esse iudicauit, qui tam præclaram virtutem in re tam inhonesta ostendisset: quam si ad res honestiores attulisset, magno vsui Reipublicæ esse potuisset. Plut. in Lacon. apoph. & Eras. lib. 1.

Eiusdem.

Aduersus pecuniarum studium, quo vitio plerique laborant, amicos Agésilæus admonere consuevit, ne tam pecuniis quam fortitudine ac virtute studerent ditescere: quod frustra parat opes, qui veris animi bonis vacat. Plut. in Lacon. apoph.

Archæ

Archidami.

Archidamus cum ob superatos bello Arcadas à quodam lau-
dassetur: Multo, inquit, præstantius erat, si illos prudentia quam
viribus superassemus. Intellexit dux nobilissimus, eam victo-
riam meritò encomiis celebrari, in qua virtute alios vincimus,
cum viribus à brutis etiam superemur animalibus. Plutar. in
Laconicis.

Eudamida.

Suprà de Disputationibus aut Quæstionibus frivolis atque
inutilibus.

Charilai.

Charilaus interroganti, quam arbitraretur optimam rem-
publicam? In qua, inquit, plurimi ciues de virtute inter sese de-
certant, citra seditionem. In plerisque ciuitatibus certamen est
de opibus & honoribus: de virtute qui certèt, penè nulli. Quan-
quam hoc quoque certamen de honesto, debet hæcenus ferue-
re, ne prorumpat in seditionem. Iam enim non est concertatio
virtutis, sed ambitionis. Qui vera virtute præditus est, nihil spe-
ctat nisi vt prosit reipublicæ. At seditio, præsens venenum est ci-
uitatis. Eras. ex Plut. in Laconicis apoph.

Anaxandrida.

Anaxandridas Leontis filius, cum quendam videret acerbè
ferre exilium, dixisse fertur: Noli vir optimè exhorrescere exi-
lium. à virtute enim & iustitia exulare, illud horrendum est. Sen-
sit vir optimus, eos omnes exules esse, qui à virtutibus alieni
sunt: eos autem nequaquam exules, qui variis virtutibus ornati,
vbique patriam inveniunt. Plut. in Lacon.

Antigoni.

Antigonus secundus adolescenti cuidam qui patrem habue-
rat fortem, quanquam ipse non admodum, vt videbatur, bonus
erat miles, postulanti vt patris stipēdia caperet: At ego, inquit,
ò adolescentule, non ob patrias, sed ob proprias cuiusque viri
virtutes mercedem ac munera dare soleo. Hoc sermone iuuenē
extimulans, vt patris fortitudinem æquaret, si quantum ille ca-
pere solebat, vellet accipere. Apud Græcos maior est dicti gra-
tia ob vocum affinitatem, *αὐδ᾽ ἀγαθίας, ἠὲ παρ᾽ ἀγαθίας*: quæ vox
posterior ad prioris imitationem efficta est. Plut. in reg. & imp.
apophthegma.

De eo quòd virtus in actione consistit.

Pittaci.

Pittacus Mityleneus interrogatus quid esset optimū? Quod in præsentia, inquit, occurrit, bene agere. Brusonius libr. 7. cap. secundo.

Antisthenis.

Antisthenes Atheniensis, virtutem esse rem operum, non aut plurimis verbis multisque disciplinis egere dicebat. ~~Adversus corruptam et theologicam pietatemque passionem studiorum deinde utilitatem ac profectum, per se virtutem omnem nihil aliud quod non sit deorum.~~ Notat hoc Horatius, - Virtutem verba putas, ut Lucum ligna. - Laert. lib. 6. cap. 1.

Cleanthus.

Supra de Doctrina factis dissentanea.

Agessilai.

Agessilaus rogatus quomodo quis maximè apud homines probaretur? Si dicat, inquit, optima, & faciat honestissima. Virtus enim eiusmodi est, quæ ipsis statim rebus gestis ita afficiat homines, ut non modò admirentur opera, verum in autorem quoque summo studio incendantur. Brus. lib. 7. cap. 2.

Pantholida.

Pantholidas legatus cum in Atheniensium gymnasio philosophos egregiè de virtute disputantes audivisset, interrogatus, An placeret quæ iam disputata essent? Probæ profectò, inquit, sunt illæ disputationes, sed vobis planè inutiles: qui virtutem habetis in ore, factis autem non ostendi tis. Plutar. in Laconicis apophthegma.

Semiramidis.

Staurobates Indorum rex Semiramidi minitans scripsit, si acie victa foret, se illam cruci affixurum. Sed illa ridens: Non verbis, sed virtute certandum esse, respondit. Brus. lib. 7. cap. 2.

Gymnosophistarum.

Alexander cum Gymnosophistas interrogasset, Vitam, an mortem fortiolem putarent? Vitam, inquiunt, quæ tot calami rosa pariat. Brus. lib. 4. cap. 1.

L. Volumnij.

Appius populo Romano exprobrabat, sibi acceptum ferri debere, quòd ex muto & elingui facundum haberet consulèm. de L. Volumnio collega sentiens. Ibi L. Volumnius: Quàm malè,

lem, inquit, tu à me strenuè facere, quàm ego ab te scitè loqui didicissem. Brus. lib. 4. cap. 31.

Nestoris.

Suprà de Doctrina factis dissentanea.

Adriani imp.

Prætoriiis viris ab imperatore Adriano petentibus ut sibi de iure respondere liceret: rescripsit, hoc munus non peti solere, sed præstari. Quare accingerentur, si qui sibi fiderent, & populo sui specimen darent. Nam Augustus quo maior esset iurisperitorum autoritas, constituerat, ut qui respondere vellent, id ex autoritate Cæsaris facerent: quum antea liberum fuisset, respondendi munus subire, quicumque sui fiduciam haberent. Sic & hodie creantur doctores medicinæ, iuris, artium, theologiæ: quum hoc nomen promeruisse sit pulchrius, quàm obtinuisse. Eras. lib. 8. apophthegma.

Alexand. Mammæa.

Alexander Mammææ filius, Romanorum iam factus imperator, audiens Artaxerxem instructissimoque exercitu Romanum velle inuadere imperium, Nil refert, inquit. Ut enim quæ cum voluptate agimus, dulcia sunt: ita quæ cum virtute, gloriosa esse solent. Herod. lib. 6.

Huc aliqua ex parte spectant, quæ sunt sub titul. de Doctrina factis dissentanea.

De vi, vel violentia.

Lyfandri.

Cum Argiui de ditionis finibus ambigerent cum Lacedæmoniiis, asseuerarentque se iustiores habere causam, Lyfander stricto ense: Qui hoc, inquit, superior est, is optimè de finibus disputat. Ab æquo & bono vir insolens ad vim prouocauit. Plutar. in Laconicis.

Eiusdem.

Idem ad Bœotos ancipites, nec huic, nec illi parti addictos, quum per illorum confinia faceret iter, legatos misit, qui percontarentur, utrum rectis an inflexis hastis per illorum agros proficisci deberet: significans, siue amici essent Bœotii, siue inimici, nihilominus se cæpto itinere perrecturum. nisi quod per hostium agros iturus esset erectis hastis, ad propulsandum si quis obsisteret: per amicorum inuersis, veluti nemini nociturus.

rus. Hoc dictum nonnihil respicit indolis Laconicæ, qui nec inimicis supplex esse veller, nec amicis grauis. Plutarchus in Lacon.

Themistocli.

Themistocles quum apud Andrum argētum peteret: Duos, inquit, ad vos adduco deos vim ac suasionem. significans, si minus impetraret suadendo, se vi crepturum. At illi responderunt, apud se quoque duas magnas esse deas, inopiam & impossibilitatem, per quas non liceret dare quæ petebat. Plutar.

Anonymi.

Conflauit Cæsari magnam inuidiam, quodd quidam ex his quos Romam miserat, stans in senatu, simulatque cognouit Cæsari senatum non dare prorogationem manu capulum percussiens: At hic, inquit, dabit, vim Reipubli. minitans. Eras. lib. 4. apophthegma.

De visu, aspectu, & oculis.

Thaletis.

THales Milesius cum olim interrogatus esset, quantum à mendacio distaret veritas? Quantum, inquit, oculi ab auribus. Sensit vir prudentissimus, ea demum esse indubitata fidei, quæ hominum contuentur oculis, non quæ auribus percipiuntur. Eras. lib. 8. apophth.

Diogenis.

Diogenes Cynicus animaduertens, Olympionem quandam fixis oculis scortum formosissimum intuentem: Ecce, inquit, ut aries Martius à puella publica obtorto collo vinctus abducitur. Notauit autem hominis oculos intemperantissimos, quibus scortum obtorto etiam collo, quamdiu poterat, intuebatur. Laertius lib. 6.

Xenocrati.

Xenocrates familiaris Platonis dicere solebat: nihil interesse pedesne an oculos in aliena domo defigeres. Eodē enim modo peccare tam eum qui oculos in loca in qua non conuenit, verteret, quam eum qui quo non licitum est, vestigia inferret. Aelianus lib. 14. de Variâ historia.

Pericli.

Pericles prætor collegam fortius est Sophoclem poetam, cumque in nauigatione Sophocles vidisset adolescentem formosissimum

fissimum, ait, En quam speciosus adolescens, respondit Pericles:
Decet o Sophocles, prætorem non modò manus, sed & oculos
& linguam habere abstinentes. Plutarc. in Grec. apophth. Stob.
ser. 5. Cic. lib. 1. Offic.

Idem aliter.

Isocrates ybi vidisset Sophoclem Tragicædiarum scriptorem
sequi puerum formosissimum, captum illius amore: Oportet,
ait, hominem non manus tantum apud se continere, verum &
oculos. Eras. lib. 8. apoph.

Ephori.

Ephorus dicere solebat, Si possibile fuisset rebus ipsis omni-
bus adesse, eam experientiam reliquis multò fuisse præstantio-
rem. Sensit autem, certiora esse quæ oculis visa sunt, quam quæ
auribus percepta ab aliis. Cum enim duo homini iuxta naturam
sint velut organa quædam, quibus omnia percipit & scrutatur,
auditus scilicet & visus, certior autem multo sit visus, iuxta He-
raclitum: horum licet proprio, minoris tamen momenti orga-
no, auribus videlicet, ad inquisitionem rerum accedit. Polybius
lib. 12. historiarum.

Theopompi.

Theopompus cum quidam optimum bellicarum rerum scri-
ptorem esse dicit, qui quam plurima sit pericula ipse coram ex-
pertus: illum verò dicendo potissimum esse, qui quamplurimo-
rum civilium certaminum particeps extiterit. De iis enim re-
bus, quibus ipse interfuit, & vidit, melius dicere poterit, quam
quæ ab aliis nugantibus fortasse audiuit. Polybius lib. 12. hist.

Iai.

Iseus sophista cum à quodam qui elegantissimam ostende-
rat sceminam, interrogatus esset, num formosissima videretur
respondit, *ὡς πικρὰς ὀφθαλμῶν*, id est, desit laborare ab oculis.
Refertur à Philostrato in Sophistis.

Alexandri M.

Suprà de Aspectu incauto.

C. Sulpitij.

C. Sulpitius Gallus uxorem repudiavit, quod aperto capite
foris fuisset, inquit: Tibi meos vnus præfinit oculos lex no-
stra, quibus formam tuam approbes: his ornamenta compara-
to, his esto speciosa: aliis velle videri formosam, in suspitione
& crimine hæreat necesse est. Eras. lib. apoph.

De vita

De vita humana.

Pythagora.

Pythagoras philosophus dicebat, vitam humanam esse similem panegyri, hoc est, solenni hominum conuentui, ad quem alii conueniunt certaturi, alii negociaturi, nonnulli spectatores modò futuri. Et Ceteros quidem omnes esse sollicitos: solum spectatorem tranquillum frui celebritate. Laertius lib.8.cap.1.

Epietesi.

Epietetus vitam fortunæ coniunctam, torrenti similem esse dicebat: Turbulenta enim & plena cœno, ingressuque difficilis, violenta & obstrepera est, & breue tempus edurat. Stob. ser.1.

Diogenis.

Diogenes dicenti miserum esse viuere: Non, inquit, viuere miserum est, sed malè viuere miserum est. Vulgus miseram appellat vitam laboribus, doloribus, morbis, damnis, exiliis, multisque hoc genus incommodis obnoxiam. at philosophus nihil malum aut miserum esse ducebat, nisi quod cum turpitudine coniunctum esset. Laert. lib.6. Bruso. lib.7.c.14.

Pyrthonis.

Pyrrho Eliensis philosophus admirari solebat illum Homeri versiculum præ cæteris,

οἷον περ φύλλων λευκῶν, τριῖνδε ἡγεὶ ἀνδρῶν.

Id est,

Tale quidem genus est hominum, quale est foliorum.

Quòd aliis defluentibus alii succedant. Sentiens, in rebus humanis nihil esse diuturnum aut stabile. Laert. lib.9, cap.11.

Epicharmi.

Epicharmus cum inter confabulandum cum amicis audisset disceptantes de viuendi spacio, cum quidam tres, quidam quatuor, alii plures annos sibi tribuerent adhuc viuendos, dixisse fertur: Quid mutuo contenditis & litigatis de paucis diebus? Omnes enim qui conuenimus, quodam fato propinquissimi morti. Itaque tempus est nobis omnibus ocys discedendi, antequam aliquod senectutis damnum experiamur. Aelianus lib.2. de Varia historia.

Anonymi.

Philosophus quidam interrogatus, qualis esset hominis vita? cum parumper se ostendisset, mox se abscondit. Quo indi-

care voluit, momentaneam & perbreuem esse hominis vitam.
 Recitat Rodolphus Agricola lib. 1. cap. 24. de Inuentione.

Philippi regis.

Philippus Macedoniae rex, quum appararet in loco pulchro castra metari, & moneretur, illic non esse pabulum pro iumentis: Qualis, inquit, est nostra vita, si etiam ad asinorum commoditatem viuere cogimur? Plutarchus in apoph. regum, & imperatorum.

Iulij Cæs.

Iulius Cæsar quum vndique viderentur imminere insidiæ, atque admoneretur vt sibi caueret, respondit: Satiùs subire semel, quàm semper cauere. Significans, cum non viuere, qui vitit in perpetuo mortis metu. Eras. lib. 4. apoph.

Octauij impera.

Octauius Augustus Romanorum imperator, quum sentiret imminere mortem, admissos amicos percontabatur, ecquid ipsis videretur mimum vitæ sat commodè transegisse: sentiens de fabula vitæ peracta, & adiecit carmen peractis comœdiis accini solitum:

Δέρι λήετον νξί πάλαις ήμιν μετὰ χαρὰς ληροήσων.

Eras. lib. 4. apoph. ex Suetonio.

Huc refer ea quæ suprâ de Hominis fragilitate dicta sunt.

De vitæ cupiditate.

Diogenis.

Diogenes Cynicus, cum dixisset mortem nihil differre à vita, reprehensus à quodam qui diceret: Cur igitur non moreris? Quia, respondit, hæc nihil inter se differunt. Laertius in vita Diogenis. Verùm Stobæus sermone 118. Pyrrhoni hoc adscribit.

Eiusdem.

Suprà de Morte.

Speusippi.

Speusippum cruribus resolutum Diogenes hortabatur, vt seipsum vita priuaret. Cui ille: Non cruribus, inquit, viuimus, sed mente. Stobæus sermone 116.

Theodori Cyth.

Theodorus Cytheræus nullam satis magnam causam sapienti esse dicebat ad vitam finiendam. quod hac ratione probabat. Istum enim qui casus humanos contemnit, vitam propter

pter eos relinquere, quomodo non contrarium fuerit illi qui nihil bonum quàm honestum, & solum turpe malum asseruit? Stobæus sermone 118.

De vitiis.

Socrati.

Socrates philosophus clarissimus, cum in sermonem incidisset cum Theodoti meretrice formosissima, quæ dicebat se omnes philosophiæ discipulos alienare posse, & vocare ad se quocunque tempore velit, Socratem autem eius amatores ad se trahere nequaquam: respondisse fertur, Bene quidam dicis, quandoquidem tu ad declivem tramitem omnes rapis: ego verò ad virtutem cogo, ad quam arduus, & plerisque insolitus est ascensus. Innuit autem Socrates, naturam hominis esse adeò depravatam, ut facillima ad omnium vitiorum lernam sit via, ad virtutem verò pauci contédant. Recitatur apud Xenophontem, & Aelianum lib. 13. de Varia historia.

Crates.

Crates Thebanus negabat inter homines quempiam inueniri posse, qui non aliqua in parte laberetur: addens, nullum inueniri malum punicum, in quo non sit aliquod granum supputre. Laert. lib. 6. cap. 5.

Thrasea.

Suprà de Hominis miseria & fragilitate.

Leonis Byzantij.

Pasiades cum Leoni Byzantio lippitudinem obiiceret oculorum, Leo respondit: Corporis mei vitium vides & exprobras, haud videns filium tuum Nemefim humeris baiulantem. Erat enim Pasiadi filius contractis humeris. Nemefim autem dixit redargutionem insolentiae, quam veteres fingeant esse deam. Philostratus.

Dionysij iun.

Dionysius iunior regno pulsus, eadē dicebat se pati quæ adolescentes, quemadmodum enim illi si peccauerint, hilari vultu fratrum consuetudine utuntur, patris autem præ pudore fugiunt: sic sibi euenisse, ut in metropoli vitam agens verecundia teneretur, Leucade cum voluptate viueret. Brufon. lib. 7. cap. 1.

De ultione & vindicta.

Diogenis.

Diogenes Cynicus interrogatus à quodam, quo pacto maxime posset vlcisci inimicum? Si teipsum, inquit, probum

& honestum virum præstiteris. Hoc qui facit, & sibi prodest maximè, & inimicum maximè discruciat. Nam si fundum conspiciens bene cultum discruciat inimicus, quid fiet si te ipsum viderit veris ornatum bonis? Laert. lib. 6.

Eiusdem.

Idem ingressus aliquando iuuenum conuiuium, capite semiranso, nō solū non comiter exceptus est, sed multis plagis onustus dimissus est. Quos ille hac ratione est vltus. Nomina iuuenum à quibus fuerat cæsus, albo inscripsit, itaq; obambulabat soluto pallio: plagarum notæ loquebantur, quid esset passus, & album prodebat autores. Hoc pacto iuuenes inhumanos omnibus obiurgandos ac reprehendendos exposuit. Laert. lib. 6.

Eiusdem.

Midias cum Diogeni colaphum dedisset, Diogenes continuo dixit, Tria milia tibi in mensa sunt posita: per ludibrium illi gratulans, quod pro colapho tantum nummorum ex multa ad ipsum esset rediturum, si lege ageret. Ad Diogenes postridie sumpto pugilum loro, eoque impacto Midia, totidem verbis dixit, Tria milia tibi in mensa sunt posita. A. Gellius narrat de quodam, qui pro delectamento habebat, manu depalmare homines: mōxque à crumena quam in hoc circumferebat, iussit numerari multam. At Diogenes declarauit, non omnes esse ea patientia, vt multa contenti sint. Laert.

Tiberij impera.

Diogenes grāmaticus sabbatis Rhodi disputare solitus, Tiberium ad se venientem, vt ipsum extra ordinem audiret non admisit, sed per seruulum suum in septimum distulit diem. Is quum Romā venisset, & pro Cæsaris foribus adstaret, cupiens illum salutare: Tiberius iussit, vt post septimum annū rediret. Nec alia pœna tantam grammatici superbiam vltus est. Erasmus lib. 6. apoph.

Anacharsidis.

Suprà de Spectaculis.

Timonis.

Timon Atheniensis, quem *μισάνθρωπον* appellat Lucianus, quum erga cæteros esset inhumanissimis moribus, fugerētque consuetudinem hominum, solum Alcibiadem adamabat, exosculabaturque. Id admiranti Apermano, causamque roganti, respondit: Ideo sibi charum esse adolescentem, quod perspiceret illum aliquando magno malo fore Atheniensibus à quibus multis

multis contumeliis affectus esset. Erasmus libro quinto apoph.
Fulgosus lib. 9. cap. 17.

Alcibiadis.

Alcibiades nuncianti, quod ipse cum comitibus morte damnatus esset Athenis: At nos, inquit, demonstrabimus illi Alcibiadem viuere. simulque sese ad Lacedaemonios contulit, ac bellum Decelicum, ab vrbe Decelia cognominatum, excitauit in Athenienses. Plut.

Philoxeni.

Philoxenus poeta quum audisset suos versus à laterariis perperam recitari, lateres ipsorum comminuit dicēs: Vos meā corrumpitis, ego vicissim vestra. Eras. lib. 6. apoph.

Agésilai.

Quum puer quidam Agésilao rege vidente murem caprum è cauo protraheret, mūsque conuersus momordisset tenentis manum, atque effugisset: Agéilaus indicauit his qui aderant, dixitque: Posteaquam minimum animalculum sic vlsciscitur eos à quibus læditur, quid viros opoteat facere cogitate. Ita dux fortissimus vndecunque captata occasione, animum addere studebat suis, vt audentiores fierent aduersus hostem. Sed idem exemplum magis eò valet, ne quis quamlibet potens, iniuria prouocet infirmiorē. Fit enim sæpenumero, vt qui, sicut ait Flaccus, fragili quærit illidere dentem, infringat solido. Plut. in Lacōn. apoph.

Demonidus.

Demonides amisissis furto crepidis, precatus est, vt eius qui sustulerat pedibus conuenirent. Visus est bene precari, quum illi magnum precaretur malum, videlicet pedes distortos, quales habebat Demonides. Plut. in Lacōn.

Brasida.

Suprà de Solerter dictis.

Alexandri M.

Alexander magnus cum in Hammonis templum venisset, interrogauit sacerdotem senem, à quo filius appellatus erat, num quis eorum superesset qui patrem Philippum interfecissent? Ostendit hoc dicto rex potentissimus, insitam & fixam animo suo vltionem, quam parabat erga eos qui Philippum patrem offendissent. Plut. in vita Alexand.

M. Brutus.

M. Brutus rebus in summam desperationem adductis, quum è ducibus atque amicis paucos apud se haberet, sublati oculis in cœlum stellis plenum, dixit hunc versiculum Græcum è tragœdia quapiam:

ἦ μὴ λάτῃσι τοῖς ὅς αὐτὸν ἔλκων. id est,

Mec te latnerit ô supreme Iupiter,

Horum malorum quisquis auctor extitit.

Velut imprecans Cæsari vindictam à diis. Voluminius narrat illum & alterum dixisse carmen, sed negat se meminisse. Eras. lib. 4. apoph.

Liuji Salin.

Liuius Salinator quum bellum aduersus Asdruballem gesturus urbem egrederetur, monitus est à Fabio Maximo, ne prius cum hoste confereret, quam vires animûmque illius cognosceret. Is respondit, se primam quanque occasionem pugnae arripiturum. Percontantibus quid ita properaret: Vt quam celerimè, inquit, aut gloriam ex hostibus victis, aut ex ciuibus prostratis gaudium capiam. Virtus & ira sermonem hominis inter se partitæ sunt: illa triumphi auida, hæc iniustæ damnationis memor. Eras. lib. 6. apoph.

C. Figuli.

C. Figulus in petitione consulatus repulsam passus est. Id eo grauius tulit, quod patrem haberet bis consulem. Ad hunc quum postridie comitiorum complures venissent consulendi gratia (nam erat iuris ciuilis peritissimus) omnes dimisit, ita præfatus: Omnes consulere scitis, cōsulem facere nescitis. Eras. lib. 6. apoph.

Seueriani.

Hadrianus imperator Rom. Seuerianum, & Fuscum huius nepotem, eo quod molestè ferre viderentur, Commodum Lucium imperii successorem designatum, iussit occidi: quorû ille nonagenarius erat, hic annos natus decem & octo. Senex autè quum esset iugulandus, poposcit ignem, incensòque thure dixit: Vos dii testor, me nihil sceleris commisisse: nec aliud imprecor Hadriano, nisi vt quum volet mori, non possit. Idque euenit. adeo vt barbarus conductus qui ferro mortem pro beneficiis daret, aufugerit. Sueto. in vita Hadriani.

Theodotij.

Theodosius Romanorum imperator aliquando ex familiaribus

ribus cuidam dicenti, neminem illorum ab eo morte multatum esse, qui iniurii ei fuissent, respondit: Utinam etiam eos in vitam reuocare possem, qui iam dudum mortui sunt. Nicephorus Callistus lib. 14. cap. 3. Eccles. hist.

Macarij monachi.

Macarius Aegyptius monachus, vir omnium sanctiss. olim habitus, percontatus cur humanarum iniuriarum memoria hominibus adeo molesta esset, diabolicarum autem contumeliarum recordatio non item? Propterea, inquit, quod prior illa affectio prater naturam, posterior autem secundum irae naturam esset. Nicephorus Callistus lib. 11. ca. 43. Eccles. hist. ex Fuagrino.

De ultione & vindicta negligenda.

Chilonis.

Chilon Lacedaemonius fratri querenti, quod Ephorus ipse non crearetur, quum ille esset: Ego, inquit, iniuriam ferre noui, tu non. Diogenes Laert. in eius vita.

Thaletis.

Thales Milesius philosophus rogatus, quo pacto quis facillime ferret infortunium suum: Si quis, inquit, videat hostes maioribus malis obnoxios. Quidam enim ex contemplatione felicitatis alienae, suam calamitatem exasperant. Laert. lib. 1. cap. 1.

Pittaci.

Pittacus Mitylenaeus habens potestatem puniendi quempiam, qui contumeliosus in ipsum extiterat, dimisit, inquiens: Venia ultione melior est. Illa namque mitis est ingenii, haec autem ferini. Stobaeus sermo. 17. Antonius in Meliss. parte 1. sermo. 27. Max. sermo. 6.

Bionis.

Bion Boristhenites familiares suos admonebat, ut hoc argumento putaret se profecisse in philosophia, si iurgantes & conuiciantes perinde audirent, ac si recitarent versus illos Homericos,

ὦ φίλ' ἀπὸ τῆς ἁλῆος ὅτ' ἀφρονὶ φασὶν ἵστασθαι,

ἐλπί τε καὶ μάλα χαῖρε, δῖοι γὰρ τοὶ ὀφθαλμοὶ αὐτοῦ.

Id est,

Quando vir haud nequam, nec stultus amice videris,

Permultum saluē atque vale, Dū prospera donent.

Laert. lib. 4. cap. 7.

Xenocratis.

Xenocrates Chalcedonius à Bione dictis lacessitus: Non

sum, inquit, tibi. responsurus. Neque enim Tragœdia, cum à Comœdia taxatur, dignatur eam responso. Laert. lib. 4. cap. 2.

Democriti.

Democritus dicere solebat: Prudentis esse, futuram iniuriam præcauere: Indolentiæ verò, quod factum est, non vlcisci. Stob. ser. 1. de Prudentia.

Heracliti.

Heraclitus Ephesius dicebat, iniuriam magis extinguendam quam incendium. Ex leuissimis offensis, si negligantur, nascuntur atroces tragœdiæ. Sed ad restringendum incendium accurrunt omnes: gliscenti verò simultati citius addunt irritameta. Eras. ex Laert. lib. 9. cap. 1.

Socratis.

Socrates, qui Delphico oraculo sapientissimus iudicatus est, frequenter dicere solitus est, Peius esse iniuriam facere, quam ferre. Sensit, cum non semper malum esse qui iniuriis afficitur: sed potius hunc, qui bonis iniuriam infert. Brus. lib. 3.

Eiusdem.

Idem nuncianti, quòd quidam de ipso malè loqueretur: Nimirum, inquit, non didicit bene loqui. linguæ morbum non malitiæ tribuens, sed inscitiae. nec ad se iudicauit pertinere, quid de se dicerent, qui morbo animi, non iudicio loquuntur. Laert. lib. 2. cap. 1.

Eiusdem.

Idem, quum in via quidam illi per lasciuiam calcem impigisset, admirantibus quòd id pateretur: Quid facerem, inquit? Illis hortantibus, vt vocaret hominem in ius: Ridiculum, inquit, si quis asinus me calce percussisset, diceretis mihi, voca illum in ius? Nihil putabat interesse inter asinum & hominem brutum, nullaque virtute præditum: ac vehementer absurdum videri, non pati ab homine, quod ab animante bruto passurus sis. Laert. lib. 2. cap. 1. Brus. lib. 5. cap. 1.

Eiusdem.

Cum non irasceretur illi à quo conuiciis multis aspersus esset, Obiurgatus cur taceret? Mihi, inquit, suis dictis non obest: quandoquidem talis non sum, qualem ipse me esse dicit. Eras. lib. 3. apoph.

Eiusdem.

Cum Xantippe in publico pallium marito detraxisset, ac familiares admonerent, vt tantam iniuriam manu vlcisceretur: Pulchrè,

Pulchrè, inquit, nimirum ut nobis colluctantibus acclametis, Eia Socrates, eia Xantippe. Nam huiusmodi vocibus spectatores animant duos inter se commissos. Maluit autem vir sapiens, tolerantia exemplum de se præbere, quam ridiculum exhibere spectaculum viri cum vxore concertantis. Laert. lib. 2. cap. 1.

Eiusdem.

Socrates quum Xantippen diu tixantem tulisset In ædibus, ac tandem fessus confedisset ante fores, illa magis irritata quiete viri, de fenestra perfudit eum lotio. Ridentibus qui præteribant, & ipse Socrates arridebat, dicens: Facile diuinabam, post tantum tonitru sequuturam esse pluuiam. Laert. lib. 2. cap. 1.

Eiusdem.

Sunt qui putent Socratem simul aluisse domi duas vxores, Myrtho & Xantippen. Proinde demiranti cuidam, in quem tandem vsum aleret duas mulieres, præsertim rixosas, nec eas domo exigeret? Hæ, inquit, me domi docent tolerantiam, qua in publico vtendum est: harum moribus exercitatus, commodior ero ad aliorum consuetudinem. Hunc percontatorem A. Gellius facit Alcibiadem.

Eiusdem.

Alcibiadi demiranti, quod Xantippen supra modum rixosam domi perpetueretur: Ego, inquit, iam pridem his sic assueui, ut non magis offendar, quam si rota, quæ aquam educit e puteo, stridorem audiam. Nam is stridor molestissimus est inlucis: eundem qui quotidie audit, adeo molestè non fert, ut se audire nesciat. Laert. lib. 2.

Eiusdem.

Socrates è palestra redeuntem Euthydemum, casu factus obuius, duxit ad coenam. Illis autem inter se multa commentantibus, Xantippe irata surrexit, multaque in maritum dixit conuicia: quibus cum ille nihil commoueretur, tandem & mensam subuertit. Quum autem Euthydemus valde perturbatus, surgensque abire cœpisset: Quid habes? inquit Socrates. nonne nuper hoc idem accidit domi tuæ, ut gallina subuolans euertierit quæ erant in mensa? Nos tamen ob id non indignabamur. Laert. lib. 2.

Eiusdem.

Idem colapho percussus à quodam in via, nihil aliud respondit, quam quod homines nescirent, quando prodire deberent

cum galea. Simile quoddam Laertius affcribit Diogeni lib. 6.
sed Bruson. lib. 5. cap. 1. Socrati. quemadmodum & alii.

Eiusdem.

Socrates quum in Aristophanis comœdia acerbis conuiciis
proscinderetur, & astantium quidam diceret, Cur hæc non mo-
lestè ferret? Non agrè, inquit, in theatro fero, cum hic personis
omnia liceant. Laert. lib. 2. cap. 1.

Platonis.

Plato quodam ei maledicente, Perge, inquit, maledicere, qui
bene nunquam didiceris. Stob. serm. 17.

Diogenis.

Diogenes pinguem saliuam à Lentulo in facie quum acce-
pisset, nihil motus ait: Affirmabo ò Lentule amodò falli om-
neis, qui negarint te os habere. sordidam illam contumeliam
non modò æquo animo tulit Cynicus, sed ioco etiam irrisit.
Bruson. lib. 5. cap. 1.

Eiusdem.

Idem cuidam dicenti, Multi te derident ò Diogenes: Et il-
los, inquit, fortassis asini. Altero subiiciente, sed illi non cu-
rant asinos: Nihilo magis, inquit, ego ipsos. Asinis irrisiõnem
tribuit, quòd subinde nudatis dentibus irrisiõnis speciem præ-
beant. Quin & deridentes quempiam, mota ab aure manu
imitantur asininas aurículas. Videtur igitur & asinus motis au-
riculis irridere homines, nemo tamen offenditur. Laert. lib. 6.

Eiusdem.

Diogenes conuiciis lacessitus à quodam de crimine proditi-
onis infami, Gaudeo, inquit, me tibi factum inimicum:
quando tu non hostes, sed amicos lædere soles. Eras. Roterod.
lib. 8. apoph.

Eiusdem.

Idem Platoni ipsum ob vitæ sordes canem appellanti: Sanè,
inquit, nam ad eos qui me vendiderant, recurri. Solent enim ca-
nes, si vendantur, ad veteres dominos recurrere. Non offensus
est conuicio, sed commodè interpretatus est. Quum Aeginam
nauigaret, interceptus est à piratis, atque in Cretam perductus,
ibique venditus. Hos piratas puto fuisse Corinthios, aut Athe-
nienfes, aut certè Aeginetas. Laert. lib. 6.

Eiusdem.

Diogenes Cynicus cum de ferenda iniuria disputaſſet, ado-
lescens proteruus veluti periculum faciens, an re præstaret ea
quæ

quæ docebat, inspuit illi in faciem. Tulit hoc leniter: Non quidem, inquit, irascor, sed dubito tamen an propter id irasci oporteat. Laertius lib. 6.

Eiusdem.

Idem colaphum impingenti: Profectò, inquit, nesciebam me capite galeato ambulare. Ludens, manum pronam galeam dixit. Nec aliter vltus est percussorem. Nisi fortè legendum est, Nesciebam mihi capite galea tacto incedendū esse. Laer. lib. 6.

Eiusdem.

Diogenes Cynicus ei à quo trabe fuerat percussus, dicenti, Caue: Num, inquit, iterum me ferire vis? Brufon. lib. 3.

Eiusdem.

Idem cuidam ipsi dicenti, plurimi te derident: At ego, inquit, non derideor. Id autem videtur ἀδύνατον, vt aliquis te percutiat, tu tamen non percutiaris: sed Diogenes negauit se derideri, siue quòd non esset deridiculus, siue quòd existimaret hominum irrisiōnem nihil ad se pertinere. Laer. lib. 6.

Cleanthis.

Cleanthes Asius appellatus asinus, agnouit conuicium, dicens, se solum esse parem ferendæ Zenonis sarcinæ. Siue quòd Zenoni non multum esset supellestilis, siue quòd vnus illius austeritate nihil offenderetur. Laertius lib. 7. cap. 1.

Antisthenis.

Qui nos maledictis inceslerent, eos magis tolerandos dicebat Antisthenes, quàm qui nos lapidibus impeterent. Verba enim non lædunt, si quis contemnat. Vide verò, num fortè hîc sit sensus: tolerantiores esse, qui conuicia patienter ferrent, quàm si quis lapidibus impetitus ferat. Quorundam enim dicta grauius fauciant quàm lapides. Quòd si indecorum esset graui viro lapidibus repetere a quo petitus fuerat, æquè indecorum sit in conuiciantem regerere conuicia. Laer. lib. 6. cap. 1.

Eiusdem.

Idem quum acceperisset, Platonem de ipso malè loqui, nihil commotus: Regium est, inquit, quum feceris bene, audire male. Quanquam hoc idem aliis ascribitur. Excelsi animi est, ingratitudine hominum non deterri à studio bene merendi de omnibus. Laer. lib. 6. cap. 1.

Solonis.

Solon in se despuentem quendam ferebat. Quum autem aliter quidam eum propterea acufaret: At qui, inquit, piscatores vt
gob

gobium vnum capiant, patiuntur se a aqua marina cōspergi. ego idem ferre non sustineam, vt hominem capiam? Max. ser. 42.

Aristippi.

Aristippus à Dionysio consputus, patienter tulit. Eam autem iniuriam quum quidam agrè ferrent: Piscatores, inquit, vt gobiū capiant, mari patiūtur aspergi. Brus. lib. 3. ex Laer. lib. 2. ca. 8.

Eiusdem.

Idem quum à quodam conuiciis incessetur, tacitus abiit. verum quum maledicus sequeretur abeuntem, dicens, Cur aufugis? Idco, ait, tibi siquidem potestas est loquendi ea quæ vis, mihi verò data est potestas ea non audiendi, quæ audire nolo. Laer. lib. 2. cap. 8.

Anacharsidis.

Anacharsis Scythia ab adolescente in conuiuio pulsatus: Adolefcens, inquit, si nunc vinum non fers, aquam feres cum senueris. Moderationis erat, & patientiæ, quod adolescentis proteruiam vino imputauit. Laertius lib. 1. cap. 9.

Dionis Alex.

Dion Alexandrinus philosophus, multis conuiciis ac probris à quopiam laceffitus, non respondit. Cæterum vbi intra ædium suarum vestibulum venisset (nam eò vsque conuiciator fuerat infectatus) nihil se turbatum ostendens, hoc tantum dixit: Ne gry quidem maledictis tuis respōdeo. Quo audito, conuiciator animi impotentia superatus, laqueo vitam finiuit. Brus. lib. 5. cap. 1. ex Musonio, vel Stob. ser. 17.

Demosthenis.

Demosthenes à quodam conuiciis laceffitus: Nolim, inquit, tecum in hoc genus certaminis descendere, in quo qui vincitur, ipso victore melior est. Stob. ser. 17.

Aristidis.

Aristides quum iret exulatum, sublatis in cælum manibus deos comprecatus est, sic prosperarent res Atheniensium, vt illis Aristides nunquam veniret in mentem. In rebus enim afflictis solet populus ad egregios viros confugere. id quod euenit. Siquidem tertio post anno, quum Xerxes Atticam adoriri statuisset, Aristides ab exilio reuocatus est. Plut. in eius vita.

Eiusdem.

Suprà de Magistratu & gubernatione Reipub.

Herodis sophista.

Suprà de Assuetudine.

Phocionis

Phocionis.

Phocion quum apud Athenienses verba faceret pro concione, reprehendens in ipsis ingratitude, subirata voce dixisse fertur: Malle se damnum ab aliis accipere, quàm damnum etià promeritis inferre. Aelianus lib. 2. de Var. hist.

Eiusdem.

Idem iniuria vxori suæ facta, tantum ab auctoris accusatione abfuit, vt cum ille sponte metu perculsus Phocionem accederet, & veniam postulareret, inquiēs, ignorasse quòd eius vxor fuisset, in quā iniuriosus fuerat, hoc sermone sit vsus: Mea quidem vxor nihil abs te affecta est, sed fortassis alia quæpiam: proinde nō est, cur excusationē apud me dicas. Muson. apud Stob. ser. 17.

Eiusdem.

Phocioni cum poculum cicuta temperatum porrigeretur, percontatus est quispiam, si quid filio vellet dicere? nam is aderat. Ego, inquit, tibi fili præcipio, atque etiam obsecro, ne quid ob huius rei memoriam Atheniensibus malè velis. Cæteris morientibus præcipuum solatium esse solet spes vindictæ: huic illud curæ fuit, ne filius patris iniustam necem vlcisceretur. Plutarch. in Græcorum apophth. Brufon. lib. 3. cap. 4. Aelianus lib. 12. de Var. hist.

Eiusdem.

Post Antipatri obitum, quum Atheniensium respub. ad gubernationem popularem redisset, Phocion in concione capitis damnatus est. Atque huius quidem amici cæteri, qui simul cum illo damnati fuerant, stentes ducebantur: Phocion autem tacitus ibat. Cui ex inimicis quispiam factus obuius, post conuicia in faciem expuit. Tum Phocion ad magistratus respiciēs: Non hunc, inquit, compescet aliquis indecorē se gerentem? De tam atroci contumelia questus non est, nec flagitauit vindictam aduersus eum qui præter leges sæuiret in hominem damnatum, tantum cohiberi iussit exemplum bonis moribus aduersum, & immane facinus non aliud quàm indecentes mores appellauit. Plutarchus in Græcor. apoph.

Eiusdem.

Phocionem, quum pro concione dicentem quidam petulantissimè maledicus interpellaret, multis conuiciis in illum debacchans, omisit quod cœperat, locumq; dedit maledico. Posteaquam ille vix dicendi fecisset finem, Phocion reuersus in suggestum, placido vultu, perinde quasi nihil esset dictum, cœptam
oratio

orationem persequutus est: De pedestribus, inquit, copiis auditis superest vt de velitibus ac leuis armaturæ milite dicā. *Plut. Timothei.*

Timotheus dicebatur dux fortunatus. Huic inuidentes nonnulli, pinxerant ciuitates vltro se reti implicare, ipso dormiente. Hac contumelia nihil offensus Timotheus, ciuilitè respondit: Si tantas vrbes capio dormiens, quid facerem vigilans? *Plut. in Græc. apoph. Telecri.*

Telecrus ad fratrem ciues criminantem, quod asperius secum quàm cum illo se gererent: Tu, inquit, iniurias pati nescis? *Brut. lib. 3. Agesilai.*

Agesilaus Lacedæmoniorum rex, cū audiret quosdam clam sibi inensos esse, non tantum non de vltione cogitauit: sed in militum duces elegit, & magistratus accusatos defendit, & hac arte ex hostibus sibi amicissimos reddidit. Qua prudētia quid vtilius, qua mederi maleuolis maluit, quàm vlcisci. *Plutarc. in Lacon. apoph.*

Eiusdem

Idem ad Larissæos, qui non iuuerant res hostium, Xenoclem & Scythæ legatos misit, vt amicitiam inirent. Verum hos quū Larissæi contumeliose tractassent, alii hoc factum grauitè tulerunt, & admonuerunt Agesilaum, vt hoc factum contra ius gentium admissum, admoto exercitu vlcisceretur. At ille negabat, se vel vniuersam Thessaliā hac conditione velle capere, vt ex his quos miserat, alterius faceret iacturam: amissurus vtrinq; si illos bello lacescisset. *Ibidem.*

Agidis.

Agis Lacedæmoniorum regum vltimus, cū captus ab Ephoris condemnaretur, ac iam duceretur ad mortis supplicium, vidit quendam rei indignitate ad fletum mqueri. Cui ait: Desine meas vices flere. Morior enim præter ius & æquū, sumq; multo melior his qui me occidunt. *Ibidem.*

Cleomenis.

Suprà tit. de Malicia.

Lyfandri.

Lyfander quum multis contumeliis à quodam assidue afficeretur: Dic, inquit, ô amicule, dic dic, nihil omittas, si qua tuū animum malis, quibus videris plenus, valeas exonerare. Ingentis animi argumentum, ne ira quidem dignum arbitrari maledicum, quum in promptu ellet vltio. *Plutar. in Lac. apoph.*

Lycurgi.

Lycurgi.

Lycurgus Lacedæmoniorum legislator, cum post reformatam Rēpub. à populo ferè dilapidatus esset, in ea seditione Alcander pertinacius insequens, fuste respicienti Lycurgo, in tergum extrudit oculum. Verùm hunc Alcandrum cum noxæ deditum publico decreto accepisset puniendum, nec villo affecit incommodo, nec incusauit: sed cum illum sui instituti sociū haberet, effecit vt & ipsum Lycurgum, & vitæ rationem quam cum eo egerat, prædicaret: nec victum modò, sed vniuersam ciuium educationem amaret, quam Lycurgus induxerat. Porro mali quòd acciderat monumentum locauit dictum in templo Mineruæ. cui ab æreo delubro nomen Chalciæco, dextæque cognomentum addidit, vt Optiletis diceretur: nam Dore Lacedæmonem incolentes, oculos optilos vocant, ab *ὀπίσσω*, quod Græcis sonat video. Insignis tolerantia: exemplum, quæ ex hoste capita li reddidit amicum ac propugnatorem: quem etiam si necasset, vt ipsi licuit, nihilo tamen minus ipse fuisset luscus, & vno legū suarum defensore minus habuisset. Plut. in Laco. Stob. ser. 17.

Laconis.

Duo pueri inter se pugnabant, quorum vnus alteri lethale vulnus infixit. Puerorum autem sodales, cum faucius ille moriturus esset, polliciti sunt illi vindictam, siquæ vulneris auctorē interfectorum. At ille: Nequaquam, inquit, per deos. Non enim æquum est: quandoquidem & ipse hoc facturum eram, si anteuertissem, siquæ strenuus fuisset. Indolem verè Laconicam, qui victus ac moriens, iusto tamen victori fagebat: quòd virtute, non dolo superasset aduersarium. Quid talibus ingeniis felicius, si à teneris ad veram virtutem fuissent instituta, potius quàm ad militarem duriciem? Plutar. in Lacon.

Alius.

Quidam Laconi dixit, Mentiris. ille contrà: Nimirum, inquit, liberi sumus, alii verò nisi vera dixerint vapulant. Nihil commotus est Lacedæmonius, sed atrox conuicium elusit ioco, obiter taxans maledicum, quòd ipse non esset Lacedæmonius, atque ob id nec liber. Porro serui si quid fallant mendacio, loriscmendantur. Ibidem.

Laconum.

Lacones cum deos comprecantur, hoc votis addunt, Vt possint iniuriam pati: quòd neminem iudicarent ad gerendum imperium, aut alioqui magnas res obeundas idoneum, qui quauis iniuria

iniuria commoueretur. Plutarc. in Lacon. apoph.

Ephororum.

Suprà tit. de Clementia,

Archelai.

Archelaus quum à quodam aqua conspersus esset, amicis illum aduersum eum qui hoc fecerat inflammantibus: Imò, inquit, non me conspersit, sed eum quem me esse putauit. Quid hac moderatione ciuius? Hoc exemplo, facile decet is ignoscere, qui licet in præpotentem, tamen imprudentem delinquit. Plutarchus in Regum & Impp. apoph. Bruso. lib. 3.

Demonactis.

Demonax quum athletam reprehendisset, quod victor in Olympiis cultu molli vteretur, lapidem illi iracundus inclussit in caput, ita vt sanguis ex vulnere proflueret. id factum indignè ferentes qui aderant, hortati sunt vt adiret proconsulem: Nequaquam, inquit, ò viri, ad proconsulem, sed ad medicum potius. Prius esse debet homini, vt malo accepto medeatur, quam vt regerat in alterum. Eras. Rot. lib. 8. apoph.

Pausania.

Quum Atheniensium exules hortarentur Pausaniam, vt aduersus Athenienses moueret exercitum, dicerentque, quod quum in Olympiis præconis voce pronunciaretur victor, soli Athenienses ipsum exsibilassent: Cum hoc, inquit, fecerint in benemeritum, quid facturos creditis, si illis malè fecero? Insigne moderationis exemplum, nihil tam atroci commoueri contumelia. at idem ingenii mirè solertis argumentum, quod afferebatur, velut instigaturum Pausaniæ animum ad suscipiendum bellum, id in partem diuersam retorquere. Plutar. in Lacon. Idem suprà tit. de Malitia attribuit Philippo regi Maced.

Thrasibuli.

Thrasibulus quum populum Atheniensem à triginta tyrannis pulsum restituisset, plebiscitum tulit, ne præteritarum rerum fieret mētio: legemq; *ἀμνηστίας*, id est obliuionis, tulit. Bruf. lib. 3.

Agathoclis.

Agathocles quum obsideret urbem quandam, quibusdam è muro conuicia in ipsum iaculantibus, dicentibusque: Figule, vnde militibus tuis persolues stipendium? Ille placidus ac ridēs respondit, Quum hanc capero. At cum vrbe vi potitus esset, vnderetque captiuos: Si me, inquit, denuò conuiciis affeceritis, apud heros vestros querar de vobis. Ciuilitèr illis exprobrās & in tem

intempestiuam maledicentiam, & seruitutem maledicentię premium. Plut. in Regum apoph. Bruso. lib. 4. cap. 12.

Epaminonda.

Epaminondas Thebanorum dux ciuium suorum iniurias patientissimè ferebat, dicens, esse nefas irasci patriæ: quemadmodum parentum iniurias vlcisci pietas vetat. Erasmus libro quinto apoph.

Philippi regis.

Suprà titulo, de Malitia.

Alexandri.

Alexander Macedoniæ rex, cum accepisset esse quendam qui conuiciis ipsum impeteret: Regium est, inquit, cum faciās bene, audire malè. Nihil hoc dicto generosius, quanquam idem & aliis ascribitur. Plut.

Iuba.

Suprà de Iocose dictis.

Antigoni.

Antigonus rex cum nocte quadam milites imprecantes regi audiuiisset, nil dixit aliud accedens, quàm: Nunc conuiciis aspergite Antigonum, cuius vitio nunc laboratis: & benedicite eidem, qui ex his vos ærumnis liberare potest. Eras. lib. 4. apo.

Eiusdem.

Idem, cum in paruo quodam castello Græci obsiderentur, & loci fiducia freti contemnerent regem, ob corporis deformitatem, ac nunc staturam humilem, nunc collisum nasum deridentes: Gaudeo, inquit, & boni quidpiam spero. Quasi diceret, sentient eos esse suo tempore viros, quos nunc immeritò derident. Eras. lib. 4. apoph.

Sylla.

Suprà de Patientia iniuriæ.

Catonis.

M. Cato à quodam in balneo cum percussus esset, obiurgatus ab amico, cur hoc pateretur? ait: Non memini me percussus esse. Sensit, eam iniuriam æquo animo ferendam esse, cuius dolorem non diu sentias. Bruso. lib. 3.

Eiusdem.

Quum Catoni causam in foro agenti, Lentulus attracta pingui saliuā in mediam frontem quantum poterat expuisset, absterfit Cato faciem, ac dixit: Affirmabo omnibus Lentule, falli eos qui te negent os habere. Os habere negantur, quos nihil pu-

det: id quum eo facto maximè declarasset Lentulus, tamen Cato ludens proficitur illi esse os: non quòd erubesceret, sed quòd ore multam purulentiam eiacularetur. Eras. lib. 5. apoph.

M. Bibuli.

Suprà tit. de Clementia.

Augusti Cas.

Suprà de Clementia.

Tiberij Cas.

Tiberius Caesar in senatu dictis quorundam hominum parum honestis aspersus, admonitus vt maledicos puniret: Non tantum, inquit, habemus ocii, vt implicare nos pluribus negotiis debeamus. Si hanc fenestram aperueritis, nihil aliud agi sinetis. Eras. lib. 6. apoph.

Eiusdem.

Idem quum iocis, conuiciis, famosis carminibus ac rumoribus frequenter impeteretur, amicis ad vltionem hortantibus respondit: In ciuitate libera, linguam mentemque liberam esse debere. Ibidem.

Cassij Seneri.

Suprà de Patientia iniuriæ.

Theodosij.

Theodosius iunior cum ab amicis interrogaretur, cur neminem eorum à quibus afficeretur iniuria, capitis supplicio damnet? Vtinam (inquit) mihi daretur, & mortuos ad vitam reuocare. Docuit hoc dicto sapientissimus princeps, ad priuatas iniurias hominem debere esse facilem ad ignoscendum. Recitat Eras. lib. 8. apoph.

Othonis impera.

Suprà de Morientium monitis & doctrinis.

Friderici impera.

In Fridericum Casarem tertium, cum nonnulli dicta probrosa iactassent, referentibus aulicis: An nescitis, inquit Fridericus, principes quasi lignum ad sagittam expositos esse? Turres quidem fulgura præaltas feriunt, humilia tecta prætereunt. At nobiscum bene agitur, si verbis tantum impetimur. Innuens, cum qui conuicia, velut dicta quibus nihil leuius, formidat, vix sustenturum popularium imperum. Aeneas Syl. lib. 1. Comment. de rebus gestis Alphonsi.

Alphonsi regis.

Alphonsus Aragonum rex, nonnullos de se bene meritos, sed ipsum probris clam solitos lacerare, cum audisset: Regum esse inquit,

inquit, non solum benefacere, sed mala etiam patienter audire. Legerat nimirum rex prudentissimus, Lacones deos precatos, ut possint iniuriam pati: quod neminem iudicarent idoneum ad gerendum imperium, qui quavis iniuria commoueretur. Panor. lib. 1. de rebus gestis Alphonfi.

Eiusdem.

Idem audiens à suis, quantum maledictis proscinderetur ab inimicis suis, respondit: In huiusmodi iniuriis non quid dicatur, sed à quo dicatur, in primis animaduertendum esse. Idem lib. 3. de rebus gestis Alphonfi.

Eiusdem.

Præterea audiens à suis, quam multis maledictis à quodam apud exteros traductus esset, qui tamen mox imploraturus esset eius auxilium: Parum hoc referre dixit. se enim benefactorum potius, quam vanè dictorum memorem esse. Panor. lib. 1. de rebus gestis Alphonfi.

De vnguentis.

Socratis.

Socrates aiebat, vnguenta relinquenda foeminis. in iuuenibus nullum vnguentum melius olere, quam oleum, quo inter exercendum utebantur. Nam amaracino, aut foliato, protinus idem olent seruus & ingenuus. Rogatus quid senes olere deceat: Probitatem, inquit. Rogatus, ubi hoc vnguentum venderetur? recitauit Theognidis carmen,

ἰδὼν μὲν γὰρ ἀπ' ἰδῶν ἀισθῆσαι.

Id est,

Qui bonus est, ab eo bona discito.

Huius generis quædam congerit Xenophon in conuiuio. Eras. libro 3. apoph.

Eiusdem.

Idem quum taxaret vnguentis delibutos, Phædon interrogatus, quisnam adeò vnguentis delibutus esset? Cui respondit Aristippus: Ego, ait, infelix: sed me multo infelicior Persarum rex. At tu vide, inquit, ut quemadmodum hac parte nullo cæterorum animalium est superior, ita nec hominum vllò sit præstantior. Quo dicto sensit, vnguentis & odoribus hominem nihilo fieri meliorem: quum & equus sansucino oblitus, idem oleret quod rex: & mendicus vnguento simili delibutus, non minus bene olet quam summus pontifex. Recitatur à Laertio libro secundo.

Anacharsidis.

Anacharsis Scythæ oleum dicebat esse venenum, insaniam gignens, eo quod athletas videret vinctos in se inuicem in sanire. Nec olei vsum, vt arbitros, nouerant Scythæ: vt quod nec apud illos proueniret, nec aliunde importaretur. Athletæ non pugnant nisi vincti: putant enim corpus fieri robustius. at Scythæ simulabat se credere, illis oleum esse causam insanix. Philosophi dictum extat apud Laert. lib. 1. cap. 9.

Diogenis.

Diogenes nactus vnguentum, eo pedes inunxit, præter morem publicum. Id demirantibus, dixit: Quoniam vnguentum capiti infusum exhalatur in aerem, à pedibus autem ascendit ad nares. Similiter alius reprehendit publicam cōsuetudinem, qua coronas capiti imponunt: quum magis conueniat infra nares ponere, quod fragrantix vapor non tam descendat quam ascendat. Laert. lib. 6. & Brufo. lib. 4. c. 6.

Eiusdem.

Idem cuidam habenti capillos vnguento delibutos: Caue, inquit, ne capitis suaueolentia, vitæ maleuolentiam adducat. nam Græcarum vocum iucundam affinitatem vtcunque reddere studuimus, *euodias* & *duodias*. Vnguentum enim in viro arguit vitæ molliciem. Fama porrò velut odor est hominis. Simile quiddam dixit Martialis: Neuole, non bene olet, qui bene semper olet. Laert. lib. 6. & Stobæus.

Eiusdem.

Diogenes Cynicus aiebat, faciles esse deos ad donandam hominibus vitam: cæterum hanc ignorari ab his qui quærunvnguenta. Laert. lib. 6.

Lycurgi.

Lycurgus vnguenta eiecit è republica, tanquam olei corruptelam ac perniciem. Nam oleum odoribus vitiatum, nullum habet vsum, nec ad esum, nec ad membrorum vñtionem: atq; dum rem necessariam ad delicias corrumpunt, fit vt minor sit copia. Plut. in Laconicis apoph.

Archidami.

Suprà de Fuco & mendacio.

Vespasiani.

Flauio Vespasiano quum adolescens quidam gratias ageret pro impetrata præfectura, quoniam vnguento fragrabat, & nutu contemptus est, & grauiter increpitus: Mallem, inquit Vespasian

spasianus, allium oboluisse. Mox & literas concessas reuocauit. Suetonius in eius vita, & Brusonius Contursinus libro quarto, capite sexto.

De voce atque clamore.

Zenonis.

Zeno Citticus formam dicebat esse vocis florem: aut contra, quemadmodum ab aliis refertur, vocem esse formæ florem. Nam oratio composita gratiam addit formæ. Laertius libro 7. capite 1.

Eiusdem.

Idem dicebat, eos qui differunt, similes esse oportere tragicæ actoribus: quibus vox magna, bonæque latera debent esse, quum os immodicè nō diducant, quod faciunt ii, qui plurima loquuntur, sed supra vires. Dum enim os diducunt, declarant se fatigare verius, quàm agere. Ibidem.

Carneadi.

Carneades fertur admodum fuisse vocalis. Itaque quodam tempore gymnasiarchus, id est, scholæ princeps, milit qui diceret, ne tantopere clamaret. cui respondit: Da mihi vocis modum. Ad quod rursus eleganter princeps: Modum habes, nempe auditores. Siquidem pro numero auditorum temperanda vox est. Laert. lib. 4. cap. 9.

Demosthenis.

Demosthenes cum audiret oratorem quendam immodicè vociferantem. Non, inquit, quod magnum est, bene est: sed quod bene est, magnum est. Hoc & aliis ascribitur. Sunt qui & conuiuia prolixa, ac plurimis instructa misibus, existiment lauta. Eras. lib. 4. apoph. in fine.

Eiusdem.

Quodam tempore vox Demosthenis inter concionandum defecit, ob multitudinis fremitum. Id obicientibus, ita respondit: Histrones è voce iudicare par est, oratorem è mente. Græca iucundius sonant: ὅτι οὐκ ἔστιν ἀπὸ τοῦ φωνῆς, τὸ ἀπὸ τοῦ νοῦ. Histrio seruit populo, orator consulit: ille delectat, hic prodest. Ad bene consulendum non refert quàm sis vocalis, sed quàm opportuna suadeas. Actori voce opus est, quæ vincat multitudinis fragorem: orator talis esse debet, vt populus ipsum vltro tacitus & attentus auscultet. Eras. lib. 8. apoph.

Isocratis.

Isocrates inter familiares dicere solitus est, se quidem docere decem minis: ceterum qui ipsum docuisset audaciam & vocalitatem, mercedis loco daturum decem millia. Nam vocis exilitas & animi timiditas reddebant Isocratem ad dicendum inutilem. Hæc autem quoniam naturæ sunt, non artis, à præceptoribus dari non possunt. Ibidem.

Catonis.

Cato senior quando docebat iuvenes intrepidè pugnare, sæpenumero dicebat, verba plus quàm gladiū, & voces plus quàm manū, hostes in fugam vertere, attonitosq; reddere. Nolebat militem in prælio mutum esse: sed atrocibus dictis, clamore, vultusque truculentia terrere hostem. Plut. in Ro. apoph.

Ciceronis.

Cicero oratores, qui inter dicendum vociferantur, dicebat claudis esse similes, qui sic ad clamorem, ut illi ad equos, confugerent. Hoc genus homines & hodie videre est, qui quum sentiunt se causa inferiores, ad furiosa iurgia confugiunt: ut quoniam rationibus persuadere non possunt, improbitate metusque extorqueant. Ibidem.

Eiusdem.

Quum M. Cælius, qui credebatur à parentibus non liberis natus, epistolam apud senatum clara firmaque voce recitasset: Ne miremini, inquit Cicero. nam hic vnus ex his est qui proclamant, significans, illum fuisse præconem, & hoc vsu contigisse ut esset vocalis. Solent autem serui venales voce præconis commendari. Eras. lib. 4. apoph.

De voracitate.

Zenonis.

Zeno Cittieus cum in quodam conuiuio vidisset hominem immoderatus obsonia vorantem, ipse piscem ingentem continuo è patina sustulit, quasi solus deuoraturus. Quum alter intuens Zenonem, eius admiraretur impudètiā. Quid, inquit, putas conuictoribus tuis accidere quotidie, si meā opso phagiā ferre non potes? Laert. lib. 7. c. 1. Bruson. lib. 3. cap. 1.

Diogenis.

• Diogenes vulgo canis dicebatur. Sunt autem canum multa genera, sunt enim venatorii, sunt aucupatorii, sunt custodes ouium & ædium, sunt qui habentur in deliciis. Ergo percontanti
qualis

qualis ipse canis esset, lepidè respondit: Esuriens, Melitæus: satur, Molosseus. quòd cibi appetens, blandiretur: saturatus, morderet. Laert. lib. 6.

Corydi.

Corydus, cum Chærephon nudus in conuiuio distenderetur: O Chærephon, inquit, nunc te veluti lecythos intueor, quousque plenus sis. In lecythis vitreis apparet, quousque plenæ sunt, si eximantur è thecis. Ita in cute illius apparebat expletio totius corporis. Eras. lib. 6.

De votis.

Diagore.

Diagoras cum in Samothraciam venisset, atque ei amicus quidam dixisset, Tu qui deos putas humana negligere, nonne animaduertis ex tot tabellis pictis, quam multi votis vim tempestatis effugerint, in portumque salui peruenerint? Ita fit, inquit. illi enim nusquam picti sunt, qui naufragium fecerunt, & in mari perierunt. Brus. lib. 7. cap. 15.

Diogenis.

Diogenes eos summopere reprehendebat, qui, si quid secus euenisset, fortunam incusarent: id quod vulgus hominum solet. dicens ipsos homines potius incusandos, qui postularent à fortuna, nò quæ verè bona essent, sed quæ ipsis bona videretur. Nam si permitteret diis, quæ ipsi iudicant optima, dare, darent. nunc acceptis his quæ flagitarunt, impudenter incusant deos. Laert. lib. 6.

Laconis.

Lacon quum voto se obstrinxisset, quòd se de Leucate præcipitem daret, conscendit montem, & conspecta altitudine sese auertit. Id cum illi probri gratia obiiceretur: Non putaram, inquit, illi voto maiore voto opus esse. loco elusit inconstantiæ formidinisque crimen. Etenim qui facinus arduum cõcipit animo, prius à diis optare debet animum facinori parem. Plut. in Lac.

Augusti Cas.

Cæsar Augustus cum Caium ex filia nepotem in Armeniam mitteret, optabat à diis, vt illum Pompeii beneuolentia, audacia Alexandri, ipsius autem fortuna comitaretur. Quòd in singulis erat præcipuum, id optabat vni contingere. Illud autem singularis cuiusdam erat modestiæ, quòd vir ingenio, doctrina, consilioque præstans, sua præclare gesta fortunæ ascribebat. Plut. in Rom. apoph.

De vrbanitate.

L. Crassi.

M. Brutus, cum in accusatōe C. Planci duos lectōres excitasset, & alteri de colonia Narbonensi, L. Crassi, qui reo Bruti aderat, orationem legendam dedisset: alteri, de lege Seruilia, ex his demonstrans, illum sibi pugnantiā scribere: Crassus vicissim tres Bruti patris de iure ciuili libros tribus legendos dedit, in quorum primo erat, Fortē euenit vt in Priuernate essemus, hic Crassus: Audis Brute, pater testificatur se tibi fundum Priuernatem reliquisse. In secundo libro scriptum erat, In Albano eramus ego & Marcus filius, hic rursus Crassus: Norat hunc gurgitem, metuebat ne cum is nihil haberet, nihil esse ei relictum putaretur. Tum ex tertio recitatum est, Cum in Tiburti assedimus ego & Marcus filius, tum Crassus: Vbi sunt hi fundi Brute, quos tibi pater publicis commentariis consignatos reliquit? Quod nisi puberem te iam haberet, quartum librum composuisset, & seetiam in balneis lotū cum filio scriptum reliquisset. Ita Crassus duos lectōres aduersum se a Bruto excitatos, tribus aduersus ipsum productis vltus est. Hoc vrbanitatis exemplum refert M. Tullius, quod non astringitur paucis verbis, sed per orationem fufum est. Eras. lib. 6. apoph.

De vrbiū munitiōibus.

Lycurgi.

Lycurgus, percontantibus cur prohibuisset vrbem cingi muris? Quoniam, inquit, non caret mœnibus ciuitas, quæ non lateribus, sed viris cincta est. Indicauit, id genus munimenta magis arguere ciuium ignauiam, quàm fortitudinem. Plut.

Agidi.

Agis Archidami filius, cum præteriret Corinthiorum mœnia, conspiceretque excelsa munitaque esse, & in longum porrecta spatium: Quæ sunt (inquit) mulieres, hæc locum inhabitantes? Innuens, fortibus viris non esse opus mœnibus. Plutarch. in Lacon. apoph.

Agésilai.

Agésilas Lacedæmoniorum rex, quum quidam interrogasset, cur Sparta mœnibus nō cingeretur? Ciues armis instructos & vnanimes ostendit, & ait: Hi hi sunt vrbis mœnia. Significās, eam demum ciuitatem munitam esse, in qua infracti & bene armati milites essent. Plut. in Lacon.

Eiusdem

Eiusdem.

Suprà de Concordia.

Antalcida.

Suprà de Patria fortiter propuganda.

Theopompi.

Teopompus cuidam ostendenti ciuitatis suæ mœnia, ac percontanti: num valida & alta viderentur? Minimè, inquit: siquidem sunt mulierum. Sentiens, ciuitatem satis munitam esse, si viros habeat: sin minus, nihil prodesse quamlibet operosa munimenta. Plut. in Lac.

Pantholida.

Pantholidas legatus missus in Asiam, ostendentibus ipsi murum probè munitum: Per deos (inquit) ò hospes, bellum conclauē mulierum. Plut. in Lacon.

Isai sophista.

Cum olim Lacedæmonii inirent consilium de ciuitate mœnibus cingenda, Iseus sophista, aliis cōsultantibus Homeri hæc recitauit verba:

Scutum hastis scuto, galea galea, atque viro vir.

Et adiecit: Sic mihi state Lacedæmonii, & muris cincti sumus. Refert Philostr. in Sophistis.

Alexandri M.

• Alexander magnus quum audisset de rupe quadā apud Indos, quæ ob sublimitatem velut auius inaccessa, *ἄσπετος* dicitur: quòd ipse quidem locus expugnatu difficilis esset, sed qui eū teneret, formidolosus: Nunc, inquit, locus captu facilis est. Significans, nihil prodesse munimēta, nisi vir fortis ea tueatur. Atx enim non tam fossis ac muris tuta est, quàm viris. Plut. in apoph.

Scipionis iunioris.

Scipio iunior cuidam vallum gestanti, qui se dicebat onere vehementer premi: Nihil mirum, inquit, quando isti ligno magis quàm gladio fidis. Significans, ideo vallum plus habere ponderis, quia plus apud illum valeret. Quòd si gladiis fiderent milites, nihil esse opus vallis. Plut. in Rom. apoph.

De vsura & fœnore.

Thaletis.

THales Milesius assiduè in ore habuisse fertur: Noli ditari nequiter. Quo admonuit, vt à turpi lucro vbique abstinemus, ne grauetur proximus. Laert. lib. i. cap. i.

Anacharsidis.

Anacharsis Scythæ aiebat, forum esse locum mutuis hominum fraudibus ac rapinis destinatum. Notans mores vendentium fœneratorum, qui per fas nefasque plebē expilant, nummisque exhauriunt. Laert. lib. 1. cap. 9.

Antiphani.

Antiphanes dicere solebat: Vsuram, quæstumque illicitum, breues habere delicias, longam autem calamitatem. Stob.

Agésilai.

Agésilæus, quum Agidi persuasisset, ut debitorum fœneratorumque nomina, tabulæque vnâ comburerentur: apportatæ sunt in forum Clarium, ac coaceruatæ, supposito igni, dum concremarentur, abeuntibus ergo fœneratoribus ac diuitibus cum tristitia, Agésilæus illorum calamitates irridēs: Nunquam se ignem puriorem vidisse iactabat. Plutarchus in Lac. apoph. Brulo. Conturs. lib. 2. cap. 47.

Mufonij.

Rutilius quum aliquando Romæ adisset Mufonium, rogauit: Dic mihi Mufoni, Iupiter Seruator, quem tu imitaris, num fœneratur? Notans illius inopiam, qui cogeretur interdum accipere mutuum. Ad hoc arridens Mufonius: At ne fœnerat quidem, Rutili. Turpius est ad fœnus dare, quàm accipere. At Rutilius, cum ipse faceret quod grauius est, obiecit illi quod erat leuius. Eras. Rote. lib. 6. apoph.

Catonis.

Ex Catone Censorio quum quispiam percontaretur, quid in re domestica maximè expediret? respondit: Bene pascere, bene vestire, & bene agrum colere. & illi qui quaesierat: Quid fœnerari? Cato: Quid hominem (inquit) occidere? Non minus igitur fœneratorem peccare censuit, quàm homicidam. Cicero lib. 2. Officio. Brul. lib. 2. cap. 47.

Alphonfi.

Alphonfus, magnus ille atque potentissimus Aragonum rex, fœneratores, utpote labores mortalium depascenres, harpyias vocare solitus erat. Quemadmodum enim Vergilianæ illæ Harpyiæ raptu viuebant, sic hodie fœneratores ex pauperum laboribus magnas per nefas opes reponunt sibi & suis. Pannormi. lib. 4.

Eiusdem.

Idem iustitiæ & æquitatis amator ardentissimus, audiens illicito

illicito lucro hominibus insidias à fœneratoribus strui: Fœnus nil aliud sibi quam animæ funus videri dixit. Damnavit autem vniuersam fœnerandi rationem, quæ planè est contra naturæ regulam, cum ex nihilo nihil gignatur. Idem libro 3. de Alphonſi feb. gest.

Bernard. Senensis.

Bernardinus Senensis, fœnus ita demum sine peccato exerceri posse affirmavit, si pecunia his crederetur, qui nec capitalem summam reddere possent. Aen. Syl. de dictis Sigismundi & Friderici imper. & lib. 3. de dictis Alphonſi.

De vtilitate.

Antisthenis.

Antisthenes hostes semper obseruandos esse dicebat, ideo quòd hi primi omnium sentiant, si quid delinquas. Igitur plurimum vtilitatis ex his capere possumus, cum errores nostros castigari cognoscimus, ut cognita corrigamus deinceps. Laert. lib. 6. cap. 1.

Anacharsidis.

Anacharsis Scythia aiebat, forum esse locum mutuis hominum fraudibus ac rapinis destinatum. notans mores vendentium, per fas nefasque lucra venantium. Laert. lib. 1. cap. 9.

Xenophontis.

Suprà de Hostibus & inimicis.

Lyfandri.

Lyfander, cum egregius simulandi artifex euassisset, ac pleræque quæ crudeliter & auarè gerebat, callidis fucis ornaret, iustum non alia re quam vtilitate, & honestum commodo metiens, fatebatur quidem veritatem mendacio præstantiorem esse, sed vtriusque dignitatem ac precium vtilitate æstimandum. Inuertit vir improbus philosophorum dogma, qui quod honestum est, idem volunt vtile esse: hic quicquid esset vtile, idem ducebat honestum. Plut.

Antalcida.

Suprà de Comitatu.

Catonis.

Cato Uticensis cum Romam venisset, reuocatus est ab exercitu: non quidem ut ipsi gratificarentur, sed quòd per illum citò Carthaginem se capturos crederent. Plutarchus in Romanorum apoph.

De vul

Scilponii.

Stilpon Megarenfis, Crateti percontanti, num dii orationibus & precibus delectarentur? Istuc, inquit, & stulte ne perconteris in via, sed solum interroga. ~~Subiudicant, cum vultu effe-~~
~~det, tamen sollicitus de obsequio tui. Sed non cupit rem-~~
~~inere, quod in huiusmodi effere, cum vultu tui effe deo-~~
~~rum ore contigere.~~ Huic simillimum est quod tribuitur Bioni, qui eam questionem proponenti, verfu Homerico, ni fallor, respondit:

ἴα ἀν' ἡμῶν οὐδ' ἄσπευ ὄχλου τάλαν ἔρπ' ἐπὶ σόβῳ.

Non abiges miserande senex turbam procul à me. Laer. lib. 2. ca. 12.

Anacharsidii.

Anacharsis Scythia admirabatur, quî conveniret, vt artifices apud Græcos certarent, sed de his iudicarent artis expertes. Sentiens, de artifice neminem rectè iudicare, nisi artificem. In theatro certabant histriones, mimi, cantores & sophistæ, recitabant poetæ: quorum artes cum populus nesciret, tamen aliis applaudebant, alios explodebant. Idem lib. 1. cap. 9.

Antisthenis.

Antisthenes Atheniensium philosophus, omnia mala pro peregrinis habenda esse putavit. Sed vulgus hominum ea tantum probat, quibus assuevit: ab exoticis abhorret, non quidem hæc ob causam, quòd per se mala sint, sed quia peregrina. Eras. lib. 7. apoph. ex Diogenis Laert. lib. 6. capite 1.

Diogenis.

Supra de Laude propter utilitatem.

Eiusdem.

Idem cum quodam die theatrum ingrederetur, ipse aduersus populum nitens ingrediebatur. Interrogatus autem, quam ob rem id faceret? Hoc, inquit, in omni vita facere studeo. Sentiens, hoc sapientis esse viri, in omnibus actionibus à multitudine dissidere: propterea quòd vulgus hominum cupiditatibus agitur, non ratione. Laer. lib. 6.

Chrysippi.

Chrysippus Solensis cuidam reprehendenti, quòd non apud Aristonem cum pluribus daret operam philosophiæ: Nunquã, inquit, philosopharér, si cum pluribus auscultarem. Dictum lepidius est apud Græcos, quòd πολλοί inter dum sonat multi, interdum

terdum vulgus hominum. Sensit, non statim esse optima, quæ placent compluribus. Laertius lib. 7. cap. 2.

Demadi.

Demades orator cum esset quæstor, populo Atheniensi persuaso ut iis qui ab Alexandro descuerant, triremes auxiliares mitterent, iubentiq; ut ilico pecunias depromeret: Paratæ sunt, inquit, pecuniæ, ô viri Athenienses, quas in congios deposuerâ, ut singuli minæ dimidium acciperetis. Verum si has mauultis in hunc vsum erogari, per me quidem, ut vestris sicubi lubet uti mini, licet. Hoc sermone fregit impetum populi, nolentis illa distributione spoliari. Sic interdum, ut indomita beluæ, arte ad meliora consilia auocandus est populus. Eras. lib. 6. apoph.

Alcibiadis.

Alcibiades habebat canem quendam insigni pulchritudine, emptum drachmarum septem millibus. huic amputauit caudam, ac per urbem obambulare passus est. Demirantibus cur id faceret: Ut hoc, inquit, de me loquantur Athenienses, nec alterius rei sint curiosi. Norat ingenium populi, qui de claris viris libenter loquitur malè. Illi morbo suppeditaui materiam leuiorem. Plutarchus in Græcorum apoph.

Phocionis.

Phocion quum aliquando populum Atheniensem in conuentione aliquanto liberius reprehenderet, ei que Demosthenes diceret: Laniabit te Phocion plebs, si paululum insanierit: Quin, inquit ille, te potius, si paululum resipuerit. Bruto. lib. 7. cap. 17.

Eiusdem.

Quum Atheniensibus proditum esset oraculum, in ea ciuitate vnum esse virum qui cunctorum sententiis aduersaretur, ac populus vociferans iuberet illum inquiri, ut occiderent: Phocion philosophus insignis, in medium processit: Ego, inquit, sum ille, quem designat oraculum. Mihi enim ea omnia displicent, quæ vulgus agit & dicit. Quo dicto ostendere voluit, inconditam multitudinem, quoniam affectibus agitur, nihil sani neoagere, nec loqui. Plut. in Græc. apoph.

Eiusdem.

Idem quodam die orationem habens apud Atheniensem populum, placebat omnibus. cumque videret ab omnibus pariter sermonem approbari, conuersus ad amicos: Quid (inquit) num mali quippiam dixi imprudens? Adeo persuasum habebat, nihil placere vulgo, quod à recto iudicio profisceretur. Plutarchus

chus in Græcorum apophth. Brusonius libro 7. cap. 17.

Aristidis.

Suprà de Probitate damnata.

Themistoclis.

Themistoclem cum Athenienses contumelia afficerent, in quos multa contulerat beneficia, aiebat se similem esse platanis, sub quarum umbra accurrunt homines afflicti tempestate, & easdem simul ut abiit tempestas vellunt. Sensit vir prudentissimus, vulgi mores esse, ut belli periculis implorent opem fortium virorum, in pace verò contemnant. Plutar. in Græc. apophthegmat.

Hippomachi.

Hippomachus fistulicen, quum discipulus suus aberraret arte inter fistulandum, & nihilominus plausum auditorum assequeretur, percussit eum baculo, dicens: Perperam fistulastis, nam alioquin hi tibi non applauderent. Aelianus libro 14. de Varia hist.

Polycleti.

Polycletus insignis statuarius, eodem tempore duo simulachra fecit: alterum quidem ad vulgi arbitrium, alterum iuxta artis regulas. Gratificaturus autem plebi, ad singulorum accessum transposuit, & commutauit aliquid, morem gerens vniuscuiusque voluntati. Mox proposuit vtrumque: & alterum omnes admirationi, alterum ludibrio ac risui habuerunt. Respondens igitur Polycletus: At hoc, inquit, quod vituperatis & reprehenditis, à vestra arte profectum est: quod verò suspicitis, ego mea facultate sum fabricatus. Aelianus lib. 16. de Var. hist.

Dionysij.

Suprà de Inuidia, quæ plerunque felicitatis & virtutis comes est.

Appij Claudij.

Appius Claudius, quum in censura haberet competitorem Scipionem, Pauli Aemilii filium, populari auræ studentem, magna voce: O Paule, inquit, Aemyl, nonne etiam apud inferos indignaris, quòd filium tuum Mallius tonsor & Licinius declamator ad censuram producant? Brusonius lib. 7. cap. 17.

Catonis.

Cato senior, vir prudentissimus, populum Romanum gregi pecudum conferre solebat: quæ singula nemini obtemperant, vniuersæ autem gregis ducem sequuntur. Sic & vos, inquit, quos

quos nemo vestrum priuatim in consilium adhibere vellet, ab his hic congregati, vos agi duci que finitis. Notans populum, quod deterrimis committeret magistratus: Eras. lib. 5. apoph.

Polycarpi.

Polycarpus cum fidei suae rationem Herodi proconsuli reddere paratus esset, diem que postularet, quo cum proconsule agere posset: Proconsul voluit, ut coram populo se excusaret. Cui Polycarpus: Non faciam, inquit, cum principibus & potestatibus honos debeat, modo Deo non sit contrarius: populo autem furenti, satisfacere nemo possit. Euseb. lib. 4. Ecclesiast. historiae cap. 15.

De vulnere & cicatrice,

Cratetis.

Nicodromus citharædus. Cratetis dictis laeessitus, iniecit illi pugnum in os, & sugillauit. At Crates fronti imposuit tabellam, in qua scriptum erat: Nicodromus faciebat. itaque cum liuore suo obambulans, traduxit citharædum: festiuiter alludens ad artificum morem, qui operibus suis inscribunt, Apelles aut Phidias faciebat. Simile quiddam narratur de Diogene pulsato. Laertius lib. 6. cap. 5.

Alexandri M.

Alexander Magnus frequenter dicere solitus est: Ut maxime sanet vulnus qui delatus est, manet tamen cicatrix. Sensit vir clarissimus, vulnus facile quidem sanari posse, ut dolor omnis auferatur: cicatricem tamen, hoc est iniuriae factae memoriā, semper versari ob oculos. Eras. 8. apoph.

Callistionis.

Callistion, cognomento Prochelena, quum à quodam esset conducta seruo, isque quoniam aestiuo tempore nudus accubebat, ostenderet in corpore notas plagarum: Vnde, inquit, illa miser? quumque is dixisset, se puerum iure fuisse perfulsum, Tum illa, Nimirum vitulino. sentiens, esse flagrorum vestigia. Ex carnis vitulinis coqui faciunt ius, ex pelle vitulorum sunt lora, Eras. 6. apophth.

Timothei.

Timotheus dux fortunatissimus, cum audiret quendam acceptum in bello vulnus praedicantem, ac corporis cicatrices ostentantem: Et me, inquit, puduit, quod cum ego in Samo dux vester essem, catapulta: telum prope me ceciderat. Significans, hoc

hoc vulnus illi non factum in prælio cominus pugnati, sed procul. Sic sunt hodie Thraſones, qui vulnera à bombardis corpori inflicta ostentant omnibus, fortitudinis gloriam aucupantes: cum vulnus eminus pugnando fortassis à puero, vel ignanissimo timidissimoque homine acceperint. Eras. Rot. libro quinto apophthgma.

De vxoribus.

Aristippi.

Aristippus mulierem paruam, sed pulchram conspicatus: Paruum, inquit, malum, sed magnum pulchrum. Vel si mauiſ inuertere ſententiam: Paruum quidem pulchrum, magnum autem malum. Nam *λεῖπρον* & *καλόν* apud Græcos facile permutari poſſunt. Ant. in Meliſſ. par. 2. ſer. 33.

Socrati.

Socrates dicere ſolebat, viros oportere ciuitatis parere legibus, vxores verò maritorum quibus cum viuunt moribus. Norma enim coniugis vir eſt. Aequitas igitur docet, vt viris tanquam capiti vxores obtemperent. Eras. lib. 3. apoph.

Antisthenis.

Antisthenes cum his mulieribus habendam conſuetudinem dixit, quæ beneficium beneficio penſent, *ἀλλὰ χάρις ἀποδοῖν*, id eſt, quæ gratiam habitura ſint. Sentiens, abſtinendum ab his quæ precio vendunt inhoneſtam voluptatem, nec pariunt, nec amant mutuū: aut à valetudinariis, deformibus ac malè moratis, quæ gignunt ſœtus poenitendos. Laert. 6. 1.

Theanus.

Theano Pythagoræ vxor rogata, quando mulier eſſet munda à viro reſpondit: A ſuo ſemper, ab alieno nunquam. Laert. lib. 8. ca. 1. Bruſo. lib. 7. cap. 22.

Philonis vx.

Philonis vxor in complurium ſœminarum cœtū interrogata, cur ſola ex omnibus aureo non vteretur ornatu? Satis, inquit, vxori magnus ornatus, viri ſui virtus eſt. Antonius in Meliſſ. par. 2. ſer. 33.

Vide titulum, de Mulierum natura & moribus.

De vxo

De vxore eligenda.

Pittaci.

Pittacus Mitylenæus interrogabat quendam, quamobrem vxorem ducere nolleret? qui cum respondisset: Quoniam si formosam duxero, habiturus sum communem: sin deformem, pœnam. Haudquaquam, dixit: sed si pulchram duxeris, non erit tibi pœna: sin deformem, non habebis communem. Stobæus sermone 65.

Eiusdem.

Idem Pittacus interrogatus à quodam, qualem vxorem ducere deberet? respondit, Aequalem tibi ducito. Ipse enim cum domi haberet opulentiozem, habebat etiam morosam & imperiosam. Laert. lib. 1. cap. 5.

Chilonis.

Chilonis dictærum est, vxorem humilem modico apparatu ducendam, ne pro cōiuge dominam accersas domum, Sat enim dotata venit puella, quæ pudicitiam & honestos mores secum adfert. Proinde hoc erat vnum ex Laconicis institutis, vt virgines sine dote nuptum irent. Laert. lib. 1. c. 4.

Cleobuli.

Cleobulus æqualem vxorem ducendam esse suadebat. Si enim ex superiori familia duxeris, inquit, non affines tibi, sed dominos comparabis. Stob. ser. 3. de Temperantia.

Eiusdem.

Idem præterea dixit, filias viris elocandas esse ætate virgines, sed prudentiæ matronas. Stob. ser. 68.

Antisthenis.

Antisthenes adolescenti consulenti, Cuiusmodi vxorem ducere expediret? Si formosam duxeris, inquit, habebis communem: sin deformem, habebis pœnam. Lucidius id effertur apud Græcos, quibus quod ad voces attinet, minimum interest inter *λοῦσις* & *παισις*: quod ad rem attinet, plurimum. Suadebat itaque, media statâque (vt vocant) forma ducendam, quæ nec fastidium viro moueret ob deformitatem, nec ob insignem formam peteretur ab adulteris. Aulus Gellius libro quinto, capite 11. hoc dictum Bianti tribuit. Laert. autem lib. 4. capite 7. & Brusonius lib. 7. cap. 22. Bioni. Maximus verò ser. 39. Soloni. Ceterum Pittaco etiam attributum à Stobæo paulo iam supra recensuimus.

Democriti.

Democritus interrogatus, cur homo proceræ staturæ, tam parvā duxisset vxorem? Ego, inquit, in malo eligendo, quod minimum erat elegi. Antonius parte 2. ser. 34. Melissa.

Eiusdem.

Idem dicebat, eum qui bonum generum nactus sit, inuenisse filium: qui verò malum, simul & filiam perdidisse, Stob. ser. 68.

Aureoli.

Aureolus philosophus rogatus, paupérne an diues vxor du-cenda esset? Pauperem, ait, alere difficile est: diuitem verò fer-re, tormentum. Bruso, lib. 7. cap. 22.

Lycurgi.

Lycurgus cuidam percontanti, quam ob causam lege cauif-set, vt sine dote virgines elocarentur: Vt, inquit, neque propter inopiam vllæ relinquerentur innuptæ, neque ob diuitias expe-terentur: sed vt iuuenum quisque ad puellæ mores respiciens, ex virtute faceret electionem. Eadem de causa fucos & orna-menta, quibus aliæ formam vel fingere vel commendare so-lent, ex vrbe submouit. Vt vbique vir egregius studuit aqua-litati. Plutarch.

Pericli.

Pericles Atheniensium imperator, duobus filiam eius am-bientibus, quorum alter diues ac imperitus erat, alter verò pauper & studiosus, elocauit eam pauperi: inquiens, illum qui diues fieri possit, meliorem esse quàm qui iam sit. Stob. ser. 68.

Themistocli.

Themistoclem vnica filia pater cōsulebat, vtrum eam pau-peri, sed ornato: an locupleti, sed parum probato collocaret? Malo, inquit Themistocles, virum pecunia, quàm pecuniam viro indigentem. Valer. Maximus libro septimo capite secun-do Stobæus sermone 83. Cicero autem lib. 2. Officiorum, de sua filia id dixisse refert: quemadmodum & Plutarch. in eius vita, & apoph. item Stobæus ser. 83.

Olympia.

Olympias. quum accepisset, adolescentem quēdam aulicum duxisse vxorem elegantem quidem formā, sed famæ parum se-cundæ: Ille, inquit, non sapit, qui vxorem oculis, non etiam au-ribus duxerit. Forma cernitur oculis, fama auribus deprehen-ditur. Quidam autem nec auribus, nec oculis, sed digitis du-cunt, solam spectantes dotem, Eras. 6. apoph.

Anrelia.

Aurelia.

Aurelia Iouiani Pontani filia natu maior, amisso Paulo marito, cum à patre ad secundas nuptias hortaretur: *Quin tu, inquit, pater nuptias secundas non inis?* (erat enim is etiam viduus) *Quia,* respondit, nullam matri tuæ similem me reperturum confido. Eadem cura (respondit illa) me quoque versat pater. quod mihi placiturum Paulo æquè similem sperem neminem. Adrianus Barlandus.

De vxore ducenda.

Menedemi.

Menedemus Eretrienſis cuidam ſciſcitantī, num ſapiēti ducēda eſſet vxor? Num ego, inquit, videor tibi ſapiens? *Quum annuiſſet:* Ego, inquit, vxorem duxi. Superuacuum erat de eo dubitare, quod videret factum ab eo quem iudicabat ſapiētem. Laer. lib. 2. c. 18. Bruſo. lib. 7. c. 22.

Antiſthenis.

Suprà de Coniugio & matrimonio.

Theanus.

Suprà de Oeconomia.

Epaminonda.

Epaminondas Thebanus, vir ingentis animi, cum in cœlibatu viueret, à Pelopida reprehensus est hunc in modum: Non curas tu quidem Rempubl. qui nullos post te filios relinquis, quorum manu patriæ ſalus ritè defendi poſſit. Bruſo. li. 7. c. 23.

Metelli.

Metellus Numidicus dicere ſolebat: Si ſine vxoribus poſſemus eſſe, omnes ea moleſtia careremus: ſed quoniam ita natura tradit, vt nec cum iis ſatis commodè, nec ſine illis vllō modo viui poſſit: ſaluti perpetuæ potius, quàm breui voluptati conſulendum eſt. Bruſo. lib. 7. c. 22. ex Gel. lib. 1. c. 6.

Catonis.

Cato Maior, maiori laude dignum eum cenſebat, qui bonum ſe gereret maritum, quàm qui in ordine ſenatorio magnus eſſet. Bruſo. lib. 7. c. 22.

De vxore non ducenda.

Thaletis.

Thales Mileſius roganti matri vt vxorem duceret, Nondum eſſe tempus, dixit. dein maior natu, Non amplius

esse tempus. Stobæus sermone 66. Brufonius libro 7. capite 25.
Alexand. ab Alex. lib. 4. cap. 8.

Socrati.

Socrates rogatus ab adolescente quodam, vtrum melius censeret vxorem ducere, an non ducere? Vtruncunque (inquit) feceris, poenitebit. indicans, & coelibatum & coniugium habere suas molestias, ad quas perferendas esset praparendus animus. Coelibatum comitatur solitudo, orbitas, generis interitus, hæres alienus: matrimonium, perpetua sollicitudo, iuges querelæ, dotis exprobratio, affinium graue supercilium, garrula socrus lingua, subfessor alieni matrimonii, incertus liberorum euentus, aliæque innumera incommoda. Proinde non hic est electio, qualis est inter bonum & malum: sed qualis inter leuiora & grauiora incommoda. Bruso, lib. 7. cap. 22. ex Laetii lib. 2. cap. 5. Val. Maxi. lib. 7. cap. 2.

Eiusdem.

Socrates dicere solebat, tria se mala affecutum: Grammaticam, paupertatem, & perniciosam vxorem: quorum duo iam effugisset, perniciosam vxorem effugere non potuisse. Anton. parte 2. Meliss. ser. 34.

Eiusdem.

Idem se consulentibus de ratione matrimonii contrahendi, dixit: Quemadmodum pisces & adolescentuli, qui nondum intra nassas sunt, volunt intrare: qui autem iam intus sunt, volunt exire: sic & vos, ne idem vobis accadat videre, Antonius in Melissa, parte 2. ser. 34.

Platonis.

Plato interroganti cuidam, an vxore ducta philosophari deberet? Cum nescias, respondit, te solum seruire, an vxorem quoque super humeris te seruaturum speras? Stobæus ser. 66.

Diogenis.

Suprà de Consilio in melius mutato.

Eiusdem.

Idem interroganti, quando ducenda esset vxor? Ipueni, inquit, nondum, seni nunquam. Græcè iucundius, *μηδέποτε*, & *μηδέποτε*, subindicans, prorsus abstinendum à matrimonio. At percontator ille discere cupiebat, quo ætatis anno, aut qua anni parte expediret adsciscere coniugem, quemadmodum Aristoteles præscripsit puellæ decimumoctauum, viro trigessimum quintum: & Romani Aprilem & Iunium existima-

bant

bant auspiciatum nuptiis, Maium inauspicatum. Laertius libro 6. & Bruson. lib. 7. cap. 22.

Aristippi.

Aristippus Cyrenæus philosophus à quopiam interrogatus; An sibi ducere vxorem expediret? Negauit. Si enim duxeris, in-
quiebat, formosam, habebis communem: si deformem, pœ-
nam. Antonius in Melissa, parte 2. ser. 34.

Protagora.

Protagoras interrogatus, ob quam causam dedisset filiam
inimico nuptam? Quia, inquit, nihil ei dare poteram deterius.
Antonius ser. 34. parte 2. Melissæ.

Philoxeni.

Philoxenus poeta, cum quidam eum percontaretur, cur So-
phocles bonas introduceret fœminas, ipse autem malas? Quia,
inquit, quales oporteat esse fœminas, Sophocles dicit: ego ve-
rò, quales sint. Anton. ser. 34. par. 2. Melis.

Soloni.

Solon, quum ad Thaletem Miletum venisset, admiratus di-
citur, quòd nuptias filiorumque procreationem contempsisset;
Thaletem verò tacuisse. Interiectis autem diebus aliquot pere-
grinum subornasse, qui decimo post discessum die Athenis ve-
nisse fateretur. Hic rogatus à Solone, nunquid noui Athenis es-
set? edoctus ille à Thalete: Nihil aliud, inquit, præterquàm quod
adolescentis cuiusdam efferebatur funus, ciuitate omni subse-
quente, quod eius pater virtute & admiratione inter ciuēs pri-
mas obtineret, quem tum abesse dixissent. O illum miserum;
Solon ait. Sciscitanti verò de nomine, respondit, excidisse me-
moria: sed ob iustitiam illius, in omnium ore versatum. His
Solon in metum coniectus est. Postremò nomen peregrinò
subiecit, ab eoque contendit, Num illi Soloni nomen esset?
Annunte homine, Solon caput cedere cœpit, filium suum ob-
iisse, ratus. Tum Thales ridens ait: Hæc me Solon à nuptiis &
procreandis liberis dehortantur, quæ te hominem fortissi-
mum infringunt. & tum rem fictam esse ostendit. Bruson. lib. 7.
capite 22.

Phoronei.

Phoroneus legumlator moriens, fratri dixisse fertur: Ad
summam felicitatem nihil mihi defuisset; si vxor defuisset.
Brusonius lib. 7. cap. 22.

Eiusdem.

Cum Alcibiades magnam & pulcherrimè confectam plantam, magni amoris testimonium Socrati misisset: Xantippe suo more irata, eam de canistro deiecit, impuris conculcavit pedibus. His Socrates cum arrisisset, inquit: Num quid tu simul carebis ea? Quod si quis putat hæc puerilia esse, & nullius precii: is sanè non nouit, ex his etiam de fortibus & bonis viris probationem fieri, si morosis vxoribus ea ratione conuiuant. Aelia. lib. 11. de Var. hist.

Eiusdem.

Alcibiadi demiranti, quòd Xantippen morosam adeò diligeret: Ego, inquit, iam pridem his assueui, vt non magis offender, quam si rota, quæ aquam educit è puteo, stridorem audiam. Laert.

Eiusdem.

Eidem simile quiddam dicenti: At tu inquit Socrates, nõne domi tuæ gallinas toleras glòcientes? Tolerò, inquit Alcibiades, sed oua mihi pariunt, & pullos. Et mihi, ait Socrates, mea Xantippe parit liberos. Ibidem.

Eiusdem.

Xantippe, cum Socrati marito in publico pallium detraxisset, ac familiares admonerent, vt tantam iniuriam manu vinceretur: Nolo, inquit, vt hoc certamine vobis acclamantibus derisui sim, & causà spectaculi. Maluit vir sapiens tolerantia exemplum de se præbere: quàm ridiculum exhibere spectaculum, viri cum vxore concertantis. ibid.

Eiusdem.

Idem cum vxorem Xantippen diu rixantem tulisset, ac tandem fessus cum sedisset ante fores, illa magis irritata, de fenestra perfudit eum lotio. Ridentibus autem illis qui præteribant, & Socrates demum in risum erupit dicens: Facile futurum putabam, vt post tantum tonitru pluuiam sentirem. Eras. lib. 3. apoph. ex Laert. lib. 2.

Eiusdem.

Demiranti cuidam, in quem vsum duas aleret vxores tam rixolas: Hæc, inquit, me domi docent tolerantiam, qua mihi in publico vtendum est. Harum enim moribus exercitatus, commodior ero ad aliorum consuetudinem. Gellius lib. 1. cap. 17.

Diogenis.

Diogenes quum aliquando, vidisset mulieres ex oliua pen-

dere, laqueo praefocatas: Vtinam, inquit, & cæteræ arbores similem ferrent fructum. Erat enim Diogenes *μίσγυνος*, id est, mulierum osor, eoque cupiebat omnes videre penfiles. Laert. lib. 6. Brus. lib. 4. cap. 1.

Anonymi.

Cuidam deploranti, quod vxor sua se de ficu suspendisset: Rogo, inquit alius quidam, des mihi surculum ex illa arbore, vt inferam. per suspicionem ludens: quum vellet intelligi, sibi molestam esse vxorem. Eras. lib. 6. apoph. Brus. lib. 4. cap. 1.

Anonymi.

Philosophus quidam, cum vxorem haberet improbam & garrulam, & ebriosam, percontantibus cur talem ferret? Vt domi, inquit habeam philosophiæ gymnasium, & palastram. Ero enim erga cæteros senior, hac quotidie institutus. Sunt etiam, qui ipsum ob hanc causam illam duxisse dicant. Antonius in Melissa, par. 2. serm. 34.

Arg.

Pacuvius Ario vicino querebatur, quod in horto suo funestam haberet arborem, vnde prima vxor sese suspendisset: dein altera, postremo tertia. Cui falsissimè respondisse fertur Arius: Miror te in tot successibus inuenisse lachrymas. Item: Deum immortalem, quot tibi dispendia arbor illa suspendit. Adiecit: Amice quaeso te, da mihi ex ista arbore quos inferam surculos. Arius *μίσγυνος*, fortunatum existimabat, ab vxore liberari. Eras. lib. 8. apoph.

Catonis.

Cato senior obiurgans aliquando summam vxorum impotentiam: Omnes, inquit, homines vxoribus dominantur, non omnibus hominibus, nobis autem vxores, hoc modo colligēs, mulieres esse rerum omnium dominas. Plutar. in Rom. apoph. Ant. in Melissa, parte 2. serm. 34. Alexand. ab Alexand. lib. 6. cap. 3. Cæl. Rhod. lib. 14. cap. 14.

Eiusdem.

Cato Censorius admodum senex, Salonini villici sur filiam malè morigeram amans, quum vxorem duxisset, rogatus in campo Martio a L. Portio Nafica, num ex sui animi sententia vxorem haberet? Non herclè, inquit Cato, ex mei animi sententia. Scemma autem Naficæ in amorem Catonis fuit, Catonis autem responsum de moribus puellæ datum erat. Bruson. lib. 7. cap. 22.

Alphon

Alphonſi.

Alphonſus Aragonum rex, cum maximè inſanire dicebat, qui vxorem à ſe digreſſam, fugitiuamque perquireret. Significans, magnæ felicitàtis eſſe, ab improba & moroſa vxore liberari. Panor. lib. 4. de reb. geſt. Alphonſi.

Eiuſdem.

Idem cum aliquando Ludouicum Podium Putium, in veſte lugubri, fronte ſubtriſtem intueretur, & quid ſibi vellet luctus ille ſciſcitaretur: ac Putius, ob vxorem mortuam mœſtum ſe eſſe reſponſiſſet: ait Alphonſus, lætum potius atque hilarem eſſe cum conuenire, ob illius mortem. Nam ſi cognata mortua eſſet, tum & fratrem à mortuis ſuſcitatum eſſe. Erat autè vxor illa intractabilis, difficilis, & viro, dum vixit, admodum moleſta & infeſta, ac mariti propè mors quædam. Panormi. lib. 3. de reb. geſt. Alphonſi.

Greg. Haimburgenſis.

Gregorius Haimburgenſis, ſcientia iuris & facundia inter omnes Germanos facilè princeps, cum domum ex curia Cæſaris, in qua diu fuerat verſatus, reuertifſet, atque non longè ab oppido Nurembergenſi amicum offendiſſet, qui vxorem ſuam viuere & bene valere diceret: Si viuit vxor, inquit, ego fanè obii. Innuir autem, moroſam vxorem mariti mortem eſſe. Aeneas Syl. lib. 3. commen. de reb. geſt. Alphonſi.

Alphonſi.

Trifponius iuriſconſultus, & Alphonſi Aragonum regis conſiliarius, cum trecentos aureos Alphonſeos, quod ſupererat dotis, furto ſurreptos perdiſſet, ac propterea animo angetetur, & eſſet ſibi vxor, & illa quidem admodum moroſa, regem Alphonſum dixiſſe ferunt: Longè illi melius forè, ſi vxorem. quam pecuniam, fures abſtuliffent. Panormita lib. 1. de reb. geſt. Alphonſi.

Anonymi.

Quidam abunde comis, cum hoſpes vociferantem diutius vxorem eius, rixantemque cum ancillis, parum æquè ferret, conuerſus ipſe ad hoſpitem: Et quæ, inquit, amice impatientia eſt tua? Duos, inquit, & triginta annos huius clamores dies noctesque æquiſſimè ipſe perfero, tu verò ne dieculæ quidem ſextatē ferre eam potes? Quo dicto & hoſpitem lemit, & vxorem ab ira ad riſum conuertit. Adrianus Barlandus.

DE ZELOTYPICA.

C. Sulpitij.

Sulpitius Gallus vxorem suam repudiauit,
quod aperto capite ades egressa esset: Lex, in-
quiens, tibi meos vnus oculos prae finit, qui-
bus formam tuam approbes: his ornamenta
comparato, his esto speciosa, non aliorum ocu-
lis placens. Eras. lib. 6. apoph.

Alphonfi.

Alphonfus Aragonum rex dicebat, ita demum matrimo-
nium tranquille exigi posse, si vxor caeca, maritus autem sur-
dus fiat. Innuit autem, foemineum genus esse zelotypiae ob-
noxium, & hinc oriri rixas & querimonias: & rur-
sus marito molestam esse vxoris garruli-
tatem, qua molestia cariturus

est, si fiat surdus. Eras.

lib. 8. apoph.



FINIS.

INDEX PERSONARVM, VEL EORVM, QVO- RVM DICTA RE-

PERVNTVR.

A



Ctiipoëtæ 831	Agésilai Ephori 185.193
Achimenidis 379	Agésilai regis Lacedæmonio- rum 30. 73. 81. 87. 94. 118. 124. 153. 167. 170. 195. 197. 198. 200. 238. 282. 287. 298. 309. 322. 348. 362. 367. 371. 376. 386. 387. 412. 418. 431. 437. 447. 452. 466. 467. 668. 469. 471. 479. 488. 427. 530. 538. 543. 558. 559. 560. 574. 575. 576. 88. 598. 614. 619. 627. 633. 646. 654. 663. 681. 698. 710. 711. 714. 715. 735. 750. 755. 759. 768. 770. 789. 810. 816. 825. 834. 854. 894. 895. 911. 913. 917. 918. 919. 927. 940. 947. 954 858. 970. 981. 1013. 1024. 1030. 1033. 1038. 1056. 1065. 1072. 1074. 1083. 1084. 1085 1093. 1102. 1112. 1114
Adriani sophi- stæ 100. 477	Agésilai regis Cleobroti F. 81. 152. 310. 377. 958. Pausa- niæ F. 171. 295
Adriani imperatoris Ro. Vide Hadriani.	Agelistratæ 472
Aegilii 212	Agidis 291. 466. 578. 581. 597. 624. 626. 627. 710. 722. 734. 735. 849. 890
Aegyptii cuiusdam 66. 225	Agidis Argim filii 513
Aegyptiorum regum 727	Agidis Archidami filii 107. 384. 385. 386. 479. 570. 838. 894. 911. 1112
Aeliani 791	
Pauli Aemylui 328. 377. 460. 469 599. 704. 803. 837. 999. 1079	
Aenæ Sylui 456. 486. 630. 802. 904. 1070. 1071	
Aeschinis 146. 302. 317. 563. 733. 809. 915. 1008. 1036. 1038. 1056	
Aeschili 303. 721. 907	
Aesopi 64. 37. 372. 398. 684. 1029	
Afri oratoris 37. 43. 962	
Agapiti 611	
Agasicles 309. 427. 439. 654. 885. 896	
Agasonis Alexandri magni 1014. 1052	
Agatarchi pictoris 145	
Agatoclis 581. 706. 819. 941. 1104	
Agathonis 61. 512. 562. 655	

Agidis

INDEX

Agidis primi 16. 72. 935. 959.	Alexandri cuiusdam	367	
1013	Alexandri tyranni Phereut.	218	
Agidis ultimi 18. 188. 363. 430.	Alexadri imperatoris	481. 830	
438. 573. 1102	Alexidis	644. 980. 984	
Agrippæ 43. 111. 252	Alexini Sophistæ	555	
Agrippinæ	939	Alphonfi regis Aragonum	4.
Agrippini	899	14. 30. 42. 51. 55. 57. 58. 67. 77.	
Alberti ducis Austriæ	288	106. 112. 126. 128. 129. 161. 162.	
Alberti imperatoris	964	178. 190. 191. 248. 252. 278.	
Alcamenis Telecri filii	264.	301. 344. 345. 356. 396. 420.	
413. 439. 479. 507. 529. 573.		433. 442. 443. 447. 448. 450.	
736. 760. 822. 996		451. 458. 459. 461. 464. 470.	
Alcmenis	198	486. 487. 501. 506. 508. 533.	
Alcibiadis	90. 244. 418. 421.	547. 552. 558. 559. 563. 568.	
565. 630. 658. 664. 740. 771.		570. 577. 588. 629. 651. 682.	
848. 885. 886. 929. 1068. 1093.		689. 713. 721. 724. 730. 743.	
1117		757. 764. 785. 815. 838. 854.	
Alexandri magni 3. 12. 15. 17. 22.		859. 875. 877. 902. 903. 904.	
29. 34. 48. 60. 74. 103. 108.		910. 913. 916. 918. 940. 964.	
116. 125. 128. 137. 138. 144. 147.		965. 968. 976. 999. 1010.	
148. 149. 154. 164. 166. 198.		1012. 1035. 1056. 1063. 1068.	
199. 237. 251. 276. 292. 332.		1069. 1073. 1077. 1078. 1066.	
334. 355. 364. 365. 391. 392.		1107. 1114. 1126. 1129. 1130	
414. 431. 432. 440. 448. 454.		Amedæi ducis Sabaudia	315
455. 463. 492. 507. 531. 555.		Amasidis Aegypti regis	636.
566. 567. 628. 631. 648. 703.		746. 930.	
715. 719. 740. 752. 762. 766.		D. Ambrosii	379
772. 804. 822. 868. 878. 886.		Amphix	1030
887. 898. 910. 932. 936. 937.		Anacharsidis Scythæ	53. 72. 93.
947. 960. 967. 981. 986. 1005		116. 197. 204. 302. 304. 359.	
1015. 1022. 1024. 1072. 1073.		510. 534. 578. 622. 684. 778.	
1075. 1088. 1105. 1113.		779. 783. 830. 839. 893. 956.	
1119		1001. 1021. 108. 1114. 1115. 1116	
Alexandri Mammæ 376. 974.		Anacreontis	260. 759
1086		Anastasio episcopi	610
Alexandri Seueri Rom. impe.		Anaxagoræ philosophi	53. 72.
105. 112. 126. 160. 195. 295.		93. 118. 213. 226. 327. 368. 438.	
424. 587. 656. 705. 898. 922.		725. 744. 749. 908. 930. 988.	
934. 994. 108. 1062. 1064		1039	
Alexandri Sophistæ	95	Anaxandri Euricratidis	424.
			507.

INDEX

- 507.844
 Anaxandridæ Leontis filii 82.
 434.504.545.554.627.959.
 961.1057.1084
 Anaxarchi Abderitæ 354.565.
 590.825.1041. Eudemonici
 21.191.256.377. Philosophi
 66.733.874.1002
 Anaxilai regis 124.581.896
 Anaximenis 457.553.1045.
 1051
 Andrææ Gritti 444
 Androclidis 299. Laconis 149.
 382.388.
 Anicula cuiusdam 26.952
 Annibalis 91.196.284.292.337
 701.703.800.853.888.938.
 1034.1066.1073
 Annæ 178
 Anonymæ 61.203.224.303.
 343.518.533.597.599.826.
 1041
 Anonymi 17.19.48.54.75.80.
 84.85.88.89.90.92.131.140.
 146.150.153.167.169.172.
 175.182.188.206.210.214.
 216.226.236.266.270.282.
 284.286.289.300.302.305.
 312.320.330.333.334.335.336
 339.345.346.349.344.359.
 376.380.381.383.395.396.
 399.413.416.419.421.427.
 428.467.472.476.489.500
 505.508.509.516.517.518.
 519.521.526.527.535.537.
 554.559.562.569.594.595.
 598.603.606.609.614.618.
 625.632.634.673.678.680.
 688.690.699.702.617.769.
 774.778.779.793.798.823.
 825.840.843.856.863.871.
 873.877.880.883.907.952.
 955.986.994.1006.1008.
 1016.1021.1048.1050.1053.
 1128.1129
 Antagenis 557
 Antalcidæ 48.166.173.188.239.
 245.388.440.474.556.700.
 715.813.844.959.1113.1115.
 Antææ 767
 Antianiræ 149.175
 Antigenidæ 214.59
 Antigoni regis Macedonum
 15.20.103.127.128.144.153.
 185.284.295.328.333.369.
 390.432.463.466.467.481.
 508.518.531.545.586.659.
 665.674.689.749.744.
 806.809.820.844.856.933.
 945.994.996.999.1005.
 1047.1073.
 Antigoni secūdi 422.780.836.
 1084
 Antigoni senioris 121.856
 Antiochi regis 480.786.807.
 905
 Accipitris 403. Ephori 85.382
 Sophistæ 526 Tertii 144.
 577.698
 Antipatri 52.627.722. Cyre-
 naici 134.276.
 Antiphanis 727
 Antiphonis 452
 Antisthenis 8.20.56.62.68.79
 92.118.121.169.174.177.195.
 201.231.241.244.246.249.
 259.271.274.279.351.344.
 369.372.380.403.409.457.
 465.476.496.510.540.558.
 561.570.619.621.653.657.
 670.

INDEX

670.683.689.765.767.783.	844.845.1003	744
788.703.825.830.846.866.	Arati	108
876.885.913.917.918.927.	Arcadionis adulatoris	16
955.966.976.998.1012.	Arcesilai 242.410.572.583.	
1014.1028.1037.1044.1060	681.709.714.867	
1071.1080.1081.1085.1115.	Archelai 127.147.206.426.	
1115.1120.1121.112.	628.856	
Antistii	603	Archidamidae 677.894
Antagoræ poetæ 206.210.585.	559.786	Archidami regis Lacedæmo-
Antonii	134.519.979.	numorum 416.685.1051.1067.
M. Antonii	587.742.1048	1084
M. Antonii oratoris 318.363.	Archidami Agefilai F.87.1029	
534.917.1052	1078	Archidami Zeuxidami 90.
M. Antonii familiaris cuius-		120.574.942.1010.1062
dam 50		Archidami alterius 122.133.
Antonii Caracallæ Romæ im-		170.197.229.233.328.517.
peratoris 221.620.905.962		770.811
Antonii eremite 1014		Archidami senioris 107
Antonii Romæ imperat. 284.		Archilconidæ mulieris 382.
341.607.780.787		747
Antonii monachi 777.973		Architz Tarentini 450.523.
M. Antonini Philosophi atq;		529.638 780
imperat. 286.322.360.532.		Arenii 615
386		Argei 527.923.1046
Antonini Pii 28.159.167.183.		Argini cuiusdam 847
251.341.362.484.506.742.		Arri Philosophi 1052.1128
815.901.973		Armenis & Xerxis 471
Antonini Veri 28.169.620.		Aristarchi Theodectæ patris
520		202.967.1019.
Anyri 48.58		Aristidis iusti 1.8.96.192.326.
Apellis 145.245.401.477.536.		417.497.529.540.541.573.
551.693.848.872.873.		592.653.733.779.832.841.
Appii maioris 518.943		907.1009
Appii Claudii 617.683.698.		Aristippi 4.8.25.51.68.69.78.
972.1118		79.96.97.115.130.158.224.
Appollodori 51.137.608		232.252.264.267.268.273.
Appollodori Megarite 453		274.279.297.306.315.330.
Apollonii io. 64.410.426.		366.523.561.562.580.589.
479.512.525.655.819.842.		613.633.637.642.661.670.

INDEX

677.708.716.722.726.733.	Attilii Reguli	796
754.776.813.846.863.864.	Anfidii Modesti	844
869.969.1042.1047.1057.	Augusti Cæsaris 16.40.51.110.	
1100.1120.1125	111.113.133.146.148.156.157.	
Aristonis Philosophi 78.85.93.	158.167.185.219.220.223.227	
99.243.381.465.469.677.	300.339.340.362.367.416.	
842.856.931.1019	420.429.436.442.445.474	
Aristonymi	482.520.577.581.658.661.	
Aristophontis & Cephalii 504	675.686.687.715.721.773.	
Aristotelis Cyrenæi 123.165	793.799.813.818.824.857.	
Aristotelis Stagiritæ 47.56.	900.910.939.946.948.962.	
70.95.59.134.136.147.225.	973.1031.1037.1062.1076.	
243.249.275.280.305.314.	1106	
323.371.408.453.461.473.	Aureoli	1122
498.502.511.512.522.524.550	Aureliæ Pontani filix	1123
560.565.578.583.592.623.	Aurelii Commodi	743
642.663.680.684.688.714.	Aureliani Cæsaris 160.300.	
732.733.768.776.778.830.	706.1063.1077.	
842.867.909.957.967.969.	B	
1002.1022.1028.1059	B	
Artabani	Barbaræ imperatricis 179.	
Artaxerxis 25.32.124.153.167.	346	
350.435.545.584.585.631.	Barchæ	1076
754.1061.	Basilii magni	270.849
Asclepiadis & Menedemi 134.	Balsiani imperatoris Roma-	
592	norum	822
Ascletarionis	Battonis	604.1050
P. Asellii	Bedæ Venerabilis	319
Asinii Pollionis	Berenices Ptolomei regis vxor-	
Aspasie	ris	990
Astycratidæ	Balsi Iunii 105.217.741.849	
Atææ Scythæ	Bernardini Senensis	1115
Athanasii episcopi 258.379.	Bibuli	155.130.1010.1106
89	Bilizæ	924
Athenodori 202.239.526.891	Biantis Priænenfis 1.67.495.	
Atidis	523.588	
Attali martyris	Biantis 8.180.259.375.398.451.	
Atimachi, de Platone	510.259.540.571.621.652.	
Attali	724.725.731.738.777.801.	
M. Attilii	891.892.950.955.1021.1039.	
794	1045.1051.	

Bionis

INDEX

Bionis Borysthenitis	9. 52. 67.	Callicratidis	73. 147. 171. 229.
	87. 96. 182. 249. 259. 370. 375.		321. 389. 418. 469. 544. 737.
	380. 398. 430. 437. 476. 487.		760. 836. 995.
	494. 495. 503. 510. 564. 565.	Callistronis	1119
	582. 617. 621. 653. 716. 778.	Cambysis regis Persarum	854.
	784. 788. 824. 845. 852. 860.		955
	908. 918. 955. 979. 980. 1025.	Cani tibicinis	765
	1042. 1095	Caminii & Bedæ	319
Biraci	216	Cannæ	923
Bysantii cuiusdam	19	Barth, Caprani	374
Bithyis parafiti	823	Caracalla	404
Bosonis	534	Hier, Carbonis	629
Brasidæ	291. 389. 518. 581. 835.	Carneadis	242. 306. 372. 657.
	1013. 1093		1109
Brenni Gallorum Senonum re		Caroli imperat.	277
gis	1078	Carthaginiensium	393
Bruti	155. 394. 616. 648. 728.	Ceruihii matris	150
	849. 927. 1094	Caspari Schlicikii	904
Bubulci cuiusdam	612	Cassii	214. 492. 938
Bula latronis famosissimi	843	Cassii Seueri	425. 684. 962
Buri	605. 827	M. Castricii	987
Buridis & Spart.	832	Catherii	691
C		Catilingæ	219. 488. 839
Abriæ	740	Catonis	76. 148. 176. 175. 194.
L. Cæcilii	339. 809		319. 325. 351. 357. 364. 434.
Cæcilii Metelli	1045		480. 500. 570. 675. 802. 814.
M. Cælii	1054		844. 878. 917. 951. 1035.
C. Cæsar	76. 109. 122. 133. 146.	Catonis senioris	3. 31. 33. 58. 86.
	157. 177. 217. 223. 277. 290.		127. 155. 213. 234. 257. 294.
	295. 351. 353. 358. 395. 396.		377. 458. 481. 489. 490.
	420. 433. 460. 464. 482. 492		502. 514. 526. 545. 577. 579.
	601. 603. 632. 637. 729. 757.		620. 628. 649. 655. 657. 666.
	883. 912. 916. 961. 1033. 1090		699. 701. 716. 741. 752. 753.
Cæsar	76. 109. 122. 133. 146.		780. 792. 816. 844. 877. 925.
Cæsar	76. 109. 122. 133. 146.		953. 961. 972. 981. 998. 1022.
Cæsar	76. 109. 122. 133. 146.		1025. 1026. 1040. 1053. 1064.
Cæsar	76. 109. 122. 133. 146.		1079. 1110. 1118. 1123
Cæsar	76. 109. 122. 133. 146.	M. Catonis	475
Cæsar	76. 109. 122. 133. 146.	Catonis Censorii	53. 60. 857.
Cæsar	76. 109. 122. 133. 146.		1105
Cæsar	76. 109. 122. 133. 146.	Catonis	

Catonis

INDEX.

Catonis iunioris	194.377.	312.320.323.337.338.339.356.
927		374.419.429.456.458.460.
Catonis Portii	796	468.477.481.490.491.
Catonis Vticensis	44.113.219.	496.520.528.602.616.629.
602.697.920.1020.1115		649.666.666.667.668.676.
Catuli	212.219.424.519.808	701.720.727.784.485.787.
Conopidae	992	806.875.899.914.903.938.
C. Centonis	757	944.946.960.961.967.985.
Centurionis de Nerone	221	1007.1029.1040.1044.1062.
Cephalæ & Aristophontis	504	1067.1080.1110.1126
Cercidæ	66	Cimonis 593.763
Cercillidæ	393	Cinefæ & Alexandri 905
Cesellii	944.987	M. Cincii 39
Cesetii	817	Ciutilæ 178
Cabria	287.288.664	Claudii Cafaris 158.218.303.
Charetis	289	366.684.844.973
Chæreæ	597	Cleanthi Afii 95.136.243.
Charilli, siue Charilai siue Cha-		247.261.268.276.283.490.
rilli	174.526.625.1027.1084	493.564.592.696.709.871.
Chiomatæ Orthiagontis vxor-		980.982.1000.1014.1085.
is	923	1099
Chirofophi Dionysii adulator-		Clearchi 700.702.
is	11	Cleobuli 509.571.652.801.
Chilonis	46.53.64.96.106.	893.1121
117.123.163.181.184.226.		Cleobroti Pausaniæ filii 364.
255.259.285.398.402.428.		1050
435.495.523.571.620.621.		Cleonis 29.545
630.634.652.657.669.676.		Cleomenis 72.81.108.152.284.
657.687.676.706.707.		376.385.465.506.537.615.
730.750.796.800.848.893.		663.672.677.696.717.723.
908.816.928.982.985.		737.760.798.1102.
1000.1008.1095.1121		Cleomenis Anaxandridæ filii
Chryssippi	242.564.654.658.	100.334.564.625.626.
709.7.9.721.786.809.882.		Cleomenis Cleonbroti F. 581
992.1018.1116		Clementis ferui 404
M. Ciceronis, M. Tullii Cice-		Cleopatraz 753
ronis patris	434	Clitofophi Atheniensis adula-
M. Tullii Ciceronis	6.13.15.22.	toris 856
35.38.39.43.86.94.95.104.		Cliftenis Sicyonii 964
156.204.213.214.231.299.		Clitomachi 243

INDEX.

Clitonis	13	Craſſi & Parthorum legato-	
Chirophi	12.37	rum	358
Coci cuiuſdam	550.612	Croſſi Lydorum regis	362.
Coci Laconis	324	400.814	
Commodi imperat.	905	Cteſiphontis	811
Conſidii	984	M. Curi Dentati	22.415.763.
Conſtantii Chlorig	64.588.	792	
291		Curtii equitis Romani	38
Conſtantii imperator.	14.112.	Cyaneæ philoſophi	937
729		Cyaneſium	193.395.441.764.
Conſtantis	25	Cypriarum mulierum	75.752
Coſimæ Medices	975	Cyri Perſarum regis	66.144.
Coſimæ Flor. ducis	352	298.415.44.947.9584.576.	
Coſſæ	15	647.935.983.1011	
C. Cottæ	43.167	Cyri maioris	685.897.898
Corys Thraciæ regis	526.820.	Cyri iunioris	3.72.74.755
833.884.1047			
Coracis	691	D	
Corydi paraſiti	647.695.755.	Damatriz	233.366.700.
772.1111		alterius Damatriz	817.
Coriolani	270.364.393	Damidis	42
Coriſci	734	Damonidæ	633
Corneliæ Gracchorum	312	Hen. Danduli	443
Cornificiæ	276	Darii regis	48.56.152.155.350.
Cornificii poëtæ	419	391.400.570.945	
Crateris Thebani	8.61.168.	Deiotari regis	212
174.217.224.240.330.404.		Demadis oratoris	141.203.
433.510.588.638.751.838.		276.290.328.595.598.626.	
847.852.863.908.961.976.		679.810.845.925.937.1010.	
1026.1032.1042.1058.1091.		1117	
1119		Demarathi	11.151.325.574.711.
Cratidis Ephori	1009	770.921.1004	
Crantoris Solenſis	451.564	Demarathi Corinthii	250.
C. Craſſi	39.701.921	596	
L. Craſſi	373.528.600.783.883.	Demetrii regis	172.210.265.
1112		369.377.389.397.400.442.	
P. Craſſi	748	496.595.943	
M. Craſſi	6.104.202.263.514.	Demetrii Antigoni filii	49.
803.983.1035		459.960.1076	
Craſſi oratoris	648.748	Demetrii Antiochi filii	817
		Demet	

INDEX.

Demetrii Philosophi Cynici	882. 915. 950. 978. 1003. 1006.
750. 963. 1004	1036. 1038. 1046. 1054. 1100.
Demetrii legatorum	978
Demetrii Phalerei	54. 75. 191.
311. 327. 352. 364. 446. 496.	Darcillidæ
559. 561. 648. 805. 868. 925.	241. 597. 706
950. 1030. 1082	Diagoræ
Demetrii Pharii	256
Democharis	664. 1046.
Democratus	422. 426. 590.
1028	Didymi
Democriti	68. 272. 273. 314
399. 452. 510. 424. 548. 556.	Didymonis
589. 622. 658. 733. 783. 840.	680
847. 980. 1021	Dienecis
Democriti Aetoli	185
Democriti Milefii	2. 80. 97.
123. 128. 147. 259. 260. 368.	Diocletiani imperat.
431. 435. 437. 474. 589. 719.	34
925. 966. 991. 1037. 1039.	Diogenis
1044. 1045. 1067. 1096. 1122	5. 7. 9. 17. 23. 30. 35. 45.
Demonactis Cynici	46. 52. 57. 59. 63. 69. 77. 79.
25. 27. 30.	88. 89. 97. 98. 111. 114. 117. 121.
37. 71. 87. 100. 116. 122. 149.	127. 129. 181. 141. 182. 187. 191.
152. 177. 225. 239. 243. 256.	196. 200. 201. 202. 204. 205.
313. 323. 333. 430. 488. 495. 525.	206. 222. 228. 232. 238. 241.
578. 597. 627. 635. 637. 609.	247. 249. 253. 255. 262. 265.
718. 765. 779. 806. 867. 870.	266. 267. 268. 274. 280. 282.
942. 947. 948. 959. 984. 989.	283. 285. 297. 306. 313. 320.
992. 997. 1004. 1019. 1020.	323. 326. 327. 331. 332. 349. 354.
1029. 1033. 1036. 1054. 1061.	365. 368. 370. 371. 397. 402.
1104	407. 408. 417. 422. 423. 430.
Demonidis	433. 448. 449. 450. 461. 465.
1093	472. 473. 474. 487. 495. 497.
Demosthenis oratoris	2. 6. 10.
17. 30. 64. 100. 132. 135. 136.	501. 506. 508. 515. 523. 534.
151. 163. 166. 186. 203. 204.	548. 556. 560. 561. 570. 579.
225. 235. 245. 248. 275. 298.	580. 582. 591. 592. 598. 613.
315. 317. 372. 440. 421. 426.	614. 617. 621. 633. 639. 640.
440. 490. 560. 572. 583. 593.	662. 670. 671. 676. 677. 678.
624. 630. 659. 671. 734. 769.	680. 687. 696. 706. 708. 716.
810. 822. 814. 832. 833. 849.	717. 721. 725. 731. 744. 745.
	751. 767. 782. 783. 792. 796.
	811. 812. 818. 819. 821. 822. 831.
	841. 842. 844. 845. 853. 854.
	860. 861. 862. 869. 870. 872.
	882. 886. 891. 909. 926. 929.
	930. 931. 935. 941. 942. 946.
	949. 950. 952. 953. 955. 956.
	957. 963. 966. 969. 976. 977.
	980. 981. 984. 987. 988. 991.
	993. 994. 997. 1000. 1006.

INDEX.

1010.1015.1017.1018.1020.	Epaminodæ	42. 47.107.108.		
1022.1023.1024.1025.1016.	119.124.132.207.208.268.			
1029.1032.1033.1042.1043.	290.291.356.361.367.387.			
1053.1060.1061.1064.1065.	388. 414. 454. 499.507.			
1081.1087.1089.1091.1092.	627.647.654.698.702.720.			
1098.1099.1108.1110.1111.	718.744.745.761.792.804.			
1116.1124.1127.	814.855.917.1004.1015.1044.			
Dionis Syracusani	47.161.819.	1052.1075.1105.1123.1126.		
928	Epicharmi	598.734.1089		
Philosophi	1003.1100	Epæneti	685	
Dionysia matronæ	852	Epicteti Stoici philosophi	5.	
Dionysii cuiusdam	111.216	10.131.200.261.348.495.		
Dionysii episcopi	752	512.733.870.929.1089		
Dionysii Heracleotæ	827	Epicuri Atheniæ.	2.23.58.261.	
Dionysii iunioris	281.353.584.	409.410.726.853.891.909		
867.898.940.1046.1091	Ephialtis	759.842		
Dionysii senioris	18.55.71.116.	Ephori cuiusdam	1088	
265.290.301.322.360.540.	584.673.740.763.771.777.	Ephorum	119.151.285.428.	
798.803.820.854.928.935.	954.971.967.1020.1046.1118	619.1104		
Dionysii Sophistæ, siue Milesii	70	Ephraim Syri	343.974	
Dionysiodori tibicinis	557	Equisonis cuiusdam	...	
Diphili	109.601	Eratosthenis	502.980	
Domitiani imper.	34.483.668	Eteoclis Ephori	193.598.739	
Domitii	373	Ethoclis Lacedæmonii	21	
Domitii Afri	213.429.600.	Euboidæ	923	
519.944.950.1007	C. vel Cn. Domitii	213.794	Euclidis	225.235.929
C. vel Cn. Domitii	552	Eucriti	265	
Dorothei monachi	552	Eudamidæ Archid.	81.82.119.	
M. Drusi Trib. ple.	88	120.254.325.328.506.507.		
E		555.771.1084		
E Cherei Pheacensis	525	Eudamidis	641	
Egnatii martyris	743.850	Eudemonici	12	
Elogii	852	Eumenis	403.882	
Emerepis Ephori	765	Euphratis Syri	453	
Empedoclis	438.590.640.	Euripidis	78.183.322.359.881.	
662.699.		919.981.1003		
Ennii Senensis	630.796	Euricratidæ Alexandridæ	355	
		Eusebii Samosateni	850	
		Euagoræ	512	
		Euagorii	237	
		Eunuchi cuiusdam	60	
		Fab		

INDEX.

F

F Abii	49.457
Q. Fabii	75.393.948
Fabii Maximi	223.321.336.
	362.401.469.473.500.655.
	601.744.828.1037
Q. Fabii Minutii	442
Q. Fabritii	10.125.290.317.
	356.357.470.763.764
Faraothis Indorum regis	33
Fausti Quintillii	378.485
Fausti Syllæ filii	19.337.787
Fauorini philoso.	27.1024.
	1055
C. Figuli Iurecon.	840.949.
	1094
C. Fimbriæ	218
Firmi imperat.	300
Q. Flaminiij	123.600
Flauii	1049.1108
Q. Flauii	533
Rubrii Flauii	742
Sub. Flauii	142
Flauii Virginii	962
Francif. Elii	347
Franc. Foscari Venetorum du-	
cis	974
Franc. Puderici	346
Friderici imperat.	67.128.
	189.320.343.367.522.547.
	724.729.859.901.964.982.
	1008.1010.1011.1077.1106
Friderici III.	448
Frontini	434.442.124
Frontonis	483.493.606.879.
	905
Auli Fuluii	875
Petri Fundani	875
C. Furi Ctesini	515.551
Furnii	16

G

G Albæ oratoris	587.785.
	1007
Galbæ parasiti	39.337.686.
	799
Sergii Galbæ	329
Seruiliij Galbæ	211
Galiæni imperat.	160.749.
	890.906
Galli testis	214.650
Galli iurisp.	9
Galli sutoris	606
Gallorum	441
Gelonis Siciliæ tyranni	32.771.
	775.953.1013
Galliæ tyranni Agrigentinorū	
	998
Geminii	171.602.990.
	1058
Geradæ Spartani	18
Getae	608
Glauci	86
Glauciæ & Libonis	354
Glyconis	276
Gnatenæ meretricis	208.
	628.664.786.823.942.
	1064
Gobriæ	570
Gorgiæ Leontini Sophistæ	
	253.254.568.734.744.879.
	983.1015.1042
Gorgonis, siue Gorgus Cleo.	
	644.752.760.925.998.999.
	1061
Gracchi	365
Grannii præconis	600.741.
	840
D. Gregorii	515
Cc	3

INDEX.

Gregorij Haimburgensis	1129	1042	
Gregorij Nazienzeni	1051	Hippomachi	310.517.535.1118
Gregorij pontificis	464	Hippomaci	42
Gymnosophistarum	1085	Hircani	819
Gyrtiz	747	Val. Homuli	607.629
H			
H Adriani Imperat. Ro. 26.		Horatij	43
159.342.455.484.546.		Hormisdæ	610
569.678.682.741.859.901.		Homulij	189
906.994.1086		Hortensij oratoris	22.25
Hadriani Sophistæ. Vide in li-		Ioan. Hunniadis	785
tera A		Hybreæ	723
Hannibalis	ibid.	I	
Hannonis & Ro. Coss.	355	Iaboleni	882
Hectoris Neuiani	558	Iamblichi	70.131.1083
Hegeſippi	616	Iapſonis	673
Helenæ	752	Idathyrſi Scytharum regis	995
Helij Manciz	212	Ignatij episcopi	216
Heliogabali	651. 910. 1028.	Inarij episcopi Chalcedo.	134.
1050		611	
Heluij pertinacis imper.	608	Indi cuiusdam	257
Heraclidis Sophistæ		Indorum	1016
Heracliti Ephesi 163.302. 571.		Intapherius vxoris	401
622.640.652.1001.1096		D. Ioannis Apostoli	201.445
Herennij Pontij	467	Ioannis Capotij	283.613
Hermocratis	286.1074	Ioannis imperat.	547
Herodis Sophistæ	92.513.557.	Ioannis Pont. Maxim.	555
782.1022.1027.1101		Iouis Sophistæ	20.720
Herondæ	798	Iosephi	514
Hiemerz	1047	Iouiani imperat.	173.485
Hieronis 102.139.276.281.427		Iphicratis	287.288.291.318.
480.553.665. 679.923. 1004		479.697.784.803.917	
D. Hieronymi	106.7.0	Isachij Monachi	611
Hieronymi Rheti	116.1.8	Isæi Sophistæ Assyrij	132. 170.
Hipparchiz	1018	197.410. 566.643. 722. 879.	
Hippia	136.512	1088.1113	
Hippocratis	594	Ischomachi mimi	35.644
Hippocratidæ	499.711.925	Isidori Cynici	142
Hippocratidis	200	Isimenæ tibicinis	311.335.767
Hippodami	530.557.566.735.	Isocratis	10.69.106.143. 180.
		228.250.305.306.361.399.426.	
		456	

INDEX.

496.538.662.690.696.709.	768.779.789.791.823.824.
776.893.918.951.1003.1004.	826.832.847.867.872.880.
1110	885.892.907.951.959.960.
Itami militis 20	985.995.996.999.1004.
Iubæ regis 518.1105	1029.1601.1066.1103.1111
Iudæ Effai 257	Ladislai regis 277
Iugurthæ regis 104.757	Laidis Corinthiæ 37.693
Iuliani imperat.3.223.248.416	Lamachi 703
488.494.750.994	Lamiæ meretricis 695
Iuliani Cardinalis 279.522.	Laodamantis 779
612	Laodoci 493
Iuliæ Augusti filia 61.137.200.	Lasi 594.874.
215.234.340.753.962.1014.	Cn.Lentuli 602.883
1031.1052.1062	Leonidæ 73.74.81.107.175.230.
Iulii Drusi 181.1064	235.310.383.384.439.544.
Iulij Flori 807	581.737.835.931.971
Iulij Galli 342	Leonis Byzantij 7.170.206.
Iulij Grecini 559	834.1013.1091
L	Leonis Eurycratidis 23.133.
L Aberij mimi 603.821	409.544
L T.Labieni 270	Leontichidæ primi 229.399.
Laboti 625	409.581.672.789.920.1011.
C.Lælij 213.234.602	1027.1034
M.Lælij 374.528	Leontichidæ alterius 70.297.
Lacedæmoniorum priscorum	310.789
institutorum 89.92.101.	Leontij episcopi 522.343.974.
124.133.139.142	M.Lepidi 28.322.475.943
Lacænarum 74.149.233.286.	Leptinis 390
366.382.383.418.700.744.	Leibonactis Mitylenæi 229.
746.748.836.922.995.	957.963.
Lacidis Cyrenæi 351	Licini Vari 336.883.
Laconum ἀνώνυμα apotheg-	P.Licini 394
mata 26.74.84.115.120.132.	Labiij Episcopi Rom. 546
149.168.174.182.209.239.	Libonis & Glauciæ 354
263.269.304.308.309.375.	Liuiæ Aug.Cæsaris vxoris 143
381.382.383.391.410.411.412.	157.713.900
423.456.466.473.494.507.	M.Liuij 155
517.550.570.574.580.614.615.	Liuij Salinatoris 187.1094.
624.636.672.676.685.688.	Lochadi Polixenide 728.649
696.718.728.738.739.752.	M.Lollij 337.

INDEX.

Lucij Sophistæ	635.850	Maris episcopi	609.851
C. Lucilij	533	C. Marij 122.211.350.	401.458.
Lucræ	924	618.795 827.949	
Luculli 7.294.337.465.587.		Marij Maximi	189
650.1034		Martiani episcopi	317.342
Ludouici Bauari	195.859	Martia Caronis	178.790
Lylandri 32.94.173.239.284.		Iunij Mauricij	606
291.316.412.474.538.556.597		C. Menij centurionis Aug.194	
647.685.700.702.876.889.		741	
1035.1051.1061.1067.1086.		Maximi	943
1103.1115		Maximiliani Cæsaris	264
Lyfimachi 287.325.350.646.		Maximini imperat. 494.52.	
738		813.943.	
Lycurgi regis 24.31.83.101.115.		Maximini militum	218.359
133.165.171.175.188.227.235.		Mecœnatis	25.482
265.266.285.308.309.314.		Medij parasiti	137
390.411.499.536.553.573.		Megabatis	30
579.645.646.682.773.774.		Melanthi 169.372.526.1054	
784.801.876.889.919.925.		Melanthi parasiti	13.27
946.988.1034.1074.1102.		Melissi philosophi	663
1108.1122		C. Memnij	204
Lycurgi oratoris 507.593.759.		Memnonis ducis	664
757		Menechmi	682
M		Menedemi 199.491.559.592.	
Macarij 777.974.1095		624.642	
Macarij monachi 343.		Menedemi Eretrien. 252.426.	
522		1019.1123	
Machetæ	530	Messalæ	86.318
Scipio. Maluginensis	943	Messodami viri sanctiss.	729
Mallij	336	Messolani viri sanctiss.	456
Mancia	961	Metapontini cuiusduam	803
Manis Florentini	878	Metelli 230.1087. Cæcilij 85	
Manij Curij	34	Macedonici	184
L. Manlij	521	Numidici	1123
T. Manlij Torquati 193.442.		Q. Metelli 475.798.643	
657.818.998		Metonis Tarentini	616.932
Marcelli	603.701	Metroclis	174.276.434.927
Marciani	502	Metrodori	980
Marci imperat.	248.502	Militum in Cæsarem	489
Mariani Sozini	1126	Milonis Crotoniatæ	71.985
		Mimi	

INDEX.

Mimi cuiusdam	609	Olympiæ Alexandri matris	
Q. Fabij Minutij	294	348.989.1030.1036.1122	
Mithridatis	1066	Omuli Rom. Senatoris	52.111
Monachi cuiusdam	651	Onomademi Chij	465
Moschionis	709	Origenis	1056
Munatij	320	Orontis	353
Musonij 727.791.894.925.905		Orsinis satrapæ	585.586
1114		Osci rhetoris	27
Mycipsæ	173	Othonis imperat.	486.713.743
Myronidis	700	803.815.904.1106	
Mysoniani	100	Othonis Syluij	902
Mysonis	951.1014	Otochari	346
N		P	
Nactæ Pinarij	881	P Acatirhetoris	807
Namertis	54	Pædareti 108. 131.138. 176.	
Naucratis	525	382.440.948.1072	
Neaclis 459. Nealcis 874		Pambi	314.974
Meoptolemi histriionis	453	Pambonis	1031
Neronis imperat. 7.67.88.159.		Panetiij	59
196.220.221.281.340.351.528.		Panthaleonis	143.594.1057
620.751.766.803.839.900.		Passieni 11.	1083.973
928.990.1049		Pantholidæ 255.282.1085. 1113	
in Neronem	821	Papiz	1056
Neronis cuiusdam	421.521.	Papyrii Curforis	551
996.1040		Parmenonis	1079
Neruæ Coccij imperat.	884	Paryflatidis Cyri & Artaxerxis	
Nestoris	283.828.1086	matris 11.998	
Nicandri	115.672.796	Passieni Crispi	183
Nicesiæ	13	Pauli Aemilij	3.176.186.203
Nicetæ sophistæ	207.958	Pausaniæ	70.288.400.413
Niciæ Athen.	661	Pausaniæ Cappadocis	910.1012
Nicochis	678.680	Pausaniæ Cleombroti filij	83.
Nicolai v. Pont. Max.	344	580.839.880.959.970.1061	
Niconis meretricis	693.942	Pausaniæ Plistanaetis filij	209
Nicostrati ducis 233.426.536.		210.284.579.847.959	
806.912		Pausaniæ alterius	122.679.681
Nonij	1035	Pausimachi	1063
O		Pausonis pictoris	140
O Enipodis	619	Pedareti	230
Oetæi	32	Pelopidæ 74 192.268.294.389.	

I N D E X,

413.595.739.740.760	Philosophi cuiusdam	226.250.
Periandri 180.652	Philostrati	663.750.
Periclis 47.72.113.146.180.197.	Philotimi medici	676.720.
313.331.432.478.494.538.552.	Philoxeni 36.335.596.644.682	
622.711.691.805.809.855.	1020	
970.1033.1063.1087.1122	Philoxeni poetæ 80.192.268.	
Perfarum 227.685	566.593.752.880.1093.	
Perseæ 1041	Phocaidis	922
Persei 774.917	Phocionis Atheniensis 11.47.	
Pertinacis imperat. Rom.181.	130.132.184.208.227.244.	
192.420.742	294.349.413.473.504.542.	
Pescennij nigri Imperat. 441.	593.631.654.686.689.698.	
486.508.552.554.557.699.	700.740.744.757.761.762.	
974.999.1011.	777.781.792.832.840.755.	
Pescennij Ruffi Neronis vitri-	913.914.935.1043.1057.1083.	
ci 125	1101.1117	
Petri Summonij 347	Phocionis vxoris	601
Phalaridis tyranni 1047	Phocionis, Antipatri	57
Phauorini philosophi 41.459.	Phoronzi legumlatoris 1125.	
631	Phrynes insignis meretricis	
Phænicidis 691	135.417.692.693.1031.1038.	
Pheraulæ 263	1063	
Philemonis 164.541.709.951	Photij Patriarchæ	1:7
Philippi Macedonis 37.51.57.	Pij pontificis	113.
90.124.129.154.164.204.289	M. Pinarij	675.821.831
292.295.311.353.400.417.	Pindari	93.110.557
454.471.492.518.530.531.	Piratæ cuiusdam	74.
532.681.687.697.707.722.	Pisistrati 53.148.152.301.664.	
756.772.817.818.868.898.	800.1013	
912.931.932.935.941.946.	Cn. Pisonis	601
1057.1075.1079.1090.1105	Pittaci Mitylenzi 64.129.150.	
L. Philippi 601.	177.296.363.402.477.572.	
Philippi oratoris 37.212.	652.715.777.780.801.893.	
Philippiadis poetæ Comici 78	906.1000.1070.1085.1095.	
Philippidis 790	1121	
Philisci 899.915	Placillæ Theodosij imperato.	
Philodis 596	vxoris 164.335.437.901.	
Philonis lud. 10.240.379.893	L. Planci 13.40.339.668.750	
Philonis vxoris 1029.1120	Platonis 10.23.34.41.59.63.69.	
Philopœmenis 210.334.373	89.92.99.118.131.199.205.	
	228.	

INDEX.

228.262.275.286.297.304.	Populiæ	61.618
324.365.68.370.426.446.	Poppeæ Neronis vxoris	753
478.497.498.503.506.522.	Pori Indorum regis	390
524.541.563.565.572.590.	Porſenæ	155
641.641.661.662.686.716.	Portiæ minoris	176.179
720.72.749.778.781.788.	Portij Latronis	808.961
797.805.866.793.909.1020	L.Portij Naſicæ	519
1022.1029.1053.1055.1059.	Poſſidonij	262.827
1078.1058.1124	A.Poſtumi	1073
Plinij maioris	C.Potitij	757
Pliftarchi	Praxaspiſ	143.1058
Plotini philoſ.Platonici	Præneſtini cuiuſdam	837
Plotinæ Traiani Impera.vxo-	Priuernatum legatorum	501
ris	Probi Imperator.	420.552.553.
Polemonis Sophiſtæ	799.815	
246.251.429.494.517.643.	Proculeij	40.86
683.689.720.958.1056	Prodicti	59.415
Poli Sophiſtæ	Protagoræ Abderitæ	488.1125
Polycarpi martyris	Potogenis & Appelliſ	873
850.1119	Procli Ancratitiſ	314
Polycreti ſtatuarij	Proculi 79 Promethei	5
Polycratidæ	Pſammeniti Aegyp.regis	54.
Polydori	Pſammetychi regis	711
Polydori Alcamenis filij	Ptolemæi regis	153.350.415.533
227.711	550.586.1048	
Polizeni	Ptolemonis	335.494
Poltyis regis Thraciæ	C.Publicij	230
Afinij Pollionis	Publij cuiuſdam	514
Pollenij Sebennij	Pyladiſ hiſtrionis	229.477
Pōpeij Magni	Pylagri	525
50.76.236.257.	Pyrrihi Epirotarū regis	90.91.
292.319.358.395.492.501.	292.301.318.393.419.436.463	
545.551.602.629.650.660.	505.594.666.674.703.772.	
675.705.712.837.838.899.	812.820.933.941.971.1070	
921.938	Pyrhonis Eliæ.phil.	29.331.566
Pōponij Marcelli	728.979.1041.1089	
Pomponij Attici	Pythagoræ philo.	7.64.69.123.
Pontij centurionis	165.182.259.296.303.550.589	
Pontidij	637.653.661.713.792.831.860	
C.Pomp.lenatis	876.892.905.906.1055.1089	
Populi Romani	Pyth	
539		

INDEX

Pythææ oratoris	671	441.490.703.791.1025.
Pythææ 605. Aristotelis F. 925.		Scipionis Minoris 49. 97. 392.
952		450. 433. 459. 460. 532. 600.
Pythionis Bizantii	169. 436	648. 649. 704. 741. 795. 914.
		919. 934. 997. 1033. 1113.
Q Veraldi Senatoris	215	Scipionis Nasicæ 33. 515. 587.
T. Quintii Philopœm.		798. 820
248. 846. 960. 1048. 1073.		M. Scipionis Maluginensis 943
1076		Scopæ Theſſali ſtatuarii 856.
Quintilii Plautiani	729	1017
Quirini Sophiſtæ 151. 207. 636		Scopeliani Sophiſtæ 203. 788.
		805
R Eguli	33	Scurræ cuiuſdam 228
Rhemnii Palæmonis	618	Scytharum 364
Rhodii cuiuſdam	629	Secundi Sophiſtæ 79. 727. 752.
Rodolphi imperat. 4. 161. 547.		979
939		Seleuci regis 659. 1085
Romani populi	539	Semiramidis Carû reginæ 103
Romanorum	41. 244. 468	Senecæ 682
Pol. Romuli	984	Serbidii Scæuolæ 494. 539.
Romuli regis Rom. 200. 401.		748. 844
992. 1011		Sergii Galbæ imperat. 705
P. Rutili 50. 327. 546. 857		Sergii II. Pont. 444
		Seriphii cuiuſdam 830
S		
Saladini Aegiptii	575	Sertorii 186. 203. 288. 833
Saturnini 482. 658. 934		Serrillii 799
Satyri fiſtulinis	768	Caſſ. Seueri 425. 684. 808. 829.
Scæuolæ	103	1106
Q. Scæuolæ Pub. F.	545	Q. Seruili 1043
M. Scauri	43. 113	Seruili Vaciz 799
Sciluri Scythæ	172	Seueri imperat. 114. 150. 173.
Scipionis 145. 182. 169. 361. 393.		402. 485. 551. 712. 900. 939.
475. 492. 784. 1076		962
Scipionis Aemiliani 165. 199.		Seueriani 1094
219. 441. 655. 675. 718.		Sex. Philoſophi 635
Scipionis Africani 245. 289.		Sfortiæ 16. 215. 669. 962
321. 419. 428. 458. 481. 599.		Sicini hominis maledici 666
701. 704. 712. 794. 885. 960.		Sigifmundi imperat. Rom. 14.
972. 1037.		65. 112. 161. 190. 264. 277. 279
Scipionis Maioris 155. 293. 357.		281. 459. 470. 475. 486. 588.
		610

INDEX

610. 668. 802. 845. 859. 910.	745. 765. 790. 801. 822. 832.
912. 965. 1008. 1077	876. 889. 892. 931. 968. 980.
Sileni senis 455. 727	986. 991. 1099. 1126.
Simonidis 53. 97. 135. 163. 236.	Sophoclis 303. 983
261. 435. 438. 452. 560. 572.	Sophronii episcopi 774
593. 690. 855. 1001. 1039	Sofistrati tibicinis 477. 783
Simonis Atheniensis 614	Spartaci 764
Silini Constant. episc. 343	Spartani cuiusdam 83. 85. 209.
Socratis 1. 30. 44. 45. 46. 52. 54.	832. 885
62. 63. 65. 66. 70. 78. 93. 99.	Spartanorum 199
107. 127. 129. 136. 140. 142.	Sphæri philosophi 80. 512. 803
145. 151. 164. 166. 168. 180. 223	Speusippi 717. 1090
224. 225. 227. 228. 231. 236.	Spurinæ Aruspicias 228
247. 256. 261. 262. 266. 271.	Stephani Contareni 443
272. 304. 305. 323. 330. 347.	Sthenii & Pompeii M. 899
349. 360. 368. 370. 402. 404.	Stilponis Megaræsis 71. 80. 208.
405. 406. 407. 430. 431. 433.	217. 232. 28. 281. 457. 615. 1018
438. 444. 445. 446. 468. 476	1025. 1043. 1059. 1116
502. 503. 516. 524. 537. 549.	Stoicorum 217. 1082
554. 558. 561. 572. 579. 590.	Stratoclis Athe. 109. 349. 942
617. 619. 630. 636. 640. 641.	Stratonis physici 110. 251
657. 662. 669. 670. 679. 683.	Stratonici citharædi 36. 37. 114
695. 707. 714. 715. 722. 725.	117. 229. 240. 250. 251. 299.
731. 732. 743. 745. 754. 755.	326. 336. 350. 418. 455. 527.
757. 758. 776. 781. 782. 783.	534. 535. 557. 618. 643. 678.
795. 797. 810. 816. 819. 822.	688. 691. 714. 768. 776. 786.
831. 841. 846. 853. 866. 871.	822. 871. 887. 907. 1038. 1044
876. 884. 888. 890. 893. 986.	Subrii Flavii Trib. 142
909. 918. 925. 929. 953. 957.	Sulpitii Apri 605
969. 987. 989. 992. 993. 1000.	C. Sulpitii Galli 577. 998. 1031.
1017. 1020. 1021. 1022. 1023.	1088. 1130
1028. 1032. 1040. 1041. 1042.	Syagri Lacedæmo. legati 440
1053. 1054. 1056. 1059. 1081.	Syllæ 76. 219. 358. 370. 394. 632
1082. 1083. 1091. 1096. 1097.	814. 825. 878. 881. 917. 938.
1098. 1107. 1120. 1124. 1126.	983. 1078. 1105
1127	Syluani episcopi 851
Solonis Salaminii 51. 56. 118. 235	Syluestri episcopi 112
246. 265. 271. 353. 365. 367.	Actii Synceri 515
369. 437. 449. 451. 490. 502.	Synnide Laconis 380
537. 571. 578. 623. 634. 652.	P. Syri 178. 780
	Taci

INDEX

T		516.567.593. 623. 643. 783.
T Aciti Rom. imperat.	416.	822.914.1003
	949	Theodori Atheniensis cogno-
Tadæi Apostoli	270	mento Athei 5.143.250. 421.
Tarquini Superbi	55	594.839
Talsi Hermonæ	328	Theodori Cyrenensis 849
Testamenis	504.736	Theodori Cytheræi 1090
Telamonis	749	Theodori Gadaræi 220.724
Telecri	166.269.363.440.	Theodori Macedonis philoso-
P. Telefani	219	phi 192.598.734
Teleuciæ Spar.	233.366.818	Theodorici episcopi coloni.21
Teleuciæ alterius	818	Theodosii Rom. imperat.177.
L. Terentii	436.609	87.9.973.1095
Teretis Sitalci	121	Theodosii iunioris imperat.
Teuciri	327.831	159.160.1106
Thaidis meretricis	1031	Theodora & Socratis 694
Thaletis Milefii	6.17.28.47.68	Theodoti Aegypti regis præ-
	77.109.163.236.237.238.271.	ceptoris 1049
	348.352.363.368.398.437.509.	Theoduli Martyris 852
	510.537.540. 620. 633. 634.	Theophrasti 59.123.275.294.
	684. 689. 724. 780. 781. 853.	372.457.654.876.952
	860. 893. 916. 955. 965. 936.	Theophrasti Eresii 723.775.
	969.991.999.1016.1021.1039	1002.1039
	1044.1055.1087. 1095. 1113.	Theopompi 42.439. 447. 463.
	1123	479.502. 614. 711. 715.716.
Theaginis Ianii	911	783. 791. 835. 838. 897. 934.
Theanus Pythagoræ	525.752.	945.971.1088.1113
	801.1120.1123	Theramenis Lacedæmo. 357.
Thearidæ	136	727.739
Themistii philosophi	10	Therycionis 700.911
Themistoclis Atheniensis	23.	Thesæ Dionysii sororis 176
	29.119.130.172.187.208.209.	Thomæ Sarzan 784
	260. 276. 286. 311. 431. 434.	Thomæ Pontani 62.976
	474. 497. 509. 512. 513. 529.	P. Thralex 378.454.605.802.
	554.556.572.596.655.659.683	1091
	697.723. 756. 793. 794. 801.	Thrasibuli 833.104
	807. 830. 836. 874. 887. 945.	Thucididis 318
	949.1009.1056.1064.1066.	Tiberii Cæsaris 220. 300. 322.
	1082.1087.1118.1122	464.493.650.668. 675. 680.
Theocriti Chii	164.243.373.	741.774.787.829. 8.8. 900.
		1005

INDEX

1005.1092.1106	Vespæ Tetentii	40
Tigrannis Armenię regis 1073	Fl. Vespasiani patris 104.105.	
Timandridæ Lacedæmo. 584	125.126.225.341.555.568.668	
Timonis Atheniensis 218.671.	675.968	
1045.1043.1092	Titî Vespasiani 25.104.126.159	
Timonis Misanthropi 41.100	194.352.505.522.551.582.587	
Timonis Nicæi 15.134.348	668.712.788.814.829	
Timothei 293.845.9090	Veterani cuiusdam 840	
Timothei Cononis filii 594.	Vetulæ cuiusdam 26	
867	Vibii Crispi 300.341.696.799	
Timothei ducis 392.408.474.	944	
899.833.1102.1119	Victoris Proconsulis Cartha-	
Timothei musici 99:232	ginis 851	
Trachali Suellionis 525	Virginii 181	
Traiani Rom. imperat. 25.159.	F. Virginii 808	
167.234. 483. 546. 607. 845.	Vitellii Rom. imperat. 222	
900.1067	Vitoldi Lituaniæ ducis 577	
Tritantæchimis Artabani F.	Voltacilii Pitholai 336.460.	
889	660.667	
Trophili medici 678	Volumnii 50.328.1085	
Turbonis Adriani Roma. im-	Vulgi 628	
perat. præfecti 396.472	Vxoris Hannibalis 218	
Turonii 329	Vxoris Phocionis 414	
Tynnichi Thrasibuli F. 748	Vxoris Pythii 102	
Tyresii principis Celtici 173	X	
V	X Anthi 491	
V Alentiniani Rom. impe-	Xantippæ Socraticæ 192	
rat. 77.484	Xenæneti ducis 421	
C. Valerii 666	Xenocratis 108. 270. 503.592.	
Valerii Homuli 629	623.676.942.1087.	
Valerii Publicolæ 948	Xenocratis Chalcedonii 47.	
Valeriæ Messalarû sororis 178	55.72.109.168.224.524.709	
Vari equitis Romani 882	1001.1095	
M. Varronis 463	Xenophanis Colophonii 663.	
Vasconis 4	957.967.1045	
Vatinii 323.338.473	Xenophontis Lagi filii 796	
Vectii Melsii Volsci 781	Xenophontis Socratici 240.	
Vectii Valentis 890	466.583.749.824.894.1115	
Aclii Veri Commodi impe-	Xerxis 357.390.414.469.471.	
rat. Rom. 884	480.647.700.756.1046	
	Zaleuai	

dato 85

INDEX

Z		558.622.630.636.708.790 ^o
Z	Alenci, vel zeleuci Locren	804.828.862.863.869.870.
	tium legislatoris	908.956.991.1001.1016.
	Zenobia reginæ	1018.1028.1039.1109.1110
	Zenonis Cittiensis philosophi	Zeuxidami 254.376.738
	2.6.31.46.62.95.131.139.140.	Zeuxidis 338
	191.197.202.224.238.241.	Zisca imperat. 396.990
	246.247.249.251.297.358.	Zoili Amphipolitani 662.671
	370.374.399.402.422.425.	Zuchari hominis facetissimi
	437.452.523.540.561.589.	911

FINIS.



LVGDVN.

Excudebat Michael Syluius,

1556


453

23-17-15

for hand. 18-11 20.6

184

580



176

150

18-1-1915